



2. 2. 87

2 H. 2.

1771

BENEDICTI XIV.

PONT. OPT. MAX.

O L I M

PROSPERI CARD. DE LAMBERTINIS.

PRIMUM ANCONITANÆ ECCLESIAE EPISCOPI,
DEINDE BONONIENSIS ARCHIEPISCOPI

D E

SERVORUM DEI BEATIFICATIONE

E T

BEATORUM CANONIZATIONE

LIBER QUARTUS

EDITIO TERTIA AUCTIONIOR, ET CASTIGATIO

A D U S U M

ACADEMIAE LITURGICAE CONIMBRICENSIS.



ROMÆ, MDCCXLIX.

EXCUDERANT NICOLAUS ET MARCUS PALEARINI

ACADEMIAE LITURGICAE CONIMBRICENSIS TYPOGRAPHI.

SUPERIORUM FACULTATE.

D.VII
1842

THE JOURNAL OF THE

ROYAL SOCIETY OF MEDICINE

AND

THE LANCET

NEW YORK

1911

Vol. 11, No. 1

SS. D. N.
BENEDICTI XIV.
OPERA
IN DUODECIM TOMOS DISTRIBUTA
TOMUS IV.

THE UNIVERSITY OF CHICAGO

THE UNIVERSITY OF CHICAGO
LIBRARY

NOV 2 1904

INDEX CAPITUM

PRIMÆ PARTIS LIBRI QUARTI.

CAP. I. D E Miraculis, & Miraculorum gradibus.	Pag. 2
II. De causa efficiente Miraculorum.	16
III. De malis Angelis, Infidelibus, Hereticis, & Antichristo, & demum de Peccatoribus, quoad miraculorum patratiōem.	27
IV. De fine Miraculorum, & de differentiis inter vera, & falsa Miracula.	47
V. De Miraculorum necessitate in Causis Beatificationis & Canonizationis.	62
VI. De Miraculorum numero, & qualitate in Causis Beatificationis & Canonizationis requisita.	85
VII. In quo dicta in Capitibus precedentibus confirmantur doctorum virorum scriptis a Gallis ad nos delatis.	97
VIII. De Divina mirabili sanatione a morbis & infirmitatibus.	111
IX. De Cacorum illuminatione, qua miraculo fit.	138
X. De concessis, aut restitutis loquela Mutis, & auditu Surdis per miraculum.	149
XI. De Divina admirabili sanatione Claudorum, & aliquorum impotentium ad ambulandum, itemque Gibborum.	158
XII. De sanatione Paralyticorum, qua miraculo fit.	166
XIII. De admirabili Divina sanatione Epilepticorum, & passione hysterica laborantium.	178
XIV. De mirabili Divina sanatione a Mania, & Hydrophobia.	186
XV. De Divina admirabili sanatione ab Hydrope, ab Empyemate, & Hernia.	196
XVI. De liberatione a fluxu sanguinis, ac generatim ab hemorrhagiis, & de vulnerum sanatione, qua miraculo fiunt.	213
a	De

XXVII. De mirabili Dignâ sanatione a Lepre, Cancro, Gangrena, quibusque quibusdam morbis.	331
XXVIII. De sanatione a febre, quando sit miraculo adscribenda.	349
XIX. De sanationibus a variis infirmitatibus, quæ miraculo sunt.	374
XX. De Partu, qui miraculo sit.	396
XXI. De revocatione Mortuorum ad vitam, seu de resurrectione.	319
XXII. De Miraculis negativis.	344
XXIII. De rerum multiplicatione, & rerum in alias res conversione.	360
XXIV. De Miraculis, respicientibus dominium, in elementis, & irrationalibus creaturis, & plantis.	370
XXV. De quibusdam Miraculis, quæ in celis, & in terra contingunt.	382
XXVI. De sudore sanguineo, & sanguineis lacrymis a corpore & oculis Servorum Dei immanantibus, & de lumine & splendore, quibus eorum facies aliquando resurgunt.	395
XXVII. De longa abstinencia a cibo, & potu; an, & quando miraculo sit adscribenda.	413
XXVIII. De quibusdam spiritalibus Miraculis.	425
XXIX. De ejjectione Daemonum a corporibus obsessis.	433
XXX. De Cadaverum incorruptione.	447
XXXI. De nonnullis cadaverum qualitatibus, & de sanguine, liquore, & odore, qui a cadaveribus manant, an miraculo sint adscribendi.	470
XXXII. De Beatorum, & Sanctorum Apparitionibus, an inter miracula recenseri possint.	496
ULT. De Imaginatione, & ejus viribus.	508

INDEX CAPITUM

SECUNDÆ PARTIS LIBRI QUARTI.

CAP. I.	DE concessione Officii & Missæ in honorem Beatorum Beatificatione propria, qua formalis dicitur.	535
II.	De nonnullis questionibus, quæ sunt a Doctoribus quoad ea, quæ in præcedenti Capite dicta sunt.	540
III.	De concessione Officii & Missæ in honorem Beatorum Beatificatione æquipollenti, & signanter per cultum immemorabilem.	550
IV.	Iterum de eadem materia, & signanter de nonnullis difficultatibus ad eandem pertinentibus, examinatis in sacrorum rituum Congregatione, & de concessione lectionum propriarum in honorem Beatorum Beatificatione æquipollenti.	560
V.	De concessione Officii & Missæ in honorem nonnullorum Beatorum, qui sunt in antiqua cultus possessione, vel antiqua habent venerationis Indulgentia, licet in eorum Causis nunquam confectus fuerit processus super Causæ excepto.	564
VI.	De concessione Officii & Missæ in honorem Sanctorum canonizationum.	574
VII.	De nonnullis aliis Officiorum concessionibus pro quibusdam particularibus locis.	587
VIII.	De aliis rursus Officiorum concessionibus pro quibusdam particularibus locis.	593
IX.	De Officiorum concessione ex iisdem titulis facta pro Ecclesiâ universali.	599
X.	De concessione Officiorum propriarum.	609
XI.	De Titulis Apostoli, aut Doctoris, quibus nonnulli Sancti appellantur in Divinis Officiis aut in particularibus Ecclesiis, aut in Ecclesiâ universali.	635
XII.	In quo aliis adduntur de Titulo Doctoris, alia autem exponuntur de Titulo Martyris, & de Titulo Virginis.	646
XIII.	De Brevariario Romano, & ejus auctoritate, aliisque nonnullis rebus, quæ pertinent ad Officia Divina.	656

<u>XIV. De Electione Sanctorum in Patronis.</u>	687
<u>XV. De Cultu Sanctis in Patronis electis exhibendo.</u>	678
<u>XVI. De Imminutione Fiestorum de præcepto.</u>	683
<u>XVII. De Martyrologio Romano.</u>	707
<u>XVIII. De Nominum Descriptione in Romano Martyrologio.</u>	718
<u>XIX. De Elogiis, quæ in Martyrologio Romano nominibus Sanctorum in eo descriptis adduntur, & de nonnullis Decretis sacrae Congregationis ad idem Martyrologium pertinentibus.</u>	728
<u>XX. De Nominum Sanctorum additione in Litanis.</u>	737
<u>XXI. De sacris Imaginibus, & nonnullis controversis ad eas pertinentibus.</u>	762
<u>XXII. De Translatione Corporum.</u>	774
<u>XXIII. De modo, quo fieri debent sanctorum Corporum Translationes.</u>	788
<u>XXIV. De Identitate sanctorum Corporum, & Reliquiarum.</u>	798
<u>XXV. De nonnullis questionibus pertractatis in sacrorum rituum Congregatione quoad sanctorum Corporum identitatem.</u>	807
<u>XXVI. De loco, in quo sancta Corpora sacraque Reliquiæ debent conservari, & de aliis ad Corpora & Reliquias Sanctorum pertinentibus.</u>	831
<u>XXVII. De Sanctis Baptizatis.</u>	848
<u>XXVIII. De extractione, custodia, & distributione sanctorum Corporum & Reliquiarum, quæ extrahuntur ex Cæmeteriis Urbis, & de cultu illis debito.</u>	862
<u>XXIX. De cultu Sanctorum veteris Testamenti.</u>	877
<u>XXX. De Angelis, & eorum Cultu.</u>	884
<u>XXXI. Nonnulla miscellanea in sacrorum rituum Congregatione examinata, vel approbata, vel reprobata.</u>	851
<u>CAP. ULT. De examine nonnullorum Miraculorum, quod aliquando fit in sacrorum rituum Congregatione ordinaria.</u>	882



DE SERVORUM DEI
BEATIFICATIONE,
ET BEATORUM
CANONIZATIONE
LIBER QUARTUS, ET ULTIMUS.

PARS PRIMA,

In qua agitur de Miraculis.



Quamvis in præcedentibus libris hujus Operis plura dicta sint de necessitate miraculorum in causis Beatificationis & Canonizationis sive Confessorum sive Martyrum, de rationibus, propter quas in his causis miracula sunt necessaria, de numero & qualitate miraculorum; num videlicet sufficiant miracula patrata in vita, an necessaria sint miracula post obitum; num pro Beatificatione & Canonizatione sufficiant tertii generis miracula, an aliqua sit differentia inter signa & miracula, uti colligi potest ex lib. 1. cap. 22. num. 10. cap. 26. num. 1. cap. 28. & seqq. cap. 30. num. 10. cap. 32. num. 2. & seqq. cap. 33. num. 15. & seqq. & rursum lib. 3. de dono miraculorum aliqua adnotata sint, cum sermo esset de Gratiis gratis datis: operæ nihilominus pretium esse Nobis visum est hic peculiariter de miraculis agere, de quibus sedulum instituitur examen in sacrorum rituum.

Tom. IV.

A

tuum

taum Congregatione non modo pro Beatificatione, sed etiam pro Canonizatione obtinenda, juxta ea quæ in citato primo libro dicta sunt: arreptaque occasione, latius aliqua explicabuntur, quæ obiter & in transitu locis indicatis attigimus.

CAPUT PRIMUM.

De Miraculis, & Miraculorum gradibus.

¹ **D**Uplex est ordo totius naturæ creatæ, a Deo institutus; alter naturalis, quo visibilis hic mundus regitur & gubernatur; alter supernaturalis (si licet hac voce uti), qui pertinet ad Gratiâ, & gloriam Sanctorum: & quamvis quæcumque ad hunc ordinem supernaturalem pertinent, miraculo adscribenda sunt, si comparentur ad ordinem naturalem, cum cum longissime excedant, quemadmodum sunt Incarnatio Filii Dei, Virginis Conceptus & Partus, Resurrectio Christi, Missio Spiritus Sancti, Sacramentorum operatio, corporum glorificatio; hæc tamen non sunt ea miracula, de quibus in præsentî agendum est, cum ad alium ordinem rerum a Deo institutarum, & nobis notum per Fidem, revocentur. Ad hunc ordinem pertinet impij justificatio, de qua aliqua infra; & licet hæc, spectato ordine supernaturali a Deo statuto, miraculum ne in eo quidem ordine ut plurimum dici possit, inter miracula tamen hujus ordinis recenseri potest, si contingat modo extraordinario, uti contigit S. Paulo Apostolo, luce videlicet de cælo emissa, voce Christi audita, corporis prostratione, oculorum excæcatione.

² Sermo ergo noster ad ordinis naturalis, & sic inferioris miracula restringitur, de quibus *Exodi* 11. v. 4. hæc habentur: *Hæc dicit Dominus: Media nocte egrediar in Ægyptum: & morietur omne primogenitum in terra Ægyptiorum &c. Erisque clamor magnus in universa terra Ægypti, qualis nec ante fuit, nec postea futurus est. Apud omnes autem filios Israel non mutiet canis ab homine usque ad pecus; ut sciatis, quanto miraculo dividat Dominus Ægyptios, & Israel. Et rursus Numer. 26. v. 10. Et factum est grande miraculum, ut, Core pereunte, filii illius non perirent.*

³ Divus Thomas 1. part. quæst. 110. art. 4. in corpore docet, miraculum esse illud, quod sit præter ordinem naturæ: *Miraculum proprie dicitur, cum aliquid fit præter ordinem naturæ: quod didicisse videtur a S. Augustino. Ita enim eadem 1. part. quæst. 105. art. 7. scribit: Augustinus dicit 26. contra Faustum, quod cum Deus aliquid facit contra cognitum nobis cursum solisumque naturæ, magnalia, vel mirabilia nominantur.* Advertit tamen idem S. Doctor 1. 2. quæst. 113. art. 10. ad secundum, non statim ac aliqua res naturalis moveretur contra suam inclinationem, opus adscribendum esse miraculo; aliquin aquam calcheri, & lapidem sursum projici miraculum esset; sed miraculum contingere, quandoque hoc fit præter ordinem propria causæ, que nata est

est facere hoc. Naturæ ordo est, ut saxum, utpote corpus grave, tendat deorsum & non sursum; & ut aqua, utpote corpus frigidum, quantum ex se est, sit semper frigida & non calida. Duobus autem modis ordo hic perverti potest. Primus est, si agens a natura institutum, puta manus, admoveatur saxo, illudque in altum projiciat, aut si ignis applicetur aquæ, ut eam calefaciat: nec hic profecto modus prodigiosus aut supernaturalis censeri potest; quin immo prodigiosum & supernaturale esset, si manu apta ad impellendum & impellente, saxum sursum non tenderet, aut si aqua non calefieret, etiam si ei ignis ad calefaciendum sufficiens applicaretur. Alter modus est, si Deus, qui in se eminenter continet virtutem manus, & ignis, & cujuscumque alterius agentis creati, habentis virtutem ab illo, quique sine illis operari potest nedum quantum ipsi operarentur, sed plusquam ipsi operarentur, alicujus ex. gr. Sancti intercessione, sine manu, sine igne, eosdem produceret effectus, quos manus & ignis efficient, imperando simpliciter saxo, ut sursum tenderet, & aque ut calefieret. Ut enim ait Theodoretus, *quod ceteris Artificibus est materia; & instrumenta, necnon tempus, & labor, & diligentia, hoc univ[er]sorum Deo voluntas est.* Modulus hic profecto esset prodigiosus, & recte dici potest operatio præter ordinem propria causa qua nata est facere hoc.

4 Admisso, ut miraculum sit quod sit præter ordinem naturæ, non solum inferitur, illud esse supra ejus conditionem, & ut loquuntur, exigentiam, nihil enim est in natura, quod exigit, ut saxum sursum tendat, aut aqua ex se calida sit; sed etiam vires naturæ excedere, cum vis nulla in natura sit, quæ nullo impellente, saxum sursum valeat projicere, vel quæ sine alterius agentis ope aquam calefaciat. Nonnulli ita definiunt miraculum, ut sit opus excedens naturæ vires. At licet dari non possit miraculum, quod vires naturæ non excedat, non tamen dici potest, quidquid excedit vires naturæ, miraculum esse; cum ad miraculum requiratur, nedum ut excedat vires naturæ, sed præterea ut sit præter ordinem naturæ: licet enim quicquid est extra ordinem naturæ, sit supra vires naturæ, cum natura operari non possit extra ordinem ipsi a Deo præscriptum; non omnistamen res, quæ est supra vires naturæ, est extra ordinem naturæ a Deo præscriptum. Exemplum est in creatione animarum rationalium: earum quippe creatio absque dubio naturæ vires excedit, cum potentiam infinitam exposcat, ea vero non est præter ordinem naturæ, cum fiat a Deo juxta rerum conditionem, corporum videlicet sufficientibus organis instructorum ad animam rationalem recipiendam; licet contra creatio & infusio animæ in corpus Adami inter miracula sit recensenda, utpote infusa in corpus ex terra compactum, & nullatenus dispositum ad animam recipiendam, juxta D. Thomam in 2. sent. dist. 18. quæst. 1. art. 3. ad secundum: *Quamvis sint præter rationes seminales agentes ad perfectionem effectus, non tamen est præter eos disponentes; dispositio enim corporis ad receptionem animæ &c. est per virtutem creatura collatam. Si tamen sine tali præcedente preparatione*

vel anima infunderetur &c. miraculum dici posset, ut paset in formatione primi hominis.

5 Ex hoc quod miraculum sit illud, quod fit præter ordinem naturæ, miraculum dicitur insolitum: non quia paucitas & infrequentia necessitate sint ad miraculum constituendum, alioquin miracula non fuissent, quæ fecit Christus, vel quando, ne comprimeretur a turba in eum irruente, ut a plagis liberaretur, coactus est navim ascendere; vel quando iter faciens per Galilæam, sanavit omnem languorem & omnem infirmitatem in populo; vel quando ad eum accesserunt turbæ multæ habentes secum multos, claudos, debiles, quos ad ejus pedes projiciebant, ut eos curaret, prout curavit, ita ut turbæ mirarentur videntes multos loquentes, claudos ambulantes, cæcos videntes: sed miraculum dicitur insolitum & rarum, quia fit præter ordinem naturæ, veluti explicat S. Thomas in 2. dist. 18. quæst. 1. art. 3. ad secundum: *Insolitum, quod in definitione miraculi ponitur, non dicit raritatem facti, sed excludit solum cursum naturæ: unde si quotidie cæci illuminarentur, nihilominus miraculum esset, quia præter cursum naturalem, qui nobis est consuetus, contingeret. Repetit hoc ipsum quæstion. disputat. quæst. 6. art. 2. ad secundum, ubi hæc habet: Insolitum dicitur miraculum, quia est contra consuetum cursum naturæ, etiam si quot. die iteraretur: sicut transubstantiatio panis in Corpus Christi frequentatur quotidie, nec tamen definit esse miraculum. Et ante D. Thomam hoc ipsum traditum fuerat ab ejus Magistro B. Alberto M. in 2. sent. dist. 18. art. 3. Etiam si tota die fieret miraculum, adhuc esset insolitum: quia non sit solito cursu apud causas inferiores: & in 4. dist. 17. art. 12. Insolitum dicitur dupliciter, scilicet in causa & in effectu: & quando insolitum ponitur in definitione miraculi, dicitur insolitum in causa, scilicet quod non habet stantem causam & ordinatam, ex qua proveniat: Quod paset ex hoc, quod si omni die sapius resurgerent mortui, nihilominus tamen resurrectio mortuorum esset miraculosa propter causam nobis insolitam & supernaturalem. Fuit descensus mannae e cælo circa castra Hebræorum, fuit aqua zelotypiæ putrescere faciens semur adulteræ, fuit sanguis qui in sacrificiis antiquæ Legis effundebatur, & Templum non inquinabat. Recensentur hæc omnia inter miracula antiquæ Legis a Petro Galatino lib. 4. cap. 8. & 9. Et ex prædictis comprobatur, insolitum in re, de qua nunc agitur, non esse sumendum pro raro, sed pro excessu supra modum naturæ innatum, ut recte docent Salmanticenses tom. 6. cursus Theologici tract. 15. dispus. 3. dub. 4. Præterea miraculum dicitur quasi admiratione plenum: nec admirationi locus esse potest, nisi effectus sit manifestus & causa sit occulta, & occulta quidem, non aliquibus, sed omnibus; & nisi in re aliquid sit, per quod, non juxta aliquorum opinionem, sed juxta rei veritatem, aliter res eadem contingere deberet, juxta sæpe citatum D. Thomam 1. part. quæst. 105. art. 7. quæst. 6. de potentia Dei art. 2. & in 2. lib. sent. dist. 18. quæst. 2. art. 3.*

6 Dictum est in præcedentibus, miraculum excedere vires naturæ. Nunc de eodem excessu sermo habendus est. Excessus autem pluribus modis con-

contingere potest; & sic esse potest major, vel minor, non si comparetur ad Divinam potentiam, cum quodcumque factum Divinæ potentie comparatum minimum sit, sed si comparetur ad facultatem naturæ, quam excedit. Hinc ortum habuit consideratio D. Thomæ in 2. lib. sent. dist. 18. quest. 2. art. 3. in corpore, & in question. disputat. de potentia Dei quest. 2. art. 2. ubi ait, quædam miracula esse supra naturam, quædam contra naturam, & quædam præter naturam; quam doctrinam amplectuntur Ægidius Columna lib. 2. sent. dist. 18. dub. 13. Viguer in institut. tit. de Gratia Divina cap. 2. §. 2. vers. 2. & inter Scribentes de Canonizatione Sanctorum Rocca de Canonizat. SS. cap. 20. Garzias de Caralaps eod. tract. in digressionem de miraculis §. 7. & plurib. seqq. Zacchias quest. Medico-legal. lib. 4. tit. 1. quest. 2. num. 1. & plurib. seqq. Pignatell. consult. 173. tom. 10. insuper autem unum miraculum dici majus alio, si excedit facultates naturæ quoad substantiam facti; minus, si excedit, non quantum ad id quod fit, sed quantum ad id in quo fit; & inferius, seu ultimum, si excedit facultates naturæ quantum ad modum & ordinem faciendi; juxta doctrinam ejusdem S. Thomæ 1. part. quest. 105. art. 8. quam suse etiam exponit lib. 3. contra Gentiles cap. 101.

7 Archidiaconus in can. Nec mirum, num. 26. quest. 5. & ibi Bellamera num. 3. non admittunt nisi duos gradus miraculorum, unum quoad factum, alterum quoad modum faciendi: sed D. Thomæ doctrina, tres gradus statuens miraculorum, communi calculo recepta est. Abulenſis in tertiam partem Matthæi cap. 9. quest. 18. Distinguntur tres gradus miraculorum: primus est, quando ipsum quod fit, miraculum est, ita quod natura nullo modo potest illud facere nec in illo subiecto, nec in alio, & nec illo modo faciendi, nec alio &c. Secundus gradus est respectu subiecti in quo fit res &c. Tertius gradus est ex parte modi, vel ordinis, & hoc est, quando illa res qua fit miraculose, poterat fieri naturaliter. Et in quintam partem Matthæi tom. 5. quest. 129.: Sciendum, quod miracula secundum istos tres gradus sunt inæqualia; quia miracula primi gradus sunt majora, quam secundi, & tertii gradus; & miracula secundi gradus sunt majora, quam tertii gradus, quia quanto magis elongantur a facultate nature, tanto sunt majora: sed prima penitus elongantur, cum nunquam illa natura possit quantum ad substantiam facti efficere; secunda minus elongantur, quia licet non possit illa facere natura quantum ad subiectum facti, potest tamen quantum ad substantiam, scilicet quia eandem rem in alio subiecto efficere; tertia minus elongantur a naturali facultate, quia tam quantum ad substantiam, quam etiam quantum ad subiectum facti, potest idem natura, & miraculum, sed solum quantum ad ordinem distant & modum. Et sequuntur Bartolus in tract. Testium, §. Qualitas autem, num. 57. Martinus de Laude super Canonizat. S. Bernardini Semensis §. De miraculis videamus, vers. Hac autem tribus modis, Castellinus de certitud. glor. SS. tit. de generibus miraculorum cap. 8. punct. 10. Petrasancta in theaustia vera religionis lib. 1. in proleg. num. 5. & plurib. seqq. Rocca de Canonizat. SS. cap. 23. & seqq. Matta in eod. tract. part. 3. cap. 8. num. 15 & seqq. Cardina-

dinalis de Lauræa in 3. lib. *sent. tom. 4. disput. 20. de miraculis art. 5. num. 79. & plurib. seqq.* Sebastianus Badus in opere de China China defensione lib. 1. cap. 14. §. 1. & in alio opere ab eodem edito, cui titulus *Decora Cardinalis Bellarmini, sect. 2. §. 1. §. Tripliciter, Bagatta de admirandis orbis Christiani tom. 1. prolegom. 2. per totum, Magnus in dissertat. Theolog. de lacrymis S. Maria de Gratiis Pinna Bilorum dissert. 1. part. in prefat. num. 3. & plurib. seqq.* Castaldus de potestate Angelica tom. 1. disput. 2. quest. 1. art. 5. dub. 1. §. Gradum autem, Matthæoccius in *præf. Theologo-Canon. ad caus. Beatificat. & Canonizat. tit. 3. cap. 2. num. 5. & §. 1. & plurib. seqq.*, triplicemque hunc gradum miraculorum admiserunt Rotæ Auditores in relationibus causarum, quas exarabant, uti videri potest in relatione Pavini in causa S. Bonaventuræ *part. 2. art. 4.* in relatione Jacobi Simonettæ in causa S. Francisci de Paula *post vitam hujus Sancti editam ab Episcopo Perimezio*, in relatione S. Hyacinthi *tit. de miraculis*, in relatione S. Raymundi *art. 4. & art. 6.* in relatione S. Caroli Borromæi *3. part. de miraculis art. 26.* in relatione S. Andreæ Corsini apud Lezanæ *consult. 1. a num. 184. usque ad num. 200.* in relatione causæ S. Thomæ de Villanova *tit. de miraculis post mortem apud Contelor. de Canonizat. Sanctorum*, in relatione causæ S. Pii V. *tomo posthumo annualium Bzovii part. 4. tit. de miraculis*, in relatione causarum SS. Isidori, Cajetani, & Palchalis de Baylon *tit. de miraculis*: quod ipsum deducitur ex ceteris relationibus causarum SS. Joannis de Deo, Ignatii, Francisci Borgiæ, Francisci Xaverii, Petri de Alcantara, Terefiæ *ad tit. de miraculis*; ubi ad evitandam repetitionem, quod attinet ad gradus miraculorum, iidem Auditores retulerunt se ad ea, quæ tradiderant in modo memoratis relationibus: quo etiam respicit bulla Canonizationis S. Leopoldi Austriæ edita a summo Pontifice Innocentio VIII. *pag. 197. cod. Canoniz.* ubi leguntur hæc verba: *Hujus Sancti Leopoldi sancti Innomiam Deus omnipotens innumeralibus miraculis ad ejus invocationem editis comprobavit; miraculis profecto, quæ tum in facti substantia, tum in eo quod factum fuit, tum in modo faciendi, & ordine vim & potestatem naturæ excefferunt.*

8 Nonnulli Theologi quantum gradum addunt miraculorum, quando videlicet aliquid contingit, quod nec excedit facultates naturæ, quantum attinet ad substantiam facti, nec quantum ad id in quo fit, nec quantum ad modum & ordinem faciendi, sed ex circumstantiis clare desumitur, factum a Deo processisse, & ad eum esse referendum, uti specialem auctorem, qui rem ipse disposuit, & consulto voluit. Quarta hæc classis miraculorum admittitur a Gressero in *panegy. Miscellæ, cap. 7. pag. 266.* ubi de hujusmodi factis ait, *ex merito miraculis annumerari*, hoc est illis, quæ licet alia etiam, quam Divina, virtute contingere queant, in hoc tamen vel illo casu, nonnisi Divina virtute eveniunt. Concordant Malderus de *Fide quest. 2. art. 5. ad quartum sect. 3.* Petrasancta in *prolegomenis in thaumasmæ vera religionis pag. 11.* Segnerius in opere de *Incredulo absque excusatione part. 2. tap. 6. num. 4. & 13.* & Pinamonti in *Synagoga illuminata cap. 15. num. 1.*

Fun-

Fundamentum habet additio hæc novæ classis miraculorum in doctrina Aristotelis *Poetic. cap. 8.* ubi docet, etiam inter fortuita nonnulla esse magis mirabilia, quæ non videntur casu contigisse, sed consulto: *In iis etiam, quæ a fortuna proveniunt, illa quidem maximam admirationem præferunt, quæ veluti sompne impulsu provenire videntur.* Exemplum affert statux cujusdam Mityi, quæ cecidit super ejus occisorem, dum eam aspiciebat, ipsumque oppressit & occidit: *Ut in Argo Mityi statua, quæ super inspectantem collapsa auctorem Mityi necis interfecit.* Concluditque, similia non esse ad casum fortuitum referenda, sed ad peculiarem providentiam: *Ejusmodi enim hæc sunt, ut non temere facta esse opinemur.* Majus fundamentum ea assertio habere potest in doctrina D. Thomæ, qui in 2. *sent. dist. 18. quest. 1. art. 3. in corpore* de miraculis, non supra, sed præter naturam docet, ea tribus modis accidere, quorum unus est propter hoc, quod hora determinata contingunt ad invocationem Divini nominis, sicut quod manus Jeroboam extensa contra Prophetam arefacta fuit, & ara ejus divisa; quibus addi potest id quod legitur *Exodi 8. v. 9.* ubi ut Moyses evidens ranarum prodigium efficeret, petiit a Pharaone, ut sibi tempus præfiniret, quo Deum orare deberet, ut eas expelleret, confidens, ut si Pharaon eas expulsas videret hora præscripta, cogniturus esset, eas a Deo fuisse immixtas flagelli & punitionis gratia, ipsæque deinde expulsas Dei misericordia: *Constitu mihi quando deprecer pro te ... ut abigantur rana a te &c. ut scias, quoniam non est, sicut Dominus Deus noster.* Non excedit enim ullo modo vires naturæ, si ara dividatur, vel si manus arefiat; sed si hæc fiant, dum homo Dei contra altare prophetat, & dum manus incensum idolo adolet, tum vero digitum Dei offendunt. Similia sunt quæ nunc superaddimus. Eliseo maledicente pueris qui eum offendeabant, duo ursi e silva egressi eos devoraverunt: *Maledixit eis in nomine Domini: egressique sunt duo ursi de saltu, & laceraverunt ex eis quadraginta duos pueros, uti habetur 4. Regum 2. v. 24.* Prædicente Moysè, terra aperta est, & devoravit Datan & Abiron: *Confestim igitur ut cessavit loqui, dirupta est terra sub pedibus eorum, & aperiens os suum devoravit illos, Numer. 16. v. 31.* Sine miraculo quippe contingere potest, ut homines ab ursis devorentur, vel ut terra sub pedibus hominum aperiat, eosque vivos sepeliat; sed equis erit, qui hæc in eo rerum eventu in quo contigerunt, non obstupefcat, aut ea non referat ad ultionem Divinam? Demum copiosa piscatio, inventio stateris in ventre piscis, res naturales sunt; sed ratione circumstantiarum, inter miracula Christi referuntur a D. Thoma 3. *part. quest. 44. art. 4. ad primum: Miraculum Christus fecit in copiosa piscium captura ... & etiam in pisco, quem Petrus cepit, & in eo invenit staterem.* De hac eadem re a Nobis tractatum est in primo hujus Operis libro *cap. 28.* ubi diximus, commode similes eventus referri posse ad tertiam classem miraculorum, cum vis stet in modo. Sed quatenus alicui placeat quartam hanc novam classem miraculorum constituere, libenter annuamus; cum in eo quod attinet ad praxim, & ad judicium ferendum in causis

§ DE SERVORUM DEI BEATIFICATIONE

sis Beatificationis & Canonizationis, quo universum hoc nostrum Opus collineat, nihil referat, utrum similes eventus, qui sunt revera prodigiosi, in tertia, an quarta classe constituantur.

9 Post hæc resumentes quæ superius dicta sunt, videlicet juxta D. Thomam quædam miracula esse supra naturam, quædam contra naturam, & quædam præter naturam, id modo exemplis illustremus. Supra naturam ea dicuntur esse miracula juxta D. Thomam, in quibus vel forma inducitur a Deo, quæ a natura induci non posset, vel si induci posset a natura, in eo tamen statu induci non posset. Natura quippe potest vitam producere, sed in mortuo non potest. *Lib. 3. Regum cap. 17. v. 21.* Elias a Deo impetravit, ut filius Viduæ a mortuis revocaretur: *Et expandit se, atque mensus est super puerum tribus vicibus, & clamavit ad Dominum, & ait: Domine Deus meus, reverteratur, obsecro, anima pueri hujus in viscera ejus. Et exaudivit Dominus vocem Eliæ; & reversa est anima pueri intra eum, & revixit. Tuncque Elias puerum, & deposuit eum de conaculo in inferiorem domum, & tradidit matri suæ, & ait illi: En vivit filius tuus. Dixitque mulier ad Eliam: Nunc in isto cognovi, quoniam vir Dei es tu, & verbum Domini in ore tuo verum est.* De Eliseo legitur *lib. 4. Reg. cap. 4. v. 32. & Ingressus est ergo Eliseus domum, & ecce puer mortuus jacebat in lectulo ejus: ingressusque clausit ostium super se, & super puerum; & oravit ad Dominum, & ascendit, & incubuit super puerum, posuitque os suum super os ejus, & oculos suos super oculos ejus, & manus suas super manus ejus, & incurvavit se super eum, & calcata est caro pueri. At ille reversus, deambulavit in domo, semel huc atque illuc; & ascendit, & incubuit super eum; & oscitavit puer septies, aperuitque oculos. Franciscus Vallesius de sacra Philosophia cap. 35. ait, si per sanctam Ecclesiam Romanam liceret dicere, non fuisse puerum prædictum mortuum, sed syncope correptum, omnia facillime revocari posse ad causas naturales; sed si ita opinari non liceret, & dicendum esset, puerum vere mortuum fuisse, de miraculo non esse dubitandum. Sententiam de morte pueri idem Vallesius fatetur esse magis communem & veriolem: & Cornelius a Lapide in *cit. cap. 4. lib. 4. Regum vers. 34.* ex narratione sacre Scripturæ colligit, puerum vere fuisse mortuum, non syncope tantum correptum. Miraculo adscribit pueri hujus resurrectionem, & ait adumbrasse vocationem Gentium ad Ecclesiam Christi S. Cæsarius Arelatenfis Episcopus *serm. qui olim erat 206. de tempore inter sermones S. Augustini, & nunc est 42. in append. tom. 5. oper. S. Augustini col. 83.* Filius mulieris illius, dum Eliseus absens esset, mortuus est; sic & filius Ecclesiæ, hoc est populus Gentium, antequam Christus veniret, peccatis mortuus erat. Descendente de monte Eliseo, filius Viduæ huic vitam redditur. Descendente de calce Christo, filius Ecclesiæ, id est populus Gentium, suscitatur.*

10 Contra naturam ea sunt miracula, cum in natura remanet contraria dispositio effectibus, quos Deus facit. Cum Josue, ut *lib. Josue cap. 10.* legitur, laturus suppetias Gabaonitis, exercitu prope reducto, venisset, & multa hostium milla occidisset, prævidens tamen, noctem victis præ-

ludio

fidio esse futuram, fufis ad Deum precibus, & incredibili fiducia animatus. Soli jam ad occafum vergenti imperavit, ut flaret; ejufque verbo, Deo volente, Sol obediens in medio cæli fleret immotus unius diei fpatio. En verba facri Textus v. 12. : *Tunc locutus est Jofue Domino, in die qua tradidit Amorrhæam in confpectu filiorum Ifrael, dixitque coram eis : Sol contra Gabaon ne movearis, & Luna contra Vallem Ajalon. Steteruntque Sol & Luna donec ulciferetur fe gens de inimicis fuis. Nonne fcriptum eft hoc in libro Ifthorum? Stetit itaque Sol in medio cali, & non feftinavit occumbere fpatio unius diei. Non fuit antea nec poftea tam longa dies, obediante Domino voci hominis, & pugnante pro Ifrael.* De hoc miraculo loquitur S. Auguftinus lib. 21. de civit. Dei (cap. 8. n. 2. col. 628. oper. tom. 7.) : *Nos autem in Divinis libris legimus, etiam Solem ipfum, & Lunam fleriffe, cum hoc a Domino Deo petiviffet vir fæctus Jefus Nave, donec ceptum prælium victoria terminaret; & retrofum rediffe, ut Regi Ezechia quindecim anni ad vivendum additi, hoc etiam prodigio promiffioni Dei fignificarentur adjuncto.* Poftremis his verbis S. Auguftinus ea refpicit, quæ leguntur lib. 4. Reg. cap. 20., & Ifaia 38. & in 2. Paral. 32. Cum Rex enim Ezechias graviffimo morbo laboraret, & Ifaia juffu Domini ad ægrotum veniens incolumitatem intra triduum annuntiaffet, petiit Ezechias, ut certo quodam figno fidem dictis adderet, proponente autem Ifaia, num mallet, Solis umbram decem lineis procedere, an tantundem fpatii recedere, & Rege hoc poftremum præferente, converfo ad preces Propheta, umbra decurfas jam decem lineas in horologio Achaz iterum reverfo curfu repetiit. *Tollatus in cap. 20. Jofue quæft. 88. & duabus fequentibus in quæftionem vocat, quænam major fuerit dies, num qua fleret Sol, pugnante Jofue, an vero qua retroceffit, ægroçante Ezechia.* At, utcunque fit de hac difputatione, miracula hæc contra naturam facta dicenda funt, cum Dei juffu fleret Sol, remanente in eo virtute naturali, quæ exigebat, ut progrediretur & curfum conficeret. Ad hanc eandem claffem referendum eft prodigium illud, quod Deus in mirabili Ifraelitarum liberatione per Moyfen patravit: cum enim Hebræi in confpectu maris veniffent, & fe hinc obfideri a Pharaonis caftreis & regione locatis, & inde inacceffis montibus, vidiffent, & animo defeciffent, elata juffu Dei a Moyfe virga, pelagus in duas partes divifum eft, & ftantibus utrinque aquis, trajicientibus Ifraelitis via per alveum patuit: *Tu autem eleva virgam tuam (ait Deus Moyfi cap. 14. v. 16. lib. Exodi) & extende manum tuam fuper mare, & divide illud, ut gradiantur filii Ifrael in medio mari per ficcum: & lib. Sapientia cap. 10. v. 18. Tranfultit illos per mare rubrum, & tranfverxit illos per aquam nimiam; inimicos autem illorum demerfit in mare: & cap. 5. lib. Judit. v. 12. Fugientibus his Deus cali mare aperuit, ita ut hinc inde aque, quafi murus folidarentur, & ifti pede ficco fundum maris perambulando tranfrent: & Pfam. 135. v. 13. Qui divifit mare rubrum in divifiones, & eduxit Ifrael per medium ejus, & excuffit Pharaonem, & virtutem ejus in mari rubro, quoniam in æternam mifericordia ejus.* Natalis Alexander in hift. Ecclef. vet. & nov. Teftam. tom. 2. Tom. IV. B edit.

10 DE SERVORUM DEI BEATIFICATIONE

edit. Parisien. anni 1714. differ. 13. pag. 43., differ. 8. pag. 189. Calmet in differ. de Transfretatione Erythrai per Hebræos, & rursus in alia differ. de Mandato Josue, quo Solem & Lunam miratus est, & item in alia differ. de Retrogradatione Solis in horologio Achaz, Graveson. in hist. vet. Testam. tom. 2. pag. 130. & plurib. seqq. late ostendunt, Solem & Lunam re ipsa stetitisse, Deo ad votum Josue miraculum operante, nec audiendos eos, qui Solis & Lunæ motum interruptum aut impeditum negant; & non solares tantum umbras in horologio Achaz, sed Solis ipsius retrocessionem Ezechiz datam in signum fuisse, eoque miraculo omnes cælestes orbes una cum Sole retroactos, & horas plurimas nocti detractas, & diei additas fuisse; item prorsus abjiciendum, quod Sacerdotes Ægyptii commenci sunt, explorata videlicet a Moyse natura fluentium & refluentium aquarum, captata recedentium aquarum opportunitate, vadum transeuntibus ita eum monstrasse, ut deinde eandem viam tentantes Ægyptios aquæ defluentes demergerent.

11 Præter naturam illa sunt, quæ natura producere posset, sed non illo modo, quo a Deo effectus producuntur. Orante Abrahamo, sanavit Deus Abimelech, & uxorem ejus, ut cap. 20. Genes. v. 17.: Orante autem Abraham, sanavit Deus Abimelech, & uxorem, ancillasque ejus, & pepererunt. Naaman Princeps militiæ Syriæ a lepra mundatus est, postquam jussu Elisei septies in Jordane se lavit, quemadmodum habetur lib. 4. Regum cap. 5. v. 14.: Descendit & lavit in Jordane septies juxta sermonem viri Dei, & restituta est caro ejus, sicut caro pueri parvuli. Licet enim sorte Naaman a morbis, quibus laborabat, per naturæ vires aptis medicaminibus adjutas potuisset sanari, non eo tamen modo naturaliter sanari potuit, sicuti sanatus est: lepra quippe & gravissima & ex multo tempore fuerat respersus, nec ulla corporis præcesserat purgatio, & idcirco sola natatio pluries repetita sanationi sufficere non poterat; neque vim tantam habere poterat, ut qui gravissime ægrotabat, extemplo perfecte sanus evaderet; veluti late ostendit Vallesius de sacra Philosophia cap. 38. Simile est, quod habetur lib. 4. Regum cap. 1. v. 10.: Respondensque Elias dixit quinquagenario: Si homo Dei sum, descendat ignis de calo, & devoret te, & quinquaginta tuos. Descendit itaque ignis de calo, & devoravit eum, & quinquaginta qui erant cum eo: item quod legitur lib. Josue cap. 10. ubi, post initum a Josue prælium cum quinque Regibus Chananæis, Gabonem obsidione prementibus, & actos in fugam hostes, cum descenderent Chananæi versus civitatem Bethoron, sacer Textus hæc narrat v. 11.: Cumque fugerent (videlicet Chananæi) filios Israel, & essent in descensu Bethoron, Dominus misit super eos lapides magnos de calo usque ad Azeca: & mortui sunt multo plures lapidibus grandinis, quam quos gladio percuterant filii Israel. Juxta veriorum sententiam, in Textu Josue non agitur de vulgari grandine, sed de pluvia lapidea: Dominus misit super eos lapides magnos de calo: & lapidum nomine grandio proprie non continetur, juxta illud D. Augustini lib. 3. de civit. Dei (cap. 31. col. 87. tom. 7.): Cum pluit

pluit terra, cum pluit creta, cum pluit lapidibus, non ut grando appellari solet hoc nomine, sed omnino lapidibus. Utcunque autem sit, ignisne, an lapides ministerio Angelorum confecti fuerint, an vero ignis & lapides naturaliter fuerint producti, de miraculo præter naturam dubitari non potest; cum Divinæ providentiæ virtute factum sit, ut in producendo effectu, causæ secundæ certum temporis articulum & opportunitatem servarent, & disposita Dei jussu, & Angelorum ministrante contingerent; ut ad vocem Eliæ, ignis e cælo descendens virum quinquagenarium, & alios quinquaginta devoraverit; & lapides multo plures absumpserint ex Chananæis, quam quos Israelitarum gladius abstulerat, juxta ea quæ plene habentur apud Calmet in *dissert. de pluvia lapidum in Chananæos*, ubi utitur exemplo coturnicum, quos in Hebræorum castra Deus induxit, & muscarum, quas in Ægyptios immisit: novas etenim in orbe creaturas non invenit, sed dispersas per orbem congregavit, novaque indita dispositione, suis implendis consiliis destinavit. Aliorum similium miraculorum præter naturam exempla habentur apud Viguer cap. 9. de Gratia divina §. 2. ver. 2. Tertiò operatur Deus in miraculis præter naturam, quando scilicet producit effectum, quem natura producere potest, non tamen illo modo, quo Deus producit, scilicet subito; vel quando deficiunt instrumenta, quibus natura operatur, sicut cum Christus convertit aquam in vinum, quod natura aliquo modo facere potest, dum aqua in nutrimentum vitis assumpta suo tempore in succum vineæ perdigesta in vinum convertitur; vel quando Deus majora facit, quam natura consueverit, ut cum fecit tantam multitudinem ranarum; vel quantum ad tempus, sicut cum aliquis statim curatur, quem natura processu temporis curare posset, ut accidit in focu Simonis Petri. Ceterum quod attinet ad lapides, qui absumferunt Chananæos, Abulenſis in *comment. ad 1. partem Josue cap. 10. quest. 8.* scite inquit: Et si aliquis de Gentilibus non assensiens sacra Scriptura diceret, lapides istos non fuisse missos a Deo, sed naturaliter evenisse, non stares rationabiliter, quia solum dirigebantur isti lapides in Chananæos; & cum Judæi Chananæis fugientibus propinqui essent, lapides plurimos de Chananæis occidentes neminem de Judæis tetigerunt. Hoc ergo non videtur factum naturaliter, sed ab aliquo agente secundum rationem & intentionem; & iste est Deus, vel Angeli qui ministrant ei.

12 Spinoſa in *tract. theologo-polit. cap. 6.* miracula quæcumque explodit: negat enim cursum naturæ unquam præverti posse, cum naturæ leges sint ipsissima Dei volentis decreta, quæ si mutari unquam contingeret, ipse immutabilis Deus mutaretur. At impii Scriptoris systema pluribus impugnatur a sæpe memorato Calmet in *dissert. de veris, fictisque prodigiis*, ubi scite animadvertit, Spinoſam, ut Dei ideam sibi semper constantis exponat, destruere ideam summi illius liberi sapientissimi & potentissimi. Licet enim, quando novi aliquid in mundo accidit, sciamus, Deum tunc primo non cognoscere rem aliquam sibi antea occultam, neque novum de illa decretum edere, & præterea admittamus, connexionem secundarum causarum, earum subordinationem, & partium Universi inter se disposi-

12 DE SERVORUM DEI BEATIFICATIONE

tionem esse adeo inter se nexas & constantes, ut ab uno summe libero, cui omnia comperta sunt, dirigantur; hinc tamen exclusio cuiuscumque miraculi interiri non potest; multoque minus dici potest, fore, si ea contingant, ut immutabilis Deus mutetur, cum miracula & prodigia liberæ voluntatis Dei sint opus, non voluntatis quidem, generales atque consuetas naturæ leges dirigentis, sed peculiaris, quæ sibi pro sua libertate agenda quædam insueta reservavit, & quæ, cum recedit a consuetis & sibi præscriptis in rerum gubernatione legibus, tunc potissimum exequitur libere illa suæ peculiaris voluntatis decreta ab æterno fixa & rata. Ceterum nec Spinozæ oppositio, nec Calmet responsio novæ sunt. Legi potest D. Thomas in *question. disputat. quæst. 6. de miraculis artic. 1.* ubi, proposita quæstione, *Utrum Deus possit in rebus creatis aliquid operari præter causas naturales, vel contra naturam, vel contra cursum naturæ, sibi lexto loco opponit Spinozæ argumentum: Quædam Glossa dicit Ephes. 3. quod Deus contra causas, quas voluit esse instituit, mutabili voluntate nihil facit: sed causas naturales Deus voluntate sua instituit: ergo contra eas nihil facit, nec facere potest, sicut non potest esse mutabilis; mutabilitas enim voluntatis videtur, cum aliquis facit contra id, quod prius voluntate instituit.* Huic autem oppositioni respondet iisdem rationibus, quibus utitur Calmet respondens argumento Spinozæ. En verba S. Doctoris: *Ad sextum dicendum, quod Deus non facit contra rationes naturales mutabili voluntate; nam Deus ab æterno prævidit, & voluit se facturum, quod in tempore facit. Sic ergo instituit naturæ cursum, ut tamen præordinaretur in æterna sua voluntate; quod præter cursum istum quandoque facturum erat.* Dicitur hoc ipsum a S. Doctore lib. 3. contra Gentiles cap. 99. *Divina virtus quandoque aliquid facere potest sine providentia sua præiudicio præter ordinem naturalibus inditum rebus a Deo: ubi Ferrariensis in comment. ita subijcit: Sicut ab æterno Deus per sui providentiam ordinavit, ut talis ordo, & talis cursus in rebus naturalibus esset, ita ab æterno ordinavit, se quandoque facturum præter hunc ordinem rebus inditum; & ideo absque mutatione suæ providentiæ est, quod quandoque præter hunc ordinem institutum operetur.* Ut res exemplo satis obvio firmetur, Princeps eo temporis momento, quo legem aliquam statuit, simul statuit, se in talibus circumstantiis velle ejus vinculum solvere; & quando id facit, nemo est qui ipsum inconstantia aut mutationis redarguere possit. Præter Calmet, Auctores licet extra nostram Communionem, impium Spinozæ de miraculis systema strenue confutarunt: Regnerus videlicet a Mansuelt in suo opere posthumo Amstelodami impresso anno 1674. cap. 11. pag. 154. & plurib. seqq. Franciscus Cuperus in suo opere, cui titulus, *Arcana Atheismi revelata*, Rotterodami edito anno 1676. lib. 1. cap. 6. de miraculis.

13 In sacra Scriptura mentio fit non tantum miraculorum, sed etiam prodigiorum atque signorum, juxta illud *Deuter. 6. v. 22. Fecitque Dominus signa atque prodigia magna; & illud Joann. 4. v. 48. Nisi signa & prodigia videritis, non creditis*; item portentorum, monstrorum, & ostentorum,

rum, juxta illud *Deuteron. 4. 34.*: Tolleret sibi gentem de medio nationum, per tentationes, signa, atque portenta, &c. & juxta illud 2. *Machabæor. 5. v. 4.*: Quapropter omnes rogabant, in bonum monstra converteri: & juxta illud *Exodi 4. v. 21.*: Vide, ut omnia ostenta, quæ posui in manu tua, facias coram Pharaone; necnon virtutum, juxta illud *Matth. cap. 7. v. 22.*: Virtutes multas fecimus; & alterum 2. *ad Corinth. 12. v. 11.*: Tameſi nihil ſum, ſigna tamen Apoſtolorum mei facta ſunt ſuper vos in omni patientia, in ſignis, & prodigiis, & virtutibus. Mirabilem quoque, & gratiarum fit mentio ſæpiſſime apud Scriptores. S. Thomas in 2. *ad Theſſalonicenſes lect. 2.* ſcribit, ea, quæ habent cauſam, occultam alicui, & non ſimpliciter, dici mira & mirabilia, ſed non miracula; & ſequitur Scacchus de not. & ſign. ſanctis. ſect. 8. cap. 1. pag. 567. Idem S. Doctor in comment. ad epiſt. D. Pauli ad Hebræos ad illud Conſtante Deo ſignis, & portentis, ait, ſigna eſſe minora miracula, puta ſanationem claudi, vel febris; & portenta, eſſe majora miracula, puta reſurrectionem mortui; & 2. 2. *queſt. 178. art. 1.* ad tertium addit, duo in miraculis attendi poſſe, id videlicet, quod fit, & juxta hoc miracula poſſe dici virtutes; item illud, propter quod miracula ſunt, puta ad manifeſtandum aliquid ſupernaturale, & juxta hoc dici ſigna, & propter excellentiam portenta vel prodigia, quaſi procul a liquid oſtendentia. Plura quoad horum nominum explicationem legi poſſunt apud Cardinalem de Lauræa in 3. lib. ſent. tom. 4. diſput. 20. de miraculis art. 3. & 4. Viguierius in inſtitution. ad ſacram Theologiam loc. cit. verſ. 3. ita ſcribit: Miracula in ſaceris Litteris dicuntur virtutes, ſigna, prodigia, & portenta &c. Quæ ſic differunt, quia in quantum excedunt facultatem naturæ, dicuntur virtutes; in quantum vero ſunt ordinata ad manifeſtationem Gratiæ, dicuntur ſigna; & propter excellentiam dicuntur portenta atque prodigia, quaſi procul a liquid oſtendentia &c. Signum refertur ad minus miraculum, prodigium ad maximum. Deinde dicit, quod portenta dicitur, in quantum ſunt contra naturam. Et in eo, quod attinet ad gratias, adnotandum eſt, quod illæ non habent veram miraculi rationem, ſed ex aliqua temporis, loci, vel perſonæ circumſtantia, miraculi ſpeciem præſeferunt; puta, cum aliquis infirmus alicui Sancto ſe commendans, adhibitis medicamentis neceſſariis, convaſceſcit, & totaſſe citius, quam ſperabatur, vel ex medicamentorum efficacia, vel ex diſpoſitione temperamentis, quemadmodum bene explicant Scacchus loc. cit. pag. 568. Pignatellus conſult. 103. num. 28. tom. 9. Matthæuccius in præſt. Theologo-Canon. ad cauſ. Beatificat. & Canonizat. tract. 3. cap. 1. §. 9. num. 64. & ſeqq. Bordon. in medi. 1. de miraculis queſt. 7. num. 32. & ſeqq. Caſtaldus de poſteſt. Angel. loc. cit. §. Sed error. Quod dictum eſt de gratiis, dicendum eſt etiam de mirabilibus, ea videlicet non habere rationem miraculi. Ad hanc claſſem referri poſſunt varia automata, Dædali videlicet apud Ariſtotelem, Archimedis, Archyte, ac Boethii, item caput æneum B. Alberti Magni (ſi verum eſt) locutum fuiſſe humano artificio, uti perhibent Medina, & Guillelmus Pariſienſis; licet id negetur a Martino del Rio lib. 1. diſquiſit.

14 DE SERVORUM DEI BEATIFICATIONE

disquisit. magic. cap. 4. & lib. 2. ejusdem operis quest. 27. sect. 1. At nec gratiarum, nec mirabilium ulla habetur ratio in causis Beatificationis & Canonizationis: si quis autem alia scire cupit de mirabilibus, legere potest opus posthumum Joannis Hieronymi Sbaragli celeberrimi Medici Bononiensis *de anima brutorum disput. 1. cap. 2. sect. 3. pag. 105. & seqq.*

14. Quæres, an ad constituendum miraculum necesse sit, ut aliquid excedat vires & facultatem naturæ tum invisibilis & incorporeæ, tum visibilis & corporeæ, quod est idem ac quærere, an, si aliquid excedat tantum vires naturæ visibilis & corporeæ, & sit arduum, insolitum, & admirandum, miraculum dici possit, etiamsi non excedat vires naturæ invisibilis & incorporeæ, hoc est Angeli. Juxta doctrinam S. Thomæ *part. 1. quest. 110. art. 4.* videtur negandum: ibi enim docet, miraculum esse, quando aliquid fit præter ordinem totius naturæ creatæ, & sic tum visibilis & corporeæ, tum invisibilis & incorporeæ: quod ipsum repetit *eadem part. 1. quest. 114. art. 4. in corpore.* Idem autem S. Doctor *in cit. quest. 110. art. 4. ad secundum*, docet, non omnem virtutem naturæ creatæ esse nobis notam, & sic miraculum esse quoad nos, cum aliquid fit præter ordinem naturæ creatæ nobis notæ per virtutem creatam nobis ignotam: quod ipsum docuerat *lib. 3. contra Gentes cap. 103. in fine*, ubi, utentibus Angelis nonnullis rebus naturalibus tanquam instrumentis, ait sic effecta, quavis miracula simpliciter dici non possint, reddi tamen nobis dupliciter mirabilia: *Uno modo ex hoc, quod per spirituales substantias tales causa modo nobis inconspicua ad proprios effectus apponuntur &c. alio modo ex hoc, quod causa naturales, appositæ ad effectus aliquos producendos, aliquid virtutis sortiuntur ex hoc, quod sunt instrumenta spiritualium substantiarum, & hoc magis accedit ad rationem miraculi.* Ex his autem inferri posse videtur, effecta insolita & admiranda, quæ excedunt vires & facultatem naturæ creatæ visibilis & corporeæ nobis notæ, miracula esse; etsi non excedant vires & facultatem naturæ creatæ invisibilis & incorporeæ; miracula, inquam, minora miraculis, quæ excedunt vires & facultatem naturæ non modo visibilis & corporeæ, sed invisibilis & incorporeæ. Ferrariensis *in comment. ad idem cap. 103. pariter in fine*, docet, duplici modo substantias spirituales operari aliquos effectus, qui nobis mirabiles sunt; cum videlicet activa passivis applicantur modo nobis occulto, uti, si videremus secari lignum, & ferram occulte appositam non videremus, quo exemplo utitur idem S. Thomas *in eo cap. 103. & cum effectus, qui producuntur, a virtute corporea per se produci non possunt, sed extenus ab ea producuntur, quatenus virtus incorporea utitur ea virtute corporea tanquam instrumento; & hos quidem pronuntiat magis accedere ad rationem miraculi: Hac autem ad rationem miraculi magis dicuntur accedere, quia tales effectus sunt magis supra naturam virtutis creatæ nobis cognita, quia est virtus corporea; quanto enim magis aliquid est supra facultatem naturæ nobis cognita, tanto magis de ratione miraculi participat, cum de ratione miraculi sit, quod sit supra facultatem naturæ aliquo modo.*

15 Mira-

15 Miracula hæc agnovisse videtur S. Augustinus quoque *lib. 26. contra Faustum* (cap. 3. col. 435. tom. 8.): Dicit autem humano more contra naturam esse, quod est contra naturæ usum moralibus notum, nec nos negamus, sicut illud est, quod Apostolus ait: Si tu ex naturali incisus oleastro, & contra naturam insertus es in bonam olivam. Id esse contra naturam dixit, quod est contra consuetudinem naturæ, quam notitia humana comprehendit &c. Deus autem creator & conditor omnium naturarum, nihil contra naturam facit; id enim erit cuique rei naturale, quod ille fecerit, a quo est omnis modus, numerus, ordo naturæ &c. Sed contra naturam, non incongrue dicimus, aliquid Deum facere, quod facit contra id, quod novimus in natura. Hanc enim etiam appellamus naturam, cognitum nobis cursum solitumque naturæ, contra quem Deus cum aliquid facit, magnalia vel mirabilia nominantur.

16 Sed, ut redeamus ad doctrinam S. Thomæ, cum ipse in *cit. part. 1. quæst. 110. art. 3.* probet, corpora Angelis obedire ad motum localem, ecquis erit, qui nonnulla ardua, insolita, & admiranda, quæ proveniunt ab ea corporum obedientia ad motum localem, miraculo non ascribat, licet vires & facultatem naturalem Angeli, & sic naturæ invisibilis & incorporeæ non excedat? Huc referri potest illud Danielis cap. 3. ubi, cum jussu Regis Nabuchodonosor, Sidrach, Misach, & Abdenago missi fuissent in medium fornacis ignis ardentis, Angelus Domini descendit cum Azaria & sociis ejus in fornacem, excussitque flammam ignis de fornace, ita ut eos omnino ignis non tangeret, aut aliqua molestia afficeret, obstupente Rege Nabuchodonosore, ac fatente signum & mirabile. Huc referri potest aliud Danielis cap. 14. ubi, cum Angelus Domini dixisset Habacuc, ut prandium quod paraverat, deferret ad Danielelem, qui erat in Babylone, & in medio lacu leonum, Habacuc autem respondente, se numquam vidisse Babylonem, & lacum nescire, Angelus eum apprehendit in vertice, ipsumque posuit in Babylone supra lacum, & postea loco suo restituit. Huc, ut sexcenta alia omittamus, referri potest id, quod habetur *lib. 4. Regum cap. 19.* ubi una nocte Angelus Domini percussit in castris Assyriorum, & occidit centum octoginta millia hominum, sive id factum sit igne cælitus delapso, qui Assyriorum corpora in cineres & favillas redegerit, sive Assyrii intimo ulcere fuerint percussi, absque eo quod in extrema cute aliquid apparuerit, juxta varias Interpretum sententias apud Calmet in *dissert. de dissipato exercitu Sennacherib.* Huc denique referri possunt apparitiones Angelorum corpore assumpto, de quibus *Genes. cap. 18. 23. 32.* de quibus *Actuum 5. 7. 8.*, *Lucæ 1. & 2.* quæ utique vera miracula fuerunt, ut infra demonstrabitur, cum de apparitionibus agetur, quamvis non excedant vim & facultatem Angeli, quemadmodum post relatas prædictas apparitiones bene adnotavit Thyreus de *Spirituum apparitione cap. 6. num. 8. Res hæc vires Angelorum non excedit, ut qui in corpora vim habent summam.*

17 Abbas Huttevillus *Tractatum* edidit Gallico idiomate Parisiis impressum

16 DE SERVORUM DEI BEATIFICATIONE

pressum anno 1722. de Religione per facta probata. Christianus Holzmartus extraordinarius Professor Philosophiæ in Academia Vittembergenſi Commentationem philosophicam de miraculis, & genuinis eorum criteriis Francosurti, & Lipsiæ anno 1727. edidit, cujus compendium exponitur in *Actis Eruditorum Lipsiæ* editis anno 1728. pag. 28. & seqq. ubi idem Christianus, licet Auctor heterodoxus, ad examen revocatis quibusdam assertionibus Abbatis Huttevilli, contendit, nonnulla dari vera miracula, quæ vires totius naturæ creatæ non superant. Fuit id quoque animadversum a Suarez in tract. de Angelis lib. 4. cap. 39. num. 10.: In quo etiam considerandum est, in præſenti sermonem esse de operibus sensibilibus, quæ hominibus miraculosa apparent, de quibus concedi potest & debet, ut sint vera miracula, necessarium & sufficiens esse, ut superent omnem naturalem virtutem causarum naturalium visibilium, & corporalium. Subſcribit Petrasancta in Thaumasia vera religionis, in præleg. §. 19. ubi ait, in quibusdam effectis neque rem ipsam, neque modum superare vim & potestatem naturæ invisibilis & incorporæ, sed, hoc minime obſtante, inter miracula recenſeri ratione adjunctorum, sive circumſtantiarum: & Mattheus Magnanus in diſſertatione de lacrymis Imaginis S. Mariæ de Gratiis Pinna Billorum, in præſat. num. 4. & seqq. diſiſionem conſtituit miraculorum, in miracula videlicet, quæ superant omnem vim & efficaciam totius naturæ creatæ, & miracula, quæ vim & efficaciam superant tantum naturæ corporalis. Nonnulli primi generis miracula appellant *Miracula ſtrictè ſumpta*, & miracula ſecundi generis appellant *Miracula large accepta*. Ferrariensis in notis ad cap. 102. lib. 3. S. Thomæ contra Gentiles ait, primi generis miracula eſſe ſimpliciter miracula: Simpliciter autem miraculum dicitur, quod ſit præter ordinem totius naturæ creatæ, per virtutem ſecundum ſe a quocumque intellectu creato incomprehenſibilem; & ſecundi generis miracula vocat miracula quoad nos: Quoad nos dicitur miraculum, cum aliquid ſit præter ordinem naturæ creatæ nobis nota, per virtutem creatam nobis ignotam, licet in ſe cognoscibilis & comprehenſibilis ſit ab intellectu creato. At Nos, majoris claritatis gratia, dicimus, miracula majora excedere vires totius naturæ creatæ, & miracula minora excedere vires naturæ tantum corporæ & viſibilis: ſed de hoc iterum infra tractabitur.

CAPUT SECUNDUM.

De cauſa efficiente Miraculorum

Solus Deus cauſa eſt efficiens principalis miraculorum, juxta doctrinam D. Thomæ 1. part. quæſt. 110. art. 4. in corpore: Reſpondeo, dicendum: quod miraculum proprie dicitur, cum aliquid ſit præter ordinem naturæ; ſed non ſufficit ad rationem miraculi, ſi aliquid fiat præter ordinem naturæ alicujus particularis, quia ſic, cum aliquis projicit lapidem ſurſum, miracu-
lum

lum faceret, cum hoc sit præter ordinem naturæ lapidis. Ex hoc ergo aliquid dicitur esse miraculum, quod sit præter ordinem totius naturæ creata: hoc autem non potest facere, nisi Deus. Hoc ipsum late prosequitur S. Doctor 3. lib. contra Gentes cap. 102. ubi post plura concludit: Solius igitur Dei est miracula facere; ipse enim est superior ordine, sub quo universa continentur, sicut a cujus providentia totus hic ordo fluit: ejus etiam virtus, cum sit omnino infinita, non determinatur ad aliquem specialem effectum, neque ad hoc, quod effectus illius predicatur aliquo determinato modo, vel ordine. Ante S. Thomam illud idem traditum fuerat a S. Augustino lib. 10. de civitate Dei (cap. 12. col. 249. tom. 7.) Porro autem quacumque miracula, sive per Angelos, sive quocumque modo, ita divinitus fiunt, ut Dei unius, in quo solo beata vita est, cultum religionemque commendent; ea vero ab eis, vel per eos, qui nos secundum veritatem pietatemque diligunt, fieri, ipso Deo in illis operante, credendum est.

2 Apertis Scripturæ testimoniis, quæ dicta sunt, innituntur. Psalm. quippe 71. 18. legitur: *Qui facit mirabilia solus*; & sacer Textus miracula, quæ per Moysen & Aaron in Ægypto patrata sunt, Deo auctori adscribit. Exodi quoque cap. 3. v. 20. ait Deus: *Extendam enim manum meam, & percutiam Ægyptum in cunctis mirabilibus meis, quæ facturus sum in medio eorum*; & cap. 15. post transitum populi per mare sicco pede, & demersionem exercitus Pharaonis in eodem, Moyses cecinit v. 11.: *Quis similis tui in fortibus, Domine? quis similis tui, magnificus in sanctitate, terribilis atque laudabilis, faciens mirabilia?* *Extendisti manum tuam, & devoravit eos terra*; & Psalm. 105. 21. *Obliti sunt Deum... qui fecit magna in Ægypto, mirabilia in terra Cham, terribilia in mari rubro.* Confirmantur hæc ex miraculis, quæ a sanctis viris eduntur. Actuum quippe cap. 3. v. 6. cum Petrus claudum ex matris utero sanavit, ita locutus est: *In nomine Jesu Christi Nazareni surge, & ambula*; & Actuum cap. 9. v. 34. cum Petrus sanavit Æneam, ait: *Ænea, sanat te Dominus Jesus Christus; surge, & sterne tibi.* Et continuo resurrexit; præmissaque oratione ad Deum, vitam Tabithæ mortuæ reddidit v. 40.: *Eiecit autem omnibus foras, Petrus ponens genua oravit; & conversus ad corpus dixit: Tabitha, surge.* At illa aperuit oculos suos; & viso Petro, resedit.

3 Decentissimum & maximopere conveniens fuisse, ut a Christo Domino miracula fierent, late probat D. Thomas 3. part. quæst. 43. art. 1. Cum enim hominibus manifestari deberet, Deum esse in eo per gratiam unionis, & non adoptionis, ejusque supernaturalem doctrinam esse a Deo; omnino decebat, & quodammodo oportebat, ut insignissima miracula ab eo ederentur. Dictum est autem, decentissimum & conveniens fuisse, non necessarium, ut a Christo miracula ederentur, cum homines etiam sine miraculis ad ei credendum essent obligati, tum per interiorē vocationem, tum per doctrinam & prædicationem exteriorē, ut idem sanctus Doctor prosequitur quodlibet. 2. quæst. 3. art. 6. Edita autem fuisse ab eo miracula, colligitur ex Evangeliiis Matthæi, Marci, Lucæ, & Joannis; miracula autem quæ sunt in Evangeliiis Matthæi, & Lucæ, versibus elegiacis, & ea

18 DE SERVORUM DEI BEATIFICATIONE.

quæ sunt in Evangeliiis Marci, & Joannis, verbis heroicis S. Gregorius Nazianzenus elegantissime exprellit. Josephus quoque inter Judeos magni nominis, lib. 18. *Antiquit. cap. 3. n. 3.* disertis verbis asserit, Christum mirabilium operum fuisse editorem: Eo etiam tempore fuit Jesus, vir sapiens, si tamen virum eum appellare fas est. Fuit enim mirabilium operum effector, magister hominum qui verum cum voluptate accipiunt: multosque Judeos, multos item Gentiles ad se pellexit. Hic erat Christus, quem cum Pilatus, ab hominum nostrorum primis delatum, crucis supplicio adlixisset, eum tamen amare non desierunt, qui primum amaverant. Apparuit enim eis tertio die viduus, divinis vocibus & hac & mille alia de eo miranda efficit: atque ab eo denominata Christianorum natio, durat usque ad hunc diem. Hoc Josephi testimonium, in dubium præpollere a nonnullis vocatum, vindicavimus lib. 1. cap. 1. num. 9. Præclara sunt, quæ pro isto Josephi testimonio cumulavit Huetius in demonstratione. Euang. proposuit. 3. n. 11.: Facit constans & perpetuus codicum omnium Josephi sive exaratorum calamo, sive typis impressorum, in eo retinendo consensus. Facit & Eusebii auctoritas, qui illud & in libris Demonstrationis Evangelicæ, & in Ecclesiastica historia, tamquam legitimum & genuinum representavit. Expressit id quoque latine Hieronymus in libro de Scripioribus Ecclesiasticis &c. Suadet idem præterea & ratio, nec enim probabile est, Josephum Scriptorem non indiligentem, cum res Judæorum persequeretur, de eo viro tacuisse, qui maximos in ea gente, ac per universum fere orbem excitavit motus &c. Quis eum putet elogio digno censuisse Joannem Baptistam & Jacobum, indignum vero mentione Christum Jesum existimasse, cujus longe clarior nomen fuit? Cum præsertim Jacobum laudans, ut notum hunc faceret, fratrem esse scripserit: Jesu, qui Messias ductus est, quem videlicet longe notiorum esse scireba: &c. Consensit ad hac orationis filum, & dictionis color, talis nimirum, qualis Hellenistarum esse solet. Locutiones etiam quasdam observare licet Josephi familiares. Julianus etiam Apollata & Christi intensissimus hostis fassus est ab eo edita fuisse miracula, uti videri potest apud S. Cyrillum lib. 6. Thomas Woodstonius olim in Collegio Sidæo Academiæ Cantabrigiæ Socius Londini anno 1727. discursum edidit de miraculis Salvatoris nostri, quæ non minus stulte, quam impie contendit ab Evangelistis fuisse conscripta tamquam emblemata representantia vitam spiritalem in hominum animabus, sed a Christo vere edita non fuisse. Porro prava hæc, perversa, & a nullo excogitata doctrina eum merito in suspensionem infidelitatis adduxit: qua de causa, auctoritate Edmundi Archiepiscopi Londinensis appellati Collegio expulsi est; & Senatus Regni Anglicani, libri perveritate motus, eum igni damnavit; Auctor autem impius, ut poenam effugeret, ad Judæorum cœtum nefarie transiit; uti legitur tom 9. *Actuum Eruditorum*, quæ Lipsiæ publicantur, in supplementis anni 1729. pag. 449. & seqq.

4 Initium signorum Christi contigit in nuptiis in Cana Galiliæ factis tunc, cum aquam convertit in vinum. Joannis quippe cap. 2. v. 11. legitur: *Hoc fecit initium signorum Jesus.* Hanc ad rem scribit Tertullianus lib. de Baptismo cap. 9. pag. 390.: *Prima rudimenta potestatis suæ, vocatus ad nuptias, aqua*

aqua auferatur: & concordat S. Epiphanius *hæref.* 51. §. 16. *tom.* 1.: *Tertio postea die nuptiæ factæ sunt in Cana Galilee post biduum illud, idque primum prodigiorum omnium extitit.* Atque hinc fit, ut merito inter apocrypha recenseantur in can. *Sancta Romana dist.* 15. liber ille *de infantia Salvatoris*, & alii similes, in quibus plura narrantur miracula ab eo facta, dum erat infans, de quibus S. Joannes Chrysostomus *homil.* 17. al. 16. in *Euangelium Joannis* hæc habet (n. 3. pag. 99. *tom.* 8.): *Hinc palam est signa illa, quæ a Christo in pueritia facta seruntur, falsa, & a quibusdam conficta esse. Nam si a puero miracula edidisset, Joannes non illum ignoravisset, nec reliqua multitudo opus habuisset Doctore, qui illum indicaret. Quod & confirmat homil.* 23. aliis 22. (pag. 132. *tom.* cit.): *Post Baptisma (Christum) signa edere cepisse: ante Baptisma vero nullum fecisse: & ad rem D. Thomas cit. quæst.* 43. art. 3. postquam iterum statuit, miracula a Christo facta fuisse in confirmationem suæ doctrinæ, & ad ostendendam in se virtutem Divinam, subjicit: *Et ideo quantum ad primum, non debuit ante miracula facere, quam docere inciperet; non autem debuit incipere docere ante perfectam ætatem, ut supra habitum est, cum de Baptismo ejus ageretur: quantum autem ad secundum, sic debuit per miracula Deitatem ostendere, ut crederetur veritas Humanitatis ipsius; & ideo, sicut dicit Chrysostomus super Joannem, decenter non incepit signa facere in prima ætate; existimasset enim, phantasma esse Incarnationem, & ante opportunum tempus cruci eum tradidissent: & in responsione ad tertium addit, ad laudem Discipulorum pertinuisse, quod Christum secuti fuerint, cum nulla eum miracula facere vidissent: unde Joannis cit. cap. 2. post relatum miraculum conversionis aquæ in vinum, dicitur: Hoc fecit initium signorum Jesus in Cana Galilee, & manifestavit gloriam suam, & crediderunt in eum Discipuli ejus. Legi potest tomus quartus Cardinalis Gotti de *veritate Christiana religionis* cap. 15. §. 1. ubi referuntur, & conlulantur, quæ fabulator narrat in memorato libro de *infantia Christi*.*

§ Ipse quoque S. Joannes, post relata nonnulla alia Christi miracula, ait cap. 20. *Multa quidem & alia signa fecit Jesus in conspectu Discipulorum suorum, quæ non sunt scripta in libro hoc; & cap. 21. innuens multitudinem operum Christi hæc habet: Sunt autem & alia multa, quæ fecit Jesus, quæ si scribantur per singula, nec ipsum arbitror mundum capere posse eos, qui scribendi sunt, libras.* Sanctus Augustinus *tract.* 124. in Joannem n. 8. col. 826. *tom.* 3. *part.* 2. prædictum loquendi modum putat hyperbolicum: *Hunc loquendi modum græco nomine non solum græcarum, verum etiam latinarum litterarum Magistri Hyperbolen vocant, qui modus, sicut hoc loco, ita in nonnullis aliis Divinis litteris invenitur, ut est, Poluerunt in celum os suum: & Verticem capilli perambulantiem in delictis suis: & multa hujusmodi, quæ Scripseris sanctis non desunt, sicut alii tropi, hoc est locutionum modi.* Sed ex eo loquendi modo maxima miraculorum multitudo colligitur, teste S. Cyrillo Alexandrino in *comment. in Joan.* (lib. 12. *tom.* 4. pag. 1123.): *Ingens, inquit, miraculorum multitudo, & innumerabilis est præclarorum operum series, & ex multis milli-*

20 DE SERVORUM DEI BEATIFICATIONE

bus desumpta hac sunt, qua cumulatissimam auditoribus utilitatem asserre abunde queunt. Neque vero libri huius Scriptorem quisquam reprehendat, inquit, aequus ac studiosus auditor, si non aliorum quoque memineris. Nam si qua facta sunt, singillatim scripta essent nullo prætermisso, mundum quidem ipsum implestet innumera librorum multitudo. Atque hac hyperbolice quidem dici, putamus. Multa quippe miraculorum millia virtute Servatoris nostri facta esse cogitandum est; verumtamen illustriora tantum ab Evangeliorum præconibus, ut videtur, scripta fuisse, et per qua maxime possent Auditores ad incorruptam fidem firmari, et doctrina tam morum quam dogmatum institui.

6 S. Thomas 3. part. cit. quest. 43. art. 2. probat, Christum secisse miracula virtute Divina; & Cardinalis Bellarminus tom. 1. contro. lib. 5. cap. 7. scite distinguit tria genera operum Christi; quædam pure Divina, ut creare & conservare omnes creaturas; quædam pure humana, ut comedere & bibere; quædam partim Divina, partim humana, quæ appellantur *theandrica*, hoc est divine humana; ad quam classem pertineant omnia miracula ab eo patrata, licet etiam omnis Christi actio ratione Suppositi operantis theandrica dici possit, cum semper Deus homo operatus sit, non nudus Deus, aut nudus homo: & quamvis in patrandis miraculis aliquando orationem præmiserit, ex quo inferri posse videretur, eum virtute Divina miracula non edidisse, animadvertendum nihilominus est, ab eo præmissam fuisse orationem, non propter necessitatem suffragii, sed propter exemplum, ut confunderet Judæos, qui falso asserabant, eum in Beelzebub principe Dæmoniorum Dæmones expellere. Additur, ab eo edita fuisse quandoque miracula, nulla præmissa oratione, cum Leproso dicenti, Domine, si vis, pater me mundare, statim responderit: Volo, mundare; unde S. Chrysostomus humil. 25. al. 26. in Mattheum pag. 307. tom. 7. bene animadvertit, leprosum Christo non dixisse: Si Deum precatus fueris, neque si oraveris; sed, Si vis, pater me mundare. Neque dixit, Domine munda me, sed ipsi cuncta committit, atque curandi dominum illum esse, & potestatem ejus summam testificatur. Quid igitur, inquit, si falsa erat leprosi opinio? illam confutare oportuit, ipsumque increpare, ac corrigere. Num igitur illud fecit? Nequaquam: immo dictum confirmat & roborat. Ideoque non dixit, Mundare; sed, volo, mundare. S. Irenæus lib. 5. advers. heres. cap. 13. notat, a Christo Domino tres mortuos fuisse ad vitam revocatos, filiam videlicet Archisynagogi, filium Viduæ, & Lazarum quatruiduanum; & S. Augustinus serm. 98. al. 44. de verbis Domini cap. 3. col. 517. tom. 5. scite notat, tres mortuos ad vitam temporalem fuisse a Christo revocatos, sed innumerabiles ad vitam æternam: Tres autem mortuos invenimus a Domino resuscitados visibiliter, millia invisibiliter. S. Thomas 3. part. quest. 44. art. 3. proposito dubio, *Utrum convenienter Christus circa homines miracula fecerit, & facta sibi oppositione, quod non oporteret hominibus corporum curationem querentibus peccata dimittere, uti fecisse legitur circa Paralyticum, Matth. 9.; respondet, cum Christus miracula faceret virtute Divina, &*

Dei

Dei perfecta sint opera; & aliquid perfectum non sit, si finem non consequatur, finisque exterioris curationis per Christum factæ, esset animæ curatio, Christo idcirco convenisse, ut corpus curando, animam etiam curaret; & *ead. 3. part. quest. ead. 44. art. 1. & seqq.* idem S. Doctor late agit de miraculis Christi, quomodo videlicet conveniens fuerit, ut miracula patraret tam circa homines, quam circa creaturas rationis expertes, nec non circa corpora cælestia. Quomodo autem Christi miracula, eum esse Deum, demonstrarent, late etiam ostendit Cornelius a Lapide *in cap. 5. in Joann. 6.* Igitur duobus maxime modis; & supra citatus Cardinalis Bellarminus *controver. tom. 3. lib. 4. cap. 23. n. 23.* hæc ad rem de Christi miraculis adnotat: Dominus enim aliquando sola voluntate operabatur miracula, ut cum aquam in vinum convertis; aliquando voluntate & verbo, ut cum Lazarum excitavit; aliquando voluntate, verbo, & contactu, ut cum excitavit puellam mortuam; aliquando voluntate, verbo, contactu, & alio instrumento, ut sputo, ut cum cæcum illuminavit, & alibi surdum & mutum curavit. In his omnibus nihil erat inutile & superfluum, quia omnia operabantur, & tamen non erant omnia necessaria, neque majorem effectum producebant omnia simul, quam unum, aut duo tantum: non enim melius revixit puella, quam Lazarus, etiamsi illam & voce appellavit, & manu apprehendit; Lazarum autem solum vocavit.

7 Ad Angelos quod attinet, S. Thomas *part. 1. quest. 110. art. 4.* questionem proponit, *Utrum Angeli possint facere miracula*, & negando respondet; miraculum quippe illud est, quod sit præter ordinem totius naturæ creatæ, & quidquid ab Angelo sit propria virtute, sit secundum ordinem naturæ creatæ; quibus præmissis, infert S. Doctor, ab Angelo propria virtute miraculum fieri non posse: & excitata oppositione, quod Virtutes vocentur illi spiritus, per quos signa & miracula frequentius fiunt, Virtus autem superior non subdatur ordini causæ inferioris, proindeque Angelus operari valeat præter ordinem corporalium agentium, propriaque idcirco virtute miraculum facere possit; respondet primum, Angelos dici aliquando miracula facere, vel quia ad eorum desiderium Deus miracula facit; vel quia aliquod ministerium exhibent in miraculis, quæ fiunt, sicut colligendo pulveres in resurrectione communi; deinde, licet Angeli aliquod possint facere præter ordinem naturæ corporalis, non tamen posse aliquid facere præter ordinem totius naturæ, quod exigitur ad rationem miraculi: & *in quest. 6. inter questiones disputatas de miraculis art. 4.* docet, ad miracula faciendâ Angelos tripliciter operari; uno modo, precibus impetrando; alio modo, materiam sua naturali virtute disponendo, ut in exemplo supra recensito; alio demum modo, aliquid simul agendo, tanquam instrumenta videlicet Divinæ virtutis, ad miraculi perfectionem. Doctrina hæc D. Thomæ procedit quoad miracula, quæ superant vires & facultatem cujuscumque naturæ creatæ, sive invisibilis & incorporeæ, sive visibilis atque corporeæ; sed æque applicari potest miraculis excedentibus tantum vires & facultatem naturæ visibilis atque corporeæ, cum (ut

infra

22 DE SERVORUM DEI BEATIFICATIONE

infra demonstrabitur) ea fiant ab Angelis bonis virtute propria, sed jussu Dei, uti patet in exemplis supra recensitis; juxta ea quæ habentur apud Castaldum de potestate Angelica tom. 1. disput. 2. quest. 1. art. 4. in solutione argumentorum, ubi ita loquitur: *Occisus autem militem Sennacherib a Patribus æstimatur naturali virtute secuta ab Angelo jussu Dei &c. Habacuc etiam potuit, præcipiente Domino, naturaliter ab Angelis deferri citissime, non tamen motu discreti, quo quandoque moventur Angeli ipsi, aut in instantibus duobus sed motu continuo & proportionato corpori; velocissime tamen, juxta virtutem & voluntatem Angeli deferentis. Et sequitur Swerts Doctor Lovanienlis in Synopsi question. Theologic. tom. 1. pag. 478. : Quin etiam Angeli, tam boni, quam mali, ex naturali facultate, quam supra diximus in utrisque integram perdurare, corpoream aliquam substantiam ex Dei jussu, aut permissu aliò transferre possint, dubitari non potest. Etenim sacra hoc ipsam testantur Pagina de Habacuc Prophetâ, Angelo assumente (Daniel. ult.) qui ex Judæa illum in Chaldaam in lacum leonum transportavit, in quem demissus Prophetâ Daniel fuerat ab ipsis devorandus.*

8 Etiam Theologi & Philosophi, tum Christiani, tum Hebræi, hucusque tradiderint, Angelos posse agere super corpora sublunaria, & ea movere, sed id ab eis non fieri, nisi ad nutum Dei, qui eis utitur tanquam ministris suæ providentiæ, uti passim colligitur ex Divinis Scripturis, quæ nobis repræsentant Angelos exequentes Dei voluntatem, non autem Deum obsecundantem voluntati Angelorum; non multis tamen ab hinc annis nova & periculosa prodiit doctrina Mallebranchii, qui editis libris probare conatus est, in quocumque miraculo, quod in veteri Lege factum est, Angelos non fuisse Divinæ voluntatis executores, sed Deum, qui Angelis sui populi custodiam commiserat, fuisse potius Angelicæ voluntatis executorem, ita ut non particulari voluntate ullum ex dictis miraculis voluisse dici potuerit, sed tantum voluntate generali, voluntate videlicet faciendi quicquid Angeli voluissent. Doctrina hæc merito fuit conturbata, & funditus eversa in dissertatione typis Colonienfibus edita anno 1685. ubi docte ostenditur, in Divinis Scripturis haberi quidem, Legem per Angelos datam fuisse, Angelos custodiam habuisse Israelitarum, Israelitas obediētes Legi per Angelos fuisse præmiis affectos, & contemptores per Angelos sæpe punitos, Mannam fuisse panem formatum manu Angelorum, cladem copiarum Sennacherib ab Angelo factam fuisse; sed hinc tantum inferri, Deum usum esse Angelis tanquam ministris suis, ut hæc mirabilia operaretur.

9 Ab hominibus quoque sanctis, sive dum viverent, sive post obitum, miracula edita fuisse, plane exploratum est: hoc autem intercedit discrimen inter Sanctos antiqui & novi Testamenti, quod Deus, intercessione Sanctorum veteris Testamenti, miracula operari dignatus est sæpius in vita, & rarius post obitum eorum, & quoad Sanctos novi Testamenti, sæpius post obitum, & rarius in vita ipsorum; cum Sancti veteris Testamen-

ti,

ti, utpote a Deo ipso canonizati, miraculis post obitum non indigerent; Sancti autem novi Testamenti, ab Ecclesia canonizandi, miraculis post obitum indigeant. S. Joannes Baptista dicitur a D. Thoma 2. 2. *quest. 174. art. 4. ad tertium* medius inter antiquum, & novum Testamentum; sed stricte loquendo, pertinet ad novum: cumque nulla in vita miracula fecisset, putavit Herodes eum post suam in Christo resurrectionem miracula fuisse editurum: *Air pueris suis: Hic est Joannes Baptista, ipse surrexit a mortuis, & ideo virtutes operantur in eo*, uti legitur Matthæi 14. v. 2. super quo textu ita scribit B. Albertus Magnus: *Herodes autem, licet infidelis esset, tamen credidit resurrectionem, & quod post resurrectionem Sancti majoris virtutis essent, quam ante; & ideo Joannem facere resurgentem dixit, quod ante resurrectionem eum non posse facere putavit*. Additque una cum Rabano Abulentiis *quæst. 8. In hoc non errabas Herodes; quia multo fortiores erunt Sancti susceptis dotibus gloria tam anima, quam corporis, quam hic fuerunt*. Sic dicit Rabanus: *Bene autem de resurrectionis virtute omnes senserunt; quod majoris potentia sunt Sancti futuri, cum a mortuis resurrexerint, quam fuerunt, cum adhuc carnis infirmitate gravarentur*. At præter hæc, miraculorum a Sanctis patratorum non defunt sancti Patres testes oculati, Irenæus videlicet *lib. 2. advers. hæres. cap. 66. Chrysostomus tom. 5. serm. 67. vet. edit. Hilarius in lib. adversus Constantium Imp. Gregorius Nazianzenus orat. 18. Augustinus lib. 22. de civit. Dei cap. 8. Hieronymus in lib. contra Vigilantium, Theodoretus orat. 8. adversus Græcos*. Apostolis a Christo data est potestas curandi infirmos, suscitandi mortuos, & ejiciendi Dæmonia: *Infirmos curate, mortuos suscite, leprosos mundate, Dæmones ejicite*, uti habetur Matthæi 10. 8. Hæc eadem potestas septuaginta Discipulis data est, uti habetur Lucæ 10. v. 9. & 19. *Curate infirmos &c. Ecce dedi vobis potestatem calcandi supra serpentes & scorpiones, & super omnem virtutem inimici, & nihil vobis nocebit*. Unde ipsi dixerunt v. 17.: *Domine, etiam Dæmonia subjiciuntur nobis in nomine tuo*. Gratia enim miraculorum patratorum data est animæ Christi modo adeo excellenti, ut non solum ipse miracula facere, sed aliis etiam facultatem facienda dare posset, juxta doctrinam D. Thomæ 3. *part. quæst. 13. art. 2. ad tertium*: *Hæc quidem gratia excellentissime data est animæ Christi, ut scilicet non solum ipse miracula faceret, sed etiam ut hæc gratiam in alios transfunderet*. Unde dicitur Matth. 10. quod, convocatis duodecim Discipulis, *dedit eis potestatem Spirituum immundorum, ut ejicerent eos, & curarent omnem languorem, & omnem infirmitatem*. Pollicitus est Christus *cap. ult. Marci v. 17. donum miraculorum in Ecclesia sua esse perseveraturum: Signa autem eos, qui crederint, hæc sequentur: In nomine meo Dæmonia ejicient, linguis loquentur novis, serpentes tollent, & si mortiferum quid biberint, non eis nocebit: super agros manus imponent, & bene habebunt*. Frequentiora fuisse tempore, quo Tyranni Ecclesiam persequabantur, miracula, testatur S. Gregorius in *cap. 37. Job (lib. 27. cap. 18. n. 36. col. 869. tom. 1.)*: *Tunc quippe sancta Ecclesia miraculorum adjutorii indiguit, cum eam tribulatio persecutionis preffisset*. Nam, postquam

superbiam Infidelitatis edomuit, non jam virtutum signa, sed sola merita operum requirit; quare & illa per multos, cum opportunitas exigit, ostendat. Et n. 37. Quid est ergo mirum, si, propagata Fide, crebro miracula non sunt? Apud S. Augustinum in lib. de vera religione cap. 25. n. 47. col. 763. tom. 1. hæc scripta sunt: Nec miracula illa (loquitur de miraculis primorum temporum) in nostra tempora durare permessa sunt, ne animus semper visibilia quæreretur. Ab his autem inferri nequit, temporibus subsequenter cessasse Gratiam miraculorum; tum quia idem S. Augustinus in lib. de civitate Dei multa suorum temporum miracula refert, & lib. 1. retract. cap. 13. col. 20. tom. 1. explicat, quæ dixerat in lib. de vera relig.: Sed non sic accipiendum est, quod dixi, ut nunc in Christi nomine fieri miracula nulla credantur; nam ego ipse, quando istum ipsum librum scripsi, ad Mediclanensium corpora Martyrum in eadem civitate caecum illuminatum fuisse jam noveram, & alia nonnulla, qualia tam multa etiam istis temporibus sunt, ut nec omnia cognoscere, nec ea quæ cognoscimus, enumerare possimus; tum quia in dialog. libr. sanctus ipse Gregorius multa & insignia miracula suo etiam tempore patrata late exponit, quemadmodum ex eorum lectione dignoscitur, & ipse testatur lib. 3. epist. 51. aliis 50. indic. 11. Fratres mei, qui mecum familiariter vivunt, omni modo me compellunt aliqua de miraculis Patrum, quæ in Italia facta audivimus, sub brevitate scribere: sprete illorum oppositione, qui autumant, dialogorum libros non esse opus S. Gregorii; plura quippe miracula, quæ in eis referuntur, referuntur etiam in aliis ejusdem S. Gregorii operibus; uti ostendit Natalis Alexander in hystor. Eccles. sac. v. 1. cap. 4. art. 16. & dialogorum libros uti genuinos S. Gregorii foetus vindicat Cardinalis Baronius in not. ad Martyrol. Rom. ad d. 23. Decembris, quod ipsum pluribus ostenditur in libro Cardinalis Bellarmini de Scriptor. Eccles. Veneta edit. anni 1728. pag. 225. Perseverantia demum miraculorum in Ecclesia Dei, & continuata successio ponitur in aperto ab Horantio lib. 4. loc. Catholic. sacr. Script. cap. 6. & seqq. a Thoma Bozio de signis Ecclesie, a Bagatta in admirandis orbis Christiani, a Cardinali Bellarmino lib. 4. de notis Ecclesie cap. 14. §. Veniamus nunc ad alteram partem, & rursus a Cardinali de Lauræa in 3. lib. sent. tom. 4. disput. 20. de miraculis art. 9. quod ipsum evincunt frequentes Sanctorum Canonizationes, ad quas non proceditur, nisi excussis approbatique miraculis: & quod attinet ad miracula, quæ fiunt, & facta sunt a sanctis hominibus, nemo est qui non videat, ea soli Deo tanquam causæ principali adscribenda esse, cum quodcumque miraculum naturalem hominis facultatem & vires excedat.

10 Fiunt ergo a creaturis, ab Angelis videlicet bonis, & ab hominibus, tanquam Divinæ omnipotentie instrumentis, miracula; & sic Angeli, & homines sancti, dici possunt causa miraculorum. Inter Theologos autem disputatio est, utrum Christus ut homo, sanctique homines, sive vivi sive mortui, sint causa physica, an moralis miraculorum, quæ ab ipsis eduntur. Causam physicam vocant illam, quæ ex se, prævia operatione, attin-

attingit effectum, suas vires non excedentem, sibi que congruum. *Moralem* appellant illam, ex cujus naturali operatione sequitur effectus, quem ipsa producere non potest, quique producitur a causa principali, quæ movetur ad operandum ad causæ moralis instantiam & petitionem: & hanc causam moralem asserunt movere causam principalem, sed tanquam illi inferiori & famulantem. His præmissis, nonnulli docent, creaturam rationalem, Christum scilicet ut hominem, & Sanctos ejus, fuisse & esse non causas physicas, sed morales ad miracula faciendâ. Id porro asserunt, quia causa moralis illa est, quæ per suam operationem non excedentem proprias vires, movet agens principale ad operandum aliquid, quod ejus vires excedit: cumque creatura Deum moveat ad faciendâ miracula, orando, rogando, benedicendo, & actiones istæ non sint naturaliter aptæ ad miraculi productionem, hinc deducunt, non posse creaturas rationales esse causas physicas, sed tantum morales miraculorum. Addunt, causam meritoriam, non esse causam physicam, sed moralem, & Sanctos ex propriis meritis miracula a Deo impetrare. Aliis autem placet, Christum ut hominem, & homines ipsos causam esse physicam miraculorum. Quod Christus causa fuerit physica miraculorum, probant auctoritate sacri Textus *Luc. 6. 19.*: *Virtus de illo exibat, & sanabatur omnes*: & rursus *cap. 8. 46.*: *Ego vici, virtutem de me exiit*: quæ significare omnino videntur causam physicam, & non moralem. Rursus, cum tam Christus, quam Sancti plura ediderint miracula imperando, uti quoad Christum comprobatur ex illo *Matth. 8. 26.* *Imperavit ventis, & mari, & facta est tranquillitas magna*: & quoad Sanctos ex illo *Isue 10. 12.*: *Sol contra Gabaon ne movearis*; & imperare sit proprium non causæ moralis, sed physicæ, nil clarius sibi suadent asserri posse ad demonstrandum, Christum ut hominem, & Sanctos, non moralem tantum, sed causam esse physicam miraculorum. Pro prima sententia pugnant Scotus in 4. dist. 1. quest. 1. 4. & 5. *Averſa de Incarnat. quest. 13. sent. 3. vers. Opposita sententia*, Valsequez ad part. 3. D. Thomas disput. 57. cap. 5. & inter eos, qui de Canonizatione scripserunt, Cardinalis de Lauræa in 3. lib. sent. tom. 4. disput. 20. de miraculis art. 13. & art. 14. Bordon. de miraculis meditat. 2. quest. 12. num. 25. & plurib. segg. *Matthæus in præf. Theologo-Can. ad caus. Beatificat. & Canonizat. tit. 3. cap. 1. §. 1. num. 14. & segg.* Secundam autem sententiam probat D. Thomas quest. 6. de miraculis art. 4. & art. 9. *utrobique in corpore*, ubi docet, solum Deum, miracula facere per auctoritatem, sed potestatem faciendi miracula communicare creaturæ juxta creaturæ capacitatem, & suæ Divinæ sapientiæ ordinem, & sic creaturam per gratiam miracula ministerio operari, juxta illud S. Gregorii in 2. dialogor. cap. 30. ubi ait, sanctos homines etiam in carne viventes, non solum orando & impetrando, sed etiam potestatem exercendo, & simul operando, miracula facere; quod utique ad causam physicam referendum esse videtur. Suarez in 3. part. D. Thomas tom. 1. disput. 31. late ostendit, Christum Dominum per actiones suæ humanitatis non solum

Tom. IV.

D

mora-

26 DE SERVORUM DEI BEATIFICATIONE

morali modo, sed etiam naturali & physico miracula esse operatum; & in tract. de Angelis lib. 4. cap. 39. admittit, posse Deum uti Angelo, tamquam instrumento physico, ad aliquod miraculum operandum. Cajetanus, Valentia, & alii stant pro hac ultima opinione, uti videri potest apud Bonacinam disput. 2. de Incarnat. quest. 9. part. 3. & inter eos, qui de Canonizatione scripserunt, Auctor Tractatus de Canonizat. SS. ad Cardinalem Montis Regalis 5. part. cap. 4. Hæc autem innuisse satis sit, cum nostri non sit instituti quæstiones pure scholasticas pertractare; & monere sufficiet, Deum solum esse veram causam efficientem miraculorum, creaturas autem in operatione miraculorum esse Divinæ potentie instrumenta, sive id referatur ad causam moralem, sive ad physicam: etenim, etiamsi sententia admittatur, quæ creaturam agnoscit tamquam causam physicam miraculorum, quæ simul operetur, id supremæ Divinæ Majestati nullum affert præjudicium, eo modo, quo vera remanet idea Dei uti auctoris Gratiæ in Sacramentis, licet dicatur, Sacramenta esse causas physicas Gratiæ: quare D. Thomas 2. 2. quest. 178. art. 1. in respons. ad primum, post allatam S. Gregorii auctoritatem dicentis, Sanctos aliquando ex potestate miracula exhibere, aliquando ex postulatione, subjicit: *Utralibet tamen modo Deus principaliter operatur, qui utitur instrumentaliter vel interiori motu hominis, vel ejus locutione, vel etiam aliquo exteriori actu, seu etiam aliquo contactu corporali corporis etiam mortui.* Unde Isus 10. cum Isus dixisset quasi ex potestate, Sol contra Gabaon non movearis, subditur postea: *Non fuit ante, & postea tam longa dies, obediente Deo voci hominis.* Miraculorum autem potentia puræ creaturæ a Deo non communicatur per modum habitus, sed per modum actus & qualitatis transeuntis. Dictum est puræ creaturæ, cum in Christo Domino potentia miraculorum fuerit quasi proprietas unionem consequens, quæ unio est perpetua & permanens: unde Viguer in instit. Theolog. de Gratia Divina cap. 9. §. 2. ad tit. de Gratia miraculorum ait: *Gratia miraculorum non est aliquis habitus, neque aliqua qualitas permanens in anima, cum aliquando sit in corpore mortuo, sicut legimus, quod quidam projecerunt cadaver in sepulcrum Elisei, cujus cum tetigisset ossa, revixit homo, & stetit super pedes suos, quia tunc instinctu Divino mota sunt ossa.* Sic plerumque contingit in Reliquiis Sanctorum, quæ a Deo ut instrumenta moventur. Ideo illa motio non est qualitas permanens, sed fluens; & sic mens Prophetæ movetur instinctu Divino ad aliquid supernaturale cognoscendum: ita etiam qui miracula facit, movetur instinctu Divino ad aliquid supernaturale faciendum, scilicet miraculum, quod Deus sua virtute facit.



CAPUT

CAPUT TERTIUM.

*De malis Angelis, Infidelibus, Hæreticis, & Antichristo. & demum
de Peccatoribus quoad miraculorum patratiōem.*

Postquam visum fuit, Deum esse causam unicam principalem effectricem miraculorum, & sanctos Angelos, & homines sanctos ejus esse instrumenta in patratiōe miraculorum; rectus ordo polceat, ut verba habeamus de malis Angelis, Infidelibus, Hæreticis, & Antichristo; an Angeli, scilicet mali, virtute propriâ miracula facere possint, an ut Dei instrumenta assumantur in miraculis edendis; & an hoc ipsum dicendum sit de Infidelibus, Hæreticis, & Antichristo, & malis hominibus, sive peccatoribus.

De malis Angelis.

2 Omnis virtus & potestas operandi *ad extra*, actione transeunte & corporali, quæ Angelis est naturalis, mansit integra in Dæmonibus post peccatum; cum per peccatum non fuerint in Angelis naturalia diminuta, nedum amissa, ut est axioma Theologorum cum D. Thoma 1. *part. quest. 63. art. 4.* Licet autem virtus ipsa in se non fuerit diminuta; propter ordinem nihilominus Gratiz, & supplicium culpæ, subjectio illius aliquo modo est immutata. Potest Angelus superior naturaliter in naturali perfectione cogere inferiorem, aut resistere, ne sua virtute exterius operatrice utatur, quia sicut est natura superior, ita etiam agendi vi & facultate. Ordo hic autem non est mutatus in Dæmonibus inter se, sed respectu sanctorum Angelorum est immutatus; quia, licet Angelus bonus sæpe sit inferior in natura, minime nihilominus sanctus Angelus potest cogere summum Dæmonem, & ei efficaciter præcipere, cum tunc non operetur sola virtute naturali, sed ut minister Dei, sine cujus nutu & voluntate nihil intentat. Communis hæc est Theologorum sententia, qua præmissa, ad institutum nostrum venimus. Querit S. Thomas 1. *part. quest. 114. art. 4.* utrum Dæmones possint homines seducere per aliqua miracula; & respondet, vera ab eis propria virtute edi miracula non posse, cum miraculum proprie sit illud, quod sit præter ordinem totius naturæ creatæ, sub quo ordine omnis natura creata continetur; posse tamen a malis Angelis aliqua fieri, quæ humanam facultatem & considerationem excedunt, & sic quæ large & improprie miracula dici possunt. Idem S. Doctor in *question. disputat. quest. 6. de miraculis art. 5.* docet, sicuti Angeli boni per Gratiam aliquid possunt ultra naturalem virtutem, ita Angelos malos minus posse ex Divina providentia eos reprimente, quam possent secundum virtutem naturalem; & eos quædam non posse, etiam si agere permittantur, quia naturæ

modus eis a Deo præstitus hoc non permittit; & concludit, ideo ipso vera miracula facere non posse, quod nulla detur eis a Deo potestas quoad illa, quæ sunt supra facultatem naturæ. En verba S. Doctoris ad propositam questionem, *Utrum etiam Dæmones operentur ad miracula faciendæ*. Sic etenim ei respondet, videlicet, id fieri non posse, *quia cum operatio miraculosa sit quoddam Divinum testimonium indicativum Divinæ virtutis & veritatis, si Dæmonibus, quorum est tota voluntas ad malum, aliqua potestas daretur faciendæ miracula, Deus falsitatis eorum testis existeret, quod Divinus bonitatem non decet*: cumque statim S. Doctor nonnullas referat operationes a Dæmone factas, quæ miraculo ascribi possent, tandem concludit: *Neutra tamen operatio est miraculosa, sed est per modum artis, ut supra diximus: & ideo simpliciter dicitur, quod per Dæmones vera miracula fieri non possunt*.

3 Quicumque ergo Dæmones insolita & admiranda in rebus corporeis operantur, triplici modo operantur, juxta doctrinam D. Thomæ: *part. quæst. 114. art. 4. in corpore, & in responsione ad primum*; vel per illusionem sensuum tam interiorum, quam exteriorum, quibus obijciunt, vel immitunt species & phantasmata earum rerum, quæ nusquam sunt, vel non sunt præsentēs; vel per summam atque imperceptam celeritatem, sublato aliquo corpore, & alio in ejus locum substituto, ut subito generatum videatur; aut applicando activa passivis, ut vel generetur aliquid novum & insolitum, vel aliquid solitum quidem & vulgare, sed novo & inusitato, atque hominibus incognito generationis modo. Per illusionem sensuum tam interiorum, quam exteriorum facta sunt ea, de quibus in *can. Nec mirum 26. quæst. 5. Fersur etiam in Gentilium libris, quod quadam Maga famosissima Græcæ socias Ulyssis mutaverit in bestias. Legitur & de sacrificio, quod Arcades deo suo Lyæo immolabant, ex quo quicumque sumerent, in belliarum formas convertebantur. Sed hæc omnia magicis præstigiis potius fingebantur, quam rerum veritate completerentur. Ad hanc eandem classem referri posse videntur ea, quæ de Strigibus narrantur ad conventicula a Dæmone deportatis, juxta alium textum in *can. Episcopi 26. quæst. 5. ubi hæc habentur: Illud etiam non est omittendum, quod quadam scelerata mulieres, retro post Satanam conversa, Dæmonum illusionibus & phantasmatibus seductæ, credens & proficiuntur se nocturnis horis cum Diana dea Paganorum, vel cum Herodiade, & innumera multisitudine mulierum equitare super quasdam bestias, & multarum terrarum spatia intempestiva noctis silentio pertraxisse, ejusque jussionibus, velut Domine, obedire, & certis noctibus ad ejus servitium vocari &c. Quapropter Sacerdotes per Ecclesias sibi commissis populo Dei omni instantia predicare debent, ut noverint, hæc omnino falsa esse, & non a Divino, sed a maligno spiritu talia phantasmata mentibus Fidelium irrogari; Quamvis non desint Catholici Scriptores, qui hæc deportationes aliquando vere factas fuisse, & fieri Dæmonum potestate putant, Paulus Grillandus in *tract. de sortilegiis num. 26. Del Rio disquisit. magicar. lib. 2. quæst. 16. Laurentius Anianus de natura Dæmonum lib. 4. cap. 4. Alonius a Castro lib. de impia sortilegarum hæresi cap. 4. & novissime Frassen* in suo**

in suo *Scoto Academico* tom. 4. Rom. edit. anni 1721. tract. 1. disput. 3. art. 9. in append. de Strigibus §. 3. Notissima sunt, quæ referuntur de Iphigenia filia Agamemnonis, & Clytemnestræ in cervam conversâ, quod S. Augustinus lib. 18. de civit. Dei cap. 18. num. 3. col. 502. tom. 7. contigisse ait per subtractionem Iphigeniæ, & substitutam ejus loco cervam per summam & imperceptam Dæmonis celeritatem: *Diomedes autem vulnere, quando quidem genus earum per successionem propaginis durare perhibetur, non mutatis hominibus factas, sed subtractis credo fuisse suppositas; sicut cervæ pro Iphigenia Regis Agamemnonis filia. Neque enim Dæmonibus judicio Dei permittis hujusmodi prestigia difficiles esse potuerunt: sed, quia illa Virgo postea virgo reperta est, suppositam pro illa cervam esse, facile cognitum est.* Similis historia existat apud Eusebium lib. 7. *hystor. Eccles.* cap. 17.: *Apud Casaream Philippi, quam Phœnicees Paneada nominant, ad pedes Panis montis fontes visuntur, ex quibus profuit Jordanes. In hoc fesso quodam die victimam conjici solitam esse ajunt, quæ mirabili quadam Dæmonis operatione nusquam postea compareret: eamque rem a spectatōribus pro illustri miraculo haberi consuevisse. Quidam igitur tempore cum Artorius hic forte caremoniis interesset, cunctosque admiratione rei percussos videret; primum quidem cecitatem vulgi miseratus est. Deinde oculis in calum sublatis, supremum omnino Deum per Jesum Christum obtestatus est, ut Dæmonem illum populi seductorem constringeret, & a decipiendis posthac mortalibus abstinere eum juberet. Peracta precatione, repente victimam fontibus supernasse ajunt, atque ita miraculum ipsis prorsus intercidisse, nullo deinceps circa hunc locum prodigio viso.* Optime de his, & similibus ita loquitur Vives ad cap. 16. S. Augustini de civit. Dei lib. 10. ad ea verba: *Quorum pleraque (loquitur S. Doctor de prodigiis Gentilium) specie tenus mortalium sensus imaginaria ludificatione decipiunt.* En verba Vives col. 1693.: *Multa sibi homines cogitatione fingunt, quæ sibi visi sunt videre, cum nihil viderint; idque, phantasmate aliquo oblato, tam sit facile, ut nihil crebrius contingat. Unde maxima pars eorum, quæ de spectris, & visione Dæmonum narrantur, est orta: cum etiam Dæmones oculis nostris illudunt. Nec mirum est, hæc fieri posse a Dæmonibus, & falli ab eis obtutus nostri aciem, cum a Circulatoribus nobis sic impenatur, ostendaturque, quæ, nisi a tali hominum genere agerentur, pro miraculis qui caperent, non desissent &c. Ita, qui edit panem, sperere cernitur farinam secam; qui bibit vinum, per frontem id, aut etiam per jugulum remittit. Magno spectatorum metu ac horrore, gladii vorantur, & ingens vis ecomitur acuum, zanolarum, nicomernum. Transgo, quæ ex magia naturali sunt, subito apparere convivas omnes truncos, aut asininis capitis, extendi per triclinium vitem, quorum rationem plurimi norunt; nam libri his de rebus sunt conscripti, & factu facilia sunt. Quanto magis Dæmones, qui nobis & agilitate prestant, & peritia rerum nature? Et quoad applicanda activa passivis, ut vel generetur aliquid novum & insolitum, vel aliquid solitum quidem & vulgare, sed novo & inusitato, atque hominibus incognito generationis modo, animadverti possunt, quæ Auctor Teffamenti duodecim Patriarcharum refert de assumpta a perduellibus Angelis*

VIRO

30 DE SERVORUM DEI BEATIFICATIONE

virorum nonnullarum mulierum gigantea specie, furtivoque cum eis habito concubitu, ex quo Gigantes nati sunt, affecta mulierum phantasia ludibrio formæ gigantæ (nisi hoc inter fabulas sit recensendum, quemadmodum ostendit Calmet in *dissertatione de Gigantibus*); vel quæ leguntur de Dæmonibus incubis, & succubis, de quibus plura habentur apud Del Rio lib. 2. *disquisit. magic. quest. 15.* apud Sixtum Senensem in *Biblioth. lib. 5. annotat. 73.* apud Raynaldum ad an. 1317. num. 53. apud S. Bonaventuram in 4. sent. dist. 44. dub. 5. apud S. Thomam 1. part. quest. 51. art. 3. ad sextum, & in 2. sent. dist. 8. art. 4. quest. 1. & de potentia quest. 6. art. 8. ad quintum. Quamvis enim prædicti concubitus communiter admittantur, sed generatio a nonnullis excludatur, quos congerit & sequitur Frassen cit. tom. 4. tract. 1. disput. 2. art. 3. sect. 3. quest. 2. concl. 2. & quest. 1. & solidissime ostendit Calmet in *dissertatione de Antichristo* art. 5. §. Facile quidem & alii tamen, tum concubitu, tum generationem fieri posse, & factam fuisse existimaverunt, modo quodam novo & inusitato, & hominibus incognito; ne scribit Vallesius de *sacra Philosophia* cap. 8. pag. 112. ubi, admissio concubitu cum Dæmonibus juxta explicationem ab eo probatam capitis sexti *Genesis* „ *Postquam enim ingressi jura filii Dei ad filias hominum, illæque genuerunt, isti sunt potentes a saculo viri famosi* „ querit, *Quo pacto generent*; & respondet pag. 118. : *Certe non generant; neque id dicitur in sacris eloquiis, sed ingressi sunt filii Dei ad filias hominum, & illæ genuerunt. Itaque, illis ad eas ingressis, ipse genuerunt, & ex proprio semine, & ex seminibus hominum, quæ, cum petulant in illa totius carnis corruptione effunderentur, receptabantur a succubis, & in utero earum, quæ sese illis subdebant, immittebantur ea celeritate, ut genitoris spiritus non dissiparetur.* Hunc sequitur Suarez tom. 1. de relig. lib. 2. de superstitione cap. 16. §. *Quarto statuendum est*; & adhaeret Abulensis in *Exodum* cap. 7. in quaestione ab ipso proposita & examinata, *An Angeli de se generare possint.*

4. Aaron *Exod. cap. 7.* virgam projecit coram Pharaone, quæ versa est in colubrum. Malefici quoque virgas suas projecerunt, quæ versæ sunt in dracones: sed virga Aaron devoravit virgas eorum. Moyses & Aaron virga percusserunt aquam fluminis, quæ versa est in sanguinem: & similiter fecerunt Malefici incantationibus suis. Item *Exod. cap. 8.* idem Aaron extendit manum super fluvios & paludes, & eduxit ranas super terram Ægypti: & similiter fecerunt Malefici per incantationes suas. Extendit denique Aaron virgam, & pulverem percussit terræ, & facti sunt cinifes in hominibus & jumentis: cum Malefici cinifes educere tentassent, id præstare non potuerunt. De hisce Magorum operationibus queritur, an fuerint illusiones; hoc est num veræ quidem ranae, verique serpentes a Magis procreati fuerint, an loco virgarum Magi substituerint serpentes & ranas aliunde allatas; ea quippe verba *Exodi 7. 12.*, *Projeceruntque singuli virgas suas, quæ versæ sunt in dracones*, eam pati possunt interpretationem, ut nomine conversionis, successio vel suppositio unius in locum alterius intelligatur,

gatur, eo modo, quo 2. *Regum* 19. 2. dicitur, *Versa est victoria in luctum*; quia victoriæ successit luctus; & *Job* 30. 31. *Versa est in luctum cithara mea*; & *Joannis* 16. 20. *Tristitia vestra vertetur in gaudium*. S. Thomas cit. *quest.* 6. de potentia, seu de miraculis art. 5. ad octavum, rejicit illorum sententiam, qui existimarunt, conversionem virgarum in serpentes fuisse tantum apparentem per aliquam præstigiosam illusionem, & adhæret sententiæ S. Augustini, qui vult, veram fuisse virgarum conversionem in serpentes; additque, Dæmones id fecisse per aliqua semina collecta, quæ vim habebant putrefaciendi virgas, & in serpentes convertendi. Repetit hoc ipsum 1. *part. quest.* 114. art. 4. in corpore, ubi sic loquitur: *Sciendum est tamen, quod, quamvis hujusmodi opera Demonum, quæ nobis miracula videntur, ad veram rationem miraculi non pertingant; sunt tamen quandoque vera res, sicut Magi Pharaonis per virtutem Damum veros serpentes, & ranas fecerunt*. Legi potest Didacus de Quadros in *palestra Biblica* tom. 2. decad. 2. *quest.* 5. num. 7. ubi post allatam prædictam auctoritatem S. Thomæ ait: *Quia verba cum expressissima sint, & a Doctore, qui in puncto scholastico princeps est, dicta sint, reliquarum auctoritatum vices sunt habitura*. Alii censent, prædictas operationes fuisse præstigiosas. Quæstio doctè pertractatur a Calmet in *dissertat. de veris fæstisque prodigiis*, ubi post plura tandem concludit, patrandorum miraculorum auctoritatem penes Deum unice manere, & prodigia de Magis Pharaonis relata, esse reputanda mera Dæmonis præstigia.

5 Dices, superius a Nobis admissum fuisse, nonnulla dari vera miracula, quæ non excedunt vires & facultatem naturæ visibilis atque corporeæ; item admissum fuisse, virtutem omnem & potestatem operandi ad extra, sive actione transeunte & corporali, quæ Angelis est naturalis, integram mansisse in Dæmonibus; & idcirco admittendum etiam esse, posse a Dæmone fieri vera miracula, non excedentia quidem vires & facultatem naturæ invisibilis & incorporeæ, sed tantum visibilis & corporeæ: & eo magis, cum *Genes. cap.* 3. Dæmon, assumpta serpentis specie, Hevæ allocutus sit; *Genes. cap.* 19. uxor Lot conversa fuerit in statuam salis; *lib.* 3. *Reg. cap.* 22. Dæmon deceperit Achab Regem Israel, & Prophetas ejus; in *lib.* *Job. cap.* 1. Dæmonis opera ignis e cælo ceciderit, & oves & pueros Job consumpserit; *Daniel. cap.* 4. Nabuchodonosor ex hominibus abjectus sit, & scænum, ut bos, comederit; Dæmon per aera detulerit Christum Dominum in pinnaculum Templi, ut est apud Matthæum & Lucam: hæc quippe, & alia facile cumulanda suadere posse videntur, Dæmonem sua virtute naturali posse miracula facere, si miracula sunt, quæ excedunt vires & facultatem naturæ visibilis & corporeæ.

6 Respondemus ea resumentes, quæ modo dicta sunt, Divinam videlicet providentiam Angelos malos reprimere, ne ea faciant, quæ virtute sua naturali facere possent: ex quo sequitur, non posse ab eis fieri vera miracula, non solum si loquamur de miraculis excedentibus vires totius naturæ, sed excedentibus tantum vires naturæ visibilis atque corporeæ; cum
unum

32 DE SERVORUM DEI BEATIFICATIONE

unum idemque fere sit non habere virtutem naturalem, & tam habere im-
peditam, ne, nisi alio volente, exeat in actum, & effectum producat,
quem producere posset. S. Thomas 1. 2. *quæst.* 80. *art.* 2. *in corpore* huc ha-
bet: *Distum est enim in 1. libro, quod natura corporalis spiritali naturaliter obe-*
dit ad motum localem; unde & Diabolus omnia causare potest, quæ ex motu locali
corporum inferiorum provenire possunt, nisi virtute Divina reprimatur. Ante
S. Thomam fuerat hoc scriptum a S. Augustino de civit. Dei (lib. 2. cap. 23.
num. 2. col. 52. tom. 7.): *Et, si aliquid in his rebus Dæmones possunt, tantum pos-*
sunt, quantum secreto Omnipotentis arbitrio permittuntur. . . . Sicut ipsi mali ho-
mines in terra, sic etiam illi non omnia quæ volunt, facere possunt, nisi quan-
tum illius ordinatione fruuntur; cujus plenè judicia nemo comprehendit, justè nemo
reprehendit. Repetit hoc ipsum idem S. Augustinus lib. 18. cap. 18. (num. 2.
col. 501. tom. cit.): *Firmissime tamen credendum est, omnipotentem Deum omnia*
posse facere quæ voluerit, siue vindicando, siue præstando, nec Dæmones aliquid
operari secundum naturæ suæ potentiam, (quia & ipsa, Angelica creatura est,
licet proprio sit vitio maligna,) nisi quod ille permiserit, cujus judicia occulta
sunt multa, injusta nulla. Adhæret Pererius ad cap. 7. Exod. *disput.* 4. in fine,
ubi hæc habet de Dæmonibus: *Non quæcumque possunt facere, licet eis, &*
quando volunt, & quantum volunt facere, sed tantum, quantum eis per Dei provi-
dentiam concessum est; habens enim naturalem suam potestatem restrictam, & quasi
ligatam a Deo . . . vel ad exercendos probandosque bonos, ut adversus Job, vel ad
castigandos & puniendos improbos, ut adversus Regem Achab & Prophetas ejus.

7 Et quamvis ex allatis exemplis deduci posse videatur, Deum sapius
relaxasse interdictum Dæmoni factum, eumque usum fuisse suæ naturali
potestate, aliqua efficiendo, quæ excedunt vires & facultatem naturæ vi-
sibilis & corporeæ; si ea tamen demantur, in quibus nihil mirabile contig-
it, item si demantur ea, in quibus nihil a Dæmone actum est, si ea quo-
que demantur, de quibus tutum judicium ferri non potest, nonnulli qui-
dem supererunt casus, in quibus, Deo volente, & præsertim ad impio-
rum perditionem, a Dæmone quædam patrata sunt excedentia vires & fa-
cultates naturæ creatæ visibilis atque corporeæ; sed quæ, ex infra dicen-
dis, non obstantæ prædicto excessu, veri miraculi rationem habere non
possunt.

8 Initio autem ducto ab iis, in quibus nihil mirabile contigit, tale est
illud, de quo lib. 3. Regum 22. 20. Ibi etenim cum dixisset Dominus,
Quis decipies Achab Regem Israel? Etc. Et dixit unus verba hujusmodi, &
alius aliter. Egressus est autem Spiritus, & stetit coram Domino, & ait: Ego de-
cepiam eum. Cui Dominus: In quo, inquit, decipies? At ille respondit: Egre-
diam, & ero spiritus mendax in ore omnium Prophetarum ejus. Dixitque Domi-
nus: Decipies, & prævalebis; egredere, & fac ita. Quid enim, quæso, hæc
in re miraculi continetur? Representatur Deus uti Monarcha, qui uni-
versum mundum gubernat suprema auctoritate. Angeli sunt velut ipsius
Ministri, & Divinæ voluntatis executores, cum agitur de manifestanda
ejus

ejus potentia & bonitate. Dæmones nihil aliud quærent, quam hominem perdere, & peccatis obruere, sed qui nihil agere possunt absque expressa permissione Dei omnipotentis. Legi potest Calmet ad cap. 1. *Job*, ubi etiam loquitur de factis Achab: cumque ex toto contextu nihil aliud defumatur, nisi, in poenam præcedentium peccatorum, Deum permisisse, ut Achab a Dæmone deciperetur, nihil est in tota hac rerum serie, quod miraculo adscribi possit.

9 Jam ut veniamus ad alia, in quibus nihil a Dæmone actum est, talis est conversio Regis Nabuchodonosor in bestiam: omnia quippe virtute Divina facta sunt, nec ulla in sacro Textu de malis Spiritibus mentio habetur. Cornelius a Lapide ad cit. cap. 4. Danielis post Sanctos Hieronymum; Gregorium, & alios, ait, a Rege animam rationalem non recessisse; & dici, conversum fuisse in bestiam, quod habitus ejus magis ferinus fuerit, quam humanus, semper nudus, curvus, & pronus, manibus & pedibus reptans, uti bestia & quadrupes incesse, herbas & radices comederit, & mentis usum & linguæ amiserit: & Calmet in dissertat. de metamorphosi Nabuchodonosoris totam Regis metamorphosin refert vitio errantis phantasmum, & miraculum constituit tum in expositione somnii facta a Propheta, tum in subitanea morbi aggressionem, & demum in definitione momenti, quo post septennium morbus desinere debebat, ut sane desit.

10 Subsequitur, ut aliqua innuamus de his, quæ incerta sunt. Talis est conversio uxoris Lot in statuum salis. Licet enim (posthabitis explanationibus, quod videlicet sulphuris odore præfocata exanimis corruerit, & ejus cadaver sensim duritiem induerit, aut quod flammis sumoque præfocata, rigida & immota perfluerit) recepta sit, & vera sententia, ut ea vere in saxum, sive in lapideum salem conversa fuerit & immutata, qui non modo pluvis liquefactus non sit, verum etiam æmulans duritiem cuiuslibet durissimi lapidis adhuc persistet, testantibus nonnullis, qui Palæstinam peragraverunt, se vidisse uxorem Lot, seu lapidem, in quem conversa est (Natalis Alexander in hist. Eccles. vet. Testam. tom. 1. edit. Paris. an. 1714. pag. 181. Graveson in hist. Eccles. vet. Testam. tom. 1. pag. 363.) incertum tamen est, num id factum sit a Deo utente bonis, an malis Angelis, ut innuit D. Thomas quæst. 16. de malo art. 9. ad tertium. Tale est illud, de quo Matth. 4. 5. Tunc assumpsit eum (videlicet Christum Dominum) Diabolus in sanctam civitatem, & statuit eum super pinnaculum Templi: licet enim translatio hæc fuerit localis, & non imaginaria, juxta veriorum sententiam, pro qua stant S. Thomas 3. part. quæst. 4. t. art. 4. ad septimum, Cardinalis Baronius ad an. 31. num. 20. Cornelius a Lapide ad cap. 4. Luca, Natalis Alexander ad cap. 4. Matth., & ad cit. cap. 4. Luca; incertum nihilominus est, num Christus Dominus fuerit per aera translatus, an ductus ad pinnaculum Templi, uti bene adnotavit Calmet ad idem cap. 4. Luca. Nec enim ad excludendam ambiguitatem profunt ea verba: Assumpsit eum Diabolus in sanctam civitatem, cum Matth. 17. 1. legatur de Christo: Assumpsit
Tom. IV. E Iesus

Iesus Petrum, Jacobum, & Joannem; quod certe de deportatione intelligi non potest, & itatim subjiçitur: Et ducit illos in montem excelsum sorsum; uti adnotarunt Gravelon de myster. & ann. Christi dissert. 12. §. Vtrique dubio, Eminentiff. Gottus in veritate religionis Christiana tom. 4. part. 1. cap. 18. §. 3. num. 27. & similibus verbis S. Lucas utatur narrans cap. 4. v. 5. quæ inter Christum, & Dæmonem contigerunt in Jerusalem: Et duxit illum Diabolus in montem excelsum, & ostendit illi omnia regna orbis terra in momento temporis &c. & duxit illum in Jerusalem, & statuit eum super pinnam Templi. Legi potest Didacus de Quadros in palestra Biblica tom. 3. decad. 2. quæst. 8.

11 Serpens callidior cunctis animantibus terræ Hevam tentavit, quæ tentationi consensit, & Dei præceptum transgressa est, uti habetur *Genes. cap. 3.* Absit, ut quis incidat in errorem Origenistarum dicentium, Adæ formationem de limo terræ, & Hevæ de costa ejus, ac Serpentis tentationem, allegorice & figurate, non historice esse intelligendam: error enim hic damnatus est in Synodo sexta, *a. c. 10.* Verus fuit Serpens, five Vipera, five Ceraïta, five A'pis, juxta varias Interpretum sententias apud Cornelium a Lapide in *id. cap. 3. Genesios.* Erat ille Serpens in paradiso terrestri, & vere Hevam allocutus est, veluti docet S. Augustinus de *civ. Dei lib. 14. cap. 11. num. 2. col. 363. tom. 7.* ubi hæc habet: Cui (loquitur de homine) utique stanti, quoniam ipse (loquitur de Diabolo) ceciderat, invadebat, colubrum in paradiso corporali, ubi cum duobus illis hominibus masculo & femina, animalia etiam terrestria cetera subdita & innoxia versabantur, animal scilicet lubricum, & tortuosus anfractibus mobile, operi suo congruum, per quem loqueretur, elegit, coque per Angelicam præsentiam præstantioremque naturam spiritali nequiritia sibi subiecto, & tamquam instrumento abutens, fallacia sermocinatus est femina. Idem S. Doctor lib. 11. de *Genesi ad litteram cap. 3. col. 277. tom. 3. part. 1.* docet, Dei permissione factum esse, ut Diabolus tentare volens Hevam, uteretur potius Serpentis opera, quam alius animalis: Nec sane debemus opinari, quod Serpentem sibi, per quem tentaret, persuaderetque peccatum, Diabolus elegerit: sed cum esset in illo propter perversam & invidiam voluntatem deiepiendi cupiditas, nonnisi per illud animal potuit, per quod posse permissus est. Nocendi enim voluntas potest esse a suo quoque animo prava; non est autem potestas nisi a Deo. Misericors etenim Dominus, volente Dæmone hominem tentare & eum seducere, noluit, ut id faceret per columbam, aut ovem, quæ sunt naturæ simplicis & innocentis, sed per Serpentem, ut sicuti Diabolo permettebat tentare, ita hominem admoneret ex ipsa etiam forma Serpentis, quem callidum animal esse non ignorabat, ut caveret insidias: veluti prosequitur Abulenſis in *cap. 3. Gen. quæst. 1. & adheret Cardinalis Bellarminus de amissione Gratia, & statu peccati lib. 3. cap. 3.* Quærunť Interpretes, quomodo Heva non horruerit Serpentem loquentem: & Magister sententiarum lib. 2. *dist. 21. quæst. 2.* respondet, id contigisse, quia putavit, eum a Deo accepisse officium loquendi: quem sequitur S. Thomas 1. *part. quæst. 94. art. 4. ad secundum: Mulier putavit, Serpentem hoc accepisse loquen-*
di offi-

di officium, non per naturam, sed aliqua supernaturali operatione. At quomodo Serpens, animal videlicet organis ad sermonem formandum haud instructum, loqui potuerit, non ita facile explicari potest, quemadmodum etiam innuit Joannes Jacobus Schevchzeri in *Physica sacra* tom. 1. pag. 29. Quapropter non videtur denegari posse, in hac locutione, operante Dæmone, aliquid contigisse excedens vires ac facultatem naturæ corporeæ & sensibilis.

12 S. Augustinus in *exposit. Psalmi 77. n. 28.* ad illud, *Immissiones per Angelos malos*, innuit, Deum mirabilibus quibusdam modis, ideoque excedentibus vires & facultatem naturæ visibilis & corporeæ, uti opera Dæmonum in punitione impiorum. Hoc ipsum expresse docet Joannes Gerson in sermone quodam super Evangelium Dominicæ XIX. post Pentecosten. Idemque admittitur ab Estio ad *Mag. sent. l. 2. dist. 7. §. 20.* *Per Dæmones facere potest Deus* (vera miracula) *velut si per eos hominem aliquem insigniter scelere acrius extraordinario modo punire velis, ad ostendendum hominibus, quanto opere ipsi peccata displiceant: & hoc modo facta intelligi possunt quadam punitiones impiorum, quas Scriptura commemorat.* Et concordat Silvius in 2. 2. D. Thoma *quæst. 178. art. 2. conclus. 3.* ubi sic loquitur: *Absolute loquendo fieri potest, ut Deus ministerio Dæmonum utatur in miraculis patrandis, præsertim circa punitiones improborum: quo modo quidam existimant, plagas Aegypti fuisse a Dæmonibus illatas: etsi non improbabile sit, fuisse insulas per bonum Angelum.* Pro hac doctrina illustranda, plura suppeterè possunt exempla e Divinis Scripturis desumpta. Occisionem primogenitorum tum hominum, tum bestiarum, una nocte factam, miraculo adscribi posse, certum esse videtur; & in ea patrandi Deum usum esse opera Dæmoniorum, docuerunt nedum Abulenſis in *Exod. cap. 12.* & Rupertus, sed etiam S. Hieronymus in *Isaiam cap. 24.* & S. Augustinus in *Psalm. 77.* & ex eodem Psalmo inferitur v. 49.: *Misit in eos iram indignationis suæ &c. immissiones per Angelos malos &c. & percussit omne primogenitum in terra Aegypti.* Herodis mors, quæ medios inter hominum plausus contigit, prodigiola censi potest: *Confestim percussit eum Angelus Domini, & consumptus a vermibus expiravit;* uti legitur *Act. 12. v. 23.* Et Lorinus ad eum textum hæc habet: *Cum alias demonstraverim, nomen Angeli Domini dici etiam de malo, quod voluit quoque Hieronymus, & pessimum hominem... magis conveniat vexari ab Angelo malo; proclivior simus ut existimem, Angelum malum fuisse, qui Herodem percussit.* Ignis, e celo delapsus ad preces Eliæ, quinquagenarios, & alios quosdam consumpsit, uti habetur 4. *Regum cap. 1.* & ignis a Domino egressus contumaces Sacerdotes Nadab, & Abiu incendit & occidit. Et Dionysius Carthusianus in 4. *Regum cap. 1.* docet, incertum esse, num in hisce patrandis Deus usus sit opera Angeli boni, an Angeli mali. Ostendant autem hæc omnia, Deum aliquando per Angelos malos miracula operari, ut extraordinario quodam modo scelestorum hominum crimina puniat; non autem eorum opera uti, ut hominibus bene faciat. Quapropter quando Christus cæcum natum illuminavit, nonnulli ex Judæis dixerunt: *Dæmonium habet:* alii contra: *Hæc*

verba non sunt Daemonium habentis. Numquid Daemonium potest cæcerum oculos aperire? uti habetur Joannis 10. 21. quasi dicerent, veluti notat Glossa: Daemonium non solet bona operari. Et optime ad rem Origenes homil. 13. in lib. Numer. num. 4. pag. 319. tom. 2. advertit, loquendo de prodigijs Magorum in Agypto, ne ipsos quidem potuisse muscas producere, uti præstitam fuit a Moyse, nec facere potuisse, ut virga Moysis a suis virgis devoraretur; sed licet virgas in serpentes convertere potuerint, & aquam in sanguinem, nullatenus tamen efficere potuisse, ut serpens in virgas, & sanguis in aquam converterentur: Non enim potuit virtus Daemoniaca malum, quod ex bono fecerat, restituere in bonum. Posuit en virga facere serpentem, virgam vero reddere ex serpente non potuit. . . . Postea vero per Divinam virtutem natura sua reddidit, ut natura Dominum fateretur. Fecerunt Incantatores Agyptiorum, ut & aqua verteretur in sanguinem; sed non potuerunt iterum sanguinemvertere in aquam, Dei autem virtus non aquam, sed totum fluviolum vertit in sanguinem; & rursum, orante Moyse, limpidis eum ac naturalibus redditus stantis.

13 Quod si quis ex hucusque adductis inferre vellet, a Dæmone sua naturali virtute miracula fieri posse excedentia vires & facultatem naturæ visibilis & corporeæ, aperte falleretur: cum aliud profecto sit, Deum opera Dæmonis aliquando usum esse, & uti posse in patratione miraculorum; aliud, Dæmonem facere miracula; cum juxta nostrum loquendi modum, & communem intelligentiam ille dicatur facere miraculum, qui opus aliquod extraordinarium efficit pro confirmatione veritatis, quam prædicat, aut ille, ad cujus intercessionem aliquid mirandum a Deo fit, ut de ejus sanctitate apud homines constet, veluti bene prosequitur Bkiius loc. cit. Unde licet concedatur, Deum per Dæmones interdum facere miraculum; non tamen conceditur ipsos Dæmones facere miracula; quia nec ipsi Dæmones prædicant veritatem, quam cupiant miraculo confirmari; nec ad declarandam eorum sanctitatem, quæ nulla est, ulla miracula vel ab ipsis sunt, vel ab aliis. Horum autem alterutrum requiri videtur ad hoc, ut quis, secundum modum loquendi fidelibus usitatum, dicatur facere miraculum. Abulensis in Matth. cap. 24. quæst. 139. negat in Dæmone potestatem faciendi miracula altioris ordinis, ea videlicet quæ superant vires & facultatem cujuscumque naturæ creatæ; sed admittere videtur in Dæmone facultatem faciendi miracula, quæ superant vim & facultatem naturæ visibilis & corporeæ: Aliqua miranda in veritate faciunt Dæmones vel Magi, sed non sunt miracula, quia non accedunt illa adhuc ad operationem miraculi, cum miraculum sit de illis solis, quæ infinitam potestatem exigunt, & non sufficit ad illa minor, quam infinita virtus; sed Dæmones non habent infinitam virtutem, sed solus Deus. Ideo illi nunquam miracula faciunt, sed alia minora, sicut movere homines volumines quasi per aera, eradicare arbores, diruere ædificia, & movere partes montium; & multo plura facerent, si permittirentur, sed Angeli ministri Divina providentia coercent eos. Eandem questionem Abulensis tractaverat in Exod. cap. 7. quæst. 10. & 11. eumque quæst. 10.

dixit.

dixisset, Dæmones facere aliqua signa, siue mirabilia saltem in aspectu nostro, quæ & nos homines faceremus, si scientiam haberemus rerum naturalium, quam ipsi habent; *quest. 11. ait, signa facta a Deo multipliciter differre a signis factis a Dæmone, & signanter ob finem, ad quem sunt directæ. De hoc a Nobis agetur capite sequenti: & interea adnotare fas sit, quod si quæcumque miracula, siue altioris, siue inferioris ordinis, siue excedentia vires & facultatem cuiuscumque naturæ, siue tantum naturæ visibilis & corporeæ, habent pro objecto Divinam laudem & gloriam, bene dici poterit ab Angelis bonis fieri miracula, si Deus ipsorum opera utatur in rebus excedentibus vires & facultates naturæ, cum voluntati Divinæ obsequentes agendo, gloriam & laudem Dei quærant & intendant: sed nunquam dici poterit, ab Angelis malis miracula fieri, etiamsi Deus agens præter & supra ordinem naturæ, eorum opera utatur, & interdictum ipsis factum relaxet, ita ut ea utantur facultate, quam in se habent, etsi ligatam, multa peragendi, quæ superant vires & facultatem naturæ visibilis & corporeæ, & uti ut plurimum accidit, in punitione impiorum, juxta ea quæ in superioribus dicta sunt: quamvis enim in punitione impiorum gloria Divina relucent, & ipsi sint ejus ministri, sunt tamen ministri reluctantes, & in malo obstinati, qui gloriæ Dei inviti servant, sed eam nec exoptant, nec quærant.*

14. Hæc eadem quæstio, de potestate videlicet Dæmonum quoad miracula, non multo ab hinc tempore magnis animorum motibus inter Heterodoxos etiam pertractata fuit. Samuel Clarkius in *lib. de existentia & attributis Dei tom. 2. cap. 19.* scribit, miraculum esse effectum consueto naturæ ordini contrarium, a natura quadam intelligente, quæ viribus hominem superat, extra ordinem productum: & quamvis admittat, quædam esse quæ omnem Dæmonis potestatem excedunt, qualia sunt animatio mortuorum cadaverum, & creatio ex nihilo, fatetur tamen, etiam a Dæmone miracula fieri posse, cum sit natura homine potentior, & propterea facere quædam valeat, quæ consueto ordini naturæ repugnare videntur: & deinde transitum facit ad examinandas notas, quarum ope discerni possit, utrum Deus, an Dæmon prodigii effector sit. Jacobus Serces integro tractatu doctrinam prædictam impugnavit; & mordicus sustinuit, Dæmonem miracula facere non posse. Non omnibus id placuit, eo præcipue sub obtentu, quod si Dæmones hominem sustinerent, ne aquis mergeretur, sed rectus in mari ambularet, id absque dubio spectatoribus appareret naturæ legibus repugnans, & inter prodigia & miracula recenseretur, etsi vim & facultatem Dæmonis non excedat. Cudworthus in *systemate intellectuali* mediam secutus est sententiam, Quippe relinquit Dæmoni potestatem talia faciendi opera, quæ summam hominum admirationem excitant, speciemque ac formam miraculorum habent; sed negat, hac potestate uti posse eos ad consilia Divina evertenda, & veram religionem oppugnandam. Mosheimius in *comment. ad systema Cudworthi tom. 2. pag. 866. & seqq.* totus est

38 DE SERVORUM DEI BEATIFICATIONE

est in hac media sententia roboranda, & ait, Deum in regno Gratiae nunquam permittere Cacodæmonem suis viribus uti, nisi cum explorationem suorum ducit esse necessariam, aut cum homines, qui diu vocem veritatis aspernati sunt, iustissimo iudicio in potestatem tradere decrevit eorum, qui perniciosi erroribus & ipsi sunt imbuti, & alios imbuere cupiunt: quæ si forte fiant, addit Deum cavere, ne suis, qui malis permixti vivunt, miracula noceant, quæ patrantur a veritatis inimicis; electosque roborat & confirmat, ut immoti persistant in Fide, quam receperunt. Communis itaque (ut ita dicamus) apud Heterodoxos est sententia de potestate Dæmonis quoad multa, quæ superant vires & facultatem naturæ, præsertim visibilis & corporalis, & sic quoad miracula inferioris notæ. Apud eos illud quoque receptum est, Dæmonem, cujus potestas ligata est, ea nunc uti non posse, nisi ad libitum Dei, nec a Deo relaxari interdictum, nisi in casibus recensitis, & præsertim ut malos puniat. Quod ab ipsis omisum est, consistit in perpendendo, an Dæmon facultate utens, sic volente Deo, aliquid faciendi excedens vires naturæ visibilis & corporeæ, vere dici possit effector miraculi: quod a Nobis supra negatum est, iterumque negatur; cum miraculum tunc referri debeat ad Deum in similibus peragendis utentem opera Dæmonis, & non ad Dæmonem, qui invitus & reluctans, gloriæ Divinæ, quæ est finis miraculorum, servit atque ministrat.

De Infidelibus, & Hæreticis.

15 Hæc innuisse satis sit pro eo, quod attinet ad malos Angelos; licet ultro fateamur cum S. Augustino *lib. 3. de Trinitate cap. 9. num. 18. col. 802. tom. 8.* difficile admodum esse, quin & impossibile scire, quid Dæmones per naturam facere, & quid per Dei interdictum facere non possint: *Quid autem possint per naturam, nec possint per prohibitionem, & quid per ipsius natura sua conditionem facere non finantur, homini explorare difficile est, immo vero impossibile, nisi per illud donum Dei, quod Apostolus commemorat dicens: Alii judicatio spirituum.* Nunc transeamus ad Infideles, & Hæreticos. Auctor tractatur de Canoniz. Sanctorum ad Cardinalem Montis Regalis 5. part. cap. 5. strenue contendit, omnia, quæ referuntur miracula ab Hæreticis & Infidelibus patrata, fuisse mera Dæmonum ludibria, & apparentes præstigias; quod ipsum late prosequuntur Malvenda de Antichristo *lib. 7. cap. 15.* & Theophilus Raynaudus in Theologia naturali, oper. tom. 5. disput. 4. quest. 4. art. 6. Res theologice pertractatur a Cardinali de Lauræa in 3. lib. sens. tom. 4. disput. 20. art. 18. de miraculis, ubi multa æfert ad suadendum, Infideles & Hæreticos non habere gratiam miraculorum, nec ullum eorum juxta ordinariam Dei legem miraculum aliquod facere; tum quia gratia miraculorum, sicut & aliæ gratis datæ, fere semper conferuntur membris Christi; tum quia ad facienda miracula, necessaria est Fides supernaturalis, qua ipsi carent. Estius *loc. cit. §. 19.* admittit, Deum uti posse Paganis, Hæreticis, & Schisma-

& Schismaticis, tamquam instrumentis in patratione miraculorum, ut per ea aliqua veritas ad Fidem, aut mores pertinens approbetur: Non solum a malis, verum etiam ab Hæreticis, & Schismaticis, imo & a Paganis fieri possunt vera miracula, Deo per ea veritatem aliquam ad Fidem aut mores pertinentem approbante. Huc referri possunt, quæ a Nobis 3. lib. dicta sunt de oraculis Sibyllarum Christum venturum annuntiantibus. Huc etiam, quæ leguntur Marc. 9. 37. Respondis illi (hoc est, Joannes Christo) dicens: Magister, vidimus quendam in nomine tuo ejicientem Dæmonia, qui non sequitur nos, & prohibuimus eum. Jesus autem ait: Nolite prohibere eum; nemo est enim, qui faciat virtutem in nomine meo, & possit cito male loqui de me: quod ipsum habetur Luc. 9. 49. Respondens autem Joannes dixit: Preceptor, vidimus quendam in nomine tuo ejicientem Dæmonia, & prohibuimus eum, quia non sequitur nobiscum: & ait ad illum Jesus: Nolite prohibere; qui enim non est adversum vos, pro vobis est. Ubi Glossa ordinaria docet, tunc Dominum voluisse, ut alii etiam non discipuli miracula facerent, ut nomen Jesu exaltaretur. Castaldus de potestate Angelica tom. 1. dist. 2. art. 3. questunc. 1. pag. 165. ait: Possibile est, Deum supernaturaliter concurrere ad miracula patrata ab Hæretico, vel Idololatra ad justam defensionem, vel ad comprobandam veritatem Catholicam.

16 Oppones, navim, qua simulacrum Matris Phrygiæ vehebatur, cum moveri nullis viribus posset, unam mulierculam, zona alligata, ad suæ pudicitie testimonium movisse, & traxisse. Historia est apud Livium lib. 39. apud Herodianum lib. 1. apud Aurelium Victorem de viris illustribus cap. 46. apud Fenestellam cap. 12. de Sacerd. apud Ciceronem in orat. de Haruspicio responsis; item Tucciam virginem Vestalem, de cujus corruptione quærebatur, aqua impleto cribro neque perfluente, abstulisse controversionem: Vesta, inquit, si sacris tuis castas semper admovi manus, effice, ut hoc (cribro) hauriam ex Tiberi aquam, & in adem tuam perferam. Audacter & temere factis votis Sacerdotis, rerum ipsa natura cessit; uti legitur apud Valerium lib. 8. cap. 1. n. 5. apud Plinium lib. 8. cap. 2. apud Dionysium Halicarnasieum lib. 2. & tum Tertullianus in apolog. cap. 22. tum Minutius in Octavio meminerunt aquæ cribro gestatæ, & navis cingulo permotæ. Sanctus Thomas de potentia, seu de miraculis quest. 6. art. 5. opposito sibi Tucciæ exemplo, Legitur in historiis, quod quadam Virgo Vestalis, in signum pudicitie conservata, aquam in vase perforato de Tiberi portavit, nec tamen aqua effusa est; quod fieri non potuit, nisi per hoc, quod retinebatur aqua ne flueret, aliqua non naturali virtute: quod patet esse miraculum in Jordanis divisione, & ejus statione; respondet, id per bonos Angelos a Deo fieri potuisse in castitatis commendationem, & etiam dici posse, contigisse Dæmonum virtute: Ad quintum dicendum, quod non est remotum, quin sit in commendatione castitatis, quod Deus verus per suos Angelos bonos hujusmodi miraculum per retentionem aquæ fecisset: quia, siquæ bona in Gentilibus fuerunt, a Deo fuerunt: Si autem per Dæmones factum est, nec hoc repugnat prædictis; nam quiescere, & moveri localiter ab eodem principio secundum genus sunt: quia, per quam naturam aliquid movetur ad locum,

40 DE SERVORUM DEI BEATIFICATIONE

locum, quiescit in loco. Unde, sicut Demones possunt movere corpora localiter, ita possunt & a motu retinere; nec tamen est miraculum, sicut quando fit divinitus, quia hoc secundum naturalem virtutem Demonis contingit ad hujusmodi effectum determinatum: & sequitur Coquæus in notis ad cit. cap. 16. col. 600. lib. 10. S. Augustini de civitate Dei his verbis: Volunt aliqui, id factum esse a bono Angelo ad virginitatem probandam, & in illius commendationem. Sed a Demonibus absque ulla difficultate fieri potuit, quia, ut est in eorum potestate corpora secundum locum movere, ita etiam in eorum potestate est efficere, ne a locis, in quibus sunt, amoveantur.

17 Quamcumque autem ex his sententiis sequamur, nihil valide oppositum dici poterit adversus ea quæ a Nobis dicta sunt, posse videlicet Paganos a Deo assumi tamquam instrumenta in patratione miraculorum, ut per ea aliqua veritas, ad Fidem aut mores pertinens, approbetur; non posse eosdem a Deo assumi tamquam instrumenta in patratione miraculorum pro confirmando errore, vel peccato; nec esse vera miracula quæ a Dæmone propria fiunt virtute, etiam si excedant vires & facultatem naturæ visibilis & corporeæ. Patet id, si primam sententiam sequamur, a bono Angelo videlicet factum fuisse, ut navis ab una muliere moveretur, aut ut aqua e cribro non deflueret, in commendationem videlicet castitatis. Patet hoc ipsum, si secundam sententiam sequamur, ea scilicet facta fuisse virtute Dæmonum naturali: licet enim exceßerint vires naturæ visibilis & corporeæ, & quodammodo dici miracula potuerint, ut innuit D. Thomas loc. cit. vera tamen miracula non fuerunt, deficientibus circumstantiis, quæ verum a falso miraculo secernunt, & signanter sine; veluti adnotavit S. Augustinus cit. cap. 16. lib. 10. de civit. Dei n. 2. col. 253. tom. 7., ubi post exposita citata exempla ait: *Quedam vero etsi nonnullis priorum factis videantur opere coquari, finis ipse, quo discernuntur, incomparabiliter hæc nostra ostendit excellere.* In universum facit hæc doctrina Michaelis Medinæ de recta in Deum Fide lib. 2. cap. 7. pag. 53. ubi, quæcumque prodigia apud Gentiles contigerunt, ait ad Deum uti eorum auctorem referenda. En ejus verba: *Sed ubi humano imperio & invocatione in ejus superstitionis, qua tunc a Gentibus colebatur, comprobationem facta esse legisti? Firrens illa, si ita credere libet: at qua virtute? An voto, & humano imperio? Nequaquam; sed in virtute religionis, quam utcumque Divinam providentiam conservare decebat commendationem; quo nimirum mortales in Numinis timore contenti, paulatim vera religioni assuescerent, & ne, quod est summum malum, procaciter dicerent, Non est Deus; unde corrupti & abominabiles fierent. Minus enim a salute abest, qui a vero Deo falsorum deorum superstitione recedit, quam qui Numinis penitus exiit notitiam, & quem nulla saltem superstitione coerces. Sunt & alia inter ea, qua recensimus prodigia, quæ ad quorundam ostendendam innocentiam Divinitas vera edidit, quale illud de Claudia Romana, quod cingulo navim arena Tiberis hærentem attraxit; aut illud, quod de altera Vestali Virgine, qua aquam in signum item pudicitia ob rodem stumme cribro hausisse refertur. Intere est enim Divina providentia, potissime*

me

me apud eos, qui potius ignorantia, quam malitia a vera religione recedebant, quales erant *he semine*, innocentiam fovere. Non itaque in illius, quæ tunc apud Gentes vigeat, superstitionis attestationem hæc prodigia fiebant, sed tantum in Divinitatis & providentia testimonium, nimirum, ut scirent Gentes, esse Deum, cui essent curæ mortalium actiones, quique sanctos mores & justitiam probaret, contra vero pro delictis supplicia rependeret. Hoc enim etiam apud Gentes ostendere, sive Deum, Sibyllarum vaticinia, quæ in medio profanarum nationum edidit, aperissime demonstrant &c. Sicut itaque per falsæ religionis cultores Deus plerumque futura prænnuntiabat mysteria, ita per falsam religionem vera nonnumquam proferebat miracula, non in ejus quidem attestationem, sed quo mortales in religionis officio contineret, & Divinitatis quamdam notitiam paulatim infunderet. Concordat Melchior Corneus Societatis Jesu Theologus in suo opere de miraculis Ecclesiæ Catholice defensis Moguntia: impresso anno 1652. pag. 12. En ejus verba: Unde licet pleraque alia, quæ ab Infidelibus supra naturæ potestatem gesta narrari solent, merito e numero verorum miraculorum repellantur; non videatur tamen dubitari posse, quin aliquando & rarerer Numen immortale ad thauma aliquod cum illis concurrerit, quando illud aut veritatis, aut al' eris virtutis, aut auctoritatis Divinae asserenda causa publica requirebat. Quid vetet credere, Claudiam Romanam, ut impositum impudicitia crimen amoveretur, Divino nutu ætiam, navim in quado hærentem solo suo cingulo inde dimovisse? Quid mali, si sit uanum, alteram illam Vestalem, in testimonium integritatis suæ, quæ per injuriam impetebatur, supernaturali Dei ope aquam cribro hantem de ulisse? Ecce negemus miraculum esse, quod Anturathe: Turcarum Imperator cum prælio succumberet, explicata foderum ab Hungaris Christianis sancte juratorum forma, elata voce, vibratisque in calum oculis, exclamaret: Si tu Christe Deus, & si quod tibi Numen inest, ulciscere hanc tuorum perfidiam: & hoc velut fulmine totas Christianorum acies a capto victoria indubie cursu averterit, & internectione deleverit?

18 Urgebis, alia plura, & fere innumera per Ethnicos, Gentiles, & Hæreticos edita fuisse miracula, quibus difficile admodum est recensitas aptare responsiones. Philostratus enim vitam, & res gestas Apollonii Thianei octo libris celebravit, & tot ac tanta ab illo edita miracula memoravit, ut Hierocles Ægypti Præfectus occasionem assumpserit comparationem instituendi inter Christum, & Apollonium. Tacitus, & Suetonius narrant, ab Imperatore Vespasiano quemdam oculis & manu captum, fuisse illico sanitati restitutum: & de Hæreticis antiquorum, & etiam nostrorum temporum prodigiosa gesta narrantur, & scriptis mandata sunt. Verum, Philostrati libros mendacii & fabulis scatere a capite ad calcem, late demonstrant Eusebius Cæsariensis in lib. *adversus Hieroclem*, Photius in *Biblioth. cod. 44*. Scaliger in *Eusebianis num.* 278. Cardinalis Baronius *tom. 1. annal. ad an. 78*. Daniel Huetius Episcopus Abrincensis in *Demonstratione Evangel. proposi. 9. pag. 163. & seqq.*; quorum validas rationes & invicta fundamenta collecta legi possunt apud Graveſon de *mysteriis*, & *annis Christi*

42 DE SERVORUM DEI BEATIFICATIONE

differt. 14. pag. 280. Quod attinet ad Vespasianum, verba Taciti *lib. 4. histor. cap. 81.* sunt hæc: *Ex plebe Alexandrina quidam, oculorum tabe notus, genua ejus advoluit, remedium cecitatis exposcens gemitu, monitus Serapidis dei, quem dedita superstitionibus gens avie alios colit; precabaturque Principem, ut genas, & oculorum orbis dignaretur respergere oris excremento. Alius manu ager, eodem deo auctore, ut pede ac vestigio Caesaris calcaretur, orabat. Vespasianus primo irridere, aspernari; atque illis instantibus, modo samam vanitatis metuere, modo obsecratione ipsorum & vocibus adlantium in spem induci; postremo assimari a Medicis jubet, an talis cecitas ac debilitas spe humana superabiles forent. Medici varie differere. Hinc non exesam vim lumenis, & reditum, si pellerentur obstantia: illi clafpos in prævum artus, si salubris vis adhibeatur, posse integrari. Id firasse cordi deis, & divino ministerio Principem electum. Denique patrati remedii gloriam penes Casarem, irriti ludibrium penes miseros fore. Igitur Vespasianus cimēla fortuna sua patere ratus, nec quiddam nitra incredibile, lato ipse vuln, erecta que astat: multitudine, jussa exequitur. Statim conversæ ad ipsum manus, ac cæco reloxin dies. Utrumque qui intersuere, nunc quoque memorant: postquam nullum inendacio pretium. Concordat Suetonius in *vita Vespasiani cap. 7.* E plebe quidam luminibus orbatus, item alius debili cruce sedentem pro tribunali pariter adierunt, orantes opem valetudinis demonstratam a Serapide per quietem: restitutum oculis, si ispiisset: confirmatum crus, si dignaretur calce contingere. Cum vix fides esset, rem ullo modo successuram, ideoque ne experiri quidem auderet; extremo, hortantibus amicis, palam pro concione utrumque tentavit, nec eventus defuit. Notat Silvius in 2. 2. *D. Thoma rom. 3. quæst. 178. art. 2. concl. 3.* verisimile admodum esse, morbos istos fuisse a Dæmone illatos, qui in gratiam Vespasiani tunc desiit lædere, quando Vespasianus visus est curare, juxta illud Tertulliani *cap. 22. apolog.* ubi describens astutiam Dæmonum, ait: *Ladunt enim primo; dehinc remedia præcipiunt ad miraculum nova sive contraria, post qua desinunt ledere, & curasse creduntur.* Daniel autem Huetius in *demonstrat. Evangel. proposit. 9. num. 6.* invictis probat argumentis, memoratas sanationes a subdolis Ægyptiorum artibus, inter quos res acta est, fuisse profectas. Cum etenim Joseph in sua historia sacra quædam oracula, quæ in Judæorum Messiam conveniebant, Vespasiano accommodasset, Ægyptii, ne in adulatione quiddam Judæis concederent, cum audissent, Jesum spūto oculis illito cecum fanasse, & claudos ac debiles morbo liberalisse, duos subornarunt, ut alter manu, alter oculis se captos simularent. Alia plura collecta legi possunt apud Cardinalem Baronium *ad an. 71. num. 6.* de asserti hujus miraculi falsitate; & apud eundem *ad an. 139. num. 2.* de falsitate miraculorum Hadriani Imperatoris, & Genecilium, cum etiam apud Cardinalem Bellarminum *lib. 4. de notis Ecclesia cap. 14. §. Ad quartum respondeo.* Uno verbo, morbi fuerunt simulati; & sanationes non inter miracula, sed inter mendacia sunt recensendæ. Concordant etiam Scriptores a nostra communione alieni, qui accuratissime fallaciæ notas exponunt, quibus affecta sunt ea, quæ patrata dicun-*

dicuntur miracula a Vespasiano, & Hadriano. Heumannus in singulari dissertatione *de miraculis Vespasiani tom. 2. lib. 2. pag. 427.* Joannes Clericus in *historia Ecclesie primorum duorum seculorum secul. 2. ad an. 138. pag. 610. & seqq.* Jacobus Serces in *tract. de miraculis pag. 276.* Et quod spectat ad Hæreticos sive antiquorum, sive nostrorum temporum, solemne fere semper Hæresiarchis fuit gloriari de potestate miracula patrandi, ut novis suis erroribus fidem conciliarent, sed infelici prorsus eventu, uti late ostendit Joseph Binghamus, licet heterodoxus, *tom. 7. origin. Antiquit. Eccles. cap. 5. §. 7.* Cyrola Episcopus Arianorum, dum ad suæ religionis veritatem asserendam, quemdam, qui se simulabat cæcum, vellet illuminare, revera ex-cæcavit, apud Gregorium Turonensem *lib. 2. histor. Francor. cap. 3.* Polychronius coram populo suscitare volens mortuum pro confirmatione suæ Fidei, nihil sacere potuit in sexta Synodo *act. 15.* Apud Staphylum in *absoluta responsione contra Jacobum Smidelinum* exemplum exstat ejectionis Dæmonis frustra a Luthero tentatæ. Apud Joannem Cocleum frustra quoque ab eodem tentatæ restitutionis vitæ mortuo. Bolfecus similia narrat de Calvino, & Alanus Copus *lib. 6. de dialogis de quodam prædicti Calvinii Ministro: quorum omnium narrationes, utpote veritati innixas, ab Hæreticorum fraudibus & mendaciis strenue vindicat Cardinalis Gotrus tom. 1. de vera Ecclesia Christi cap. 2. §. 6.* Calvinistæ novum quoddam sidus, cui non aliud simile a mundi creatione ad natum ulque Christum, quodque omnium oculis tres totos annos objectum fuit, efferunt apud Mornæum tanquam prodigium a Deo editum in approbationem extraordinariæ quam jactant, suæ vocationis. Verum Hadrianus, & Petrus de Walenburgh in *tractatibus generalibus de Fidei controversiis tom. 1. in tract. 8. de Missione Protestantium cap. 49.* ostendunt, nec sidus illud fuisse prodigiosum; nec ulla probabili ratione, aut signo aliquo assertam Reformationem ita respexisse, ut in illius approbationem editum fuisse, verisimiliter saltem credi posset. Addunt, tardius visum fuisse, quam erat necessarium, cum Lutherus suam apostasiam, quæ novi Evangelii natalis erat, inceperit anno 1517. & stella non apparuerit ante annum 1572. nimirum quinquaginta & quinque annis post Lutheri ab Ecclesia discessum; cum tamen necesse sit, signa præfigurantia alicujus rei, illam præcedere. Curiosum est quod legitur de Mahumete: poscentibus enim Arabibus ab eo miracula in suæ sectæ confirmationem, respondit, non esse sibi necessaria miracula, cum nihil aliud eis proponeret, quam id quod natura docet, uti habetur apud Boulainvilliers in *ejus vita lib. 3. pag. 309.*

De Antichristo.

19 Modo loquendum est de Antichristo. Non est autem hic animus plura de Antichristi characteribus, tempore adventus ejus, origine, nati-vitate, imperio, bellis, morte referre. Integrum de his rebus tractaturum

44 DE SERVORUM DEI BEATIFICATIONE

Malvenda ex Dominicana familia conscripsit. Calmet *dissertationem* satis de more eruditam, & jam supra citatam de Antichristo exaravit. Suarez in 3. part. D. Thoma tom. 2. disput. 54. & pluribus ejus disputationis sectionibus, quidquid ad Antichristum pertinet, prosecutus est: & multa de eo curiosa & ingeniosa legi possunt *disf. 8. inter discursus Theologicos de judicio universalis* Philippi Medæ Episcopi Conversani, Nobis, dum viveret, singulari amicitia juncti. De mirabilibus ab Antichristo edendis dicitur *Matth. c. 24. v. 24.* ea talis momenti esse futura, ut in errorem inducantur (si fieri potest) etiam Electi. Tria Antichristi prodigia in Apocalypsi refert S. Joannes: nam ignem faciet de cælo descendere in terram; dabit spiritum imagini bestię, ut loquatur, quippe Oracula instituet, ut ad simplicium seductionem verba proferant; & imaginem bestię, gladio interfectę, vitę restituet. S. Hippolytus de Antichristo addit, quod lepra infectos deterget, paralyticos gressum restituet, Demones sugabit, futura prænuntiabit, mortuos revocabit, montes transferet, per mare sicco pede gradietur, Soli & elementis omnibus imperabit: quę tamen solis conjecturis innituntur. De gerendis ab Antichristo hæc habentur in 2. *epist. ad Thessalonic. 2. 8.* Et tunc revelabitur ille iniquus, quem Dominus Iesus interficiet spiritu oris sui, & destruet illustratione adventus sui eum, cujus est adventus secundum operationem Satane, in omni virtute, & signis & prodigiis mendacibus. De horum Apostoli verborum intelligentia quæstio movetur, sed non resolvitur a S. Augustino lib. 20. de civit. Dei cap. 19. n. 4. col. 598. tom. 7. qua videlicet ratione signa dicantur mendacia, num quia Antichristus illusurus sit tantummodo sensibus mortalium, nec vere ea facturus, quę facere videbitur; an illa prodigia & mira vere editurus sit, sed eo mendacia dicantur, quod vera miracula credentur, & facta virtute Divina, quę tamen non nisi virtute & operatione Satane fient: ait enim: Propter quid horum ergo dicta sint prodigia, & signa mendacii, tunc potius apparebit. Eitius in comment. ad cap. 2. *epist. 2. ad Thessalonic.* postquam præmisit, nullum verum miraculum a quoquam fieri posse pro erroris confirmatione, docet, Apostolum prodigia Antichristi mendacia appellasse, non in genere rerum, sed in genere signorum, id est miraculorum. Malvenda in cit. tract. de Antichristo lib. 7. cap. 19. post plura concludit: Dicimus, Antichristum tanta magia & potentia demonum vel effectuum, vel ad efficiendum illi vires abunde habere defuturas quoscunque veros & reales admirandos effectus, qui vel demonum, vel hominum, vel naturalium agentium vi re ipsa effici possunt in natura rerum. Quæcumque vero natura totum ordinem superant, revera patrare nequibit: Quod si videbitur operari, erunt haud dubie mera prestigia, & sensuum ludificationes, non veri & subsistentes effectus. Suarez in cit. disput. 54. sect. 4. ait, quod, si Antichristus videbitur mortuum suscitare, aut hic non erit prius vere mortuus, aut postea non vivet: quod si interdum verę erunt res, quę apparebunt, aut erunt tales, quę modo fiant prodigioso, sed per applicationem occultam causarum naturalium. Eodem modo loquitur Cardinalis Gortius Theolog.

Theolog. tom. 16. quest. 1. de Antichristo dub. 4. §. 3. num. 11. Theophilus Raynaudus *oper. tom. 5. in Theologia naturali dist. 4. quest. 4. art. 6. num. 334.* scribit, Antichristi prodigia tam mira in speciem, ut videantur inductura in errorem, si fieri potest, etiam Electos, indigna fore nomine miraculi, nec esse futura, nisi seductionem iniquitatis, & mendacia prodigia. Calmet *in cit. dissert. de Antichristo art. 6. §. An prodigia*, putat, quia ab improbis vera signa edi possunt, edi etiam posse ab Antichristo multa vera miracula, quæ tamen, nequissimo sibi fine proposito, perditissimus ille præstabit. At egregie de more S. Thomas *quest. 6. de potentia art. 5. ad ultimum: Dicendum*, quod tempore Antichristi, Diaboli potestas solvenda dicitur, in quantum ei multa facere permittuntur, quæ modo non permittuntur: Unde & operabitur multa ad eorum seductionem, qui hoc meruerunt non acquiescendo veritati. Operabitur autem quedam prestigiose, in quibus nec erit verus effectus, nec miracula. Operabitur etiam quedam per veram corporum immutationem, in quibus si erunt veri effectus, non tamen vera miracula, quia erunt per causas naturales operata. Quæ etiam mendacia dicuntur quantum ad intentionem facientis, qui per huiusmodi mirabilia opera inducit homines ad credendum mendaciis, qui per huiusmodi mirabilia opera inducit homines ad credendum mendaciis. Suarez *cit. dispus. 54. sect. 4. querit*, an sit contra suavem gubernationem Divinæ providentiæ, ut fieri permittat tam stupenda signa, licet mendacia, in confirmationem falsitatis: videtur enim hoc nihil esse aliud, quam permittere, ut homines tententur ultra id quod possunt; & hinc videtur posse labefactari fides Divinorum miraculorum, cum semper formidari possit, an falsa sint: idemque respondet, id non esse contra ordinem Divinæ providentiæ; tum quia hæc permissio erit effectus Divinæ iustitiæ in vindictam incredulitatis Judæorum, & aliorum Peccatorum; tum quia erit effectus Divinæ misericordiæ, ut Sanctorum fides & constantia magis eluceat; & demum quia, Divina Gratia adjuvante, tentatio non erit supra vires humanas.

De malis Hominibus, seu Peccatoribus.

20 Per malos homines, & peccatores vera miracula fieri possunt. Ad rem hanc facit illud Christi Domini in Evangelio Matthæi 7. 22.: *Multi dicent mihi in illa die: Domine, Domine, nonne in nomine tuo prophetavimus?... Nunquam novi vos.* Ad quæ Evangelii verba S. Augustinus *lib. 2. de sermone Domini in monte cap. 25. num. 84. col. 235. tom. 3. part. 2.* hæc habet: *Ne decipiamur tendentes ad contemplationem veritatis, non solum nomine Christi, per eos qui nomen habent, & facta non habent, sed etiam quibusdam factis atque miraculis: qualia propter Infideles cum fecerit Dominus, monuit tamen, ne talibus decipiamur, arbitranes, ibi esse invisibilem sapientiam, ubi miraculum visibile viderimus.... Non ergo cognosces nisi eum qui operatur aequitatem. Nam & ipsos Discipulos suos prohibuit gaudere de talibus, id est quod Dæmonia illis subiecta fuerint: Sed gaudete, inquit, quia nomina vestra scripta sunt in celis; & rursus ad ea verba, Non novi vos, subijcit serm. 93. al. 23. de verbis Domini (num. 16. col.*

col. 506. tom. 5.) : *Improbo vos, reprobe vos. In arte mea non vos agnosco, ars mea nescit vitia : Hoc est autem magnum, & nescit vitia, & judicat vitia. Nescit faciendo, judicat arguendo. Facit & illud Apostoli 1. ad Corinth. cap. 13. : Si linguis hominum loquar & Angelorum, Charitatem autem non habeam, factus sum velut æs sonans, aut cymbalum tinniens ; & si habuero prophetiam, & noverim mysteria omnia, & omnem scientiam, & habuero omnem Fidem, ita ut montes transferam, Charitatem autem non habuero, nihil sum. Ostendunt enim hæc verba, nihil repugnare, quominus aliquis Charitatem non habeat, & montes transferat : quemadmodum docet Estius in comment. ad dict. loc. : Nam sane, sicut Apostolo nulla repugnancia est, aliquem Linguarum aut Prophetia dono ; aut noticia mysteriorum atque scientia excellere ; qua superius numerata sunt : aut in egenas esse profusum, aut corpus suum flammis tradere pro Christi nomine ; qua postea nominantur ; & Charitatem non habere : ita nihil repugnat ex ejusdem Apostoli mente, ut quis habeat Fidem, qua montes transferat, & Charitatem non habeat. Beatus Petrus Damiani *serm. 65.* qui est de S. Barbatiano, colligit, eum fuisse insignem Sanctum, cum miraculis claruerit eo tempore, quo, plantata jam Fide, miraculis ultra opus non erat. At idem in *vita S. Dominici Loricati cap. 11. oper. tom. 2.* sibi objiciens, quod in illius Sancti vitæ ratione tradenda totus fuisset, & miracula nulla recedisset, sic objectionem elidit : *Breviter hoc respondere sufficiat : quoniam & Maria, & Joannes Baptista miraculum fecisse non leguntur, cum tamen eorum vita non qualibet Scriptura, sed Evangelio testante narretur ; & opus. 6. cap. 18.* variis sui temporis exemplis ostendit, quosdam nullius meriti apud Deum miraculis claruisse. Plura ad rem, de qua agitur, collecta legi possunt apud Gonzalez in *cap. Audivimus, num. 9. de Reliq. & venerat. Sanctorum*, apud Majolum in *diebus Canicularibus ad tit. Vaticinia pag. 534.* apud Theophilum Raynaudum *oper. tom. 15. in heteroclit. spiritualib. num. 12. & seqq. pag. 265.* apud Contelor. de *Canonizat. Sanctor. cap. 20. num. 5. & seqq.* & apud Roccam *cod. tract. cap. 9.* Gratia enim miraculorum est Gratia gratis data, quæ indignis quandoque confertur ob Fidei ædificationem, & aliorum salutem. Optime Suarez de *relig. tom. 2. lib. 1. de oratione cap. 25. num. 4. : Licet enim Deus interdum faciat miracula per hominem peccatorem ad confirmandam veram Fidem, magis tamen id facit ob bonum ipsius Fidei, & Ecclesie, quam ob vim talis orationis. E contrario nunquam exaud vit orantem prava intentione ad confirmandum mendacium per miraculum, quia se ipsum saceret auctorem, vel confirmatorem mendacii : quod ipsum repetit in tract. de Fide *disput. 4. sect. 3. n. 10.***

21 Ad aliud quoddam genus referendum est illud, quod modo a Nobis subnectitur, ad privilegium videlicet Regum Galliæ strumas sanandi : illud quippe non hereditario jure, aut innata virtute obtinetur, sed Gratia ipsis gratis data, aut cum Clodoveus Clotildis uxoris precibus permotus, Christo nomen dedit, aut cum Sanctus Marculphus ipsam pro Regibus omnibus Galliarum a Deo impetravit, juxta ea quæ habentur apud Gasparum a Reyes in *jucundar. question. elysio campo quasi. 24.* meminisse

Thiers

Thiers in tra. 7. de superstitione tom. 1. lib. 6. cap. 4. num. 12. Guibertus de Pignoribus Sanctorum lib. 1. cap. 1. sermonem faciens de Rege Galliarum Ludovico Crasso, hæc ad rem scribit pag. 331. : *Quid quod Dominum nostrum Ludovicum Regem consuetudinario uti videmus prodigio? Hos plane, qui scrophas circa jugulum, aut uspiam in corpore patiuntur, ad tactum ejus, superaddito Crucis signo, vidi catervatim, me ei cobarente, & etiam prohibente, concurrere. Quos tamen ille ingenua liberalitate, serena ad se manu obuncæus humillime consignabat. Cujus gloriam miraculi cum Philippus pater ejus alacriter exerceret, nescio quibus incidentibus culpis, amisit. Super aliis Regibus, qualiter se gerant in hac re, supersedeo: Regem tamen Anglicum nevisquam in talibus audere scio. Si fides Guiberto præstanda est, Reges Angliæ anno 1100. non putabant; se potiri Gratia gratis data scrophas curandi. At utcumque sit de hoc, Willelmus Malmesburiensis Auctor XII. sæculi lib. 2. de gestis Reg. Anglorum cap. 13. pag. 91. narrat miraculum patratum a S. Eduardo Angliæ Rege in curandis scrophis, & ait, eodem intercessore, hanc eandem facultatem in suos posteros esse derivatam: *Adolescentula, juxta paritatem natalium, virum habens, sed fructu conjugii carens, luxuriantibus circa collum humoribus turpem valetudinem contraxerat, glandulis prouberantibus horrenda, Jussa fomio lavaturam Regis exquirere, curiam ingreditur. Rex ipse per se opus pietatis adimplens, digitis aqua intinctis collum pertractat mulieris, medicam dexteram sanita: festina prosequitur, lethalis crusta dissolvitur, ita ut veribus cum sanæ profuentibus, omnis ille noxijs tumor recederet &c. Multoties eum in Normannia hanc pestem sedasse ferunt ... unde nostro tempore quidam falsam insunt operam qui asseverant, istius morbi curationem non ex sanctitate, sed ex Regalis prosapia hereditate fluxisse. Et Joannes Brocton, in Chronic. col. 950. collect. Script. antiq. hist. Anglic. fatetur hoc privilegium in Reges Angliæ a Sancto Rege Eduardo manasse: Ex isto Rege Edwardo quasi jure hereditario Reges Angliæ dicuntur habere, ut ipsi quoddam genus morbi, quem vermem, sive modo morbum Regium vulgariter dicunt, solo tactu curent; hanc gratiam illum Edwardum primo dicitur habuisse.**

CAPUT QUARTUM.

De fine Miraculorum, & de differentiis inter vera, & falsa Miracula.

Actum est superius de causa efficiente miraculorum, nunc aliqua dicenda sunt de eorum causa, quæ finalis vocatur. Hanc porro ex sacra Scriptura desumemus. Finis generalis primarius miraculorum est gloria Dei, cum hic sit finis omnium operum ipsius: quapropter Proverb. 16. 4. legitur: *Universa propter semetipsum operatus est Dominus; & Joan. 11. 4. Christus loquens de Lazaro infirmo a se resuscitando ait: Infirmitas hæc non est ad mortem, sed pro gloria Dei, ut glorificetur Filius, Dei per eam; Marthæ autem subjicienti vers. 39. : Domine, jam sætet quadri-*
duanus

duas in monumento; Saluator respondit: Nonne dixi tibi, quoniam, si crederis, videbis gloriam Dei? Inter fines miraculorum secundarios, qui tamen ad primarium ordinantur, recensentur tum confirmatio pro ostendenda veritate doctrine Fidei & morum, tum attestatio veræ sanctitatis alicujus. Cum Deus Moysen misisset ad populum, & ad Pharaonem in Ægypto, Moyses ait: Non credent mihi, nec audient vocem meam, uti habetur Exodi 4. 1. Deus autem ostendit ei omnia signa seu miracula, quæ facturus erat coram populo & Pharaone; lib. 3. Regum 18. 38. in illa concertatione Eliæ cum Sacerdotibus Baal, in qua de vero Deo contendebatur, inito pacto, ut qui ex duobus diis ignem e cælo emitteret, & sacrificium consumeret, ille pro vero Deo haberetur; postquam Sacerdotes Baal deum suum sæpius, sed frustra invocaverant, invocante Elia Deum Abraham, Isaac &c. cecidit ignis Domini, & voravit holocaustum & ligna & lapides, pulverem quoque, & aquam, quæ erat in aqueductu lambens: quod cum vidisset omnis populus, cecidit in faciem suam, & ait: Dominus ipse est Deus, Dominus ipse est Deus; & in Evangelio Joannis post miraculum conversionis aquæ in vinum dicitur cap. 2. 11.: Hæc fecit initium signorum Iesus in Cana Galilee, & manifestavit gloriam suam, & crediderunt in eum Discipuli ejus; & cap. 6. 2.: Sequēbatur eum multitudo magna, quia videbant signa, quæ faciebat super his qui infirmabantur; & in Evangelio Matthæi cap. 10. 7., cum Saluator mitteret Apostolos ad prædicandum, Euntes (inquit) prædicate, dicentes, quia appropinquavit regnum celorum; addiditque: Infirmos curate, mortuos suscite, leprosos munda'e, Dæmones ejicite. Hæc pertinent ad ostensionem veritatis doctrine Fidei & morum per miracula: nunc transeamus ad attestationem bonitatis & sanctitatis alicujus. Licet miraculorum Gratia, utpote gratis data, peccatoribus etiam, dum vivunt, a Deo indulgeri possit, & aliquando fuerit concessa, juxta ea quæ superius dicta sunt; certum tamen est, eam in commendationem bonitatis & sanctitatis alicujus a Deo sæpissime fuisse datam, & dari, ut alibi quoque a Nobis significatum est. In lib. 4. Regum, cum Ochozias Eliam, a quo correctus fuerat, persequeretur, & quinquaginta milites ad eum capiendum misisset, ignis de cælo descendit, militesque voravit; & in lib. Numeror. cap. 12. 2. cum Aaron, & Maria soror contra Moysen locuti essent, Num per solam Moysen locutus est Dominus? nonne & nobis similiter est locutus? indignatus Deus præcepit Moysi, ut cum Aaron & Maria iret ad Tabernaculum, descenderisque Dominus in nube staret in medio Tabernaculi, & inter alia dixit v. 7. & seqq.: Servus meus Moyses in omni domo mea fidelissimus est; ore enim ad os loquor ei; & palam, & non per enigmas & figuras Dominum videt. Quare ergo non timuisti detrabere servo meo Moysi? Iratusque contra eos, abiit &c. Et ecce Maria apparuit candens lepra quasi nix. Utque exemplis, quæ Dei Servos respiciunt, & Sanctos, dum viverent, alia addantur edita ad eorum sanctitatem post obitum patefaciendam, eod. lib. 4. Reg. cap. 13. hæc habentur: Quidam sepelientes hominem projecerunt cadaver in sepulcro Elisei. Quod cum tetigisset ossa Elisei,

Elisei, revixit homo, & stetit super pedes suos; & Ecclesiasti. cap. 48. subjicitur: In Eliseo completus est spiritus ejus (Elizæ videlicet), in diebus suis non perimuit Principem, & potentia nemo vicit illum, nec superavit illum verbum aliquod, & mortuum prophetavit corpus ejus, in vita sua fecit monstra, & in morte mirabilia operatus est. Inter fines miraculorum secundarios memorari quoque debent beneficia corpori vel animæ præstita, necnon ultio Divina: Beneficia vero quædam communia sunt toti generi hominum, ut Incarnatio, Resurrectio Filii, Nativitas de Virgine; quædam communia sunt alicui populo & genti, ut Israelitis exsiccatio maris rubri, manna de cælo, aqua de petra; quædam alicui familiæ, ut liberatio Noe cum suis a diluvio, Lot de Sodomis, Abrahæ de Ægypto; alia personæ, ut conversio Pauli, sulcitatio Tabithæ: & similia sunt, quæ Divinam ultionem respiciunt, cum ultio aliquando fuerit in gentem aliquam, ut ignis & sulphur de cælo super quinque civitates; aliquando in civitatem unam, ut, cum ruerunt muri Jericho; aliquando in familiam unam, ut, cum Core, Dathan, & Abiron absorpti fuerunt a terra; aliquando in certos quosdam homines, ut, cum Ananiam & Saphiram Petrus morti tradidit, & Paulus Elymam Magum excæcavit, & Corinthium incestuosum Diabolo tradidit ad salutem animæ.

2 Inter Theologos quæritur, an sub alia providentia Deus possit cum aliquo operari & concurrere ad vera miracula, quibus ipse uti vellet ad persuadendum & confirmandum aliquid falsum. Legi possunt Durandus *quest. 1. prologi*, Albertinus *tom. 1. quest. 3. Theol. coroll. 3. ex 3. princip. Philosoph. dub. 2. Ripalda de ente supernaturali disput. 11. sect. 6. num. 33. Nonnulli id fieri posse existimant: dicunt enim, non repugnare, quin Deus in aliquo casu præstet se alicui ad miraculum, quod petitur in confirmationem alicujus falsitatis. Exemplum sumunt ab eodem Deo, qui ut auctor nature, potest offerre vim suam, & (ut vocant) concursum naturalem cause secundæ, licet prævideat, causam secundam non recte usuram illa virtute & concursu ad malum. Alii non audent id absolute admittere; sed ad summum, si ex aliquibus circumstantiis constare posset, miraculum, prout procedit a Deo, non fieri ad confirmandum aliquid falsum, sed ad alium finem bonum. Ita Suarez 2. *tom. in 3. part. disput. 31. sect. 2. §. Hac argumenta*, Cardinalis de Lugo *de virtute Fidei Divina disput. 2. art. 1. num. 15. & seqq.* At, omittis hæc quæstionibus Scholasticis, Nobis satis esse debet, ut nunc est atque in præsentem providentia nec a Deo fieri, nec de potentia (uti dicunt) ordinaria fieri posse vera miracula pro confirmatione falsæ doctrinæ, aut non veræ sanctitatis.*

3 Doctrina hæc est D. Thomæ 2. 2. *quest. 178. art. 2. in corpore*, ubi hæc habet: *Vera miracula non possunt fieri, nisi virtute Divina; operatur enim ea Deus ad hominum utilitatem, & hoc dupliciter. Uno quidem modo ad veritatis prædicatæ confirmationem; alio modo ad demonstrationem sanctitatis alienius, quam Deus hominibus vult proponere in exemplum virtutis. Primo autem modo*

Tom. IV.

G

miracu-

miracula possunt fieri per quemcumque, qui veram Fidem predicat, & nomen Christi invocat, quod etiam interdum per malos fit &c. Secundo autem modo non sunt miracula, nisi a Sanctis, ad quorum sanctitatem denuntiandam miracula sunt vel in vita eorum, vel etiam post mortem, sive per eos, sive per alios. Confirmat hoc ipsum in respons. ad tertium: Ad tertium dicendum, quod semper miracula sunt vera testimonia ejus, ad quod inducuntur. Unde a malis, qui falsam doctrinam enuntiant, numquam sunt vera miracula ad confirmationem suae doctrinae, quamvis quandoque fieri possint ad commendationem nominis Christi, quod invocant, & virtute Sacramentorum, quae exhibent. Ab his autem, qui veram doctrinam enuntiant, sunt quandoque vera miracula ad confirmationem doctrinae, non autem ad justificationem sanctitatis: quod ipsum docuerat lect. 2. in fine in 2. ad Thessalonicenses: Nullus contra Fidem facit vera miracula, quia Deus non est testis falsitatis; unde aliquis predicans falsam doctrinam non potest facere miracula, licet aliquis habens malam vitam possit. Hoc ipsum titulat quodlib. 2. quest. 4. art. 6. ad quartum: Ad quartum dicendum, quod miracula visibilia sunt virtute Divina ad confirmationem virtutis Fidei; unde dicitur Marci ult. de Apostolis, quod praedicaverunt ubique, Domino cooperante, & sermonem confirmante sequentibus signis. Non autem sunt miracula semper ad demonstrandum Gratiam ejus, per quem miracula sunt; & ideo potest contingere, quod aliquis Gratiam gratum facientem non habens, miracula faciat. Sed hoc contingere non potest, quod aliquis falsam doctrinam annuntians, vel a miracula faciat, quae nisi virtute Divina fieri non possunt. Sic enim Deus esset falsitatis testis, quod est impossibile. Optime Porrecta in 3. part. quest. 43. art. 4.: Quis enim idcirco, vel protervus concipiat unquam, quod Deus possit esse testis falsitatis, cum natura etiam dicat contrarium? Sequitur Viguer in institut. cap. 9. de Gratia Divina §. 2. vers. 1.: Operatio autem miraculorum, quae attribuitur Gratia gratis data, fit sola virtute Divina ad hominum utilitatem dupliciter: uno modo ad veritatis predicata confirmationem. Ex quo sequitur, quod ab his, qui falsam doctrinam annuntiant, numquam sunt miracula: quia miracula sunt vera testimonia, & a solo Deo, qui non potest esse testis falsitatis, cum sit Veritas per essentiam &c. Alio modo facit Deus miracula ad ostensionem sanctitatis alienius, quem Deus vult proponere in exemplum virtutis. Egregie Estius in lib. 2. sent. dist. 7. §. 19. ad quartum ait: Non solum a malis, verum etiam ab Haereticis, & Schismaticis, immo & a Paganis fieri possunt vera miracula, Deo per ea veritatem aliquam ad Fidem aut mores pertinentem approbante; Et ad septimum: Neque daemones, neque homines ulla virtute possunt facere miraculum verum pro confirmatione erroris, id est, aliis verbis: Deus statuit numquam exaudire petitionem daemonis, vel hominis volentis ad confirmandum errorem miraculum adhibere; immo nec potest huiusmodi petitionem exaudire, si loquamur de potentia ordinaria. Cujus ratio est, quia Deus instituit miracula tamquam signa quadam & testimonia ejus rei, ad quam verificandam, ab eo, qui illa coram hominibus exhibet, inducuntur. Et mirabiliter concordat Silvius in 2. 2. D. Thome quest. 178. art. 2. concl. 2. Miracula quae ordinantur ad declarandam sanctitatem facientis, non possunt

sunt

ET BEATOR. CANONIZ. LIB. IV. PAR. I. CAP. IV. § I

sens fieri per malos : sicut nec per eos fieri possunt miracula in confirmationem falsa doctrina , quam forte predicant ; quia Deus non potest esse testis , vel approbator falsitatis : esset autem , si vel unum miraculum fieret in confirmationem aut falsæ doctrinae , aut falsæ sanctitatis ; quoniam illa testificatio esset falsa , & esset Dei , quandoquidem solius ipsius Dei virtute miracula fieri possunt . Cum igitur verum miraculum non possit fieri , nisi per virtutem Dei , patet , miraculum non posse fieri in attestatorem falsitatis , & quod consequitur , impossibile esse , rem illam non esse veram , in cuius veritatis attestatorem sit verum miraculum , id est , ad quam demonstrandam esse veram , sit miraculum verum . Et quamvis S. Joannes Chrysostomus hom. 5. contra Judeos dicat , falsis Doctoribus , etiam si mortuos excitarent , non esse credendum , quoniam , inquit , Deus tentans te permisit , ut illi hoc possint ; & urgeat illud Apostoli ad Galatas 1. 9. *Licet Angelus de cælo evangelizet vobis , præterquam quod evangelizavimus , anathema sit* ; ambo nihilominus loquuntur sub conditione impossibili , qua posita , negant deinde , vel Angelo , vel miraculis esse credendum ; cum tali in casu nec Angelus esset in veritate confirmatus , nec miraculum esset ex ordinatione Divina certum & invictum veritatis testimonium ; & proinde , sepositis miraculis , in eo rerum impossibili eventu Catholice veritatis confirmatio esset aliunde petenda , ex doctrina videlicet Prophetarum , & Apostolorum , & ex perpetua Traditione Ecclesiæ , quam Traditionem ibi & alibi sæpe urget Apostolus , juxta ea quæ habentur apud Estitium in 2. lib. sent. dist. 7. §. 20. ad decimum . S. Pacianus Barcinonensis Episcopus Novatianos refellens inolefcentes in Scripturarum intelligentia , & dicentes , *Novatianus hoc præcepit , Novatianus hoc docuit* , sic loquitur epist. 3. (Biblioth. Patrum tom. 4. pag. 309.) : *At vel quando , Frater , quibusve temporibus ? Statim post Domini Passionem ? Post Decii Principatum , id est post trecentos prope annos Dominica Passionis ? Quid ergo tunc ? Prophetas secutus est , ut Casaphryges ; an Philomenem aliquam , ut Apelles ; an ipse tantum auctoritatis accepit ? linguis loquutus est ? prophetavit ? suscitare mortuos potuit ? Horum enim aliquid habere debuerat , ut Evangelium novi juris induceret . Et si contra clament Apostoli : Licet nos , aut Angelus de cælo evangelizet vobis , præterquam quod evangelizavimus vobis , anathema sit . Novatianus sic intellexit , inquit ; sed Christus hoc docuit . Ergo a Christi usque Decii Principatum nullus intelligens ? His verbis S. Pacianus docuit , ad hærendum esse illi Ecclesiæ , illi Scripturarum sensui , cui ab Evangelii exordiis Traditio suffragabatur ; & , qui novos se faciebant novæ doctrinæ Magistros , eam jubebantur approbare miraculis , vel prophetiarum suarum certis eventibus : quamquam id ne tum quidem illis fuit concedendum , ut aliquid novarent , cum vetuerit Apostolus , Angelo novum Evangelium obtrudenti fidem adhiberi ; in hypothesi videlicet conditionis impossibilis , ut Angelus aliter evangelizaret , aut fierent nova miracula in confirmationem falsæ doctrinæ . Quare citatus Estitius ad cap. 1. epist. ad Galatas , addit : *Quod autem ais , aut Angelus de cælo , hypothesi est rei impossibilis* .*

52 DE SERVORUM DEI BEATIFICATIONE

Nam fieri non potest, ut Angelus e celo ventens, atque a Deo missus euangelizet præter id, quod Paulus euangelizaverat: siue quia Angeli boni confirmari sunt in iustitia & veritate, siue quia Deus falsum nuncium mittere non potest: & prosequitur Cornelius a Lapide ad recitata Apostoli verba: *Supple, si id fieri posset, nam de facto hoc est impossibile; Angeli enim uti in beatitudine, ita & in omni veritate confirmati sunt. Est hyperbolo similis illi 1. Corinth. 13. Si lingua hominum loquar, & Angelorum.*

4. Mirifice profunt Divina eloquia tum veteris, tum novi Testamenti. Deus enim Exod. 4. facultatem dedit Moyfi faciendo miracula, ut per illa ostenderet, se ab eo missum v. 5.: *Ut credant, inquit, quod apparuerit tibi Dominus.* Discipulis Joannis Christum interrogantibus, an esset verus Messias, Tu es, qui venturus es, an alium expectamus? Christus non aliam suæ missionis attulit probationem, quam miracula: *Euntes (veluti legitur Matthæi 11. 4.) renuntiate Joanni qua audistis, & vidistis: Cæci vident &c.* Idem Joannis 10. 37. ut Judæos induceret ad fidem præstandam suæ doctrinæ, cum cæco a nativitate potestatem videndi fecisset, ait: *Si non facio opera Patris mei, nolite credere mihi. Si autem facio, & si mihi non vultis credere, operibus credite: & Joannis 15. 24. Si opera non fecissem in eis, que nemo alius fecit, peccatum non haberent. Nunc autem & viderunt, & oderunt & me, & Patrem meum.* Rursus Marci 16. 17. Christus Dominus miracula exhibuit uti signa veræ Fidei: *Signa autem eos, qui crediderint, hæc sequentur: In nomine meo Dæmonia ejicient, linguis loquentur novis, serpentes tollent; ibique Evangelista ait, Deum miraculis confirmasse veritatem rerum, quæ ab Apostolis prædicabantur: Domine cooperante, & sermonem confirmante, sequentibus signis: & S. Paulus miracula recenset inter signa sui Apostolatus 2. ad Corinth. 12. v. 12.: Signa tamen Apostolatus mei facta sunt super vos in omni patientia, in signis, & prodigiis, & virtutibus.*

5. Utuntur Theologi exemplo Principis, qui, si sigillum suum alicui traderet in aliqua circumstantia, in qua prævideret ejus abusum, participes ejus abusus; & hinc inserunt, quia Deus verax est, eum miracula operari non posse in eo rerum statu, in quo usurpari possent ad confirmandam, vel falsam doctrinam, vel falsam viri sanctitatem; quod utique accideret, si ad ejus invocationem miracula patraret, qui sibi carus non esset & acceptus. Cardinalis Gottus Theolog. tom. 10. quest. 1. dub. 6. §. 6. num. 29. dubium proponit, *An scilicet præsciens Deus, quod si tali hora, vel loco, puta juxta sepulcrum falsi Martyris, facias miraculum, homines pridenter credituros esse, tale miraculum fieri in attestationem sanctitatis illius viri, possit Deus illud facere; & huic quaesito ita respondet n. 30.: Non potest Deus facere miraculum; nam alias Deus foret illo miraculo testis falsitatis, & quodammodo deo sigillo obsignaret falsum, eo modo, quo Rex sigillum suum traderet in ea circumstantia, in qua sciret, adhibendum fore ad obsignandum falsum diploma.* Eodem Principis exemplo utitur Cardinalis de Lugo de Fide disp. 2. sect. 1. num. 24. & seq.; & ante prædictos bene scripserat Suarez de Gratia prolegom. 3.

gem. 3. cap. 4. num. 12. : Sape miraculum fit ad confirmandam sanctitatem operantis ; & tunc non fiet ab homine peccatore , quia Deus non probat testimonium falsitatis : aliquando vero fit ad confirmationem Fidei & doctrina ; & tunc nunquam quidem fit in confirmationem falsa doctrina : furi tamen poterit ab homine peccatore , quia tunc non operatur ad ostensionem suae iustitiae , sed ut minister verbi ad confirmationem ejus . Ad hanc rem conferunt ea , quae habentur apud duos S. R. E. Cardinales , Baronium videlicet , & Bellarminum . Baronius ad an. 34. num. 210. ita scribit : Cum enim , quod ad eam rem pertinet , nihil aliud sit miraculum , quam a Deo omnipotente patenter editum testimonium , secundum quod & ipse Dominus aliquando ad eam confirmandam veritatem ait : Ut autem sciatis , quia Filius hominis habet potestatem in terra dimittendi peccata (ait paralytico) Tibi dico : surge , tolle grabatum tuum , & vade in domum tuam ; vel cum inculcat de testimonio Patris , quod & Sancti sapissime fecisse noscuntur . Certe penes quos veritas doctrina non est (quoniam Deus verax est , nec fallere , nec falli potest) nec per miracula facta Divina attestatio umquam accedet : repugnat enim , & omnino contraria sunt inter se ; ut veritas mendacio adstipuletur , ac Deus consensiat falsitati . Cardinalis autem Bellarminus de notis Ecclesiae lib. 4. cap. 14. n. 5. tom. 2. contro. haec habet : Vera miracula non possunt fieri , nisi Dei virtute ; dicitur enim miraculum , quod superat vires omnium creaturarum , & ideo omnibus creaturis est mirabile , & propterea etiam in Scripturis dicuntur testimonia Dei , ut supra vidimus ; Quare quod miraculo confirmatur , Dei testimonio confirmatur . Deus autem non potest esse testis mendacii . Igitur quod miraculo confirmatur , verum sit , necesse est . Neque repugnat , quod vera miracula non semper fiunt ad confirmandam Fidem , sed interdum ad illustrandam Sanctorum vitam ; Nam , cum miracula fiunt ad gloriam alicujus Sancti demonstrandam , illa miracula ostendunt , eum hominem vere esse sanctum . Cum autem nemo sit vere sanctus sine vera Fide : Justus autem meus ex Fide vivit , Hebr. 10. v. 38. eadem miracula ostendunt , & confirmant veram Fidem . . .

6 Subtiliter Martinus del Rio *disquisit. magicar.* lib. 2. quaest. 7. docet , distinguendum esse inter has duas illationes , quarum prima est : Fecit miraculum , ergo Fides ejus est vera : altera est : Fecit miraculum verum in confirmationem Fidei , quam profitebatur ipse , ergo hac Fides ipsius erat vera . Ait enim , primam posse esse falsam , quia per Infidelem Deus potest miraculum operari ; posteriorem autem semper esse veram , quia non potest Deus ad falsae Fidei confirmationem per ullum operari miraculum . Subscribit Silvester Petrasancta in *thausasma vera religionis in prolegom.* num. 43. & seqq. & prosequitur Cardinalis Gottus de vera Ecclesia Christi tom. 1. cap. 2. §. 1. num. 6. Sicchè non è buona illazione : Fa miracoli ; dunque è santo ; dunque ha , dunque insegna la vera Fede . Può l'Idio valersi di un uomo di mala vita , e di Fede falsa , per operare un miracolo , quando egli così giudichi al fine da lui preteso . La verità de' miracoli è una Grazia gratis data , che Dio dà a chi vuole , dividens singulis prout vult , come dice S. Paolo 1. Corinth. 12. 11. , senza attendere da noi la disposizione . Et num. 7. Io non m'appoggio , che i Gentili , o per me-

glio

54 DE SERVORUM DEI BEATIFICATIONE

già dire, il Demonio operasse prodigj e segni in conferma dell' idolatria. Questo però non toglie, che i miracoli siano contrassegni della vera dottrina: altrimenti avrebbe Iddio dato a Moïse un contrassegno mal sicuro, quando gli diede la facoltà di far miracoli in attestato della sua missione, sapendosi, ch' eziandio i Magi d' Egitto erano per fare alla sua presenza prodigj, in apparenza consimili. Bisogna provare, che i miracoli de' Gentili, e degli Eretici, come pure quelli dell' Anticristo, fatti, e da farsi in conferma della falsa dottrina, siano veri miracoli, e non piuttosto illusioni &c. e di più, che quand' anche fossero stati veri miracoli, siano stati operati in conferma della falsa dottrina, e non piuttosto in attestato di qualche verità, che Dio siasi compiaciuto d' accreditare con miracoli anche ne' Gentili. Atque quod supra ex Elio dictum est, posse Deum pro confirmanda aliqua veritate Catholica miraculum operari etiam per Hæreticos, & Schismaticos, videtur confirmari posse ex iis quæ habentur apud Socratem lib. 7. cap. 17. ubi refert quemdam Judæum veteratorem, & Christianam Fidem simulantem, post receptum Baptismum ab Arianis & Macedonianis, accessisse ad Paulum Novatianum Episcopum, ut ab eo Baptismum reciperet, a quam autem universam semel atque iterum immisam Divina quadam virtute evanuisse. Cardinalis Baronius ad an. 419. num. 109. super facto hoc scribit: *Nihil est tamen, quod ipse (loquitur de Socrate) tribuere jure possit Episcopo Novatiano miraculum, quod potius tribuendum fuerat Sacramento, sicut nec prophetia Caïpha, sed cum Pontifex esset anni illius: additque irritum fuisse Baptisma, quod Judæus receperat ab Arianis & Macedonianis, utpote collatum nulla facta assertione Sanctissimæ Trinitatis; validumque fuisse Baptismum a Novatiano collatum Sanctissimæ Trinitatis assertoribus, & sic cessasse miraculum in confirmationem Catholicæ veritatis. Cujus rei gratia scire opus est, teste Socrate, eundem Judæum, post receptum Baptismum ab Arianis & Macedonianis, & antequam accederet ad Baptismum a Paulo recipiendum, fuisse ab Attico Episcopo Constantinopolitano Novatiano baptizatum. Sterit enim aqua in Attici Baptismo, quod tunc nulla fieret iterando injuria Sacramento: evanuit autem in Pauli Baptismo, quod in prioris injuriam Paulus secundum Baptismum ignarus præparasset.*

7 Satis dictum est de fine miraculorum: nunc operæ pretium est aliqua innuere de differentiis inter vera, & falsa miracula. Canonitzæ quatuor requirunt in miraculis; primum, ut a Deo, non ex arte procedant; secundum, ut sint supra naturam, seu præter ordinem totius nature creatæ; tertium, ut non fiant ex vi verborum, uti fit transubstantiatio in sacramento Eucharistie, sed hominis alicujus sancti precibus & intercessionibus; quartum, ut fiant ad Fidei Catholicæ confirmationem, vel ad enuntiandam alicujus sanctitatem, quam Deus velit hominibus patefacere: Gloſſa in cap. unic. in verb. Sedis Apostolica, de Reliq. & venerat. Sanctorum, in sexto, Otienſis in Summa tit. de Reliq. & venerat. Sanctorum num. 3. Fagnanus in cap. Venerabili num. 2. & seqq. de testib. Mascardus de probationib. encl. 262. num. 25. & seqq. Chassanus in catalogo gloria mundi 3. part. confiderat.

derat. 49. §. Secundo, ut dixi, cum paragraphis sequentibus, Frances variat. juris reslnt. cap. 25. num. 19. & seqq. Molphebus consil. 46. num. 44. & seqq. Zacchias quest. medico-legal. lib. 4. tit. 1. quest. 3. Malvetius de Canonizat. Sanctor. dub. 3. num. 38. & seqq. Contelorius de Canonizat. Sanctorum cap. 17. mem. 1. & seqq. Matta de Canonizat. Sanctorum part. 3. cap. 8. sub num. 12. Pavinus in relatione super Canonizatione S. Bonaventuræ part. 2. art. 1. vers. Quantum vero ad propositum, Auditores Rotæ in relatione S. Andreæ Corsini part. 2. num. 190. post primam Consultationem Lezana, & in relatione S. Franciscæ Romanæ part. 3. art. 1. de miraculis in genere §. Secundo premitendum est.

8 Utunque autem sit, an exposita doctrina in omnibus admittenda sit, cum Eucharistiæ sacramentum sit memoriale omnium miraculorum, & quasi compendium vitæ, Passionis, & Resurrectionis Domini nostri Jesu Christi, juxta illud Psalm. 110. 4. *Memoriam fecit mirabilium suorum misericors, & miserator Dominus, eam dedit timentibus se*; & cum debuerit Eucharistia esse res plena miraculo, non autem simplex aliquod symbolum, ne esset inferior, sed superior Manna Judæorum, quæ fuit memoriale mirabile, quæ in deserto Hebræis contigerant, juxta ea quæ habentur apud Cardinalem Bellarminum controver. tom. 3. lib. 3. de sacram. Eucharist. cap. 9. §. Adde; rursus, utunque sit, an ex his satis apte colligi possit differentia inter vera & falsa miracula, ita ut vera sint ea, in quibus prædictæ adfuerint qualitates, falsa vero in quibus desunt: manus admovenda est ad Theologorum libros, ut tutum de veritate & falsitate miraculorum, seu de differentia inter vera & falsa miracula feratur judicium. Agunt ipsi de veritate miraculorum a Christo Domino editorum, & ponderant primò ipsam speciem operum, quæ omnino omnem excedebant creatæ virtutis potestatem; unde cæcus illuminatus dicebat Joan. 9. 32.: *A saculo non est auditum, quia quis aperuit oculos cæci nati. Nisi esset hic a Deo, non poterat facere quidquam*: ponderant secundò modum faciendi, cum solo nutu miracula operaretur; quare Luc. 6. 19. dicitur: *Virtus de illo exibat, & sanabat omnes*: ponderant tertio doctrinam, qua Christus se Deum dicebat, & virtutem Divinam miraculis comprobabat, quod soli Christo singulare fuit; licet enim Apostoli, & multi alii Sancti potestatem habuerint faciendi miracula similia iis, quæ fecit Christus, & majora, juxta illud Joan. 14. 12.: *Qui credit in me, opera, quæ ego facio, & ipse faciet, & majora horum faciet*, tamen, aliique Sancti nunquam miracula fecerunt, ut probarent, se Divina virtute pollere, sed potius, ut ostenderent, se esse servos Christi, sine quo nihil boni agere poterant, & in cujus nomine miracula patrabant ad gloriam Dei promovendam. Quocirca, postquam Christus protulit laudata verba, *Qui credit in me, opera, quæ ego facio, & ipse faciet, & majora horum faciet*, addidit v. 14.: *Si quid petieritis me in nomine meo, hoc faciam*; ut ostenderet, se unum esse cum Patre Deum, unam utriusque operationem, essentiam, & omnipotentiam; quapropter S. Augustinus in exposit. Psalm.

*Psalm. 130. num. 6. col. 1464. tom. 4. ait: In Christo enim majora videntur fuisse Apostoli, quam ipse Dominus. Sed unde fieri potest, ut plus valeant sarmen-
ta, quam radix? Quomodo autem quasi majora videntur secisse illi quam ille? Ad
vocem Domini surrexerunt mortui, ad umbram transeuntis Petri surrexit mor-
uus. Majus hoc videtur, quam illud. Sed Christus facere sine Petro poterat, Pe-
trus, nisi in Christo, non poterat; quia sine me, inquit, nihil potestis facere.*

9 Addunt evidentiam ipsam naturalem de veritate rerum, quæ age-
bantur, diuturnitatem effectuum, & perseverantiam, multitudinem &
frequentiam, finem talium operum, cum nihil temporale & humanum,
nihilque pravam in illis intenderetur, sed potius rectitudo & honestas mo-
rum, & veri Dei cognitio, & Dæmonis expugnatio. Legi potest Suarez
de Fide, Spe, & Charitate dispnt. 4. sect. 3. num. 9. & eruditissime prosequit-
ur Hueticus in *demonstrat. Euangel. propos. 9.* Fufius hoc ipsum argumentum
prosequitur Pater Graveson in *tract. de sacra Scriptura pars. 1. cap. 1. §. Ve-
rum hæc Infidelium*, ubi, agendo de veritate miraculorum Moÿsis, & Chri-
sti, considerat, Moÿsen, non clanculum, sed in propatulo edidisse miracu-
la, & testes appellasse ipsos Israelitas, qui ea suis oculis inspexerant; & per-
cipi nullo modo posse, quomodo ille sexcentis & amplius Israelitarum mil-
libus suadere potuerit, ipsos vidisse quæ non viderant. Rursus, ipsos Ju-
dæos ultro confessos fuisse, miracula a Christo patrata fuisse, quamvis per
odium & invidiam ea ad magicas artes referrent; ejus miracula narrari ab
Apostolis & Evangelistis, quorum fidem & sinceritatem commendant vitæ
probitas, simplex oratio, mors constanter opperita pro defensione do-
ctrinæ Christi; denique indubitatum testimonium sumi posse ex ipsorum
Judæorum factis, qui nunquam reclamarunt, ut certe reclamassent ad pro-
palandam fraudem, si quam esse putavissent, Evangelistarum, sed bene
multi ex illis, qui fuerant testes oculati prodigiorum, Christianæ Religio-
ni nomen dederunt, narrante Eusebio *lib. 3. histor. Eccles. cap. 31.* universam
Ecclesiam Hierosolymitanam tunc temporis ex solis Hebræis, qui ad Fi-
dem Christianam conversi erant, fuisse constatam usque ad tempora Ha-
driani Imperatoris, qui Judæos, & Christianos Hierosolymis expulit.

10 S. Augustinus inter miracula Magorum, & sanctorum hominum
discrimen in *eclogia trium questionum libro quest. 80. num. 4. col. 71. tom. 6.*
in medium affert his verbis: Cum ergo talia faciunt Magi, qualia nonnumquam
Sancti faciunt, talia quidem visibiliter esse apparent, sed & diverso sine & diver-
so jure sunt: illi enim faciunt querentes gloriam suam, isti querentes gloriam Dei;
& illi faciunt per quadam potestatibus concessa in ordine suo quasi privata commer-
cia, vel veneficia, isti autem publica administratione jussu ejus, cui cuncta creatu-
ra subiecta est. S. Thomas 1. part. quest. 110. art. 4. ad secundum, prædictam
S. Augustini auctoritatem explicat; sed clarius in 2. lib. sent. dist. 7. quest. 3.
art. 1. docet, miracula bonorum hominum, & Magorum differre efficacia,
duratione, utilitate, modo, ac fine; efficacia quidem & duratime, cum mi-
racula a bonis hominibus facta, non nisi virtute Divina facta sint, cujus-
modi

modi est suscitatio mortui, & id genus alia, virtutem naturæ activam excedentia, quæ Dæmones re vera facere non possunt, nisi præstigiis quibusdam, quæ diu durare non possunt; *utilitate*, cum bonorum miracula non nisi utilitatem afferant, cujusmodi sunt admirabiles morborum curationes, Magorum autem signa sint noxia & vana; *modo*, cum boni miracula faciant nomen Dei pie & reverenter invocantes, & Magi quibusdam utantur deliramentis; *fine*, cum bonorum miracula efficiantur ad catholicæ Fidei ædificationem, & rectos mores propagandos, Magorum autem signa afferre soleant manifestum Fidei & honestati detrimentum, uti, doctrinam Divi Thomæ explicando, recte profequitur Angelus Rocca *de Canoniz. Sanctorum* cap. 21.

II Concordant, quæ suse habentur apud Auctorem *tractatus de Canoniz. Sanctorum ad Cardinalem Montis Regalis* 5. part. cap. 9. Dicit enim, miracula vera a falsis differre primò efficacia, nam vera miracula id efficiunt, quod demonstrant, ut illuminationem cæci, suscitationem mortui; falsorum vero miraculorum patratores vel nihil omnino efficiunt, vel speciem quamdam inchoatam exhibent ejus facti quod promittunt, vere tamen nihil efficiunt, & aliquando voluntate Divina ad retundendam audaciam contrarium efficiunt; secundò duratione, nam quæ ficta sunt, diu durare non possunt: quapropter Joannes Andreas in cap. *Audivimus*, & ibi ceteri Canonistæ de Reliq. & venerat. *Sanctorum* referunt, falsa miracula non durare ultra dies quadraginta, licet hoc non sit certum; tertio, quia miracula vera sunt vel ob Dei gloriam, vel propter charitatem Proximi, & falsa vel ob vanitatem, vel ob ruinam animarum; quarto, quia vera fiunt oratione, & falsa incantationibus, verbis, vel signis inusitatis; quinto, quia falsa vel vana sunt, ut motus & locutio statuarum, vel noxia, ut morbi immissi, dolores, Dæmonum vexationes; vera autem sunt utilia, cum manifestatio spiritus detur ad utilitatem; sexto victoria, quocirca supra jam visum est, Magos Pharaonis cinifes facere non potuisse, & Simonem Magum per aerem volentem, orante S. Petro, contractum cecidisse. Justus Lipsius in tract. de D. Virgine Hallens cap. 5. ita eleganter ad rem subdit: Triplex nota est, qua vera a vanis miracula differunt, magnitudo, finis, & fides. Magnitudo, quod non exigua aliqua, aut levia sunt in opere, sed qua opinionem, sensum, naturam omnem vincant, & qua ipsa illa natura non nisi Domino suo possit indulgere. Legistine, a Moyse, Pharaone Rege arbitro, victos varie ejus Præstigiatores, aut Magos? Tale universe in veris, vanisque scito; vim illic veram & Divinam eminere, ideoque & majestatem; hic fallax aliquid, lusorium & illusorium, & in exploratione leve reperiendum &c. Jam discrimen alterum a fine est. Ut demus, magna quedam a profanis pravisque hominibus patrari, finis dissidet. Illi in ludibrium aut noxam faciunt, nostri in serium fructum aut salutem. Præstigiatores, Calculatores, & id genus, quid, nisi vana specie oblecta, oculos sensusque fallunt? & fallendo delectationicula aliqua fortasse permulcent. Magi, Incantatores, Venefici nocendi palam finem habent, & ad Demo-

num cultum adducendi, quorum ope consilioque hac patrans. Itaque non fallax & iste character, quod vera miracula ad verum & unum Deum ducunt, falsa ad falsos & multos. Tertium denique discrimen fides, atque id dupliciter. Primum, quia vana multa ejusmodi fama, aut scriptis prodita . . . Sensu etiam altero vana, quia speciem sepe, non rem habens: non certe perfectionem, aut diuturnitatem &c. Non sic in veris; absit: omnia fidem habent, sive Libris sacris tradita, qui non magis, quam eorum Auctor (is Deus est) mentiuntur, sive bonis testibus arbitrisque affirmata: denique fidei etiam perfectique operis, nec retractantur ex facili, aut mutant. Eftius in lib. 2. sent. dist. 7. §. 19. ait, falsa miracula aut solam habere admirationem, & humanæ curiositati servire; aut talia esse, quibus tantum nocetur hominibus; aut, si prodesse videntur, bac tenus tantum id facere, quia Dæmones eorum auctores a nocumento destitunt; vel, si afferant aliquod beneficium corporale, non deesse causas naturales, quæ a sagacioribus inveniri possunt, uti supra visum est. Calmet in cis. dissertat. de veris fictisque prodigiis sic differentiam inter ea exponit: ut videlicet verum prodigium illud sit, quod, juxta insitam nobis ideam, regulas consuetas naturæ transcendit, fictum autem illud, quod naturæ leges specie tantummodo superat. Addit, prodigia nonnulla adeo aperta esse & explorata, ut imperitissimi quique de populo de illis judicare possint, puta, cum Moyses elata virga mare pro arbitrio diffudit, & restituit, cum Christus Lazarum defunctum quatrduanum vivum stare jussit: &, postquam statuit, Deum fallere non posse, neque deceptores & mendacia eorum auctoritate confirmare, nec semel promissam Ecclesiæ suæ infallibilitatem negare, concludit, inter varia & opposita prodigia confugiendum esse ad Ecclesiæ auctoritatem: quod ipsum late traditur ab Arauxo dees. moral. tract. 3. quest. 23. §. 5. num. 87. Pascbalis in suis cogitationibus art. de miraculis characteres veri miraculi exponit, quorum primus est, ut excedat vires omnes agentis naturalis notas & ignotas; secundus, ut ad Deum, & Jesum Christum dirigat; tertius, ne quid in veram doctrinam, pietatem, & Ecclesiam labis inferat: & characteres veri miraculi, prout a falso secernitur, deductos ex supra relatis circumstantiis efficaciæ, durationis, utilitatis, modi, & finis late prosequuntur Bidermannus in Agonistico lib. 3. cap. 3. 4. & seqq. Emmanuel Sanz in Scholiaste armato contra Fidei inimicos, seu tract. Theologico de Fide part. 1. disput. 6. §. 1. Ignatius Albertus Sweeterts Doctor Lovanienfis in synopsi question. Theologicar. part. 1. sit. de creatione art. 6. §. 1. pag. 509. & seqq., & præsertim pag. 513. Practici autem addunt, non esse de falsitate miraculorum dubitandum, si aliqua vi edantur, vel per Dæmonis invocationem, vel per pactum cum eo factum, vel per modum aliquem superstitiosum, aut per abusum Sacramentorum, vel Sacramentalium, veluti late exponit Cardinalis de Lauræa in 3. lib. sent. tom. 4. disp. 20. de miraculis art. 19.

12 Origenes in celebri tractatu, quem contra Celsum Philosophum Gentilem composuit circa annum Christi 249. ut ejus calumniis responderet,

deret, qui miraculis Christi & Moyſis improborum præſtigias oppoſuerat, agit de miraculis veris ac falſis, & diſcrimen inter vera & falſa miracula ad quatuor capita reducit, ad ſanctitatem videlicet & integritatem vitæ ejus, qui miracula patravit; ad qualitatem eorundem miraculorum, quæ permanentia ſunt & diuturna; ad fidem iis præſtitam, non a paucis, ſed ab integris populis & nationibus; ad finem denique, ad quem miracula tendunt, correctionem videlicet morum, virtutem adipiſcendam, vitæque ſanctitatem ſervandam. En verba Origenis lib. 1. (num. 68. pag. 383. tom. 1.): *Hinc perſpicias, Celfum ab admittenda Magia non alienum eſſe admodum. Neſcio tamen, an ille ipſe ſit qui multos contra Magiam libros conſcripſerit. Verumtamen quia hoc ejus propoſito commodum erat, quæ de Jeſu narrantur, comparat cum iis quæ Magia efficit. Et eſſent ſimilia, ſi Jeſus, ut qui magicas artes proſequentur, nihil præter vanam ſpeciem glendiſſet. Nunc vero nullus præſtigiaſor per ea quæ facit, ſpectatores ad morum emendationem excitat, aut Dei timorem docet, qui ſpectaculis ſtipend, aut ſtudet perſuadere ut vivant, quaſi Deo rationem reddituri. Nihil horum præſtigiaſores faciunt, quia non poſſunt, aut non conſilium habent, aut nolunt corrigendis hominibus operam dare, quippe qui ipſi turpiſſimis infamiſſimiſque vitiis reſerti ſunt. Hic vero, qui miraculis ſuis ſpectatores eorum, quæ bene faciebat, ad morum correctionem adducebat, quomodo non erit exiſtimandus ſe præbuiſſe non ſolum illis, qui proprie Diſcipuli ejus vocati ſunt, ſed etiam reliquis omnibus exemplum optima vitæ? Diſcipulis quidem, ut excitarentur ad homines docendos, quæ ſit voluntas Dei; reliquis vero hominibus, ut ejus verbis & moribus potius, quam miraculis edoſti, quomodo vivere oporteat, eo ſpectarent, ut quocumque facerent, Deo placerent omnia. Si autem Jeſu vi a ſuis ejuſmodi, quo jure quis etiam cum præſtigiaſoribus conſerat, & non potius crediderit etiam, cum Deus eſſet, ut promiſſum fuerat, viſum fuiſſe in humano corpore, ut noſtro generi prodeſſet? En verba Origenis lib. 2. (num. 50. pag. 425.): Nam quemadmodum Egyptiorum Incantatorum par non erat poteſtas miſifica illi, quæ in Moyſe erat, gratiæ; & eorum opera meras eſſe præſtigias, quæ vero Moyſes fecit, a Divina virtute proſciſci comprobatis exiis; ita quæ mira faciunt Anti-chriſti, itque qui ſe patrandis miraculis pares Jeſu Diſcipulis eſſe venditant, vocantur ſigna & prodigia mendacia, quæ in omni ſeductione iniquitatis vim habent in eos qui pereunt: miraculorum autem Chriſti, & ejus Diſcipulorum fructus eſt, non deceptio, ſed animarum ſalus. Quis enim dixeris deſpectione effici, ut emendetur vita, & malitia quotidie magis ac magis minuat? En verba Origenis lib. 2. (num. 51. pag. 426.): Quid ſi quia Magorum & Præſtigiaſorum artes aliquid efficiunt ope malorum demonum, qui curioſis incantationibus delinunt hominibus illas artes præſentibus morem gerunt, ideoque Divinam virtutem inter homines aliquandiu operari conſtitutum eſt: cur non eorum, qui miracula pollicentur, vitam, mores, aliaque ex miraculis conſequentia, accurate penſitabimus, afferant ne perneciem hominibus, an ad corrigendos mores conferant; quis, demonibus operam navans, per incantationes arcanaque magica pareat miracula; quis contra ſanctiori in loco ac puro conſiſtens, animaque & ſpiritu, &, opinor, corpore, Divi-*

60 DE SERVORUM DEI BEATIFICATIONE

num accipiens Spiritum ejusmodi edas prodigia & utilitatis hominum causa, & ut ad credendum vero Deo animos inflammet? Jam si, posita omni de miraculis præjudicata opinione, quæri oportet, bonæ, an malo consilio quis illa fecerit, ut ne aut omnia vituperemus, aut omnia tamquam Divina admiremur & admittamus: an non perspicuum est ex Moyse Jesuque miraculis, quibus integra gentes constituta sunt, eos Divina potestate fecisse, quæ ab illis facta fuisset Scriptura narrat? Neque enim malis artibus inagicisque præstigiis constituta fuisset gens tota, quæ despectis non solum simulacris falsisque numinibus, quæ reliqui homines colebant, sed etiam rebus omnibus creatis, ad Deum rerum omnium principium, principio carentem ipsum assurgit. En verba Origenis lib. 2. (num. 52. pag. 427.) *Quemadmodum igitur Moyses, ut sibi apud Senatum plebemque faceret fidem, opus habuit miraculis, quæ Scriptura commemorant; cur non Jesu miraculis opus fuit, ut illi fidem adingeret populus, qui signa & prodigia postulare consueverat? Immo majoribus Divinioremque, quam quæ Moyses fecerat, opus fuit, ut averteret ab inanibus fabulis humanisque traditionibus, quæ apud Judæos vigeant; & persuaderent, hujus doctrinæ Magistrum, harumque miraculorum effectorem longe Prophetæ antecellere.* En tandem verba Origenis lib. 8. (num. 47. pag. 776.) : *Quod si quis, ne nulla causa probare sua, & aliena respuere videatur, res propius contemplatur dicat, quæ Græci narrant, ea a quibusdam Dæmonibus; quæ Judæi referunt, ea a Deo per Prophetas, aut ab Angelis, aut a Deo per Angelos; Christianorum vero miracula a Jesu, & potestate ab ipso Apostolis data facta esse, age, omnino invicem conferamus. Videamus, quodnam eorum consilium fuit, qui prodigiorum illorum auctores fuerunt; ex quorum causa prodigia hæc facta sunt, utilitatem illis, an detrimentum attulerint, an neutrum. Certe antiqua Judæorum gens videbitur fuisse gens Philosophorum, antequam peccarent in Divinitatem, a qua ob summam nequitiam derelicti sunt: & Christiani, qui modo quodam incredibilem in societatem coaluerunt, initio prodigiis potius, quam exhortationibus videbuntur ad relinquenda patriâ instituta adducti, & ad amplectenda aliena traducti. Et sane, si de prima Christianorum constitutione versimilis habendus est sermo, dicemus, probabile non esse, Apostolos, plebejos, & sine literis viros, ad religionem Christianam hominibus annunciandam, alia re confisi esse, quam collata sibi potestate & gratia, quæ eorum prædicationis comes erat, ut annuntiata ab ipsis doctrina reciperetur; nec eorum auditores a patris institutis, ipsique vetustate confirmatis abduci, & ad id ægmata tam infelicia, tam aliena ab iis, quibus innurriti fuerant, suscipienda induci potuisse, nisi mirifica quadam potentia, rebusque prodigiis moti fuissent.*

13 Hæc autem retaliisse satis sit. Nunc enim reliquum est, ut aliqua subiciantur, quæ ad praxim pertinent: utque id recto ordine fiat, prænotare opus est, ex variis capitibus & causis dubitationem oriri posse de miraculorum fides. Primum dubitandi caput constitui potest in testibus, qui miraculum referunt; quibus fides præstari nequeat, aut quia suspicio sit simulationis, fictionis, mendacii, ut in casu exposito a Natali Alexandro in *hist. Ecclæs. Sac. 1x. cap. 3. art. 13.* ubi narrat, vulgata novarum Reliquia-

rum

rum fama, populos quadagesimali tempore ad basilicam S. Benigni confluisse, & post Pascha viles & nequam homunculos, & mulierculas, accepta occasione, morbos & subitaneas sanationes fingere atque ostentare coepisse; vel quia dicta testium, licet proborum, non ita inter se consentiant, ut plenam fidem facere possint. Secundum dubitandi caput desumi potest ex ipsa facti natura, de cujus veritate licet quæsitio moveri non possit, controversia tamen rationabilis excitatur, an ea excedat vires naturæ seu quoad factum, seu quoad modum faciendi. Tertium dubitandi caput sumi potest ex hoc, quod, positis tum facti veritate, tum ejus excessu supra vires & facultatem naturæ, non deest rationabilis suspicio, ut ad Dæmonum præstigias & illusiones referendum sit. Ultimum denique dubitandi caput ex eo sumi potest, quod, licet factum excedat vires naturæ creatæ visibilis & corporeæ, non videtur tamen excedere vires naturæ invisibilis & incorporeæ, hoc est Angelii boni. De primo & secundo capite sæpe se offert occasio disputandi in sacrorum rituum Congregatione, dum agitur de causis Beatificationis & Canonizationis; & quod attinet ad primum caput, resumenda sunt, quæ a Nobis dicta fuerunt in secundo & tertio hujus Operis libro de legitimo examine testium, ipsorum qualitate & dictis, quæ omnia eruendæ prosumt veritati. Ad secundum autem caput faciunt ea, quæ infra dicentur in hujus quarti libri decursu, in quo sedulo inquirendum est de iis, quæ excedunt, vel non excedunt vires & facultatem naturæ; in qua profecto inquisitione necessarium non est, veluti quidam male seriatim autumant, ut nobis cognitæ sint omnes naturæ leges; sufficit enim, exploratum esse, omnia corpora ejusdem naturæ secundum easdem moveri leges, & easdem causas ordinatim eosdem producere effectus: miraculum autem esse, quando corpus movetur alia lege, quam reliqua omnia ejusdem naturæ, & quando eadem causa in iisdem circumstantiis alium, quam ex suaspe natura solet, producit effectum; uti ingenue admittit Femina quoque Anonyma, licet heterodoxa, in opere *de veritate Christianæ religionis* typis Londinensibus edito an. 1732. ubi de veris miraculis Christi agit, cujus operis compendium refertur in *Actis Eruditorum Lipsiæ editis an. 1734. pag. 557. & seqq.* Tertium caput nihil habet commune cum judicio Beatificationis & Canonizationis, & cum sacrorum rituum Congregatione: cum enim (uti sæpe dictum est) non deveniatur ad inquisitionem super miraculis, nisi præcesserit approbatio virtutum aut martyrii, nec de fama miraculorum tractetur, nisi una simul agatur de fama virtutum in gradu heroico, hæc certe stare non possunt cum suspicione, quæ ex supradicto tertio capite oritur. Pro complemento nihil aliud remaneret, quam ut agamus de ultimo dubitandi capite: sed de hoc sermo erit in sexto hujus quarti libri capite, ubi etiam alia quædam innuntur, quæ tertium dubitandi caput respiciunt. In secunda editione Logicæ, seu Artis cogitandi, quæ typis Parisiensibus edita est anno 1724. *part. 4. cap. 14.* optime innuitur, nonnullos putare, se omnibus miraculis, quæ referuntur, fidem præstare debere; quia, si de aliquibus dubita-

62 DE SERVORUM DEI BEATIFICATIONE

bitarent, oporteret, eos de omnibus dubitare: alios contra promptos esse & paratos ad dubitandum de omnibus miraculis, quandoquidem miracula quædam falsa reperta sunt. Utrumque extremum Auctor satis accurate refellit. Nonnullas sanationes subitaneas refert a S. Augustino desumptas in libris de civitate Dei, quæ nedum ipsi, sed ceteris etiam cordatis viris visæ sunt excedere vires & facultatem naturæ, vel quoad substantiam, vel quoad modum. Ponderat tanti Doctoris iudicium, ejusque veracitatem; concluditque, impudentis insanix esse, de veritate miraculi dubitare, si ex narratione defumatur, factum excedere vires naturæ, & si narratio testibus fide dignis innitatur.

C A P U T V.

De Miraculorum necessitate in causis Beatificationis & Canonizationis.

QUæ in præcedentibus capitibus dicta sunt, pertinent ut plurimum ad miracula in genere. Ea tamen visum est præmittere, ut via sterneretur ad examen tum necessitatis miraculorum, tum ipsorum miraculorum in Beatificationis & Canonizationis causis, quas labor hic noster præcipue respicit.

2 Solas pro sanctitate virtutes exposcere videtur S. Joannes Chrysostomus in *inscript. actorum* (pag. 64. oper. tom. 3.): *Actio quidem bona etiam sine signis eos, a quibus peracta fueris, introducis in celum. Miraculum autem & signum absque conversatione deducere ad vestibula illa non possunt: quod ipsum latius prosequitur Anastasius Episcopus Nicænus, qui vixit post Concilium Trullanum (teste Cardinali Bellarmino de Scripturis Ecclesiasticis) in opere, cui titulus, De questionibus in sacram Scripturam, quest. 23. t. m. 1. Biblioth. Patrum, ubi ait: Non oportet autem aut virum Oribodoxum ex signis, aut Prophetam dijudicare, quod sit sanctus; sed ex eo quod vitam recte instituit &c. Quoniam ergo, ut ostensum est, a peccatoribus, & incredulis sepe fiunt signa & prophetia per quamdam dispensationem, non oportet de cetero ex rebus ejusmodi dijudicare quempiam, ut sit sanctus; sed ex eorum fructibus, ut dicit Dominus, cognoscetis eos. Fructus veri & spiritualis viri ostendit etiam Apostolus dicens; Fructus autem spiritus est charitas, gaudium, pax, Fides, mansuetudo, continentia. Supra vidimus, B. Petrum Damiani nulla in historia vitæ S. Dominici Loricati miracula narrasse, & respondisse, id mirum esse non debere, cum nec legatur, ullum factum fuisse miraculum a Beatiss. Virgine Maria, nec a S. Joanne Baptista. Callisto II. summo Pontifici miracula requirenti pro Canonizatione S. Conradi Episcopi Constantiensis Ulricus ejusdem Ecclesiæ Episcopus ita respondit (apud Pistorium Script. rer. Germ. tom. 3. p. 638.): Operam dedi, ex Patrum schedulis hujus Viri dignissimam Deo conversationem potius, quam miracula, quæ nonnumquam Reprobis cum Sanctis communia sunt, continentibus sequens opusculum colligere, vestraque Sublimitati exami-*

nari-

nandum dirigere. Supra laudatus B. Petrus Damiani *epist.* 19. ad Alexandrum Papam II. (*oper. tom. 1.*) miracula quærentem ad S. Rodulphi Eugubini Episcopi sanctitatem statuendam, hoc dedit responsum: *Qui miraculum quæris, nonne tibi videtur esse mirabile, Hominem fragili adhuc carne circumdatum (ut ita loquar) angelitus vivere, ades ut inter quamplurima hominum millia vix unum ejus similem valeas reperire?* De Malcolino adolescente adhuc Scotorum Rege per formosissimas ab ipsa etiam matre inductas puellas frequenter tentato, ac semper iuncto scribit Gulielmus Neubrigenfis *lib. 1. cap. 25.* Dicant, quod voluerint, venatores signorum, & ex miris merita metientes, & ex sola signorum claritate sanctitatis titulum tribuentes; plane ego illud in Rege iuncticulo sic impugnata, sed inexpugnata integritatis miraculum præferendum censeo non solum illuminationi cæcorum, sed etiam suscitationi mortuorum. Inter celebria dicta S. Fulgentii Episcopi Ruspensis *cap. 26.* apud Bollandum ad 1. diem Januarii *tom. 1. pag. 42.* hæc de miraculis recensetur sententia: *Mirabilia, ajebat, non conferunt homini justitiam, sed notitiam hominum. Quisquis autem fuerit hominibus notus, nisi fuerit justus, ad æterna perveniet supplicia condemnatus. Ille vero, qui misericordia celestis opera justificatus in conspectu Dei solius vixerit justus, etiam si parum sit hominibus notus, beata Sanctorum gaudia percipiet coronatus.* In primo hujus Operis libro, dum agebatur de necessitate miraculorum in causis Martyrum, allata fuit auctoritas S. Eulogii Martyris in *memoriali Sanctorum lib. 1. pag. 247. tom. 15. Biblioth. PP.* ita dicentis: *Signa vero atque prodigia & Sancti & Reperi faciunt; quæ nihil aliud, quam notitiam, vanam etiam aliquando, hominum conferunt. Hinc provenit, ut qui fuerit hominibus notus, nisi fuerit justus, ad æterna supplicia perveniat condemnandus. Ille autem, qui celesti gratia illustratus, sub notitia sui Creatoris vixerit sanctus, etsi mortalibus sit ignotus, in futuris tamen Sanctorum gaudiis erit annumerandus. Nec nos ita prosequentes miraculorum penitus abdicamus insignia celesti dono quibusdam collata, & congruenti tempore Dei per dispensationem nationibus ordinata; sed latratibus rabidorum canum obviam venimus, qui Martyrum mortuorum intentionem exinavire attentant, dum eos de miraculis redarguere sperant.* Facit huc responsum Alexandri III. in *cap. Audivimus de Reliq. & venerat. Sanctorum*, in quo (ut alias visum est) prohibetur cultus publicus absque Sedis Apostolicæ auctoritate erga defunctum, etiam si per eum miracula fierent. Ex his enim colligi posse videtur inutilitas miraculorum in causis Beatificationis & Canonizationis. Demum Baillet in *discurs. histor. prelimin. ad vitas SS. §. 82. & duobus seqq.* late hoc argumentum prosequitur, & ostendere conatur, fere totam vim esse in virtutibus, & in heroicis gestis constituendam, & vel nullum, vel modicum momentum pro sanctitate demonstranda, esse in miraculis statuendum.

3 Alii contra, neglectis quodammodo probationibus virtutum, seu martyrii, præcipuam vim, & fere unicam in Sanctorum Canonizationibus constituendam esse censuerunt in miraculis a Deo patris intercessione Servi Dei, sive Beati, de cujus agitur Beatificatione & Canonizatione.

Joan-

Joannes Saresberienſis nonnihil commotus in Alexandrum III. ſummum Pontificem , qui ipſi videbatur moras neſtere , & nimis diſſerre Canonizationem S. Thomæ Cantuarienſis , quamvis ille id rationabiliter faceret , exſpectabat enim reditum Cardinalium Legatorum , ex quorum relatione cuncta exacte certoque diſceret , in *epiſtola ad Guillelmum Archiepiſcopum Senonenſem* , & *Sedis Apoſtolice Legatum* ait pag.499. , ejus Canonizationem a Deo factam fuiſſe , nec ullam hominum auctoritatem eſſe neceſſariam , cum Deus illius ſanctitatem miraculis illuſtrem reddiderit . *Profecto , nobi Deus auſtor eſt , fruſtra ſuperior deſideratur auctoritas .* Itaque Card. Baronius in *anual* ad ann. 1173. num.4. ſic interpretatur dictum Saresberienſis : *Ita qui dilatam nimis dolens Martyris Canonizationem , quam Deus deſuper tot tantique miraculorum facibus & calo lucentibus jam divinitus factam oſtenderis , putavis , eam humana non indigere auctoritate , ſecundum illud Apoſtoli : Quis accuſabit adverſus electos Dei ? Deus eſt , qui juſtificat , quis eſt , qui condemnet ?*

4 At , his minime obſtantibus , de neceſſitate tum virtutum , aut martyrii , tum miraculorum in cauſis Beatificationis & Canonizationis nulla rationabilis dubitatio eſſe poteſt , uti ſæpe in hujus Operis decurſu a Nobis dictum eſt . Virtutes , & miracula expoſcit Honorius III. in *cap. Venerabili de teſtib. & atteſtat.* ubi ſic loquitur : *Super vita , & miraculis ;* & Gregorius IX. in bulla Canonizationis S. Antonii Patavini , Eccleſiam triumphantem ab Eccleſia militante diſtinguit , & pro ſanctitate in Eccleſia triumphante ſolam ait ſufficere perfeverantiam uſque ad finem , pro Eccleſia vero militante duo ſtatuit neceſſaria , virtutem videlicet morum , & veritatem ſignorum , uti videri poteſt *lib.3. hujus Operis cap.42. num.11.* Reſumi quoque poſſunt , quæ in primo hujus ipſius Operis libro ſuſe a Nobis adducta ſunt de neceſſitate miraculorum etiam in cauſis Martyrum . Ad perſuadendam miraculorum neceſſitatem in cauſis Beatificationis & Canonizationis fatiſ ſuperque eſſet aſſerere , inconcuſſam ſemper fuiſſe , & eſſe Apoſtolice Sedis praxim miracula in his cauſis requirendi , quam praxim exornant Contelorius de *Canonizat. SS. cap. 19. num.2.* , Baldellus *Theolog. moral. tom. 2. lib.3. diſput. 14. num.1.* , Pater Mabillon in *epiſtola edita ſub nomine Eusebii Romani ad Theophilum Gallum* num. 12. , Rotæ Auditores in relatione cauſarum S. Franciſcæ Romanæ *part.3. art.1. de miraculis in genere* , S. Ignatii *tit. de miraculis* , S. Franciſci Xaverii *3. part. de miraculis* , S. Petri de Alcantara *3. part. de miraculis* , S. Felicis de Cantalicio *eod. tit. de miraculis* , S. Paſchalii de Baylon *tit. de miraculis* , S. Ludovici Bertrandi *eod. tit.* , S. Andreæ Avellani *3. part. de miraculis* , S. Pii V. *4. part. tit. de miraculis* , S. Jacobi de Marchia *ad tit. de ornatu ſepulchri §. Reliquum eſt.*

5 Nihil porro obſtat , quæ ſuperius dicta ſunt vel pro excluſione miraculorum in cauſis Beatificationis & Canonizationis , vel pro eorum ſufficientia , etiamſi non obſtaret de virtutibus aut martyrio . Si enim ferio animadvertantur , quæ adducta fuerunt pro excluſione miraculorum , unuſquique facili negotio deprehendere poterit , ea ſibi vindicare locum quoad

quoad Ecclesiam triumphantem, pro qua sola perseverantia, quæ dicitur finalis, satis est, uti supra significavimus. Quare in historia miraculorum S. Petri Archiepiscopi Tarentasensis post ejus obitum collecta, & oblata summis Pontificibus Alexandro III. & Lucio III. (apud Bollandianos ad diem 8. Maji cap. 2. num. 29. pag. 344.) ita legitur: Porro nos aliud etiam majus his, & firmitus iudicium sanctitatis illius habentes, laudabilem scilicet conversationem ejus in vera multaque humilitate & charitate, quibus mirabiliter resplenduit, radicatum & fundatum; firmissime tenemus, & nullo modo dubitamus, etiam si nunquam miracula fecisset, ipsum supernorum civium coetibus aggregatum, gloria & honore a Deo coronatum esse. Locum autem non habent quoad Ecclesiam militantem; aut excludunt miracula vitæ dumtaxat, non autem illa, quæ post Sanctorum obitum eorum meritis & intercessione a Deo fiunt. Quod ut clare percipiatur, resumenda sunt ea quæ lib. 3. cap. 44. a Nobis dicta sunt de Gratia gratis data miraculorum. Ibi quippe ostendimus, posse etiam peccatores, dum vivunt, miracula operari in nomine Christi, nec a miraculis in vita patris certum duci posse argumentum pro statuenda sanctitate ejus, qui vivens miracula fecit: & lib. 1. cap. 33. num. 14. & seqq. dictum est, sola miracula post mortem pro Canonizatione admitti, & in Beatificatione formali admitti posse miracula in vita patrata, dummodo conjungantur cum miraculis obitum consecutis; miracula liquidem post obitum facta a Deo intercessione defuncti, ejus sanctitatem demonstrant, & apertum, & Divinum sanctitatis signum præferunt, uti præter Auctores allatos lib. 1. cap. 33. num. 15. & 16. ostendit Gravina de notis, seu signis Ecclesie (in Biblioth. Max. Pontif. art. 3. tom. 8. pag. 737.): Sanctitas perfecte probatur, cum confessio Fidei, & operum iustitia reseram miraculorum habet adjunctam. Hinc est, quod Canonizandi primo de Fidei excellentia, vitæ sanctitate, mox de miraculis inquiruntur, & maxime post mortem: nam, & si quis calumniaretur miracula eorumdem in vitâ, quod non attestent bonitatem & sanctitatem; ab omni calumnia est alienum, quod post mortem fecerint miracula ad eorumdem sanctitatem illustrandam: Si enim in vivo Deo decessissent, & non essent Deo cari; ad eorum invocationem nequaquam Deus faceret miracula in testificationem sanctitatis eorumdem; & ut scripsit Ceparius in director. Canonization. lib. 1. cap. 9. Sine miraculis non solum in vitâ, sed saltem specialiter post mortem operatis, Ecclesia nullum Sanctorum catalogo adscribit. Philippus a Sancto Paulo in suo opere de sacris Apparitionibus part. 2. cap. 1. §. Licet autem, ait: Ut procedatur ad Beatificationem, aut Canonizationem alicujus Servi Dei, Sedes Apostolica requirit miracula a Deo per eum, vel ejus invocationem patrata, & præcipue post mortem: & concordant Pignattelli, consult. 26. num. 24. tom. 5. & Riccioli in tract. de immunitate ab errore in Canonizatione lib. 1. cap. 3. num. 57. En hujus verba: Summi Pontifices ad canonizandum aliquem prærequirere soliti sunt non solum vitæ sanctimoniam, nec sola miracula ab ipsis patrata, sed utrumque, & potissimum miracula post mortem a Deo ipso ad eorum honorem & invocationem edita. Ex veris ergo miraculis ad

patelandi alicujus sanctitatem a Deo editis, & sic ex miraculis alicujus intercessione post obitum præcipue a Deo patris, sanctitas aperitissime comprobatur: nullatenus obitante responso Alexandri III. in *cap. Audivimus de Reliq. & veneras. Sanctior.* ubi cultus publicus prohibetur absque Sedis Apostolicæ auctoritate erga defunctum, *etiam si per eum miracula fierent*; cum ibi Pontifex non de veris miraculis loquatur, sed de miraculis fallacibus, quæ aliquando per Dæmones fiunt ad invocationem malorum. In *Decretali* quippe allata agebatur de homine in ebrietate mortuo, quem nonnulli tanquam Sanctum venerabantur, ut ad rem recte notat Castellinus *de certis. glor. Sanctior. cap. 8. punct. 28. pag. 403.* Pignatellus autem *consult. 176. num. 1. tom. 10.* monuit, admiranda Mignor opera ab Ecclesiasticis Scriptoribus aliquando miracula appellari, quia sunt similia veris miraculis, & quia juxta vulgarem, sed falsam, hominum opinionem pro miraculis habentur. Quod si sermo ad alios transferatur, qui pondus Canonizationum in solis miraculis post obitum patris constitui videntur, seclusa etiam probatione virtutum aut martyrii, respondetur, Saresberiensem nimio mentis fervore erga Canonizationem S. Thomæ Cantuariensis abreptum fuisse, dum scripsit, superiorem auctoritatem non desiderari, ubi Deus auctor est. Miracula quippe etiam obitum consecuta, ut Beatificationi vel Canonizationi proliant, debent esse a summo Pontifice approbata, uti, dictum Saresberienis reuelando, bene adnotavit Cardinalis Baronius *ad an. 1173. num. 4.* ubi hæc habet: *At nihilominus necessario auctoritas est Ecclesiæ requirenda ad cognoscenda ipsa miracula, ne stans aliqua irrepsit, vel impostura &c. quod judicium Ecclesiæ in ejus visibili capite in primis residet, cujus in ejusmodi examinatione prævia sit exspectanda sententia*: & prosequitur Scacchus *de not. & sign. sanctis. sect. 8. cap. 1. pag. 575.* Perspicuum est igitur, nec mirabilibus, nec miraculis, (utcumque hæc populus accipias) post mortem alicujus hominis, sanctitatem ejus valido comprobari argumento: sed ex miraculis solummodo ab Ecclesiâ Romana probatis post juridicam illorum inquisitionem, & diligentem seftium examinationem, ac circumftantiarum, aliorumque, quæ ad miraculorum exactam probationem requiruntur. Nec vero ad sententiam super veris miraculis a Romano Pontifice proceditur, nisi præcellerit approbatio virtutum, aut martyrii, veluti sæpe dictum est; & quotquot dixerunt, posse summum Pontificem ad Canonizationem procedere ex sola miraculorum evidentiâ, inter quos Augustinus Triumphus *de potest. Ecclesiæ quest. 15. ars. 4.* explicari debent, ut loquantur in ea hypothefi, in qua nulla res vitæ Sancti adverteretur, veluti docet Rocca *de Canonizat. SS. cap. 2. in fine.* quod est idem, ac dicere, postquam præcellit virtutum approbatio. Pater a Panormo olim Confultor sacræ Congregationis rituum in *scrutinio doctrinarum cap. 3. art. 14. num. 58.* refert nonnullorum opinionem afferentium, posse Romanum Pontificem ad Canonizationem procedere, prævia sola virtutum approbatione. Cardinalis de Lauræa in *3. lib. sent. tom. 4. disput. 20. art. 25. de mira-*

miraculis §. 4. num. 1119. dicit, ex solis miraculis posse ad Canonizationem procedi, etiam si de virtutibus non constet: *Quamvis pro Canonizatione sit necessarium probare virtutes in vita, & miracula post mortem, ut sepe probatum est ex Constitutionibus diversorum Pontificum; si tamen daretur casus, quod de virtutibus alicujus non haberetur noticia, quia antiquis, & nullus scriptis ejus gesta, tamen post mortem miracula patrarentur in ejus sepulcro, vel ad invocationem, aut contactum Reliquiarum illius, hæc sufficerent ad canonizandum. At (ut alibi quoque dictum est) si hæc admitti possunt, ad summum admitti possunt specularive, ut Scholæ loquuntur, non autem practice, & juxta inconcussam Sedis Apostolicæ disciplinam. Optime Suarez tom. 1. de Gratia proleg. 3. cap. 4. num. 11. Neque Ecclesia sola miracula considerat ad sanctitatem alicujus probandam, sed propriæ vitæ & mores, quibus si miracula conjungantur, sunt magnum signum probatæ vitæ: quod late prosequuntur Arauxo tract. 3. quest. 33. num. 24. per hæc verba: Igitur præcipue ex virtutibus heroicis, concomitanter vero & secundario ex privatis visionibus & miraculis ad nominis invocationem patratis sumitur efficax testimonium illius, qui albo Canonizatorum est adscribendus; ut hoc locum habeat tritum axioma: Singula, quæ non profunt, simul collecta juvant; Philippus a Sancto Paulo in opusculo de sacris Apparitionibus part. 2. cap. 1. §. Licet autem; Cardinalis Petrus ad Constitutiones Apostolicas tom. 2. in notis ad Constit. 2. Innocentii III. num. 3. Pignatellus consult. 58. num. 26. tom. 4.*

6 Alibi a Nobis relata sunt verba summorum Pontificum, & signanter Gregorii IX. in bulla Canonizationis SS. Francisci de Assisio, & Antonii Patavini, in quibus pro Canonizatione requirunt virtutem morum, & veritatem signorum, merita videlicet, & miracula, ut hæc & illa sibi invicem fidem faciant, cum nec merita sine miraculis, nec miracula sine meritis plane sufficiant ad perhibendum inter homines testimonium sanctitatis. Ne vero ex his verbis aliquis incaute, aut fraudulenter anam assumat dicendi, virtutes ex miraculis, & miracula ex virtutibus comprobari, & sic circulum (ut ajunt Philosophi) vitiosum committi; opus est animadvertere, in Canonizationis judicio ante omnia præcedere debere exactissimam virtutum aut martyrii discussionem, & post eam feliciter absolutam transitum fieri ad discussionem miraculorum, hoc est ad perpendendum, an ad invocationem Canonizandi Deus dignatus sit vera miracula operari, quæ certius reddunt judicium jam prolatum de virtutibus & martyrio: Sed, cum merita sana præcedunt, & clara succedunt miracula, certum præbent judicium sanctitatis, ut nos ad ipsius venerationem inducant, quem Deus ex meritis præcedentibus, & signis subsequens exhibet venerandum, quemadmodum prosequitur memoratus Gregorius IX. in bulla Canonizationis S. Antonii Patavini. In quo rerum articulo nemo est qui non videat, quemcumque circulum vitiosum abesse, uti recte explicat Annatus in apparatu ad Theologiam positivam lib. 1. art. 11. num. 3. Nullus vitiosus sit circulus, quod duo testes in ferendis coram Judice testimoniis se mutuo juvent &

confirmant, ita ut priori credatur propter posteriorem, & vicissim posteriori propter priorem; sicut pariter nullum est circulationis vitium, quod duo Prophetæ a Deo missi se mutuo commendant, & uni credamus propter alterum, sicut Christus commendat Joannem, & Joannes vicissim commendat Christum. Huc faciunt verba S. Marci cap. ult. Illi autem perfecti predicaverunt, ubique Domino cooperante, & sermonem confirmante sequentibus signis; & Apostoli ad Hebr. 2. 4. Contestante Deo signis & portentis; & ad rem bene subijcit S. Gregorius (lib. 2. homil. 3. super Ezechielem num. 23. col. 1340. tom. 1.): In sacro eloquio, Patrum præcedentium & miracula legimus, & virtutes bonorum operum audimus. Ibi namque cognoscimus, quod alius potuit mare dividere, alius solem figere, alius mortuum suscitare: alius paralyticum verbo erigere, alius umbra agros curare, alius per sua semicinctia febribus obviare: qui tamen omnes & patientia longanimitate mites, & zelo rectitudinis ferventes fuerunt; verbi predicatione divites, simul & misericordia largitate. Hi itaque quam vera de Deo dixerint, testantur miracula, quia talia per illum non facerent, nisi de illa vera narrarent: & quam pii, quam humiles, quam benigni extiterint, eorum testantur operationes.

7 Quæres, quomodo ostendi possit, a Deo fuisse patratum miraculum ad patefaciendam alicujus sanctitatem. Facilis autem est responsio, probationem potissimum ab invocatione esse desumendam. Dico, probationem potissimum esse desumendam ab invocatione: Nam miracula a Deo fiunt vel nemine petente, puta, cum transiit Henoeh, cum diluvium, & linguarum confusionem induxit, cum uxorem Lot in salis statuum convertit. Cum igitur aliquis ad Dei omnipotentiam confugit, Deique Servum, vel Beatum, aut Sanctum rogat, ut sibi a Deo miraculum impetret; si miraculum sequatur, factum dici debet intercessione Dei Servi, Beati, aut Sancti invocati, & sic ad ejus sanctitatem patefaciendam; nec intercessionis probatio ab ulla alia re commodius sumi potest, quam ab invocatione, ut advertit Cardinalis de Lauræa in 3. lib. sent. tom. 4. disput. 20. de miraculis art. 25. §. 1. num. 1063. Ex quibus habes, quod, cum miraculum accideret vel a Deo non invocato, aut per alios pro patiente invocato, nisi constet de invocatione Sancti alicujus vel a patiente, vel ab alio pro eo secuta, non potest alicui Sancto determinate tribui: cui adhæret Pignatellus consult. 109. tom. 4. Sæculo Ecclesiæ quarto in S. Laurentii basilica multa miracula facta sunt: exortaque questione, num Beati Laurentii Martyris, an Beati Damasi intercessione patrata dici debeant, Auctor codicis manuscriptorum apud Cardinalem Baronium ad an. 384. num. 19. eam reliquit sub iudice: Hæc autem miracula alii Beato Laurentio Martyri, alii Beato Damaso deputant Confessori: Nos autem in miraculis non dividimus, quos una Patria genuit, una Ecclesia (nempe Romana) promovit, una basilica colit in terris, unus Dominus honorat in celis. At citatus Cardinalis annalium Parens ea Beato Damaso, qui fuerat invocatus, censet esse adscribenda: Supererant adhuc aliqui additi Ursicino, (qui schisma adversus Sanctum Damasum excitaverat) qui Da-

maso

maso licet defuncto, tantam gloriam invidentes dicens, non meritis Damasi, sed intercessione S. Laurentii ea patrari miracula. At, ejus intercessione miracula facta esse, qui reperitur ab egrotantibus invocatus, quis dubitat? saepeque Deum per Confessorem impetiri complura, quae a Martyre accipi minime valuerunt, idque ob illustrandam memoriam Confessoris fieri, plurima exempla declarant. Quid autem dicendum erit, si plures invocentur, cujusnam videlicet intercessioni miraculum, quod sequitur, erit adscribendum? Porro vel invocatio fit unius Sancti canonizati, & Servi Dei adhuc non canonizati, & in eo rerum eventu miraculum intercessioni Canonizati est adscribendum, uti bene respondet Matta de Canonizatis. SS. part. 3. cap. 20. num. 7. *Quæres tertio, si aliquis egrotus cum invocatione alicujus Servi Dei invocaret etiam opem Beatae Virginis, vel alterius Sancti, & miraculose sanaretur, utrum tale miraculum attribuendum esset invocationi dicti Servi Dei. Respondes negative, propter incertitudinem &c. quinimmo attribuendum esset miraculum intercessioni alterius Sancti jam canonizati: Vel invocatio fit plurium Servorum Dei adhuc non beatificatorum, nec canonizatorum, vel plurium Beatorum, aut plurium Sanctorum, & tunc, si miraculum sequatur, incertum est, cujus impetrationi & intercessioni sit adscribendum, veluti citatus Matta prosequitur part. 3. cap. 24. num. 27. *Quod si miraculosum effectum præcesserit plurium Servorum Dei, vel Sanctorum invocatio, non per hoc perdit rationem miraculi, sed non magis uni, quam alteri tribuenda est impetratio. Nec illud pro Beatificatione Servi Dei, aut pro Beati Canonizatione prodesse potest, uti ad rem adnotavit Matthæuccius loco infra citando: Hoc unum est certum, assertum miraculum non posse deservire pro Beatificatione, vel Canonizatione, ad quas oportet, ut de miraculis in individuo constet, a quo fins, ut sint illius certa sanctitatis signa. Necessaria foret celestis revelatio, ut tuto sciri posset, cui ex invocatis miraculum tribuendum esset; uti contigisse refertur in eo furdo & muto, qui, ut auditum, & loquendi facultatem obtineret, S. Hilarium Pictavorum Episcopum deprecatus est. Inter ejus enim miracula a Joanne Boucheto scripta, & ex Gallico in Latinum idioma translata a Bollandi ad diem 13. Januarii n. 11. pag. 797. legitur S. Hilarium Pontificio cultu indutum oranti apparuisse, & ei dixisse, ut se etiam commendaret intercessioni S. Martini; tactoque ab egrotto ad ejus sepulcrum accessu, fusis precibus ad S. Martinum, sanitatem illico perfecte recuperavit. Neque enim inter Sanctos Martyres, & Spiritus, atque animas Justorum cum Domino jam regnantium illic invidia suspicanda est, sed plena charitatis unitas, & pietatis societas; & ideo simul sibi oblatos egros, si vitanda tentationis gratia fideliter ad aliorum Sanctorum limina deducantur, nequaquam indignari, sed potius favere, & congaudere, atque congratulari credendi sunt; verba sunt Amulonis Archiepiscopi Lugdunensis ad Theoboldum Episcopum Lingonensem apud Natalem Alexandrum in hist. Eccles. sec. ix. & x. cap. 3. art. 13. Si autem ex circumstantiis desumeretur, invocantem potius ad unum Dei Servum, aut Beatum, aut Sanctum respexisse, & serventiores pre-**

preces direxisse, tunc miraculum ejus intercessioni, & non aliorum, licet invocatorum, esset adscribendum. Auctores de re hac tractantes afferunt exemplum ejus, qui ad sepulcrum alicujus Servi Dei, Beati, aut Sancti accedit, vel qui ejus Reliquias reverenter osculatur, recitat, aut recitari facit litanias Sanctorum, celebrare facit Missam de Sancto, vel de Sanctissima Trinitate, si agatur de Beato, in cujus honorem & cultum adhuc Missa propria concessa non sit: de aliorum quippe Sanctorum invocatione dubitari non potest, sed quia ex circumstantiis desumitur, serventiorum mentis affectum ad talem Dei Servum, vel Beatum, vel Sanctum fuisse directum, & omnia ad ejus patrocinium & intercessionem respexisse; si miraculum sequatur, colligitur ex prædictis circumstantiis, illud soli ejus intercessioni esse adscribendum, uti rem prosequuntur Cardinalis de Laueræ in 3. lib. sent. tom. 4. disput. 20. de miraculis art. 25. §. 1. num. 1063. & Matthæucci in præf. Theolog. Can. ad causas Beatificat. & Canonizat. tit. 3. cap. 4. num. 23. & seq. Sed de hoc iterum infra.

8 Dum munere fungebar Fidei Promotoris, & agebatur de miraculis pro Beatificatione tunc Servi Dei Joannis Francisci Regis, opposui, sanationem Joannis Mariæ Peret Molienfis Monialis ab inveterata paralyfi, & hydropo tympanite, in instanti consecutam, intercessioni Servi Dei neutiquam adscribendam, licet eum invocasset, & novendiales preces in ejus usorem instituisset, & aquam bibisset, in qua erat admixtus pulvis sepulcri prædicti Servi Dei; quia verisimile admodum erat, opem sanctissimi Eucharistie sacramenti ab ea imploratam; sanitatem enim obtinuit eo temporis momento, quo Eucharistiam recepit. Responderunt cause Postulatores, Sacramenta habere effectus duplicis generis; effectum primarium, qui est certus, & semper cum Sacramento conjunctus, quando qui illud suscipit, est bene dispositus, puta collationem Gratiae; & alios effectus secundarios, qui non sunt certi, nec necessario & semper cum Sacramento conjuncti, licet suscipiens sit bene dispositus, corporalem ex. gr. sanitatis restitutionem: hisque præmissis, dixerunt, posse Servo Dei invocato miraculum attribui, & etiam Sacramento, si ægrotus sanitatem in receptione Sacramenti assequatur; Sacramento quidem, ut operanti sanitatem, Servo autem Dei, ut illam impetranti, & Deum moventi, ut virtus Sacramenti, quæ non est determinata ad sanitatem hic & nunc operandam, ad eam hic & nunc operandam determinetur: & quia fortasse previderunt, responsionem hanc non satis sibi esse profuturam, contenderunt & validissime probarunt, Monialem totam suam fiduciam reposuisse in Servi Dei Joannis Francisci intercessione, ad eum solum preces fuisse, sacramque Eucharistiam sumpsisse tamquam dispositionem, quæ redderet eam Deo gratiorum, & consequenter per Dei Servi intercessionem ad impetrandum aptiorum. Placuit responsum sacre Congregationi; cumque cetera non deessent requisita pro vero miraculo constituendo, miraculum approbatum est, & ejus habita fuit ratio in Beatificatione prædicti Servi Dei. Similia quoque

que contigerant in Beatificatione S. Andreæ Avellini, uti constat ex septimo miraculo, de quo in relatione Rotæ Auditorum: *Sacrosanctum Eucharistiæ sacramentum sumpsit decens a famulus, quia genu flectere non poterat, & diem anniversariam cum solemnî Missa celebravit: quibus peractis, sanus repertus est;* & in Beatificatione S. Petri de Alcantara, uti colligitur ex decimo miraculo in relatione Rotæ Auditorum: *Tuncque Confessionem suorum peccatorum fecit, & sacramentum Eucharistiæ sumpsit, posteaque auditus repente & inopinatus, ossa pedis commoveri, ac si aliquid durum rumpere, & absque dolore fluxim illum movis, & surrexit libera & sana, & rediit in suam domum.*

9 Antequam ad officium Fidei Promotoris assumptus fuisset, & munere tantum sacræ Consistorialis Aulæ Advocati fungeret, actum fuit in sacrorum rituum Congregatione de miraculis S. Pii V. ut ad ejus solemnem Canonizationem deveniri posset, & Joannes Baptista Bottinius Fisci & Cameræ Apostolicæ Advocatus, & specialiter a Clemente Papa XI. deputatus ad supplendas vices Prosperi Bottinii Archiepiscopi Myrensis Fidei Promotoris ætate & laboribus attriti, inter ceteras, quas doctè proposuit, animadversiones hanc quoad nonnulla miracula proposuit, eorum videlicet non esse habendam rationem, cum facta fuissent per applicationem cerearum Formarum (*vulgo Agnus Dei*); quæ ab eodem S. Pio V. fuerant benedictæ, ostendendo, prodigiosos effectus non ejus intercessioni, sed virtuti sacrarum cerearum Formarum esse adscribendos; & ipse postea Promotor hac eadem animadversione usus sum in causâ Ven. Servi Dei Innocentii XI. dum ageretur de eadem introducenda; opposui quippe, famam miraculorum non esse comprobata, cum miracula facta essent, applicatis sacris cereis Formis ab eodem Dei Servo benedictis.

10 Postulatores causæ Ven. Innocentii XI. facili negotio a proposito animadversione evaserunt: dixerunt etenim, famam miraculorum esse probatam, eamque cum fama virtutum in gradu heroico sufficere pro causâ introducenda; utrum autem ea forent Dei Servo, an virtuti sacrarum cerearum Formarum adscribenda, id esse discutiendum, cum de approbatione miraculorum legitima quæstio institueretur. Sed cum hæc responsio locum sibi vindicare non posset in causâ Sancti Pii V. in qua de miraculorum approbatione (uti dictum est) agebatur, mihi tunc more Advocati scribenti necesse fuit aliis inniti fundamentis, & alias rationes & argumenta asserre.

11 De antiquitate ritus benedicendi, seu consecrandi cereos Agnos nonnulla a Nobis innuuntur *lib. hujus 4. part. 2. cap. 20. num. 12.* Hic operæ pretium esse videtur dumtaxat referre, in eorum consecratione adhiberi aquam benedictam, aquæ balsamum misceri, Christma superinfundi, preces a summo Pontifice recitari, & qui eos deferunt, si devote deferant, a variis periculis & morbis liberari; veluti late exposuit summus Pontifex Sixtus V. in *litteris Apostolicis in forma Brevis scriptis anno 1586. Paschali Gi-comia Duci Venetiarum*, ad quem de more sacrarum cereas Formas a se benedi-

Etas mittebat: At, quam eximio cultu, quantaque veneratione digna sis hac sacra res, quicumque illius materiam, formam, consecrationis modum, preces, ac mystoria, qua in ea continentur, noveris, & attente consideraveris, facile intelliget. Hi enim Agnus Dei ex cera alba, pura, virginea conficiuntur ad denotandam Christi humanitatem ex sanctissimo Virginis utero absque ulla contagione, & sola Dei virtute sumptam. Imago Agni, qua in illis est, Agnum illum immaculatum representat, qui pro humani generis reparatione in ligno Crucis est immolatus. Adhibetur aqua benedicta, cuius substantia ad maxima quaque Sacramenta in veteri & novo Testamento usus est Deus. Aqua miscetur balsamum unguentorum omnium praestantissimum, ad designandam famam optimam, quam Christianus veluti suavissimi odoris fragrantiam in sua conversatione debet redolere. Postremo superfunditur Chrisma, quo Charitas virtutum omnium maxima figuratur, & quo eadem templa, altaria, vasa, & ipsi homines Dei cultui preparantur & consecrantur. In hac vero aqua benedicta, balsamo & Chrysmate mista, hi Agnus Dei ab ipsorum Pontifice merguntur & baptizantur, & tam ante, quam post meritionem sanctissimi precibus & orationibus idem Pontifex Deum obsecrat, ut easdem illas Formas cereas imagine Agni impressas benedicere, sanctificare, consecrare, eisque virtutem celestem infundere dignetur, ita ut qui illas pie & devote, & cum fide habuerint & detulerint, eorum crimina deleantur, macula peccatorum abstergantur, venia impetrentur, gratia conferantur; praeterea, ut fragor grandinum, procella turbineum, impetus tempestatum, ventorum rabies, & infesta conitrusa tempestetur; fugiant & contremiscant maligni spiritus, nulla hic adversitas domineatur, nulla aeris corruptio, nullus morbus caducus, nulla maris tempestas, nullum incendium, nullave iniquitas noceat; parturientes cum partu incolumes conserventur; omnes denique ab aquarum inundatione, a morte subitanea, & a cunctis adversis liberentur. Hac sane propitiationis & gratiarum dona a Deo misericordiarum Patre & bonorum omnium Largitore vere tribui atque concedi his cereis Formulis sic benedictis & baptizatis, praesertim summo Sacerdote ipsius Christi in terris Vicario tam pie orante ac supplicante, firmiter credendum est, sicuti id ipsum sapissime magnis & variis miraculis, qua diversis temporibus Divina bonitas per hac sacra operari dignata est, fuit saepius comprobatum. Nec mirum esse debes, si non semper idem contingas effectus, quoniam id ex infirma utentis fide, vel ex alia occulta causa, non ex defectu virtutis rei sacra, accidere certum est. De huius sacri praestantia atque virtutibus exstat inter cetera luculentissimum testimonium Urbani Papa V. qui magni muneris loco tres Agnos Dei ad Gracorum Imperatorem cum his verbis misit:

*Balsamus, & munda Cera cum Chrysmatis unda
Conficiunt Agnum, quod munus do tibi magnum,
Fonte velut natum, per mystica sanctificatum:
Fulgura desursum depellit, omne malignum
Peccatum frangit, cru Christi sanguis, & angit.
Pregnans servatur, simul & partus liberatur.
Munera fert dignis, virtutem destruit ignis,
Portatus munde, de fluctibus eripis unda.*

12 Onuphrius Panvinius in libro *de Baptismo Paschali, & origine ritum consecrandi Agnos Dei*, hæc habet pag. 38. *Processu temporis hominum pia credulitas, & sancta religio multa his Agnis Dei consecratis, & miranda attribuit, quæ postea comperta, & re ipsa comprobata majorem ipsius venerationem attulere.* Joseph Maria Suarezius Episcopus Valionensis in simili tractatu cap. 13. pag. 157. ita loquitur: *Ludovicus Foez (narrat) Militem Agno munus, quantumvis scilicet, seu bombardarum appeteretur ictibus, evasisse illesum.* Zacharias Boverius in annalibus Capuccinorum similia refert de Agno, qui macrocollone connectus a viro nobili gerebatur. B. Gamseus Miedes Archidiaconus Sanguinatus & Canonicus Valentinus in epistola ad Gregorium XIII. edita Valentia anno 1576. de arcula, in qua Cerei Agnus Insigni impressi & consecrati, servati cum aliis piis rebus in mare dejecta haud procul Barcinone, salvaque ac integra provecta Valentiam usque mirabiliter post triginta dies. *Afferunt, & illos Agnos inundationem fluminum repressisse, extinxisse incendia, fuisse pragnantes ad partus feliciter edendos.* Pontifex equidem, cum illis benedixit, precari Deum solet, ut virtutem accipiant haec cerea Forma sanctificata, ne ulla pestilens aura, nec aeris corruptio, nullusque morbus devote illas ferentibus dominetur. *Exstat & epistola Augustini Valerii Cardinalis, & Episcopi Veronenis de benedictione Agnorum Dei ad Gregorium XIV. in qua ap. cit. Suarezium ita legitur pag. 178.:* *Exercet hic ipse ritus Fidem, cum Agnus ille immaculatus cernitur, cum admirabile Redemptionis mysterium in Agni forma consideratur, cum vim maximam, quam habuerint hi Agni Dei ad expellendas incurfiones Daemonum, & ad calamitates varias avertendas, pii homines considerant.* De virtutibus Agnorum Dei latissime agit Theophilus Raynaudus oper. tom. 10. a pag. 273. ad pag. 400. celebrequè est carmen Andreæ Fusii, quod circumfertur nomine Urbani V. & de quo in supra relato Brevi Sixti V. quodque cultius reddidit Guillelmus Estius:

Hoc aconita fugas, subitaque pericula mortis,

Hoc & ab insidiis vindice tutus eris.

Fulmina ne seriant, ne sepe tonitrua ladant,

Ne mala tempestas obruas, istud habe.

Undarum discrimen idem propulsat, & ignis;

Undaque ne noceat, vis inimica, valet.

Hoc facilem partum tribuente, puerpera sætum

Incolumentum mundo proferes, atque Deo.

Unde rogas uni tam magna potentia signo?

Ex Agni meritis, haud aliunde, fluit.

13 In sacrificio Missæ distinguitur opus operantis ab opere operato; quocirca admittitur, fructuosius esse Missam boni Sacerdotis, quam mali, juxta doctrinam D. Thomæ 3. part. quest. 82. art. 6. Hoc ipsum procedit etiam quoad sacros Agnos cereos, cum plus inesse virtutis dicatur in illis, si ab optimo, quam si a bono Pontifice benedicantur. Res hoc modo explicatur a Theophilo Raynaudo oper. tom. 10. tract. de Agno cereo cap. 12.

Tom. IV.

K

sub

74 DE SERVORUM DEI BEATIFICATIONE

sub num. 4. pag. 373. ubi, loquendo de Agnis cereis benedictis a S. Pio V. ex Gabutio hæc habet: *Additque alibi eodem opere (sermo est de Gabutio) Sanctissimi illius, vereque Pii Pontificis exemplo increbuisse mirum in modum religionem harum sacrarum Plaguncularum, quarum incensissima ubique erat aviditas, earum præsertim, quas ipse consecrasset: quod, tametsi omnium aque sacrarum Agnorum, a quocumque demum consecrati fuerint, insignis debeat esse religio; tamen, ut Pii Sacerdotis Sacrificium ex opere operantis fructuosius est, quam quod offertur a minus pio Sacerdote; ita accessu personalium precum tanti tamque sancti Pontificis ad communes Ecclesiæ preces omnibus aque sacris Agnis conclusas, accessum fieri efficacitatis ad fructuum sperantium affectionem, persuasum esset Fidelibus.*

14. Quamobrem admiranda illa, quæ virtute Agnorum cereorum a S. Pio V. benedictorum contigit narratur (cujusmodi est, quod refertur a Cardinali Augustino Valerio cit. oper. pag. 187. qui, cum Athetis in totam Veronensem urbem exundaret, eum coercuit immisso uno ex Agnis a Pio benedictis) non modo virtuti Agni, sed intercessioni ejusdem S. Pontificis communi calculo a Fidelibus adscripta sunt; uti animadvertit Augustinus Oljoianus in addit. ad Ciacconium in vita B. Pii V. tom. 3. col. 1005. At, ut omnium mentes ad Deum colendum excitaret, cunctisque salutas remedia & adminicula suggereret, precatorios globulos, aeras aut argenteas Cruces, Sanctorumque imagines, ac celestis Agni cereas effigies rite consecravit. Nec defuit istis religionis instrumentis, ac Pii benedicens sanctitati virtutis Divina testimonium; Nam ex Agno sacro, quem ille consecraverat, munitus miles Cæbolicus igneis globis non modo non penetrari, aut transfodi, sed nec ladi unquam potuit; eo vero destitutus, primo ictu transverberatus est. Cumque intumescerem Tiberim, atque ex alveo, summo populi Romani, & incolarum Urbis terrore exundantem, unus ex cereis illis orbiculis a se benedictis, ipso jubente, fuisset projectus, confestim impetitur aqua refedit: quod ipsum fuerat etiam antea notatum a Gabutio in vita S. Pii V. lib. 6. cap. 1. in fine, ubi hæc narrat: Tum Sanctorum Imágenes, ac cereas Agni celestis effigies, res ad augendam piorum religionem imprimis accommodatas, plurimas variis temporibus rite consecravit. Quæ res tanta pietate ac veneratione excipiebantur ab omnibus, quantam ex omni memoria recordari nemo potest. Nam, etsi salutarem illam vim rebus ejusmodi divinitus adjunctam a Pontificis potestate proficisci non ignorabant, tamen propter singularem hujus Pontificis sanctitatem, nescio quo modo, ad hæc res ab ipso potius, quam a ceteris Pontificibus consecratis in dies magis ac magis affici, itaque munitis se in periculis tutiores fore existimare, jam per annos ferme quadraginta cum foris, tum in Urbe conspeximus..... Verum neque istis religionis instrumentis, sive etiam Pontificis sanctitatis Divina virtutis defuit testimonium. Nam, cum intumescerem in Tiberim, ex alveoque, summo populo Romani cum terrore, parique periculo defluentem, unus ex cereis illis orbiculis, jubente Pio, projectus fuisset, confestim impetus aqua refedit ..

15. His itaque fundamentis innixus ostendere conatus sum, non virtuti ce-

ti cerei Agni, sed intercessioni S. Pii V. adscribendum esse miraculum, de quo questio erat, cum de ejus Canonizatione ageretur. Absolutum enim fuerat & conclusum judicium de ejus heroicis virtutibus; alia miracula ejus intercessione patrata ante formalem Beatificationem jam fuerant admissa; in eo, de quo disputabatur, invocatio non deerat; Fidelium consensus ex supra relatis historiis desumebatur, miracula adscribens, non virtuti cereorum Agnorum, sed precibus S. Pontificis. Illud insuper insinuavi, mira quædam, utilia multa, & gratias, non autem vera miracula, inter virtutes cereorum Agnorum enumerari; cum ceteroquin credentibus in Christum, & Sanctis ejus pro temporum opportunitate a Christo promissa fuerit miraculorum patratio, majorum etiam illis, quæ ipse patraverat, juxta illud 1. av. 14. 12. *Qui credit in me, opera, quæ ego facio, & ipse faciet, & majora horum faciet.* Ad quæ verba S. Augustinus tract. 72. in Joan. cap. 687. tom. 3. par. 2. postquam adnotavit, Christum post recitata verba, *Majora horum faciet*, subjecisse: *Quæcumque petieritis in nomine meo, hæc faciam; ita prosequitur: Qui dixerat faciet, post ait faciam, tamquam diceret: Non vobis impossibile hoc videatur: non enim poterit esse major me, qui credit in me, sed ego facturus sum & tunc majora, quam nunc; majora per eum, qui credit in me, quam præter eum per me: ego tamen ipse præter eum, ego ipse per eum.* Quod & repetit enarrat. in Psalm. 130. n. 6. col. 1464. tom. 4. Ad vocem Domini surrexerunt mortui, ad umbram transiit Petri surrexit mortuus. Majus hoc videtur, quam illud: sed Christus facere sine Petro poterat; Petrus, nisi in Christo, non poterat. Omnia hæc simul juncta pro re, de qua agebatur, fuerunt a sacra Congregatione admissa, quæ, Clemente XI. approbante, pro Canonizatione S. Pii V. miraculum recensuit & admisit, licet sanatio subitanea facta fuisset, applicato mulieri ægrotanti cereo Agno ab eodem S. Pontifice benedicto; & eo magis, quod novum hoc non erat, sed aliud simile præcesserat exemplum, de quo in relatione Roræ Auditorum exarata in causa S. Cajetani, miraculo septimo, ubi sic legitur: *Francisca Berna Veneta, linea veste in oculum impacta, magnis per aliquot dies doloribus vexata, sanguine suffusa, lacrymisque exundantibus, ac nebula lumen offuscente. Allatus est a matre, ut vocant, Agnus Dei, in quo Beati Cajetani Reliquia contineri dicebantur.* Invocavit ergo Cajetani opem, cumque oculum ter prædicto signo signasset, dolore statim depulso, ac lacrymarum sanguinisque fluxu cessante, pristina sanitati restituta est. In codice bibliothecæ Vaticanæ num. 3932. fol. 218. a tergo extant nonnullæ epistolæ Julii Poggiani Novariensis scriptæ tempore Pontificatus S. Pii V. ubi post multa exposita de ejus laudabilibus & heroicis gestis, hæc de Agni cerei ab ipso benedictis habentur: *Nulla hic ætas, nullus ordo, nullus sexus non cessat cereas Divini Agni Imagines ab hoc Pontifice consecratas. Nam etsi vim illam salutarem cereis Imaginibus divinitus adjunctam a Pontificia potestate præfisceri intelligunt, tamen propter singularem Pii V. Pontificis Maximi integritatem ac religionem, nescio quomodo his Divini Agni simulacris ab his, quam a cæteris Pontificibus consensu se in periculis tuti res fore arbitrantur.*

16 Post dimissum a me Promotoris Fidei munus, illudque delatum ad Archiepiscopum Philippensem Carolum Albertum Cavalchinum, nunc S. R. E. Cardinalem, magna exorta est in sacrorum rituum Congregatione controversia occasione petite Canonizationis septem Beatorum Fundatorum Ordinis Servorum Beatæ Mariæ Virginis, quorum cultus immemorable jam fuerat approbatus, an videlicet miracula, quæ, prævia invocatione omnium prædictorum Beatorum, facta dicebantur, ita omnium intercessioni essent adscribenda, ut in eorum gratiam ad omnium prædictorum septem Beatorum Canonizationem esset deveniendum. Porro Archiepiscopus Philippenfis strenue fungens munere suo, novam dixit, inauditam, periculosam, & idcirco cavendam methodum sic procedendi ad Canonizationem. Novam autem & inauditam dixit, quod simile numquam præcesserit exemplum in causis Confessorum; & scite dixit in *causis Confessorum*, quandoquidem in causis Martyrum eadem morte, eodem tempore, ex eadem causa, sub eodem Tyranno defunctorum exemplum præcesserat, in causa videlicet Martyrum Gorcomiensium, quorum Beatificatio post approbatum martyrium, & causam martyrii obtenta fuit, postitis miraculis Martyrum simul omnium invocationem consecutis: sed addidit, a causis Martyrum fieri non posse illationem ad causas Confessorum, cum in causis Martyrum sola mors spectetur, & sola causa mortis inspiciatur, quæ mors una cum causa, sicuti fuit una & eadem in omnibus, ita suppeditare potest argumentum, ut miracula consecuta omnium invocationem omnibus adscribenda sint, & sic omnium Beatificationi & Canonizationi prodesse possint; in causis vero Confessorum, in quibus tota vitæ series perpenditur & sedulo examinatur, & quorum vitæ exitus non unus idemque fuit, cum alius alio tempore & in aliis contingerit circumstantiis, probabile non est, miracula omnium invocationem consecuta omnibus adscribi debere; timereque cum ratione potest, ne non omnium, sed unius aut alterius invocatione patrata sint. Dixit idem Archiepiscopus Philippenfis, methodum hanc periculosam esse, exemplo allato Principis, cui a pluribus preces offerantur pro aliqua re impetranda, quorum alii ei sint accepti, alii non item; potest enim gratiam elargiri intuitu eorum, qui sibi accepti sunt, & non aliorum, nec ex gratiæ concessione infertur, omnes, qui rogarunt, ei esse acceptos: Nec vero audiendi sunt qui dicunt, siqui inter invocatos Deo cari non essent, miraculum nullum fore, quod miraculum a Deo patrari non possit pro falsa doctrina, aut falsa sanctitate statuenda; Deus siquidem miraculum operaretur pro vera sanctitate statuenda, quoties aliqui inter invocatos invenirentur, qui coram se sancti essent, licet alii coram eo sancti non essent.

17 Mirum est, qua ingenii subtilitate fuerit huic animadversioni responsum a Joanne Alcevolino sacræ Confistorialis aulæ celeberrimo Advocato. Probare conatus est, casum novum non esse: novus etenim esset (ut ipse ait) si in sacrorum rituum Congregatione alia causa propolita fuisset

set

fet pluriū Confessorū , & miracula requisita fuissent ad uniuscujusque Confessoris intercessionem facta, rejecta autem, quæ communem consecuta fuissent; secus vero, quando causa istorum septem Confessorum prima est, quæ in sacrorum rituum Congregatione proponitur. Admisit, aliàs fuisse causam propositam plurimorum Martyrum, & satis fuisse pro Beatificatione miracula ad communem eorum invocationem patrata: addiditque, nullum in re, de qua agitur, discrimen statuendum esse inter causas Martyrum, & Confessorum; sicut enim in causis Martyrum miracula ad omnium Martyrum, quorum causa proponebatur, invocationem facta ostendunt, eorum omnium mortem fuisse Deo acceptam; ita miracula ad pluriū Confessorum, quorum causa proponitur, communem invocationem patrata patefaciunt, eos coram Deo sanctos esse; cum miracula certum præbeant indicium sanctitatis, & quæstio sit, non de uno Dei Servo non beatificato, & alio beatificato, qui invocati sint, sed de pluribus Dei Servis Confessoribus æqualiter Beatificatione æquipollenti beatificatis. Alia multa erudite collecta in ejus *scriptura typis impressa* legi possunt; sed, cum nullum usque adhuc a sacra Congregatione super hac controversia prodierit responsum, satis erit retulisse, quæ utrinque adducta sunt, nullo prolo judicio, quod a sacra Congregatione erit expectandum, & a summi Pontificis approbatione.

18 Post nostram ad summum Pontificatum assumptionem coram Nobis die 13. Januarii 1742. in Congregatione ordinaria sacrorum rituum proposita fuit causa dictorum septem Fundatorum Ordinis Servorum Beatæ Mariæ Virginis sub hoc dubio, *An miracula a Deo patrata ad collectivam invocationem septem Beatorum Fundatorum Ordinis Servorum Beatæ Mariæ Virginis suffragari possint ad effectum eorundem solemnem Canonizationis, & ad effectum, de quo agitur.* Cardinales acciti & Congregationem componentes in varias abjērunt sententias. Sed cum, rimatis causæ momentis, fuerit a Nobis animadversum, virtutes dictorum Beatorum non fuisse sufficienter discussas & examinatas, nec posse juxta inconcussam Sedis Apostolicæ institutum, a Nobis alibi comprobatum, haberi sermonem de miraculis, nisi præcesserit approbatio virtutum, etiamsi sermo sit de Beatis Beatificatione æquipollenti, quibus indulta veneratio est, nulla præcedente virtutum discussione, sed tantum prævia ipsarum fama, assentientibus omnibus, hoc editum est Decretum: *Fiat relatio juridica virtutum in gradu heroico singulorum Beatorum, & communicetur Fidei Promotori, & instantes proponatur in sacrorum rituum Congregatione ordinaria: & quatenus favorabilis edatur resolutio, a summo Pontifice approbanda, proponatur dubium super miraculis cum iisdem scripturis coram Sanctissimo, & Cardinalibus sacra Congregationis.* Itaque causa septem Beatorum Fundatorum usque ad hanc diem remanet in statu jam superius exposito.

19 Nobis vero ea occasione serio cogitantibus de dubii propositi resolutione, quæ uti dictum est, dilata fuit, quia non præcesserat, prout opus erat,

erat, virtutum discussio, nonnulla in mentem venerunt hic inferenda tam explanationis gratia eorum quæ supra *num. 7. a.* Nobis dicta sunt, tum ut eorum possit haberi ratio, quoties, obtema virtutum approbatione septem Beatorum Fundatorum, rursus proponatur dubium, quod fuit ante propositum, & non resolutum. Primum est, in more positum esse, ut infimal celebrentur festa nedum plurimorum Martyrum, sed etiam Confessorum, uti patet ex Martyrologio Romano: item ut recitetur Officium, & Missa celebretur nedum in honorem plurium Martyrum, sed etiam Confessorum, uti patet ex rubrica Breviarii Romani: *Si occurrat celebrari festum plurium Pontificum & Confessorum &c.* item *plurium Confessorum non Pontificum*: & sic non improbandam, sed maximopere commendandam plurium simul Sanctorum invocationem, quinimmo omnium, quemadmodum desumitur ex institutione festi Omnium Sanctorum, de qua Durandus in *rationale. Divin. Offic. lib. 7. cap. 34.* ubi referens institutionem prædicti festi, ait, factam fuisse propter facilitatem orationum nostrarum impetrationem; *facilius enim quod petimus obtinebimus, si simul omnes intercedant pro nobis, quia impossibile est, multitudinem non excusare: unde in Oratione hodierna dicitur, Multiplicatis intercessionibus largiatis.*

20 Secundum, si sermo coerceatur ad Sanctos jam canonizatos, posita nonnullorum ex eis conjuncta invocatione, non esse curiosius disputandum, cui ex eis subsequens miraculum sit adscribendum: nili enim concurrant circumstantiæ, quæ ostendant, potius uni, quam alteri esse adscribendum, omnibus adscribitur: & hoc prorsus a Cardinali de Laurea loc. supra cit. *num. 1063.* dictum est: *Item, si plures invocentur, & sequatur miraculum (loquitur de pluribus Sanctis invocatis) non potest uni potius, quam alteri tribui, nisi aliquid speciale adfuit determinativum ad unum potius, quam ad alium: asserere etenim, miraculum non posse uni potius, quam alteri tribui, non est asserere, quod neutri tribuatur, sed potius quod omnibus Sanctis invocatis adscribatur.* Gocelinus Monachus hiltorum scripsit translationis Reliquiarum S. Augustini primi Archiepiscopi Cantuariensis; narratque, claudum a quindecim annis ad eam celebritatem accessisse, iussuque orationibus prope sepulcrum & altare S. Hadriani Abbatis, ibique somno correptum, & *Matutinalibus Horis* decantatis, a Sacrista ecclesiæ expersa factum, sanum omnino surrexisse. Addit, exortam esse controversiam, utrum miraculum esset adscribendum S. Augustino, ad cuius festum celebraudum elaudus accesserat, an vero S. Hadriano, ad cuius sepulcrum oraverat, & super quo somno correptus jacuerat, & a quo recuperata ambulandi facultate surrexerat; controversiam autem sic Monachus resolvit (*cap. 6. num. 40. pag. 423. apud Bolland. ad diem 26. Maji tom. 6.*): *Miraculum alii alio Hadriano, ad cuius corpus & altare, alii Beato Augustino, in cuius festi aurora paratum est, attribuant. Ego hoc utrique consecravimus, siue iste illius solennis ita administraverit, siue ille huius dilectionis hoc pignore arriserit. Hæc demque modo cap. 2. num. 19. pag. 417. loc. cit. resolvit similem questionem*

nem propolitam de miraculo visus recuperati in oculo dextro a quodam Equite, qui, invocato prædicto S. Augustino, & admota manu ad feretrum, super quo ferebantur ossa S. Melliti ejusdem socii, illico sanus factus est: *Ne quis autem dubitet, utrum Augustino, an Mellito hac adscribitur curatio, certiori fide adscribitur utrique Patrono: Augustino, quia eum in altero quarebat; Mellito, quia hujus feretrum pro altero tangebatur.*

21 Tertium est, regulam prædictam suos habere fines. Quando videlicet plures Sancti invocantur, sed circumstantiæ non desunt, ob quas uni, & non alteri miraculum videatur adscribendum, tunc huic, & non aliis miraculum debet adscribi, uti bene Cardinalis de Lauræa supra allegatus autumavit. Nonnulla ibi affert circumstantiarum prædictarum exempla: sed alia addi possunt, puta si aliquis invocatione successiva plures Sanctos roget, nec consequatur id quod optat, quod postea consequitur, postquam certi cujusdam Sancti patrocinio se commendavit. Huic quippe miraculum necesse est ut adscribitur. In historia S. Petri Episcopi Tarantasiæ, quæ, pro ejus Canonizatione impetranda, exhibita fuit Pontifici Lucio III. (& impressa a Bollandianis tom. 2. Maji) adscribitur S. Petro miraculum repentinæ sanationis a paralyti, & non S. Thomæ Cantuariensi, ad cujus opem æger cum antea confugisset, sanitatem non receperat: *Gloriosus Martyr* (verba sunt Historici num. 14. pag. 342.) *glorioso Confessori Petro sanandum servaverat.* Marbodius Archidiaconus Andegavenſis, & postea Rhedonenſis Episcopus, in vita S. Roberti Abb. Casedel in Gallia (ap. eisd. Bolland, a l diem 24. Aprilis num. 4. pag. 323.) prædicti Sancti Roberti intercessionem adscribit sanationem ægroti ab insanabili morbo: *Beati Roberti meritis, ut postmodum claruit, divinitus servabatur.* Antea autem retulerat, eum per aliorum Sanctorum invocationem non convaluisse: *Cum imploranda sanitatis desiderio multas diu Sanctorum memorias ac sepulcra circumgens pererrasset; conſumpto frustra studio, periculosa ægritudinem intemperſivi laboris molestia cumularat.* In Actis S. Erconwaldi Episcopi Londinenſis scriptis sæculo undecimo hæc habentur ad diem 30. Aprilis tom. 3. Bolland. num. 22. pag. 785. de quodam homine prodigioſe ſanato: *Pro ſanitate recipienda fere extreſimas hominum nationes, ubi Chriſtiana religio pervenerat, pede laſſo luſtraverat. O quam ineffabilis ſecreſorum Dei profunditas! Quam univerſus mundus cum ſuis Reliquiis abdicavit. Divina providentia reſervat Erconwaldo, ut mirabiliorem in Sanctis ſuis Deum Britannia recognoſcat.* Et poſt hæc Auctor exclamat: *O Beate Erconwalde, Apoſtolorum Principes Petrus & Paulus tibi deferunt, alumnæ ſuam tibi mittunt, ut glorioſior appareas, & Londonia te melius veneretur & colat.*

22 Quartum est, invocatis duobus, puta uno Sancto jam canonizato, & alio Servo Dei nec beatificato nec canonizato; si miraculum fiat, non videtur utrique poſſe adscribi, ſicuti utrique eſſet adscribendum, ſi uterque eſſet canonizatus, niſi forte circumſtantiæ aliquæ ſuaderent, miraculum Servo Dei nec beatificato nec canonizato eſſe attribuendum: inter quas

80 DE SERVORUM DEI BEATIFICATIONE

quas profecto ea adnumeranda esset, si sanatus separatim eisdem invocasset, & sanitatem obtinuisset post invocationem ejus, qui adhuc Sanctus declaratus non est. Pro qua re facit exemplum supra relatam S. Petri Episcopi Tarantasis, & frequenter admissum est in sacrorum rituum Congregatione tempore, quo Nos officio Promotoris Fidei fungebamur.

23 Quintum tandem est, ex supra dictis dici posse materiam aliquo modo esse explicatam, sed revera dici non posse, dubium propositum de miraculis Septem Fundatorum esse sufficienter discussum, & multo minus resolutum. Agitur de Beatis Beatificatione *equipollenti*. Agitur de Beatis simul invocatis. Nulla est circumstantia, ob quam ad unum potius, quam ad alterum ex iis, miraculum sit referendum. Sunt omnes intercessores apud Deum. Miraculum non potest uni potius, quam alteri adscribi; cumque durum profecto videatur, nulli ex eis adscribere, id facit, ut omnibus sit adscribendum. Pro hac assumptione facit exemplum Martyrum, quibus omnibus, si plures sint, & inilum fuerint invocati, miraculum juxta Sedis Apostolicæ praxim adscribitur. Et qui dicunt, miracula in causis Martyrum non ex necessitate, sed pro majori securitate requiri, in causis autem Confessorum esse necessaria, nihil videntur dicere; cum ratio, ob quam miraculum omnibus Martyribus adscribitur, sit in conjuncta eorum invocatione, quæ conjuncta invocatio ponitur adesse etiam in Confessoribus. Rursus asserere, pluribus Beatis invocatis, tuto sciri non posse, quis sit ex eis, cujus meritis Deus moveatur ad patrandum miraculum, ex duplici capite non obest: primo quia hoc ipsum esset etiam dicendum, quando plures Sancti simul invocantur, quod tamen ex supra relatis non admittitur: secundo quia hoc ipsum etiam dici posset, quando unus tantum Sanctus, vel unus tantum Beatus invocatur; nemo enim est qui tuto asserere possit, miraculum, quod a Deo patrat, ob merita invocati patrari. Pie id credi potest, & credendum est in utroque ex prædictis casibus, hoc est pluribus Sanctis, aut Beatis invocatis, miraculum omnibus adscribi, & uno tantum invocato, miraculum ad ejus intercessionem referri. Quare Carthusianus in *Isaiam* 37. vers. 35. pag. 169. ad ea verba: *Propter David servum meum*, sic ait: *Merito ejus &c.* In quo patet eximia sanctitatis beatissimi Patriarchæ atque Prophetæ David. Excitantur quoque audientes, ut fidem & justitiam ejus imitentur, considerantes quod veraciter scriptum est: *In memoria eterna eris justus*. Sed tamen tuto id asseri posse, non ita facile est admittendum.

24 Incomprehensibilia sunt Dei judicia. Aliquando a nullo rogatus miracula facit, uti etiam supra dictum est. Aliquando ob peccata eorum, pro quibus oratur, non vult indulgere quod petitur, etiam si petatur a Sanctis, & Viris sibi gratissimis: unde Jeremiæ 15. 1. legitur: *Si steteris Moyses, & Samuel coram me, non est anima mea ad populum istum; & Ezechielis 14. 14. Si fuerint tres viri isti in medio ejus Noë, Daniel, & Job &c. nec filios, nec filias liberabunt.* Aliquando unius tantum viri probi orationibus indulget: hinc

hinc Jeremiæ 5. 1. legitur : *Circuite vias Jerusalem , & aspice , & confide-
rate , & quarite in plateis ejus , an inveniatis virum facientem judicium , &
querentem fidem , & propitius ero ei* , hoc est habitatoribus Jerusalem :
& 3. Regum 11. 11. Salomonem alloquens jam factum idololatram , ait :
*Disrumpens scindam regnum tuum , & dabo illud servo tuo . Verumtamen in
diebus tuis non faciam propter David patrem tuum .* Aliquando duorum
servorum infimul orantium preces benignus exaudit , & aliquando trium .
*Tobie 3. 24. Tobias a cæcitate , Sara ab Asmodeo liberati sunt , cum infi-
mul orassent : In illo tempore exaudita sunt preces amborum in conspectu glo-
ria summi Dei , & missus est Angelus Domini sanctus Raphael , ut curares eos am-
bos , quorum uno tempore sunt orationes in conspectu Domini recitata .* Orantibus
Paulo & Sila , disrumpuntur vincula , quibus tenebantur in carcere , *Actor.
16. 25. Orantes laudabant Deum &c. & statim aperta sunt omnia ostia , & uni-
versorum vincula soluta sunt .* Azarias Deum oravit per merita Abrahami,
Isaaci , & Jacob , nec ignis tetigit , aut quemquam adussit , *Daniel. 3. 25. &
seqq. Stans autem Azarias , oravit sic &c. Neque auferas misericordiam tuam a
nobis propter Abraham dilectum tuum , & Isaac servum tuum , & Israel san-
ctum tuum &c. & erue nos in mirabilibus tuis &c. Et non tetigit eos omnino ignis .*

25. Hæc omnia , & singula præ oculis habenda sunt , antequam consi-
lium præstetur super dubio proposito in causa Beatorum septem Fundato-
rum Ordinis Servorum Beatæ Mariæ Virginis . Et quatenus miracula ap-
probanda omnibus prædictis simul invocatis censentur adscribenda , ma-
gni momenti indago superest exminanda , an , habita ratione prædictorum
quoad Canonizationem , opus sit , ut augeatur numerus pro Canonizatione
impetranda . In causa Beatorum septem Fundatorum si virtutes approben-
tur , id fiet per Historicos , & testes de auditu , & sic per probationes subsi-
diarias . Cumque juxta præsentem praxim , non obstant præcedenti Beati-
ficatione per æquipollens obtenta , quatuor miracula requirantur , ut ad Ca-
nonizationem procedatur , numerus hic sufficiens videri potest . Ex alia ve-
ro parte , cum in causis Confessorum nullum adit exemplum miraculi plu-
ribus ex eis simul invocatis adscripti , quoad Beatificationem & Canoni-
zationem obtinendam ; & exempla quæ contigerunt in causis Martyrum ,
non ita facile extendi possint ad causas Confessorum ; quodque præcipue
notatu dignum est , cum pæ fraudes tractu temporis ob novam hanc pra-
xim in causis Confessorum timeri possent , quibus avertendis sacrorum ri-
tuum Congregatio prospicit & prospicere tenetur ; & diligentia , quæ in
rebus istis adhibetur , nunquam nimia dici possit ; examinandum idcirco
superest , an facilitas nova consistens in hoc , ut quatuor miracula ad plu-
rium Confessorum invocationem facta prosint omnium invocatorum Canoni-
zationi , minui debeat aucto numero miraculorum , per quem tutius
feratur judicium .

26. *Quæres , an citra Servi Dei , aut Beati invocationem probari pos-
sit , aliqua miracula a Deo facta esse pro Servi Dei , sive Beati sanctitate*
Tom. IV. L. ostent-

32 DE SERVORUM DEI BEATIFICATIONE

ostendenda, & quorum proinde ratio haberi debeat in iudicio Beatificationis & Canonizationis: & affirmando respondetur. Exemplum esse potest in cadaverum incorruptione, in odore a cadaveribus Dei Servorum, vel Beatorum manante, si omnia adfint alibi memoranda, quæ probant, incorruptionem & odorem esse inter miracula recensenda. In his quippe miraculis deest invocatio; sed, cum a Deo facta sint super corporibus talium Dei Servorum, signum hoc est plane ostendens, patrata fuisse ad ostendam eorum sanctitatem. Sulpicius Severus in *vita S. Martini dialog. 2. num. 2. pag. 100. oper. tom. 1.* hæc de S. Martino refert: *Cum hac igitur oblaturus Sacrificium Deo veste procedit. Quo quidem die (mira dicturus sum) cum iam altarium, sicut est solemne, benediceret; globum ignis de capite illius vidimus emicare, ita ut in sublime conscendens longum admodum crinem flamma produceret. Hoc licet celeberrimo factum die in magna populi multitudine viderimus, una tantum de Virginibus, & unus de Presbyteris, tres tantum videre de Monachis: ceteri cur non viderint, non potest nostri esse iudicii.* Porro de miraculo hic non videtur esse dubitandum. Nulla in eo excogitari potest invocatio: & tamen nemo erit qui asserat, illud a Deo patratum non fuisse pro S. Martini sanctitate patefacienda. S. Hieronymus in *vita S. Pauli Eremitæ* narrat, S. Antonium ad eum in extremis constitutum invifendum accessisse, & mortuum invenisse, & dum de condendo corpore cogitaret, nec sarculum, quo terram foderet, haberet, duos leones ex interioris eremi parte currentes ad cadaver Beati Senis substituisse fremitu ingenti rugientes, ut intelligeret, eos plangere, quomodo poterant; cumque coepissent humum pedibus scalpere, & unius hominis capacem locum effodissent, cervice dejecta, ad Antonium perrexisse, manus ejus pedesque lingentes, qui manu annuens eis imperavit, ut abirent, prout lecerunt. De miraculo dubitandum esse non videtur, & quidem a Deo patrato in testimonium sanctitatis tum Pauli, tum Antonii; nec ulla quidem hujus accessit invocatio, seu oratio, cum, teste eodem S. Hieronymo, S. Antonius ad primum leonem aspectum exhorruerit, & post ea, quæ modo narrata sunt, in laudationem Christi effusus, quod muta quoque animalia Deum esse sentirent, eos dimittens dixerit, ut *num. 16. col. 12. rom. 2.* *Domine, sine cujus nutu nec folium arboris defluit, nec unus passerum ad terram cadit, da illis, sicut tu fecit.* Ad hanc eandem classem pertinent et alia miracula, quæ in sacris historiis leguntur de poenis, quibus affecti fuerunt, qui beatos viros contempserunt, aut injuria affecerunt, cum multa ex eis secuta sint, nulla prævia ipsorum oratione, aut deprecatione. In *libro Numer. cap. 12.*, uti supra dictum est, Maria contra Moysen locuta est propter uxorem ejus Æthiopiissam. Moyses nihil commotus est; erat enim vir mitissimus super omnes homines, qui mirabantur in terra, uti loquitur sacer Textus *v. 3.* At iratus Dominus cum descendisset in columnas nubis, & stetit in introitu Tabernaculi, & Mariam vocasset, nube recedente, apparuit Maria candens lepra, quasi nix, quæ medium carnis

ejus

ejus devoravit, & a qua, nisi ad preces Moyſis, ſanata non eſt. Ad interceſſionem ergo Moyſis contigit miraculum ſanationis; ſed citra quamcumque invocationem Deus, ut oſtenderet, quam ſibi Moyſes carus eſſet, prodigium lepræ operatus eſt. Quæ omnia ſuadent, non ſolum ex invocatione deſumi, miracula fieri a Deo ad patefaciendam ſervorum ſuorum ſanctitatem, ſed etiam hoc ipſum ex aliis erui circumſtantiis, quæ id ipſum oſtendere poſſunt.

27 Nec omittendum eſſe videtur, quod aliquando Dei Servi, & Beati, & Sancti miracula operantur ex poteſtate, aliquando ex oratione; & quamvis, dum operantur ex poteſtate, nulla præcedat oratio, ſi nihilominus miraculum operantur, fatendum erit, illud a Deo patratum eſſe pro eorum ſanctitate oſtendenda. Res ſatis exponitur in antiquiſſima vita Latino-Græca S. Benedicti Venetiis edita anno 1723. per dialogum inter Petrum, & S. Gregorium Magnum: ibi enim cap. 30. poſt narrata nonnulla miracula, orante S. Benedicto patrata, Petrus hoc modo interrogat: *Velim noſſe, hæc tanta miracula virtute ſemper orationis impetrabat, an aliquando ex poteſtate etiam ſolo voluntatis exhibebat nutu?* Gregorius autem hoc modo reſpondet: *Qui devota mente Deo adherens, cum rerum neceſſitas expoſcit, exhibere ſigna modo utroque ſolent, ut mira quæque aliquando ex prece faciant, aliquando ex poteſtate. Cum enim Joannes dicat Quotquot autem receperunt eum, dedit eis poteſtatem filios Dei fieri, qui filii Dei ex poteſtate ſunt, quid mirum, ſi ſigna facere ex poteſtate valent? Quia enim utroque modo miracula exhibeant, teſtatur Petrus, qui Tabitham mortuam orando ſuſcitavit, Ananiam vero & Saphiram mentientes morti increpando tradidit; neque enim, oraffe in eorum extinctione legitur, ſed ſolummodo culpam, quam perpetraverant, increpaſſe. Conſtat ergo, quia aliquando hæc poteſtate, aliquando vero exhibent expeſtulatione, dum & iſtis vitam increpando abſtulit, & illi reddidit orando. Nam duo quoque fidelis ſamuli Dei Benedicti facta nunc replico, in quibus aperte clareat, aliud hunc ex accepta divinitus poteſtate, aliud ex oratione poſuiſſe. Philippus a Sancto Paulo in ſuo opere de ſacris apparitionibus in carne tunc Venerabilis, nunc Sancti Joannis a Cruce part. 2. cap. 5. cum ſibi oppoſuiſſet, earum non eſſe habendam rationem in cauſa Beatificationis & Canonizationis, etiamſi eſſent ſupernaturales, cum prævia ejus invocatione, non contigiſſent (Tunc autem cenſentur miracula a Deo facta ad exaltationem nominis alicujus Sancti, cum ad ejuſdem invocationem ponuntur) reſpondet, ſatis eſſe, ut factæ fuerint a Deo ſupra vires naturæ in honorem Servi ſui, etiamſi hujus nulla præceſſerit invocatio: *Ad hoc, ut cenſentur miraculum ſufficiens pro Canonizatione Servorum Dei, ſatis eſt, ut eorundem honorificativum appareat; jam etenim habemus Divinum & infallibile teſtimonium, Deum honorare, & ſuo exemplo velle, ut nos honoremus Heroes.**

28 Joannes le Clerc Auctor heterodoxus Amſtelodami tractatum edidit anno 1696. de incredulitate, & ad calcem ejus alium tractatum de veritate religionis Chriſtiane in duas epiſtolas diſtinctum. In ſecunda agit de

84 DE SERVORUM DEI BEATIFICATIONE

miraculis, & postquam *num.* 2. statuit, miraculum esse illud quod excedit hominum potentiam, quod est ultra cursum ordinarium naturæ, quod est supra vires naturæ, addit, ad miraculi rationem requiri, ut fuerit præcognitum ab eo, pro cuius commodo a Deo sit, vel ut saltem contingat eo temporis momento, quo indiget ipso. *Num.* deinde 5. ut id comprobet, utitur exemplo transitus Alexandri Magni, qui feliciter una cum suo exercitu pugnaturus adversus Darium transivit prope montem eo momento quo ventus cessaverat, quo flante marini fluctus viam impedivissent; aliisque ventus flare coeperat, cuius ope maris æstus nedum cessaverat, sed iter siccum & plane tutum apparuerat. Refert etiam cadaver Alexandri Magni septem diebus, antequam fuisset aromatis & balsamis conditum, permanisse incorruptum, & ejus faciem a circumstantibus visam vividiori colore circumfusam, quam esset tempore quo Alexander vivus erat & sanus. Hæc autem duo facta, quatenus vera sint, & vires naturæ excedant, inquit, miraculo adscribi non posse, cum neutrum fuerit ab Alexandro prævisum, & alterum eidem non profuerit. Demum *num.* 6. pugnans pro veritate miraculorum Christi, docet, ea nedum fuisse supra vires naturæ, sed etiam fuisse prædicta: stultumque & proorsus insanum ait futurum esse, qui ejus Resurrectionem crederet naturæ viribus adscribendam, cum ipse eam pluries prædixisset, & die tertio ab obitu sequi debere prænuntiasset.

29 In hoc Joannis le Clerc sermone sunt bona mixta malis, sunt mala mixta bonis, uti dici consuevit. Inter bona recensenda sunt quæ ab ipso scripta fuerunt de natura miraculi, de excessu videlicet tacti supra vires naturæ, & extra aut contra cursum ordinarium naturæ. Inter bona recensendum etiam est, quod ab ipso traditur de Christi Resurrectione, utique admiranda, cum ab ipso fuerit prædicta etiam quoad tempus. Ad classẽ autem malorum referri debent quæ ab ipso dicta sunt de Alexandro Magno. Libenter admittimus, nec ejus transitum, nec cadaveris incorruptionem miraculo adscribi posse; cum in transitu nihil supra naturam contigerit, nec ex alibi dicendis simplex cadaveris incorruptio pro miraculosa habenda sit. Admitti vero nullatenus potest, iccirco ea non fuisse miracula, quia non fuerunt prædicta, nec alterum illorum quidquam ei profuit. Ad classẽ quoque malorum referendum est, quod ipse dicit de Christi Resurrectione, quam iccirco videtur miraculo adscribere, quod fuerit ab eodem prædicta. Ejusmodi quippe fuisset, etiam si ab eo non fuisset prædicta, cum prædictio reddat miraculum illustrius, sed, si deficit, non utique deficiat ratio & natura ejus, quæ consistit in facto superante vires naturæ, & præter aut contra ordinarium cursum ipsius. Ex quibus omnibus concludendum est (uti supra innuimus) pro miraculis habenda esse ea omnia quæ superant naturæ vires, etiam si non fuerint prædicta, & insuper admittenda in judicio Beatificationis & Canonizationis alicujus Servi Dei, siue Beati, et si ejus invocatio non præcesserit, dummodo ex circumstantiis prudenter deprehendi possit, a Deo facta fuisse pro

C A P U T V I.

*De Miraculorum numero, & qualitate in Causis Beatificationis,
& Canonizationis requisita.*

I Nutile hic est aliqua exponere de numero miraculorum, quæ requiruntur in causis Beatificationis & Canonizationis; de hoc enim suffe in præcedentibus tomis hujus Operis actum est, & confirmatur etiam ex Decreto a Nobis, dum hæc addimus, edito, quod respicit aliud nostrum Decretum generale alibi relatum.

G E B E N N E N.

*Beatificationis & Canonizationis Ven. Servæ Dei Joannæ Franciscæ Fremios
de Chantal Ordinis Monialium a Visitatione Sanctæ Mariæ
nuncupatarum Fundatricis.*

Proposita jam sub die 5. currentis Martii in Congregatione generali coram Sanctissimis Domino nostro Benedicto Papa XIV. causa Ven. Servæ Dei Joannæ Franciscæ Fremios de Chantal Ordinis Monialium a Visitatione Sanctæ Mariæ nuncupatarum Fundatricis, super Dubio: An constet de virtutibus Theologalibus Fidei, Spe, & Charitate, ac Cardinalibus Prudentia, Justitia, Fortitudine, ac Temperantia, earumque annexis in gradu heroico, in casu & ad effectum &c. Sanctitas sua, perlectis relatisque omnium Consiliorum, & auditis Reverendissimorum Cardinalium suffragiis, tunc quidem responsum censuit differendum, ut in tam gravi re Dei etiam consilium suis & aliorum precibus exquireret. Nunc autem celebrato hæc etiam ob causam sacrosancto Missæ sacrificio, actisque coram se R. P. D. Promotore Fidei, neque infra scriptis Congregationis Secretario, ejusdem sacre Congregationis sententiam approbando, declaravit: Virtutes prædictas ita probari, ut tuto deveniri possit ad ulteriora, nimirum ad discussionem miraculorum in casu & ad effectum &c. Sed cum ex testibus de auditu, innotiformiter licet adminiculatis, fuerint probata; ut quod virtutum probationi desint miraculorum eas confirmantium probatione suppleatur, ad Servæ Dei Beatificationem non ante deveniendum esse censuit, quam miracula omnino quatuor probentur ex testibus de visu, atque approbentur, juxta formam Decreti generalis hac de re die 23. Aprilis 1741. editi. Atque ita censuit, declaravit, ac decrevit. Hac die Dominica de Passione 31. Martii 1743.

Adduntur tamen nonnulla, quæ aliqua indigent explicatione.

2 Ceparius in directior. Canoniz. lib. I. cap. 9. multa narrat in præteritis Canonizationibus miracula fuisse discussa & approbata: De Sanctis Dominico, & Francisco Fundatoribus sanctissimorum Ordinum Predicatorum, & Fratrum Minorum ingenia miracula habentur in chroniis, & historiis de eis
con-

conscriptis; & sic de aliis: Legendi sunt etiam de hac re Sanctus Basilus orat. in Mamestem Martyrem & in Juliam Martyrem; Sanctus Gregorius Nazianzenus orat. in Sanctum Cyprianum; Sanctus Chrysostomus in lib. contra Gentiles de Reliq. Sancti Babyla Martyris; Sanctus Ambrosius serm. de Sanctis Geruasio & Protasio. & in epist. ad Sororem de iisdem Martyribus; ubi narrat, universum populum vidisse quemdam cecum ad contactum feretri, quo Reliquia transferrebantur, fuisse illuminatum; Sanctus Hieronymus lib. 9. contra Vigilantium, epist. ad Eusebium, de vita Sanctae Paula, & in vita Sancti Hilarionis; Sanctus Augustinus lib. 22. de civitate Dei cap. ult. Palladius in historia Lausiaca cap. 62. Sulpicius in vita Sancti Martini. Utque aliquid dicam etiam de Sanctis recentior canonizatis, & canonizandis, missis miraculis, quae operati sunt, dum ipsi viverent, quae fere innumera sunt, quamplurima etiam a testibus fide dignis fuisse deposita in Pontificis processibus patrata post mortem ipsorum: & ut de uno Beato Aloysio Gonzaga dicam, ducenta & sex miracula in quatuor processibus auctoritate Apostolica confectis reperiuntur deposita, quae fuerunt ab illo & per illum post mortem variis in locis patrata, aliaque quamplurima ad meam notitiam pervenerunt, quae licet probari possent, tamen, quia satis erant quae in processibus jam formatis habebantur, literas remissoriales expedire non curavi ad ea authenticanda. Quoniam vero, etiam si permulta sint miracula, quae Auditoribus Rota Roma examinanda proponuntur, illi tamen ob angustias temporis, & multitudinem causarum, pauca admodum discutienda recipiunt, cum praesertim eadem virius Divina requiratur ad pauca, ac ad multa; ponam tantum numerum eorum miraculorum a Sanctis post mortem patratorum, quae pro unaquaque Canonizatione facta, & proficiendis Rota Auditores haecenus, quod sciam, approbaverunt. Et prima tempore Sixti V. Pontificis Max., qui Sanctum Didacum ex Ordine Seraphico Sancti Francisci canonizavit, sex numero miracula post ejus mortem fuerunt a Rota Auditoribus Commissariis discussa & approbata. A Clemente VIII. fuerunt canonizati duo ex Dominicanorum familia, Sanctus scilicet Raymundus Hispanus, & Sanctus Hyacinthus Polonus: de primo Auditores Commissarii septem miracula, de secundo quatuor post mortem approbaverunt. Paulus V. qui dum hac scribo, sedet in Cathedra Petri, & feliciter regnat, canonizavit Sanctam Franciscam Romanam, pro qua miracula tredecim post mortem fuerunt examinata & probata. Idem canonizavit Sanctum Carolum Cardinalem Borromeum Archiepiscopum Mediolanensem, de Ecclesia Catholica optime meritum, Episcoporum ac Cardinalium omnium lumen & exemplar ad imitandum, & pro ejus Canonizatione septemdecim miracula post ejus mortem patrata iidem Auditores comprobaverunt. Quod si velimus hic attexere eos, quorum causa Canonizationis nunc in Curia Romana agitur, dicam, quod de Beato Andrea ex nobilissima familia Corsinorum vocem post mortem miracula firmaverunt: de Beato Patre Ignatio mea Religionis Parente ac Fundatore decem aut duodecim: duodecim pariter de Beata Terefia jam approbata fuerunt: duodecim etiam de Beato Aloysio Gonzaga: & de aliis habentur in diplomatis & relationibus pro eis factis.

3 Philippus Maria a Sancto Paulo Carmelita Discalceatus, & olim Con-

Consultor Congregationis sacrorum rituum in citato opere de *sacris apparitionibus* part. 2. *disputationis* cap. 1. in aliis causis plura, in aliis pauciora exposcit miracula. Ecce ipsius verba: *An autem in Canonizatione seu Beatificatione cuiuscumque Servi Dei aequaliter habenda sit ratio, & miraculorum examen, difficultas est, cuius solutionem potius audirem, quam darem.* Debita tamen melioris, & Ecclesia ipsius iudicii reverentia ut promam quod sentio, arbitror non aequaliter habendum esse respectum ad miracula, sed aliquando evidentiora & plura desiderari, aliquando pauciora & minus evidentia. Ratio est satis, meo videri, plausibilis saltem, si non evidens: nam miracula ex dictis assumuntur, vel in testimonium sanctitatis Beatificandi vel Canonizandi, vel in signum Divina voluntatis decernentis Servo suo adhuc in Ecclesia militante cultum & honorem, vel ad excitandam devotionem & existimationem Fidelium, vel tandem ad confundendos Heterodoxos, & religionis Catholica inimicos: sed hac omnia non exigunt in omnibus & singulis aequale & idem miraculorum examen: ergo &c. Probatur minor: nam duplici, ut ita dicam, via Christiani Heroes ad tantam gloriam promerendam duci a Deo possunt, videlicet, vel per vitam heroicam privati hominis propria perfectioni intendenti, vel per vitam hominis ad publicum & universale Christianitatis bonum ordinati, ac opera arduissima, magnifica, & in summum Dei honorem, ac Proximorum bonum vergentia exequentis, quales sunt Fundatores Ordinum Regularium, atque a Deo pro conversione Infidelium, Christianorum profectum, pace, concordia, & similibus mirabiliter elevati, sive etiam non pauci per mores extraordinarios & totaliter admiratione plenos insignes. Hinc forte Alexander III. in bulla Canonizationis Sancti Bernardi Abbatis Clara-vallis nullam habuit miraculorum, nec in genere, mentionem; arbitratus est enim sanctissimus & sapientissimus Pontifex, satis populis Christianis commendabilem & admirabilem reddi Divum Bernardum ex operum magnitudine, qua in Dei honorem, atque Catholica Ecclesia profectum non minus foris, quam usque ad miraculorum feliciter patrarat, dignusque proinde censeretur, cui publicus Christianorum Heroum deferretur cultus. Licet igitur Sancti prioris generis indigeant rigorofo examine, & plurimis miraculis, ut orbi Catholico venerandi proponantur, secus autem Sancti secundi generis: nam excellentia extraordinaria suorum operum apertissime reddit testimonium heroica virtutis ad ea efficienda perneccessaria, & Divina voluntatis complacentis sibi in illis; nam eo ipso, quod eis usus est ut instrumentis pro mirabilibus sue sapientia, & tanta sui nominis exaltatione, satis ostendit, velle eos honorari ab omnibus, quos Rex salter honoravit; satis etiam ex novitate & magnitudine praedictorum operum excitantur Fideles, & Heretici confunduntur. Quare, dum constat, huiusmodi viros usque ad finem vita in imposito sibi munere sancte ac fideliter perseverasse, vitamque iustorum morte clausisse, cum opera magnifice de ipsis perhibeant testimonium, sufficiens erit pro eorum Beatificatione & Canonizatione, beneficia aliqua ipsorum intercessione impetrata fuisse, & pauculas gratias a Deo concessas, duoque miracula, cuiuscumque generis sint, ad eorundem gloriam augendam patrata.

4. At, praetermissis hic examine, an omnia miracula, quae Ceparius refert

88 DE SERVORUM DEI BEATIFICATIONE

relet fuisse in causis ab eo allatis approbata a Rotæ Auditoribus, fuerint etiam a sacrorum rituum Congregatione approbata, & a summo Pontifice, (etenim, uti sæpe in hujus Operis decursu dictum est, judicium Rotæ Auditorum in his causis, quod in suis relationibus exponerant, novo subiciebatur examini in sacrorum rituum Congregatione, quæ etiam aliquando aliqua miracula reprobabat, quæ fuerant a dictis Auditoribus approbata) vis præsentis controversiæ non stat in numero miraculorum approbatorum, sed in eo vertitur, ut quæramus, quot miracula requirantur necessario ad obtinendam Beatificationem & Canonizationem; cumque ex alibi fuisse relatis constet, jam statutum esse numerum hunc miraculorum, eumque inniti tum praxi sacre Congregationis, tum Pontificiis Decretis, nemo est qui non videat, praxi & Apollolicæ disciplinæ esse adhærendum, nec aliquid ex Ceparii dictis interri posse adversus ea, quæ a Nobis jam dicta sunt. Assertio quoque Philippi Mariæ a Sancto Paulo non videtur ullo modo admittenda. In omnibus enim causis Beatificationis & Canonizationis proponitur Dubium, *An constet de virtutibus heroicis, seu de martyrio, & causa martyrii; & an constet de miraculis;* & pro approbatione tum virtutum, aut martyrii, tum miraculorum clarissimæ & validissimæ ex alibi dictis probationes requiruntur: quibus proinde positis, nemo est qui non videat, nullatenus stare posse, ut in una causa plura & evidentiore, in alia vero minora & minus evidentiæ miracula requirantur. Et, quamvis illustriores potuerint esse virtutes alicujus Servi Dei, quam alterius, omnes tamen, ut approbentur quoad Canonizationem, oportet, ut ad gradum heroicum pervenerint: ex quo proinde fit, ut æqualia miracula quoad excessum virium naturæ creatæ, quoad numerum, & quoad pondus probationum in omnibus causis requirantur. Exemplum autem S. Bernardi, quo Auctor utitur in re, de qua nunc agitur, ipsi suffragari non potest; cum aliud sit, miracula in bulla Canonizationis juxta morem eorum temporum non fuisse relata, aliud vero, non fuisse patrata, & eorum habitam non esse rationem in Canonizationis judicio. Extat adhuc in *appendice operum S. Bernardi Abb. vol. 2. vita ejusdem Sancti scripta a Gaufrido Monacho Claravallensi, quæ part. 2. & 3. ingentibus miraculis referta est. Extat quoque in cit. append. ingens miraculorum series excerpta ex libro, cui titulus, Exordium magnum Cisterciense, in cujus cap. 28. legitur, evolutis pluribus annis post Sancti obitum, cum cuidam energumænæ, ut a Dæmone liberaretur, applicatæ essent ab Abbate Reliquiæ de capillis & barba ejusdem S. Bernardi, Diabolo dicente, Serva Bernardum tuum, nec enim proficies quicquam, Abbate autem, qui Reliquiam applicaverat, respondente, Per Domini gratiam, & hujus sanctissimi Viri merita, modo egredieris, Dæmonem subjecisse: Quid? An excidit tibi, quod prohibitum est ei signa facere? Hoc ergo sciens, securus in hoc meo domicilio requiesco; mirantibus Abbate & Fratribus, qui cum eo erant, quod Spiritus nequam interdictum illud olim Sancto factum, dum vive-*

ret,

ret, ne ob miraculorum frequentiam, hominumque nimium ad monasterium accessum monastica quies perturbaretur, in scutum suæ defensionis tam celeriter invenisset. Nullam autem tam insignium miraculorum habitam fuisse rationem, cum de S. Bernardi Canonizatione agebatur, inverisimile admodum est, cum tunc disciplina vigeret virtutes & miracula requirendi in causis Canonizationis.

5 Succedit qualitas miraculorum. Alibi a Nobis dictum est, & exemplis comprobatum, sufficere miracula tertii generis, & Castellinum deceptum fuisse, qui in *tract. de dilatione Canonizationis pag. 57. & pag. 63.* asserit, juxta consuetudinem sanctæ Sedis non decerni Canonizationem, nisi inter miracula, quæ approbantur, aliquod reperiatur, quod sit primi vel secundi generis; quod etiam post Castellinum asseruit Pignatellus *confult. lib. I. cap. 26. num. 7. tom. 5.* Miracula quippe tertii generis excedunt vires naturæ quoad modum, & sunt vera miracula; ex quo proinde sequitur, ea sufficere debere pro Beatificatione & Canonizatione, uti videri potest *cit. lib. I. cap. 26. num. 1. & cap. 32. n. 3. hujus Operis*: & bene prosequitur Philippus Maria a Sancto Paulo in *cit. tract. par. 2. cap. 2. §. 1.* ubi, cum sibi opposuisset, omnimodam evidentiam in Canonizationis judicio requiri, & hanc haberi non posse, nisi inter miracula aliquod reperiatur secundi generis, cum in miraculis tertii generis sit aliquid ambiguitatis, ita respondet: *Eadem omnino infallibilitas Divini testimonii reperitur in omnibus veris miraculis; unde quodlibet ipsorum plenissime probat id, pro cuius veritate patratur &c.* Et licet concedatur, quoad nos esse facilioris probationis miracula secunda classis, quam tertia, hinc tamen ab his non tellitur vera & insita infallibilitas testificandi veritates Fidei, vel sanctitatem Servorum Dei, & ad summum convincetur, necessarium esse diligentius examen, ut videatur, utrum natura suis viribus valuerit ad tantum opus.

6 Major difficultas est, an in judicio Beatificationis & Canonizationis admitti possint miracula, quæ excedunt tantum virtutem naturæ visibilis & corporeæ, sed non excedunt virtutem naturalem naturæ invisibilis & incorporeæ, puta Angeli, præsertim boni. Ex una etenim parte necessarium esse videretur, ut in judicio adeo gravi non admitterentur nisi miracula, quæ excedunt vires & facultatem totius naturæ creatæ; ex alia vero parte difficile admodum est, scire posse, & posse dignoscere, an miraculum, quod proponitur in hoc judicio examinandum, vires excedat naturæ invisibilis & incorporeæ Angeli boni. Dictum est autem *Angeli boni*; quod enim attinet ad Angelum malum, signa supra recensita, per quæ miracula falsa a veris discernuntur, Efficacia videlicet, utilitas, modus, finis, persona, occasio, fatis aperte ostendere possunt, quamcumque virtutem naturalem Angeli mali abesse. Quemadmodum etenim ad Divinam providentiam huic mundo præsentem pertinet, ne ille sua potestate abutatur in iis, in quibus naturalis ordo universi inverteretur; vel etiam politica humani generis gubernatio plurimum turbaretur, ita ad eandem potiori

T. m. IV.

M

jura

jure spectat, ne permittat, ut eadem sua virtute naturali abutatur ad falsam aliquam religionem, aut sanctitatem per signa & miracula confirmandam; uti recte notat Auctor *tractatus de Canonizat. SS. ad Cardinalem Montis Regalis* 5. *part. cap. 11.* Refumi etiam possunt ea, quæ superius dicta sunt de potestate Dæmonis naturali a Deo coercita; & ea, quibus ostendimus, vera miracula fieri non posse in confirmationem falsæ doctrinæ, aut falsæ sanctitatis. Quocirca demus, Dæmones posse simulare, se esse animas mortuorum, juxta ea quæ habentur apud D. Thomam 1. *part. quest. 117. art. 4. ad secundum*; demus, eos melius cognoscere virtutes activas & passivas in corporibus hominum, quam homines, & facilius & celerius applicare posse quæ opportuna sunt ad morbos removendos, cum imperio suo corpora loco moveant, juxta ea quæ habentur apud eundem D. Thomam *quest. 6. de miraculis, seu de potentia art. 3. in corpore*; demus præterea, plurimam alia a Dæmone fieri posse juxta suam naturalem virtutem, de quibus alia habentur apud Cardinalem de Lauræa in 3. *lib. sent. tom. 4. de miraculis disput. 20. art. 17. §. 2.* & apud Pignatellum *confut. 168. Et 169. tom. 10.* tuti sumus ab ejus insidiis in re, de qua nunc agitur, non solum ex his quæ modo dicta sunt, sed etiam ex aliis quæ in primo libro suse deducta fuerant, dum agebatur de immanitate ab errore in causis Beatificationis & Canonizationis; & nobis supererunt regulæ, quarum ope cognoscere possumus, an fraus, an opus Dæmonis in mirabilia, quæ examinantur, irrepperit. Joannes Dominicus Putignanus in 1. *part. sui tractatus de redivivo sanguine S. Januarii cap. 10. mon. 10.* animadvertit, ebullitionem sanguinis dicti Sancti non excedere vires naturales Angelorum malorum, sed eos his verbis excludit: *Quamvis enim concedamus, posse eos naturalium rerum subtiliori indagine exornatos supra ceteros omnes homines insensibili quadam peragendi oeconomia substantiam aliquam elicere in subtilissimum pollinem redactam, aptamque ad hujusmodi excitamentum, nullatenus tamen summus rerum Auctor patereatur, ut quod ad augmentum cultus sui propagationem, ad Ecclesiam universam ornamentum, ad augendam Christianorum pietatem, ad uberiorem sanioris disciplinae proveniunt, ad abusus quovis irrepentes amputandos, ad vitia quacunque ex animis evellenda conferre maxime possit, referri par sit ad Dæmonum imposturas.*

7 Ideoque, redacta controversia ad Angelos bonos, non modica prosecto urget difficultas: utque res fiat clarior exemplis, ponamus, agi de magna febre, de inveterata paralysi cum subsecuta subitanea sanatione post Servi Dei invocationem; item, ad ejus invocationem ignem de cælo descendisse, quæ tertii generis miracula dicuntur. Item ponamus, agi de conversione unius substantiæ in aliam, puta aquæ in vinum, de panis ex.gr. aut hordei multiplicatione. Si hæc contingant ad invocationem Servi Dei, vel Beati, miracula sunt altioris generis. Hæc autem duplici modo contingere possunt; vel per excessum virtutis totius naturæ creatæ tum invisibilis & incorporeæ, tum visibilis & corporeæ; vel per excessum naturæ tantum visibilis & corporeæ. Per excessum totius naturæ tum invisibilis & incor-

incorporeæ, tum visibilis & corporeæ. si sanatio a febri aut a paralyfi fiat, frustra obnitentibus pravis naturæ humoribus, si aer in ignem convertatur absque dispositionibus juxta naturæ ordinem necessario requisitis; uti explicat Suarez de Angelis lib. 4. cap. 39. num. 11. *Unde subita sanitas . . . si fiat per solam efficaciam superioris cause, vel per solum imperium, vel si sanatio tam subita fit, ut cause naturales, etiam sufficiens applicatio, non sufficiant virtute naturali tam subito materiam disponere, tunc sanitas erit vere miraculosa; idemque dicendum est de subita pluvia, & aliis similibus operibus; si nova materia producat, aut quæ jam præerat, convertatur, & addatur rei multiplicandæ, ut alibi exponetur; si una substantia in aliam mutetur; modus enim hic agendi excedit vires cujuscumque naturæ creatæ: quocirca Porrecta in 3. part. D. Thomæ quest. 43. art. 4. ad illud Matthæi, Si Filius Dei es, dic, ut lapides isti panes fiant, animadvertit, Diabolum a conjecturali notitia, qua putabat, Christum esse Filium Dei, ascendere volentem ad certissimam, petiisse ab eo miraculum transmutationis substantiæ, quam sciebat excedere vires totius naturæ creatæ: Satan, ut de vero Deo inquisitionem formaret, non inquit: Dic, ut lapides isti fiant nigri, rubei, vel quod moveantur localiter; sed ait: Dic ut lapides isti panes fiant: quoniam mutatio qualitatum, locorum, & similitum est accidentalis, mutatio autem lapidum in formam panum comestibilium est substantialis. Concordat Cardinalis Toletus in Joan. cap. 3. notabil. 2. *Neverat Demon hanc doctrinam, qui miraculum unum, & non admodum magnum sufficiens sibi existimavit, ut enim esse Filium Dei cognosceret, si tamen in hujus rei probationem esset factum, Matthæi 4. Si Filius Dei es, dic, ut lapides isti panes fiant, certus futurus, si ederetur tale miraculum, Divina virtute factum iri; Demon enim omnino certus erat, sua virtute id fieri non potuisse. Per excessum vero naturæ tantum visibilis & corporeæ, si uno velut instanti, & occulte, & celerime e corporibus febricitantium, & eorum venis per motum localem peccans materia subtrahatur, & canaliculi, per quos spiritus animales ad motum membrorum necessarii debent decurrere, uno velut momento a crassioribus ac viscosis, quibus obstructi erant, corpusculis liberentur; si hinc atque illinc per aerem ignis particulæ, etiam de longinquo, advectæ, & summa celeritate in unum collectæ vi magna in terras dejiciantur, si post invisibilem subtractionem, & in alium locum translationem unius substantiæ, substantia alia invisibili item modo aliunde deportata substituat: hæc omnia quippe vires naturales Angeli excedere non videntur. Quocirca, si in judicio Beatificationis & Canonizationis miracula tantum supra vires cujuscumque naturæ creatæ admitti debent, ab eo excludenda erunt quæ supra recensuimus, & illis similia, cum scire non possimus, utrum uno, an alio modo acciderint; & tantum locus erit miraculis penetrationis corporum, multiplicationis ipsorum, revelationis secretorum cordium humanorum, prædictionis futurorum eventuum ab humana libertate pendentium, & suscitationis mortuorum; fere autem nullæ sanationes a morbis poterunt in judicio Canonizationis admitti tam**

quam miracula. Utcunque enim sit, utrum Angeli vim habeant movendi corpora a loco, re ipsa ab intellectu & voluntate distinctam, an intelligendo actu mobile, locum a quo, locum ad quem, & spatium, & deinde voluntatis imperium adhibendo, ut tale corpus a tali loco ad talem locum per tale spatium, tali motu, & tali tempore feratur, corpora moveant: hoc unum certum est, quamvis momento corpora movere non possint, quia motus localis momentaneus corporibus repugnat, eos posse tamen magna & mira celeritate, & quasi tempore incomprehensibili corpora movere; quod satis est pro morali, ut vocant, *instantaneitate*, quæ ex infra dicendis sufficit in sanationibus prodigiis, quæ in iudicio Canonizationis admittuntur, quamvis in eis desit *instantaneitas* mathematica, ut infra videbitur.

8 Dices, hanc urgere difficultatem, etiam loquendo de miraculis Christi, de conversione videlicet aquæ in vinum in nuptiis Canæ Galilææ, & de multiplicatione panis & piscium. At respondetur, id nullatenus subistere, cum Christus miracula faceret, ut Judæis suaderet, se esse Dei Filium, juxta illud *Joan. 5. 36. : Opera, quæ dedi mibi Pater ut faciam, ipsa testimonium perhibent de me.* A miraculis ergo Sanctorum fieri non potest illatio ad miracula Christi, uti recte monet Scacchus *de not. & sign. sanctit. sect. 8. cap. 1. §. Ut autem.* Cumque ejus Divinitas sufficienter ex miraculis demonstrata sit, uti late probat D. Thomas *3. part. quest. 43. art. 4.* hinc recte inferri potest, recentia miracula facta fuisse virtute Divina excedente quascumque vires cujuscumque naturæ creatæ. Additur, ab eo edita fuisse alia miracula, quæ oculis etiam hominum vires excedebant totius naturæ creatæ, puta penetrationes cordium, mortuorum suscitationes, sui ipsius suscitationem, & tot alia, quæ evidentiam apud intuentes sibi conciliabant, & apud audientes fidem tam certam, ut in dubium revocari non possent. juxta ea quæ plene explicantur apud Suarez in *3. par. D. Thoma tom. 1. quest. 13. disput. 31. sect. 2.* Itaque sicuti ab eo miracula facta sunt, quæ excedebant vires totius naturæ creatæ, ita dicendum est, quæ fieri potuerunt tam uno, quam alio modo, ab eo facta fuisse modo sublimiori, non tantum excedente virtutem naturæ visibilis & corporeæ, sed etiam invisibilis & incorporeæ; quod utique rei nostræ applicari non potest, in qua ut plurimum agitur de solis miraculis, quæ vel uno, vel altero modo fieri potuerunt: quare optime Horantius *de locis Catholicis sacre Scriptura, & antiquorum Patrum lib. 4. cap. 2.* post enarrata Christi miracula ait: *Omnes generis acta sunt a Christo prodigia; & si cui unum illorum (ut sunt hominum mentes diversissima) vel suspectum esset, vel non plane satisfaceret, addita sunt tam multa & varia, ut omnis jam dubitandi materia & occasio sublata sit.*

9 Arauxo in *decis. moralib. loc. cit. tract. 3. quest. 23. §. 5.* postquam cum communi Theologorum, & Canonistarum doctrina triplicem præmisit gradum miraculorum, de quo supra etiam actum est (ut primus videlicet gradus, seu classis sit eorum, quæ superant totius naturæ facultatem ex parte rei factæ, cujusmodi sunt Incarnatio Divini Verbi, Unio hypostatica, Vir-

ginis

ginis Partus, & productio substantiæ supernaturalis, si possibilis esset: secundus gradus, seu secunda classis sit eorum, quæ, licet ex parte rei factæ non excedant facultatem naturæ, tamen illam excedunt ex parte actionis, per quam fiunt, uti sunt mortui suscitatio, & cæci illuminatio; licet enim vita mortuo, & facultas videndi cæco restitutæ, sint ejusdem naturæ & rationis atque illa, quam agens naturale dare potest, actio tamen ipsa recuperandæ vitæ, ac visus recipiendi excedit totius naturæ facultatem, cum a privatione ad habitum non detur regressus per naturam: tertius demum gradus, seu tertia classis sit eorum, quæ sunt supra facultatem naturæ tantum ex parte modi, cujus generis est sanitas, ægro subito restituta, aut sine ulla medicaminum applicatione) subjicit, præter hæc, quæ vocat classica miracula, alia quædam prodigiosa opera, & beneficia inveniri, quæ vulgus hominum miracula vocat, quod humanam industriad & facultatem excedant. In hanc classem Arauxo rejicit Dæmonum expulsionem a corporibus obsessis, odorem suavissimum, quem corpus in sepulcro jaces emittit, serenitatem tempestatum in mari, sanationem infirmorum simul cum apparitione ejusdem personæ, quæ ab infirmis invocatur, longum jejuniun per menses continuatum absque cibo & potu, conversionem ad meliorem frugem eorum, qui peccatis sunt irretiti, ad contactum Reliquiarum: & non solum quia in his omnibus contingere potest deceptio, sed etiam quia non excedunt vires & naturales facultates Angeli boni, vel mali, contendit, nullam eorum habendam esse rationem in judicio Beatificationis & Canonizationis, in quo tantum, inquit, agendum de primis tribus generibus, seu classibus miraculorum, quæ vult esse probata testibus aptis, & patrata post mortem Servi Dei, aut ad ejus invocationem, vel per ejus preces, & potissimum in testimonium virtutis ipsius.

10 Multa in hac Arauxi doctrina continentur. De aliquibus infra agetur: de nonnullis autem hic agendum est. Infra agetur de expulsionem Dæmonum a corporibus obsessis, de odore, quem corpora in sepulcro jacentia emittunt, de serenitate tempestatum, de sanationibus infirmorum cum apparitionibus personarum invocatarum, de longis jejuniis; & sedulo examinabitur, in quibus circumstantiis prædicta omnia aut rejicienda sint, aut admittenda tanquam vera miracula. Nec enim quod aliquando ex hominum malitia, vel ignorantia aliquis error, aut aliqua deceptio in ea facta irrepperit, statim concludi debet, ea omnia esse rejicienda; quemadmodum optime argumentatur Horantius *cir. oper. lib. 4. cap. 9. Num omnia miracula omni ætate edita in universum damnabimus, quod a turpissimis nonnullis hominibus turpis lucri causa aliquot adulterina immista sunt? Num vera prodigia, quæ Sancti magna certitudine narrant, quorum tota communitas Fidelium testis est, omnino ab Ecclesia exulabunt, quod fucata quadam & adumbrata miracula specie verorum, & sub eorum imagine multos deceperunt? Si sic est Calvinæ, pereant Scripturæ Divinæ necesse est, quod eis pro Catholicis peregrinas ac profanas nonnulli admiscere tentarunt. Irrepperunt absque dubio errores, & deceptiones etiam quoad*

quoad tres gradus, seu classes miraculorum, quas Arauxo dicit admittendas: quapropter sicuti errorem & deceptionem quoad eas opponenti responderet Arauxo, non omnia miracula ad prædictas classes pertinentia rejici debere, sed discernendum esse casum a casu, qualitates & circumstantias esse ponderandas, ut hoc rejiciatur, & illud admittatur; ita oportet, ut ipse sibi opponenti errorem & deceptionem in expulsiōe Dæmonum a corporibus obsessis, in odore, in serenitate tempestatum, & aliis ab eo relatis responderi patiatur, non ea semper esse rejicienda, sed sedulum criterium esse instituendum, ut de qualitatibus & circumstantiis videatur, quarum ope admittenda admittantur, & rejicienda rejiciantur. Adde, quod, positis debitis circumstantiis, expulsiōes Dæmonum a corporibus obsessis, serenitates tempestatum, longa jejunia referri possunt & debent ad unam ex primis tribus classibus, seu gradibus miraculorum: quapropter, si primos tres gradus Arauxo admittit, admittere quoque debet quartam classē miraculorum, de qua ipse loquitur, & quam censet rejiciendam. De his autem alibi. Nunc vero stricte videndum est, an a judicio Beatificationis & Canonizationis ea arcenda sint, uti contendit Arauxo, quæ possunt fieri etiam ab Angelo bono sua naturali facultate, quod est idem ac dicere, an in judicio Beatificationis & Canonizationis admittenda sint tantum miracula stricte sumpta, & rejicienda sint miracula large accepta. Dictum est autem, an arcenda sint, quæ possunt fieri etiam ab Angelo bono sua naturali facultate, cum ex supra dictis virtutum heroicarum approbatio, seu martyrii Angeli mali operam excludat; & absconum sit putare, Deum Opt. Max. inhibitam Dæmoni facultatem relaxare, dum agitur de re, ex qua judicium pendet veræ sanctitatis.

11 Ad supradictum ergo punctum difficultate redacta, Arauxi assertio non videtur admittenda, argumento ducto a *priori* & a *posteriori*. A *posteriori* quidem, quia pleraque in sacra Scriptura facta videmus non excedentia vim & facultatem Angeli boni, quæ tamen inter miracula recensentur; & quia in judicio Beatificationis & Canonizationis passim admissa sunt miracula tertii generis, & quæ non excedunt vires naturales Angeli, licet excedant vires naturales naturæ visibilis; idque non modo loquendo de Beatificationibus & Canonizationibus factis a Romano Pontifice extra Concilium, sed etiam de Canonizationibus ab eo factis in generali Concilio. Consuetudo autem, & Ecclesiæ disciplina argumentum a *posteriori* suppeditat, quod maximopere favet assumptioni.

12 Succedit argumentum a *priori*: etenim, si testimonium Angeli boni de sanctitate alicujus hominis est firmissimum & certissimum (Angelus enim bonus, licet ex sua natura non sit impeccabilis, ob confirmationem tamen in Gratia, & qua ratione Beatus est, sive ab *extrinseco*, ut vult Scotus, sive ab *intrinseco*, ut docet D. Thomas, peccare non potest; at peccaret, si, testando de sanctitate alicujus hominis, non haberet certam ejus & evidentem notitiam) & si idem Angelus bonus aliquod insolitum, & ultra con-

consuetum ordinem naturæ visibilis faciens ad honorem alicujus Servi Dei, cujus virtutes jam sunt approbatæ, vel qui decessit cum vera sanctitatis fama, approbat & confirmat aut judicium latum de virtutibus, aut famam quæ increbuit sanctitatis, nemo est qui non videat, hujusmodi operationes esse in judicio Beatificationis & Canonizationis admittendas; cum in eo miracula requirantur & examinentur, ut certum de sanctitate ejus, de quo quæritur, testimonium habeatur. Rursus natura Angelica dignior est & sublimior, atque altioris ordinis, ac humanæ supereminet; nec in servitio, obsequio, & cultu hominum inferioris gradus & dignitatis occupatur, nisi ex imperio Dei. Et quamvis Angeli boni multa præstent hominibus beneficia, cum tamen hic ordo in hujusmodi beneficiis præstandis jam sit constitutus, nec variari aut immutari debeat vel possit, nisi Deus, qui illum condidit, aliter disponat, hinc fit, ut quando variatur per operationes extraordinarias, variatio haberi non possit, nisi a Deo laxante leges & ordinem a se inter homines & Angelos decretum & constitutum: cumque operationes prædictæ extraordinariæ sint arduæ, difficiles, insolitæ, & præter ordinarias providentiæ Divinæ leges, & a Deo procedant tanquam causa principali, & ab Angelis tanquam Spiritibus ministratoriis; omnia hæc ostendunt, eas operationes, licet in se, & in abstracto, ut loquuntur, naturales vires & facultatem Angeli non excederent, in concreto tamen admittendas esse in judicio Beatificationis & Canonizationis; quemadmodum, his aliisque rationibus allatis, late prosequitur Philippus Maria a Sancto Paulo Carmelita Discalceatus olim Consultor Congregationis sacrorum rituum de sacris apparitionibus cap. 2. §. 2. adnotavitque Matthæucci in præf. Theologico-Canon. ad caus. Beatificat. & Canonizat. tit. 3. cap. 3. in additamento a num. 33. ad num. 40. & doctè explicant Rotæ Auditores in relatione causæ S. Francisci Xaverii in 3. part. de miraculis §. 4. agentes de elevatione prædicti Sancti amplius cubito a terra, dum Missam celebrabat: *Dum Xaverius Jrcanapazano in Portu Ora Coromandillis, & aliis etiam in locis India Orientalis Missa sacrificium celebraret, visus est ab universo populo, qui aderat Missa, amplius cubito sustineri Divina vi sublimis a terra: quam rem omnes habuerunt pro miraculo, & dono particulari Xaverio concesso, & eum deinceps ut virum sanctum venerati sunt, credideruntque fama, quæ de illius sanctitate & miraculis vulgabat. Factum istud probatur ex depositione Emmanuelis Fernandez testis remissorialis Coccinensis, qui deponit de visu & certa scientia, & ex depositione testium remissorialium Coccinensium deponentium de auditu ab his, qui præsentibus fuerunt, & de publica voce & fama. Quæ probatio judicata est sufficiens per Glossam, & reliquos in primo miraculo allegatos, præsertim quod accedunt depositiones aliorum quatuor testium remissorialium ejusdem processu deponentium de auditu ab his, qui viderunt. Hoc factum fuisse miraculosum, & Divino miraculo tribuendum, probatur evidenter rationibus theologicis & philosophicis. Nam quod sit a Deo præter ordinem naturalem, est miraculum, ut docet Sanctus Thomas 1. part. quæst. 101. art. 7. in fine corporis, & part. 2. quæst. 113. art.*

10. in corpore : predicta autem elevatio facta fuit a Deo præter ordinem naturæ : ergo est miraculosa . Quod facta sit a Deo , probatur manifeste ; nam debuit fieri vel a Deo , vel ab Angelis bonis , aut malis , vel ab ipsa anima eleuante corpus , vel ab ipso corpore eleuante se ipsum . Non potuit autem fieri a corpore virtute sua naturali , quia , cum in illo predominetur terra & aqua , necessario , dum sumus in hac vita , est valde grave , & fertur sub aerem ; unde talis elevatio est contra naturam , & inclinationem corporis , ut notat Sanctus Thomas 3. part. quest. 57. art. 3. ad secundum , de Ascensione Christi . Nec ab anima virtute propria eleuari potuit corpus illud , quia alioquin non fuisset recurrendum ad virtutem Diuinam in Ascensione Christi , quod Patres & Doctores faciunt , si hoc naturaliter competeret animæ : & omnes experimur , quod anima non potest mouere corpus , nisi mouendo unam partem per aliam , ita ut una pars immota semper innitatur alicui solido , & illa sustentet reliquum corpus ; quod in tali elevatione esse non potuit , quia totum erat in aere . Neque fieri potuit ab Angelis malis ; nam , etsi habeant virtutem , quæ possent eleuare & sustentare tale corpus in aere , tamen ex circumstantiis aperte constat , quod non potuerint se immiscere huic facto . Nam sanctitas persone non patitur suspensionem ullam conventionis tacite , vel expressæ cum Demone , neque potest esse suspicio , quod Diabolus hoc voluerit facere ad illudendum Xaverium , aut alium siue similem , non solum propter circumstantiam loci & temporis , sed multo magis , quia hæc illusio celsisset in destructionem regni ejus ; reddi enim illum venerabilem apud eos , quorum salutem procurabat : quo argumento utitur Dominus , ut probet , se non in Beelzebub Principe Demoniorum ejicere Demoniam , quia alioquin Diabolus cooperatus fuisset in destructionem regni sui , conciliando fidem persone & predicationi ejus . Angeli autem boni potuerunt quidem viribus naturalibus hoc facere non minus , quam Demones , sed illi non se immiscuerunt rebus humanis & visibilibus extra ordinem naturæ , nisi specialiter mittantur a Deo ; & propterea ea , quæ faciunt præter ordinem naturæ rerum visibilibus , sunt miraculosa , & pro miraculis semper sunt habita , quia illa Deus facit per illos , tanquam per ministros suos . Ita nemini dubium est , quin apparitio & cantus Angelorum in nocte Natalis Domini potuerint ab eis fieri viribus naturæ suæ ; similiter translatio Habbacuc a Iudæa in Babylonem , & rursus a Babylone in Iudæam : & tamen sine controversia habentur pro miraculis , quia facta sunt ab Angelis bonis de mandato & commissione Dei præter ordinem naturæ rerum visibilibus . Quocirca etiam Sanctus Thomas 2. 2. quest. 175. art. 1. in corpore distinguens causas raptus , siue ecstasis , tres causas ponit , unam corporalem , secundam virtutem Demonum , tertiam virtutem Diuinam , prout scilicet aliquis Diuino Spiritu eleuatur ad supernaturalia : ubi manifeste confundit raptum , qui fit virtute boni Angeli , cum eo , qui fit virtute Diuina , quia nimirum bonus Angelus nequaquam utitur virtute sua ad faciendum raptum in anima , nisi instinctu Diuino . Nam si Deus immediate per se ipsum eum operatus est , cum sit effectus præter ordinem naturalem a Deo factus , sine dubio miraculum est : si autem eum fecit per Angelos bonos , hoc quoque miraculum erit , quia præter ordinem naturalium rerum usus est instrumentis ad faciendum hunc effectum . Et ideo videmus , quod similes effectus , qui potuerunt immediate fieri

feri virtute Angelî naturaliser, quando non est suspicio, quod immiscueris se malus Angelus, semper in Ecclesia habiti sunt pro miraculis, non quarendo, utrum mediate per Angelos, an immediate facti sint a Deo; ut constet de ambulatione Sancti Petri, & Sancti Mauri super aquas, de qua Sanctus Gregorius lib. 2. dialogorum in vita Sancti Benedicti: Res nova (inquit) & post Petrum inaudita, pedibus super aquas incedens &c. & similiter tamquam celebre miraculum Sancti Francisci de Paula refertur in Breviario, quod a nautis rejectus, strato super fluctibus pallio, cum socio transmisit: que sine dubio, naturali virtute, ab Angelis fieri potuerunt. Eadem ratione, quod ab Elia, & Eliseo Jordanis pallii percussione sic apertus, ut transire possent, tamquam miracula narrantur in Scripturis: que per manus Angelî fieri potuerunt, & fortasse facta sunt. Ex quibus omnibus concluditur, hoc fuisse verum Servi Dei miraculum, sicut etiam censuerunt tres Doctores Theologi, & Philosophi, quibus, ut peritis, in hac materia credendum est. Adhæret Suarez in 3. part. D. Thoma tom. 1. disput. 31. sect. 9. §. Sed hac verba, ubi lignanter ait, loquendo de Deo utente naturali virtute creature in patratione miraculi: 'Nulla alia limitatio, vel determinatio Divina virtutis ad hoc est necessaria, nisi quod nolit agere se sola, sed per creaturam, id, quod per se solam agere posset. Et in hoc solus se accommodat creature, quam assumit ut instrumentum, nimirum quod non vult actionem fieri sine illa, nec nisi dependenter ab illa.

CAPUT VII.

In quo dicta in capitulis præcedentibus confirmantur doctorum virorum scriptis a Galliis ad nos delatis.

Nonnulla in Galliis Scripta prodierunt theologica eruditione plena, in quibus agitur de miraculis occasione cujusdam controversiæ, de qua obiter aliquid in hoc eodem capite innotuet. Operæ itaque pretium esse censemus in hoc capite inferere, quæ in dictis Scriptis continentur, quorum ope confirmantur, quæ a Nobis in antecedentibus capitulis dicta sunt.

2 Diximus, de ratione miraculi esse, ut sit aliquid arduum, insolitum, admirandum, excedens vires naturæ; nec Dei-immutabilitati repugnare, si aliquando aliquid agat contra, vel præter, aut supra naturam.

3 Fulsit hoc ipsum traditur a Theologo Gallo in quodam discursu super miraculis, cujus verba ex Gallico in Latinum idioma convertimus.

4 Quæcumque sensibus nostris obijcit stupenda hæc rerum universitas, omnipotentis Dei sapientia tot miracula totque portenta dici possunt. Sidera jam a tot faculis, servatis jugiter legibus a Creatore constitutis, cursum suum perscipientia, planta & arbores singulis se annis in folia, flores, & fructus induentia, diversorum animalium diversa structura & instinctus, quæ speciem suam perpetuant, tumenes maris fluctus sibi positos a Deo terminos reverentes nomine eisdem miracula sunt, licet illa, utpote communia, mirari desinamus? Ita sane. Verum

intra natura limites sistunt; naturaliter quippe procedunt tamquam effectus ex universalis illo ordine, quem in natura Creator instituit; hinc proprie miracula non sunt; vox enim illa, prout significat, causa naturalis effectui, quantumvis mirifico, minime convenire potest. Igitur miraculum proprie dictum eventus est, & effectus contra leges natura productus, & a virtute creaturarum vires superante. Est opus peculiare omnipotentia Dei, leges a se libere statutas, cum ei libuerit incurrentis. Sic Iosue, faviente pugna, Soli precipit stare, & Sol stat. Sic Christus Lazaro mortuo & quadriduano imperat e monumento venire foras, & confectum Lazarus a sinu mortis vivus egreditur. Nemo est rationis compos, qui in his eventibus miraculum non agnoscat, cum lumine naturali pateat, illos communibus natura legibus omnino repugnare, quas solus Deus cobibere potest & impedire. Quis vero reconditas abstrusasque natura leges tam probe novit, ut hoc illudve factum istis adversari legibus, atque adeo prodigiosum esse, certo definiat? Ad hoc definiendum, rationem consulere sufficit. Evidentia lux est: omnibus perspicuum se prabet. Non desunt eventus, in quibus tam clare omnipotentia Divina elucet, ut nullum erroris locum relinquere videantur. Nemo rationem consulens in controversiam vertet, miracula hac sunt, an non, si cecus in instanti lucem videas, & mortuus ad vitam revocetur: utrumque enim natura vires excedere, si ratio consulatur, compertum est. Cum omnes homines sapientia & intelligentia conspiciunt, aliquem eventum supernaturalem esse, communi quadam conspiratione judicaverint, pro certo arbitreris, illas in hoc iudicio non hallucinari: talis quippe consensus a praecipitationibus & infitis opinionibus in singulis hominibus ita diversis oriri non potest, sed a sola ratione, qua omnibus communis est. Cum scio, viros omnes doctos & sapientes in eo convenire, quod ex. gr. resurrectio mortui miraculi plenum opus sit sola Divina virtute possibile, mihi quoque compertum fu. Quod si etiam cupias, natura viribus, aut arte magica id fieri posse, Deus utique non finet, illum eventum in hisce contingere circumstantiis, in quibus erroris argumentum & probatio foret: secus, ipse nos falleret, & merito dicere possemus Domine, si decipimur, a te decipimur. Hoc principium sufficit ad demonstrandam veritatem miraculorum, quae ad religionem stabiliendam considerunt. Reperitur in aliquibus eventibus talis circumstantiarum concursus, qui nullam in animis de miraculi veritate dubitationem relinquit. Ex. gr. video egrotum insanabili morbo laborantem, nec ullum humanum adhibentem remedium. Orat, & subito perfecta sanitati restituitur. Tales circumstantiae veritatis miraculi me convincunt. Insanabilis quippe morbi perfectam sanationem non nisi miraculum esse, sapientes cuncti fatobuntur. At (inquiunt illi) qui se fortes animo jactitant, unde scitis, in rerum natura non adesse quosdam extraordinarios effectus legum generalium virtute, raro quidem, verum indubitate procreandos, adeo ut, qui creduntur hac edere miracula, nihil aliud praestent, quam causarum naturalium complexione perspicacius tempus, quo futuri sunt illi effectus, providere? Sane deductum ex miraculis argumentum incredulos acerrime torquere censendum est, qui ad illud declinandum tam absurdas ineptasque suppositiones non verentur adhibere. Quidni Lazarus a mortuis suscitatus fuisset, quantumvis, e monumento surgere, Chri-

Christus ipse non imperasset? Cæcus a nativitate sua fuisset eo instanti illuminatus, quo videre petiit, etiam si nec visum petiisset, nec impetrasset? Nec in hisce stupendis eventibus Christus aliam partem habuit, quam instant, quo, prout nature leges exposcunt, eventuri erant cognoscere? Quidni Apostoli, qui tot edidere miracula, rudes illi & imperiti homines id cognovere, quod præstantiores Philosophi latuit, & adeo ipsis explorata fuerunt occultiora natura, ut ipsi tum effectus illos præciperent, cum nossent ab ea sponte edendos? Hominesque sunt, qui tali modo ratiocinantur? Impii sunt, quos, ne miracula credant, tot absurda non pudet excogitare. Horum sententia veras immutabilitas Dei, ne aliquando leges olim ab ipso statuta invertantur. Iis si credimus, quacumque, tametsi levis, auctio vel diminutio motus in natura totam universitatem labefactabit. Tum vero Deum suis legibus parere coactum simulant, juxta Philosophi Gentilis effatio, Semel jussit, semper paret; quod dictum in sua sententia patrocinium adducere non erubescunt. Verum quid aliud esset talis Deus præter falsum Gentilium deorum, & hominum Dominum? Effet, si placet, Stoicorum Deus, non Christianorum Deus liberrimus & omnipotens. Dum in hujus universi conservationem & ordinem leges generales condidit, in bonitate sua titulos se reperiturum prævidit, ob quos servorum suorum insuitu cursum earum interdum aut suspenderet, aut immutaret, & in sua sapientia modos, quibus ea vitaret incommoda, quæ ex ea opinione vel immutatione derivarentur.

5 Diximus, miraculorum donum non fuisse restrictum ad tempora Apostolorum, sed post ea permanisse, & adhuc permanere in Ecclesia; Hæreticos in sui erroris probationem sæpe tentasse edere miracula, nunquam tamen eos vera miracula edere potuisse.

6 Fuit hoc sapienter & pie insinuatum in *Editio* Archiepiscopi Parisiensis, in quo condemnat tria volumina, in quibus vita cujusdam Diaconi Parisii, de quo infra, describitur; & in alio ejusdem *Editio* edito occasione assertorum miraculorum, quæ patrata dicebantur ad ejus tumulum; necnon in *Admonitionibus* Episcopi Massiliensis ad Clerum Sæcularem & Regularem, & reliquum suæ diocesis populum: quod ipsum latius prosecutus est Theologus in *discursu* edito super miraculis.

7 Si perrara forent adeo miracula, ut singulis sæculis unum duntaxat contineret, invenire posset incredulus, quomodo nonnulla facta singularia falsi argueret: at tanta factorum copia multitudineque premitur, ut ad cuncta perneganda non modo totum auctoritati pondus demere, sed & animi sensum omnem & rationem exuere necesse sit. Ast, quod impio dolorem atque confusionem parit, in gloriam vertitur & consolationem hominis Fidelis, qui Ecclesiam & ab ipsis exordii jugiter miraculis videt coruscare. Hoc donum miraculorum veritatis nostra religionis constans est argumentum. Est illud donum majestatis Divina veluti radii, & derivatio quadam ejus omnipotentia, cujus jam in hac vita Fideles suos quandoque facit participes: quod jam promissit Salvator hæc locutus Joannis 14. 12. Amen, amen dico vobis, qui credit in me, opera, quæ ego facio, & ipse faciet, & majora horum faciet: quæ promissio maximum ac perspicuum

100 DE SERVORUM DEI BEATIFICATIONE

statim in Apostolis eventum habuit; ipsorum namque miracula mundi conversionem operata sunt. & mundi conversio vicissim eorundem miracula comprobavit. Sicut enim toties post Droum Augustinum repetitum est, credere mundum sine miraculis convertum, hoc ipsum est miraculum ceteris, qua negarentur, incredibilis admittere. Porro donum illud miraculorum cum Apostolis non desit: illud simul cum missione sua suis transfundere successoribus. De eo tanquam dono communi, labente secundo saculo, Sanctus Irenaeus loquitur lib. 2. c. 56. editionis antiqua, & 32. nova editionis Veneta. Quod de saculo suo Sanctus testatur Irenaeus, idem reliqui Sancti Doctores de suo pariter asserunt. Cujus quidem rei indubitatum habes argumentum in Actis plurimorum illustrium Martyrum, qui tertio, quartoque saculo Martyrii palmam adepti sunt. Sancti Cyprianus, Hilarinus, Hieronymus, Ambrosius, Augustinus miracula, qua ad memorias sanctorum Martyrum suis oculis fiebant, eloquenter diserteque descripsere. Prosequentibus saculis omnium Historicorum testimonium habemus. Totam illorum seriem possem hic in medium asserre: at satis est, si animadvertam, miracula, qua ad monumenta Sanctorum Martini, Hilarii, Remigii, Germani, plurimorumque aliorum Ecclesia Gallicana Sanctorum fiebant, omnibus adeo nota, compertaque fuisse, ut illa Sanctus Niceus Treverensis tanquam firmissimam Catholicae Fidei probationem Albino Longobardorum Regi proposuerit. En quomodo sanctus ille Praeful de illis ad Chlothsivindam Principem Galliam memorato Regi Ariano matrimonio conjunctam scripserit, uti habetur tom. 1. Conciliorum Gallia pag. 312. Rex Alboinus (inquit) si jubet, ad Dominum Martinum per festivitatem suam, quam undecima die facit November, mittat, ubi caecos illuminari conspiciamus, ubi surdos auditum, & mutos sanitatem recipere: nam quid dicam de leprosis, aut de aliis quamplurimis, qui quantacumque debilitate percussi sunt, ibidem per singulos alii, & alii sanantur? Quid dicam de Domino Germano (Anriscodrensi), Hilario (Pictaviensi), vel Lupo (Trecensi) Episcopis, ubi tanta mirabilia hodie apparent, quantum nec dicere verbis valeo? Numquid in ecclesiis eorum (scilicet Arianorum) sic faciunt? Quid de Domino Remigio, & Domino Menardo Episcopis, quos tu, credo, vidisti? Non possumus tanta exponere, quanta mirabilia per illos Deum videmus facere. Quod ad posteriora sacula attinet, erunt, qui Sanctorum Bernardi, Vincentii Ferrerii, Francisci Xaverii coaevanda primorum saculorum prodigiis miracula in controversiam revocet? At, ut longiorem enumerationem praetercam; ad demonstrandam domini miraculorum in Ecclesia perpetuitatem, satis est brevis haec animadvertio. Nullum praeteritum saculum, in quo aliquem Sanctum Ecclesia non canonizet: neminem vero tali honore afficit, nisi prius de quibusdam miraculis ejus intercessione editis palam, & summa fide conspiceris. Miracula splendidissimum sicut testimonium, quod Deus omnibus tribuit, fidei & sanctitatis illorum, quorum meritis & intercessione illa operatur. Sunt veluti sigillum veritatum, quas crediderunt & exercuerunt. Facile namque quisquis intelligit, doctrinam, calce comprobata auctoritate, non nisi puram, non nisi sanam esse doctrinam. Haec,

ut

ut vidimus, naturalem dicam, conclusionem ex miraculis in Ecclesia Catholica editis inferebat Sanctus Nicerius. Hanc pariter Theodemirus Sutorum, & Reccardus Gothorum Reges intulere, quorum conversioni maximum incitamentum fuitere miracula. Theodemirus, quem Gregorius Turonensis lib. 1. de mirac. Sancti Martini cap. 11. Chararicum nominat, filio graviter aegrotante, Praefules Arianos de Sancti Martini Turonensis miraculis differentes audit, qui & ipsi auctores erant, ut ad sanctissimum virum oblati mitteret, si filii sanitatem velles impetrare. Tunc Rex quaevisit, quam professus fuisset religionem Martinus ille, cujus miraculorum fama tam longe lateque diffundebatur. Ipsi respondere coacti sunt, Catholicum illum fuisse, necum Patris, Filii, & Spiritus Sancti consubstantialitatem credidisse palamque docuisse. Rex inde conclusit, hanc esse veram Fidem, cujus nimirum defensores adeo gratos & acceptos Deus habebat: sanatoque filio, a peruersis Arianorum opinionibus ipse & populus ejus discesserunt. Hanc ob rationem Reccardus Rex Visigothorum Hispania Fidem Catholicam amplexus est, uti refert Gregorius Turonensis lib. 9. cap. 15. Hic Princeps, cujus salutem Sancti fratris Hermenegildi Martyris sanguis efflagitabat, cum errorem suum palam ejurare firmiter decrevisset, coactis Secta sua Episcopis aperte significavit, se ad id maxime permotum fuisse dono miraculorum, quo jugiter Ecclesia Catholica fulgebant, dum nullum prorsus apud Arianos miraculum fieri conspiceret. Omnium faculorum Haeretici vim istius probationis agnoverunt, quae sicut Ecclesiam Catholicam gloria cumulat, ita Sectis ab illa divisis quam maximam turrit infamiam. Ad hanc occultandam quam plurima miracula divulgare, & cum fraude fingere curarunt. Demones in auxilium suum advocare, qui pravis istis hominibus dominatum suum propagari cernentes, ut minus cauti illuderent, omnes, quas potuerunt, fallacias & dolos adhibuere. Testatur Irenaeus primus Haeticos Simonis Magi Carpocratique Sectarios commentendis, quae a Discipulis Salvatoris edebantur, miraculis operam studiumque navasse. Nec ipsimet Donatistae, furentes homines, & sanguine pleni, faciendorum miraculorum cupiditate caruerunt, qui plebem innumeram levi negotio illudendam suis prestigiis in suum errorem inducere. Sanctus Augustinus tract. 13. in Joannem in improbam hanc agendi rationem in concionibus, tum in scriptis vehementer invehi coactus est. Nemo (inquit) vobis fabulas vendat. Et Pontius fecit miraculum; & Donatus oravit; & respondit ei Deus de caelo. Aut falluntur, aut fallunt. Sic cum sancto Doctore refellendi sunt Sectarii, ementita miracula in erroris sui patrocinium jugiter jactitantes. Si fallere non intendunt qui illa publicant, certo falluntur. Ariani versutissimi haetici dolum omnem & machinam commoliti sunt, ut ex miraculis existimationem sibi conciliarent. Unum afferatur exemplum, ex quo pateat, quo tandem deveniat fraudulentus Haeticorum animus. Narrat Gregorius Turonensis lib. de glor. Conf. cap. 13. quod Leovigildus Visigothorum Arianorum Rex cum forte cuidam ex suis Episcopis dixisset: Cur & vos miracula non facitis, uti faciunt qui se Catholicos profiteantur? Episcopus, ut communi fama confuleret, respondit, se jam multa fecisse, atque faciendis aliis paratum esse. Promisso stare volens, mendicium Arianum advocavit, & paucis pecunia

nam.

nummorum aureorum quadraginta, ut eacum se simularet, adduxit. Deinde præcepit, ut in loco, per quem cum Rege transiurus erat, se collocaret. Parvis infelix homo, cernensque Præsulem in comitatu Regis, antequam propior fieret, quæ poterat voce exclamabat, vehementer rogans, ut visum sibi restituere dignaretur. Episcopus de miraculo, quod tanti emerat, minime dubius, magnifica & gloriosa ostentatione manus ei imposuit, dicens: Fiat tibi secundum fidem meam. Sed illico in ge diversum, repentinum, ac minime provisum Deus miraculum operatus est: cæcus namque effectus est qui se eacum fingebat, acerbissimisque doloribus cruciatus ad detegendam fallaciam compulsus fuit. Ceterum factum istud adeo manifestum & omnibus compertum fuit, ut illud Reccaredus Leovigildi filius & successor in Episcoporum Arianorum exitu conversionis suæ præcipuum motu in id reuoluit. Nimirum peculiaris error est, tam iniquis ac nefandis fraudibus veluti præsidio se munire. Id vero sapientem quemlibet movere potest, ut Sectam huiusmodi nequitia consciam abominetur. Affine quid de Cirila Africano Ariano Episcopo narratur. Fidem omnem exsuperant fallaciarum deceptionumque numerus & multitudo, quas molitur ardens factionum studium. Insanem Priscillianum, & furiosum Dioscorum, tamquam Sanctos, illorum confectatores post mortem venerati sunt, & ipsi attribuerent miracula non sunt veri. Hic Iohannem Hus, generalis Concilii sententia damnatum, paribus honoribus affecerunt. Ecclesia damnationes videntur discipulos Hæreticorum enixius movere, ut magistros colant. Præclara veritatis huius omnium temporum hæreses suppeditant argumenta. Neminem latens fraudes ac doli mali, quibus suarum partium pertinacissimis fautoribus gloriam sanctitatis adscribere conati sunt Hæretici. Miraculum eventus est, & effectus contra leges communes naturæ productus, quas cum solus Deus immutare possit, solus etiam Deus miraculorum auctor dicendus est. Porro Deus sibi meti adversari nequit, fidelis permanet, se ipsum negare non potest, uti habetur 2. ad Thimoth. 2. 13. Nequit igitur Sectam, & hæresim, quam infallibili Ecclesie iudicio jam damnavisset, miraculo comprobare. Brevis illa, sed invictissima ratio, quidquid in suorum miraculorum confirmationem afferunt Hæretici, copiosissime diluit ac refellit. Quoties igitur miraculum in hæreseos favorem perpetratum narratur, omnis Catholicus illico, remota quacunque dubitatione, miraculum illud falsum debet asserere. Fides argumentum subministrat: cum enim vox Ecclesia, quæ præscripti errorem, sit ipsa vox Dei, nequit Deus hunc errorem, qui sibi meti ipse obstitet, miraculo comprobare. Cave vero, ne tam perverſe de Deo summe veraci sentias. Possunt quidem Hæretici prestigiis incautos decipere; possunt eminentis miraculis, aut temere vulgaris plebem ignaram credulamque pervertere. Nihil eorum malitia magis consentaneum. At vera miracula patrare soli Deo convenit, & suis Fidelibus, quos omnipotentia sua participes facit. Nihil in medium profero, quod non sanctorum Patrum auctoritate fulciatur.

8 Diximus, duplicem esse naturam, alteram invisibilem & incorpoream, alteram visibilem & corpoream; & miraculum excedens vires totius naturæ creatæ esse majus miraculum, & miraculum minus esse, sed verum, quod est arduum, insolitum, excedens tantum vires naturæ visibilis

bilis & corporeæ; hujus autem generis miracula esse admittenda in judicio Beatificationis & Canonizationis, cum insolita sint & admiranda, & a Deo procedant, qui, sicuti cohibet naturalem malorum Angelorum virtutem, ne in hominis & Universi perniciem abutantur, ita Angelis bonis mandat, ut in sui gloriam, hominumque utilitatem aliqua faciant, quæ ipsorum naturalem virtutem non excedunt, licet excedant vires naturæ corporeæ atque sensibiles.

9 Duplicis generis miraculorum, ejus videlicet, quod excedit vires & facultatem cujuscumque naturæ creatæ, & sic tum invisibiles, tum visibiles & corporeæ, & ejus, quod excedit vires tantum naturæ visibiles & corporeæ, mentio habetur in *Instructione Pastoralis Archiepiscopi Senonensis Parisiis edita anno 1734. pag. 22.* & Auctor epistolarum Theologicarum in *epist. 8.* multa erudite prolequitur de potestate naturali bonorum Angelorum aliqua patrandi, quæ excedunt vires & facultatem naturæ visibiles, & quæ vera miracula sunt, utentibus ea Angelis bonis, Deo jubente, & ad ejus nutum.

10 Errorem dico maximum, in sanctis Angelis potestatem amplissimam inficiari, quam in sacris Litteris adeo clare expressam invenimus. Omnes Angeli ejus potentes virtute; ait *Regius Vates Psalm. 102. 20. & Sanctus Petrus in secunda epistola 2. 11.* Angeli fortitudine, & virtute majores. His adde naturæ nobilitatem, quam decuit omnino consonantem potestas. Adde magnifici illos Dominationum, Virtutum, Potestatumque titulos, quos ipsis in sacra Scriptura Deus ipse tribuit; tituli tamen inanes & ridiculi, nisi spectanda potestate pollerent Angeli. Adde intelligentia perspicaciam, quæ ad ea, quæ facere possunt, exequenda viam facillimam patefacit, mediisque, sine quibus forent impossibilia, suppeditat; haud secus ac Artifices, Mathematici, Medici multa per artem suam efficiunt, quæ aliorum vires superant, qui minori scientia vel sollertia sunt præditi. Adde tandem, quod, cum spiritus sint omni corpore destituti, non solum nihil est impedimenti, quominus corpora penetrans, & in his invisibili modo operentur, sed etiam quidquid in ipsis agunt sensibile, mirificum nobis, licet in se minimum, hac ratione videri debet. Quibus perspicuum fit, virtutem naturalem Angelorum multis edendis prodigiis haud impari esse. Nonnulla particulatim expendamus. Quoties caelestes illæ Mentes sub corporis humani figura se videndas præbuerunt Angelus, ait *Textus sacer*, invenit Agar in deserto, filiorumque multitudinem non numerandam ei promittit. Duo Angeli Sodamam venerunt; Los allocuti sunt; ipsam, uxorem, ac duas filias ejus per manus apprehenderunt, eduxeruntque, & posuerunt extra civitatem. Alii pariter Angeli apparuerunt Josue, Gedeoni, patri & matri Samsonis, Davidi, Tobia, Isaia, Danieli, Zacharia Propheta, Juda Machabæo & militibus, Zacharia patri Sancti Joannis Baptistæ, Mariae Deiparæ, Salvatori tum in deserto, tum in monte olivarum, ministris corpus ejus in monumento custodiens, mulieribus cum in hoc monumento quarerentibus, Maria Magdalena ibidem ploranti, Apostolis Jesum euntem in celum insistentibus, aliis denique quamplurimis. En prodigia sæpe multa.

Quid

Quid vobis videtur? Numquid, hac ita fuisse, negabitis? Numquid commenta fabulæque dicetis? Vix credam, opinionem tam erroneam absurdamque in mentes vestras, etsi cuiuslibet erroris in hoc genere capaces, irrepisse. Numquid hac totidem fuisse miracula defendetis? Hæc opinio vobis omnino peculiaris foret: neminem quippe sciam ex sanctis Patribus, aut Interpretibus id arbitrarium fuisse, bene multos vero contrarium sensisse. Consultite Sanctum Ambrosium, Sanctum Augustinum, & Sanctum Thomam in margine citatos. An dicetis, formare sibi corpus, quod ambulet, loquatur, & alias corporum nostrorum functiones exerceat, non aliud esse, quam causas naturales, prout possulant, disponere? Verum id a recta ratione prorsus alienum esset, non secus ac declamare, Demonem, si causarum naturalium cursum tantisper immutet, vera miracula modoque Divino operari. Quod si relata prodigia paulo diligentius introspeciamus, quot alia in illis prodigijs deprehendimus? Sodomitæ cecitate percussos; ignem ascendentem de petra, supra quam posita fuerat oblatio Gedeonis, eamque consumentem; septuaginta mille viros peste mortuos; Tobiam visum recipientem; centum octoginta quinque millia hominum percussorum nocte una in castris Sennacherib; Azariam & Socios in medio ignis ardentis illos ambulantes; ora leonum conclusa Danieli nihil noventium; Habacuc per capill: ab Angelo Babylonem usque portatam; catenas de manibus Petri cadentes, & portam ferream ultro ei apertam; Herodem a vermibus consumptum expirantem. Hæc autem prodigia, quantumvis admiranda quantumvis splendida, tamen a sanctis Angelis patrata fuisse, diserte sacra testatur Scriptura. Erantne nihilominus inter vera miracula connumeranda? Si audiantur Adversarii, nefandum dubitare: si vero sanctis Patribus, & Interpretibus fides adhibeatur, hæc Angeli præstare sua naturali virtute, qua congruenter tamen ad Dei præceptum isti sunt. Hanc vero doctrinam tirones, & imperitos, ut vos in materia miraculorum percellere valentem quibusdam argumentis comprobare, opera pretium erit, majoribus postea, si opus sit, conformandam. Sanctus Ambrosius lib. 1. de Abraham cap. 6. & Sanctus Thomas 1. part. quest. 111. art. 4. agnoscens, Angelos mirabili naturalique sua potestate Sodomitæ cecitate percussisse, cuius etiam modum exponit Divus Thomas. Pererius in comment. ad cap. 19. Genesim idem affirmat. Videatur itidem super locum illum Dionysius Carthusianus. Quod accinet ad ignem, Gedeonis oblationes consumentem, consulatur Cornelius a Lapide super vers. 21. cap. 6. & in vers. 18. cap. 13. Judicum. Hic quoque tribuit virtuti Angelorum naturali pestem, qua septuaginta quinque mille homines consumpti sunt, conservationem trium Puerorum in fornace, cuius explicat media. Sancti Petri liberationem &c. Super hoc ultimum vide Trinum. Idem de verb: ab asina Balaam pronuntiatis Num. 22. vers. 28. Angelus (ait in hunc locum Cardinalis Hugo) per asinam locutus est, & non asina. Sicut enim Diabolus locutus est per serpentem, & non serpens locutus est, sic per asinam locutus est Angelus, & non asina: unde nullum miraculum fuit ibi, sicut nec in serpente seduciente Hevam. Consulatur itidem Cornelius a Lapide super hunc locum libri Numerorum, & Lorinus in cap. 2. epist. 2. Sancti Petri &c. Antequam tamen ulterius progrediamur, admonendus est lector non sine magna reli-

gionis

gionis injuria multa tum antiqua tum nova Legit miracula sanctis Angelis adscribi posse: cuncta quippe, jubente Deo, celestes ille Mentis in ipsius gloriam & honorem operantur. Id non obscure declarant tum Regius Vates in Psalm. 102. 20. Benedicite Domino omnes Angeli ejus, potentes virtute, facientes verbum illius, ad audiendam vocem sermonum ejus; tum Apostolus ad Hebræos 1. Nonne omnes (Angeli) sunt Administratorii spiritus in ministerium missi propter eos, qui hereditatem capiunt salutis? Quapropter homines Divino afflasi Spiritu, mirabilem, quæ ab Angelis fieri videbatur, gloriam omnem in Deum virum retulere: Nunc vere scio (ait Petrus Actor. 12.) quia misit Dominus Angelum suum, & eripuit me de manu Herodis, & de omni expectatione plebis Judæorum. Daniel pariter Regi Dario respondens, Deus meus, ait, misit Angelum suum, & conclusit ora leonum, & non nocuerunt mihi. Angelus ad Tobiam missus, Misit me, inquit, Dominus ut curarem te, & Saram uxorem filii tui a Dæmonio liberarem. Dum vero constas, aliquod miraculum Dei jussu, licet Angelorum ministerio, paratum fuisse, nihil ad religionem, utrum vel supernaturali potestate, vel naturali, quam acceperunt, virtute illud ediderint. Si de hac materia, quam in transitu tractaturus sum, longiorem cupias disputationem, Doctorem consulite, quem fortassis majori, quam Patres Ecclesiæ, veneratione coletis; Arnaldum dico in dissertatione, quam adversus Patrem Malebranchium edidit circa modum, quo Deus in antiqua Lege, Angelorum ministerio, plurima fecit miracula. Ibi multis tum rationum tum auctoritatum momentis probatum invenietis, miracula, seu supernaturali potestate, seu naturali virtute fuisse a sanctis Angelis edita, religionis ad gloriam ex æquo concurrere. Quamobrem nec Arnaldus, nec alii Theologi curant inquirere, quo modo perpetrata fuerint, cum uterque modus religionem pari cumulet gloria.

11 Diximus, ex hac miraculorum distinctione, quod videlicet aliqua excedant vires totius naturæ creatæ, & alia excedant vires naturæ tantum visibilis & corporeæ, nullum inferri præjudicium miraculis a Christo Domino patris, cum plura patrauerit absque dubio excedentia vires totius naturæ creatæ.

12 Amplissime doctrinam hanc exornat Theologus in epistola 13. his verbis.

13 Simili ratione facile expugnaretur, quicumque miracula Christi Domini Spiritui creato vellet adscribere, quod verbi gratia Spiritus sive boni, sive mali, qui ea polleant industria, qua egros sanare valeant, & re vera sanent. Fateor, dicerem, Spiritus creatos sanandi potestatem habere, necnon ea sæpe sæpius usus fuisse: fateor, quamplurimos infirmos a Christo sanatos, Angelorum ope sanari potuisse; nec illud, etiam fateor, Christi miraculum in hoc genere afferri posse, quod incredulitatem vincat. Num propterea de miraculis Christi desperandum est? Ut expugnabilia fiant, quod Christus conjunxit, non separemus. Apud Mattheum 11. 5. Cæci vident, claudi ambulant, leprosi mundantur, surdi audiunt, ut omissamus, mortui resurgunt: ibidem 9. 35. curat omnem languorem, &

Tom. IV.

O

omnem.

omnem infirmitatem: *ibidem* 14. 36. quicumque eum tangunt, salvi fiunt. *Apud* Lucam 4. 40. singulis manus imponens, curas eas. *Hac omnia momento finis. En quid nusquam fiet creatura. En quod omnis intelligentia creata potestatem, non ostendimus, excedit. Hinc creaturarum mentium industria nullum incredulo firmum & stabile fundamentum suppeditat, quominus in miraculis etiam sanationum a Christo Domino patris digitum Dei agnoscat & adoret. Quid? si et etiam majora miracula vel ad annuntiandum Salvatorem, vel a Salvatore ipso edita palam afferamus; novam stellam in ipsius ore lucentem & claras ac certas rerum futurarum ab ipso factas predicationes; prodigiosa panum & piscium in deserto multiplicationem; senbras, Passionis ejus tempore, terram aperientes; mortuos, quos in vita, & mortui instanti ad vitam revocavit; Christum ipsum, tribus jam diebus sepultum, vivum inter vivos regnantem; quis in talibus prodigiis Divinitatem agnoscere recuset? Post hac, quid magis absurdum, quam ex miraculis Christi minus decretorii Divinitatem in aliis ejus miraculis elucentem inspicere? Num, ut quis Divina virtute demonstraretur operari, requiritur, ut in omnibus ejus operibus equaliter virtus illa fulgeat? Nonne sufficit, ut in aliquibus clare appareat? Ergo videte, quam facili negotio cogatur humana ratio digitum Dei in Christi miraculis revereri, quidquid in oppositum ad obscuranda quadam ejus miracula possit adducere. Haud difficilius in Apostolis Dei virtus demonstratur: frustra quippe, ut eorum miraculis pondus dematur & auctoritas, objicit quis sanationes prodigiosas, quas finiti Spiritus operati sunt. Absurdum medium. Numquid enim aliqua finita virtus omnes sine ulla exceptione vales infirmitates curare? Nonne Deus solus omnes illico perfecteque potest sanare? Cum igitur eos omnes sanaverint Apostoli, qui vel fimbriam vestimenti tetigerunt, vel quos umbra corporis operuit, constat, illos Divina virtute operatos esse, nullaque comparatio tot suspendarum sanationum pondus & auctoritatem minuire valebit. Mortuos etiam suscitavit, linguas loquuntur omnium, cum partem solam dederint, qua nonnumquam eos disforentes unusquisque audit lingua sua loquentes. En miracula sine dubio Divina. Ergo Deus in eis operatus est. Absurdum post hac aliqua minus conspicua miracula ad veritatem revocare. Neges igitur quisquis velis, aliqua Christi, Moysis, Apostolorum, & Prophetarum miracula vires cujusque naturae creatae superasse, quid inde contra nos? Ut probemus, eos Divina virtute egisse, satis est, ut quadam eorum miracula, immo unum ostendamus indubitanter Divinum.*

14 Diximus, miracula falsa a veris discerni, efficacia, utilitate, modo, fine, persona, & occasione, & ex his recte conjici posse, num quendam miracula a bono, an a malo Angelo patrata sint.

15 Auctor Theologus in *epist.* 15. §. 42. & *seqq.* late explicat nonnulla ex signis, ob quae vera a falsis miraculis discernantur: ait enim primo loco, Deum miracula non operari villa, ridicula, & inutilia, juxta doctrinam Sancti Bonaventurae, Gersonis, & Medini; quod ipsum late ostenderat in 2. *epistola theologica*: ait secundo, a Deo procedere non posse prodigia indecencia, obsecratoria vel in se, vel in suis effectibus; de quo etiam a Nobis alibi dictum est: ait denique tertio, nunquam Deum usum fuisse hominibus delirantibus, ut ederet miracula. En ejus verba.

16 En aliam ejusdem rei persuasibilem probationem, qua in dijudicationis regula ceteris adductis haud minus certa nititur. Scilicet a Divina sapientia prorsus alienum est, Deum ad significandam voluntatem, aut ad patranda miracula, delirantes homines addibere. Tanto magis Deus indignum se quid faceret, si rationis usui privaret, quos & consiliorum suorum participes, & omnipotentia sua ministris vellet efficere. Cantiores estis sane, quam ut istud dogma probetis; nec sine ratione, faciet; actum quippe de vobis esset. Nonne enim mentes ab alienationem passiebantur vestra, convulsionum motibus agitata, dum sublimes illos rories a vobis jacturatos sermones habuere? Res occultas detexere, futura praevidere, morbos curare, ceteraque miracula tam audaciter a vobis publicata patrare? Centies id testati estis: inirum quod hac totidem Divina virtutis in illis agentis argumenta dixeritis! Insania vere digna, qua superbia vestra rebellionique coronidem imponeret. Audite. Et operiat confusio faciem vestram. Quando nam, rogo, Deus miraculum operans, voce manuve hominis corporis motibus agitati, animoque turbatum habentis, usus est? Quando nam insanos fecit, per quos voluntatem suam & potentiam declaravit? Moyses, ex quo divinitus vocatus est, ad mortem usque mille vicibus nomine Dei loquutus, & operatur: num aliquando mentis imper? Josue, Dei minister est & vates: num semel saltem spiritum habuit alienatum? Elias, Eliseus, Isaias mandata Dei annuntiant, ipsiusque virtute miracula faciunt: quando nam, ainabo, furentes & insani fuere? Quis alius in antiqua Lege, dum Divino concitaretur Spiritu, mentem perturbatam habuit? Quis Apostolus in nova Lege, dum agros sanabat, fideles edocebat, futura predicabat, mentis corporisque perturbatione fuit inquietatus? Quis tandem a promulgato Evangelio, si, dum fureret, eventura vaticinatus, aut stupendum aliquid simile operatus est, ab Ecclesia tanquam Dei minister, veritatisque nuntius habitus est? Asinam Balaam objicitis, quam Angeli Dei virtute locutam dicitis. Ita sane: verum in hoc facto quid ad nostram thesim? Qui apud vos convulsionibus agitantur, num ita bruta sunt? Equidem scimus, posse Deum, ut voluntates suas patefaciat, miraculo creaturam supra naturam suam extollere: quod vero, si per os hominis nos velit edocere, illa momenta seligat, in quibus homines sui compotes non sunt, aut etiam ad hoc eos rationis usu privet, aliquando factum pro viribus pernegamus. Hinc exemplum bruti loquentis sine stupiditate nobis opponi nequit. Nec inagis ad presentem questionem faciunt somnia Pharaonis, & Nabuchodonosori: naturaliter quippe somni tempore sensus alienantur, & hominis dormientis ratio perficitur, dum ad magna cogitanda applicatur. Siccine de vestris convulsionibus agitati? Num naturalis est illorum, sicuti Pharaonis, & Nabuchodonosori, alienatio? Num eorum recordantur, qua dixere, fecerere, dum apud se non erant, ut memorati Principes, qui visum in somnis obiectum expergescilli memoria tenere? Immo, nullam talium rerum in eis, cum ad se redeunt, exflare memoriam, narratis. En igitur inter eos, & memoratos Principes duplex insigneque discrimen. Illud etiam advertendum est, nos istorum somnia venerari, quod eorum somniorum mysticam significationem Ioseph, & Daniel, quos & sui compotes, & Divino Spiritu afflatus certo cognovimus, explanaverint: secus, ea tanquam mera somnia etiam nunc habe-

haberemus. *At quis apud vos Propbeta lumine Divina claritatis indubitanter illustratus est, qui vestrarumque delirantium sermones interpretetur? Vos fortassis? Libenter audiremus. Recreari quandoque gratum est. Nec minus absurdum Saulis exemplum 1. Regum cap. 19. 25. in medium proferre, prophetantis scilicet, cum super eum factus est Spiritus Domini. Praterquamquod enim prophetare non aliud hoc in loco significat, quam in honorem Dei cantica canere, Saul tunc temporis a mente sua non discessit; quin potius furor ejus in Davidem ad momentum confedit. Nullo igitur exemplo probatis, Deum aliquando, ad manifestandam voluntatem suam, hominibus sui non comparibus usum fuisse, vel ad hoc, quod magis est, sanos homines insanos fecisse. Illudque non solum Deum non fecisse, verum nec potuisse, contendimus. Litem nostram diriment viri, me vobisque doctiores, sancti Patres. Quomodo enim texum illam Apostoli 1. ad Corinthios 14. 32., Spiritus Prophetarum Prophetis subjecti sunt explicare? Plures eo sensu dicitis intellexisse, quod Prophetarum sit, spiritum, quo alii Propbeta afflantur, dijudicare. Licet quidem sic interpretari. Verum nonne etiam asserunt Origenes, Sanctus Hieronymus, Theophylactus, Oecumenius, Magister sententiarum, Sanctus Thomas, alique plures, Apostoli mentem fuisse, spiritum Prophetarum ideo Prophetis subjectum esse, quod eos ad loquendum non cogat, liberoque relinquant? Hoc vobis saepe saepius obiectum est: quid haecenus respondistis?*

17 Diximus, sanctitatis argumentum desumi ex miraculis: post obitum potissimum a Deo patris, intercessione Dei Servi, cujus nomen invocatur.

18 De hac re agitur in decima quinta epistola theologica §. 35. & 36. ubi Auctor ostendere conatur, miracula ad impiorum sepulcra saepe patrata fuisse, juxta illud Tertulliani in apologetico cap. 22. pag. 54.: *Delitescens sub nominibus & imaginibus mortuorum, quibusdam signis, & miraculis, & oraculis Fidem Divinitatis operatur*, & alia exempla ab eo relata. At, utcumque sit, num ea fuerint vera miracula, an potius falsa, & Daemonum praestigiae, Auctoris assertiones nostris non obstant. Nunquam enim diximus, ex solis miraculis post obitum patris sanctitatem inferri, sed huic probationi tantum locum esse posse, postquam fuerunt discussae virtutes, & approbatæ in gradu heroico: si etenim post praedictam approbationem miracula superveniant post obitum patris intercessione ejus, cujus virtutes fuerunt discussae & comprobatae Apostolico judicio, eodemque judicio fuerint discussa & approbata miracula, firmum ex eis ducitur argumentum pro sanctitate ostendenda, uti sapienter animadvertit alius Auctor Theologus in discursu super miraculis §. 5. cujus verba sunt haec:

19 *Qui religionem ex animo vereque diligunt, iis omnibus libenter assentiantur, quae ipsi vel auctoritatem vel decorem conciliare valent. At non continuo cupio, pro certis habeas omnia miracula, quae Sanctis adscripta circumferuntur, sed iis solummodo fidem adhibeas, quae post diligentem prudentemque investigationem vera esse constiterit. Sunt namque argumenta quaedam generalia, quae si exstent, de veritate miraculi certiores effecti, ad illud credendum sponte feramur. Primum*

argu-

argumentum. Christus miracula fore praeiudic; etque non solum possibilia, sed etiam actu fieri Fide Divina constat. Hinc, si credimus Evangelio, generaliter quodque debemus credere nonnulla miracula Fide Discipulorum Christi, & Sanctorum intercessione perpetrari. Hac in re de incredulitate gloriari idem est, ac falsitatis promissa Salvatoris arguere sic Apostolos suos alloquens, Marci 16. 17. & 18. Signa autem eos, qui crediderint, hæc sequentur: in nomine meo Dæmonia ejicient; linguis loquentur novis; serpentes tollent; & si mortiferum quid biberint, non eis nocebit; super ægros manus imponent, & bene habebunt. Secundum argumentum. Pura Fides, & sanctitas eorum, quibus adscribuntur miracula nova, sunt ad ea credenda rationes & incitamenta. Scimus (legitur Joannis 9. 31.) quoniam peccatores Deus non audit: sed si quis Dei cultor est, & voluntatem ejus facit, hunc exaudit. Hisce verbis, quæ per os Cæci, quem sanavit Christus, Evangelium protulit, Deum ex ordinaria providentia signorum donum peccatoribus minime concedere liquido constat. Sælis vera Fide præditi, sine qua nulla sanctitas, operatio virtutum promittitur. Quamobrem, dum novi Sancti canonizantur, tum demum ad inquirenda miracula devenit Ecclesia, cum per diligentissimam inquisitionem eorum & Fidei puritas, & morum probitas indubitacæ constet. Si nondum probata foret talis Fidei, morumque probitas, omnia miracula merito suspecta fierent, vel saltem alicujus Sancti Canonizationi minime prodesse; ait enim Gregorius Magnus lib. 20. moral. cap. 9. Probatio sanctitatis non est signa facere. Auctor hic, ut suadeat, gratiam miraculorum lege ordinaria peccatoribus non dari, peccatoribus, inquam, adhuc in hac vita degentibus; (de illis enim, qui vitam sancti sunt, certum est, eorum intercessione nulla fieri a Deo miracula, juxta ea quæ alibi dicta sunt) utitur eo, quod legitur in Evangelio Joannis cap. 9. Scimus, quia peccatores Deus non audit. Verba autem hæc, sunt verba Cæci nati a Christo Domino sanati, de quibus ita loquitur S. Thomas quest. 6. de miraculis art. 9. Ad quintum dicendum, quod, sicut Glossa ibidem dicit, verbum illud est Cæci, qui nendum erat totaliter sapientia illuminatus; unde sententiam falsam continet: nam interdum Deus peccatores audit ex sua liberalitate, licet non ex eorum merito: & sic oratio eorum impetrat, licet non sit meritatoria. Nisi forte dicere velimus, Cæcum natum asseruisse, Christum non esse peccatorem, cum ipsum solo imperio & voluntate sua sanasset: peccator enim nitens miracula impetrare, ut sanctitatem suam demonstret, vel solam suæ orationis virtutem; nihil impetrare potest, cum Deus testis falsitatis non sit, nec peccatoris oratio virtutem miracula faciendi habere possit, ut explicat Cardinalis Bellarminus lib. 1. de bonis operibus in particulari cap. 9. §. Si quis autem.

20 Ad hujus capitis absolutionem nihil restat aliud, quam ut aliqua exponantur de occasione, qua Scripta modo allata prodierunt. Notum est, annis præteritis ex hac vita decessisse quemdam Diaconum nomine Parisium, & ejus corpus traditum fuisse sepulture in cœmeterio S. Medardi civitatis Parisiensis. Prodiit ejus vita, & in variis locis edita typis est. Quam infensus fuerit ille Constitutioni Unigenitus, ab Auctore non diffimulatur.

mulatur. Appellationes ad generale Concilium pluries interpositæ, & nova in ultimo vitæ agone appellatio excogitata tamquam veræ Fidei signa extolluntur. Non modo ab Auctore vitæ populi frequentia ad ejus funus, & innumera propemodum concurrentium multitudo ad ejus sepulcrum describuntur, sed multa præterea edita sunt volumina miraculorum & prodigiorum, quæ ejus invocatione patrata dicebantur. Faventes appellanti-bus a Constitutione *Unigenitus* ad generale Concilium, supplices libellos exhibuerunt Archiepiscopo Parisiensi, ut juridicam cognitionem caperet de prædictis prodigiis & miraculis, eaque referri in Acta juberet. Non modo in libellis exhibitis, sed etiam in aliis Scriptis late demonstratum est, cultum privatum impediri non posse, & talem esse eum, qui exhibebatur erga Diaconum Parisium, licet in publico exhiberetur. Præterea non destiterunt multa afferre pro statuenda veritate assertorum miraculo-rum, & ut demonstraretur, sanationes excessisse vires naturæ. At plures in Galliis Præsules doctrina & zelo Fidei Catholicæ præclarissimi hisce co-natibus obstituerunt, inter quos principem locum obtinuerunt Archiepi-scopi Parisiensis, & Senonensis. Medici scripserunt, & ficta prorsus asser-ta miracula demonstrarunt; &, quatenus sanationes veræ fuissent, nihil in eis interfuisse, quod vires naturæ superaret. Theologi, quorum verba in hoc eodem capite retulimus, invictis hoc ipsum præstituerunt argumen-tis. Christianissimus Rex ex avita pietate ac religione suum non destitit potentissimum suppeditare auxilium Archiepiscopo Parisiensi, & claudi-jussit cœmeterium S. Medardi, cum ex Medicorum attestationibus recte novisset, ratione & veritate carere, quæ de Diacono Parisio prædicaban-tur; uti apparet ex ejus Edictis die 27. Januarii 1732. & die 17. Februa-rii 1733. Sanctissimus quoque Pontifex Clemens Papa XII. prævio consilio Congregationis sanctissimæ Inquisitionis, vitam Diaconi Parisii proscriptis tamquam continentem propositiones & assertiones falsas, piarum aurium, ut est formula, offensivas, scandalosas, auctoritati tum sanctæ Sedis Apo-stolicæ, summiq; Pontificis, tum Ecclesiæ, & Episcoporum præsertim Gallicanorum, injurias, temerarias, impias, Hæreticis faventes, erro-neas, atque etiam schismaticas, & hæreticas, & hæretico spiritu plenas; rei colligitur ex Decreto edito die 22. Augusti 1731. & die 29. dicti men-sis affixo & publicato, & per litteras Apostolicas in forma Brevis die 19. Junii 1734. Consimili censura proscriptis Edictum Episcopi Antiodorensis referens & approbans quoddam assertum miraculum, quod in sua dice-cesi patratum dicebat intercessione supra memorati Diaconi Parisii.

21 Totus & universus rerum gestarum contextus eo unice collineabat, ut homo Apostolicæ Sedi refragans, schismaticus, hæreticus, acerrimus impugnator Constitutionis, quæ incipit *Unigenitus*, pertinax Jansenista-rum affecta, falsis ipsi attributis miraculis, imaginem solidæ virtutis & san-ctitatis præferret. Sancte ergo & prudentissime supra memorati Episco-pi Gallicani ab inquisitionibus juridicis, & sanctæ ac pruden-tissime

iffime infano & temerario cultui obliterunt. Licet enim ex alibi dictis publicis tantum cultus prohibeatur erga non Beatificatos aut Canonizatos, nec publicus sit cultus, qui exhibetur in publico, sed qui exhibetur auctoritate Ecclesiae, & fama aut insignis virtutis, aut miraculi viam aperiat inquisitioni juridicæ ab Ordinario assumendæ; hæc tamen, & similia sibi vindicant locum, cum agitur de Dei Servo, qui pie in Domino obiit, qui, dum viveret, non populari nec fictitio rumore, sed solida virtutum fama præfulsit. Quod si res sit de homine, de cujus fide & religione suspicio sit, tantum abest, ut cultus privatus erga eum permitti possit, vel ut de assertis ejus miraculis instituenda sit inquisitio, ut contra debeant Episcopi omnem cultum, licet privatum, a movere, & ab omnibus abstinere, quæ indebito cultui proxime aut remote favere possint, juxta exempla a Nobis allata *lib. 2. cap. 8.*

22 Post primam hujus Operis editionem, quidam Montgeronus, qui gloriatus est, se a Deistarum infania ad Janfenistarum disciplinam prodigiose fuisse conversum, idest a Carybdi (ut ajunt) in Scyllam incidisse, pugnas pro Janfenistarum doctrina, veritatem miraculorum a Diacono Parisio perpetratorum magna jactantia & sacundia conatur vindicare in opere a se vulgato. Quidam alius ex Proceltantium secta de Voëux Amstelodami anno 1740. typis edidit Criticam generalem librorum dicti Montgeroni super miraculis Diaconi de Paris. Opus in epistolas divisum est, & *epist. 8. & 9.* facis apte & solide ostendit, miracula a Montgerono narrata, tamquam facta intercessione prædicti Diaconi, aut esse mendaciorum & falsitatis plena, aut, si quid veri habent, id omne non divinitus, sed naturaliter contigisse. Ceterum præfationem operis, & alias epistolas si percurras, plura occurrunt hæretica dogmata, ob quæ jure ac merito liber fuit a sacra Indicis Congregatione proscriptus. Intolerabilis autem mendacii, impique falsitatis nota inurendum est id quod legitur *ep. 7. pag. 223.* *Regula omnes, quæ ad examinanda miracula a Pontificibus præscribuntur, & eum veritate ad amissim consentire prædicantur, hujusmodi sunt, ut falsis etiam miraculis (quemadmodum probari facile posses, si locus hic esset eas excutiendi) mirum in modum possent accommodari.* Si enim forte quæ in hoc nostro Opere adducta sunt, Auctor perlegisset, profecto non scripisset, regulas a Romana Sede præscriptas pro discernendis miraculis posse falsis accommodari, idque probari facile posse.

CAPUT VIII.

De Divina mirabili sanatione a morbis & infirmitatibus.

1 **R**occa in *tract. de Canonizat. Sanctorum*, utpote qui Apostolici sacrarii Præfectus, ideoque Consultor Congregationis sacrorum rituum, satis versatus erat in causis Beatificationis & Canonizationis, testatur *cap. 25. tom. I.* in earum discussione afferri sæpissime miracu-

miracula, quæ versantur circa sanationes a morbis & infirmitatibus: *Miracula omnia, & ea præsertim, quæ circa agnitum curaciones versantur, in medium semper afferri solent, dum alicujus Canonizationi narratur opera*: idque confirmat Garzia de Caralaps in alio tractatu de *Canonizat. Sanctorum*, ubi agens de Canonizatione Beati Ollegarii, in digressionem de *miraculis* §. 17. ait: *Inter miracula, quæ operatur Dominus per intercessionem Sancti Ollegarii, & aliorum Sanctorum, non minorem locum tenent illa, quæ sunt circa salutem & valetudinem temporalem*. De sanationum miraculis loquitur Christus Dominus apud Matthæum 10. 8. ubi mittens Apostolos ad prædicandum, ait: *Infirmos curate, mortuos suscite, leprosos mundate, Demones ejicite: gratis accepistis, gratis date*; & Marci 16. 17. *Signa autem eos, qui crediderint, hæc sequentur: in nomine meo Demonia ejicient, linguis loquentur novis, serpentes tolent, & si mortiferum quid biberint, non eis nocet; super agros manus impendent, & bene habebunt*.

2 Porro, ut sanatio a morbis & infirmitatibus inter miracula recenseatur, plura debent concurrere: primum est, ut morbus sit gravis, & vel impossibilis, vel curatu difficilis: secundum, ut morbus, qui depellitur, non sit in ultima parte status, ita ut non multo post declinare debeat: tertium, ut nulla fuerint adhibita medicamenta, vel, si fuerint adhibita, certum sit, ea non profuisse: quartum, ut sanatio sit subita & momentanea: quintum, ut sanatio sit perfecta, non manca, aut concisa: sextum, ut nulla notetur digna evacuatio, seu crisis præcedat temporibus debitis, & cum causa; si enim ita accidat, tunc vere prodigiosa sanatio dicenda non erit, sed vel ex toto, vel ex parte naturalis: ultimum, ut sublatus morbus non redeat: Addit Gaspar Rejes *quest. 24. num. 1.* aliud requisitum, & est, ut potissimum ægrorum sanitas non in corpore tantum, sed etiam in anima appareat: sed hoc proprium fuisse videtur miraculorum a Christo patratum, juxta doctrinam D. Thomæ 3. *part. quest. 44. art. 3. ad tertium*.

3 Jam vero requisita hæc singillatim explicemus. Dictum est, morbum debere esse gravem, & vel impossibilem, vel curatu difficilem, ut sanatio miraculo sit adscribenda: si enim ad naturam & essentiam miraculi pertinet, ut sit aliquid arduum & insolitum & admirandum, juxta ea quæ diximus in *superiori cap. 1. num. 3.* talis profecto non erit sanatio, si morbus non fuerit gravis, aut vel impossibilis, vel curatu difficilis. Fuit hoc quoque sapienter animadvertendum a Joanne Maria Lancisio Archiatro duorum summorum Pontificum, Innocentii videlicet XI. & Clementis XI. Porro quantum ille in physicis & medicis excelluerit, tum opera ab eo edita, tum ceterorum non solum Italarum, sed etiam ultra montes degentium Litterarum elogio plane demonstrent, quæ collegit Joannes Marius Crescimbenius in ejus Vita typis Romanis edita an. 1721. pag. 18. & plurib. seqq. Singulari eum amicitia colui, & ille me tunc aulæ Romanæ Præfulem executores scripsit testamentarium una cum duobus Cardinalibus Hannibale Albano, & Curtio Origo iis tabulis, quibus præter insignem bibliothecam.

medi-

medicam sufficienti dote instructam pro alendo custode, & libris, qui edentur, emendis ad publicam studentium utilitatem, quam dono dederat archiepiscopo S. Spiritus Urbis; de reliquo fatis amplo patrimonio, laboribus suis comparato, ad pias causas testatus est, ad ægros videlicet in hospitali curandos. Agebatur de miraculis tunc Servi Dei, nunc Sancti Joannis Francisci Regis. Nonnulla ex iis, quæ proponebantur, censuit Lancisius esse admittenda miracula, quæ admissa sunt; alia rejicienda, quæ rejecta fuerunt. Ac secundum quidem, quod proponebatur, rejiciendum dixit, prout rejectum est, ob morbi levitatem: *Sed ne hanc hypobesim (inquit) nudis ac fallacibus conjecturis proferre tuerique videar, humiliter Sanctitatem vestram exoro, partem aliquam magnarum suarum cogitationum referre velit primo in morbi ab initio levitatem, deinde in dubiam quoque existentiam levissimi morbi, qui immediate sanationem præcessit &c. Ad cognoscendam vero aggritudinis levitatem, ob quam superstructa miracula omnium Scriptorum consensu facile corrumpunt, e re maxime erit observare, quod morbus non fuit ab initio vulnus nervi, ut Postulatores existimare videntur &c.*

4 Ut vero constet, morbum fuisse gravem, & curatu difficilem vel impossibilem, exquirendum est Medicorum judicium, qui morbi magnitudinem desumere consueverunt vel ex læsæ partis dignitate, vel ex vehementia morbi, vel ex læsione facultatis nostrum corpus gubernantis, quemadmodum ex Galeno adnotarunt Rotæ Auditores in relatione causæ S. Ignatii in sexto miraculo §. Cum autem. Medici quoque non gravem, sed levem reputant morbum, qui in se gravis est, sed quo æger affici consuevit, & a quo sæpe, licet cum difficultate, sese recollegit, ut ad rem, loquendo de prodigiosis sanationibus, notat Zacchias *quest. medico-legal. lib. 4. tit. 1. quest. 8. num. 17. & 18.* Cumque nonnulli Medicorum ad ægrotantis curam advocentur, quorum examen in processum inseritur, nonnulli a Postulatoribus eligantur, ut in causâ Beatificationis & Canonizationis patrocinium præstent, & scriptis exponant, quæ miraculo proficiunt; alii vero ex alibi dictis, a sacra Congregatione deputentur, qui, interposito juramento, scriptis exponant, quid pro veritate sentiant; ad hos præcipue spectat rationes ab aliis allatas sedulo ponderare, earum momenta sedulo examini subijcere, & causas & symptomata morbi ab ægroti Medicis relata ad trutinam revocare; sine quarum rerum notitia tutum ferri non potest judicium de morbi gravitate, & utrum impossibile, an difficile fuerit ejus curatio cognosci. Quare Lancisius, modo allegatus, in alio suffragio pro veritate exarato in causâ ejusdem Sancti Joannis Francisci Regis super septimo asserto miraculo, quod proponebatur, & quod ipse censuit rejiciendum, prout rejectum fuit, ait: *Cum Medici certum judicium ferre non possint de natura, & deque exitu morborum, nisi perspectas habeant tum occasiones tum causas unde coperint, tum omnia symptomata quibus stipati fuerint, qui fieri poterit, ut ipse ego tuto possim judicare de vera morbi indole, ejusque fine, cum potissimum lateant principia? Alium apud testes silentium est de causis & origine tumoris mamille.*

Silent omnes, quomodo malum sibi consciveris infelix mulier, nimirum an ex causis externis, contusione videlicet vel casu, an ex internis, scilicet ex humorum refluxu ab utero, ut in puerperis semper, & in iis que mensium fluxu rite non donantur, pleniusque contrahitur. Et tamen hac causarum expostio facti caput eras, quia quod ignoratur in facto, Medicus non assequitur.

5 Dictum est autem, onus præcipuum esse Medicorum, qui a sacra Congregatione eliguntur ut suum pro veritate proferant iudicium, supra recensita sedulo ponderare: apud sacram quippe Congregationem, ipsorum iudicium pluris æstimatur, quam aliorum qui pro causæ opportunitate scribant, necnon ceterorum qui curationi ægrotantis operam præstiterunt, cum hi aliquando fallantur, putantes, uti constat experientia, aliquem morbum esse levem qui gravis est, & aliquando eum, qui levis est, esse gravem, & curatu difficilem vel impossibilem, teste Valleriola observat. *medicar. lib. 1. observ. 4. pag. 33. Frustratur spes Medicorum, & moritur is, de quo securus primo fuit; utri contra, servari eum non raro videmus, de quo Medicus desperarat. Ea causa est, cur sæpe d'fertur a Medicis convalescant, quod arcani naturæ motus, quibus ipsa in servando fovendoque corpore vititur, & a mortis injuria vindicando, non satis nobis perspecti sint: unde merito fit, ut quod notatum iudicio & venturum speres, non eveniat. Cur? Quod conjecturalis sit ars medica; rationemque conjectura talem esse, ut, cum sapius aliquando responderis, interdum tamen fallas nos.*

6 Hactenus quoad primum requisitum. Quod attinet ad secundum, ut videlicet morbus non sit in ultima parte status, ita ut non multo post declinare debeat, de eo sic loquitur Zacchias *quest. medico-legal. lib. 4. tit. 1. quest. 8. num. 6. Requiritur principaliter, quod morbus non sit in ultima parte sui status, ita ut non multo post naturaliter declinare debeat, vel ut morbus non sit prope iudicium: in hoc enim tempore, ut ex Hippocratis sententia paret aphor. sect. 2. aphor. 30. symptomata omnia fortiora sunt, ita ut ægri aliquando de vita periclitentur; succedente autem crisi, subita ac repentina mutatio fit ad salutem, quæ miraculosa ob id plerisque videtur: ob sævitiam enim symptomatum judicant absque dubio ægrum de proximo moriturum, qui tamen brevi sanitati restituitur. Cum ergo ægri in tali statu sunt, ad supernaturalia remedia promptissime recurrunt, mille ac plura vota Deo Sanctisque concipiunt, & remittente morbo, miraculosum id putans, præcipue cum tam brevi temporis spatio insperata salus successerit; cum tamen naturaliter morbus remittere debuit, & declinare: quod ipsum repetit lib. 10. consil. 9. sub num. 7. Videtur necessarium, quod morbus sit adhuc crudus & in augmento, quando accidentia adhuc augentur, & morbus vires acquirit eundo; aut saltem necesse est, ut sit in principio status, quia cum est vere in statu & appropinquat declinatio, aliquando fit repentina ac momentanea mutatio, etiam præter spem & cum summa admiratione astantium, ad salutem, quæ a natura quidem est, quæ, morbifica causa in eo agone superata, ac validior reddita, corporis actiones suo libito exercet, concoctosque humores, quocumque libet, expellis, unde bonæ ac salutares crises emergunt, in quibus subito & de repente integra sanitas restituitur ...*

sur Et hac morbo crudo existente, naturaliter succedere non possunt cum indicationes eventientes in morbis crudis a natura esse non possint, nec bona idcirco sint; & sic sanatio subitanea facta eo tempore potius ex vi supernaturalis, quam naturalis causa successa existimatur.

7 Judicium Medicorum necessarium est in hoc secundo requisito: idemque judicium necessarium est in tertio, de quo nunc acturi sumus, ut videlicet nulla fuerint adhibita medicamenta; vel, si fuerint adhibita, certum sit, ea non profuisse. Si contendatur, nulla fuisse adhibita medicamenta, poterit id comprobari tum assertione testium, tum Medici, tum Pharmacopœi, qui curationi ægri operam suam navarunt. Si vero contendatur, inutilia fuisse, nec ullo modo proficua medicamenta, quæ fuerunt ægroto adhibita, oportet, ut sciamus, quænam fuerint illa medicamenta. Si enim de illis non conitet, & Medicus ea in suo examine non retulerit, inutilis omnino futurus erit labor Medicorum pro miraculo scribentium, necnon labor ceterorum Medicorum, qui a sacra Congregatione eliguntur, ut suum pro veritate serant judicium. Dum munereungebar Fidei Promotoris, & agebatur de causa Beatificationis sæpe memorati Sancti Joannis Francisci Regis, inter cetera quæ opposui adversus quoddam assertum miraculum quod Postulatores examini subjiciebant, dixi, constare de applicatione remediorum, sed ignorari quænam fuerint adhibita, idque satis esse, ne miraculum approbetur, prout re vera approbatum non fuit. Adhæsit huic oppositioni supra citatus Joannes Maria Lancisus in suo suffragio pro veritate exarato super eodem, quod proponebatur, miraculo. En ejus verba: Nos quoque cum Reverendissimo Promotore libenter scire optaremus, quænam remedia fuerint adhibita, non solum ut nosceretur, num meritis Servi Dei quem mulier invocavit, an medicamentorum vi quibus usus est Chirurgus, tribuenda esset sanatio, sed etiam ad perspicendum, fuerintne rite admoda, vel aliquid ex necessariis prætermissum, unde, cognita Chirurgi industria vel incuria, inferre possem, talem fuisse morbum, qualem ipse perhibebat. Sed impleri non possunt vota, cum Chirurgus examini subiectus non fuerit, & testes verbo rem absolvant affrentes, multa conatum fuisse Chirurgum, sed irritis suc. essu.

8 Posita applicatione medicamentorum, pro regula statui potest, in judicio ferendo sanationem non miraculo, sed viribus medicamentorum esse adscribendam; dummodo tamen medicamenta fuerint apta & potuerint proficere, quemadmodum animadvertit & monet Cardinalis de Lauze in 3. lib. sent. tom. 4. disp. 20. art. 19. de miraculis num. 857. Numquam potest asseri, ut miraculosus eventus ille, pro quo obtinendū applicatur aliquod naturale medium seu remedium quod putatur efficax ad illum obinendum; etsi enim Deus, vel Sanctus aliquis invocetur ad eum effectum obinendum, cum tamen medium illud putatum sufficiens ad eum applicatur, si effectus obtinetur, dubium remanet, an a Deo, an ab illo medio effectus ille processerit. Quando autem res est dubia, cum non sint multiplicanda miracula, sanatio in eo rerum eventuum naturalis erit censenda. Rem confirmat Zacchias quest. medico-legal. lib.

116 DE SERVORUM DEI BEATIFICATIONE.

4. tit. 1. quæst. 8. num. 12. *Sanatio miraculosa diverso ac interdum contrario modo, & per alia media procedit, quam naturaliter fiat. Ita enim notandum venit in cunctis miraculis a Christo Domino, ejusque Apostolis, ac Servis patris; quicumque namque ab illis sanati sunt, solo contactu manuum, immo & vestimentorum, quinimmo ipsius umbra, vel solo verbo & fusu ipsorum sanati sunt. Si ergo post longum remedium usum, quæ quidem pateat maxime proportionata morbo fuisse, vel ex aliquo novo præsidio, etiam proportionato in usum convocato, etiam longe ab ejus administratione, quis sanetur, & effectus remediis correspondeat, ad eorumque virtutem referri sanitas possit, hoc absque dubio, quantum ex hoc est, miraculum non erit. Et si pro regula statuitur, in judicio serendo sanationem non miraculo, sed viribus medicamentorum esse adscribendam; dummodo medicamenta fuerint apta, & potuerint proficere; pro regulæ explanatione, vel etiam limitatione statuendum erit, sanationem esse miraculo, & non viribus medicamentorum adscribendam, si constat, medicamenta adhibita non fuisse apta, sed aut nocua, aut inutilia; uti bene prosequuntur Conteliorius de Canonizat. SS. cap. 17. num. 20. Frances variar. juris resol. cap. 29. n. 48. Bordon in opere posthumo de miraculis medit. 7. n. 29. Pignatellus consult. 177. n. 8. & consult. 191. n. 3. tom. 10. Auditores Rotæ in relatione causæ S. Andreæ Corsini part. 2. num. 195. impreffa post primam Consultationem Lezana. In bulla Canonizationis Sancti Philippi Nerii habetur, nonnullos egrotantes remediis omnino contrariis ab eo fuisse sanatos. Cæsari quippe Cardinali Baronio stomachi & capitis debilitate ira laboranti, ut retinere vix cibum, atque orare nulla ratione posset, imperavit, ut coram se panem integrum cum malo citreo comederet: qui itatim atque ejus mandatum executus est, stomachi ac capitis molestiis sensit se liberatum. In antiquissima vita SS. Martyrum Cyri & Joannis legitur, eos cuidam Theodoro, cui venenum fuerat propinatum, sese spectandos præbuisse, & ei, ut aspidem comederet, imperasse, asserentes, eo cibo tam grave periculum averti posse. Quod cum ab eo præstitum esset, sanitatem illico recuperavit: ut enim subjicit Historicus apud Bolland. ad diem 31. Januarii tom. 2. pag. 1092. : Neque enim (Sancti) Medicorum legibus adstricti suorum supplicum morbos levant, verum celesti decreto pollentes, curationem adhibent miram planeque Divinam. Et teste B. Petro Damiani, quando Sanctus Presbyter Barbatianus, Deo opitulante, sanitatem alicui conferebat, ut plurimum superponebat aliquod velut emplastrum, & sæpe comedendum aliquid quasi medicinale antidotum conferebat eo studio, ut potius Medicus, quam Sanctus esse videretur.*

9. Dicendum est etiam, non obstat miraculo, si in aliquo cujuscumque generis miraculo, aut sanatione interveniat aliqua naturalis actio, vel motus, qui non habeat ex se vim efficiendi eventus expectati; uti bene prosequuntur Cardinalis de Lauræa loc. cit. disput. 20. art. 21. num. 887. & seqq. : Pavius in relatione causæ S. Bonaventuræ part. 2. art. 6. Castellinus de certis. glor. SS. cap. 8. punct. 31. Jussit Dominus Josue expugnato Hieru-

ricum-

ricuntem, ut per sex dies, & semel in singulis, cum toto exercitu eam urbem circumiret, & ut septimo die septem Sacerdotes arcam Foederis præcedentes buccinis obstreperent, prædicens, tunc funditus civitatem esse ruituram *Jof. 6. 5.* : Cumque infonueris vox suba longior arque concisior, & in auribus vestris increpuerit, conclamabit omnis populus vociferatione maxima, & muri funditus corruent civitatis, ingredienturque singuli per locum, contra quem fuerint. Nonnullæ hac in re actiones naturales intercesserunt; sed, quia juxta suas vires naturales, ruinosum lapsum moenium civitatis efficere non poterant, miraculo non obfuerunt. Elias revocavit ad vitam filium mortuum Viduæ Sareptanæ, & expandit se super eum, Deumque invocavit. Christus Dominus curans Cæcum natum (de quo infra) fecit lutum ex sputo, & linivit luto oculos ejus, mandavitque, ut iret ad se lavandum in natatoria Siloe. Expansio Eliæ supra puerum fuit actio naturalis; naturalis quoque fuit actio Christi Domini componendi lutum ex sputo, & naturalis fuit ablutio Cæci nati in natatoria Siloe: sed, cum naturalis actio Eliæ non potuerit efficere eventum expectatum, suscitare videlicet mortuum; nec ablutio in natatoria Siloe potuerit restituere visum Cæco nato; & applicatio luti ex sputo super oculos, si non detrimentum, leve tamen adjutorium asferre potuerit, nemo est qui asserere possit, actiones eas naturales miraculo obitare potuisse. Dictum est, applicationem luti ex sputo debuisse Cæco, si non detrimentum, levem tamen utilitatem asferre, quia, etsi non ignoramus, hominis salivam magna vi pollere in nonnullis morbis curandis, uti fæse habetur apud Lævinum Lemnium de *miraculis occiditis natura lib. 2. cap. 44.* tamen nec ipsa sola, nec una cum luto rem tantam efficere poterat in curatione Cæci nati: cumque de Vert in sanatione Cæci nati a Christo Domino facta ausus sit integram & naturalem sanandi virtutem in sputo & luto referre, merito improbatur & redarguitur ab Episcopo Augustæ Sueffionum in erudito tractatu de vero spiritu Ecclesiæ in usu *Cæremoniarum §. 39.* Quid autem dicendum erit, si remedia adhibeantur apta ad morbum depellendum, si actio naturalis intercedat, quæ ipsa per se efficere possit eventum speratum, quæ tamen divinitus revelata sint: obstabuntne hæc miraculo? Huic autem quæsito, negando videtur esse respondendum. Angelus enim Tobia juveni sellem piscis indicavit, quo cæcitatem Tobia senioris curaret. Plinius, Galenus, Aelianus, & alii putant, sellem piscis esse remedium istiusmodi morbo omnino aptum. De sanationis autem miraculo dubitandum non est; cum remediis cognitio divinitus Tobia juniori immissa fuerit, veluti optime docet Serrarius in *Tobiam cap. 11. quæstione. 2.* : Ut igitur sel hoc Raphael monstraret, supernaturale fuit; sed, ut ex eo monstrato, sicque oculis appositæ cæcitas curaretur, naturale opinor. Unde Archangelus loquens cum Tobia seniore, uti habetur *Tobia 12. v. 14.* ait: *Misi me Dominus, ut curarem te.* A S. Augustino *lib. 22. de civit. Dei cap. 8. num. 14. col. 669. tom. 7.* referuntur miracula a Deo patrata intercessione S. Protomartyris Stephani, & inter cetera

cetera hoc : *Sanati sunt illic per eundem Martyrem etiam podagri duo , unus civis , peregrinus unus : sed civis omni modo , peregrinus autem per revelationem quid adhiberet , quando doleret , audivit : & cum hoc fecerit , dolor continuo conquiescit .* Similia miraculorum exempla extant in vita S. Dominici scripta a Theodorico de Apoldia num. 339. & num. 340.

10 Ad absolvendum examen hujus tertii requisiti , duo superaddenda esse videntur . Alterum , non esse statim pronuntiandum pro inutilitate medicamentorum applicatorum , quod aliquod tempus intercessit inter eorum applicationem , & sanationem , uti colligitur ex verbis Zachariæ supra relatis ; prudentis enim Medici est aliquando quiescere , & ab applicatione medicamentorum cessare , juxta illud Hippocratis lib. 6. epid. sect. 2. text. 19. *Per adjectionem contraria adhibere , & aliquando quiescere .* Ubi Vallesius in comment. ait : *Censeo enim periculosius incidere in Medicum , qui nesciat quiescere , quam qui nesciat contraria adhibere : nam qui nescit quiescere , nescit occasiones contraria adhibendi ; qui nescit contraria adhibere , tamen , si prudens est , scit quiescere , atque si prodesse non potest , tamen non obesse .* Nec vero ex quiete hac inferri potest inutilitas medicamentorum , quæ ante adhibita fuerant . Quapropter Aetius tetrab. 2. serm. 2. cap. 10. in fine , ait : *Proinde opera pretium est nosse , quod multi sic agrotantes in tempore curationis nihil commodi perceperunt ; demissa vero curatione restituti sunt , natura ante curationem prævalente contra morbos debiles ex medela factos : quapropter natura remissionem dare oportet ; videtur enim una cum curationibus affligi , in quiete vero invalescere , & superare morbos jam antea astenuatos .*

11 Alterum est , non esse contra miraculum pronuntiandum , statim ac constat , Medicos fuisse ad curationem vocatos , & ab eis adhibita fuisse medicamenta . Hæmorrhoidis , mulier videlicet sanguinis profluvio laborans (alii S. Martham , alii Veronicam , alii vero probabilius putant , Mulierem fuisse ex urbe Paneadis ad Jordanis fontem sitæ) accessit retro ad Christum , & ad ejus fimbriæ contactum sanitati illico restituta est , inhibito sanguinis fluxu , quo duodecim annorum spatio laboraverat . Eusebius lib. 7. histor. Eccles. cap. 18. refert , eam in urbe Paneade Statuas æneas duas , Christo unam , sibi alteram erexisse , quæ rem posteris indicarent : *Mansit porro ad nostra usque tempora (verba sunt Eusebii) : neque adeo urbem illam ingressi , ipsam conspeximus .* Loquitur de Statua Christi , de qua etiam multa habentur tom. 2. part. 2. dissertationum de cultu Sanctorum editarum a Patre Abbate Trombelli dissert. 9. cap. 42. & seqq. Insignissimum ergo fuit Christi miraculum , licet Hæmorrhoidis Medicos advocasset , eorumque adjutorio usa fuisset , non nisi quia medicamenta , a Medicis adhibita , fuerant omnino inutilia . Quapropter Marci 5. v. 25. legitur : *Et mulier , quæ erat in profluvio sanguinis annis duodecim , & fuerat multa perpeffa a compluribus Medicis , & erogaverat omnia sua , nec quidquam profecerat , sed magis deterius habebat : & Lucæ 8. 43. Et mulier quadam erat in fluxu sanguinis ab annis duodecim , quæ in Medicos erogaverat omnem substantiam suam ,*

nec

nec ab ulli prout curari; accessit retro, & tetigit funebriam vestimenti ejus, & confestim fluxus sanguinis ejus. Prudentia itaque una cum medica experientia necessaria est, ut tutum de hoc tertio requisito proferatur judicium; nosse enim oportet non solum vim & efficaciam medicamentorum, sed etiam tempus, intra quod proficere potuerunt, ut ex supradictis colligitur.

12 Succedit quartum requisitum, ut sanatio videlicet subita sit, & fiat in instanti. Abulensis in *Matth. tom. 4. cap. 14. quest. 176.* docet, quædam miracula fieri in instanti, alia vero tempore, & ut Scholæ loquuntur, *successive*: primorum affert exemplum in sulcitatione mortuorum, & sanatione cæcorum; aliorum autem in victoria ex. gr. belli, miraculo relata, quæ non obtineatur in instanti. Alterum hoc non facit ad rem, de qua nunc agitur: cum modo sermo sit de sanatione, de qua quarto loco quaeritur, an debeat esse subita & in instanti, ut miraculo adscribi possit. De hoc quarto requisito multa legi possunt apud antiquiores Canonistas, Archidiaconum videlicet in *can. Nec mirum, 26., quest. 5.* Martinum Laudensem in tractatu de *Canonizat. Sanctorum* edito occasione Canonizationis S. Bernardini Senensis, quem dicavit S. Joanni de Capistrano tunc viventem, in *g. Rursus quart Archidiaconus*, apud Troilum Malvetium in *tract. de Canonizat. Sanctorum*, apud Castellatum de Fara in *ead. tractat. g. Quæro, an sit necesse, miraculum fieri in instanti*, apud Pavinum Rotæ Auditorem in relatione causæ S. Bonaventuræ *part. 2. art. 5.* Ponderant isti Auctores nonnulla miracula veteris & novi Testamenti, quæ non fuerunt facta subito & in instanti, & alia rursus ponderant veteris & novi Testamenti miracula, quæ subito & in instanti facta sunt; & licet obscure satis loqui videantur, satis tamen aperte colligi potest, eos amplecti sententiam, quæ in miraculo non exposcit subitam sanationem, quemadmodum etiam colligitur ex relatione Jacobi Simonetæ Rotæ Auditoris, & deinde S. R. E. Cardinalis, in causa S. Francisci de Paula, ubi sic loquitur: *Dubitant forsitan etiam nonnulli, an illa miraculis jure adscribantur, quæ non statim facta fuisse, testes perhibent, cum secundum eos alii non sine naturæ auxilio, & diebus non paucis intervenientibus sanitatem demum obtinuerint: sed profecto in his nequaquam dubitandum est, cum spatium temporis miraculorum virtutem non impediat; nam, ut dicit Glossa Matthæi 8. loquens de Christo, quem verbis tantum statim curare poterat, paulatim sanat, humana cæcitate magnitudinem ostendens, quæ vix, & quasi per gradus ad lucem redit. Multis quoque citatis Divinarum Litterarum testimoniis idem attestatur Archidiaconus in *can. Nec mirum, 26., quest. 5.* quem Johannes Andreas, & alii referunt & sequuntur in *cap. unic. de Reliquiis & veneratione Sanctorum*, in *sexto*. Antiquiorum Canonistarum dicta tanquam excludentia necessitatem subite sanationis pro miraculo constituendo explicat & sequitur Molpheus *consil. 46. num. 53. & seqq.**

13 Adhæsit huic sententiæ Angelus Victorius Medicus in suis consultationibus *consul. 92.* ubi loquens de puella a paralyâ per miraculum liberata

rata hæc habet pag. 405. Cum igitur curatio prædicta mulieris, si dicenda sit miraculosa, non possit pertinere nisi ad hoc tertium genus, ad ipsum vero requiri videatur, ut sanatio fiat in instanti, illa autem septem aut plurimum dierum spatium fuerit sanata, non videtur illius sanitas tribuenda miraculo. Sed his non obstantibus, dicendum omnino censet, illam miraculose esse sanatam; non enim semper est necessarium ad miraculum, ut quis subito sanetur: quod facile ostendi potest exemplis; primo quidem exemplo pueri ab Eliseo Propheta resuscitati, cui primo calefacta est caro ejus, deinde Eliseo super ipsum iterum incurvato, revixit; & Naaman fuit a lepra mundatus post septimam abluitionem in Jordane; & Cacus Bethsaida a Domino illuminatus, non perfecte vidit, donec oculi iterum atque iterum a Domino tacti essent; & Macarius, ut refert Surius, puellam multis annis simili paralyti laborantem propriis manibus oleo sancto perunxit per viginti dies, ac pro ea Domino fundens preces incolumem reddidit. Hunc secutus est alius Medicus Sebastianus Badus in opere, cui titulus, Decora Roberti Cardinalis Bellarmini, pag. 88. Atamen non derogat miraculi quidditati, si in tempore fiat, dummodo alia concurrant.

14. Contrariam vero sententiam, hoc est necessarium esse, sanationem fieri subito & in instanti, ut inter miracula recenseri possit, sequitur Angelus Rocca de Canoniz. Sanctorum tom. 1. cap. 26. ubi post plura ita concludit: Si autem quis morbo aliquo ad invocationem Dei & Sanctorum, a Medicis non destitutus, paulatim liberaretur, tunc illud re vera miraculum dictum non videtur; curationem tamen, sive sanitatem illam, Divina opitulante Gratia, Sanctisque intercedentibus, paulatim recuperatam fuisse, omnino credendum est: morborum namque curatio miraculosa judicatur, si repentina sit, vel a Medicis jam desperata, temporisque momento perficere praestetur. Pro eadem sententia pugnant Matra in eodem tractatu de Canoniz. SS. part. 3. cap. 8. num. 8. & seqq. Rosa in addit. ad tract. de Executor. litter. Apostolic. sub num. 175. Pignatellus consult. 54. num. 1. tom. 4. Zacchias lib. 10. consil. 9. num. 16. Tertia conditio est, ut sanatio fiat subito, & in instanti, ac præter spem... & hoc, quia natura operatur per alterationem, & idcirco operatur in tempore, quia alteratio in instanti fieri non potest, cum motus in instanti non fiat. Fieri debere in instanti, admisserunt Rotæ Auditores in relatione causæ S. Caroli Borromei part. 2. art. 26. §. Tertio præmittimus, in relatione causæ S. Franciscæ Romanæ 3. part. art. 1. de miraculis in genere, in relatione causæ S. Raymundi art. 5.

15. Verum hodie cessare videtur quæcumque difficultas, & posse conciliari opiniones utrinque pugnantes, asserendo, instantaneitatem non requiri necessario in miraculis primi & secundi generis, sed omnino esse necessariam in miraculis tertii generis, & sic ut plurimum in sanationibus ab infirmitatibus, cum ut plurimum miraculum in his contingens consistat tantum in modo: Contelorius de Canonizat. Sanctor. cap. 17. sub num. 9. §. Sed ego distinguebam, Pasqualigus ad Lauretum de Franchis in controu. inter Episcopos, & Regulares num. 1174. Castellinus de certis. glor. Sanctor. cap. 8.

cap. 8. punct. 30. num. 37. §. 1. & seqq. Bordon. in opere posthumo de miraculis medii. 1. quest. 4. Pignatellus consult. 54. per tot. tom. 4. & consult. 20. tom. 5. Auditores Rotæ in relatione causæ S. Andreæ Corsini impressa post primam consultationem Lezanæ part. 2. num. 192. & seqq., & in relatione causæ S. Ildori tit. de miraculis in genere, quæ refertur ad ipsam relationem editam in causa S. Andreæ Corsini. Distinctionem hanc late propugnant duo Consultores Congregationis sacrorum rituum, Cardinalis videlicet de Lauræa in 3. lib. sent. tom. 4. disput. 20. art. 20. num. 867. & seqq., & num. 875. & seqq. & Matthæucci in pract. Theologo-Can. ad caus. Beatificat. & Canonizat. tit. 3. cap. 2. §. 1. & tribus seqq. Dictum est, sanationes ut plurimum ad tertium genus miraculorum referri, cum aliquæ dari possint & deant, ad secundum genus pertinentes, de quibus infra. Deuteronomii cap. 28. v. 27. legitur: *Percutiat te Dominus ulcere Aegypti &c. ita ut curari nequeas*: & rursus cap. 32. v. 33. *Venenum aspidum insanabile*. Pertinent sanationes ab hisce morbis non ad tertiam, sed ad secundam classem miraculorum; & idcirco quoad eas pro constituendo miraculo non est necessarium, ut fiant in instanti. Sanatio filii Reguli, qui mori incipiebat, absque dubio inter miracula fuit. Dixit enim Jesus patri Joān. cap. 4. v. 48.: *Nisi signa & prodigia videritis, non creditis*. Ea porro non contigit in instanti, cum Christus tantum dixerit: *Vade, filius tuus vivit*. Servi nuntium non detulerunt sanitatis, sed vitæ, dicentes, quia filius ejus viveret. Regulus eos non interrogavit, an filius perfectam sanitatem consecutus esset, sed qua hora melius se habuisset: *In qua hora melius habueris*. Et comperto eum melius se habere incepisse ea ipsa hora, qua Christus illi dixerat, filium adhuc vivere, id adeo habitum est pro miraculo, ut tam Regulus, quam tota ejus domus crediderint. De hac sanatione ita loquitur Cardinalis de Lauræa loc. cit. disput. 20. art. 5. num. 85. *Potest tamen contingere, quod morbi isti, alias per naturam curabiles, tantum processerint, ut sint incurabiles quovis appposito remedio, & quovis concessa temporis dilatione. Et tunc sanationes eorum essent secundi generis, sicut censio fuisse sanationem filii Reguli nuper allatam: ait enim Textus: Incipiebat enim mori. Igitur defecerat jam virtus nature. Et hoc est quod discutitur, cum de miraculorum probatione agitur, ad discernendum cujus generis sunt. Subtiliter enim consideratur, an remanserit aliqua spes in natura ad superandam morbi vim: si enim remansit, semper dicitur miraculum quoad modum: si desperatum erat pro natura, dicitur quoad rem.*

16 Relatam distinctionem amplexa est, & amplectitur sacrorum rituum Congregatio, cum in ea agitur de miraculis, præcipue sanationum, in causis Beatificationis & Canonizationis Servorum Dei, & Beatorum, & quidem tanta cum religione, ut aliquando abstinuerit a recensendo inter miracula nonnullas sanationes, in quibus Medici, aut testes afferebant, ægrum post invocationem Servi Dei, aut Beati coepisse melius se habere, & perfectam deinde sanitatem consecutum fuisse: modus enim hic loquendi subitam excludit sanationem, & sic gratiam potius si-

gnificare videtur. Summi Pontifices in bullis Canonizationum usi quidem sunt iisdem verbis, dum miracula quædam recensebant, ut in bulla Canonizationis S. Thomæ de Aquino pag. 139. *cod. Canonizat.* : *Cœpit ex tunc linguam ducere, meliorari, & convalescere, ac brevi temporis intervallo curatus perfecte fuit.* Et in bulla Canonizationis S. Ignatii pag. 335. *loc. cit.* : *Statim melius se habuit, depulsusque est morbus obstructionis, & hydropisis, ita prorsus ut intra tres vel quatuor dies detumuerit venter, & exinde illa se bene habuerit; & pag. 336. Melius se habere cœpit, & toto illo die, ac nocte insequenti inchoata valetudo ita est aucta, ut, illucescente mane, sana omnino ad ecclesiam Collegii dictæ Societatis accurreret expeditissime.* Omissa autem indagine, utrum sanationes in prædictis bullis relatæ, fuerint miracula tertii, an secundi generis, & an illis innixum vere fuerit Decretum Canonizationis; vis in hoc consistit, quod si Medicus ægroti, & testes iis verbis usi sint, & sanationes ita sint expositæ a Postulatoribus ad Beatificationem & Canonizationem obtinendam, non possunt ex defectu *instantaneitatis* miraculis adscribi; nisi probetur, miraculum esse secundi, non tertii generis; vel nisi ostendatur ex toto contextu, *meliorationis* verbum fuisse a Medico, & testibus usurpatum pro perfecta & subita sanitate, uti strenue prælitum fuit a Postulatoribus causæ tunc Beati, nunc Sancti Francisci Solani tempore, quoungebar munere Fidei Promotoris.

17 Multa alia de hoc subitæ sanationis requisito essent dicenda, cum a Doctoribus inquiratur, an, ut sanatio miraculo tribuatur, debeat esse non solum subita, sed etiam cum recuperatione virium; an, si aliquæ morbi reliquæ remanserint, id obstat miraculo: sed, cum hæc similesque quæstiones potius pertineant ad perfectionem sanitatis, quam ad subitam sanationem, de illis mox agetur, cum de requisito perfectæ, & non concisæ sanitatis habebitur sermo. Interim autem adnotare fas sit, in sacra Scriptura sæpe conjungi cum iis quæ miraculo sunt, verba *illico, subito, continuo, confestim, statim*, quæ æquivalent verbis *in continenti, & in instanti*, de quorum sensu quæstio est inter Doctores. Troilus Malvetius de *Canonizat.* SS. *dub. 3. num. 34. inter tractatus magnos tom. 14. pag. 100. a tergo col. 1. in fine*, docet, interdum *instantaneitatem* significare factum aliquod post triduum, aliquando post decem dies; duplex instans esse, alterum mathematicum, alterum morale; & in re, de qua nunc agitur, interpretationem & explicationem *instantaneitatis* arbitrio Judicis esse remittendam. Adhæret Cardinalis de Lauræa in *3. lib. sent. tom. 4. disput. 20. art. 20. num. 866.* Nos autem credimus, moralem *instantaneitatem* in sanationibus, quæ miraculo tribuuntur, sufficere; Judicis arbitrio rem esse relinquentiam, dummodo tamen arbitrium a ratione regatur. Judex ergo tunc tantum pronuntiare poterit pro subita sanatione, cum, adhibito Peritorum consilio, viderit, tanto temporis spatio sanationem contigisse, quanto juxta naturæ vires contingere numquam potuisset, ut statuunt citati Auctores. In causâ B. Hieronymi Emiliani actum fuit de sanatione ejusdam

Fran.

Francisci Manzoni, qui spatio duorum annorum he[n]ia admodum molesta laboraverat, quique post visitationem sepulcri hujus Beati continuatam spatio octo dierum, in quorum primo coepit melius se habere, octavo tandem die perfecte sanatus est : & instituta quaestione, an sanatio miraculo foret adscribenda, Auditores Rotæ in sua relatione eam miraculo adscripserunt hac allata ratione : *Quia non est necesse, miraculum fieri in instanti, sed sufficit fieri etiam successive, dummodo, ut in casu isto, eo præcipue tempore licet longiusculo contingat, quo ex natura rei contingere non potuisset, ut ex Hellamera in can. Nec mirum, num. 5. vers. Sed quare, 26. quest. 6. & ex sententia Rotæ in aliis relationibus. Hoc ipsum habetur in relatione eorundem Rotæ Auditorum in causa S. Hyacinthi pag. 23. Verum potest esse & dici miraculum, quamvis tractu temporis fiat, dummodo per naturam illud eodem temporis intervallo fieri non possit, ut in allegatione pro Canonizatione Sancti Didaci copiose fuit deductum, & multis sacrarum Litterarum exemplis confirmatum. In relatione S. Andreæ Corsini agitur de sanatione Sororis Angelicæ, quæ per triginta annos continuos manibus lepra obductis laboraverat, remediis omnibus inefficaciter adhibitis, & implorata intercessionem Beati, statim convalescere coepit, intraque dies octo penitus mundata est. Licet autem intercesserint octo dies, attamen attento subito initio meliorationis, & quod octo dies non erant tempus sufficiens ad curationem tanti morbi (protracti videlicet ad annos triginta) visum fuit, non cessare vim miraculi. Huc respexisse videtur S. Thomas in quaestionibus disputatis quest. 6. art. 2. ad tertium, ubi loquens de miraculis tertii generis, quæ vocat præter naturam, exemplum ponit sanationis quantum ad tempus : Sicut cum statim ad invocationem alicujus Sancti aliquis curatur, quem natura non statim, sed successive & in alio tempore, non in isto curare posset. Huc quoque respexisse videtur Gabriel Vasquez in 1. part. quest. 57. disput. 214. cap. 2. num. 9. tom. 2. ubi scribit : Sanatio ageritudinis est opus supernaturale ex parte morbi, quando aut subito, aut paulatim ita fit, ut nulla creata causa illius esse posset. Hæc autem innuisse satis fit. Monemus tamen, cautos, prudentes, & severos esse debere Judices in proferendo de instantaneitate judicio ; cum sæpe intra modicum tempus viribus naturæ morbus expelli possit & profligari.*

18 Illud quoque addere volumus quaeri posse, utrum pro constituenda subita sanatione necesse sit, ut ea statim post invocationem Beati, vel Sancti sequatur ; an satis sit, ut sequatur post aliquod ab invocatione tempus, dummodo, quando contingit, ita contingat, ut æger illico & in momento a morbo transcat ad sanitatem. Utque res fiat clarius exemplo, ponamus, aliquem preces exhibere alicui Servo Dei, aut Beato, ut sanitatem obtineat ; ejus preces nec prima, nec secunda, nec tertia vice exaudiri, sed post aliquam temporis moram & exaudiri, & ægrum momento sanari. Porro, si subita sanatio sequi debet statim post preces, non videtur hæc sanatio inter miracula recensenda : sin autem satis est, ut fiat in momento, etiam si non sequatur statim post invocationem, sanatio hæc,

124 DE SERVORUM DEI BEATIFICATIONE

dummodo cetera non desint requisita, erit miraculo adscribenda. Ne vero aliqua irrepat ambiguitas, secernendus esse videtur casus a casu: vel enim post primas preces non exauditas aliae continenter adduntur, nec ulla interim remedia naturalia exhibentur, nec ullum sanitatis initium apparet, sed sanitas tota momento confurgit; vel post primas non exauditas preces æger ab invocatione desistit, se ad remedia naturalia convertit, & aliquod sanitatis initium apparet, cui tandem succedit perfecta sanatio. Si primo modo res se habeat, non poterit excludi sanatio a classe miraculorum ob defectum *instantaneitatis*: sin autem res secundo modo se habeat, sanatio non erit inter miracula recensenda, ut observat Cardinalis de Lauræa cit. art. 20. num. 864. *Dupliciter accidere potest, ut miraculum non sequatur statim, seu illico ad invocationem. Primum quia facta invocatione, seu applicatione, non sequitur, sed fit aliquod remedium, vel accidit crisis, vel morbi periodus adventus; & tunc nullatenus eventus ille censendus est miraculosus, sed naturalis, vel saltem dubius. Secundo accidere potest, ut post invocationem in una hora aut die non obtineatur eventus, sed post invocationem in alia die, vel hebdomada, vel mense obtineatur eventus; ac medio illo tempore neque fuit applicatum remedium, neque accidit crisis, neque constat de periodo morbi; & tunc eventus ille erit miraculosus. Neque afficit, quod non in prima invocatione, sed in postrema accidit eventus; quia (ut dicemus) id ex duplici capite poterit provenire, vel ex defectu fidei seu fiducia in patiente, aut invocante, vel ex Dei providentia exigente majorem dispositionem in patiente, vel probante illius patientiam. Huc faciunt adducta per Garziam de Caralaps de Canonizat. Sanctor. in digressionem de miraculis §. 23. ubi notat, miracula, quæ sunt per intercessionem Sanctorum ad recuperandam sanitatem corporalem, sæpe differri per aliqua temporum intervalla, ut eorum decursu infirmus majori fide, spe, & devotione inflammetur. Non loquitur Cardinalis de Lauræa de hypothese, in qua, continuatis post primas preces subsequenter precibus, nullisque adhibitis naturalibus remediis, initia sanitatis apparent, ægri incipiunt melius se habere, & perfecte tandem convalescunt: nihilominus asserimus, similes sanationes non esse miraculis adscribendas (loquendo semper de sanationibus, quæ viribus naturæ obtineri potuissent, sed non in momento) non quia ex natura sua tales esse non possint, Deo videlicet eas, sed paulatim efficiente, sed quia tales nobis non apparent ex defectu *instantaneitatis*. Cohærenter ad hæc, dumungebar munere Fidei Promotoris, licet sine ulla dubitatione miraculo adscripserim sanationes, quas ægri momento temporis consecuti sunt post novendiales preces in honorem alicujus Beati institutas; sæpe tamen dubitavi de sanationibus, quæ tempore novendialium precum paulatim acciderunt, ita ut æger primum bene, postea melius, & tandem ultima die novendialium precum, vel die proxime sequenti perfecte se habuerit; hujusmodi quippe sanationes autumavi inter gratias potius, quam inter miracula esse numerandas; Mattea de Canonizat. Sanctor. part. 4. cap. 8. num. 7. & seqq.*

19 Explicatis primo, secundo, & tertio requisitis, succedit quartum; videlicet, ut sanatio miraculo adscribatur, debet etiam esse perfecta, non manca, aut concisa. Conveniunt omnes in hoc requisito: Genven. in *praxi Archiepiscopali-Neapolitana cap. 59. Ricc. in praxi Episcopali resolut. 487. num. 7. & ex Medicis Fortun. Licetus lib. 2. de his, qui dñi sine alimento vivunt, cap. 172. in fine, Gaspar a Rejes juvenidar. questio. elysio campo quest. 24. sub num. 1. Zaccbias quest. medico-legal. lib. 4. tit. 1. quest. 8. num. 9. & alii passim. Difficultas ergo in eo est, ut videatur, quando sanatio dicenda sit perfecta, & non concisa. Passim apud Auctores legitur, petfectare, & non concisam dici sanationem, si, juxta antecedens requisitum, vis morbi illico & in momento fuerit depulsa; licet per aliquod tempus remanserint morbi consecutaria quædam, puta lassitudo virium, imbecillitas, cicatrix, si agatur de vulnere; & quamvis hæc ipsa deinde cessent vel ope naturæ, vel ope medicamentorum: Contelorus de Canonizat. Sanctior. cap. 17. num. 14. Gravina de Catholic. præscript. 2. part. tom. 4. pag. 350. Frances varior. resolut. cap. 29. num. 45. Rosa in addit. ad tract. de Executoriis. litterar. Apostolicar. num. 156. Bordon. in opere postumo de miraculis medit. 7. num. 24. Castellinus de certitud. glor. Sanctior. cap. 8. punct. 30. §. 3. Zaccbias quest. medico-legal. lib. 10. consil. 6. num. 8. ubi sic loquitur: Nihil denique ob stare videtur, si post principalis morbi curationem remanserint aliqua consequentia, morbum, nec agra tam subito ab iis levata sit; satis enim est, si morbi malitia & acerbitas ad Servi Dei invocationem, & immediate post applicationem mensuræ ejus beatissimi corporis, atque in instanti remiserit, Sebastianus Badus in decuribus Roberti Cardinalis Bellarmini pag. 88. Respondens secundo, satis esse, morbi malitiam sublatam esse in instanti, quæ naturaliter tolli non poterat, licet effectus perfectæ sanationis successu alienius temporis sequi videatur.*

20 Doctrina hæc passim usurpatur a Postulatoribus, & etiam a Medicis pro opportunitate scribentibus, ut respondeant animadversionibus Fidei Promotoris miraculum excludentibus vel ex defectu instantaneitatis, vel perfecte sanationis. Ea quoque passim usi sunt Rotæ Auditores in relationibus causarum Canonizationis, in relatione videlicet causæ S. Raymundi de Pennafort art. 5. ubi postquam dixerunt, & comprobarunt, in sanationibus miraculo adscriptis necessariam esse instantaneitatem subjecerunt: Quod si quandoque successu quadam temporis in miraculis esse videatur, non facit cessare rationem veri miraculi, quia semper illud, in quo consistit nocura veri miraculi, fit in instanti, licet quadam miraculum ipsum subsequenter fiat in tempore, ut verbi gratia in vulneribus, & aliis infirmitatibus letalibus, ex quibus moriendum est, miraculum consistit in tollenda malitia morbi, quæ naturaliter auferri non potest, aut medicamentis superari: quod autem postea successu temporis claudantur labia vulnerum, obdureantur cicatrices, & imbecillitas depellatur, non facit cessare miraculum: quod ipsum legitur in relatione causæ S. Caroli Borromei 3. part. de miraculis argum. 26. §. Tertiò prenotavimus, in relatione causæ S. Franciscæ Romanæ 3. part. art. 1. §. Et licet quan-

quandæque, in relatione causæ B. Juliani a S. Augustino *cap. 19. §. Et quamvis*, in relatione causæ S. Iſidori Agricole *miracul. 7. §. Non obſtare videtur*, & paſſim in aliis.

21 Verum, ut eo, quo decet, ordine, & ea, quæ neceſſaria eſt, diſtinctione procedatur, vel agitur de ægro variis morbis laborante, vel de ægro unico tantum morbo affecto: ſi de ægro variis morbis laborante, oculi ex. gr. cæcitate, cancro in pectore, & hydrope ventris, oculi autem cæcitas momento depellatur, nullis adhibitis medicamentis, ſed ceteri morbi permaneant, ſanatio a cæcitate oculi nunquam dici poterit manca & concifa. S. Auguſtinus *de civit. Dei lib. 22. cap. 8.* narrat, quemdam adoleſcentem miraculo fuiſſe a Dæmonis obſidione liberatum ad Memoriam SS. Martyrum Gervafii, & Protafii; narrat, eum habuiſſe oculum in maxillam fuſum, tenui venula ab interiore quaſi radice pendentem, & totum oculi medium, quod nigrum fuerat, quaſi album factum; narrat adſtantes exclamaſſe, Medicum eſſe quaerendum; at maritum ſororis dixiſſe, Deum, qui Sanctorum orationibus Dæmonem fugaverat, poſſe lumen reddere, oculumque lapſum atque pendentem, loco ſuo revocatum, orario ligari, & non niſi poſt ſeptem dies ſolviſſe, quod cum feciſſet, ſaniſſimum eſſe inventum. Agebatur in re hac de ægro duplici morbo laborante, truculenta videlicet Dæmonis obſeſſione, & magna oculi læſione. Alia ſimilia proſtant exempla in libris S. Gregorii Turoſenſis, ubi loquitur de miraculis S. Martini, narratque *lib. 2. cap. 3.* ſeminam quamdam retortos ad crura pedes habuiſſe, & oculorum lumine caruiſſe; ipſaque delata ad pedes S. Martini, ſtatim laxata fuiſſe fila nervorum arentium, oculorum lumine non recepto; at poſt duos annos accedentem ad S. Martini ſepulcrum oculorum lumen recepiſſe. *Et lib. 4. cap. 19.* reſert hominem paralyticum ad celebrandum Sancti feſtum accedentem diſceſſiſſe directis membris, ſed lumine adhuc adempto; at ad idem feſtum redeuntem ipſum quoque viſum recuperari. Cumque S. Auguſtinus liberationem a Dæmonis obſeſſione inter miracula recenſeat, etſi per aliquod tempus remanſerit oculi morbus, oculi autem ſanationem adſcribat novo & ſeparato miraculo, eodemque modo procedant narraſiones S. Gregorii Turoſenſis, ſignum evidentiffimum hoc eſt, in laborante duplici morbo, quorum alter ſit ſeparatus ab alio, permanſionem unius, vel etiam ſubſecutam huius curationem per media naturalia, non inſicere miraculum, quod contigit in ſanatione alterius; nec ſanationem ipſam, ob alterius morbi permanſionem, dici poſſe imperfectam, mancam, aut concifa: quod ſi alterius quoque morbi ſanatio citra naturæ opem contingat, non pro uno, ſed pro duplici miraculo pronuntiandum eſt.

22 Aut agitur de eo, qui laborat unico morbo, quique ab eo dicitur miraculo liberatus, licet conſequentia eundem morbum permanſerint, & ſolum tractu temporis, vel ope naturæ, aut medicamentorum receſſerint; & tunc ſubdiſtinguendum eſſe videtur inter conſequentia & conſequentia, inter

inter morbum & morbum . Cicatrix ex vulnere est quoddam morbi con-
fectarium : sed hoc non crederem obflare miraculo sanationis vulneris rite
& recte probatæ . Frequentior morborum consequentia est virium lassita-
do : & hanc crederem absque dubio obitare approbationi miraculi , cam
res est de morbo , qui naturaliter sanari potuisset , licet non eo modo , quo
sanatus est , temporis videlicet momento , & sine medicamentis ; secus au-
tem , cum res est de morbo , qui naturaliter sanari non poterat . Uno ver-
bo , debilitas virium , quæ , depulso morbo , superest , obstat approbationi
miraculi , cum miraculum est tertii generis , & non obstat approbationi mi-
raculi , cum miraculum est secundi generis , & hoc modo conciliantur sen-
tentix , quæ inter se pugnare videntur , licet re vera non pugnent ; cum il-
li , qui morbi consequentia , & præcipue lassitudinem virium dicunt non
obflare miraculo , loquantur de miraculis secundi generis , & illi , qui dicunt
obflare miraculo , loquantur de miraculis tertii generis ; in morbis enim , qui
naturaliter pelli poterant , ut sanatio inter miracula recensetur , oportet ,
ut qui momento sanitatem recepit , possit ea immediate facere , quæ ante
morbum facere poterat , juxta Textum in l. *Quod ita* , ff. de adilit. editi . *Quod*
ita sanatum est , ut in pristinum statum restitueretur , perinde habendum est , quasi
numquam morbosum fuisset .

23 Paulo ante adducti Consultores Congregationis sacrorum rituum
supra expositas distinctiones apte tradiderunt , Cardinalis videlicet de
Lauræa in 3. lib. sent. tom. 4. dispnt. 20. art. 21. de miraculis a num. 901. usque
ad finem , Matthæucci in præf. Thologo-Canon. ad caus. Beatificat. & Cano-
nizat. tit. 3. cap. 1. §. 7. & cap. 2. §. 3. num. 32. Dum fungebar munere Fidei
Promotoris , & agebatur de signis & miraculis in causâ Beatificationis tunc
Servi Dei , nunc Beati Joannis de Prado Martyris , postquam probavi , quam-
dam sanationem , quæ a Postulatoribus loco miraculi proponebatur , esse
referendam , quatenus hujusmodi esset , inter tertii generis miracula , ad ul-
teriora progrediens ostendere conatus sum , eam esse a classe miraculorum
rejiciendam ex defectu momentariæ virium recuperationis . Super eodem
miraculo bini Medici scripserunt , Emmanuel Lopez a Postulatoribus requi-
situs , & supra memoratus Joannes Maria Lancilii jussus pro veritate sen-
sum suum aperire . Vis meæ oppositionis fuit ab eis bene perspecta , omni-
que idcirco conatu demonstrarunt , virium debilitatem fuisse una cum mor-
bo illico depulsam . Legi possunt eorum suffragia Typis impressa in Posi-
tione ejusdem causæ . Verba Lancilii sunt hæc : *Neque vero necesse est , ut*
querere instituum , an omnes morbi reliquæ , quæ ab agitudinibus superesse solent ,
fuerint hic momento temporis absterse ; sufficit enim ad veram miraculi rationem ,
quod malum præcipuum , & graviora symptomata , cujusmodi in hoc casu fuerunt
hæmoptysis , inappetentia , languor , ac debilitas , illico excesserint . Postquam au-
tem sacræ Congregationi virium certa & explorata fuit momentaria recu-
peratio , non dubitavit miraculum approbare ; uti colligitur ex Decreto
edito die 17. Februarii 1728. & a Benedicto XIII. confirmato die 5. Martij

tii ejusdem anni, in quo Decreto mentio fit expressa recuperationis virium: *Constat de repentina sanatione Melchioris de Loassia a copioso & immoderato sanguinis effluxu, cum instantanea deperditionum virium recuperatione in tertio genere.* Addi possent alia quamplura similia exempla, sed, cum vulgarissima sint, ab eis recensendis abstinemus. Præterire tamen non possumus sententiam Beati Raymundi de Capua in secunda parte Vita Sanctæ Catharinæ Senensis a Bernardo Pecci Italici conscripta cap. 8. num. 9. ubi post expositum miraculum liberationis a morbo hæc habet: *Diranno forse costoro, de' quali Iddio non ha toccato i cuori: Che gran cosa egli è, se da un' infermità, quanto si voglia gravissima, è stato curato un uomo?* Tutto giorno ciò naturalmente adviene. A questi in per contrario rispondo, dimandandogli: qual maraviglia, se curò il Signore la fuocera di Simone, la quale, testimonio l'Evangelista, da gran febbri era oppressa? Tutto giorno queste cose naturalmente accadono, che gli uomini da febbri quanto si voglia gravissime son liberati: Perchè dunque l'Evangelista a noi per miracolo ciò racconta? Ma attendi, o miscredente, che nulla capisci ultra 'l senso, attendi ciò, ch'ha voluto dinotare l'Evangelista: Stans (disse egli 4. 39.) super illam, imperavit febri, & dimisit illam, & continuo surgens ministrabat illi. Questo fu il segno del miracolo, che al comando del Signore, senza dilazione à natural rimedio partì la febbre, e colei, che dalla febbre era sì gravemente oppressa ed abbattuta, senz' altro conforto incontante s'alzò in piedi, e ricuperò la forza corporale, come se mai dalla febbre non fosse stata molestata. Così parimente nel nostro proposito chiaramente vedi, se da cecità di mente ingombrato non sei. Si presentò questa S. Vergine, nel cui petto abitava il Signore, e quel Signore, che curò allora la fuocera di Simone, stette non da vicino, ma da lontano, e comandò alla febbre insieme ed alla peste, e senz' alcun rimedio corporale, lasciarono senza indugio il paziente Matteo, il qual subito levandosi, mangiò con noi i legumi e la cipolla senza nocumento, come da tale infermità non fosse mai stato aggravato. Aprì dunque gli occhi della mente, e non volere essere incredulo, ma fedele.

24 Troilus Malvetius in allato tractatu de Canonizatis. Sanctior. inter tract. magn. tom. 14. pag. 101. num. 52. querit, an manca & imperfecta sit sanatio, si cum dolore contingat, & an idcirco sit a classe miraculorum arcenda, & affirmando respondet; licet enim aliqua cum dolore contingerint miracula, id tamen raro contingit; & cum frequentiora sint exempla miraculorum abique ullo dolore, concludit, arguendum esse ab his que sæpe, & non ab his que raro contingunt; & sequuntur Matra de Canonizatis. SS. part. 4. cap. 10. num. 2. Sebast. Medic. de mirabilibus operibus Dei lib. 1. quest. 22. At ceteri omnes adversantur, putantes perfectam esse posse, & miraculo tribuendam sanationem, etiam si accadat cum dolore; Pavinus in relatione causæ S. Bonaventuræ part. 2. art. 6. Contelorius de Canonizatis. SS. cap. 17. num. 18. Castellanus de Canonizatis. SS. quest. 6. principali, vers. Quæro, an sit contra rationem, num. 102. Molpheiis consil. 46. num. 57. Simoneta in relatione causæ S. Francisci de Paula, §. Quod autem contra rationem, Pignatellus consil. 27. num. 23. tom. 5. Rosa in addit. ad tractat. de Executorib. litterar. Apostol. num.

181. Cardinalis de Lauræa in 3. lib. sent. tom. 4. disput. 20. art. 25. num. 396. Matthæuccius in cit. oper. tit. 3. cap. 1. §. 6. afferunt exemplum Dæmoniaci a Salvatore curati : Dæmone enim exeunte & clamante, & obsessum discerpente, ipse factus est sicut mortuus, ita ut multi dicerent, eum mortuum esse, uti legitur *Marci 9. item* impressio vulnerum Salvatoris in manibus, pedibus, & latere S. Francisci non sine magno ejus dolore; & impressionis Stigmatum in corpore S. Catharinæ Senensis, qua deprecante, ne vulnera externa apparerent, radii continuo colorem sanguineum mutaverunt in splendidum, tantò cum ejus dolore, ut, nisi Deus minuisset, ipsa brevi se crederet morituram. Addi potest, quod legitur in citatis libris S. Gregorii Turonensis de miraculis S. Martini, cum lib. 2. cap. 8. referat, cæcum ad ejus sepulcrum visum recepsisse, sed postquam correptus oculorum dolore spumam ab oculis emiserat; & lib. 3. cap. 16. infanrem cæcitate laborantem, & ad ejus tumulum prostratum vidisse statim super se cereum elucere, sed postquam sensu dolorem, qualem sensisset, si aliquis statim pupugisset spiculo oculos ejus, & postquam sanguis ab oculis erumpens coepit diffuere per genas ejus. Zacchias *quæst. medico-legal. lib. 4. tit. 1. quest. 3. num. 9.* ita ad rem scribit: *At profecto etiam ipsi Philosophi satis fuerit ad miraculi essentiam, ut opus non sit sua natura subtilibus; neque curabit ille, an cum dolore, vel aliter fiat.* Nec in examine inmiculorum ab hac sententia recesserunt Rotæ Auditores, quemadmodum desumitur ex ipsorum relationibus in causa S. Caroli Borromæi 3. part. tit. de miraculis post mortem, in examine miraculi Paulæ Justinæ Calavæ a gravi paralyti liberatæ: *Nec refert, quod, paulo antequam miraculum fieret, Paula gravissimum in brachio dextero senserat dolorem cum adeo sensibili strepitu, ut brachium ruptum videretur; quia licet communis natura miraculi sit, ut fiat sine dolore illius in quo fit, ut apparet in multis Christi miraculis, tamen non est contra rationem miraculi, si in liberatione alicujus contingat dolor; in causa S. Terefiæ in undecimo miraculo post mortem: Nec aliquid ob hoc miraculo detrabere nobis visum fuit, quod, apposita Reliquia ad collum patientis, dolores creverint, & maximam anxietatem illi causaverint, ut notat Archidiaconus, quidquid velit Trillus Malvetius; & in causa S. Andreæ Corsini part. 2. num. 196. post primam consultationem Lezana. Fidei Promotores sæpe opposuerunt istiusmodi sanationes, quæ proponebantur a Postulatoribus, inter miracula recuberi non posse, quod cum dolore contigissent. Petrus Franciscus de Rubenis in causa Canonizationis tunc Beati, nunc Sancti Joannis de Cruce, id late prosecutus est. Sæpius & ipse hoc eodem argumento usus sum: sed sacra Congregatio contrariæ adhæsit sententiæ tamquam magis receptæ, in quo eodem sensu ego ipse sæpe sui pro veritate suffragium serens, & tamquam sacre Congregationis Consultor, dummodo tamen dolor interveniens judicio Medicorum non haberetur tamquam medium naturale aptum ad morbum depellendum. Et coherentè ad hæc, me in causa Beatæ Julianæ de Falconeriis opponente, sanationem dolore non caruisse, ideoque fuisse naturalem, Petrus Affaltus alibi a Nobis cum laude commemo-*

Tom. IV.

R

ran-

130 DE SERVORUM DEI BEATIFICATIONE

randus in suis physicis responsionibus comprobavit, dolorem non obstat miraculo, nec potuisse ullam naturalem spem sanationis suppeditare: quibus omnibus mature ponderatis, sacra Congregatio miraculum quarto loco propositum, in cujus examine memoratam proposueram animadversionem, approbavit, & Benedictus Papa XIII. confirmavit; uti colligitur ex decreto edito die 5. Octobris 1729.

25 Zacchias quoque *quest. medico-legal. lib. 4. tit. 1. quest. 8. num. 9. & seqq.* querit, an manca & concisa, & sic a classe miraculorum arcenda sit ea sanatio, quæ ita contingit, ut, morbo uno recedente, alius succedat, puta, si febris longæ quartana, si febris acutissimæ lenta & diuturna, si malignæ febris abscessus, si apoplexiæ paralysis, si epilepsiæ melancholia succedant; & respondet, sanationem non esse miraculo tribuendam, cum miraculum, utpote opus a Divina & perfectissima causa emanans, perfectum debeat esse & absolutum. Sequitur Pignatellus *consult. 26. num. 10. tom. 5.* ubi exponens requisita miraculi, ait: *Sextum, ut ipsa sanatio sit perfecta & absoluta, non manca & concisa, adeo ut metastasis de uno morbo ad alium, etsi levarem, minime sit habenda pro miraculosa.* Addit tamen Zacchias, metastasim ab uno in alium morbum miraculo obstat non debere, si contingat post invocationem aliqujus Servi Dei; vel Beati, in qua aliquis pereret, ut morbus, quo affigitur, recedat, & alius succedat; quod tamen crederem sic esse intelligendum, si morbus, qui recedit, modo non naturali recedat. Affert exemplum Servæ Dei Arsilæ Altissimæ, de qua in præcedenti libro sæpius habitus est sermo. Piz hæc mulier acerbissimo hæmorrhoidum dolore vexabatur, & eas tumidas & exulceratas insimul habebat, nec ullis levabatur remediis. Zacchias, qui eam curabat, consilium dedit, ut se Chirurgis inviscendam sequenti die exponeret: sed ipsa, nocte præcedente diem anniversariam obitus Ven. Servi Dei Cardinalis Bellarmini, ab eo enixe petente, ut dolorem illum in aliam sui corporis partem transmitteret, ut se ab honesto illo pudore vindicaret, eadem nocte dolores articulares eam corripuerunt, & a dolore hæmorrhoidum, & a tumore, & ulceribus dicto citius libera evasit. Zacchias miraculum constituit in subita sanatione. De eodem facto loquens Badus in suo opere, cui titulus, *Dictra Roberti Cardinalis Bellarmini*, addit, ulcera momento sanata fuisse, quæ desiderabant seturminationem, & carnis deperditæ reparationem, quæ momento naturaliter fieri non poterant; & tam Zacchias, quam Badus miraculo obesse non putant metastasim in alium morbum ob limitatam petitionem a pia semina factam: *O sancte Cardinalis, tu, qui tam pie affectus fuisti erga vulnera Sancti Francisci, & qui hac die celum petisti; queso, ut hinc facessant mea vulnera, impetra mihi a Deo in alias partes, nam rem mihi gratissimam facies: uti legitur in vita prædicti Servi Dei scripta a Patre Fulgatto, & latius in alia ipsius vita scripta a Patre Bartolo lib. 4. fol. 521.* Alia infra addentur, cum de ultimo requisito tractabitur.

26 Superfunt alia duo requisita, ut sanatio inter miracula referri possit. Sextum itaque requisitum est, ut nulla notata digna evacuatione, seu
ctilis

ET BEATOR. CANONIZ. LIB. IV. PAR. I. CAP. VIII. 131

crisis præcedat cum causâ; & ultimum, ne sublatus morbus fiat recidivus. De prædicto sexto requisito citatus Zacchias pluribus *cit. oper.* loquitur; *lib. etenim 4. tit. 1. quest. 9. num. 13.* ait, sanationes naturales esse censendas, si fiant per insignem aliquam evacuationem, per hæmorrhagiam, per alvi fluorem, per sudorem, per urinam, aut aliam quamcumque evacuationem, etiamsi sanatio illico, & quasi in instanti fiat; & *lib. 9. consil. 5. num. 3.* ait, subitas sanationes & in instanti factas esse miraculo adscribendas, si nulla intercessit crisis; secus autem, si crisis præcesserit: quæ tamen dicta, juxta communem aliorum Medicorum sententiam, sibi debent ut plurimum locum vindicare in morbis acutis, & non in chronicis, & semper in bonis crisisibus, & non in malis, ut ex sequentibus plane inferri potest.

27 Juxta Galenum in 3. *de crisisibus*, triplici modo potest natura sanitatem inducere, per decubitum, per crislum, & per simplicem morbi solutionem, sive coctionem. Decubitus est depositio humoris peccantis a parte nobili ad ignobilem: quapropter idem *cit. lib.* ait: *Sed etiam parvulus non paucos in tempore opportuno liberavit, & ad genua, & ad pedes, & ad alind quidpiam ignobile decubitus.* Crisis ab eodem definitur 3. *aphor.* 13. *Subita ac repentina in morbo mutatio;* & in 3. *de crisisibus cap. 7.* meminit evacuationis, quæ in crisi contingere debet: *Si quis enim subito morbo liberatur, omnino huic aliqua evacuatio effatu digna contigit vel per vomitum, vel per ventris exonerationem, vel sudores, vel urinas, vel sanguinis e naribus effusum, aut ex sede per hæmorrhoides, aut in mulieribus per purgationem menstruum.* Et loquens de simplici morbi solutione, sive coctione, docet, solutionem longiori tempore, & paulatim fieri, cum morbi omnes, qui per coctionem solvuntur, percurrere debeant illa quatuor tempora, principium scilicet, augmentum, statum, & declinationem: chronici autem morbi illi sunt, qui ut plurimum cessant per coctionem, & non per crislum, quemadmodum adnotavit idem Zacchias *cit. consil. 9. num. 14. & seqq.*

28 Docent Medici, nonnullas crises bonas esse, nonnullas malas, plures imperfectas, nonnullas perfectas; & perfectam dicunt, si sit cum omni allevatione morborum: si enim per evacuationem materię morbus crescat, aut symptomata non cessent, extra naturæ leges, crisis appellatur, nec materiam morbosam satis coctam & præparatam educit. Idem Medici notant nonnullos pro salutari & bona crisi dies, quos dicunt decretorios, & alios indices appellant, utpote qui indicant dies criticos, de quibus Sennertus *tom. 1. lib. 3. part. 3. cap. 11. de diebus criticis*: quamvis hæc perpetua non sint, cum non ita morbi sint hisce legibus adstricti, ut etiam aliis diebus per veras crises non desinant; uti videri potest in ephemeris, quæ die una, aut altera judicantur, & in anginis aliquibus, quæ quarta die suum habent terminum, uti etiam notavit Hippocrates 2. *epidem. sect. 3. 1. epid. sect. 2. 5. epid. sect. 2.* Quare Celsus *lib. 3. cap. 9.* statuit, Medicum non debere numerare dies, sed morbi accessiones intueri. Illud quoque monendum, quando crisis futura est, aliquid novi fieri vel circa respirationem,

nem, vel circa mentem, vel circa auditum, vel circa visum, vel aliquod eorum contingere, quæ uno nomine critica accidentia a Medicis nominantur.

29 Hactenus de sexto requisito. Quod attinet ad ultimum, ne scilicet morbus sublatus redeat, &c, ut loquuntur, *recidiva* contingat, de eo inter Scribentes disputatur. Pavinus in relatione causæ S. Bonaventuræ *part. 2. art. 6.* putat, recidivum morbum non obstare miraculo etiamsi redeat paulo post sanationem: *Item etiam non est contra rationem miraculi, quod sanatus de proximo recidavit* (sunt verba ipsius). Sufficit ergo, quod sanitas fuerit *verisimiliter duratura, licet casu sit momentanea, aut recidivet &c.* per aliquod accidens culpabile, & inordinatum. Sequitur Simoneta in relatione causæ S. Francisci de Paula: *Illud postremo praterendum non est, quod ad hoc, ut miraculi virtus subsistat, satis est, si restituta sanitas verisimiliter videbatur duratura, licet ex sanati culpa superveniente, aut Divina dispositione momentanea fuerit.* Et Jacobus Castellanus in suo tractatu *ms. de Canoniz. Sanctior.*: *Non est contra rationem miraculi, quod sanatus de proximo recidat, quia sufficit, quod sanitas fuerit verisimiliter duratura, licet casu fiat momentanea.* Adhærent Castellinus de *certitud. glor. Sanctior. cap. 8. punct. 32.* Gravina *Catholic. præscript. 2. part. tom. 4. pag. 350.* Mophesius *consil. 46. num. 58.* Contelorius de *Canoniz. Sanctior. cap. 17. num. 22.* Bordon de *miraculis meditat. 7. quest. 11.* Zipæus *consul. canon. lib. 3. pag. 363.* Gaspar autem a Rejes *quest. 24. sub num. 1.* absolute profert, ad essentiam ejus sanationis pertinere, quæ miraculo fit, ut sublatus morbus non revertatur. Concordare videtur Zacchias *lib. 4. tit. 1. quest. 3. num. 10.* ubi testatur, se plures ægrotos vidisse, qui ad adventum Religiosi, vel applicationem Reliquiarum alicujus Beati, vel Sancti sese a morbo liberarunt; sed mox ex eodem morbo deterius molestatos fuisse, & aliquando etiam vitam cum morte commutasse. Matta de *Canoniz. Sanctior. part. 4. cap. 10.* ait, ceteris concurrentibus requisitis, sanationem miraculo accenseri debere, etiamsi sit momentanea, si constet de nova causa morbi, sive noxia, sive innoxia; secus autem, si de ea non constet: hunc sequitur Rosa in *addit. ad tract. de Executorib. litterar. Apostolicar. num. 187. & seqq.* Cardinalis autem de Lauræa in *3. lib. sent. tom. 4. dispus. 20. de miraculis art. 21. num. 906. & seqq.* docet, quamvis Deo volente, possit quis aliquando per miraculum ab uno morbo liberari, & statim in eundem relabi, eam tamen sanationem non debere ab Ecclesia inter miracula recenseri, nisi constet de limitata petitione, aut de aliis circumstantiis, ex quibus suaderi possit, rem divinitus sic se habuisse: & post plura concludit *num. 908.* Regulariter enim *totaliter & perfecte sunt a Deo sanationes, nec scio in Scriptura invenire ejus generis miracula, ut ex uno morbo sanatus inciderit in pejorem, aut similem, aut statim in eundem: ideo, nisi, ut dixi, ex præfatis circumstantiis appareat a Deo procedere, miraculum non censetur;* & sequitur Matthæucius *præf. Theologo-Can. tit. 3. cap. 2. §. 3. num. 37. & seqq.*

30 Cum intra tractabitur de mortuorum resurrectione, aliqua asse-

remus

remus exempla eorum, qui mortui cum essent, ad vitam per miraculum revocati, paulo post mortui sunt, absque eo quod ex morte paulo post novam vitam subsecuta inferri possit, mortuum non fuisse per miraculum ad vitam revocatum, nonnisi quia ex circumstantiis optime deprehensum est, sic rem divinitus se habuisse. Interim autem pro re, de qua nunc agitur, facit exemplum S. Basilii M., quo præsente filius Valentis Imperatoris infirmus convaluit; eoque recedente, vocatisque Hæreticis ad eum visendum, ægrotavit, & paulo post mortuus est. Equis enim est, qui pueri sanationem a classe miraculorum excludere possit sub obtentu, quod puer in eandem iterum incidit ægritudinem, cum ex circumstantiis clarissime dignoscatur, tam primam sanationem, quam recidivum morbum divinitus contigisse in testimonium veritatis Fidei Catholicæ? Omnia sere Martyrologia, & etiam Romanum, quo utimur, ad diem 31. Maji recolunt S. Petronillam Virginem filiam S. Petri, ita dictam, vel quia eam procreavit, antequam esset Apostolus, vel quia non natura, sed spirituali adoptione eam habuit tamquam filiam, vel quia ipsa eum præcipua coluit devotione, juxta ea quæ plene habentur apud Florentinum in *notis ad Martyrologium Occidentalis Ecclesiæ ad dictam diem 31. Maji*. In Actis martyrii SS. Nerei & Achillei Marcellus Marci Præfecti Urbis filius narrat, Petrum Apostolum interrogatum fuisse a Tito, cur Petronillam paralyticam jacere permitteret, cum ceteros sanaret, ipsumque respondisse, sic ei expedire; & ne impossibili ejus sanatio existimaretur, deinde jussisse, ut Petronilla surgeret, & accumbentibus ministraret: cumque Petronilla sana surrexisset, & sana ministrasset, ministerio expleto, Apostolum jussisse, ut ad grabatum rediret, nec sanitatem ei iterum impetrasse, nisi postquam cœpit esse perfecta in timore Dei, ut est apud Bollandianos in *vita dicte Sanctæ Petronille ad cit. diem 31. Maji*. Factum hoc, si apud Cardinalem Baronium ad an. 69. num. 33. notatu digna fundamenta non exponerentur dubitandi de fide citatæ epistolæ Marcelli, propositæ assumptioni prodesset: ab eo enim clare desumeretur, pro ratione circumstantiarum morbum, qui redit paulo post sanationem, miraculo non obitare. Sed, cum tot alia in historiis Ecclesiasticis extent exempla, operæ pretium non est super hoc diutius immorari.

31 At, ut quæstio proposita resolvatur, oportet, ut ante omnia explicetur, quid sit *recidiva*, & quid de illa scribant tum Medici, tum Jurisconsulti. *Recidiva* dicitur morbus factus ex reliquiis præcedentis morbi jam prætergressi, juxta Hippocratem aphor. 12. *Quæ enim relinquuntur in morbis, post judicationem recidivas facere consueverunt*. Galenus ad hoc aphorisma Hippocratis lib. 2. scribit: *Per ea quæ relinquuntur in morbis, malorum humorum reliquias intelligens, quas necessarium est tempore putrescentes febres accendere: morbus autem regrediens magis, quam ab initio, urget*, juxta Avicennam 2. 4. tract. 1. cap. 95. Hinc Cicero l. 12. famil. ep. 30. *Gravius, inquit, ægrotans is, qui, cum levati morbo viderentur, in eum de integro inciderunt*.



durant. *Recidiva* cognitio ex quatuor potissimum rebus juxta Medicos habetur, ex modo scilicet solutionis prioris morbi, & ægrotantis statu inter unum & alium morbum, ex tempore, quod intercedit inter priorem & posteriorem ægritudinem, & ex specie ipsarum ægritudinum, uti docet Zacchias lib. 1. tit. 4. *quest.* 7. num. 17. & *seqq.* Ex modo solutionis prioris morbi ait conjici, posteriorem esse ejus *recidivam*, si prior morbus absque ulla crisi, & evacuatione solutus sit; ex statu ægrotantis inter unum & alium morbum, si tempore intermedio aliqua remaneant non naturalis caloris vestigia, si nausea, vel vomitu æger molesteretur; ex tempore, quod est inter unum & alium morbum, hoc est si tempus intermedium sit breve; ex specie tandem ægritudinum, si posterior videlicet morbus sit ejusdem speciei cum primo: quod tamen intelligi debet, si nova causa novi morbi non accesserit; in hoc siquidem rerum eventu, etiam si secundus morbus sit ejusdem speciei cum primo, non poterit tuto pronuntiari pro *recidiva*; & contra poterit pro *recidiva* pronuntiari, si secundus morbus non sit ejusdem speciei cum primo, dummodo ab eadem causa procedat. Addit idem Zacchias lib. 2. tit. 3. *quest.* 14. num. 19. *maximam esse differentiam inter recidivam, & exacerbationes, seu accessiones quorundam morborum*: nec enim *recidiva*, stricte loquendo, dicitur contingere tertiana, & quarta laboranti, quotiescumque de tertio in tertium, aut de quarto in quartum diem accessum morbi experitur; quemadmodum nec *recidiva* recte dicitur de Epileptico, qui per lunæ circuitus ægrotat, neque de Podagrico, qui in solstitiis, vel æquinoctiis podagra detinetur; est enim unus idemque morbus, qui suam seriem ac typum servat.

32 Juris Periti iudicium *recidiva* deferunt ad Judicis arbitrium, circumstantiis tamen adstrictum (Abbas in cap. 2. num. 1. de Clerico percussore, Soccinus in cap. Presbyterum, num. 8. de homicidio) & circumstantias explicantes dicunt, si æger a primo morbo perfecte non convaleuit, morbum, qui supervenit, constituere *recidivam*; item, si inter unum & alium morbum modicum tempus intercessit, *recidivam* præsumi; & denum, si post primum morbum nova morbi causa succedat, *recidivam* non excludi, nisi nova causa superveniens prævaleat primæ morbi causæ, juxta Baldum in cap. 1. num. 9. *Quibus modis Feud. amitt.* & late adducta in decis. 71. part. 1. diversimodè. Cohærenter ad hæc, proposita questione ægri, qui cum Chirurgo, vel Medico pactus fuerat certam pecuniæ summam, si sanus fieret, excitaroque dubio, an pecunia debeatur, si sanatus in eundem morbum recidat, distinguere conlueverunt inter *recidivam* quæ sequitur statim, & eam quæ sequitur ex intervallo, asserentes, in primo casu mercedem non deberi, secus in secundo: Tiraquellus in l. Si unquam, verb. *insuperari*, num. 146. Antonius Gabriel de Legib. & Constitutionib. concl. 2. num. 11. Sebastianus Medicus de regulis juris part. 1. regul. 4. num. 64. addentes, mercedem quoque deberi, si morbus superveniat ex culpa ipsius ægri; Bartolus in l. Martinus ff. Locati, Summa Angelica verb. *Medicus* num. 14. Caroccus de locato, & con-

et conducto part. 2. quasi. 9. num. 9. & concordat Codronchus de Christiana & sua mendendi ratione lib. 1. cap. 31. ubi hæc habet: Medicus inquit, qui certam mercedem pactus fuerit cum egrotis, postquam restitutus sanitati sat commode convalescit, quodiana & frequens visitatione missa jam facta, si paulo post in morbum relabatur, de novo curare sine mercede non tenetur, si hoc ei sua culpa accidit, vel nova aliqua causa alicunde emanata præter spem atque expectationem suæ cesserit. Quod si Medici culpa, vel eadem morbi causa non admodum bene curata vel sublata, ager in morbum recidat, rursus curationem ejus sine mercede suscipere tenetur: videntur enim inter se pepigisse, ut usque ad exitum morbi ager curaretur.

33 Hic præmissis, sermone coacto ad veras recidivas stricte sumptas, & prout distinguuntur ab iis, quas Medici vocant exacerbationes seu accessiones morbi, de quibus infra agetur, cum tractabitur de epilepsia, & aliis consimilibus morbis recurrentibus, qui certum ordinem & typum servant, & habita ratione dumtaxat causarum Beatificationis & Canonizationis, & approbationis miraculorum in illis, omitti debent, quæ supra ex Medicis allata sunt, de morbis videlicet sanatis sine crisi & evacuatione, de signis ægitudinis adhuc remanentis post sanationem, appetentia videlicet languida, nausea, & vomitus. Nec enim in miraculi approbatione questio de recidiva, nam obiter, non obliet miraculo, sibi potest locum vindicare, nisi ponatur, primum sanationem sine crisi contigisse, & nisi ponatur, in prima sanatione de omnibus signis constare momentarie, perfectæ, & absolutæ sanationis; tota autem indago restringi possit videtur ad modicum tempus, quod intercessit inter primam & secundam sanationem una cum accessu novæ causæ. In re igitur hac retinendam esse semus relatam opinionem eorum, qui (uti supra vidimus) docuerunt, stricte admodum procedendum esse in recensendis similibus sanationibus inter miracula: licet enim tales in se, & coram Deo esse possint, tales tamen non apparent coram Ecclesia, quæ judicat de externis; & saltem locus est dubitationi, an fuerint naturales, quod satis est ad excludendum miraculi approbationem. Addimus, magna quoque cum cautela esse procedendum, etiam si pro asstruendo miraculo in medium afferatur nova morbi causa, cum ea semper in promptu esse possit: offensio enim aeris crassioris, aut frigidioris, aut calidioris superveniens post primam sanationem, vel etiam levis animi affectio accedens, & prava aliqua victus ratio juxta Medicos esse possunt causa recidiva. Quapropter, si, stricte probatis extremis primæ sanationis, Fidei Promotor opponat recidivam, & Postulatores, ut satisfaciant animadversioni, novæ causæ morbi imputantur, solertissima diligentia opus est, ut cognoscatur de veritate & viribus novæ causæ, & an morbus superveniens sit potius novæ causæ attribuendus, quam causæ veteri, seu insensibilibus primi morbi reliquiis, quæ adhuc permanferint. Ceterum quæcumque difficultas cessabit, si ad majorem Dei gloriam constare poterit morbum revertisse, ut in exemplis supra recens-

136 DE SERVORUM DEI BEATIFICATIONE

cenſitis; & ſi æger ad Servi Dei, vel Beati interceſſionem conſugiens, expreſſe deprecatus ſit; ut ſanitas ſibi ad aliquod tempus concederetur, & paulo poſt morbo aſſligeretur; tunc quippe ſanitas in inſtanti reſtituta miraculo adſcribi poterit; neque recidiva obſtabit miraculo. His adhibitis cautionibus, ſacra rituum Congregatio proceſſit ad approbationem primi miraculi propoſiti in cauſa Canonizationis tunc Beati; nunc Sancti Joannis a Cruce die 30. Januarii 1725. in quo ipſe ſcribens uti Fidei Promotor recidivam oppoſueram.

34 Quæ in hoc capite a Nobis ſuſe adducta ſunt, concordant cum iis quæ habentur in commentariis ſeu inſtructionibus, quæ tranſmittuntur a Procuratoribus cauſarum Beatificationis & Canonizationis ad abſentes, ad earundem cauſarum Procuratores, aut Poſtulatōres, qui extra Urbem ad conſectionem proceſſuum incumbunt. In illis admonentur, in ſanationibus, quæ ut plurimum pertinent ad miracula tertii generis, probandam eſſe gravitatem morbi una cum difficultate ſanationis per media naturalia; probandam eſſe ſubitam & momentariam ſanationem; docendum eſſe de ſtatu morbi tempore ſanationis, an ea contigerit, dum declinabat, de deſectu, criſis, de omiſſione medicamentorum & cujuſlibet humani remediū, de perfectione ſanitatis, ita ut ſimul & morbus omnis abierit, ac vires, vox, alacritas, & quæcumque ſanitatem vel faciunt vel indicant, redierint, de ejuſdem ſanitatis permanſione, excluſo lapſu de uno morbo in alium, excluſoque iterato lapſu in eundem morbum, utpote qui miraculum vel tollit vel obſcurat: illud quoque additur, ſi res ſit de miraculis ſecundi generis, non eſſe abſolute neceſſarium quærere de *inſtancitate*, de criſi, & medicamentis adhibitis. Concordant, quæ in hoc capite a Nobis ſuſe adducta ſunt, cum iis, quæ leguntur in Scriptis virorum doctorum ex Gallia ad nos tranſmiſſis in controverſia magnis animorum motibus agitata de falſis miraculis Diaconi alias memorati. Archiepiſcopus Pariſienſis in ſuo Edicto edito occaſione diſſertationis exaratae ſuper aſſertis prædictis miraculis pag. 9. probat, neceſſe eſſe, ut ſanatio inter miracula recenteatur, vel ut morbus ſit inſanabilis, vel ut ſanatio ſit perfecta & ſubita; & in alio Mandato, quod edidit ad petitionem Promotoris Generalis ſui Archiepiſcopatus pag. 21. non ſolum jam relata confirmat, ſed addit, miraculo non eſſe tribuendam ſanationem, ſi non ſit perfecta, & ſi recidiva contingat. Archiepiſcopus Senonenſis in ſua Paſtorali Inſtructione Pariſis edita an. 1734. pag. 25. late oſtendit, ſanationem inter miracula recentiori non poſſe, ſi apta præceſſerint medicamenta, quibus adſcribi poſſit.

35 Ante modo memorata Scripta, quæ e Galliis prodierunt, conſectus fuerat auctoritate ordinaria in civitate Pariſienſi proceſſus ſuper miranda quæ contigerat ſanatione die ſeſto ſanctiſſimi Corporis Chriſti 31. Maji 1725. quo miraculo voluit Deus omnibus pateſcere veritatem dogmatis Catholici de reali præſentia Corporis Chriſti ſub ſpeciebus panis; & ab

Ar-

Archiepiscopo, qui tunc erat, sententia prolata fuerat de miraculi veritate. Dum itaque per urbem Parisiensem circumferreretur de more sanctissimum Sacramentum, quædam mulier, quæ spatio septem annorum, ob amissum magna ex parte sanguinem, nec ullo modo ambulare, nec lumen poterat sustinere, sed in lecto assidue decumbebat, in viam aliorum auxilio descendit; cumque transeunte prope suam domum *Processione*, alta voce auxilium a Sacramento postulasset, genibus & pedibus sequi contendit. Et quidem primo pedibus stetit, deinde ambulavit usque in templum non sine magna sanguinis effusione. Ibi vero ante Eucharistiam cum serventer orasset, sanguis celsavit. Genibus flexis, Missæ, & psalmodiæ horæ Tertię interfuit. Postea nullo auxiliante surrexit, Chorumque ingressa tempore Sextæ, iterum oravit genibus flexis; lumen, quod sustinere non poterat, sustinuit, lætaque & sana domum rediit. Sententia Ordinarii Parisiensis typis edita fuit eodem anno 1725. ubi pag. 16. magna vis pro miraculo recte constituitur in gravitate & longitudine morbi, & in subitanea virium recuperatione, quæ citra miraculum haberi non potest. Alia super eodem miraculo typis Parisiensibus relatio prodit anno sequenti 1726. ubi pag. 24. resumitur quod dictum fuit in sententia Archiepiscopi de subitanea & perfecta virium recuperatione, & strepue *recidivæ* calumnia diluitur, a male feriatis hominibus vulgata; ostenditurque, eam, post sanitatem recuperatam, in eodem statu feliciter permanisse: quæ omnia profunt doctrinæ a Nobis jam exposte de requisitis necessariis, ut sanitas miraculo ascribatur.

36 Jacobus Serces in suo tractatu de *miraculis* Amstelodami edito, an. 1729. pag. 343. per extensum, uti dicitur, refert dissertationem quamdam Werenfels de differentiis inter vera & falsa miracula, quam summo-pere commendat. Scribit Werenfelsius, miraculum esse illud, quod omnium consensu excedit vires naturæ, & talem esse pronuntiat sanationem ægritudinis, quæ unanimi Peritorum consensu superari nequit: Quod si expugnetur nullo adhibito pharmaco, ait, id inter miracula recensendum; si perpaucio tempore, inter majora; si temporis momento, inter maximas; & plus quam inter maxima, si dici potest, quoties ob morbi gravitatem & diuturnitatem æger viribus fractus, statim perfecte convalescit. Auctores hi sunt heterodoxi, & contra facilitatem Ecclesiæ Romanæ debacchantur in miraculis approbandis. Conferantur, quæso, quæ a Nobis in hoc capite scripta sunt, cum his, quæ ex ipsis modo retulimus: & nemo profecto erit qui non fateatur, severiorem esse Sedis Apostolicæ & nostrorum Episcoporum indaginem ea, quam ipsi proponunt faciendam in examine miraculorum.

CAPUT IX.

De Cœlesti illuminatione, quæ miracula fit.

Postquam generatim dictum est de sanationibus, quæ miracula sunt, rectus ordo exposcere videtur, ut de illis singulatim disseramus.

2. Animus autem non est in presenti de omnibus & singulis morbis & infirmitatibus agere, de quibus se offert disserendi occasio in causis Beatificationis & Canonizationis, cum Dubium de miraculis proponitur: neque pariter animus est de morbis & infirmitatibus Tractatum instituere, omnis colligendo, quæ in libris extant Medicorum ad infirmitates & morbos, de quibus loquimur, pertinentia. Animus est sermonem habere de morbis illis & infirmitatibus, de quibus, cum disputatur de miraculis frequentius agitur in sacrosancti rituum Congregatione de animadversionibus a Nobis factis, dum fungebamur munere Fidei Promotoris, & de his, quæ Medici a sacra Congregatione consulti, vel a Postulatoribus acciti, scriptis exposuerunt: per quæ evidenter constabit, quam falso & impudenter à Petro du Moulin in tractatu *de novitate Papas adversus librum Cardinalis de Peron cap. 40. de miraculis pag. 157.* scriptum sit, hodierna miracula Ecclesiæ Romanæ reduci ad expulsiōem Dæmonum a corporibus, nec ullam proponi mortuorum resuscitationem, aut visus restitutionem cæco nato. Ex infirmitatibus cæcitas prima est, de qua agimus, quærentes, an & quando ejus sanatio sit accensenda miraculo.

3. In Evangelio Matthei cap. 9. Christus Jesus tetigit oculos duorum cæcorum; & aperti sunt; & in eodem Evangelio cap. 20. duo cæci sedentes secus viam audierunt, Jesum transire, & rogaverunt ut misereretur, ipsique oculos aperiret; Jesus tetigit oculos eorum, & confestim viderunt. In Evangelio Marci cap. 9. adductus est ad Jesum in Bethsaida Cæcus, qui vidit, statimque super ejus oculos manus imposuit: & cap. 10. filius Timotheus Bartimæus cæcus sedebat juxta viam mendicans, & clamare coepit, & rogare, ut suam cæcitatem pelleret; eumque Jesus respondisset, sua Fide eum salvum esse factum, Bartimæus confestim vidit, & eum secutus est in viam. In Evangelio Lucæ cap. 18. Cæcus sedens secus viam & mendicans clamavit, ut Jesus sui misereretur, & respondente Jesu, Fide sua eum salvum esse factum, confestim vidit, & secutus est eum: & in Evangelio Joannis cap. 9. præteritis Jesus vidit hominem cæcum a nativitate, expulsum in viam, fecit lutum ex spato, & posuit lutum super oculos ejus dicens, abiret ad Natatoria Siloe; ille autem abiens lavit, & venit videns, & ait, a seculo non esse auditum, ut quis aperiret oculos cæci nati. Maldonatus cum Theophylacto dicit, unam & eandem esse historiam, quæ a tribus Evangelistis Matthæo, Marco cap. 10. & Luca narratur, sed Lucam, & Marcum

no-

nominasse Bartimæum filium Timæ, utpote famosiorem, licet esset mendicans. Adhæret Natalis Alexander in idem cap. 20. *Matthæi* num. 18. Alii apud Cornelium a Lapide ad hunc eundem locum vers. 30 putant, Cæcū, de quo S. Lucas, non esse eum, de quo loquuntur SS. Matthæus, & Marcus: sed, cum consentiant omnia, quæ a tribus hisce Evangelistis narrantur, insert Cornelius, unam & eandem esse personam, de qua tres Evangelistæ loquuntur. At Calmet in comment. ad cap. 20. S. Matthæi accurate animadvertit, differre historiam relatam a S. Marco cap. 10. ab ea quæ refertur a S. Luca, & a S. Matthæo; prima enim contigit, cum Jesus de Jerico proficiscebatur, *proficiscens eo de Jericho*; secunda contigit, cum Jerichum appropinquaret, *cum appropinquaret Jericho*; Matthæus loquitur de duobus cæcis, alii de uno tantum. Nesci autem esset dubitare de his operationibus, an debeant miraculo tribui, ut notat Mercurialis in suo libro de morbis puerorum lib. 2. cap. 5. Solo ego dicere, morbos omnes, qui Christo curandi fuerunt propositi, difficillimos sua natura curatu esse: quæ verba ex ipso Mercuriali repetit etiam Hieronymus Jordanus in sua disput. inaugural. de Paralyti, thess. 75. & de Hydopico quidem, cui Dominus sanitatem largitus est, uti habetur Luca cap. 14. apud Zacchiam *quest. medico-legal. lib. 4. tit. 1. quest. 5. num. 66.* hæc habentur; sanitatem videlicet miraculo esse adscribendam, quia Christo semper sanandi oblati fuerunt, qui sanari non poterant. Sequitur Paulus Vecchi *observ. medic. in sacram Scripturam, observ. 88.* & Guillelmus Ader in suo opere de morbis Evangelicis tractatum Bibliorum tom. 9. in epistola ad Episcopum Lumbardensem ait, se tractatum hunc scripsisse, ut ostenderet, omnes a Christo sanatos arte medica fuisse insanabiles.

4 In bullis Canonizationum multa miracula referuntur illuminationis Cæcorum; in bullis videlicet Canonizationum SS. Osmundi, Francisci de Paula, Franciscæ Romanæ, Caroli Borromæi, Ignatii Lojole, Francisci Xaverii, Thomæ de Villanova, Francisci Saleii, Petri de Alcantara, Mariæ Magdalænæ de Pazzis, Ludovici Bertrandi, Paschalis de Baylon, Ildardi Agricolæ & Rotæ Auditores in relationibus causarum illuminationis Cæcorum inter miracula retulerunt; in relatione videlicet causæ S. Ignatii in octavo miraculo, in relatione causæ S. Joannis de Deo in quarto miraculo, in relatione causæ S. Thomæ de Villanova, post Conteliorum de Canoniz. Sancto. pag. 684. & demum in relationibus causarum Servi Dei Juliani a S. Augustino, S. Ludovici Bertrandi, & S. Petri de Alcantara.

5 Scribentes de Canonizatione Sanctorum docent, Cæcum sive natum, sive factum, qui vere talis probetur ex temporis diuturnitate, si visum recipiat absque remedii, vel inutilibus remedii, præsertim in instanti, juxta ea quæ infra dicentur, per miraculum recipere; dummodo tamen illuminatio probetur per actus visionis ipsius illuminati, cujusmodi sunt ambulare sine duce, scribere, discernere unam rem ab alia, præsertim vero legere; uti habetur apud Bordon *medit. 8. de miraculis. Matthæo*

140 DE SERVORUM DEI BEATIFICATIONE

cuius cit. oper. tit. 3. cap. 2. §. 2. notat, miraculum potissimum apparere in illuminatione Cæci nati, & concludit, si etiam ex alia causa amissa sit facultas videndi, Cæci illuminationem esse referendam inter miracula tertii generis, si ad Sancti invocationem visus subito restituatur. *Matta de Canonizat. Sanctior. par. 3. cap. 11. num. 5. & seqq.* notat, aliquando impeditum esse organum, sed non esse destructam facultatem ipsam videndi; tunc autem fieri posse, ut naturaliter recuperetur. *Pignatellus consult. 20. tom. 5. totus est in probando, recuperationem visus, quæ paulatim succedit, ope alicujus Servi Dei implorata, non esse inter miracula recensendam; & tom. 10. consult. 177. num. 11. admittit, subitam sanationem morbi ex inspissatis & confusis oculorum humoribus intra, & ante pupillam, non esse naturæ adscribendam, sed Deo intercessionem Beati ab ægro invocati. Zacchias quest. medico-legal. lib. 4. tit. 1. de miraculis num. 43. & seqq. ingenuè admittit, Medicos parum proficere in curandis affectibus oculorum, cum altas egerunt radices, & confirmati sunt, & cæcitatem ortam ex aliis oculorum affectibus difficilibus & contumacibus, pannis, maculis, & similibus, accedente temporis longitudine, esse insanabilem; admittit, nonnullos a multo tempore obcæcatos ex aliquo accidenti repente convaluisse; & demum concludit, esse præter & supra naturæ vires, si Cæcus ab ipso ortu visum recuperet, uti fule apud ipsum legi potest.*

6 Dum munereungebar Fidei Promotoris, præter ea, quæ adnotavi, dum agebatur de illuminatione Cæcorum, ad probationes facti pertinentia, hoc est ad probationes præcedentis cæcitatæ, & subsecutæ momentariæ restitutionis visus, miraculo ut plurimum, & seclusis nonnullis circumstantiis (de quibus infra) censui adscribendam Cæci nati illuminationem. Historia Cæci nati a Christo sanati, quem Cedonius, sive Celidonius nonnulli appellant, & de qua supra ex Evangelio Joannis cap. 9. assertionis constituit probationem: in eo quippe capite legimus, ad infringendam miraculi veritatem aliquos Phariseos contendisse, sanatum fuisse non quidem mendicum illum, qui erat cæcus natus, sed alium; fuisse autem vocatum a Judæis, ut exponeret, quomodo oculos aperuisset, & ipsum respondisse, se a Christo fuisse sanatum, & addidisse: *A sæculo non est auditum, quia quis aperuit oculos Cæci nati. Quare Sanctus Ambrosius in Comment. apud Cornelium a Lapide ad cit. cap. 9. Joannis v. 1. ait: Quod vero Cæcus a nativitate curaretur, non artis est, sed potestatis; donavit enim Dominus sanitatem, non medicinam exercuit; eos enim scilicet Dominus, quos nemo curaret. Et Zacchias quest. medico-legal. lib. 4. tit. 1. quest. 8. num. 48. ad rem subjicit: At vero Cæcum a nativitate visum recuperare, hoc quidem toto genere præter & supra naturæ vires est; unde vides in sacra historia, quod hoc factum ab ipso Cæco sanato tantopere extollitur: A sæculo, inquit, non est auditum, quia quis aperuit oculos Cæci nati, & addit: Nisi esset hic a Deo, non poterat facere quidquam; inueniens, in ea curatione requiri omnino supernaturalem ac Divinam virtutem. Quapropter Thomas Bartholinus in tractatu de Paralyticis novi Testamenti pag. 403.*

403. num.4. ait, Cæcos, Claudos, Aridos jacuisse in porticibus Piscinæ Probaticæ expectantes salutarem aquæ motum, sed a Christo fuisse sanatum Paralyticum, ne de miraculo dubitari posset; cum Cæci tantum ibi affarent laborantes levioribus defectibus oculorum, qui via naturali sanari poterant, non Cæci nati, qui per miraculum tantum sanitatem recipere potuissent: *Miraculo non careret, si confirmata, & a primis incunabulis producta cæcitas eo fonte illuminaretur. Non de his, sed levioribus oculorum visusque defectibus & vititiis sermo est medicata unda abstergendis &c. Apud Piscinam hujusmodi Cæcos, non a natiuitate lumine privatos, curatos credere cogimur, ne Christi potentia injurii Cæcos curandi rationem illi propriam aliis communicemus. Ideo non Cæcum, sed Paralyticum ex porticibus sumpsit sibi curandum Christus, quia illi per Piscinam curabiles. Difficilius quippe, & miraculo viciniu fuisse cæcitatem innatam extersisse, quam paralyfin acquisitam.*

7 Dicitum est autem, Cæci nati illuminationem, ut plurimum, seculis nonnullis circumstantiis, miraculo fuisse adscriptam, quod est intelligendum, si cæcitas proveniat ab læso profuso organo videndi; secus autem, si proveniat ex palpebrarum adhæsu, vel ex cataracta, aut ex aliis impediementis, quæ per medicamenta removeri possunt; de quibus sermo infra habebitur, cum tractabitur de Cæcis, non natis, sed factis. Postquam Zacchias loc. cit. statuit, illuminationem Cæci nati esse miraculo adscribendam, ita suam explicat assertionem: *Lognor tamen hic de vera cæcitate, non de ea, qua interdum fieri potest ex palpebrarum coalitu, & adhæsu; hæc enim vel manu chirurgica fuvvari potest, dummodo oculus ipse, qui videndi est instrumentum, purus sit, & nihil impediementi patiatur: affectus autem oculorum proprius, qui a natura fit, & qui dicitur cæcitas, arte medica nunquam sanari potest, cum oblatum sit ipsum videndi organum in sua ipsius plasmatione. Solus ergo is, qui illud plasmarit, ad rectum, & sibi debitum munus revocare potest.* Hieronymus Marinus Professor Chirurgiæ & Lithotomus archiepiscopalis Sancti Spiritus in Saxia, in sua practica chirurgica cap.2. num.6. hæc habet: *Non so però se sia da seguitarsi l'opinione di quelli, che non ammettono alcuna sorta di cura alli Ciechi a natiuitate, perchè in tal malattia direbbono male; conciossiachè, essendo cateratte, si possono facilmente guarire, come riuscì a me in persona di una zitella di anni 12. in Rignano, lungo posto nel celebre Monte Gargano, che nacque cieca d'anni bi gli occhi per causa di cateratte, che io poi gliele deposi nel mese di Ottobre 1692. e ricuperò la vista. Per lo che bisogna distinguere, da che proceda una tal cecità ne' fanciulli; imperciocchè, se (come ho detto) viene da cateratte, riesce curabile, ed anche ne ho veduto degli altri guariti. Similis curatio refertur in opere, cui titulus, Saggio delle transazioni Filosofiche, tom. 4. editionis Neapolitana an. 1734. pag. 129.*

8 Quando autem res fuit de Cæcis, non natis, sed factis, examinandum proposui, an visus defectus ab aquei humoris effusione proveniret; aqueus enim humor qui effusus est, citra ullum miraculum, sed sponte & naturaliter, licet raro, in hominibus potest regnari, uti testatur Sennertus

eius oper. tom. 2. lib. 1. part. 3. sect. 2. cap. 34. ubi addit, Atque ipse etiam tale exemplum vidit; & sequitur Zacchias quæst. medico-legal. lib. 8. tit. 1. quæst. 7. num. 20. ubi hæc habet: Hic humor, etiam si deperdatur, solet de novo regenerari, ac visus recuperari, ut experimento proprio docet Galenus.... & attestari proprio quoque experimento ipse possum. Legi potest Bernardus Verzasche observat. medical. observ. 14. ubi ita scribit: Ego in nobilissimi viri filiula similem casum observavi. Hac dum levibus de causis cum fratre altercaret, iste iracundia percitus, cultellum scriptorium apprehendit, & sororis oculo vulnus infligit, unde humor aqueus efflavit. Vocatus præsentem Chirurgum jussu sequens collyrium tepide sapius admoveo &c. Hoc collyrium inflammationem compescuit, vulnus siccavit & sanavit. Hinc post aliquos menses humor aqueus surrexit. Nam visus, sed debilius, cum summo parentum gaudio rediit. Alia legi possunt apud Guillelmum Deerham in demonstratione de essentia & attributis Dei lib. 4. cap. 2. in notis num. 33. Sed de hoc iterum infra. Item, si cæcitas a simplici compressione nervorum opticorum, aut a retina vel nimis laxata, vel, plusquam par est, intensa producatur, novum non est, eam aliquando curari repentina alvi profusione, uti videri potest apud Hildanum centur. 5. observat. 19. & apud Alexandrum de Benedictis lib. 2. cap. 28. & in ophthalmia lacrymarum fluxum maximopere prodesse, post Aetium, & Avicennam scribit Sennert. de ophthalmia lib. 1. praxis cap. 3. sect. 2. cap. 12.

9 Inter ceteros morbos, qui oculos affligunt, Amaurosis, sive Gutta Serena reperitur, quam Plempius ophthalmograph. lib. 5. cap. 30. pag. 240. ita describit: Signa obstructionis opticorum nervorum, seu Gutta Serena dant Medici omnes omnino hæc, quod visus abolitus sit, nulla apparens in oculis noxa; & inductum e vestigio Amaurosim, seu Guttam Serenam ex alapa impacta, testantur duo clarissimi Lusitani Zacutus, & Amatus, hic centur. 7. observ. med. 44. ille lib. 1. prax. admir. observ. 52. Si cæcitas absoluta sit, & æger, qui Gutta Serena laborat, nihil videat, testantur Medici, morbum esse fere insanabilem (Sennert. præf. lib. 1. part. 3. sect. 2. cap. 37. Scultet. in append. var. instrum. chirurg. tabula 15. Scholiograph. Scrochii in ephem. decif. 2. annor. 5. observ. 247.) Quare Guillelmus Ader Medicus in suo tractatu de morbis Evangelicis enarrat. 6. tom. 9. tractatum Biblicorum, contendit, Cæcos a Christo curatos in Jericho, & in Galilæa laborasse Gutta Serena, qua (uti dictum est) limpidissimi de foris enitent oculi, sed intus nullam lucem capiunt, & prorsus versantur in tenebris; additque, eos non simplicem visus debilitatem passos, sed integra lucis usura privatos fuisse, cum non viderint, sed audierint Jesum transeuntem. His tamen minime obstantibus, quoties de liberatione cæcitatibus a Gutta Serena provenientis agitur, animadvertendum proposui, cum ea nihil aliud sit, quam interceptio spirituum animalium per nervos opticos ad oculum descendentium, non esse ita facile pronuntiandum pro miraculo, sed perpendendum esse, num interceptio sit a spiritibus nervos intus non irradiantibus, an ab humoribus & lymphis in ventriculis cerebri nimium collecta, & nervos extra prementem; cum in primo

mo

mo casu morbus sit ut plurimum insanabilis, in secundo vero sanari posse.

10. Doctrinam hanc hausi ex suffragio Jacobi Sinibaldi celeberrimi olim Medici Collegiati, & publici Professoris Sapientie Romanæ in dissertatione super miraculis S. Jacobi de Marchia. Eidem adhaesit Joannes Maria Lancilius suo, quod edidit, suffragio in causa S. Joannis Francisci Regio ubi locutus est: *Si Gutta Serena oriatur a pertinaciter impedito excursu spirituum a cerebro in oculos opacos, quam Paralysin dicimus, tunc utique, ut contra Paralytes, ardua, ac pene desperata est curatio. Ubi autem impeditum non leve est, atque in organorum fibrâ ac membranis, cum plerumque sanis deponi possit, nec anceps nec difficilis erit curatio morbi, cuius plurimum profectissimæ vel a natura vel ab arte sunt remedia.* Et Archiepiscopo Philippensi Cameracensi Alberto Cavalehino tunc Fidei Promotori scribenti super miraculis Septem Beatorum Fundatorum Ordinis Servorum Beate Mariæ Virginis, & oppositenti eandem Sinibaldi doctrinam, Alexander Pascolus celebris Medicus in sua dissertatione super primo ex dictis miraculis falsus est, se theosiam Sinibaldi libenter amplecti. Atque ad secundam speciem Amaurosis, seu Guttæ Serenæ referri possunt exempla relata a Scalpartio Vander Wiel Medico Hagienti in *varioribus observationibus observ.* 5. pag. 40. ubi narrat, se nonnam Guttæ Serenæ excacatam post febrem vehementem visum recuperasse; & aliam Guttæ Serenæ per annum laborantem, & in desperationem adductam denique visum recepisse ope pertinacis inedia, quæ ipsam ad extremam maciem adduxit, absumptisque corporis humoribus, ipsam quoque maciosam, quæ Guttam Serenam effecerat, consumpsit.

11. Et, quia a Postulatoribus magna vis aliquando constituebatur in longa, quæ præcesserat, cecitate, opponere conluevi, quæ leguntur in libro Tobiae. Notum enim est, eum (uti habetur cap. 2. & cap. 11.) cæcum factum esse ex calido stercore hirundinum, quod super oculos ejus cecidit. Angelo autem admonente, ejus filium secum talisse ex felle piscis, & linivisse oculos patris; cumque dolorem pater sustinisset per horam dimidiam, albuginem egredi coepisse ex oculis ejus, visumque recepisse, postquam cecitate laboraverat ab anno quinquagesimo sexto usque ad sexagesimum, uti habetur cap. 14. Nonnulli inter miracula hanc Tobiae sanationem retulerunt, miraculi rationem constituentes in revelatione remedii ab Angelo facti, quod tunc a Medicis ignorabatur. Alii, postquam docuerunt, islem piscis Callionymi ad extergendas albugines inveteratas maximopere prodesse, dixerunt, a Deo auctas esse vires medicamenti, ita ut, statim ac applicitum fuit, cecitatem depulerit, nulla præcedente corporis evacuatione, nulloque adhibito victu convenienti, uti late ostendit Vallesius de *facra Philisopia* cap. 42. & sequitur Zacchias *loc. cit. num. 49. & seqq.* Nec vero defunt qui rationem miraculi ab hac sanatione excludant, quod oculi Tobiae non essent intrinsecus corrupti, nec retina, nec nervi opaci, nec humores detrimenti aliquid passi essent, sed totus morbus consisteret in quodam humore extraneo, & abscessu inter albuginis lamellas concreto, qui

pau-

144 DE SERVORUM DEI BEATIFICATIONE.

paulatim inter corneam & uveam expansus ita radiorum cursum impediverat, ut ad interiora oculi penetrare non possent; quæ omnia naturaliter de medio tolli potuerunt per sellem piscis prædicti, juxta sensum Physicorum, & Medicorum. Calmet has omnes refert opiniones ad cap. 6. Tobia concludens, unumquemque posse in suo sensu abundare.

12 Denique sæpe in meis animadversionibus opposui relata a Schenkio in suis observationibus est. de oculis, casu videlicet sæpe contigisse, ut quidam a multo tempore obcæcati, repente fuerint a cæcitate liberati; ut illi evenit, qui, vulnere in fronte accepto, visum jam a multo tempore amissum recuperavit; & alteri ex morbo Gallico oculis capto, qui, cum ad morbum depellendum sese linimento ex mercurio inunxisset, perditum visum de novo adeptus est. Marcellus Doanatus in *historia naturali* cap. 11. lib. 2. narrat, quemdam vulneratum in occipitio statim visum amisisse, quod ex ictu vehementi & plaga nervi optici aut divulsæ, aut e thalamis opticis fuissent disjuncti; & libro ultimo cap. 5. refert, quemdam Germanum octogenarium visu hebetiore laborantem, in terram adactum ab equo velociter currente, sese exanimem in lapidem coniectum fuisse, fronte contracta, in vulneris autem curatione visum recepisse, vel obstructis meatibus, e quibus fecernebatur humor visum obtundens, vel referatis nervorum canaliculis, quos animales spiritus ante difficulter permeabant. Risum movet Bartholino *centur.* 3. *epist.* 67. casus Monachi, qui, barba promissa, acute videbat, barba rasa, cæcus fiebat. Matta de *Canmiz.* SS. part. 3. cap. 11. num. 7. narrat suam ætate contigisse, ut quidam nobilis juvenis, qui spatio quatuordecim annorum omnimodo cæcitate laboraverat, absque ullo remedio ex improvviso visum recuperaret. Alibi sermo habitus est de Æsculapio. Græcum fragmentum tabulæ marmoreæ, quæ Romæ in insula Tiberina ad ejus templum creditur appensa fuisse, extat in Jani Gruteri Inscriptionibus tom. 1. pag. 71. in qua refertur, cæcum hominem jussu fuisse ab Oraculo in genua ante altare procumbere, tum a dextra ejus parte ad lævam transire, quinque digitos super altare ponere, sublata postea manu, oculos suos tangere; quod cum fecisset, videndi facultatem subito recuperasse, vidente & gratulante omni populo. Et hujus quidem tabulæ meminerunt etiam hodierni Scriptores heterodoxi, Daniel Clericus in *historia Medicina* part. 1. lib. 1. cap. 20. Radulphus Cudworthus, inter Anglos magni nominis, in *suo systemate intellectuali* ex Anglico in Latium sermonem converso a Moshemio tom. 2. pag. 861.

13 Juris Periti a Postulatoribus acciti pro miraculo firmando animadversionibus sui generis satisfacere conati sunt: quod ipsum præstiterunt Physici & Medici quoad animadversiones a Physica & Medicina petitas, qui cæcitaris causam & symptomata apprimè considerarunt. Palsolus in citata dissertatione agens de Gutta Serena probavit, opticos nervos in ea affici, aut saltem tunicam retiformem (quæ nihil aliud est, quam optico-rum substantiæ interioris explicatio) nervosque compressos, dummodo com-

pres-

pressio firmior fuerit, vix temporis diuturnitate, & ope medicamentorum ad suum statum redigi posse, & firmiorem compressionem colligi posse ex præcedentibus corporis ægitudinibus, ex pravis defluxionibus humorum, quas Græci *catarrhos* vocant, ex febri præcedenti, ex diurno capitis dolore: & quamvis levior sit Amaurosis, quæ sensum oboritur, quam quæ repente fit, hanc tamen magna cum difficultate in senibus curari, juxta illud Sennerti *prætic. lib. 1. part. 3. sect. 2. cap. 44. tom. 2. Quæ paulatim fit visus obscuratio, non admodum difficulter curationem recipit, nisi senibus accidas*; & juxta illud Foresti *observ. medic. lib. 11. observ. 35. in febriliis: Si enim paulatim hebetudo, aut obscuratio fiat, non admodum difficulter curari poteris, nisi senisribus accidas*; & demum cæcitatem, quæ in Amaurosi provenit ex opticis leviter aut compressis aut contractis, quemadmodum citissime inducitur, ita facillime & brevi temporis intervallo tolli; hujusque generis fuisse cæcitates illas, quas vel a natura, vel ab arte penes Scriptores curatas legimus, quas etiam aliquando aut præcessit, aut comitata est evacuatio. Et quatenus opus fuisset respondere cæcitati ab Æsculapio depulsæ, facile id fieri posuisset, ostendendo, & prædictam sanationem, & ceteras alias Æsculapio attributas, aut remediis naturalibus, aut dolis fuisse peractas. Apud Aristophanem servus, cui nomen Carion, inducitur, qui luculenta facis oratione fabulam explicat, quam olim ad incautos fallendos cæremoniarum Æsculapii Antistites egerunt. Conducebantur enim interdum nummis aliquot egeni homines, qui morbos simulabant, & se deinceps miraculo sanatos ab Æsculapio audacter mentiebantur. Additur, ex tabula non colligi, unde cæcitas, etiamsi vera fuisset, causam habuisset, quanto tempore durasset; & suspiciosum est illud, quod sanandus digitos in ara ponere ab Oraculo jubebatur, & illis deinde oculos tangere: unguento quippe quodam oculorum morbis depellendis apto vatri Sacerdotes haud dubie altare imbueri potuerunt, quo cum oculos perfricuisset homo lumine captus, visum subito recepit. Alia plura ad rem collecta extant apud citatum Mosheimum in notis ad Radulphum Cudworthum allegat. tom. 2. pag. 862.

14. Januarius Jannellius Medicus Urbis famigeratus scripsit ad rem in causa Beati Vincentii de Paulo super primo, quod proponebatur, miraculo subite sanationis ab omnimoda cæcitate, super quo fuerant a me tunc Fidei Promotore animadversiones exaratae. Gravitate ille Amaurosis, seu Guttae Serenæ extulit tum propter adhæsum palpebrarum ad corneam, juxta illud Boneti *lib. 2. de morbis capitis cap. 33. de palp. affectibus: Curatur difficiliter, si tota coaluit; numquam fere, si cum cornea simul concrevit*; tum propter atrophiam, & ut vocant, exsiccationem humorum, secundum illud Hippocratis *lib. 1. de loc. in homin. text. 14. ubi juxta suum systema sanguinis circulationem non cognoscens, postquam venas descripsit, quæ a cerebro venientes, ut ipse ait, fovent oculum, ait: Eadem vena etiam oculum extinguunt, ubi fuerint exsiccata*. Advertendum est, nomine venarum juxta Prosperum Martianum, Hippocratem intelligere nervos opticos, cum ve-

146 DE SERVORUM DEI BEATIFICATIONE

narum instar perforati sint (etsi ex anatomicis juniorum doctrinis non id constet de homine, sed tantum de simiis, & de xyphia pisce) aut juxta Cornelium Celsum intelligere tendens musculorum, qui oculorum motorii dicuntur : itemque advertendum, nomine *exsecationis* juxta eundem Martianum non intelligi, omnino exarescere humores, sed humorum spirituumque transitum perinde obstrui atque impediri, ac si exsecatio vera esset.

15 Cum de hujus generis miraculis disputaretur, actum aliquando fuit de Ophthalmia, quæ nihil aliud est, nisi inflammatio oculi, vel potius tunicæ adnatæ in oculo, cum tumore & dolore, juxta unanimum consensum Practicorum apud Pancratium Brunonem in *lexico medico*. De dolore hæc habentur apud Carolum Miltanum in *trutina medico-chimica lib. 1. cap. 18. pag. 260.* : *Dolor diu perseverans in Ophthalmia pessimum est indicium; materiam enim aut corrodentem, aut vehementer distendentem, aut suppurantem arguit. Periculum igitur est, ne vel exesit, vel rupit tunicis, atque cornea in primis exulcerata, cecitas sequatur, aut, quod minus malum est, suffusio expectanda erit, crasso humore circa pupillam crescente.* Aliquando in Ophthalmia pannus in tunica adnata efficitur, qui a Zuingerio in *theatr. prax. med.* creditur eadem tunica adnata *incrassata*. De Ophthalmia bina exstant suffragia ad opportunitatem (uti dicitur) exarata, in causa Sanctæ Agnetis de Monte Polittano a Joanne Thomasio Medicinæ & Philosophiæ Doctore, viro sane docto, cujus medica opera ipse quoque, in Urbe cum essem, feliciter usus sum, & in causa Beati Petri Forerii a Francisco Soldato. Thomasius pro demonstrando miraculo vim statuit in recuperatione visus subita, & in consolidatione tenuium membranarum & pupillæ jam exulceratæ. Soldatus Ophthalmiam cum panno vix sanabilem censuit. Sed cum ipse in meis animadversionibus subitam excluderem visus recuperationem, eandemque probaverim mancā & mutilā, cum semina sanata visum in uno tantum oculo recuperaverit, & in hoc ipso admodum imperfecte, Joannes Maria Lancisius jussu suum pro veritate exponere sensum, dissertationem exaravit super nonnullis, quæ proponebantur, B. Forerii miraculis, sed aliqua silentio præterit, inter quæ & illud, de quo nunc agitur, quod tacite reprobavit, uti mihi per familiarem epistolam significavit; idemque Lancisius suum proferens pro veritate suffragium in causa S. Jacobi de Marchia, in qua agebatur de liberatione a cecitate, postquam præmisit, cecitatis causam non fuisse invincibilem (cum hæc vel simul cum homine nascatur, vel superveniat ob defectum aut distractionem partium oculorum, quæ visioni sunt omnino necessariae) sed membranas, quamquam pravis succis infarctas, integras tamen cum internis humoribus servatas fuisse; causas morbi examinavit, conclusitque, sanatum Ophthalmia laborasse, addito panno seu suffusione externa, a quibus morbis non potuit momento nisi per miraculum sanari; præsertim nulla critica naturæ motione interveniente in ipsa sanatione, vel ante illam, nulloque a præcedentibus medicamentis habito subsidio.

16 In causa S. Andreæ Avellini Paulus Manfredus celebris, dum viveret, Romæ Medicus scribens super septimo, quod proponebatur, miraculo sanationis instantaneæ oculi corrosi, & consumpti a variolis, plura ex Senerto, ex Hieronymo Mercuriali, & Avicenna deduxit, ut ostenderet læsionem oculorum, & cæcitatem ex variolis provenientem. Addidit, in casu de quo agebatur, non modo aqueum, sed etiam crystallinum & vitreum humores effluxisse; & licet aqueus (uti supra dictum est) beneficio temporis regenerari possit, id tamen contingere non posse in ceteris humoribus, nisi per absolutam Dei potentiam, ut innuit Thomas Bartholinus lib. 3. *Anatom. reform. cap. 8.* qui loquens de humore aqueo hæc protulit: *Hic humor non est pars animata, sed tantum excrementum esse videtur ex nutritione crystallini; nam & in morbis absuntur, & in vulneribus oculorum perditus restituitur. Reliqui duo humores partes sunt animata, cum habeant propriam circumscriptionem, nutriantur sanguine per proprias venas adducto, perditum non refarciuntur.* Sequitur Stalpartius in observationibus pag. 75. ubi, postquam ostendit, aqueum humorem regenerari posse, & etiam forte crystallinum, experimento ducto a gallina, a cujus oculo cum totus humor crystallinus expressus esset, post octo hebdomadas capite eidem amputato, renatus inventus est, concludit id in homine fieri non posse. Legi potest eruditissima epistola Josephi Pozzi Jacobi filii, egregii Professoris Bononiensis, & Academiæ Scientiarum Instituti sodalis, cui me multum debere profiteor, cum multa ex ejus colloquiis familiaribus ad hanc illustrandam miraculorum materiam hauserim, epistola, inquam, Bononiæ edita anno 1732. post duas eloquentissimas, quas, omnibus admirantibus, habuit orationes in publico Archigymnasio, in quo iterum Anatomem publice explicavit. Inscripta est epistola Petro Paulo Mulinelli egregio Bononiæ Professore tunc Parisiis degenti, in qua adversus Thomam Bartholinum docentem, in animalibus volatilibus omnibus aqueum, crystallinum, & vitreum oculorum humorem per vim extractum facile reparari, experimentis a se præmissis ostendit, id non omnibus animalibus volatilibus esse commune. Sed, ut ad rem nostram redeamus, Angelus Victorinus, Bernardinus Castellanus, Thomas Grossius, alique Medici antiqui in causa S. Aloysii Gonzagæ uti miraculum maximum approbarent visus recuperationem intercessionem B. Aloysii Gonzagæ concessam cuidam Bernardino Philetto cæcitatem ex morbo variolarum post annum cum dimidio laboranti.

17 Plura autem ex his, quæ hucusque dicta sunt, colligi possunt: primum, quando agitur de liberatione a cæcitatem, cæcitatem ipsam evidenti-
bus probationibus esse confirmandam, & ostendendum, utrum ab ipso orto, an post supervenerit: secundum, esse curandum, ne desint probationes temporis, quo cæcitas duravit: tertium, evidenti-
bus etiam probationibus recuperationem visus ponendam esse in aperto cum continuatione, & ceteris qualitatibus perfectæ recuperationis: quartum, a Physicis & Peritis statuendam esse causam cæcitatis sive a nativitate, sive postmodum subsecuta:

quintum, demonstrandum esse, an aliqua adsuerit causa naturalis, hoc est an apta medicamenta fuerint exhibita, an opportune crisis intercesserit, quibus citra miraculum recuperatio visus adscribi possit: ultimum, illud quoque esse videndum, an visus recuperatus sit in instanti: quod tamen intelligendum est, non in casu, in quo agatur de Cæco nato, qui habeat impedimentum in visus organo, aut de aliis Cæcis factis, quibus superveniat defectus, aut distractio in partibus oculorum visioni omnino necessariis; sed in casu, in quo agatur de cæcitate sive a nativitate, sive postmodum subsecuta, quæ tamen ope medicamentorum, aut alius causæ naturalis removeri potuisset: prima quippe sanatio ad miraculum secundi generis, & reliquæ ad miraculum tertii generis pertinent; ex alibi autem dictis subita sanatio requiritur, non in miraculis secundi, sed tertii generis. Sacrorum rituum Congregatio hac via processit in causa S. Jacobi de Marchia, in qua sanationem momentariam Nicolai Gambacurtæ admisit tanquam miraculum tertii generis, juxta suffragium Sinibaldi, & Lancioli; uti colligitur ex Decreto edito die 29. Januarii anno 1726. quod fuit confirmatum a Benedicto XIII. die 2. Februarii ejusdem anni; & in causa S. Vincentii a Paulo, in qua pariter inter miracula tertii generis recessit subita sanationem Claudii Josephi Compoin a cæcitate, juxta suffragium Januarii Janelii, quemadmodum desinitur ex Decreto edito die 12. Julii anno 1729. confirmato a Benedicto XIII. die 14. ejusdem mensis & anni. Hæ sunt sanationes a cæcitate, quæ fuerunt tanquam miracula tertii generis approbatæ in causis, in quibus scripsi uti Fidei Promotor. Aliæ, quæ fuerunt propositæ in causa S. Agnetis, & B. Petri Forerii, quibus addi potest alia etiam proposita in causa B. Hyacinthæ de Marescottis, & alia in causa S. Joannis Francisci Regis, in quibus etiam scripsi uti Fidei Promotor, fuerunt rejectæ ut plurimum ex defectu probationum quoad *instantaneitatem*, & quoad perfectam visus recuperationem; de quarum pondere probationum Medici, qui scripserunt, ferre suffragium non poterant:posito quippe facto a Postulatoribus, judicare Medici debent, num sanatio fuerit naturæ, an miraculo tribuenda. Ipsorum tamen Postulatorum esse debet sedulo animadvertere, an ex testibus, & præsertim ex Peritis, qui infirmum curarunt, causa cæcitatibus deprehendi possit: si enim deprehendi non potest, inutilis futurus erit Medicorum labor, quem scribendo pro miraculo assument. Quocirca Joannes Maria Lancisius scribens pro veritate super nonnullis cæcitatibus, quarum sanationes tanquam miracula proponebantur, in causa S. Joannis Francisci Regis, ait: *Referant igitur Postulatores, quibus ex causis profecta fuerint in his feminis cæcitates, ut Medicum agere possim, non tantum.*

18 Adversus ea, quæ superius dicta sunt de subita visus restitutione, opponi posse videtur exemplum Cæci a Christo sanati, de quo in Evangelio S. Marci cap. 8. ubi, cum Cæcum ad eum adduxissent, ipse exspuit in oculos ejus, & interrogavit, an videret, qui respondens ait v. 24. *Video homines velut arbo-*

arbores ambulantes ; impositaque iterum manu super oculos ejus, *cæpi* *videret*. & restitutus est, ita ut clare *videret omnia*. Præterquamquod autem Christus Dominus e loco non discessit, antequam uno quasi actu perfectam conferret Cæco sanitatem, actio ejus fuit plena mysterio, ita ut ab ea illatio desumi non possit ad excludendam *instantaneitatem* a ceteris, quæ proponuntur, hujus generis miraculis. Mysterium exponit Euthymius (*in comment. ad cap. 8. Marci*) : *Primo vero Cæcum hunc imperfecte curavit, utpote imperfecte credentem ut, qui parum adhuc respiciebat, per medicum aspectum crederet perfectius, ac sanaretur perfectius; sapiens enim erat Medicus*. Et mox : *Augmentum Fidei augmentum promeruit sanitatis*. Multa scribunt ad idem *cap. 8. Marci* Cornelius a Lapide, Natalis Alexander, Calmet.

C A P U T X.

*De concessis, aut restitutis loquela Mutis, & auditu Surdis
per miraculum.*

Post visum Cæcis a Christo Jesu concessum S. Matthæus in *Evangelio cap. 9. v. 32.* narrat, ei oblatum fuisse hominem mutum, habentem Dæmonium, & ejectione Dæmonio, Mutum locutum esse, stupentibus omnibus : *Ecce obrulerunt ei hominem mutum, Dæmonium habentem; & ejectione Dæmonio, locutus est Mutus, & mirata sunt turba dicentes: Numquam apparuit sic in Israel*, & *cap. 12. v. 22.* refert, Cæcum & Mutum, qui pariter Dæmonium habebat, fuisse a Christo sanatum, & vidisse, & locutum fuisse : *Tunc oblati sunt ei Dæmonium habens Cæcus & Mutus; & curavit eum, ita ut loqueretur & videret; & stupebant omnes turba, & dicebant: Numquid hic est Filius David?* S. Marcus in *Evangelio cap. 7. v. 32.* hæc habet : *Et adducunt ei Surdum & Mutum, & deprecabantur eum, ut imponat illi manum*. Post hæc subicit, Christum Dominum misisse digitos suos in auriculas ejus, & exspuendo tetigisse linguam ejus *v. 35.* : *Et statim aperta sunt aures ejus, & solutum est vinculum lingua ejus, & loquebatur recte; & præcepit illis, ne cui dicerent. Quanto autem eis præcipiebat, tanto magis plus prædicabant, & eo amplius admirabantur dicentes: Bene omnia fecit, & Surdis fecit audire, & Mutos loqui*. S. Lucas in *Evangelio cap. 1. v. 20.* exponit, Angelum Zachariæ verbis suis fidem non præstanti dixisse : *Et ecce eris tacens, & non poteris loqui usque in diem, quo hæc fiant, pro eo quod non credidisti verbis meis, quæ implerentur tempore suo*. Et, dum quæreretur, quomodo vocandus esset puer postmodum natus ex ipso & ex Elisabeth, Zacharias, accepto pignillari, scripsit, *v. 63.* : *Joannes est nomen ejus*; statim autem stupentibus omnibus, usus loquendi fuit illi restitutus, *v. 64.* : *Apertum est autem illico os ejus & lingua ejus, & loquebatur benedicens Deum; & factus est timor super omnes vicinos eorum, & super omnia montana Judææ divulgabantur omnia verba hæc*. In eodem *Evangelio cap. 11. v. 14.* hæc habentur : *Et erat ejiciens Dæmonium, & illud erat*

150 DE SERVORUM DEI BEATIFICATIONE

erat mutus; & cum ejecisset Daemonium, locutus est Mutus, & admirata sunt turba: atque ideo tam per ea quæ in precedenti capite dicta sunt, quam per ea quæ in hoc exponuntur, impletum est oraculum Isaie dicentis cap. 35. v. 5. de Christo: Tunc aperientur oculi Cæcorum, & aures Surdorum patebunt ... & aperta eris lingua Mutorum.

2 De Muto a Christo Domino sanato, de quo *Matthæi cap. 9.* queritur, an etiam esset surdus, & an esset mutus & surdus a nativitate, & an hic idem sit ille, de quo in Evangelio *Lucæ cap. 11. v. 14. Et erat ejiciens Daemonium, & illud erat mutum; & cum ejecisset Daemonium, locutus est Mutus, & admirata sunt turba.* Mutum autem & surdum fuisse, non tamen ab ipso ortu, receptor opinio est, & magis consona textui Evangelico, cum Dæmon eum fecisset surdum & mutum, impediendo usum lingue & aurium, quemadmodum observat *Cornelius a Lapide ad idem cap. 9. v. 33.* Addit *Natalis Alexander num. 23.* Græcam vocem significare mutum & surdum; & *Calmet num. 32.* testatur, receptiorem esse inter sacros Interpretes sententiam, ut Mutus, de quo hic loquitur S. Matthæus, non sit ille, de quo loquitur S. Lucas. De altero sanato, de quo S. Matthæus *cap. 12.*, recte ait S. Hieronymus (*cod. cap. lib. 2. commentar. col. 48. tom. 4.*): *Tria signa simul in uno homine perpetrata sunt: cæcus videt, mutus loquitur, possessor a Dæmone liberatur.* Abulenlis, & *Barradius* volunt, hunc non fuisse a nativitate, aut a morbo cæcum aut mutum, sed a Dæmone eum possidente fuisse oculorum & aurium usu privatum. De sanato a Christo Domino, de quo *Marci cap. 7.* Interpretes adnotarunt, eum non fuisse mutum & surdum a nativitate; si enim natura surdus fuisset ac mutus, ne sublato quidem lingue impedimento loqui potuisset, nisi prius didicisset. Addunt eum non fuisse mutum & surdum ex Dæmonis obsessione, cum Evangelista de ea non loquatur, & sic ex nature infirmitate in surditatem, & lingue impedimentum incidisse. Disputatur quoque, num esset mutus, an balbutiens: cum enim Evangelista dicat: *Et loquebatur recte*, id est expedite, hinc inferri posse videtur, eum antea aliquem usum loquendi habuisse, uti videri potest apud *Cornelium a Lapide ad idem cap. 7. S. Marci vers. 32.* Adhærendum autem esse videtur asserentibus, ipsum vere fuisse mutum & surdum, cum id congruat verbis Evangelii, quemadmodum etiam bene adnotavit *Calmet* ad citatum locum *vers. 32.* & subscribit *Schevchzerus in Physica sacra ad cap. 7. Marci pag. 14. 16.* *Zacharias* de quo in Evangelio S. *Lucæ cap. 1.* nascentem incredulitatis & dissidentie motum non statim repressit, uti fecit *Abraham*, cujus mentem cogitatio non absumilis subiit, cum Deus illi filium promissit: *Putasne centenarius nasceretur filius, & Sara nonagenaria pariet?* *Genes. 17. 17.* Zacharias enim signum petiit, & ad suam, uxorisque proVectam ætatem oculos mentis intendens, potentiam Dei promittentis non respexit. Non sic autem se gessit *Abraham*, qui contra spem credidit, & in promissione Dei non hesitavit dissidentia, quod ei reputatum est ad justiciam, uti legitur *ad Romanos 4.* Ideoque *Zacharias* in poenam dissidentie ad tempus mu-

tus

us factus est, nec tantum vocis, sed etiam auditus usum amisit, ut scribit Theophylactus (*in comment. ad cap. 1. Luca pag. 302.*): *Merito autem duo hac passus est, & quod non audiret, & non loqueretur: quia enim non obedierat, condemnatur, ut surdus sit; & quia contradixerat, ut sileat.* Nec aliter res esse potuit, cum amici, & cognati ejus ipsum nutibus alloquerentur: *Innucebant autem patri ejus, quem vellet vocari eum; ad quæ verba S. Ambrosius lib. 2. in Lucam num. 32. subjicit: Zacharias nutu interrogatur, quia incredulitas ei asensum eripuerat & audison.* De Muto autem, de quo idem S. Lucas in Evangelio cap. 11. nihil est, quod adnotetur.

3 Similia miracula liberationis Mutorum & Surdorum, vel aut Mutorum, aut Surdorum, & Mutorum & Surdorum a nativitate, vel etiam ex infortunio, casu, aut infirmitate, leguntur in bullis Canonizationum SS. Cunegundis, Vultani Episcopi, Willhelmi Congregationis S. Victoris Parisiensis Canonici, Laurentii Dublinensis Archiepiscopi, Dominici, Edmundi, Willhelmi Briocensis Episcopi, Petri Martyris, Stanislai Gracoviensis Episcopi, Claræ de Assisio, Ludovici Francorum Regis, Ludovici Tolofatis Episcopi, Thomæ de Aquino, Birgittæ, Francisci de Paula, Didaci, Petri de Alcantara, Isidori, Joannis de Capistrano; & in relationibus Rotæ Auditorum, in relationibus videlicet causæ tunc Servi Dei nunc Beati Hieronymi Æmiliani, Beati Gregorii X., SS. Petri de Alcantara, Andree Corsini, Paschalis a Baylon, Jacobi de Marchia.

4 Ut reliqua prætereamus, quæ facile cumulari possent, apud Bollandum ad diem 13. Januarii in Actis S. Petri Martyris legitur Imperatorem jussisse, ut ei lingua amputaretur, & oculi eruerentur, ipsumque, incisa lingua, Psalmos cecinisse, & Imperatorem confusum nil amplius invenisse, quod ei inferret mali. Apud Eusebium Cæsariensem lib. 2. de Resurrectione, adit. Sirmundi, opus. 12. pag. 96. Judex præcepit, linguam incidi S. Romano, qua Deum confessus fuerat; lingua incisa est, sine qua Martyr rectius locutus est, quam prius. Dicitur, quia Beatus iste Romanus, dum adhuc carnem habebat linguam, familia Moyse loquebatur, hoc est balbutiens, & non composite loquens. Dum adhuc haberet totam linguam, & non posset composite loqui, erat balbus. Qui autem carcerem ingrediebatur, custas carceris interrogavit eum, quod ei esset nomen; & certe literæ jam his, qui valde compositi recte loquuntur, impedit ad loquendum. Nunc autem Romanus & incisa lingua, quam cum haberet & recte loqui non poterat, spiritus lingua loquitur, & valde rectissime, & dicit: Romanus dicor. Iterum nuntiatur hoc Judici & Tyranno presenti. Iterum, qui incidere, Medicus constituitur in timore. Etiam (inquit) iste adhuc Christianus est, ut Fratri parens consensus præceptum. Forte autem ille cupiens post incisionem lingua non superesse Martyrem, & majori mensura incidit ad interfectionem potius, quam ad præcisionem. Tamen comprehensus Medicus ducebatur ad Judicem, & negotium habebat, cur loqueretur is, cui incisa fuerat lingua. Non enim senel locutus tacuit, sed conferebat cum aliis de cruce & victoria Christi, & hoc multis mensibus in carcere constitutus. De hoc miraculo tota est oratio 43. S. Joani-

S. Joannis Chrysostomi, & memoratur etiam in oratione 48. Victor Vitenfis lib. 3. de persecutione Vandalica num. 6. ex recens. Ruinari Scriptor cœtaneus testis est, nonnullos SS. Martyres, quibus lingua in ea persecutione fuerat excisa, prompte locutos esse: *Si quis incredulus esse voluerit, pergat nunc Constantinopolim, & ibi reperiet unum de illis, Subdiaconum Reparatum, sermones politos sine ulla offensione loquentem.* Ob quam causam venerabilis nimirum in palatio Zenonis Imperatoris habetur, & præcipue Regina mira eum reverentia veneratur. Justinianus Imperator in Codice tit. de offic. Præf. Præf. Afric. ait, se vidisse venerabiles viros, qui, abscissis radicitus linguis, poenas suas miserabiliter loquebantur. Alii quidam, quibus Honoricus Vandalorum Rex linguas radicitus præciderat, loquelam tamen integram habuerunt, præter duos, qui, cum se scortis commiscuissent, loqui amplius non potuerunt. Alia exempla habentur apud Rejes *quest.* 55. num. 12. apud Petrum a Castro *de loquela Mutis, & auditu Surdis reddito observat.* 35. pag. 103. inter miscellanea curiosa medico-physic. Germanic. Academia decur. 1. anni 1670. apud Jacobum Rolandum de Beledad in *descriptione oris sine lingua loquentis* pag. 507. inter eadem miscellanea anni 1672. Apud Anastasium, sive alius sit Auctor, de vitis Romanorum Pontificum describitur ingens facinus adversus S. Pontificem Leonem III. Paschalis enim Prædecessor, & Campulus Sacellararius Ecclesiæ Romanæ aggressi S. Leonem solemnî ritu litanias majores cum universo Clero & populo celebrantem, nefariis hominibus stipati, multis plagis affecerunt, oculos ei eruerunt, linguam præciderunt, & semivivum in custodiam detruserunt: sed, cum inde noctu ad arctiorem custodiam ductus esset, eadem nocte per intercessionem SS. Apostolorum Petri & Pauli visum recepit, & lingua ei restituta est: cumque quorundam suorum industria clam in Vaticanum abductus esset, a Spoletino Duce, qui repente cum exercitu advenit, ductus Spoletum, post paucos dies ad Carolum Magnum Francorum Regem properavit. S. Leonis III. & miraculi sit commemoratio in Martyrologio Romano ad diem 12. Junii: *Roma in basilica Vaticana Sancti Leonis Papa III. cui erutes ab impiis oculos, & præcisam linguam Deus mirabiliter restituit.* Nonnulli recentiores de hujus miraculi veritate dubitant. Fleury in *histor. Eccles.* lib. 45. ad an. 799. scribit, tamquam miraculum habitum fuisse, quod multis conatibus ad linguam ipsi præcidendam, & oculos eruendos frustra adhibitis, usum retinuerit linguæ & oculorum. At Pagi junior in *breviar. Romm. Pontif.* tom. 2. in vita Leonis III. validissimis ostendit argumentis, rem se habuisse, uti ab Anastasio narratur: & certe Alcuinus Caroli Magni Præceptor in *carmine de Leonis profectioe ad Carolum*, apud Duchesne in *hist. Scriptor. Francor.* pag. 196. tom. 2. aptissime suffragatur:

*Verbera commemorans, extinctum lumine vultum
Narrat, & abscissam liquido de gutture linguam;
Nunc, medicante Deo, sanatum & ab omnibus istis
Esse malis &c.*

& infra:

Ex-

*Exquiris Carolus casus, auditque laborum
 Diversus; sceleris populi impia facta stupefcis;
 Miratur geminas jamdudum luce fenestras
 Extinctas: & nunc reparatum lumine vultum,
 Truncatamque loqui miratur forcipe linguam.
 Alter in alterius configunt lumina vultus.*

5 Post hæc superest, ut aliqua referantur ex Physicis & Medicis de-
 sumpta. In *scholiis ad cit. observ. 35.* Petri a Castro de loquela mutis, & audi-
 tu surdis reddito pag. 99. operis citati, Scholialtes notat, plerumque surdos a
 nativitate mutos etiam esse, vel ob conjunctionem nervi septimæ conjuga-
 tionis, cujus furculus major ad aurem, minor ad linguam, & laryngem ex-
 currere solet; vel quia, licet surdi voce non careant, nec oris linguæque
 motu defectus tamen articulati sermonis exinde oritur, quod ob offensa au-
 ditus organa, quemadmodum alios loquentes non audiunt, ita nec ordina-
 riam sonorum humanorum vim & rationem, juxta normam loquendi con-
 suetam, linguæ vocisque suæ motibus exprimere possunt. Subscribunt Con-
 imbricenses de anima in problemate de auditu scilicet. 2. num. 6. & adhæret Rejes
quæst. 55. num. 25. Adamus quidem sine exercitio, sine magistro perfecte lo-
 cutus est; sed ille perfectus est creatus, ceteri imperfecti nascuntur, ætate
 perficiendi. Putarunt nonnulli, sermonem quemdam hominibus innatum
 esse, & hunc esse Hebraicum, ita ut, si quis ab infantia nullum omnino do-
 ceretur sermonem, hebraice loqueretur; quos redarguit Valesius de sacra
Philosophia cap. 3. pag. 76. & adhæret Jacobus Rolandus in cit. descriptione oris
sine lingua loquentis pag. 509. operis citati. Pfammeticum, vel (ut alii volunt)
 Boccorum Ægypti Regem Herodotus lib. 2. cap. 2. testatur, duos recens natos
 infantes alendos commisisse pastori; & mandavisse, ut alterum ab altero seor-
 sum haberet, nec unquam coram illis loqueretur, & ab hominum consortio
 teneret segregatos; eos autem, cum loqui pro ætate valuerunt, ingeminasse
 identidem *Beccos*, quæ vox apud Phrygas panem significat, Regemque ex
 hoc deduxisse, naturalem linguam hominum esse Phrygiam. Experientia
 hæc a plerisque irridetur, qui advertunt, ex caprarum mutitione, cum nihil
 aliud pueri audivissent, vocem prædictam didicisse; quod etiam alii ex-
 perientis confirmant, cum pueri similiter educati articulate locuti non
 sint; & alii parentum incuria derelicti in infantia, interque pecudes enu-
 triti, a venatoribus postea capti, nihil nisi balare noverint; quemadmodum
 videri potest apud Rejes cit. *quæst. 55. num. 25.* & apud Calmet in *dissertat.*
de Lingua primitiva.

6 Contra vero qui ab ipso ortu muti sunt, non statim etiam surdi sunt,
 teste Scholiasse Petri a Castro in loc. cit. qui ex Dominico Panarola obser-
 vat, puerum quemdam fuisse agentem duodecimum annum a nativitate
 mutum, non surdum, ita ut a tergo interrogatus faciem volveret; quod
 contigisse dicitur ob solam læsionem nervorum vocalium, vel ob fatuita-
 tem, ob quam nihil didicit. Alia mirabiliora ab iisdem Physicis & Medi-
 cis

cis traduntur, de loquentibus videlicet naturaliter sine lingua. Allatus enim Scholiastes Petri a Castro *in oper. cit. pag. 103.* refert, Salmuri in Gallia quemdam ex variolis exspuiffe linguam totam, nec tamen loquendi facultatem amisiffe, & exacte quidem aliqua litterarum elementa proferre nesciviffe, sed melius illas litteras protuliffe, quæ sine linguæ allifione enuntiantur, vel e gutturius motu componuntur, vel a labiis eduntur; propter quem casum Jacobus Rolandus integrum supra citatum edidit *Tractatum de descriptione oris sine lingua loquentis*, ubi, postquam scripsit, a prædicto puero amissam fuisse linguam totam corruptam & putrefactam, addit, eum omnes obiffe functiones, quæ huic parti tribuuntur, ut sunt loqui, serere, gustare, cibos bene manios volutare, & eisdem denique deglutire. Meminit hujus ejusdem casus Guillelmus Deerham *in demonstratione de essentia & attributis Dei cap. 7. pag. 131.* Huc referri possent, quæ narrantur de ventriloquis, hoc est de iis, qui loqui e ventre videntur. De Petro quodam Brabantio narratur, eum, quoties volebat, toties ex ima corporis parte, ore quidem aperto, sed labiis immotis, loqui solitum fuisse. At misso Demone, qui, uti impurum & impudicum Spiritum decet, per loca impura & pudenda aliquando in hominibus locutus est, de quo apud Nieremberg. *in historia natura lib. 8. cap. 20.* Scholiastes Petri a Castro *in oper. cit. pag. 104.* docet, eos, qui sic loquuntur, peculiari quadam arte spiritum intus attrahere, quo fit, ut voces videantur non ab ipsis edi, sed ab alio intra ipsos latente: & Jacobus Rolandus *in opere quoque citato pag. 58.* testatur, se a celebri Anatomico audivisse, dum de duplicatione mediastini ageret, membranam istam duplicem naturaliter unitam in duas partes dividi, & tunc loquelam quasi ex pectore procedere, & circumstantes credere, eum non ore loqui, sed pectore; cujus explanationis ratio non tanti facienda est, ut ei omnino standum esse judicemus.

7 Antonius Maria Valsalva Imolenfis, Philosophiæ & Medicinæ Doctor in Bononiensi Universitate, *in tractatu de aure humana cap. 1. num. 13.* observat, in foetu, atque etiam in infante recens nato meatus auditorii parietes, maxime circa concham, ad se invicem ita accedere, ut meatus principium sere ex toto claudatur, & tunc hujus parietes a substantia crassa & tubalida tectos conspici, quæ ulterius ad tympani membranam extensa aliam ibidem membranam componere videtur; ac, si talis membrana non decidat, immo firmior evadat, surditatis a nativitate speciem induci, quæ difficulter quidem, sed a perito Chirurgo & Anatomico sanari poterit. De mutis a nativitate hoc ipsum testatur Petrus a Castro *in alias. observ. 35. oper. cit. pag. 97.* Modus, cum quo possunt a nativitate Muti curari, miraculosus est, non impossibilis tamen ingenio humano; & pag. 98. testatur, se indultria, dexterritate, & patientia in oppido Verganæ Cantabrie puero a nativitate muto & sordo intra duos menses usum dedisse. Remedia explicat a se adhibita: & Mercurialis quidem contendit, arte fieri posse, ut Murns & Sordus discant loqui, & audire, uti videri potest apud Scholiasten prædicti Petri a Castro

Castro pag. 100. Vallesius in *Philosophia sacra* cap. 3. pag. 78. testatur, se fuisse amicum cujusdam Petri Pontij Monachi S. Benedicti, qui natos surdos docebat loqui: quod Zacchias *quæst. medico-legal. lib. 4. tit. 1. quæst. 8. num. 52.* contendit admitti non posse in Mutis & Surdis, qui hisce morbis laborant ob naturale vitium nervorum.

8 Demum exempla non deficiunt ab iisdem Physicis & Medicis relata de Mutis & Surdis loquelam & auditum naturaliter recipientibus. Schenkii *observat. medicinal. lib. 1. de lingua tit. de sermone & voce* pag. 207. narrat, Maximilianum Friderici III. Imperatoris filium usque ad nonum ætatis suæ annum protulsi elinguem & mutum fuisse, sed tamen beneficio naturæ non solum sermonem obtinuisse, verum etiam fuisse eloquentissimum, consumpta progressu ætatis nimia humiditate, quæ hujusmodi ediderat defectum; item, puerum Raguseum, qui usque ad duodecimum annum habitus fuerat mutus, indito laqueo ad occipitium, quo capitis humiditates superflue appresse extinctæ sunt, loqui cœpisse; & pag. 210. ex Herodoto afferit illud filii Croesi, qui, cum laboraret impedimento linguæ ac vocis proferendæ, repente vocalis evasit, & per omne vitæ tempus expedite locutus est, adeptus scilicet loquelam, cum vidisset Persam in Croesum patrem irruentem. Stalpartius in *observationibus observat. 5.* casum exponit cujusdam rustici per biennium surdi, & per quatuordecim annos muti, qui non sine auxilio Dei auditum & vocem recuperavit; & in *notis ad eam observationem* pag. 41. casus cumulat aliorum, qui ex improvviso & vehementi animi motu ex mutis loquentes facti sunt, cum fortasse sanguis, vel pituita concreta, atque aut radici linguæ, aut musculis, aut trachæa impacta, & vicinos nervos comprimens, in motum libertatemque animi impetu propulsa, impeditam restituerit loquelam & vocem; necnon quorundam, qui infantes muti fuerunt, & ætate ipsa postea sanati clare locuti sunt. Inter *miscellanea curiosa medico-physic. Germanic. decur. 2. anni 1684. pag. 117.* extat *observatio 41.* Michaelis Bernardi Valentini narrantis, mulierem Giesensem per aliquot annos mutam, ut ne verbum quidem proferre posset, dum in mde sacra parata erat Exomologesis gratia chartam tradere Confessorio, in qua ejus peccata scripta erant, Confessionem ore tenuis & ad verbum articulatim recitasse, & aliquo temporis spatio perfecte loqui potuisse; ad instar ejus Muti, cujus occasione Auctor scripsit, qui hora tantum prima pomeridiana loqui poterat: idemque Auctor super casu exposito mulieris hæc habet: *Divini quid subesse, credidere plures: quod si tamen naturaliter id evenerit, desiderio ejusmodi devote & ferventi tribuere mallet, quod spiritus animales vi quadam eo determinare valeat, ut, distractis silentii ropagulis, qua data porta, ruant, partesque loquæ destinatas ad tempus movere possint.* In *eisdem curiosis miscellaneis* decur. 3. anno septimo, & octavo pag. 337. *observo. 203.* Textor quidam septuagenarius ab antiqua surditate auris sinistra liberatus est, subsecuta paralyti lateris dexteri, translata videlicet ad aliam partem materia, quæ nervum obstruebat, & Guillelmus Ader in

enarrationibus Evangelicis enarrat. 7. notat, aliquem mutum interdum fieri ex cicatrice a male curato *frenuli* ulcere sub lingua; & hanc ægritudinem in pueris, utpote recentem, excisório adhibito scalpello a chirurgie peritis curari; secus autem in viris, aut ætate confectis, cum membranæ & ligamenta, quæ linguam devinciunt & alligant, duriora facta & exsiccata curationem respuant, & graves inde hæmorrhagiæ ob inevitabilem *raninæ* sectionem subsequantur, quæ listi nequeunt; & in opere, cui titulus, *Saggio delle trasfazioni filosofiche dall' anno 1700. al 1720. tom. 3. edit. Neapolit. an. 1731. fol. 94.* exponitur sanatio mulieris mutæ & surdæ a natiuitate, quæ anno decimo septimo ætatis suæ loqui coepit, & audire post febrem, qua laboravit.

9. *Zacchias quest. medico-legal. lib. 4. tit. 1. quest. 8. num. 52.* mutorum & surdorum sanationem æquiparat sanationi cæcorum. En ejus verba: Porro non minorem admirationem continet mutorum & surdorum sanatio, præsertim, si a natura tales existant, & multo magis, si muti simul & surdi fuerint, quam cæcorum, qui a natiuitate non videant: unde ob miraculi paritatem in Sacris hæc simul conjunguntur, & futura prædicantur ab Isa. cap. 35. Deus ipse (inquit) veniet, & saluabit nos. Tunc aperientur oculi cæcorum, & aures surdorum patebunt; tunc saliet, sicut cervus, claudus, & aperta erit lingua mutorum &c. Ubi enim impedimentum tam loquendi, quam audiendi in naturali nervorum defectu consistat, nullo modo fieri potest, ut quis humana arte adjutus vel loqui, vel audire ullo tempore possit, sed hoc requirit absolute potentiam Divinam, ut sentit etiam *Mercur. lib. 2. de morbis puerorum cap. 8.* qui id ipsum latius patere vult, & locum habere in quibuscumque, qui muti simul & surdi a natiuitate existant. Quocirca, cum res est de recuperantibus usum loquelæ & auditus, observanda sunt, proportionem servata, omnia quæ superius dicta sunt, cum agebatur de liberatione a cæcitate. Afferri ergo debent evidentes probationes præcedentis infirmitatis, & perfectæ firmæque ac diuturnæ recuperationis sanitatis. Rursus perpendendum est, an Sanatus fuerit tantum surdus, & non mutus; vel mutus, & non surdus; atque utrum hi defectus fuerint a natiuitate, an postea supervenerint. Physiici quoque causam infirmitatis aut infirmitatum investigabunt, & an aliqua causa naturalis (uti supra dictum est) adfuerit, ad quam sanitas referri possit, sive sermo sit de infirmitate a natiuitate, sive de infirmitate seu defectu, qui supervenerit; & quod attinet ad subitam sanationem, id erit maxime investigandum, an infirmitas provenerit a mala organorum conformatione; si enim ex hac causa processerit, miraculum erit secundi generis, in quo ex alibi dictis non est de subita sanatione laborandum; secus autem, si morbus ex aliis impediementis originem habuerit; tunc enim sanatio ad tertium genus miraculorum erit referenda. Addit *Zacchias loc. cit.* morbum debere esse gravem, ut liberatio ab eo sit adscribenda miraculo; atque hinc infert, quod, si aliquis laboraret hæsitantia quadam in loquendo, & deinde expedite loqueretur, id tamquam miraculum haberi non

non posset. Addit Guillelmus Ader in *enarrationibus de morbis Evangelicis enarrat.* 7. in his infirmitatibus sanatis, ut ratio miraculi statuatur, videndum esse, an post sanationem alii morbi supervenerint, cum aliquando paralyfis, aut convulsio, aut metastasis possint contingere. In causa S. Stanislai Novitii Societatis Jesu, cujus miracula fuerunt discussa & approbata tempore, quoungebar munere Fidei Promotoris, inter cetera miraculum propositum fuit subite sanationis cujusdam feminae a surditate, quam contraxerat, dum esset ætate trium annorum, lapillo ex levitate puerili in sinistram auriculam ingesto, & quem post lapsum annorum viginti septem ejecit, invocato B. Stanislao, cum antea numquam ejicere potuisset, licet Medici & Chirurgi pericillissimi miris ad eam rem factis instrumentis ejicere tentassent. At hoc non fuit approbatum tamquam miraculum, opponente videlicet suo tempore Prospero Bottinio Archiepiscopo Myrensi olim Fidei Promotore, quod miraculum constitui non posset in restitutione auditus, cum surditas orta esset ex impedimento prorsus casuali organum lædente, quo sublato, perfecta sanatio fieri naturaliter debuit; & quod pariter ratio miraculi constitui non posset in remotione impedimenti per expulsionem lapilli, cum per instrumenta chirurgica recte adhibita, vel beneficio ætatis, auriculæ foramen sorte dilatatum fuerit, ut naturaliter lapis exiret. Dum eodem ungebar munere, inter cetera pro Beatificatione tunc Servi Dei Vincentii a Paulo propositum fuit miraculum subitæ largitionis loquelæ & virium cuidam puellæ octenni, a nativitate mutæ, & ad motum arcuum infernorum omnino impotenti. Opposui exempla eorum, qui naturaliter ab impedimento loquelæ liberati fuerunt, & facti sunt vocales. A Postulatoribus autem responsum fuit, multa miranda scripta esse, quæ tamen ad credendum nullius fidem astringunt, atque Historicis non deesse, qui asserunt, Maximilianum Friderici filium supra memoratum, tamquam mutum a nativitate naturaliter sanatum, nunquam tali morbo laborasse, sed lingua tantum balbutiisse, nullamque in proposito casu præcessisse iram, timorem, incendii metum, & similia, ad quæ aliquando loquelæ receptio refertur, ut observat Zacut. *lib.1. medic.princ. historic. histor.34. in paraphrasi*, & sic nullo modo subitam sanationem puellæ, invocato Beati auxilio, a miraculorum serie esse excludendam, deficiente potissimum applicatione utilium medicamentorum, & cujuscumque crisis intervenit. Super hoc eodem miraculo scripsit Januarius Jannellius Medicus paulo ante memoratus, qui in sua dissertatione ostendit, loquelæ impedimentum mansisse a vicio nervorum paris septimi, qui motum linguæ impartiuntur, & recurrentis, qui sancti facultatem tribuit, & quorumcumque, qui ad laryngis musculos, diaphragma, & pulmonaceam substantiam, præsertim vesiculosam, pertinent, quod multis conjecturis confirmavit. Quocirca id tamquam miraculum tertii generis fuit a sacra Congregatione approbatum die 12. Julii anno 1729. & confirmatum die 14. ejusdem mensis, & eodem anno a Benedicto XIII.

CA-

De divina admirabili sanatione Claudorum, & aliquorum impotentium ad ambulandum, itemque Gibborum.

UTI supra visum est, de Christo, & de Apostolis ab Isaia cap. 35. v. 6. dictum est: *Tunc saliet, sicut cervus, claudus.* In Actis Apostolorum cap. 3. fuse narratur miraculum sanationis Claudii. Cum enim Petrus & Joannes ascenderent in Templum, & quidam vir, claudus ex utero matris suæ, qui jacebat ad portam Speciosam Templi, ut ab introeuntibus peteret eleemosynam, ab ipsis Apostolis eleemosynam petisset, ipsique respondissent, se argentum & aurum non habere, sed in nomine Jesu Christi surgeret & ambularet; protinus consolidatæ sunt bases ejus & plantæ, & exiliens stetit, & ambulavit, intravitque cum illis in Templum, laudans Deum, videntibus omnibus eum ambulantem, & recte agnoscantibus, illum esse, qui sedebat ad Templi portam, ideoque maxime stupentibus de eo, quod illi contigerat; Petroque tunc satente, se id propria virtute, aut potestate non fecisse, sed in Fide nominis Christi. Multa quoad historiam hujus miraculi habentur apud Cardinalem Baronium ad an. 34. num. 256. & segg. Alia plura ab Apostolis patrata fuisse miracula, certum est, uti colligitur ex cap. 5. v. 12. *Actor.*: *Per manus autem Apostolorum fiebant signa & prodigia multa in plebe: sed Claudii curatio a S. Luca exacte descripta est, tum quia ceteris fuit illustrior, tum quia facta est juxta Templum, ubi erat turba populi, & demum quia ea occasione Petrus ad turbam concionem habuit, qua quinque millia hominum ad Christum convertit, uti subjicitur cap. 4. v. 4. Multi autem eorum, qui audierant verbum, crediderunt, & factus est numerus virorum quinque millia.*

2 Claudus hic miraculo sanatus claudus erat ab utero matris. Cum sanitatem recepit, erat annos natus supra quadraginta, ut est *Actor.* cap. 4. v. 21. *At illi comminantes dimiserunt eos* (Petrum videlicet & Joannem) *non invenientes, quomodo punirent eos propter populum, quia omnes clarificabant id, quod factum fuerat in eo, quod acciderat. Annorum enim erit amplius quadraginta homo, in quo factum fuerat signum istud sanctis.* Manaverat ergo claudicatio ex natura, & quodammodo in naturam versa fuerat, & sic per medicinam & naturam quodammodo insanabilis. Dicitur in sacro Textu, consolidatas fuisse bases & plantas, & sic crura & tibias quibus moles corporis fulcitur, & pedes quibus totum corpus insitit, qui in Claudis contracti sunt, debiles, & manci. Additur, Sanatum statim ambulasse, & exsiliisse, per quod apparet, Claudio restitutam illico fuisse pedum rectitudinem & firmitatem. Aliud simile miraculum intercessione S. Pauli a Deo patratum habetur *Actor.* cap. 14. Cum enim Paulus & Barnabas Iconii multos ad Christi Fidem convertissent, expulsi a Judæis Lystram deve-

devenissent, ibi quidam vir sedebat claudus ex utero matris suæ: cumque Paulus eum vidisset habentem fidem, ut salvus fieret, ipsique magna voce dixisset, ut surgeret, & ambularet, Claudus in pedes suos rectus surrexit, exiit, & ambulavit, tollentibus turbis voces suas, & dicentibus, Deos similes hominibus factos ad se descendisse, & vocantibus Barnabam Jovem, & Paulum Mercurium: ad quæ Barnabas & Paulus, conscissis tunicis suis, clamantes responderunt, se esse mortales, sed annuntiare conversionem ad Deum vivum, qui fecit cælum & terram & mare & omnia, quæ in eis sunt.

3 In bulla Canonizationis S. Elisabethæ Thuringiæ in Saxonia Land-graviæ & Sanctimonialis Tertii Ordinis Minorum habetur, ejus intercessione vitam mortuis, lumen cæcis, auditum surdis, verbum mutis, & gressum claudis collata fuisse; quod ipsum legitur in bulla Canonizationis S. Vvillhelmi Briocensis in Armorica seu Britannia minori Episcopi, & in bulla Canonizationis S. Stanislai Cracoviensis in Polonia Episcopi: & ut cetera prætereantur, in bulla Canonizationis S. Francisci Saleisii narratur subita sanatio cujusdam contracti, & plane ab ipso ortu ad gressum impotentis; & in bulla Canonizationis S. Francisci Xaverii inter cetera quæ referuntur, miraculum exponitur pueri Goxæ nati, qui utrumque pedem a nativitate adeo aridum, & crura adeo sicca habebat, ut illis insilire non posset, sed manibus reptare cogeretur. Hic ad Sancti sepulcrum ab educatrice perductus, tertia die, qua sepulcrum visitabat (statuerat enim educatrix novem diebus visitare) suis stetit pedibus, & ambulare coepit, & statim omnino sanus evasit, & intra novem dies crura carne oppleta fuerunt, & sic deinde semper valens & sanus vixit.

4 Dum causæ Canonizationum ab Auditoribus Rotæ examinabantur, antequam judicium subirent Congregationis sacrorum rituum, juxta ea quæ non semel alibi dicta sunt, actum sæpe fuit de ea, quæ miraculo fit, sanatione Claudorum: in relatione videlicet causæ S. Petri Regalati *miracul. 5. post mortem*, in relatione causæ Servi Dei Juliani a S. Augustino *cap. 15. in relatione causæ S. Ludovici Bertrandi ad tit. Miraculum sanationis, claudi*, in relatione causæ B. Hieronymi Æmiliani *in miracul. 1. post obitum*, in relatione causæ S. Terefiæ *miracul. 4. post mortem*, ubi referunt, quemdam puerum ætatis annorum quatuor a nativitate ita contractum & contortum fuisse, ut figura corporis litteram S representare videretur; nec pedibus subsistere, nec jacens se movere posset, quamvis ex ejusmodi contractione corporis nullo dolore afficeretur; ipsum autem delatum ad celam monasterii, in qua S. Terefia habitaverat, ultimo die supplicationis novendialis fuisse subito sanatum, liberumque a contractione evaluisse, & suis pedibus expedite ambulasse. Factum hoc Rotæ Auditores miraculo tribuerunt, & quidem secundi generis: observata videlicet gravitate morbi, præcedenti oratione, & sanitate repente perfecteque restituta; posuerunt autem in secundo miraculi genere, quod natura possit quidem dare rectitudinem

tudinem aptamque membrorum compositionem, non tamen homini contorto & contracto a nativitate. Plura alia legi possunt in *tertia parte* relationis eorumdem Auditorum, quam ediderunt in causa S. Caroli Borromei, agentes de quadam Margarita Monta utroque pede capta, & subito restituta sanitati, S. Caroli intercessione.

5 Docent Physici & Medici, si hominis corpus solidis non firmaretur ossibus, iisque per articulos junctis atque apertis, eum nec agere, nec motus exercere posse, ad vitæ commodum necessarios, Fant. *prælect. anatom. pag. 3.* Cumque inter motus, ad vitæ commodum necessarios, motus progressionis præcipuum sibi vindicat locum, hic, ut perfecte fiat, præter ossium soliditatem, continuitatem, & articulationem, requirit præterea ligamenta & fascias, quibus os jungatur & firmetur, & mûculos cruris & pedis stricte dictos. Ita Verheyen *anatom. tract. 2. cap. 5. de motu progressivo pag. 163.* Exposcit etiam debitam proportionem in articularum cavitatibus, in ossium consistentia, in eorum longitudine, in elasticitate fibrarum, robore tendinum, tensione nervorum, *humectatione ex fluido uncinaginoso*, ut apud Mang. *tom. 1. pag. 126.*

6 Explicant Physici, modum, quo fit motus hic progressionis. Homo quippe pedibus, sive pavimento innixus transfert lineam propensionis modo super plantam pedis dexteri, modo sinistri, quæ pedum plantæ transferuntur, non per unam lineam rectam, sed per duas inter se parallelas; quocirca, elongato crure postico per extensionem pedis, impulsoque retrorsum pavimento, machina erigitur, quæ per anticum alterum pedem firmum impulsâ motu transverso cietur, & hinc statim post pes posticus elongatus a terra suspenditur flexis tribus articulis coxendicis, genu, & pedis externi per suos mûculos; quo facto, secunda statio celebratur, & postea eadem periodo pes posticus operando gressus continuat; uti late explicant Borell. *anat. de econom. anim. p. 5. pag. 168. de gressu bipedum pag. 961.* Verheyen *tract. 2. de motu progressivo cap. 5. pag. 163.*

7 Ex his autem facile desumi poterunt causæ claudicationis; quarum prima erit impedimentum influxus vel spirituum, vel sanguinis, vel utrorumque ad articulos coxendicis, genu, tibiæ, pedum; juxta ea quæ habentur apud Etmuller. *tom. 2. pag. 734.* non quidem & sinistrorsum & dextrorsum, nam tunc impeditus omnino eris incessus, sed ad unum, vel ad alterum eorumdem articularum.

8 Secunda ea erit, quæ potest articulos e sinu suo detorquere, & quoquo modo actionem impedire, vel abbreviando articulum e sede sua dimotum, vel eundem nimis, quam par est, extendendo. Abbreviatur autem articulus, quoties tendines disrumpuntur, ligamenta solvuntur, mûculi convelluntur; & ex opposito articulus extenditur, quoties laxantur tendines, mûculi resolvuntur, & præsertim inter os & os articulatam concrevit materia gypsea, ossea, alteriusve naturæ, quæ sensum dimovet articulum e sinu, & illum extendit; de quibus Aquapenden. *chirurg. lib. 5. cap. 1. pag. 167.*

9 Tertia causa erit in offe, vel cum circa articulum fractum apparet, vel cum multa tenetur carie, vel cum ossium cartilagineis circa capita sunt arefactæ & induratae, vel denique cum os ipsum exesum, divisum, vel fractum est; de quibus omnibus plura habentur apud Munik *chirurg. tract. de fract.* pag. 329.

10 Quarta denique causa erit, quæ ab ipso ortu os, aut articulum, aut tendinem, aut musculos depravat, ut, cum quis *rhachiticus* nascitur, cum musculi breviores sunt, aut longiores consueto, & cum os brevius est, quam ferat natura: & quamvis plures aliæ innumerabiles causæ claudicationum haberi possint, omnes tamen ad has referri possunt.

11 Ardua profecto res est, non tamen impossibilis, ut nonnullæ ex prædictis claudicationibus subito naturaliter fanentur; & tales esse possunt illæ, quæ ab impedito spirituum & sanguinis influxu pendent, dummodo tamen res consistat in obstructione valorum, nec partes solidæ vitium antiquum contraxerint: & ad hanc classem pertinent relata a Zacut. *lib. 1. medic. princip. histor. hist.* 34. in paraphrasi, ubi hæc habet: Mirabiles sunt effectus, quos unio nativi caloris præstare solet: sic, plures diu claudes resolutos, & contractas, ira, timore, vel incendii metu percitos, repente sanos factos fuisse, elegantè exemplo refert Valeriola *lib. 2. observ.* 4. quorum eventuum causa statuenda est aggressus naturæ ad expellendum humorem noxium. Hunc sequitur Gaspar a Rejes *quest.* 79. num. 20. & ad hanc eandem classem pertinent relata a Joanne Francisco Loy ab Erisfeld in *append. medica de morbis infansium impressa Norimbergæ anno 1699. pag. 469.*: Pueri sæpe in ætate annorum duorum, cum gradi incipiunt, inepti & ad eundem vari esse consueverunt: de quo matres sollicitæ auxilium quarunt a Chirurgis, qui plerumque variis machinis crura & tibias erigere conantur; sed frustra, quia sponte a natura ut plurimum circa ætatem trium aut quatuor annorum tibie & musculi firmantur, & partes ad statum naturaliter redeunt: & certe natura firmandorum articulorum optima est architectrix. Subscribit Marcus Aurelius Severinus *cap. 9. de Gibbis, Valgis, Varis*: Affectus hic puerorum valgorum interdum ope naturæ solvitur Solvitur, inquam, ubi vigor accedens ætatis, morbo, qui præoccupaverat, fit superior &c. Ad hunc modum apparet scire, quod natura vis, & humoris habitus momenti plurimum habet ad solvendas ac dirigendas hujus generis distortionem &c. Interim naturæ sponte curatas equidem referre possum hos. Unus ante memoratus puer de Pompeis, qui valgus utrisque cruribus, & secundum infimas spinæ vertebrae languens ac dolens ab ineunte propemdiū ætate, subalaribus fulcris innixus, hæc undecimo jam anno vacua & inutilia, repente se sentiens integrum, abiecit. Puer præteritus, & strigosus, atque etiam propter catarrhus edentulus, qui quinque jam annis arthrocacem in laevo brachio perpeffus, ut Joannes Dominicus Malliocus Medicus Neapoli percelebris testari potest: id quod ad Padarthrocaces, & valgorum communitates advertendas dictum esto. Alter Asstphi Jordani vitrearum constannatoris filius, quem omnino motionibus corporis intertem ex improvviso restituendum non fallenti judicio prædixeram. Item

alii non pauci, quos eadem forte potius observavi junior apud Præceptorem Julium Jafelinum. Schenkii observat. lib. 5. de affectu pedum narrat, quemdam Architectum, qui de eminenti turre præceps ruerat, cum antea altero claudicaret pede, recte deinceps ambulasse; & virum grandævum utroque pede claudum, nec ambulantiem nisi per sustentacula lignea, repente de uno loco in alium totum corpus traxisse; & in observat. ad tit. de femore subijcit ex Petro Messia, quemdam ex vulnere in femore claudicantem, in eadem parte rursus fauciatum, & sanatum, rectum in posterum incessisse. Ex quibus proinde nemo est qui non videat, ad eandem classem claudicationum, quæ naturaliter sanari, & fortasse subito recedere possunt, vitia illa pertinere articulorum, quæ a simplici luxatura pendent, etiam si aliquando ad aliquod non breve tempus extra situm os permaneat; cum per motum subitaneum contrarium motui lapsus ossis sanitas haberi possit, & aliquando habita sit.

12 At profecto aut per solas naturæ vires, aut per medicam artem sanabiles, saltem momento temporis, dici & haberi non possunt claudicationes, quæ proveniunt ex tendinibus, vel nervis ruptis, juxta illud Hippocratis *aphor. 19. sc. 7. 6. Si dissectum fuerit os, vel cartilago, nervusque, neque augetur, neque coalescit.* Idem dicendum est, si adsint excrescentiæ ossæ, vel topi, si solidum in intima sui structura læsum sit; sub quo censu veniunt claudicationes omnes a vicio ante natiuitatem contracto, ex ossibus videlicet distortis, & male in utero materno conformatis articulis. Ex quibus proinde efficitur, ut si in sacrorum rituum Congregatione aliquod factum proponatur tanquam miraculum, sanationis videlicet Claudii, non solum oporteat, ut duo extrema evidentibus probationibus demonstrentur, veræ videlicet claudicationis præcedentis, & veri, perfecti, & continuati subsequenter incessus, sed etiam temporis, quo duravit claudicatio, & ætatis ipsius sanati. Physici autem ad consilium acciti, causam & qualitatem claudicationis investigare debebunt; & an aliqua causa naturalis adfuerit, cui possit sanatio adscribi; & num claudicatio sit ex illis, quæ ope naturæ etiam momento temporis sanari possunt, an sit ex illis, ad quarum sanationem vires naturæ non extenduntur; si etenim sit ex his, celeberrimum erit miraculum, si sanatio subito contingat, sed erit etiam miraculum, quamvis subito non accidat, in classe secundi generis reponendum.

13 Dum munere sungebar Fidei Promotoris, in causa S. Peregrini Latiofi super miraculis, sextum, quod proponebatur, miraculum erat sanationis cujusdam pueri quinquennis a natiuitate vitiati, & impotentis ad ambulandum; & septimo loco proponebatur sanatio alterius pueri pariter quinquennis a contractione nervorum, unde ortum habuerat impotentia ad usum manuum & pedum. In meis animadversionibus opposui, naturam esse optimam magistram firmandorum articulorum, & præsertim in pueris. Alexander Pascolus Medicus alibi memoratus scribens pro confirmando miraculo respondit, hæc vera esse, sed momento temporis naturaliter contin-

tingere non posse. Sed prædictæ duæ sanationes non fuerunt a sacra Congregatione approbatæ tamquam miracula. In causa S. Vincentii de Paulo cum inter cetera miracula pro ejus Canonizatione obtinenda quinto loco proponeretur subita sanatio cujusdam pueri ab omnimoda pedum brachiorumque inversione, contendente Ludovico de Valentibus, qui nunc officium Fidei Promotoris laudabiliter exercet, similes sanationes in pueris naturaliter contingere, & Marco Angelo de Marcangelis in Romano Archigymnasio publico Medicinæ Professore pro miraculo scribente, hæc sibi vindicare locum, quando aberant artuum contorsiones, quando contorsiones erant recentes, & quando, crassius succis superatis, bonus humor potuit in sanguinem, & cum sanguine ad partes advehi, & illis succosam, volatilem, & veluti de novo compositam communicare substantiam; secus autem, quando, prout ipse in casu proposito, ex mala corporis nutritione, tabe, strumis, & ceteris pessimis symptomatibus ostendebatur, fluida adhuc fuisse corrupta, viscida, atque tenacia; sacra Congregatio abstinuit ab eo facto inter miracula recensendo, uti colligitur ex Decreto edito die 10. Augusti anno 1736. Prudentissimi siquidem Consultores sacre Congregationis crediderunt, prædictas claudicationes mansisse ab impedito spirituum & sanguinis influxu, non autem a nervis & tendinibus ruptis, aut foliis læsis. Antequam ad munus Fidei Promotoris fuisset evectus, uti sacre Consistorialis aulae Advocatus patrocinium præstiti in causa S. Catharinæ de Bononia. Inter cetera autem, quæ discutienda proponebantur pro ejus Canonizatione, tertio loco miraculum erat repentinæ sanationis pedis luxati, turgidi, & lividi, & judicio Medicorum dissecandi. Monialis enim monasterii Bononiensis, in quo S. Catharinæ corpus publicæ exponitur venerationi, Candida Diana Fabri appellata, lubrico e vestigio luxatum retulit pedem, qui a Chirurgo (uti dicebatur) in locum inepte repositus, ac tristius curatus, tumens, lividum, & inutile pondus evasit; cumque per tres menses ægra in lecto irrequieta, & acerbissimis doloribus discruciatu jacuisset, invocata S. Catharina, tumor & nigredo a pede recesserunt, nulloque innixa adjutorio ad ecclesiam progressa est. Angelus Modius Urbis Medicus scribens pro veritate super hoc miraculo, & non ad causæ opportunitatem, consideravit, os luxatum fuisse egregie a Medico Chirurgo repositum, pedis tumorem non fuisse impeditum, sed sumpto paulatim augmento in ingentem molem excrevisse cum magno doloris sensu, manifeste superficiali livore, & extenuatione colli pedis: cumque juxta experientiam, & Medicorum asserta dixerit, materiam fermentatam potuisse naturaliter resumere, & insensibili modo tumores evanescere, sacra Congregatio sanationem istam non approbavit tanquam excedentem vires naturæ. Antiqui Medici Vincentius Temonius, & Jacobus Minutulus ab Auditoribus Rotæ consulti, dum agebatur de miraculis S. Aloyfii Gonzagæ, & præcipue de quodam, quod contigit in homine a nativitate curvo, & per annos jam octodecim manibus pedibusque ranarum more humi reptante,

quique, voto ad Beatum a matre facto, assurrexit in pedes, & gradi coepit more ceterorum hominum, dixerunt, inter miracula esse recensendum; quia, licet hoc vitium sortasse medicamentis adhibitis amoveri potuisset ætate infantili, id tamen naturaliter fieri non poterat. postquam nervi per octodecim annos a nativitate contracti & indurati permanferunt; & eo magis cum sanatio momento temporis facta fuerit. nullis præcedentibus medicamentis, & prævia tantum Beati invocatione. Idem Rotæ Auditores in relatione causæ S. Francisci Xaverii *miracul. 5. post obitum*, inter miracula recensuerunt subitanæm sanationem pueri, de quo supra, quique per quinquennium humi reptaverat, & cujus morbus ullo medicamento tolli non poterat, qui etiam utrumque crus & pedem siccum & aridum semper habuerat, recuperata etiam crurum crassitie intra spatium novem dierum, quibus mater, voto nuncupato promisit, se ecclesiam visitaturam esse, in qua Sancti corpus requiescit.

14 In Evangelio S. Lucæ narratur, oblatam fuisse Christo Domino mulierem, quæ habebat spiritum infirmitatis annis decem & octo, & erat inclinata, ita ut sursum omnino aspicere non posset: cum Jesus dixisset, eam liberam esse a sua infirmitate, & illi manum imposuisset, confestim erecta est, & Deum glorificavit. Ader de morbis Evangelicis enarrat. 3. putat, eam mulierem fuisse vel convulsam, vel gibbosam simplici illa vulgarique gibba, quæ sit ex luxatione vertebrarum dorsi, cum utrumque vitium spinam dorsi inflectere, & inclinare valeat; & postquam probare conatus est, mulierem fuisse convulsam, & sanationem esse miraculo tribuendam, cum convulsio non in fieri, uti dicunt, sed in facto jam esset constituta, & vel necessaria nutritioni materia orbata in hæticam incidisset, vel saltem gibba multos eam occupasset annos, pro magnitudine miraculi concludit.

15 Apud Sennertum *lib. 2. practicar. part. 2. cap. 21.* plures gibbæ species enumerantur: sed tres præcipuæ sunt: prima, cum vertebræ luxantur ad exteriora, ex quarum luxatione tumor in dorso apparet; & hæc proprio nomine vocatur Gibba, eaque deformati dicuntur Gibbi: secunda, cum vertebræ luxantur versus anteriora, & in dorso cavitas apparet, tumor autem sese prodit in pectore circa sternum; & hæc dicitur *repanditas, recurvitas*, & ægri repandi, & recurvi: tertia est, cum in alterutrum latus vertebræ luxantur; & hæc dicitur obliquo, & tortuositas, & ægri, obliqui & tortuosi; nti lato prosequitur Zacchias *quest. medico-legal. lib. 8. tit. 1. quest. 15. num. 6.*

16 In causa Canonizationis S. Joannis a S. Facundo discussum fuit, & approbatum miraculum ejus intercessione a Deo patratum, de quo hæc habentur in bulla Canonizationis *cod. Canoniz. pag. 405. Et quartum Emmanuelle de Castello gibbosi per triennium ex raptura spina dorsi ob lapsum e scala, dum erat novennis; qui, cum propterea cogebatur curvatus medio corpore, manibus super genua appositis, & cum adjutorio sustentaculi sic incedere, ut se erigere velens cum impetu proceres, ductus a matre ad sepulcrum Beati, ut novendialibus precibus*

bns incumberet, illuc ingressus ab ingentibus, quos patiebatur doloribus, & ab incurvatione sanus evasit, consolidatis nimirum vertebribus disrptis, cruribusque sic corroboratis, ut domum maternam veloci gressu redierit, sustentaculum in altum gerens, ac demum etiam a gibbositate convalescit. postquam denuo a matre in Capellam Beati ductus, Evangelium in fine Missæ lectum audit, permanente tamen ossis elevato, ubi prius erat gibbosus. Petrus Franciscus de Rubeis tunc celebris Fidei Promotor opposuit, gibbam ex sola vertebrarum luxatione ortam fuisse, & sic fuisse sanabilem; item impotentiam ad motum cessasse, perseverante gibba; & demum remansisse ossis elevationem: quæ omnia dixit obitare miraculo. At Joannes Baptista Bottinius inter sacre Consistorialis anæ Advocatos, vir magni nominis, & dum viveret, singulari mihi amicitia conjunctus, pro miraculo scribens primo demonstravit, gibbam natam esse ex spina & vertebribus fractis, juxta Medici & testium dicta: secundo animadvertit gibbam non recentem, sed antiquam fuisse; in quo rerum eventus vix sanabilis dici potest, quemadmodum scripsit Valasius de Taranta lib. 1. §. Prognostica: Antiqua gibbositas non recipit curationem: cum quo concordat Severinus in lib. de gibbis, valgus, & variis cap. 6. ubi instituens curationem gibborum ait: Proponitur curatio gibbi recentis: porro vetus & confirmata, sanabilis non est: tertio, ad ulteriora progrediens, probavit, etiam si vitium ex spinæ luxatione ortum fuisset, tanto temporis intervallo insanabile quodammodo evasisse, juxta ea quæ habentur apud Paulum Æginetam lib. 6. cap. 109. & cap. 118. circa medium, & apud Sennertum lib. 5. practicarum part. 6. cap. 1. tit. Prognostica §. 7. demum conclusit, miraculi magnitudinem demonstrandam etiam esse ex hoc, quod sublata fuerit impotentia ad motum, perseverante ad modicum tempus gibba, cum tamen impotentia a gibba penderet, & sic remanente causa, sublatus fuerit effectus; nec ossis elevationem obitare miraculo, cum vis ejus staret in perfecta reductione ossium spinæ in propriam sedem, deformi gibba sublata, & perseverante ossis elevatione ad miraculum manifestandum. In causa S. Philippi Benitii approbatum fuit septimum, quod pro ejus Canonizatione proponebatur, miraculum, subitæ videlicet sanationis pueri aridi in artubus inferioribus, & gibbi ex utraque parte a natiuitate, cruribus sine vitali spiritu, ita ut ad instar funis ad omnes corporis partes tam in caput, quam in scapulas reflecti possent, nec aliter, quam sedendo, consistere valeret, in quo itatu sexennium permanerat; quemadmodum colligitur ex Decreto edito die 11. Novembris 1670. Ex quibus, ubi opus erit, Consultores Congregationis sacrorum rituum plura pro formando judicio super sanatione Gibborum haurire poterunt.

C A P U T X I I.

De sanatione Paralyticorum, qua miraculo fit.

Cum Iesus, ut narrat S. Matthæus in suo Evangelio *cap. 8.* ingressus esset Capharnaum, accessit ad eum Centurio rogans eum, & dicens, puerum suum jacere in domo paralyticum, & male torqueri; Christo autem respondente, se ad illum statim venturum, eumque curaturum; Centurio subiecit, se dignum non esse, ut Christus in suam domum ingrederetur, sed tantum diceret verbo, quo uno recte sciret puerum suum sanari posse. Dominus noster tantam Centurionis Fidem admirans, ei dixit, v. 13. : *Vade, & sicut credidisti, fiat tibi : & sanatus est puer in illa hora.* Eadem historia refertur a S. Luca in suo Evangelio *cap. 7.* ubi narrat, Centurionem misisse Seniores Judæorum ad Christum Dominum, qui rogarent, ut ad se veniret, & servum suum sanaret male se habentem, & moriturum : Sed, ut est ibidem, cum Dominus a domo longe non esset, Centurio misit ad eum Amicos, qui ei dicerent, se non esse dignum, ut sub tectum suum intraret, & propterea se ad eum non venisse : proinde diceret verbo ; ita enim fore, ut puer sanaretur. Mirante Domino, & dicente, se tantam Fidem nec in Israel invenisse, qui missi fuerant, reversi domum, servum qui languerat, sanum invenerunt. Centurio erat ex militia Romana, & centum hominibus imperabat. De sanato quæstio est, num filius, an servus Centurionis, an miles esset, de qua Thomas Bartholinus in hujus Paralytici historia. Centurionem fuisse Gentilem, cum Romani Centurionis officium solis Romanis civibus conferrent, communiori calculo Interpretes asserunt; licet alii quidam fieri posse putent, ut esset Profelytus, uti erat Cornelius ille Centurio, de quo in *Actis Apostolorum*. Videri potest Calmet *ad cap. 8. Matthæi*, ubi etiam scite animadvertit, hujus Paralytici historiam quodammodo per compendium ab eo narrari, quæ magis distincte a S. Luca refertur : quæ enim S. Lucas facta dicit a Centurione per Seniores Judæorum, & per Amicos, S. Matthæus tamquam facta exponit ab ipso Centurione, juxta consuetum sacræ Scripturæ morem, quæ tamquam facta ab ipso mandante narrat ea, quæ ejus mandato & imperio facta sunt ; sic enim dicitur, ab Herode capite truncatum fuisse S. Joannem Baptistam, & Christum ab Herode vapulasse.

2 Major de qualitate morbi, quo servus Centurionis laborabat, quæstio superest ab eisdem sacris Interpretibus pertractata. Guillelmus Ader *de morbis Evangelicis enarr. t. 2.* inclinare videtur in eam sententiam, ut æger non paralyti, quæ affectio est sine sensu & motu, sed convulsione laboraret, in qua motum & sensum non tollit, sed depravari (saltem quoad motum) certum est ; Centurio autem eum paralyticum appellavit, quod vulgus quoslibet motu captos paralyticos vocet. Cornelius a Lapide *ad cap.*

cap. 8. *Martha* morbum ait fuisse acutam paralyfim cum cruciatu , & periculo vitæ , & cruciatum manasse a convulsione & contractione nervorum, qui a cerebro oriuntur : cum etenim hi præter naturam ditorquentur, aut distenduntur , gravissimos excitant dolores . At Thomas Bartholinus in hujus Paralytici historia eum fuisse paralyticum probat , succedente convulsioni paralyfi , vel utroque affectu invicem complicato , quod aliquando contingere ostendit . Refumit Joannes Jacobus Schevchzerus in *Phyfica sacra ad cap. 8. Matthæi pag. 1330.* quæ de hoc Paralytico dicta sunt a Thoma Bartholino ; concluditque , morbum hujus Paralytici fuisse gravissimum , & neminem cordatum virum , qui historiam attente perlegerit , posse de magnitudine miraculi dubitare , cum nullum remedium fuerit adhibitum , & ad Christi Domini imperium , licet absentis , perfecta sanatio contigerit .

3 Sanatio secundi Paralytici refertur ab eodem S. Matthæo in suo Evangelio cap. 9. Cum enim oblatus fuisset Christo Paralyticus jacens in lecto , eique dixisset , ut confideret , sua sibi peccata esse remissa , objicientibus Scribis blasphemiam , Jesus eorum cogitationes videns , ut ostenderet se habere potestatem peccata dimittendi , jussit Paralyticum surgere & ambulare , qui stupentibus omnibus surrexit , & tollens lectum abiit in domum suam . Eadem historia refertur a S. Marco in suo Evangelio cap. 2. ubi addit , cum multi convenissent , & quatuor viri qui Paralyticum ferebant , non possent eum præ turba Christi offerre , tectum nudavisse & patefecisse , demittentes grabatum , in quo Paralyticus jacebat . Thomas Bartholinus in historia hujus Paralytici late modum describit , quo fuit ille demissus una cum grabato in cubiculum , in quo Christus erat . Schevchzerus *cit. oper. cap. 9. pag. 1337.* tecta Judæorum ait plana fuisse : deambulabat enim David super tectum domus regis , quando de tecto vidit mulierem lavantem se ; & hinc infert , tectum , per quod æger demissus fuit , fuisse planum , ægrumque fuisse translatum ex vicino atque contiguo tecto , cum per turbam hominum domum oblidendum impossibile videatur , ut e terra potuerit ad tectum tolli . Icones lectorum vel grabatorum , quibus Paralytici gestari solebant , videri possunt in Roma subterranea Bosii *lib. 2. pag. 101. & lib. 3. pag. 159. & pag. 233.* Ader *loc. cit.* exponens morbum , quo hic æger affligebatur , ait fuisse paralyfim gravem & universalem , cui periculum vicinæ apoplexiæ imminabat . Thomas Bartholinus in *annotatione ad historiam hujus Paralytici* strenue redarguit quemdam asserentem , eum fuisse apoplecticum sine intellectu aut sensu , cum lecto affixus deberet portari , & in sella sedere non posset : cum enim Fidem certam in Christum habuerit , & in apoplexia tollantur sensus omnes externi & interni , qui in paralyfi ex parte remanent , evidenter apparet , eum non apoplexia , sed paralyfi laborasse .

4 Tertiæ Paralytici sanatio refertur a S. Joanne in Evangelio cap. 5. Cum Jesus Hierosolymam ascendisset , & Hierosolymis esset Probatica Piscina

168 DE SERVORUM DEI BEATIFICATIONE.

scina habens quinque porticus, in quibus jacebat multitudo languentium expectantium, ut Angelus Domini descenderet in Piscinam, & aqua moveretur (qui enim prior in Piscinam post aquæ motionem descendeat, sanus fiebat) ibique esset homo per triginta & octo annos infirmus, Jesus eum interrogavit, an vellet sanus fieri, ipsoque respondente, se hominem non habere qui eum mitteret in Piscinam, cum aqua turbabatur, Jesus imperavit, ut surgeret, & tolleretur grabatum suum, & ambularet; & ille statim factus est sanus, & sultulit grabatum suum, & ambulavit. Si quis quaestiones sacrorum Interpretum de hac Piscina noscere velit, accedere potest ad commentaria Clamet ad cap. 5. Joan. Quoad genus vero infirmitatis, illud a Scriptura non explicatur, sed Interpretes communi calculo assentunt, fuisse paralyticum, apud Cornelium a Lapide ad cap. 5. vers. 5. Ader in cit. enarrat. 2. advertens eum omnibus partibus infra caput resolutum esse, ait eum universali totius corporis paralyti & jam inveterata laborasse, quam si Medicus curaret, ut ipse subjicit, dealbare corvum, aut Æthiopem. Junctam quoque autumat atrophiam paralyti, marcorem nempe ac maciem insignem carni; & pie ait, Deum voluisse, ut tot annos hic paralyticus viveret, ut in curatione tam difficili, impossibili, & inaudita Infideles omnes, licet cor induratum habentes, de Christi Divinitate amplius dubitare non possent. Subscribit huic sententiæ Thomas Bartholinus in historia hujus Paralytici. Ait enim, eum atrophiam laborasse, quæ est ultimus inveteratæ paralyseos gradus: quod & probat; cum enim in porticibus Piscinæ jaceret, ut in aquam projiceretur, Aurelianus, Silvius, Mercurialis, Mercatus, Sennertus, Zacutus vehementer commendant curationem in paralyti ab atrophiam per balneum: idemque Bartholinus extollens magnitudinem miraculi hæc habet: *Quo triplicis nobis miraculi fecit fidem: quod statim dictum factum convalescit; tantaque momento receperit vires, ut & ambulare, & grabatum ferre potuerit, cum ordines suos aliquin servet natura medendi artifex, parique temporis intervallo resurgat ager, quo laborare cepit, statu neutro intercedente; & tandem, quod verbo solo modum restrinxeris, ut phrasi Tertulliana utar. Matthæi cap. 12. v. 10. legitur: Ecce homo manuum habens aridam; & v. 13. Tunc ait homini: Extende manum tuam, & extendit, & restituta est sanitati fides altera. De hoc eodem Christi miraculo loquuntur S. Marcus in Evangelio cap. 3. & S. Lucas in Evangelio cap. 6. Schevcherus in Physica sacra in Mattheum cap. 12. pag. 1350. in eo est sensu, ut morbus fuerit paralyti manus, vel brachii, orta ab obstructis, vel contractis, vel relaxatis nimium nervis; notat, quamdiu membrum quodcumque corporis animatur libero spiritu influxu, & quamdiu muscoli, & horum tendines sunt in statu sano, tamdiu adesse & sensum & motum & vitam & nutrimentum. Quod si spiritus animales deficient, ait, progredi quidem sanguinis circuitum, sed relaxari fibras nervorum & musculorum, minus rite procedere secretionem cutaneam, deficere nutritionem, atque ita membrum fieri aridum; hujusmodi autem mor-*

morbos esse ejus indolis, ut vel eludant omnes Medicorum conatus, vel longe moræ exposcant curam. Quapropter, si, ad imperium Christi, manus arida statim extensa est, & sanitati restituta, concludit, magnitudinem miraculi satis apparere.

5 Demum in *Act. Apostol. cap. 9.* Petrus veniens ad Sanctos, qui habitabant Lyddæ, cum invenisset hominem quemdam nomine Æneam ab annis octo jacentem, qui erat paralyticus, & ei dixisset, ut surgeret, quia Dominus Jesus Christus eum sanabat, ille continuo surrexit, videntibus omnibus, qui Lyddæ & Saronæ habitabant, quique ad Dominum conversi sunt.

6 Tum in bullis Canonizationum, tum in relationibus Rotæ Auditorum passim referuntur inter miracula liberationes a paralyti; uti quoad bullas Canonizationum defumitur ex illis SS. Udalrici, Dominici, Richardi Episcopi in Anglia, Hedvvis Ducissæ Poloniæ, Ludovici Regis Franciæ, Petri de Morono summi Pontificis Romani, *Celestini V.* nuncupati, Nicolai de Tolentino, Ignatii de Loyola; & quoad relationes Rotæ Auditorum, ex illis SS. Thomæ de Villanova, Francisci Xaverii, Felicis a Cantalicio, & ex aliis.

7 Paralysis nihil aliud est, quam motus abolitio ex nervorum ac spirituum animalium vicio, quemadmodum docet Galenus de *hæc affectu lib. 3. cap. 10.* Itaque nervorum resolutio potissimum dicitur, ubi motus perditus est. Potest paralysis esse vehemens *intensivæ*, & *extensivæ*, ut loquuntur: *intensivæ*, si amissioni motus conjuncta sit amissio sensus; quo circa scribentes dicunt, paralyticum esse sortioiem & graviorem, in qua tam sensus, quam motus amittitur, & levioiem, in qua amittitur tantummodo motus, aut sensus: Bellinus in *tract. de urinis, & pulsibus*, ubi de paralyti, pag. 469. Theophilus Bonnet. in *thesauro medico practico lib. 2. cap. 26. de paralyti* pag. 751. num. 17. Massar. in *pract. medic. lib. 1. cap. 16.* Schenoider de paralyti cap. 4. Marcellus autem Donatus in *medica historia mirabili lib. 2. cap. 5.* rectè explicat, quomodo, licet nervi munus sit sensum & motum partibus corporis impertiri, interdum fiat, ut motus duntaxat, vel solus sensus deperdatur, altero integro permanente, nonnumquam vero ambo aboleantur. *Extensivæ* autem vehemens esse potest paralysis, si magnam corporis partem afficiat; & inter vehementes vehementior habetur illa quæ occupat crura, præ illa quæ occupat brachia, juxta ea quæ habentur apud Gasparum a Rejes *quæst. 81. num. 8.* ubi hoc proponit problema: Dubitari merita potest, qui fiat, quod Paralytici, qui corporis medietatis, brachii, & cruris sensu omni & motu privantur, adhibitis remediis, quibus aliquando utilitatem consequuntur, hanc potissimum in crure experiantur, ita ut, laboriose licet, eos incedere plerumque videamus; brachii vero resolutio rarissime, aut nemquam emendetur, sed immobile & paralyticum prorsus maneat. Cui sic n. 9. respondet: Ego triplicem invenio (causam): prima nervorum est rectitudo, cujus ratione facultas promptius ad pedes, quam ad brachia fertur, cum in brachio

chio nervi obliquam magis conformationem obtineant: secunda est ipsius morbi causa materialis, quæ cum nervorum principium occupet, brachii nervos magis offendit, tamquam viciniores, unde in majori quantitate in illis imbibitur, & ad illos diffunditur: tertio, quia ex natura ordine factum est, ut sensus tactus prope cerebrum imbecillior sit, ad extrema vero perfectior & validior reperiantur. Quod si totum corpus, excepto capite, sensu motuque destituitur, Paraplegia, & Paraplexia dicitur; & si solum pars dextera, vel sinistra afficitur adhuc cum capitis medietate, nuncupatur Hemiplegia, ac Hemiplexia.

8 At, quod magis augeat paralyfis vehementiam, est, si convulsio conjungatur paralyfi, juxta illud Hippocratis 1. epidem. sect. 3. agrot. 13. ubi Prosper Martianus in commentariis ait: Non est ergo inconveniens, quod ex hac historia colligitur, unam & eandem partem & convulsione simul & resolutione tentari: idque observavimus & nos in Domino Hieronymo de Coquis ad Scalas Ara Celi, qui media æstate ex insulatu in paralyfim partis dextera incidit, cui, superveniente die undecima febre, facta sunt convulsiones in omnibus partibus resolutionis, & tandem circa decimum septimum diem mortuus est. Prosequuntur Duret. in Coac. Hippocratis pag. 193. num. 50. Bartholinus in tract. de Paralytici novi Testamenti histor. 2. Mercat. consult. medic. 7. de Paralytico convulso, & tabescente tom. 5. Bonnet. anatom. pract. lib. 4. sect. 3. observ. 5. §. 8. tom. 2. Scheneider de spasmodis tract. 2. cap. 5. Vel si partes affectæ fuerint extenuatæ, quæ extenuatio dicitur a Græcis Atrophia, juxta illud Hippocratis lib. 2. prædiction. §. 42. num. 8. Reliqui vero siderati sunt, quibus una cum hoc, quod movere non possunt, morboſa corporis pars attenuatur, si in sanitatem restitui non possunt. Subscribunt Riverius lib. 1. cap. 5. pag. 156. ubi insanabilem censet paralyſim, in qua insignis attenuatio affectæ parti advenit, Jungken in praxi medica pag. 779. ubi ait: Pessimum signum in paralyſi est atrophia; Scheneider de paralyſi cap. 8. ubi hæc habet: Ea paralyſis, in qua præter sensus & motus privationem refrigeratio membri, & atrophia percipitur, fere desperata est, eo quod privetur suo calore nativo propter obstructionem non tantum nervorum, sed etiam venarum & arteriarum; Bellinus de morbis capitis, ubi de paralyſi, pag. 468. Paralyſis omnis cum atrophia letalis plus, minus, citius, serius, pro diversitate partis affectæ, similiterque cum frigore periculosa; erit enim frigus perseverans & continuus proximus ad atrophiam gradus; Etmullerus tom. 1. cap. 10. pag. 459. Quo magis calor membrorum resolvitur, eo minus spei pro salute recuperanda affulget; & Manget. Biblioth. medic. practic. tom. 3. in verb. Paralyſis fol. 770. ubi describit historiam mirandæ sanationis mulieris paralyſi laborantis, & refert, eandem paralyſi & atrophia laborasse, impotentia a genibus usque ad extremos pedes, sensu partium illarum prorsus sublato, quæ ligni instar exiccatæ erant. Nec inter ea, quæ vehementiorem efficiunt paralyſim, omitti possunt vel ætas ejus, qui ipsa afficitur (facilior enim curatur in pueris, quam in senibus, teste Sennerto operum medic. tom. 2. lib. 1. part. 2. cap. 27. de paralyſi, in prognosticis pag. 182. num. 10. ubi ita scriptum reliquit: In senibus difficulter curatur paralyſis ob caloris

ealoris nativi imbecillitatem; & adhæret Angelus Victorius consult. medic. consulti. 21. : Verum, quia juvenis est, & sumus in tempore calido, quod ad hujusmodi affectiones submovendas magnam exhibet commoditatem, posset fortasse hujusmodi superare difficultatem) vel diuturnitas ipsius paralyfis, quo enim diuturnior est, eo difficilius curatur, teste Silvio in praxi medica lib. 2. cap. 22. num. 56. pag. 330.

9 Hæc sunt præcipua, quæ dum Fidei Promotoris munere fungebatur, in meis animadversionibus consideranda proposui, cum in sacrorum rituum Congregatione aliqua sanatio a paralyfi tamquam miraculum proponebatur; ex alibi enim dictis morbus debet esse gravis, ut sanatio inter miracula recenseri possit. In iisdem quoque animadversionibus, si ex Actis desumebatur, ægrum ante sanationem tremore aut febris fuisse affectum, & multo magis sudorem emisisse, hæc censui signa naturalis sanationis. Quocirca Sennertus *loc. citat. num. 6.* ita scribit: Tremor paralyfi superveniens, bonum, quoniam meatus nervorum aliquo modo aperiri significat, per quos aliquid spiritus animalis ad aliqualem motum sufficiens transire potest: quod ipsum docet Etmullerus *tom. 2. pars. 1. collect. prætic. cap. 3. art. 3. de paralyfi:* & pro febre facit illud Hippocratis *lib. 2. aphor. 26. & lib. 4. aphor. 57. Qui a convulsione, aut distensione membrorum tenentur, febre superveniente, liberantur:* & quod attinet ad sudorem, præter regulam generalem, si crises fiant per insignem evacuationem cum levamine, sanationem naturæ non miraculo attribuendam esse, quemadmodum habetur apud Zacchiam *quest. medico-legal. lib. 4. tit. 1. quasi. 8. num. 13.* recte scribit Sennertus *oper. medic. tom. 2. lib. 1. par. 2. cap. 27. quasi. 3.* falli Ludovicum Septalium, qui quæ sudorem cient, in paralyfi rejicit, & præfert urinam cientia, cum in paralyfi causa morbi circa nervos hæreat; ex quo fit, ut per ambitum corporis facilius sit evacuatio, quam per vias urinæ.

10 Addidi, investigandam esse causam paralyfis: cum enim manare possit a flatibus, hæc durat, quoadusque durant flatibus; & cessat, cessantibus flatibus juxta illud Hippocratis in libro de flatibus *num. 180.* Cum ergo flatus frigidi multi penetrent ac insensent carnes, partes corporis stupide fiunt; & si quidem plurimi flatus per universum corpus discurrant, totus homo sideratur; atque, ubi abierint flatus, cessat & morbus; quamdiu autem permanerint, consistit & morbus: idque sic se habere indicat perpetuus sideratorum hiatus. A scorbutica quoque affectione paralyfis sæpe contingit: & hæc a ceteris paralyfibus differt, quod in his permanens & continuus effectus est, nec intervallum habet; in paralyfi vero scorbutica, qui pridie pedem vix loco movere poterat, postea cruribus insistit, & levi adminiculo nixus ambulat, uti observat Eugeleus in observationibus *pag. 98.* Item paralyfis non semper ab humore frigido & viscido oritur, verum etiam a vaporosa materia ad principium nervorum transmissa, ut innuit Petrus Salius afferens exemplum cujusdam Tonforis, qui post crapulam nocte media cum timore suffocationis expergefactus incidit subito in paralyfim omnium corporis partium.

partium, sensuque & motu adeo privatus est, ut nec acu profunde perforatus, nec gladio scarificatus quidquam sentiret, nullamque partem, nisi caput, movere posset, qui soluta erapula, ac frictionibus tantummodo, & inunctionibus quibusdam ad spinam, intra tertiam diem omnino sanatus est.

11 Denique attuli exempla eorum, quorum paralysis omnino soluta est ex quodam improvise timore, aut ira concepta. Schenkii in *observationibus* lib. 1. de paralysis, tit. de curationis fortuita, observ. 2. ita scribit: *Joannes Berla civis Arelatensis alterius partis resolutione affectus complures annos (quantum fide proborum virorum, & rei veritate affirmatum est) misere debebat omni ope humana destitutus Casus vero tum mirificus intervenit . Flagra igne demus, in qua debebat Incendio omnia complentur: cum ecce ager, & metu & ira fremens, gravique timore percussus, derepente sese erigit, seque summo nixu atollere conatur; mox vero incitatis corporis viribus, atque in unum collectis, se e summo adium precipitem dat; a suis tamen adjutus, morbo confestim liberatur, restituiturque illi in parte sensus ac motus, ita ut qui multos annos immotus constitisset, libere deinceps absque ullo molestie sensu progredi caperit, obfirmata etiam in reliquum temporis, quoad vires, valetudine. Concordat Valeriolæ lib. 2. observ. 4. celebrequè est factum relatum a Gregorio Horstio lib. 3. consil. & epist. sect. 12. de quodam cive, qui in expugnatione urbis Niort, cum nocte quadam concursum ex strepitu armorum præfensisset, & hostem in urbem ingredi intellexisset, licet esset a tribus annis paralyticus, & lecto affixus, e vestigio e lecto profiliit, & cum reliquis se in hostes projecit, & ab eo tempore perfecte sanus in posterum vixit. Marcus Donatus de medica historia mirabili lib. 5. cap. 5. refert quemdam civem Avenionensem ira percitum in quemdam famulum, quem plagis cadere nitebatur, ita corpus exagitasse, ut confestim, distentis crurum nervis, poplitibus emollitis, sine ullo doloris sensu incedere, & erectus postmodum stare potuerit, cum antea incurvo corpore per sex annos perstitisset. Stephanus Blaukard. collect. med. phys. centur. 3. cap. 49. testatur, Amstelodami 1676. mulierem quamdam annorum quadraginta subito a paralysis liberatam fuisse, qua spatio decem & quatuor annorum laboraverat, & Diemerbroeck anatom. lib. 8. cap. 1. de nervis testatur, mulierem, per triginta annos adeo paralyticam, ut neque brachia, neque cruris sinistri ululum articulum loco movere posset, paralysis repente liberatam fuisse, & sanam perstitisse, expulsa obstruente materia e nervis ob immensum, quem passa fuerat, terrorem ex maximo horrendoque nocturno cum fulmine tonitru, quo illa mundum peritum putabat. Ideoque ad rem subjicit Gaspar a Reyes quest. 79. num. 20. Constat siquidem, per animi affectus ita corpus totum affici, ut repentina illa alteratione humores etiam impacti & crassi a sua sede moveantur: quod licet omnes animi passiones efficere valeant, in metu & ira multo promptius contingit; ut in illo, qui ignis metu paralyticum, & artuum torporem excussit.*

12 Medici vel a Pollulatoribus caularum pro miraculo firmamento acciti, vel a sacra Congregatione consulti, ut suum pro veritate sensum exponerent, ab his, quæ supra dicta sunt, non recesserunt. Gravitatem quippe paralytis admiserunt, si motus & sensus in ea sint amissi, si magna corporis pars sit affecta, si convulsio sit conjuncta paralyti, si atrophis non desit, si paralytis diuturna sit, & si senem afficiat, uti videri potest in dissertationibus Sinibaldi, & Lancisii super nono, quod proponebatur, miraculo in causa S. Jacobi de Marchia; in dissertatione ejusdem Lancisii in primo, & duodecimo miraculis, quæ proponebantur in causa S. Stanislai Kostkæ; in dissertatione ejusdem Lancisii super primo, quod proponebatur, miraculo in causa S. Francisci Regis; in dissertatione Alexandri Pascoli super miraculo primo S. Peregrini Latiofi; in dissertatione Petri Alfalsi super quarto, quod proponebatur, miraculo in causa S. Joannis Nepomuceni, ubi gravitatem paralytis demonstravit etiam ex partis affectæ contractione, juxta Ittmullerum *prax. lib. 2. sect. 3. cap. 3. art. 3. ex temporis diuturnitate, juxta illud Amati Lusitani curat. medic. centur. 4. ubi loquens de acuta & diuturna paralyti ait: Nisi infra decem dies resolvatur, evadit morbus consuetudinarius, & habitualis; nec amplius curari potest; ex vigore & vehementia, quæ in dies augeatur, & ex eo, quod paralytis a luxatione manarit, ut explicat Dolæus *encycl. chir. lib. 6. cap. 6. Aliqua fuit inter eosdem discrepantia super puncto, an vehementior sit paralytis quæ occupat crura, præ illa quæ occupat brachia: id enim admissum fuit a Lancisio in dissertatione super septimo miraculo in causa S. Turribii; sed de eo dubitavit Pascolus in citata dissertatione super primo miraculo Sancti Peregrini Latiofi: Quid itaque refert, utrum paralytis fuerit in brachiis, utrum in cruribus? Præterea, quidquid de hac re opinetur citatus Refex, ipse tamen & anatome corporis humani, & legibus motus physicis aque ac mechanicis instructus dissentire ab ipso non dubito. Crura longe magis distant a cerebro aque, ac a corde, quam brachia, ab organis videlicet impellentibus. Motus ergo sanguinis, item & influxus spirituum animalium longe validior, ceteris paribus, esse debet in brachiis, quam in cruribus. Facilius ergo referare potuisset obstructions in nervis, & musculis brachiorum, quam crurum. Quod dictum est de febris & de sudore, Medici cum distinctione statuendum assenserunt dicentes, non quamlibet febrem utilem esse Paralyticis, sed illam duntaxat, quæ materiam, a qua paralytis orta fuit, denuo exagitat, eliminat, vel absorbit; quam potestatem febris vix obtinere potest, ubi materia in spinalis medullæ latibulis fuerit reposita: nec utilem præterea esse febrem, quæ lenta est, & longo tempore durat, cum per hanc febrem non levis ac blanda excitetur fermentatio, aut moderata humorum commotio, quæ requiritur, ut hærentes in nervorum filamentis succi dissolvantur, extenuentur, & per convenientia corporis emissaria extrudantur; sed ex repetito atque ad multum tempus continuato lentæ febris accessu tanta inducatur fluidorum dissolutio, ut, quanto magis particule oleosæ volatiles**

174 DE SERVORUM DEI BEATIFICATIONE

les pereunt, ac a sanguine excutuntur, uberior excrescat fomes paralyfis, & obinata ejus duratio persistat; uti videri potest in dissertatione Joannis Antonii Vulpil Medici & Philosophi & in Archigymnasio Romano Botanices Professoris super miraculis S. Joannis a Cruce, & in dissertatione Marci Angeli de Marcangelis in Romano Archigymnasio publici Medicinæ Professoris super secundo, quod proponebatur, miraculo in causa Canonizationis S. Vincentii de Paulo.

13 Ad sudorem quod attinet, Matthæus. de Official. Cur. Eccles. cap. 47. num. 23. ait, si sudor post invocationem Servi Dei, vel Beati subsequatur, non esse crism, sed initium miraculi: at quia, quando aliquid ad naturam referri potest, non est confugiendum ad supernaturalia; Lancisius in sua dissertatione allata super nono miraculo S. Jacobi de Marchia recte adnotavit ex Hippocrate in *Cocis prænotionibus* sect. 2. num. 270. inter modos sanationis paralyfis, & convulsionis sudorem enumerari, sed addidit ex Sennerto, sudorem naturaliter proficere, cum paulatim suboritur, & per integras hebdomadas continuatur; secus autem, si unica vice profluat, cum materia chronicas paralyfes, & convulsiones producent sit alte musculis impacta, & propter angustiam & profunditatem viarum tota unico ictu solvi & excludi non possit.

14 Demum quæ de variis causis paralyfis ortis aut a flatibus, aut ab affectione *scorbatica*, aut a vaporosa materia ad principium nervorum transmissa superius dicta sunt, fuerunt confirmata a Sinibaldo in sua dissertatione super primo, quod propositum fuit, miraculo in causa Canonizationis S. Pii V. in qua totus fuit, ut ostenderet, paralyfim, de cujus miranda liberatione agebatur, a nulla ex dictis causis manasse; per quæ etiam veltigia processit Lancisius in sua dissertatione super eodem miraculo. Uno verbo, quotquot Medici vel ad favorem, vel pro veritate in his causis scripserunt, vim miraculi constituerunt in morbi gravitate, & diurnitate, in symptomatibus eum concomitantibus, convulsione videlicet, & atrophia; ceterisque supra relatis, causam morbi investigarunt: si enim a sanguinis redundantia paralyfis exorta fuisset, aut a vaporosa materia, libenter dixerunt, eam solvi potuisse naturæ, aut artis beneficio. Scripserunt, paralyfim in principio potuisse originem habere a denegato duntaxat spirituum animalium, sive succi nervei ex glandulis aut corticosis cerebri, aut medullaribus medullæ spinalis influxu per nervos ac musculos; sed tractu temporis, ob texturam mollem atque implicatissimam ejusdem medullæ spinalis, obstructione impediti & tolli potuisse, ita ut paralyfis ex *humorali* transierit in *organicam*, quæ ceteris est fortior. Considerarunt quoque, an remedia, & quæ, & quanto, & quo tempore fuerint adhibita, an profuerint, vel proficere potuerint, an ulla alia causa naturalis accesserit, ad quam sanatio referri posset: & quoties gravitas & diurnitas paralyfis accesserunt, quoties probatum est, paralyfim non provenisse ab illis causis, quæ aliquando sponte recedunt, remedia non fuisse adhibita, aut

aut nullum levamen præstitisse, causam quamcumque naturalem abfuisse sanationi faventem, & perfectam & constantem & subitam sanationem implorato auxilio Divino supervenisse, non dubitarunt pro miraculo pronuntiare.

15 Cohærenter ad hæc, me uti sacræ Consistorialis aulæ Advocato patrocinium præstante, antequam ad officium Fidei Promotoris essem assumptus, primum inter miracula S.Pii V. ad ejus Canonizationem propofita approbatum fuit miraculum subitæ sanationis puellæ a paralyfi, qua in coxis & cruribus laboraverat: paralyfis autem octo mensium spatio duraverat, coxas, crura, & pedes affecerat, fuerat amissus sensus & motus, nec ulla fuerant adhibita medicamenta. Post ad me delatum munus Fidei Promotoris in causa S. Stanislai Kostkæ, inter cetera miracula pro ejus Canonizatione approbata duo fuerunt sanationis a paralyfi, quemadmodum apparet ex Decreto edito die 12. Novembris 1713. sed in primo paralyfis quatuordecim mensium spatio duraverat, frequentibus & gravissimis convulsionibus fuerat comitata, brachia & tibias occupaverat, quæ macie confectæ & exsiccæ nihil præter cutem & ossa præferebant, amissus fuerat motus omnis, ita ut æger nec pedibus se sustinere, nec articulos movere posset, & morbum esse insanabilem jam Medici judicaverant: in secundo agebatur de forti & seivissima paralyfi, quæ totam occupaverat corporis dexteram partem, in qua caro languida & sere demortua ab humero ad pedes nullum vitæ præbebat indicium; ita ut, licet ferrea acu pluries puncta & perforata fuerit, infirmus nil penitus senserit doloris, adhibitis frustra medicamentis, & subitanea perfectæque sanatione in utroque casu post invocationem superveniente. In causa S. Joannis de Cruce binæ sanationes a paralyfi inter cetera miracula fuerunt a sacra Congregatione approbatæ, quemadmodum habetur ex Decreto edito die 5. Februarii 1725.; & eodem anno inter cetera miracula pro Canonizatione S. Peregrini Latiosi relata fuit sanatio a paralyfi: prima ex iis sanata decinebatur vera & perfecta paralyfi dexteri lateris, quæ *Hemiplegia* appellatur; nedum motus, sed etiam sensus erat amissus, cum primum per asperos & molestos contactus institutos per digitos, deinde per aciculæ immisionem nullum doloris sensum ediderit; in secunda agebatur de ægitudine ad duodecim annos protracta, membris & internis artubus atrophiam affectis; & in tertia de diuturno morbo confirmato cum tabe partium affectarum, & cum convulsionibus. Demum in causis S. Turribii, S. Jacobi de Marchia, S. Joannis Nepomuceni, S. Vincentii a Paulo, & S. Julianæ de Falconeriis quædam sanationes a paralyfi fuerunt miraculo adscriptæ, ut in causa S. Turribii defumitur ex Decreto edito die 11. Januarii 1726. in causa S. Jacobi de Marchia ex Decreto edito die 2. Februarii 1726. in causa S. Joannis Nepomuceni ex Decreto edito die 16. Februarii anno 1729. in causa S. Vincentii a Paulo ex Decreto edito die 14. Julii 1729. in causa S. Julianæ de Falconeris ex Decreto edito die 5. Octobris ejusdem anni 1729.

At in

176 DE SERVORUM DEI BEATIFICATIONE

At in prima agebatur de paralyſi, in qua licet motus, & non ſenſus fuiſſet amiſſus, ſpatio tamen trium annorum duraverat, & quamvis adhibita fuiſſent medicamenta, ante ſanationem tamen ſpatio trium menſium nulla fuerant adhibita, & ea, quæ ante fuerant adhibita, nullum præſtiterunt levamen, cum paralyſis a lue venerea proceſſiſſet, & hæc non expellatur, niſi medicamentis mercurialibus; uti bene adnotavit Lanciſius in ſuffragio ſuper dicto miraculo; in ſecunda ſanatione agebatur de perfecta paralyſi cum privatione ſenſus & motus in brachio, & manu ſiniſtra una cum convulſione, quæ ſpatio ſex menſium duraverat; in tertia agebatur de graviſſima paralyſi ſpatio quoque ſex menſium inveterata in toto brachio dextero cum ſtupore, marcore, atrophia, articuliſque valde contractis; in quarta res erat de paralyſi conjuncta cum convulſione; & in ultima agebatur de paralyſi, quæ poſt apoplexiam ſupervenerat, de ſanato annos nato quinquaginta ſex, de morbo qui duraverat ſpatio ſex menſium, de brachio & crure ſiniſtri lateris affectis cum privatione motus & convulſione.

16 Ideoque, omnia in unum colligendo, cum in ſacrorum rituum Congregatione aliqua ſanatio a paralyſi proponitur recensenda inter miracula, non modo ſtatus præcedens morbi, & ſtatus ſubſequens perfectæ ſanationis, & momentaria ſanatio ſunt advertenda; & quando aſſeritur, in morbo non tantum motum, ſed etiam ſenſum fuiſſe deperditum, videndum eſt, quomodo ſenſus amiſſio, quibus experimentis, quo tempore, num longe a ſanatione, an prope, probata ſit; verum & Phyſicorum auxilio cauſa morbi ponenda eſt in aperto, ſymptomata, medicamenta, ſi fuerint exhibita, & quæ fuerint, ſi exhibita ſunt, ponderari debent: omnia demum advertenda, ne ſuſpicandi locus ſuperſit, paralyſim ex illis eſſe, quæ natura vel arte momento expelli poſſunt, de quibus ſupra, & num ſanatio inter gratias, an inter miracula ſit recensenda. Valeriolæ lib. 4. obſerv. 4. inter miracula pie recensuit ſanationem Sacerdotis Galli ſenis a paralyſi, quam ipſe feliciter curaverat adhibitis medicamentis tum internis, tum externis, quæque evanuit, morbo in dies paulatim & ſenſim decreſcente: *Quod ego proſecto pro miraculo habeo, & Dei poſſentia magis, quam medicamentorum viribus factum arbitrari oportet, quod & agriſcudo ipſa ſuapte natura incurabilis ferme ſit. præſertim in ſenibus, & quod in ſanta ætate convaleſceris a tanto morbo ager, id Dei immenſe poſtentie adſcribendum.* Si enim de hac ſanatione actum fuiſſet in ſacrorum rituum Congregatione, ea certe non fuiſſet relata inter miracula tum propter apta exhibita medicamenta, tum propter ſanationem non momento, ſed tempore receptam. Queſtio conſiſtit in perfecta & momentaria ſanatione, & in gravitate paralyſis, quam Willkius cap. 9. de paral. pag. 383. explicat ſimilitudine a plantis deducta: *Enimvero paralyſis hominibus non ſecus, ac ſyrtaſis, ſive urædo arboribus accidit: quippe venti nonnulli balitibus plus quam frigidiæ, ſcilicet ſpiritu nitroſo aut viſcidulo prædiſi, cum virentes teneroſque arborum*

arborum fructus sufflant, eos repente emarcescere faciunt, in quantum scilicet *lamina tenella nervorum instar foliis & fruticibus passim intertexta*, maligni aeris afflatus ita penitus constringuntur, ut succum e trunco aut radice suppeditatum non amplius suscipiant, ob cuius defectum exarescunt. Non absimili ritu particula extranea, & quasi vitriolica intra sensus & motus organa admissa quatenus una peras constipans, & spiritus animales dejiciunt, vel a motu supprimunt, partibus respectivis quasi uredinem inducunt.

17 Dum agebatur de paralyti, aliqua dicta sunt de atrophia, & aliqua idcirco in presenti remanent observanda de membrorum ariditate. Oblatus est Christo Domino homo habens manum aridam, quem ipse momento sanavit, uti habetur *Matth. cap. 12. v. 10. & 13.*: *Et ecce homo manum habens aridam &c.* Tunc ait homini: *Extende manum tuam; & extendit, & restituta est sanitas sicut altera*. S. Lucas in Evangelio cap. 6. hanc ipsam refert sanationem, additque, manum aridam fuisse manum dexteram: & in lib. 3. *Regum cap. 13.* Jeroboam stante supra altare, & thus dolente, orante Propheta, altare scissum est, & manus, quam Jeroboam extenderat, exaruit; ipsoque Prophetam orante, ut sibi manus restitueretur, Propheta Dominum oravit, & restituta est manus, & facta est, sicut prius fuerat. Sanctus Hieronymus in *Matth. cap. xii.* testatur, sanatum a Christo fuisse cementarium: *Homo iste, qui aridam habet manum, cementarius scribitur, istiusmodi vocibus auxilium precans. Cementarius eram, manibus vitium quaritans, precor te, Jesu, ut mihi restituas sanitatem, ne turpiter cibos mendicem.* Ader de morbis Evangelicis enarrat 11. contendit, totam manum cum brachio aridam fuisse. S. Bernardus in *vita S. Malachia cap. 31. num. 75. oper. vol. 1.* miraculum in ejus funere factum his verbis exponit: *Interim parantur exequia: offertur pro eo Sacrificium; consummantur ex more omnia cum summa devotione. Stabas eminus puer, cui emortuum pendebat a latere brachium, magis illi impedimento, quam usui. Quo comperto, innui ut accederet; & apprehensam aridam manum applicui ad manum Episcopi, & vivificavi eam: nempe vivebat in mortuo gratia sanitatum, & manus ejus fuit mortua manui, quod mortuus homini Eliseus.* Miracula liberationis ab ariditate membrorum memorantur in bullis Canonizationum S. Clare de Assisio, S. Ludovici Regis Francie, S. Elzearii de Sabrano, & passim in aliis. Zacchias *quest. medico-legal. lib. 4. tit. 1. quest. 8. num. 41.* notat, atrophiam esse partis alicujus consumptionem, & ariditatem, in quo morbo corpus, seu corporis pars aliqua non amplius fruitur nutrimento, & naturaliter semper particulis aliquibus decedentibus, nullis vero in eorum locum idoneis subeuntibus, summa macies oritur, ita ut pars arida dici possit vita carere, cum vita sine nutritione nulla sit. Ariditas est ultimus gradus morbi, ut ait Ludovicus Mercat. *de intern. morb. curat. tom. 3. lib. 1. cap. 15. pag. 70. lit. G. & pag. 72. lit. E. & pag. 74. lit. F.* & quamvis pars corporis arida, quoadulque cruciatur, curari possit, quemadmodum respondit Joannes Fort. *tom. 2. centur. 1. consult. 32.* magna tamen cum difficultate

Tom. IV.

Z

cura-

curacionem admittit, si ariditas longo tempore perseveret, uti concludit Donat. Anton. ab Altomari *de modend. human. corpor. cap. 14.* Quocirca, si ariditas sit inveterata, & perfecta sanitas momento succedat post Servi Dei invocationem, non adhibitis, aut frustra adhibitis medicamentis, de miraculo non erit dubitandum; uti ad rem notavit Matthæus in *præf. Theologo-Canon. ad caus. Beatificas. & Canonizat. tit. 3. cap. 3. §. 4. numer. 11. & seqq.* De apoplexia aliquid fortasse dicendum esset, antequam finis imponatur sermoni de paralyti, cum apoplexia sæpius definat in paralytum; sed infra sermo peculiaris instituetur de apoplexia.

CAPUT XIII.

De admirabili divina sanatione Epilepticorum, & passione hysterica laborantium.

IN Evangelio S. Matthæi *cap. 17.* narratur, fuisse allatum ad Christum Dominum a quodam homine filium, quem habebat, lunaticum, cum sæpe caderet in ignem, crebro in aquam, & male pateretur, quem, ejecto Dæmonio, statim sanavit. Idem factum exponitur in Evangelio S. Marci *cap. 9.* Ager, ut est ibidem, allatus ad Christum, allisus in terram spumavit; cum autem Christus patrem interrogasset, quam dudum morbus inceperet, ipso respondente, inceperit ab infanzia, Spiritui immundo imperavit, ut exiret, qui eum discerpens exiit, & ægrum reliquit tamquam mortuum, quem deinde Jesus elevavit & sanavit. Concordat S. Lucas in Evangelio *cap. 9.* Origenes, S. Joannes Chrysostomus, & S. Hieronymus nullam in hoc ægotante naturalem morbi causam agnoscunt, autumantes Dæmonem, ut homines deciperet, eosque tentaret ad blasphemandum adversus Creatorem lune & astrorum, certo tempore, juxta lune augmentum, aut declinationem, ægotantem tormentis affecisse. Putant alii, morbum in humoribus fuisse, & Dæmonem prava affectione corporis utentem, tormenta ingeminasse, & sic ægrum hunc fuisse epilepticum, qui tempore crescentis lune fortioribus paroxysmis afficeretur, quemadmodum videri potest apud Calmet in *comment. ad idem cap. 17. Matthæi*; quod ipsum late prosequitur Ader de morbis Evangelicis *enarr. 4. Epilepsia* autem laborasse, verbo ipsissima patris, & Evangelistarum testimonia fidem faciunt. Convellebatur, dentibus stridebat, cadebat frequenter, & interim spumabat ore. Quæ symptomata epilepsiam consequi, ut signa certa, pathognomonica & concomitantia, Medicis est in confesso. Lunaticus deinde fuit, & ad lune motum compositus morbus est: silet enim epilepsia per lune quadras eadem scivitis suis recurrere periodis. Surdo tandem & muto spiritu correptus, arreptius lunaticus factus est, ut loquitur Abulenſis. Hæc igitur est summa morbi. Concordat Vallesius de sacra Philosophia *cap. 71.* ubi post allata recitata verba Evangelii S. Matthæi *cap. 17. v. 14.* Domine, miserere filii mei, quia lunaticus est, & male

& male patitur; nam saepe cadit in ignem, & crebro in aquam; & alia ejusdem Evangelii cap. 4. v. 24. Obsculerunt ei omnes male habentes, variis languoribus, & tormētis comprehensos, & qui Daemonia habebant, & lunaticos, & paralyticos; subjicit: Ex his Evangelii verbis constat haud dubie, Epilepticos dici Lunaticos. Id late profequitur Zacchias *quest. medico-legal. lib. 2. tit. 1. quest. 14. num. 25. & seqq.* quod ipsum resumit *lib. 4. tit. 1. quest. 8. de miraculis num. 20.* ubi hæc habet: Lunaticus enim morbus, propriissime loquendo, epilepsia est molesta & confirmata, & quæ secundum luna motus exacerbatur & invalescit, fortioresque patitur accessiones Aliqui interdum Demoniaci, opera ipsius Demonis, lunatici efficiuntur, qualis erat ille, de quo Matthæi cap. 17.

2 De miranda liberatione a morbo comitiali, sive epileptico sermo fit in bullis Canonizationum S. Stanislai Episcopi, S. Ludovici Tolosatis Episcopi, S. Franciscæ Romanæ, & passim in aliis; & a Rotæ Auditoribus in relatione causæ modo memoratæ S. Franciscæ *part. 3. in sexto miraculo*, in relatione causæ S. Andreæ Corsini apud Lezanam *tom. 4. consil. 1. num. 271.* & in relatione causæ S. Cajetani *in octavo miraculo*, & passim in aliis.

3 Epilepsia apud Græcos *Morbus sacer* appellabatur, vel quia putabant, illum hominibus proxime a Deo fuisse immisum, uti voluit Hippocrates, vel quia nobilissimam & maxime sacram corporis partem, cujus regimine partes reliquæ gubernantur, occupat, uti scribit Plato *de natura sol. 759.* vel quia in illa parte sedem habet ratio, quod voluit Aristoteles *sect. 33. problem. quest. 7.* de quibus apud Stalpartium *observ. 6. pag. 51.* Epilepsia nihil aliud est, quam universalis convulsio, teste Galeno *lib. 1. de sympt. caus. cap. 8.* Præter humoris copiam qualitas venenata, & graviter insensata atque inimica substantiæ cerebri statuenda est causa epilepsiæ, quæ quoties exagitur & proripit in cerebrum, cerebrum in se ipsum sese contrahit, ut quod noxium est, expellat, & ex hac colluctatione & dimicatione epilepsia oritur, uti late explicat Schenckius *lib. 1. de epilepsia in suis observationibus medicinalibus*, ubi late agit de causis ejusdem. Huc referri possunt quæ habentur in observationibus anatomicis, cum in Epilepticorum capitibus aliquando serum foetidum ac putre, aliquando acre ac tenue in cerebri substantia, & extra repertum sit: Bonett. *anatom. præct. lib. 1. sect. 12.* Schenckius *de cataract. lib. 2.* subjicitque Willisius in *Pat. celeb. de mot. convuls. se in prædictorum Epilepticorum capitibus animadvertisse laticem intra cavitatem cerebello subjectam congestum, qui membranam, quæ medulla, quæ dicitur oblongata, investitur, distendebat, & nervorum origines invadebat.*

4 At, his omisiss, quæ proprie spectant ad Medicos, signa evidentia & pathognomonica veræ epilepsiæ sunt, si æger in quibusdam temporum mutationibus paroxysmo correptus ex improviso cadat, extra mentem rapiatur, membris distorqueatur, spumam ex ore emitat; uti, collectis Medicorum auctoritatibus, late docet Zacchias *quest. medico-legal. lib. 9. consil. 17. num. 1.* & bene adnotarunt Rotæ Auditores in relatione causæ S. Franciscæ

Romanæ part. 3. in sexto miraculo, ubi ita scribunt: *Morbis erat comitialis, sive eaducus, qui a Grecis appellatur Epilepsia, ut indicant circumstantia, quibus describitur; est enim convulsio quadam omnium corporis partium, non perpetua, sed quæ ex temporum accidiis intervallis, cum mentis, sensuum, ac motus læsione.* Citatus Zacchias lib. 8. tit. 1. quæst. 5. late explicat, quomodo epilepsia dicatur gravis, & quomodo levis: docet enim, epilepsiam dici gravem ex gravitate symptomatum, & eorum multitudine, frequentia accessionum, earumdem duratione, & ex iis tandem, quæ ab accessione relinquuntur; quapropter, si magna sit contorsio membrorum, gravis erit epilepsia; si modica sit, eadem levis erit; si frequentia accessionum aderit, puta, si contingerit singulis noviluniis & pleniluniis, & in lunæ quadratis, gravis, atque adeo gravissima erit epilepsia; secus autem, si rarius accessiones contingant. Rursus gravis erit epilepsia, si paroxysmus multum duret; levissima est, in qua homines cito ad sese redeunt, & post paroxysmum sese habent perinde, ac si nihil mali passi essent. Demum gravis erit epilepsia, si Epilepticus a paroxysmo liberatus, nulla verecundia afficiatur, tanquam si nihil passus fuisset, si satuitas adsit, aut stultitia, aut mentis inconstantia, aut memoriæ defectus, aut impotentia ad motum, aut membrorum torpor, aut oculorum obfuscatio, & id genus alia. De Epilepticorum affectionibus, quibus fit ut ululent, aut obmutescant, & earum causas ita scribit Lævinus Lemnius de occultis naturæ miraculis lib. 2. cap. 3. pag. 105. edit. Antwerp. *Pro habitu siquidem, & constitutione corporis, pro organorum ac meatuum amplitudine, vel angustia, proque humoris viscosi redundantia varias diversasque differentias percipiunt, ac mutationes subeunt: hinc alii ululant, canumque more latrant; alii sibulant, ac dentibus strident; nonnulli clamores edunt horrendos, atque incontinentius vociferantur; non desunt, qui prorsus obmutescant, cerebro præsertim oppresso densis humoribus, oppressoque diaphragmate, atque oclusis respirandi fistulis, quo fit, ut spiritus inoffense commeari nequeat, atque ultro citroque reciprocare, qui omnium acerbissime mihi torqueri videntur.* Favent dictis quæ leguntur apud Joannem Baccanellum de consensu Medicorum in curandis morbis pag. 241. ubi ex auctoritate Aetii, & Avicennæ ita scribit: *Si acutissimus fuerit affectus, tum ob crebras accessiones, tum ob symptomatum vehementia statim jugulari; & quæ habentur apud Ludovicum Mercatum lib. 2. de internor. morbor. curatione cap. 16. pag. 73. Præterea scito, omnem epilepsiam, acutissimorum morborum more, accessiones habere breves, & periculo plenas, eoque periculosiores, quo frequentius acciderint, aut longius protrahantur.* Ex mentis porro læsione, & oris spuma epilepticus morbus secernitur & distinguitur a convulsione, ut ait Donat. Anton. ab Altomari cap. 18. pag. 99. *Insuper in vera convulsione nullam fit principibus functionibus noxamentum: in morbo autem comitiali non modo functiones principes, verum & sensibiles operationes suscipiunt detrimentum.*

5 Præter ea quæ modo dicta sunt, alia non desunt, quæ gravem constituunt epilepsiam. Si enim post vigesimum quintum annum supervenerit, vel si sit hereditaria, hoc est a parentibus traducta, hæc influunt in morbi

gra-

gravitatem, & difficiliorem efficiunt, ne dicam impossibilem, sanationem. Huc facit illud Hippocratis *apbor. 7. sect. 5. Epilepsia, quibus ante pubertatem sunt, mutationem accipiunt, quibus autem vigesimo quinto anno sunt, fere commorantur*. In cujus commentario Lucas Tozzius celebris ejus Scholiastes, & quem Romæ agnovimus, dum erat Archiater summi Pontificis Innocentii XII. ita loquitur: *Præpotens mali causa arguimur, cui ætas juvenilis obfistere non potuit, tum quod juvenes nullam in melius mutationem sine ceteris subsequenti- bus ætatibus speraturi; quippe per has semper in pejus riuus, farscente natura ob sanguinem, ceterosque liquores, qui semper semperque hebetiores acidioresque eva- dunt; quæ tamen dicta cenferi debent, non quia aliquando Epileptici morbo affecti post annum vigesimum quintum non fuerint a morbo sanati vel per crism naturalem, ut sæpe fit in morbis acutis, vel per vehemens phar- macum humores noxios quaquaversus evacuans, quod & in acutis & in chronicis non raro contingit, vel ex longa febris, aut scabie, quæ ægrotanti superveniant, uti narrat Sennert. lib. 1. prax. part. 2. cap. 31. pag. 155. (ut interea omittatur metastasis seu commutatio in alium morbum, puta in paraly- sism, vel in paraplegiam, surditatem, cæcitatem, de quibus apud Hor- stium lib. 2. observ. 41. apud Ludovicum Strausium *palestr. medic. part. 1. gymnas. 8. thes. 10.*) sed quia liberatio a morbo post hujusmodi ætatem inva- dente raro accidit, ut indicat verbum Hippocratis, fere, & adnotavit Val- lesius in comment. his verbis: *Nec tamen hoc semper fit, sed magna ex parte; nam quedam epilepsia sunt, quæ in juvenute accedentes, inclinante ætate sedari possunt. Sequitur Riverius in praxi medica tit. de epilepsia, ubi hæc habet: Licet autem post vigesimum quintum annum incurabilis dicatur epilepsia ab Hippocrate, hoc tamen non est perpetua veritatis; multos enim ætate procellos ab hoc morbo li- beros fuisse, pluribus observationibus relatum est, quamvis tamen hoc raro con- tingat. Et, quod attinet ad metastasim in alium morbum, ita scribit Toz- zius loc. cit. Non inde deducendum est, eos, qui ultra vigesimum quintum annum hoc morbo correpti sunt, esse in senie commorituros; nam incunte virilitate plerum- que visi sunt perisse, commutata præsertim epilepsia in apoplexiam.**

6 Ex eodem quoque Hippocrate in libro de morbo sacro num. 5. Genitura est ab omnibus corporis partibus, a sanis quidem sana, a morbosus morbosa decidit: ex quo fit, ut, teste Sennerto *præf. lib. 1. part. 2. cap. 31. pag. 162.* diathesis epileptica a parentibus in filios propagetur, quæ adeo magna cum difficul- tate curatur, ut nonnulli Medici scripserint, insanabilem esse, uti legitur apud Bernardum Gordonium *part. 2. cap. 35.* Si parentes sint epileptici, deinde genitus incurrit epilepsiam, talis non videtur curabilis; apud Nicolaum Pisonem *lib. 1. de morbis curandis cap. 19.* Si autem vigesimum quintum annum superaveris, numquam senescit, maxime si comitialibus natus est parentibus; apud Laza- rum Riverium *lib. 1. præf. cap. 7.* Epilepsia hereditaria incurabilis est; apud Sebastianum Egherti in scholio ad *cap. 13. praxis medica Dodonæ: Quod si fami- liæ propria, non ætas, non Medicus discutere illam valet; apud Doileum encyclop. med. lib. 1. cap. 9. pag. 68.* Hereditaria quoque epilepsia ob cerebri pororum disposi- tionem

tionem vitiatam nullis cedens medicamentis tolli nequit, estque incurabilis. Zacutus autem lib. 1. prax. admirand. observat. 36. Scitu dignum adducit exemplum Epileptici, cujus octo filii, & tres nepotes per multos annos miserrime epileptici insulibus exstructi vitam ducebant; quos omnes hic insuperabilis morbus usque ad mortem, nullis proficientibus auxiliis, esse comitatus.

7 Rursus consentaneæ cum iis, quæ superius dicta sunt, levis e contrario, non gravis epilepsia erit, si æger in terram non prolabatur, aut in paroxysmo advertat quæ fiunt, & sit sui compos: nec enim hæc fieri impossibile est in epilepsia levi, & quæ sit per consensum. Marcellus Donatus de medica historia mirabili lib. 2. cap. 4. pag. 53. quæstionem proponit de histione a se feliciter curato, & putat eum fuisse epilepticum epilepsia per consensum; licet paroxysmo oppressus in terram non caderet, nec, paroxysmo durante, esset prorsus mente alienatus: Nihilominus hominem epilepticum fuisse, statuendum decrevimus; ac non cadebat, quia non per se cerebrum, sed per consensum patiebatur, eratque passio non fœvis, sed debilis, hinc nec spuma oris adebat: signum alioum Epileptici communissimum. Leviter itaque per consensum affecto cerebro, duntaxat motus convulsivi excitabantur, ita ut, veluti saliendo, per intervalla corpus contraheretur, & concuteretur, citoque ob id pariter solvebatur affectio huiusmodi: hinc quoque factum, ut non insignem in principibus facultatibus lesionem observaremus; nam passio levis & ipsa erat, quemadmodum & Galenus 3. de locis affectis meminit de puero illo, qui, veluti auram frigidam ascendere ad cerebrum, epilepsia paroxysmo adventante, persemeiebat, & in ipso paroxysmo mentis ita compos erat, ut quæ fierent, perciperet. & presurgata accessione, eadem narrare sciret. Ex quo in epilepsia quandoque, eaque debili, & parum obledi primarias operationes statuendum est: quod prænartrato egrotanti accidisse observavimus, cui etsi aliquantum mens oblateretur, quæ tamen fierent, persemeiebat, ac licet motus convulsivi excitarentur, ita ut hinc inde casum minaretur, non tamen cadebat, eo quod affectio prægrandis non esset. Idemque Marcellus pluribus explicat epilepsiam ex consensu, quam dicit occiri, non a cerebro primo & per se male affecto, sed ex malo vapore elevato vel ab una parte corporis, vel a toto. Quocirca Joannes Maria Lancisius in suo suffragio pro veritate editionis in caula Beatæ Hyacinthæ de Marefcottis super quodam miraculo liberationis ab epilepsia, de quo infra, ita scripsit: Anima advertendum breviter hic est, epilepsiam in varias species, quas differentias vocant, per Medicos commode dissipari. Sunt quidem aliæ, quæ ex levibus externis causis orta cito disparent, nec revertuntur; aliæ e contra, quæ hereditario quasi jure contractæ, gravius ac pertinacius usque ad mortem plerumque comitantur: omnes vero sunt vel idiopathica, hæc est inductio firmatque vitio, seu diathesi in cerebro, ejusque continentibus membranis, vel sympathica, videlicet per consensum partium extra atque infra cranium existentium: multæ quoque ante pubertatem corripiunt, & mutatione aeris desinunt; nonnullæ post vigesimum quintum annum invadentes, aut antea jam inceptæ sapius reperiunt, & rebelles perseverant, confirmatæque cum aegris muniuntur, nisi natura vel ars decubitus vel abcessum, quod quam rarissime accidit, ad

exter-

externa molitur. De hac epilepsia per consensum plura habentur apud Schenckium lib. 1. fol. 111. & seqq.

8 His prenotatis, videretur, tuto pede statui posse, inter miracula censendam esse liberationem ab epilepsia, si epilepsia non levis, sed gravis sit; si sanatio nulli causæ naturali adscribi possit; & si statim post invocationem sanatio perfecta momento successerit; ut innuit Jacobus Sinibaldus in suo suffragio super miraculosa liberatione ab epilepsia, quæ discutienda proponebatur in causa S. Jacobi de Marchia: Cum itaque apud Liborinum (nomen erat sanati) nulla penitus crisis immediate ante sanationem apparuerit, nullum vomens pharvacum intercesserit, non alia ex natura vi ad salutem via remanebat, quam per coctionem, & fermenti epileptici incinerationem: quæ utique naturales operationes cum nonnisi in tempore & per gradus fieri possint, necesse erat, Liborii symptomata graduatim alleviari, & ad mensuram progredientis coctionis epilepticos insultus, qui vicies in die, ut testes deponunt, invadebant, primum ad decies, deinde ad quinque paulatim diminui, inde per dies & hebdomadas ferriari, donec tandem omnino evanescerent. Constat ergo miraculi evidentia in repentina, totali, & nunquam redituri morbi sanatione.

9 A Medicis passio epileptica distinguitur in paroxysmum, qui per certas periodos tamquam morbosus effectus improvise erumpit & cessat, & in causam, quæ in ægotantis corpore delitescit, atque ad novos reditus excitandos sensum augetur; atque in solutione quidem paroxysmi nihil apparet præter naturam, cum passim videamus Epilepticos per vias cadentes, sine ullo Medicorum auxilio sponte sua paulatim solvi: tota idcirco quæstio, cum agitur de miraculo, non est ad excitationem a paroxysmo reducenda, sed ad liberationem perfectam ab epileptica diathesi, sive a novis recursibus; quæ non ita facile resolvi potest, ut innuit Bordon. in opere posthumo de miraculis medit. 7. num. 37. ubi hæc habet: *Difficile est scire, an quis dicatur liberatus ab hoc malo, quia continue non durat, sed interpolatis temporibus venit, & recedit*. Dum fangebar munere Fidei Promotoris, in causa B. Hyacinthæ de Marcicottis discutienda proposita est subita liberatio cujusdam Monialis ab epilepsia hereditaria, qua post vigesimum quintum annum inceperat laborare, non sine gravissimis symptomatibus: per intercessionem autem B. Hyacinthæ liberata perfecte dicebatur, absque eo quod ulla præcessisset crisis, aut profuissent medicamenta; & licet post excitationem ab ultimo paroxysmo crassioribus alimentis usa esset, & vinum bibisset, quæ recuperatæ sanitati officere poterant, ut quoad alimenta animadverrit Forestus lib. 10. observ. 68. pag. 485. & quoad usum vini, prosequitur Henricus ab Heets observ. 24. pag. 213. *Novi quosdam juvenes ab hoc morbo curatissimos, qui cum vino abstinere nollent, incurabiles evasere*. Opposui, processum super sanatione, confectum fuisse decem & octo mensibus post liberationem ab ultimo paroxysmo; ignorari autem, an hoc tempore Monialis eodem morbo iterum vexata fuisset; & quatenus immunis fuisset, cum adhuc viveret, animadverti posse morbo iterum tentari; ex quibus deduxi, a miraculi approbatione esse abstinendum.

184 DE SERVORUM DEI BEATIFICATIONE

10 Plura a Postulatoribus, ut hanc animadversionem eliderent, egregie adducta: probare siquidem conati sunt, Monialem toto illo spatio decem & octo mensium a morbo perfecte liberam fuisse; idque sufficere: cum jus Canonicum *in can. Communitat. dist. 33.* unius anni tempus exposcat, ut Sacerdos, qui ob epilepsiam prohibitus fuerat, ne Missam celebraret, ad Sacrificium offerendum admittatur; & cum Recidiva Monialis in morbum epilepticum, quatenus contigisset, verus regressus dici non posset ortus ex reliquiis morbi præcedentis, sed novus morbus contractus ex usu ciborum non salutarium, & vini, juxta ea quæ habentur apud Ripam *in tract. de peste particul. 2. partis ultima n. 140.* & passim apud Medicos. At, me urgente, eatenus post annum continuatæ salutis Sacerdotem admitti ad Missam celebrandam, quatenus, si post annum morbo iterum opprimatur, poteit iterum ab altari amoveri, & quatenus agitur quodammodo de causa necessario definienda, quæ nihil habebat commune cum approbatione miraculi; tum quia hæc approbatio inter causas non necessario definendas est referenda; tum quia post miraculi approbationem non videbatur, esse posse locum retractationi; res eo redacta est, ut, licet sanatio ab ultimo paroxyfmo contigisset anno 1709. approbatio tamen miraculi facta non tuerit, nisi die 2. Julii 1722. a sacrorum rituum Congregatione, confirmante Innocentio XIII. & sic post intervallum fere tredecim annorum, allatis identidem probationibus perfectæ sanitatis, necnon usus ciborum minus salubrium, & vini. Post hujus miraculi approbationem iterum de hac eadem materia tractatum est in causa S. Jacobi de Marchia; & me quoque tanquam Fidei Promotore opponente, quæ opposueram in causa B. Hyacinthæ de Marefcottis, & respondentibus Postulatoribus & comprobantibus, epilepsiam fuisse gravissimam, momentariam fuisse sanationem, sanatum sex annis superstitem fuisse, epileptico morbo numquam hoc tempore affectum fuisse, post annum sextum alio morbo diverso occubuisse; nec longioris temporis probationes exquiri posse, ut in causa B. Hyacinthæ de Marefcottis; cum in hac causa, (uti dictum est) sanata adhuc viveret, & in causa B. Jacobi sanatus post sexennium mortuus esset, hæc non profuerunt, ut sanatio inter miracula recenseretur, quia non fuit evidenter probata continuatio sanitatis per sexennium, quo sanatus vixit. Quæ omnia ostendunt, quanta cum maturitate sacrorum rituum Congregatio procedat, cum res est de sanatione ab epilepsia.

11 Epilepsiæ succedit passio hysterica, quæ etiam dicitur *uteri suffocatio*, quia semine interdum laborare consueverunt. Paroxyfmi recurunt, sicuti in epilepsia, uti bene adnotavit Schenckius *in medic. observat. lib. 4. tit. de uteri suffocatione*. Dicitur epilepsia a passione hysterica differre, cum Epilepticus non intelligat, nec recorderetur eorum, quæ in paroxyfmo contigerunt; quæ vero semina uteri suffocatione afficitur, audiat, sentiat, & affectionum sui paroxyfmi recorderetur. Foreltus *in observ. lib. 10. observ. 56. in scholiis pag. 385.* hæc habet: *Præfocata quoque, etsi respondere nequit*

nequit, tamen intelligit, & omnia, quæ in paroxysmo alio fieri, etiam post paroxysmum recordatur, quod Epilepticus non facit. Adhæret Rodericus a Castro de morbis mulierum cap. 1. In uteri suffocatione mulier vocata sæpe audit, præsertim cum pungitur, aut pili avelluntur, sentit, & manus collo admo-
ta, se suffocari indicat; & licet non possit respondere, tamen post accessi-
onem recordatur, & non habet spumam, qualis conspicietur in epilepsia. In epilepsia
autem accessione, neque vocata audit, nec postea recordatur, & spumam in ore
habet. At Zacchias quæst. medico-legal. lib. 2. tit. 1. quæst. 22. num. 9. & seqq.
prædictas assertiones interpretatur, ut suffocata non plane destituantur
ratione extra paroxysmum, quemadmodum Epileptici. hoc est non ita,
ratione abalienentur, ut abalienantur Epileptici: & certe non videtur
negandum, mulieres aliquando passione hysterica affectas, sensu, motu
& ratione carere; cum nonnullæ ex eis pro mortuis habitæ, & interdum
etiam elatæ ac tumulatæ, vivæ postea repertæ sint, quarum exempla con-
gerit Schenckius observat. medicinal. lib. 4. pag. 706.

12 Affectionem hystericam uteri vitio produci, apud Medicos olim
adeo compertum fuit, ut eam nomine *suffocationis uterine* appellaverint.
At recentiores eam produci putant vitio succorum digestionibus infer-
vientium, qui afficiunt membranas ventriculi atque intestinorum, & ner-
vosos plexus: quam assertionem comprobant, tum quia in cadaveribus
mulierum ex eo morbo mortuarum nullum vitium in utero repertum est,
teste Willisio de morb. convuls. cap. 6. & 10. tum quia hoc ipsum declarat
ipsius morbi symptomata, quæ non uterum, sed oesophagum, stomachum
æque ac intestina in primis affecta esse designant. Non est tamen, quod
sicut succi pravi irritare possunt stomachi nervos, non possint etiam
pungere tunicas uteri, unde & vera affectio hysterica ab utero pro-
ducatur.

13 Morbus hic passim periculo vacare dicitur; sed periculosus omni-
no dicendus est, si sæpius recurrant paroxysmi, aut si symptomata gra-
via sint, uti docent Sennert. pract. lib. 4. part. 2. sect. 3. cap. 4. Etmuller,
coll. pract. de morbis mulierum sect. 3. cap. 3. Quocirca Rodericus a Castro,
cum de affectibus hystericis curandis verba facit, sapienter consult. medic.
lib. pag. 98. hæc subiicit: Hinc duo possumus addiscere, alterum alterius con-
sistentiam. Primum, quod prognosim spectas, non esse audacter promittendam
sanitatem, sed astantibus difficultatem sanandi præpalandam &c. Alterum, quod
pertinet ad curationem, est, non esse luctandum cum morbo insuperabili, & to-
tis viribus expugnationi incumbendum, sed tantum levibus, benignis, dulci-
busque modis agendum, ut scilicet ex mente Hippocratis, si non juvabimus, sal-
tem quam minime noceamus.

14 Jam ut veniamus ad sanationem ab hoc morbo, quæ miraculo fit,
non solum sibi vindicant locum ea, quæ superius dicta sunt, dum sermo
habebatur de epilepsia, videlicet miraculi vim non esse reponendam in
excitatione a paroxysmo, sed in expulsiōe qualitatis morboſæ, quæ no-

vos paroxysmos producere potest; verum illud etiam animadvertendum est, nonnullas in mulieribus crises naturales non omnium oculis expositas ut plurimum accidere, quæ perfectam a morbo liberationem producere possunt: quapropter difficile admodum erit, liberationes ab hoc morbo recensere posse inter miracula. Quod si id aliquando a Postulatoribus causarum Beatificationis & Canonizationis tentatum est, nunquam tamen vidi admissum; Medicique acciti, ut ad favorem scriberent, operam suam, licet infelici conatu, constituerant in eo, ut demonstrarent, morbum non esse passionis hysterice, sed alterius naturæ, ingenuè hoc modo diffi cultatem probandi agnoscentes, ac declinantes.

CAPUT XIV.

De mirabili Divina sanatione a Mania, & Hydrophobia.

IN Evangelio S. Matthæi & in Evangelio S. Lucæ, utrobique *cap. 9.* narratur subita sanatio a Christo Domino facta duorum, qui habentes Dæmonia, & exeatentes e monumentis sævitias exercebant, ita ut nemo posset per viam transire; & licet alter eorum esset vinctus catenis & compedibus, ruptis vinculis, a Dæmonio agebatur in desertum. De hisce sanatis habebitur sermo infra, cum tractabitur de ejectione Dæmonum a corporibus obsessis. Interea autem satis erit adnotare, Ader de morbis Evangelicis enarrat. 5. contendere, hos homines fuisse lycanthropidos, vel maniacos: ex infra quippe dicendis constabit, morbis aliquibus naturalibus Dæmonem aliquando uti, ut a se obsessorum corpora exagitet; & aliquando, depulso naturali morbo, Dæmonem ipsum, qui eo utebatur, a corpore oblesso recedere.

2. In Actis Sanctorum non desunt exempla mirabilium ab hoc morbo sanationum. In bulla Canonizationis S. Petri Cælestini *cod. Canoniz. pagin. 123.* hæc habentur: *Quidam factus ita furiosus & amens, quod se ipsum, nisi alius offenderet, funibus & catenis ferreis ligabatur, adductus ad dicti Fratris presentiam, cum comedisset de pane sibi per ipsum exhibitum, sic est curatus perfecte, quod de dicta infirmitate nil ulterius nunquam sensit.* In bulla Canonizationis S. Claræ commemoratio fit pacationis quorundam furiosorum. Apud Wadingum in *annal. ad an. 1231.* refertur, quendam maniacum suis clamoribus interrupisse aliquando conciones S. Antonii Patavini, eundemque a Sancto arcessitum, licet furore & impetu exagitatum, imposita super ipsum Stola, eo momento perfectam sanitatem fuisse consecutum. Item, dum munereungebar Fidei Promotoris, in causa S. Turribi Alfonsi Mogrobesii Archiepiscopi Limani inter miracula pro ejus Canonizatione proposita approbatum fuit illud subite restitutionis iudicii deperditi Josepho de Andrada, qui demens & furiosus spatio novem mensium, ita ut opus fuerit manus ejus & pedes vinculis ferreis colligare, applicata

plicata a matre ejus corpori S. Archiepiscopi Reliquia, illico compos mentis factus est, solutisque catenis, accessit ad videndam Supplicationem in honorem Beati indictam, & deinde studia Theologica mirabili profectu profectus est, adepta Doctoris laurea, initis certaminibus (vulgo *concurribus*) ad obtinenda Beneficia Ecclesiastica, habitis & suggestu ad populum concionibus, aliisque peractis, quæ judicium undequaque perfectum comprobant; uti desumitur ex Decreto edito die 11. Januarii 1726.

3 Si res, de qua nunc agitur, esset judicio Jurisperitorum absolvenda, solemne apud illos effatum est, morbum hunc esse insanabilem. Ait enim Paulus de Castro in l. *Qui testamento*, 20. §. *Nec furiosus*, num. 3. ff. *de testamentis*: *Qui semel incipit satuizare, numquam liberatur*. At, quia plus Physicis & Medicis hac in re deferendum est, quam Jurisperitis, idcirco ad eorum libros confugiendum est, ut de hujus morbi sanatione ferri possit judicium, tum miraculo tribui debeat.

4 Fernelius lib. 5. de part. morb. & sympt. cap. 2. ita describit hunc morbum: *Melancholia succedit Mania, nobis furor vel insania dicta, qua cogitatione, verbo, aut opere Melancholicorum quidem deliramenta imitatur, sed iracundia, jurgiis, clamoribus, horrendo aspectu, multo denique majore corporis impetu, & mentis perturbatione laborantes exercet, ac impellit, ut quasi fera & immanes bellua in obvius dentibus, unguibus, & pugnis inusitata rabie petulenter invadant*. Sequitur Sennertus in med. pract. lib. 1. part. 2. cap. 15. de mania: *Mania levi negotio cognoscitur ex imaginatione & ratiocinatione depravata, cum egri & falsa imaginantur, & absurda, & inepta multa agunt, & quidem sine timore, sed potius cum audacia, temeritate, loquacitate, jurgiis, iracundia, sevitute in se, & alios, & omnia animi perturbatione tanta, ut egri bestiarum instar obvios quosque invadant, & morsu, unguibus, aliisque quibus possunt modis noceant. Nec sibi ipsi parcant, sed vestes dilanient suas, ac propterea custodia, & vinculis continendi sunt, e quibus tamen omni conatu erumpere conantur*. Adhæret Tozzius in med. pract. tit. de mania, in principio, ubi de Maniacis: *Furunt, ac nihil omnino formidantes, omnia temere audent, & indiscriminatim aggrediuntur*. De affectis hac ægritudine ita loquitur Nicolaus Piso lib. 1. de cognoscendis, & curandis morbis cap. 24. pag. 185. *Plures vixi sunt furore correpti, qui ab excaecescencia, vel ira, vel molestia principium habuere, prompto se habente corpore eo tempore ad incidendum in tales affectiones*. Et sane ad amentiam & furorem Medici dicunt apertissimum esse aditum per timorem, molestiam, & nimiam studiorum intentionem. Forestus in schol. ad observ. 21. l. 10. pag. 179. Daniel Sennertus instit. lib. 2. part. 3. sect. 2. cap. 4. pag. 421. cap. 1. Joannes Baptista Silvaticus centur. 1. consil. 53. pag. 57.

5 De hujus morbi gravitate non videtur esse dubitandum: scribit enim Galenus: *Nulla deliratio sana est*; additque Curtius Martinellus: *Aggre ac difficile hac passio curatur*; & potissimum, si morbus fuerit obfirmatus

temporis diuturnitate: quapropter merito Thomas Willis lib. 1. de morbis animæ nobiliores facultates obidentibus cap. 10. ait: Si mania inveterata, aut hereditaria fuerit, aut morsu canis rabidi infertur, agre aut vix omnino integre sanatur; & rationem reddit Dolæus encyclop. lib. 1. tit. de mania pag. 45. his verbis: *Ubi jam radices egerit altas, malum vix curari potest; in cerebro enim vestigia olim impressa, sed postea sublata, & quasi concremata minime restitui possunt.* Nam, plicas firmis cerebri impressas explicare, non hominis est: ut in charta, vel in corio, cum acicula leviter imago alicujus rei est impressa, tractu temporis, & motu charta imago penitus obliteratur; verum si acus altius adacta fuerit, & foramina effecerit, nunquam imago delebitur.

6 Alia traduntur a Medicis scitu digna tum quoad qualitatem manie, tum quoad judicium ferendum de sanatione, tum quoad hujus morbi cessationem; licet enim ex dictis ad curandum difficilis sit, præsertim cum est inveterata, vel cum est periodica, non iccirco tamen ipsi censent, eam aliquando non posse tolli remediis, aut non posse naturaliter evanescere.

7 Ducto initio a qualitate manie, docent Medici, facilius esse sanationis, & minoris periculi maniam, quam risu comitatur, juxta illud Hippocratis 6. aphor. 53. *Desipientia, quæ cum risu sunt, securiores;* & bene prolequitur Riverius cap. de mania §. Facilius curatur: quæ tamen in re cavendum est, ne motus convulsionis pro risu sumatur; nil enim vetat, quin aliquando sola labia reducuntur in motum convulsionis risui analogum, quemadmodum explicat Bellinus in cap. de mania pag. 506. lævetque historia Tychonis 5. epid. text. 94. apud Hippocratem memorati, qui percussus pectore a catapultâ, paulo post risu tumultuoso correptus fuit; quem casum Scholiales Franciscus Vallesius in Hippocr. libros comment. de morbis popularibus lib. 5. epidem. pag. 277. ad motum convulsivum refert: Ego vero, ut in controversiis etiam dixi, non arbitror, hunc fuisse risum, sed convulsivum quemdam motum septi transversi risui similem.

8 Ut transeamus ad judicium ferendum de sanatione, Cornelius Celsus l. 1. c. 18. monet, aliquando Maniacos videri astantibus sanitatem consecutos, quod prudenter loquantur; sed rem hoc modo non se habere, cum dolose loquantur, ut a vinculis liberentur: *Neque credendum est, si vinculis aliquis, dum levâri vinculis cupit, sanum jam se fingat, quamvis prudenter & mirabiliter loquatur, quoniam is dolus insipientis est.* Rursum aliquando re vera cessat hic morbus per aliquod tempus, sed deinde iterum occupat ægrum; idque efficit, ne ex ejus cessatione, licet ad aliquod tempus protracta, judicium tutum ferri possit de sanatione. Quare merito Etmullerus de deliriis tit. Quoad prognosim mania pag. 498.: *Mania est malum admodum diuturnum, & difficillimum curatu, quod licet interdum per menses aut annos quosdam remittat, & intermittat, postmodum tamen antiqua atrocitate recurrit, & sæpe ad mortem usque ægros comitatur.*

9 Superest, ut aliqua addantur de hujus morbi cessatione aut ope medica-

dicamentorum, aut per vires naturæ. Naturæ viribus sanabilem esse, suadere possunt nonnulla exempla relata per Schenckium *observat. medicinal. lib. 1. tit. de mania, verb. Curatio, observat. 2. & 3.* Helleborus antiquis in usu erat, & magno cum Maniacorum profectu. Item venæ sectione, insignibus evacuationibus per alvum, aut per sudorem Maniacos curari, & feliciter curatos fuisse, passim docent Medici. *Sennertus pract. lib. 1. part. 2. cap. 15. in principio ait: Plurimi sanati sunt ex reiteratis frequenter venæ sectionibus, & postea incolumes longam duxerunt vitam &c.* Inchoanda vero curatio a venæ sectione &c. *Est autem venæ sectio repetita in hoc affectu tam singulare præsidium, ut multi Maniaci ab aliis derelicti hoc solo remedio sanati sint &c.* Via ad salutem est insignis aliqua evacuatio per alvum, aut per sudorem. Apud Hippocratem 4. *epidem. juxta Vallesii divisionem num. 133.* insigne existat exemplum sanationis manie, quæ ob intempestivam hæmorrhoidalis fluxus suppressionem inducitur, superveniente acuta febre, cessavit. *Observat Riverius in praxi medica lib. 1. cap. 13.* Maniacos aliquando liberatos fuisse a morbo, accedente febre tertiana, aut quartana, cujus facti rationes legi possunt apud Bellinum *de morbis capitis tit. de mania pagin. 511.* Quibus omnibus addi potest, novum non esse, ut mania cessaverit per metastasim, ut dicunt Medici, quod videlicet Maniacus laborare coeperit dysenteria, hydropo, arthritide, vel tussi, juxta illud Hippocratis *in libro de diebus judicatoribus num. 10.: Insaniam aliquando curatam, subito dolore ad pedes, aut ad pectus, aut per tussim vehementem.*

10 Post hæc adnotata, ut ad nostrum redeamus institutum, si aliquando contingat, proponi in sacrorum rituum Congregatione tamquam excedentem vires naturæ sanationem alicujus mania laborantis, intercessione alicujus Servi Dei, vel Beati a Deo factam, necessarium esse videtur primò, ut mania suis comitata requisitis furoris, & ceteris supra relatis plane probetur. Secundò, ut consimilibus probationibus demonstretur, eam fuisse non recentem, sed inveteratam; præter enim supra exposita, si mania sit recens, inter magnos morbos pro miraculo constituendo necessarios non est recensenda: quare apud Amatam Lusitanum *centur. 2. observ. 57. pag. 280.* exemplum prostat pueri per viginti quinque dies maniaci, qui brevissimo quinque dierum spatio a mania vindicatus est; & Fab. Hildanus *centur. 3. observ. 13. pag. 301.* proponit historiam juvenis, quem ipse post solos quindecim manie dies phlebotomia, purgationibus, & scarificatis cucurbitulis citissime reddidit sanitati. Tertiò, stricte indagandum est, an sanatio contigerit momento temporis. Quare, an fuerit perfecta, & signanter an hebetudo quædam remanserit, seu ingenii stupiditas; signa etenim hæc erunt liberationis non plane absolutæ & perfectæ: animales quippe spiritus, qui per furorem in confusionem vehementer acti, & ab antiquis sani judicii tramitibus omnino devii fuerant, atque absurdarum idearum altæ imagines in cerebro imprefferant, non possunt dici ad suum ordinem redacti, nec, quæ insculpta fuerant, vestigia

stigia prorsus deleta dici queunt, si hebetudo, aut ingenii stupiditas remanserint. Quintò, nullo modo omitti potest indago temporis, quo subita sanatio contigit; si etenim accidisset diebus canicularibus, solstitiis, vel æquinoctiis, Medici facile suspicantur, sanationem naturalem fuisse. Sextò, querendum est de tempore, quo perfecta sanatio duravit; cum enim versemur in morbo revertente, longum tempus expectandum est, ut tutum de perfecta sanatione ferri possit iudicium. Huc referri debent, quæ alibi dicta sunt de morbo comitiali, sive epileptico, de quo, utpote revertente, probavimus, multum temporis expectandum esse post paroxysmum, a quo æger convaluit, antequam tuto dici possit, eum fuisse a morbo liberatum. Quocirca Joannes Maria Lancisius in suo suffragio pro veritate edito in causa Canonizationis S. Turribii Archiepiscopi Limani super subita liberatione Maniaci, postquam demonstravit, maniam fuisse inveteratam, & cessasse momento temporis, statim ac Reliquia Beati fuit ejus corpori applicata, ita scripsit: *Sed, quod præ omnibus in animum meum miraculi vim ingerit, illud est, quod sanatus, post tres aut quatuor dies ab accepta pristina valetudine, populi conventum adire, & Supplicationem in aliena domo videre potuerit, indeque nullas mentis suæ turbas experiri. Profecto quoniam mania confirmata, cujus generis hæc erat, id præcipuum habere solet, ut remittat quidem, vel etiam intermittat, sed postea antiqua atrocitate recurrat, perspicuum in casu nostro miraculose sanationis argumentum dedit juvenis, cum ab anno 1680. in quo sanatus fuit, usque ad annum 1689. cum producti sunt testes, nempe novem annorum decursu non tantum nihil de restituta menti suæ perspicuitate ac prudentia amisit, sed multum novarum cognitionum ex continuatis studiis acquisivit.*

11 Et, quia iudicium hoc absque Medicorum consilio in sacra Congregatione non absolvitur, Medici ad consilium acciti diligenter investigare debebunt qualitatem morbi & symptomata, an medicamenta fuerint adhibita, an, si fuerint adhibita, profuerint, an aliqua crisis intercesserit, uno verbo, an ulla causa naturalis adfuerit, ad quam sanatio referri possit. Quod si de mania præsertim inveterata constiterit, & de ejus sanatione subita post Servi Dei, aut Beati invocationem; si de perfecta sanatione nulla sit dubitatio; si recidiva, non obstante longo temporis lapsu, abfuerit; si gravia accesserint morbi symptomata; si medicamenta non fuerint adhibita, aut adhibita non profuerint; si nulla demum intercesserit crisis, aut metastasis, fidenter pro miraculo erit pronuntiandum.

12 Apud Medicos mentio habetur hydrophobiæ, hoc est aversionis ab aqua, quæ causam habet a rabie, & quam ut plurimum comitatur gravis & horrenda mania. Dictum est ut plurimum, cum aliquando depravata non sit phantasia Hydrophoborum; veluti observat Codronchus *de rabie* pag. 100. & allegatis Cælio Aureliano, Fonseca, Salio Diverso, Horstio, profequitur Stalpartius in *priori centuria observationum* observo. 100. pag. 433.

13 Morbus

13 Morbus hic, quem ex dictis ut plurimum mania comitatur, invadit eum, qui mordetur a cane rabido, vel ab alio animali in rabiem acto: Galenus *lib. 6. de loc. affect. cap. 5.* ita scribit: *Quomodo enim brutiorum nulli supervenit rabies, cani hac soli accidit. Quidam dictum Galeni ita interpretantur, ut dicere voluerit, ut plurimum rabiem canibus accidere. Mercurialis lib. 1. variarum lectionum cap. 2. docet, nullum rabidum animal præter canem fuisse a Galeno cognitum. At, utcumque sit de sensu Galeni, præter ea, quæ infra dicentur, apud Aristotelem 8. de historia animalium cap. 22. & 24. apud Aurelianium, Avicennam, & Fernelium exempla præstant multorum animalium, quibus sponte, nec a cane mortis rabies supervenit, luporum videlicet, camelorum, porcorum, bo-
vum, vulpium, urforum, pardorum, mustellarum, gallorum gallina-
ceorum. Amatus Lusitanus *centur. 7. curat. 66. fol. 195.* hæc habet de rabi-
da felle: *Mercator Thessalonicensis, aliquæ ejus domestici quatuor masculi, &*
feminae una eodermque die a felle dentibus vengibusque sunt commorsi laniati, qui
similiter brevi inde sequebantur symptomatibus correpti suum obire diem; ibique in
*scholis refertur epizaphium, a Nobis etiam sæpe lectum, in templo S. Mar-
tiz apud Portam Flaminiam, epitaphium, inquam, cujusdam Hispani,*
*qui obiit ob morsum felis rabide:**

HOSTES, DISCE NOVUM MORTIS GENUS: IMPROBA FELIS,

DUM TRANHITUR, DIGITUM MORDET, ET INTEREO.

De recitata sententia Galeni nonnulla legi possunt apud Marcellum Dona-
tum *de medica historia mirabili l. 6. c. 1. pag. 292.* & apud Gasparem a Re-
jes *in jucundar. quæstion. Elys. camp. quæst. 61. num. 6.* sic Galenum expli-
cat: *Unde inferri potest, Galenum tam letis manibus hoc negare non potuisse*
(reliqua videlicet animalia, præter canem, in rabiem agi) nec crederem,
in re adeo vulgari hallucinatum fuisse: quare, illum de frequenti eventu locu-
tum fuisse, existimaverim, dum canem tantum rabie corripi dicit; cum vero
aliorum nullum, de illo, quod rarius accidit: sicque & illum excusabimus, &
vera dixisse interpretabimur.

14 Nec ad morbum inducendum est absolute necessarium extrinse-
cum causæ instrumentum, puta morsus: potest quippe facile ab intrinse-
co oriri, uti patet in illo cane, qui primus fuit rabidus; ille enim certe
non potuit rabidus fieri morsu alterius canis rabidi. Concordant nonnul-
lorum Medicorum, ceteris licet contradicentibus, assertiones, in huma-
nis videlicet corporibus tales produci posse humores, qui ad rabidi canis
venenum maxime accedant, quique, nullo extrinsecus accedente conta-
gio, homines in hydrophobiam impellant. Salus Diverfus *cap. 19. fol. 328.*
de affect. particul. Gaspar a Rejes quæst. 61. num. 20. & 21. scribit, ex æ-
ris infectione rabiem excitari posse, & ab interna maligna aliqua affectio-
ne sine externo animalium morsu, aut æris vicio: quod argumentum la-
te prosequitur Joannes Melchior Verdrics in dissertat. de veneno canis, &
animalium rabidorum §. 5. & seqq.

15 Ira vehementis, & calor æstivus pro causis antecedentibus, quinquiesmo sæpe conjunctis hydrophobiæ haberi solent. Hinc facile canes in rabiem aguntur mense Augusti, cum Sol urget, & animalia sunt maxime venenosa ex ira, ut videmus in scorpionibus, in araneis, in viperis, quæ, nisi ad iram excitentur, morsus venenatos non edunt; & pluribus iisque egregiis experimentis Franciscus Redi ostendit, viperæ venenum nullum esse, nisi hæc ira subita commoveatur: & quemadmodum vehemens furor talem in hominibus corruptionem sanguinis inducit, ut febres malignæ, phrenitides, acuti chronicique morbi exortiantur, sic etiam aliquando ita ira salivam, & reliqua potest inficere fluida, ut ex istorum communicatione fiat id, quod evenit in contagio, in lue gallica, in scabie.

16 Bruta in rabiem acta, sunt hydrophoba. Michael de Hecedia tractat. varior. medicinal. lib. 1. fol. 1. Vidi jam canem rabientem, quem vulgus, ut solet, fistibus & lapidibus persequatur: fugiens vero populum persequentem rivulo factus obtinuit sic aquam pertinuit, ut retro conversus maluit experiri furorem populi in ipsum sequentis, quam aquam rivuli pertransire, & homines morsu tum a cane, tum ab alio animali rabido ab aquis summopere abhorrent. In nosocomio S. Mariæ de Morte Bononiæ non multis abhinc annis mulier ab alia muliere irata demorsa, rusticus ab asino rabido in brachio dextero laceratus, femina a mure similiter rabido in digito percussa aquam adeo averfabantur, ut horrendos in ejus conspectu ederent ejulatus. Arabum Schola addit, in rabidorum urinis catulos, aut aliquid illis simile apparere: itaque ait B. Petrus Damiani lib. 1. epistoliarum ad Pontifices epist. 15. Et hoc experimento dignoscitur, quia, si rabidus canis hominem forte momorderit, tanta vi rabies ejus in viscera procius humana transfunditur, ut mox ipso urina conceptaculo catuli generentur.

17 Unde autem proveniat hæc ab aqua averfio, non ita facile explicari potest. Nonnulli id referunt ad corruptum ex morsu, & transuso veneno mentis judicium: diuturna quippe & continuata de læsione & morsu cogitatione tales imprimi dicunt imaginationes ac phantasmata cerebro, ut assidue ægri se putent mutatos in canes, mordere & latrare getiant, canumque imaginationes ut plurimum mentem subeant, cum vident aquam, in qua sibi persuadent canes latere. Marcellus Dopatus de medica historia mirabili lib. 6. cap. 1. pag. 213. hæc habet: Probabilior nobis alia videtur ratio, quæ communiter assignatur, quod scilicet, cum rabidi effecti homines operationes intellectus corruptas habeant, fiat, ut ex longa circa canes cogitatione imprimantur in eorum imaginatione formæ & idola canum, ita ut assidue forme præ oculis canes habere sibi videantur, quinimo & se ipsos canes effectos putent, tuncque potissimum, cum aquam tamquam speculum splendidum imaginem reddens intuentur, imaginantur in ea canes inesse. Id ipsum prosequitur Gaspar a Reyes quasi 62. num. 11, ex quo etiam infert, Hydrophobos, (uti supra dictum est) quodam genere manie laborare præsertim

sertim circa aquæ metum. Rases, Avicenna, & ceteri Arabes, quos tamen reprobat Codronchus *de rabie* pag. 220. tubulos quosdam contici iusserunt, quibus ægris, ne aquæ terrentur aspectu, potus exhiberetur. Petrus Salius Diversus prædictam non admittit opinionem; testatur enim, se ægros sæpius interrogasse, an canes viderent, eosque respondisse, se nihil videre: quocirca aliam adducit causam docens, aquæ & liquorum usu rabidum illud virus ita excitari, & veluti ebullire ad instar aquæ calci affuse, ut vehementius multo agitarum atrocius & crudelius partes interiores aggrediatur atque commoveat. Marcellus Donatus *hæc cit.* pag. 295. ait, catulos in urina rabidorum non videri a ceteris, sed ab eo solo, qui rabidus est, ob depravatam imaginationem; & sequitur Gaspar a Rejes *cit. quest.* 62. num. 6. ubi notat, B. Petrum Damiani vixisse tempore, quo Saracenorum secta in medicina maximopere vigeat, a qua catulorum in rabidorum urina fabula primo dimanavit, & eum retulisse quæ audiverat, non quæ viderat.

18. Utcumque sit de his, triplex est hydrophobiæ gradus, incipiens unus, progrediens alter, extremus tertius. Primus vix habet signa, nisi consideremus noctes præter usum infomnes, vagas quasdam æstuationes, & sitim sine manifesta causa. Alter gradus circa quadragesimum diem sollet manifestari, licet aliquando virus per plures annos lateat, & tandem furor superveniat, teste Brasaulo *lib. 2. aphorism. comment.* 23. & signa ejus esse solent inquietudo quædam ad omnia, impetus ad iram quocumque tempore, oculorum scintillatio, palpebrarum convulsio, & levis quædam averlatio fluidorum, multa tamen premente siti. Quæ omnia si augmentum fumant, si accedant ejulatus, impetus & furor in obvis & in se ipsum, spuma ad os, oculorum torritas, omnimoda aquæ & fluidorum formidatio, morbus jam est perductus ad extremum gradum. Primus & secundus gradus curationem admittunt, secus autem tertius, uti testatur Rudius *de morbis oculis fol.* 132. cap. 13. Lomnius *observ. lib. 2. fol.* 63. Fonseca *consult. medic.* 25. fol. 90. his verbis: Illud affirmare licet, nullum, ubi ad illum statum devenerit, sanari posse, nec sanatum fuisse; & alii, quos sequitur citatus Stalpartius *observat. centur. prioræ, observ.* 100. pag. 419. & sequentibus ubi assertit illud etiam Ovidii libro 1. de Ponto in epistola 3. ad Rufinum.

Tollere nodosam nescis medicina podagram;

Nec formidatis auxiliatur aquis.

Id explicat Verdries *loc. supra cit.* §. 38. ubi hæc habet: Si hydrophobia cum gravioribus symptomatibus, spasmis, convulsionibus, singultu, syncope, cum sudore frigido accedat, nulla sere recumvalescendi spes sperest &c. Non desunt quidem exempla hydrophobia quoque curata apud celebriores Practicos, & ipsum quoque Dioscoridem: rariores tamen sunt ejusmodi observationes, æque malum in illis casibus nondum alias radices egit, neque horror a liquidis ales magnus fuit, ut, nanctasse magis, quam horuisse aquam egros, credibile sit.

19 Nos, quod Medici est, de medicaminibus non loquimur, quæ in rabiem actis, & constitutis in primo & secundo gradu applicari solent, de quibus Lævinus Lemnius *de miraculis oculis naturalibus*, 3. cap. 5. Aliqua dumtaxat ex medicina desumimus, quæ putamus facere posse ad rem, de qua nunc agimus, hoc est pro tuto iudicio ferendo, cum sanationes a morbo tanquam miracula proponuntur. Addere ergo operæ pretium esse censemus, nonnullas ab hoc morbo sanationes dari, quæ tales re vera non sunt, cum morbus idem post aliquod tempus redeat. Abel Roscius Medicus narratiunculam misit Hildano per litteras, quas recensuit *obseruat. 86. centur. 1. fol. 65.* Narrat ergo Abel, anno 1581. matronam quamdam sibi affinem a cane rabido ex improviso impetitam in sinistro brachio morfam fuisse, & doctissimos Medicos advocatos exquisita remedia applicuisse, quæ ipse recenset, elapsisque paucis diebus, salvam & incolumem, ut videbatur, evasisse, nulla in brachio noxa, ne cicatrice quidem fere relicta, nulloque in corpore, ut apparebat, remanente veneno. Addit, post septimum annum symptomata multo seviore recruidisse; perensit etenim in brachio alias læso dolorem acerbissimum. Supervenerunt furor, mentis alienatio, moeror, tristitia, sitis inexplebilis, febris, maxima virium dejectio, ciborum odium; sed nunquam tamen a potu abhorruit, nec liquida rejecit, quæ sitim extinguere possent. Morti proxima iudicata est; sed, adhibitis medicaminibus, intra paucos dies sanari visa est, & sæva accidentia paulatim cessarunt. Post annos septem ab hac invasione, & decimo quarto a canis morfu, semina gravissimis morbis, principio ducto a sinistro illo brachio, tentari coepit. Curata fuit, & sana mansit per annos sex: sed anno vigesimo a vulnere accepto symptomata redierunt, & subsequenter annis frequentioribus, sed brevioribus paroxysmis tentata fuit, & in omnibus fere temporum mutationibus sibi brachium vellicari perensit. Idemque Abel Roscius *in epistola* testatur, eam adhuc vivere, licet timeret cito morituram. Eiusdem historię meminit Gaspar a Rejes *quest. 61. num. 34.*

20 His præmissis, si aliqua a rabie & hydrophobia sanatio tanquam miraculum proponitur, multa videntur esse adnotanda. Primum est, si morbus contractus dicatur a morfu canis, aut aliis animalis rabidi, probandum esse, canem aut animal rabidum re vera fuisse, & hydrophobum; signa autem canis rabidi sunt cauda promissa, oculi rubri & torvi, spuma ad os, lingua exerta & nigricans, labia pendula, os dehiscens, cursus inordinatus, morfus obviorem, pili hirti, & demissus quidam tremulusque latratu, fuga a domo, aversio ab aqua. Secundum est, ut morfus probetur; qui probari poterit aut per vulnus in parte corporis morfa, aut per cicatricem adhuc extantem. Tertium est, ut in homine morfo doceatur de signis morbi contracti, de illis videlicet, quæ supra exposita sunt, dum loquebamur de gradibus morbi. Communia hæc sunt primo, secundo, & tertio gradui hydrophobiæ. Quod si questio sit de liberatione

beratione a morbo primi gradus, vis miraculi in eo tantum constitui poterit, ut morbus, qui naturaliter progredi debebat ad secundum, & deinde ad tertium gradum, cessaverit. Opus ergo erit, ut subito cessaverit, nullis adhibitis medicamentis, sine crisi & metastasi; & cessaverit, invocato Dei Servo, vel Beato; & ejusmodi tempus elapsum sit, ut judicio Medicorum de perfecta sanatione, & recidivæ exclusione tutum ferri possit judicium. Si vero quæstio sit de liberatione a morbo secundi gradus, quam Postulatores contendunt esse miraculo adscribendam, vis miraculi erit constituenda non modo in non progressu morbi a secundo ad tertium gradum, sed etiam in liberatione ab ipso morbo secundi gradus. Morbus enim secundi gradus gravis est, non levis, quemadmodum est idem morbus in primo gradu constitutus. Probandum ergo erit, morbum hunc secundi gradus cessasse momento temporis, invocato Dei Servo, aut Beato; nullum medicamentum fuisse propinatum, vel propinatum ineptum fuisse aut inutile; nullam contigisse crîsim naturalem, per urinam potissimum & sudorem; nec morbum rediisse post elapsum tempus judicio Medicorum sufficiens. Quod si quæstio sit de liberatione a prædicto morbo tertii gradus, supervacanea erit quæcumque indago medicamentorum, aut crisis, necnon cessationis momentariæ; & satis erit, cessationem, invocato Dei Servo, aut Beato contigisse. Quid autem advertendum erit in iis, qui jam liberati a morbo tertii gradus dicuntur? Eritne expectandum aliquod tempus post liberationem, ut tuto de miraculo judicari possit? Profecto crederem, aliquod tempus esse expectandum: si enim morbus recrudesceret post receptam sanitatem, id argumento esset, morbum non fuisse tertii gradus; cum scribat Galenus *lib. 6. de loc. aff. cap. 5. & 1. Coac. prænot. 2. text. 17.* ægros raro quarto die superesse, metiendo tempus ab eo momento, quo aquæ timor manifestari incepit. Dictum est superius, posse morbum huic contrahi etiam sine externo causæ instrumento, & posse in humanis corporibus tales produci humores, qui ad rabidi canis venenum proxime accedant. Si autem sanationes ab hoc morbo tanquam miracula proponantur, non erit inquirendum de rabie canis, aut alterius animalis, nec de morfu, aut cicatrice, sed de ceteris tantum omnibus inquirendum erit, de quibus supra.

21 In Rhodiginis paludibus, Divi Bellini templum est miraculorum frequentia celeberrimum. Coelius Rhodiginus *antiquar. lectio. lib. 17. cap. 28.* narrat, morfos a canibus rabidis, si clavem tangant, qua adis sacræ ostium recluditur, perfecte sanari. Matthioli *comment. in cap. 37. libri sexti Dioscoridis* scribit, perpaucos a cane rabido demorfos suo tempore Medicos consuluisse, sed ad Divi Domini, & Divi Bellini templa confugisse, in quibus sanabantur; & similia narrantur de Sancti Huberti sano apud Leodienses; quapropter apud Joannem Molanum *in natalib. Sanctior. Belgii ad diem 25. Martii* refertur elogium Sancti Huberti Antuerpiæ apud Præmonstratenses, in quo inter cetera legitur:

Effera, quæso, procul rabies abigatur in ævum.

Theophilus Rainaudus *oper. tom. 8. eo loco, qui ita est inscriptus*, Tituli cultus Sauctorum specialis, pag. 516. ita scribit: *Quid adversus rabidorum canum morsus conferat Sanctus Hubertus Episcopus Leodiensis, vulgatissimum est, & a Joanne Roberti in opere de illius Sancti rebus late illustratum. Estque notatu dignum, quod Joannes a Chapeavilla scripsit pertexens Acta Episcoporum Leodiensium, Hagiomachorum facile principem Joannem Calvinum, cum filium haberet a rabido cane demorsum, ablegasse eum ad Sanctum Hubertum, ut ejus ope curaretur. Sancta Walpurga & adversus canum rabidorum, & adversus ferocium quorumvis animalium morsus propitiâ se præbet. Agis de ea plane Raderus in Bavaria sancta. Idemque Theophilus *oper. tom. 13. de Stigmatismo sacro & profano cap. 9.* plura habet de applicatione clavis S. Huberti, ad cujus contactum ægri rabidi sanantur: & multa alia habentur apud Patrem Thyrsium Gonzalez olim Præsidem Generale Societatis Jesu *tom. 2. veritatis religionis Catholica cap. 8. & apud Patrem Josephum Prolam ejusdem Societatis Theologum de novendialibus supplicationibus cap. 12.**

C A P U T X V.

*De Divina admirabili sanatione ab Hydrope,
ab Empyemate, & Hernia.*

DE Hydropico divinitus curato loquitur S. Lucas in Euangelio *cap. 14.* Cum enim Jesus ingressus esset in domum cujusdam Principis Phariseorum Sabbato manducare panem, stetit autem cum Hydropicus: *Ipse vero apprehensum sanavit eum.* Schevchzerus in *Physica sacra ad cap. 14. Luca pag. 1435.* ait, ægrum hunc a Christo sanatum laborasse hydrope, quæ dicitur *Ascites*, de qua infra. Ader de morbis Evangelicis enarrat. 10. (*apud Criticos sacros edition. Amstelæd. tom. 6. in fine*) putat, tentata prius fuisse in eo, sed infelici eventu, hydragoga, quæ ad exhauriendas ex ventre aquas vulgo nota fuit & usitata & paratu facilis; additque, quod, si fuissent iudiciæ, aut si putatum esset, ventris punctiorem, quæ *Paracentesis* appellatur, esse protuturam, omiffa nullatenus fuisset; & tandem concludit: *Quis te mirabilia* (loquitur de Christo) *agere denegabis? Quis te Christum non adorabis? Purgasti mundum ab aquis in cataclysmo: exhaustis modo aquas in Hydropico. Quid gratie a nobis? ut aqua tandem, quæ super celos sunt, laudent nomen Domini? At utcumque sit de hydropis a Christo sanati circumstantiis, quæ ab Ader enarrantur, quamvis in aliquibus ægrotis a Christo curatis nulla fiat mentio de gravitate difficultate & longitudine morborum, aliisque conditionibus eorum sanationem impredientibus, omnia hæc tamen habenda pro certis sunt, tutoque asserendum, hydropem, de quo nunc agitur, tale*

lem fuisse, hoc est viribus naturæ insanabilem, ut animadvertit Zacchias *quæst. medico-legal. lib. 4. tit. 1. quæst. 8. num. 66. & plurib. seqq.* In bullis Canonizationum inter miracula multæ recensentur Hydropicorum sanationes, uti colligitur ex bulla Canonizationis S. Wlftani, S. Eadmundi Episcopi, S. Willhelmi Episcopi, S. Claræ de Assisio, S. Ludovici Regis Franciæ; & ex relationibus Rotæ Auditorum editis in nonnullis Canonizationum causis, & signanter in illa S. Caroli Borromæi 3. part. *miracul. 8.* & in illa S. Ignatii *miracul. 5.*

2 Verum, ut juxta morem nonnulla a Medicis defumantur, quæ nostro instituto prodesse possint, tres ab illis referuntur hydropis species. Prima dicitur *Ascites*, cum aqua videlicet est vel in cavitatibus, vel inter peritonæum & musculos: & hæc est præcipua hydropis species; ex quo fit, ut, quando quis absolute hydropicus appellatur, ascite laborare intelligatur, ut ait Sennertus *tom. 3. lib. 3. part. 6. sect. 2. cap. 3. §. Est autem &c. prope finem*. Secunda species dicitur *Tympanites*, in qua aer est pro causa distendente & ampliante membranas; de qua Thomas Willis in suo tractatu *de anima brutorum sect. 2. cap. 4.* hæc habet: *Tumor abdominis fixus & constant, aquabilis, durus, renitens, & a pulsatione sonitum edens, a partium & viscerum membranaceorum inflatione ortus, propter spiritus animales in fibras istas copia nimia adactos, ibidemque succi nervi obstruents vitio a recessu impeditos, cui affectioni consequenter flatuum in locis vacuis aggestio velut complementum accedit.* Addit Riverius in *praxi medica lib. 11. cap. 6. de hydrop. §. Observandum, tympanitem & ascitem aliquando esse conjunctas, cum status videlicet tympanitem efficiens est aquæ permixtus in abdomine*. Tertia species dicitur *Anasarca*, in qua aqua effunditur ad ambitum corporis inter musculorum interstitia, cutem, & glandulas. Rursus hydrops alius est incipiens, alius confirmatus: & aliqui addunt aliam speciem hydropis, primarli videlicet, & per consensum; per consensum nempe, cum hydrops oritur a simplici potatæ aquæ frigidæ copia, aut a sudore critico in abdomen impulsio & ibi stagnante, aut ab aliqua simili levi abalienatione functionis hepaticæ; veluti profequitur Ader *loc. cit.* & demum, si hydrops per universum corpus effundatur, dicitur *universalis aut perfectus*; & si hanc, vel illam tantum detineat partem, *particularis* appellatur sive *imperfectus*; ut animadvertit Alexander Pafcolus alibi a Nobis cum laude commemoratus in *tract. de homine, sive de corpore humano lib. 3. sect. 3. cap. 1. pag. 175.*

3 Ex alibi dictis, cum morbus, ut ejus sanatio inter miracula recenseri possit, debeat esse non levis, sed gravis, non est hic opus habere sermonem de hydropse incipiente; hic enim facile sanari potest, uti profequitur Pafcolus *loc. cit.* *Hydrops principio curatu non perdifficilis*: nec de hydropse per consensum, de quo Ader *loc. cit.* *Qui per consensum hydropes fiunt, aliquando leves de illis non semel Medici triumphant*. Sermo ideo transferendus est ad hydropas primarios, de quibus idem Ader: *At in eo, qui per atoniam, & primarius est, sperare curam, sustinet caltem humeris alter Atlas, qui*
isale

tae onus Aetna gravius sibi imponit: & ad illos hydropas, de quibus Aretæus per ethnicum emphasim loquens ait, ad eos sanandos oportere totum hominem permutare, quod per Jovem neque Diis ipsis facile fuerit.

4. Ascites ergo, non incipiens, sed confirmatus, vel curationem non admittit, vel est curationis difficilis: signa autem ascitis confirmati dicuntur tumor in ventre, tumor in pedibus, & cruribus, sitis intolerabilis, si tussis sicca succedat, si alvus fiat styptica, si urinæ deficient, si accedant diarrhoeæ, maculae erumpant in cruribus, hæmorrhagiæ succedant, crura disrumpantur, & ulcus fiat; tunc enim mors est in limine, uti passim docent Medici apud Lucam Tozzi l. 1. p. 216. Tympanites aliquando curatu facilis, aliquando difficilis est. Curatu facilis dicitur, non solum si sit incipiens, sed etiam si contingat in juvenibus, & corpore raris, neque aliquid sit in visceribus aut læsum, aut obstructum. Curatu difficilis est, si sit conjunctus cum ascite; vel si accedat mictus per stillicidium, ut habet Hippocrates in *Coacis*; vel si multa bilis redundet in corpore Tympanitici, uti prosequitur Riverius *loc. cit.* Tympanites in corpore atrabiliario, aut qui sit ab atra bile multa in corpore redundante, lethalis est, & frustra illi remedia adhibentur; aut demum si tympanites sit cum doloribus hepatis & stomachi: unde Joannes Maria Lancisius in suo suffragio pro veritate exarato super repentina liberatione Sanctimonialis ab inveterata infernorum artuum ad motum impotentia, cum gravibus ventris doloribus, & hydropo tympanite, intercessione tunc Servi Dei, nunc Sancti Joannis Francisci Regis dolores hepatis & stomachi notavit, ut gravitatem passionis tympaniticæ, & difficilem curationem statueret: Rursus non est, cur silentio hic involvamus ingentis momenti circumstantiam, qua certo certius magnitudinem tympaniticæ hujus passionis augebat; hac autem suis gravitas dolorum hepatis & stomachi, quibus Sanctimonialis miserrime torquebatur. Nam ejusmodi cruciatus, cum diu abdominis viscera affligerint, fibras nervosas ventriculi & intestinorum, necnon ligamenta hepatis eousque distendunt, & acerbis effervisque spiritibus implent, ut circumpositas peritonei ac musculorum abdominis peripherias extrudant atque attollant. Quo sane factum est, ut Medicorum omnium Præceptor Hippocrates longo artis usu ex doloribus imi ventris hydropem siccum, hoc est tympanitem, prædixit 4. aphor. 11. Verba sunt: Quibus adsumt tormina, & circa umbilicum labores, & lumborum dolor, qui neque a medicamento, neque aliter solvitur (ut nostra in Maniali) hydrops siccus contrahitur: qui, cum a Medicis rarissime curatus suis in ephemericidibus referatur, merito plerumque pro insanabili traducitur. Anasarca demum curatu facilis est beneficio naturæ criticæ; & curatu difficilis est, si agatur de sene, de obstructo, & si conjuncta sit febris & virium summa dejectio. De anasarca ita loquitur Sennertus lib. 3. pars. 6. sect. 2. cap. 5. tom. 2. Anasarca inter omnes species hydrops minimus periculosus est: etsi enim vitium cum pluribus partibus communicetur, tamen minus habet hoc periculi; nam humor pituitosus, quo universa corporis moles abundat, initium aliquod coctionis suscepit, propiusque ad sanguinis naturam accedit, quam serosus & aquosus humor in ascite &c. Si leucoplegmatia, (quod

(quod est idem ac dicere anasarca), *detento fortior diarrhoea supervenit, morbum solvit 7. aphor. 29.* Oportet autem criticam esse evacuationem, & qua morbo incipiente, fiat, viribusque adhuc integris, & ut copia excreti humoris morbo non impar sit. Si vero, aegro debili, & viribus insigniter afflicto, profusum alvi sequatur, & cetera desint, non morbum diarrhoea tollit, sed agrum. Et Hippocrates pronuntiavit, lethalem esse hydropem, si morbo acuto superveniat: *Hydrops acuto superveniens, lethalis.* Et si recidiva post sanationem superveniat: *Hydropici, qui remediis convalescerunt, si reciderint, desperati.*

5 Multae referuntur historiae curationum hydropis, etiam inveterati, de quibus Marcellus Donatus *de medic. historia mirabili lib. 4. cap. 21.* Et si itaque inveterati hydropes difficiles curatu sint, longaque artis ope, ac auxiliorum usu opus sit, tamen aliquando curatos legimus. Exempla apud eum legi possunt, qui & alia congerit exempla Hydropicorum, ope tantum naturae sanatorum: Sed quid multis medica ope ab hydropse liberatos recensere, cum etiam & sponte natura nonnulli fuerint sanati? Schenckius in *observat. medicin. lib. 3. de hydropse* narrat, quosdam Hydropicos humidorum usu a Medicis interdicto sibi temperantes restitutos; quemdam ex vomitu in mare ab hydropse curatum; alium hydropicum sudore spontaneo exoneratum; mulierem, licet sexennium asciticam, cum in lapidem impegisset, & ventrem vulnerasset, liberatam; alios ascite laborantes, perforato vi naturae umbilico, & foras probeunte aqua, pristinae sanitati restitutos. Quapropter, cum sanationes Hydropicorum proponuntur, ut inter miracula recenseantur, necessarium esse videtur primo, ut iudicio Medicorum statuatur an morbus, cujus sanatio proponitur, fuerit hydrops (ut enim scribit Thomas Sydenham in *tract. de hydropse pag. 65.* Sunt & alia duae species tumorum abdominis hydropem mentientes, feminis utraque familiares. Prima est carni in partibus intra abdomen excrescentia praeternaturalis, qua ventrem in molem haud minus conspicuum attollit, quam solet inclusa aqua. Altera species flatibus ortum debet, qui non tumorem tantum, sed & alia ingravitationis signa pariunt) & ut declaretur species hydropis; secundo, ut videatur, an hydrops sit incipiens; tertio, an adfuerint symptomata morbi gravitatem indicantia; quarto, an fuerint adhibita medicamenta; quinto, an aliqua crisis intercesserit; ultimo, an subito cessaverit morbus, sublata fuerit intumescencia corporis, sanitasque repentina accesserit cum restitutione virium; & si species hydropis fuerit ascites, vel tympanites, hydrops sit inveteratus, signa non desint gravitatis morbi, medicamenta non fuerint adhibita, vel si fuerint adhibita, nullum attulerint praesidium, utpote inepta, & nullatenus respondentia causae morbi, crisis absuerit, & perfecta sanitas, uti supra expositum est, invocato Dei Servo, aut Beato, contigerit, notum erit de miraculo dubitandum; quemadmodum concludit etiam Matthaeus in *pract. Theologo-Canon. ad caus. Beatificat. & Canonizat. tit. 3. cap. 3. §. 7.*

6 Supra dictum est, hydropem, si per univertsum corpus effundatur, dici *universalem* aut *perfectum*; *particularem* vero seu *imperfectum* appellari, si hanc

si hanc vel illam tantum detineat corporis partem . Porro , si caput solum hydrope intumescat, morbus a Medicis *hydrocephalus* nuncupatur, & a quibusdam non immerito *hydrops capitis* dicitur, ut apud Munnicks in *chirurgia lib. 1. cap. 13. num. 2.* & ille quidem infantibus & puerulis familiaris est, ita ut aliquando ipsis capita ulque ad monstruosam magnitudinem auferant; uti habetur apud Marcum Aurelium Severinum de *recond. abscess. natura lib. 4. cap. 9. §. 1.* & apud Mercurialem *lib. 1. de morbis puerorum cap. 4.*

7 Juxta diversitatem materię, ex qua generatur, duplex est species hydrocephali: alter aquosus dicitur, quod ab aquoso humore originem ducit; alter ventosus appellatur, quia ex ventositate gignitur: primus omnino lethalis est; secundus periculo vacat.

8 Medici porro pergunt, scrutando locos, in quibus aqua hydrocephalum aquosum gignens colligi solet: aliquando enim materia colligitur inter capitis cutem & pericranium, membranam nempe cranium convellentem, aliquando inter pericranium & cranium, aliquando inter cranium & meninges, membranas scilicet cerebrum cooperientes, dura, ac pia matris nomine appellatas, aliquando inter meninges & cerebrum.

9 Si materia est collecta inter capitis cutem & pericranium, vel inter pericranium & cranium, morbus aliquando facile curatur. Si vero materia collecta est inter cranium & meninges, morbus dicitur insanabilis: itaque Paulus de *morbis puerorum cap. 14.* ait: *Hic igitur* (nempe qui habent aquam intra cranium) *ceu desperata salutis, non est manus admovenda;* & subscribunt Paræus (in *thesauro chirurgia lib. 7. cap. 1. de tumoribus*): *Ex tumore & humore intus sub cranio contento neminem convalescere vidi;* Omnibonus Ferrarius de *arte medendi infantes lib. 3. cap. 12.* Indicatio istius curatiois superat humani ingenii vires, & potestatem hominis; Schenckius *observat. medic. lib. 1. (de monstruoso capite, quest. 1. de hydrocephalo)*: *Nos infantes fere omnes hydrocephalo laborantes mortuos vidimus, præsertim quibus intra cranium communicata est aqua;* & Arantius *lib. de tumoribus cap. 1.* Eorum, qui ab interna causa hydrocephalo corripuntur, & præcipue alius latitante malo, neminem evasisse vidi. Demum, si materia collecta est inter meninges & cerebrum, citissime jugulat, sævissima symptomata excitando, nec ullam curationem admittit, ita ut nec ulla ab Auctoribus regula tradatur eam curandi. Hæc autem innuisse satis sit: si etenim liberatio ab hydrocephalo proponatur tanquam recensenda inter miracula, poterunt Consultores Congregationis sacrorum rituum, prolato a Medicis judicio de qualitate hydrocephali, statim dignoscere, num morbus fuerit gravis, an levis, num facilis, an difficilis curationis; ponderatque supra allatis conditionibus, tutum judicium ferre, utrum ea sit, necne, recensenda inter miracula.

10 Actum fuit de sanatione ab hydrocephalo in causa Canonizationis S. Laurentii Justiniani. Zacchias vocatus ad judicium ferendum super sanatione ab hydrocephalo conjuncto cum epilepsia, an esset miraculo tribuenda, necne, sensit pro miraculo, ut ex ejus *consil. 1. post questiones medi-*
co-le-

eo-legales colligi potest. In eo *consilio*, postquam præmisit ea omnia, quæ a Nobis supra dicta sunt, & quæ ab eo desumpsimus, de natura, qualitate, & speciebus hydrocephali, ait, hydrocephalum, de quo tunc agebatur, fuisse internum, & tertiæ speciei ob collectam materiem inter cranium & meninges, & sic fuisse morbum gravissimum & insanabilem: sed, cum in ea sanatione, de qua tractabatur, invocata ope B. Laurentii Justiniani, tumor extrinsecus apparuisset, excitata est difficultas, an sanitas fuisset per crism recuperata, per motum nempe naturæ propellentis materiem morbosam ab interioribus ad exteriora. Scribit enim Hippocrates *lib. 6. aphor. 25.* motum humorum ab interioribus ad exteriora semper bonum esse, contrarium autem malum; & juxta sensum ipsius Zacchiæ alibi a Nobis relatam, cum intercedit crisis, sanatio potius naturæ viribus, quam miraculo est adscribenda.

11 Ut Zacchias huic satisfaciatur difficultati, ait, expulsionem fieri posse vel viribus naturæ expellentis noxia, vel vi & malitia morbi naturam stimulantis & cogentis ad motum, puta, si adsit magna copia materiæ morbidiæ, quæ tota in interioribus contineri non potest, & ob id ad exteriora redundat; & in primo casu voluit, sanationem naturali crisi esse adscribendam, secus autem in secundo: utque ostenderet, rem non in primo, sed in secundo casu versari, observavit, ex motu materiæ ad exteriora morbum invaluisse, & symptomata aucta fuisse, quod non accidisset, si motus a natura fuisset; tunc quippe subsecuta esset allevatio morbi, & symptomatum ab eo emanantium: & tandem conclusit, aut morbum non fuisse criticum, aut crism non fuisse bonam & ad salutem, sed malam & ad perniciem. Delata causa super miraculis B. Laurentii Justiniani ad sacrorum rituum Congregationem, Prosper Bottinius Archiepiscopus Myrensis tunc Fidei Promotor in examine prædicti miraculi quædam notavit adversus facti probationes; & ad judicium Medici jussu sacræ Congregationis pro veritate scribentis examen remisit difficultatis excitatæ, & responsionis a Zacchia datæ. Medicus electus erat Romulus Spetiolius Archiater summi Pontificis Alexandri VIII. sed, cum hic in suo suffragio de duobus aliis miraculis propositis favorabile judicium rulerit, & silentio præterierit illud liberationis ab hydrocephalo, licet juncto cum epilepsia, sacra Congregatio alia duo miracula ab eo approbata approbavit, uti desumitur ex Decreto edito die 27. Junii 1690. & prudenter abstinuit ab approbatione ejus, in quo de sanatione hydrocephali agebatur, vel quod deficerent idoneæ probationes, vel quod res tota crisi naturali tribui posset: per quæ confirmantur, quæ in superioribus dicta sunt de necessitate exclusionis crisis naturalis, ut liberatio tum in hoc, tum in ceteris morbis, quamvis repentina, sit inter miracula recensenda. Apud Ingrassiam de tumoribus præter naturam extat exemplum mirandæ liberationis ab hydrocephalo intercessione Sancti Vincentii: *Non temere inter infantium morbos Avicenna hydrocephalum computavit. Cum talis tantæque capitis inflatio, ut sutura dispa-*

reant in pueris, ob ossium teneritatem mollitiemque contingere queat. Atque ego vel in me ipso huiusmodi tumorem prope quartum ætatis meæ annum expertus sum. A quo statim evidentissimo Redemptoris nostri miraculo, desperantibus Medicis, liberatus sum. Intercedentibus interim Divi Vincentii precibus, cui mater mea collacrymans vovens, expeditaque Missa, domum reversa me incolumem reperit. Cujus quidem casus (ita Deus optimus maximus perpetuo me adjuvet) ac si heri aut nudius tertius successerit, certissimam habeo memoriam.

12. Frequenter accidit, ut in morbis diuturnis, antequam æger decedat, humores concreti viscera infarciant, ac retardato fluidorum motu, serum ubique fundatur; quod si in pulmones confluat, ibique stagnet, aut in capacitatem thoracis effusum adeo cumuletur, ut laborem inducat spirandi, & pulsum perturbet, morbus hic a Medicis appellatur *hydrops pectoris*, aut juxta Hippocratem *hydrops pulmonum*. Febris lenta ægrum invadit, qui etiam acriter tussit, quamvis nihil plerumque excernat, cum labore respirat, inexplabili siti torquetur, & manus & pedes tumescunt, & minuantur urinæ, uti observat Hippocrates lib. 2. de morbis num. 59. Pascolus in citato tractatu de homine, sive de corpore humano lib. 3. sect. 3. cap. 1. edoctus diutina sectione cadaverum observat, enarrata symptomata passim fieri ob vesiculas pellucidas lymphæ plurimæ ex pulmonibus intumescentes, quæ *hydatides* nuncupantur, & hunc hydropem pronuntiat insanabilem. Marcellus Donatus de medica historia mirabili lib. 3. cap. 11. ait, pulmonis hydropem raro a Medicis visum, a se tamen binos hoc hydropem laborantes tractatos fuisse, in quorum thoracis cavitate, dum se hinc atque inde movebant, aqua commota sonitum edebat, qualem in utre agitato fieri quotidie observamus. Hujus descriptio hydropis pulmonis, ejusque plena curatio habetur apud Petrum Salium cap. 5. pag. 242. plurimæque hujus morbi historiæ prostant apud Schenckium in observ. medic. lib. 2. de pulmonibus tit. de hydropis pectoris, & pulmonis. Sennertus tom. 3. lib. 2. part. 2. cap. 20. agens de prognostico hujus morbi sic scribit: *Malum est curari difficile, & raro sanatur; ut hydrops ex caloris nativi viscerumque debilitate provenit, ita & hic ex eadem causa ortum habet. Et licet quandoque morbus sponte solvi videtur, erumpente ad alvum aqua, tamen paulo post malum, & quidem gravius, recrudescit, & incrementum paulatim sumit, tandemque in hydropem vertitur, ægerque suffocatur.*

13. Nihil est ad rem nostram notatu dignum in hydropis pectoris, seu pulmonum, cum quoad illum, si ejus sanatio proponatur miraculo adscribenda, omnia sint advertenda, quæ superius proposuimus, dum agebatur de sanatione ab hydrocephalo, aut ceteris speciebus hydropis. Mattea de Canonizat. Sanctor. part. 3. cap. 18. num. 317. ait, hydropem pectoris ab empyemate non differre. Si autem Medicorum libros consulamus, empyema nihil aliud est, quam pectoris angustia, sive spirandi labor a pure in cavo thoracis effuso, ibique collecto, atque stagnante manans. Non semel enim evenit, ut humor peccans, qui, in tubulis stagnando, aut pleuriticidem

aut

aut peripneumoniam fecerat, in pus conversus abscēssum subinde faciat, quo disrupto, si sanies profluat in cavum thoracis, ibique congeratur atque infideat, aegritudo oritur, quæ proprie *empyema* nuncupatur, quæ aegritudo affinis est aegritudini hydropis pectoris: quemadmodum enim in hydropse pectoris aqua, & serosi humores in cavitate thoracis colliguuntur, ita in empyemate pus colligitur in eadem thoracis cavitate, uti optime animadvertit Sennertus tom. 3. lib. 2. part. 2. cap. 20.

14. Medici post pectoris hydropem agunt de empyemate, & Nos eorum vestigiis inhærentes aliqua hic subijcimus de empyemate. Guillelmus Ballonius in medic. observat. pag. 357. plures refert empyematicos curatos convalesse. Empyema aut totam thoracis cavitatem, aut partem occupare potest: quare Hippocrates 2. prognost. tom. 31. docet, si *empyema* in altera tantum parte *aëstas*, *has convertere*, ac *discere sporere*, *doleant ne in altero latere*, & *an alterum altero calidius sit*, atque *cubantem supra sanum latus interrogare*, an *videatur sibi onus aliquod desuper suspendi*: si enim ita est, in quodcumque latus pondus sit, in altero suppuratio existit; quemadmodum si utrinque calor & pondus sentiatur, in tota thoracis cavitate pus continetur. Et Sennertus loc. cit. cap. 19. docet, malum periculosius esse, si pus totam cavitatem thoracis occupet, quam si in altero solum latere contineatur; & empyema, quod unum occupat latus, esse periculosius, si sinistrum latus occupet, quam si dextrum, quia sinister cordis ventriculus ut nobilior & pure tum magis afficitur. At, ut dignoscatur qualitas morbi, ejusque gradus, quod maxime prodest suffragium laturis in causis Beatificationis, & Canonizationis Servorum Dei, vel Beatorum, cum questio est de liberatione ab empyemate, utrum sit naturæ, an miraculo adscribenda, advertere oportet perspicuam citati Hippocratis doctrinam 2. prognost. 63. sic loquentis: *Suppuratorum hi potissimum supersunt, quos febris eadem die dimiserit postruptionem, ac cibum citius appetunt, & siti liberati sunt, & venter exigua ac consistens dejicit, & pus album, leve, consolorque est, & vacans pueris absque labore a valida viâ expurgatum*. Itaque optime quidem sic, ac celerrime indicantur, si minus, quibus ad hæc principia accedunt. Moriantur vero hi, quos febris non deseruerit, aut, cum videretur deserere, demum recalcenscens immoescit, & sitis, nec cibum appetunt, alvus tumida est, pus viride lividumque spumans, vel pueris *spumansque*. Ut Medici Empyematicos memoratis ab Hippocrate signis vicinæ mortis affectos a morte liberent, atque pus educant, paracentesi utantur. Bonetus ex Hippocrate in Mercur. campital. lib. 5. pag. 164. num. 21. monet, hæc curationem futuram multis utilissimam, si tempestive administretur; sed nunc paucis, aut vix ullis esse auxilio, aut quia non fit, aut quia fit multo tardius, quam oporteret. Pascolus in citato tractatu de homine tom. 2. lib. 2. sect. 3. cap. 2. pag. 234. testatur, se bis in nosocomio Sancti Jacobi Incurabilium Urbis Empyematicos extrema macie prope confectos, paracentesi ab inclito Professore Victorio Masini felicissime peracta, curatos vidisse. Sed, ut hæc curatio feliciter adhibeatur, opus

est, ut adhibeatur in ægroto fractas vires non habente; ne optimum præfidium, ægro mortuo, diffametur, cui permittendum, ut incruente decedat, ne videatur occisus, veluti ad rem adnotavit Scultetus *Arm. chirurgic. tabul. 37. pag. 131. num. 3.*

15 Dum munere fungebar Fidei Promotoris, in causa Beatificationis tunc Servæ Dei, nunc Beatæ Hyacinthæ de Marescottis de hac empyematibus materia actum est. Virgo quædam ad tabem sponte sua inclinans, ac temperamenti melancholici, cum annum ageret trigessimum tertium, toto corpore supra lapideum gradum corruit, & pectus contudit, unde per quindecim dies magno pectoris dolore affecta est; cumque deinde ex pedestri itinere plurimum incaluisse, & aqua frigida tum faciem, tum pectus lavisset, paulo post conqueri coepit de dolore dexteri in pectore lateris, & continua febris eam corripuit cum catarrho. Symptomata hæc clare demonstrarunt, eam fuisse correptam pleuritide, inflammatione videlicet pleuræ, quæ est membranæ costas subcingentis. Juxta Hippocratem 5. aphor. 8. quotiescumque pleuritides quatuordecim diebus non repurgantur, prout in hypothefi contigit, ad suppurationem, hoc est ad pulmonum abscessum, atque ad empyema vertuntur. Aëgra, nisi in dextero latere, non poterat decumbere; & quoties in sinistram se componere volebat, purulenta materies suffocationem minabatur. Sputa erant graveolentia, cinerea, ac viridia; & febris nunquam intermittebat. In morbi initio prætermiffa est sanguinis missio, quam omnes Practici laudant in pleuritide, inducta præsertim a violenta corporis exercitatione, & contactu aquæ frigidæ quemadmodum legitur apud Forestum lib. 16. observat. 28. pag. 155. Conversa pleuritide in abscessum pulmonum, hoc est in empyema, exhibita quidem fuerunt a Medicis medicamenta, sed inutiliter, quemadmodum ipsi interrogati ingenue confessi sunt. Ecclesiæ Sacramentis etiam extremæ Unctionis, Virgo jam morti proxima munita est: sed, cum, invocata Serva Dei, admotaque ejus Imagine dolenti lateri, ægra in alterum latus statim se convertere, & dormire potuerit, sine externo auxilio sese in lecto sessura facile erexerit, bene comederit, læta Medicum suum exceperit, eique gratiam recuperatæ salutis nuntiaverit, & Medicus eam invenerit sine febre, Postulatores hanc sanationem tamquam miraculo adscribendam, & ultra vires naturæ factam a Deo intercessione Servæ suæ, sacræ Congregationi proposuerunt.

16 In hujus propositi miraculi examine nonnulla a me ratione muneris fuerunt opposita. Aliqua respiciebant facti probationes, & signanter quoad tempus sanationis, & recuperationis virium; quæ responsionibus Scribentium tum in facto, tum in jure plene sublata fuerunt: alia Medicos respiciebant; cum enim Medici, qui curationi Virginis operam præstiterant, in processu examinati pronuntiassent pro miraculo ob eam præsertim causam, quod materiæ evacuatio per sputum quadagesimum diem prætergressa fuerat, juxta illum aphorismum Hippocratis 15. lib. 5. Qui-

cumque

cumque ex morbo laterali suppurantur, si quadraginta diebus purgantur a die, qua fit ruptio, liberantur; si vero non, ad tabem transiunt: quem Galenus ita commentatur: *Addens suo sermone ruptionis vocabulum manifestum fecit, se de illis loqui, in quibus, lateris inflammatione in suppurationem conuersa, deinde disrupta, in spatio thoracis, atque pulmonis intermedio prius continetur; his enim omnibus, nisi ut plurimum in quadraginta diebus puris euacuatio fiat per sputiones purgati, necessarium est, pulmonem exedi, pure processu temporis putrescente: dixi, non esse ita præfinitum tempus quadraginta dierum, ut, si intra illud magna puris copia per sputi euacuationem, anacatharsim appellatam, facta sit, reliqua pars post illud euacuari non possit, iuxta doctrinam Sennerii tom. 3. l. 2. part. 2. cap. 19. Non quidem opus est, ut quadagesimo die æger plane ab omni pure liberatus sit, sed sufficit, si eo tempore tanta ejus copia rejecta sit, ut reliqua exigua, qua supersunt, facile postea euacuari possint: cuius euacuationis non ita certus terminus designari potest; nam ultra diem quadagesimum mollis & rara pulmonis substantia prius sine damno vix sustinere potest, ideoque opus est, ut intra eum terminum maxima ejus pars rejiciatur. Sequitur Tozzius tom. 4. in aphorismis Hippocratis lib. 5. aphor. 15. Sed non per hoc, quod intra quadraginta dies non sint repurgati, omnino sit, ut tabidi interire debeant, quoniam fieri potest, ut etiam ultra hoc tempus repurgatio prorahatur, & evadant: multoties enim accidit, ut vel ex multitudine, vel ex crassitie materiei suppurata satis non sint dies quadraginta ad integre expellendam e pectore repurgationem, unde deinceps adhuc expectoratio desideretur, ac perduret. Et novis exaratis animadversionibus, addidi, licet Medicus ordinarius dixisset, Virginem inventam fuisse sine febris, alium tamen Medicum, qui semel, aut bis Infirmam visitaverat, dixisse, se eam invenisse non sine febris, sed sine magna febris: La ritrovai seravata di febbre, e migliorata assai di forza.*

17 Sæpe memoratus Joannes Maria Lancisius electus, ut judicium ferret pro veritate super propozita sanatione, dixit, sedulo considerata esse signa & symptomata, ut cognosci & distingui possit, quinam ex suppuratione intra, vel post quadagesimum diem evadere, aut soleant interire; resumptisque symptomatibus, quorum meminit Hippocrates *loc. cit.* febris videlicet continuæ post ruptionem puris, non albi & levis, sed cinerei, viridis, & foetidi, sputique, quod non nisi cum magno conamine, etiam post quadagesimum diem ægra poterat excernere, conclusit, de magna morbi gravitate nullam superesse difficultatem, ob imminens videlicet periculum transitus in tabem, aut mortem, ut accidit filio Antiphonis allato ab eodem Hippocrate *epid. histor. 27.* juxta Valesii divisionem, cui licet tussis redundaret cum multa suffocatione, & tunc morbus remitteret, tamen post quadagesimam sextam, & prope sexagesimam diem mortuus est. Idem Lancisius multa alia in suo suffragio pro gravitate morbi statuenda adduxit, & postquam exhibita medicamenta ex actis vidit fuisse inutilia, & subita perfectæque sanatione ægrotantem convaluisset, invocata Dei Serva, stetit pro miraculo: & quod attinebat ad Medici assertum de non integra a fe-
bri

206 DE SERVORUM DEI BEATIFICATIONE

bri liberatione etiam post invocationem, præferendam dixit attestationem Medici ordinarii, qui omnino liberam Virginem a febris pronuntiavit, attestationi Medici extraordinarii, qui bis aut ter ægram visitaverat, quique contra omnimodam a febris liberationem judicium protulisse videbatur; quinimmo totum contextum depositionis hujus Medici perscrutando, scite consideravit, eum non locutum fuisse de vera febris, sed de quadam levi celeritate motus in pulsibus, quæ in ægrotis per plures, ut in casu, menses morbo afflictis superest, quamque nemo ex optimis Practicis febrem appellat: quotiescumque enim motus exlex pulsus ab irritatione morbosæ causæ manavit, ea etiam cessante, ad certum temporis spatium in eadem crebriori vicissitudine perseverat, uti videmus in pendulis, qui alternas vibrationes consuecunt diutius semper producere, quamquam vis illa cessaverit, quæ ab impellentibus oriri solet. Quibus, aliisque pluribus recte animadversis, post longum & maturum causæ examen, sacrorum rituum Congregatio, approbante Benedicto XIII. propositam sanationem inter miracula recensuit, uti colligitur ex Decreto edito die 14. Julii 1726.

18. Antequam huic capiti finis imponatur, aliqua addenda sunt de hernia, quæ dicitur *flatuosa*, aut *aquosa*; hæc enim ab hydropse originem ducens ex abdomine influit in scrotum, juxta ea quæ habentur apud Matthæucium in *pract. Theologo-Canon. ad caus. Beatificat. & Canonizat. tit. 3. cap. 3. §. 9.* At, loquendo cum peritis in arte medica, & ex formulis eorum, si vel minimis fractis lymphaticis, vel sanguiferorum tunicis laxatis, lymphæ, sive serum in tunicis testis vestientibus exsudans & cumulatam eas præter modum extendat, progenerat eam herniæ speciem, quæ *hydrocele*, aut *aquosa* vocatur. At, si lymphæ, serive loco ob flatum inclusum tunicæ præfatæ intumescant, hernia, quæ exinde provenit, dicitur *ventosa*, aut *pneumatocele*. *Aquosa* facile curatur vel per manuariam Chirurgi operationem, aperta scilicet cute scroto lanceola, & inde effusa aqua, vel applicitis medicamentis discutientibus & exsiccantibus, quæ via, licet sit tutior, nihilominus est prolixior. Hernia *flatuosa* est omnibus speciebus herniæ securior, & facilioris curæ, quinimmo ex se non raro evanescit, discussio flatu, quod in puerulis observatur in dies. Ob morbi levitatem difficile Nobis esse videtur, sanationem ab hisce herniis inter miracula recensere. Sed, cum in bullis Canonizationum passim sanationes ab herniis miraculo ascribantur, quod ipsum quoque legitur in relationibus Rotæ Auditorum, ut constat 3. *part. relationis in causâ S. Caroli Borromæi miracul. 18.* ex relatione causæ S. Petri de Alcantara *mirac. 8.* ex relatione causæ S. Aloysii Gonzagæ *miracul. 10. & 11.* ex relatione causæ S. Franciscæ Boamæ 3. *part. miracul. 11.* inter miracula edita, dum ipsa viveret; ex relatione causæ S. Ludovici Bertrandi in *miraculo, cui titulus: Sanatio ab hernia*; ex relatione causæ S. Isidori *miracul. 9.* & denum ex relatione causæ tunc Servi Dei, nunc Beati Hieronymi *Similiani miracul. 7. post mortem*, & passim

passim ex aliis; ad submovendas quascunque ambiguitates, operæ præmium est cum Mediis animadvertere, præter memoratas esse alias herniæ species: si enim testes tumeant, & quandoque extuberent in nodos fungosos, alia species herniæ procreatur, quæ *sarcocele*, vel hernia *carnosa* a Chirurgis appellatur. Rursus, si scrotum, omento, aut intestinis prolapsus, præter modum extendatur, duæ aliæ formantur species herniæ, quarum altera *epiplocele*, altera *enterocele*, dicitur, vel hernia *omentalis*, aut *intestinalis*. Hernia *carnosa* curatu difficilis est, utpote quæ medicamenta exigite exsiccantia, vel, ut placet Neotericorum scholæ, dissolventia, & aliquando degenerat in cancerum. Difficile quoque curantur herniæ *intestinalis*, & *omentalis*: cum etenim juxta communiorē sententiā illæ ut plurimum pendeant a ruptione peritonæi, membranæ videlicet omnia viscera ventris inferioris continentis, & ea, præsertim in adultis, coalescere non possit, neque nisi rarissime per medicamenta conglutinari, coguntur miseri patientes, subligaculo ferreo semper adhibito, impedire, ne intestina, vel omentum decendant in scrotum, & herniæ augmentum inhibere.

19 Sæpe in sacrorum rituum Congregatione contigit disputatio de liberatione ab hisce herniis, an esset, necne, miraculo adscribenda, antequam ad officium Promotoris Fidei essem assumptus, tempore officii, & post illud a me dimissum.

20 Antequam assumptus essem ad munus Fidei Promotoris, inter cetera miracula proposita pro Canonizatione S. Ludovici Bertrandi, proposita fuit sanatio ab hernia intestinali, quod & ipsum contigit in causâ Beatificationis tunc Servi Dei, nunc Sancti Francisci Solani, & rursus in causâ Beatificationis Martyrum Gorcomiensium, & demum in causâ Canonizationis S. Andreæ Avellini. In causâ Canonizationis S. Ludovici Bertrandi Postulatores, allatis evidentibus probationibus, ostenderunt, per prolapsionem intestinorum in scrotum, illud adeo auctum fuisse, ut genua attingeret; quod dixerunt contingere non potuisse sine magna peritonæi ruptione: cumque subita & perfecta post invocationem contigisset sanatio, de miraculo dixerunt non esse dubitandum: quapropter inter cetera pro Canonizatione S. Ludovici approbata miracula refertur & illud *subita sanationis Bartholomæi Christophori Dominguez ab hernia intestinali & adeo deformi laborantis, ut scrotum, cum genua flecteret, humum attingeret, & faciem emitteret, ita ut abdomina corrupta, & scrotum ulceribus erosum putrescerent.* In causâ Beatificationis S. Francisci Solani, Fidei Promotor in dubium revocavit, num hernia ex simplici relaxatione, an a vera ruptione & laceratione peritonæi orta esset; & Postulatores ostenderunt, adesse signa, quæ ruptionem distinguunt a relaxatione membranæ: cumque eadem oppositio facta fuisset in causâ Beatificationis Martyrum Gorcomiensium, eademque sublata fuisset per eandem responzionem, edictum est Decretum die 25. Septembris 1674. in quo, prævio consilio Congregationis sacrorum rituum, Clemens X. declaravit, constare de quarto, & quinto miraculis instantia sanationis Theodori a nati-

a nativitate, & Aegidii intestinalibus herniis pertinacibus, & diffimilibus fracturis per plurimos annos laborantium, qui statim, emissio voto, integri sanique, ac si numquam simili morbo correpti fuissent, reperti sunt. In causa autem S. Andreæ Avellini, nulla super propolita sanatione heroicæ edi potuit resolutio, cum Physicus vocatus ad iudicium ferendum pro veritate dixerit, se ex Artibus colligere non posse, cujus speciei esset hernia, cujus sanatio proponebatur tamquam miraculum.

21 Ter se obtulit occasio disputationem instituendi de sanatione ab herniis, dum munereungebar Fidei Promotoris, in causa videlicet Beatificationis tunc Servi Dei, nunc Sancti Joannis Francisci Regis, in qua opposui, non constare, utrum hernia, cujus sanatio inter miracula referebatur, fuisset cum scissura, an cum omnimoda rptione peritonæi, aut potius cum simplici relaxatione: quæ enim est cum simplici relaxatione, naturaliter sanabilis est, juxta Nicolaum Tulpium *observ. medic. lib. 3. cap. 13. pag. 209.* Secunda fuit in causa Canonizationis B. Gregorii X. in qua opposui, sanatum post lapsum decem & octo mensium eodem morbo affectum fuisse, adhibita quoque medicamenta morbo idonea, cessasse dolorem post invocationem, sed ex cessatione doloris non inferri perfectam sanitatem, & demum sanatum tam ante, quam post sanationem semper subligaculo usum fuisse. Tertia fuit in causa Beatificationis tunc Servi Dei, nunc Beati Petri Forerii, in qua opposui, rem esse de duobus fratribus adhuc pueris, in quibus hernia facile curatur, juxta Fabricium ab Aquapendente, qui *lib. 1. de tumoribus cap. 37. ait: Omnem herniam curatu esse difficilem, nec medicamentis cedere, nisi in rupturis parvis, recentibus, & in pueris:* & præter alia multa dixi, sanationem ab hernia, etiam intestinali & omentali, si sit miraculo tribuenda, esse miraculum tertii generis, in quo necessaria est instantaneitas, quæ in casu allato deficiebat.

22 In causa tunc Servi Dei, nunc Sancti Joannis Francisci Regis sæpe memoratus Joannes Maria Lancisius a Clemente XI. deputatus, ut suum pro veritate ferret super proposita sanatione iudicium, sensit nihil in illa eorum desiderari, quæ sunt necessaria pro constituendo miraculo etiam secundi generis; tum quia agebatur de hernia ingentis magnitudinis, de hernia complicata ex intestinali simul, omentali, & flatuosa, & de hernia, quæ longo tempore duraverat; tum quia agebatur de hernia maximopere excruciente, ita ut admitti essent flatus, & feces, quamque probabatur in eodem statu magnitudinis & doloris perseverasse usque ad momentum receptæ sanitatis; tum demum quia sanatus, erat annorum quadraginta trium, quique statim, invocato Dei Servo, sanationem perfectam obtinuerat, quam tentata inutiliter medicamenta illi dare non potuerant. Quibus omnibus, aliisque serio ponderatis, prævio consilio Congregationis sacrorum rituum, Clemens Papa XI. die 28. Aprilis 1715. sanationem prædictam retulit inter miracula, non secundi, sed tertii generis: prænotavit enim: *Constare de duobus miraculis tertii generis, nempe de primo repentina libera-*

rationis

rationis Joanne Maria Peret Monialis a diuturna inferiorum artuum ad motum impotentia, & hydrops tympanite, ac de quarto instantanea sanationis Joannis Gasparis Montereymar ab enormi hernia. In causa Beati Gregorii Papæ X. Jacobus Sinibaldus Medicus de sanatione ab hernia pro miraculo ita scripsit: Concludamus igitur, hernia magnæ antecedentis sanationem fuisse miraculum secunda classis, quia, licet hic morbus de sui natura non sit incurabilis, si recens sit, si parvus, si in puero, si Medicorum & Chirurgorum opere statim adjuvetur; incurabilis tamen omnino est, si magna sit peritonæi scissura, si antiqua, & septimestris, si in sene fere octogenario, debili, emaciato, asthmatico, tussiculoso, & aliis morbis affecto, uti erat noster: & propterea infigne fuit miraculum, quia in instanti, quia sine dolore, quia sine Medicorum & Chirurgorum opæ intestini regressus, & scissura consolidatio fuit absoluta. Adhæsit Sinibaldo Lancisius pro veritate scribens; sed, difficultatibus a me excitatis, cum sacra Congregatio reputaverit non fuisse sufficienter responsum, abstinuit a resolutione edenda super miraculis propositis in causa Beati Gregorii X. In causa tunc Servi Dei, nunc Beati Petri Forerii Postulatores reputarunt, alteram ex herniis unius ex fratribus, cujus sanatio contigit, invocato Dei Servo, fuisse a nativitate, & tam hujus, quam alterius fratris herniam æque sanati fuisse inveteratam, utramque fuisse magnæ molis, & tentata fuisse inutiliter medicamenta; alterum ex sanatis fuisse quidem annorum quinque, & alterum annorum octo, sed id miraculo non ob stare, cum heroicæ non essent parvæ & recentes; utramque herniam in eodem statu perseverasse usque ad momentum sanationis, sanationem denique omnino perfectam non in uno ex fratribus, sed in utroque contigisse statim post applicationem sudarioli, quod tumulum Servi Dei tetigerat, nuncupatoque ipsi voto. Medicus Soldatus in hac eadem causa suum scripto protulit suffragium, resumptisque prædictis omnibus circumstantiis, cum animadvertisset, hernias ortas fuisse non a simplici peritonæi relaxatione, sed ab omnimoda ipsius rapture, sanationes inter miracula recensendas censuit. Sacrorum autem rituum Congregatio generalis die 4. Octobris 1729. inter cetera, quæ approbavit, miracula pro Beatificatione Servi Dei Petri Forerii, approbavit & illud in tertio genere repentinæ sanationis Joannis, & Nicolai de Croisellas fratrum ab hernia intestinali: quod Decretum Apostolicæ auctoritatis robore fuit confirmatum a Benedicto XIII. die 6. Octobris ejusdem anni.

23 In causa memorati Beati Petri Forerii animadversiones fuerunt a me tunc Fidei Promotore exaratae, sed Decretum editum est post dimissum a me Promotoris officium. In causa vero Beati Vincentii a Paulo, cum quaereretur de miraculis post indultam a sancta Sede ipsi venerationem, animadversiones fuerunt exaratae a Ludovico de Valentibus, qui modo magna cum laude fungitur officio Fidei Promotoris. In illa ergo cum inter cetera approbanda miracula proponeretur & illud repentinæ sanationis ab hernia, memoratus Fidei Promotor doctè opposuit, naturam plurimum

posse etiam in sanatione herniarum *intestinalium*, licet sint inveterate, & licet agatur de iis, qui annum quadragesimum egressi sunt, præsertim si subligaculo usi sint; juxta Schenckium *lib. 4. observ. medic. tit. de herniis*, ubi refert, hominem annorum quadraginta, *enterocèle* laborantem, & gravibus doloribus affectum, jussu Medici subligaculum assumpsisse, quo factum est, ut per quinquennium & eo amplius bene se habuerit; ipso autem ex pleuritide deinde mortuo, petita copia videndi cadaveris, ut dignosceretur, quid natura esset operata in via illa, qua intestina devolvebantur, circa foramen processus peritonæi substantiam inventam fuisse adiposam ovi minoris magnitudine, ibique sic tenaciter adhærentem, ut vix sine vicinarum partium divulsione inde distrahi potuerit; idemque Fidei Promotor addidit, statum desperatum non fuisse probatum tempore proximo ante sanationem. Difficultatibus facti responsum plene fuit a Postulatoribus, qui luculenter ostenderunt, paucis horis ante sanationem solito vehementius intestina in scrotum descendisse. Physicus Marcus Angelus de Marcargelis electus ad judicium ferendum pro veritate, demonstravit, herniam fuisse enormem, completam, & complicatam; *enormem*, cum scroci tumor figuram humani capitis æmuleretur; *completam*, cum intestina ultra inguina devolverentur, & scrotum penetrarent, & ipsum undique intumesceret; *complicatam*, cum in scrotum præter eam, quæ dilabi consuevit, intestini ilei partem, sociâ quoque omenti portio descendisset. Idem Physicus non dubitavit de ruptione peritonæi; addiditque, herniam fuisse diuturnam, ætate confirmatam, eademque die, qua deleta est, paulo ante sanationem atrociter recruidisse; & tandem pronuntiavit, de miraculo non esse dubitandum, quod repentina supervenisset perfecta sanatio, implorata ope Servi Dei. Quibus omnibus ceterisque bene ponderatis, sacrorum rituum Congregatio die 31. Januarii 1736. inter cetera miracula pro Canonizatione Beati Vincentii a Paulo recensuit & illud in tertio genere *instanteæ sanationis Francisci Richer ab hernia perfecta, inveterata, & desperata*; quæ resolutio fuit confirmata a Clemente XII. die 10. Augusti ejusdem anni.

24 Ex his, quæ hucusque dicta sunt, colligi potest, multa esse Consultoribus Congregationis sacrorum rituum advertenda, cum sanationes ab hernia proponuntur inter miracula recensendæ. In primis itaque advertenda est herniæ qualitas: si etenim hernia fuerit *aguosa*, aut *ventosa*, quemadmodum morbus hic levis est, ita subita ejus sanatio apta esse non videtur ad constituendum miraculum; at secus res se habebit, si hernia fuerit *intestinalis*, & multo magis, si etiam *omentalis*: tumorisque magna amplitudo indicium esse dicitur, omentum cum intestinis in scrotum descendisse; proinde in cadaveribus illorum, qui ex hoc morbo decesserunt, & in quibus extraordinarius tumor scroci non defuit, inventum est omentum cum intestinis descendisse, uti asserit Theophilus Bonerus *Sepulch. anat. tom. 2. lib. 3. sect. 29. observ. 13.* omentum quippe intestino ileo sem-

per

per adhærens hujus descensum per novum amplumque foramen comitari debet, cum nihil sit, quod, altero descendente, alterum descendere prohibeat.

25 Ut eo gravius de gravitate morbi tutum judicium feratur, examinandum quoque est, num peritonæum fuerit scissum, an tantum dilatatum. Scio, Fabricium Hildanum *centur. 6. observ. 70. & 72.* & Joannem Munnickium *lib. 1. de tumoribus præter naturam cap. 30.* asserere, in nullo herniarum genere peritonæum scindi, sustinentes duntaxat distendi & dilatari in amplitudinem enormem, quemadmodum venæ in varicibus dilatantur. At, cum ceteri huic sententiæ communiter adversentur, uti videri potest apud Fabricium ab Aquapendente *de chirurg. operat. tit. de intestinali hernia pag. 88.* apud Sennertum *lib. 3. part. 2. sect. 1. cap. 6.* apud Paulum Barbettam *in chirurgia cap. 7. pag. 41.* hæc circumstantia non videtur in examine omittenda: & non simplicem dilatationem, sed ruptionem peritonæi patefacere etiam potest magnus tumor in scroto; veluti tradit Mulitanus *de tumoribus cap. 56.* Si peritonæum tantum sit relaxatum, ex eo cognoscitur, quia tumor est parvus, ac sensim increscit, & quod prolapsus est, ad testicularum usque fundum non descendit. Si sit disruptum, subito excita:ur, subitoque incrementum sumit, & facile usque ad fundum testicularum, quod prolapsus est, descendere potest. Sequitur Paræus *lib. 7. cap. 14. littera D.* ubi repentinum dolorem etiam inter signa enumerat rupti peritonæi: Rupti peritonæi signa sunt tumoris subitum & repentinum incrementum, dolor acutus & lancinans; nam, lavato tantum peritonæo, sensim, adeoque exiguo cum dolore crescit tumor. Bernardus autem Gordonius *in lilio medicina particul. 7. cap. 7.* methodum exponit distinguendi relaxationem a ruptione peritonæi; ait enim, si aliquis stet, & impellat anhelitum versus inferiora, & ad impulsionem anhelitus intestina descendant, de ruptione peritonæi dubitandum non esse; & contra pronuntiandum pro simplici relaxatione, si intestina ad anhelitus impulsionem non descendant.

26 In examine præterea harum sanationum habenda est ratio tum durationis morbi, tum ætatis ægri. Durationis, inquam, morbi; ut optime advertit Langius *oper. medic. part. 3. diffus. 37. de herniis intestinalibus cap. 3. §. 4.* Circa prognosim recte sentit Gordonius in sua praxi Liliæ Medicina inserta, omnem herniam facilius curari circa principium, difficilius, si aliqua temporis mora intercesserit; interea enim nimium distentum peritonæum robur amittens suum non facile se rursus contrahit, aut dilaceratum cum ipsis intestinis coherescit. Tum ætatis ægri; ut scribit Etzmullerus *tom. 2. sect. 12. cap. 1. in verb. Prognosis: In prognosi quo diuturnior, & quo major, vel minor, eo etiam periculosior, aut levior est hernia &c.* Confirmata est curatu difficilis, præsertim in adultis, in quibus rarissime absque chirurgica operatione curari potest. Huic adheret Bonetus *in thesaur. tom. 2. lib. 4. de affect. abdom. cap. 24. pag. 482.* In senibus in quibus curandi herniam difficultas ex infirmitate calidi nativi, quod in consiliandis paribus adjutrices manus alias porrigere senetur, manifesta est; nisi enim

212 DE SERVORUM DEI BEATIFICATIONE

natura efficaciter cooperantis robur, quod in senibus deest, in pueris vero floret, in curatione morborum Medico vellicetur, oleum & speram perdet. Porro herniam curatu difficilem esse in senibus, si præsertim peritonæum sit disruptum, pronuntiant Barbeta cap. 7. de herniis pag. 42. Munnicks de tumoribus cap. 30. Ettmullerus colleg. præf. sect. 12. cap. 1. de herniis.

27 Uno verbo, statuta qualitate & gravitate morbi ex symptomatibus supra expositis, aliisque per Physicos asserendis, qui & super utilitate, vel inutilitate medicamentorum, si fuerint adhibita, judicium ferre debent, pertinet ad Consultores sacre Congregationis sedulo perpendere, primo, an morbi gravitas perfliterit usque ad tempus obtentæ sanitatis; secundo, an non solum subito, præmissa invocatione, intestina ad locum suum redierint, sed etiam statim glutinatus fuerit enormis hiatus ille, per quem, tamquam per latam viam, subito ruunt, nisi subligaculo prohibeantur; & ultimo, an adsint evidentes probationes continuatæ firmæque sanitatis cum exclusione recidivæ.

28 Dictum est, ultra gravitatem morbi, & gravitatis pertinaciam usque ad tempus obtentæ sanitatis, perpendendum esse, an subito non solum intestina ad locum suum redierint, sed etiam enormis hiatus fuerit statim glutinatus, cum in solo, quamvis repentino, regressu intestinorum ad locum suum miraculum constitui non possit; nec enim novum est, ægris resupinatis, intestina sponte ad suum locum redire, aut periti Chirurgi manu eadem intestina fota prius atque emollita subito ad locum suum restitui; uti quotidiana experientia docemur, & testatur Tulpus *observat. lib. 3. observ. 13. & 14.* & late prosequitur Munnicks in *chirurgia lib. 1. cap. 30. num. 10. & seqq.*, licet sæpius in hac chirurgica operatione morbus augeatur, & æger decedat, superveniente videlicet inflammatione, atque gangræna, quemadmodum scriptum reliquerunt Forelli *observat. lib. 27. observ. 16. in scholiis*, Panarola in *medic. observat. observ. 49.* Ettmullerus *tom. 1. cap. 21. num. 2. & 6.* Silvius de le Boe in *praxi medica lib. 1. cap. 15. num. 23.* Hoffmann in *methodo medicina lib. 2. cap. 3. Roling. in dissert. anat. lib. 1. cap. 13.* & eo magis, si, ultra intestinum, omentum etiam descenderit, cum intestinum, & non omentum, habeat motum peristalticum, seu vim sese contrahendi & corrugandi. Dictum est autem, ad constituendum miraculum opus esse, ut statim enormis hiatus fuerit glutinatus; nec enim opus est, ut totus hiatus anuli in inguine sit glutinatus, sed tantum, ut via sit restricta, impediaturque descensus intestinorum, cum hiatus ille debeat naturaliter haberi, sed levis, & quantus sufficiens est ad deducenda ad testes vasa spermatica, & processus peritonæi.

29 Dictum est quoque, videndum esse de continuatione sanitatis cum exclusione recidivæ: continuatæ autem sanitatis probationes non deerunt, si æger in pedes assurgens absque dolore, & absque ullo novo descensu intestinorum, aut omenti, nullo amplius adhibito subligaculo, moveatur, & in posterum se habeat, sicuti ceteri homines, qui eo morbo nunquam labo-

laborarunt : quemadmodum enim , decumbente ad horizontem corpore , ipsa intestina fortasse etiam per supra memoratum proprium peristalticum motum intra abdomen sæpe revertuntur , & contra , ad lineam positò corpore , iterum in scrotum dilabuntur ; ita ad dignoscendum , num æger a morbo integre convalesceret , & an sanitas momento obtenta vere perseveraverit , oportet , ut ipse in pedes assurgat , ambulet , ceterasque peragat functiones , quæ a sanis hominibus peraguntur , & quidem per spatium non exigui temporis , ne videlicet apud nos aliqua rationabilis remaneat de miraculo dubitatio ; supinus enim in lecto longus decubitus , teste Fabricio Hildano *centur. 5. observat. 54.* nullo alio medicamento , senem ab *enterocæle* feliciter liberavit . Et quod dictum est de rationabili miraculi dubitatione quoad nos , si æger e lecto non assurgeret , videtur sibi quoque locum vindicare , si , postquam e lecto surrexit , subligaculo seu cingulo usus sit ; siue subligaculum fuerit ex simplici fascia , quæ a Peritis præscribitur ad conservationem , & impediendam ruptionem , siue contextum fuerit ex ferreis laminis valido corio contextis , quæ post ruptionem ab ipsis Peritis præscribuntur , de quorum subligaculorum differentiis agunt Scultetus in *armam. chirurg. tabul. 39. pag. 144. & 145.* Hildanus *observat. chirurgic. centur. 6. observat. 73. pag. 593. in verb. Declaratio instrumenti .*

CAPUT XVI.

*De liberatione a fluxu sanguinis , ac generatim ab hæmorrhagiis ,
& de vulnerum sanatione , qua miraculo fiunt .*

I D E insignis sanatione a Christo mulieris , quæ duodecim annis sanguinis fluxu laboraverat , miraculo loquitur Sanctus Matthæus in Evangelio *cap. 9. v. 20. Et ecce mulier , qua sanguinis fluxum patiebatur duodecim annis , accessit retro , & tetigit fimbriam vestimenti ejus . Dicebat enim intra se : Si tetigero tantum vestimentum ejus , salva ero . At Jesus conversus , & videns eam dixit : Confide , filia : Fides tua te salvam fecit . Et salva facta est mulier ex illa hora .* Idem factum narratur in Sancti Marci Evangelio *cap. 5.* Mulier , ut Marcus addit , fuerat multa perpeffa a compluribus Medicis , & erogaverat omnia sua , nec quidquam profecerat , sed deterius habebat : quæ omnia pariter exponuntur a Sancto Luca in Evangelio *cap. 8. Ader in tract. de morbis Evangelicis enarrat. 12.* merito miratur , Carthusianum sensisse , mulierem hanc fuisse a naribus hæmorrhoißam . Gregorius Hortitius *oper. medic. tom. 2. lib. 4. observ. 52.* putat , mulierem hanc fluxu hæmorrhoidali laborasse : & obiter adnotare fas sit , nonnullos Rabbinos scribere , affectionem illam gravem , qua Deus usus est in puniendis Philisthæis , ob crimina Arce Domini posite in templo Dagonis , fuisse fluxum hæmorrhoidalem , quemadmodum videri potest apud Frammannum in *tract. de hæmorrhoidibus problem. 34.* Sed , ut ad mulierem redeamus , citatus Ader addit , eam

eam non fuisse hæmorrhoiſſam a fluxu venarum hæmorrhoidalium, ſed a fluxu muliebri importuno, odioſo, & exlege. Adhærere videtur Schevcherus in *phyſica ſacra in Matthæum cap. 9. pag. 1343*. Sequitur Calmet ad *cap. 9. Matthæi* ſcribens, mulieris morbum fuiſſe fluxum continuum, & præter regulam modumque purgationum: quæ ſententia, conſideratis rei circumſtantiis, ceteris probabilior eſſe videtur. Cur etenim mulier venit in turbam retro, & tetigit veſtimentum Chriſti? Cur, quærente Domino, quis ſua veſtimenta tetigiſſet, ipſa timens & tremens venit, & procidit ante pedes ejus, & illi aperuit veritatem, uti late referunt Marcus, & Lucas *locis citatis*? Non niſi quia ex fluxu ſuarum purgationum erat juxta Legem Hebræorum immunda, veluti recte notat S. Petrus Chryſologus in *tom. 7. Biblioth. Patrum Serm. 33*. *Mulier ſtabat eminens, quam natura pudore perfuderat, quam per hoc immundam Judaica Lex notarat dicens: Immunda erit, & ſanctum non continget: contingere metuens, ne Judaicum ſurorem, ne Legis poſſet ſubire ſententiâ. Dicere non eſt auiſa, ne circumſtantium confunderet & oneraret auidi tum, ne feret p-pulorum ſibula, quæ tot annis ſtadium & exapua fuerat paſſi tum, ne feret & amplius feret & ſuſtinere dolor diuturnus & continuus non ſinebat, & deliberandi tempus Chriſti prætereunſis celeritas amputabat; & e contra notera, quod accenti, quod occultanti morbum ſuum ſanitas non daretur.*

2 Mirabilem ab hæmorrhagiis ſanationum exempla proſtant in bullis Canonizationum. In bulla Canonizationis S. Nicolai de Tolentino (*pag. 162. cod. Canoniz.*): *Quadam vero mulier triennio continis ſanguinis fluxum patiens, ad Nicolaiſm veniens, & manum illius devotiſſime oſculans precabatur eum, ut preces ad Dominum pro illius ſanitate recuperanda porrigeret. Sanctus ipſe illam Crucis ſigno ſignavit, & libera a recessit.* In bulla Canonizationis S. Raymundi de Pennafort (*pag. 271. loc. cit.*): *Anna Boneta vocata, Barcinone honeſtis parentibus orta, ipſa Epiphania Feſto copioſo ſanguinis profluvio in ſummum vitæ periculum adducta erat, neque adhibita Medicorum remedia ſanguinem ullo modo ſiſtere poterant, neque ipſa in proximum diem victura putabatur. . . . mortem expectabat. Interim in Beati Raymundi præſidium toto animo confuſa, ac pulcres ex ejus ſepulcro ad ſe deferri, atque in cyatho miſceri ſibi juſſit: quibus oporſit, melius ſe habere coepit, & abſque ullo proſuſo alio pharmaco vitæ diſcrimen evitavit.* In bulla Canonizationis S. Franciſci Xaverii (*pag. 360. loc. cit.*): *Eandem virtutem experta eſt Franciſca Rebelles, quæ a multo tempore ſanguinis fluxum, ac ventris tumorem cum ingenti dolore patiebatur. Lampadis enim ante ejus imaginem pendens ideniſdem ſe oleo ungens, ſtatim adeo perfecte convaleſcerat, ut nullas amplius eorum morborum ſenſiſſet reliquias.* Reliquique omiſſis, in bulla Canonizationis S. Joannis de Deo (*pag. 486. loc. cit.*): *Philippa Araix quatuor pariter annorum puella, ex febrî, & immoderata peras & nares ſanguinis effuſione peno animam agebat: ſed, ſtatim ut exiguum pulveris e dono Joannis acceptum naribus Philippæ admotum fuit, ſanguis & vitæ ſeruit.*

3 Auditores Rotæ in relationibus, quas ediderunt in cauſa prædicti Sancti

Sancti Francisci Xaverii, magnitudinem morbi ponderarunt, diuturnitatem, prava symptomata, ventris tumiditatem, febris magnitudinem, sanitatem momento receptam, ineptitudinem olei lampadis ad fanandum naturaliter, ut in ea videri potest *miracul. 10.* In relatione causæ S. Joannis de Deo animadverterunt, hæmorrhagiam non mansisse a nimia sanguinis copia, sed a vitiosa illius qualitate; quod collegerunt ex pravis symptomatibus, quæ eam fuerant comitata. De magnitudine ergo morbi non dubitarunt; habitaque consideratione tum momentariæ perfectæ sanitatis, tum ineptitudinis portiunculæ terræ extremis naribus admotæ ad constituendam causam naturalem sanitatis, sanationem inter miracula recensuerunt. De eadem materia locuti sunt Rotæ Auditores in relatione causæ S. Franciscæ Romanæ *par. 3. miracul. 9.* ubi subitam sanationem magni floris sanguinis continuati per sexdecim menses, nulloque adhibito medicamento, sed invocata tantum ope S. Franciscæ, momento perfectæ cohibiti inter miracula retulerunt. Similia leguntur in relatione causæ Beati Petri Regalati *miracul. 3. post mortem*, & in relatione causæ tunc Servi Dei nunc Beati Hieronymi Æmiliani *miracul. 5. post mortem*.

4 At, ut aliqua pro re, de qua nunc agitur, e libris Medicorum sumantur, sanguinis profusus per nares a Medicis appellatur *hæmorrhagia narium*. Si sanguis floridus & spumans per tussim ex pulmone fertur, hæmorrhagia hæc in Medicorum scholis appellatur *hæmorrhagia*. Si ex ventriculo cruor concretus colore quodam atro tinctus, & cum phlegmate insipido, acido, aut viscido mistus per vomitum ejicitur, hæmorrhagia hæc dicitur *ventriculi*. Rursus, si liberalior sanguinis hæmorrhoidalis fluxus contingat, si larga sanguinis per uterum effusio in feminis in lunari periodo, vel alio tempore accidat, illa *hæmorrhoidalis* dicitur, hæc *uteri hæmorrhagia immoderata* denominatur. Item datur hæmorrhagia per urinales vias, quando per eas cum, vel sine urina ex vasis renum, sive vesicæ nimium ampliatæ, ruptis, aut erosis mingitur sanguis. Denique datur hæmorrhagia cerebri, fortis videlicet & pernicialis illa apoplexia sanguinea, quæ oritur ab effusione cruoris in cerebro, ruptis ibi citra violentiam externam vasculis, quæque subito functiones animales & vitales extinguit.

5 Modo relatæ sunt consuetæ & frequentiores hæmorrhagiæ. At extraordinariæ quædam aliæ hæmorrhagiæ datæ sunt, & dantur, de quibus apud Auctores. Schenckius *lib. 3. observ. medic. tit. de venis, & sanguine* narrat, quendam Religiosam, cum incidisset in Militum manus, & evaginato gladio vidisset, adeo territam fuisse atque commotam, ut sanguine ab omnibus corporis partium meatibus manante, in oculis hostium mortua sit; & curatum fuisse quemdam alium, qui per oculos, aures, nares sanguinem emittebat. Amatus *centur. 2. lib. 2. curat. 21.* testatur, per uberum papillas sanguinem in feminis aliquando exiisse. Fallopius *lib. de vulneribus cap. 37.* se alium vidisse inquit, qui singulis annis, integra cute, per ipsam a jecoris regione libram circiter sanguinis effundebat. Alia legi possunt

216 DE SERVORUM DEI BEATIFICATIONE

sunt apud a Rejes *quest.* 86. *mem.* 8. & *seqq.* Nec omittendum est quod narratur a Salmutho *centur.* 3. *observ.* 36. de sanguine excreto per minimum digitum: item quod scribitur a Bartholino *observ. anatom. centur.* 1. *hist.* 30. de sanguine menstruo a genu & manu profiliante: quæ fieri dicendum est, quod sanguis sese exonerat per alias vias, in quibus paulo profundius vasa latitant. Legi potest Stalpartius *centur.* 1. *observ.* 80.

6 At, ut ad ordinarias & consuetas hæmorrhagias redeamus, hæmorrhagia narium aliquando critica, aliquando symptomatica est: critica & salutaris, si in synocha febre, aut semicritico, vel critico die erumpat; symptomatica, si accedat febribus exanthematicis, vel etiam malignis, aut si erumpat in chronicis morbis. Avicenna *lib.* 3. *tract.* 1. *cap.* 9. *pag.* 241. ait: *Seias, quod quandoque vivit homo in fluxu sanguinis narium, usquequo egrediuntur ex eo ultra viginti libras & usque ad viginti quinque libras; deinde moritur: Sanguis enim corporis humani in aliis quidem est pondo librarum viginti quinque, in aliis ultra triginta; quemadmodum docet Craanen lib. de flatu hominis pag. 130. celebrequæ & notorium est in Urbe exemplum Oltoris prope Colosseum, qui supervixit post ejectionem per nares viginti quatuor librarum sanguinis spatio decem & octo horarum, teste Paulo Mauredo Medico in secunda dissertatione exarata in causa Canonizationis S. Stanislai Kostkæ super decima tercio miraculo §. 14.*

7 De sanguinis fluxu ex pulmonibus, qui, ut paulo ante diximus, vocatur hæmoptisis, Hippocrates *sect.* 4. *aphor.* 25. scribit: *Sanguis quidem supra, qualiscunque fuerit, semper malum: quem textum Joannes Heurnius ita vertit lib. 4. in aphor. Hipp.: Si cui sanguis per superiora erumpat, cuiusmodi tamen is fuerit, calamitosum; & Franciscus Vallesius pariter in comment. ait: Sanguinem qualescunque per os emitti, malum est; nam rupturam, aut corruptionem, aut laxitatem venarum significat.*

8 Lethalis ergo sepiissime est hic morbus. Sed, si hæmoptisis a sola abundantia, aut ebullitione sanguinis oriatur, nec est periculosa, nec capitalis, si recta medicatione, victusque ratione excipiat: Clinici autem criticam nonnumquam esse hæmoptisim observarunt. affirmantes, per hanc atrocissimas aliquando & inveteratas solutas fuisse ægitudines.

9 Hæmorrhagia, quæ sit ex vomitu cruento, ceteris est periculosior; & si vomitui cruento nigra, & pici similis, eaque graveolens alvi dejectio jungatur, teste Hippocrate, mors est præ foribus. Quod si symptoma hoc ablit, si æger febri non afficiatur, si vomitus a suppressis evacuationibus ex plethora oriendus causam habuit, non tanti periculi est.

10 Fluxus hæmorrhoidalis, si moderatus sit, ægrum a nonnullis morbis liberat, juxta illud Hippocratis 6. *aphor.* 11. *Melancholicis, & nephriticis hæmorrhoides supervenientes bona sunt; & aphor.* 21. *In sanis, si varices, & hæmorrhoides supervenerint, morbi sit solutio.*

11 At, si immodicus sit fluxus, ægrum in hydropem, phthisim, & alios morbos præcipitat: quare Galenus 3. *de naturalibus cap.* 8. scribit: *Ex hæmor-*

hæmorrhoidibus diuturnis suppressis, vel immodice profluensibus ad extremam frigiditatem devenientes ægri sæpe in aquam intercutem incidunt; cui adhæret Aetius terrab. 4. ferm. 2. cap. 5. Hæc affectio malorum plurimarum hominibus causa existit. Nam & deformitatem, & miseram vitam hæmorrhoides inducunt; multas vero etiam vita privant: & deformitatem quidem propter coloris totius corporis vitiationem ex evacuatione succedentem, miseram vero vitam propter corporis debilitatem. Quandoque autem & de vita periclitantur sic affecti, cum ob excessentem evacuationem perfrigeratum hepatis aquam intercutem operatur; ceterique sequuntur, Henric. Regius prax. mrd. lib. 3. medicat. 45. Hic morbus valde periculosus est; metuendum enim, ne ex diuturno illo fluxu atrophiam, extabescantia, vel hydrops oriatur; in cuius loci notis Theodor. Craanen: Atrophiam metuit Auctor, quia sanguis diminutus minorem impetum habet, quam ut particula ad nutritionem apta per poros arteriarum in partium nutriendarum poros satis alte possint protrudi; Joannes Dolæus encyclopæd. medic. theor. pract. lib. 3. cap. 10. Fluxus etiam hæmorrhoidalis non est negligendus, aut contemnendus, utpote a quo gravius, & diu perdurante varia produci possunt mala, hydrops scilicet, ascites, leucophlegmatia, cachexia, marasmus, & tabes, febris hæctica, & similia alia.

12. Fluxus uteri est affectus contrarius retentioni, et suppressioni menses. De hoc fluxu ita scribit Galenus de sympt. caus. cap. 1. et 5. aphor. 57. Possibile est, immodicas fieri menstruum evacuationes, si ora vasorum, quæ pertingunt ad uterum, ultra modum aperiantur, et si sanguis vel calidior, vel tenuior fiat, vel si totum corpus propter malam habitum aliquem gravetur sanguine, quem, licet modum convenientem natura non excedat, expellit ad venas, quæ in utero sunt.

13. Si fluxus sit immodicus aut ratione quantitatis, aut diuturnitatis temporis, ita ut vires debilitentur, et sineope sæpe accidat, morbus inter graves recensetur: quocirca Sennertus pract. lib. 4. part. 2. sect. 2. cap. 6. in prognosticis hæc habet: Quo autem fluxus est diuturnior, eo difficilius curatur, immo sæpe incurabilis evadit, et mortem inducit etc. Si virium debilitas, symptomatumque vehementia nullo modo minuatur, sed in dies augeatur, mortem certans id portendit. In senescente muliere menstruum nimis fluxus plerumque incurabilis, et letalis est.

14. Fluxus ex urinalibus viis multis modis contingere potest. Si itaque sanguis sincerus confertim, repente, et sine dolore mingitur, Hippocrates sect. 4. aphor. 78. recte iudicat, illum prodire ex renum substantia sanguineo-vasculosa; sed, ubi parcius ejicitur sanguinis quantitas obscuri et nigricantis coloris cum, vel sine materia purulenta, et potissimum cum dolore, tunc ex vesica læsa, aut exulcerata illum stillasse, certum est, juxta aphor. 80. citati Hippocratis lib. 4. Si quis sanguinem, unaque grumos sæpe mingat, ac stranguriam habeat, unaque dolor incidat in aqualiculum, et in interspermium, huic vesica vicina partes laborant.

15. Cruenta mictio aliquando critica et salutaris, aliquando morbofa est: cessantibus enim aut menstruis purgationibus, aut hæmorrhoidibus.

frequentissime fit sanguinis mictio per renes magna copia, rarius autem, et minore quantitate per sphincterem vesicæ citra dolorem et magnum incommodum; et tunc hæc mictio cruenta critica est et salutaris. Fridericus Hoffmannus *tom. 4. part. 2. medicina rationalis systematica sect. 1. cap. 6. §. 17. et seqq.* de sanguinis fluxu ex urinalibus viis sic tatur: *Omnis cruentus mictus est periculi non expers; etenim, licet in principio salutaris et criticus a palindrome facta ob mensum, vel hæmorrhoidum suppressionem visus fuerit, tamen, quia non modo facile revertitur, & vires exhaurit, sed, etsi error accidit vel in dieta, aut si imprudenter stipticis tractatur, inflammatio ac corruptio facile ipsi renibus, vel vesicæ induci potest, utriusque periculum alit &c.* Ex periculosis mictus sanguinolenti speciebus est, quæ ex rene, vel vesicæ profundius lasa & ulcerata venit, & junctum habet cum acerbo dolore puris mictum.

16 Idem Hoffmannus *loc. cit. cap. 7.* multa docet de cerebri hæmorrhagia; postquam enim explicavit, quomodo cerebrum dispositum est ad concipiendam sanguinis stagnationem, ut eam vocant, et quomodo sanguis tardius circumit, facile sublitit, adituque in venas intercluso, alveos canalium admodum dilatat, concludit, facilem postea esse transitum in ruptionem vasorum, ita ut ea non modo cruore turgeant, sed & ab appulsu jugiter novo nimium sarta dehiscant, rumpantur, et sanguinem effundant, effusioque in cerebro cruore, totus circularis sanguinis per eum motus turbetur et interceptiatur, animalesque ac vitales functiones elanguescant, et tandem penitus extinguantur.

17 Addit Hoffmannus, sanguineam hanc apoplexiam discernendam esse ab alio morbo, qui fit a seri lecessu, et quem consequitur hemiplexia, et paralytis totius lateris, sed vita servatur; si etenim sanguis nimia copia cum impetu congeratur ad caput, nec tamen vasa perrumpat, sed propter diuturnam tantum stagnationem serum per poros secedat, ac descendens vel ad cerebri basim, vel ad spinalis medullæ alterutrum latus eidem incumbat, tam secretio liquidi subtilioris activi, quam influxus in nervos interceptiatur, et partes in latere alterutro sensu privantur, ac motu. De sanguinea hac apoplexia multa habentur apud Sennertum *instit. medic. lib. 2. part. 3. sect. 2. cap. 6. vers. Sanguinem vero*. Joannes quoque Lancisius *in tract. de moribus subitaneis lib. 1. cap. 8.* docte explicat, quomodo sanguis, si supra alterum cerebri hemisphærium effundatur, unum duntaxat corticem comprimendo, ac simul obstruendo, inducat tandem apoplexiam, et eam quidem cum illius lateris paralyti, quod affecto hemisphærio respondet; et quomodo sanguis, si effluat ex vase ad cerebri basim posito, ut plurimum gignat aphoniam, jactationes, et denique apoplexiam citra præviā paralytim, dummodo alia non concurrant, quæ paralytim inducant; et demum de hac cerebri hæmorrhagia hujusmodi habetur prognosticon apud Hoffmannum, *vehementiorem* videlicet, quæ a sanguine effuso derivatur, non solvi, et *debiliorem*, quam sanguis stagnans, et serum secedens produxerunt, difficile solvi; nec in hac spem salutis esse, nisi post venæ sectionem, et congrua

grua adhibita auxilia intra horas viginti quatuor sequatur levamen, et symptomata remittant, tertium autem diem longissimum esse moriendi terminum.

18 Hæc sufficere posse videntur, ut aliqua harum hæmorrhagiarum idea habeatur, quæ sufficiat Consultori Theologo, aut Canonistæ Congregationis sacrorum rituum. Nunc autem aliqua subjicienda sunt de recidiva in eundem morbum, vel de metastasi in alium morbum: nec enim in judicio ferendo de miraculo sanationis satis est, ut morbi qualitas, ejusque gravitas perspectæ sint, sed etiam oportet, ut habeatur ratio recidivæ in eundem morbum, et ejus conversionis in alium, juxta ea quæ alibi adnotata sunt.

19 Quoad narium hæmorrhagiam, si ea sanetur, sepe recrudescit, et ejus immatura suppressio plerumque parit vertigines, apoplexias, convulsiones, tinnitum aurium cum difficultate auditus, atque serenam guttam. Quoad hæmorrhagiam, seu sanguinis fluxum ex pulmonibus, ille non modo redit, sed aliquando in pus, ulcus, ac denique in hecticam, et tabem lethalem transit. Idem judicium fertur de vomitu cruento, seu de ventriculi hæmorrhagia, quam Practici observant reverti etiam post annorum decursum: per sanguinis quippe effusionem partes debilitantur; cumque ipsi copiosius et validius affluenti resistere non possint, pristinas servat vias, subsistit, & tandem erumpit. Suppressus hæmorrhoidalis fluxus morbos aliquando ingenerat, qui ex labe hepatis, lienis, pancreatis, mesenterii, & intestinorum fiunt: quapropter merito Hippocrates lib. 6. aphor. 12. ait: *A diuturnis sanato hæmorrhoidibus, si una non servatur, periculum est, aquam intercusens, vel tabem advenire*; quem textum Cornelius Celsus lib. 2. cap. 7. sic explicavit: *Si ora venarum sanguinem solita fundere subito suppressa sunt, aut aqua intercus, aut tabes sequitur*; idemque Hippocrates epidem. lib. 4. text. 132. subjicit: *Alcippus habens hæmorrhoidas prohibebatur curari; curatus insanivit*. Hoffmannus, quæ hucusque dicta sunt, latissime prosequitur, quemadmodum & cetera omnia, quæ ad alias hæmorrhagiæ species pertinent tum quoad reversionem, tum quoad conversionem in alios morbos. Scribentes de Canonizatione Sanctorum nimis jejune se expediunt a materia, de qua nunc agitur. Bordonius de miraculis medis. 7. quest. 19. ait, miraculo tribuendam esse sanationem a fluxu sanguinis, si, implorato Dei auxilio, cesset. Pignatellus tom. 10. consult. 77. num. 13. & seqq., loquens de hæmorrhagia narium ait, si ea fuerit valde copiosa, & repente cohibeatur cum perfecta, robusta, & continuata patientis valetudine, id esse miraculo adscribendum. Matthæneccius in pract. Theologo-Canon. tit. 3. cap. 3. §. 10. loquens de uteri hæmorrhagia docet sanationem ab ea esse miraculo adscribendam, si fuerit inveterata, si valde copiosa, & si medicamentis non cesserit. At, via & ratione procedendo, si aliqua ab hæmorrhagiis sanatio tamquam miraculum proponatur, species hæmorrhagiæ, ejus gravitas, diuturnitas, symptomata, adhibito Medicorum consilio, erunt ponderanda.

da. Querendum pariter erit, an medicamenta fuerint exhibita, an profuerint. Rursus non erit omittenda ratio de sanatione momentaria una cum recuperatione virium, nisi forte ageretur de cerebri hæmorrhagia, de qua supra num. 16. cujus mirifica sanatio, utpote secundi generis miraculum, potest esse non repentina. Nec erit prætermittenda indago de morbi reversione, aut conversione in alium morbum. Præter supra expōita Marcellus Donatus de medica historia mirabili lib. 3. cap. 9. multos affert casus tum redditus horum morborum post multum tempus, tum conversionis ipsorum in alios morbos; & Zacchias quæst. medico-legal. lib. 4. tit. 3. quæst. 8. num. 58. loquens de miraculo Hæmorrhoidiæ a Christo sanatæ hæc habet: *Id, quod mirum duco in hac muliere, est, quod tamdiu fluxu sanguinis constituta, sive ille menstrualis fuerit, sive hæmorrhoidalis in alium morbum non inciderit, cum, quicumque ille fuerit fluxus, cachexiam, hydropem, aliosque consimiles morbos, si inveteraverit, non solum aptus sit excitare, sed quasi de necessitate inferat, refrigerato nempe nativo calore, ipsaque hepatis sanguificatrice virtute labefacta; ita ut ex his non possim mihi non persuadere, eam mulierem non fuisse in extremam cachexiam, quod fortasse innuere voluit Evangelista illis verbis: Nec quidquam prolecerat, sed magis deterius habebat. Non tamen habet expressam mentionem alterius morbi, sed solius hujus symptomatis, nempe fluxus sanguinis, quia hic erat præcipuus & primus affectus, & causa aliorum, si qui inerant.*

20 Actum est in Congregatione sacrorum rituum de nonnullis, quæ proponebantur tamquam miracula, ab hæmorrhagia sanationibus, in causa videlicet Beatificationis tunc Servi Dei Alfonso Turribii, tum in causa Canonizationis ipsius post obtentam Beatificationem, & demum in causa Beatificationis tunc Ven. Servi Dei, nunc Beati Joannis de Prado. In causa Beatificationis tunc Servi Dei Alfonso Turribii inter miracula approbanda proponebatur liberatio cujusdam mulieris a fluxu sanguinis post dirissimum puerperium per tres menses continuato, frustratis trium Medicorum remediis, quique cessaverat, Cruce pectorali prædicti Servi Dei supra ventrem repōita. Prosper Bottinius tunc Fidei Promotor multa opposuit adversus facti probationem; & ad ulteriora procedens dixit, sanatam fuisse vehementi timore perculsam, timoremque stitisse fluentem sanguinem, juxta Zacutum lib. 1. praxis admiranda cap. 66. Addidit, nonnullis gemmis virtutem inesse sistendi cursum sanguinis, hæcque virtutem adscribi jaspidi signanter, & smaragdo, uti tradit Silvester Ratray lib. de sympath. & antipath. pag. 23. & verisimile admodum esse, Crucem pectoralem Servi Dei ventri mulieris applicatam ex prædictis gemmis esse compositam: deum opposuit defectum instantæ vitæ, & recidivam in eundem morbum. Quæ animadversiones, licet plura respondissent Postulatores, tanti fuerunt roboris & momenti apud sacram Congregationem, ut nulla ejus sanationis habita fuerit ratio, sed ad Beatificationem ventum sit ex duobus aliis miraculis. In causa Canonisationis ejusdem Beati, nunc Sancti Alfonso Turribii inter ceteras sanationes, quæ, tamquam miracula, propositæ

sunt,

sint, proposita fuit & sanatio ab hæmorrhagia narium. Idem Prosper Bottinius Fidei Promotor observavit, spatio octo, vel decem horarum ex naribus non effluxisse nisi tres libras sanguinis, & hanc quidem quantitatem esse exiguam, cum ageretur de adolescente: narrat enim Zacutus de prax. medic. admirand. lib. 1. observ. 72. se curasse mulierem gracilem & macram, quæ intra septem dies triginta circiter libras sanguinis per nares emiserat. Consideravit idem diligentissimus Fidei Promotor, ex ea sanguinis emissionem per nares ægrum debilitatem virium non contraxisse. Addidit, plura adhibita fuisse medicamina una cum geminata venæ sectione; ægro deliquium supervenisse; & tam venæ sectionem, quam animi deliquium fluxum sanguinis naturaliter cohibere, juxta Rlverium in praxi medica lib. 4. cap. 7. §. *Ac primum sanguinis, & §. Sed multo*. Responsum fuit a Postulatoribus tum ex facto, tum ex jure, & etiam ex physicis a Paulo Manfredo. Ipse ad Fidei Promotoratum assumptus adhæsi animadversionibus Prædecessoris. Addidi non constare de repentina sanatione, atque adeo ne de gravitate quidem morbi, cum, excepto Poenitentix Sacramento, viri Religiosi, in quorum domo æger manebat, alia Sacramenta eidem non administraverint, sanctissimi videlicet Viatici, & extremæ Unctionis. Joannes Baptista Fossombronius Medicus electus, ut suum pro veritate ferret judicium, sensit, omnia juxta naturam in ea sanatione processisse. Quapropter in Canonizatione prædicti Beati ea sanatio non fuit inter miracula recensita. In causa Beatificationis tunc Servi Dei, nunc Beati Joannis de Prado agebatur de Sacerdote proventæ ætatis, qui pati coepit ex ore vehementem nimiamque sanguinis ejectionem. Terribilis sanguinis fluxus spatio octo dierum duraverat, & æger a Medicis deploratus, receptis Ecclesiæ Sacramentis, Domini adventum expectabat. In hoc desperato sanitatis statu Divinam opem imploravit per intercessionem Ven. Servi Dei, & momento, quo ejus corpori admota fuit Servi Dei Reliquia, cessavit sanguinis effluvium; æger, recuperatis viribus, se erexit in lecto, cibum petiit, & plene convaleuit, & semper in posterum bene se habuit; Ipse fungens munere Fidei Promotoris multa quoad vim probationum opposui, quibus scribentes de facto, & de jure plene fatiscecerunt. Dubitandum proposui, an virium recuperatio esset potius referenda ad cibum, quem æger sumperat, quam ad miraculum; & tandem dixi, causam ignorari, a qua manaverat vomitus sanguinis, & aliquas sanguinis per os evacuationes prodesse sanitati, juxta Sennertum oper. tom. 2. lib. 2. par. 3. cap. 7. ubi hæc habet: *Refert Plinius, Volusium Saturninum omnibus annis, stato tempore, sanguinem exspuisse, & nihilominus ad annum 90. vixisse; & novum virum nobilem plethoricum, in vicinis Anbaldinatu, qui per intervalla sæpe a pulmone sanguinem copiosum sine omni incommodo rejiciebat, in senectute vers per eandem viam quotidie magnam pituita copiam sine omni damno rejiciebat, qui nihilominus ad summam senectutem pervenit*. Emmanuel Lopez in consultatione medico-physica, ex magna copia sanguinis efflusi, & ex duratione per octo dies colligi posse

posse putavit, vas aliquod ruptum fuisse, juxta Joannem Heurnium in *comment. aphor. Hippocratis lib. 4. aphor. 78.* & Hieronymum Mercurialem ad eundem *aphorismum*, & Ludovicum Mercatum de *intern. morb. cur. lib. 2. cap. 5. tom. 3.* sanguinisque profluvium ex rupto vase in pulmone mansisse, & sic imminens fuisse periculum mortis, phthisis, aut hydropis, veluti notant Etmuller. *medic. pract. part. 2. pag. 160.* Theophil. Bonett. *thesaur. medic. pract. tom. 1. lib. 2. cap. 49. fol. 1043.* Hyacinthus Andreas Gotholan. *pract. medic. lib. 2. cap. 22. fol. 236.* Criticam & salutarem sanguinis emissionem citatus Lopez vi symptomatum, quibus æger afficiebatur, exclusit, subitamque ideo perfectam sanationem una cum virium recuperatione miraculo ascripsit. Joannes Maria Lancisius electus, ut suum pro veritate ferret judicium, adnotandum censuit primo, non modicam, sed magnam copiam sanguinis effluxisse, idque non semel; & sic sanguinem non a venis, sed ab arteriis prodixisse, juxta Willisium de *medic. oper. part. 2. sect. 1. cap. 7. pag. 78.* & Etmullerum *tom. 1. tit. Hemorrhagi pag. 355.* & sanguinem, utpote ab arteriis facilius fluentem, quam a venis, difficilius fuiti; secundo, ex sanguinis sputo ægrum non levamen, sed maximam virium imbecillitatem contraxisse, ita ut evacuatio non potuerit esse critica; cum juxta Hippocratem 1. *aphor. 2.* quæcumque evacuationes, ac vasorum inanitiones bonæ & salutares sint, si inde ægri melius se habeant, ac eas leviter tolerant; contra vero malæ, si non proficiant, nec leviter ferant; tertio, si spatum cruentum fuit ab aspera arteria, & a pulmonibus, transitum imminuisse in phthisim, juxta effatum citati Hippocratis 7. *aphor. 15. & 16.* *A sanguinis sputo puris spatum, a puris sputo phthisis;* si vero a solis faucibus erat, cum sæpe in die, & magna copia efflueret, non modicam illius portionem per œsophagum in ventriculum debuisse necessario descendere, & in eo acorem contrahere, sanguinemque in grumos coactum juxta Galenum quodammodo naturam veneni assumere, præsertim cum ab ægrotantis corpore efflueret; particulas enim morbosas secum adducebat; quinimmo fieri vix potuisse, quin eo in loco, unde sanguis e faucibus effluebat, ulcus, verruca, aut aliud tumoris genus subnasceretur. Ex his autem, & aliis ab eo in suo suffragio notatis dixit, de gravitate morbi dubitari non posse, nec de aliorum imminantium morborum periculo, qui naturaliter ab hæmophthisi tamquam ejus fonte, uti rivuli, fluere debuissent. Post hæc receptam momento sanitatem post invocationem una cum virium recuperatione, necnon sanitatis continuationem tum absque reversione morbi, tum absque conversione ejus in alium spatium octo annorum (tot enim a sanitate recepta ad processum confectionem elapsi erant) sedulo examinavit, & approbavit, & pro miraculo conclusit: & post longum & maturum causæ examen, sacrorum rituum Congregatio inter cetera miracula, quæ approbavit pro Beatificatione Servi Dei Joannis de Prado, approbavit & illud *repentina sanationis Melchioris de Loaisa a copioso & immoderato sanguinis effluxu eam instantanea deperditorum virium recuperatione in tertio genere;* quod Deum

cretum fuit Apostolica auctoritate confirmatum a Benedicto XIII. die 5. Martii 1728. Quæ profecto omnia ponunt in aperto, quid examinandum sit, cum agitur de mirandis sanationibus ab hæmorrhagiis, coherenter ad ea, quæ a Nobis paulo ante dicta sunt.

21 Hactenus de hæmorrhagiis, quæ a morbis, quibus naturaliter homines afficiuntur, procedunt. Nunc autem aliqua dicenda sunt de hæmorrhagia, seu ingenti sanguinis profusione, quæ accidit in vulneribus corpori humano infllictis. Licet enim, si vulnere inflicto, modice sanguis fluat, permittendum sit, ut tantum effluat, quantum commodum videbitur; si tamen immodice profluat, ut vires dejiciat, quamprimum sistendus est: præterquamquod in curatione nihil proficitur, quamdiu sanguinis fluxus continuatur. Apud Medicos & Chirurgos legi possunt remedia, quæ adhibentur, ut sauciis jugularibus vas, occurratur sanguinis profluvio, inter quæ futura numeratur, & ligamen. Carolus Musitanus de *vulneribus* cap. 7. ait: *A futuris aufugiendum est, veluti ab illis, quæ ex una parte nihil penitus proficiunt, ex altera vero in immensum nocere possunt.* Et judicio quidem recentiorum Chirurgorum, quot sunt puncta, tot nova sunt vulnera, quæ dolorem, inflammationem, pus, ac febrem excitant promoventque: itaque merito Paulus Barbetta *chirurgia* lib. 2. part. 2. cap. 6. optimum fore judicavit, si Chirurgus acu numquam indigeat; sic enim æger a dolore, vulnus ab inflammatione, & ipse Chirurgus a molestiis variis liberabitur. Non sic autem se habet res, si ligamen adhibeatur, quando videlicet Chirurgus hamulo vulneratum vas apprehendit, & attollit, & deinde partem utrimque ligat, totumque vas transversim præscindit, veluti explicat Munnicks in *sua chirurgia* lib. 2. cap. 20. num. 9. licet neque hoc careat periculo, cum sæpe, disrupto, aut laxato filo, renovetur hæmorrhagia; quare Scultetus in *armam. chirurg.* quoddam describit instrumentum constrictivum. Pulvis quoque sympatheticus mirabilis esse videtur in sanguine sistendo, sive supra corporis partem vulneratam adhibeatur, sive intincto recenti sanguine linteo inspergatur, ac deinde detineatur in loco ab omni aeris inclementia libero. Qui tam pro, quam contra hujus pulveris usum scripsere, exstant uno volumine collecti, quod *Theatrum Sympatheticum* inscribitur. Tozzius tom. 5. de *recto usu sex rerum naturalium* lib. 3. cap. 7. explicat, quomodo pulvis operetur, etiamsi videatur agere in distans: ait enim, per aerem diffusos esse quosdam halitus, atque instar catenæ devinctos, & sic mutuo vim communicantes, vaporesque ita devinctos, atque per aerem diffusos, cum e sanguine vulneratæ partis effluunt, commisceri cum halitibus vitriolicis, unaque communicare, & sic, figendo fluentem ex vulnere sanguinem, & fibrillas partium corrigendo, medelam asserre. Quærunto Theologi, an usus hujus pulveris sit superstitioni obnoxius, & nonnulli negando respondent, cum ex eo, quod causa ignoretur, non debeat statim exclamari, rem esse dæmoniacam; non omnia enim noscimus naturalia, nec in nos omnes sapientiæ latices sunt effusi, quemadmodum adver-

tit

tit Cabeus de Meteor. lib. 4. cap. 4. quest. 2. Hieronymus Vitalis Clericus Regularis pro licito usu hujus pulveris novissime scripsit.

22 At, utcumque sit de his, quæ satis erit innuisse, nullo prolato iudicio, dum munereungebar Fidei Promotoris, magna quæstio ad rem præsentem pertinens excitata fuit in sacrorum rituum Congregatione, cum ageretur de miraculis a Deo intercessionem tunc Beati, nunc Sancti Stanislai Kostkæ patratis pro ejus Canonizatione obtinenda. Æthiops servus sibi jugulum ferro secuerat, & per vulnus respirabat, ingenti sanguinis copia emissâ, sandi impotens in terra procumbebat animo deficiens. Dissectas ictu fuisse internas venas jugulares, & arterias carotides, testes asseruerunt, tantaque profunditate dixerunt gladium adactum, ut præter asperam arteriam, œsophago etiam transverse inciso, digiti per os immitti ex ipso vulnere conspicerentur. Urgente ergo mortis periculo, factus est domesticorum concursus. Arcessiti fuerunt Medici & Chirurghi, vulnusque acu confutum est. Æthiops sacro Baptismo lustratus, implorato ab assistantibus Beati Stanislai patrocinio, & ipsius Imagine vulnere imposita, statim a mortifera sanguinis effusione liberatus loquelæ usum recuperavit, comedit, & præviæ integræ valetudini restitutus est.

23 Gravitatem vulneris admissi, juxta doctrinam Hieronymi Fabricii de vulneribus part. 2. lib. 2. cap. 35. Paræi Parisiensis in thesauro chirurgia de partium vulneribus lib. 9. cap. 29. Cæsaris Magati lib. 2. de rara medicatione vulnerum cap. 63. sed addidi, novum non esse, ut aliqui periculosus & lethalibus vulneribus fauciati naturaliter sanentur. Exempla prostant apud Panarolam in medicis observat. observ. 43. apud Franciscum Valeriolam lib. 3. enarrat. 8. apud Schenckium observ. lib. 1. tit. de vulneribus, & apud Marcellum Donatum de medica historia mirabili lib. 5. cap. 4. & ne viderer dumtaxat generalia persequi, attuli casus vulneratorum in venis jugularibus, qui naturaliter sanati sunt, de quibus Munnicks loco supra cit. ubi hæc refert: Nonnulli vulnerata vasa jugularia obstruere norunt, digito vas apertum aliquandiu comprimendo, donec ibidem sanguis concreseat, atque concretus vulneris orificium obstruat, adeoque amplius non permittat cruorem profluere. Et habet Calmetius exemplum cujusdam in vena jugulari externa vulnerati, qui familiarium opera vicissim vulnere digitum per tres dies admoventium evasit. Atque haud ab simili modo vulneratam jugularem venam in collo Celsissimi Arausiorum Principis Guillelmi I. obturatas, sanguinisque ex eadem fluxum inhibuit fuisse, superius de venarum & arteriarum vulneribus narravimus.

24 Et quia præsens, posse a Postulatoribus responderi, recensitas vulnerum sanationes non fuisse cum omnimoda asperæ arteriæ, & œsophagi, utriusque arteriæ carotidis, omnium venarum jugularium scissura, cum immenso sanguinis actuali profluvio, cum virium omnimoda jactura, cum impossibili reparatione quarundam actionum, quæ a læsis illis partibus penderant; item, eas contigisse sine medico præsidio; & denum, in casu Principis Guillelmi I. venam jugularem vulneratam digitis per duos vel

tres

tres dies fuisse compressam, donec sanguis per hanc constrictionem inhibitus in grunum cogeretur, & sic exsiccatus operculi instar impellentis sanguinis exitum prohiberet; difficultates difficultatibus addidi tum contra sanationis *instantaneitatem*, tum adversus dicta testium, qui nimium exaggerasse in suis attestacionibus mihi visi sunt; usu quippe aliquando evenit, ut augeantur mala, quo mirabiliora restitutæ valetudinis beneficia reputentur.

25 Dixerant testes, ictu dissectas fuisse venas jugulares, & arterias carotides, magnamque fuisse sanguinis effusionem consecutam, quæ jugulati bovis speciem referebat; dixerant, Domesticos convenisse, Peritos vocatos, vulnus exploratum & confutum, Baptismum collatum, Beatum invocatum, ejulque Imaginem vulneri admoctam. Cumque, omnia hæc ut citissime fierent ab imparatis, integra ad minus hora fuerit necessaria, ea decurrente, *Æthiops* juxta naturalem rerum cursum mori debuisset; tum quia Bohn in suo tractatu de *renuntiacione vulnerum lethaliū scilicet*. 1. demonstrat, vulneratos non solum in arteriis carotidibus, sed vel in iis, quæ diametri minoris sunt, & prope inguina locantur, brevi, & antequam *Chirurgus advocetur, cum sanguine animam deponere*; tum quia horæ decursu copiosus sanguis ex arteriis utrimque adjacentibus quaquaversum erumpens usque ad pulmones defluens ægrotum prælocat; juxta ea, quæ advertit Lucas Schrokius agens de gutturis vulnere in *scholiis observat*. 2. *Joannis Helwingii*, cum quo concordat Sennertus *med. pract. de vulneribus lib. 5. part. 4. cap. 3.* ubi docet, sanguinem e magnis dissectis arteriis perniciosissime exsurgentem confestim irruere in pulmones. Quod si *Æthiops*, veris existentibus narratis per testes, mori debuisset, & mortuus non est, dubitandum esse videbatur de eorum ambiguitate, aut nimietate. Quod si responsum fuisset, mortem contingere debuisset, si juxta consuetum naturæ ordinem res processisset, secus autem, accedente miraculo, hoc ipsum occupavi respondens, nihil de miraculo excogitari posse, nisi post invocationem; cumque invocatio facta sit, quando applicata fuit vulneri Imago Beati, & id præstitum sit post concursum Domesticorum, & omnia alia supra exposta, in quibus peragendis tempus saltem horæ erat necessarium, ex his dixi eo magis dignosci testium imperitiam, aut exaggerationem; *imperitiam*, quia miraculum patratum ante invocationem Beati non poterat ascribi ejus intercessioni, ut ipsi contendebant; *exaggerationem*, cum *Æthiopem* absque miraculi præsidio vivum dixerint, qui vulneratus vulnere istiusmodi integra hora naturaliter vivere non poterat.

26 Joannes Maria Lancisius jussu Clementis Papæ XI. electus, ut suum pro veritate proferret judicium, longa dissertatione idem argumentum prosecutus est; utque eo evidentior redderet testium exaggerationem, consideravit, digitos per vulneris hiatus in tracheam immisos apparere illis potuisse, qui ex aperto ore in fauces spectabant, sed negavit, digitos per os immisos, etiam si longissimos, potuisse ad labia vulneris in trachea

peringere, uti testes dixerant, cum tanto obliqui itineris intervallo distet os ab œsophago, atque a trachea, ut quamquam ore per oscitationem maxime hiant, nemo, utcumque conetur, extendere illuc digitos possit, qui vix ultra uvulam, seu columellam ad pharyngis, hoc est ad œsophagi initium perveniunt. Et quamvis idem Lancisius, tum quod vulneris gravitas esset maxima, tum quod sanitas vel nulla, vel nonnisi diuturna curatione sperari posset, sanationem inter miracula recensendam autumaverit; & Paulus Manfredus pro miraculo scribens multa ingeniose deduxerit, testaturque sit, se aliquando vidisse nonnullos voluntarie stomachum subversuros, totam manum per os introducere, adeo ut digiti ultra laryngem descenderent; & in hujus dicti probationem allata fuerit experientia facta a Chirurgo Mario Cecchino coram testibus, in qua, exposito cadavere hominis defuncti in archihospitali Sanctissimi Salvatoris ad Sancta Sanctorum in Urbe, discissoque capite asperæ arteriæ, injectaque in os manu, extrema pars digitorum per vulnus visa est; & a Postulatoribus de facto, & de jure scribentibus multa adducta sint, ut ostenderetur, non fuisse necessarium horæ lapsum, ut fierent quæ facta sunt; & invocationem Beati applicationem Imaginis ipsius præcessisse: sacra nihilominus Congregatio, penes quam insuperabilis est animadversio, quæ fidem testium respicit, prudentissime abstinuit ab hujus miraculi approbatione, & nonnulli alia approbavit, quorum ope ad Beati Stanislai Canonizationem ventum est.

27 Felicius res processit in causa Beatificationis tunc Servi Dei, nunc Sancti Alionis Turribii: cum enim inter miracula ejus intercessione a Deo patrata; sanatio proponeretur Joannis de Godoy lethifero stomachi vulnere lauciati, qui magnam sanguinis copiam evomuerat, & suspensa ejus collo Cruce pectorali Servi Dei, sanus evasit, observatum fuit, vulneratum ictu hostilis gladii fuisse præcipue ventriculum, & cum eo venam cavam, & arteriam magnam, ita ut de gravitate vulneris nulla superesse posset dubitatio, ut infra demonstrabitur, ideoque subitam & perfectam sanationem post Reliquæ applicationem miraculo tertii generis esse adscribendam. Et in causa Canonizationis S. Andreæ Avellini inter cetera miracula fuit approbatum illud in tertio genere *sanationis instantaneæ Joannis Baptistæ Corizzo a profundo vulnere capitis, absque ullo signo cicatricis*; uti colligitur ex Decreto edito die 12. Maji 1707.

28 Ad capitis complementum, operæ pretium esse videtur aliqua ex libris Medicorum & Chirurgorum sumere, quæ Consultoribus sacræ Congregationis prodesse possint, cum in ea, tamquam miracula, proponuntur vulnerum sanationes. Porro vulnera nonnulla sunt lethalia, nonnulla non lethalia. Inter lethalia, nonnulla sunt absolute & omnino lethalia, nonnulla simpliciter lethalia. Absolute autem, vel ex necessitate lethalia sunt, quæ non requirunt curam & consilium Medicorum & Chirurgorum, vel sunt talia, ex quibus vulneratus statim moritur, vel ob quæ moritur, quamvis omni arte & industria curetur; & lethalia simpliciter ea sunt,

ex

ex quibus vulneratus non statim moritur, & ex quibus quandoque etiam non moritur; & demum non lethalia sunt, quæ semper ad salutem, quantum in ipsis est, vergunt, licet ex accidenti, aut incuria medentis, vel ipsius vulnerati aliquando fiant lethalia, uti late ostendit Munnicks *chirurg. lib. 2. cap. 2.* Celebris est aphorismus Hippocratis de vulneribus absolute lethaliibus: *Vesica discissa, aut cerebro, aut corde, aut præcordiis, aut aliquo ex tenuioribus intestinis, aut ventriculo, aut jecore, lethale est.* Hoc ipsum idem Hippocrates tradit *lib. 1. de morbis* ita dicens: *Moritur autem, si quis cerebro sauciatus fuerit, aut spinali medulla, aut hepate, aut præcordiis, sive septo transverso, aut vesica, aut vena sanguiflua, aut corde:* & quod dictum est de vulneribus non lethaliibus, sed quæ ex accidenti sunt lethalia, præcipuum sibi vindicat locum in levibus capitis vulneribus, teste eodem Hippocrate in libro *de vulneribus capitis*, ubi sic loquitur: *Nullum capitis vulnus leviter concerni debet; sæpe enim sola cutis contusa ferro, aut aliqua alia re, si non recte tractetur, scilicet si sanguis coarctatus non expurgetur, aut aliud quidquam negligatur, ulcus inrudescens ægro periculum, & Medico negotium non minus affert.* Prosequuntur Horst. *observ. medic. lib. 2. observ. 1.* Bellon. *consil. medic. lib. 1. consil. 49.* Zacchias *quest. medico-legal. lib. 5. tit. 2. quest. 9. num. 1. & seqq.* Nonnulli scribunt, lethalia vulnera non solum a vulneratæ partis natura, sed etiam ab essentia vulneris, ab ejusdem magnitudine, a complexu symptomatum, atque a propriis solutæ unitatis differentiis proficisci. At Thomas Reinæsius in *sua schola Juræconsultorum medica lib. 4. cap. 2.* strenue contendit, lethale vulnere periculum unice a parte vulnerata desumendum: & Tozzius *tom. 4. part. 3. in aphorismos Hippocratis lib. 6. aphor. 18.* animadvertit, vulnera dici lethalia, si in partibus vitæ tuendæ necessariis conformationem, texturam, & nexum vasorum, aut structuram earumdem discendant, ac turbent; item, si circuitum sanguinis interrumpant; & ex his duobus capitibus vulnera cordis & cerebri esse lethalia. Addit, vulnera quoque dici lethalia ex alio capite, si excrementorum repurgatione impendant; & tam ex hoc impedimento, quam ex supra relata abruptione circuitus sanguinis lethalia esse vulnera pulmonis, jecoris, & aliorum viscerum magnis latisque venis, & arteriis referentorum. Concludit denique, lethalia quoque esse vulnera, si inflammationem, gangrænam, dolorem vehementem, aut alia symptomata graviora inferant; & lethalia esse vulnera intestinorum, & vesicæ non solum ex hoc capite, sed ex alio quoque supra exposito impedite repurgationis excrementorum.

29 PARÆUS *lib. 9. cap. 33.* lethalia pronuntiat vulnera lienis; postquam enim cum Hippocrate lethalia dixit vulnera ventriculi, & tenuiorum intestinorum, subjicit: *Fere sunt aque periculosa lienis vulnera: quamvis enim ejus non sit æqua dignitas, ac hepatis, insignia tamen vasa per ipsum disseminantur; unde insignes profusiones sanguinis contingunt, quibus occurrere non possumus.* Hippocrates autem in *cit. aphorismo* nullam facit mentionem lienis, vel quia paræm fortitur conditionem cum jecore; vel quia, si fortasse vul-

neretur, commode rescindi potest. Loquitur quoque Hippocrates eo in loco de tenuioribus intestinis: quocirca, juxta ipsum, Duodenum, Jejunum, & Ileon erunt insanabilia, & facilioris curationis Cæcum, Colon, & Rectum, licet & hæc non sint periculi expertia, quia, etsi non tam graviter plerumque afficiantur, possunt tamen aliquando ex magna discussione pari modo periclitari, sed longe minus, vel tardius, quam gracilia. Nonnulli paribus ab Hippocrate memoratis, præter lienem, alias adjiciunt, vesicam felleam, pericardium, pulmonem, spinalem medullam, renes, venas, & arterias, potissimum circa fauces, & guttur, & meninges cerebri, uti videri potest apud Brasaulum, & apud Cornelium Celsum lib. 5. de re medica cap. 26. *Servari non potest, cui basis cerebri, cui cor, cui stomachus, cui jecinoris porta, cui spina medulla percussa est, cuique aut pulmo medius, aut jejunum, aut tenuis intestinum, aut ventriculus, aut renes vulnerati sunt, cuique circa fauces grandes vena, vel arteria præfise sunt.* At Tozzius scite animadvertit, non quæcumque vulnera, quæ insanabilia sunt, lethalia esse dicenda; ossa quippe & cartilagines, si frangantur aut vulnerentur, licet plerumque insanabilia evadant, mortem tamen necessario non afferunt: & paribus ab Hippocrate memoratis ipse addit oesophagum, qui vulneratis non dissimiliter lethum affert.

30 Munnicks cit. lib. 2. cap. 2. hæc omnia late prosequitur: quod ipsum fufe habetur apud Reinesium cit. lib. 4. cap. 3. & seqq. Paræus in canonibus chirurgiæ 2. can. 13. ait: *Magna magnorum vasorum vulnera lethalia censentur.* Vidus Vidius de curatione membratim lib. 8. cap. 6. pag. 372. hæc pronuntiat de vulnere asperæ arteriæ: *Vulnera, quæ in asperam arteriam penetrent, plerumque celerrimam moriendi necessitatem afferunt ob sanguinem, qui e venis jugularibus præfisis effusus confertim pulmonem obruit.* Petrus Pigreus lib. 4. præceptorum medicinarum chirurgicæ cap. 12. de colli, & gutturis vulnere hæc profert: *Si simplex sit, & in carne tantum, ab aliis vulneribus nihil differt. Si autem fuerit cum oesophagi, aut tracheæ, seu asperæ arteriæ læsione, eaque penitus secta fuerit, ejus curatio desperanda est.* Jacobus Berengarius Carpenis in tractatu de fractura cranii cap. 13. testatur, se vidisse sex homines, a quibus notabilis quantitas medullæ cerebri exiit, & sanati sunt; sed subjicit: *Licet vero ex his aliqui non multo post tempore mortui sunt apopletici, aliqui, maxime duo, semper passi sunt paralytism unius lateris; vixerunt tamen per duos annos.* Circumierunt nonnullæ sanationes vulnerum etiam in principalibus visceribus; sed hisce exemplis Jeremias Triverius in comment. ad aphor. 18. lib. 6. Hippocratis ita respondet: *Principalia tamen viscera non diu mortem inferunt, non diu legitimum illorum munus citra mortem desiderari potest.* Proinde falsum, quod quidam dicunt, sese alijssima, hoc est profundissima hepatis vulnera curasse, aut etiam, fibris hepatis abscessis, restituisse. Alia prostant exempla apud Donatum loc. cit. & Schenckium, qui lib. 1. de vulneribus capitis multa refert de sanationibus vulnerum deploratorum cerebri cum ejusdem substantiæ effluvio, & jactura, quæ Bononiæ peritissimorum opera factæ sunt.

Hæc

Hæc quoque refumuntur a Matta *de Canonizat. Sanctior. part. 3. cap. 13. num. 492. & cap. 23. num. 11.* Sed optime Tozzius *loc. cit.* observat, qui testantur, aliquos a vulneribus capitis, cordis, & pulmonum convalescere, non locutos esse de partibus organicis istorum viscerum, sed solum de superficialiis & extimis eorumdem: potest enim aliqua portio corticis cerebri rescindi, illæso medullæ; potest cor vulnerari ea in parte, quæ illius mucronem constituit; possunt pulmones vulnerari, superstitæ vita, si vulnera attingant extremitates & apices loborum. Idem dici potest de jecore: secus vero, si interna cerebri substantia læsa sit, si vulnera inflicta sint basi cordis, ventriculis, arteriæ aortæ, ceterisque ductibus principalibus ejusdem, & si vulnus inflictum sit in substantia pulmonis, aut jecoris. Primi generis vulnera lethalia sunt, sed simpliciter, cum ex eis non interceptur motus sanguinis & cordis; secundi vero generis vulnera absolute & per se lethalia sunt, ex quo sanguinis circulationi sunt impedimento, quemadmodum fufe legi potest apud ipsum.

31 Ex his autem, quæ hucusque dicta sunt, unusquisque facile colligere poterit, quandonom curationes a vulneribus miraculo sint adscribende. Sanationis ergo vulnere non lethali nullam poterit haberi ratio pro re & ad effectum, de quo agitur, nisi forte non lethalia evasisent lethalia ex accidenti & incuria medentis. Vere ergo, absolute, & ex necessitate lethali juxta explicationes supra positas potissima ratio erit habenda, & eorum sanatio secundi generis miraculis erit adscribenda; in examine autem pro approbatione satis erit, ut adsint requisita necessaria ad miracula secundi generis. Sanationes vero vulnere simpliciter lethali, & non lethali, quæ tamen lethalia facta sunt ex imperitia medentis, vel incuria, & naturali dispositione vulnerati, si miraculo sint adscribende, non poterunt adscribi nisi classi miraculorum tertii generis, in quibus idcirco omnia concurrere debent, quæ sæpe a Nobis concurrere debere dicta sunt ad constituenda tertii generis miracula. Ad rem faciunt adducta per Pignatellum *consult. 191. tom. 10.* & per Rotæ Auditores in relatione causæ S. Franciscæ Romanæ 3. *part. miracul. 5.* & in relatione causæ S. Ignatii *miracul. 3.* & Medicorum & Chirurgorum, qui ad sanandum vulneratum acciti sunt, dicta erunt serio perpendenda, ut diagnoscat, quænam corporis partes fuerint vulneratæ, quæ symptomata adfuerint; & Medicorum & Chirurgorum pro veritate scribentium consilia erunt requirenda, cum ex symptomatibus, de quibus testes, & Medici, & Chirurgi qui vulneratum curarunt, testati sunt, de natura & qualitate vulneris judicium sumi possit. Sic juxta Celsum *lib. 5. cap. 26.* pulsuum infelix conditio vulnus ventriculi ostendit, quemadmodum & sudores graves: *Venerum motus elanguescent, sudores graves oriuntur.* Sic, teste Paræo *lib. 9. cap. 33.* si cibus & potus per vulnus erumpant, si *sudatiuncula* obrepant, aut alia quædam symptomata ab ipso narrata, signa hæc sunt ventriculi læsi, & tenuium intestinorum: *Ventriculo, vel tenuium intestinorum aliquo vulneratis,*
cibus

cibus potiusque per vulnus erumpunt, illa intumescent & indurantur, sanguinis agrum exercet, sape & bilis mera vomitus adest, sevus doloris cruciatus ventrem atque torquet, frigida sudatiuncula obrepunt, extrema refrigerantur. Sic denique magnus effluxus sanguinis, arteriam & venam læsas esse demonstrat, crassior & nigrior venam, rubicundior & saliens arteriam læsas ostendit; veluti late docet Joannes Tagaultius lib. 2. instit. chirurgic. cap. 12. Signum venæ, atque arteriæ incisa est sanguinis profusio. Quod si sanguis cum impetu, ac saliendo profluat, & tenuis, ac flavus, servensque appareat, arteriam divisam esse, significatur: si vero crassior & nigrior conspiciatur, ac quiesce sine pulsu, & citra saltum effundatur, indicium est, ipsum a venâ effluere.

32 De vulneris curatione mentio fit in Evangelio: Matthæi quippe cap. 26. narratur, unum ex his, qui erant cum Jesu, quando turba multa cum gladiis & fustibus advenerat, eumque tenebat, gladium suum exeruisse, & amputasse auriculam servi Principis Sacerdotum. Idem habetur Marci cap. 14. & Joannis cap. 18. ubi additur nomen tum vulnerantis, tum vulnerati, Petri videlicet, & Malchi; & apud S. Lucam cap. 22. 51. habentur hæc verba: *Et, cum tetigisset* (sermo est de Christo Domino) *auriculam ejus* (videlicet Malchi) *sanavit eum*. Queritur, num auricula fuerit penitus abscissa, an tantum ex parte, ita ut tantisper adhuc hæreret capiti. Abscissam quippe nonnulli fuisse deducunt ex verbis Matthæi, Marci, & Joannis, in quibus dicitur, auriculam fuisse amputatam. Alii putant, auriculam fuisse adhuc aliquatenus capiti hærentem, id defuentes ex verbis S. Lucæ, in quibus narratur, eam fuisse a Christo tactam, uti videri potest apud Calmet ad cap. 14. S. Marci. At, quomodocumque res se habuerit, de miraculo dubitari non potest; & quidem, si primo modo se habuerit, miraculum erit secundi generis; si secundo, tertii generis. Erit autem secundi generis, si primo modo res se habuerit, quia pars animalis viventis a suo principio divisa illico commoritur, nec ad vitam restitui potest, nisi miraculo. Erit deinde tertii generis, si secundo modo res se habuerit; quia, licet ope medicamentorum alicujus temporis decursu potuisset naturaliter auricula sanari, id tamen naturaliter fieri non poterat momento temporis & per solum tactum manus, uti observat Zacchias quest. medico-legal. lib. 4. tit. 1. quest. 8. num. 77. & seqq. Subscribit Schevcherus in physica sacra ad cap. 22. Luca pag. 1441. ubi scite notat, magnum fuisse miraculum, si Christus auriculam restituerit; si pendulam, aut graviter fauciatam sanaverit: vulnera quippe auriculæ cartilaginosa neque facile ligari queunt, neque curari; & quando curantur, adhibentur ligaturæ, emplastra, balsama vulneraria, nec per tactum manus auricula, licet non abscissa, sed pendula, sanatur. De S. Joanne Damasceno legitur in Martyrologio Romano ad diem 6. Maji, dexteram manum ipsi amputatam jussu Leonis Maurici Beatissimam Virginem de integro restituisse. Si ergo similes casus in sacrorum rituum Congregatione proponantur, examen erit reducendum ad facti probationem, & ad modum; num videlicet membrum

brum amputatum & restitutum fuerit omnino abscissum, an adhuc aliqua ex parte corpori hæreret; & num. posito quod aliqua ex parte hæreret, restitutio subito contingerit, nullisque adhibitis medicamentis, aut, si fuerint adhibita, ea prorsus inutilia fuerint. Arcæus de curandis vulneribus lib. 5. cap. 7. casum narrat nasi non omnino divulsi, & rursus conjuncti, optimeque alligati. Similia alia leguntur apud Schenckium in observ. medic. tit. de naribus, quæ resumuntur a Matta de Canonizat. Sanctur. part. 3. cap. 11. num. 2. Ex quibus infertur, membra non omnino abscissa posse naturaliter restitui, & corpori reconjungi, sed ope medicamentorum; non tamen subito, & citra usum medicamentorum: similia proinde facta, esse miraculis adscribenda, in secundo videlicet, aut tertio genere, juxta ea quæ modo dicta sunt.

CAPUT XVII

De mirabili Divina sanatione a Lepra, Cancro, Gangræna,
aliisque quibusdam morbis.

IN Evangelio S. Matthæi cap. 8. v. 1. ita legitur: Cum autem descendisset (Christus Dominus) de monte, secuta sunt eum turba multa; & ecce Leprosus veniens adorabat eum dicens: Domine, si vis, potes me mundare. Et extendens Jesus manus tetigit eum dicens: Volo, mundare. Et confestim mundata est lepra ejus; & ait illi Jesus: Vide, nemini dixeris; sed vade, ostende te Sacerdoti, & offer munus, quod præcepit Moyses, in testimonium illi. Similia leguntur in Evangelio S. Marci cap. 1. & in Evangelio S. Lucæ cap. 5. In his tribus Evangeliiis agitur de una eademque sanatione unius Leprosi, ut ostendunt idem gestus, eadem Infirmi supplicantis, eadem Christi sanantis verba: & quamvis S. Lucas referat miraculum sanationis hujus Leprosi tamquam factum in urbe, id tamen est explicandum, ut fuerit patratum prope urbem, scilicet Capharnaum; urbium enim ingressus Leprosus erat vetitus, ut infra. Similis loquendi modus passim in Scripturis usurpatur: Sic Christus in Jerusalem passus dicitur, quia prope urbem crucifixus est in monte Calvario. Sic Apostolus ad Hebræos 9. ait, in Arca fuisse urnam auream Manna plenam, & virgam Aaron, id est prope Arcam, cum in Arca nihil fuerit præter duas Legis tabulas, ut constat 1. Regum 8. Sic quinque Reges Amorrhæorum cum exercitibus suis contriti dicuntur plaga magna, & prostrati in Gabaon, id est prope Gabaon. Sanctus Ambrosius oper. tom. 1. lib. 5. in Lucam advertit, in hoc insigni Christi miraculo tres hæreses fuisse confutatas: cum enim dixerit: Volo, suam potentiam æqualem ostendit Patri adversus Photinum; cum addiderit: Mundare, Arium confutavit negantem Christi divinitatem, & ejus omnipotentiam; cum Leprosus tetigerit, se veram & naturalem carnem habuisse patefecit adversus errores Manichæorum. En verba S. Ambrosii col. 1356. num. 4. Tangit non dedi-

232 DE SERVORUM DEI BEATIFICATIONE

designatus, & imperat non diffusus; hoc enim est indicium potestatis, quia quasi habens potestatem sanandi, & iubendi auctoritatem, operandi testimonium non refugit. Volo, ergo dicit propter Photinum; imperat propter Arium; tangit propter Melichium; & n. 3. repentinam sanationem a morbo incurabili consideravit uti magnum miraculum: Et continuo lepra ejus discessit ab eo; nihil enim medium est inter opus Dei, atque praeceptum, quia in praecepto est opus. Denique dixit, & facta sunt. Videtis igitur quod dubitari non potest quia voluntas Dei potestas est. Itaque statim lepra discessit, ut intelligas medentis affectum, qui veritatem operi addidit.

2 In citato Evangelio S. Lucae cap. 17. v. 11. aliud Christi Domini miraculum liberationis decem Leproforum exponitur: *Et factum est, dum iret in Ierusalem, transibit per mediam Samariam, & Galilaam; & cum ingrederetur quoddam castellum, occurrerunt ei decem viri leprosi, qui steterunt a longe, & levaverunt vocem dicentes: Jesu praeceptor, miserere nostri. Quos ut vidit, dixit: Ite, ostendite vos Sacerdotibus. Et factum est, dum irent, mundati sunt. Unus autem ex illis, ut vidit quia mundatus est, regressus est cum magna voce magnificans Deum. Et cecidit in faciem ante pedes ejus gratias agens; & hic erat Samaritanus. Respondens autem Jesus dixit: Nonne decem mundati sunt? & novum ubi sunt? Non est inventus qui redires, & daret gloriam Deo, nisi hic alienigena. Et ait illi: Surge, vade; quia fides tua te salvum fecit. Adeo de morbis Evangelicis enarrat. 1. agit de loco hujus sanationis, ostenditque, morbum fuisse naturaliter insanabilem; quod ipsum argumentum ex eodem late prosequitur Cornelius a Lapide in cit. cap. 17. S. Luca: & magnitudinem miraculi ponderans Tertullianus lib. 4. contra Marcionem cap. 35. pag. 451. edit. Paris: hac habet: In itinere purgavit sine tactu jam, & sine verbo, tactu potestate, & sola voluntate.*

3 In Lege animadvertum est Levit. 13. morbo leprae homines, xdes, & vestes corripi. Indicia ad discernendam lepram in Lege praescripta sunt ejusdem morbi gradus: tumores, pustulae, maculae albicantes, lucentes, & purpureae lepram indicant; & si albicantibus, rubentibusque, necnon rutilantibus maculis caro aspergatur, & pili in maculis subrubri, & cutis fuerint inaequalis, ejusdem leprae indicium sunt apertissimum. Homines lepra affecti a ceterorum contubernio in arva & loca infrequentia segregabantur, ut Numer. cap. 5. v. 1. Locutusque est Dominus ad Moysen dicens: Praeceptum filiis Israel, ut ejiciant de castris omnem Leprosum; & in cit. cap. 13. v. 46. Levit. Omni tempore, quo leprosus est & immundus, solus habitabis extra castra. Aequalis etiam erat conditio Regum, si eo morbo afficerentur, cum domo, societate, atque Regni administratione expellerentur, ut Oziae Regi Judae accidit, veluti legitur 2. Paralip. cap. 26. v. 20. Cumque respexisset eum Azarias Pontifex, & omnes reliqui Sacerdotes, viderunt lepram in fronte ejus, & sistimato expulerunt eum; & v. 21. Fuit igitur Ozias Rex leprosus usque ad diem mortis suae, & habitavit in domo separata plenus lepra, ob quam ejectus fuerat de domo Domini. Porro Joatham filius ejus rexit domum Regis, & judicabat populum

lum terra. Quod si accidebat, ut Leprosus convalesceret, ad janam urbis se sistens Sacerdotum inquisitioni subiciebatur; & si probabatur, Templum peribat, & oblationem faciebat, de qua *Levitic. cap. 14.* Corruptus interius sanguis five nutritionis vitio, five alio quocumque, extrinsecus prodians pro causa assignatur. Alii lepram, & ceteros hujus generis morbos vermibus quibuldam inter cutem & carnem gliscentibus autumant tribuendam; idemque asserunt de lepra donorum; & de lepra vestium, cum in domibus inventi sint aliquando vermiculi, qui lapides corrodunt, & experientia constet, lanam male expurgatam, & pannos diutius reconditos vermibus quibuldam, tineisque facile absumi & corrumpi. Contagione quoque morbus lepræ contrahebatur; hacque de causa Moyses tam sedulo cavit, ne Leprosorum contagione morbus propagaretur; & mortuorum corpora lepra infecta ab aliis segregata tumulabantur, ut colligitur *ex cit. c. 26. v. 23. Paralip. lib. 2.* *Dormivique Ozias cum Patribus suis, & sepelierunt eum in agro Regalium sepulchrorum, eo quod esset leprosus; regnavitque Iotham filius ejus pro eo.* Binæ exstant disquisitiones Calmet, altera de natura, causis, & effectibus lepræ, altera de morbo Job, in quibus omnia, quæ in superioribus dicta sunt, fusc exponuntur. Præclare Tostatus in *Leviticum cap. 13. quest. 9. ait: Est enim lepra morbus pessimus, reddens hominem inutilem; etiam est multum infectivus, quia si Leprosus communicaverit cum aliis hominibus magna communicatione, inducit plagam lepræ super eos. Ideo Deus diligens munditiam Judæorum, jussit, ut magna cura caverent, ne incidere in plagam lepræ Ideo isti Leprosi, ad cavendum periculum aliorum, separabantur a ceteris extra castra: & non solum hoc, sed quia poterat aliquis homo ire extra castra, & obviare Leprosi non cognoscens eos, & per hoc communicare illis, jubebatur, ut alia signa haberent in vestibus, per quæ cognosci possent etiam cum viderentur a longe.* Citatus Calmet juxta communem Medicorum assercionem pronuntiat, exoriente lepram admittere curationem, inveteratam autem esse deploratæ valetudinis; & Ader *loc. cit. pag. 9. recitat remediis, quæ lepræ applicari possunt, ait: Quia maxima lepra habentur remedia, ea certe ratio non est, vis, aut potestas morbos gravissimos in habitu firmatos ut restituant, leprosiisque homines tota membrorum compage fœdatis cute & carne innovent.* De gravitate morbi lepræ hæc habentur apud S. Cyrillum Alexandrinum *de adorat. in spiritum, & ver. lib. 15. pag. 537. oper. tom. 1. Lepra igitur in hominum corporibus gravissimus est morbus, & qui difficillime curetur, & edax. Fit autem ex eo quod caro emoriatur; excavatur enim ulcus illico absumpta cute, & in profundum descendens, quod malum illud semper ad inferiores partes serpat; ex quo, ut opinor, fit, ut pilus qui in illis partibus exoritur, languescens exalbescat, ac veluti stirps una cum subiecta terra corrumpatur. Lepra igitur ejusmodi morbus est Lepra igitur mors carnis manifesta est. Et alibi (lib. 2. tom. 1. pag. 70. de liberat. a morte per Christum): Carnis est morbus lepra, isque gravior, quam ut a Medicis ei succurri possit, aut illorum usu atque peritia expugnari etc. Itaque curare posse Leprosum, tamquam eximium quiddam, & quod nostrarum virum mediis longe*

Tom. IV. G g superet.

superet, soli Divinae naturae atque efficacia tributum est. Medici advertunt, etiam in scorbuto maculas apparere una cum inflatione & erosione gingivarum, & vacillatione dentium; quocirca constituunt, hæc esse signa lepræ propria, cutem videlicet nunc livescentem, nunc flavescentem, & rubronigricantem, unctuosam, rugosam, fursuraceam, nodis, tuberculis, & impetigine conspurcatam, aures tenfas, narium pinnas tumidas, gravem in ægrotante pruritus, quamvis vix humor a cute per scalpaturam emittatur: Aretæus lib. 4. de signis cap. 12. Galenus *isagog.* cap. 12. Valeriola lib. 6. enarrat. 5. Hildan. *epist.* 24. Horstius *observ.* 18. 21.

4 In nonnullis Canonizationum bullis inter miracula recensentur sanationes a lepra; in bulla videlicet Honorii III. *super Canonizatione B. Wilhelmi Abbatis*, in bulla Innocentii IV. *super Canonizatione B. Eadmundi Episcopi*, in bulla Urbani VIII. *super Canonizatione S. Francisci Xaverii*; eademque mentio habetur in relatione Rotæ Auditorum edita in causa S. Francisci Xaverii *miracul.* 9. & in relatione facta in Consistorio secreto coram san. mem. Urbano VIII. a Francisco Maria Episcopo Ostiensi S. R. E. Cardinali a Monte die 13. Januarii 1625. *super vita, sanctitate, & Actis Canonizationis B. Elisabethæ Reginae Portugalliae, miracul.* 3.; & inter Acta Beatificationis tunc Servæ Dei, nunc Sanctæ Rosæ de S. Maria Tertii Ordinis S. Dominici sexto loco proposita fuit liberatio a lepra, sed ea non fuit inter miracula recensita.

5 Ranchinus in tractatu de lepra putat, lepram Hebræorum fuisse maxime diversam ab illa Græcorum, Arabum, atque Europæorum; cum illa non solum vestibus & parietibus adhereret, sed illius quoque curatio non ad Medicos, sed ad Sacerdotes pertineret; ex quo inferitur, illam divinitus fuisse immisam, nec viribus naturalibus curari potuisse. Marcellus Donatus lib. 1. *medic. histor. cap.* 4. historiam narrat cujusdam Hannibalis Pedemontani lepra infecti, qui familiares, quibus utebatur, lepra non infecti, & alia similis historia prostat apud Gasparem a Rejes *quest.* 60. num. 11. Contagiosam autem esse lepram Arabum, & non solum per contactum, sed etiam ex intervallo inficere posse, post Paulum Æginetam docuit Sennerthus tom. 4. lib. 6. part. 3. cap. 4. At, utcumque sit de his, Medicorum nostrorum doctrina est, Scabiem, Psozam, & Lepram gradibus tantum distare. Scabiem dicunt minimarum pustularum proventum, quæ cutem scendant, Psozam, si insectus adjiciatur pruritus, Lepram, si symptomata hæc ulterius procedant, & cutem interius lædant. Rursus Medici lepram distinguunt in siccam, vel squamosam, vel fursuraceam, quam Græcorum dicunt, atque in saniosam, & magis malignam, quam Arabum appellant, sive *elephantiasim*. Ut lues venerea prætereatur, quam Calmet in *dissertatione in morbum Job* ait unum, eundemque morbum esse cum lepra; non ita pridem ab exteris nationibus affectio scorbutica ad nos delata est, quæ est congeries symptomatum, quæ varie torquent organa corporis humani tum intus, tum foris, vitio sanguinis, aliorumque succorum, qui, utpote tenaces,

naces, & rodentes, meatus obstruunt, nervos pungunt, tubulos lacerant. Sive autem lepra, qua hodie nonnulli afficiuntur, eadem sit, sive diversa a lepra Hebræorum, magnus olim in Europa erat Leproforum numerus, quem ex Judæorum frequentia & consortio inductum aliqui suspicabantur; alii mercem contendebant ad nos delatam ex variis expeditionibus Crucesignatorum in Syriam, ita ut curandis Leprosis constructæ essent ædes per Europam usque ad numerum 19000. ut ex Parisio notat Calmet in cit. *disquisit. de natura, causis, & effectibus lepræ*. Animus non est hic prosequi singulos recensitos morbos, sed satis erit innuisse, in eorum sanationibus, si tamquam miracula proponantur, ea omnia esse singillatim advertenda, quæ generaliter advertenda esse diximus, ut sanationes inter miracula possint recenseri; & interea transitus faciendus est a lepra, quæ est cancer universalis, ad cancos particulares, juxta illud Avicennæ: *Quomodo curabitur lepra, cum sit cancer universalis, quando cancer partienlaris medicinam necessit?* de quibus frequentior se obtulit & offert occasio sermonem habendi in sacrorum rituum Congregatione: non omisis tamen signis scorbuticæ affectionis, quæ sic optime a Lindano proponuntur: *Ardor & titillatio in gingivis cum subsequente erumescatione, adeo us, si parum fricentur, erumescunt, ubi sanguis aquosus & salsus effluere solet, qui postea fit fetidus; secundo, sub concavo oculorum apparet color purpureus, qui est quasi semilunaris; tertio, macule, præsertim in facoribus, & inferioribus sibiærum partibus, subinde apparentur quarto, signum admodum singulare & multum conducens ad cognitionem scorbuti est vacillatio genuum, ita us eorum robur corpus fulciens pereat, & agri quasi sine lapsuri; quinto, adest intensus & insignis fætor oris, isque præsertim, jejuno ventriculo; sexto, sentitur crebro phlogosim & exasuationem per totum corpus; quibus omnibus Etmuller. tom. 2. pag. 434. addit arenulas rubras, & facile triabiles adherentes lateribus matulæ urinalis.*

6 In causa S. Aloyii Gonzagæ, Monialis quædam integro quadriennio in sinistra corporis parte doloribus molestissimis fuerat divexata a summo ad imum, & præcipue in brachio & humero. Quadam nocte somno excitata impetu vehementi distillationis & tussis, sub sinistra mamilla grave quoddam onus, & partem affectam intus rodi sensit; cumque eam partem manu tentasset, invenit quiddam ovi magnitudine, & marmoris duritie, quod cancerum esse existimavit. Ita quoque alii, præcipueque Medici, existimarunt, tum propter locum tali morbo assuetum, nempe mamillam, tum propter conditionem personæ, Virginis videlicet Monialis, rursus propter solitam magnitudinem & duritiem cancerorum occultorum, & demum propter effectus inde ortos, intensum videlicet dolorem, internam erosionem, nocturnas vigilias, & læsionem aliarum operationum vitæ, & partium adjacentium. Infelix ægra spatio trium mensium in hoc novo infelici statu perseveravit: cumque repleta fiducia erga tunc Servum Dei, nunc Sanctum Aloysium Gonzagam impetrasset, ut sibi tangere liceret ejus olæ partem correptam cancro, acerbissimo dolore correpta est,

236 DE SERVORUM DEI BEATIFICATIONE

eique visum fuit, ab injecta manu pectus sibi aperiri, & inde magna vi cancrum, & reliquum omnem morbum avelli; & statim, abjecta prorsus molestita, tum cancer, tum tota illa sinistri lateris infirmitas, qua jam quartum annum detinebatur, ita evanuit, ut sana omnino & incolumis remaneret. Hieronymus Mercurialis editis voluminibus satis notus, & Pompejus Tursius Medicus Florentinus, considerato statu morbi, dixerunt, eum fuisse cancrum occultum. Mercurialis addidit, ægros ab hoc morbo non consuevisse liberari, etiam adhibitis remediis efficacissimis; & Tursius ait, ægram naturaliter sanam fieri non potuisse temporis momento, cum cancer occultus aut curationem non admittat, aut longissimam exposcat, & per efficacissima remedia. Septem alii insignes Medici tunc Romæ viventes, cognitione miraculi delata, ut tunc moris erat, ad Rotæ Auditores, jussi sunt sensum suum aperire; Ambrosius videlicet Galianus, Angelus Victorius, Bernardinus Castellanus, & Philander Collutius, qui dixerunt, morbum fuisse cancrum occultum, nec potuisse sine miraculo evenire, ut abique ullo prævio medicamento statim evanuerit simul cum alio morbo, qui jam per quatuor integros annos perduraverat; Julius Cæsar Lagalla artium & medicinæ Professor, qui adhæsit supradictæ sententiæ, & circumstantiam ponderavit morbi, seu cancri, non incipientis, sed confirmati, cum esset ad instar ovi, & cancer, cum in principio apparet, sit uti faba parva; Pompejus Caimus, & Thomas Grossius Medici, qui sanationem miraculo factam confirmarunt: eademque inter miracula recensita fuit tum ab Auditoribus Rotæ, tum a sacrorum rituum Congregatione, & memoratorum Medicorum judicia typis edita fuerunt in magna *Possione causæ S. Aloysii formis Romanis impressa anno 1721.*

7 In causâ Canonizationis S. Laurentii Justiniani, cum nobilis quædam matrona annos attingens septuaginta in febrim incidisset, post lapsum quindecim dierum emerfit tumor in ejus pectore nigricantis coloris magnitudine ovi cum duritie, & doloribus acerbissimis. Jussu Medicorum tumor oblitus est oleo liliaceo, & amygdalino, & post quatuor, aut quinque dies paululum suppuravit instar foraminis acus, ex quo satis exiguus humor stillabat. Sed ægrota in pejus corrente, & a Medico deplorata, & post amissam loquelam Sacramento extremæ Unionis munita, implorata ope tunc Beati, nunc Sancti Laurentii, ulcus clausum momento apparuit, momento dolores omnes cessarunt, nec aliqua species morbi remansit. Proposita a causæ Postulatoribus sanatione inter miracula recensenda, demandatum fuit Paulo Zacchiæ, ut sensum suum pro veritate aperiret. Aperuit, & ejus consilium est octavum post *questiones medico-legales.* In eo examinavit naturam & essentiam morbi, quem dixit fuisse tumorem cancerosum cum ulcere in pectore, licet testes medicinæ ignari eum gangrænam appellassent. Ætatem ægrotantis viribus destitutam, utpote prægresso morbo dejectis, sedulo ponderavit. Quoad curam a Medico præstitam, exhibitò supradictò oleo, dixit, fuisse simpliciter palliativam, ut
eam

eam vocant, ad dolorem tantummodo mulcendum, cum oleum prodesse non posset ad concoquendum, aut dissolvendum humorem renitentem, durum, ac cancerosum. Puris evacuationis, utpote modicæ, nullam dixit habendam esse rationem; tum quia pus vere non erat, sed ichor quidam, qualis ex malignis ulceribus fluere solet; tum quia tumor ab ejus evacuatione minutus non est, nec ægra aliquod sensit levamen: conclusitque pro miraculo, cum subito morbus recessisset, simulque omnia symptomata morbum consequentia; nec vestigia tumoris, aut ulceris amplius apparuerint. Siluit causa Canonizationis Sancti Laurentii Justiniani spatio multorum annorum; eademque resumpta tempore Alexandri VIII. cum Prosper Bottinius Archiepiscopus Myrensis tunc Fidei Promotor in suis animadversionibus easdem iterum proposuisset difficultates, quibus Zacchias in *allato consilio* responderat, Romulus Spetiolius Pontificius Archiater judicium suum pro veritate proferens, novis rationibus allatis, vera esse existimavit omnia a Zacchia adducta: & sacrorum rituum Congregatio habita coram memorato Pontifice die 27. Junii 1690. inter cetera miracula, quæ approbavit pro Canonizatione Sancti Laurentii Justiniani, recensuit & illud *subita sanationis, ejusdem Beati ope implorata, tumoris ulcerati, ob quem Marina Gritti nobilis Veneta ætate septuagenaria, a Medicis deplorata, Sacramento extrema Unctionis munita, loquendi facultate amissa, ad hanc moritura existimabatur.*

8 Sub eodem Pontifice Alexandro VIII. expedita fuit causa Canonizationis Beati Joannis a Sancto Facundo, in qua tempore Clementis X. in Congregatione videlicet habita coram ipso die 8. Martii 1672. inter cetera, quæ fuerunt approbata miracula, approbatum fuit illud *Elisabetha Gomez cancro in mamilla sinistra per annum cum dimidio inveterato, & in molem insignem aucto laborantis, & altero subtus brachium in latere sinistro prope cor, qui a Medicis tamquam insanabilis habitus fuerant: quare, post accessum ad sepulcrum dicti Beati, illius invocationem post Confessionem sacramentalem, & suspensionem sacrosanctæ Eucharistiæ, ac impositionem habitus ejusdem super dictam mamillam, mane sequenti post iteratam illius invocationem sana & incolumis a prædictis canceris, & acutis doloribus, quibus afficiebatur, absque ullo signo, seu vestigio prædictæ infirmitatis comperta est. Quid in hujus approbatione miraculi fuerit observatum, ex recitatis verbis Decreti plene desumitur, & aliquid infra innuetur. Sed, cum in causa Canonizationis tunc Beati, nunc Sancti Francisci Solani inter cetera, quæ fuerunt approbata, miracula legatur & illud in tertio genere approbatum *repentina sanationis Joannæ de Blancas a tumore canceroso, uti habetur in Decreto edito die 14. Julii 1726. aliqua in eo occurrunt notatu digna, quæ hic exponuntur.**

9 Joanna de Blancas per septennium cancro laborasse dicebatur in sinistra mamilla, absque eo quod adhibita remedia potuerint quidquam proficere. Tumor in dies augebatur, & ipsa affligebatur acutissimis doloribus, ita ut nec in lecto decumbere, nec somnum capere posset. Despera-

tis

tis humanis auxiliis, ad intercessionem Beati Solani confugit, ipsius Imaginem super cancro collocavit, & placidissimo somno correpta est. Mane excitata se sensit omni dolore vacuum. Ad ecclesiam perrexit, in cujus altari erat effigies Beati, servide oravit, & post regressum ad domum tumor mamillæ repente crepuit tanto impetu, ut aqua copiosa exinde profiliens tam circumstantes, quam parietem ipsum asperferit. Ægra mortuæ similis decubuit, vocatisque Medico, & Chirurgo, hic ex amplo ulcere mamillæ extraxit cancerum absque ullo vel minimo dolore, aut aliqua sanguinis eruptione: cujus canceri figura apparuit adeo grandis, ut manus magnitudinem adæquaret, radicibus varicosis, & teterrimi coloris inter viridem, & nigrum; cavitasque profunda & ampla, quæ in mamilla remansit, injectis in eam a Chirurgo nonnullis globis linteis melle rosaceo imbutis, nona die carne repleta est; & ægra perfectam undique sanitatem obtinuit.

10 Paulus Manfredus, & Joannes Trullius Medici collegiales, & professores in Urbis archigymnasio putarunt morbum esse verum cancerum. Joannes Baptista Pierius hospitalis Consolationis Urbis Chirurgus in diversam abiit opinionem, & sensit, morbum fuisse tumorem cancerosum, sed non verum cancerum. Adhæsit Pierio Antonius Placentius Medicorum Urbis Decanus: sed, cum uterque sanationem inter miracula recensendam diceret, licet morbus non fuerit verus cancer, necessarium esse existimatum fuit, iterum exquirere a Mansredo, & Trullio, qui morbum dixerant fuisse verum cancerum, & sub hoc titulo ejus sanationem miraculo judicaverant adscribendam, an idem judicarent, etiam si morbus cancer non fuisset, sed tumor cancerosus; illi autem affirmando responderunt.

11 Degebat in Urbe tunc temporis clarissimus Malpighius, ipseque de suo sensu super ea re interrogatus sequens edidit responsum: *I tumori cancerosi sogliono per la corruttela della materia, che si fa analoga all' acqua forte, esulcerarsi, e gettare materia icorosa, fetentissima, e per lo più in poca quantità, quale, rodendo la sostanza solida, o facendo escrescenze morbose, corrompe la parte affetta, e poi le vicine, e finalmente, comunicando i fieri maligni nella massa del sangue, produce la morte. Succedono però casi, e ne registra uno di un cancro nella mammella il Plazero, ne' quali oltre la sostanza de' tumori cancerosi si fa la raccolta d' un' umore, che non ha condizione di sangue corrotto, ma piuttosto di linfa estravasata, e trattenuta, quale è bianca alle volte, come chiara d' uova, ed alle volte gialla, quale, aprendo la cute con un' ulcere, esce con impeto, restando la mole del tumore canceroso, quale, quando è levato con le sue code, e con quella membrana, che serve di colarajo, e che somministra la materia acida ed acre, e che la rende maligna nella concavità lasciata, niente tramanda, e naturalmente presto si consolida, e cicatrizza. Quello, che suol succedere in simili casi, è, che dopo un' anno si regenera simil tumore nello stesso luogo, o in altra parte, specialmente nei corpi di mal' abito. Nel caso nostro non sono fuori dell' attività della natura l' apertura spontanea della mammella, lo sgorio impetuoso della materia, la quali-*

qualità, e quantità della materia, l'estrazione della sostanza cancerosa, e la presta consolidazione. Quello, che vi è di singolare, e fuori del consueto, è, che non sia ritornato il tumore, almeno manifestato in altre parti per lo spazio di sette anni, ne' quali sopravvisse sana. Di più nell'estrazione di simili tumori suole scaturire, nel levarsi il follicolo, copia di sangue corrotto: cosa, che non accadendo nel caso nostro, lo rende mirabile.

12 Super eo miraculo, de quo nunc agitur, Prosper Bottinius Fidei Promotor suas exaraverat animadversiones. Ipse quoque ejusdem in munere successor novas addidi, in quibus disputandum proposui, an effluxus albicantis materię, seu aquosi humoris a tumore sponte rupto naturę cancri opponeretur, & an aquosus ille humor, qui ex cancro manavit, eundem ita emollire, vel circum excavare potuerit, ut tam facile sine ferro, aut igne, & absque ullo dolore, aut laceratione fuerit extractus: & conclusi, ex ipso Peritorum dissidio satis colligi, certum non esse, morbum fuisse verum cancrum, ejusque idcirco sanationem, quatenus pro miraculo habenda esset, non posse recenferi nisi inter miracula tertii generis; sed neque ad hoc genus reduci posse, cum non fuisset subita.

13 Hicce meis animadversionibus responsum fuit a Dominico Lopez in sua consultatione medico-physica, ubi animadvertit, licet Julius Cæsar Claudinus respons. medic. 35. ex effluxu albicantis materię morbum cuiusdam Virginis dixerit non fuisse verum cancrum, sed tumorem cancerosum, & spurium: Ex altera vero parte, quoniam ulcus ibidem ante quinque menses excitatum materiam ichorosam albam fere semper, minimeque nigricantem sine fœtore emittit, ideo cancer (ut unicuique satis compertum esse confido) minime hic locum habere videbitur; Claudini tamen assertionem inde ortam dixit, quod ejus tempore nondum in aperto erat structura mamillarum, quam postea accuratio Anatomę detexit; ignorabatur enim illis inesse præter arterias, venas, & nervos, glandulas, vasa lymphatica, tubulos lacteos, ex quorum vasorum diversitate humores etiam diversi manare possunt, prout videlicet hi, vel illi tubuli discissi, corrosique fuerint a scindentibus, & erodentibus cancri ichoribus. Itaque Bonetus anatom. præf. lib. 4. de tumoribus sect. 2. observ. 7. in scholiis hæc habet: Interrogatus Hildanus-centur. 6. observat. 39. esset ne verus cancer mamma, in quo similis materia alba &c. reperta fuerat, affirmative respondet, materiam illam crassam albam, ac fœvo similem in medullis tumoris cancerosi repertam nullam asserere dubitationem, verus ne sit cancer. Idem quoque Lopez pluribus ostendit, aquosum humorem, qui ex tumore erupit, ipsum avellere non potuisse, ita ut subinde a Ghirurgo absque dolore folliculus fuerit extractus, cum id nec adscribi posset vi emollienti, aut vi corrosenti: non vi emollienti, cum curatio per emollientia cancro adversetur, & cancer non emollitus, aut comminutus, sed solidus, & integer fuerit extractus; non vi corrosenti, cum Medici corrosentem cancri ichorem valde reformident, nec umquam ab eo sanantem ægros sperent, sed experientia teste interitum vereantur.

240 DE SERVORUM DEI BEATIFICATIONE

14 Responderunt quoque egregii viri tum de factis, tum de jure scribentes; & post longum & maturum causæ examen, sacrorum rituum Congregatio, quod Medici, qui ægotam in Hispania curaverant, in processu examinati curationem dixerant miraculo tribuendam esse, quod tot alii Medici Urbis ad suffragium ferendum vocati, unanimes pronuntiaverant pro miraculo, quod duntaxat disputatio inter ipsos fuerat de genere morbi, quod tot post invocationem Beati acciderant circumstantiæ sanationi faventes, ut in ipsa unione aliquid ineffe visum sit excedens cursum rerum naturalem, quod denique defectus subitæ sanationis non sanationem ipsam, sed cicatricem potius respiciebat, prudenter abstinuit a declarando morbo tamquam vero cancro, ipsum appellavit tumorem cancerosum, & sanationem inter miracula tertii generis posuit.

15 Si itaque aliqua sanatio a cancro tamquam miraculum proponatur, ante omnia opus erit examinare, an morbus fuerit cancer, an scirrhus, an tumor aliquis medius, quem nonnulli zaratanem, aut tumorem cancerosum appellant, uti videri potest apud Ludovicum Mercatum *lib. 1. de affectionibus mulierum cap. 17.* Ad Nos non pertinet quærere, ex quibus causis cancer oriatur. Sennertus *pract. lib. 5. part. 1. cap. 20.* pro causa canceri assignat atram bilem, in quam vel flava bilis, vel humor melancholicus degeneravit propter ultionem. Munnicks in *chirurgia ad praxim hodiernam adornata lib. 1. cap. 23.* docet, acidum acre potentius ac valentius esse causam proximam canceri, causamque remotam esse totum id, quod generare potest humorem acrem austerum, & sic aerem calidum, aerem vitiosum, crassum cibum & potum, vigilias immodicas, perturbationes animi vehementes, & præsertim iram, obstructionem quorundam viscerum, suppressionem mensium, hæmorrhoidum, & aliarum consuetarum evacuationum.

16 Omnes corporis partes cancro affici possunt, sed in primis laxiores & fungosæ, juxta illud Galeni *lib. 2. ad Glauconem cap. 10.* *Cancrosi tumores in omnibus quidem partibus corporis fieri consueverunt, sed præcipue in mammillis mulierum, quæ sua naturali purgatione privantur.* Quare ait Sennertus *lib. 6. part. 3. sect. 1. cap. 7.* *Oritur vero is tumor in mammis frequenter, quia fungosa, & laxa sunt.* Ab eodem Sennerto *lib. 5. part. 1. cap. 20.* referuntur signa diagnostica canceri; docet enim, cancerum esse initio exiguum tumorem, & lentim crescere, habere colorem plumbeum, & lividum, aut nigrescentem, dolorem esse modo majorem, modo minorem, ardorem esse in tumore, tumorem quasi venas nigro sanguine distentas habere, ex minima quantitate in maximam molem excrescere, tumoris causam materialem maximam ex parte in venis residere, quæ pedes, & brachia canceri referunt. Aëtius *tetrab. 4. ferm. 4. cap. 43.* hæc de cancro habet, cancerum animalis similem dicens; *Nam & prominet, & ad tactum renititur, & difficulter tractabilis est.* &c. in mamma existente, tumor apparet ingens, ad tactum renitens, inæqualis inflat fera savus, penitusque pertinaciter insertus, radices longe lateque

lateque ascendens, & venis circumfusus velut illigatus, quas circumcirca varicosas habes, colore cnicricius ad ruborem vergens, & aliquando sublividus, & videtur quidem molli apparere, tangentibus autem durissimus est, ut visui hoc parte non sit credendum, dolorem autem inducit pungentem, latè se extendentem, ut saepe per consensum glandularum malignas inflammationes sub alio excitet. Ita, quod attinet ad scirrhum, caret ille dolore; & humor, qui scirrhum efficit, non in venis præcipue, sed in spatiis & poris partium residet, unde etiam venæ non amplè sunt & turgidæ; & tardius, quam cancer, incrementum sumit, veluti profequitur Sennertus loco allato, & ante ipsum Celsus lib. 5. cap. 28. Signa vero permutacionis, id est si scirrholus in cancerum degenerare velit, facile innotescent. Si, cum prius tumor sine dolore est, dolorem persentire incipit, & continuo vehementior fit. Novissime autem Munnicks loco allato num. 6. scripsit: Deum (loquitur de cancro) a scirrbo distinguitur in primis dolore; etenim verus scirrbus indolens est, cancer autem continuo dolorem facit; atque tum scirrhum in cancerum degenerare conjicimus, cum incipiat acriter dolere.

17 Expõsitis, ponderatisque cancri signis, videndum est, quid Medici doceant de ejus sanatione. Testatur Galenus cit. lib. 2. ad Glauconem, se incipientem cancerum curasse; sed, cum ille in molem creverit insignem, alii modo relati Auctores docent, non esse sanabilem citra chirurgiam; cum ejus tanta ferocitas, tanta savitia sit, ut vehementissima quæque respuat medicamenta, illisque potius irritetur, & exandescat, quam ulla ratione curetur. Celebris est aphorismus 38. Hippocratis lib. 6. Caneros occultos habentes melius est non curare: curati enim cito pereunt; non curati vero longius tempus perdurant. Quid pro occultis canceris Hippocrates intelligere voluerit, inter Medicos quæritur. Afferunt nonnulli, textum intelligendum esse de canceris in profundo corporis, & in intimis partibus enatis: sed, cum canceri in reconditis partibus corporis geniti, utpote intractabiles, nullatenus subjici possint curationi per medicamenta localia, verisimilior est expositio illorum, qui Hippocratem explicant de canceris nondum apertis, aut ulceratis, quos Græci carcinomata vocant; uti late videri potest apud Tozzium tom. 4. in aphorismos Hippocratis lib. 6. aphor. 38.

18 Sanctus Augustinus lib. 22. de civitate Dei cap. 8. col. 665. num. 3. operum tom. 7. referens inigne miraculum Carthagine patratum, rectè usus est prædicto Hippocratis aphorismo: In eadem Carthagine Innocentia religiosissima femina de primariis ipsius civitatis in mamilla cancerum habebat, rem, sicut Medici dicunt, nullis medicamentis sanabilem. Aut ergo præcidi solet; & a corpore separari membrum, ubi nascitur, aut, ut aliquanto humo diutius vivas, tamen inde morte, quamlibet tardius adfuturam, secundum Hippocratis, ut ferunt sententiam, omnis est omittenda curatio. Hoc illa a perito Medico, & sua domui familiarissimo acceperat, & ad solum Deum se orando converterat. Admonetur in somnis, appropinquante Pascha, ut in parte seminarum observanti ad Baptisterium, quacumque illi baptizata primitus occurrisset, signaret ei locum signo Christi. Fecit, & confestim sanitas secuta est. Medicus sane, qui ei dixerat, ut nihil

Tom. IV.

H h

cura-

242 . DE SERVORUM DEI BEATIFICATIONE

curacionis adhiberet, si paulo diutius vellet vivere, cum inspexisset eam postea, & sanissimam comperisset, quam prius habere illud malum tali inspectione cognoverat, quaesivit ab ea vehementer, quid adhibuisset, cupiens, quantum intelligi datur, nosse medicamentum, quo Hippocratis definitio vinceretur. Cumque ab ea, quid factum esset, audisset, voce velus contemnens, & vultu, ita ut illa metueret, ne aliquod contumeliosum verbum proferret in Christum, religiosa urbanitate respondisse fertur: Putabam (inquit) magnum aliquid te mihi fuisse dicturam: Atque, illa jam exhorrescente, mox addidit: Quid grande fecit Christus sanare cancerum, qui quadriduanum mortuum suscitavit?

19 Hucusque adducta ostendunt, cancerum, non incipientem, sed confirmatum, nondum apertum, aut ulceratum, esse iudicio Medicorum insanabilem; quod ipsum magis etiam dicendum, esse videtur de cancro confirmato, quamvis exulcerato, uti prosequitur Sennertus *cit. lib. 5. part. 1. cap. 20. in prognost.*: Immo in universum plerumque existimant, cancerum confirmatum, & exulceratum nullum curari posse. Cancer autem exulceratus cognoscitur ex ulceris foeditate, labiis crassis, tumidis, inversis, lividis, inæqualibus, erosus, faniens, seu potius ichorem foetidum, & copiosum eructantibus, acriter dolentibus, atque sanguinem frequenter fundentibus, quemadmodum late explicat Munnicks *loc. cit. num. 6.* Testatur quidem Joannes Scultetus *in armam. chirurg. observ. 52.* se cancerum curasse; sed in casu ab eo relato, ut ipse testatur, cancer profundas radices nondum egerat. Item Scultetus, præmissis debitis cautelis & diligentibus, purificatione videlicet patientis, mamillam abscidit: quæ curatio ambigua est, cum vera curatio in eo sita sit, ut mamilla remaneat, & cancer sanetur. Additur, ipsum in partem dissectam ignem injecisse, ut sanguinis effluvium compesceret, & per ignis potestatem extingueret quicquid malignitatis cancri superesse potuerat. Et demum ipse fatetur, ex cancro sanatam pluribus aliis morbis deinde fuisse vexatam, & signanter herpete miliari. Felix quoque Platerus *lib. 2. observ. medic.* multa affert de sanatione a se perfecta cujusdam tumoris canceratici. Prætermisso autem, plurimum dubitari potuisse, an tumor ille esset verus cancer, vis major stat in hoc, quod, ipso teste, morbus recruduit: Anno sequenti fere elapso, rursum caro sensim ad capitis magnitudinem excrevit, cui adnati duo tumores minoris infantis capitis instar illic conspicebantur, ex quibus vermes vivi prodierunt. Jam, dum hæc scribo, paulatim ei vires deficiunt; quod mortis brevi subsecuturæ indicium. Et hoc passim a Medicis asseritur, si cancri curantur, eos post aliquod tempus aut repullulare, aut ægrum, qui sanatus videbatur, aliis tumoribus affici. Avicenna *lib. 4. fen. 3. tract. 2. cap. 16. pag. 127.* Medicus quidam incidit mamillam cancerosam radicibus, & cancerata est altera; Mercatus de mulier. affect. *lib. 1. cap. 17. pag. 534.* Mihi alienum a ratione semper visum fuit, chirurgicæ operatione carcinoma quodvis extrahere; tum quia, etsi ex toto eradicet, non subinde corpus sanabit, revertitur enim non multo post; tum quia periculum est, aut corpus deinceps in gravius aliquod malum prorumpere, aut in affecta

affecta parte vlcus insanabile superesse. Sennert. in prac. medic. tom. 3. lib. 5. par. 1. cap. 20. in prognost. num. 6. Observatum est sepius, quomodo aneſſi, & aliquando curati fuerint cancri in exterioribus, eosdem tamen postea rediisse in eodem, vel etiam in aliis partibus, ut, cancro in mamma curato, alitem in utero subortum fuisse; Joannes Forc. consulti. medic. tom. 1. recensur. 4. consulti. 85. vers. Considerandum, Monton. consil. 186. col. 472. litena C. Acquapendent. lib. 1. cap. 22. pag. 218. §. Ultimo, quod, Albucasis lib. 2. de methodo medendi cap. 58. Ego enim non potui sanare ex eo (videlicet cancro) aliquam; neque vidi alium ante me pervenire ad illud. Plater. ubi supra pag. 524. §. Cancor in mamillis: Quamplurimos tumores ejusmodi in feminis vidi verum cancrum exprimentes tam integros (hoc est non ulceratos) quam postea emulceratos &c. diu excruciantes, atque, etsi radicibus in aliquibus ad cystas usque exciparantur, rursus repullulantes, tandemque mortem afferentes. Et hinc fit, ut, si aliqua sanatio a cancro tamquam miraculum proponatur, non solum, quemadmodum supra dictum est, videndum sit, an cancer fuerit incipiens, an incrementum sumperit, an omnia signa veri cancri habuerit, sed etiam, an sanatio perfecta subsccuta sit, exclusa metastasi, & exclusa recidiva, uti alibi dictum est, dum de morbis reverentibus agebatur. Quod si res sit de vero cancro, non incipiente, sed constituto in eo laes. in quo resiquit medicamenta, &c, invocato Dei sermo, aut Beato, sanatio acciderit; rursus, si sanatio fuerit vera, & perfecta, nec postea eue idem morbus repullulaverit, aut sanatus alijs tumoribus fuerit affectus, de miraculo non erit dubitandum. Pro qua assumptione faciunt bulla Canonizationum Sancti Thome de Villanova sub §. 24. Sancti Caroli Borromei §. 42. Sancti Ignatii Lojola §. 41. Sancti Francisci Xaverii sub §. 4. necnon relationes Rotæ Auditorum in causa Sancti Thome de Villanova miracul. 2. post obitum penes Contelor. de Canonizatione Sanctorum; in causa Sancte Teresie miracul. 5. post mortem; in causa Sancte Elisabethæ miracul. 4. in vita; in causa Serui Dei nunc Beati Hieronymi Aviliani mirac. 3. post mortem: etiam si vel adhibita fuissent medicamenta, vel sanatio subita non fuisset; cum verus cancer, ex dictis, medicamentis non sanetur, & cum subita sanationis conditio non sit necessaria in miraculis secundi generis. Quid autem dicendum erit de sanatione a scirrho? Paulus Ægineta lib. 3. Aetius lib. 10. cap. 27. hoc iudicium proferunt de sanatione a scirrho: Hec communis Medicorum sententia curissima est, quod antiqui scirrbi curari nequeunt; Et qui non admodum antiqui sunt, cum maxima difficultate in partibus externis, multo magis in internis, & precipuis, ut est hepar, in quo indurati scirrbi non modo incurabiles sunt, sed ut plurimum ad hydropem terminantur. Galenus docet, quoniam scirrbi antiqui sint appellandi, En ejus verba 2. ad Glauc. cap. 5. Scirrhum quidem hepatis ab initio sanavimus sepius: ubi vero ad plures dies forte foret extensus, neque ipso potui sanare, neque alium vidi, qui posset: ex quibus verbis quemadmodum sacre Congregationis Consultores bene edoceri possunt, quandoque scirrhus sit morbus curatu facilis, quando curatu difficilis, quan-

244 DE SERVORUM DEI BEATIFICATIONE

do medicamentis sanari possit, aut non sanari, ita suum ex illis rectum formare possunt iudicium, quando ejus sanatio sit, aut non sit inter miracula referenda, aut quando inter miracula secundi generis, aut tertii.

20 Ulcus, gangræna, sphacelus, fistula ab ignaris medicinz passim pro cancro usurpantur, ideoque, dum testium medicinam ignorantium dicta perpenduntur in causis Beatificationis, & Canonizationis, opus est, ut medicinz Periti morbi qualitatem, signa, & symptomata ab eis exposita bene perpendant, ut videatur, an morbus, de cujus momentaria sanatione testantur, fuerit cancer, ut ipsi locuti sunt, an ulcus, gangræna, sphacelus, aut fistula, juxta ea, quæ habentur apud Zacchiam *cit. consil. 8.* ubi narrat, testes sanationem referentes, morbum appellasse gangrænâ, licet esset verus cancer. Facile profecto & passim confimiles acciderent ambiguitates, si in causis, de quibus agitur, cum res est de miraculis, testes tantum medicinz ignari examini subjicerentur: sed cum ex alibi dictis major vis constituatur in Medicis ad ægri curationem vocatis, nulla videtur esse posse dubitatio; licet adhuc aperta sit feriis disputationibus via de morbi natura, discrepantibus videlicet inter se Medicis ad ægri curam vocatis, neque consentientibus iisdem Medicis cum Medicis a sacra Congregatione electis ad iudicium ferendum, & aliquando discrepantibus etiam inter se Medicis illis, qui tamquam Periti vocantur, ut suum pro veritate proferant de miraculo sanationis iudicium, uti supra visum est in causa Sancti Francisci Solani, in qua scissi sunt inter se Periti disputando, non quidem utrum morbus fuisset cancer, an ulcus, aut gangræna, aut sphacelus, vel fistula (hæc enim fuisset disputatio Medico indigna) sed utrum morbus esset verus cancer, an spurius, seu tumor cancerolus.

21 Ut vero sacre Congregationis Consultores, aut Theologi, aut Juristæ aliquid præ oculis habere possint, quod ad eos morbos pertineat, qui ab idiotis cum cancro confunduntur, dicemus, ulcus definiri *solutionem continui in parte carnosâ cum sanie, aut pure*; vel potius, *ulcus esse solutionem continui cum immunda magnitudine in parte molli, ortum habens a materia erodente*: quæ ulceris definitio videtur omnium perfectissima, cum distinguat exacte inter se vulnus, & ulcus; in vulnere enim tantum est soluta unitas, & nihil ex necessitate de parte affecta amissum est; in ulcere vero semper aliquid de parte imminutum & amissum observatur, uti fuse docet Munnicks in *sua praxi chirurg. lib. 3. cap. 1. num. 2.* Dicemus, gangrænâ, & sphacelum nec tumores esse, nec ulcera, sed partis mollioris affectæ mortificationem; & gangrænâ in hoc differre a sphacelo, quod gangræna est via tendens ad mortificationem, & sphacelus est plena, perfecta, & absoluta mortificatio non solum invadens partes molliores, puta cutem, carnem, venas, arterias, nervos, sed & alias solidiores, puta ipsam ossa, veluti late prosequitur Sennertus *præf. lib. 5. part. 2. cap. 19.* Addit Hieronymus Fabricius ab Aquapendente *pentateuchici lib. 1. cap. 19.* tam gangrænâ, quam sphacelum esse passionem mortificantem (utendum enim Medicorum

dicorum verbis) neque differre, nisi per magis & minus; & unico potissimum signo gangrænam, & sphacelum distingui: nam si pars laborans sece-
tur, purgatur, vel aduratur, & nihil prorsus sentiat, affectio hæc sphacelus dicitur; & si sentiat, gangræna appellatur. Concordant antiquiores, videlicet Paulus Aegineta lib. 4. cap. 19. *Gangranas enim appellant, cum membrum aliquod ob inflammationis, qua conficitur, magnitudinem emoritur; neque jam confirmatas sic dicunt, sed que etiamnum sunt &c.* ubi vero membra sic vitiosa in totum sensu fuerint destituta, affectum non amplius gangrænam, sed jam sphacelum nuncupant; Avicenna lib. 4. fen. 3. tract. 1. cap. 15. pag. 117. ubi loquens de inflammatione ad gangrænam tendente ait: *Et, quod de hoc est in principio, & non corruptum cum eo sensus ejus, cui est sensus, nominatur gangræna: & proprio, quod est phlegmonides in principio.* Et quod ita confirmatum est, ut destruiatur sensus ejus, cui est sensus, & illud est, ut destruiatur caro, & quod ipsam sequitur, & usque ad os, siue sit ineipiens, aut succedens apostemati, nominatur *Aschachilos*, scilicet sphacelus, ut ex notis marginalibus desumitur, ubi ea vox Arabica explicatur. Dicemus denique, fistulam esse sinum callosum, per quem aliquid assiduo expurgatur; nec enim datur fistula sine callo, juxta Zacchiam *consil. 38. post quasi medico-legal. num. 7.* & e fistulis materia sæpe cum copia, & nonnunquam quantitate exigua excernitur, juxta *Doleum encyclopad. chirurg. lib. 6. cap. 2. pag. 280.* nisi forte ob magnam callositatem nulla materia a fistula prodeat, ut ait *Muſtan. chirurg. rom. 2. cap. 20. de ulcere fistuloso in principio pag. 85.* Scribit *Munnicks in sua chirurgia lib. 3. cap. 7.* fistulam esse sinum angustum, & oblongum, ejus orificium esse angustum, fundum vero latum, & callosum, in quo fanies copiosa simul, & virulenta colligitur, quæ ab eo continue manat.

22 In Actis Canonizationum multa prostant miracula liberationum a morbis prædictis. Quoad sanationem ab ulceribus legi possunt relationes *Rote Auditorum in causis Sanctorum Aloysii Gonzage miracul. 9. Ludovici Bertrandi ad tit. Sanatio ulcerosi abscessus, Paschalis de Baylon miracul. 13. Petri Regalati miracul. 4. post mortem; & novissime sacrorum rituum Congregatio approbante Benedicto XIII. inter cetera miracula pro Beatificatione tunc Servi Dei, nunc Sancti Vincentii a Paulo recensuit & illud instantanea sanationis Sororis Maturina Guerin ab inveterato, & maligno ulcere in tibia. Quoad sanationes a gangrænis, ut antiquiora exempla sileamus, legi possunt Decreta edita pro Canonizatione SS. Peregrini Latiosi, & Alonsi Magrobisii: in primo quippe edito die 24. Decembris 1724. miraculis adscribuntur instantanea sanatio Francisci Armigioni Sacerdotis ab ulcere gangrænosum, & instantanea pariter sanatio Maria Gertrudis Valentina Monialis in monasterio Sancta Cecilia civitatis Tiferni ab ulcere pariter gangrænosum; & in secundo edito die 11. Januarii 1726. miraculo adscribitur sanatio instantanea Petronilla Arias Maldonado ab ulcere gangrænosum. Denique quoad sanationes a fistulis legi possunt bullæ Canonizationum S. Petri Martyris, pag. 85. cod. Canoniz. ubi: *Cujusdam sinistra manus digitum ex morbo fistula plurium foraminum concu-*
vitate*

vitae defessum mira consolidatione sanavit; S. Richardi, pag. 100. loc. cit. ubi: Antiquitas fistulas plurimum effusum concitavit, contrahiens & sine spe sanitatis stantes sanavit, ejusdem Sancti meritis, ulceribus etiam expositi sanati. Divina pietatis clementia desiccavit; S. Petri de Morone, pag. 120. loc. cit. ubi: Puella acriam quandam, quae fistulam tam gravem habebat in pede cum aperuimus plurimum, quod de perditione pedis a Medicis timebatur, portata ad ipsum, & subito per eum super plagam signaculo sanctae Crucis, statim sanata est, ita ut post dies paucos non appareret in dicto pede aliquid infirmitatis praedictae vestigium, vel cicatrix.

23 Sanctus quoque Augustinus de civitate Dei lib. 22. cap. 8. col. 565. loc. cit. postquam narravit, Innocentium fuisse fistula quadam vexatum, ita ut proximo mane esset ad incisionem deveniendum (Illuxit dies, qui movebatur; aderant Servi Dei, sicut se adjuvuros esse promiserant. Ingressi sunt Medici: parantur omnia, quae hora illa poscebat; tremenda stramenta proferuntur, attonitis, suspensisque omnibus) sanationem miraculo adscribit, cum fistula inventa sit occulta cum singillima cicatrice: Solvuntur (inquit) nodi ligamentorum, nudatur locus, inspicit Medicus, & secundum illum sinum orationis, atque intentus inquirat. Scrutatur oculis, digitisque cavet. Tentat denique modis omnibus, invenit finissimam cicatricem. Et paulo post aliud simile narrat miraculum, quod contigit in sanatione Lucilli Episcopi loc. cit. col. 568. num. 1.1.: Memorati Memoriam Martyris (Sancti videlicet Stephaniani) quae posita est in castello Synitensi, quod Hipponensi coloniae vicinum est, ejusdem loci Lucillus Episcopus populo praecedente, a quo sequente, portabat. Fistula, cujus molestia jamdiu laboraverat, & familiarissimi sui Medici, qui eam securos, opprimebant manus, illius pia sarcina velatione, repente sanata est. Quas sanationes, utpote a tanto viro narratas, impium esset aut negare, aut naturae potius, quam miraculo tribuere; cum eas ipsi quoque Phylloi admittant, videlicet Manget. in Bibliotheca medica, in verb. Fistula pag. 482. Senpeltius oper. tom. 3. lib. 5. part. 2. cap. 10. in fine.

24 Scribentes de Canonizatione Sanctorum, quod attinet ad hos morbos, vim totam constituunt in sanatione subita & momentanea. Martini per. 4. cap. 7. n. 13. de sanatione ab ulcere scribit: Si sanatio fiat in continente, cognitur intellectus fieri, sanationem fuisse miraculosam; cum enim constat de exterioribus, neque de transitu instantaneo a morbo ad sanitatem, & non ex causa naturali, quae non potest perfecte operari in instanti, per consequens necessario concludendum est, talem sanationem fuisse miraculosam: similique modo loquens de Gangrena, & fistula prosequuntur Bordon. de miraculis medic. 7. quae. 17. Matthaeus. in praef. Theologiae Canon. ad causas Beatificat. & Canonizat. tit. 13. cap. 13. §. 14.

25 At eorum pace plura alia crederem serio esse animadvertenda, antequam de miraculo sanationis proferatur judicium. Nam ad ulcus quod attinet, ejus forma, & subjectum, & causa efficiens debent praeculibus haberi; item, num fuerit poenitum, an parvum; num antiquum, an recens; an cum humorum influxu; num internum & latens, an exterius & patens cum,

eum, an sine offis corruptione, vel carie; juxta fufe & docte relata a Munnicks *chirurg. lib. 3. cap. 1. & plurib. seqq.*, qui ex his circumstantiis recte colligit facilem, aut difficilem ulceris esse curationem. Fabricius ab Aqua-pendente *lib. 3. part. 2.* ulceris rotundi curationem docet esse difficiliorem. Refragatur Marcus Aurelius Severinus in *medic. efficac. part. 1. cap. 15.* At pro opinione Fabricii stat magnus Hippocrates *6. epid. sect. 1. text. 18.* ubi ulcera hujus figuræ pernicioſa vocat, quod confirmat Vallefius in *comment.* his verbis: *Pernicioſa quidem ſunt ejus figura ulcera, & curatu difficillima, ut libello de ulceribus ipſemet Hippocrates teſtatur, adeo ut curari non poſſint, niſi duplici, aut quadruplici ſectiōe ex rotundis longa fiant.* Fridericus Hoffmannus in *annotat. & additam. ad Petrum Poterium pag. 110.* difficilem pronuntiat ulcerum curationem in partibus nerveis, membranaceis, & cartilagineis, ſecus in carneis, & ſanguineis: *Ulcerā in partibus nerveis, membranaceis, & cartilagineis oborta difficillime ſaneſcunt, quoniam partes hæ anguſtis tubulis conſtant, per quos liquor alibilis temperatus, nullo ſale volatili, vel oleo imbutus tranſit: hinc facilem ſtaſim, & acorem concipit. Secus ſit in partibus carneis, & ſanguineis, quibus ob præſentiam ſalis volatilis oleoſi, quod corruptionis cuſtos eſt, difficillime inducitur acor: quare ulcera biſce in locis conſiſtentia facilius ſanationem ſuſcipiunt. Ulcus narium putidum & graveolens Ozæna a Medicis appellatur; & hæc ulcera narium curatu difficilia dicuntur ob humiditates & excrementa cerebri ad eam partem deſluentia, quemadmodum late exponit Sennertus *pract. lib. 1. part. 3. cap. 1.*; & Munnicks *loc. cit. cap. 5. num. 4.* pronuntiat, cariem offium impedire ulceris curationem, nec ullum ulcus perfecte ſanari poſſe, cui ſubelt os corruptum, & ut os corruptum tolli poſſit, detegendum & denudandum eſſe, ſi carne operiatur, ulcere dilatato vel per ſectiōem, vel immiſſa turunda ex radice Gentianæ, aut ſpongia præparata.*

26 Apud Schenckium *lib. 4. medic. obſerv.* exponitur hiſtoria graviſſimæ gangrænæ in oſtio uteri cujuſdam matronæ, artis adjutorio, & vi medicamentorum ſanata. Sennertus *pract. lib. 5. part. 2. cap. 19. in prognſticis* docet, gangrænā eſſe malum periculofum, & niſi citiſſime auxilium feratur, in ſphacelum degenerare, ſed facilem eſſe curationem, ſi fiat in vegeto adhuc & juvenili corpore, in quo ſpiritus vitales adhuc ſunt integri, & muſculi, & nervi nondum ſunt læſi; & ſphacelum eſſe malum periculofius, cum pars ſphacelo correpta, niſi a viva excindatur & ſeparetur, partes iniſciat vicinas: & quod attinet ad fiſtulas, vulgatum eſt, fiſtulam antiquam difficilius ſanari, quam fiſtulam recentem, & facilius fiſtulam ſanari in juvene, quam in ſene, juxta ea, quæ habentur in *theſauro chirurgiæ præſtantiffimorum Auctorum collecto per Petrum Uffenbachium pag. 808.* *Expendita quoque curatio eſt in fiſtula ſimplici, recenti, intra carnem; adjuvataque ipſum corpus, ſi juvenile, ſi firmum eſt; inimica contraria hiſ ſunt.*

27 Hæc igitur, & alia plura e Medicorum libris, & conſiliis, præter ſubitam ſanationem, in ulceribus, gangrænâ, & fiſtulis ſunt diligenter exami-

248 DE SERVORUM DEI BEATIFICATIONE

examinanda, antequam sanationes miraculis adscribantur; cum, uti saepe dictum est, miracula non fiant nisi in magnis morbis, quique difficile curari possunt. Medicamentorum, si forte exhibita fuerint, ratio haberi debet, ut videatur, an eorum vi sanatio adscribi possit. Quodque notatu dignum est, etiam si ulcus, gangraena, fistula momento sanata essent, & sanatio non posset ad vim medicamentorum referri, & ulcus, gangraena, & fistula qualitatibus praeditae fuissent, quae morbi gravitatem indicassent, antequam de miraculo iudicium proferatur, congruum tempus est expectandum, ut videatur, an ex ulceris, aut fistulae cicatrizatione, ut eam vocant, alii postmodum morbi sanati invaserint, cum metastasis in alium morbum obstat approbationi miraculi; & loquendo de morbis praeditis, facilis sit, cum sanantur, conversio in alium morbum, & ejusdem reversio. Hippocrates id observat his verbis: *Cuidam erat ulcus magnum in tibia. Hoc cum parvum factum esset (quid si penitus occlusum?) lateris dolor, & pectoris sinistri e directo, & febris. Mortuus est a febre.* Richardus Mortonus *phthisologia lib. 3. cap. 8.* testatur, a veterum ulcerum, fontanellarum, & similium suppressione phthisim pulmonariam ut plurimum fieri, & historiam refert Simonis Chiruzgi, qui post longevam fistulam sua sponte clausam phthisi pulmonariae teterrimis comitata symptomatibus consumptus interiit. Amatus Lusitanus *centur. 2. histor. 6.* & Bartholinus *centur. 3. histor. 20.* memorant ex ulcere sanato epilepsiam subortam. Fabricius Hildanus *observat. chirurg. centur. 3. observat. 39.* exemplum adest cujusdam Comitissae, cui ulcus caecothesis in crure sinistro aderat, quod cum Empirico cuidam curandum tradidisset, ulcus quidem curatum fuit, sed post menses aliquot in sinistro latere pleuritide cum maximis doloribus, & febre correptus intra paucos dies obiit. Ea vero, quam morbo durante exspuebat materiam, qualis antea ex ulcere emanare solita erat, referebat. Quod dictum est de ulceribus, sibi vindicat locum etiam in fistulis: ita enim scribit Doleus in *encyclop. chirurg. rationalis tom. 2. lib. 6. cap. 2.* Sunt & nonnulli, quibus occluduntur fistulae: hinc conqueruntur de anxietate, & angustia pectoris, respirandi difficultate. Ratio est, quia sunt coagulationes in succis nostris. Sequitur Sennertus *oper. medic. tom. 3. lib. 5. part. 2. cap. 10. de fistulis num. 3.* ubi, loquendo de fistulis antiquis, & remotis a partibus nobilibus, & per quas humores superflui ac vitiosi jamdiu expurgari consueverunt, subjicit: *Tales enim fistulae, cum homines a multis morbis praeservent, claudenda non sunt. . . . Verum, etiam si claudantur, rursus aperienda sunt.* Docuit Hippocrates *6. epid. sect. 3. text. 35.* fistulas esse aliorum morborum medelas: ideoque Vallesius in *comment. text. 34.* ita scribit: *Cum consueti aliqua evacuatio cohibetur, omnia periclitantur simul &c. ut vel vulgi jam sit opinio, cum vetus aliqua evacuatio cessat, periclitari hominem de vita; idque, siue Chirurgus cessare facias, siue sponte cesset; & clarius in textu sequenti: Igitur in omni diuturno abscessu, siue sit cum evacuatione, ut ulcus, fistula, haemorrhoides, siue existat sine ea, ut vetus podagra, videndum est, quomodo cures; plurimi enim cortus, qui tali morbo multis jam annis laborarunt, so-*

lent

lent in nephritidem, aut asthma, aut etiam aliquam apoplecticarum passionum incidere.

28 Et coherenter ad hæc, cum inter miracula approbata pro Canonizatione Beati Vincentii a Paulo relatum fuerit illud instantanea sanationis a putridis, & diuturnis ulceribus cum longa, & consumaci urina retentione, atque enormi hydrepe, uti colligitur ex Decreto edito die 10. Augusti 1736. Doctor de Marcangelis in Romano Archigymnasio publicus Medicinæ Professor pro veritate scribens, inter cetera pro miraculo adducta hæc addidit: *Devicta antiquorum ulcerum contumacia, neque in affecta, neque in alia postmodum parte transferri, & recrudescere visa est.*

C A P U T X V I I I.

De sanatione a febris, quando sit miraculo adscribenda.

1 **S**anationem filii Reguli a Christo factam exponit S. Joannes in Evangelio cap. 4. v. 46. *Erat quidam Regulus, cujus filius infirmabatur Capharnaum. Hic, cum audisset, quia Jesus adveniret a Judea in Galilæam, abiit ad eum, & rogabat eum, ut descenderet, & sanaret filium ejus; incipiebat enim mori. Dixit ergo Jesus ad eum: Nisi signa & prodigia videritis, non creditis. Dicit ad eum Regulus: Domine, descende, priusquam moriatur filius meus. Dicit ei Jesus: Vade, filius tuus vivit. Credidit homo sermoni, quem dixit ei Jesus, & ibat. Jam autem eo descendente, servi occurrerunt ei, & nuntiaverunt dicentes, quia filius ejus viveret. Interrogabat ergo horam ab eis, in qua melius habuerit. Et dixerunt ei, quia heri hora septima reliquit eum febris. Cognovit ergo pater, quia illa hora erat, in qua dixit ei Jesus: Filius tuus vivit. Et credidit ipse, & domus ejus tota.*

2 Ter sermo fit in Evangelio de focu Simonis febricitante, & a Christo Domino miraculo liberata: Matthæi liquidem cap. 8. v. 14. ita legitur: *Et cum venisset Jesus in domum Petri, vidit socrum ejus jacensem & febricitantem, & tetigit manum ejus, & dimisit eam febris, & surrexit, & ministrabat eis; & Lucæ cap. 4. v. 38. Surgens autem Jesus de synagoga introivit in domum Simonis. Socrus autem Simonis tenebatur magnis febris, & rogaverunt illum pro ea. Et stans super illam imperavit feberi, & dimisit illam, & continuo surgens ministrabat illis; & Marci cap. 1. v. 30. Decumbebat autem socrus Simonis febricitans, & statim dicunt ei de illa. Et accedens elevavit eam, apprehensa manu ejus; & continuo dimisit eam febris, & ministrabat eis: quod Christi Domini miraculum hisce carminibus elegantissime expressit Sedulius Presbyter, natione Scotus, Poeta Christianus, qui claruit sub Theodosio anno 430. & cujus opera edita fuerunt in magna Bibliotheca Patrum Editionis Parisiensis anni 1624. tom. 8. lib. 3. pag. 666. ubi legitur:*

Forse Petri valida torrebatur lampadis æstu

Febris anhela socrum, dubioque in funere pendens

Tom. IV.

1 i

SAN-

*Saucia sub gelidis ardebat vixta periclis ,
Immensusque calor frigus lethale coquebat ;
At , postquam fissos Domini manus attingit artus ,
Igneus ardor abit , totisque extracta medullis
Fons latentis aqua cecidit violentia flamma .*

3 Ader de morbis Evangelicis enarrat. 9. ait, filium Reguli maligna quadam febre putrida, acutissima, & lethali fuisse vexatum; & enarrat. 8. advertit, focrum Petri probabiliter fuisse annorum serne quinquaginta; erat enim mater uxoris Petri; puellæ autem, juxta antiquam legem & consuetudinem, ante decimum octavum annum matrimonio non jungebantur; & habita ratione loci, in quo contraxit morbum, & ejus temperamenti ficci & biliosi, arguit magnitudinem morbi. Zacchias *quæst. medico-legal. lib. 4. tit. 1. quæst. 8.* scite notat, Evangelistam non dixisse, focrum Petri teneri magna febre, sed *magnis febribus*, ut indicaret videlicet nimiam sævitiam symptomatum. Jo: Jacobus Schevchzeri in *physica sacra ad cap. 8. Matth. pag. 1331.* magnitudinem febris hujus colligit ex qualitate febris, ex ætate ægrotantis, ex climate sub quo degebat; & miraculi magnitudinem colligit ex prompta & momentaria curatione, ad nutum & jussu Christi Domini, perfecta- que virium recuperatione; cum convalescentes ex hujusmodi febribus jam soluti per crism debiles admodum sint, & vix pedibus insistere possint. Magnitudo vero febris in filio Reguli plenissime demonstratur ex illis Evangelistæ verbis: *Incipiebas enim mori.* Aliudque miraculum liberationis a febre narratur *Actor. cap. 28. v. 8.* Contigit autem, patrem Publii febribus & dysenteria vexatum jacere. Ad quem Paulus intravit; & cum orasset, & imposuisset ei manus, *salvavit eum.* Quo facto, omnes, qui in Insula habebant infirmitates, accedebant, & curabantur. Porro, cum duplex sit dysenteria alia benigna, quæ comitem non habet febrem, aut, si habet, levem admodum habet; alia maligna, qua laborans valde febricitat; ad indicandam morbi gravitatem merito facta est mentio tum febrium, quod, juxta supradicta, magnitudinem febris indicat, tum dysenterix, & demum vexationis, cum tormina a torquendo ab aliquibus dysenteria ipsa dicta sit. Celsus *lib. 4. de re medica cap. 15.* hæc habet de dysenteria: *Proxima his inter intestinorum mala tormina esse consueverunt: dysenteria græce vocatur. Intus intestina exu lcerantur; ex his cruor manat, isque modo cum stercore aliquo semper liquido, modo cum quibusdam quasi mucosis excernitur. Interdum simul quedam carnes descendunt. Frequens desicendi cupiditas, dolorque in ano est.* Hollerius in comment. *ad aphor. 3. sect. 6.* ait, Hippocratem interdum vidisse dysenteriam sine febre; & Fernellius *lib. 6. de part. morb. & sympt. cap. 10.* docet, non omnem dysenteriam statim & necessario febrem comitari, sed eam tantum, cujus humor est acerrimus, isque e visceribus, aut e venis magna corporis perturbatione profusus; & Sennertus *proff. lib. 3. part. 2. sect. 2. cap. 7. in prognost. num. 19.* subjicit: *Si dysenteria febris accesserit, quæ antea non aderat, aut, si quæ exigua aderat, intendatur, vel putredinem circa ulcera majorem factam, vel in-*

vel inflammationem aliquam accessisse significat, quorum utrumque periculum est.

4 Febbris ex Hippocrate, & Galeno dicitur conversio nativæ caliditatis in igneam naturam; ex Avicenna calor præternaturalis in corde accensus, & mediantibus sanguine & spiritibus, per arterias & venas in totum corpus diffusus; ex Willisio motus inordinatus sanguinis, ejusque nimia effervescentia cum calore, fiti, aliisque præterea symptomatibus, quibus œconomia naturalis valde perturbatur; ex Bellino vitium sanguinis aut in motu, aut in quantitate, aut in qualitate, aut in horum aliquibus, aut in omnibus. A nonnullis dicitur natura conatus, materia morbifica exterminationem in agri salutem omni ope molientis, uti habetur apud Manget. *Biblioth. medic. tit. de febribus pag. 17.* ex quo fit, ut plures facultatis medicæ Scriptores apud Tozzium de febribus firmiter doceant, febrem non esse revera morbum, sed potius motum commotæ fermentationis in sanguine opportune excitatum; ut ita tandiu sanguis effervescat, donec heterogeneis, inutilibus, impurisque particulis massam ejus foedantibus, prout in multo observamus, depurgatus defecetur. Quapropter febris, non dicitur a *ferve*, sed a *februo*, scilicet emundo; & huc spectant Hippocratis aphorismi: *Quibus dolor circa hypochondrium fit absque inflammatione, iis febris superveniens morbum solvit; item: Quicumque sani dolore capitis repente capiuntur, & statim muti fiunt, & sterunt, in septem dies pereunt, nisi febris apprehenderit.* Habet enim febris vim attenuandi, resolvendi, & crassos succos concoquendi, necnon ligatos & obstructos nervos vitales solvendi, & humores cerebrum afficientes digerendi, & alio exturbandi; dummodo tamen febris nec adeo mitis & levis sit, ut humores imcompactos crassosque non diluat, nec valde vehemens, aut diutius protrahata, quæ vires infringat & deprimat; uti est apud Tozzium *part. 3. tom. 4. lib. 6. aphor. 40. & aphor. 51.* qui in comment. ad primum ex modo allatis aphor. 40. ita concludit: *Pro coronide tandem deducere licebit ex hoc aphorismo, non semper febrem nocuam esse, sed sæpe sæpius salutarem, quemadmodum non hic solum, sed alibi pluries idem Hippocrates est testatus.*

De Febre Hectica.

5 Cum nec animus sit edendi tractatum de febribus, nec ille ad nostrum institutum pertineat; & quatenus animus esset, & ad nostrum pertineret institutum, humeri nostri tantum onus ferre non possint; exempla iâcirco afferemus sanationum a febribus in sacrorum ritum Congregatione examinatorum, ex quibus ejusdem Consultores, quid dicendum sit, cum se obtulerit occasio, poterunt sufficienter dignoscere. Nec enim omnis, licet subita, febris sanatio post invocationem Servi Dei, miraculo ab eadem sacra Congregatione ascribitur, uti signanter colligi potest ex *Actis Canonizationis Sancti Raymundi de Pennafort* a Penia Rotæ Auditore collectis & editis, in quibus plures propositæ leguntur sanationes a febri-

bus, quas nec Rotæ Auditores, nec sacrorum rituum Congregatio inter miracula pro Canonizatione voluit recensere.

6 In causa Canonizationis S. Caroli Borromæi actum fuit de sanatione cuiusdam Monialis Capucinæ; & res ita se habuerat, uti apparet ex relatione Rotæ Auditorum 3. *part. miracul.* 3. & ex relatione facta in Consistorio secreto die 30. Augusti 1610. coram sanctæ memoriæ Paulo Papæ V. a Dominico Episcopo Ostiensis Sanctæ Romanæ Ecclesiæ Cardinali Pinello.

7 Candida de Agudis Monialis Capucina tribus annis & amplius gravi febre hæctica tertix speciei, quæ partes solidas consumit, & ideo humanis remediis est insanabilis, misere laborabat; unde, & propter morbi gravitatem, & propter frequentia symptomata, quæ ægrotanti superveniebant, in extremo vitæ periculo erat constituta. Ceterum, cum die festo SS. Petri & Pauli post recepta humiliter sanctissima Ecclesiæ Sacramenta preces præmisisset, & vota Famulo Dei Carolo nuncupasset, si ita animæ suæ conducere, superpositamque vestem Caroli paulisper tetigisset, e lecto incolumis surrexit, & suis pedibus ad ecclesiam gratias Deo actura pro cumulate recepto beneficio sanitatis properavit. Rotæ Auditores in ejusdem facti expositione alia quædam symptomata ex processu desumpta retulerunt, magnæ videlicet infirmitatis virium; Monialis enim sine aliorum adiutorio caput erigere non poterat, & motibus convulsivis aliquando affligebatur: cumque iidem Rotæ Auditores sanationem ad miraculum secundi generis retulissent, sacrorum rituum Congregatio eam inter miracula recensere non dubitavit, uti legitur in libro Marci Aurelii Grattarolæ de Canonizatione S. Caroli lib. 1. cap. 39.

8 Porro de morbi hujus gravitate nulla esse poterat dubitatio tum ratione durationis, tum ratione symptomatum, summæ videlicet infirmitatis virium, & convulsionum, juxta illud Galeni in *comment.* 1. lib. 1. *text.* 30. *Coac. Hippocr. Convulsio in febre, manuum pedumque dolor maligna sunt; & juxta aliud ejusdem Galeni in comment. 66. aphor. lib. 4. Febres vehementes velut ignis nervos exsiccentes, eos extendunt, & convellunt, atque hoc modo perniciosas afferunt convulsiones;* & ratione demum qualitatis hæcticæ febris tertix speciei. Hæctica enim febris tres gradus habere dicitur: primus est, cum in ea calor febrilis adeo lenis est, ut vix percipiat; quo in casu febricitantem non modo, atque astantes, verum & Medicum ipsum eludere potest: alter est, ubi calor febrilis aliquantulum exacerbatur, & una præsertim, vel altera hora post cibum interposita, intensior fit: tertius est, ubi calor febrilis acris & mordicans adeo intenditur atque extenditur, ut partibus solidis adipalibus in primis liquatis, corpus universum extenuet emacietque; & quando febris hæctica eo devenit, dicitur marasmodus, marasmus, sive tabes: & in primo gradu creditur facile curari posse, difficilius in secundo, neutiquam in tertio; unde Galenus lib. 1. de differentiis febrium, cap. 8. ait: *At quæ ex ipsis* (loquitur de febribus hæcticis) *ad marasmodum, id est ta-*

est ta-

est tabem . pervenerunt , ubi jam exquisitè consistunt , & jamdudum inceperunt , non modo est easdem curare difficile , sed etiam impossibile ; & in lib. 10. methodi medendi cap. 10. addit : Ergo illico eos , qui hectica fabricitant , omni ratione refrigeremus , antequam progressi in marasimum pervenerint : quem autem marasimum jam occupaverit , hunc sanare ne tentaveris . Avicennas lib. 4. fen. 1. tract. 3. cap. 1. de hectica laborantibus ait : Amplius non sanatur ille , qui consequitur statum , nisi Deus velit : quibus verbis ostendit , sine miraculo sanationem contingere non posse . Actuarius qui extat inter principes artis medicæ tom. 2. lib. 2. methodi medendi cap. 1. prope finem ait : Inter has (loquitur de febribus hecticis) deterioris sunt notæ , quas hecticas , marasimodes nominant , fieri non posse putatur . Alexander can. 4. cap. 1. tractat. 3. lib. 5. cap. 22. hæc habet : Ubi jam febris hectica exquisitè consistit , & jamdudum incipit , illam curare est impossibile ; & Mercurialis libr. 5. de febribus cap. 7. in fine , concludit , si confirmata , & tertia species hecticæ sanari posset , fieri etiam posse , ut a Medicis homines a morte liberarentur , & herent immortales . Tozzius oper. par. 1. tom. 1. de febre hectica scite ait , primum ejus gradum facilis esse curationis , sed difficilis cognitionis , & postremum facillimæ cognitionis , sed difficillimæ curationis . Denique Hoffmannus in rational. systemat. medicina rationalis tom. 4. par. 1. sect. 2. cap. 13. de febribus lentis & hecticis , distinguit febres lentas ab hecticis , docens , lentas esse illas , quæ mitiora habent symptomata ; hecticas autem esse æstum continuum , qui corpus efficit imbecillum & frigidum ; lentas curari posse , hecticas difficillime , nec integram recipere sanationem , uti videri potest loc. cit. §. 2. quod ipsum repetit §. 16. Lenta quidem , si tempestive occurrat , medicationem admittit ; hectica autem raro , & perfecta plane non : quod & late prosequuntur Cortesius pract. medic. par. 3. cap. 24. Mariott. tract. de febribus lib. 5. cap. univ. Heredia tract. de febre hectica cap. 10. Piens tract. de febribus in specie cap. 4.

9. In causa Canonizationis S. Aloysii Gonzage inter sanationum miracula tertio loco proposita fuit hæc , ut est in relatione Rotæ Auditorum : Camilla de Ferrariis incola oppidi Castellionis febris hectica & phthisi cum sanguinis excreatione per annos octo laboravit , & pluribus medicamentorum generibus frustra adhibitis , incurabilem omnino infirmitatem Medici censuerunt . In hunc modum afflictæ infelicem vitam afflictissima femina debebat , & in lecto decumbens morti proxima . Post hæc narratur invocatio , & subjicitur : Votum secuta est illico sanitas , & nulla intercedente mora , omni plane febris , morboque depulsis , pristina sanitati restituta est . Auditorum autem Rotæ judicium de hac sanatione his verbis expositum est in relatione : Hanc etiam sanationem fuisse miraculosam tum ratione facti , tum ratione modi , nemo potest inficiari . Ratione facti , quia morbus supponitur fuisse phthisis in specie confirmata : & ita deponens non modo testes , qui audiverunt a pluribus Medicis , qui eam inviserunt , dum ægra esset , verum etiam constat ex fide Medici , qui diligenter de natura morbi egrotantem interrogavit . Quod si morbus fuit phthisis , prorsus miraculosa fuit ejus

ejus curatio, cum phthisis sit totius corporis extenuatio cum lenta febre consequens ad insanabilia pulmonis ulcera. Quod si non fuit phthisis, miraculosa fuit curatio ratione modi, cum febris diuturna octo annorum cuius extenuatione totius corporis, & ex consequenti cum debilitate virium magna, non puteris natura viribus, aut alicujus alterius virtutis finita ope tam subito removeri, & ita omnino curari, ut agrotans penitus sana, & ab omni libera aegritudine remanserit.

10 Judicio Rotæ Auditorum adhæsit sacrorum rituum Congregatio: sed, antequam aut Rotæ Auditores, aut sacrorum rituum Congregatio sanationem miraculo adscriberent, considerata fuit ab eis Medici ordinarii attestatio, qui sanationem dixerat fuisse miraculum evidentissimum. Serio quoque consideratæ fuerunt approbationes octo insignium Medicorum Rotæ Censorum, qui post plura super exposito sacro funditus animadversa ita responderunt: Cum per quinque contestes efficaciter probatum sit, nobilem mulierem Camillam de Ferrariis, qua Castellione per octo integros annos febre hæctica, & phthisi confirmata laborabat, & sæpe sanguinem exspuerat, & ad extremam maciem & extenuationem totius corporis devenerat, ita ut vetitum fuerit a peritis Medicis, ne Domestici quicquam uterentur ex iis, quibus illa utebatur, ne eodem modo inficerentur, cum fuerit ipsamet statim, & in eodem instanti, quo ipsa se precibus Beato Aloysio Gonzaga commendaverat, & ad ipsius Imaginem votum emisit, prorsus ab omni morbo liberata, & perfecta sanitati restituta, ut etiam nunc per multos annos sana persistit, fatendum omnino est, factum hujusmodi supra naturam, & artis vires non sine magno miraculo intercessionem Beati Aloysii accidisse.

11 In prima sanatione a febre hæctica, intercessione S. Caroli, nulla habetur mentio expuitionis sanguinis. At hinc nequit inferri defuisse febrem hæcticam. Licet enim ab ulcere pulmonum, vel aliorum viscerum phthisis nascatur, soboles indivisa febris hæcticæ, & hinc derivetur sanguinis expuitio; nihilominus non sunt termini reciproci, neque ita argumendi licet: Qui habent ulcus in pulmonibus, incidunt in hæcticam, & expuunt sanguinem; Ergo omnes, qui hæctica laborant, habent ulcus in pulmonibus, & sanguinem expuunt. Siquidem potest febris hæctica invadere independentem ab ulcere pulmonis; datur enim hæctica senilis sine ulla pulmonum labe, dantur hæcticæ ex corruptione partium solidarum, & ex diuturnis abscessibus, uti habetur apud Joannem Fernesium lib. 4. de febribus cap. 16. Item in casu illo primo non legitur vetuisse Medicos, ne Domestici ulla re uterentur ex iis, quibus agrotata utebatur, ne eodem morbo inficerentur. At neque ex hoc inferri potest defectus hæcticæ febris, etiam tertix speciei: apud peritiores quippe Medicos in comperto est, non omnem febrem hæcticam esse contagiosam, sed eam esse contagiosam, quæ juncta est phthisi, & ulceri pulmonis; in quo sensu explicant Galenum lib. 1. de feb. diff. c. 2. Et eorum, qui tabe correpti sunt, consueundo nequaquam secuta, neque omnino eorum, qui putridum exspirant, adeo ut domus, quas habitant, fastidium exhaleant odorem; uti recte distinguendo

do prosequitur a Reyes *quasi*. 69. Demum in sanatione, quæ tacta est intercessione S. Aloysii Gonzagæ, non irrationabilis oriri poterat dubitatio, quomodo febris hæctica cum phthisi conjuncta durare potuerit usque ad septem, octo, & plures annos: ait enim Hippocrates *lib. de internis affectionibus*, loquens de tabe: *Hic morbus multis ad tres annos perseverat, verum moriuntur*; & faciunt ad rem narrata de Rege Ioram. 2. *Paralip. cap. 21. v. 19. Cumque diei succederet dies, & temporum spatia voluerentur, duorum annorum expletus est circulus, & sic longa consumptus tabe, ita ut egereret etiam viscera sua, languore pariter, & vita caruit*. At Angelus Victorius celebris Medicus in approbatione prædicti miraculi testatus est, se duos curasse, qui per annos duodecim & plures semper tabidi & phthisici vixerunt. Similia leguntur in approbatione Philandri Collutii Medici, qui in ea testatus est, se quemdam curasse Religiosum Societatis Jesu, qui a quatuor annis jam erat segregatus in Collegio Romano ab aliis, ne eos contagione phthisis & hæcticæ afficeret. Suffragatur etiam auctoritas citati Hippocratis *lib. 1. de morbis* dicentis, qui hujusmodi morbos habent, partim brevi perire, partim pergere usque ad senectutem, & commori; cum differat corpus a corpore, ætas ab ætate, morbus a morbo, tempus a tempore, & patientia tolerandi ab impatientia: quæ tamen omnia sic crederem esse intelligenda, ut sibi locum non vindicent, quando morbus ad marasimum, & extremam maciem, & totius corporis consumptionem devenit, sed cum febris hæctica principio debilis & parva, temporis progressu crescit ad marasimum; ita ut spatium illud septem, octo, & plurimum annorum initium, progressum, & statum morbi comprehendat. Denique in causa Canonizationis sanctæ Beatæ, nunc Sanctæ Rosæ de Sancta Maria tertii Ordinis Sancti Dominici, vulgo Limanæ, miraculum hoc approbatum est ad ejus Canonizationem obtinendam, uti colligitur ex *Compendio vitæ, virtutum, & miraculorum*, necnon *Actuum* a Secretario Congregationis sacrorum rituum occasione Canonizationis edito anno 1671. *Miraculum effulsit in persona Joannis Zelli ab imminente morte mirabiliter preservati: hunc enim per quatuor menses oppreßerat febris hæctica tertie speciei progressa in exquisitum marasimum cum ulcere pulmonis, tussi marcidum cruentorem excreante, ac rosione gutturis pariter ulcerati. Unde eger, susceptis Ecclesiæ Sacramentis, ad extremum vitæ fugientis agonem perductus jacuit sine motu, cessavit arteriarum pulsus; & confusa trium Medicorum voce jam in faucibus mortis herere conclamabatur. Sed, implorato Beatæ Rosæ potentis auxilio, insiditum pulveris & sepulcro ejusdem Beatæ havisit & cochleari aqua resolutum, & illico salutem cum pristino vigore integerrime recuperavit.*

De Febri cum delirio & lethargo.

12 In causa Canonizationis Sanctæ Catharinæ de Bononia, me tunc sacre Consistorialis aulæ Advocato, nec adhuc Fidei Promotore, pro causa scriben-

256 DE SERVORUM DEI BEATIFICATIONE

scribentæ, inter cetera miracula fuit approbatum & illud ordine octavum, subitæ videlicet fanationis Sororis Mariæ Gertrudis de Ghirardellis Monialis ejusdem monasterii Sanctissimi Corporis Christi a gravissima infirmitate febris cum delirio & lethargo ad dies fere sexaginta protracta, & a Medicis deplorata.

13 Res autem ita se habuerat. Soror Maria Gertrudes de Ghirardellis anno 1673. mensc Octobri in febrem levem inciderat, quæ diris postmodum symptomatibus exasperata est. Medici vocati sunt, & quamvis adhibita fuerint remedia, morbus contumacior evalit. Die quippe 24. Novembris supervenit delirium, mox, principio videlicet mensis Decembris, sopor invalit, qui in lethargum inexpugnabilem & tremorem degeneravit, ita ut nec excitari potuerit, quamvis manuum digiti obtorti, crines e capite evulsi, mordacissima quæ vocant vesicatoria, testæque candentes admotæ fuerint brachiis & cruribus. Die 8. Decembris sævitia morbi decrevit; tuncque Monialis sacro Viatico munita, & extremo Chrismate inuncta est. Post hæc morbus recruduit; biduo quippe integro nullum sumere potuit alimentum, & validiori lethargo oppressa in eodem permanit, licet duæ unctiones in occipicio fuerint ei adhibite. Viribus prorsus destituta ob continuatam febris immanitatem, & venam sex vicibus, ac variis modis incisam, ceterosque medicos cruciatus in lecto decumbebat, & jam quartus supra quinquagesimum dies a die decubitus elapsus erat. Implorata ope Sanctæ Catharinæ, Infirma se suis vestibus induit, e grabato prostravit, celerique gressu per conclave decubulans, Sodalibus admirantibus, ad ecclesiam profecta Sacerdoti animæ suæ moderatori conscientiam aperuit, flexo poplite tria Sacra audivit, & post receptam sacram Synaxim per gradus quadraginta & amplius cujusdam scalcæ corpore firma, læta, vultu hilari & rubicundo, ad quamdam ædem sacram ascendit, in qua Imago beatissimæ Virginis Monialium venerationi exposita est, eodemque mane in communi triclinio discubuit, panem emendicatum, & fere mucidum, & reliquas viliores escas jucunde comedit, officia monasterii resumpsit, & impigre deinde exercuit, nec ullum postea adversæ valetudinis indicium præbuit.

14 Factum hoc cum prædictis omnibus circumstantiis undecim testes oculati, inter quos tres Medici, & unus Chirurgus, omnes fide digni comprobant. Joannes Galeatius Manzius Philosophiæ & Medicinæ Doctor magni nominis Bononiæ, qui Monialem ægram curabat, interrogatus sanationem miraculo adscripsit; ejusque judicio adhæserunt Albertus Caradorius, & Jacobus Pafius Philosophiæ & Medicinæ Doctores, & Jacobus de Bovis Chirurgus: cumque proinde nec quoad factum, nec quoad sanationis, uti dicitur, relevantiam ulla dubitatio irrepere potuerit, sanatio fuit adscripta miraculo, uti colligitur ex Decreto edito die 17. Maji anno 1707.

15 Et merito. De gravissimis quippe symptomatibus, lethargo videlicet,

licet, delirio, insigni virium jactura, cibi fastidio, febri acutæ adjunctis plane constabat. Hippocrates l. 2. de morbis docet, lethargum septem diebus interimere, & præsertim si, prout in casu, tremor supervenerit, uti habetur 7. aphor. 21. quia ut subjicit Galenus in commentario, indicio est, materiam ad principium nervorum transferri: & Cellus lib. 3. cap. 9. ait, lethargum cito jugulare, nisi statim succurratur: & loquens de simplici somno nimio in morbis acutis Mercatus lib. 3. part. 2. art. 4. quæst. 188. eum lethalem pronuntiat. Idem judicium ferendum est de delirio, necnon de virium lapsu, veluti prosequitur Mercatus lib. 3. part. 2. class. 1. Ad mortem prædicendam statuendum est ea signa idonea esse, quæ natura virium a morbo oppressarum ruinam jacturamque, aut præsentem monstrant, aut futuram præfigunt; & ad rem ratiocinatur Thomas Fienus in Semiotica part. 1. cap. 6. §. 1. Cum omnis prognosis pendeat ex collatione morbi, & eorum, quæ ad morbum spectant, nempe causarum & symptomatum, cum viribus nature; nam quæ altera fortior est, eam superabit, & secundum fortioris est exitus morbi futurus &c. Nec fastidium cibi aliis symptomatibus gravissimis junctum haberi poterit tamquam res parvi momenti: pronuntiat enim Hippocrates sect. 2. aphor. 33. In quovis morbo mente constare, ac valere, ac recte se habere ad oblata, bonum; contra vero se habere, malum. In cujus commentario Hollerius rem explicans, desperationem decernit, si cum prædictis signis alia mala adjungantur: Ceterum, quod dicat bonum esse, aut malum esse, id non simpliciter est accipiendum, tamquam ob id sit convalescitur æger, aut moriturus; verum, si alia bona adsint signa, bonum est, & sperandum omnimode de salute ægri, sin alia signa mala, malum, & de salute est desperandum. Et quamvis morbus pertransierit terminum morborum acutorum, qui est quadragessimus dies, non ob hoc tamen dici potuit, morbum fuisse in declinatione, cum computatio dierum criticorum non sit inchoanda a prima die invasionis morbi, quando morbus ex non acuto fit acutus, aut alicui morbo acuto succedit alter acutus; sed duplex tunc debeat fieri computatio, altera a prima invasione morbi, altera a die invasionis novi morbi superinducti, veluti ratiocinantur Vallesius lib. 10. controver. med. & philosoph. cap. 5. & Andreas Lanrentius lib. 2. de crisi bus cap. 11. qua computatione servata, & habita ratione delirii supervenientis, & lethargi, unusquisque facili negotio cognoscere poterit, morbum Monialis, quando cessavit, non fuisse in declinatione.

De Febri Maligna.

16 Duplex febris malignæ causa est: altera, quæ a sanguinis nimia crassitie, & ut vocant, inspissatione pendet; altera, quæ ab ejusdem solutione. Plethora, acidorum vis, & alia hujus generis inspissationem gi-gnunt: quæ vero aut nimis acria, aut virulenta, & quasi caustica sunt, faciunt solutionem. Febres malignæ a solutione pendentes summam habent comitem virium lassitudinem, diarrhoeas in principio, hæmorrhagias, su-

Tom. IV.

K k

dore,

258 DE SERVORUM DEI BEATIFICATIONE

dores, urinas copiosas; sed quo magis ejusmodi excretiones apparent, eo periculosior morbus est, & sit gravior. Coagulatio sanguinis exadverso nimiam facit fluidorum in excretionē remoram, somnolentiam producit gravem, pondus in universo corpore: atque ut hæc auxilium Medicorum non ita difficulter recipit, sic altera operam Medicorum eludit, & brevi ægrotum interimit. Willisus tom. I. cap. 12. de febre maligna §. Sicut alterius generis, explicat sanguinis coagulationem in maligna febre contingentem: *Particula crassiores se mutuo implicant, & (inflat lactis ab infuso coagulato, aut spontanea acefcentia) invicem coagulantur: hinc cruor in vasis grumescit, ut minus prompte in iis circuletur; hujus portiones coagulatae interius in cordis sinus delatae illis stagnare aptæ sunt, adeoque crebras syncopes, & lipothymias pariunt, ceteraque malignitatis phenomena efficiunt. Sanguinis autem coagulatio ipsam ad putredinem seu corruptionem cito disponit, uti videre est in sanguine extravasato, qui cito nigrescere & putrescere solet; Hippocrates præn. num. 20. ita distinguit gradus febrium malignarum: Malignissima, & signis horrendissimis oborientes quarto die, aut prius occidunt. Primus igitur ipsarum insulatus sic definit. Secundus autem ad septimum producit. Tertius ad undecimum. Quartus ad decimum quartum. Quintus ad decimum septimum. Sextus ad vigesimum; & Tozzius in praxi medica tit. de febribus malignis pag. 574. malignarum febrium naturam exponit dicens: Quæ congruis adhibitis remediis non cedit, & in necem terminatur.*

17 Sepe in Congregatione sacrorum rituum tractatum est de sanationibus a febribus malignis inter miracula recensendis; & ipsa modo recensuit, modo non recensuit, juxta varias factorum circumstantias. Inter cetera miracula approbata pro Canonizatione S. Cajetani refertur & illud, quod sequitur, sumptum ex *Compendio vite, virtutum, & miraculorum ipsius*, edito juxta morem a Secretario Congregationis sacrorum rituum, cum ejus causa esset in sacro Consistorio referenda: Nicolaus filius Ducis Gasparis Casarelli febre maligna correptus, convulsione cum intensione, & extensione manuum, pedum, & trunci totius corporis, membro emprosthenico deformi, ad instar Sirene thoracis musculus convulsus, absque loquela, aliisque infirmitatibus & symptomatibus letalibus oppressus, viribus consumptis, & a Medicis proclamatus, veluti eademmet nocte vigesima nona sue infirmitatis moriturus, emissio tandem voto dicto Beato, qui illi radiis & splendoribus circumfusus apparuit, statim & in continenti sanus & incolumis ac robustus compertus est cum omnimoda virium recuperatione, aque ac si hujusmodi infirmitatibus numquam laborasset. Simile fuit miraculum approbatum in Canonizatione Sanctæ Rosæ Limanæ, & expositum in *Compendio vite, virtutum, & miraculorum ipsius* edito a Congregatione sacrorum rituum, occasione Canonizationis ejusdem: Seraphinus Polifi ex Ordine Beata Mariæ de Monte Carmelo maligna febre lethaliter exustus, ac decimo septimo sue infirmitatis die omnino derelictus a Medicis constanter asservantibus, hora quinta aut sexta noctis proxime insequentis expiraturum, jamque, amissa loquela & visu, luctans cum ultimo agone, mox ut opem Beata Rosæ toto corde imploravit, eandem habuit manifeste conspicuam, subitoque valens, inco-

incolumis & vegetus cum stupore omnium evasit. Et cum prædictis sanationibus concordat alia sanatio a febris maligna adscripta miraculo in causa Canonizationis S. Stanislai Kostkæ, uti desumitur ex Decreto edito die 19. Maji 1713. & die 13. Novembris 1714. tempore, quo ipseungebar munere Fidei Promotoris.

18 In causa Beatificationis tunc Servæ Dei, nunc Sanctæ Catharinæ de Ricciis plures propositæ fuerunt sanationes a febris malignis, sed nulla illarum fuit miraculo adscripta, uti colligitur ex Decreto edito die 14. Augusti 1732. aut quia symptomata malignæ febris ex dictis testium desumebantur, & non ex attestationibus Medicorum, qui curationi interfuerant, quorum examen fuerat omissum; aut quia de subita sanatione non constabat; vel quia non aderat probatio momentariæ recuperationis virium: nec profuit Postulatoribus ingeniosa responsio, sicuti in subita ignis extinctione, quæ contingit intercessione alicujus Servi Dei, aut Sancti, de miraculo non dubitaretur, etiamsi muri intense calefacti, & aliquantulum corrosi ac debiles permanferint, ita in sanatione a febre maligna pro miraculo pronuntiandum esse, si ea cessat in instanti, quamvis per aliquod tempus subsistat virium imbecillitas. Colligendum autem ex his esse videtur, si aliqua sanatio a febre maligna tamquam miraculum in sacra Congregatione proponatur, afferri debere Medicorum attestationes, qui curæ interfuerunt, in quibus relata sint febris symptomata; expectandum esse judicium Medicorum, quorum consilia pro veritate exquiruntur, cum ad ipsos pertineat judicium ferre de malignitate febris, & an malignitas ex symptomatibus apte ducatur; inquirendum esse de ejus duratione, de remediis adhibitis, vel non adhibitis, de exclusione bonæ crisis, de momentaria sanatione, de perfecta & subita virium recuperatione, de firma & constanti sanitate absque recidiva, & absque conversione in alium morbum. Dictum est, debere inquire de exclusione bonæ crisis, cum, juxta ea quæ alibi exposita sunt, crisis, ut sit salutaris, debeat optimis signis indicari, esse manifesta, fieri die critico, & ulterius debeat esse fida & certa, & conveniens tum morbo, tum naturæ, sive constitutioni ægrotantis. Dictum est etiam, habendam esse rationem constantis sanitatis absque recidiva, & absque conversione in alium morbum: nam juxta Hippocratem progn. 2. *Quibus febres cessant sine signis coctionis, recidivam in his expectare oportet; & juxta eundem: Coctiones veritatem judicii, crisis nimirum, & morbi securitatem ostendunt; cruda vero, & non concocta, aut in malos abscessus conversa dolores, aut diarrhæiam, aut mortem, aut recidivam afferre solent.*

19 Querit Matthæucci præst. Theologo-Canon. tit. 3. cap. 3. §. II. an, si in sanatione a febre maligna post invocatum Dei Servum Infirmus, qui deploratus somnum numquam noctibus præcedentibus capere potuerat, somno capiatur, & a somno excitatus liber a morbo plane inveniat, sanatio inter miracula debeat recenferi; & affirmando respondet. De somno ita scribit Sennertus *oper. tom. 1. part. 3. cap. 5. Spiritus in somno inflatur,*

rantur, calorque febrilis extinguitur, & humoris morbifici reliquia concoquantur & absumuntur. In causa Beatificationis Servi Dei Petri Forerri, dum munereungebar Fidei Promotoris, & de quadam sanatione quærebat, an esset miraculo adscribenda, difficultatem excitavi a somno petitam. At Joannes Maria Lancisius ita respondit: *Cum somnus hic tranquillissimus non fuerit inductus ab assumpto aliquo narcotico, sed a sola proxime præcedenti invocatione, & admotione plena fidei Reliquiarum Servi Dei, mihi quidem videtur, a Christiano Philosopho nec posse, nec debere tribui naturali potius, quam supernaturali virtuti*: proinde miraculo adscripsit, quod æger placidissimo somno compositus, subito sanus & vegetus surrexit. Similem proposui animadversionem in examine miraculi in causa Canonizationis Beatæ Agnetis de Monte Politiano. At Joannes Maria Thomasius celebris Medicus, & alibi a Nobis cum laude commemoratus, putavit, eam non obesse miraculo, innixus auctoritati Hippocratis, qui aphorif. 1. section. 2. ait: *In quo morbo somnus laborem facit, mortale; si vero jureat, non mortale*; in cujus aphorismi explicatione Tozzius hæc habet: *Hippocrates non dixit, signum esse salutare, sed non mortale; siquidem somnus sueptæ naturæ ægritudinem lenire potest, at vero delere nequaquam*. Verum & Lancisius, & Thomasius consulti in casu sanitatis a morbo, cujus vitium tam in liquidis, quam in solidis multo tempore inhæserat, recte dixerunt, naturaliter impossibile fuisse, ut humores tam viscosi & concreti per somnum dissolverentur, & in pristinum naturalem statum redirent, infirmusque sanus & liber illico evaderet. Secus autem dicendum esse videretur in liberatione a febre acuta, cum per somnum facile aliqua crisis sequi posset; in quo rerum statu (uti sæpe dictum est) sanatio tutò miraculo adscribi non potest. Quamobrem Vallesius in lib. 2. prognost. Hippocr. cap. 5. agens de prædictione ex somno & vigiliis ægrorum petenda, postquam distinxit somnum in naturalem, præternaturalem, & criticum, subjicit: *Somnus naturalis in febribus maximum est salutis argumentum: ex eo quippe elicimus, materiam morbi mittere, nec habitu acri feriri cerebrum, phrenitidisque suspicionem, vel interni phlegmonis, aut lethargi periculum adesse. Præterea, cum in eo somno placido restitricis facultatis robur emicet, ab ipsa morbum triumphatum iri, spes efflorescit &c. Sæpius animadversum est, per longiores somnos felices crises contingisse, debellatosque morbos &c. In somno longiore, sed critico, utique blando ac placido, concoctionis perfectionem, ac sudores, & deinde dejectiones perutiles præstolantur. Quod autem dictum est de somno quoad febrem malignam & acutam, multo magis sibi vindicat locum in febribus synochis & ephemeris. In causa Beatificationis Servæ Dei Hyacinthæ de Marefcortis agebatur de sanatione subita a febre, qua fuerant afflicti vir, & mulier, quæque tamquam miraculum examini proponebatur. Ipse in meis animadversionibus dixi, febres fuisse leves, morbosque leves non esse miraculi materiam. Addidi, utrumque ægrum fuisse somno correptum, ideoque sanationem, etsi subitam, & cum recuperatione virium, non esse miraculo adscribendam.*

dam . Supra citatus Lancisius in suo suffragio , pro veritate exarato , meis animadversionibus adhæsit . En ejus verba: *Febres diaria & synocha sunt adeo simplices , adeo mites , & citra periculum , ut non dubitem affirmare , miracula basim constituere non posse ; ubi enim de æteris miraculis in sanatis a febribus agitur , semper illas graves , malignas , & summo cum vita discrimine agros male habuisse , supponitur . Et paulo post , sermonem habens de somno , subjicit : Somnus , cum in sanguine & spiritibus conceptum virium motum , & ex motu calorem , ac fibrarum tensionem leniat & coerceat , æstum temperare , dolores sedare , ac febrem extinguere valet : & proinde harum sanationum nulla habita est ratio in causa Beatificationis hujus Servæ Dei .*

*De febribus symptomaticis , & primo de febre ,
cui conjuncti sunt bubones .*

20 Hactenus de primariis febribus actum est , videlicet de illis , quæ nullum alium morbum sequuntur , sed a propria causa pendent . Nunc aliqua subjicienda sunt de febribus symptomaticis , quæ ab aliis morbis causam habent .

21 In causa Canonizationis S. Francisci Solani inter ceteras sanationes , quas miraculis accensendas Postulatores contendebant , fuerunt quæ sequuntur ; illa videlicet sanationis Franciscæ Victorix a febre maligna , & bubonibus ; alia Petri ipsius fratris eadem infirmitate laborantis : & demum alia Annæ Mariæ ipsorum matris a delirio , & febre maligna . Franciscæ Victoria correpta fuit vehementissima febre cum vomitibus & delirio , & sub ejus axillis detecti sunt duo bubones magnam duritiem & tumorem præferentes . Agnovit Medicus morbum pestilentem , qui & deinde grassatus est in civitate Montiliæ , in qua prædicti debebant : de qua peste alibi a Nobis sermo habitus est . Adhibita fuit sectio venæ , bubonesque inuncti oleo dulcium amygdalarum : sed morbus excrevit ita , ut Infirma fuerit Sacramentis resecta . Mater Infirmæ ex corde confugit ad opem Beati Solani , applicataque Imagine bubonibus , bubones illico evanuerunt , cessavit febris maligna , & Ægra omni ex parte sanata optime se habuit . Sanata filia , infirmata est Anna mater ; ex præcedenti quippe contactu filix vehementissima febris ipsam aggressa est , mente capta evasit ita , ut non potuerint ei Sacramenta administrari ; adhibitisque tribus sanguinis emissionibus , morbi pertinacia non cessavit : sed , invocato per filiam Beati auxilio , mater statim convaleuit , applicata ipsi Imagine Beati . Postmodum pestis civitatem Montiliæ invasit , supervenitque Petro fratri bubo in inguine cum magna febre & vomitu ; in quo statu spatio unius diei perseveravit , licet oleo amygdalino fuerit inunctus : sed , facta ipsi applicatione Imaginis Beati , liber subito evasit a febre & bubone , & altera die ad ruralia munera rediit .

22 Prosper Bottinius tunc Fidei Promotor multa adduxit adversus facti

facti probationem, & prætecta animadvertit, tam filiae, quam matri in morbi principio sectam fuisse venam, & filiam, & filium, seu fratrem fuisse inunctos oleo amygdalino; nec novum esse, bubones, etiam pestilentes, naturaliter sanari posse; & demum matrem sola febri absque bubonibus laborasse. Postulatores de facto & de jure scribentes, oppositionibus ex facto & jure petitis satisfacere conati sunt. Medici ad causam favorem & opportunitatem scribentes, Manfredus videlicet, & Trullius, dixerunt, nullum quoad filiam dubium esse posse de febre pestifera, cum delirii & sensuum turbationibus fuerit affecta, & bubones habuerit; tumores omnes, & sic etiam bubones naturaliter cessare posse, sed vel per diffusionem, quæ temporis moram exposcit, vel per retrocessum, qui morbum augere consuevit; de febre matris pestilenti certissima suppetere argumenta ex deliquio & delirio ex Medici attestazione, licet nullus tumor pestilens eam invaserit; idemque eo magis dicendum esse de Petro fratre, qui bubonem habebat in inguine: & ponderata in omnibus Aegris sanatione subita, conati sunt sacræ Congregationi suadere, triplicem eam sanationem esse miraculo adscribendam, licet a Medicis sectio venæ fuisset adhibita, cum venæ sectio potius damnum, quam utilitatem afferat in morbo pestilenti; quorum eruditam catervam cumulat & sequitur Petrus Salius Diverfus lib. de febre pestilenti cap. 21. pag. 160. Eorum autem sententia, qui in pestilenti febre venæ sectionem admiserunt, & laudaverunt, veror ne in perniciem humani generis in vestra fueris. Id late prosecutus est Ludovicus Antonius Muratorius in opere postea scripta edito de peste lib. 2. cap. 4. pag. 214. & sequentibus.

23 Tempore, quo agi coeptum est de istorum miraculorum approbatione, debebat in Urbe clarissimus Malpighius, qui de sua sententia interrogatus, eam his verbis exposuit: *E' certo, che la figlia, ed il figlio furono oppressi da una febbre pestilenziale, essendoci i dovuti segni, cioè la febbre ardentissima, vomito, delirio, e buboni. Nella madre è probabile, che la febbre fosse per contagio, ma di minore attività. I tumori, che nella peste si manifestano nel principio della febbre, o avanti nell'ascella dopo le orecchie, o nell'anguinaglia, benchè siano segni pestiferi, offeriva però Sidenam, che alle volte si liberano. „ Vomitus enormes, dolor circa cordis regionem, vehementissima febris ardens indefinenter, agros divexant, donec aut mors ipsa, aut benigna bubonis, vel parvitas erupit, quæ materiam morbificam ablegat, eos a lucuosissimo discrimine liberet „ Lo stesso conferma il Diamembreck, che in questo secolo medicò in una fierissima peste: „ Tumores in emunctariis laudabiles erant, quo cito prodibant, & precipue si ante febrem prodirent, citæ sanationis & salutis magnam spem dabant, Circa la condizione de' tumori offeriva il Diamembreck, che „ tumores in principio duri instar testinis cum tolerabili dolore, bonum erat, precipue si in crescendo duritiem illam aliquando servarent „ La retrocessione de' buboni suol' essere funesta; ma essendo piccolo il tumore, e non avendo la sua materia concepto maggior corruzione con la fermentazione, forse non accesse fuoco nelle viscere, tanto più che con*

alio

olio di mandorle dolci fu fomentato, atteso che offeriva Carlo della Font de pest. „ In exoticis regionibus fere nullus vidisse ex ipsis extinctos, quibus hoc in prima peste invasione administrabatur. Hoc autem parabat ex aquis partibus olei communis, & vini, quod quotidiano, ut dixi, usu comprobari videtur. „ E benchè l' Autore proponga l' olio per bocca, per inviscchiare i sali corrosivi, che formano la peste, gli stessi possono anche localmente applicati infuinarsi nella materia contenuta nel bubone. Circa l' emissione del sangue stimata nociva nella peste, sono in contrario senso Sidenam, e Protallo: „ Nullam pestem esse puto, cui hac non possit esse salutaris supra omnia remedia „ e la vogliono copiosa. ~ Intorno al modo, essendo instantaneamente, è mirabile.

24. Ut alibi animadversum est, Canonizationum causæ ut plurimum in longiora tempora protrahuntur: quapropter longe post obitum memorati Malpighii rursus proposita caula Beati Solani super miraculis, qua de re nulla fuerat edita resolutio, Emmanuel Lopez dissertationem exaravit, in qua asseruit, matris febrem fuisse gravem ob symptomata, syncope videlicet, faciem cinericiam, & delirium continuum, fuisse pestilentem, bubonum retrocessum tum in filia, tum in filio naturaliter debuisse esse funestum; olei amygdalini nullam esse habendam rationem, tum quia aliud est, oleum per os assumi, aliud, exterius adhiberi; tum quia inutile erat tam subitam bubonum discussionem a sola olei inunctione expectare; & quæstionem de sanguinis missione, an prope peste correptis, nullum in proposito casu sibi vindicare locum, cum in eo post sanguinis missionem omnia ruerint in deterius. Joannes Maria Lancisius pro veritate sensum suum de mandato summi Pontificis aperiens adhæsit sententiæ Lopez. At sacra Congregatio, re mature discussa, inter miracula, quæ approbavit pro Canonizatione Beati Solani, non recensuit sanationem matris, nec filii, sed tantum Franciscæ Victorix filix a peste, & febre maligna, uti colligitur ex Decreto edito die 14. Julii 1726.

25. Non recensuit autem inter miracula sanationem matris, non quia vere dari non possit vera febris pestilens sine bubonibus, uti admisit etiam Joannes Maria Lancisius in suo suffragio, sed quia juxta censuram Malpighii febris matris minus gravis fuit, nec de subita ejus sanatione constabat. Rursus inter miracula non recensuit sanationem filii ob defectum sufficientis probationis. Recensuit autem inter miracula sanationem Franciscæ Victorix filix tum ob febris gravitatem, tum ob bubones, juxta Riverium in *praxi medica* lib. 17. sect. 3. cap. 1. pag. 333. §. Carbunculi, ubi ita scribit: *Bubones maximam testantur malignitatem, & maximum periculum minantur, cum eos febres comitari soleant, quarum peculiaris character in eo constitutus est, ut ex his plures intendant; & demum ob repentinam perfectamque sanationem.*

26. Præterea bubonum retrocessus ad applicationem Imaginis pro re, de qua agebatur, in maximo pretio habitus est. Carolus Vallelius de *peste* cap. 8. pag. 117. sanitatem spondet ægris, si bubones ad maturitatem perdu-

264 DE SERVORUM DEI BEATIFICATIONE

perducantur, & interitum, si sponte evanescant: Si itaque bubones in acumen elati perducantur ad maturitatem, victorici natura triumphos spondent; sin vero evanuerint, licet ager convalescere videatur, repente occumbit. Ambrosius Paræus celeberrimus Chirurgæ Artifex & Scriptor, qui in civitate Lugdunensi degebat tempore peltis una cum Carolo IX. Gallorum Rege, testatur, se oculis suis vidisse unam ex ancillis Reginæ matris, exterritis omnibus, mortuam esse post tertiam diem bubonis ad interiora regressi, licet receptæ & consistentis sanitatis indicia præfetulisset, uti videri potest lib. 21. cap. 17. pag. 467. Ludovicus Septala, qui grassante peste Mediolani tempore S. Caroli Borromæi operam medicam per biennium præstitit, in opere de morb. contag. perniciem bubonum, qui introreant, in hanc sententiam expressit: *Malignitatem vero multo majorem adesse ostendunt, ubi aut difficiliter suppurantur, aut exigui sunt, aut, quod pessimum est, ubi semel oborti fuerint, iterum postea delitescunt, quod naturam resolvi, venenumque intro remeare, & mortem subsequituram facile ostendunt.* Hoffmannus in medicina rationali tom. 4. part. 1. sect. 1. cap. 12. de febre pestilentiali §. 7. observat, pestilens hujus febris venenum non expelli, ut in aliis febribus malignis, per sudores, neque per alvi, aut urinæ fluxum, neque per profluvium hæmorrhoidum, aut mensium, sed tantum per excretionem, quæ fit per tumores in externo corporis ambitu prodeuntes; quorum venenum, si subito relabatur, sphacelum inducit, & ocyus ad omnia viscera, & ipsum sanguinem serpit, uti prosequitur §. 9. Univerſa pariter Medicorum, & Chirurgorum schola id unum sollicite in bubonum retrocessu studet, ut emplastris suppurantibus, cucurbitulis, atque etiam epispasticis, hoc est attrahentibus, iterum veneficus humor ad pristina loca reducatur, & inde extra corpus evacuetur. Quinimmo commune eorum præceptum est, ut, etiam si bubones & carbunculi nondum ad maturitatem perducti sint, non expectetur suppuratio, sed immaturi aperiantur, ut sic detur exitus miasmatis venenato; quod si retrocedit, massam sanguinis inficit, & mortem cum diris symptomatibus, præsertim cum syncope & convulsionibus infert. Hieronymus Mercurialis comment. in Hippocr. progn. fol. 178. hanc regulam generalem statuit: *Ubi recurrunt inferiores abscessus, & absque coctionis signo delitescunt, esse prædicendum & mortem, & delirium, & hoc est causa, quod melius multo est, ut non fiant abscessus, quam ut fiant, & statim delitescant, atque recurrant.* Et ut redeamus ad bubones, Horatius Augenius de febribus lib. 8. cap. 3. hæc habet de bubone pestilenti: *In primis autem illud malum in hujusmodi effectu cernitur, si pars in tumorem elata repente ad naturalem statum sese convertat; virulentia enim humoris ad extremas partes prorumpens ad interiora viscera præstantissime reverteritur: cui subscribunt Galpar Calder de Heredia in tribunali medico magico, & politico part. 1. de peste Hispanensi fiat. 7. littera B fol. 530. Joannes Dolæus encyclopæd. chirurg. tom. 2. lib. 5. cap. 3. de bubone §. 11. pag. 64. Carolus Mulsitanus chirurg. præct. lib. 1. cap. 53. de bubone pestilenti pag. 291.*

27 Nec vero ad excludendum miraculum, aut venæ sectionis, aut olei amygdalini exterius adhibiti ulla consideratio haberi potuit, vel quia postea remedia febris adaucta est, vel quia oleum amygdalinum exterius adhibitum potuit quidem laxare tensas fibras, sed neutiquam tollere pestilens venenum in bubonibus, vel quia etiam admissa utilitate sectionis venæ in hisce morbis (cui tot insignes Medici adversantur, & quam Fallopius de tumoribus cap. 11. pag. 116. statuit vix recipiendam in febris pestilenti & pura, sine bubone) retentaque sententia Celsi lib. 3. de re medica cap. 4. In hac (loquitur de febre pestilentiali) minime utile est fame, aut medicamentis uti, aut alvum ducere: si vero vires sinunt, sanguinem mittere, optimum, præcipue si cum dolore febris est; eoque magis, si sectio venæ non adhibeat in principio post invasionem, ubi terrore & metu æger jactatur, sed secundo, vel tertio die, si urgent plethora, & vires sinunt; & sanguinis emissio sit moderata, veluti concludit Hoffman. loc. cit. §. 7. repentina tamen sanatio, & transitus momentarius a desperato statu ad sanitatem perfectam sine miraculo fieri non poterat.

28 Ideoque sacrorum rituum Congregatio sanationem Franciscæ Victorix recensuit inter miracula tertii generis: cui sententiæ suffragati fuerant tum Medici ordinarii, tum ceteri, qui in Urbe scripserant, vocati ad iudicium pro veritate ferendum, a quibus suo suffragio clarissimus Malpighius non recesserat, ut ex ejus verbis supra allatis constat: *Intorno al modo, essendo instantaneamente, è mirabile*. Et quamvis ipse scribens uti Fidei Promotor contenderim, a Malpighio sanationem fuisse dictam mirabilem; miraculum autem differre a mirabili, juxta ea quæ habentur apud Scacchum de not. & sign. sanctit. sect. 8. cap. 1. pag. 566. & apud Mattam de Canonizat. Sanctior. part. 3. cap. 21. num. 1. suffragium tamen ferens in sacra Congregatione, uti ejusdem Consultor, non solum dixi, mirabile aliquando sumi pro vero miraculo, juxta illud Ecclesiastici cap. 48. v. 4. *Sic amplificatus est Elias in mirabilibus suis*; sed etiam subdidi, Malpighium de vero miraculo locutum fuisse, licet tertii generis, cum vim constituerit in modo; videlicet in sanatione subita.

De Febri Erysipelacea.

29 Febris erysipelacea aliquid affinitatis habet cum febre pestilenti: nam sicuti hæc subito cum intenso horrore, æstu, virium amissione, vehementi dorsi capitique dolore, vomitu, & delirio accedit, ita & sæpissime erysipelas statim in principio iisdem symptomatibus stipatur; & sicuti in peste nil periculosius, quam si materia expulsa ab externis ad interiora relabatur, sic eadem noxa, idemque periculum metuendum a retrogressu erysipelatis. Differt autem erysipelacea febris a febre pestilenti, quod non ex contagio, sive causa externa, sed interna oriatur, nec contagiosa sit, nec alios sola exhalatione inficiat, neque tam virulenta sit, & cum mortis

Tom. IV.

L 1

peri-

266 DE SERVORUM DEI BEATIFICATIONE

periculo juncta, quemadmodum fufe legi potest apud Hoffmannum *tom. 4. part. 3. sect. 10. cap. 13. §. 1. & seqq.* Dictum est autem, metuendum esse a retrogressu erysipelatis, quod confirmatur sententia Hippocratis *epid. lib. 1. sect. 3. text. 8. Quaecumque sine signo aliquo disparent, difficilis sunt judicationis, ut puella Polimarci erysipelas*: in cujus textus commentario Franciscus Vallesius ait: *Erysipelas non potest bene solvi, nisi paulatim, & exusta in parte male affecta cute, relictoque vestigio. Si nullo relicto evanescat repente, non debet probari ea solutio; significat enim introverti, quod tantopere in prognostico vituperatur. Item eodem loco text. 36. Hippocrates subjicit: Tumores prater rationem levantes, fallax; ut Andronici puero erysipelas recurrit; ibique Vallesius hæc habet: Fallax salus est, tumores repente evanescere, quod Hippocrates millies docet, & nunc recordatus pueri Andronici exemplo confirmat. Celebris demum est ejusdem aphorismus 25. lib. 7. Erysipelas ab exterioribus verti ad interiora, non est bonum: ab interioribus autem ad exteriora, bonum; & Tozzius in comment. ad hunc aphorismum recte notat, per egressum erysipelatis ad externas partes indicari, interiora viscera remanere libera ab ægritudine; & contra retrogressum erysipelatis facile inficere sanguinem, qui per interna viscera perpetuo circumit. Addit, perniciosum retrogressum erysipelatis esse, cum citra quamcumque occasionem aut causam externam evenit. Si enim sorte eveniret ex ambiente frigidus, a lotionis aque gelidæ, ab applicatione medicamentorum refrigerantium & repellentium, malum esset, sed minus profecto malum, cum id non eveniret ex defectu naturæ, neque ex vitio peccantis humoris; & bonum esse erysipelas extra erumpens, si per hujusmodi eruptionem libereutur partes internæ, quod prudens Medicus conjiciet, si febris, sitis, ardor, inquietudo, & cetera symptomata, quæ cum erysipellate conjunguntur, omnino desinunt, vel magna ex parte remittuntur; secus, si perseverent, nec ulla ratione intermittantur.*

30 Actum fuit in causa Canonizationis Sanctæ Terefiæ de liberatione cujusdam Monialis a gravi erysipellate, & ingenti febre. Franciscus Maria Cardinalis a Monte in relatione facta in Consistorio secreto coram sancto mem. Gregorio XV. ita factum exposuit: *Anna a Nativitate Monialis Conventus Medinæ del Campo erysipellate ac febre graviter afficiebatur, cui Terefia primum blandita, deinde affecta loca leviter manu attrectans: Bono animo, inquit, sis, Filia; Deus, ut spero, te hoc modo absolutam dimittet, atque exemplo omnis ab ea morbus expunctus est.* Auditores Rotæ in sua relatione latius factum exposuerunt, narrantes, Monialem a pluribus annis erysipellate cum febre laborasse, mareque adeo intumuisse erysipellate, ut Medici timerent, ne in illis cancer generaretur. Momentariam deinde sanationem ponderarunt, & modum operandi per contactum manus ad instar plurimorum miraculorum a Jesu Christo, & ab Apostolis patratum; quapropter non dubitavit judicium ferre pro miraculo: simileque judicium tulerunt de re simili in causa 6. Petri de Alcantara, ut in ipso relatione art. 3. *miracul. 5.*

31 Porro, si, probata gravitate morbi, idem subito recedat ad contactum

tactum manus Servi Dei, de cujus sanctitate quoad virtutes heroicas jam latum iudicium est, nemo est qui non videat, tuto pronunciari posse pro miraculo. At, si sanatio ad contactum manus non accidat, & aliqua naturalia remedia fuerint ante applicata, quæ tamen inutilia fuisse contendatur, assumenda est solertior indago de qualitate morbi, de remediis adhibitis, de modo sanationis, de exclusione crisis, & de perfecta sanitate, & sic de non reversione morbi, juxta ea quæ alibi dicta sunt, cum erysipelas sit morbus revertens teste Sennerto *lib. 2. de febris cap. 16.* Solet enim hic morbus nonnullis familiaris, & quasi hereditarius esse, eosque sæpius invadere.

32 Erysipelas juxta Practicos distinguitur in *verum*, quod simplex, & in *nothum*, quod scorbuticum nonnulli vocant, & subdistingunt in illud, quod cum, vel sine exulceratione est. Erysipelas *nothum* ajunt aliud esse phlegmonoides, aliud scirroides, aliud ædematoides; quod est idem ac dicere modo conjungi phlegmonibus, & tum maxime periculosum esse, modo scirrhis, quod morbi longitudinem facit, modo denique ædemati, quo in casu, si exulceretur, facillime in gangrænam vertitur, & sebrerem erysipelaceam modo idiopathicam, sive morbum primarium, modo symptomaticeam, sive morbum secundarium dicunt; & facillioris curationis asserunt esse erysipelas *verum*, quam *nothum*, & erysipelas sine exulceratione, quam cum exulceratione. Præterea docent, erysipelas non esse in omnibus unius semper indolis ac vehementiæ; cum in quibusdam, & maxime juvenibus, materia nec adeo virulenta, nec adeo multa sit, nec sebrerem intensam moveat. & contra in senibus, & impuris corporibus febris sit acrior, diutius affligat, & cum majore periculo; demum ajunt differre erysipelas ratione partium, quibus incumbit, veluti late profequitur Hoffmannus *cit. sect. 1. cap. 13. §. 4. Et seqq.* Quare Paulus Ægineta in *chirurgia medica tit. Erysipelas, seu Risa, lib. 4. cap. 21.* scribit, erysipelata, quæ capiti potissimum oboriuntur, plus facessere negotii, adeoque esse periculosa, ut, nisi efficax consequatur auxilium, quandoque etiam strangulent; & Muyniks *chirurg. lib. 1. cap. 5. num. 7.* subjicit: *Equidem raro periculosus est affectus erysipelas, nisi ab exterioribus ad interiora materies repellatur; periculosior vero, si circa oculos, fauces, aliasque nobles partes consistat, aut si vulnere, ulcere, fractura, luxationi superveniat.* Sequitur Franciscus Romanus *consil. medic. chirurg. 31.* ubi de erysipelate sic loquitur: *Sed cum caput occupas, non solum est inaleum, verum etiam exitiale, ut præter Celsum lib. 5. cap. 26. refert Paulus lib. 4. cap. 21. Et morbo Actini, præcipue cum in dies excreset, non enim semel vidimus, caput hoc modo correptum ad maximam monstruosamque magnitudinem decessisse, & aegrotantes furore cassisse.* De erysipelate autem exulcerato subjicit Fernelius de *ext. corp. affect. lib. 7. cap. 4.* Alterum, quod Celsus facer ignis nuncupatur, est exulceratum erysipelas. Hujus dua species sunt. Una, quæ summa cutis sine altitudine exulceratur, in qua & crassula instar fursuris excreta videntur. Altera, cujus exulceratio altius in cutem penetrat, & quæ, ruptis pustulis, purulenta sanies exit; & Tagaultius *chirurg. instit. lib. 1. cap. 86.* ita exponit

268 DE SERVORUM DEI BEATIFICATIONE

ponit naturam erysipelatis exulcerati: *Atque aliquando cutis exulceratio spatio temporis ad profundum pervenit, ita ut inferiorem seu subjectam carnem attingat, tunc ejusmodi affectus etiam erysipelas nuncupatur, sed cum ulceratione, quod, Galeno auctore, ejusdem generis est cum herpete.*

33 Bis actum fuit de sanatione ab erysipellate inter miracula recensenda, dum fungebar munere Fidei Promotoris, in causa videlicet Canonizationis S. Turribii, & in causa Canonizationis S. Joannis de Cruce. In prima agebatur de erysipellate, quod caput invaserat, cujusque sanatio tamquam miraculum proponebatur, quia applicata Imagine Beati dolor cessavit, æger placide dormivit, & expergellatus a febri, & omni morbo liber evasit. At, præter animadversiones adversus facti probationem excitatas, cum observatum fuerit tum a meo Decessore Prospero Bottinio, tum a me, erysipelas potuisse esse crism naturæ, & hunc morbosum affectum naturaliter pelli potuisse per sanguinis emissionem, quæ pluries a Medico fuerat adhibita; item morbum fuisse paucorum dierum absque symptomatibus lethaliibus, somnum potuisse magnum levamen conferre; & tandem post primam sanationem morbum recruidisse; responsiones a jure, vel a medicina petitiæ nihil proficere potuerunt; & sacrorum rituum Congregatio inter ea, quæ approbavit, miracula sanationem ab erysipellate non recensuit, uti colligitur ex Decreto edito die 11. Januarii 1726. In secunda agebatur de subita sanatione ulcerosi & maligni erysipelatis, quod capiti incumbbat. At, præter oppositiones a me factas adversus vim probationis, cum demonstraverim, multa applicata fuisse medicamenta, morbum fuisse in ultima parte status, sanationem non fuisse subitam, sacra Congregatio abstinuit ab ea sanatione approbanda, uti desumitur ex Decreto edito die 5. Februarii 1725.

De Febri ex Angina.

34 Angina dicitur ab angendo, & anginam dicere possumus spirandi & deglutendi molestum laborem faucibus inflammatis atque intumescensibus. Distinguitur a Practicis in *veram*, & *natham*. *Vera* oritur a sanguinis stasi, ut eam vocant. *Natha* magis a congestione seri, quam sanguinis, cum interna faucium inflammatione. *Vera* morbus acutus est, nunquam sine rigore, & febre. *Natha* junctam habet febrem plus lymphaticam, & catarrhalem, quam acutam. Si angina internis laryngis musculis insidet, & in ea non extrinsecus rubor, sed intrinsecus ardens dolor urget, & ob angustatum asperæ arteriæ caput vox non modo suppressitur, sed & spiritus difficilis redditur, evidenti non caret periculo, ut innuit Hippocrates *Prædict. lib. 3. cap. 109. Angina gravissima est, & celerrime interimit, quæ neque in cervice, neque in faucibus conspicuum quid habet; hac etenim eodem die, & secundo, & tertio, & quarto strangulat.* Idem Hippocrates *sect. 5. aphor. 10. Quicumque ab angina liberantur, iis ad pulmonem vertitur, &*

tur, & in septem diebus pereunt; si vero h. s. effugerint, suppurantur; & sect. 6. aphor. 37. Angina correpto si tumor fiat in collo, bonum; foras enim morbus ducitur. Sensus aphorismi decimi est, illos, qui ex angina videntur liberati, sed citra inflammationis maturationem aut resolutionem, & sine ulla manifesta materię expurgatione, incidere in pulmonis inflammationem; & humore in pulmonem translato tum ratione ipsius partis affectę respirationi destinatę, tum etiam ratione febris adjunctę acutissimę vita periclitari: sensus aphorismi 37. est satis clarus, cum in eo Hippocrates repetat, quę supra de erysipellate dixerat, & Nos cum eo asseruimus. Legi potest Tozzius in *comment. ad eosdem aphorismos*; & duce eodem Hippocrate in *libro de loc. in hom. g. 1.* tam veteres, quam recentiores Medici unicuique adversus hunc morbum pręsidium constituunt in venę sectione: Angina affectis a sanguine in venis colli collecto & coagulato sanguinem ex venis brachiorum & pedum detrahes, & simul alvum inferne subduces; quo, quod morbum exhibet, detrahitur. Qui plura scire cupit de angina, consulere potest citatum opus Hoffmanni *sect. 2. cap. 4.* Sed hæc innuisse satis sit, quantum quidem pertinere potest ad nostrum institutum: hinc enim sacre Congregationis Consultores satis apte colligere poterunt, quandonam liberatio ab angina miraculo adscribi possit. Nec enim satis est, ut liberatio momento contingat, uti vult Matthæuccius in *pract. Theologo-Canon. tit. 3. cap. 3. g. 8.* cum aliquando ipsa angina naturaliter rumpatur, & qui pro mortuo lugebatur, integram consequatur sanitatem, juxta casum relatum apud Schenkium *lib. 3. observ. 3. pag. 301.* sed præterea oportet, ut qualitas anginę serio examinetur, indago instituat de symptomatibus, & de febre eam concomitante, de remediis adhibitis, si fuerunt adhibita, & præsertim si sectio venę facta sit, de crisis exclusione, & an sanationi ab angina alius morbus successerit, vel qui jam sublatus videbatur, redierit. Fuerunt hæc a me, dum munereungebar Fidei Promotoris, perpensa in causa S. Joannis de Cruce, in qua inter cetera miracula, propõsita fuit subita sanatio Barnabę de Medina Medici a strangulante angina, cujus tamen nulla fuit habita ratio, ita ut Antonius Pacchionus celebris, dum viveret, Medicus a sacra Congregatione electus, ut suum judicium ferret super miraculis, quę in ea causa proponebantur, licet de aliis propõsitis judicium tulerit, visis prædictis animadversionibus, nullum in sua dissertatione fecerit verbum de liberatione a strangulante angina, eam hoc modo modeste a classe miraculorum rejiciendo.

De Febri ex Tetano.

35 In causa Canonizationis S. Laurentii Justiniani inter ceteras sanationes, quę tamquam miracula proponebantur, erat illa subitę liberationis a tetano, quo æger afflictus fuerat per dies viginti una cum febre. Tetanus spasmi quędam species est, vel convulsionis. Verbum gręcum est, Medi-

Medici autem nostri morbum hunc generico nomine *dysensionem* appellant. Tetanus enim est nervorum tensio æqualiter in toto corpore facta, per quam rigidum & immobile manet, cum partes anteriores æque ac posteriores contrahantur. Duo sunt aphorismi Hippocratis de hoc morbo; primus est: *Quicumque tetano corripiuntur, quatuor diebus pereunt: si vero hoc effugerint, sani sunt*; alter est: *Ab astibus fortibus convulsio, aut tetanus, malum*. Tozzius plura adnotavit in comment. ad hos aphorismos; & ad primum quidem observat, tempore Hippocratis tetano correptos post quartum diem mortem evasisse ob salubriorem habitationis constitutionem, vel ob fortiores corporum temperaturas; sed hodie septimo, atque etiam post septimum diem eo morbo affectos periclitari. Scripserat Zacchias super miraculo, quod proponebatur in causa S. Laurentii; & consilium imprefsum est, *post quaestiones medico-legales ab eo editas*. Censuerat sanationem miraculo tribuendam; sed cum in suo consilio dubium excitaſſet, quod sanatus fuerat febris affectus, & quod ex Hippocrate, & multo magis ex ipsa experientia habetur, febrem aliquando convulsioni remedio esse, & per eam resolvi materiam, quæ convulsionem excitavit, quamvis dubitationi satisfacere conatus fuerit, ejus tamen responsiones nihil profuerunt, nec propolita in ea causa sanatio fuit adscripta miraculo; Romulus autem Spetiolius Archiater Alexandri Papæ VIII. electus, ut suum pro veritate ferret judicium, in suis medicis ponderationibus prælo editis, in quibus nonnullas alias propositas sanationes pro miraculis habuit, de hac nullum verbum fecit, ipsam (uti supra dictum est) hoc modo modeste rejiciendo.

36 Ne caput hoc in immensum excreſcat, aliqua tantum addemus de febre pneumonica, pleuritica scilicet, & peripneumonica: morbus etenim hic nostris temporibus est frequentissimus, ideoque sæpe se offert occasio differendi de sanationibus ab ipso, quæ tamquam miracula proponuntur in sacrorum rituum Congregatione. Gordonius in *libro medicinae partium. 4. cap. 9. de pleurisi*, signa exponit, quibus pleuriticæ febres mortales diducantur: *Omnia signa pleurisi, si fuerint multum intensa & laboriosa, mortem significant, sicut est dolor vehemens; cum virtus totaliter præsternatur ex vehementia doloris. Similiter vehemens difficultas anhelitus &c. Similiter si tussis laboriosa impediat somnum, & cibum &c. Ex spūto similiter accipiuntur signa mortalia, sicut etiam est lividum, nigrum, viscosum, & cum laboriosa tussi. Similiter cum non potest expelli. . . Et est intelligendum, quod in pleurisi, & in quacunque agritudine, si Medicus recte operetur, & nullus error intercedat, si patiens propter medicamina recte applicata universalia & particularia non allevietur, sed potius aggravetur, signum est pessimum & mortale: quæ omnia signa repetuntur etiam a Sennerto, Zacuto, Horstio, quibus ex nostris adhæret Villalpand. in *append. prætermiſſ. ad tract. de magis cap. 3. ad lib. 1. num. 13. & seqq.**

De Febri, qua dicitur inflammatoria.

37 Febri hæc est inflammatoria, ut eam vocant; inflammatio autem in thorace partibus insidet diversis, & varia non modo accipit nomina, sed differt symptomatibus, eventu, & curandi ratione. Antiqui Medici putarunt subjectum pleuritidis, & peripneumonix esse pleuram; Medici medij ævi asseruerunt, in peripneumonia pulmones, in pleuritide pleuram cum musculis, quos succingit, affici. At recentiores Medici accurata anatomica partium cognitione instituti, pleuriticum morbum omnino volunt in pulmonibus consistere. Id comprobavit Hoffmannus in *dissertat. de pleuritide, & peripneumonia*; & Falcolus in *tract. de hominis. sive de corpore humano lib. 2. sect. 3. cap. 2.* ita locutus est: Nos autem, qui *quanties pleuritide, & peripneumonia interfectos fecari fecimus, toties promiscue, modo tamen magis, modo minus pleuram una, & pulmones aque inflammatos vidimus.* In commentariis autem Bononiensis Scientiarum & Artium Academix pag. 153. narratur, anno 1705. cum in Academica exercitatione sermo positus esset de pleuritide, Morgagnum magni utique nominis Physicum, tunc Academicæ Principem, sensisse, pleuritidis vitium potissimum esse in pulmonibus; secit enim cadaveribus eorum, qui legitima pleuritide interierant, inventi sunt ipsorum pulmones exteriore interdum parte usque adeo depravati atque corrupti, ut partis hujus portio aliqua inter trahendum facillime lacerata & divulsa adnexæ pleuræ adherens relicta sit; quæ tamen pleuræ, abradis diligenter pulmonum reliquiis, illæsa omnino apparuit, vel tantum nonnihil rubra. Porro citatus Hoffmannus *tom. 4. medic. rational. part. 1. sect. 2. cap. 6.* docet, si inflammatio externæ tanquammodo partes occupet thoracis, pleuritidem esse spuriam; si membranose pulmonaris substantiæ superficiem teneat, pleuritidem esse veram; si vero altius in ipsam pulmonis substantiam descendat, graviores esse, & peripneumoniam appellari.

38 Testatur idem Auctor, in spuria pleuritide dolorem esse valde acutum, & pungentem latus, tussim esse siccam sine ejectione materiæ pituitosæ, vel cruentæ, & junctam esse febrem cum pulsu subduro, depresso, & frequenti; in pleuritide *vera* majorem esse, quam in spuria angustiam spirandi, sputum esse cruentum, & febrem comitantem esse magis acutam, quam in spuria: in peripneumonia vero dolorem esse magis tenivum, ut eum dicunt, obtusum, majorem esse spirandi difficultatem & anxietatem, & in majori periculo ægros esse constitutos, cum facile moriantur, & præsertim si senes sint. Tandem citatus Hoffmannus testatur, in nulla alia lebre crises esse frequentiores, quam in hac; nullam aliam febrem tam esse recidivam, quam febrem pneumonicam; & ad præcavendum inflammationis incrementum nihil esse utilius sanguinis emissionem. Porro ex his Consultores sacræ Congregationis poterunt facile cognoscere

non

non solum naturam morbi, de quo agitur, sed etiam ejus gravitatem, facilitatem crisis, periculum recidivæ, & utilium remedium usum: quæ omnia sedulo animadvertere debebunt, antequam de sanationis miraculo ferant judicium; quod optime præstiterunt in causa Beatificationis tunc Servi Dei, deinde Beati, nunc Sancti Joannis de Cruce, in qua ex adhibita potissimum venæ sectione repentina quædam sanatio a febris pleuritica non fuit miraculo adscripta. Hoc ipsum accuratissime de more præstiterit Joannes Maria Thomafius Medicus sæpe a Nobis cum laude commemoratus, electus ut suum pro veritate ferret suffragium in causa Canonizationis tunc Beatæ, nunc Sanctæ Agnetis de Monte Politiano: in quarto enim, quod tamquam miraculum proponebatur, subitæ sanationis cujusdam mulieris a pleuritide, & febre maligna, adhæsit animadversionibus a me uti Fidei Promotore propositis; dixitque miraculo fortasse tribui posse hanc sanationem, cum naturaliter non fiat, ut pleuritis paucarum horarum spatio possit judicari, & multo magis sine ulla crisi; sed se eam uti talem approbare non posse, cum mulier sanata per multos menses dolore laborasset, & hyssericis affectionibus fuisset obnoxia, ita ut periculum fuerit, ne ab his simile quid productum esset, quod pleuritidem simularet, cui febris potuit esse utilis, utpote solvens materiam, quæ efficiebat dolorem. Sensit autem idem Thomafius, subitam sanationem Monialis a pleuritide cum febre gravissima, ac a tumore erysipelatico in crure dextero esse miraculo adscribendam; quod & deinde admissum fuit a sacra Congregatione, uti apparet ex Decreto edito die 2. Aprilis 1726. Sed ita sensit, postquam ostendit, pleuritidem non fuisse spuriam, sed veram; fluida ægotantis fuisse in tali concretionis gradu constituta, ut natura non solum apta non esset ad utiles & necessarias secretiones exercendas, sed a magno fluidorum vitio quasi depressa ad alia cogeretur morbosa sedimina; & demum nullam præcessisse secretionem per sputum, per sudorem, aut per aliam viam: in quo proinde rerum statu pleuritis in morbum graviores ac contumaciorem transire solet, uti etiam observavit diligentissimus Nicolaus Chesnau in secundo libro suarum observationum, ubi ait in prognosi. *Nisi pleuritis solvatur sudoribus, vel hæmorrhagia e naribus, vel sputis, transit in peripneumoniam intra septem dies, aut in abscessum, aut in empyema post decimum quartum: quam ad rem facit aphorismus Hippocratis: Quicumque morbo laterali laborantes quatuordecim diebus non repurgantur, ita ad suppurationem vertuntur*: In Latina interpretatione scribitur: *morbo laterali laborantes*; sed in Græco codice scribitur: *Pleuriticis*: quare de pleuritide intelligendus est Hippocrates, non de morbo laterali, qui costis, & musculis inter costas externis accidit; in hoc enim repurgatio per sputum, quæ ab Hippocrate memoratur, expectari non potest, sicuti sperari potest in morbis pectoris partes internas afficientibus, uti advertit Tozzius in commentar. ad dictum aphorismum.

De miraculo pleuritidis sanata in muliere gravida.

39 Lateralis morbus, cui nomen est *Pleuritis*, adesse dicitur, quando acuta febris urget, acutus subest dolor usque ad jugula pertingens, pulsus durus est, decubitus in latus affectum facilis: at, si in oppositum jaceret æger, sequitur dolor acerbissimus, spirandi difficultas, & tussis, quæ aut humida est, sputumque modo cruentum, modo varium educit; aut sicca, qua nihil excreatur.

40 Ingravescentibus his, morbus inrescit, calorque æstivans augetur, sitis impense tenet, appetitus dejicitur, vigiliæ accedunt, & sub hoc casu etiam delirium.

41 Cum hæc signa concurrunt, *legitima* vocatur pleuritis, ea nempe, qua membrana intus costas succingens inflammatur, & inflammatio ad ultteriores in pulmonem vias porrigitur: e contra appellatur *spuria*, in qua muscoli, qui sunt inter costas, & thoracis exteriora laborant, febrilique mitior est.

42 Que legitima est pleuritis, inter acutos morbos recensetur ab Hippocrate de rat. victus in ac. morb. his verbis: *Sunt autem hi (acuti) quantum nominibus veteres complexi sunt, pleuritis, peripneumonia, phrenitis, leithargus, febris ardens, & quicumque alii morbi ad has consequuntur, quorum febres omnino continua interficiunt.* Confirmatur id doctrina Aretæi, lib. 1. cap. x. qui de curatione pleuritidis ait: *Nulla mora æque dilationis in pleuritide, quin prostinus valenti medela succurramus, datur occasio: febris enim peracua ad perniciem properat, dolor quoque succingentis membrana costas in pejus urget, necnon & tussis pectus caputque concutiens, vires proterit.*

43 Acutos vero morbos periculo nunquam vacare manifesto liquet ex Hippocrate in lib. de affect. docente, ex omnibus sepe morbis acutos interficere, & maximos labores excitare.

44 Mulierem prænantem acuta febris prehenderat, & initio ipsæ vires defectæ erant, oculi caligantes, iactatio totius corporis, æstus ingens, lateralis dolor acerbus, decubitus difficilis, tussis cum sputo cruento, mentis alienatio: cuncta hæc prima morbi die. Quamquam vero intra biduum febris vena secta fuisset, fauces nihilominus inflammabantur, & cum linguæ nigredine, sitique inexplebili exulcerabantur.

45 Hujusmodi symptomata pravam constituunt pleuritidis genus; in eunte enim morbo ea adfunt signa, quæ vix in adaucto observari consueverunt. Febris autem, quæ comitabatur, *acutissima* vocatur ab eximio Archiatro Marco Angelo Marcangelo ad scribendum pro veritate recito, cum hic casus in causâ Beatificationis & Canonizationis tunc Ven. Servi Dei, nunc Sancti Camilli de Lellis proponeretur.

46 Ex eo autem quod ægrotans gravida sit, eam in magno vitæ discrimine esse præstantissimus vir pronuntiat; etiam si, ut ait, aliis destitueret.

Tom. IV.

M m

tur

274. DE SERVORUM DEI BEATIFICATIONE

tur ægritudo symptomatibus; cum in medicina facienda observationibus constet, quod Riverius *praxis med. lib. 7. cap. 3.* scriptum reliquit, pleuritidem in senibus, mulieribus, utero gerentibus &c. esse perniciosam: & Balionius *lib. 2. consil. 20. de pleuritide*, valde terribiles in gravidis appellet pectoris dolores; & Boe rhaavins causam constare non dubitet, cur senibus, puerperis, gravidis plerumque lethales sint pleuritides.

47 Jam vero septima & decima dies agebatur, a qua ægra mulier decumbebat; cunctisque adhibitis medicamentis, nullum experta erat levamen; quin in pejus cuncta ruebant; adeoque omnibus munitam Sacramentis velut conclamatam Medici sacris Ecclesiæ Ministris commiserant.

48 Inter hæc ori inditum est morientis prope mulieris pauxillum coementi sacræ ædiculæ, quam in vita coluerat S. Camillus, & confestim sensu motuque redeunte, lecto erecta per se assedit mulier, cibumque ibi afferri iussit, quo suaviter assumpto, recubuit, & placidam somno duxit noctem, & sequenti die singula peragere potuit, quæ melius explere sana nequivisset.

49 Repentina hæc morbi totius extinctio, & omnium virium inopinata redintegratio & constans, cum ad necem usque defatigata esset ægrotata, plane cumulateque miraculum ostendunt. Nullum enim juxta naturæ vires excogitari poterat auxilium, quo ægrotæ animam agenti vires extemplo redderentur, atque insimul lauces exulceratæ sanarentur, hilarique peteret vultu alimentum, cujus antea vix particulam aliquam haurire poterat. Hinc igitur sacris Judiciis visum fuit, sanationem hanc pro miraculo habendam esse, quod Nobis fuit comprobatum Decreto.

C A P U T XIX.

De sanationibus a variis infirmitatibus, quæ miraculo sunt.

IN Christo Domino in Evangelio Matthæi *cap. 4. v. 23.* legitur: *Et circuebat Iesus totam Galilaam, docens in synagogis eorum, & prædicans Evangelium regni, & sanans omnem languorem & omnem infirmitatem in populo; & abiit opinio ejus in totam Syriam, & obtulerunt ei omnes male habentes, variis languoribus & tormentis comprehensos, & qui demonia habebant, & lunaticos, & paralyticos, & curavit eos; & cap. 8. v. 16. Omnes male habentes curavit, ut adimpleretur, quod dictum est per Isaiam Prophetam dicentem: Ipse infirmitates nostras accepit, & ægrotationes nostras portavit; & Marci cap. 1. v. 32. Vespere autem facto cum occidisset sol, afferbant ad eum omnes male habentes & v. 34. Et curavit multos, qui vexabantur variis languoribus; & Lucæ cap. 4. v. 40. Cum autem sol occidisset, omnes, qui habebant infirmos variis languoribus, ducebant illos ad eum. At ille singulis manus imponens, curabat eos; & Lucæ pariter cap. 6. v. 19. Et omnis turba quærebat eum tangere, quia virtus de illo exibat, & sanabat omnes. Quamobrem S. Joannes Chrysostomus*

mus

mus in *Mattheum* cap. 8. v. 16. (apud Corderium in *catena Patrum*) ait: *Perpende quantiam curatorum multitudinem percurrans Evangelista, non sigillatim nobis effrentes, recensentesque, sed verbo unico infinitum miraculorum pelagus complectentes.* Hinc occasio facile sumi posset agendi de sanationibus ab universis morbis, quæ miraculo fiunt: sed cum materia tñm propter amplitudinem, tum propter gravitatem nostris viribus major sit, sermo coarctabitur ad nonnullos morbos, apoplexiam videlicet, arthriticidem seu podagram, ischuriam, ileos, aneurisma, strumas, & polypos, cum de sanationibus ab hisce morbis actum aliquando sit in sacrorum rituum Congregatione; pro sanationibus autem ab aliis morbis sufficere poterunt cetera, quæ a Nobis dicta sunt, cum generaliter de re hac ageremus.

De Apoplexia.

2 Apoplexia est subductio sensus & motus in organis universis, seu vehemens & repentina totius corporis resolutio, aut stupor, seu repentina actionum animalium omnium, sensus videlicet & motus abolitio cum principum læsione facultatum. Apoplexiam Medici bipartitiuntur in humoralem, & organicam (placet enim eorum formulas adhibere) & rursus humoralem in eam dividunt, quæ fit obstructione nervorum, & in eam, quæ fit per extremam nervorum compressionem: quibus præterea addi potest illa, quæ fit lymphæ, sive sero exuberante, quam *pituitosam* aliqui vocant, & ea, quæ fit sive ex redundantia, sive ex nimio sanguinis fervore, quam alii *sanguineam* appellant, quæque plethoricis solemnis esse solet, quæque in temulentis ex ebrietate non semel contigit, uti late legi potest apud *Pascolum in tract. de homine lib. 2. sect. 1. cap. 4.* Brevius res absolvit a *Tozzio*, qui lib. 2. *aphorism. aphor. 42.* ita scribit de apoplexia: *Apoplexia est privatio sensus & motus in toto corpore, supersiste respiratione, licet & hac multum quoque offendatur.*

3 Admirandas nonnullas apoplexias colligit *Marcellus Donatus in tract. de medic. histor. mirab. lib. 2. cap. 6.* Sed, relictis iis, quæ ad Medicos præcipue pertinent, ut aliqua exhibeatur idea hujusce morbi, quatenus necessarium esse potest Consultoribus sacra Congregationis rituum, repetemus primo cum iisdem Medicis, apoplexiam esse ablationem animalium actionum omnium, motus scilicet, ac sensuum, cum principum facultatum læsione. Quocirca, si homo subito concidat, omnisque sensus, & motus, ac simul vox repente auferatur, sola respiratione, sed ea difficili remanente, & remanentibus colore faciei & pulsu, membrumque nullum moveat, sed omnia membra laxa sint, & si brachium, vel pes elevetur, pondere suo, ut in cadavere, concidat, nec ager audiat, aut videat, nec, si tangatur, vel pungatur, sentiat, aut loquatur, & ore hianti ac stertendo respiret, oculosque clausos, vel palpebras suspensas, aut contractas habeat, ager hic apoplexia dicitur laborare. Fufe hæc omnia profecquitur *Sennertus*

276 DE SERVORUM DEI BEATIFICATIONE

tom. 3. pract. lib. 1. part. 2. cap. 33. de apoplexia, in signis diagnosticis ejusdem, ubi etiam docet, hisce signis differre apoplexiam ab omnibus cognatis affectibus: differt quippe a lethargo, cum lethargo laborantes somnolenti sint, & excitari possint, secus Apoplectici: differt a caro, cum carus non subito, ut apoplexia, sed sensim invadat; quique eo tenetur, nec difficile respiret, nec stertat: differt ab uteri suffocatione, cum in hac color faciei mutetur, & vis sentiendi nonnunquam maneat, neque respiratio impediatur, aut si impediatur, pulsus simul obscuretur: differt a syncope, cum in hac color faciei a naturali in pallidum mutetur, & spiritibus ac sanguine subito ad cor raptis, muscoli per consensum afficiantur; unde ægri dentes, aut os, itemque manus arcte claudunt, ut vix possint aperiri: differt ab affectione melancholica, cum in hac pulsus & respiratio obscurentur: differt ab epilepsia, cum in hac corpus convellatur, & motu inordinato concutiat; differt a catarrho suffocante, cum in hoc subito humor a capite ad pectus & pulmones decumbens respirationem & sermonem sæpius interrumpat, & hominis sensum & motum omnino suffocet, aut certo suffocationis periculum minetur. Optime Tozzius medicina parte priore tom. 1. ad tit. de apoplexia §. Itaque.

4. Dicemus secundo cum eisdem Medicis, apoplexiam suos habere gradus, & ejus magnitudinem æstimari ex respirationis noxa majore, vel minore. Gregorius Hymannus in tract. de apoplexia cap. 30. hæc habet ex Galeno: *Galenus quatuor apoplexia species constituit. Prima est, quando ægri respirant adhuc cum aliquo ordine, quam inter omnes species mirissimam nominat. Altera est, in qua ægri inæqualiter respirant, & cum interpositione, ita ut per intervalla spiritum ducant. Hanc priore longe vehementiorem constituit. Tertia est ea, in qua ægri quidem respirant, sed cum magna violentia. Quarta omnium acutissima, periculosissima, & maxime lethalis est, in qua dicit cum motu & sensu respirationem quoque perdi & amitti. Vides ergo, concedere Galenum, apoplexiam dari absque manifesta respiratione. Galenum sequuntur Medici fere omnes statuentes, Apoplecticos nonnullos, præter motum & sensum, manifesta quoque respiratione privari, ita ut sæpius, æger an vivat, vel mortuus sit, ambigatur. Sequitur Zacchias consil. 31. num. 4. & seqq. post questiones medico-legales, & adhæret Fortis consil. & respons. medic. centur. 1. consil. 37. §. Subitanea privatio sensus, ubi hæc habet: *Qualis autem fuerit (loquitur de apoplexia), ex lesione respirationis conicere possumus: si namque respiratio est tantum inæqualis, inordinata, & intercepta, fortis in primo gradu; si cum stertore, in secundo; qua si vix observari potest, in tertio gradu fortissima. Concordant, quæ leguntur apud Tozzium ad aphor. 42. lib. 2. ubi docet, primam, & fortissimam apoplexiam esse, cum respiratio omnino prohibetur, vel saltem sensibilibus non est; sortem, cum respiratio quidem offenditur, sed non prorsus est abolita; minus gravem, cum respiratio adhuc minus læditur, licet anhelitus habeatur, vel interrupta thoracis expansio; levem, cum respiratio vix a naturali & consueto motu declinat,* quique*

quique ea corripiuntur, nec omnino soporati, nec sensu motuque delituti observantur.

5 Hippocrates, postquam lib. 2. aphor. 41. dixerat, *Qui frequenter ac fortiter absque causa manifesta deficiunt animo, repente moriuntur, in subsequenti aphor. 42. afferens aliud exemplum morborum insanabilium subjicit: Solvere apoplexiam fortem, impossibile; debilem vero, non facile:* quibus verbis innuit, juxta supra relatam apoplexiæ divisionem a Tozzio traditam, primam & secundam apoplexiæ speciem curari non posse; tertiam & quartam curari non ita facile, nec nisi paucissimos, juvenes & robustos ab eis evadere, commutata apoplexia in paralytim, ut idem Tozzius profequitur in comment. ad aphor. 42. Schenckius observ. medic. lib. 1. de apoplexia, in observationibus de curatione narrat, quandam feminam ætatis annorum 48. fortissima correptam apoplexia mortem evasisse; sed, cum dicat, eam admodum difficilem habuisse respirationem, ita explicandus idcirco est, ut loquatur non de prima, sed de secunda specie apoplexiæ: idemque, proseguendo sermonem de tertia & quarta specie apoplexiæ, recte notat, non esse difficile hos ægros servare, sed admodum difficile esse, eos ita curare, ut nulla labe relinquantur. Forestus lib. 10. observ. 74. animadvertit, in levi apoplexia, cum homines sanantur, facile ad sanam mentem redire, licet non tam subito pristinum mentis vigorem recuperent.

6 Pro veritate aphorismi 42. Hippocratis, nonnulli mordicus pugnant, nonnulli de ea dubitare videntur. Ambrosius Nunez in commentariis ad eum plane negat, aliquem ex forti apoplexia evadere posse, contenditque, eos non fuisse apoplecticos, qui ab apoplexia forti evasisse dicuntur, sed affectos aut forti syncope, aut uteri valida suffocatione. Sanctorius lib. 1. vitand. error. cap. 31. redarguit errorem illorum, qui putant, Hippocratis aphorismos esse æternæ veritatis, & ab eis non excludi casus raros, qui, si accidant, aphoristicam doctrinam non tollunt; & cum Galeno concludit, citatum Hippocratis aphorismum sic accipiendum esse, ut magna ex parte fortis apoplexia solvi non possit, non quod aliquando aliter non eveniret, aut possit evenire. Ad hoc suadendum facere potest exemplum ductum ab aphor. 28. ejusdem Hippocratis lib. 6. ubi legitur: *Eunuchi neque podagra laborant, neque calvi fiunt; ex aphor. 29. Mulier podagra non laborat, nisi menstrua defecerint; ex aphor. 30. Puer podagra non laborat ante usum venereorum.* Nisi enim aphorismi isti ita explicentur, ut sibi vindicent locum in his, quæ ut plurimum contingunt, falsitatis profecto vitio laborarent: Galenus quippe in comment. ad cit. aphor. 28. loquens de Eunuchis ita scribit: *Tanta est illorum desidia, insatiabilitas, ebrietasque, quod etiam sine ventris podagra corripri possint;* & de aphor. 29. legitur apud Senecam lib. 15. epist. 96. *Maximus ille Medicorum, & hujusmodi scientia conditor feminis nec capillos destuere dixit, nec pedes laborare: atqui jam & capillis destituuntur, & pedibus ægræ sunt.* Non mirata feminarum natura, sed vitia est &c. *Quid ergo mirandum est, maximum Medicorum, ac natura perhissimum in mendacio prebendi,*

278 DE SERVORUM DEI BEATIFICATIONE

hendi, cum tot femina podagrica, calvaeque sint? Beneficium sexus sui vitiis perdiderunt, & quia feminam exuerunt, damnatae sunt morbis virilibus. Quod autem attinet ad aphor. 30. nemo est qui ignoret, pueros ante usum venereorum podagra laborare, & potissimum si eam hereditaria contagione a parentibus contraxerunt. Porro eunuchos, feminas, & pueros comprehendendo, Athenæus lib. 2. cap. 10. scribit: Hegesander vero, suis temporibus infra viginti annorum spatium moros fructum non tulisse affirmat, a quo tantam podagra pestem omnes invasisse, ut non homines solum, sed pueri, puella, eunuchique, & mulieres eo morbo laborarent. Legi potest Schenckius observ. lib. 5. pag. 747. Sed, ut redeamus ad aphor. 42. cum Mercuriali Gaspar a Rejes quest. 79. num. 17. docet, verbum impossibile in eo adhibitum non esse proprie & absolute, sed solum tamquam significans extremam difficultatem; additque, illud verbum solvere, de quo in aphorismo, non esse intelligendum pro liberatione a morte, sed pro integra solutione ad salutem & sanitatem; in quo sensu, ait, Hippocratem bene locutum esse, cum naturaliter ex forti apoplexia nullus evadere possit, quin in paralysem deveniat: & Zacchias quest. medico-legal. lib. 2. tit. 1. quest. 14. num. 7. & seqq. ait, mortem evadentes in forti apoplexia satuos fieri per totam vitam; & ipsemet Tozzius ait, licet Hippocrates asseruerit, impossibile esse, fortem solvere apoplexiam, non iccirco non esse tentandum, quoad vires naturæ tulerint, quodcumque prodesse poterit, aut aliquando profuisse visum sit.

7 Aliqua habentur exempla sanationis ab apoplexia miraculo adscripta: in causa videlicet Beatificationis Servi Dei Nicolai Factoris, & in causa Canonizationis S. Mariæ Magdalensæ de Pazzis, S. Ignatii, & S. Felicis de Cantalicio, ut ex relationibus Rotæ Auditorum colligi potest. In causa Canonizationis S. Turribii, dum munereungebar Fidei Promotoris, inter ceteras sanationes, quæ proponebantur tamquam miracula, proposita fuit & illa cujusdam pueri ab apoplexia. At Paulus Manfredus vocatus, ut scriberet pro miraculo, dissertationem exaravit super aliis sanationibus, sed hanc omisit, ingenue confessus, se tutum iudicium de qualitate morbi formare non potuisse: & Joannes Baptista Fossombronius Medicus electus, ut suum pro veritate ferret suffragium, ex symptomatibus in facti historia relatis deduxit, morbum pueri non fuisse apoplecticum, sed epilepticum: quocirca ejus sanationis nulla habita est ratio in causa Canonizationis modo dicti Beati. Quod si aliquando se offeret occasio querendi, an sanatio ab apoplexia inter miracula sit recensenda, nemo est qui non videat, ante omnia videndum esse, an morbus fuerit vera apoplexia, & cujus speciei; an, & quæ remedia fuerint adhibita; an sanatio successerit momento temporis; an aliqua causa naturalis adjuverit, cui sanatio possit adscribi; an recidiva acciderit, aut metatasis in alium morbum. Si mordicus effect insistendum Hippocratis aphorismo, quando res est de prima & secunda specie apoplexiæ, supervacuum videri posset querere de remediis adhibitis, & de subita sanatione; sed, cum citatus apho-

aphorismus suas patiatur difficultates, & suas admittat explicationes, estimarem, tam in prima, quam in secunda specie apoplexiæ examinanda esse remedia, & tempus sanationis.

De Arthritide, & Podagra.

8 Arthritis & podagra sunt veluti synonyma, vel ad summum differunt, ut genus & species, & unum & idem sonare consueverunt, dolor videlicet articulis, partibusque finitimis pertinaciter inhærens ab humore quodam acri, qui nervorum stamina, in articulis præsertim, pungit. In Bononiensi Academia, ut ex ejus *commentariis* desumitur pag. 148. & *segg.* disputatum est, num arthritis ab acido, an ab alkali oriatur; dictumque est, modo ab uno, modo ab alio principio causam habere; & hinc fieri, ut nonnullis podagricis vinum profuerit, aliquibus nocuerit; profuit iis, qui morbum ex copioso & nimio alkali contraxerunt; nocuit iis, qui ex acido podagrici facti sunt. Cum vagatur per articulos, dicitur arthritis *vaga & universalis*: cum hos, aut illos invadit, *fixa*, sive *particularis* nuncupatur; quæ propterea iterum distinguitur in *chiragram*, *gonagram*, *ischiadem*, & *podagram* proprie dictam. *Chiragra* dicitur, quæ manus corripit; quæ genua, *gonagra*; quæ articulos aut coxendicis, aut partis proximæ afficit, *ischias* vocatur; quæ pedes, *podagra*. Morbus hic tempore Hippocratis rarus erat, nunc autem frequentissimus: quare Galeenus in *commentar.* ad aphor. 28. *supra* allatum ait: *Ætate quidem Hippocratis pauci podagra laborabant propter vitæ moderantiam: nostris vero temporibus, usque adeo auctis edulitiis, ut nihil eis addi posse videatur, infinita est podagricorum multitudo, cum nonnulli sint, qui nihil exerceantur, & eruditatis atque ebrietatibus offendantur, & ante cibum assumptum bibant vina potientia, ac veneris utantur immoderatis; nonnulli vero, etsi non in his omnibus, in uno saltem, aut duobus ex iis, quæ dicta sunt, delinquant. Et paulo post: Accedit & ad has causas, ob quas plerique incidunt in podagras, quod multi & patres & avos habuere podagricos, in quibus semen erat vitiatum, atque ideo posteris vehementiorem fecerunt partium imbecillitatem.*

9 Morbus hic lethalis non est, nisi accedant symptomata gravia, ut si vires doloribus & vigiliis multum debilitatæ sint, aut periculose inflammationes accedant, aut perniciosæ febres. Curatu tamen difficilis est, si morbus non sit recens, uti fuscè demonstrat Sennertus *oper. tom. 4. in tract. de arthritide cap. 4. num. 3. & segg.* & late prosequitur Tozzius *tom. 1. partis prioris medicina ad tit. de arthritide pag. 500. Quamquam autem podagra, chiragra, gonagra, ischiades, alique dolores particulares ob adjunctam vigiliam, ciborum nauseam, virium dejectionem, aliaque symptomata graves sint & atroces, longe tamen pejor arthritis universalis, quæ corpus reddit semianime, & in longum tempus protracta sit immedicabilis, atque febri socia periculo non vacat. Ischiade etiam laborantes summis assiduisque doloribus cruciantur, & quidem al-*
tius

tius a summitate interdum per totum crus adusque genu, & in extremum pedem. Pars illa pariter universa contabescit, & saepe saepius decurtatur, luxato articulo, femoreque a suo sinu dimoto. Ex podagra, & c. hiragra, potissimum diuturniori, adeo pedum & manuum digiti contorquentur, ut immobiles & tabidi remaneant, quin & tuberculos tephaceos exerant plane irresolubiles. Et paulo post pag. 501. docet, diuturnam & inveteratam podagram non cedere remediis, & illi protinus occurrendum, & praecipue exacta vitæ ratione: Diuturna & interata podagra medicamentis non cedit, immo ab illorum usu, praesertim importuno, gravior & periculosior sepiissime evadit, ut propterea in proverbium jam transierit Ovidii carmen:

Tollere nodosam nescit medicina podagram,

& vulgo Opprobrium Medicorum dici solet. Omnis proinde industria adhibenda est, ut, cum recens invaserit, prostigetur, ne deinceps altas radices figens unumquemque medicina operam eludat. Illi igitur protinus occurrendum, nec tam multis variisque medicamentorum generibus, quam exacta victus ratione. Exemplum naturaliter sanatorum a podagra, nondum tamen confirmata habentur apud Donatum de medic. histor. mirab. lib. 1. cap. 8. pag. 25. ubi addit: Ex huiusmodi exemplis, podagram non confirmatam sanari posse, & cum nondum nodi pedes occuparint, manifestum est. Caelius Rhodiginus lib. 13. antiq. lectio. cap. 25. hoc memorabile subjicit de liberatione a podagra: Quosdam legimus morbo articuli, & podagra humoribus laborantes, bonorum prescriptione ad simplicem mensam, & pauperes cibos reductos convalescere: quod argumentum late prosequitur Gaspar a Rejes quest. 88. num. 9. & seqq. Celebre est exemplum cuiusdam Pechii Cisalpini, qui inclusus in carcere spatio decem & novem annorum, exiguo pane & aqua altus, cum podagricus esset, sanitatem eo modo perfecte recuperavit, uti narrat Majolus in diebus canticularibus tom. 1. pag. 85. Mirum, cum podagra laboraret, immixtus in carcerem, reliquo omni tempore incolunt corpore fuit, etiam postquam eo periculo exemptus fuit; cum eo enim collocuti sumus, hacque ex illius ore didicimus, cum Mediolani comperit hominem rogaremus, ut hac nobis enarraret.

10 Hippocrates 2. prognost. recte explicat, quinam podagrici sanabiles sint, & qui insanabiles: De podagricis hoc dico: quicumque aut senes sint, aut circa articulos callos tephaceos concretos habent, aut arumense vivunt siccam alvum habentes, hi omnes sani fieri non possunt humana arte, quantum ego novi. Sanas quidem hos optime dysenteria, si supervenerit; sed & alia eliquationes valde profunt, quæ ad infernos locos repunt. Qui vero juvenis est, & circa articulos nondum callos tephaceos habet concretos, & accurate vivit, & laboris amans est, & animum bonum habet ad obediendum pro studiis ratione, hic sane Medicum intelligentem nactus sanari poterit. Concordat Galenus lib. 10. compend. med. sec. loc. cap. 2. Et postquam fuerint producti (loquitur de tophis) ne speraveris, ad pristinam constitutionem exacte redire articulum posse. Ex quibus proinde deduci posse videtur, arthritidem esse in senibus insanabilem, esse quoque insanabilem, si materia in tophos concreverit, qui sint inveterati, &

ti, & idem iudicium ferendum esse de arthritide hereditaria, uti profertur Sennertus in citato tractatu de arthritide (*quest. 10. oper. tom. 2. in fine*): Insanabili tamen arthritidi merito etiam eam annueramus, quæ hereditaria est. Nam, ut alii morbi hereditarii, ita & arthritidis hereditaria difficulter expugnatur. De nodosa & confirmata arthritide Schenclerus lib. 1. de arthritide cap. 15. hæc habet: Cum nodosa, seu confirmata arthritidis consistat realiter & formaliter in eversa, destructa, vel labefactata sive maiore, sive minore integritate totius articuli, quæ consistit in laudabili primarum qualitatum temperie, debita partium unitate, & iusta earum compositione, huiusmodi autem constitutio restitui non potest ab ullo agente creato, manifestum est, nec hunc affectum ullis remediis naturalibus esse curabilem, quia restituere non possunt integritatem substantialem articuli, quæ plus, minusve sublata est. Ludovicus autem Mercatus de intern. morb. cur. cap. 18. testatur, omnes Medicos, qui podagricos topicos curare professi sunt, fateri coactos fuisse, omnis salutis spe deposita, articulum ad pristinam constitutionem redire non posse.

11 Ideoque, si aliqua sanatio a podagra tamquam miraculum proponatur, opus erit sedulo ponderare ætatem sanati, diuturnitatem morbi, an, & quæ remedia fuerint adhibita, an arthritidis fuerit hereditaria, an sanatio contingerit momento temporis; & maximopere cavendum erit, ne allevatio doloris sumatur pro perfecta sanatione: ut enim observat celebris Medicus Thomas Sydenham in suo tractatu de podagra pag. 17. naturaliter dolor decrevit in eo, qui pluribus annis podagra laboravit: *Animadvertendum est enim, quod, ubi quis ad multos annos podagra laboraverit, dolor singulis paroxysmis gradatim minuitur, tandemque agitudine potius conficitur, quam dolore; quem enim in his patitur, dolor, quamlibet sine productione, vix ad decimam partem ejus assurgit doloris, quem pati solebat, cum viribus esset magis integris.* Quapropter, ut perfecta sanatio, qualis necessaria est ad miraculum constituendum, consecuta dicatur, oportet, ut dolor non tantum allevetur, sed prorsus cesset; & ut, sublato membrorum impedimento, eorum usus illico restituitur; ut restitutio perduret, & dolor & impedimentum non redeant, juxta ea quæ a Nobis alibi dicta sunt, dum agebamus de morbis revertentibus; & ut denique podagra in alium morbum non convertatur. Notum est enim, podagra & chiragra per aliqua intervalia revertente, plerosque a diversis ægitudinibus immunes reddi. S. Augustinus lib. 22. de civis. Dei cap. 8. num. 4. col. 666. tom. 7. de miraculis, referens liberationem cuiusdam Medici a podagra hæc habet: *Medicum quemdam podagricum in eadem urbe, qui, cum dedisset nomen ad Baptismum, & pridie quam baptizaretur, in seminis a pueris nigris circatis, quos intelligebat Demones esse, baptizari eodem anno prohibitus fuisset, eisque non obtemperans, etiam conculcantibus pedes ejus in dolorem acerrimum, qualem nunquam expertus est, isset, magisque eos vincens lavacro regenerationis, ut vocerat, ablui non distulisset, in Baptismate ipso non solum dolore, quo ultra solitum cruciabatur, verum etiam podagra caruisse, nec amplius, cum diu postea vixisset,*

Tom. IV.

N n

pedes

282 DE SERVORUM DEI BEATIFICATIONE

pedes doluisse, quis novit? Quid autem dicendum erit, si res sit de sanatione ab arthritide cum tophis seu callis in articulis generatis? Eritne pro constituendo miraculo necessarium, ut remedia adhibita non fuerint, & ut sanatio subito contigerit? Porro ex una parte videri posset, hæc non requiri, cum morbus sit naturaliter insanabilis, & sic ejus sanatio miraculo secundi generis sit adscribenda, in quo non habetur ratio temporis. Ex alia autem parte, cum Medici tam Græci, & Latini, quam etiam Arabes, & tam vetustiores, quam recentiores plura præscribant remedia ad tophos in articulis tollendos, eaque aliquando profuerint, si fides præstanda est Schenckio *lib. 5. de arthritide pag. 762.* ubi affert exemplum cujusdam nobilis Silefiaci per remedia naturalia liberati a nodosa podagra, qua septem annis laboraverat, nodo circa genu producto ad magnitudinem ovi gallinacei; crederem, etiam in hoc morbo, antequam de miraculo pronuntietur, quærendum esse, an, & quæ remedia fuerint adhibita, & an perfecta sanatio contigerit momento temporis. Inter cetera miracula, quæ proposita fuerunt in causa S. Laurentii Justiniani pro ejus Canonizatione obtinenda, propositum fuit illud sanationis cujusdam Monialis annorum sexaginta quinque, quæ per annos duos fuerat vexata nodosa arthritide, ita ut brachia essent extenuata, & tophi in articulis generati in cubitos jam prodiissent. Hæc, brachiis vix admotis sepulcro tunc Beati, nunc Sancti Laurentii Justiniani, nullis adhibitis remediis, illico sanata est, & omnia munia cœnobii expedite obivit, perinde ac si nullo morbo laborasset. Interrogatus Paulus Zacchias de hac sanatione quid sentiret, stetit pro miraculo; & facta sibi oppositione, tophos naturaliter sanari posse, respondit id contingere non posse, nisi remedia per multum temporis adhibeantur, & nisi sanatio paulatim sequatur, & sic sanationem, de qua agebatur, esse miraculo adscribendam, utpote factam sine remediis, & illico, implorato Beati auxilio, ut ex ejus *consil. 3. impresso post questiones medico-legales* colligi potest. Ex iisdem fundamentis Romulus Spetilius Archiater summi Pontificis Alexandri VIII. jussus suum ferre pro veritate judicium, existimavit sanationem miraculo adscribendam. Cumque sacrorum rituum Congregatio eorum sensui adhæserit, de necessitate examinationis tum remedium, tum temporis in sanatione morbi, de quo nunc agitur, non videtur esse dubitandum.

De Ischuria, Dysuria, & Stranguria.

12 Ulcus & inflammatio renum, & vesicæ, & aliarum partium, necnon etiam calculi magna afferunt incommoda corpori humano viventi. Hinc ischuria, dysuria, & stranguria causam habent. Ischuria est, cum urina supprimitur, sive diu, antequam egeratur, continetur. Dysuria, quando urina cum labore, aut difficultate egeritur. Stranguria, quæ etiam urinae stillicidium est, cum ea guttatim egeritur. Sennertus *pract. tom. 2. lib. 3.*

lib. 3. part. 8. *sect.* 2. cap. 2. num. 1. in prognosticis ita loquitur de ischuria, & dysuria: *Urina suppressio satis periculosum malum est; neque potest homo cum urina diu suppressa vivere. Et quidem, si non descendit per renes ad vesicam urina, secur opprimit, sanguinem inficit & inquinat, ac in totum corpus regurgitat, habitumque corporis aqua, ut in anasarca fieri solet, replet, suffocationis periculum inducit, nonnunquam, & cerebro in consensum tracto, torporem inducit. Interdum quoque sanguis corrumpitur, & humores putrescunt, unde febres accenduntur, & nisi ante septimum diem mingant, pereunt. Etsi enim postea urina praefluat, tamen ob febrem moriuntur;* & cap. 3. num. 1. *Urina difficultas minus periculosum malum est, quam integra ejus suppressio; cum enim pars aliqua urina reddatur, non tam gravia inducit symptomata. Causa quoque, quia non sunt potentes, facilius tolluntur. Idemque Sennertus cap. 4. verba faciens de stranguaria in prognosticis subjicit: Malum equidem hoc per se periculosum non est; molestiam tamen, & saepe diurnam, & qua agros, praecipue senes, ad mortem usque comitatur, excitat.*

13 Quod dictum est a Sennerto de ischuria, confirmatur auctoritate Petri Salii cap. 14. de affectionibus particularibus, ubi asserit, se observasse nullum servatum, etiam si post septimum mingat, ea allata ratione, quod serum illud retentum intra venas totam massam sanguinis corrumpit, & febres continuas pravaeque generat: Idemque habet Fonseca tom. 2. *consult.* 96. At omnimodae urinae retentionis ad longius tempus protractae non desunt historiae apud Medicos. Apud Schenckium *observ. medic. lib. 3. tit. de ischuria*, bina prostant exempla tum aegri, qui per octo dies urina retenta laboravit, tum alterius aegri, cui per sexdecim dies urina suppressa est; quique tandem, urina ejecta, convalescerunt. Vallesius de *sacra philosophia* cap. 66. in fine testatur, se vidisse aegrum usque ad undecimum diem urinam retinuisse. Gradi cap. 13. de *urinae difficultate* terminum protrahit usque ad decimum, vel undecimum diem. Forestus lib. 24. *observ.* 29. alterius meminuit, qui post duodecimum diem urinam emittens, salvus factus est. Gaspar a Rejes *quest.* 87. num. 8. testatur, se duos vidisse, transacto die decimo tertio, urinam reddentes, quorum alter per dies septem placidus, post septimum mortuus est, & alter maximo cum labore liber evasit. Apud Marcellum Donatum de *medic. histor. mirab. lib. 4. cap. 27.* celebre exilat exemplum, aliorum Medicorum, qui aegram curaverant, testimonio roboratum, cujusdam Monialis, quae ob spectri terrorem in ventris incidit afflictionem, ita ut per quatuor menses nihil ex alvo reddiderit; sed, ea jam respondere incipiente, urina suppressa est, & per quatuor alios menses ne guttam quidem reddidit, quo tempore finito, per consuetam viam lotium iterum expellere coepit; sed, cum in utriusque evacuationis suppressionem deinde per plures dies incidisset, natura interim per poros ventericuli ingentem feri copiam transmittente, paulatim tandem ad naturalia rediit beneficia, & sanata est. Quibus, aliisque perpenfis, Gaspar a Rejes *loc. cit.* tria statuit: primum, nullum terminum temporis esse fini-

tum, ultra quem si urina retineatur, necessario homo perire debeat, quamvis postea illam excernat: secundum, in iudicio ferendo de hoc morbo, & de dispari ejusdem eventu, cum aliqui ante septimam diem, alii post decimam convaluerint, alii ante septimam diem mortui sint, habendam esse rationem naturæ ægotantium, virium, caloris, & roboris partium internarum, quorum omnium vi ægri diutius urinæ retentæ, & putrefactæ impuritati resistunt; item, habendam esse rationem putredinis ipsius urinæ, vasorum corporis, & interiorum spatiorum, cum urina modo magis, modo minus corrumpatur, & corporis vasa, & interna spatia, si capaciora sint, copiosiores feri copiam conservare possint: tertium, in illis, qui post septimum ad multos alios dies urinam non facientes, decimo tandem quinto, aut decimo octavo die urinam excernentes liberati sunt, semper aliquam feri evacuationem contingere per secessum, sudorem, aut vomitum, natura videlicet vias sibi querente, & evacuationem moliente, ut onus deponeret; nisi enim feri evacuationem per aliam viam tentasset, onere oppressa succubisset, quod ipsum ex supra relatis, aliisque morborum historiis confirmat.

14 In causa Canonizationis S. Aloysii Gonzagæ inter ceteras sanationes, quæ tamquam miracula propolite sunt, fuit illa Patris Joannis Justiniani e Societate Jesu, qui calculi morbo detentus, ocluso penitus urinæ meatu, adhibitis frustra remediis, ne minimam quidem lotii guttulam per undecim dierum spatium expellere potuit, universo corpore tumefacto, & foetore ex eodem manante, ita ut, accepto mortis nuntio, se ad recipiendum Viaticum præparaverit. Alter ex eadem Societate Sacerdos nomine Basilus, qui ægotantem intercessioni tunc Beati, nunc Sancti Aloysii commendaverat, eum sibi dicentem audivisse visus est, ut morbum die sequenti ante meridiem sanandum Infirmo nuntiaret. Cumque nuntiasset, & Infirmus latus, & alias partes dolore affectas Reliquiis Beati signasset, tempore prænuntiato, nulla penitus intercedente mora, calculus a latere evulsus est, & in vesicam immissus, ejecta confestim una cum triginta libris lotii magna arenæ vi, ægerque illico convaluit, qui illico ad sepulcrum Beati Aloysii perrexit, ut Deo, & Intercessori suo gratias ageret, & postmodum pedibus per Urbem incescit, stupentibus omnibus, quibus infirmitas innotuerat. Julius Cæsar Legalla, Angelus Victorius, qui curationi interfuerat, Thomas Grossus, Franciscus Lallus de Reguardatis celebres suo tempore Medici a Rotæ Auditoribus pro veritate consulti sanationem miraculo adscripserunt; ipsorumque iudicio adhæserunt Rotæ Auditores in sua relatione, & sacrorum rituum Congregatio in suis Rescriptis. Agebatur enim de morbo gravi, qui nullis cessaret remediis. Corporis intumescencia & sætor magnam vasorum corporis capacitatem, & levem urinæ putredinem excludabant. Defuit iusta feri evacuatio. Sanatio contigit post invocationem illico & perfecte, die prænuntiata, una cum omnimoda virium recuperatione. Ex quibus omnibus inferri posse vide-

videtur, ut inter miracula referatur ab hoc morbo liberatio, non solum habendam esse rationem temporis retentionis urinæ, sed aliarum etiam memoratarum circumstantiarum, gravitatis videlicet symptomatum, repletionis sanationis, & virium recuperationis.

De Volvulo.

15 Ileos, vulgo *Volvulus*, morbus est, in quo nil, quod superne assumptum est, descendit ad inferiora & ad alvum, sed potius sursum revolvitur, & per os regeritur, obstructo consipatoque, aut etiam contorto, atque inflammato intestino ileo, a quo morbus ipse nomen sumpsit. Non est necesse, ut vomitus conjungatur, cum non modo ileon intestinum, sed etiam reliqua superiora dolore, cruciati, & torminibus affici possint citra vomitum, qui tamen, si postmodum subsequatur, esse solet solius cibi assumpti, vel humoris stagnantis in cavo ventriculi. Quod si vomitus inde stercorearius accedat, aut etiam cum singultu, morbus hic omnino lethalis est, juxta aphor. 5. Hippocratis lib. 7. *Ab ileo vomitus, singultus, desipientia, vel convulsio, malum*; & Tozzius in comment. ad illum docet, unumquodque memoratorum symptomatum, hoc est vel singultum, vel convulsionem satis esse ad indicandam morbi pravitatem, observatque, ægros intra quadriduum mori. Sennertus oper. tom. 2. l. 3. part. 2. sect. 2. cap. 1. num. 2. in prognosi. hæc profert de gravitate morbi: *Iliacus dolor magis periculosus est, si tota intestina afficiantur; minus, si secundum partem; & adhuc minus, si secundum partem inferiorem a ventriculo & hepate remotiorem*. De hac iliaca affectione una cum vomitu stercoreario hæc habet Etmullerus pract. tom. 2. pag. 44. *Quando ergo alvus ita obstruitur, ut per superiora ejiciantur excrementa, vocatur Ileos, seu morbus iliacus, convolvulus, chordapson, quod tenne intestinum tactu deprehendatur convolutum instar chordæ; cujus causa recte dicitur motus peristalticus inversus, ita ut re vera id, quod est vomitus in stomacho, hoc sit iliacus morbus in intestinis*. Antiqui Medici putabant, passionem hanc iliacam fieri per convolutionem, sive complicationem, ut ipsi vocabant, intestinorum. At recentiores anatome penitus instructi observant, intestinorum partem ingredi proxime subsequentem; & sic, obstitendo, ne fæces ab uno in alterum deferantur meatum, & valide extendendo tunicas intestinorum, & comprimendo vascula membranarum, & glandulas, passionem iliacam excitare; morbiq; radicem positam esse in fine intellini Ilei circa Cæcum, & in principio Coli, ubi est Valvula, uti videri potest apud Hildanum centur. 1. observ. 61. & apud Nicolaum Fontanum in consiliis pag. 84. Adduntque, difficiliorem esse curationem, si superior portio intestinorum ingreditur inferiorem, quam si inferior sese immittit in superiorem: & quamvis, si accedat vomitus stercorearius, morbus periculosus sit, curationem nihilominus admittere, & multos ex eo convalescere, juxta ea quæ habentur apud Sennertum loc. cit. num. 1. *Omnis quidem Ileus pericu-*

periculosus est; is tamen, cui etiam stercoris vomitus succedit, exitialis, & ab eo vix ullus salvatur, ut docet Galenus. Aliquos tamen convalescere, vidit Petrus Salinus Drexerus, qui ex intestinorum in serotum delapsu in hoc malum inciderant. Sanatorum exempla exstant apud Riverium *observ. commun. observat. 1. pag. 107.* & per sola emollientia clysteribus immissa iliacas passiones felicissime curatas, etsi pluribus diebus omnia per superiora rejecta fuissent, memorant Forest. lib. 21. *observ. 22.* Etmuller. *colleg. pract. sect. 9. art. 2. de passione iliaca*, & ex nostris adnotavit Matta de Canonizat. *Sanctor. part. 3. cap. 18. sect. 4. num. 319.* Dum munereungebar Fidei Promotoris, inter cetera miracula proposita pro obtinenda Canonizatione tunc Beatæ, nunc Sanctæ Margaritæ de Cortona proposita fuit sanatio a morbo ileo, qui vulgo dicitur *Volvulus*, aut *Miserere mei*. Opposui levitatem morbi; cum enim æger eum contraxisset equitando, probabile admodum erat, ut pars inferior intestinorum sese immisisset in superiorem, in quo rerum situ passio iliaca non est adeo periculosa ex supradictis. Opposui, defecisse febrim, defecisse signa vicinæ mortis, sudorem videlicet frigidum, & urinæ difficultatem, juxta Sennertum *loc. cit.* Opposui, aptissima fuisse subministrata remedia externa & interna, unctiones videlicet, fomenta, cataplasmata, clysteres, balnea cum emollientibus, & immisionem per os pilularum plumbearum. Dixi, nullam habendam esse rationem modicæ durationis morbi, cum sit ex genere acutorum, qui brevi sive ad sanitatem, sive ad mortem terminum habent. Dixi denique, sanationem fuisse consecutam post invocationem celeriter quidem, sed non momento temporis, & ægros celeriter evadere ab hoc morbo per usum medicamentorum, licet non diu protractum. Cumque ex his omnibus intulerim, sanationem non esse miraculo adscribendam, & Pascolus Physicus electus, ut suum pro veritate ferret judicium, iisdem adhæserit animadversionibus, sacra Congregatio abstinuit ab ea sanatione recensenda inter miracula, & ad Canonizationem processit, approbatis aliis miraculis a causæ Postulatoribus propositis.

De Aneurysmate, & de Varicibus.

16 Aneurysma dicitur arteriæ dilatatio, seu tumor tactu mollis, pulsans, digitis cedens, ab arteriæ tunicæ interioris quidem apertione, exterioris vero dilatatione ortum habens; seu potius tumor præter naturam, pulsans, indolens, digitis facile cedens, ac iterum illico sese extendens, ortus ab interna arteriæ tunica dehiscente, ceteris dilatatis: cum enim arteriæ tubus qua tuor distinctis confletur tunicis, intima nervea (ut utar Medicorum vocibus) secunda musculari, tertia glandulosa, & extrema vasculosa, si contingat, internam tunicam nerveam rumpi, sanguis illabitur in tunicam muscularem, & ei proximas, quibus propter teneritudinem mox extensus, tumor ille pulsans efficitur, qui

Aneu-

Aneurysma appellatur, uti explicat Munnicks in sua *praxi chirurgica* libr. 1. cap. 27. Aliqui ex Medicis contendunt, aneurysma non fieri ex arteriæ interna tunica dehiscente, & exterioribus dilatatis, sed ex integro arteriæ canali disrupto, & cruore inter musculos, & alias partes diffuso, qui ex viscidioribus sui particulis sibi ipsi pelliculam generat, in qua continetur. At opinionem hanc strenue redarguit Sen- nertus *pract. libr. 5. part. 1. cap. 43.*

17 Joannes Maria Lancisius opus conscripsit *de motu cordis, & aneu- ryfmatibus*, quod vivens non edidit, sed Nos uti testamenti curatores ab eo constituti edendum curavimus anno 1728. formis Romanis. In libr. 1. *de aneurysmatibus in genere* proposuit. 4. sic ab eo aneurysma definitur: Immi- nuta plus, minusve, aut omnino ablata cohesio villorum contractilium arteriarum, & cor alicubi textentium; unde oritur vel tumor pulsatilis arteria, vel fluxus vehemens ejusdem sanguinis extra arteriam.

18 Dividit idem Lancisius in sequenti propositione, aneurysmata in legitima, & spuria. *Legitima* vocat ea, quæ sunt a causis proxime debilitantibus texturas arteriarum, & cordis, nimirum quæ brevi tempore tollunt, aut saltem imminuunt firmum & validum villorum nexum; quod aliquando provenit ab exterioribus causis, puta a vulneribus, aut contusionibus, aliquando ab interioribus, nimirum vel a naturali villorum paucitate ac laxitate, vel ab erosionibus, aut tabe villorum.

19 *Spuria* appellat ea aneurysmata, quæ in sui principio non pendent a debilitata villorum resistentia, & fibrarum, quibus cor, & arteriæ texuntur, sed ab adaucta vi sanguinis nimium impellentis ordinariam arteriarum, & cordis resistentiam, cui si successerit erosio, aneurysma spurium transit in legitimum.

20 Ad ceteras deinde Lancisius prosequitur divisiones: dividit enim aneurysmata legitima in ea, quæ conjunctam habent integram scissuram tunicarum arteriarum, aut partium cordis, & ea, quæ comitem habent solam dilatationem diametri cavi arteriæ, vel cordis; unde tumor in iis locis non a vicinis partibus sanguine repletis elevatur, sed a valido impe- tu liquidi per ea cava fluentis.

21 Pascolus in suo tractatu *de homine* tom. 1. lib. 1. sect. 2. cap. 17. agit de aneurysmate, docetque, aneurysmata alia esse apparentia, quæ sensibus observantur, alia esse occulta, quæ, utpote condita in recessibus, sive in cavis, aliisque partibus abditis humani corporis, Medici per conjecturas assequuntur; memoratusque Lancisius in alio tractatu *de moribus repentinis* observ. 5. in scholium num. 2. signa exponit, quorum ope aneurys- mata dignoscuntur abscondita in cordis, & arteriarum præcordiis. En ejus verba: *Tussis urget, cor salit, & gravius pulsas, mox sepulsus, ac brevi fugitivus corripit dolor, qui postea pertinacius hæret, & modo ad alteram scapulam, clavicularvæ, modo per brachium, quandoque usque ad cubitum propagatur. Tandem profunda per sentitur pulsatio; elevantur alicubi costæ, aut ster-*

288 DE SERVORUM DEI BEATIFICATIONE

sternum, ceteraque succrescunt gravia, & prorsus miseranda atrocis hujus mali phenomena, quæ ut plurimum subita morte finiuntur.

22 Aneurysma est arteriæ, Varix autem est venæ præter naturam dilatatio, & in qua non simpliciter venæ dilatantur, sed quodammodo intorquentur, subindeque quosdam nodos contrahunt & formant nigricantes. Varix quoque duplex est, una interna, altera externa: interna, cum in internis corporis partibus venarum tumores oriuntur; quare Hippocrates in pulmonis venis varices notavit: externa, cum in membrorum externorum, & præsertim crurum superficie venæ turgentes conspiciuntur, atque pars affecta aut nigra, aut livida apparet, & pressus tumor retrocedit, sed mox iterum revertitur. De aneurysmate interno ita loquitur Paræus in *thesauro diversorum chirurgiæ lib. 6. cap. 32. Quæ in partibus internis contingunt, aneurysmata sunt incurabilia.* De aneurysmate externo hæc habet Munnicks *cit. cap. 27. num. 6. Ceterum difficulter adhuc curatur aneurysma.* Equidem quod minus est, & recens, curationem aliquando admittit: antiquum vero, & majus vix umquam curatur, nisi una cum membro, in quo occurrit, tollatur. Cui addendus Sennertus *cit. cap. 43. in prognost. Aneurysmata omnia sunt difficilis curationis.* Ea tamen, quæ nimia sunt ac recentia, curationem admittunt. Antiqua vero & majora, cum sanguis ille adstringentibus repelli, & arteria consolidari non possit, atque ita non nisi sectione curanda sint, vix ullam curationem recipiunt. De varicibus autem Medici dicunt, nihil in eis periculi esse, nisi aperiuntur, & ex aperture hæmorrhagia funesta sequatur. De iis ita pronuntiat Hippocrates *lib. 6. aphor. 21. Infans si varices, vel hæmorrhoides supervenerint, insania solutio.* Per varices totum corpus a sæculento sanguine expurgatur; atque Periti docent, nisi varices sint maximi, & timeatur sanguinis profusio, vel nisi valde doleant, aut ulcus magnum & malignum adsit, eos non esse curandos, ne, iis sanatis, graviora mala accidant. Antiqui sectione in iis curandis utebantur. Quare Plutarchus in *vita Caji Martii tom. 1. edit. Paris. pag. 408.* scribit de eo: *Siquidem cum haberet utrumque crus varicum plenum, & deformitate angeretur, statuit se præbere Medico, præbuitque non ligatus alterum crus, neque movit se, vel ingemuit, sed vultu immoto pertulit dolores in secando intolerandos. Quum inde ad alterum crus Medicus transfret, detrectavit illud porrigere: ac vides, inquit, non tantum esse emendationem, ut eum feram dolorem.* De eodem facto scribit Cicero *lib. 2. Tuscul. quest. num. 91. Videsne igitur, esse opinionis, non naturæ malum? Et tamen, fuisse acrem morsum doloris, idem Marius ostendit; crus enim alterum non præbuit: ita & tulit dolorem ut vir, & ut homo majorem ferre sine causa necessaria noluit.*

23 De varicibus, utpote levioris momenti morbo, nunquam, quod sciam, actum est in sacrorum rituum Congregatione; actum tamen est de aneurysmate, in causa videlicet Beatificationis tunc Servæ Dei, nunc Sanctæ Catharinæ de Ricciis, Catharina Alexandra Bonisæ Sanctimonialis in

in cœnobio S. Vincentii civitatis Pratenſis, cum febris laborare cœpiſſet, nec illæ, adhibitis licet opportunis remediis, umquam remiſiſſent; aſperis deinde afflicta ſymptomatibus, pulſatione videlicet interna in ſiniſtra pectoris parte, reſpirationis moleſtia, ſanguineo ſapore in ſaucibus, elevatione coſtularum, pulſibus intercifis, in peſſimum ſtatum redacta eſt: cumque in eo per annum & ultra manſiſſet, & mors ſingulis fere momentis immineret, implorata toto corde ope Servæ Dei, e lecto ſurrexit, receptam valetudinem interceſſione Servæ Dei Catharinæ aſtantiſibus nunciavit, & libere munera, quæ uti Monialis exercere debebat, exercuit. Ejus Medici, inter quos de Vaſellis adhuc vivens, & celebriſ Phyiſicus, morbum Monialis dixerunt fuiſſe cordis palpitationem cum aneurysmate, & ſanationem miraculo adſcripſerunt. Paſcolus a Poſtulatoribus accitus, ut pro miraculo ſcriberet, dixit ex communi Præcticorum doctrina, cordis palpitationem eſſe motum ejus depravatum, præcipue conſiſtentem in urgenda contractione, & interdum adeo vehementem, ut ab aſtantiſ percipi poſſit ſonus percuffionis coſtarum. Dixit cum Williſio *pharm. rar. part. 1. ſect. 6. cap. 3.* potiſſimam palpitationis cordis cauſam eſſe ſanguinis ſegnitiem, & cruorem reſertum craſſioribus particulis. Conſideravit ægri tudines, quibus Monialis laboraverat ante cordis palpitati onem. Symptomata tuſſis, doloris, elevationis coſtarum ſuſe retulit: concluditque, ex perenni præter naturam concuſſione cordis ſubſtantiam vitium contraxiſſe, ipliſque arteriarum principiis præter modum laxatis, organicum morbi genus hinc proveniſſe, qui dicitur *Aneurysma*, quique nullam admittit curationem, & omnem adimit ſpem futuræ ſalutis. Franciſcus Soldatus adhuc vivens & magni nominis Medicus in Urbe, vocatus ut judicium ſuum ferret pro veritate tum de qualitate, tum de gravitate morbi, conſenſit cum Paſcolo, aſſeruitque, morbum fuiſſe aneurysma internum in cavitate pectoris inſanabile: licet enim quodlibet magnum aneurysma, quod in externis partibus, & præſertim in artubus excitatur, inſanabile dici poſſit, numquam tamen imminet mors, quinimmo ſpes non deſt vitam protrahendi; quod certe non contingit in internis. Quibus, aliisſque ponderatis, tum Ægrotæ Medici, tum Medici Urbis, habita etim ratione repentinæ ſanationis poſt invocationem, ſanationem dixerunt miraculo adſcribendam.

24. Eadem Monialis Catharina Alexandra de Bonſiis poſt quatuor menſes elapſos graviffimo morbo correpta fuit, febris videlicet, reſpiratione intercifa, & anhelitu, cordis palpitatione, acutiſſimo capitis dolore, moleſtiſſimo tumore in ſiniſtro brachio, delirio, ſumma virium debilitate, & quandoque pulſuum defectu, ita ut de morte imminente nulla eſſet dubitatio. Proceſſerant hæc omnia ex immoderato cibo, quem Monialis eo tempore ſumpſerat, juxta *aphor. 10.* Hippocratis *lib. 2.* *Non parva corpora quanto plus nutries, tanto magis lades.* Cumque, iterum invocata Servæ Dei Catharina, morbus hic novus momento receſſerit, Poitu-

latores sanationem hanc tamquam novum miraculum a priori distinctum examini sacre Congregationis exhibuerunt. Archiepiscopus Philippenfis tunc Fidei Promotor opposuit, novum hunc morbum nihil aliud fuisse, quam primi morbi reversionem, adeoque primam sanationem non esse ullo modo miraculo abscribendam ob recidivam. Postulatores ex facto & ex jure scribentes, ob novam causam supervenientem, immoderatam videlicet ciborum sumptionem, probare conati sunt, secundum morbum fuisse a primo plane distinctum, nec miraculo primæ sanitatis ob stare posse. Pascolus hac eadem responsione usus est. At Soldatus in ea fuit opinione, ut secundus morbus non esset morbus aneurysmatis, cum longo tempore non peristerit palpitatio cordis, & defuerit tumor partis affectæ, sive sinistri thoracis lateris. Dixit ergo, morbum fuisse gravem, cum cordis palpitatio ratione partis affectæ gravis sit morbus, juxta Senzertum tom. 1. lib. 2. part. 4. cap. 4. de cordis palpitazione, tit. Prognostica, & juxta Riverium in praxi medica lib. 8. cap. 2. de cordis palpitazione §. Prognosis; præcipue cum ab aliqua fortuita causa non manasset, puta ab iracundia, aut terrore, sed a crassis & vitiis humoribus, uti prava ostendebant symptomata, quæ sub sensum cadebant, & quæ morbum sequuntur, ut umbra corpus, juxta communem Scriptorum doctrinam relatam a Stephano Rad Castrensi Prædict. med. part. 1. particul. 2. pag. 30. Addidit, etiam si aliquis contenderet, novum morbum fuisse uterinam prælocationem, non idcirco morbum potuisse haberi levem, cum affectio non fuerit simplex & solitaria, sed complicata & longa; in quibus circumstantiis Medici de ejusdem gravitate non dubitant, uti videri potest apud Vallesium in 6. epid. sect. 7. num. 13. apud Jacobum Primerosium lib. 3. de morbis mulierum cap. 51. Itaque pro morbi gravitate, & repentina sanatione perfecta post invocationem, Soldatus novum & distinctum miraculum esse voluit. At, re discussa in sacrorum rituum Congregatione, censuit ipsa, ex duabus sanationibus unum constitui miraculum sanationis ab aneurysmate, uti habetur ex Decreto edito die 14. Augusti 1732.

25 In præcedenti hujus Operis tomo tertio, dum agebatur de Oratione, narravimus, S. Philippo Nerio servide Deum orante, in ejus pectore circa sinistrum latus, absque aliquo doloris sensu, nulla accedente percussione, aut externa vi, extuberans quid emicuisse ad magnitudinem ovi gallinæ; quod, cum contemplationi Divinarum rerum esset intentus, cor ejus servebat, exultabat, & palpitabat, totumque corpus concutiebatur, & incalecebat. Itaque, dissecto post ejus mortem corpore, in parte thoracis anteriore, in qua illa extuberatio fuit omnibus conspicua, inspiciebantur duæ costæ ex mendosis superiores omnino fractæ, ac ita divisæ, ut pars a parte distaret; cor majus solito inventum est, ejusque substantia solito durior & solidior, pericardium sine aqua, arteria pulmonaria duplo major & durior, pulmones a naturali statu parum dissimiles, hepar nihil immutatum. Historiam sumpsimus ab opusculo Ro-

mæ

ET BEATOR, CANONIZ, LIB. IV. PAR. I. CAP. XIX. 291

ma edito anno 1613. ab Angelo Victorio Balneoregenſi Philoſopho & Medico, qui corpus S. Philippi ſecuit. Concordat Andreas Ceſalpinus Medicus contemporaneus lib. 6. artis medicae g. 20. ubi haec habet: *Reperitur eſſe Roma uſque in Beato Philippo Neri Sacerdote, qui ſepius in palpitationem cordis incidebat ex tubementi eſuſu, cor valde amplum, & arteria, quae ducit in pulmonem, duplo latior naturali. Eidem duae coſtae mendose in latere finiſtro abruptae a ſuis cartilaginibus ſillis inſtar eleuabantur, & deprimebantur, dum palpitationem paſceretur: & Jacobus Baccius in uita S. Philippi Neri lib. 1. cap. 6. teſtatur, eum per totum vitae ſuae tempus magnam cordis palpitationem habuiſſe, qua tamen una cum corporis tremore afficiebatur, cum vacabat orationi, vel quando Miſſam celebrabat, aut cum de Deo ſermo erat: & palpitationem quidem non fuiſſe in eo motum neceſſarium, ſed voluntarium; ceſſabat enim, cum ipſe volebat, ſed nolebat, cum Diuinis vacaret.*

26 Actum fuit inter Medicos, num haec ad cauſas naturales, an ad ſuperiores eſſent referenda. Andreas Ceſalpinus, Antonius Portus, Rodolphus Silveſter, Bernardinus Caſtellanus, Angelus Victorius tractatus de ea re ediderunt, & eam miraculo adſcripſerunt. Medicorum ſenſum retulerunt Rotæ Auditores in relatione cauſae S. Philippi tit. de devotione, & lacrymis. Difficultatem ingerebat doctrina Ferneli lib. 5. de part. morb. cap. ult. ubi ait, palpitationis tantam vim eſſe, ut coſtas thoracis ſibi vicinas, & directe obiectas frangere valeat; ſuperiores vero, ad quas ob maiorem diſtantiam violentia ictus cordis tam valide peruenire non poteſt, e propria ſede tantum depellere poſſit, id eſt luxare, vel floctere, vel extollere, non autem frangere. Fernelio adherent Euthachius lib. 2. cap. 3. de virtutibus & vitiis cordis, Piſo lib. 2. cap. 11. ſua praxis, Petralba lib. de vera forma media cap. 13. Ex his quippe inferri poſſe videbatur, coſtarum fracturam ex interna cauſa naturali ortam eſſe. Difficultas maiores proſpecto vires ſumpſiſſet, ſi Medicis, qui pro miraculo ſteterunt, innotuiſſent, quae vel ab Hippolyto Franciſco Albertino inſigniſſimo Medico Bononi-enſi adhuc vivente (cujus nomen celebre eſt in tota Europa, & cui Nos multum debere proſitemur, quod ex ſua bibliotheca ad noſtrum hoc Opus conſiciendum ſelectos indicaverit & commodaverit libros) vel a Lanciſio adnotata ſunt. Albertinus etenim in ſuo aureo opusculo inſerto commentariis de Bononiienſi Scintillarum & Artium Inſtituto aſque Academia dilucide offendit, ad vitia generis aneurysmatici ea dilatationis vitia eſſe reducenda, cum quibus ad pectus raiſione naturalis, diu durans, & cum vibratione ictuque micans pulſatio coniungitur; ea autem, cum quibus motus ſine tali pulſatione, aut ſere inſenſibilis adest, eſſe revocanda ad vitia generis varicoſi; & Lanciſius in opere citato de aneurysmate cap. 6. propoſit. 48. demonſtrat, aliquando molem totius cordis cum aneurysmate auctam repertam fuiſſe: ex quibus proinde aliquis facile deducere poſſet, omnia juxta naturalem rerum curſum in S. Philippo Neri contigiſſe.

292 DE SERVORUM DEI BEATIFICATIONE

27 At, si circumstantias sedula attentione ponderemus, ex quibus saepe oritur ratio miraculi, in eam firmam spem adducimur, omnes vel rigidiores Physicos esse dicturos, aliquid supra naturam fuisse in eo rerum contextu, de quo nunc agitur. Demus enim, a cordis palpitatione fracturam costarum naturaliter provenire potuisse; demus, vitium fuisse aneurysmaticum; demus, cor ex morbo naturali potuisse augeri: ecquis erit, qui digitum Dei supra naturam agentis non dignoscat. si animadvertat, cordis palpitationem ab æstu amoris erga ipsum manasse; si animadvertat, ea Philippum laborasse non invitum, sed quasi pro arbitrio, ut jam dictum est, neque nisi cum Divinis vacabat; si animadvertat, symptomata hæc illi evenisse, dum esset annorum triginta, iisque minime obstantibus, ipsum, quamvis laboribus, jejuniis, & poenitentibus attritum, feliciter ad decrepitam ætatem vitam produxisse, Deo & Proximo constantissime inserviendo; si denique animadvertat, sæpe, a smota ejus cordi ab astantibus manu, importunas Diaboli tentationes, quibus admovebantur, recessisse, nec amplius rediisse?

28 Ideoque, si aliqua liberatio ab aneurysmate tamquam miraculum in sacrorum rituum Congregatione proponatur, judicium Melicorum erit necessarium, ut qualitas morbi dignoscatur; symptomata ab eis erunt ponderanda; advertendum erit, num morbus fuerit recens, an antiquus, an, & quæ remedia fuerint adhibita, an adhibita profuerint, an sanatio fuerit subita, an perfecta, an recidiva supervenerit: cavendumque maximopere erit, ne perfecta sanatio sumatur tantum a pulsatione decrescente, vel etiam ab ejus defectu: in antiquis enim aneurysmatibus sæpe contingit, pulsationem decrescere, & deficere, & morbum perseverare, uti videri potest apud Severinum *observ. nat. pag. 178.* apud Ruyschium *observat. 38.* & apud Lancisium *cap. 7. proposit. 58.*

De Strumis.

29 Cornelius Celsus lib. 5. cap. 28. art. 7. ait: *Struma quoque est tumor, in quo subter concreta quadam ex pure & sanguine quasi glandula oriuntur: quæ vel præcipue fatigare Medicos solent, quoniam & febres movent, nec unquam facile maturescunt; & si ve ferro, si ve medicamentis curantur, plerumque iterum juxta cicatrices ipsas resurgunt.* Galenus de meth. med. libr. 14. cap. 5. *Struma, ait, existunt glandulis in scirrhusum affectum mutatis.* Paulus Ægineta libro 6. cap. 35. *Strumas esse tumores induratos, & in propriis pelliculis contentos.* Aetius lib. 4. *serm. 3. strumas esse subcandidas, induratas carnes in membrana contentas.* Qui vero secuti sunt omnes, uti Sennercius *præf. libr. 2. part. 1. cap. 25.* Peccetus libr. 1. cap. 23. Tagaultius libr. 1. cap. 13. & Heisterus *part. 2. sect. 3. cap. 3.* omnes, inquam, hi artis Magistri, commutatis quidem interdum verbis, re vero nunquam discrepantes, statuunt strumas esse tumores in propriis membranis conclusos,

fos, eundemque curationis modum servandum esse tradunt, quem in tunicatis tumoribus proposuerant.

30 In causa Beatificationis & Canonizationis ejusdem Venerabilis Servi Dei examini subijciebatur subita quædam induræ & exculceratæ strumæ sanatio, super qua pro veritate ad scribendum delectus fuit præstantissimus Chirurgus Victorius Masinius, qui eam miraculo adscribendam esse decrevit: cum enim inveteratam per quinquennium strumam, eamque ulceratam ex Actis deprehendisset, atque una intellexisset, nulum efficax medicamentum adhibitum fuisse, quo hujusmodi vitium non modo temporis puncto, sed ne longo quidem spatio tolli extirparique potuisset, de miraculo haudquaquam dubitavit.

31 Medicamenta adhibita fuere Digestivum Galeni, & Ceratum Diachelon, quæ ineptissima prorsus fuisse, constantissime Masinius pronuntiavit. Concessit utique duobus iis medicamentis facultatem molliendi, digerendi, solvendique coactam crudamque materiam, & in saniem pro opportuna expurgatione convertendi: jure autem ac merito negavit continenter membranam absumere, aut pedunculum extirpare ex iis neutrum valuisse; ejusmodi enim facultatem in causticis dumtaxat & scalpello inesse, liquido constat.

32 Hisce rationibus major Judicum pars in eandem, ac voti Auctor Masinius, traducti fuere sententiam, paucis exceptis, quibus visum est proximum sanationi morbi statum, de quo rudes homines testimonium tulerunt, idonee purgatum non fuisse: iisdemque insuper negotium exhibuit, sanationem æstivo tempore per medicamenta apta contigisse, quo tempore humorum vitia facile dilui, & solidorum vires augeri ac roborari consueverunt.

33 Reponebat his Masinius, testes illos de re fidem fecisse, quam cuique rerum omnium imperitissimo fas erat oculis usurpare, nec tamen inter artis peritos unum aliquem defuisse, qui se intra paucos dies & pessimum ulceratæ strumæ statum, & absolutam affectæ partis sanationem oculis deprehendisse testatus fuerat. Adhibitis vero medicamentis, quovis anni tempore adhibendis, nullam habuit fidem, ratus, hujusmodi sanationem magni sane faciendam, quod nulla cum superstitis cicatricis deformitate conjungeretur, quam post strumarum extenuationem semper superesse testatur Paulus Zacchias *quest. medico-legal. lib. 8. quest. 1 §. rit. 1. n. 3.* De strumis, scribens, ait: *Tumores sunt in collo . . . curatu summo opere difficiles, & vestigium semper, quandocumque curentur, turpe relinquentes ex cicatricibus in illis curatis causticis (qua maxima expetunt) relictis.* Sed probabiles hæc responsiones nullatenus Nobis satisfecerunt: quocirca in Congregatione coram Nobis habita die 26. Septembris 1741. prædictam sanationem inter miracula putavimus non esse adscribendam.

De Polypo.

34 Polypi, de quo nunc agitur, naturam Cornelius Celsus appoſitis verbis diſertiffime explicat: *Polypus vero eſt caruncula modo alba, modo ſubrubra, qua narium oſſi inhæret; & modo ad labra pendens narum implet; modo retro per id foramen, quo ſpiritus a naribus ad fauces deſcendit, adeo increſcit, uti poſt uſum conſpici poſſit; ſtrangulatque hominem, maxime aſtro, aut euro flante: ſereque mollis eſt, raro dura, eaque magis ſpiritum impedit, & nares dilatat, qua ſere xapavides eſt, itaque attingi non debet. Ita legitur libr. 6. cap. 8.*

35 Ex prædictis claſſimi Auctoris verbis facile eſt duplicem elicere morbi indolem, benignam alteram, quæ facilem admittit curationem, alteram malignam, quæ curationem fruſtratur: ſi enim caruncula alba ſit, mollis, ſine dolore, neque multas, neque altas habuerit radices, neque narum ex toto obſideat, polypus mitioris eſt indolis, facilique curationis: contra, ſi rubri ſit coloris, ſi fulci, & liviſcentis, & dolor inſuper acceſſerit, ſi narum impleat utramque, craſſiores altioreſque emittat radices, curationis difficultas augetur; & cunctis Chirurgiæ Scriptoris conſentientibus, ne attingi quidem debet. ſi canceri natum induerit, ulcere ſordido comitante, pravum foetidumque humorem effundente.

36 Duplex eſt curationis genus quod inſtitui conſuevit, nimirum aut medicamentis, quibus carneum concrementum paulatim tabeſcat & abſumatur; aut inſtrumentis, quibus evelli & extirpari poſſit. Cum enim in cancerum abierit, neque ferramentis, neque medicamentis irritare ipſum conſuevit, ſed potius, quemadmodum in ſcirrho & cancro, medicamentis mitiſſimis, & uſu delinire, ne ſcilicet ex ipſa curatione morbus ingraueſcat; quæ verba ſunt celeberrimi Laurentii Heiſterii, qui in inſtitutionibus ſuis chirurgicis, aureo ſane opere triginta annis elaborata, univerſam veterum & recentiorum complexus eſt chirurgiam.

37 His præmiſſis, ut tutum de ſanatione polypi ſeratur iudicium, ſi ea tamquam miraculo adſcribenda proponatur, multa erunt ponderanda. Primum de indole polypi agendum erit, an benigna videlicet, vel potius maligna: ſi etenim ſit benigna, difficile erit ſanationem miraculo adſcribere: cum ex alibi dictis miracula contingant in gravibus, non in levis. Poſtea de medicamentis adhibitis, ſi adhibita fuerunt, num videlicet profuerint, an potius nocuerint, nimirum ut dignoſci poſſit, utrum ſanatio cauſæ naturali, an ſuperiori ſit adſcribenda. Deinde an viſa adſuerit critica excretio: licet enim polypus inter morbos diuturnos & chronicos connumeretur, & teſte Galeno lib. 2. de criſibus cap. 11. acuti morbi criſibus ſolvantur, ſecus autem diuturni (Eas igitur, quæ cum magno & cito ſe inclinante certamine ſunt morborum ſolutiones, quas præci-

que crises nominari dicebamus, febrium earum, qua ex calidis humoribus accenduntur, proprias esse est existimandum: post has earum, quacumque membrorum sunt principatum habentium facile mobiles & calidae dispositiones) praeteriri tamen non potest, subitas interdum fieri mutationes in longis morbis, veluti idem Galenus prosequitur libr. 2. de diebus decret. cap. 5. Quid etenim solutio, quae per certamen & commotionem fit, in morbis diuturnis paulatim exsolvetur, pulvere dictum est; at, non amplius subitam eorum mutationem una die fieri, non recte dictum est; cum enim rigor vehemens simul cum accessione antea non factus invadat, & febris acutissima, vehementissima, calidissima, & toleratu difficilis accedat, sudorque copiosus e corpore manaris, febre hominem prorsus liberans, si quis hoc crism non esse dicit, manifeste contentiosus est. Quartum est, an sanatio extemplo & in instanti, uti dicitur, undequaque perfecta contigerit.

38 Actum fuit de sanatione polypi in causa Beatificationis & Canonizationis tunc Ven. Servi Dei, nunc Sancti Camilli de Lellis in Congregatione generali sacrorum rituum habita coram Nobis die 26. Septemb. 1741. an esset videlicet recensenda inter miracula, intercessionem hujus Servi Dei patrata: eademque Congregatio consilium Nobis dedit pro miraculo. De indole quippe maligna polypi nulla poterat esse dubitatio, cum esset septem mensium, cum narem utramque implevisset, spiritum difficilem reddidisset, gravem excitasset dolorem, & lympham putidam eructasset. Item remedia quidem fuerant adhibita, per caustica videlicet, & ignem ipsum, ex quibus ulcus subortum erat saniem graveolentem effundens. Quaecumque crisis abfuerat: & sanatio contigisse dici potuit extemplo; admotis quippe ægris naribus duobus filis subuculae Servi Dei, ipsoque invocato, mulier quae vespere dolore angebatur, quæque deturpatum foedissime nasum habebat, mane proximo nedum libera reperta est ab omni dolore, sed hilarem se cunctis exhibuit, nullo foeditatis in naribus vestigio relicto.

39 Porro in examine praedictæ mirandæ sanationis non modica excitata est dubitatio, quod ante sanationem fonticulus cervici fuerat inultus. Marcus enim Aurelius Severinus Auctor præclarissimus lib. 2. part. 1. cap. 24. ait, Scriptores practicos agentes de sanatione polypi proponere pro remedio fonticulum emissarium in brachio excitandum, & inter observationes chirurgicas Joannis Pechlinii sanatio exponitur polypi ope fonticuli. At strenue observatum est, Joannem Pechlinium calum exponere sanationis polypi per fonticulum, sed polypi molliculi & cedentis, albi coloris, figura rotundi, & nec in ramos, aut pediculos fixi: idemque Joannes addit, fonticulum profuisse in eo casu, quod ageretur de polypo ferroso, aut piritoso, quique forma sarcomati, quam polypo erat propior: ut tumor enim polypum referat, necesse est in cirros, aut pedes dividatur; ut vero sarcoma sit, satis est unam adesse, & fere globosam partis extuberationem.

40 Extranea hæc omnia erant a polypo, de quo agebatur, quod late profectus est Victorius Masinius, celeberrimus in Urbe Chirurgus, accitus ad suum ferendum suffragium pro veritate, quod scriptis edidit, ubi inter cetera late adducta agens de fonticulo cervici ægrotæ inulto, ait: *Sed inutili risuque spe digna obtinendi ab usu fonticuli absolutam polypi, quem adactus ignis, & canthica medicamenta apposita extenuare non valuerunt, promptissimam extenuationem & consumptionem. Cauterii inuisionem Professores artis præcipiunt, ut succrescenti polypo nutrimenti pars detrahatur, quominus augetur. Cæterum cum ejus substantia sit non ex coactis humoribus, sed ex concretionem carnis extuberantis, neque multa educiti per fonticulum puris quantitas unquam eam extenuabit.*

41 Atque ex his aliisque serio ponderatis, sanationem a polypo inter miracula recensimus edito Decreto die 13. Novembris 1741.

C A P U T X X.

De Partu, qui miraculo fuit.

QUÆRIT S. Thomas 3. part. quæst. 30. artic. 4. an annuntiatio ab Angelo facta partus Christi Domini convenienti ordine fuerit perfecta; & affirmando respondet, cum Angelus a Deo missus fuerit, ut partum Virgini annuntiaret, & quæ a Deo sunt, ordinata sint, uti habetur ad Romanos 13. Sed, cum Angelus Beatissimæ Virginis suadere volens, possibile esse, ut pareret filium, licet virum nec cognovisset, nec esset cognitura, usus sit exemplo Elisabeth, quæ filium in tenebræ sua conceperat, licet sterilis esset. (Luc. cap. 1. v. 36.) : Et ecce Elisabeth cognata tua, & ipsa concepit filium in senectute sua, & hic mensis sextus est illi, quæ vocatur sterilis, quia non erit impossibile apud Deum omne verbum; Sanctus Doctor hanc sibi opponit difficultatem loc. cit. ad tertium: *Majus non potest probari sufficienter per minus: sed majus fuit, Virginem parere, quam Vetus: ergo non fuit sufficiens probatio Angeli præstantis conceptum Virginis ex conceptu Senis.* Huic autem difficultati ita ab eodem Sancto Doctore respondetur: *Dicendum, quod, sicut Ambrosius dicit in hexameron, ob hoc multe steriles prævenierunt, ut partus credatur Virginis, & ideo conceptus Elisabeth sterilis inducitur, non quasi sufficiens argumentum, sed quasi quoddam figurale exemplum, & ideo ad confirmationem hujus exempli subditur argumentum efficax ex omnipotentia Divina.*

2 Idem Sanctus Doctor eadem 3. part. quæst. 33. art. 4. quærit, num conceptio Christi fuerit naturalis, an miraculosa; & respondet, conceptionem fuisse simpliciter miraculosam, & supernaturalem, sed secundum quid naturalem. Respondet dicendum, quod, sicut Ambrosius dicit in libro de Incarnatione, multa in hoc mysterio & secundum naturam invenies, & ultra naturam. Si enim consideremus id, quod est ex parte materie conceptus, quam mater ministravit, to-

tum

tum est naturale. Si vero consideremus id, quod est ex parte virtutis activæ, totum est miraculosum. Sed quia unumquodque magis judicatur secundum formam, quam secundum materiam, & similiter secundum agens, quam secundum patientem, inde est, quod conceptio Christi debet dici simpliciter miraculosa & supernaturalis, sed secundum aliquod naturalis. Hanc veritatem late illustant Theologi; tum quia in conceptione Christi Domini Maria virgo simul, & mater permansit; tum quia, statim ac Beata Virgo Gabrieli præbuit assensum dicens (Luc. cap. 1. v. 38.): *Ecce ancilla Domini; fiat mihi secundum verbum tuum*, eodem momento, nullaque interposita mora, in utero Virginis corpus Christi compactum est integrum, & omnibus organicis membris absolutum; tum quia corpus Christi non solum in momento conceptionis fuit integre formatum, sed insuper eodem momento fuit animatum anima rationali; & demum, quia in puncto conceptionis Christi corpus fuit unitum Verbo Divino. Legi possunt duo insignes Sancti Thomæ Discipuli, Gravelon de mysteriis & annis Christi dissert. 2. & Gottus in veritate Christianæ religionis tom. 4. part. 1. cap. 5. §. 4.

3 Testante ergo Spiritu Sancto, qui nec fallere, nec falli potest, miraculo tribuimus partum Elisabeth, quæ naturaliter apta non erat ad generandum ob ætatem, & ob sterilitatem. Idem dicimus de partu Saræ uxoris Abraham, de quo Genes. cap. 17. v. 15. *Dixit quoque Dominus ad Abraham: Sarai uxorem tuam non vocabis Sarai, sed Saram. & benedicam ei, & ex illa dabo tibi filium, cui benedicturus sum, eritque in nationes, & Reges populorum orientur ex eo. Cecidit Abraham in faciem suam, & risit dicens in corde suo: Putasne centenario nascetur filius, & Sara nonagenaria pariet? & v. 19.: Et ait Deus ad Abraham: Sara uxor tua pariet tibi filium, vocabisque nomen ejus Isaac. Quapropter Apostolus ad Hebræos 11. vers. 11. ait: Fide & ipsa Sara sterilis virtutem in conceptionem seminis accepit; & de Abrahamo, & Sara S. Augustinus de civit. Dei lib. 16. cap. 28. col. 441. tom. 7. Ambo autem seniores erant, sicut Scriptura testatur, sed illa etiam sterilis, & cruce menstruo jam destituta, propter quod jam parere non posset, citius sterilis non fuisset. Idem dicimus de partu uxoris Manue, quæ peperit Samsonem, ut Judicum cap. 13. v. 3. *Apparuit Angelus Domini, & dixit ad eam: Sterilis es; & absque liberis; sed concipies, & paries filium. Idem dicimus de partu Annæ, quæ peperit Samuelem, ut 1. Regum cap. 1. vers. 5. Dominus autem concluderat vulvam ejus.**

4 At, deficiente Divino testimonio, reque redacta ad humanas probationes ab ætate patris, aut matris, vel præcedenti longa sterilitate deductas, quamvis partus in se possit miraculi conditiones habere, difficile tamen erit, eum uti talem approbari posse ab Ecclesia. Missio etenim exemplo hominum Antediluvianorum, Adami videlicet, qui, teste Moyse cap. 5. Genes. vixit annis 930. Sethi, qui vixit annis 912. Enosii, qui vixit annis 905. Cainanis, qui vixit annis 910. Jaredi, qui vixit annis 962. Mathusalem, qui vixit annis 969. Noemi, qui vixit annis 950. & quorum

Tom. IV.

P p

nonnul-

298 DE SERVORUM DEI BEATIFICATIONE

nonnulli filios genuerunt ætate admodum provecta, cum in eod. lib. *Genesis* legamus, Sethum genuisse Enosum anno vitæ suæ 105. Enosum jam nonagenarium genuisse Cainanem, Mathusalem genuisse Lamechum anno ætatis suæ 187. & denique Noemum anno ætatis suæ 500. genuisse filios Semum, Chamum, & Japhetum: & translato sermone ad homines post diluvium, rarum est, sed aliquando tamen factum, ut mulier major quinquagenaria naturaliter pepererit, juxta Textum in L. Si major C. de legit. hered. Si major quinquagenaria partum ediderit, si debet hujusmodi fideles suo patri succedere, & hereditatem ejus nancisci, a Casariana advocazione interrogati sumus. Et sancimus, licet mirabilis hujusmodi partus inveniat, & raro contingat, nihil tamen eorum, quæ probabiliter a natura nascuntur esse producta, respici. Frequentiora sunt exempla virorum, qui majores sexagenarii liberos habuerunt, licet terminus generationis in anno sexagesimo quoad homines constituatur, juxta late adducta apud Sanchez de matrimonio lib. 7. disput. 32. num. 16. quodque præcipuum est, non desunt exempla hominum, qui filios naturaliter genuerunt ætate octoginta, nonaginta, & centum annorum; puellarum, quæ ætate octo, vel novem annorum naturaliter pepererunt; & mulierum, quæ pepererunt filios, cum essent ætate annorum sexaginta septem; uti legi potest apud Lemnium de miraculis sculbris natura lib. 4. cap. 34. & apud Marcellum Donatum de medica historia mirabili lib. 4. cap. 34. Thomas Reinecius in schola Jure-Consultorum medica lib. 3. cap. 9. querit, quis ultimus sit annorum terminus ad concipiendum idoneus; & postquam cum Aristotele præmisit, septuagesimum annum in viris, & quinquagesimum in mulieribus ultimum esse terminum, statuit, hominum naturam esse inspiciendam, & hinc evenisse, ut viri nonnulli annorum nonaginta, & centum quoque annorum filios genuerint, feminæ autem prætergressæ annum sexagesimum feliciter conceperint.

§ Matthæuccius in præf. Theologo-Canon. ad caus. Beatificat. & Canonizat. tit. 3. cap. 3. §. 13. duplicis speciei partum dari ait, alterum prodeuntem figura naturali & consueta, alterum prodeuntem figura extraordinaria & præter naturam. At Sennertus tom. 4. lib. 4. præf. part. 2. sect. 6. cap. 3. docet, partum alium esse naturalem, alium difficilem naturalem, alium viciosum, seu difficilem præter naturam, alium tardum, alium nullum, foetu in utero mortuo, alium demum cæsareum. Partus naturalis est, cum infans perfectus est, & exitum querit, & natura eum expellere conatur, & urgentibus doloribus, sine quibus foetus non ederetur, infans capite deorsum versus uteri os convertitur, crura sursum dirigit, & brachia quoque sursum ad femora directa habet, ruptisque membranis, aquæ effluunt primo paucæ, deinde copiosæ, & postmodum sanguis aquosus, uterique orificium ad foetum excludendum aperitur. Et Zacchias consil. 55. num. 3. post suas quæstiones medico-legales quinque conditiones exposcit in partu naturali; quarum prima est, ut partus debito ac justo tempore fiat; secunda, ut foetus in exitu ad lucem suam naturalem situm servet;

tertia,

tertia, ut dolores non sint nimis acuti & acerbi; quarta, ut brevi tempore absolvatur, ita ut non pertranseat spatium viginti quatuor horarum; ultima, ut Secundæ & puerperia in ipso actu pariendi recte procedant.

6 Partus difficilis naturalis est, qui a naturali, de quo supra, defleat. Sub hoc capite non comprehenditur casus infantis exitum sibi querentis figura non naturali, cum ille pertineat ad caput partus difficilis præter naturam, de quo infra. Quocirca partus difficilis naturalis est, cum vel mater debilis est, nec urgetur doloribus, qui ex uteri conatu excitantur ad foetum expellendum, vel si foetus non sit unus, sed multiplex, & uterque eodem tempore exitum querat, vel si sit magnus aut secundum totum corpus, aut secundum caput, vel si sit debilis, ut membranas rumpere, & exitum sibi parare non possit; partusque difficilis naturalis est etiam, si membranæ sint crassiores & densiores, ut eas infans facile dirumpere non possit. Ex quibus proinde inferitur, triplicem esse causam partus difficilis; aliam ex parte matris, & vis expultricis; aliam ex parte foetus, qui editur; & aliam ex parte viarum, per quas infans egreditur.

7 Partus difficilis præter naturam est, cum foetus prodit non eo situ, & figura, qua naturaliter, & frequenter edi solet. Hujus vitiosi partus multi modi sunt, quorum schemata expressa sunt apud Sennertum loco citato cap. 5.

8 Partus tardus est ille, qui tardius nascitur, quam naturaliter solet. Partus nullus, foetu in utero mortuo, est, cum tempore legitimo pariendi conatus sese manifestant, dolores gravidam apprehendunt, & aqua, ut fieri solet, effluit, & postea omnes illi dolores evanescunt, & foetus non excluditur; quod accidit quatuor modis; vel enim foetus, & mater moriuntur; vel mater viva manet, & foetus moritur; vel mater vivit, & foetus vivit, sed in lucem edi non potest; vel mater moritur, & vivus foetus in utero relinquitur.

9 Partus demum cæsareus est, cum foetus ex utero extrahitur per sectionem abdominis, & uteri, quæ in tribus casibus fit: primus est, cum foetus mortuus est, & mater vivit; secundus, cum mater mortua est, & foetus vivit; tertius, cum mater, & foetus vivit: & qui hisce duobus modis vivi eduntur, *Cæsares* nominantur, quod ex utero excisi sint, & ipsa illa actio *Partus cæsareus*.

10 Juxta modo exposita, inter requisita partus naturalis illud reperitur, ut debito ac justo tempore fiat: hinc oritur occasio querendi, an, si extra debitum & justum tempus feliciter sequatur, invocato aliquo Dei Servo, vel Beato, possit id miraculo adscribi. Tempus legitimum pariendi sunt mensis nonus, & mensis decimus a conceptione; unde lib. 2. *Machabæor. cap. 7. v. 27.* mater sic alloquitur filium: *Fili mi, miserere mei, quæ te in utero novem mensibus portavi, & lac triennio dedi, & alui, & in vitam istam perduxi; & Sapientia cap. 7. v. 1.* legitur: *Sum quidem & ego mortalis homo, similis omnibus, & ex genere terreni illius, qui prior factus est, & in ven-*

300 DE SERVORUM DEI BEATIFICATIONE

tre matris figuratus sum caro. Decem mensium tempore coagulatus sum in sanguine ex semine hominis, & delectamento somni conveniente; Hippocrates autem scribit in lib. de natura pueror.: In decem mensibus, quod longissimum est, nascitur foetus. Non agitur in presenti de foetu, qui editur longe post dictum tempus; de hoc quippe tractabitur, cum sermo erit de partu tar- do. Sermo coarctatur ad foetus, qui ante praenitum praedictum tem- pus eduntur.

11 Zacchias in *quest. medico-leg. lib. 1.* late improbat sententiam Pla- tonis, & Aristotelis, qui asseruisse dicuntur, hominem, ut cetera ani- malia, non habere certum terminum nascendi, statuitque, septem men- sium partum non nasci naturaliter, & ex ordine communi naturæ; hoc autem tempore nascentem ut plurimum mori, vel vivere imperfectum & imbecillum; addit octo partum mensium, quidquid asserant communiter alii, qui eum non habent pro vitali, esse magis vitalem, quam septem mensium. Adhæret Sennertus *præf. lib. 4. part. 2. sect. 6. cap. 1.* Hippocra- tes ex adverso *lib. de octimestri partu* docet, octimestres non esse vitales: Pro- perea octimestres non superstiti manent, quia impossibile est, ut duas consequen- ter succedentes afflictiones pueri ferre possint. Affliguntur enim tum ea, quæ in utero fi- unt, afflictione, tum ea, quæ in partu. Tozzius *medicina parte priore tom. 1. tit. de partu* duplicem hanc improbat afflictionem dicens, si vera esset, frequentius fore, ut accideret in partu decem mensium ob motionem sa- ctam in nono mense. Thomas Reinecius in *schola medica Juræ-Consultorum lib. 3. cap. 7.* putat, Hippocratem non loqui de motione foetus, quæ octa- vo mense accidat, cum hi, qui etiam septimo, aut nono mense nascuntur, paulo ante partum commoveri a feminis deprehendantur, & Hippocra- tem esse intelligendum de angustiis & laboribus, quos octavus mensis qua- dam proprietate ac vi naturali asserre observatur, exemplo allato febre la- borantium, quos ait ut plurimum sexto die periclitari, non quod ab illius diei humorum motione quidquam ipsis timendum sit, sed quod sextus hic dies, quæ ratione ignoratur, ægrotantibus esse solet infestus.

12 Aliqui, ut suadeant, foetum trium, aut quatuor mensium posse esse vitalem, utuntur illo *Esdæ lib. 4. cap. 6. v. 21.* ubi, loquendo de iis, quæ eventura sunt circa supremum Judicii diem, prædixit: *Anniculi infan- tes loquentur vocibus suis, & pregnantes immaturos parient infantes trium, & quæ uer mensium, & vivunt, & suscitabuntur.* Prætermisso autem, quod hæc potius significant aliquid monstruosum & portentosum, nemo est qui ignoret, Ecclesiam rejicere hunc quartum librum Esdæ tamquam apo- cryphum, & multis scatentem fabulis.

13 At, utcumque sit de his, cum sæpissime naturaliter acciderit, & accidat, foetus editos fuisse quinto, septimo, & octavo mense, ipsosque superstiti fuisse, & bene valuisse, non poterit quoad nos umquam adscri- bi miraculo, quod partus editus quinto, septimo, aut octavo mense feli- citer prodierit, vivus & vitalis fuerit, & ad longam ætatem vitam produ- xerit,

xerit, etiamſi hæc contigerint, implorata interceſſione alicujus Servi Dei,
 vel Beati. Exempla partuum vitalium editorum quinto, ſexto, ſeptimo,
 & octavo menſe cumulata ſunt a Schenckio *lib. 4. obſerv. medic.* Fortunius
 Licetus in ſuo opere *de monſtris pag. 222.* teſtatur ſe natum ſeptimo menſe;
 & ipſe diu vixit bona valetudine, & mortuus eſt ſenectute proſpera.
 Lemnius *de miraculis oculis natura lib. 4. cap. 22.* hæc habet: *Ceterum*
quod ad ſeptimum menſem attinet, novi complures apud Belgas maritimos, etiam
gemellos, qui ad extremam deſexamque ætatem crudo ac viridi corpore, menteque
vegeta deſecerunt. Quocirca ſutilis eſt, nulliusque momenti illorum perſuaſio,
qui ſeptimi menſis partum inabſolutum, minusque vitalem ſtatuerunt, & non niſi
exactis novem menſibus, infantem omnibus membrorum numeris conſummatum
in lucem producendum. Armanus in medicina critica caſ. 1. ſ. l. 13. refert de-
cifiones Facultatis Medicæ Lipſienſis editas die 26. Octobris 1564. & plu-
ribus rationibus & exemplis oſtendit, naturaliter poſſe infantem quinto
aut ſexto menſe naſci, & vivere; quod & clarius eadem Facultas declara-
vit anno 1656. ut idem Armanus refert ſ. l. 450. Theophilus Raynaudus
de ortu infantium per ſectionem caſaream oper. tom. 14. fol. 316. ait, licet or-
dinarii partus ante ſeptem menſes non ſint vitales, tamen id non eſſe uni-
verſaliter verum, cum aliquando ſecus acciderit; quod ipſum aſſerit etiam
de partu octo menſium. Montuus Anaſceves morborum lib. 4. cap. 41. te-
ſtatur, ſe noviffime Pincernam Chriſtianiffimi Regis Henrici, qui menſe
quinto natus erat, & ætate jam conſiſtente vivebat; & Cardanus in com-
ment. ad lib. Hippocratis de ſeptim. Part. narrat, Cardinalem Sfondratum
octavo menſe natum eſſe. Thomas Reineſius in cit. ſchola medica Jurecon-
ſultorum lib. 3. cap. 7. hæc habet de partu octimeſtri: Fateor igitur, multos
octimeſtres vitales non eſſe: ſed falſum id tamen puto, hos omnes interire; nam,
quod Auctores dixerint, illos vitales non eſſe, aut magna ex parte hoc dictum in-
tellige, aut dices, ſacula illa plus nimio numeris credidiſſe, ideoque res ipſas ple-
rumque, non ex propria natura, ſed tantum pro numeri ratione menſos eſſe. Ga-
ſpar a Rejes quaſi. 90. allatis exemplis demonſtrat, non paucos foetus vi-
xiffe, licet editos quinto menſe; ſubjicitque num. 5.: Qui eventus, cunctis
toties fuerit animadvertus, in pluribus aliis accidiſſe putandus eſt; nec enim omnes
caſus illorum, qui ſic nati ſunt, & ſuperſtites evaſerunt, in Medicorum libris
ſunt annotati. Concordat Tozzius loc. cit. de partu tum quoad editos quin-
to, tum quoad editos octavo menſe: & Medicorum teſtimonia de partu
quinquemeſtri vitali retulit, & ſecuta eſt Rota Romana in deciſ. 110. num.
6. coram Cardinali Alexandro Caprara, cujus memoria in benediſtione
ſit. Cum enim eſſet Rotæ Romanæ Auditor, Me, licet nihil tale cõgi-
tantem, eximia humanitate invitavit, ut ei qualemcumque operam meam
præſtarem in cauſarum diſcuſſione, quæ in eo Tribunali erant decidendæ,
quod pluribus annis præſtiti ſub tanti viri diſciplina, quæ mihi oſtium
aperuit ad graviora Romanæ Curie miniſteria.

14 Dictum eſt, loquendo de partu naturali, dolores prodeſſe, ut fœ-
 tus

302 DE SERVORUM DEI BEATIFICATIONE

tus edatur, sed eos non debere esse nimis acutos & acerbos. Confirmatur hoc ipsum ex lib. *Genesis* cap. 35. v. 17. ubi de partu Rachelis ita legitur: *Ob difficultatem partus periclitari cepit; dixitque ei obsterix: Noli timere, quia & hunc habebis filium. Egreidente autem anima præ dolore, & imminente jam morte, vocavit nomen filii sui Benoni, id est Filius doloris mei. Pater vero appellavit eum Benjamin, id est Filius dextera. Mortua est ergo Rachel, & sepulta est in via, quæ ducit Ephratam, hoc est Bethlehem.* Id recte explicat Zacchias *quest. medico-legal. lib. 1. tit. 4. qu. 4. num. 4. & seqq. : Quid ergo in immodicis partus laboribus ac doloribus consueti molestioribus humores plurimum agitentur, spiritus dissipentur, & sanguis in venis inflammationem, ac praternaturalem calorem concipiat, ita ut ex ea commotione facile vel febris acuta accendatur, vel alius quidam morbus excitetur, ut uteri inflammatio, & huiusmodi, notum est nobis Medicis. Quid ergo dicendum erit, si mulier acerbissimis vexata doloribus, invocato Dei Servo, vel Beato, edat feliciter foetum? Eritne id adscribendum miraculo? Porro, si meus sensus exquireretur, dicerem, id posse esse in se miraculum, sed non quoad nos; sola enim semina de acerbitate dolorum, & eorum immodica gravitate testimonium ferre potest: & quamvis Hippocrates multum credat deferendum testimonio feminatum in his, quæ spectant ad partum, in opere de septimestri partu text. 2. pag. 169. Porro mulieribus de paribus fidem derogare non oportet; dicunt enim omnia, & semper dicunt, & semper prosperunt; neque enim opere, aut sermone persuasa sunt, sed ex eo, quod cognoverunt in corporibus suis contigisse; cum tamen facili negotio accidere possit, ut asserant se correptas gravissimo & acerbissimo dolore, licet dolor tantum fuerit acerbus & gravis, nemo est qui non videat, nimis debilem futuram esse probationem gravitatis morbi, si ea, quamvis necessario requisita in miraculo, soli attestationi feminæ patientis inniteretur. Quapropter, siquid huiusmodi contingat, opus esset, ut ultra magnam dolorum acerbitatem, & symptomata, quæ dolores comitantur, ex doloribus aliquis alius morbus provenisset, de quo Medici ferre iudicium possent, an esset gravis, necne, an, edito foetu juxta naturalem rerum cursum, nedum dolor, sed morbus cessare exemplo potuerint. Zacchias etenim *loc. cit.* non tam dolorum, quam acutæ febris, & uteri inflammationis meminit. Et his terminis continetur exemplum partus relati in bulla Canonizationis S. Raymundi de Pennafort, in quo non modo semina acerbissimis pariendi doloribus oppressis tribus diebus ac noctibus ob languentis stomachi fastidium cibos omnes & haustus respuerat, & a sensibus alienata, & vocis usu privata jacuerat exanimis; sed etiam, ultra sanitatis subitam recuperationem post Beati invocationem, nullo adhibito remedio naturali, multæ aliæ ex parte foetus circumstantiæ adfuerant, expositæ in relatione Rotæ Auditorum, ex quibus certum periculum mortis tum ipsi, tum matri fuerat imminens, quod, Beato intercedente, sublatum est.*

15 Dictum est, partum naturalem debere brevi tempore absolvi, spatio

ET BEATOR. CANONIZ. LIB. IV. PAR. I. CAP. XX. 303

spatio videlicet viginti quatuor horarum. Repetit hoc ipsum Zacchias *quæst. medico-legal. lib. 1. tit. 2. quæst. 7. n. 15.* Adhæret Sennertus *pract. lib. 4. part. 2. sect. 6. cap. 4. in prognosticis num. 3.* Si mulier quatuor diebus in partu laboret, vix fieri potest, quin fetus moriatur, quia interea temporis & matris, & foetus vires collabuntur; quem sequitur Dolæus *encycl. pad. medic. lib. 5. cap. 7. §. 6.* Si autem, invocato Dei Servo, vel Beato, partus excedat tempus prædictum, & feliciter sequatur, incolumi matre cum filio, eritne id inter miracula recensendum? Respondendum esse videtur, uti antecedenti quæstioni responsum est, posse videlicet in se miraculum esse, sed non quoad nos, cum novum non sit, seminas parturientes etiam naturaliter a morbo evadere, quamvis in partu per tres dies fuerint doloribus affectæ, uti videri potest apud Forestum *tom. 2. pag. 777. libr. 28. de mulierum morbis.* Quare Riverius *libr. 15. praxeos medica cap. 18. de partu difficili pag. 278.* partus difficultatem non constituit in longiori tantum temporis mora, sed in atrocioribus doloribus, aliisque symptomatibus gravioribus concomitantibus: Partus difficilis appellatur, qui debitas, atque ordinarias natura leges non servat, in eoque longius tempus infinitur, & dolores subito vehementiores, aliæque symptomata graviora eum comitantur. Dum munereungebar Fidei Promotoris, inter cetera miracula sanationum in causâ Canonizationis tunc Beati, nunc Sancti Turribii propofita fuit liberatio mulieris a puerperio, quæ per tres dies partus doloribus adeo fuerat afflicta, "ut animam emissura videretur, quæque, invocato Beato Turribio, infantulas gemellas feliciter edidit: & quamvis Postulatores multum laboraverint, ut id inter miracula adscriberetur, sub obtentu potissimum dolorum protractorum ad tres dies, & felicitas partus statim post invocationem, sacra tamen Congregatio abstinuit ab eo inter miracula recensendo.

16 Dictum denique est, in partu naturali aquas primo effluere debere paucas, deinde copiosas, aquas, inquam, quæ continentur inter membranas Chorion, & Amnion, de quibus novissime Sebastianus Melius in suo opere, cui titulus, *La Comare, libr. 1. cap. 6. pag. 97. Venet. edit. anni 1721.* Ex quo fit, præmaturam aquarum effusionem difficilem reddere partum. Zacchias *quæst. medico-legal. lib. 1. tit. 4. qu. 4. n. 11.* ita scribit: *Disruptis ante tempus opportunum dictis panniculis, aqua effunduntur, & loca muliebria exsiccata relinquunt; excrementa enim cum focu excuntia facilem partum reddunt.* Sennertus *lib. 4. part. 2. sect. 6. cap. 4. ait: Vix tandem minus lubrica sunt, cum membrana ob tenuitatem nimis cito rumpantur, & aqua, quæ vias istas humectare, & lubricas reddere debent, citius, quam par est, effluant.* Ortlobius in *dissertatione de partu, & vita fetus pag. 292. §. 9.* obfetricem admonet, ne membranas rumpat, & intempestivum excitet aquarum profluvium: *Cautè tamen & hic agat obfetricis, ne, ipsâs membranas rumpendo, aquarum intempestivum profluvium, & debine difficilem partum, aut etiam violentiam simul infanti inferat.* Idem docet Verheyen

nus cap. 24. pag. 392. : Aqua illa effluens vocatur aqua parturitionis, quia e parturientibus, id est parere conantibus, excernitur. Infer vit autem tunc illa aqua ad laxandas & lubricandas vias pro faciliiori foetus exitu. Legi possunt Mauriceau in tractatu de partu lib. 2. cap. 2. pag. 170. & Sebastianus Mellus in citato opere libr. 2. cap. 8. pag. 222. Bonetus libr. 5. cap. 26. de symptom. part. num. 51. ex præmatura aquarum dejectione imminentem inferi foetus mortem, si ille post aliquot dies nascatur: Dum igitur humores manant, fluxu suo & inundatione vias lubricant, ac, nisi partus statim subsequatur, sed ad tempus & dies aliquot moram nectat, alimentum foetui decedit, partusque fit difficilior, foetus imbecillior, & consequenter necessario moritur; & Graanaen relatus per Bonetum loc. modo cit. ante num. 55. subiicit: Quia aqua illa viis pro egressu foetus debent glabritiem conciliare: Forsan obtinet etiam ratio hæc, quod aqua illa infer-viant pro respirationis materia, sicut nobis aer; nam in inspiratione assumis eas, redditque iterum in expiratione. Cum igitur aqua illæ deficient foetui, idem est, ac si nobis eriperetur aer, adeoque fermentationes cordis foetus maximum sufflaminæ: incidunt periculum. His positis, querere nunc opus est, quid sit dicendum, si in partu præmatura aquarum ejectio sequatur, & post nonnullos dies foetus, in columi matre, ineolumis edatur. Eritne hoc miraculo adscribendum, si id sequatur post invocationem alicujus Servi Dei, aut Beati? Porro crederem, partum ex eo solo capite præmaturæ effusionis aquarum, etsi feliciter prodeuntem, haberi non posse tamquam aliquid excedens vires nature, & miraculi rationem habens. Bonetus in medicina Septentrionali edis. Genevensis an. 1686. part. 2. pag. 92. refert observationem Pauli de Sorbait de aqua ante puerperium quindecim diebus innoxie effusa: Illustrissima Comitissa de Staremberg quindecim diebus ante partum aquam puerperii semper rejicit absque gravi damno, ubi masculam prolem paritura est, non vero ubi femellam: an quia foetus masculinus plus attrahit, quam femellus? an quia fortior masculus motu vehementiori vias aperit? an præcox ille fluxus sit hydrops uteri prodromus? Nimia dolorum acerbitas, dolorum perseverantia ad tres vel quatuor dies, præmatura effusio aquarum circumstantiæ sunt, quarum unaquæque, etiam singillatim sumpta, sufficit, ut partus haberi debeat pro difficili naturali, ideoque pro periculoso, juxta illud Sennerti cit. cap. 4. in prognost. Omnis partus difficilis, periculosus, & cum mater, tum foetus in eo periclitantur. Sed non omnis felix evasio a partu naturali difficili & periculoso satis est ad miraculum constituendum, uti respondebant Consultores Congregationis sæcerorum rituum Zæchiæ scribenti pro miraculo, de quo infra, in causa Beati Gregorii X. quemadmodum colligitur ex ejus consil. 10. n. 1. post quæstiones medico-legales.

17 Dum in superioribus agebatur de partu difficili naturali, dictum est partum difficilem naturalem esse, si parturientis vires sint nimis debiles, aut si foetus non sit unus, sed multiplex. Hippocrates libr. 5. aphor. 55. hæc habet: Quicumque uero gerentes a febris corripiantur, & fortiter cale-

calcium sine occasione manifesta, difficulter pariunt, & cum periculo, aut abortum facientes periclitantur; & Thomas Willis in operibus medicis tom. 1. cap. 16. de febribus pag. 124. ait: Puerperarum febres supra communium aliarum indelem valde periculosas esse, vulgaris experientia abunde testatur. Antonius Deusingius in suo tractatu de generatione fœtus in utero pag. 204. num. 80. maternum exposcit conatum pro fœtus editione: Corpus etiam maternum totum quodammodo conatum confert; nec enim muscoli duntaxat abdominis, ac diaphragma animali quodam motu ad uteri compressionem concurrentes partum promouent, sed partes itidem reliquæ corporis irritata quasi naturali quodam conamine atque connixu motum & contractionem sui instituunt a superioribus deorsum ad ipsum hypogastrium, uterumque vergentem. Atque hi vere labores ac dolores partus sunt, quibus nec ipsa parturiens volens nolens obistere potest, neque ab ipsa natura irritata quodammodo (velut singultus, sternutatio, convulsiones sunt) proficiscentibus. Celebris Malpighius in epist. var. argum. pag. 221. diligenter observavit, uterum esse musculum cavum, cujus textura, ut vocat, fibrosa & reticularis, ab ipso detecta vigorem partus tempore acquirit, ut intro urgeat, & eo modo, quo potest, conetur expellere fœtum suo cavo inclusum. Si parturientis ergo vires febri dejectæ sint, aut ex quacunque alia ratione vis expellendi fœtum maxime debilis sit, de partu difficili naturali non erit dubitandum, veluti late explicat Sennerthus loc. cit. Sed, admissa magna debilitate virium matris vel ratione morbi, aut ex alia causa, non statim felix partus, incolumis videlicet fœtus, erit ad miraculum referendus, cum fœtus ipse proprio conatu valeat naturaliter egredi, & defectum virium matris supplere. Ex triplici viventium, vegetabilium nempe, oviparorum, & viviparorum ordine, fœtus omnes duorum primorum ordinum suis ab utero erumpunt per suum nisum duntaxat, nihil plane adjuvantibus conatibus maternis. Plantarum fœtus, quia servantur intra semina, merito vegetabilium ova Empedocli dicta, atque a celebri Malpighio demonstrata, suos uteros, quos pericarpia dicunt, adolefcento diffingunt, nihil tunc conferentibus arborum ramis, & ramorum gemmis, a quibus, tanquam e sinibus maternis, olim deciderunt. Univerſi pulli per se ipsi, hoc est per suum quilibet rostrum, ovorum putamina perfrangunt, nullum tunc matris auxilium præbente. In viviparis ad partum concurrant vires matris, tum fœtus; sed, si ipsi fuerint robustiores, præmortuis quamvis matribus, uterum dilatando, in lucem venire possunt. Christianus Fredericus Germann de miraculis mortuorum libr. 1. tit. 9. §. 7. variis exemplis probare conatur, gravidas mulieres mortuas parere posse. Licet enim, proprie loquendo, mulier, quæ mortua est, parere dici non possit, cum partus sit actus mulieris viventis & enitentis juxta ea, quæ plene adnotat Alcizus, Brecheus, & Rebuffus in l. Anniculus §. Falsum ff. de verb. significat. infans tamen ex utero matris mortuæ exiens in lucem venire dicitur & nasci, uti prosequitur Rebuffus loc. cit. vers. 5. Verum est

306 DE SERVORUM DEI BEATIFICATIONE

quoad ipsam, ut vere peperisse non dicatur; nihilominus editus infans, & natus esse dicitur. Confirmat Tiraquell. in l. Si unquam C. de revocandis donationibus, in verb. Susceperis liberos, num. 140. & seqq. qui nascendi modus aut sit per sectionem illam, quæ a Chirurgis dicitur *Cæsarea*; de qua late Carolus Stephanus libr. 3. de diffict. part. corp. human. cap. 1. & Franciscus Mauriceau in suo tractatu de morb. mulier. prægnant. libr. 2. cap. 32. vel per nifum prolis, matre præmorta, vi sua proflientis, quemadmodum bene explicat Theophilus Raynaudus oper. tom. 14. cap. 1. de ortu infantium per sectionem cæsaream num. 10. Huc spectant, quæ habentur apud Riolanum (antropographia libr. 6. cap. 8.): Potius factus suscite impetu, ruptis membranis tenerimis, & jam extensis, vivus ab utero emergere, prius iam mortua & extincta matre: apud Hildanum in epist. ad Oringium pag. 1174. apud Harveum de generatione animalium exercit. 72. tit. de partu scribentem: Mulier mortua &c. mane sequenti in femore ejus repertus est infans, qui proprio nifu exitum sibi procuraverat; apud Bartholinum centur. 2. hist. anat. rar. observat. 99. ubi ait: Sphinx Theologico-Philosophica cap. 17. narrat, quendam, cum mortue uxori pararet exequias, matris ab utero, subito emissio clavo vagitu, saluum & incolumem pusionem vidisse egredientem &c. & ex Hero Matriti matrona ex familia Domini Francisci Lasso post tridui agonem mortua busto inferbatur. Post aliquot menses, busto iterum aperto, cadaver repertum fuit eodem loco, sed in dextro brachio infans mortuus jacebat: non poterat autem infans in eo statu reperiri, nisi vivus ex utero matris prodiret. De conamine foetus, ut ab utero exeat, loquitur Hippocrates de natura puerorum num. 37. En ejus verba: *Se motuise* (loquitur de foetu) & manibus ac pedibus calcitrante, pelliculam quandam internam rumpi contingit: rupta autem una, etiam alia debiliorem vim habent, & rumpuntur, primum quidem illi contigua & coherentes, postea extrema. Cum autem rupta fuerint pellicula, tunc factus a vinculo exsolvisur, & agitur foras procedit &c. Quando autem procedit puer, violat ac dilatat uteros in exitu, nupte teneros existentes. Procedit autem in caput, si secundum naturam prodierit. Idem post Hippocratem explicat Antonius Deusingius in tractatu de generatione factus in utero pag. 176. num. 70. Factum quidem ad exitum sui multum conferre, rumpendo membranas, ac, sub vehementissimis motibus capite suo uteri angustias aperiendo, dubium esse non potest. In oviparorum animalium coitu id siquid deprehenditur, ubi non matres, sed factus ipse corticem rumpit: & ante omnes hanc suus in natiuitate operam & molimen proprium Hippocrates eleganter descripsit lib. de nat. puer.

18 Quod dictum est de partu difficili naturali ob debilitatem virum parturientis, ubi etiam vindicat locum quoad partum difficile naturalem, si factus non sit unus, sed multiplex; cum nec in hoc, licet feliciter edito, tam ipso, quam matre superstitibus, etiam si id contingat post invocationem sicutus Servi Dei, vel Beati, veri miraculi ratio fere constitui possit.

19 Foetus gemini, seu Gemelli duplici modo esse possunt; aut in conceptione, aut in partu. Gemini in conceptione sunt, qui eodem tempore fuerunt concepti. Quomodo autem id fiat, pendet a celebri questione de viviparorum genesi ex ovis, pro qua strenue pugnant Verheyen, & Franciscus Maria Nigrisoli in suo tractatu Italice conscripto de *viviparorum generatione*, & adversus quam scribunt Lamy, Barbatius, Du Vernoi, Sbaralea, & Joannes Hyacinthus Vogli in sua elucubrata dissertatione de *genesi viviparorum*, quam Bononiæ edidit anno 1718. apologiam scribens pro suis thesibus physico-medicis in publico Bononiensi Archigymnasio disputatis: cui honesto & docto viro me multum debere profiteor, cum eximia diligentia, ut mihi rem gratam faceret, horum meorum librorum editioni præfuerit, & errata correxerit, quamvis muneris addictus publici Professoris in Archigymnasio, & ægrotum curis per urbem.

20 Foetus gemini, seu Gemelli in partu sunt, qui eodem tempore eduntur, licet eodem tempore non fuerint concepti, quod facili negotio accidere potest, si alter post septem, alter post novem menses prodeat, quod duobus ante mensibus conceptus sit.

21 Fere Gemini, seu Gemelli appellantur, qui eodem tempore concepti eodem tempore eduntur, quales fuerunt Jacob, & Esau. De Gemellis hoc modo sumptis ita loquitur Hippocrates in *lib. de superfet. num. 7. Quæ Gemellos gestat, eadem die parit, velut concepit; habet autem utroque puerus in una Secunda*. Franciscus Vallesius in commentario illius historię relatæ ab Hippocrate, feminæ scilicet, quæ duas semellas gemellas fuerat enixa, & in hydropem inciderat, *lib. 2. sect. 2. text. 21.* ita scribit; *Hinc ex partus difficultate facta sunt duo gravissima mala, hydrops, & ulcera uteri. Merito autem fuit difficilis partus, quia peperit feminas duas; nam, & quia femina, & quia due, posuerant id facere, cum geminus partus simpliciter sit difficilior; & semina, quam viri. Gemelli unius sexus vivaciores sunt, quam diversi sexus, veluti observat Sennertus præf. lib. 4. par. 2. sect. 4. cap. 5. in prognost. Nonnulli opinati sunt, fieri posse, ut quinque foetus eodem tempore edantur, quod desumunt ex Textu in l. Si pater ff. de solut. & lib. & adnotavit Gellius not. Artic. lib. 10. cap. 2. quod totidem cellulæ in utero humano reperiantur: sed, cum uterus his cellulis sit destitutus, & uno tantum cavo donetur, licet pars dextera a sinistra per crassiores quamdam lineas segregetur, passim admittitur, non solum quinque, sed plures foetus naturaliter eodem tempore edi posse, licet, si tres uno partu edantur, non ita facile contingat, ut vitales sint, sicuti adnotavit Zaccbias *quest. medico-legal. lib. 1. tit. 2. quest. 8. num. 8.* & sequitur Tozzius *oper. tom. 1. edit. Venet. tit. de superfetantibus, & multipartis per hæc verba: Hinc, Gemellis exceptis, raro hi partus superfetes sunt, cum ob uteri angustiam nec satis nutrir, nec adlescere possint. Immo, si nature opificium contemplerur, quæ gemina tantum ubera hominibus largita est,**

aliis vero animalibus, quæ plures simul foetus edunt, mammarum multitudinem, humani partus trigemini, quadrigemini monstrosi videntur. Quia vero tot sunt exempla fecunditatis mulierum, quæ etiam plures, quam quinque, liberos eodem tempore ediderunt, eaque collecta legi possunt apud Marcellum Donatum in medica historia mirabili lib. 4. cap. 24. & apud Schenckium observ. medicin. lib. 4. de part. ad tit. Partus numerosus; & quia sæpe naturaliter contingit, feminam, & masculum eodem tempore natos incolumes & superstites fuisse, ut refert Sennertus loc. cit. tresque liberos eodem tempore natos vitam ad longam ætatem protraxisse, ut Mellus in opere supra citato lib. 2. cap. 5. pag. 192. ex his unusquisque facili negotio deprehendere poterit, quanto cum fundamento superius dictum sit, noti posse fere miraculum constitui in partu naturali difficili, & in quo foetus non est unus, sed multiplex.

22 Diximus fere: si etenim circumstantiæ ostenderent, geminorum, aut multiplicium foetuum editionem aliquid prodigiosi in se habuisse, de miraculo non esset dubitandum. Exemplum esse potest in partu Rebecæ, de quo Genes. cap. 25. v. 21. & seqq. Deprecatusque est Isaac Dominum pro uxore sua, eo quod esset sterilis, qui exaudivit eum, & dedit conceptum Rebecæ. Sed collidebantur in utero ejus parvuli. Quæ ait: Si sic mihi futurum erat, quid necesse fuit concipere? Perrexitque Rebecca, ut consuleret Dominum. Qui respondens ait: Dua gentes sunt in utero tuo, & duo populi ex ventre tuo dividantur; populusque populum superabit, & major serviet minori. Jam tempus pariendi advenerat, & ecce Gemini in utero ejus reperti sunt. Qui prior egressus est, rufus erat, & totus in morem pellis hispida, vocatumque est nomen ejus Esau. Protinus alter egrediens, plantam fratris tenebat manu, & idcirco appellavit eum Jacob. Certamen enim & lucta parvulorum Jacob, & Esau non vi naturæ, sed Dei ductu facta est ad præsagium, ut significaretur, Jacob & Esau inter se colluctari debere de jure primogeniti, & primatu; idcirco Jacob tenuit plantam Esau, quasi eum supplantare volens, ne prior ex utero egrederetur, quemadmodum ex Ruperto late advertit Cornelius a Lapide ad idem cap. 25. Genes. Exemplum quoque multiplicis foetus miraculo editi esse poterit in Margarita Florentii Comitissæ Hollandiæ filia, quæ cum mulierculam stipem petentem, & gemellos in ulnis gestantem acerbe increpasset, afferens, eam uno partu duos producere non potuisse, nisi duorum quoque virorum commercio usa esset, Mendica precibus a Deo contendente, ut in signum suæ pudicitie Comitissa gravida tot pareret infantes, quot essent in anno dies, exacto gestationis tempore, anno 1276. ipsa die Parasceves tercentum sexaginta quatuor infantes partim mares, partim semellas peperit, qui a Guidone Trajectensi Suffraganeo sacro Baptismate abluti, simul omnes cum matre uno eodemque die mortui sunt. Historia hæc marmore descripta est in Pago Laudun non procul a Lugduno Batavorum, & Schenckius loc. cit. tum verba monumenti, tum Historicorum testimonia refert, & colligit.

Apud

Apud Schottum *philosop. curios. part. 1. lib. 1. cap. 10.* alia narratur numerosi partus exempla. Et, ut aliquid de ea, quæ vocatur *superfetatio*, dicamus, etsi Galenus eam videatur non admisisse, uti ostendit Marcellus Donatus in *opere cit. libr. 4. cap. 16.* tamen sæpe naturaliter contigisse certum est. Joannes Rhodius *obseru. medic. centur. 3. obseru. 52.* refert Navicularii cujusdam Patavini uxorem quovis anno superfetare consuevisse. Certum pariter est, foetus hoc modo natos, vivos & vitales fuisse, ita ut de rei veritate dubitati non possit, quemadmodum prosequitur Sennertus *loc. cit. cap. 6.* Hippocrates *libr. 5. aphor. 51.* ait: *Quæ utero gerunt, iis uteri os comprimitur; vel (ut alii vertunt) connivens, constringitur, aut corrugatur:* quomodo autem, hoc minime obstante, ex novo concubitu superfetatio fiat, explicant Tozzius in *comment. ad dictum aphorismum*, & Mellus in *oper. cit. lib. 2. cap. 5. pag. 190.*

23 Jam ut transeamus ad partum difficilem præter naturam, prænotare opus est, modum, quo natura partum promovet, eum esse, ut foetus per superna membra, quæ infernis majora & graviora sunt, quemadmodum indicavit Hippocrates *de natur. puer. num. 37.* prono scilicet capite, exitum quærat, & subsequenter humeris faciliorem infernis membris mole minoribus viam aperiat & sternat, valida tum accedente & conspirante tam uteri, quam infimarum partium vi sese constringendi, ac compellendi. Uno verbo, partus secundum naturam frequentissimus, & minime omnium periculosus est, si foetus, quem mater usque ad statutum a natura tempus utero gestavit, instante partu, caput ex alvo emittit, veluti adnotarunt post Hippocratem *loc. cit.* Aristoteles *4. de gener. animal.* & Galenus *lib. 15. de usu part. cap. 7.* Proximus huic pariendi modo alter est, cum puer ambobus in lucem pedibus exit, & sic nascentes Agrippa Latine dici solent ex Aulo Gellio *lib. 16. cap. 16.* Pariendi hæc etenim figura propinqua est naturali, & præsertim, si infans manibus super utroque semore extensis, recta deferatur. At, si puer maturus & perfectus, non capite, non pedibus, at obliquus ex alvo matris erumpere conetur, alteramve manum, vel utramque complicatam, vel pedum unum ex. gr. emittat, altero intus detento, vel duplicatus uteri ostio insitit, hic pariendi modus periculosus est: quod Hippocrates *lib. 1. de morbis mulierum* apertissime demonstravit exemplo deducto a vase oleario angusti oris, in quod si quis recta, & in longitudinem nucleum immiserit, non facile obliquum extrahere poterit. Horum partuum schemata videri possunt apud Sennertum *cit. lib. 4. pract. part. 2. sect. 6. cap. 5.* & de illis plura habentur apud Mellum in *oper. cit. lib. 3.* Sennertus in *prognost. loco allato* hæc habet de difficiliis præternaturalis partus figuris ibi depictis: *Omnes ista fetus exitum querentis figura præternaturales non solum difficiles sunt, sed & periculosa, ut interdum mater, interdum fetus, interdum & mater & foetus pereat. Minus tamen periculi est, cum infans in pedes, præcipue utrumque, exit. Latini hoc modo natos Agrippas appellant.*

310 DE SERVORUM DEI BEATIFICATIONE

24 Thomas Campanella *medicinalium lib. 6. cap. 21. art. 12. num. 12. & 13.* ita de his partibus loquitur, & de naturalibus remediis adhibendis: *Et, cum naturalem configurationem exeuntis non servas foetus, periculosus est partus valde sibi, & matri. Naturale quidem est, si in caput exeat, admoti ad femora manibus, vel si pedes prius juncti extant, manusque addherentes lateribus sequantur. Si autem nates, aut venter, aut alia media membra in os uteri primo inferantur, vel una manus exeat foras, vel pes unus, tunc non est trahendus foras, ne luxetur, rumpaturque ipse, aut mater, sed dextere intrudendus manu calida adipe lita junctis intromissa digitis; conandumque, ut, naturali configuratione adepti prius, mox extrudatur. At, si mortuus fuerit partus, ex motus privatione agnitus, difficilior erit: tunc trahendus obstetricis manu, pellendusque matris abdomine; & cum desperatur, configurationem adipisci posse conuocanda, & mors ejus matri ob putrefactionem minatur mortem, tunc per chirurgiam particulatim foetus extrahendus: quod etiam vivus misere faciendum, ne ipse, ac mater simul pereant; & si tangi potest, ita prius baptizandus: multo autem magis, cum partus monstruosus fuerit biceps, triceps, quadrimanus. Non agitur hic ex professo de foetu mortuo, de quo infra, sed de foetu vivente, exitum querente figura præter naturam: cumque plures suppetant modi, quorum ope figura, hæc naturalis evadere potest, aut quia ille suis conatibus figuram in exitu naturalem acquirere potest, aut quia vel parturientis conatus, vel obstetricum auxilia, vel naturalia remedia id præstare valent, unusquisque cognoscere poterit, difficile admodum esse, ut partus difficilis præter naturam, licet prodeat incolumis, & post invocatum Dei Servum, vel Beatum, miraculo adscribatur, prout responderunt Consultores Congregationis sacrorum rituum Zacharie scribenti pro miraculo partus hujusmodi in causa Beati Gregorii X. ut ex ejus *consil. 10. num. 1.* colligitur: *Auget facti possibilitatem quotidiana experientia, cum in horas videamus, pueros in nates, in ventrem, in latera, divaricatis cruribus, aut brachiis extensis, altero pede tantum exerto, non tantum nasci, sed nasci etiam vivos & incolumes, matre quoque incolumi permanente. De foetu mortuo posito in figura præter naturam hæc referuntur a Luca Schroeckio apud Bonetum in medic. Septent. tom. 2. lib. 4. sect. 7. observ. 10. pag. 93. edit. Genevens. Ejus verba: Decima nempe Februarii nocte hora decima vocabar ad Pistoris consilium uxorem juvenculam justum gestationis terminum quidem emensam sed difficulter admodum parientem, prominente jam extra partes masculi manu dextera brachioque sensum sequente, a se reliquo corpusculo intra uterum subsistente, nihil, vel parum in tertium usque diem proficientibus puerpera, & natura conatibus, quos adjuvare idoneis remediis auxiliis contendebam, sed incassum omnia. Verum, cum parum spei de salute superesset, ob deficientes puerpera vires, & abortum putidum e brachiali propendens gangrana jam infecti fœtorem, Divinam subveniobas auxilium, dum stimulum ad urinæ excretionem ex improviso sentires, & simul novum parturientis doloris nifium: quare a presente tuum obstetricæ instanter sollicitata, ut quantum virium corporis adhuc restaret, eas intenderes**

tenderet ad omnimodam factus exclusionem, id quod animose ac strenue fecit, cum felici adeo successu, ut integrum pueri et mortui corpusculum exin fuerit exclusum. Prosequitur Auctor referens alios morbos, quibus parturienti afflicta fuit; & narrationem tandem sic concludit: *Quantvis hoc jam tempore, quo talia scribo . . . inuicinis plane femina vitam pancreaticæ transigat.*

25 Post hæc nihil aliud remanet, quam ut aliqua subijciantur de partu tardo, & de partu nullo, præcipue ob fixum in utero mortuum. Ut prætereamus casus foetuum natorum post undecimum mensem a conceptione, de quibus Aulus Gellius lib. 3. noct. Attic. cap. 17. & Alcianus lib. 3. paradoxorum cap. 7. celebris est casus, de quo Mercurialis consil. 85. ad Illustissimum Christophorum a Wicbenstein, ubi hæc habet: *Numquam aut visum, aut scriptum est, quantum ipse recorder, mulierem illam factum vitum quatuor annis ventre gestasse, quemadmodum hæc a te mihi proposita mulier, quam scribunt anno decimo quinto exivam marem, mox primo conjuge orba cum cum facundo, ac tercio sexdecim annis sterilem mansisse, donec tandem quarto nupta concepit fixum, quem ipsa omnino affirmat se, jam quarto anno exacto, vitum gestare non modo absque ulla insigni molestia, verum etiam cum summo valetudinis lucro, nempe quæ prius innumeris pene malis tentaretur, nunc vero a cunctis libera sit. De hoc casu Sennertus præf. lib. 4. pars. 2. sect. 6. cap. 6. ait: Sed hæc rara, & pene miraculosa sunt. Acciduntque procul dubio ob semen debile, uterique calidum languidum, quibus de causis & factus tardius absolvitur, & expulsio languet. Non est autem in Medici potestate talia corrigere, sed naturæ omnia permittenda: quam etiam rationem late exornat a Rejes quest. 90. num. 3. Ad duodecimum, ad tertium, & quartum supra decimum mensem nonnullos foetus progressos, & in lucem feliciter editos ostendit Caranza cap. 15. de partu naturali. Alii insoliti casus cumulantur a Thoma Bartholino in dissertatione de infilitis partus humani viis cap. 2. inter quos existat ille relatus a Nicolao Trigautio lib. 1. de christ. exper. apud Sinas cap. 10. Lauzu videlicet Philosophi Chinenus octoginta annis in alvo matris gestati, de quo tamen, aliisque prius expositis ait Bartholinus loc. cit. *Omnibus fidem adhibere vitæ possim.* Disputant Medici, num Harthoker, an Lewenoeckius fuerit primus, qui nonnullos parvos vermes in femine animalium, ac proinde etiam in femine hominis, observavit. Andry, posita doctrina horum vermium, inserit, naturaliter contingere posse, ut mulier post undecimum, aut duodecimum mensem a conceptione foetum edat, intelligendo nomine conceptionis primariam actionem, per quam humor spermaticus intra matricem retinetur, postquam in eam ovum lapsum est, & docendo, tunc fieri feminam gravidam, cum vermis ovum ingreditur, Doctrinam hanc exponit celebris Antonius Vallisnerius in erudita historia de hominis & animalium generatione part. 1. cap. 8. num. 9. Di qui può nascere, conchiude (Andry) che una femmina, il di cui marito sarà poco dopo morto, eh' ella avrà concepito, non partorirà che nell' undecimo, o duodecimo mese, e qualche volta ancora nel decimo terzo, poichè il verme non sarà entrata nell' uovo, che*

312 DE SERVORUM DEI BEATIFICATIONE

che dopo lo spazio di un mese, o due, e può essere tre dopo la concezione. *Confessio* essere il fatto difficile, ma però non impossibile, essendosi alcuna fiata veduti di sì fatti parti senza alcuna macchia di colpa.

26 De partu nullo, & foetu in utero mortuo scribit Sennertus loc. cit. cap. 7. in prognosi. Si foetus ex utero edi non possit, periculosissimum est, & periclitantur cum mater, tum infans; & quidem interdum foetus moritur, mater vero manet; interdum mater moritur, & infans saluus superest; interdum & mater & foetus moriuntur; interdum & mater, & foetus vivus manet, atque uterque servatur chirurgica extractione. . . . Nisi foetus mortuus quamprimum excernatur, putrescens in vitæ periculum matrem conjicit. Quo pejora, & plura, foetu mortuo in utero, matres apprehendunt symptomata, eo magis periclitantur, utpote si convellantur, si tremant, si lethargo & somno gravi corripiantur, si pulsus sit debilis; si vero nihil tale patiantur, ipsas servari posse, spes est. At ex historiis patet, naturam quandoque sponte foetum corruptum expellere, & varias vias querere. Albucasis lib. 2. chirurgia cap. 76. factum a se visum exponit: Vidi mulierem factum mortuum utero etiamnum gerentem, nihilominus de novo imprægnatam, eundemque factum ex secundo conceptu genitum mortuum. Huic multo tempore post apostema in umbilico abortum & instarum suppuratum est. Vocatus itaque ad curationem diu ejusdem medicationi institi, neque tamen ad consolidationem ulcus deduci potuit. Itaque emplastra vehementer attrahentia adhibui, quorum beneficio paucis post diebus officula prodierunt. Admiratione igitur ductus, cum ventrem ossibus carere scirem, rem diligentius & multifariam expendi, deprehendique, officula illa non nisi ex foetuum mortuorum cadaverulis provenisse. Causa itaque morbi certo cognita, medendique ratione inventa, officula plurima per intervalla ex apostemate eduxi, muliere interdum melius se habente, qua postmodum diu adhuc super-vixit; ulcus vero subinde nonnihil putrilaginis ex sese remisit. Rarissimas alias foetus in utero mortui historias colligit Marcellus Donatus de medic. histor. mirab. lib. 4. cap. 22. Gaspar a Rejes quest. 90. in fine refert, uxorem cujusdam servi Marchionis de Montexar, cum convaluisset ex quodam graviore morbo, tantam carnis & ossium copiam per os reddidisse, ut integrum humani foetus corpusculum æquarent, & foetus absque dubio fuisse in utero geniti, cum ipsa ante morbum gravida esset, nec per consuetam, aut aliam viam conceptum alias emisisset. Rejes miratur, quomodo, nulla patente via, ab utero ad os caro & ossa ferri potuerint; & tandem concludit, de naturæ majestate & potentia hæc & majora nos credere posse, cum plumbæos globulos, cutellos, ensium frustra, & alia multa per ignotas vias, & sibi solum cognitæ sæpius extra corpus transierit, quorum adducit exempla quest. 92. Exempla alia prostant apud Marcellum Donatum lib. 2. cap. 12. Demum Joannes Dominicus Sanctiorinus Protomedicus supremi Magistratus Sanitatis, & Professor Anatomicus Venetis anno 1727. typis Venetis historiam edidit, quam etiam eruditæ animadversionibus illustravit, cujusdam foetus foedi maxime odoris, ex priorè corporis parte fere integri, & ex poste-

posteriore aliquantum corrupti, qui, incolumi matre, mortuus ab ejus corpore extractus est ope chirurgica per anum. Quapropter merito Jacobus Sinibaldus celebris olim Medicus Urbis scribens in causa Canonizationis S. Pii V. super repentina emissione foetus a pluribus diebus jam mortui ab utero, post narratum casum ex Albucaſi, concludit: *Alios hujusmodi casus legere est apud Hildanum, Cordeum, Langium, Bathinum, Schenckium, Marcellum Donatum, & alios quamplurimos Auctores, quos longum esset numerare, foetum nempe corruptorum, qui vel per apostema, vel per anum, vel aliter, matre superſtite, fuerunt educti. Tot igitur, ac tales ab Auctoribus descriptæ historiae mirabiles, adeoque frequentes, ut non amplius Medicis sint mirabiles, luculenter ostendunt, non semper calamitosam ac lethalem esse corrupti foetus diuturnam retentionem.*

27 Scribentes de Canonizatione Sanctorum, cum agunt de partibus periculosis, tria putant necessaria ad statuendum miraculum, invocationem videlicet Beati aut Sancti, Medici attestationem de periculo probabili mortis imminenti, perseverantiam dolorum per tres aut quatuor dies, & maxime, si foetus moriatur ante egressum e corpore, uti videri potest apud Bordonum *de miraculis medit.* 15. num. 22. Matchæucci *in pract. Theologo-Canon. ad caus. Beatificat. & Canonizat. tit. 3. cap. 3. §. 13.* miraculo adscribere videtur partum, si foetus obliquus ex alvo matris erumpere conetur, & ad suum naturalem exeundi modum reduci non possit, & vivus nascatur, incolumi matre. Miraculum quoque admittere videretur in partu, si foetus mortuus per aliquod tempus in corpore matris perſiſtat, & ab ejus utero prodeat, incolumi matre: & in reliquis subscribit Bordonus, dummodo tamen post partum alii morbi mulierem non invadant. Pignatellus *consult.* 26. tom. 7. agens de foetu transverso in utero ait, ejus editionem esse miraculo adscribendam, si fiat nullo virum naturæ, aut artis adjutorio; & *consult.* 177. num. 34. tom. 10. subitam liberationem a periculossimo puerperio ait inter miracula recensendam; & *consult.* 183. *cod. tom.* 10. stat pro miraculo, si nullo adhibito naturali remedio, foetus mortuus feliciter edatur. Quid ergo dicendum erit? Eritne in constituendo miraculo res ita jejune expedienda, positæ præsertim tot medicis observationibus supra relatis? an potius erit absolute dicendum, partus quomodocumque difficiles & periculosos (quamvis mater & foetus ab eis incolumes evadant) non esse materiam, quæ sufficiat ad miraculi rationem, licet in bullis Canonizationis Sanctorum nonnullæ felices a partu evasiones inter miracula recenseantur, ut in bulla Canonizationis S. Ludovici Episcopi Tolosani, in bulla Canonizationis S. Didaci, in bulla Canonizationis S. Raymundi de Pennafort, & in relationibus Rotæ Auditorum, in illa videlicet causæ S. Philippi Neri 3. part. *de miraculis in vita*, in illa causæ S. Francisci Borgiæ art. 2. *de miraculis in specie*, in illa causæ B. Gregorii X. *miracul.* 13. in illa causæ S. Jacobi de Marchia *ad tit. Puerperæ in extremis laborantis levatio*, in illa causæ

Tom. IV.

R r

S. Jo-

314 DE SERVORUM DEI BEATIFICATIONE

S. Joannis de Dvo in *tertio miraculo post mortem*, in illa causæ S. Raymundi de Pennafort in *tertio miraculo post mortem*, in illa causæ S. Caroli Borromei *miracul. 14.*?

28 Si meus qualiscumque sensus exquiratur, dicerem primo, caute, & plus quam caute, & sobrie esse in hac materia procedendum; quod est conforme praxi sacrae Congregationis, quæ non ita frequenter partus, etsi difficiles, recensuit inter miracula, licet sibi fuerint frequentissime a Postulatoribus proposti tamquam miracula.

29 Dicerem secundo, nullam pro eo, de quo agitur, habendam esse rationem vitalitatis foetuum, qui quarto, septimo, aut octavo mense editi sunt, foetuum gemellorum, aut majori numero prodeuntium, juxta ea quæ superius dicta sunt, necnon foetuum masculorum potius, quam feminarum (etiãsi tamquam fabula rejiciatur eorum assertio, qui contendunt, per salubria medicinae præcepta marem generari posse loco feminæ, uti videri potest apud Thomam Reinesium in *fibula medica Jureconsultorum libr. 3. cap. 10.*) aut secunditatis obtentæ post longam sterilitatem, cum id oriri possit ex vitiosa aliqua affectione, quæ sit in utero, vel in semine, quæque naturaliter cesset aut ope remediorum, aut aliter, uti late offendit Sennertus *pract. libr. 4. par. 2. sect. 4. cap. 3.* Dictumque est, nullam horum habendam esse rationem pro eo, de quo agitur: agitur enim hic & nunc de miraculis veris & propriis, prout referuntur ad Beatificationem & Canonizationem, non vero de Gratiis, ad quas relati eventus facile reduci possunt. Porro ad miracula aliquis ex iis eventibus referri possit, puta partus post sterilitatem, si constaret, sterilitatem ab aliquo vitio organico mansisse, quod plerumque probari non potest, eademque sterilitatem cessasse, invocato Dei Servo, vel Beato. Quare scite scribit paulo ante citatus Vallisnerius *part. 3. cap. 2. num. 54. Alla struttura vizziata delle ossa, o alla macchina degli organi principali, tutta, o in parte cospicua, e che riguarda all' utero stranamente torta e scomposta, non vi trovo rimedio, e dissi quasi con Areteo, benchè in altro proposito parlasse. „ Oportet, Medicum hoc in morbo totum h. minem immutare, quod per Jovem nec Deus facile fuerit. „ Non può il Medico far que' miracoli, che al solo Domenedio si riferbano; e sa ognuno, che ex morbo fit morbus.*

30 Dicerem tertio, positis debitis circumstantiis, posse partum esse materiam miraculi, & felicem ejus exitum hoc nomine probari posse, ita tamen si tamquam supra numerum & ex abundanti probetur, datis videlicet aliis binis saltem miraculis diversæ speciei approbatione dignis. Ita, dum munereungebar Fidei Promotoris, factum est in causa tunc Beati, nunc S. Joannis de Cruce, uti colligitur ex Decreto edito die 5. Februarii 1725. *Sanctitas sua, accitis infra scripta die coram se R. P. D. Prospero de Lambertinis Archiepiscopo Theodosen. Fidei Promotore, & me sacra Congregationis Secretario, ex septem jam propostis miraculis tria tamquam tertii generis approbavit, nimirum primum instantanea sanationis Sororis Anna Terefia a San-*
20

cto Benedicto Monialis in monasterio Sancta Tereſia civitatis Baren. a paralyſi; necnon ſeptimum inſtantanea item ſanationis Sororis Joanna Franciſce Javeſon Monialis in monaſterio Sanctiſſima Annuntiata civitatis Neocaſtri in Laſtaringia pariter a paralyſi; ſecundum vero, ſcilicet liberationis Alberte Maria de Alpharo in oppido Noblexas in Hiſpania a difficillimo & periculoſo partu, tamquam ſupra numerum approbavis.

31 Dicerem quarto, poſſe felices partus inter miracula, non ſupra, ſed intra numerum referri, ſi momentaria emiſſio foetus accidat ſtatim poſt invocationem Beati, vel Sancti; ſi nulla fuerint adhibita media humana pro ejus emiſſione; ſi felix omnino fuerit partus, incolumi matre, incolumi filio; ſi poſt partum mulier alio morbo vexata non fuerit; quod, ſuperatis partibus periculofis, ſæpe contingit, veluti adnotavit Zacchias conſil. 9. num. 19. poſt quaſtiones medico-legales; quodque caput eſt, ſi evidens periculum mortis matris, aut foetus præceſſerit, non ab una aut altera cauſa deductum, ſed a pluribus ſimul conjunctis, quæ prudenti Medico ſuadere potuerint, rem eo redactam eſſe, ut ſine ope Divina non eſſet mater incolumis emiſſura foetum, nec foetus, viva matre, ſine ope pariter Divina eſſet in lucem vivus & vitalis proditurus: & huc referri poſſunt, quæ ſuperius adnotavimus de nimis acutis & acerbis in partu doloribus, de eorum continuatione ad tertium & quartum diem; de præmatura aquarum eſſuſione; de nimia debilitate virium parturientis: poterit enim ſortasſe in unoquoque ex his caſibus, & in unaquoque ex his circumſtantiis felix partus naturaliter accidere; ſed non item, ſi iſtæ omnes circumſtantiæ fuerint ſimul conjunctæ.

32 Dicerem quinto, ſi tamquam miraculum proponatur partus, quem Poſtulatōres contendunt non in caput, non in pedes, ſed obliquum ex alvo matris erupiſſe, vel duplicatum uteri oſtio inſtituiſſe, incolumi matre, incolumi filio, & prævia invocatione alicujus Servi Dei, vel Beati, eos offendere debere aptis probationibus, rem ſic ſe habuiſſe, editum videlicet fuiſſe feliciter foetum in ea figura præter naturam, nec a foetu novam & naturalem ante partum figuram aſſumptam fuiſſe; quæ probatio admodum difficilis eſt. In cauſa Canonizationis B. Gregorii X. actum fuit de mirabili partu, qui ab utero in lucem venire fruſtra tentaverat, quique alteram tantum manum ac brachium emiſerat, neque ab obſtricticibus peritiſſimis intro propelli, & ad idoneum locum reduci ullo modo poterat, ita ut puer in ea figura non naturali poſitus, poſtquam diu multumque laboraverat, vitam in utero reliquerit, incolumi tamen matre, quæ infantem mortuum, invocato Beato Gregorio X. ſtatim feliciter emiſit. Antequam cauſa juxta morem tunc temporis receptum in Rotæ Romanæ Auditorio diſcuteretur, ſcripſerunt celeberrimi Medici, Zacchias videlicet, cujus conſilia impreſſa ſunt poſt ejus quaſtiones medico-legales, Æmilius Vezzofius Phyſicus Aretinus, qui curationi interſuerat, Bernardus de Bernardis ex Collegio Placentino Artiū & Medicinæ Do-

316 DE SERVORUM DEI BEATIFICATIONE

ctor, Angelus Victorius Balneoregenſis Medicus Romanus, Aurelius Marrochus Medicus Phyſicus, qui omnes unanimi conſenſu ſteterunt pro miraculo; & Rotæ Auditores factum ipſum inter miracula recenſuerunt in relatione edita. Delata cauſa ad Congregationem ſacrorum rituum, tempore, quo ſungebar munere Fidei Promotoris (nec enim ex alibi dictis, Auditorum Rotæ iudicium unquam proſuit, niſi a ſacrorum rituum Congregatione eſſet approbatum) operæ pretium eſſe reputatam eſt novos audire peritos. Auditus fuit Soldatus, qui ſcribens ad cauſæ favorem & opportunitatem cenſuit, partum eſſe miraculo adſcribendum. Auditus fuit Lancilius, qui ſcribens pro veritate Soldato adhæſit. Sed, me tamquam Fidei Promotore reſiſtente, quod non probabatur ſeminam peperiffe inſtantiem ea adhuc figura, eoque ſitu, in quo teſtes dixerant illum fuiſſe in principio partus; & dicente, ſibi potuiſſe, ut partus fuerit obſtetricum manibus in illum ſitum, illamque figuram redactus, in quibus ſine magna difficultate poterat expelli, Clemens Papa XI. nullum edidit in ea cauſa reſponſum.

33 Dicerem ſexto, ſi in partu difficili præter naturam, viſ miraculi reſponatur in hoc, quod interceſſione Servi Dei, vel Beati partus figuram abnormem habens, rectam ſumpſerit, & fuerit converſus, opus eſſe, ut quodcumque remedium naturæ, vel artis excludatur; opus eſſe, ut explicetur poſitura, in qua ſeſe pariens collocavit; opus denique eſſe, ut ſubita emiſſio foetus poſt invocationem, incolumi matre, incolumi foetu, ponatur in aperto. Nec in re, de qua nunc agitur (ſalvo ſemper meliori iudicio) crederem, converſionem foetus, & acquisitionem aptæ figuræ naturæ adſcribi poſſe. Licet enim Ruylchius Secundarum, & foetus demortui expulſionem naturæ concedat, nullum tamen vidi, qui naturæ tribuat foetus converſionem, & acquisitionem aptæ figuræ, ut ab utero exeat: vehementes liquidem diaphragmatis, muſculorum abdominis, uteri, & nervoſarum partium compreſſiones proſunt ejectioni foetus, qui in utero continetur, minime tamen foetum ipſum prave diſpoſitum verſant, & aptam illi figuram tribuunt.

34 Dicerem denique, ſi emiſſio foetus mortui, miraculi loco proponatur, incolumi matre, plura eſſe demonſtranda: primum quidem, foetum per notabile tempus in utero matris mortuum permanſiſſe: ſecundum, periſſe foetum ex cauſa interna, & non ex cauſa externa, puta percuffione, vel caſu: tertium, matrem ex diuturno antecedenti morbo in evidentiffimo mortis periculo conſtitutam non ſatis habuiſſe virium ad pariendum: quartum, ſeminam ſine dolore peperiffe: quintum, feliciter peperiffe, ſtatim poſt invocatum Dei Servum, vel Beatum, excluſis remediis aptis ad foetus mortui excluſionem: ultimum, puerperam ſtatim bene ſe habuiſſe, nec a partu ægrotaſſe. Hiſque ſimul concurrentibus, me tunc Conſiſtorialis auſæ Advocato, nec adhuc aſſumpto ad munus Fidei Promotoris, ſcribente in cauſa Canonizationis S. Pii V. auditis inſi-

gnio-

gnioribus Medicis Urbis, Sinibaldo videlicet, & Lancifio, quorum suffragia fuerunt typis edita, sacrorum rituum Congregatio inter miracula recensuit *instantaneam emissionem fetus a pluribus diebus jam mortui in utero matris, & absque illo ejus dolore editi tum ipsius matris preservatione ab evidenti mortis periculo.*

35 Post hæc, ut descendamus ad explicanda memorata requisita, foetus mors ex pravo halitu matris colligitur, uti autumant Varandæus de morbis mulierum cap. 7. pag. 137. Phrygius comment. in epid. Hippocrat. part. 3. agros. 14. pag. 539. Cortel. miscell. medic. decad. 10. quest. 10. fol. 799. Vega de arte medendi lib. 3. cap. 23. Zacut Lusit. medicor. princip. histor. lib. 3. histor. 17. fol. 513. Sed tutius signum mortis foetus ex uteri tactu videtur colligendum, cum ex eo constet, num foetus careat, an non careat motu, & proinde num sit vivus, an mortuus, uti late prosequuntur Thomas Burnett. in thesaur. med. pract. tom. 1. sect. 18. pag. 567. Bernardin. Christin. in praxi medica observationum centur. 10. cap. 19. pag. 141. Franciscus Mauriceau in suo tractatu de morbis mulierum prægnantium libr. 10. cap. 12. pag. 188. Ejus autem mortem mansisse a causa interna, demonstrari poterit per exclusionem cujuscumque causæ externæ, & per pravam humorum collectionem in matre, qui, ut sensim in matre cumulantur, ita sensim filio communicantur, & morbos ac mortem inferre solent.

36 Lancifius in suo suffragio pro veritate edito in allata causa S. Pii V. inter cetera animadvertit, mortem foetus mansisse, non a causa externa, sed interna: Cum igitur ex Actis constet, foetum intra uterum occidisse absque ulla externa occasione, sed ex febris diuturnæ, malique ac perverso internæ corporis apparatus, statim oportet, periti Medici in mentem veniat, emissio utrumque foetu, ab iisdem pravis humoribus in vita discrimen adduci debuisset. Idemque paulo ante in eodem suffragio dixerat, superflue ut plurimum genitrici, edi foetum mortuum ex causa externa, si mater prius sana fuerit.

37 Pro evidenti mortis periculo feminæ parturientis haberi quidem potest ratio foetus in utero mortui per plures dies, juxta ea quæ notat Sennerthus lib. 4. pract. part. 2. sect. 6. cap. 5. Nisi foetus mortuus quamprimum excernatur, putrescens in vita periculum matrem consicit; & quo pejora, & plura fetus mortuo in utero matres apprehendunt symptomata, eo magis periclitantur; cui adheret Burnett. in thesaur. med. pract. tom. 1. sect. 18. de foetu mortuo, in fin. Quamprimum expellendus est foetus, alias præsentissimum exitium prægnanti inferi; sed id solum sufficere non debet, juxta ea quæ superius adducta sunt. Quapropter evidens periculum matris præcedentibus morbis, & concomitantibus signis erit præterea comprobandum, si videlicet parturiens febribus acutis aut malignis fuerit afflicta; si luridus & cadaverosus ejus color apparuerit, juxta illud Hippocratis in prognosticis lib. 1. part. 7. & 8. ita scribentis: Colorem totius faciei pallidum, aut etiam nigrum, & lividum, aut plumbeum ex morbo talem factum, agros morti proximos esse signi-

318 DE SERVORUM DEI BEATIFICATIONE

significare; & juxta illud Vallesii post Galenum super 6. epid. sect. 5. text. 25. pag. 39. Qualis in cute color, talis humor redundat in corpore.

38 Quoad nimiam virium debilitatem, videtur in ea magna cum cautela esse procedendum, cum parturientes sæpe dicant, se viribus omnibus esse destitutas, licet id non sit plane verum. Huc facit casus supra relatius ex Luca Schroeckio, in quo licet defectus virium puerperæ appareret, hortante nihilominus obstetrice, vires collegit, & animose strenueque foetum mortuum emisit. Quocirca, ut rectum de virium debilitate seratur judicium, præcedens extenuatio parturientis a præcedenti languore inducta, erit serio advertenda; nec erit omittenda probatio defumenda ex pulsu, cum juxta Medicos pulsus sit mensura virium: & quamvis vires vitales a viribus animalibus distinguantur, ut bene ostendit De la Boe lib. 3. *praxis medica* cap. 7. pag. 418. n. 176. cum tamen vires animales a sanguine oriantur; quotiescumque sanguis propter febrem magno affectus est vicio, & perturbate movetur, vitales validæ esse non possunt. Itaque Jacobus Sinibaldus in suffragio edito in causa S. Pii V. mulieris parientis foetum mortuum exponens ait: *In statu salutis desperato, viribus destituta, & pulsu jam deficiente, necessaries ad pariendum conatus nullo modo efficere poterat.*

39 Quoad defectum dolorum, etsi dolor in partu sit poena peccati primorum parentum, juxta illud Genes. 3. *In dolore paries*; & dolor partus in muliere consequatur virilem commixtionem, uti recte notat S. Thomas 3. *part. quest. 35. art. 6. ad primum*, partusque idcirco Beatissimæ Virginis fuerit sine dolore, juxta illud Isaïæ 35. v. 2. *Germinans germinabit, & exultabit letabunda, & laudans*; & juxta illud S. Bernardi oper. tom. 1. *serm. 4. num. 3. in Vigilia Nativitatis*): *Concepit fuit sine pudore, partus sine dolore*; in eo tamen quod spectat ad naturam, certum est, dolores non spasmodicos, neque spurios, sed genuinos parturientis emissioni foetus maximopere prodesse, uti bene consideravit Joannes Maria Lancisius in suo suffragio pro veritate edito in causa S. Pii V. Tertio loco causa deducenda venit, cur Isabella majori semper difficultate, immo pane omni facultate pariendi destituere, cum esset absque doloribus, qui, ut communiter a Medicis advertitur, non sint tantummodo futuri partus signa, sunt principales causæ: cum enim dolet uterus, per dolorem ipse contrahitur, & per contractionem foetus emissionem adjuvat. Ubi igitur uterus non dolet, non contrahitur, & utero non contracto, nulla fieri potest fetus mortui emissio. Confirmavit Sinibaldus in allegato suffragio: *Mirabilis etiam fuit modus, quo peperit, hoc est, sine dolore: licet enim in poenam culpa originalis fuerit Hevra filiabus decretum, ut parerent cum dolore, talis tamen est illius doloris natura & vis, ut mirum in modum conferat ad foetus expulsionem, & quanto majores ac frequentiores sunt dolores, tanto facilius ac celerius mulier sit paritura; ut proinde, quod de Achillis hasta fabulantur Poeta, quæ vulnus una & auxilium inferbar, concinne puerperarum doloribus adaptetur, qui & poenam & præsidium simul absolvunt.* Dictum est autem, prodesse partui genuinos dolores, non spasmodicos

dicos & spurios, juxta monitum Deventrii, qui in artis obstericandi libro cap. 17. pag. 6. ita scripsit: *Non incommode addemus, feminas quasdam laborare mixtim tam spuris, quam genuinis doloribus, quorum illi nonnullis dicuntur pergerverfantes; nam, quando dolores videntur partum deprimere, & parturientes omnibus viribus conituntur, subito isti mutantur in contrahentes dolores perfimiles fpaſmo, ut partum excludere ſis impoſſibile.*

C A P U T XXI.

De revocatione Mortuorum ad vitam, ſeu dereſuſcitatione.

ANtequam ſermo inſtituatur de mortuorum reſuſcitatione, num videlicet miraculo ſit adſcribenda, quinque præmittenda eſſe videntur. Primum eſt, reſuſcitationem diſſerre a reſurrectione; reſuſcitatio enim eſt actio, qua Deus mortuum revocat ad vitam, ac proinde Deum ipſum reſpicit vitam reſtituentem ei, qui e vita deceſſit; reſurrectione autem eſt affectio ad deſunctum ipſum pertinens, qui ad vitam revocatur. Secundum eſt, reſuſcitationem duplicem eſſe; aliam ordinariam & univerſalem, qua omnes mortui reſurgent in ultimo Judicio, de qua in libr. Job. cap. 19. verſ. 26. hæc verba leguntur: *Et ruſum circumdabor pelle mea, & in carne mea videbo Deum meum; & Ezechielis cap. 37. verſ. 9. Hæc dicit Dominus Deus: A quatuor ventis veni ſpiritus, & inſuffla ſuper interfectos iſtos, & revivifcant; & libr. 2. Machab. cap. 12. v. 44. Niſi enim eos, qui ceciderant, reſurrecturos ſperaret, ſuperſuum videretur & vanum orare pro mortuis; quamque inter Judæos negarunt Sadducæi, & Samaritani, uti legitur Matth. cap. 22. & Act. 23. & primis Eccleſiæ temporibus Simoniani, Saturniani, Baſilidiani, Valentiniani, & Marcionitæ, quibus addi poteſt Socinus nefandiſſimus Hæreticus, qui inter virulentos, quos diſſeminavit, errores aſſerere auſus eſt, homines impios penitus in nihilum redigi, & nullam impiorum reſurrectionem futuram: aliam deinde reſuſcitationem dici poſſe particularem & extraordinariam, per quam Deus ex ſingulari privilegio revocat ad vitam hunc vel illum mortuum extra ſupremum Judicium. Tertium eſt, in hoc diſſerre reſurrectionem univerſalem a particulari, quod poſt reſurrectionem univerſalem nulla mors ſequitur, quæ tamen ſequitur mori debeant, ut cum aliis in reſurrectione univerſali reſurgere poſſint. Quartum eſt, loquendo ſemper de reſurrectione univerſali, diſputari, an qui invenientur in fine ſæculi viventes, vel omnes quidem, vel multi eorum non ſint morituri, ſed tranſituri ad immortalitatem, ſive ad damnatos pertineant, ſive ad electos. Sanctus enim Hieronymus in epiſt. ad Marcellam ait, quosdam in fine ſæculi, adveniente Chriſto, non eſſe morituros, ſed vivos ad immortalitatem repente attollendos; alii vero docent, omnes eſſe morituros, ut tranſ-*

eant

eant ad statum resurgentium, cum id magis consonet Divine Justitiæ, quæ damnavit humanam naturam ad mortem propter peccatum primi parentis, uti videri potest apud Abulensem in *sextam partem Matthæi cap. 22. quest. 234.* Ultimum demum est, loquendo de resurrectione particulari, de ea agi posse & quoad homines, & quoad bestias.

2. His præmissis, in præsentī agendum est, non de resurrectione universalī, de qua eruditam de more dissertationem Calmet exaravit, sed de particulari; & primo loco sermo instituendus est de hominum resurrectione, & deinde de resurrectione bestiarum. Porro particularis nonnullorum hominum resurrectio inter miracula in sacra Scriptura recensetur. In libro 4. *Regum cap. 4. v. 32.* Eliseus (uti etiam supra visum est) suscitavit a mortuis filium Sunamitidis hospitiæ: *Ingressus est ergo Eliseus domum, & ecce puer mortuus jacebat in lectulo ejus, ingressusque clausit ostium super se, & super puerum, & oravit ad Dominum; & v. 37. Venis illa, & corruit ad pedes ejus, & ad rivos super terram, tulitque filium suum, & egressa est: & cap. 13. v. 21.* Mortuus injectus Elisei sepulcro, cum tetigisset ossa ejus, mirabiliter revixit: *Cum tetigisset ossa Elisei, revixit homo, & stetit super pedes suos.* In Evangelio Matthæi cap. 9. v. 25. cum venisset Jesus in domum Principis, imperavit turbæ tumultuanti, ut recederet; & cum dixisset, filiam ejus Principis non esse mortuam, sed dormire, omnes eum deriserunt: at, eiecta turba, *intravit, & tenuit manum ejus, & surrexit puella, & exiit sama hæc in universam terram illam.* In Evangelio Lucæ cap. 7. v. 14. cum Jesus appropinquaret portæ civitatis Naim, & defunctus efferretur filius unicus matris suæ, accessit, & tetigit loculum: *Hi autem, qui portabant, steterunt, & ait: Adolescens, tibi dico, surge. Et resedit, qui erat mortuus, & cepit ligni: & dedit illum matri suæ. Accipit autem omnes timor, & magnificabant Deum dicentes: Quia Propheta magnus surrexit in nobis, & quia Deus visitavit plebem suam.* In Evangelio S. Joannis cap. 11. v. 45. ampla exponitur historia Lazari resurrecti, ante quatuor dies jam mortui, & deinde subjicitur: *Multī ergo ex Judæis, qui venerant ad Mariam, & Martham, & viderant quæ fecit Jesus, crediderunt in eum:* de qua Lazari resurrectione ita loquitur Euthymius in Joannem (cap. 11. tom. 19. *Biblioth. Patrum edit. Lugdun. ann. 1677. pag. 702.*): O maximum, ac duplum miraculum! Non solum qui jam clebat, resurrexit, sed etiam qui obvinculus erat, exivit a monumento; & S. Basiliius *homil. de gratiarum actione pag. 39.* eam resurrectionem vocat *Miraculum in miraculo.* Queritur, quomodo posset mortuorum resurrectio a Sadduceis negari, cum omnibus esset nota resurrectio trium mortuorum a Christo Domino facta, & modo memorata. Respondet Abulenſis *loc. cit. ad cap. 22. Matthæi quest. 132.* Sadducæos negasse illam resurrectionem generalem, in qua homines erunt resurrecturi ad vitam immortalem, non autem particulares resurrectiones aliquorum hominum ad vitam mortalem, quas Christus fecerat; hi enim resurrecti, postquam aliquo tempore

pore vixerant, rursus moriebantur, sicut ceteri qui non fuerant resuscitati. *Actor. cap. 9. vers. 40.* orante Sancto Petro, Tabitha, quæ mortua fuerat, resurrexit: *Petrus ponens genua oravit, & conversus ad corpus dixit: Tabitha, surge. At illa aperuit oculos suos, & viso Petro, respondit: Dans autem illi manum, erexit eam; & cum vocasset Sanctos, & Viduas, assignavit eam vivam.* Notum autem factum est per universam Joppen, & crediderunt multi in Domino. *Actor. cap. 20. v. 10.* cum, disputante Paulo, quidam dolescens nomine Eutychus somno oppressus de tertio cenaculo deorsum cecidisset, & tamquam mortuus sublatu esset, Apostolus incubuit super eum: & complexus dixit: *Nolite turbari; anima enim ipsius in ipso est &c.* Adduxerunt autem puerum viventem, & consolati sunt non minime. Inter particulares resurrectiones, de quibus in sacra Scriptura, non enumeramus resurrectiones eorum, qui revixerunt cum Christo, de quibus in Evangelio S. Matthæi cap. 27. vers. 51. *Petra scissa sunt, & monumenta aperta sunt, & multa corpora Sanctorum, qui dormierant, surrexerunt:* quæstio enim adhuc est inter Theologos, utrum qui tunc resurrexerunt, resurrexerint amplius non morituri, an ita resurrexerint, ut denuo morerentur, in universali deinde Judicio resurrecturi; de qua controversia alibi a Nobis agetur, & de qua late de Quadros in sua palestra Biblica tom. 2. decad. 4. quæst. 7. Stupor autem, admiratio, Infidelium conversio satis aperte demonstrant, memoratas resurrectiones non viribus naturæ, sed Dei omnipotentis supra vires naturæ operanti adscriptas fuisse. Item *Psal. 87. v. 11* legitur: *Numquid mortuis facies mirabilia, aut Medici suscitabunt; & consuebuntur tibi?* & apud *Job cap. 14. v. 10.* habetur: *Homo vero, cum mortuus fuerit, & nudatus, atque consumptus, ubi quæso est?* & *v. 12.* *Sic homo, cum dormierit, non resurget, donec atteratur calum, non evigilabit, nec consurgat de somno suo &c.* & *v. 14.* *Putas ne, mortuus homo rursus vivat?* quæ verba, sicuti patet faciunt fieri non posse, ut naturaliter homo mortuus resurgat, ita probant, resurrectionem, quæ aliquando contingit, Divinæ omnipotentis esse adscribendam.

3 Tritum insuper est apud Philosophos, a privatione ad habitum naturæ viribus regressum minime dari, uti satis aperte responderunt Philosophi Patavini ab Episcopo consulti, ut iudicium ferrent de duorum mortuorum resuscitatione, quæ a Deo facta dicebatur intercessione S. Antonii Patavini, de qua infra, & apud Georgium Raguseum Venetum in appendice ad librum de divinatione, & apud Abelly Episcopum Rhutenensem in *enchiridio Pastoralis sollicitudinis* pag. 223. Ad rem optime argumentatur Theologus Gallus in sua epistola theologica duodecima num. 25. & seqq. postquam enim præmisit, existentiam hominis esse argumentum evidens existentis Dei infinite sapientis & potentis (ecquis enim præter Deum infinite sapientem & potentem formare potuisset multitudinem infinitarum partium in corpore humano, conjunctionem adeo arctam duarum substantiarum tantopere inter se differentium, animæ videlicet, &

corporis ?) intulit, solius Dei infinite sapientis & potentis opus esse posse, partes corruptas corporis humani reformare, spiritus producere rursus animantes universam machinam, & iterum conjungere, prout fit in resurrectione, memoratas duas substantias animæ, & corporis. Et quamvis Plutarchus *de tis, qui sero a Nemine puniuntur*, narret, Thespesium Solensem a morte ad vitam revocatum Infernorum poenas luculenter exposuisse; & longe ante eum Plato *in dial. 10. de republica* inducat Erem Armenium, genere Pamphylium, qui cum in prælio occubisset, sublatis decimo die cadaveribus ceteris plane corruptis, integer ipse repertus fuit, domumque delatus, ut sepeliretur, pyre impostus, repente revixit, & commemoravit ea quæ viderat apud Inferos, quæque præmia, aut supplicia manerent pios, atque impios, cujus Platonice narrationis mentio habetur apud S. Augustinum *de civit. Dei lib. 2. cap. 28.* & alii præterea dicantur naturaliter revixisse, ut sunt Aristes Proconnesius, Cleomedes Asipalæensis, Hermotimus Clazomenius, Epimenides, Romulus, Apollonius Thianeus, quos ad elevandum reviviscens Christi miraculum Christianis Celsus opposuit apud Origenem *lib. 3. quibus addi possunt Glaucus; Hippolytus, Alceites*; hæc tamen in nullo pretio habenda sunt, aut quia salutaris vitio laborant (utcumque Eris Armenii & Thespetii probare conetur Fortunius Licetus *in libro de sex: quasitis per epistolas* veras fuisse resurrectiones) aut quia plerique ex eis mortui falso crediti sunt, cum morbi tantum vehementia essent oppressi, Quare, ne actum agere videamur, lectorem remittimus ad Huetium Episcopum Abrincensem *in demonstrat. Euang. proposit. 9. n. 5. & seqq.* ad Medicos Patavinos *in cit. consil. apud Abelly pag. 236.* ad Zacciam *in qu. medico-legal. lib. 4. tit. 1. quest. 11.* ad Martinum del Rio *disquisit. magicar. l. 2. quest. 29. sect. 2.* præter ea, quæ a Nobis dicta sunt *3. lib. cap. 49. num. 2.* & inter Auctores Forenses ad Pignatellum *consult. 60. tom. 4. Sanctus Justinus in sermon. exhort. seu oration. parenetica ad Gentes* loquens de resurrectione Eris a Platone narrata putat, ideam resurrectionis fuisse a Platone sumptam ex libris Judæorum; & ut Græcis suaderet, præmium & poenam manere post hanc vitam, casum finxisse resurrectionis Eris: (*in Biblioth. Patrum tom. 2. pag. 12.*): *Quæ de judicio a Prophetis didicerat, ea non tamquam ab illis accepta ob Græcorum metum, sed a quodam sicut ei fingere placuit fuit, qui in bello casus, cum duodecimo humani deberet die, in rogam positus revixit, resque apud Inferos visas exposuit etc. Hic mihi videtur non tantum de judicio a Prophetis, verum etiam de resurrectione, quam Græci non credunt, accepisse doctrinam.* Hecquet narrat, quendam Russiæ populum mori tempore hiemali, & resurgere tempore verno, ut possibilem naturaliter faciat resurrectionem: sed eum strenue redarguit Theologus Gallus in sua decima quarta epistola theologiæ *num. 64. & plurib. seqq.* Fusillime & eruditissime de suscitationibus allatis scribit Medina *de recta in Deum Fide lib. 2. cap. 7. pag. 54.*

Ha

Ha suscitaciones vel sunt fabulosa, quod semper apud eorumdem gentium Sapientes est creditum, vel non sunt vera suscitaciones, qua veram mortem, id est veram animæ & corporis solutionem supponunt. Id ostendit in qualibet mortui resuscitatione, quæ tamquam naturaliter facta ponitur : & post plura, transiens ad mortuorum resuscitaciones factas imperio Christi, aut Apostolorum, ait, veras animæ & corporis solutiones præcessisse ; quod ostendit primo, quia illi, qui in Beelzebub Dæmonia fugare, & rem cum Diabolo Christum habere quotidie dicebant, in mortuorum suscitacione, non apoplexiam, non lyncopem, non naturales morbos causati sunt ; secundo, quia in foetido Lazari corpore anima esse non poterat, tantaque erat mortis evidentia in suscitacione filiz Archisynagogi, ut Christo dicente, non esse mortuam, sed dormire, astantes quasi delirium riderent ; tertio, quia suscitaciones a Christo, vel Apostolis ejus virtute, non sponte, sed ad Christi, vel Apostolorum imperia in Evangelicæ prædicationis testimonium factæ sunt. Ex quo clarissime infertur, suspicionem naturalis morbi nullum sibi posse locum vindicare ; nisi forte dicatur, Christum, & Apostolos, & Evangelicos viros cum morbis & malignis humoribus pactos fuisse, ut tempus, quo cessaturi essent, indicarent, atque adeo non prius illorum hominum suscitaciones aggressos, quam consumptos humores, qui languores effecerant, aperte cognoscerent. Quo etiam, si ita lubet, admisso, non parvum esset Divinitatis indicium, certo scire quinam esset terminus morbi, & quænam humorum periodus, in his præsertim, qui non varias orbis plagas addiscendæ medicinæ gratia percurrerant.

4. In commercio litterario ad rei medicæ & scientiæ naturalis incrementum instituto, Norimbergæ edito ad annum 1732. pag. 82. *hebdomada undecima* legitur, Barachini in Servia, oppido sito in confiniis Turcici, & distante a Belgrado milliaribus viginti septem, mortuos humatos, aliquando illæsis surgentes sepulcris, vivos enecasse, eosque fuisse adortos noctu, dum dormiebant, & ipsorum sanguinem exsuxisse, ita ut tertio die expiraverint ; mortuosque hos redivivos, *Vampiros* in iis oris appellatos, repertos fuisse in suis sarcophagis penitus incorruptos ad instar vivorum, vivum sanguinem e naribus, ore, oculis visum fuisse profluere ; sed capitibus tandem abscissis opera Magistratum, & cadaveribus postea igne concrematis, & cineribus in fluvium Moraviæ projectis, finem resurrectioni impositum fuisse. Similia contigisse leguntur in *hebdomada duodecima* pag. 91. in pago Madvega. Et in *hebdomada 17. pag. 139.* narratur, in Silesia prope oppidum Gabelanka homines hos, *Vampiros* dictos, post mortem ad suos quam sapissime redire consuevisse, cum iisdem bibentes & edentes, quin & cum uxoribus superstitibus rem habentes. Quod si forte aliqui peregrinantes sub eam noctis horam, qua e sepulcris exeunt, pagum pertranscant, & cergia eorum insiliunt. Et, ut est in *hebdomada 19. in oppido Possaga* quidam

324 DE SERVORUM DEI BEATIFICATIONE

homines inventi sunt exsucti & interempti a Vampiris. quorum Vampirorum cadavera, apertis sepulcris post dies viginti ab eorum obitu, deprehensa sunt integra corpore, & facie, & unguibus manuum & pedum. Quidquid de hisce Vampiris narratur, narratur non tantum uti verum, sed etiam uti confirmatum fide publica Magistratum. At, utcumque sit de repertis cadaveribus incorruptis, utcumque sit de sanguine ab illis profuente, utcumque de incremento unguum & capillorum, utcumque de Vampiris capite truncatis, eorumque corporibus combustis, & in aquam dispersis; quorum omnium fides sit penes eos, qui testimonium reddiderunt; vis stat in mortuorum resurrectione, & actis eorum, quæ certe huc usque probata non sunt; quin potius a viris emunctæ naris habita sunt, & habentur tamquam deceptæ phantasiæ figmenta. Quare Scriptor eruditus hebdomada 18. pag. 139. ait: *Quod vero ad fidem attestantium attinet, de ea nequaquam est dubitandum, neque magis quin revera ejusmodi cadavera invenerint, non vero ea ipsa cadavera noctu e tumulis suis surgant, aliosque sanguinis exsugendi ergo invadant. Hanc ob causam mihi dubium manet; quia omnia quæ traduntur, ex eorum relatione habentur, qui a talibus Manibus afflicti sint, neque ex eorum assertis satis constat, utrum vera cadavera, seu defunctorum corpora viderint, an potius spectra & phantasmata ipsi apparuerint. Ipsos peculiarem vidisse personam inde patet, quia eandem nominare atque depingere scriverint, eademque ipsa in sepulcro deprehensa sunt hoc modo, quem species facti affirmat: an vero hac ipsa singularis persona, hoc est anima cum corpore suo unita visa fuerit, valde dubito. Et concordant Scriptores hebdomada 24. pag. 191. & hebdomada 28. pag. 219. qui Vampirorum resurrectionem, & actiones illis impictas meris accensent imaginationibus, metui, atque terrori.*

5 Quapropter nemo est qui umquam dubitaverit, quin particulares resurrectiones mortuorum, quæ precibus Sanctorum a Deo factæ sunt, inter miracula, saltem secundæ classis, sint recensendæ. Exempla habentur in *hæmaphysia vera religionis Petri sanctæ tom. 1. cap. 52. in relationibus Rotæ Auditorum, quas ediderunt in causis SS. Hyacinthi, & Raymundi, Francisci Xaverii, Philippi Nerii, & Petri Regalati, & in bullis Canonizationum Sanctorum Willhelmi Canonici Regularis Congregationis Sancti Victoris, Laurentii Dublinensis Archiepiscopi, Willhelmi Eboracensis in Anglia Archiepiscopi, Elisabeth Sanctimonialis tertii Ordinis S. Francisci, Willhelmi Briocensis in Britannia minori Episcopi, Petri Martyris, Stanislai Cracoviensis Episcopi, Richardi Ciceitriensis in Anglia Episcopi, Hedviggis, Ludovici Tolosatis Episcopi, Thomæ Herfordiensis in Anglia Episcopi, Birgittæ, Nicolai Tolentinatis, Leopoldi Austriæ Principis, Francisci de Paula, Didaci, Raymundi de Penafort, Philippi Nerii, Francisci Xaverii, Thomæ de Villanova, Francisci Salefi. Refert Ribadeneira in *vita S. Ignatii*, ejus precibus ad vitam revocatum fuisse hominem, qui desperatione actus se laqueo suspende-*

derat. Hic, peracta peccatorum apud Sacerdotem Confessione, meliore paulo posttato iterum decessit. Factum irridetur a Joanne Conrado Danhavvero Prædicante Argentinenſi, ſub obtentu, quod ſi homo in peccato mortali deceſſerat, in Infernum fuerat detrufus, a quo nulli conceditur reditus. At Melchior Corneus Societatis Jeſu Theologus in *miraculis Eccleſie Catholicae deſenſis* pag. 26. & ſeqq. animadvertit, potuiſſe Deum uſque ad tempus reſuſcitationis, & antequam flammæ æternas ingrederetur, fulmen ſuſpendere meritæ damnationis, præviſis ante Sancti ſui precibus, & futura interceſſione; vel pronuntiata damnationis ſententiâ, non absolute, ſed ſub conditione, niſi quis intercedat, potuiſſe animam temporario flammæ ſupplicio adſicere, atque deinde precibus Sancti evocatam eximere. Simili modo reſpondent Theologi loquendo de liberatione Trajani a pœnis Inferni precibus S. Gregorii Magni. Apocrypha cenſetur hæc narratio: ſed quatenus vera eſſet, dicunt, Trajanum non fuiſſe damnatum absolute ad Inferos, ſed ad tempus pro præſenti culpa; ceterum ſuſpenſam fuiſſe ſententiâ propter præviſas Beati Gregorii preces, & propterea non rectè ex Inferno ad cælum tranſiſſe; ſed redivivum & baptizatum poenitentiam in hac vita egiſſe, & poſt hæc iterum mortuum eſſe. Cardinalis Bellarminus controver. tom. 2. de Purgatorio lib. 2. cap. 8. Suarez tom. 3. in 3. part. quæſt. 52. art. 8. & diſput. 43. ſect. 3. Cardinalis Capifucchi in ſuis controverſiis Theologicis contro. 7. per totam. In relatione Auditorum Rotæ in cauſa S. Philippi Neri hæc leguntur: *Paulum filium Fabritii de Maximis, jam deſunctum, antequam ſepultura traderetur, Philippus proprio nomine vocans ſuſcitavit, & ejus audita Confessione, interrogavit, an libenter moreretur. Annuit ille mori cupiens: & ſtatim Servi Dei imperio iterum obdormivit in Domino.*

6 Hæc quoad hominum reſurrectionem. Nunc autem ut tranſeamus ab beſtiarum mortuorum reſurrectionem, in vita S. Franciſci de Paula edita & notis illuſtrata ab Epifcopo Perimezzio in notis ad cap. 6. pag. 114. ex proceſſibus ſuper ejus Canonizatione factis comprobatur, non una, ſed pluribus vicibus vitam mortuis piſcibus ab eo datam fuiſſe. De nonnullis avibus reſuſcitatis interceſſione S. Pharaïdis Virginis, & S. Kentigeronii Epifcopi probationes exſtant apud Bollandum ad diem 4. & ad diem 13. Januarii, & apud Severinum de Cracovia lib. 2. de vita S. Hyacinti Confeſſoris Ordinis S. Dominici cap. 28. de equo ejus interceſſione ad vitam revocato. Et, ſi quis alia exempla animalium divinitus ad vitam evocatorum cognoscere cupit, legat admiranda orbis Chriſtiani collecta a Bagatta tom. 1. cap. 6. lib. 6. ſ. 1. & ſeqq. Sed, cum reſurrectio requirat numericam identitatem, ut loquuntur, rei reſurgentis tum quoad formam, tum quoad materiam, hinc oritur diſputatio, an vera reſuſcitatio de ſolo homine dici poſſit, cum homo ita propriam formam habeat a corpore ſeparatam, animam videlicet rationalem & immortalem, ut ab eo ſeparata per

per se existat & vivat: quo posito, per novam inductionem animæ in idem corpus, quod ante mortem informabat, homo resurgens nihil a se ipso neque ætate, neque lineamentis, neque quavis alia re mutatus apparet. Cum vero cetera animalia animam corpori habeant hærentem & annexam, & quæ corrumpitur, corrupta materia, & in nihilum abie, perinde ac si numquam in rerum natura fuisset, necesse esse videtur, ut in revocatione equi, aut tauri ad vitam nova anima rursus producat; quæ nova animæ productio efficit, ut equus, & taurus, qui ad vitam revocantur, non illi sint, qui mortui fuerant; quemadmodum innuit Martinus del Rio in *lib. 2. quest. 29. sct. 1.* ubi idcirco asserit, brutorum resurrectionem esse impropiam, & latius prosequitur Zacchias *quest. medicæ legal. lib. 4. tit. 1. quest. 11. num. 14. & plurib. seqq.*, & alii adnotarunt apud Meldulensem *disp. 5. de generatione num. 154. §. Secunda opinio.* S. Thomas *quodlibet. 4. art. 5.* proponit questionem, utrum Deus possit reparare idem numero, quod in nihilum est redactum. Propositione questionis respondet, quædam esse, quorum unitas in sui ratione habet existendi continuationem, uti patet in motu, & tempore; & alia esse, quorum unitas non habet in sua ratione existendi continuitatem, sicuti unitas est rerum permanentium: & quoad prima dicit Sanctus Doctor, non posse eadem numero a Deo reparari, cum interruptio sit contraria unitati, ideoque eorum reparatio contradictionem contineret; significaret enim motum interruptum esse unum: quoad secunda autumat, posse eadem numero a Deo reparari, etiamsi fuerint in nihilum redacta, cum in ejus potestate sit effectus producere sine causis mediis. Ad normam hujus doctrinæ Angelici Præceptoris nemo est qui non videat, veram resurrectionem dici posse tum de hominibus, tum de brutis; de hominibus ob regressum animæ, quæ non perierat, utpote immortalis, ad idem corpus; de brutis per novam productionem ejusdem animæ, licet ante ad nihilum redactæ, cum Deo æque facile sit & ad existendum primo vocare quæ numquam fuerunt, & revocare quæ fuerunt; ut recte respondit, cum de hisce brutorum resurrectionibus quondam ejus sensum exquireremus, Petrus Franciscus Peggi in Bonon. Studiorum Universitate Philosophiæ Magister probatissimus, & perinsignis Collegiæ S. Petronii Canonicus, quem hic nominamus non tantum singularis amicitie causa, quæ eum prosequimur, verum etiam, ut grati animi signa erga eundem exhibeamus, cum illius cura non modice usi simus in hujus nostri Operis editione. Sed, si Deus, cum bruta ad vitam revocat, novam formam producit, non idcirco deficit ratio miraculi; & si forte hæc proprie resurrectionis dici non debet, late tamen & ex more loquendo, resurrectio dici potest, cum brutum redivivum eundem usum idemque adjutorium homini præstet, quod ante mortem ipsi præstabat, idemque prorsus oculis hominum appareat.

7 In examine resurrectionum, quæ in sacrorum rituum Congregatio-

tione proponuntur, ut inter miracula receleantur, intercessione Servorum Dei, vel Beatorum a Deo patrata, gravis eaque obvia difficultas est, an vera mors præcesserit, uti innuit Zacchias *loc. cit. num. 26. Contingit in examine hujus miraculi dubitare, an is, qui resurrexisse præsumitur, mortuus vere esset, necne. Sequitur Pignatellus consule. 61. num. 9. tom. 4. Ex quibus elicitur, in examine miraculi resurrectionis a mortuis, diligentissime prius indagandum esse, an is, qui dicitur resurrexisse, vere mortuus fuerit; & Mattea de Canoniz. Sanctor. part. 3. cap. 10. num. 9. Quam mature considerandum sit, an vere & concludenter constet de morte, quando mortui dicuntur miraculose ad vitam revocati. Ex defectu autem hujus probationis non potuit approbari miraculum a Postulatoribus propositum tertio loco in causa Beatificationis S. Turribii Archiepiscopi Limani. Prosper enim Bottinius Archiepiscopus Myrensis tunc Fidei Promotor ostendit, mortem non fuisse probatam nisi dicto unius testis de visu, testantibus alijs de auditu ab ipso, & ceteris de publica voce & fama.*

8 Cornelius Celsus *lib. 2. de medicina cap. 6. pag. 57. edit. Amstelod.* sententiam refert Democriti asserentis, certas apud Medicos notas finitæ vitæ nullatenus esse: *Quin etiam vir jure magni nominis Democritus, ne finita quidem vitæ satis certas notas esse proposuit, quibus Medici credidissent. Schenckius in observat. medicinal. lib. 1. de apoplexia in ultima observatione, casus refert nonnullorum apoplecticorum, qui mortui credebantur, & mortui non erant; & lib. 2. de suffocatione observat, nonnullos laqueo strangulatos, & alios aqua suffocatos pro mortuis habitos vires resumpisse. Philosophi consulti ab Episcopo Patavino in examine miraculi resurrectionis duorum mortuorum, intercessione S. Antonii Patavini, narrarunt, Conradum quemdam Braitenaverum Viennæ Austriæ propter furtum laqueo necatum, cum horis aliquot pependisset, sub crepusculum a carnifice in gymnasium Medicorum anatomie causa deportatum ad se rediisse; & contra carnificis immanitatem, qui laqueum de collo pendentem denuo constringere parabat, defensum, scriptorio cultello statim tribus venis apertis, loqui & ambulare coepisse; iidemque Medici addiderunt auctoritatem Hippocratis docentis, strangulatos, aut suffocatos, nondum tamen mortuos, licet mortui appareant, ad se redire, quemadmodum habetur apud Abelly in *eis. enchirid. Episcopalis sollicitudinis pag. 235.* Christianus Fridericus Garmanus in suo tractatu *de miraculis Mortuorum lib. 1. tit. 5. §. 24. ex Zacuto refert, piscatorem post spatium quatuor & viginti horarum apoplecticum, toto corpore frigidum, lineo panno involutum in terra jacuisse, & dum a vespillonibus ad sepulcrum deportaretur, raucum & ignotum clamorem edidisse; Zacutum autem cum alijs duobus Medicis vocatum in metacarpio arteriarum motiones explorasse, & auxilia subministrasse, quibus piscator, qui mortuus credebatur, post paucos dies pancreaticæ convaleuit. Marcellus Donatus *medic. histor. mirab. lib. 4. cap. 11. testatur, non deesse varia exempla plurimorum, qui sepulti post-***

postmodum vivi in sepulcris reperti sunt sedentes, facie unguibus lacera-
ta, & evulsis capillis; additque, se recordari, id contigisse cuidam femi-
næ nomine Domitillæ. Subscribit Arnald. in cap. de apoplexia, ubi hæc
habet: *Vidi, & audivi hoc de multis, qui taliter subterrati fuerunt, & pos-*
modum auditi sunt in sepulcro clamantes, ut juvarentur, infra spatium sexa-
ginta horarum; & alii, qui mortui sunt in sepulcris, & p. st in processu tempo-
ris, aperta sepulchra eorum, inventa sunt cilia eorum dilaniata per ipsos, &
ipsi cum brachiis & pedibus dissolutis mortui sunt inventi. Alia legi possunt
apud Gasparem a Rejes in suo jucundar. *question. elys. campo quest. 79. num.*
8. & plurib. seqq. ubi inter cetera refert, Joannem Duns Scotum suis
scriptis, & ingenio celeberrimum bis mortuum fuisse, & semel sepul-
tum. Cum enim exanimis jaceret, & Fratres cum obiiisse credentes, in
sepulcro concamerato sepelivissent, tertia nocte ad se rediit, apertoque
subinde alia occasione sepulcro, inventus est alio in loco ab illo, in quo
positus fuerat. Utcunque autem sit de aliis casibus a Gaspare relatis, cer-
te quod attinet ad casum Joannis Duns Scoti, quem Jacobus Philippus
Bergomensis primus retulit, & ab eo exscripserunt Sabellicus, & Jorius,
de ejus veritate maximopere dubitandum est ob validissimas rationes, &
conjecturas in contrarium allatas a Luca Wadingo in *vita ipsius*, quæ edi-
ta est tom. 1. operum ejusdem Scoti edit. Lugdun. an. 1639. monetque Hoff-
mannus tom. 2. cap. 1. pag. 35. Medicos, ne syncope correptos itatim ha-
beant pro mortuis: *Quare sibi caveant Medici, ne fortiori syncope correptos*
pro mortuis habeant: cujus rei infelix olim exemplum edidit Vesalius, qui ad
mulierem hystericam, quæ mortua credebatur, dissecandam arcessitus, adeo se
negligenter gessit, ut novaculam in corpus adigeret; verum illa motu & clamore
se vivam mox ostendebat; de aliquibus autem laqueo suspensis, qui pro
mortuis habiti fuerunt, & ope salis ammoniaci incolumitatem recepe-
runt, testantur oculati testes Pecklin. de aer. & alim. def. cap. 7. Guilliel-
mus Deerham in demonstratione de essentia & attributis Dei lib. 4. cap. 7. sub
num. 13. in notis. Itaque Lævinus Lemnius de occultis naturæ miraculis lib.
2. cap. 3. ita scribit: Quamobrem lege tantum esse convenit, ne libitarii,
ac vespillonæ prepropere quos mortuos existimant, extinctæque animæ speciem
præbere vident, loculo includant, eos præsertim, qui apoplexia, aut morbo co-
mitiali, uterique strangulatione suffocantur, cum in illis nonnunquam delite-
scat anima, quæ rursus corpus spiritu vitæque imbuat. Aliæ consimiles histo-
riæ legi possunt in *physica sacra* Joannis Jacobi Scheuchzeri in *notis ad cap. 9.*
Matthæi pag. 1341. Sunt hæc recentes, & inter recentes inseritur antiquis-
sima Asclepiadis, qui fuit coætanæ Mithridati, & reformator Medicinæ
in Urbe. Cum etenim, uti fuisse habetur apud Apulejum, hominem
habitum pro mortuo, & vespillonum manibus traditum observasset, ac
vitæ quædam indicia in eo superesse cognovisset, jussit eum domum refer-
ri, ubi ipsum recreavit, & adhibitis quibusdam medicamentis ita rem
pereggit, ut imperitæ plebi visus sit mortuum ad vitam revocasse. Itaque
Cel-

Cellus de medicina lib. 2. cap. 6. loquens de hac Asclepiadis cura ait: In vicino saepe quadam nota posita, non bonos, sed imperitos Medicos decipiunt, quod Asclepiades sciens, funeri obuius inclamauit, eum vivere qui efferebantur.

9 Hucusque adducta, & alia multa, quæ facili negotio afferri possent, plenissime evincunt, quanta cautione sit opus, ut recte pronuntietur, aliquem e morte ad vitam fuisse revocatum. Utque id ratione & via explicetur, ponamus, aliquem ab astantibus haberi pro mortuo, nullumque in eo respirationis signum apparere; ponamus aliquem ex astantibus ad Dei Servum, vel Beatum preces fundere, ut ille ad vitam revocetur; ponamus, eum post preces signa vitæ præferre, & sic quæri, an hæc fuerit vera resuscitatio. In hac quæstione, juxta regulas jam allatas, stricte quæri debet, an vera mors præcesserit: & hæc quæstio duplici modo resolvitur potest, vel habita tantum ratione temporis, quo homo in eo statu permanfit, vel habita ratione signorum, aut experimentorum, quæ adhibita fuerunt, ut constaret, an ille vere mortuus esset.

10 Si quæstio resolvenda est, habita tantum ratione temporis, quo æger in eo statu permanfit, in casibus repentinae mortis præscribitur in Rituali Romano, ne corpora sepulture tradantur, nisi post debitum temporis intervallum, ut nullus omnino de morte relinquantur dubitandi locus. Temporis autem prænitio non exprimitur in prædicto Rituali. Tribus diebus, totidemque noctibus Christi corpus in sepulcro jacuit, uti habetur *Matth. cap. 12. Cur autem tertia die resurrexerit, D. Thomas 3. part. quæst. 53. art. 2. elegantem assignat rationem: Resurrectio Christi necessaria fuit ad instructionem Fidei nostræ. Est autem Fides nostræ & de Divinitate, & Humanitate Christi; non enim sufficit, alterum sine altero credere. Et ideo ad hoc, quod confirmaretur Fides de veritate Divinitatis ipsius, oportuit, quod cito resurgeret, & ejus resurrectio non differretur usque ad finem mundi. Ad hoc autem, quod confirmaretur Fides de veritate Humanitatis, & mortis ejus, oportuit, moram esse inter mortem, & resurrectionem. Si enim statim post mortem resurrexisset, videri posset, quod ejus mors vera non fuerit, & per consequens nec resurrectio vera. Ad veritatem autem mortis Christi manifestandam sufficiebat, quod usque ad tertium diem ejus resurrectio differretur, quia non contingit, quin infra hoc tempus in homine, qui mortuus videtur, cum vivat, appareant aliqua indicia vitæ.*

11 Sed, ut a Theologicis ad physica transeamus, trium dierum spatium in his, qui sunt apoplectici, nonnulli requirunt, ut tutum de eorum morte ferri possit judicium. Ita Schenckius *observ. medic. lib. 1. de apoplexia, ad tit. Apoplexia qui mortui credabantur, reviviscentes, observ. 8. in fine*, ubi hæc habet: *Non est sepeliendus, nisi post tres dies; illo enim spatio moriuntur omnes corporis humores, & extra illud aut mortis, aut vitæ evidens demonstrabitur signum.* At alii censent, distinguendum esse casum a casu: vel etenim fermo est de apoplectico; & septuaginta duæ horæ necessariæ esse

330 DE SERVORUM DEI BEATIFICATIONE

esse videtur, ut tutum ferri possit de morte iudicium; ad apoplexiam autem revocantur suffocatio ex aqua, suffocatio ex laqueo, strangulatio ex fumo carbonum, suffocatio ex ebrietate, ex fulminis ictu, ex cerebri percussione, ex fumo mercurii, animi defectus ex peste: vel sermo est de syncope affectis, quæ distinguitur a lipothymia, & ab animi deliquio pro gravitatis ratione; in syncope enim omnes facultates concidunt, non una tantum, ut in animi deliquio; cumque forti syncope correptus longo tempore vivere non possit, tempus viginti quatuor horarum sufficiens erit, ut forti syncope affectus pro mortuo haberi debeat: vel denique sermo est de suffocatione ex utero, qui morbus mulieres afficit; & mensura eadem temporis in hoc morbo retinenda est, quam diximus observandam in apoplecticis, septuaginta videlicet duarum horarum, quæ modo modum bene prosequitur Zacchias *loc. cit. num. 28. & plurib. seqq.* & ex eo resumit Pignatellus *consult. 61. num. 10. & seqq. tom. 4.* At in syncope, & hysterici passionibus non modo quartum diem, sed septimum, & ultra esse expectandum, ut tutum de morte ferri possit iudicium, ostendere conatur Medina *de recta in Deum Fide lib. 2. cap. 7. pag. 55.* Est enim doctrissimorum Medicorum usu compertum, nonnumquam in quartum, nonnumquam in septimum diem huiusmodi languidos durare, neque, si rem exacte dispicias, aliquid obstat, quominus ampliori temporis spatio, quam septimum diebus, quis perduret, præsertim in syncope, & hysterici passionibus, quibus una cum tu & respiratione sensus & pulsus extinguuntur. Nam in attonito morbo, quem apoplexiam vocant, ubi, manente cordis calore, non potest sine respiratione consistere, aliud est iudicium. Sed a communi sententia superius exposita non videtur esse recedendum.

12. Hæc quoad tempus. Nunc ut de signis, & ceteris sermonem instituiamus, Hippocrates 2. *aphor. 43.* spumam in ore apparentem in quacumque suffocatione habet pro signo mortis. Galenus autem, & alii id habent pro signo sufficienti, sed non certissimo; alii exposcunt una cum illo inhibitionem respirationis, & alia symptomata exitialia. Facies livida, & nigricans, aut viridis indicium præbet certum caloris suffocati & extincti. In omnibus morbis, quibus ægri laborant, de quibus quaeritur, an mortui sint, oculos esse considerandos plerique docent: quamdiu enim homo vivit, oculi tantisper fulgere, & intuentium imaginem reddere solent: partium deinde, aut partis alicujus livorem, & cadaveris foetorem, qui ex ipsius jam pueredine ortum ducit, certissima esse mortis signa, communis est Scribentium opinio, uti videri potest apud Zacchiam *loc. cit. num. 55. & seqq.* & adheret Hoffmannus *tom. 25. cap. 1. pag. 34.* ubi ita scribit: In certissimis autem mortis signis incipiens corruptio habenda est; subijcitque Medina *loc. cit. pag. 53.* quia nulla natura creata in foetidum ex quatruiduana sepultura cadaver animam ab Inferis revocatam iterata vita poterat infundere, videntes Judæos Lazari suscitationem, quæ ceteris fuit illustrior, nec eam aulos referre ad magiam, aut naturæ, vel

Diabo-

Diaboli potestatem, statim, coacto concilio, de Christo occidendo deliberrasse; cum amplius nulla fucata ratione, nulloque mendacio imponere plebi possent.

13 Nonnulla circumferuntur experimenta, quorum ope creditur facile deprehendi posse, num æger mortuus sit. Admouetur ori jacentis floccus gossipii, seu lanæ tenuissime carptæ, aut accensa candela; item super ægri pectus imponitur cyathus aqua plenus; & ex quiete, vel motu gossipii, candelæ, aut aquæ dicitur dignosci, num homo vere mortuus sit, an vivat adhuc. Hollerius autem *lib. 1. practicarum cap. 59.* hæc experimenta tamquam minus tuta respuit, & parvi pendit. Alii speculum tersissimum ori admovent; quod si infici & obscurari vident, vivere adhuc ægotantem dicunt, sin minus, jam e vivis excessisse. Experientia hæc tutior ceteris dicitur, sed non tutissima. Tutissima autem appellatur illa, quæ fit post multa ægroti naribus adhibita ad excitandam sternutationem: si enim ille non sternuerit, omnium consensu pro mortuo judicatur, juxta ea quæ habentur apud Zacchiam *loc. cit. num. 54. & sub num. 55.* cui adhæret Hoffmannus loco pariter allato his verbis: *Sunt tamen certi mortis indices omnium membrorum frigiditas, & corporis gravitas, sique ad forte sternutatorium naribus admotum nulla sensatio conspiciatur, neque in cordis regione, aut in collo, ubi carotides sitæ sunt, vel minime quidem motus observetur, aut in speculo ori admoto nulla macula observetur.*

14 Verum materia hæc novissime ad examen revocata est ab Joanne Maria Lancisio. Inter cetera Opera ab eo edita celebre est illud de *subitaneis mortibus*, & in ejus *lib. 1. cap. 16.* postquam præmisit, hominem absque voce, & usu interiorum & exteriorum sensuum, & motuum a voluntate pendentium vitam aliquandiu protrahere posse, sed eam protrahere non posse sine sepulta, atque exili saltem respiratione, & cordis trepidatione, docet, respirationem sepultam *sternutatorii* acribus & vehementibus esse tentandam, ut vivens a mortuo distinguatur. Addit, non esse respuenda experimenta lanæ, candelæ accensæ, speculi, cyathi aqua pleni, quæ etiam profuisse asserit, ubi casus tulit. Sed his, & aliis pluribus ab eo ibi allatis putat locum esse debere, non quando præcessit invincibilis causa mortis, sed quando vincibilis tantum præcessit, uti videri potest *eod. cap. 16. num. 2.* Porro, ut *Medicus facilius judicet, an re vera quis vita functus fuerit, omnium primo necis causas exploret; quæ si existerint invincibiles, libere decernat... ægrum jam e vivis exemplum fuisse, cum vocem, respirationem, ac pulsum, brevi etiam si tempore, amiserit. Quod si contra causæ occurrant per se vincibiles, tunc acriori sensuum rationisque criterio sibi opus erit.* Adductis & approbatis a tanto viro libenter lubseribimus; & li aliquis scire cupit, quenam sint causæ invincibiles mortis, legere poterit *cap. 13. lib. 1. cit. oper. de subitaneis mortibus*, ubi omnia plane explanata inveniet.

332 DE SERVORUM DEI BEATIFICATIONE

15 In causa Canonizationis S. Thomæ de Villanova inter cetera miraculum discussum fuit refuscitationis duorum mortuorum. Existat relatio Rotæ Auditorum in ea causa exarata, & edita a Contelorio post *irratum de Canoniz. Sanctar. Rotæ* Auditores in hujus miraculi examine considerarunt, quæ contingerant in ægritudine; alia, quæ facta sunt, dum ægri habebantur pro mortuis; & demum cetera, quæ subsecuta fuerunt. Quæ præcesserant, profecto magna erant, sed non ita facile inter causas mortis invincibiles poterant referri: quocirca prudenter considerantur experimenta facta, dum habebantur pro mortuis, ut vere constaret, an mortui essent: cumque omnia experimenta mortem indicassent, pronuntiarunt, de temporis brevitate non esse curandum, quo pro mortuis habiti sunt: cum porro successerit pristina vita & incolumitas, invocato nomine Sancti Thomæ, non dubitarunt iidem Rotæ Auditores miraculum approbare, refuscitationem videlicet duorum jam mortuorum, ut ex eadem relatione colligi potest. Eorum autem judicium fuit comprobatum a sacrorum rituum Congregatione, uti desumitur ex serie Actorum prædictæ causæ Romæ edita occasione Canonizationis ipsius anno 1658. a Patre Andrea Aznar Ordinis Eremitarum S. Augustini pag. 35. Ex quibus profecto confirmantur, quæ superius dicta sunt.

16 Dum munereungebar Fidei Promotoris, inter cetera miracula, quæ discutienda proponebantur in causa tunc Venerabilis, nunc Beati Petri Forerii, primum erat duorum mortuorum ad vitam revocatorum. Res autem hoc modo se habuerat. Duo pueri, alter sex, alter quatuor annorum, ludebant circa currum onustum dolio octo vini mensuris pleno: cumque sic ludentes currum dimovissent, pars ejus posterior ipsorum, qui suppositi erant, colla & pectora oppressit. In eo infelici statu permanferunt spatio circiter trium horarum: cumque rhedarius ad currum reverterus non sufficeret tanto ponderi levando, ope aliorum implorata, pueri tandem fuerunt ab onere liberati; quorum corpora inventa sunt frigidissima, facies livide, lingua extra os protracta, spuma circa labia, & demum pectoris ossa contracta. Medicus, & Chirurgus pueris sine motu jacentibus pluries venas aperuerunt, sed ne una quidem cruoris guttula exivit. Involuta fuerunt eorum corpora linteis vino rubro, eoque calido madefactis, sed nullus prodiit motus vitalis. Aquæ, quas cordiales vocant, in eorum ora infuse nihil præstiterunt. Inutiliter quoque cessit remedium arietum excoriatorum, quorum pellibus corpora fuerunt involuta. Cumque mater capitibus eorum pileolum imposuisset, quo Servus Dei Petrus Forerius, dum viveret, usus fuerat, signa vitæ prodierunt, oculi aperti sunt, calor corporis, & rubor carnis redierunt, locuti sunt, surrexerunt; cumque vespere jam inclinaret, postmodum ejus diei cum parentibus gratias acturi ad ecclesiam perrexerunt, & sequenti die ad gymnasium, ut antea, nullo præcedentis ossium confractionis indicio remanente.

17 In meis animadversionibus dixi, mortem non esse probatam, cum Medicus, qui medicamina modo relata exhibuit, eos non mortuos, sed quasi mortuos dixisse mihi visus esset, & ceteri, qui de morte testabantur, non essent medicinae periti. Addidi, pueros fortasse fuisse apoplexia perculsos, & sic signa mortis potuisse apparere sine morte. & eo magis, cum spatium tantum trium horarum sub eo pondere permansissent: ac proinde morte evidenter non probata, cessare conclusi miraculum suscitationis. Joannes Maria Lancisius iussus ferre suum pro veritate suffragium, cum ipse quoque reputasset, Medicum non dixisse, pueros mortuos fuisse, sed veluti mortuos atque exanimis, professus est, se ei velle adherere, ceteris omiſſis testibus, qui eos interemptos existimaverant: miraculum tamen censuit approbandum, non tamquam mortuorum resuscitationem, sed tamquam evidentem a morte liberationem, habita potissimum ratione fortissimæ apoplexiæ, & suffocationis ad tres horas protractæ, inutilitatis medicamentorum, & celeritatis recuperatæ salutis. Adversus hæc Franciscus Soldatus adhuc vivens & Medicus primarius in Ven. archioſpitali Sanctissimi Salvatoris ad Sancta Sanctorum ejusdem Lancisii discipulus dissertationem exaravit, in qua, resumpta sui Magistri doctrina de certa morte dignoscenda potius per examen causarum quæ præcesserunt, quam per observationem signorum quæ secuta sunt, disruptionem vasorum cerebri intra cranium, & interdictum omnino ingressum & regressum aeris intra pulmones causas fuisse dixit invincibiles tum apoplexiæ, tum suffocationis, ex quibus certum deduxit de morte iudicium, quamvis privato vocis, respirationis, & pulsus duarum aut trium horarum spatium non excessisset. At nilioli fortasse fuit pro miraculi approbatione dissertatio Thomæ Montecatinii celebris in hisce causis Advocati, qui in sua elaborata scriptura, pervoluto processu, & consideratis singulis partibus longæ attestationis a Medico factæ, evidenter demonstravit, pueros habitos ab eo fuisse non tanquam semimortuos, sed uti vere mortuos: & sacrorum rituum Congregatio generalis habita coram Benedicto XIII. inter cetera miracula approbavit & illud revocationis ad vitam duorum puerorum tamquam miraculum in secundo genere, & sacrae Congregationis resolutio approbata fuit ab eodem summo Pontifice Benedicto XIII. die 6. Octobris 1729. Et quidem merito, cum inter miracula ad Memoriam S. Stephani a Deo patrata simile omnino referatur a S. Augustino lib. 22. de civit. Dei (cap. 8. num. 15. col. 669. tom. 7.): *Puerum quemdam parvulum, cum in area luderet, exoribitantes boves, qui vehiculum traherant, rursus obtinuerunt, & confestim palpitans exspirans. Hunc mater arreptum ad eandem Memoriam (S. Stephani videlicet Protomartyris) posuit, & non solum revixit, verum etiam illasus apparuit.*

18 De his, qui in puteum, vel flumen delapsi, & qui longo tempore sub aquis manserunt, & ab aquis extracti pro mortuis habiti, invocato aliquo Dei Servo, vel Beato, ad functiones vitales, & pristinam incolumitatem

334 DE SERVORUM DEI BEATIFICATIONE

tem statim revocati sunt, speciales urgent difficultates, an vere ad vitam revocati dici potuerint, quod est idem ac dicere, an ex longa mora sub aquis sufficienter eorum mors fuerit comprobata.

19 In bulla Canonizationis S. Hedwigis edita a summo Pontifice Clemente IV. inter cetera miracula ejus intercessione patrata refertur illud cujusdam pueri casu sortuito in amnem delapsi, & ad molendini rotam ita allisi, ut ea idcirco impedita fuerit, ne revolveretur. Præfides custodiæ molendini causam exquirentes, cur rota perstitisset, puerum invenerunt, cujus pedum extremitas serebatur super aquæ vorticem. Corpus sic erat ob rotæ magnitudinem compressum, ut in ea parte, qua venter dorso adhæret, redactum esset ad spissitudinem, uti loquitur bulla, palmæ manus. Testes, qui aderant, puerum mortuum proclamaverunt: sed, invocato Sanctæ nomine, ei vita reddita est, & suis pedibus postmodum mane ambulavit, nullo in eo remanente læisionis vestigio. Consimilia miracula leguntur in bulla Canonizationis S. Thomæ Herfordiensis, & in bulla Canonizationis S. Francisci de Sales. In causa autem Canonizationis S. Caroli Borromæi, cum puer quidam Papiensis filius Bernardini Ticonii lapsus esset in Ticinum aquis tumidum, & quarta horæ pars elapsa esset, antequam ei auxilium præstari potuisset, numquam demersus, sed tamquam leve corpus supernatans, non sine evidenti præsidio S. Caroli, qui fuit invocatus, & qui etiam apparuisse dicebatur, liber a periculo evasit. De hoc miraculo actum est a Rotæ Auditoribus in relatione, quam in ea causa ediderunt; & approbatum fuit, non tamquam miraculum resurrectionis, sed tamquam miraculum liberationis ab evidenti mortis periculo. Concordat bulla Canonizationis ejusdem Sancti edita a summo Pontifice Paulo V. Item, dumungebar munere Fidei Promotoris, in causa S. Stanislai Novitii Societatis Jesu inter cetera, quæ fuerunt discussa miracula, tria proposita fuerunt trium puerorum suffocatorum in puteo, stagno, & flumine, qui revocati ad vitam dicebantur intercessione ejus Sancti, de quibus infra. Addi possunt miracula similia relata in vita S. Hyacinthi conscripta a Fratre Severino Cracoviensi lib. 2. cap. 33. & cap. 34. & cap. 46. & cap. 57. & apud Justum Lipsum de Virgine Helenæ cap. 18. & cap. 28.

20 Michael Angelus Lupius inter edita ab eo opuscula, dum erat Fidei Subpromotor, unum edidit Romæ impressum anno 1670. de tempore, quo quis sub aquis manere potest, & non mori; & in præfatione proficitur, se illud edere, ut justum ferri possit judicium in causis Beatificationis & Canonizationis, cum in iis contingit ut disputeretur de prolapsis in aquas, & qui longo tempore sub eis manserunt, quique extracti, & habiti pro mortuis per miraculum ad vitam revocati dicuntur, invocato aliquo Dei Servo, vel Beato. Putat autem, hæc miraculis non esse adscribenda, si submersi naturaliter potuerunt vivere sub aquis toto tempore, quo sub illis permanferunt, licet ab aquis extracti habiti fuerint pro mortuis, cum semimortui potius dici debuerint; deficiente quippe probatione mortis præcedentis, ipsorum revocatio ad vitales functiones numquam habenda est pro resurrectione.

21 Porro in opusculo Lapius, multis allatis exemplis, & præcipue eorum, qui margaritas & gemmas in mari piscantur, contendit, impossibile non esse, hominem longo tempore naturaliter sub aquis vivere, licet sub aquis respirare non possit: *Onde mossi da simile esperienza molti letterati di grand' ingegno hanno creduto, non esser fuori de' limiti della naturalezza il vivere certi uomini lungo tempo sot'acqua senza respirare.* Addit, syncope, apoplexia, & consimilibus morbis affectos longo tempore vivere absque respiratione, allato inter cetera exemplo summi Pontificis Innocentii VIII. qui duobus ante obitum annis vehementi syncope correptus spatio viginti duarum horarum perstitit immobilis absque ullo signo pulsus & respirationis; at redivivus apparuit, cum Cardinales agere coepissent de Successore eligendo. Cumque verisimile admodum sit, jacentes sub aquis apoplexia, aut syncope affici, hinc infert Lapius, sicuti longo tempore quis extra aquas vivere naturaliter potest sine respiratione, ita hoc ipsum contingere posse in eo, qui aquis mergitur: *Or dunque potendosi vivere sopr'acqua tanto tempo senza respirare, perchè non se potrà fare il medesimo sot'acqua, se chi vi cade, sia soprapreso da simile accidente?* Dissertationem autem hanc Lapii refellit & impugnât Pignatellus *consult. 57. tom. 4.* ubi probare conatur, hominem, statim ac in aquam mergitur, necessario suffocari & mori, cum aere & respiratione juvari non possit: quod absque dubio contingere affirmat, si lapsus in aquas fuerit natandi imperitus, & diu manserit sub eis, uti videri potest in ea consultatione a num. 6. usque ad num. 10.

22 Antequam ad quaesiti resolutionem veniamus, præmittendum est, vitam dari non posse sine respiratione, nec respirationem sine vita, & spirationem & vitam reciprocari, cum, spirantem non vivere, aut viventem non spirare, sit impossibile, juxta ea quæ habentur apud Zacchiam *cit. lib. 4. tit. 1. qu. 11. n. 41. & plurib. seqq.* Quare Hippocrates de flatibus ait (*text. 15. & 16. pag. 38. edit. Paris 1557.*): *Mortalibus autem vita, (nempe aer) & morborum agrotis felix is est auctor.* Tantaque omnibus corporibus spiritus necessitas extat, ut siquidem omnibus aliis abstineat homo, neque cibum sumat, neque potum; possit tamen dies duos, vel tres, & plures ducere. Si cui vero spiritus in corpus via interceptantur, in brevi parte unius diei intereat, ut vel hinc quanto usus spiritus corpori sit, liceat asstimare. Amplius autem ab omnibus operibus aliquand: immunes quiescunt homines: multa etiam sunt mutationes in vita, verum ab hoc opere nulla omnibus mortalibus animantibus requies contingit, ut cesset spiritum adducere, ac rursus reddere: quem Hippocratis textum refert Robertus Boyle in suis novis experimentis physico-mechanicis pag. 133.

23 Antequam Marcellus Malpighius toto orbe celeberrimus, & Academiæ Bononiensis decus atque ornamentum, quem ego peculiari colui observantia, dum Romæ Archiater esset summi Pontificis Innocentii XII. structuram pulmonum scrutatus esset, multa inutilia & improbabilia de usu respirationis a Medicis, & a Philosophis dicebantur. At pulmonum usum recentiores Anatomici felicius subinde explicarunt. Willis in phar-

macut.

336 DE SERVORUM DEI BEATIFICATIONE

*maceut. oper. Medic. tom. 2. part. 2. sect. 1. cap. 2. §. 2. hæc habet: Cum prae-
cipua pulmonum functio & usus fuerint sanguinem, & aerem per totas partium
compages, intusque recessus, atque ductus quosque minutissimos traducere, &
ubique invicem committere, in eum nempe finem, ut sanguis venosus a circuitu
reducat, & chymo recenti dilutus . . . tum perfectius misceatur, & velut subiga-
tur, tum porissimum ut secundum omnes suas partes ab aere nitroso de novo accen-
datur. Aliter res explicatur a Truſton de respirationis usu pag. 60. & 63.
Putat enim, usum principalem respirationis consistere in motu, & in
efficientia transitus sanguinis a ventriculo dextro ad ventriculum sinistram
cordis; subjicitque, laqueo suspensos, & aquis immersos cito mori ob im-
peditam sanguinis circulationem. Etmullerus *dissert. 2. cap. 10. §. 1. & §. 16.*
tuse exponit usum respirationis, ad oliactum videlicet, ad sputum, & ad
plures alios ab eo recensitos effectus; sed, cum recte videat, eos usum dun-
taxat ad bonam valetudinem animalis, non autem simpliciter & absolute
ad vitam pertinere, respirationem autem omnino ad vivendum neces-
sariam esse, ait principalem usum respirationis consistere in transitu
sanguinis intra pulmones, qui ad eos a corde transmittitur. Quæ omnia
exponuntur etiam in opere Guillelmi Deerham de *essentia & attributis Dei*
*lib. 4. cap. 7.**

24 Interclusa ergo & impedita respiratione, animal moritur, sive ob
causam a Willis allatam, sive ob aliam a Truſton excogitatam; sed mors
non ita statim sequitur, cum inter vitam, & mortem pauca minuta inter-
cedant, uti scite explicat Alfonso Borellus in libro de *motu animalium* (in
Biblioth. anat. tom. 2.) part. 2. preposit. 112. cui titulus, *Aer per respirationem*
receptus est causa potissima animalium; & rursus *preposit. 124.* cui titulus, *Qua-*
re, & quomodo aqua in pulmonibus immissa, animalia suffocat, pag. 973. his ver-
bis: Verum tamen est, quod demersis sub aqua non subito extinguuntur vita (sicuti
contingit in Vacuo Torricelliano) nam aqua agre & tarde insinuari potest in fistu-
las subtilissimas, & in vesiculas pulmonum, ut in fistulis vitreis experimur; &
ideo aer diu permanens in illis spaciatus potest vicissim ampliari, & restringi a mo-
tu thoracis, & sic permittet transitum, & elucrationem sanguinis parco & diffi-
cili cursu, quasi exsudando (Hoc autem est, quod dicitur ab aliis Auctori-
bus transpiratio in supplementum respirationis.) Id ipsum in suffocatis, &
strangulatis contingit, cujus periodus talis est. Restricto jugulo, obturato, vel re-
pleto, immediate molestissimus angor a thorace exoritur, a quo miris modis agi-
tantur & concutuntur spiritus, & proinde micibus convulsivis musculi agitan-
tur, & hinc motus sensitives conturbantur, & deinceps torpidi redduntur, nec
amplius dolores sentiunt, licet perseverent motus convulsivi. . . . tandem post pau-
ca minuta boraria prorsus extinguuntur.

25 Concordant, quæ leguntur apud Boyle in *Opere vario* pag. 145. ubi,
postquam retulit, impossibile non videri, quosdam homines usu & con-
suetudine ita assuefieri, ut aere aliquandiu carere valeant, & sic permane-
re diutius sub aqua, exemplo allato eorum, qui in India Occidentali ad
quæ-

quærendas margaritas aqua immerguntur, & totam horam sub aqua perdurare dicuntur; itemque exemplo cujusdam Colani Siciliæ urinatoris, qui tres aut quatuor horas, teste Cardano, nisi nobis imponere voluit, sub aqua permanebat, & cujusdam viri Angli, qui descendens ad imum fundum Thamefis ex profundis riparum foraminibus magnos vividosque pisces manibus suis eruere solebat; subjicit, paucos esse, qui ultra duo minuta absque respiratione sub aquis vivere possint: *Pauci sunt admodum, qui, tametsi paulatim assuefiant, multa minuta aeris indigentiam sustinere valeant; adeo ut peringeniosus quidam & pernotus mihi vir, qui utili ista præpoller: scientia, qua merces, ipsasque bombardas ex demersis navibus dedit evellere, cum eum rogarem, quamdiu ad aliundem quinquaginta, vel sexaginta pedum sub aqua sine respirationis usu perdurare posset, mihi sciretur, non potuisse se ultra duo minuta sustinere, nisi ad aerem se contulerit, quem secum portabat in machina quadam . . . Aliud quiddam, experiendo, ab illo didici non contemnendum. Interrogatus enim, an ore suo spongiarum aliquas parvas oleo imbruas manducasse usui ei esset, cum totus aqua immergeretur, & a machina ipsius disjaret, respondit mihi, harum spongiarum ope, quam sine eis, se solita respirationis carentiam multo diutius sustinere potuisse: quod ipsum repetit in defens. contra Fratrem Linnæum pag. 67. Aque meminî, cum ex præposito sciscitarer virum (cui solemne erat aquam subire machina adminiculo, in qua reconditum aerem secum ad maris fundum deferre poterat) quamdiu posset subsistere, priusquam urinationi erat assuetus, absque respiratione, spongiarum usu, ipsum respondisse, in principio durare se singula vice per duo aut tria circiter minuta potuisse. quod mihi suggererat opinionem, posse urinatores eo reduci, ut sub aqua tamdiu durent vel a peculiariter apta corporis fabrica, vel ab exercitio graduâli. Et proclivis sum credere, ipsum, ut solent homines, de duobus tribusve minutis loquentem intelligere illud, quod est multo re vera brevius tempus, quam ea valent, si exacte mensurentur.*

26 Ex quibus proinde inferitur, fabulosâ omnino esse, quæ narrantur ab Alexandro de Benedictis lib. 10. cap. 9. de quodam, qui lapsus in aquas, & suffocatus, post horas quadraginta & octo vitales functiones recuperavit; nisi id ita intelligatur, ut extractus subito ab aquis per totum dictum tempus sensibili respiratione caruerit. Ad fabularum quoque classem rejicienda sunt cetera, quæ de Innocentio VIII. referuntur, & etiam de Julio II. Romano Pontifice, qui sine respiratione vixisse dicitur duobus diebus. Utenim Philosophi, & Medici ab Episcopo Patavino consulti responderunt, id adscribendum est imperitiæ eorum, qui ægrotois assabant; putabant enim eos nullo pacto respirare, quod insensibili modo respirarent. Quod recte explicat Stalpartius in observat. medic. anatomic. Duplex est respiratio; visibilis altera, quæ simul pectus movetur, quæque ideo multum requirit aeris; minus visibilis altera, cui aer intra os & fauces existens sufficit: qui ultimus respirationis modus minus a musculis pectoralibus dependet &c. Hinc Scherbinus optime, quosdam esse, qui sine respiratione, id est, visibili pectoris motu, non tamen absque ipsius respirationis usu vivunt, dixit.

338 DE SERVORUM DEI BEATIFICATIONE

27 Si ergo per duo aut tria minuta potest cohiberi respiratio, & homines naturaliter toto hoc tempore aquis immerſi vivere poſſunt, prima facie concludendum eſſe videtur, longioris temporis moram ſub aquis, puta quatuor aut quinque minutorum, aptum præbere poſſe fundamentum, ut tuto aſſeratur, extractos ab aquis abſque ullo ſigno vitæ, ſi, ſuſis ad aliquem Dei Servum, Beatum, aut Sanctum precibus, ad vitales functiones revocentur, & incolumes ſaniquè reddantur, a morte ad vitam revocatos, & ſic reſuſcitatos dici debere.

28 At adverſus hoc nova ſuboritur difficultas ducta ex foramine ovali. Sciendum etenim eſt, juxta Anatomicos dum foetus manet in utero matris, nec respirare poteſt, duos ad eſſe tranſitus ad ſanguinis tranſmiſſionem, abſque eo quod per pulmones deſeratur; foetu autem nato, cum reſpiratione incipiat indigere, duos hos tranſitus claudi, quorum alter quaſi deletur, alter fit quoddam ligamentum. Cum autem in pueris, ſeu infantibus tenella admodum fibrarum textura prædiſis hujusmodi vaſa & foramina fere ad quinquennium ſerventur aperta, uti videri poteſt apud Mart. Fogellium in *miſcell. nat. cur.* anno 1675. 1676. *obſervat.* 125. pag. 162. & apud Bonetum *anat. præſt. lib. 2. ſect. 2. obſervat.* 168. in *app.* & periti Urinatores ab incunabulis per habitum trahendæ moræ ſub aquis aperta ſemper diverticula illa ſanguinis ſibi conſervent, juxta ea quæ habentur apud Thomam Cornelium *progymn. 7. de vitæ pag.* 133. hinc apparet, ex longiori mora ſub aquis ultra tria minuta efficaci & abſolutum mortis argumentum nullatenus poſſe deſumi. Ad foramen ovale apertum reſerri conſuevit, quod quotidie videmus; luras, caſtores, anates, & cetera amphibia animalia diutiſſime ſub aquis vivere ſine reſpiratione; & Anatomici Pariſienſes pag. 124. teſtantur, ſe in vitulo marino apertum deprehendiſſe foramen ovale, ob quam rem diutius vivit ſub aquis. At Cheſelden apud Deerham *cit. lib. 4. cap. 6.* putat, foramen ovale non eſſe in amphibiiis apertum, ſed ductum arteriacum remanere in eis apertum, & ob vicinas venas, quæ coronariæ dicuntur, foramini ovali, ambiguitatem irrepiſſe foraminis ovalis in amphibiiis aperti. Utcumque tamen ſit de his, quæ ad ſubtiliorem pertinent anatomen, Joannes Maria Lanciſius in ſuffragio quod edidit pro veritate in cauſa Sancti Stanislai Novitii Societatis Jeſu, cenſuit, non conſtare de reſuſcitatione duorum infantium, licet merſorum ſub aquis, ob probabilitatem dehiſcentis adhuc foraminis ovalis, quod teſtatur eſſe ſe deprehendiſſe ſæpiſſime in puerorum cadaveribus. Idem contra in eadem cauſa cenſuit, conſtare de reſuſcitatione tertii in flumen delapſi, & merſi ſub aquis longo tempore, & in juvenili ætate conſtituti. At ſacra Congregatio nullum ex propoſitis prædictis miraculis approbavit, cum evidentes rei deſicerent probationes, de quibus Lanciſius vocatus ad judicium ſerendum tamquam Phyſicus ſollicitus eſſe non debebat, nec poterat, demandata videlicet ipſi opera videndi & examinandi, num, poſito tali factò, res naturalis eſſet, an ſupra naturam.

Verum

Verum omitti non potest, quod ex recentiorum Anatomicorum observationibus compertum habemus, ovalis foraminis aperturam, neque eam rarissime, in adultis cujuscumque ætatis ac sexus inveniri. Morgagnus in suis *Adversariis anatomicis* primis & quintis Patavii anno 1719. editis, & in epistola, quæ num. 15. extat inter eas, quas ad scripta Valsalvæ pertinentes anno 1740. evulgavit, testatur, se in adultis foramen ovale modo magis, modo minus apertum sæpissime vidisse: quinimmo hodie hujusmodi observatio cunctis familiaris est, qui in cadaveribus secandis versantur.

29 Ut itaque tutum ferri possit judicium de resuscitatione eorum, qui aquis demersi sunt, nonnulla videntur adnotanda, quæ demersionem præcelsent; nonnulla, quæ demersionem ipsam respiciunt; & nonnulla, quæ demersionem sequuntur. Inter ea, quæ præcedunt, non solum advertenda præcipue esse videtur ætas ejus qui mergitur, sed etiam reputandum, an ille, qui mergitur, consuetudinem & peritiam habuerit se in aquas projiciendi, & innatandi, cum ætas & consuetudo ex modo dictis non parum prodesse possint, ut idem longiori tempore absque respiratione naturaliter vivere poruerit sub aquis. Inter ea quæ demersionem ipsam respiciunt, considerandum est, utrum qui ab aquis extrahitur, inventus fuerit sub aquis, an super aquas: si enim inventus sit super aquas, licet inventus sit absque ullo signo respirationis, id argumento est, eum vivere, cum corpora recens submerforum fundum petant, ita ut aquis suffocati moriantur, atque illinc non nisi elapsis fere quatuor, quinque, septem, aut octo diebus, tumida jam & fracidia emergere, atque ionnatare soleant, quemadmodum habetur apud Thomam Bartholinum in *Ass. medic. tom. 4. num. 42. pag. 140.* & apud Lævinum Lemnium de *miraculis occultis naturæ lib. 2. cap. 6.* ubi docet, quando corpus totum aqua repletur, & ejus pondere gravatur, sursum eniri non posse, cum nihil aeris in se contineat. & omnis spiritus per aquæ gurgitem evanuerit; cum autem intra septimi, aut noni diei spatium corpus disfluat, solvatur, ac tabescat, ait, illud, attenuata carne, fluidum effici, & pulmonem spongix instar fistulosum, concepto copioso aere, cadaver subducere, & auræ restituere. Nec ullo modo omitti potest stricta indago temporis, quo mersus perlitit sub aquis; quæ indago non alio modo expleri posse videtur, quam per testes, qui viderint illum certo tempore in aquas labentem, sub aquis mersum, nec toto eo tempore caput supra aquas elewantem, & tandem alio tempore ab aquis extractum. Demum quoad ea, quæ demersionem secuta sunt, plura sunt advertenda. Primum, an extractus ab aquis pedibus suspensus fuerit, ut aquam evomeret: si enim ita factum sit, & aqua ejecta, convaluerit, nec ulla invincibilis causa mortis præcelsit, omnia naturaliter cessisse dicenda sunt, quemadmodum innuunt Alexander de Benedictis de *cirandis morbis lib. 7. cap. 3. vers. Si quis admoneat*, & Joannes Baptista Codronch. in *opusculo de submersis in aqua pag. 331. Qui aqua immergi extincta anima speciem præbent, protinus pedibus suspendi debent.* Quod

si pedibus suspensi aquam non evomant, non statim dicendum est, eos mortuos esse, cum in ipsa immersione potuerint affici apoplexia, aut syncope, & aquam non bibere: quare in *miscellantis Nat. Cur. decur. 2. anno 1689. observat. 186. pag. 480.* casus refertur cujusdam pueri, qui ob cerevisiæ potum temulentus in flumen prolapsus, tum ab eo extractus, & convulsio- nis motibus diu maleque vexatus, aquam cum non hausisset, convalescens non evomuit. Medici Patavini ad consilium ab Episcopo vocati in memo- rata Causa, seu miraculorum examine censuerunt, pueros ruina domus oppressos fortasse non fuisse mortuos, sed repentina apoplexia, syncope, aut *convulsiva* quadam præfocatione affectos, ob quam rem ab imperitis pro mortuis habiti sunt. In quibus proinde circumstantiis refumi debent, quæ a Nobis superius dicta sunt tum quoad tempus, tum quoad signa, quæ non sunt omitenda, cum agitur de affectis apoplexia, vel syncope; ita ta- men, ut quoad submersos temporis initium non sit desumendum ab eo mo- mento, quo sunt ab aquis extracti, sed ab eo, quo in aquas lapsi sunt; & quemadmodum, dum ageretur de aliis extra aquas exsistentibus apoplexia vel syncope affectis, diximus, tempori & signis necessario locum esse non debere, cum invincibilis præcessit causa mortis; ita hoc ipsum dicimus, loquendo de submersis, videlicet non esse necessario quaerendum de tem- pore aut de signis, si invincibilis adsit causa mortis, puta si corpus ita re- periat contractum, ut de morte non sit dubitandum, quemadmodum contigit in casu supra relato miraculi approbati in causa Sanctæ Hedvigi- sis. Hæ regulæ nobis observandæ videntur, ut tutum feratur judicium de revocatione ad vitam eorum, qui sub aquis merisi sunt; quas tamen judi- cio sacræ Congregationis rituum libenter submittimus. Quod si dicatur, non constare de tempore, de experimentis adhibitis, aut de invincibili causa mortis in omnibus mortuis, qui in sacra Scriptura resuscitati dicun- tur (solum etenim exemplum Lazari est, cujus cadaver foetebat, in reli- quis vero nullus de putore, sed tantum de præcedentis morbi gravitate, & subsecuta cessatione vitalium motuum sermo habetur) respondetur, e- videntiam mortis stare testimonio Divino, quatenus res sit cum iis, qui cre- dunt Scripturæ & Evangelio; & si res sit cum aliis, qui nec veteri, nec novo credunt Testamento, ex ceteris supra relatis, & potissimum a Me- dina sumptis satis colligi. Quod si addatur, ne de iis quidem constare in ceteris mortuis, qui resuscitati dicuntur intercessione Servorum Dei, qui in album Beatorum, aut Sanctorum relati sunt; reponitur, nec constare de opposito, & credendum esse, in re tanti momenti omnes adhibitas fuisse diligentias, de quibus docere non licet quod Acta perierint, si potis- simum de causis antiquis loquamur; sanctæ autem Sedis disciplinam esse maximis laudibus cumulandam, si quasdam novas adhibeat diligentias, quæ olim non fuerunt adhibitæ, ut obstruatur os loquentium iniqua. Quam- obrem optime Franciscus Horantius de locis Catholicis sacra Scriptura, & antiquorum Patrum lib. 4. cap. 13. pag. 164. ait: Jam olim Ecclesiastici Patres, & Pon-

ET BEATOR. CANONIZ. LIB. IV. PAR. I. CAP. XXI. 341

Et Pontifices uique noverunt Scripturas, quibus dicitur: Qui cito credit, levis est corde: Non omni verbo credas: Innocens omni verbo credit: Nolite omni spiritui credere, sed probate spiritus, si ex Deo sint: Angelus Satana sese transfigurat in Angelum lucis. Quare omnibus modis est præsumentum, eosdem Patres in celebrandis quorumlibet Sanctorum memoriis nihil semere aut instituisse, aut admisisse, sed maiura deliberatione prehabita, & diligenti examinatione satis commode pramissa, confisos Divino adjutorio, quod videbatur pro devotione Fidelis populi amplianda, statuisse.

30 Quæres, an, ut constat, aliquem fuisse miraculo ad vitam revocatum, debeat longo tempore postea vivere. Lazarus frater Magdalene a Christo resuscitatus supervixit usque ad annum nonagesimum secundum, aut nonagesimum quartum; verisimile autem est, eum fuisse annorum circiter triginta, cum est a Christo Domino ad vitam revocatus, uti habetur apud Natalem Alexandrum *differt. 17. sæculi 1. proposit. 1. in respons. ad secundam objectionem.* Puella ad vitam revocata a S. Raymundo de Penafort supervixit decem & quatuor annis; quod ad veritatem resurrectionis refertur a Penia in ejus *vita lib. 2. cap. 38.* At hoc perpetuum esse non potest: si enim aliquis ad vitam fuit revocatus, ut Baptismum reciperet, vel ut Confessionem suorum peccatorum expleret, nullum inferretur præjudicium veritati resurrectionis, si statim post Baptismum, aut Confessionem iterum moreretur. Celebre est exemplum resurrectionis Pauli de Maximis intercedente S. Philippo Nerio, de qua hæc habentur in 3. *part. relationis editæ ab Auditoribus Rotæ: Paulum filium Fabricii de Maximis jam defunctum, antequam sepultura traderetur, Philippus proprio nomine vocans suscitavit, & ejus audita Confessione, interrogavit, an libenter moreretur. Annuit ille mori cupiens; & statim Servi Dei imperio iterum obdormivit in Domino.* Cavendum tamen est a momentanea suscitatione, cum hæc nullo negotio phantastica esse possit, quemadmodum sapienter monet Medina *loc. cit. pag. 54. Vera hominis suscitatio, ne videatur phantastica, non uno temporis momento, sed notabili spatio, vita donatur: quod in Evangelicis resurrectionibus licet attendere.*

31 Item quæri potest, quo in loco permaneant animæ illæ, quæ per mortem a corpore separantur, antequam iterum in resurrectione redeant ad corpus, quod deseruerunt. In vita S. Bernardi Abbatis *lib. 7. excerpta ex libro, cui titulus, Exordium magnum Cisterciense, dist. 2. cap. 19.* post opera S. Bernardi editionis Mabillonæ, factum exponitur cujusdam impij & blasphemij, qui retro corruens supinus, cervice collissa, spiritum exhalavit, & quem sanctus Pater in nomine Domini surgere jussit, mirantibus omnibus, qui erant præsentibus. Additur in eodem *lib. 7. c. 19.* ab adstantibus interrogatum, utrum mortuus esset, respondisse: *Mortuus, inquit, eram, & sententiam damnationis acceperam; ac, nisi Abbas sanctus festinasset currere, eram ad Inferna duendus.* Theologi autem docent, Deum, ex prævisis precibus alicujus Sancti pro aliquo ad Infernum da-

342 DE SERVORUM DEI BEATIFICATIONE

damnando effundendis, æternæ damnationis sententiam suspendere, & in Inferno animam illius retinere, mox eam ad corpus infundendum iterum transmittere, ut homo ad vitam revocatus post poenitentiam peractam æterna salute donetur. Doctrina hæc est D. Thomæ in 1. *sent. dist. 43. quest. 2. art. 2. ad quintum*, ubi, posito facto; quod tamen ipse non admittit, de anima Trajani liberata precibus S. Gregorii M. ab Inferis, sic ait: *Idem est de Trajano, qui forte post trecentos annos suscitatus est, & de aliis, qui post unum diem suscitati sunt: de omnibus enim dicendum est, quod non finaliter damnati erant. Præstiebat enim Deus, eos Sanctorum precibus a poenis liberandos, & vite restituendos: quod ipsum repetit dist. 45. quest. 2. art. 2. questiuic. 1. ad quintum, & de Veritate quest. 6. art. 6. ad quartum*. Idem dicendum est de damnatis ad poenas Purgatorii; & sic quesito proposito responderi potest, animas vel in Inferno, vel in Purgatorio detineri tempore, quo remanent a corpore separatæ; & per resuscitationem ad corpus redire, quod non essent damnatæ Decreto absoluto. Sotus in 4. *sent. dist. 45. quest. 1. art. 4.* late ostendit, nullum fuisse resuscitatum, cujus felix anima cælestem paradysum inhabitaret, ne per aliquod tempus beatitudo cessasse dicenda sit: neminem quoque fuisse resuscitatum, qui in Inferno esset, ne ejus poena suspenderetur; quod tamen intelligendum est de damnatis Decreto absoluto: omnes denique ad vitam revocatos salutem æternam deinde esse consecutos, cum Deus resuscitationis beneficium in detrimentum sempiternæ salutis non conferat, uti fuisse apud eum legi potest.

32 In hoc capite nonnulla dicta sunt de necessitate respirationis ut animal vivat, de tempore quo vivere potest sine respiratione, & de foramine ovali; sed de his iterum habebitur sermo, cum tractabitur de miraculis negativis, & de liberatione ab imminente mortis periculo.

33 Dum hæc scribimus, ad manus nostras delatum est Compendium processus miraculosæ resurrectionis a morte, quæ annis præteritis contigit in Xanti provincia Imperii Sinarum cujusdam Sinenſis, qui in extremis constitutus, cum Baptismum postulasset, antequam eum recipere posset, mortuus est, sed deinde revixit, receptoque Baptismo, post mensem iterum mortuus est. Gentilis enim ille magni peccati reus erat in conspectu Domini, cum recte valens, & sæpius admonitus, centies potuisset recipere Baptismum, & eum ad obitum differre voluisset. Quare Sanctus Basilus homil. 13. in sanctum Baptisma oper. tom. 2. pag. 119. scribit: *Quid expectas, ut beneficio febris, & munere Baptisma accipias, quando neque salutaria verba proferre poteris, neque forte tibi clare audire licebit, morbo caput ipsum occupante, non manus ad celum atollere, non in pedes erigi, non genua flectere ad adorandum, non commode doceri, non diligenter confiteri, non pacifici cum Deo, non inimico renuntiare, neque forte in recipiendis initiamentis rem scienter presequi, cum dubites qui adſint, utrum senseris gratiam, an sine sensu, quæ aguntur accipias?*

34 Pro-

34 Processus transmissus fuit ad sacram Congregationem de Propaganda Fide ab Episcopo Effectiensi Vicario Apostolico in provincia Kenxi, cujus hoc Compendium est: Pater ille misericordiarum, qui omnipotentiam suam parcendo maxime & miserando manifestat, qui non vult mortem peccatoris, sed magis ut convertatur & vivat, nostris hisce temporibus mirabiles huius sine misericordia ac omnipotentia effectus speciali quodam modo palam facere dignatus est. In pago nempe Kulo dicto, sitoque in provincia Kenxi sub ditione civitatis Ping-ian Fu a civitate Kung-Tung hinc quadraginta stadia Sinica distans, vir quidam cognomine Ly, nomine autem Fun hic sexaginta annorum etatis domicilium habebat. Vir iste, dum sanitatis plenitudine gauderet, a parentibus suis Christianis per sepe increpabatur, quia, via veritatis neglecta, in semitis Diaboli gressus suos dirigebat, cupiebatque potius in umbra mortis sedere, quam sequi illum, qui dicit: Qui sequitur me, non ambulat in tenebris; simulque hortabatur illum, ut, relicto idolorum cultu, veram ac sanctam Dei fidem amplecteretur. At ille, relictiis piis parentum suorum exhortationibus, se in idolorum religione usque ad extremum vitam fore permansurum, iterum atque iterum testatus est. Tandem, Deo sic disponente, in gravissimam incidit infirmitatem; fauces namque ipsius taliter constrictae erant, ut nulla vi nullaque modo cibum glutire valeret: & cum per sexdecim dies in miserando hoc statu perseveraret, cibique sanctis ipsius omni tempore haberet, ad ultimum vitam suam diem pervenit. Cum igitur se ipsum morti proximam conspiceret, ac Deus interius cor illius tangeret, qui exterius per infirmitatis languores eiusdem corpus cruciabat, vitam veritatis agnovit, ac sacri Baptismatis lavacrum ardenti studio petivit. At vero Deus, qui omnipotentia ac misericordia sua magnitudinem in illo ostendere decreverat, permisit, ut ante Baptismatis receptionem ex hac vita discederet, morsque illius die 26. undecima luna, hoc est 21. Decembris anni elapsi 1734. hora in serotina successit. Fun hic nepotem quamdam habebat trium aonorum etatis, qui pusillidarum languebat infirmitate: cumque morbus ipsius magnopere ingravesceret, ac morti proxima ab omnibus conspiceretur, ut aeterna Veritatis beatitudine frui posses, Christianus quidam sacrum Baptisma illi contulit, atque Luciam appellavit; quo suscepto, extremum vitam spiritum felicissime edidit die 27. eiusdem, hoc est 22. Decembris hora quarta matutina. Die igitur 28. eiusdem luna, scilicet 23. Decembris in ipso fere meridiei tempore Fun hic, qui iam in feretro mortuus jacebat, parentesque ipsius super eiusdem amissione fletum (ut moris est) faciebant, continuo revixit, atque linguam suam in hac verba dissolvit: Cito conferte mihi Baptismum; volo enim amplecti sanctam Dei Legem. Cumque interrogaretur super tam festino ardentiisque suscipiendi Baptismum desiderio, hoc modo respondit: Postquam oculos clausi, atque ex hac vita discessi, ad locum quemdam perveni, ubi, cum ingredi non possem, nescio qua vi compulsum, eram in Infernum descensusus. Verum mihi descendenti juvenis quidam, qui lanceam manu tenebat, se obviam fecit, mihiq; aditum ad Inferos intercludendo, dixit: Qua de causa sanctam Dei Legem amplecti reculas? Ego tremebundus respondi: Quia orationes ignoro, ipsaque memo-

riter

344 DE SERVORUM DEI BEATIFICATIONE

riter pronuntiare non valeo. *At juvenis ille reposuit*: Difficile ne est, Dei, ac Virginis Mariæ nomina invocare, atque auxilium ab ipsis petere, ne umquam gravi scelere constringaris? Nunc igitur scito, Deum permittere, ut demum revivifcas, ac, sacrosancto Baptismatis lavacro suscepto, firmissimam indubiamque gentibus fidem facias, neminem posse salvari, nisi prius sacrum Baptisma recipiat. *Post hæc viri illi, qui ad rem hanc vere admirabilem videndam sine numero convenerant, curiose efflagitantes ab illo, quid esset de nepte sua, de qua ante mortem nil prorsus sciebat. Ille vero protinus respondit, neptem suam Luciam in calum jam ascendisse, Deoque proximam esse. Qui, cum iterum interrogatus esset, cur ipse post mortem in calum non ascendisset, respondit: Quia nondum Baptismum receperam; impossibile enim est, in cælum ascendere, non recepto Baptismate. His ergo auditis ac visis, Caput Christianorum illius pagi, cognomine Kao, sancto nomine Jacobus, Contritionis natura ac necessitate mortui revivifcenti explicata, ob timorem (inquit ipse) ne rursus sine Baptismo ex hac vita discederet, ipsum indiscreta promptitudine baptizavit, ac illi Petri nomen imposuit. Hac sacra functione peracta, idem Christianorum Caput Petrum interrogavit super necessariis religionis Christianæ; qui ad omnia quæ sita tam facili ter tamque clare respondit, ut non experti plane doctrine, sed speciali sapientia præditus appareret, ipsis etiam Gentilibus admirantibus, qui illum, antequam dies suos clauserat, profecto noverant. Ideoque obstupescentes dicebant: Vir iste, dum vitam ageret, se ostendebat ineptum: nunc igitur quomodo eloquens effectus est, tamque perbel le loquitur? A die resurrectionis usque ad diem mortis ejus integer completusque mensis pertransiit: quo tempore ex omni parte Gentiles ad domum revivifcentis turma:im pergebant, alii non credentes, alii super hoc admirantes, alii denique de rebus post mortem ab ipso visis sciscitari cupientes. Verum ipse per cognitionem futura vitæ prudens effectus, curiosi questionibus respondere abhorrebat, solumque uni Deo inserviendum, sacrumque Baptisma ab omnibus suscipiendum esse, constantissime prædicabat. Tandem die 28. decima septima luna, nempe die 21. Januarii 1735. Deus illum rursus ad se vocavit, atque in æterna tabernacula, ut pie credendum est, recepit. Hæc omnia deposita fuere cum juramento a Christianis supradicti pagi Kulo, qui præsentés fuerunt, ac propriis oculis viderunt.*

C A P U T XXII.

De Miraculis negativis.

Miraculi negativi indolem & qualitatem exponit Mattæa de Canonizat. Sanctor. part. 3. cap. 8. num. 13. his verbis: *Miraculum verò negativum est illud, in quo nihil de novo ponitur, alteratur, vel immutatur, sed conservatur tantum primus status, absque transiitu a termino a quo ad terminum ad quem; qualis fuit præservatio rubi ar-*

dentis a combustione, & trium puerorum a fornacis incendio, & quacumque alia præservationes a morte, ruinis, casibus, submerſionibus, & ſimilibus: demque Auctoꝝ par. 4. cap. 13. conſtanter aſſerit, huic miraculis negativis locum non eſſe, quando agitur de miraculis pro Beatificatione aut Canonizatione neceſſariis. Fundamentum Matæ ex duobus capitibus ſumitur: primum eſt, quod juxta juris diſpoſitionem non admittuntur duo ſpecialia in eodem ſubjecto, ſeu binæ præſumptiones, quæ tamen eſſent admittendæ, ſi miraculum negativum admitteretur; præſumendum enim eſſet, aliquid phyſica neceſſitate fieri debuiffe, quod non eſſet factum, & præſumendum eſſet, illud miraculo factum non fuiſſe. Alterum eſt, quod quæcumque deſenſiones, & (ut vocant) præſervationes a ruinis, ab incendiis, ſubmerſionibus, & ſimilibus infortuniis fieri poſſunt miniſterio Angelorum ſuapte naturali virtute operantium; quod ſatis ipſe putat ad miraculi excluſionem.

2 Juxta ergo Matæ ſenſum, remiſſio peſtis in aliqua civitate graſſantis, nuncupato voto alicui Dei Servo, vel Beato, licet ſtatim & perfectè ſit facta, non eſt miraculum admittendum in cauſis Beatificationis & Canonizationis: idemque, juxta ejuſdem ſenſum, ſerendum eſt judicium de præſervatione a ſubmerſione, item de præſervatione hominum, aut rerum a combustione, quamvis in medio igne volutarentur: quinimmo ne illud quidem inter miracula admitti debuiffet, cujus maxima habita eſt ratio in Canonizatione S. Elifabeth Reginæ Luſitanæ, de quo in relatione Cardinalis a Monte edenda in Appendicibus tom. VII. In *monaſterio Divæ Clare pars quedam adinm fabricabatur: & jam tecũ ligna imponebantur. Ibi Dominicus Machadus ſaber lignarius operam dabat lignis clavorum adminiculo confgendis. Ecce autem, inopinato aliquot ex iis lignis refixa dilabantur in terram, ſecumque ſabrum illum præcipitem trabebant. Tum ille Beata Elifabethæ ſaluare ſubſidium in tanto viſa diſcrimine imploravit: nec ſurdus auditus eſt auribus. Extemplo, per ſumumum miraculum, ipſe una cum lignis, occulta quadam vi, ſurſum relatus, & in eundem locum, e quo ceciderat, reſtitutus fuit: ligna etiam ſuis reddita ſedibus, & coaptata. Dominicus a præſenti periculo liber & incolumis, cum admiratione ac ſtupore ſpectantium, tantum in ſe Beata Regine beneficium ex animo teſtatus eſt. Licet enim hoc miraculum pure negativum dici non poſſit, cum aliquid in eo de novo poſitum fuerit, reſtitutio videlicet lignorum ſuis ſedibus, & delatio Domini Machadi occulta vi in locum, e quo ceciderat, cum tamen hæc non excedant naturalem virtutem Angelorum, aut miracula juxta Matæ non erunt, aut eorum ſaltem ratio haberi non poterit in judicio Beatificationis & Canonizationis.*

3 At, cum ſuperius ſatis dictum ſit de miraculis large ſumptis, quæ non excedunt vires totius naturæ creatæ, ſed tantum naturæ creatæ viſibilis & corporeæ, & quorum ratio habenda eſt in judicio Beatificationis & Canonizationis; converſo idcirco ſermone ad miracula negativa,

346 DE SERVORUM DEI BEATIFICATIONE

ad primam rationem, propter quam a Matta excluduntur, dicimus, eam non subfistere; miracula quoque negativa esse admittenda, si debite adfint conditiones; doctrinam Mattæ non fuisse a sacra Congregatione receptam; & Sedis Apostolicæ disciplinam eidem adversari in iudicio Beatificationis & Canonizationis.

4. Porro ratio Mattæ non subsistit: dicit enim, si miracula negativa admittantur, admitti præsumptionem præsumptionis. Nec vero præsumptio est, sed physica necessitas, ut applicato verbi gratia igne materie idoneæ, vel materia fragili impetu collisa cum dura & solida ignis comburatur, & materia fragilis a dura & solida frangatur, juxta illud Ecclesiæ. 33. v. 3. *Quid communicabit cecabus ad ollam? quando enim se colliserint, confringetur*: & juxta illud D. Thomæ in catena aurea ad Euang. Luca cap. 8. *Sicut autem, cum aliquis oculum lucernæ lucenti adhibet, aut igni spinas, statim operationem illorum experitur: quapropter Isaac Cardof. in philosophia libera lib. 1. quest. 25. vers. Non tamen credendam, pag. 80. ait, fieri non posse, ut mixta, aut vivens aliquid in igne perseveret, quia absumatur, cum sit virtus ignis tam vehemens, ut omnia permeet, dividat, consumat, nec ullum corpus reperiatur, quod illius vim possit infringere, aut illi possit diu resistere; & proinde ipsum Moysen, cum in deserto rubum flammis accensum aspiceret, quin absumeretur, admiratione plenum rubo appropinquasse, ut secretum supra naturæ vires eximium intueretur, juxta illud Exodi cap. 3. v. 2. *Et videbat, quod rubus arderet, & non combureretur; dixit ergo Moyses: Vadam, & videbo visionem hanc magnam, quare non comburatur rubus. Verus enim erat ignis, non species ignis vel similitudo; alioqui Moyses deceptus fuisset, putans, verum esse ignem; & illustre hoc Dei miraculum in eo præcipue constitutum est, quod Deus conservavit ignis substantiam, sed actionem & ustionem ejus impedivit, ne arderet in rubum, & virentia ejus folia vel minimum afflaret, aut exsiccaret, ut animadvertit Cornelius a Lapide in cit. cap. 3. Exodi. Nulla est ergo præsumptio præsumptionis a Matta excogitata; & quatenus in hac materia agendum esset ex principiis extraneis, qualia sunt ea quæ a jure deducuntur, & physicam vim ad juris præsumptionem detorquere vellemus, præsumptio ortum habens a naturalibus causis & principiis, præsumptio est quæ facit certam probationem; præsumptio est quæ dicitur necessaria ac violenta, & quæ probationem in contrarium non admittit: in quo rerum statu præsumptio non dicitur oriri ex alia præsumptione, & secunda præsumptio orta ex prima, non est præsumptio præsumptionis, quæ a jure rejiciatur: Torr. Variar. quest. tom. 2. tit. 8. quest. 1. n. 67. & 68. Rota coram Bichio decis. 77. n. 7. in fine, & n. 9. & decis. 40. n. 27. & seqq. part. 9. novæ. Atque coherentem ad hæc, miracula negativa, si debite adfint conditiones, rejici non possunt a classe miraculorum; alioquin pro miraculis haberi non deberet præservatio Sadrach, Misach, & Abdenago in fornace ignis ardentis, præservatio Danielis**

nielis a voracitate leonum, & præservatio Jonæ a morte, postquam tribus diebus & tribus noctibus permansit in ventre piscis, uti habetur *Jona* cap. 2. de cujus miraculi magnitudine pleor̃ dissertit Scheycherzer in *Physica sacra in Jonam* cap. 2. pag. 1291. Itaque merito opinio Matthei rejicitur, uti late ostendit Martheucci in *præf. Theologo-Canon. ad caus. Beatificat. & Canonizat. tit. 3. cap. 3. in additamento* n. 34. & seqq. & ipse testari possum, & testor in causa Canonizationis S. Margaritæ de Cortona in *examinis quinti miraculi*, cum promunere Fidei Promotoris retulissim doctrinam Matthei de miraculis negativis, eam non fuisse a sacra Congregatione receptam. Denum, quod attinet ad praxim & disciplinam sacre Congregationis in causis Beatificationis & Canonizationis, multa miracula negativa fuerunt examinata & approbata in judicio Beatificationis & Canonizationis; quemadmodum dignosci potest ex relationibus Rotæ Auditorum in causa S. Jacobi de Marchia, ubi de præservatione puellæ ex alto delapsæ, & de præservatione hominis trabe percussus; in causa S. Caroli Borromæi, ubi de præservatione Joannis Baptistæ Tironis infantis a submersione, de qua etiam supra habitus est sermo; in causa S. Ildori Agricolæ, ubi de curru onusto personis decem & octo ad maximum periculum tendente, omnibus mirabiliter liberatis ejus intercessione; in causa S. Francisci Xaverii, ubi de repentina extinctione pestis, statim ac ejus corpus Malacam delatum est; in causa S. Andreæ Corsini, ubi de Petro Victorio ab alta turre sine læsione delapsus; quod quidem miraculum non fuit a Rotæ Auditoribus rejectum uti negativum, sed non fuit admissum tamquam non necessarium, & minus clare probatum, uti dignoscitur ex eadem relatione impressa apud Bzovium in *annal. ad ann. 1373. tom. 14. col. 1458.* & apud Lezanam de *Canoniz. Sanctior. oper. tom. 4. consult. 1. num. 267.* ubi ita locuti sunt: *Alia in idem miracula inter antiqua narrat Petrus Andreas Cast. lib. de quo supra, nempe de quadam Bilia muliere Florentina gravi infirmitate sanata, de quodam Petro Victorio ab alta turri cadente ope Secreti Dei liberato &c. quæ non fuerunt per nos rejecta, sed tamquam minus necessaria, & non ita clare, ut superiora, probata, illa voluntario prætermissa, judicavimus tamen posse servire pro adminiculo; & in postremis Canonizationibus S. Francisci Solani, & S. Margaritæ de Cortona inter cetera miracula approbata invenitur illud liberationis civitatis Montilie a peste, quæ milite re grassabatur, intercessione tunc Beati, nunc Sancti Francisci Solani; & aliud reperitur præservationis ab evidenti mortis periculo, invocata tunc Beata, nunc Sancta Margarita de Cortona. Dum autem ego fungebar munere Fidei Promotoris, de nonnullis miraculis negativis actum fuit in causis S. Stanislai Novitii Societatis Jesu, & B. Joannis de Prado, quæ quavis non fuerint approbata, id tamen factum non est, quod essent miracula negativa, sed quia congrue & apte deficiebant probationes; & post dimissum a me Promotoratus officium nonnulla miracula negativa fuerunt approbata, in causa videlicet S. Joannis Nepomuceni; & in causa tunc Bea-*

ti, nunc Sancti Fidelis a Sigmaringa: pro quo laciunt etiam ea, de quibus in eo capite, in quo agitur de miraculis respicientibus dominum supra elementa, & irracionales creaturas animatas n.4. & seqq. A Joanne Conrado Danhaverro Prædicante Argentinenſi definitum fuerat miraculum *Actus verus; & solidus, arduus, ſupernaturalis*. At eum ſtrenue reſellit Melchior Corneus Societatis Jeſu Theologus in ſuo tractatu de miraculis Eccleſie Catholica deſenſu edito Moguntiae anno 1652. pag. 2. De miraculo univerſim accepto affirmari non poteſt, eſſe actum; cum dentur, & dari poſſint miracula vera, & proprie dicta, qua ſint negatio actus. An non thauma erat Divinum, ternos Hebræos in medio fornacis Babylonie incendio non incendi? An non verum prodigium, Daniælem a belluis, jejunio longo in ſupplicium Propheta preparatis, non attingi? An non miraculum, ſolem ſimplici hominis mortalis imperio fixum immotumque conſiſtere? Atqui tota miraculi ratio conſiſtebat in non actione, & non motu.

5 Hiſce præmiſſis, ut veniamus ad examen nonnullorum miraculorum, quæ negativa dici poſſunt, primum, quod occurrit, illud eſt extinctionis peſtis. Ut autem, ſi miraculum hoc examinandum proponatur, approbari poſſit, nonnullæ debent aſſeſſe conditiones. Prima eſt, ut peſtis graſſeſcit, & ſummopere ingraveſcat; ſecunda, ut facta fuerit invocatio Servi Dei, vel Beati; tertia, ut ſtatim extincta ſit peſtis. Marcellus Malpighius Archiater Innocentii XII. alibi a Nobis cum laude commemoratus hæc recenſuit requiſita in quodam ſuffragio, quod edidit, cum ageretur in ſacrorum rituum Congregatione de mirabili liberatione cujuſdam civitatis a peſte. En ejus verba: *Se foſſe provato, che la peſte foſſe ſtata nel ſuo maggior vigore colla maggior copia degl' infermi, e numero maggiore de' morti, e foſſe provata la ſubita ſanazione, fatto il voto, ſaria un miracolo evidentiffimo*. Ad rem hanc facit illud Hippocratis lib. 2. aphor. 30. docentis, circa principia & fines omnia imbecilliora, in ſtatu vero fortiora. Cumque in eadem cauſa, in qua Malpighius ſuum dedit ſuffragium, non modo ſcripſerint Poſtulatōres ex facto & ex jure pro miraculo, ſed & Archiepiſcopus Myrenſis primum uti Fidei Promotor, & ego deinde ad idem munus electus animadverſiones ediderimus adverſus miraculum; plures autem Medici Urbis conſultationes pro miraculo repoſuerint, & ſuum tandem pro veritate ſuffragium tulerit Joannes Maria Lanciſius; nemo tamen fuit ſive ex ſcribentibus pro, ſive contra miraculum, qui doctrinam Malpighii impugnaverit; ſed tota quaëſtio verſata eſt in facti diſcuſſione, hoc eſt an peſtis vere graſſaretur, an eſſet in augmento, & an vere ceſſaverit ſtatim poſt invocationem Servi Dei. Ante diſcuſſionem miraculi, de quo nunc ſermo eſt, eandem ſemitam tenuerant Rotæ Auditores in relatione cauſæ S. Franciſci Xaverii in tertio miraculo poſt mortem: *Cum Malacam urbem in India Orientali celeberrimam & frequentiffimam ſeva peſtis invaſiſſet, quod propter civium peccata eventurum illi diſcedens Xaverius prædixerat, brevique tempore quamplurimi, paucis admodum ſuperſtitibus, periſſent, necdum deſceſſerit lues, ſed maxime in dies graſſaretur; us primum corpus Patris Franciſci Xaverii, quod ex*

Sinis

Sinis in Indiam deferrebasur, eo appulit, & ex navis in urbem delatum fuit, statim & in continenti contagiosus ille morbus omnino cessavit, nec ab ea die mortuus ullus, aut morbo correptus fuit, sed adeo tota lues extincta est, ut tam pestiferi morbi deinceps ne vestigium quidem ullum superfuerit. Post hæc Rotæ Auditores in eadem relatione descendunt ad probationem grassationis pestis, & subitæ perfectæque cessationis; & considerantes defectum invocationis S. Francisci Xaverii, scite ramen existimarunt, illud a Deo factum fuisse ad patetaciendam illius sanctitatem: Hoc autem miraculum etsi non appareat factum manifeste, intercedente Patre Francisco; tamen ex circumstantiis facti existimavimus, Deum optimam maximam non alia de causa tunc temporis operatum fuisse illud miraculum, quam ut huius Servi sui sanctitatem demonstraret, & populi erga illum venerationem augeret: quod sufficit, prout diximus supra in octavo miraculo ante mortem.

6 Distinguunt Medici inter Pestem, Contagium, & Epidemiam. Pestem ab aeris corruptione & lue oriri dicunt. Contagium a contactu rerum peste infectarum. Epidemiam vero dicunt esse morbum habentem causam universalem, & comprehendere sub se tam morbos pestilentes, quam non pestilentes, puta raucitates, gravedines, & consimiles morbos, qui aliquando affligunt habitatores unius civitatis: ex quo proinde inferunt, omnem pestem esse epidemiam, sed non omnem epidemiam esse pestem, uti late videre potest apud Zacchiam *quest. medico-legal. lib. 3. tit. 3. quest. 1.* & præsertim *num. 32. & plurib. seqq.* Hieronymus Mercurialis *de peste cap. 17. pag. 20. in fin.* ait, populum ut plurimum causam pestis referre in aliquam humanam conditionem, puta in ingressum alicujus peste infecti in suam urbem, aut in delationem mercis peste infectæ ad eandem, & deinde subijcit: *Quæso, unum alicujus inter veteres dignitatis Medicum ostendant, qui, pestem a solo contagio posse fieri, aut præclare aut obscure nunquam prodiderit cogitaveritque, & proximo libenter cedam; & Zacchias in cit. quest. medico-legal. lib. 8. tit. 3. quest. 1. num. 12. & seqq.* late ostendit, veram pestem semper dependere ab aeris corruptione, neque fieri ullo modo posse, ut ab alia causa suam proxime ducat originem; falsissimam autem esse vulgi opinionem credentis, eam a contagio causam habere. Donatus Antonius ab Almona *de pestilenti febre in oper. medic. cap. 5. fol. 961.* ait, pestem afferri aut venturum vi Bantium ab ea regione, in qua est pestilentia, aut ex Peregrinis adventantibus, & peste infectis. Verum, & experientia compertum est, non modo ventorum vi aut alteratione, pestilentia semina a remotissimis regionibus provenire posse ad reliquas, verum etiam ex Peregrinis adventantibus, Horatius Augens *de febribus lib. 6. cap. 9. num. 10. & melius cap. 20. num. 40.* observat, pestilentiam aliquando incipere ab una regione, & per multas regiones valde distitas pervagari, ventis pestilentem lucem deducentibus. Afferit testimonium Galeni referentis, ex Æthiopia quedam effluxisse semina contagionis, quæ universam Asiam invaserunt. Addit, patrum suorum memoria pestem ex Illyrio in Dalmatiam, & ex hac provincia in universam Italiam, atque

atque Europam pervagatam fuisse. Huic accedunt Athanasius Kirker *de peste scit.* 2. cap. 4. num. 9. Cardinalis Castaldus *de peste* cap. 249. num. 15. & seqq. Joannes Bultmant. *de animantibus sacra Scriptura* lib. 2. cap. 3. cap. 31. in fin. Philibert. Marchin. *de bello Divino pesti part.* 10. problem. 20. in fin. Alii ex Medicis referunt, pestem aliquando a contagio incipere, & deinde progredi ad aeris corruptionem ob numerum mortuorum, & congeriem cadaverum, & multitudinem peste infectorum; Gaspar Caldera de Heredia *tribunal. medic. magic. & politic. par.* 1. *de peste Hispanensi* statim. 3. lit. E fol. 511. col. 1. Joannes Lazar. Butier. *febrileg. curs.* 8. lect. 5. num. 5. At, utcumque sit de hisce controversiis, & utcumque sit de differentia inter pestem & contagium, hoc unum certum est; si morbus cito negros interimit, si præterea bubonibus & carbunculis comitatur, signa hæc esse peculiaria pestis considerata ab iis, qui non scribendæ tantum, verum etiam curandæ potissimum pesti operam dederunt; Ludovicus Septala lib. 3. *de peste* cap. 6. & 7. pag. 108. & seqq. Lazarus Riverius *de febre pestil.* cap. 1. pag. 343. Carolus Valesius *de peste* cap. 7. pag. 93. Taurellus *de peste Italia* lib. 2. cap. 4. pag. 112. Cardinalis Castaldus *de avertenda peste* cap. 256. n. 27. quibus addi debet Abbas Ludovicus Antonius Muratorius in tractatu *de peste* lib. 2. cap. 8. qui, licet curandæ pesti operam non dederit, egregium tamen edidit tractatum *politicum, medicum, & Ecclesiasticum de pestis gubernatione*. Augmentum pestis vel contagii desumitur ex numero ægrotantium, & mortuorum: si enim non modicus, sed magnus numerus sit, habita ratione habitantium in urbe, aut in pago; si major sit, quam fuerit antea, de augmento morbi non est dubitandum; quemadmodum nec dubitandum erit de subita & miraculo facta liberatione, si statim post invocationem nullus ex ægrotantibus mortuus sit, nec ullus morbo pestilenti seu contagioso sit correptus.

7 Cum autem in examine miraculorum omnes prorsus diligentie sint adhibendæ, nec ulla, quæ adhiberi potest, debeat omitti, nonnulla remanent investiganda & perpendenda: primum est, an miraculo obset longum tempus, quo pestis ante extinctionem duraverat: secundum, an miraculo obset, si pestis cessavit tempore hiemali: tertium, an miraculo obset, si cessaverit, flantibus ventis salubribus, aut præcedentibus diligentibus, quæ adhiberi consueverunt jussu Magistratum, ut pestis avertatur: quartum denique est, an obset miraculo, si post invocationem non multi, ut antea, sed pauci ex ægrotantibus moriantur; vel si non multi, sed tantum pauci post invocationem peste afficiantur.

8 Tempus, quo pestis durare consuevit in aliqua civitate, est novem circiter, aut duodecim mensium, post quod tempus remittere incipit; quod tamen perpetuum non est, cum in civitatibus, quæ sunt habitatoribus frequentiores, pestis plurium annorum spatio duraverit; quod potissimum contingit, quando debite diligentie non adhibentur, uti late ostendunt Zachias *cit.* lib. 3. tit. 3. quest. 2. num. 43. & plurib. seqq. & Muratorius lib. 1. cap. 1. Tempore æstivo pestis vehementius grassari consuevit, quam tem-

tempore hiemali, veluti ex Medicis perpendunt Antonius Saracon *de peste* apud Bonet. *thesaur. medic. pract.* tom. 1. lib. 1. art. 9. fol. 441. in principio col. 2. Marioct. *de febribus* lib. 4. cap. 6. *de febre pestilentiali* fol. 192. col. 2. in principio, Andreas Gabriel *de peste* fol. 36. a tergo, Thomas Sydenham *observ. medic. sect.* 2. cap. 2. *de peste in principio* pag. 134. & observavit Joannes Maria Lancilius in suffragio, quod edidit jussu Clementis XI. super miraculo, quod discutiebatur, *liberationis a peste civitatis Montilia intercessione* tunc Beati, nunc Sancti Francisci Solani: *Neque interea temporis spes ulla vigeat, fore ut ad mutationem tempestatis lues cederet; nam tempus non erat hiemis, quæ suis Aquilonaribus ventis semina pestis plerumque aut everrit, aut extinguit.* Animadvertit Muratorius loc. cit. pestem etiam aliquando grassari tempore hiemali, aut quia hoc tempore aliquando spirant venti calidi; aut quia pestis, quæ incipit tempore autumnali, vel æstivo, augmentum recipit tempore hiberno: sed illud frequentius accidere solet, ut pestis, quæ per hiemem cessare visa est, reviviscat tempore æstivo: *Si hierno algere, nec præcedentibus remediis, pestis extinguatur; metus est, ne mox, reviviscente anni calore, in immensam vastitatem pessifer hic focus exsiliet;* verba sunt Joannis Heurnii *de peste in exordio* fol. 72. oper. tom. 1. cui adhæret Zacchias *consil.* 27. num. 1. Plurimum quoque conferre ad pestem extinguendam salubres ventos spirantes ab aliis regionibus, in quibus pestis non est, & diligentias a Magistratibus præscriptas de rebus peste affectis incendio absumendis, certum omnino est. Legi potest Alexander Massaria *de peste tract.* 1. lib. 2. circa finem pag. 104. & ex Ficino hæc habentur apud Cardinalem Castaldum *de peste* cap. 249. mem. 19. *Unde pestis tempore Ficinus optime advertit, ad illa confugiendum esse loca, quo ex jam infecto loco venti non perflant.* Porro inter diligentias non postremum profecto sibi locum vindicat ea, quæ adhibetur in segregandis peste infectis ab hominibus & rebus, quæ peste infectæ non sunt; qua de causa encenia, nundinæ, comœdiæ, spectacula, alique majores publici conventus tempore pestis inhibentur, teste Diemerbroech *lib. de peste* cap. 3. pag. 146. & in annotat. pag. 158. col. 2. num. 20. Tausellus autem lib. 2. *de peste Italia* cap. 4. pag. 110. narrat, cum Bononiæ prorsus extinctum pestis incendium haberetur, & pueri aliqui joci gratia se abdidissene in curribus libitinaris imprudenter sub dio palam relictis, singulos ad domos suas redeuntes luem domesticis communicasse, & cum sex integris familiis ad unum sublato esse. Videri autem posset obstare miraculo, si pestis cessaret postquam diu esset grassata, si cessaret tempore hiemali, si cessaret flantibus ventis salubribus, aut post adhibitam diligentiam, cum hæc omnia ex dictis naturaliter valeant ad pestem extinguendam. Aut oppositum mihi statuendum esse videtur: licet enim omnia hæc valeant ad tollendam pestem, indigent tamen beneficio temporis, nec umquam tantæ possunt esse virtutis, ut pestis, quæ est in augmento, repente cesset. Quid autem dicendum erit, si, posito pestis augmento, post invocationem nonnulli sed pauci peste afficiantur, & pauci jam peste correpti moriantur? Si id a me exquireretur, respon-

reponderem, obitare miraculo, si aliqui post invocationem peste corripiantur, licet pauci; indicium enim hoc esset, pestem non esse sublatam: adderem autem non obitare miraculo, si aliqui jam peste correpti, dummodo pauci essent, post invocationem morerentur; tum quia in miraculo liberationis civitatis a peste non agitur de præservatione unius, aut alterius hominis, sed de præservatione Communitatis; quæ præservatio comprobatur, etiam si aliqui, sed pauci, ex eadem Communitate moriantur; tum quia in *serie miraculorum Sanctæ Genèvæ*, quam contexuit Anonymus, refertur sollemnis Supplicatio a Stephano I. Parisiensi Episcopo indicta tempore pestis, ut clades, quæ late grassabatur, averteretur; in qua Supplicatione licet nonnulli mortui fuerint, Supplicatione tamen expleta, facta est tranquillitas, & omnes, qui peste laborabant, tribus tantum exceptis, incolumes evaserunt, quemadmodum pluribus refert Theophilus Raynaudus *heteroclit. spiritual. tom. 15. fol. 202.*: & tandem quia, non obstante nonnullorum paucorum morte, inter miracula approbata pro Canonizatione S. Francisci Solani relata fuit liberatio civitatis Montiliæ a peste post ejus solemnem invocationem, probato augmento pestis, & ejus subita liberatione; etsi tam a Prospero Bottinio Fidei Promotore, quam a me ejus successor in eo munere oppositum probatumque fuisset, nonnullos peste infectos, licet paucos, post invocationem mortuos fuisse.

9 Sequitur, ut aliqua addantur de præservatione a morte eorum, qui in aquas delabuntur. Nonnulla de illis dicta sunt, dum ageretur de mortuorum revocatione ad vitam, ubi & de necessitate respirationis, & de tempore quo quis vivere potest sine respiratione, & de foramine ovali, & de aliis rebus physicis verba fecimus. Nunc autem de iisdem, qui in aquas delabuntur, iterum sermo habendus est, non ut revocatis ad vitam, sed ut præservatis a morte imminenti: insuper alia quædam adjiciemus de necessitate respirationis; de tempore, quo quis sine respiratione vivere potest; & de doctrina foraminis ovalis, quemadmodum polliciti sumus dum ageremus de mortuorum resurrectione.

10 Quæ loco modo citato diximus de necessitate respirationis, & ejus usu, nunc etiam confirmamus. Postquam feliciori hac nostra ætate, magna lux rebus anatomicis accessit, & aeris gravitas, ac vis elastica innotuit, dux de præcipuo aeris usu celebrantur sententiæ; altera, quæ sanguinis motum intestinum omnino refert ad aerem per respirationem haustum, cui adhærent Lowerus in tractatu *de corde cap. 3.* Truſton *de respirationis usu sect. 12.* Altera, quæ musculorum motum, eodem aere sublato, prorsus extingui affirmat, uti videri potest apud Joannem Nicolaum Pecklinum *de aer. & alim. defect. cap. 9.* & apud Joannem Thabot *exercit. medic. tract. 2. cap. 3.*

11 Confirmantur ea quoque, quæ diximus de modico tempore, quo animalia vivere possunt sine respiratione. Teste Roberto Boyle jam allegato in tractatu *de respiratione*, anas adulta & robusta, subducto per antliam pneumaticam aere, duobus minutis tanto angore ac convulsionibus fuit

fuit divexata, ut hianti ore nullum vitæ proderet indicium, quamvis ea volucris, utpote aquatica, peculiari organorum structura prædita sit, quæ diutius respirationis privationem aquis immerfa sustinet. Ceteræ aviculæ minores paucis momentis, subtracto aere, extinguuntur. Viperæ, ranæ, cancri, iisdem experimentis habitis, complures horas, subducto aere, vitam ducunt. Ex his autem inferitur, hominem paucis momentis posse vivere sine respiratione, cum non sit formatus ad vitam sub aquis degendam, ut anas, & cum inter ceteros animantes motum varietate atque excellentia præstantissimus longe concitatiore indigeat motu sanguinis intestino, quo non modo tot munia corporis obeat, sed & mentis cogitationibus obsecundet & inserviat; & animalia, quæ diximus diutius ferre aeris jacturam, segnia sint, hebetia & pigra, & frigida adeo constitutionis, ut eorum fluida lentissime intestino motu agitentur, qui motus longe parciore aeris copia adhuc residua conservari potest.

12 Quæ modo dicta sunt de necessitate respirationis, ita ut homo sine illa paucis tantum minutis vivere possit, multo magis sibi vindicant locum in pueris seu infantibus, qui, si ad minuti spatium a respiratione abstineant, lividæ mortis signa præferunt, uti prosequitur Pecklinus *de aer. & alim. defict. cap. 8.* & apud peritiores Anatomicos licet infans utero matris inclusus non indigeat munere pulmonum, adhuc tamen vivere non potest, nisi aer ipsius sanguini jugiter misceatur; quem aerem ex sanguine matris in placentam influentem per venam haurit umbilicarem, juxta ea quæ habentur apud Verheyen *anatom. tom. 2. tract. 5. cap. 18.* Addit Scalpartius in *observationibus pag. 354.* si foetus in utero non respiraret, inutiles dicendos esse nervos formati diaphragmatis, ceterosque respirationi inservientes; & foetum in utero respirare statuendum esse, etsi externus aer non intro mittatur: cum enim salvis aliquando nascatur membranis, & sic externum aerem respirare non possit, & illico respiret, cum primum membranae tolluntur, indicium hoc est, ipsum intra uterum respirasse; intelligi quippe non potest, quomodo, ablatis apertisque integumentis, tam cito respiret, & quomodo nervi ad respirandum comparati hucusque otiosi tam repente fungantur officio. Hisce argumentis innixus Petrus Alfaltus publicæ medicinæ Professor in archigymnasio Sapientiae Romanæ, vir utique litteris & amplissima præditus eruditione, scribens in causa S. Joannis Nepomuceni, strenue probavit, miraculo esse adscribendum, quod quædam puella nomine Rosalia sex annorum & sex mensium, quæ fortuito deciderat in flumen Uvattavæ, & per integram horam manserat sub aquis, & extracta nullum dederat vitæ signum, ad proximam domum delata, haustam aquam evomerit, & paulo post, sensuum recepto usu, ab omni læsione apparuerit libera; licet aquæ impetu ad angustum canalem cujusdam molendini transvecta, ubi duplex rotaolvebatur, earum primam subter prætergressa ad alteram pervenerit, sub qua semihoræ spatio permansit.

13 Et quia ipse surgens munere Fidei Promotoris in meis animadver-

Tom. IV.

Y y

fionibus

fionibus doctrinam opposui foraminis ovalis probabiliter adhuc aperti in puella, cujus ope line respiratione sub aquis vivere poterat, allata doctrina jam alibi memorata Lancisii & ceterorum, memoratus Petrus Alfaltus, licet indolis esset modestissimæ, & Lancisium tum viventem tum mortuum magnopere coluisset & coleret, in sua dissertatione vehementer exandescens dixit, certum esse, infantes sine respiratione vivere non posse; frustra autem in medium afferri foramen ovale adhuc apertum, cum id apud celebriores Anatomicos, Harvejum videlicet & Lowerum non reperiatur; cum Diemerbroeck in *anatomie corporis humani lib. 2. cap. 10. pag. 410. tom. 1.* hæc habeat: *Hoc foramen ovale, quod in fieri amplum est, cum in hominibus natis usum non habeat, intra paucas hebdomadas ita coalescit ac aboletur, ut nullum ejus vestigium usquam appareat*; cum Bartholinus præcipuus anatomes illustrator in *anatom. reform. lib. 2. cap. 8.* ita scribat: *Post partum aliquantulo tempore coalescit hoc foramen & excisecatur, ut locus hic nunquam pertusus fuisse putetur*; cum Pecklinus de aer. & alim. *defect. cap. 9.* asserat, a foraminibus ovalibus apertis nullum præsidium desumi posse ad urinatores, qui longior tempore vivunt sub aquis, a morte vindicandos; cum urinatores sint peculiare hominum genus, quorum sanguis frigidior est, ac segniori motu agitur: qua de re tamen peritorum esto judicium.

14 Argumenta Petri Alfalti eo tendere videbantur, licet id in sua dissertatione conceptis verbis numquam dixerit, ut Rosalia censeretur a morte ad vitam revocata: sed sacra Congregatio securiorem viam tenens, cum certa indicia mortis deessent, miraculum quidem approbavit, sed in tertio genere, & non tamquam revocationis mortux ad vitam, sed tamquam præservationis a submersione & a morte, quæ imminebat, nisi intercessionem S. Joannis Nepomuceni invocati Deus effecisset, ut cause naturales, interclusa videlicet respiratio, & allisio ad rotam, quæ mortem debuissent afferre, mortem non afferrent, uti colligitur ex Decreto edito die 11. Januarii, & die 16. Februarii anno 1729. a Benedicto XIII. confirmato.

15 Si quis aliquid de quacunque specie miraculi negativi scribere vellet, integrum super hoc argumento librum edere posset, nec tamen omnes possibiles casus comprehenderet. Nonnulla ergo, quæ sæpius contingunt, a Nobis innuuntur; & horum primum est illorum, qui ex aliquo loco decidunt, & invocato aliquo Dei Servo, vel Beato, illæsi permanent. Hippocrates *lib. 5. epidem. text. 53.* narrat historiam puellæ, quæ e rupe ceciderat, & voce privata est, sed superstes fuit. Georgius Abraham Mercklinus *decur. 2. anno tertio observat. 105. in miscellan. ephemerid. Nat. Cur. Germania* subjicit, puellam ex superiore domus contignatione delapsam in faxeum pavimentum ruisse, craniumque fregisse, sed sine ullis aliis gravibus symptomatibus, & intra paucas hebdomadas, fissura cranii coalita, sanitatem recuperasse. Samuel Ledelius refert, quemdam fabrum lignarium excidisse de turri in tectum templi, & de tecto in terram sine ulla notabili læsione: & Georgius Wolfangus testatur, puerum trium annorum

rum præcipiti in caput lapsu in saxa cecidisse ab altitudine decem & septem palmorum, nec ullam notam contraxisse: & alia similia collecta legi possunt apud Guillelmum Fabricium Hildanum cent. 2. *observ. chirurg. observ. 85.*

16 Ut in hisce casibus tutum de miraculo feratur iudicium, quatenus tamen cadens illæsus plane sit, Bordonus in suo tractatu de miraculis medit. 30. num. 9. hæc habet: *Ut quis ex alto cadens, sine ulla sui læsione dicatur miraculose liberatus & preservatus a periculo ex invocatione Divini auxilii, requiritur, ut magna sit distantia inter utrumque extremum, & quod non cadat super quid molle & leve. Illud suadet, quia parva distantia non multum præponderatur corpus ad præcipationem, sicut ex magna: & hoc patet experientia. Iudicis autem in arbitrio est, designare distantiam, attentis circumstantiis persone cadentis, si puer est, an adultus, an gravis & magni ponderis, si senex, aut alias male affectus: quo enim persona est debilior, eo facilius leditur.*

17 Hæc vera sunt: sed aliæ etiam circumstantiæ in examine simillium assertorum miraculorum sunt consideratione dignæ; cum possit quis cadere, sed corpore erecto, & sic non impingere terræ caput, latera, dorsum, aut pectus; possit juxta murum prolabi & ruere, dorso ad murum aliquo modo incumbente; possit murus esse constructus in modum anteridum; possit camentorum acervo occurrere, & sic collecta saxa e loco impellere; possit per vestium inflationem a vento sustentari, & sic non vehementer in solum collidi. Quæ omnia & singula impetum percussionis diminuant, ita ut aut modica læsio, aut nulla fiat, totumque beneficium viribus naturæ sit adscribendum.

18 Additur, quod, licet corpus projectum, & impetu descendens gravitatis vim projectioni conjunctam servet, & corpori allisum duro, immobili, & magis resistenti debeat necessario percussione sentire, eaque lædi, potest tamen ex ea percussione nullum, vel saltem leve incommodum ferre, modo aut in puncto, aut in paucis tantum punctis allidatur corpori resistenti, & puncta corporis resistentis æqualem vim habent punctis corporis projecti & impulsivi: quocirca videmus aliquando, cyathum vitreum, aut vas fictile ex alto decidere, terræque illidi, nec ullam tamen rimam contrahere, modo terram petat aut in puncto, aut paucis in punctis æqualiter resistentibus. Rursus homo ex alto loco cadens, sive ad cadendum impulsus potest sine noxa cadere, primo, si ad modum avium ducat corpus & membra perpendiculata ad motus directionem; secundo, si extendat crura, aut brachia, & caput, pectus, aut ventrem inclinet, ita ut sese restituat ad æquilibrium; tertio, si aërem ad latus oppositum percutiat tali vi, per quam vis impetus projectivi infringatur; quarto, si pedes, reliquosque articulos extendat, & subito cedendo, vim lapsus impediatur. Hæc consequi difficillimum est; sed tamen aliquando natura timens grave periculum, nobis insciis, ea præstat, & legibus mechanicis utitur avertendo damno maxime accommodatis.

356 DE SERVORUM DEI BEATIFICATIONE

dati. Iis per artem utuntur saltatores, & sunambuli, qui se ex alto loco projiciunt, terram pertingunt, nec ullum contrahunt corporis damnum. Absque artis præsidio, novum non est, aliquos ex alto loco decedentes incolumis remanere. Quæ a Nobis dicta censerî volumus, non ut ex toto excludamus speciem hanc miraculi negativi, sed ut Consultores Congregationis sacrorum rituum, cum de iis agitur, aciem intendant, consueta utantur diligentia, & si fieri potest, etiam majori; ne, quod casui, vel naturæ adscribendum est, adscribatur miraculo, & ne gratia cum miraculo confundatur, aut mirandum cum miraculo.

19 Consimiles in ceteris negativis miraculis diligentia non sunt omittendæ. Si enim res sit de oppressis sub ruina domus, & repertis illehis, videndum est, an ipsa ruina ita contigerit, ut ligna corruentia fornicem quemdam constituerint, sub quo ille, qui lapsus est & qui fuit ruina oppressus, potuerit incolumis remanere. Si agatur de illo, super cuius corpus rota currus sine læsione pertransiit, juxta ea quæ habentur apud Pignatellum *consult.* 59. *tom.* 4. non solum videndum est, quanta esset gravitas currus, sed etiam num cursus esset velocissimus, an tardus, cum sæpe videamus, oppressos rota currus velocissime currentis nullam contusionem, aut fractionem contrahere. Si tractetur de liberatis ab aliquo periculo, ratio & natura periculi est serio investiganda, an videlicet periculum tale esset, ut quis illud evadere non posset ullo naturali auxilio, sed tantum ope superna, Dei videlicet contra, vel præter leges naturæ operantis, & hominem in periculo vitæ constitutum a periculo subducentis, juxta illud Isaïæ cap. 43. v. 2. *Cum transferis per aquas, tecum ero, & flumina non operient te: cum ambulaveris in igne, non combureris, & flamma non ardebis in te.* Illustre est exemplum relatam a Sancto Paulino in *epist.* 49. al 36. ad Macarium col. 281. de sene quodam Catechumeno, qui in Baptismo vocatus est Victor: *Viginti tres dies homo non modo a terris, sed ab hominibus exclusus, omnium ventorum ludibrium, omnis terra exul, diversi maris hospes, & exors generis humani, inter fluctus & belluas maris, in vago erraticæ navis hospitio, jejuniis, senio, timore confectus, quæso te, numquid natura sua perduravit? Cui ergo obscurum sit, Deum in illo fuisse? ... Primo (navis) ad Orbem acta, Romani portus pharum vidit, deinde Campaniam longis tractibus legit, mutatisque turbinibus, in Africa litora transvolavit, atque ab ipsis rursus abrepta Siciliam transcurrit ... ut quasi Divina navis, & immisso arduinitus Spiritu sapiens sua sponte cavenda vitaret, sequenda peteret... finem errorum, atque discriminum in Lucanis postura litoribus.* Tantorum autem discriminum & periculorum series, & continuata eorum evitatio miraculum ostendunt. Ex quo proinde sequitur, ut, si aliquis ruina oppressus incolumis sub fornice reperiatur, invocato Dei Servo, vel Beato; si prævia pariter simili invocatione, periculum evadat vitæ, cui erat expolitus, ob lapsum sub rota currus velociter currentis; si denique post invocatum Dei Servum, vel Beatum liber evadat & incolumis ex aliis periculis, a qui-

quibus citra Dei supra naturam agentis opem potuit liberari, hæc non inter miracula, sed inter gratias, & ad summum inter admirabilia possint adscribi. Quocirca in causa S. Joannis a S. Facundo, cum inter miracula approbanda proponeretur illud Antonizæ de Vincentia, super quam in quodam cubiculo dormientem, cubiculo corruente, ceciderat ingens moles terræ, lignorum, laterum, & lapidum, cum tamen post horas quadraginta inventa esset illæsa, invocato Beati auxilio; Petrus Franciscus de Rubeis tunc Fidei Promotor in suis animadversionibus ita scripsit: *Quoad septimum Antonia de Vincentia preservata ab oppressione ex ruina cryptæ, ab effossoribus inventa absque ulla læsione sub arcu lateribus exstructo, respondetur, nullatenus miraculo adscribendum esse, sed casui ex prædicatione Divina: quod etiam Martialis agnovit epigrammatum lib. 1. iniquens de Regulo casu preservato a ruina domus lib. 1. epigr. 83.*

Quis curam neget esse te Deorum,

Propter quem suis innocens ruina?

refertque Platina in vita Victoris III. dicens, quod Syracusis major basilica corruens, omnes, dum Vesperæ celebrabantur, contriverit, duobus tantum divinitus superstitis, Diacono scilicet, & Subdiacono: etenim potius naturaliter accidere, quod præfata Antonia tempore ruina staret sub dicto arcu, nec ideo fuerit ab ea læsa & oppressa. Cui animadversioni sacra Congregatio obsecundans abstinuit a proposito miraculi approbatione.

20 Servatur & defenditur aliquis a morte, & etiam a vulnere ex magno & valido ictu scloppi: quæritur, an id miraculo sit adscribendum. De præservatione a morte in eo rerum eventu actum fuit in sacrorum rituum Congregatione, dum ageretur de miraculis ad Canonizationem S. Catharinæ de Bononia, & S. Pii V. In causa S. Catharinæ quidam decem pedibus distans ab explodente scloppum, leviter fuit vulneratus globulo plumbeo, & tres alii globuli femoralia perforarunt; a Postulatoribus autem asseriebatur, id esse miraculo adscribendum, cum leviter vulneratus opem S. Catharinæ invocasset. In causa vero S. Pii V. cum quidam, dextera ad nares admota, nonnullos alloqueretur, explosus fuit adversus eum magnus scloppus. In cubito brachii dexteri vulneratus est cum fractura ossis, & globuli inde exeuntes penetrarunt sub mamillam sinistram, ibique duo vulnera fecerunt. Vulneratus pendentem e collo super pectus habebat effigiem S. Pii V. cereo Agno impressam, cujus auxilium ex corde imploravit; & ex viginti circiter globis, qui pectus attigerant, duo, alter major, minor alter, leviter thoracis cutem perforarunt, ceteri autem inefficaces remanserunt intra subuculam: & a Postulatoribus id proponebatur inter cetera miracula ad ejus Sancti Canonizationem approbanda. De præservatione vero nedum a morte, sed etiam a vulnere actum fuit in causa S. Caroli Borromæi, in qua (ut alibi etiam dictum est) quidam sicarius, nactus loci & temporis opportunitatem, ballistam igneam breviorum crudeliter explosit adversus Sanctum cum sua familia in sacello

pa-

358 DE SERVORUM DEI BEATIFICATIONE

palatii Archiepiscopalis prima noctis hora de more orantem, & globuli quidam parietibus tabulisque confixi hæserunt, alii paulo majores ad terram ipsius orantis pervenerunt, qui, licet carnem macula verint, nullum tamen vulnus intulerunt; ipseque, expleta oratione, ad cubiculum profectus, illæsus inventus est.

21. Antequam ad Fidei Promotoratum assumptus fuisset, inter sacre Consistorialis aulæ Advocatos cooptatus, operam meam præstiti iisdem causis Canonizationis S. Catharinæ, & S. Pii V. & totis viribus laboravi, ut duæ istæ præservationes a morte inter miracula recenserentur. Animadverti ignem, qui ex pulvere nitrato gignitur, moveri motu concitatissimo, ex quo postmodum violentia oritur, uti explicat Fortunius Licetus tom. 2. de *quæstis per epistolas* pag. 76. Illud etiam notavi, ventum pulveris hujus, exceptis fulmineis, ceteros omnes exsuperare ventos, sicuti prosequitur Franciscus Baconius in *historia ventorum* pag. 478. nnn. 6. vel quia particule sulphuris hanc subitam accensionem, & vehementem edunt explosionem, juxta opinionem Thomæ Willis in suo tractatu de *fermentatione*; vel quia hæc vehementia est nitro attribuenda, secundum ea quæ refert supra citatus Baconius in *historia naturali* centur. 1. pag. 761. Addidi, distantiam inter vulnerantem, & vulneratum fuisse duodecim aut tredecim passuum, eamque ad ictum validum fuisse satis, cum scloppus non unum ferret globum, sed plures, in quo rerum eventu minor distantia dicitur justa distantia, vel uti asserunt Milliet de Chales *curf. mathemat. tom. 3. lib. 2. pag. 69. & 70. & P. de Lanis in magist. nature, & artis tom. 1. lib. 2. cap. 1. experiment. 19. & in eo theoremate, quod disputandum proponitur, num ex aliqua certa distantia validior sit ictus quam ex minori, ea recepta sit opinio, ut modica distantia tunc impetum retardet, cum potest efficere, ut aer a tormento ejectus in corpus durum statim impingat, & in globum recurrendo, impetum nonnihil remoretur, sed regulariter ictus semper sit fortior, quo propinquior, ex allegato Milliet de Chales *loc. cit. pag. 71. & ex Valeriola observat. medical. lib. 5. observ. 8. pag. 345. Uno verbo, tum ipse, tum plures præstantes viri Advocati, & Medici ad patrocinium istarum causarum adsciti omnem lapidem movimus, ut præservationem ab ictibus mortalibus in utroque casu miraculo factam ostenderemus: sed frustra, cum alia miracula fuerint in his causis approbata, nulla istorum habita ratione, quod plures potuerint esse causæ naturales aptæ ad impetum retundendum, nec opus esset movere aliquid supra naturam. Apud Gasparem a Rejes *quæst. 92. multæ referuntur historię globulorum plumbeorum, qui a scloppis explosi, & corpora vulneratorum penetrantes, diu intra ipsa gestati sunt, in partibus etiam præcipuis, citra ullam actionum lesionem, & longissimo postea tempore aut expulsi, aut extracti, & aliquando etiam non nisi post mortem inventi. In causâ S. Caroli Borromæi edita fuit juxta morem tunc temporis vigentem relatio a Rotæ Auditoribus, & in secunda ejus parte argum. 14. actum fuit de facto modo narrato. En verba Auditorum: Et quia, morali-***

ter

ter loquendo, consideratis circumstantiis ad occisionem paratis, difficulter Carolus mortis periculum evadere poterat, merito ejus conservatio Divina tribuitur providentie ad ejus innocentiam manifestandam. Nam tormentum manualium vulgo dictum Terzarola longitudinis erat duorum palmorum cum dimidio, onustum multis globulis seu glandibus plumbeis, & explosum in Carolum quatuor parietis brachia distantem. Et licet tunc statim post subsecutum facinus, acclamatum fuerit miraculum, miraculum, & Dux de Alburquerque Gubernator Mediolanensis in Edicto publico impresso ad inveniendum sceleris patratorem pie similiter dixerit per Dei gratiam & miraculum servatum Carolum, nos, considerata materia, in qua rara & stupenda naturaliter contingere sepe solent, etsi non dixerimus, fuisse verum miraculum, mirandum tamen quid esse omnino censuimus ad prædictam innocentiam Caroli indicandam & sanctitatem: quæ postrema verba omissa fuerunt in Compendio relationis Rotæ in Italicum idioma conversa ab Aurelio Gratarola in opere de Canonizatione S. Caroli cap. 36. pag. 146. De ea mirabili conservatione verba sunt in bulla Canonizationis coherenter ad ea, quæ in relatione Rotæ Auditorum dicta fuerant, nec tamen inter vera & propria miracula recensetur. Quo quidem confirmatur, quod diximus, de non recensendis sine examine summo inter miracula præservationibus a morte, vel a vulnere, cum scloppi, aut alia bellica tormenta adversus aliquem exploduntur, qui aut leviter vulneratus, aut nullo modo vulneratus invenitur, quod servari potuerit ab intermediis corporibus obstitentibus, aut distantia loci, aut qualitate ipsa pulveris pyrii, quo scloppus armatus est, aut armandi modo minus idoneo, aut aliis, quæ experientia præditis nota sunt.

22 Demum aliquando proponi vidi a Postulatoribus tamquam miraculum, si, ad ostensionem Reliquiæ alicujus Beati, ignitus aliquis globus civitati imminens, & apertissimus ad eam comburendam retrocessit, & a periculo civitas liberata est. Sed ab ejus approbatione sacra Congregatio abstinuit ob statum ventorum, de quo testes loquebantur, & quod spirare potuerint, etiam si id a testibus non fuerit deprehensum. Ex Aristotele enim notat Cardanus, ventos quandoque a superiori parte moveri ad inferiores, sed, antequam ad terram perveniant, & a nobis sentiantur, transversas motiones facere posse super aerem; quod unusquisque observare potest videns turrium pinnas ad boream versas, nubes vero moveri versus austrum: *Movetur autem* (sunt verba Cardani de varietate lib. 1. cap. 1. operum tom. 3.) *a superiore parte in inferiorem plerumque: indiciocque est, pinnas, quæ in summitatibus turrium versatiles sunt, non etiam nubes ipsas ante flatum ventorum hic juxta terram moveri &c.* Originem ventorum difficillimum est sentire, etiam quia ab initio sit exiguus, tum quia feratur e sublimi per transcursum, tum dictum est. Potuit itaque ventus, qui ignitum globum in mare dejecit, a Deo mirabiliter excitari, uti habetur Exodus cap. 10. v. 13. *Et extendit Moyses virgam super terram Egypti, & Dominus induxit ventum urentem tota illa die & nocte; & mane facto, ventus urens levavit locustas; & v. 18. Egressusque*

que Moyses de conspectu Pharaonis oravit Dominum, qui flare fecit ventum ab Occidente vehementissimum, & arripit locustam projecit in mare rubrum: sed, quia in ceteris eventibus, qui examinandi proponuntur, non habetur verbum Divinum, quodd certiores nos reddat de vento speciali Dei providentia exorto, & in obscuro est, utrum ex ordinario naturæ cursu, an ex speciali & extraordinaria providentia spiraverit; hinc est, quod, licet illi eventus possint miraculo tribui, tamen uti tales ab Ecclesia non approbantur, sed in eo statu relinquuntur, in quo sunt. In causa Besti Fidelis a Sigmaringa inter cetera miracula approbata fuit præservatio ab incendio arcis Mainfeldæ statim post ejus invocationem: sed jam ignis arcem penetraverat, in qua pulvis nitratus recondabatur, fornix ædis, ubi lagenæ pulveris erant, cremabatur, & favillæ ignis, & globuli super eundem pulverem e laqueari decidebant; cumque, Beato invocato, flammæ retrocesserint, & castrum ab incepta conflagratione illæsum remanserit, nemo est qui non videat, naturalem cursum causarum secundarum fuisse intercessione Dei Servi a Deo impeditum, & sic merito eventum inter miracula fuisse recensitum. Anastasius Bibliothecarius, seu quivis alius Auctor Libri Pontificalis in vita S. Leonis IV. n. 505. miraculo adscribit, quod flamma fuerit extincta, statim ac ab eo preces ad Deum sulæ sunt, flamma, inquam, incendii, quod in Urbe comburebat domus Saxonum, & Longobardorum sitas prope basilicam S. Petri: sed idem Auctor non omittit circumstantiam venti flantis, & flammam impetu deferentis ad ea loca: Sed ventorum flatibus altius extendebatur ignis in aere cuncta comburens atque continuens, ita ut propius Beati Petri Principis Apostolorum basilica proveniret Saxonum, Longobardorum domos, ac porticum concremans.

C A P U T XXIII.

De rerum multiplicatione, & rerum in alias res conversione.

Mirabilis multiplicatio olei & panis refertur 4. Regum cap. 4. Cum enim femina, cujus vir mortuus erat, Eliseo interroganti quid haberet in domo sua, respondisset, se non habere nisi parum olei, quo ungeretur; & Eliseus ei mandasset, ut a vicinis suis vasa vacua non pauca mutaretur, impleta sunt oleo omnia vasa, oleumque venditum fuit, ut creditor urgens dimitteretur, & de reliquo, quod superfluit, ipsa & filia ejus vixerunt. Item, cum vir quidam de Baalsalisa obtulisset Eliseo panes primitiarum, viginti scilicet panes hordeaceos, & frumentum novum in pera, & Eliseus imperasset, ut daret populo ad comedendum, minister autem respondisset, non sufficere centum viris, Eliseus rursus dixit, quod daret populo ad comedendum: v. 43. Rursus ille ait: Da populo, ut comedat; hæc enim dicit Dominus: Comedent, & supererit. Posuit itaque coram eis, qui comederunt, & superfluit juxta verbum Domini.

2 In Evangelio Matthæi cap. 14. v. 19. cum Discipuli dixissent Christo Domino, ut vespe jam facta, turbas dimitteret, quæ ipsum secutæ fuerant, ut euntes in castella emecent sibi escas, & ipse respondisset, ut darent turbis manducare; reponentibus Discipulis, se non habere nisi quinque panes, & duos pisces, ipse, *acceptis quinque panibus, & duobus piscibus, afficiens in calum benedixit, & fregit, & dedit Discipulis panes, Discipuli autem turbis. Et manducaverunt omnes, & saturati sunt. Et tulerunt reliquias, duodecim cophinos fragmentorum plenos. Manducantium autem fuit numerus quinque millia virorum, exceptis mulieribus, & parvulis. Legitur hoc ipsum in Evangelio Marci cap. 6. in Evangelio Lucæ cap. 9. & in Evangelio Joannis cap. 6. Rursus in citato Matthæi Evangelio cap. 15. v. 36. cum Christus misericordia ductus erga turbam, quæ triduo secum persevecaverat in Deserto, nollet eam jejunam dimittere, ne in via deficeret, Discipulis mandavit, ut ad se desecent septem panes, & paucos, quos habebant, pisciculos: Et accipiens septem panes, & pisces, & gratias agens fregit, & dedit Discipulis suis, & Discipuli dederunt populo. Et comederunt omnes, & saturati sunt. Et quod superfuit de fragmentis, tulerunt septem sportas plenas. Erant autem, qui manducaverunt, quatuor millia hominum extra parvulos, & mulieres: quod ipsum legitur in Evangelio Marci cap. 8.*

3 Mirabilium multiplicationum exempla existant in bullis Canonizationum. In illa Sanctæ Clacæ pag. 95. cod. Canoniz. ita legitur: Cum autem quadam vice oleum in monasterio totaliter defecisset, ipsa, vocato Fratre, qui erat eidem monasterio pro colligendis elemosynis deputatus, accepit urcent, atque lauit, vacuumque juxta fores ipsius monasterii posuit, ut illum idem Frater pro oleo acquirendo deferret: quem cum vellet ipse apprehendere, invenit eum oleo beneficio Divina largitatis impletum. Rursus, cum uno die non nisi unius panis medietas pro refectioe Sororum in eodem monasterio haberetur, ipsa medietatem eandem jussit in frusta dividi, & Sororibus dispensari; quam inter manus frangentis ille, qui virum est panis, & dat escam esurientibus, multiplicavit in tantum, quod quinquaginta sufficientes facta fuerunt exinde portiones, & Sororibus discumbentibus distributa. In bulla Canonizationis S. Richardi Cicerstrensis in Anglia Episcopi, pag. 100. loc. cit. Quodam siquidem edulitatis tempore ad ejusdem Beati Viri elemosynam inopinata concurrens inopem copia, panem, qui egre sufficiens fuisset ad nonaginta refectionem pauperum . . . virum Panis, qui de calo descendit, ad ipsius benedictionem abundare fecit in tantum, quod præter estimationem adstantium, refectis abunde fere tribus millibus pauperum consuetas recipientium portiones, de superna abundantia pietatis, superabundaverunt partes, quæ secundum eandem distributionem centum adhuc pauperes refecerunt. In bulla Canonizationis S. Franciscæ Romanæ, pag. 283. loc. cit.: Cum in monasterio ageret jam Oblata, contigit aliquando, ut, Sororibus tunc numero quindecim sub refectiois horam panis paucula solum fragmenta, quæ vix tribus reficiendis sufficiebant, esse cognosceret: quamobrem, ceteris valde sollicitis, sola ipsa innoxia Dominum provisorum inquit, positisque fragmentis super-

mentum benedixit, & comederunt omnes agentes gratias Deo, ac saturata sunt; tantumque panis superfuit, ut canistrum impleatur. In bulla Canonizationis S. Teresæ, pag. 307. loc. cit. Cum in Conchensi dioecesi maxima esset frumenti penuria, atque in monasterio de Villanova de Xara vix tantum farinæ reperiretur, ut per integrum mensem ad victum decem & octo Monialium satis esset; hujus sanctæ Virginis meritis & intercessione Deus omnipotens, qui sperantes in se enutrit, eam adeo abundare fecit, ut quamvis per sex menses ex ea assatim panes ad refectorem Ancillarum Dei fierent, numquam tamen usque ad novas fruges diminueretur. In bulla Canonizationis S. Mariæ Magdalensæ de Pazzis, pag. 398. loc. cit. Solemni præterea ritu celebrantes Beatificationem illius Moniales cœnobii Sanctæ Mariæ Angelorum, in quo ejus sacrum corpus requiescit, Divina virtute factum est, ut vas, in quo oleum asservabatur, invenerint, postquam plurimum ex eo hauserant, plenum; & successive auferendo, merito hujus Elianæ Virginis ad instar sui Patriarchæ per integram illius celebritatis Octavam non imminutum fuisse. In bulla Canonizationis S. Pii V. inter cetera miracula pro ejus Beatificatione approbata, recensetur mira quædam ac perampla triticeæ farinæ multiplicatio, quæ contigit in monasterio Monialium S. Dominici apud Pratrum in Etruria.

4 Sanctus Gregorius Magnus in vita S. Benedicti cap. 29. exponit dolium vacuum, intercessione S. Benedicti oleo repletum. Multa alia cumlata legi possunt apud Bagattam tom. 1. admirandorum orbis Christiani part. 4. cap. 1. §. 1. §. 2. & seqq.; & post Canonizationem S. Aloyisii Goozagæ ejus intercessione facta est mirabilis multiplicatio farinæ in monasterio Monialium Carmelitarum Terræ Vetrallæ dioecesis Viterbiensis a die 12. Aprilis usque ad diem 21. Junii 1729. uti colligitur ex authentico processu confecto ab Ordinario, cujus compendium typis Romanis eodem anno editum fuit: ita ut huic prodigiosæ multiplicationi congrue aptari possint verba S. Basilii Episcopi Seleuciæ orat. 33. (tom. 8. Biblioth. Patrum pag. 473.): Panes absque rusticano sudore parti, non de spicis erumpebant, sed de Domini manu efflorescebant.

5 Succedit, ut videamus modum, quo sunt hæc miracula multiplicationis. Cap. 2. v. 21. Genesius legitur: Immisit ergo Dominus Deus soporem in Adam: cumque obdormisset, tulit unam de costis ejus, & replevit carnem pro ea, & edificavit Dominus costam, quam tulerat de Adam, in mulierem, & adduxit eam ad Adam. Productionem istam nonnisi metaphorice & parabolice accepit olim Origenes, & inter Neotericos Cajetanus comment. in Genesim: quasi Heva simul cum Adamo fuerit producta, sed tamen narretur facta ex latere Adami ad significandam ejus societatem & subjectionem. At id, absurdum plane censendum est; & formatio Hevæ ex costa Adami accipienda est, ut verba sonant, quæ aperte asserunt, ipsos non simul esse productos: Non est bonum, esse hominem solum: faciamus ei adiutorium simile sibi &c. Adæ vero non inveniebatur adiutor similis ejus: ut in eod. cap. 2. Genesius habetur vers. 18. & vers. 20. Eodem pertinent alii textus no-

vi Te-

vi Testamenti, quibus mulier ex viro formata asseritur; nec ulla ratio est detorquendi eos ad improprietatem, ad quam nullus veterum Catholicorum eos detorxisse reperitur. Quare S. Augustinus lib. 12. de civit. Dei cap. 23. & lib. 9. de Genesi ad litteram 13. scribit, eos infideliter cogitare, qui aliter, idest contra istam verborum proprietatem, sentiunt. Calmet in comment. ad hoc cap. 2. Genesi ait, ex costa factam fuisse mulierem, aut multiplicata materia, uti contigit, quando Jesus Christus multiplicavit panes in Deserto, aut facta carnis additione, vel terræ, quam in carnem mutavit. Sanctus Thomas 1. part. quest. 92. art. 3. quæstionem proponit, *Utrum mulier debuisset formari de costa viri*; cui quæstioni affirmando respondet: cumque sibi opposuisset, costam viri minorem fuisse, quam corpus mulieris, & ex minori non posse fieri majus, nisi vel per additionem, vel per rarefactionem, ut Scholæ loquuntur, quorum utrumque incongruum videtur; tum quia, si facta fuisset additio, mulier debuisset dici formata ex illo addito, & non ex costa; tum quia non invenitur corpus mulieris rarius, quam viri, pro ratione, quam habet costa ad corpus Hevæ; respondet, materiam multiplicari posse vel per rarefactionem, vel per creationem novæ materiæ, vel per conversionem materiæ jam existentis, quæ addatur materiæ multiplicandæ. Porro S. Doctor excludit in formatione Hevæ, & panis multiplicatione rarefactionem, minus probabilem reputat creationem novæ materiæ, & sic concludit pro conversione materiæ juxta modum supra allatum ad primum: *Unde, cum non appareat rarefactio in talibus multiplicationibus, necesse est ponere additionem materia vel per creationem, quod probabilius est, vel per conversionem.* Unde Augustinus dicit super Joannem, quod hoc modo Christus ex quinque panibus satiavit quinque millia hominum, quomodo ex paucis granis producit multitudinem segetum, quod fit per conversionem alimentis. Dicitur tamen, vel ex quinque panibus turbas parvisse, vel ex costa mulierem formasse, quia additio facta est ad materiam præexistentem costa, vel panum. Idem S. Doctor 3. part. quest. 44. art. 4. propolita alia quæstione, *Utrum convenienter Christus fecerit miracula circa creaturas irracionales*; eaque affirmando resoluta, cum sibi opposuisset, opera hujusmodi pertinere ad opus gubernationis mundi per Divinam providentiam, opulque hoc præsumere & ponere creationem, hinc inferendo esse inconveniens, ut Christus in suis miraculis, cum panes multiplicavit, usus sit creatione, ideoque non fuisse convenientia miracula ab eo facta circa irracionales creaturas, argumento ita respondet ad quartum: *Dicendum, quod multiplicatio panum non est facta per modum creationis, sed per additionem extraneæ materiæ in panes conversa*; unde Augustinus super Joannem dicit: *Unde multiplicat de paucis granis segetes, inde in manibus suis multiplicavit quinque panes.* Manifestum est autem, quod per conversionem grana multiplicantur in segetes: Idem S. Doctor hanc eandem doctrinam tradiderat in 2. sent. dist. 18. quest. 1. art. 1. ubi, relata opinione volentium, costam auctam fuisse per additionem materiæ de novo creatæ, subjicit: *Verius tamen videtur, quod*

per additionem materia præexistens hoc factum fuerit, cum, omnia simul fuisset creata ad minus in materia, Sancti communiter tradant. Fundatissimus Doctor Eftius in lib. 2. sent. dist. 18. §. 7. doctrinam amplectitur D. Thomæ, docetque, materiam ab initio creatam totam fuisse, & sic necesse non esse, admittere primam illam materiam novæ alicujus creatione aliquando augeri, sed dicendum esse, materiam ab initio creatam per conversionem ejus corporis, in quo prius erat, sive terræ, sive aeris circumfusi, sive cuiuscumque alterius, accessisse ad substantiam costæ, vel panum, qui existerant. Addit, hoc intercedere discrimen inter formationem Hevæ ex costâ, & panum multiplicationem, quod in Hevæ formatione costâ cum addita materia transformata est in mulierem; in multiplicatione vero panum externa materia panibus addita est, ut in ipsorum substantiam converteretur, non autem ut simul cum panibus transmutaretur in aliquid tertium. Adhæret Cornelius a Lapide in Mattheum cap. 14. tom. 1. pag. 291. ubi hæc habet, loquendo de panis & piscium multiplicatione: *Deus enim nihil de novo creat ex nihilo, sed ex materia initio mundi creata omnia producit & transformat. Simili modo multiplicavit farinam & oleum Vidue Sareptanæ ob meritâ Eliæ.* Ex tribus ergo opinionibus, quæ ad has multiplicationes rerum pertinent, utrum videlicet fiant per creationem novæ materiæ, an per materiæ rarefactionem, an per additionem materiæ præexistentis ab alio corpore separatæ, & multiplicato additæ, de quibus apud Abulensem ad Mattheum cap. 14. quest. 103. apud Cardinalem Toletum in Joannem cap. 6. annot. 5. apud Gregorium de Valentia tom. 1. disput. 7. quest. 1. punct. 2. object. 5. postrema probabilior est atque receptior; ita ut mirum profecto sit, quod Rotæ Auditores, qui magnitudinem miraculi multiplicationis extollentes nihil statuere voluerunt quoad modum, relicta unaquaque sententia in sua probabilitate, uti videri potest in relatione causæ S. Francisæ Romanæ part. 3. art. 2. de primo miraculo panis multiplicati, & in relatione causæ S. Thomæ de Villanova post Contelorum de Canonizat. Sanctior. pag. 490. in sequentibus deinde relationibus adhæserint sententiæ, quæ in multiplicatione exposcit novæ materiæ creationem, uti videri potest in relatione causæ S. Terefix super miraculis art. 2. §. Ad quem autem gradum, cum seqq., in relatione causæ S. Ludovici miracul. 2. in vita, in relatione causæ S. Ludovici Bertrandi in miraculo multiplicationis panis, sub obtentu potissimum, quod sententia creationis novæ materiæ sit sententia D. Thomæ: quod utrum subsistat, unusquisque ex supra expositis nullo negotio colligere poterit.

6 Multiplicatio ergo absque dubio inter miracula recensetur, & inter ea, de quibus etiam imperitissimi de populo tuto judicare possunt, uti infra dicemus, dum agitur de miraculis respicientibus dominium in elementa. Ut autem miracula hæc adprobari possint, tria tamquam extrema evidenter probanda sunt: primum, res præexistentes in certa quadam ac definita quantitate: secundum, multiplicatio rei ad aliam certam quan-

quantitatem : tertium , exclusio cuiuscumque modi , quo res , quæ super-
additur , poterit naturaliter aliunde haberi ; Bordon. *de miraculis medii. 20.*
num. 13. Matthæucc. in *præf. Theologo-Canon. ad caus. Beatificat. & Canoniz-*
at. tit. 3. cap. 3. §. 14. & adnotarunt Rotæ Auditores in relatione causæ
S. Thomæ de Villanova post Contelor. *de Canonizat. Sanctæ. pag. 484.* ubi
sic loquuntur : *Ad plenam autem hujus miraculi probationem tria requiruntur ;*
primo defectus tritici ; secundo , quod fuerit repertum triticum ; tertio , quod ibi
non fuerit reconditum humano opere . Addi posset , considerandam esse quali-
tatem rei multiplicatæ ; non quia Deus non possit quamcumque rem mul-
tiplicare , sed quia tantum consuevit miraculum multiplicationis facere in
rebus homini nullatenus superfluis . Observat Calmet in *cap. 14. Matthæi* ,
multiplicatos fuisse a Christo Domino panes & pisces , sed duodecim tan-
tum cophinos plenos fragmentorum panis superfuisse . Cornelius a Lapi-
de animadvertit , turbas fuisse saturatas pane & piscibus , nullamque fieri
mentionem vini , cum vicini essent fontes aquarum , ad quos turbæ sitien-
tes poterant accedere , & potus aquæ sit naturalis , & naturæ sufficiat .
Sanctus Hieronymus in *vita S. Pauli primi Eremitæ* narrat , corvum jussu
Dei ad eum quotidie detulisse dimidium panem ; sitim enim ex vicino aque
fonte extinguere poterat . In *vita S. Rosæ Peruvanzæ* scripta a Patre Leo-
nardo Hanlen Ordinis Prædicatorum *cap. 16.* narratur , vigilante Rosâ in
angusta sui eremi cellula , & repente viribus destituta , matrem , ut syn-
copem averteret , potum coccolatæ , qui stomacho simul & cordi succur-
reret , parari jussisse ; sed filia vetante , ne potio illa emeretur , & asseren-
te , eam sibi non defuturam , servus Quæstoris advenit deferens vas argen-
teum calenti coccolata plenum ; jubente autem matre , ut Rosâ sibi ape-
raret , quomodo res contigisset , respondit , Angelum suum tutelarem sug-
gessisse uxori Quæstoris indigentiam , in qua erat . Quocirca , cum potus
coccolatæ in eo rerum statu vim haberet remedii , dici non potest , mi-
raculum contigisse in re superflua .

7 Superest , ut aliqua innuantur de conversione unius rei in aliam .
Conversio hæc autem duplex est ; una quæ dicitur accidentalis , altera
substantialis , ut vocibus Scholarum utar . Accidentaliter est ea , de qua
Exodi *cap. 15. v. 23.* ubi , cum Israelitæ venissent in Marâ , & aquas inve-
nissent amaras , missum est a Moyse lignum in aquas , quæ dulces factæ sunt :
Et venerunt in Marâ , nec poterant bibere aquas de Marâ , eo quod essent amaræ ;
unde & congruum loco nomen imposuit , vocans illum Marâ , id est amaritudinem .
Et murmuravit populus contra Moysen dicens : Quid bibemus ? At ille clamavit
ad Dominum , qui ostendit ei lignum ; quod cum misisset in aquas , in dulcedinem
versa sunt . Ad conversionem quoque accidentalem pertinet illud , quod
habetur lib. 4. Regum *cap. 2. v. 19.* Dixerunt quoque viri civitatis (Hiericum
tis scilicet) ad Eliseum : Ecce habitatio civitatis hujus optima est , sicut tu ipse ,
Domine , perspicis ; sed aqua pessima sunt , & terra sterilis . At ille ait : Afferte
mibi vas novum , & mittite in illud sal . Quod cum attulissent , egressus ad fon-
tem

tem aquarum misit in illum sal, & ait: Hec dicit Dominus: Sanavi aquas has, & non erit ultra in eis mors, neque sterilitas. Sanata sunt ergo aquae usque in diem hanc, juxta verbum Elisei, quod locutus est. Conversio vero substantialis fuit illa uxoris Lot in statuam salis; item conversio virgæ in colubrum facta a Moysæ coram Pharaone, de quibus alibi dictum est: & ad conversionem quoque substantialem pertinet conversio aquæ in vinum optimum facta a Christo Domino, de qua in Evangelio Joannis cap. 2. ubi, cum jussisset, hydrias impleri aqua, & deinde dixisset, ut ferrent ad architriclinum, architriclinus gustavit aquam vinum factam, nec scivit unde hoc esset.

8 Utriusque conversionis, accidentalis videlicet & substantialis, exstant exempla in Actis Canonizationis Sanctorum. Ut autem a ceteris abstineamus, ita legitur in bulla Canonizationis S. Francisci Xaverii, pag. 346. cod. Canoniz.: *Cumque Servus Dei ad Sinas in magna navi, qua quingenti vehebantur, navigaret, cessaverant adeo venti, ut quatuordecim diebus navis eodem loco hæssisset inmota: cumque inter ceteras difficultates aquae penuria valde laboraretur, multique jam firi deficerent. Vir sanctus omnia navis vasa marina aqua impleri jussit, frustisque instanter ad Deum precibus, super ea signum Crucis fecerat, ac repente aqua illa falsa, dulcis salubrisque effecta erat. Quo miraculo plures, qui in navi erant, Infideles crediderant in Deum; quin etiam aqua illius, quæ abunde superfuert, potu plurimi per multas Indiarum provincias variis, quibus vexabantur, morbis sanati fuerant. In bulla Canonizationis S. Chuncundis, pag. 39. loc. cit.: Et, quod est mirabilis novitatis, & novi miraculi, pulvis de tumulo ejus assumptus saepe conversus est in frumentum. In bulla Canonizationis S. Bennonis, pag. 215. loc. cit. Cumque aliquando ita, ut facere solebat, agricolas inviseret, videresque homines de labore fessos vehementer fivire, commiseratione adductus aquam in vinum convertit: & in relatione causæ S. Elisabeth Reginae Lusitanæ facta in Consistorio secreto a Cardinali a Monte, & edenda in Appendicibus tom. 7., inter cetera miracula refertur, dummos, quos deferebat pauperibus diatribuendos, interrogante Rege Dionysio, quid clam in sinu gereret, media hieme in rosas fuisse convertos.*

9 Fit autem hæc conversio, cum remanente materia, nova forma accidentalis, seu nova accidentia introducuntur, remanente eadem forma substantiali, si sermo sit de conversione accidentali; vel cum, remanente eadem materia, præcedens forma substantialis excluditur, & nova introducitur, si agatur de conversione substantiali. Durandus, qui scripsit circa annum 1325. hoc modo explicavit mysterium Transubstantiationis in Sacramento altaris in lib. 4. dist. 11. quæst. 3. num. 5. Salvo meliore iudicio, potest estimari, si in isto Sacramento fiat conversio substantie panis in corpus Christi, quod ipsa sit per hoc, quod, corrupta forma panis, materia ejus sit sub forma corporis Christi subito, & virtute Divina, sicut materia alimenti sit sub forma nutritii virtutis nature. At hanc Durandi assertionem ceteri omnes merito

merito reprobant tamquam contrariam doctrinæ Fidei, & Ecclesiæ Decretis : Thomas de Argentina in 4. *dist.* 11. *quest.* 1. Petrus Aureolus *ead. dist.* §. 3. Bassol. *ead. dist. quest.* 4. Suarez in 3. *part. D. Thome disput.* 42. §. 2. Cardinalis Bellarminus *lib.* 3. de *Eucharistia cap.* 13. ; & merito, cum in Concilio Tridentino *sess.* 13. *can.* 2. ita statutum sit : Si quis dixerit, in sacrosancto *Eucharistia sacramento remanere substantiam panis & vini una cum corpore & sanguine Domini nostri Jesu Christi, negaveritque mirabilem illam & singularem conversionem totius substantia panis in corpus, & totius substantia vini in sanguinem, manentibus duntaxat speciebus panis & vini, quam quidem conversionem Catholica Ecclesia apostolicè Transubstantiationem appellat, anathema sit. Si autem tota convertitur substantia panis & vini in corpus & sanguinem, nulla ejus pars remanet, & sic per consequens non remanet materia, ut asseruit Durandus.*

10 Explicato modo conversionis, ut eadem inter miracula recensentur, debent, quæ sequuntur, adesse. Primum est, ne agatur de aliqua conversione, quæ fiat juxta consuetum naturæ cursum : in nutritione etenim naturali fit naturaliter conversio, cum remaneat materia cibi, & forma mutetur, & quæ fuerat antea materia panis, vi nutritionis fiat materia carnis hominis, non quidem recedente priore materia (ut dictum est) sed nova duntaxat accedente forma. Secundum est, ut non agatur de aliqua conversione, quæ talis appareat, sed re vera non sit. Exemplum est in aqua mista vino, quæ in vinum conversa videtur, sed a quibusdam Physicis dicitur vere conversa non esse ; artis quippe auxilio aqua separatur a vino, quamvis diu illi permista fuerit. Si vinum aqua mistum concludatur in vase, quod ex hedera confectum sit, vel si junci medulla, aut spongia, quæ oleo sit imbuta, in vas immittatur, quo vinum aqua mistum exceptum est, aqua a vino separatur ; de qua experientia nonnulla legi possunt apud Contenson in *Theologia mentis & cordis lib.* 11. *part.* 2. *dissert.* 2. *cap.* 2. *pag.* 202. Tertium est, ut per evidentes probationes status præcedens demonstretur. Quartum, ut in conversione nulla res naturalis intercedat, quæ conversionem efficere possit. Exemplum est in loco supra relato Exodi, cum, immisso ligno in aquas a Moyse, aquæ dulces evaserunt. Multa sunt, quæ ab Hebræis de eo ligno dicuntur, uti videri potest apud Calmet in *comment. ad illud cap.* 15. *Exodi.* At probabilior sententia est, Denam Moyse indicasse lignum, quo naturaliter aquæ dulces fierent, quemadmodum post plura concludit Franciscus Valletius de *sacra philosophia cap.* 15. ubi sic loquitur : *Ob hac mihi videtur magis consentaneum, lignum illud naturali vi aquas scisse dulces.* Huc facit illud Ecclesiastici *cap.* 38. *v.* 4. *Altissimus creavit de terra medicamenta, & vir prudens non abhorrebit illa. Nonne a ligno indulcata est aqua amara?* Textus hic refertur ad alium Exodi ; & cum loquatur de naturali proprietate & virtute, quam habent herbæ, ligna, & pharmaca ad remedia hominibus suppeditanda, hinc inferitur, lignum naturalem habuisse virtutem aquas efficiendi dulces : in quo proinde re-

de rerum statu quærenda non est ratio miraculi. Gutta olei vitrioli, vel sulphuris integram aquæ ampullam suo sapore inficit: cur ergo a ligno non potuerunt naturaliter aquæ dulces fieri, a ligno (inquam) efficacissimæ virtutis, quod, licet hominibus esset incognitum, Deo tamen erat notissimum? Quoad illud vero *capitis secundi libri quarti Regum*, ubi, immisso sale, sanatæ sunt aquæ, de miraculo non videtur esse dubitandum ob ea, quæ notat citatus Vallesius *cap. 34.* ubi ait, Eliseum in aquarum curatione naturalem ordinem tenuisse: *Deo interim adjiciente plurimum facultati, quam sal ab initio indiderat; aliqui enim neque tam multa aquæ expurganda fuisset satis tam modicus sal, neque ea sanitas durasset in hunc usque diem; & sequitur Cornelius a Lapide in eund. locum.* Miraculi quoque ratio deprehenditur in aqua maris falsa, quæ signo Crucis facta est dulcis, intercedente S. Francisco Xaverio, de qua in *superiori num. 8.* habitus est sermo, cujus etiam meminerunt Rotæ Auditores in relatione causæ Canonizationis hujus Sancti 3. *part. de miraculis miracul. 1. in vita,* & Franciscus Maria Episcopus Portuensis S. R. E. Cardinalis a Monte in relatione facta in Consistorio secreto coram Gregorio XV. super vita & miraculis ejusdem Sancti, excusa primum Romæ, & deinde recusa Dilingæ anno 1622. Philosophi, qui ex aqua maris originem fontium repetunt (de quibus infra) ut ostendant, quæ lege, vel causa aqua maris falsitudinem & amaritatem exuere possit, ut dulcis effecta in fontibus deprehendatur, ajunt, eam per tenues terræ poros adaptam, dum eos celeri, vario, perturbatoque motu pervadit, a tenuissimis salis particulis separari, ita ut purior ac dulcior ad montium radices accedat, & exinde per interna montium viscera traducta, ac veluti percolata, purior adhuc in fontes abeat. Addunt, subterraneum calorem ad hanc aquæ falsæ dulcedinem plurimum conferre. A clarissimis viris sæpe tentatum est, quæ arte ex falsa maris aqua salis particulæ secerni possent, ut ea dulcis & apta potui efficeretur. At res nunquam ex voto cessit, nunquam subtile volatilis salis particulæ ab aqua secerni potuerunt, ut pura & dulcis evaderet. Et quamvis Robertus Boyle, & Valisnerius, alique ejusmodi aquæ marinæ dulcedinem arte curaverint, ut gustui fontana videretur, experimento tamen atque usu deprehensum est, sensum in humano corpore illos effectus ab ea produci, qui a falsæ maris aquæ potu brevi temporis spatio oriri solent. Si itaque, intercedente S. Francisco Xaverio, magna aquæ maris copia, non per poros terræ adaptæ, non per interna montium viscera traducta, non per subterraneum calorem purificata, nullo denique adhibito instrumento, vel medio ad separandam ab ea falsitudinem, ligno Crucis facto super eam, momento temporis dulcis evasit, si ab ejus potu nulli in humano corpore effectus producti sunt, qui a potu falsæ maris aquæ brevi temporis spatio oriri solent, quinimmo si ea quæ superfluit ex navigatione, quæque in variis provinciis & urbes Indiæ distributa est, multis mirifice profuit ad sanitatem, ecquis erit, qui de miraculo dubitare possit? Ultimum denique

que est, ut per evidentes probationes constet de novæ formæ inductione, & sic de perfecta conversione. In conversione aquæ in vinum facta a Christo Domino in nuptiis Canæ Galilææ potuisset Jesus vinum in hydrias vacuas inducere; ac voluit, eas aqua repleri, ne quis in suspicionem veniret, ab aliquo fuisse vino repletas. Non ipse hydrias implevit, sed id præstari voluit ab aliis, ut omnis abesset occasio suspicandi. Ab aliis quoque iussit hydrias deferri ad architriclinum, qui, uti sobrius, & convivii curam gerens, poterat esse testis idoneus conversionis aquæ in vinum, non utcumque, sed in vinum optimum, ita ut nullum aliud melius vinum unquam potatum sit, uti concludunt Chrysostomus, Theophylactus, Eutymius apud Calmet in comment. ad cit. cap. 2. S. Joannis.

11 Si quis attente mirabilem hanc conversionem aquæ in vinum consideret, facile deprehendet, omnia in ea adfuisse requirita, quæ supra diximus adesse debere, ut tutum feratur iudicium de miraculo conversionis. Conversio quippe aquæ in vinum non est ex illis conversionibus, quæ fiant juxta consuetudinem naturæ cursum. Conversio aquæ in vinum non fuit conversio aquæ in miltæ vino, sed conversio solius aquæ naturalis in vinum optimum. De statu præcedenti ad conversionem nulla poterat esse difficultas, cum coram omnibus hydræ fuerint aqua repleta. Nulla res naturalis adhibita fuit, aut potuit adhiberi, quæ conversionem aquæ in vinum efficere posset. Testes deinde conversionis fuerunt architriclinus, & ceteri, qui convivio astabant, & vinum optimum bibebant.

12 Quæres, an inter miracula recensendæ essent multiplicationes & conversiones, quæ fierent absque additione materiæ, vel absque inductione novæ formæ accidentalis, aut formæ substantialis, sed, jubente Deo, ope & ministerio Angelorum deferentium ex. gr. novos panes, aut substituentium loco aquæ vinum. Porro juxta ea quæ superius dicta sunt, nulla debet esse difficultas quoad miraculum, sed tota quæstio esset redigenda ad gradum miraculi, an esset videlicet adscribendum tertio generi, quando multiplicatio & conversio factæ per additionem materiæ, & per inductionem novæ formæ accidentalis vel substantialis, probabiliter loquendo, miraculis secundi generis adscribuntur. Elias, jussu Dei, se abscondit in torrente Carith; & jussu Dei, corvi ad eum detulerunt panem & carnes, cum solo pane homo commode non vivat (3. Regum cap. 17. vers. 2. & seqq.). Et factum est verbum Domini ad eum, dicens: Recede hinc, & vade contra Orientem, & abscondere in torrente Carith, qui est contra Jordanem, & ibi de torrente bibes: corvisque præcepi, ut pascant te ibi. Abiis ergo, & fecit juxta verbum Domini: cumque abisset, sedit in torrente Carith, qui est contra Jordanem. Corvi quoque deferrebant ei panem & carnes mane, similiter panem & carnes vespere, & bibebas de torrente. Magna in hoc facto elucet ratio miraculi, Dei videlicet mutantis indolem & naturam corvi, ne carnes comederet, & efficientis, ut corvus statim horis cibos ad Servum Dei deferret. Uti quoque alibi dictum est, corvi quotidie dimidium panem ad

370 DE SERVORUM DEI BEATIFICATIONE

S. Paulum primum Eremitam deserebant; integrum autem detulerunt, cum ad eum advenit S. Antonius. Idcirco in vita S. Pauli scripta a S. Hieronymo (*apud Bolland. Janu. tom. 1. pag. 606.*) S. Paulus conversus ad S. Antonium : *Eja, inquit Paulus, Dominus nobis prandium misit, vere pius, vere misericors. Sexaginta jam anni sunt, quod accipio dimidii semper panis fragmentum; verum ad adventum tuum militibus suis Christus duplicavit annonam.* In vita S. Benedicti scripta a S. Gregorio M. (*dialogor. cap. 21. tom. 2. oper. col. 248.*) deficiente tritico in monasterio, & affirmante S. Benedicto, postridie magnam fore frumenti copiam, *sequenti autem die ducenti farina modii ante fores cella in saccis inventi sunt, quos omnipotens Deus quibus deferentibus transmississet, nunc usque manet incognitum.* Et Leo Ostiensis in *Chron. cap. 43.* refert, monasterium Theani occulto Dei judicio ab igne crematum fuisse cum omnibus opibus suis, ubi etiam cremata est Regula, quam S. Benedictus manu sua conscripserat, ipsique cremati sunt sacci, in quibus jussu Dei celsitus eidem Patri Benedicto efcae delatae fuerant. Efcae, jussu Dei delatae ad suos Servos modo extraordinario, inter miracula recensentur. Cur ergo idem dicendum non erit de rebus, quae, eodem Deo jubente, ab Angelis deferuntur modo invisibili, addunturque rebus aliis, vel aliarum loco sufficiuntur, facta hoc extraordinario modo rerum multiplicatione, aut earum conversione in alias res?

C A P U T XXIV.

De miraculis respicientibus dominum in elementa, & irrationales creaturas, & plantas.

TAm in veteri, quam in novo Testamento hujusmodi miraculorum exstant exempla. Exodi quippe cap. 17. v. 6. populo murmurante adversus Moysen, quod aquam non haberet ad bibendum, & Moys Deum orante pro aqua impetranda, Deus ait: *En ego stabo ibi coram te supra petram Horeb, percutiesque petram, & exibit ex ea aqua, ut bibat populus.* Fecit Moyses ita coram Senioribus Israel. Et Numer. cap. 20. v. 11. Cumque elevarisset Moyses manum, percutiens virga bis silicem, egressa sunt aquae largissima, ita ut populus biberet, & jumenta. Item Judicum cap. 15. v. 19. sitiente Samfone, aquae e dente molari in maxilla asini mirabiliter egressae sunt: *Aperuit itaque Dominus molarem dentem in maxilla asini, & egressa sunt ex eo aquae, quibus hausit, refecit spiritum, & vires recepit.* De Josue, qui Soli imperavit, ut staret; de Isaia, qui Solis umbram decem lineis recedere fecit; de pelago in duas partes diviso, elata jussu Dei a Moys virga, multa allata sunt in antecedenti cap. 1. num. 9. Addimus, Eliam Jordanis aquas divisisse, uti legitur lib. 4. Regum cap. 2. v. 8. Tulitque Elias pallium suum, & involvit illud, & percussit aquas, quae divisa sunt in utramque partem, & transierunt ambo per sicum, Elias videlicet, & Eliseus.

Et

Et *nod. lib. Regum cap. 6. v. 5.* Eliseus ferrum securis natare fecit : *Accidit autem* , ut , cum unius materiam succidisset , caderet ferrum securis in aquam ; exclamavitque ille , & ait : *Hen , heu , hen , Domine mi , & hoc ipsum mutuo acceperam . Dixit autem homo Dei : Ubi cecidit ? At ille monstravit ei locum . Præcidit ergo lignum , & misit illuc ; natavitque ferrum , & ait : Tolle , Qui extendis manum , & tulisti illud .* Licet enim multa , quæ in aqua quæta subdunt , cum aqua agitur aut ligno , aut re aliqua ejusmodi in eam injecta , emergant , in sublime ferantur , & innatent , id tamen accidere non solet ferro , aut lapidibus grandioribus : & licet graviore ipsæ res , fluminibus vehementer decurrentibus , volutentur in aqua , id tamen fieri non poterat per commotionem aquæ ortam ab immissione ligni ; nec enim tantæ poterat esse efficaciz , ut per eam securis ferrum uque ad summum elevaretur , juxta ea quæ habentur apud Vallesium *de sacra philosophia cap. 37.* Danielis *cap. 3.* Sidrach , Misach , & Abdenago nolentes adorare statuum , quam Rex Nabuchodonosor erexerat , ligati mittuntur in fornacem ignis ardentis ; in qua illæsi manentes consitentur Domino , se propter peccata suæ gentis pati afflictiones ; & petentes ejus misericordiam , hortantur omnem creaturam ad benedicendum Dominum . *Matthæi cap. 8. vers. 26.* Christus imperavit ventis & mari , sedavitque tempestatem : *Tunc surgens imperavit ventis & mari , & facta est tranquillitas magna ;* quod ipsum legitur Marci *cap. 4. & Matthæi cap. 14. v. 25.* Christus ambulavit super mare : *Quarta autem vigilia noctis venit ad eos ambulans super mare , & videntes eum supra mare ambulantiem (sermo est de Discipulis) turbati sunt dicentes , quia phantasma est , & præ timore clamaverunt .* Statimque Jesus locutus est eis , dicens : *Habete fiduciam ; ego sum , nolite timere .* Hoc ipsum legitur Marci *cap. 6. & Joannis pariter cap. 6.* Et , ne prætereantur exempla domini in creaturas irracionales animatas ; Danielis *cap. 8.* habetur , Danielem supra Satrapas regni constitutum accusatum fuisse , quod Regis Edictum non servasset , missumque in lacum leonum , postridie illæsum eductum fuisse , immixtis in eundem lacum ejus accusatoribus , & subito dilaniatis . *Deus meus misit Angelum suum , & conclusit ora leonum , & non nocuerunt mihi , quia coram eo justitia inventa est in me .* Lucæ autem *cap. 5. v. 4.* cum Christus de navicula Petri turbas docuisset , jussit laxari rete , & ingeas piscium multitudo capta est : *Dixit ad Simonem : Duc in altum , & laxata retia vestra in capturam .* Et respondens Simon dixit illi : *Preceptor , per totam noctem laborantes nihil cepimus ; in verbo autem tuo laxabo rete .* Et cum hoc fecissent , concluderunt piscium multitudinem copiosam ; rumpebatur autem rete eorum . Et audiverunt facis , qui erant in aliâ navi , ut venirent , & adjuvarent eos . Et venerunt , & impleverunt ambas naviculas , ita ut pene mergerentur . *Quod cum videret Simon Petrus , prociidit ad genua Jesu , dicens : Exi a me , quia homo peccator sum , Domine .* Simon enim circumdederat eum , & omnes , qui cum illo erant , in captura piscium , quam ceperant .

2 Similia existant miraculorum exempla a Deo patrata intercessione

Sanctorum, quos veneramus canonizatos vel juxta antiquam, vel juxta recentem Ecclesiæ disciplinam. Fontes Sanctorum meritis exortos collegit Gretserus lib. 1. *rerum variarum* cap. 11. Joannes Eusebius Nierembergii in *historia natura* lib. 2. cap. 33. nonnulla de his fontibus habet, & præcipue de illo in Anglia, qui dicitur S. Wenefridæ Virginis & Martyris, cujus fit commemoratio in Martyrologio Romano *ad diem 3. Novembris*. Povelus Calvinista ad avaritiam Monachorum refert, quæ de hoc celebri fonte prædicantur; sed eum Nierembergii *loc. cit.* strenue refellit, & Cardinalis Baronius in *not. ad Martyrolog. ad dictam diem* postquam mentionem fecit Actorum ejus Sanctæ, subjicit: *Quæ autem in eisdem Actis de perenni f. nte & miraculis illis fieri solitis describuntur, majora his accepti a fidelissimo teste oculato Reverendiss. D. Thoma Episcopo Asaphensi, Romani Pontificis in obeundis Episcopalibus functionibus Suffraganeo, vitæ sanctitate, Fidei confessione, atque doctrina conspicuo, nuper Roma dolore omnium optimorum exhumatis sublat'o. S. Benedictus, ut est in ejus vita scripta a S. Gregorio Magno cap. 5. tria monasteria construxerat in rupibus montis; sed cum laboriosum esset Fratribus semper ad lacum descendere, ut aquam habere possent, & laborem hunc Benedicto exposuissent una cum periculo, quod semper imminabat descendentibus ad lacum, ipse una cum Placido noctis tempore montem ascendit, & oratione completa, tres petras in eodem loco pro signo posuit; Fratribus autem die alio redeuntibus ad aquam hauriendam imperavit, ut in rupe, in qua tres simul petras superpolitas invenirent, aliquantisper terram effoderent, cum Deus in montis cacumine aquam producere posset. Eunt igitur rupem montis, quam Benedictus significaverat, jam sudantem invenerunt, & cum in ea concavum locum fecissent, statim aqua repletus est, quæ tam copiose manavit, ut S. Gregorius referat eam usque ad suum tempus defluxisse, atque ab illo montis cacumine ad inferiora derivatam fuisse. In *dissert. 12. ad vitam S. Francisci de Paula* alibi laudatam, & ab Episcopo Perimezzio notis illustratam testes afferuntur ex processibus Canonizationis S. Francisci de Paulam comprobantes, eum, egente Monasterio sui Ordinis aqua, aquas e silice eduxisse, quem baculo tetigit; & fontem ipsum adhuc extare, idem Episcopus testatur. Utque plura alia, quæ facile cumulari possent, omittantur, in bulla Canonizationis S. Benonis pag. 215. *cod. Canoniz.* hæc leguntur: *Idemque Beatus Benno alio quodam tempore, cum in valle proxima civitati Misnenfi concionem ad populum haberet, animadvertit, multos, ut sic tempore aestivo, siti pene exanimos; ut illis subveniret, terram percussit, e qua subito uberrimus & perennis fons emanavit, qui adhuc hodiernis diebus Fons Sater appellatur.* Ex in bulla Canonizationis S. Petri de Aleantara pag. 393. *loc. cit.* Cum Joannes de Netra Petri in itinere factus inedia & siti confectus pene decideret, in loco; ubi ab orandum sanctus hic Vir se composuerat, fons illico eripit, & panis cum pisce ad esum paratus apparuit. In relatione causæ S. Isidori Agricolæ facta in Consistorio secreto super ejus*

Ca-

Canonizatione coram Gregorio XV. & edita post Contelorum *de Canonizat. Sanctor. pag. 747.* exponitur, illum, rebus arescentibus omnibus, ad vicinum montem perrexisse, in quo nullum aquæ vestigium apparebat, percussitque terra, fontem vivum repente aperuisse, qui adhuc durabat perpetuo fluens, & nullis unquam cæli ardoribus exsiccat; ad cuius aquæ potum ægri undique confluebant innumeris allecti miraculis, quæ intercessione ejus assidue Deus per aquas illas edebat. Concordat bulla Canonizationis *pag. 522. loc. cit. Hero enim in agro, quem Isidorus arabat, sitienti aquam in loco siccato & undique arido, percussa terra, manantem aperuit, qua hætenus manat perennis, nullis unquam Solis ardoribus exsiccata. Ei vis Divina inesse dignoscitur, Deusque per Isidori intercessionem in agris ad eam confluentibus assidua signa operatur.* Simile omnino miraculum approbatum fuit in causa Canonizationis S. Pálchalis de Baylon, ut apparet ex bulla Canonizationis ipsius, in qua inter cetera miracula post Beatificationem patrata, & approbata ad Canonizationem obtinendam, legitur illud Dominici Perez agricolæ (*pag. 476. loc. cit.*) qui, ope Beati implorata, ad primum lignis icum ex aridiori terra situ perennis, & nunquam vel exsiccantis, vel deficientis aqua fontem exsilire obtinuit, quo publica loci, & armentorum calamitas fuit reparata. Simile item in causa Beatificationis S. Turribii Alfonsi Mogobresii Archiepiscopi Limani: cum enim diocesim invensam pervenisset ad oppidum S. Ludovici de Macate provincie de Guaylas, & accepisset, loci incolas desperato prope consilio discessum medicari, quod tantus esset aquarum defectus, ut non modo non suppetere ad irrigationem segetum, sed ne ad vitæ quidem necessitatem, iussit erigi altare prope locum, ex quo olim aqua satis copiose manaverat, sed tunc quidem vix guttatim defluebat; peractoque Sacro, & benedictione loco impertita, fons, qui exaruerat, tanta repente fluxit aquarum copia, ut non tantum ad solitos usus populi manarint, sed præterea frumentariis & argentariis molis agendis satis fuerint, quæ eo in loco, invitante commoditate, constructæ sunt: in cuius rei memoriam erecta ibi fuit Crux adhuc existans; multique ægroci eo fonte hîgentes ab infirmitatibus sunt liberati.

3 Succedunt exempla transfretationis fluminum, & maris, absque cymba, non natando, sed pedibus eundo, perinde ac si per terram incederetur, præbentibus natis liquidum iter, sed solidum. In citata vita S. Benedicti cap. 7. refertur, Placidum puerum sancti Viri Monachum egressum ad hauriendam aquam in lacum corruisse; Virum autem Dei, in cella cum esset, hoc protinus agnovisse, & Mauro mandasse, ut itatim iret ad præstandum Placido auxilium; Maurumque, postulata & accepta benedictione, ad locum properasse, quo puer ab unda ducebatur, eum capillis arripuisse, & ambulasse super aquas, sicuti ambulasset super terram; sed regressum, postquam respexit, & agnovit, se super aquas cucurrisse, magno timore fuisse correptum. In bulla Canonizationis S. Ben-

374 DE SERVORUM DEI BEATIFICATIONE

S. Bennois pag. 215. cod. Canonizac. hæc habentur: *Albim flumen prædictum siccis pedibus transiit*. In bulla Canonizationis S. Petri de Alcantara pag. 383. loc. cit. ita legitur: *Non solum rapidissimas Tegi, & alterius fluminis aquas siccis ipse pedibus aliquando transiit, sed & puer qui asello insidens canistrum panibus refectum ad illum, & Fratres deferabat, Petri de Alcantara nomine invocato, jumentum impulit in flumen, quod solidum ac tutum supra suas aquas ingressum eidem præbuit*. Rex Aragoniæ Jacobus hujus nominis I. Sancto Raymundo de Pennafort significavit, sibi gratum futurum esse, si secum Majoricam proficisceretur, Judæos & Saracenos ad Fidem Catholicam conversurus. Rex puellam, quam deperibat, apud se retinebat: cumque Raymundus secretis hortationibus & efficacibus non potuisset eum a peccato remove, rogavit, ut sibi facultas daretur redeundi Barcinonem. Rex ira percitus, Edicto capitali cavit, ne quis nauta eum in suam navim reciperet, quocumque ire voluisset. Raymundus Edicti capitalis nescius, cum Socio ad portum properavit; ibique, cognito Regis mandato, pallium deposuit, & supra mare extendit; & accepto baculo, signo Crucis se muniens, pallium ascendit, erecta medietate cappæ in altum ad modum veli, quam in capite baculi fixit, ut in arbore, ad cujus radices alba veste indutus sedet. Obstupuerunt nautæ, & dum litore Barcinonensi appropinquaret; speculatores in alto Monte Jovis, qui est prope Barcinonem, constituti, molem numquam visam, nigram & albam, cum prospero vento venientem aspexerunt; reque denunciata Consiliariis civitatis, hisque ad litus prodeuntibus, apparuit Raymundus, qui descendens de pallio, eoque minime madido sese induens, salutatis humiliter cunctis, ad Conventum suorum Fratrum Prædicatorum circa meridiem ejusdem diei, quo a portu discellerat, pervenit; januisque clausis ingressus est. Sanctus quoque Hyacinthus (ut tertur) omnibus stupentibus, siccis pedibus transiit magnum flumen Visulam, alias Widlam, seu Vandalum circa oppidum Wiffograd; timore autem correptis Fratribus sui Ordinis, & idcirco eum sequi recusantibus, cappam suam extendit super aquam, super qua Fratres incolumes venerunt usque ad oppidum memoratum. Fusc hæc cum suis probationibus narrantur in relationibus Roræ Auditorum, quas in his causis exararunt. Quapropter Ven. Servus Dei Cardinalis Bellarminus in suo suffragio pro Canonizatione S. Raymundi edendo a Nobis tom. vii. in Appendicibus, ita allocutus est Clementem Papam VIII. *Sanctum Hyacinthum Sanctissas vestra paucis ante annis in numerum Sanctorum retulis. Sancto Hyacintho Sanctus Raymundus similissimus fuit: eodem saculo vixit, eundem habitum gestavit, ejusdem institutis informatus ad perfectum vite culmen pervenit, eodem Fidei ardore ac profectu Evangelium prædicavit, simili gloria miraculorum floruit, atque adeo simili, ut aquarum profunda uterque sine navi, sine ponte transierit. Similia leguntur in Actis SS. Francisci de Paula, Bernardini Senensis, & Joannis de Capistrano.*

Abhuc est libro 3. cap. 33. num. 3. exemplum S. Petri Ignei, qui illæsus per ignem ardentem transiit. Erat in bibliotheca Mediceo-Laurentiana *plut.* 20. num. 22. epitola a Florentinis paulo post memoratum innocuum transitum per ignem scripta Alexandro II. summo Pontifici, uti testatur Lamius *de eruditione Apostolorum scilicet* 2. cap. 3. cod. 130. quam etiam nuper typis edidit Joseph Maria Broccius *in vitis Sanctorum & Beatorum Florentinorum*. In bulla Canonizationis S. Chunegundis Imperatricis, quæ obiit anno 1040. & de qua plura habentur in *Actis SS. Ord. Benedicti* saculo 6. part. 1. sic legitur pag. 467.: *Suam ergo virginitatem Domino consecravit, & servavit intactam, ita quod, cum aliquando, instigante humani generis inimico, suspicio quædam contra ipsam fuisset exorta, ipsa, ut suam innocentiam demonstraret, super ignitas vomeres nudis plantis incescit & processit illæsa*. Pertinent hæc autem ad eas purgationes, quæ vulgares vocantur, cujusmodi erant, deficientibus aliis probationibus, duellum, ferri candentis contrectatio, aqua fervens, & id genus alia, quæ, si aliquo veteri canone sunt probata, posterioribus canonibus prohibita sunt, ut in *can. Consultuisti*; & in *can. Monachiam* 2. quest. 4. & in *cap. Ex litteris, de excess. Prelator.*; & in titulo *Decretalium, de purgatione vulgaris*; docetque S. Thomas 2. 2. quest. 95. art. 8. ad 2. *adversum*, illicita esse illa examina, quibus Deus tentatur ad operandum miraculum, Vulgares hæc probationes Ivo Carnotensis passim reprobat, & dissuadet *epist. 74. epist. 205. & epist. 252.* & Franciscus Juretus in *notis ad cit. epist. 74.* ex antiquis manuscriptis recenset exorcismos aquæ frigidæ vel calentis, & alias solemnes preces & ritus, quibus utebantur Sacerdotes, qui illiusmodi examinibus præerant. Approbat Ivo in *epist. 252. ad Radulphum Remensem Archiepiscopum* vulgares hæc probationes, si aliæ non suppetant idoneæ probationes; nec desint probabiles gravis delicti præsumptiones, & post juridicam accusationem Iudex sententia sua rem ita examinari jubeat. At juxta receptam disciplinam nulla est hodie circumstantia, in qua vulgaribus hisce probationibus locus esse possit. Quocirca tentatum experimentum ignis anno 1498. in causa Hieronymi Savonarolæ alias memorati, & de quo plura habentur in historia critica & practica Superstitionum Patris le Brun *cap. 4. num. 2.* summus Pontifex ex consilio Cardinalium reprobat, uti fusc legitur in 2. tom. *vita Hieronymi Savonarolæ in Addit. ad cap. 15. pag. 313. & seqq. edit. Parisien. an. 1674.* Simile est, quod habemus in usu sortium in sacris electionibus. Licet enim eadem fuerint adhibita in electione S. Matthiæ, uti legitur *Act. 1. v. 26. Et dederunt sortes eis, & cecidit sort super Matthiam*; quandoquidem Barfabas Justus, & Matthias ita pares erant sanctitate & meritis, ut vix, ac ne vix quidem humano judicio discerni posset, uter esset dignior Episcopatu Judæ proditoris; & licet in Concilio Barcinonensi *can. 3.* statutum sit, ad judicium sortis esse confugiendum, si inter Candidatos Episcopatus nullum meritorum discrimen appareat; hodie tamen usus sortium in sacris electionibus omnino pro-

376 DE SERVORUM DEI BEATIFICATIONE

prohibitus est, uti legitur in *cap. 3. de forilegiis*, etiam si agatur de personis æqualis meriti, uti late ostendunt Pirhing. *ad dict. tit. de forilegiis* §. 2. num. 10. Anaclet. *ad rumd. tit. num. 7.* Schmalzgrueber *ad cit. tit. num. 31.* Dandinus Signaturæ Jussitæ Votans in *tract. de Suspectis de hæresi cap. 4. sect. 2. subsect. 1. num. 10. & seqq.* Rota in *Albaricen. Canonicar. 10. Maji. 1700.* coram Molines Decano.

5 Uno verbo, experimenta hæc periculosa sunt, & reprobanda, nisi adsit Dei promissio, uti erat aqua zelotypiæ in veteri Testamento, de qua *Numer. cap. 5.* Mulier enim de adulterio suspecta aquas, quas zelotypiæ appellat Scriptura sacra, bibere cogebatur, quas cum potasset, si revera esset adultera, in templo marcebat; sed eadem zelotypiæ aquæ mulieribus de adulterio falsò accusatis minime nocebant.

6 Ad ea ergo ut descendamus, quæ magis ad rem nostram faciunt, præter ea quæ late cumulata sunt a Bagatta in *admirandis orbis Christiani tom. 1. lib. 2. cap. 1.* vivi crematio summum supplicium appellatur in *l. 28. ff. de poenis, in cyprii* §. 9. dicitur: *Igni cremantur plerumque servi . . . nonnumquam etiam liberi plebei, & humiles persone.* Tales passim Christiani habebantur: iccirco populus Smyrnenus, cum Sancto Polycarpo leonem possulasset, petiit deinde, ut vivus arderet. Tiburtius in Persecutione Diocletiani damnatus ad incendendum nudis plantis super carbones ardentes, Crucis signo se muniens, fidenter ambulans super eos asseruit, prius sibi flores visas fuisse: quocirca extra Urbem ductus, & via Lavicana tertio ab Urbe lapide gladio percussus, ibi a Christianis sepultus est. Multa hujus generis reperiuntur in Actis Canonizationum, quorum nonnulla hic a Nobis exponuntur. In bulla Canonizationis S. Francisci de Paula §. 13. legitur, ipsum sæpius ignem nudis pedibus conculcasse, ac ignitos candentesque lapides manibus contrectasse. In bulla Canonizationis S. Petri de Alcantara (*pag. 394. cod. Canonizat.*): *Incensum ignem in quodam Conventu per flammam ipsas innoxius incedens sine mora extinxit.* In relatione Rotæ Auditorum edita in causâ S. Pii V. & impressa apud Bzovium in *tom. postremo annalium* suis refertur, Agrabe, quod est oppidum in Hispania, in domesticum sacellum Antonii Cardonæ & Sestæ Ducis ignem maximum casu excitatum tanta vi deservisse, ut etiam argenteas Imagines dissolverit, & aram lapideam in pumices redegerit, illælis medio in igne binis Imaginibus S. Pii V. quarum altera tela, altera charta erat expressa; iidemque Rotæ Auditores censuerunt, id esse miraculo adscribendum; & ejus habendam esse rationem, ut sane habita fuit, in Beatificatione S. Pii V. cum miracula, nulla præcedente invocatione, etiam fiant ad declarandam alicujus sanctitatem. In relatione causæ S. Ludovici Bertrandi miraculo ejus intercessione patrato adscribitur, quod; fervente incendio non sine ingenti mortalium terróre per totum montem, ipso, elevatis in cælum oculis, & formato signo Crucis dextera manu, benedictionem impartiente; nulla penitus intercedente mora, flam-

flamma extincta sit; ita ut ligna, quorum non parva copia comburi coeperat, dimidia parte exusta, & altera parte intacta visa fuerint, eodemque in trunco veluti exactissima quadam linea discriminata apparuerint, prout ipso benedictionis tempore plus, minusve flamma consumpserat. In relatione causæ S. Joannis de Deo ab iisdem Rotæ Auditoribus exarata inter miracula refertur, excitato magno incendio in Regio valedudinario civitatis Granatenfis, & accurrentibus omnibus, ut non tam ædificii, quam infirmorum incolumitati consulerent, Joannem impavidum, toto spectante populo, in ignem proliisisse, huc illucque inter flammæ per ardentia discurrentem tecta, quousque non tam infirmos humeris exportatos, quam lectulos e fenestris projectos ab incendio vindicavit; succrescentibus autem flammis Joannem circumventum, cum per horæ dimidium ab omnium oculis ereptus, tanquam igne consumptus communi moerore deploraretur, incolumem ex incendio prodiisse, omnibus obstupescitibus, & id miraculo adscribentibus. Addimus ex Cedreno, celebre templum S. Anastasie Constantinopoli ab igne accenso servatum fuisse precibus S. Macarii; ex S. Gregorio lib. 1. dialogor. cap. 6. Anconam precibus S. Marcellini Episcopi fuisse ab igne accenso liberatam; & similia leguntur de SS. Romualdo, Stephano, Benedicto, Hilario, Visidonio, Medoaldo, Berrulpho, Thecla, & aliis apud Bollandum, & Surium, & apud Rosveidum de Fide Hæretic. servanda cap. 12. & apud Petram sanctam in thasmasia vera religionis tom. 1. cap. 67. & apud Pignatellum consuls. 110. num. 24. & seqq. tom. 4.

7 Mirabilia in superioribus ex Actis Canonizationum desumpta de dominio in aquas retulimus: nunc alia, licet minoris ponderis, addenda sunt, quæ tamen vera miracula fuerunt. In vita S. Bernardi scripta a Guillelmo, & edita post opera ejusdem Sancti edit. Mabillonæ cap. 11. col. 1099. legitur, imbre corridente madefactam non fuisse chartam epistolæ, quam ipse dictabat: *Subito autem inopinatus imber erupit, & is, qui scribebat (scilicet, ipso referent, & didicimus) chartam reponere voluit. Ad quem Pater sanctus, Opus, inquit, Dei est, scribe, ne timeas. Scripsit ergo epistolam in medio imbre sine imbre.* In relatione causæ S. Franciscæ Romanæ edita ab Auditoribus Rotæ part. 3. art. 13. miraculo, & merito adscribitur, quod in aquis cum esset, non fuerit madefacta. Cum enim in vigilia SS. Apostolorum Petri & Pauli anno 1438. ab ecclesiâ S. Pauli reverteretur una cum Sororibus, & intrasset in suam vineam prope molam S. Pauli, & sanctis meditationibus vacans rapta fuisset in ecstasim, & genua flexisset in aqua, ita ut per magnum temporis spatium aquis circumdata eo modo constitisset, postmodum ita siccis pedibus de aqua exivit, ac si aquam minime tetigisset: eodemque anno in eadem vinea, cum recitaret Officium Beatæ Mariæ Virginis, & magna pluvia supervenisset, & ambulando per vineam Officium recitare perrexisset, ipsa sola non fuit madefacta. In relatione autem causæ S. Andree Avellini 3. part. miraculo adscribitur, quod ingressus domum Regen

Tom. IV.

B b b

tis

378 DE SERVORUM DEI BEATIFICATIONE

ris Camilli de Curtis, ut Catharinam Carasam ægrotantem inviseret, recusato curru ipsi oblato ob maximam pluviam, nec ipse tamen, nec socii ullo modo mædæsi sint; extinctoque lumine impetu ventorum, quod secum deferebant, splendor obortus sit circa corpus S. Andree, cujus ope totam viam videre potuerunt, & incolumes pervenire ad Domum S. Pauli. Aliqua dicenda essent de dominio Servorum Dei in creaturas irracionales animatas, puta belluas ferociiores. Multa autem de hoc dicta sunt, dum de martyrio locuti fuimus: vidimus enim, leones & urfos aulos non fuisse corpora Martyrum attingere: & qui plura scire cupit de admirandis animalium obsequiis erga Beatos, aut Sanctos, legere potest Joannem Eusebium Nierembergium *historia natura lib. 9. cap. 95. & cap. 96.*

8 Magnalia hæc sunt omnipotentiae Divinae, juxta illud *Psal. 28. v. 7. Vox Domini intercedentis flammam ignis, & juxta illud Psal. 65. v. 12. Transivimus per ignem & aquam, & eduxisti nos in refrigerium.* S. Joannes Chrysostomus *homil. 12. super Genesim num. 3. oper. tom. 4.* obstupefescens, quod ignis fornacis Babylonicæ erumpens Chaldaeos extra fornacem adulerit, & pueros intra fornacem existentes nullatenus læserit, hæc habet: *Et, ne quis putaret, existibilem illum ignem operatione carere, idcirco benignus Dominus illius efficaciam non impedivit, sed vim illam urendi illosam servavit, & Servos suos illa superaverat fecit; Ceterum, ut scirent, qui pueros injecerant, quanta esset omnium Dei potentia in illos, ignis suam operationem exercuit, ita ut ille ipse ignis eos intus circummuniret, eos autem, qui foris erant ureret & consumeret. . . . Dominus quando vult, elementa omnia in contrariam mutat essentiam.* De hisce & consumilibus factis Calmet in *differt. de veris, fictisque prodigiis*, quæ extat ante comment. *Exod. tom. 1. part. 1. pag. 285.* ita scribit: *Verum prodigium, juxta insitam nobis ideam, res est regulas natura consuetas transcendens: vir super aquas gradus. Et post plura (pag. 289.): Prodigia tamen nonnulla suppetunt adeo aperta & explorata, ut imperitissimi quique de populo tuto de illis judicare permittantur.* Ita plane, cum Moyses, elata virga, pelagus pro arbitrio diffudit, restituitque; cum & sicce percussa aquarum venas eduxit &c. Cum occurrit examen eorum, qui super aquas ambulaverunt, questio exitari potest, quomodo id factum sit, num videlicet corpus levitatem induerit, an aqua ex fluida effecta fuerit solida, an tantum suspensus fuerit effectus fluiditatis. Item, cum agitur de fontium productione, resumuntur quæ a Philosophis traduntur de eorum origine. Aristoteles enim *lib. 1. meteor. cap. 13. text. 60. & duobus sequentibus* docuit, aquam fontium gigni intra sinus & cavitates terræ ex aere & vaporibus in aquam ibidem resolutis. Seneca *lib. 3. questio. natural. cap. 6.* voluit, intra terram adesse ingentem cavitatem aquis repletam, quam barathrum appellant, quæ origo sit quarumvis aquarum, quæ in terræ superficie visuntur; cujus opinionis antesignanus fuit Plato in *phædruo*, sive in *dialogo de anima*. Recentioribus placuit, originem principalem fontium & fluminum esse aquas subterraneas a marinis oriundas, minus vero principalem esse aquas pluvias ex aere ac vaporibus ortas, juxta ea quæ

ea quæ docuerunt Conimbricenses *trakt. 9. in meteor. cap. 41.* Fontes e mari proxime, aut remote ortum ducere, contendit Maignan. in *philosophia natura cap. 17. propos. 17.* Denique, infra campos & montes esse multas cavitates aquis plenas, quæ vi caloris in vapores resolute ascendunt per terræ poros, & cum istiusmodi vapores non procul absunt a superficie terræ, vi frigoris condensati, & crassiores effecti relabuntur eo, unde venerunt, sed laxiores meatus nacti sursum ascendant, & jam in aquam conversi erumpant, & in fontes scaturiant, late probare conatur Renatus des Chartes *philosophia part. 4. num. 64.* Alia de origine fontium erudite collecta legi possunt tom. 2. *dialogor. physicor.* Patris Regnault ex Gallico in italicum idioma nuper translatorum, & Venetiis editorum anno 1736. pag. 110. & seqq. Denique, cum agitur de transitu per ignem absque ulla læsione, asserri possunt quæ apud nonnullos habentur de corporis humani constitutione, quam putant ab igne naturaliter non lædi.

9 Verum hæc, similesque disputationes nullum approbationi miraculi obstaculum præbere poterunt: quamcumque enim ex recitatis opinionibus sequamur de modo, quo quis ambulat super aquas, & de origine fontium, semper vigeat ratio miraculi, saltem quoad modum, uti bene adnotarunt Rotæ Auditores in relatione causæ S. Isidori Agricole in *miraculo tertio in vita*, & in relatione causæ tunc Servi Dei, nunc Beati Hieronymi Amiliani *miraculo secundo in vita*, & explicat Valesius *de sacra philosophia cap. 63. pag. 465.* ubi verba faciens de Moyse, qui percussit petram, & itatim fluxerunt aquæ, hæc habet: *Neque enim putandum est, Moysen, cum in Deserto lapidem virga feriens potavit siti jam pereuntem populum, scisse, ut quæ antea non erat, aqua gigneretur denuo, sed ut quæ suberat, rupto metu erumperet, velut Chirurgus venam scindens sanguinem fluere facit.* Quæ autem a nonnullis circumferuntur de corporis humani constitutione, quæ ab igne naturaliter non læditur, falsa sunt & ludicra, veluti late ostendunt Majolus in *diebus canticularibus tom. 1. colloq. 22.* & Pignatellus *cit. consuls. 110. tom. 4.* Sunt quedam sane, quæ comburi non possunt, de quibus Lævinius Lemnius *de oculis natura miraculis lib. 2. cap. 12.* sed qui inter hæc humana corpora ponit, fabulas narrat.

10 Solida ergo, quæ occurrere potest in horum factorum examine, difficultas consistit in probationibus. Etenim videndum est, quam fidem mereantur qui hæc testando confirmant, & quomodo dictis eorum substantia facti comprobata sit. Quando autem agitur de incenditis super aquas, tanquam supra terram, videndum, an incesserint, nulla demersa corporis parte: quare Lactantius *lib. 4. de vera sapientia cap. 15.* referens, Christum a Discipulis visum fuisse super aquas ambulantem, ait: *At illi urgente jam vespere profecti, contrario vento laborare ceperunt. Cumque jam medium fretum tenerent, sum pedibus mare ingressus consecutus est eos, tanquam in solido gradient, non ut Poeta mentitur Orionem in pelago incendentem, qui, demersa corporis parte, humero supereminet undas: corpus enim solidum, etiam si*

levius sit aqua, si ponatur in ipsa, mergitur aliqua sui parte, sed non totum, alia videlicet ejus parte insperstante, ut ex Archimede docent P. de Lanis *magister, natura & artis tom. 3. lib. 25. cap. 2. prop. 22. fol. 535. & cap. 3. prop. 3. fol. 555. & Borell. de motionib. natural. a gravitate pendentib. prop. 25. prop. 81. & prop. 99.* ubi demonstrat, necessario admitti debere, ut corpora omnia, quæ levia appellantur, sursum ascendant extrusa fluidis, in quibus innatant, ob excessum gravitatis istorum: quod ipsum asseruit *prop. 39.* ubi impetum, quo lignum & aer per aquam ascendunt, vocat naturalem, quia est necessarius; rationemque reddit, quod inter molem quamque corpoream fluido demersam, & fluidum ipsum mutua quædam gravitatum lucta, non secus ac inter pondera utrimque bilanci appensa, exerceatur, descendente eo quod est gravius, & ascendente eo quod est levius, donec res sint compositæ ad æquilibrium. Quærendum quoque est, num viderint dies, an nocte; & quatenus nocte viderint, quomodo cognoverint, eum ipsum esse, quem ambulasse dicunt super aquas. Christus venit ad Discipulos ambulans supra mare quarta vigilia noctis circa æquinoctium Paschale, sive vernali, quando nox æqualis est diei, & sic duodecim horarum. Intra decimam ergo noctis horam, & duodecimam Christus venit, & videntes eum Discipuli supra mare ambulantem turbati sunt dicentes, phantasma esse, & præ timore clamaverunt; sed statim Jesus locutus est dicens: *Habete fiduciam. Ego sum, nolite timere;* Petro autem roganti, ut se juberet ad ipsum venire super aquas, respondit ut veniret.

11 Si vero agitur de mirabili fontium productione, non erit omitenda indagatio, num in loco, in quo aqua manavit, ullum esset antea aquæ signum, an terra esset arida & licca; an opportunum hominis ministerium intercesserit in saxo excavando, & aqua educenda; an pro hominum, vel animalium sospitate, aut frugum conservatione aqua esset necessaria; an statim post preces Servi Dei manaverit, si fons erupit, dum ipse vivebat; an statim post invocationem, si agitur de facto post ejus obitum: & quatenus aqua temporibus etiam subsequenter ægrotis profuerit, hæc circumstantiæ multum proderunt approbationi miraculi. Quocirca Federicus Caccia tunc sacræ Consistorialis aulæ Advocatus, deinde Rotæ Auditor, & Nuntius Hispaniarum, & tandem S. R. E. Cardinalis & Archiepiscopus Mediolanensis respondens animadversionibus Prosperi Bottinii tunc Fidei Promotoris super miraculo eruptionis fontis in causa S. Turribii, ait: *Certe, quicquid in abstracto dici possit quoad novas fontium eruptiones, quas naturaliter contingere posse non diffiteor, si in hoc, de quo agimus, circumstantiæ facti ponderentur, scilicet præcedens æstivo tempore siccitas, imploratum ab incolis Archiepiscopalis auxilium; ejusdem ad locum accessus, altaris erectio, Sacrum peractum, ac instantanea ad impartitam benedictionem aquarum eruptio in magna ac insolita copia; earumque perennitas; si hæc, inquam, omnia recte ponderentur, omnis naturalis ratio prorsus excluditur, & evidenter apparet miraculum, non quidem quoad substantiam facti, sed quoad insolitum & diversum a principii naturæ modum agendi.*

12 Denique, si agatur de transitu per ignem absque læsione, querendum est, num qui transiit illæsus, ingressus fuerit cum, an sine vestibus: qui enim cum vestibus ingreditur, facilius comburitur; ac proinde *Danielis cap. 3.* narratur, Sidrach, Misach, & Abdenago victos cum braccis suis & tiaris & calceamentis & vestibus missos fuisse in mediam fornacem ignis ardentis. Item querendum est, quomodo constructa esset strues lignorum accensorum; an transitus fuerit per medium; an ventus spirans flammam avertere potuerit; quanto tempore, qui transiit, permanerit in igne; quomodo probetur illæsus, & an duraverit. De S. Polycarpo in rogam ardentem conjecto scribunt Syriacenses apud Eusebium *lib. 4. histor. cap. 15.* Ignis enim fornacis speciem præbens, tamquam velum navis ventorum flatu sinuatum circum corpus Martyris stetit. Quod quidem in medio positum, non ut caro assa videbatur, sed velut aurum, aut argentum, quod in fornace excoquitur. Quippe odorem suavisimum quasi thuris alteriusque pretiosi aromatis naribus nostris inbalantem hauriebamus. Postremo cernentes impii ac profani homines corpus flammis non posse consumi, confactorem propius accedere, ensæque alie in corpus adigere, frustra. Quo facto tanta vis sanguinis effluxit, ut ignis prorsus exstingueretur.

13 Hæc autem innuisse satis sit, cum in singulis factis alia plura advertenda inveniri possint. De præstigiis autem, aut factis, quæ vi Dæmonum etiam in his rebus contingere possunt, non agimus, cum (uti sæpiissime dictum est) questio non instituat de miraculis, nisi post approbatas virtutes, quarum approbatio quodcumque Dæmonum factum avertit.

14 Aliquid remanet ut dicamus de miraculis respicientibus arbores, seu plantas. *Matthæi cap. 21. v. 19.* hæc habentur de Christo Domino: *Et videns fici arborem unam secus viam, venit ad eam, & nihil invenit in ea, nisi folia tantum, & ait illi: Nunquam ex te fructus nascetur in sempiternum. Et arefacta est continuo ficulnea. Et videntes Discipuli mirati sunt, dicentes: Quomodo continuo aruit? Quod ipsum legitur *Marci 11. v. 13.* Cumque vidisset a longe ficum habentem folia, venit, si quid forte inveniret in ea. Et cum venisset ad eam, nihil invenit præter folia, non enim erat tempus ficorum. Et respondens dixit ei: Nunc non amplius in æternum ex te fructum quisquam manducet. Sancti Patres dicunt, Christum facto adeo illustri voluisse Apostolis patefacere causam reprobationis Judæorum. Ficus populum Judæorum representabat. Populus hic erat arbor plantata in terra Domini. Tempus non erat, quo ficus fructus naturaliter producit. Sed cum Judæi, per arborem designati, quocumque tempore deberent fructus producere; concludunt Patres, Christum Dominum ficui maledixisse, non propter ficum, sed propter eos qui per ficum representabantur: uti videri potest apud Calmet *hæc citat. in Matthæum.* Idem Calmet in comment. super Evangelio S. Marci *cap. 11.* ostendit, in Palæstina etiam nunc ficus adesse, quæ fructus habent mense Martio, prout etiam habere debuisset ficus a Christo maledicta poitridie Dominicæ Palmarum, die 11. mensis primi Nisan, hoc est, juxta nostrum computum, die 21. Martii. At, utcumque sit de his, miraculo*

382 DE SERVORUM DEI BEATIFICATIONE

attribuendum est, quod arbor tam subito, tam succulenta, tam frondosa, non apposito igne, non ferro ardente, non evulsa vento, non defossa radicibus, sed solo omnipotenti Domini verbo rota exaruerit, uti loquitur S. Joannes Chrysostomus apud Joannem Jacobum Schevchzerum in *physica sacra* in *Matthæum* cap. 21. pag. 1375. Simile aliquid legitur a Deo patratum ad ostendendam sanctitatem S. Francisci. Frater Juniperus plantandæ arbori curam intendebat; cumque vocatus a S. Francisco, quousque coeptum perfecisset opus, parere detrectasset, Sanctus arbori maledixit, quod contumaciæ occasio exitisset, eique præcepit, ne in posterum cresceret, quod protinus factum est, cum ne latum quidem unguem creverit a die quo teræ infixæ est; prout hodie etiam visitur Carinulæ, quæ est urbs Campaniæ Felicis, in monasterio Minorum, uti referunt Wadingus in *annal.* ad ann. 1222. num. 11. & Cornelius a Lapide in *Matthæum* cap. 21. vers. 19.

C A P U T X X V.

De quibusdam miraculis, quæ in calis, & in terra contingunt.

Scriptum est Num. 24. v. 27. *Orietur stella ex Jacob, & consurget virga de Israel.* Nato autem Jesu in Bethlehem Judæ in diebus Herodis Regis, stella apparuit, quam Magi sequentes, ad eum adorandum perrexerunt, & de thesauris suis obtulerunt ei munera aurum, thus, & myrrham: *Ecce Magi* (legitur in Evangelio S. Matthæi cap. 2. v. 1.) *ab Oriente venerunt Hierosolymam, dicentes: Ubi est, qui natus est Rex Judæorum? Vidimus enim stellam ejus in Oriente, & venimus adorare eum;* & v. 9. *Eest stella, quam viderant in Oriente, anteedebat eos, usque dum veniens staret supra, ubi erat Puer.* Videntes autem stellam, gavisi sunt gaudio magno valde. *Eis intrantes domum invenerunt Puerum cum Maria matre ejus, & procidentes adoraverunt eum, & apertis thesauris suis, obtulerunt ei munera aurum, thus, & myrrham.*

2 Variæ sunt de hac stella sententiæ. Nonnulli putant, fuisse astrum novum micans in aere; nonnulli, Angelum corporea luce emicantem in astri figuram; nonnulli, Spiritum Sanctum sub assumpta atri specie; ceteri, flammeum aliquod phænomenon in media aeris regione, juxta ea quæ habentur apud Calmet in *disser. de Magis, qui Jesum adoraturi venerunt.*

3 At, ad sententiam magis receptam ut veniamus, quamvis ad Christum manifestandum Dei omnipotentia efficere potuisset, ut aliqua ex cælestibus stellis descenderet, novoque & inusitato modo moveretur; quia tamen non sunt multiplicanda miracula, veluti ad rem observat Suarez *quest. 36. art. 8. disput. 14. sect. 5.* Patres communi calculo asserunt, stellam hanc non fuisse ex genere earum, quibus cælos videmus ornatos, nec etiam ex illis, quæ, ut minus fortasse recte olim putabatur, ex vaporibus coagulationis accensæ in aere *Cometa* dictæ sunt, sed Divinam quandam virtutem,

tem, quæ non tantum aspicientium oculos sui fulgoris radiis illustraret, sed quæ & mentes illorum Divina luce perfunderet, atque ad Christum natum perquirendum excitaret, uti habetur apud Cardinalem Baronium ad annum primum Christi num. 35. Ad rem hæc facit illud Theophylacti in Mat. hæc cap. 2. ubi hæc habet: *Quando audis stellam, ne talem illam putes, quales videmus; sed Divinam virtutem & Angelicam in figura sideris apparentem. Nam quoniam Astrologi Magi erant, propterea Dominus familiari ipfis signo eos adduxit, sicut Petrum piscatorem a multitudine piscium, quos in Christi nomine ceperat, stupefcere fecit. Quod autem Angelica virtus fuerit stella, manifestum est ex eo, quod in die resurserit, & ad motum Magorum se moverit, & ad quietem eorum quieverit. Quin & a Septentrionali parte, qua est Persidis, ad Meridiem, in qua est Jerusalem, movebatur. Numquam autem stella a Septentrione ad Meridiem vertitur.*

4. Nec aliter profecto videtur res hæc se habere potuisse: si etenim stella, quæ apparuit Magis, fuisset stella firmamento affixa, ex tanta altitudine non potuisset eis viam monstrare. Rursus stellæ habent motum circularem, hæc non item: illæ perpetuæ sunt, hæc fuit temporanea; cum expleto officio, evanuerit: illæ omnibus conspicuæ sunt (quod & ipis cometis commune est), ista solis Magis; si enim perspicua fuisset Herodi, ipse tanta sollicitudine tempus ortus ejus non exquisivisset. Denique stella sese occultavit Magis, dum erant Hierosolymis. Ex quibus proinde inferitur, eam aut fuisse aliquod meteorum ab Angelo formatum in modum & speciem stellæ, ingenti lumine pertulit, ab Angelo ex Oriente Occidentem motum in media aeris regione, ut Magis signaret iter, ad instar columnæ ignis, quæ filios Israel per Desertum deduxit; vel fuisse stellam tunc creatam, non in cælo, sed in aere vicino terræ, quæ secundum Divinam voluntatem movebatur, uti perspicue docet D. Thomas 3. part. qu. 36. art. 7. cui adhæret Auctor licet heterodoxus, Fridericus Spanhemius in Dubiis Evangelicis dub. 27. pag. 297. num. 8. ubi hæc habet: *Omnibus vero expensis, hæc sententia tutissima videtur, hanc stellam fuisse corpus lucidissimum, sed exigua molis, a Deo extraordinarie, non in cælo aëreæ, sed aëreo ejusque regione inferiore formatum sive per creationem immediatam sive per mediatam, & motu arbitrario pro Dei voluntate motum ad designationem eventus extraordinarii, & directionem itineris Magorum ad Domum & Dominum, quod, ministerio illi praestito, pro Creatoris voluntate disparuit sive per annihilationem, si immediate creatum dicatur, sive per resolutionem in materiam, ex qua compactum erat, si creatione mediata productum statuatur &c. Ad hanc sententiam accedunt in aliis Origenes, Augustinus, Damascenus, & Thomas, qui ait, fuisse stellam de novo creatam non in cælo, sed in aere terræ vicino, qua secundum Divinam voluntatem movebatur. Keplerus, Tycho, & alii, qui solo ductu rationis naturalis de hac stella locuti sunt, docuerunt, eam non fuisse ex antiquis stellis a principio creatis, sed stellam a Deo modo supernaturali formatam. En verba Tychonis (progymnasmatum tom. 1. lib. 1. pag. 324.): *Stella illa, qua in Oriente**

te Magis

384 DE SERVORUM DEI BEATIFICATIONE

te Magis apparuit non erat de calcsium asrorum genere Fuit potius peculiare, atque admirandum Dei opus.

5 *Ilaiz cap. 50. v. 3. legitur: Induam calcs tenebris: Jeremix cap. 15. v. 9. Defecit anima ejus, occidit ei sol, cum adhuc esset dies: & Amos cap. 8. v. 9. Occidet sol in meridie, & tenebrefcere faciam terram in die luminis: & moriente Domino nostro Jesu Christo, obcuratus est sol, quemadmodum legitur Matthxi cap. 27. v. 45. A sexta autem hora tenebra facta sunt super universam terram usque ad horam nonam; & Marci cap. 15. v. 33. Et, facta hora sexta, tenebra facta sunt per totam terram usque in horam nonam; & Lucx 23. v. 44. Erat autem fere hora sexta, & tenebra facta sunt in universam terram usque in horam nonam.*

6 Origenes *tract. 35. in Mattheum edit. Paris. tom. 3. pag. 923.* in eo est sensu, ut putet, tenebras predictas solam Judæam comprehendisse: Arbitror ego, sicut cetera signa, que facta sunt in Passione ipsius (loquitur de Christo Domino) in Jerusalem tantummodo facta sunt, sic & tenebra tantummodo super omnem terram Judæam sunt facta usque ad horam nonam. Nonnulli alii Origenem secuti sunt; & quia supra citata verba Evangelistarum universam terram respiciunt, putant, id suæ non officere sententiæ, cum *lib. 3. Regum cap. 18. v. 10.* ita scriptum sit: *Vroit Dominus Deus tuus, quia non est Genus, aut Regnum, quod non miserit Dominus meus te requirens:* quibus verbis indicatur, perquisitionem factam fuisse, non per universum mundum, sed per regiones, quæ erant circa Judæam. At sententia hæc verbis sacri Textus expresse loquentis de universa terra adversatur; quemadmodum, ceteris allegatis, late ostendit Suarez *quest. 50. disp. 39. sect. 1.*

7 Bina accedunt testimonia, magni utique ponderis, ex quibus comprobari posse videtur, tenebras non sola Judæa conclusas, sed ad universum orbem extensas fuisse. Alterum est S. Dionysii Areopagitæ, qui *epist. 7. ad Polycarpum (oper. tom. 2. pag. 91.)* dicit, eclipsim hanc a se fuisse observatam, & ab Apollophane in Ægypto: Tunc enim ambo juxta Heliopolim (quæ inclita Ægypti civitas est) presentes simul, & astantes, mirabili ratione Soli lunam coincidere cernebamur (neque tamen tempus conjunctionis erat) ipsamque rursus sub horam nonam vespertinam diametro Soli opposito supernaturaliter restitui. Alterum est Phlegontis, Hadriani Imperatoris Libertus, qui historiam in libros sexdecim distributam per olympiades scripsit, & cujus verba apud S. Hieronymum in Eusebii Chronico *oper. tom. 8. pag. 649.* sunt hæc: Quarto autem anno CCII. olympiadis magna & excellens inter omnes, quæ ante eam acciderant, defectio Solis facta. Dies hora sexta ita in tenebrosam noctem versus, ut stella in calo vise sint, terræque motus in Bithynia Nicæna urbis multas ades subverterit.

8 S. Thomas 3. part. *quest. 44. art. 2.* putans, non commentitium, sed verum esse S. Dionysii textum, non solum sentit, tenebras universam terram comprehendisse, sed porro progrediens explicat, quomodo tenebræ factæ sint per universam terram, per interpositionem videlicet lunæ inter nos,

nos, & solem, efficiente Divina omnipotentia, ut, non turbato consueto temporum cursu, luna, quæ erat in plenilunio ex adverso Soli, accurreret loco suo ad eum præter tempus debitum, & deinde ab ipso recedens in locum proprium restituta fuerit tempore debito. Cardinalis Cozza *vindicias Arespagiticas* evulgavit, & *part. 2. cap. 9.* late contendit, solis defectionem tempore Passionis Christi factam esse per lunæ inter terram & solem interpositionem, & proinde naturalem fuisse quoad substantiam, sed supra naturam quoad modum, ratione plenilunii, & proinde longe lateque spectatam fuisse non minus, ac ceteras naturales Solis eclipses. At, cum maxima inter Eruditos questio sit, num genuinus, an apocryphus sit textus S. Dionysii, hinc est, quod validum pro re, de qua nunc agitur, ab eo desumi nequit fundamentum, prout etiam innuisse videtur Graveſon *de mysteriis & annis Christi dissert. 20. §. 1. pag. 444.* ubi modestè ait, maximum pondus auctoritatis sententiæ S. Thomæ esse accessurum, si genuinus esset textus S. Dionysii.

9 Succedit testimonium Phlegontis, de quo tantummodo disputatur, an loquatur de eadem eclipsi, de qua loquuntur Evangelistæ; & ratio dubitandi potissimum derivatur ex eo, quod Phlegon non dicat, eclipsim Solis in plenilunio contigisse. At invicta mihi videntur argumenta, quibus ponitur in aperto, Phlegontem de eadem eclipsi locutum fuisse, de qua sermonem habuerunt Evangelistæ: incidit enim utraque in eundem annum, Tiberii scilicet decimum nonum; utraque respicit eandem horam, horam scilicet sextam; utramque demum comitatus est insignis terræ motus: & ad historiam Phlegontis respexisse videtur Tertullianus in *apologico c. 21. pag. 29.* ubi ita scriptum reliquit: *Eodem momento dies, mediumque Orbem signante sole, subducta est. Deliquium utique putaverunt, qui id quoque super Christo predicatum non sciverunt; & tamen enim mundi casum relatum in archivis vestris habetis.* Concordat Lucianus Martyr, qui (*ap. Rufinum lib. 9. hist. Eccl. cap. 6.*) sic ait: *Consulite annales vestros, & invenietis Pilati temporibus, dum pateretur Christus, media die fugatum solem, & interruptum diem: & quamvis Phlegon non dicat, eclipsim contigisse plenilunio, non tamen dicit interlunio factam; ex quo proinde inferri potest, eum plenilunii non meminisse, quod rerum astrologicarum esset ignarus. Fule hæc omnia prosequitur Natalis Alexander in hist. Eccl. sæc. primi c. 1. art. 5. Legi potest Huettius in demonstrat. Evang. propost. 3. pag. 44 & seqq., ubi late vindicat testimonium Phlegontis, & probat, eum loqui de eadem eclipsi, de qua loquuntur Evangelistæ; & pag. 43. §. 8. hæc addit: Accuratissima vero & attentissima observatione dignum est, quod habet nupera Sinenſis historia Hadriani Gressonii, adnotasse Sinas in rerum suarum monumentis ad id tempus, in quod annum ætatis Christi trigessimum secundum nos Christiani conferimus, circa mensem Aprilem solare deliquium præter ordinem naturæ, & leges curricula astrorum præfixas contigisse, qua rei novitate Quamvultum Imperatorem vehementer fuisse commotum.*

Tom. IV.

C c c

10 Men-

386 DE SERVORUM DEI BEATIFICATIONE

10 Mentio superius facta est solaris eclipsiſ, & per eclipsim a plerisque explicari diximus tenebras quæ contigerunt in Christi Passione: etenim qui asserat, obſcurationem solis in eadem Passione per nubes factam esse, merito redarguitur a Tillemont in *notis* 35. ad *vitam Jesu Christi*. Nec admittenda videtur sententia illorum, qui putantes, ratione plenilunii tenebras per eclipsim contingere non potuisse, dixerunt, solem radios in se suos lucemque retraxisse: siquidem præter ea, quæ optime observat Calmet in *differt. de tenebris in obitu Jesu Christi*, cum hoc loco agatur de eclipsi miraculo facta, difficultas plenilunii (quæ aliunde non minor esset in imaginaria illa luminis retractione) prius nulla est; & omnino etiam, si quis renuat ad veram eclipsim pro hac tenebrarum explicatione confugere, brevius dici potest, magisque coherenter ad consuetam in rebus similibus Theologorum doctrinam, uno tantum miraculo, id est suspenſione Divinæ efficacitatis ad solaris luminis diffusionem, diem defecisse.

11 Demum, cum Dominus noster Jesus Christus mortuus est, non solum velum templi scissum est in duas partes a summo usque deorsum, uti habetur *Marci* 15. & *Luca* 23. Sed etiam terra mota est, & petræ scissæ sunt, & monumenta aperta, uti habetur *Matthæi* 27.

12 Nefas profecto, erroneum, & quodammodo impium esset de miraculo dubitare tum quoad stellam in ortu, tum quoad tenebras, & terræ motum in obitu Sanctissimi Domini nostri Jesu Christi; & nefas quoque esset de rebus consimilibus dubitare, easque a classe miraculorum avertere, quoties eadem judicio Ecclesiæ, & Romani potissimum Pontificis auctoritate in judicio Beatificationis & Canonizationis fuerunt tamquam miracula approbate. Exstant exempla apud Bagattam *de admirandis orbis Christi* *tom. 1. lib. 1. cap. 3. & 4.* At, quia in judicio illo ferendo nihil agitur oscitanter, operæ pretium esse videtur, nonnulla hic innuere, ex quibus Consultores Congregationis sacrorum rituum aliqua haurire possunt ad rectum judicium ferendum, cum similia a Postulatoribus proponuntur tamquam miracula in causis Beatificationis & Canonizationis.

13 Apud antiquos Historicos, quemadmodum legi potest *tom. 2. Almagesti Riccioli*, cometæ habiti sunt tamquam indicia alicujus memorabilis casus; ideoque eos vocant faces funebres, lampades mortis, indicia fuzuræ pestis, caritatis annoz, & terræmotus. Gassendus *tom. 1. lib. 5. sect. 2. pag. 712.* ubi agit de cometis, huic opinioni adversatur: *Citans* (inquit) *exempla mille eladum, mille mortem Principum, quæ post cometas acciderint, ac centies plures prætermittunt, quæ acciderunt sine cometis.* Peripatetici, & major pars Stoicorum docuerunt, cometas componi exhalationibus vaporum terrestrium. Sed inter antiquos Philosophos, inter quos Democritus & Anaxagoras, non defuerunt asserentes, cometas esse corpora cælestia, quæ certis regulis moventur ad instar planetarum. Communi calculo id confirmant hodierni Astronomi. Wiston ita loquitur: *Corpora cometarum sunt solida, compacta, fixa, & durabilia ad instar corporum planetarum; nam* si nihil

si nihil aliud essent, quam exhalationes terræ, cometa hic (sermo est de comete, qui apparuit anno 1680.) in transitu suo per viciniam solis statim dissipari debuisset. Adhæret Fontana in institutionibus physico-mathematicis. En ejus verba: Porro, cum Cometarum caput sit efformatum in modum spheræ, sicut cetera mundi corpora, suumque habeat motum in mundano spatio, quidni dicamus, cometam esse corpus, vel planetam sui generis propria forma donatum? Observationes recentium Astronomorum relatæ in memoriis Academia Parisiensis, & in Actis Lipsiensibus satis comprobant, cometas esse extra nostram atmosphæram, cum non habeant parallaxim majorem parallaxi lunæ, & in spatiis cælestibus moveantur, aliquando transeundo per orbitam planetarum. Cumque quamdam legem velocitatis in suis motibus conservent, habeantque id commune cum aliis corporibus cælestibus, ut participant de motu primi mobilis, progrediendo ab Oriente versus Occidentem, desumitur, eos esse corpora naturalia, sicuti sunt cetera corpora cælestia. Nonnulli cometæ apparuerunt mole minima, & vix sensibiles; alii diametro, quæ apparebat major diametro planetarum, & ipsius lunæ; nonnulli apparuerant colore pallido; alii colore sanguineo, & igneo; nonnulli nudi; nonnulli cum coma, cauda, aut barba. Motus nonnullorum aliquando fuit rectus, at aliorum retrogradus: velocitas non semper eadem. Inclination ad eclipticam modo parva fuit, modo vicina angulo recto. Duratio aliquando fuit plurimum mensium, aliquando nonnullorum dierum. Porro nihil in his supra naturam excogitari potest, cum exempla passim occurrant cometarum hujusmodi qualitatibus præditorum in observationibus collectis ab Evelio, Ricciolio, Lubienietz, & aliis.

14 Apparuerunt aliquando novæ stellæ, uti fuit illa observata a Tycho, a Galilæo, & aliis anno 1572. in Cathedra Cassiopeæ, quæ ceteris erat splendidior. Multæ stellæ, quæ prius erant conspicuæ, obscuratæ sunt, nec amplius visæ, quarum copiosa collectio legi potest tom. 2. *Almagesti* Ricciolii. Montanarius celebris olim Bononiæ Astronomus eruditam de eis dissertationem edidit relatam inter opera Academicorum Gelatorum. Aliquando stella apparuit, & post apparitionem semper perseveravit, ideoque enumeratur inter stellæ fixas. Aliquæ dantur stellæ, quæ periodos habent regressus admodum varias, neque adhuc certas penes Astronomos: ex quo proinde factum est, ut perspectæ aliquando ab his, qui nunquam eas eo in loco viderant, habitæ sint pro stellis ex improvise natis. Nihil in hisce rebus reperiri potest, quod ad miraculum ex sua natura & indole referatur.

15 Succedunt eclipses, quæ, si accidunt longe extra tempora in cæculis astronomicis designata atque statuta, miraculo adscribi possunt, quomodo miraculo adscriberetur, si videremus saxum in aere pendens, & in terram non decidens. Illud autem hoc loco animadvertendum videtur, nihil excedens naturæ vires esse, si luna in eclipsi sanguinea appareat, si circa solem in sua maxima obscuracione anulus lucidus videatur, si tene-

bræ in hoc rerum eventum magnum terræ tractum obfuscant: idemque dicendum esset, si aliquando extra eclipticam sol aspiceretur cælo sereno quasi obtenebratus & coopertus, quemadmodum contigisse legitur temporibus Caroli Magni. Apud Cedrenum quoque narratur, septimo Magni Justiniani anno solem per integrum annum sine radiis apparuisse ad instar lunæ: & plura alia similia collecta habentur apud Gassendum *tom. 1. physice scilicet. 2. lib. 2.*

16 Multa sunt, quæ ex meteoris desumi possunt, quæ penes rudiores habentur pro miraculis, sed nec miracula sunt, & vix mirabilia dici possunt. Talis est casus duplicis solis, parhelii videlicet, duplicis lunæ, quæ *Paraselenæ* appellatur. Si hæ apparentiæ sint informes, & non satis terminatæ, nullus fere est, qui eas animadvertat: secus autem se habet res, cum arcus coloribus peripicui eas comitantur. Victorius Stancarius, meus olim condiscipulus, vir acerrimi ingenii, in Bononiensi Studiorum Universalitate publicus Algebrae Professor, qui, si diutius vixisset, primum abique dubio inter Astronomos obtinuisset, anno 1700. parhelium observavit, & accurate descripsit inter suas, quas reliquit, *schædas mathematicas*. Eustachius Manfredius, non tantum Bononiæ, & in Italia tota, sed per orbem universum celeberrimi nominis Mathematicus, memoratum parhelium una cum Stancario observavit, & alia etiam parhelia solus vidit anno 1721. & anno 1728. ut ipse testatur. Phenomena hæc, licet omnia conveniant in quibusdam circumstantiis, quæ ab Hugenio ad certas regulas reducuntur, differunt tamen specialiter in numero solium, & arcuum iridis, qui ut plurimum eas comitantur. Durare consueverunt paucis horis; nec eodem tempore videntur, nisi per quemdam terræ tractum non admodum magnum, cæloque aliquatenus nubibus levibus & æqualibus cooperto.

17 In nubibus aliquando tales apparent refractiones, talesque, ut eas vocant, penumbrae luminum, ut facili negotio hominum imaginatio det eis speciem hominum, animalium, monstrorum: & hinc factum est, ut aliquando apud Historicos legatur, visos fuisse in nubibus dracones volantes, exercitus sese invicem aggredientes &c. Quod si forte tunc aliquod fulmen erumpat, idiotæ miraculum putant, quamvis nihil, quod vires superet naturæ, in his excogitari possit. Plinius *lib. 2. cap. 58.* scribit: *Spēctata arma cælestia ab ortu occasuque inter se concurrentia.* Sed multa huiusmodi passim occurrunt apud veteres Historicos.

18 Aurorarum borealium phenomenon non admodum in Gallia, & Germania rarum, & quod erat satis in partibus Septentrionalibus commune, in Italia quoque aliquando apparuit. Vix explicari potest diversitas apparenti, quæ inter unum, & alium horum mirabilium meteororum intercedit. Vix phasium varietas explicari potest, quæ in una eademque aurora boreali eadem nocte videtur, sive aurora ab uno, sive a pluribus locis observetur. Die 19. Octobris anno 1726. visa est quadam aurora

aurora borealis, quæ multis terrore affecit ob magnum & ignitum, quod emittebat, lumen, ita ut res media nocte videri possent, sicuti meridie videntur. Plures de his observationes collectæ legi possunt apud Cellsum, & Mairan.

19 A turbinibus producuntur effectus adeo funesti, adeo violenti tum in mari, tum in terra, ut facile credi possint naturam excedere, nisi Philosophi ostendissent, eos naturæ viribus adscribendos esse. Legi potest Montanarius supra cum laude commemoratus in suo opere *de viribus Æoli*, ubi nonnullas refert de his effectibus historias. In terra Trecentæ anno 1729. tempore æstivo turbo erupit, qui rura domosque subvertit, & multos homines occidit. Heraclitus Manfredius Eustachii frater, quem, ut plane intelligas, virum esse optimum, doctrinisque philosophicis ac mathematicis ornatissimum, satis erit dixisse, esse Eustachii fratrem, & ex familia Manfredia, Heraclitus (inquam) qui tunc Trecentæ morabatur, exactissimam turbinis descriptionem ad Bononiense Scientiarum Institutum transmisit, ex qua terribiles plane illius effectus colligi possunt, sed intra limites naturæ coerciti.

20 Inter ignea meteora ea recensentur, quæ *Stella cadentes* appellantur, quæque satis sunt obviæ. Rarior est casus flammæ, & globorum volantium: sed hic quoque naturalis est. Explicari non possunt & referri circumstantiæ, quæ omnibus convenient, cum varii sint globi isti magnitudine, velocitate, directione, caudis, quas secum ducunt, fragore, quibuscumque aliquando ex eis erumpit, distantia a terra, quæ tamen aliquando deprehensa fuit ab eorum parallaxi, uti contigit in illo, quem Balbus Bononiensis Medicus non obscuri nominis, & profundi vir ingenii anno 1719. Bononiensium descripsit Academix, quemque inter ejus *Commentaria* Franciscus Zanottus referendum esse censuit; Zanottus, inquam, publicus Philosophix Professor in Bononiensi Universitate, cui in philosophicis rebus prima absque dubio subcellia debentur.

21 Verum, ut ad meteora redeamus, inter ea recenseri etiam debent quidam ignes fatui, quorum mentio fit apud aliquos antiquos Scriptores. Flammule sunt, quæ parum se e terra extollunt. Aliquando stant, aliquando moventur, & ut plurimum eum fugiant, qui ipsas sequitur. Annis elapsis in ditione Veneta funesti quidam casus acciderunt ex his ignibus fatuis derivati, cum mapalia incenderint, in quibus sævum servatur. Exacta eorum descriptio legi potest in *transactionibus philosophicis* a Beccario alibi a Nobis cum laude commemorando transmissa ad Regalem Societatem Londini. Nihil in his ignibus fatuis est, quod vires naturæ excedat, quemadmodum nec in fulminibus, quorum admirabiles effectus noti sunt omnibus, iidemque inter se omnino diversi.

22 Terra demum habet sua meteora. Huc spectant eruptiones Vulcanorum, ruinæ, & lapsus aliquarum partium montium, & præcipue terræmotus; ex quibus licet aliquando voragine, aliquando lacus prodierint,

390 DE SERVORUM DEI BEATIFICATIONE

ierint, aliquando civitates nonnullæ maritimæ submersæ sint, aliquando inter medias aquas insulæ quædam de novo apparuerint, nihil erit apud Philosophos, quod indolem & naturam miraculi præferat.

23 Quid ergo dicendum erit? Statuendum ne, quoties aliquid hujusmodi accidat sive in cælo, sive in terra, semper illud habendum esse pro effectu naturali, semperque judicium ferendum adversus miraculum? Absit. Huc non spectant quæ hæcenus attulimus. Admonemur, memoratos effectus esse naturales; sed hinc non inferitur, eos esse non posse ratione circumstantiarum supra naturam, & rationem miraculi induere, vel alicujus rei miraculo æqualis, uti diximus, dum agebatur de miraculis tertii generis: res etenim, quæ in eis accidunt, in se spectatæ, sunt naturales, sed ratione modi naturam excedere possunt.

24 Utque assumptio fiat clarior exemplis, quid naturalius reperiri potest hominum morte? Item, nonne intra vires naturæ continetur, si terra, aperiatur? Quibus minime obstantibus, ecquis erit, qui inter miracula Dei irati non recenseat mortem Dathan & Abiron, quos, clamante Moyse, suæ missionis a Domino signum futurum esse, si illi non consueta hominum morte, sed insolita morerentur, terra, quæ confestim aperta est, deglutivit, uti habetur Numer. cap. 16. vers. 28. & seqq. ? Et ait Moyses: *In hoc scietis, quod Dominus miseris me, ut facerem universa quæ cernitis, & non ex proprio ea corde protulerim. Si consueta hominum morte interierint, & visitaveris eos plaga, quæ & ceteri visitari solent, non misisti me Dominus. Sin autem novam rem feceris Dominus, ut aperiens terra os suum deglutiat eos, & omnia quæ ad illos pertinent, descenderintque viventes in Infernum, scietis, quod blasphemaverint Dominum. Confestim igitur, ut cessavit loqui, dirupta est terra sub pedibus eorum, & aperiens os suum devoravit illos cum tabernaculis suis & universa substantia eorum, descenderuntque vivi in Infernum operci humo, & perierunt de medio multitudinis. Rursus ecquis erit, qui miraculis non ascribat mortem Ananias, & Saphiræ uxoris ipsius, quæ contigit, increpante eos D. Petro, & de mendacio redarguente, quemadmodum legitur in Actis Apostolorum cap. 5. v. 4. ? Non es mentitus hominibus, sed Deo. Audiens autem Ananias hæc verba cecidit, & expiravit; & v. 9. Quid utique convenit vobis sentire Spiritum Domini? Ecce pedes eorum, qui sepelierunt virum suum, ad ostium, & efferent te. Confestim cecidit ante pedes ejus, & expiravit. Intrantes autem juvenes invenerunt illam mortuam, & exstulerunt, & sepelierunt ad virum suum.*

25 At, ad ea, quæ nostro argumento proximiora sunt, ut descendamus, si quis universale diluvium ad causas pure naturales referre vellet, nec in eo quid supra naturam se recognoscere assereret, nonne statim redargui posset, ponderatis circumstantiis, prænunciationis videlicet factæ Noe a Domino (Gen. cap. 6. v. 17.): *Ecce ego adducam aquas diluvii super terram, ut interficiam omnem carnem, in qua spiritus vita est subter calum; universa, quæ in terra sunt, consumentur; Arcæ a Noe factæ, Domino præcipiente*

clipiente (*Gen. cap. 6. v. 14.*) *Fac tibi arcam de lignis levigatis, mansuiculas in arca facies, & bitumine linitis intrinsecus & extrinsecus*; Numeri dierum, quibus diluvium durare debebat, a Deo prænuntiati, & sospitatis, juxta Domini verbum, omnium eorum qui in arcam ingressi sunt, uti habetur *Genes. 6. & 7.* Simili modo, si quis auderet asserere, nihil supra naturam inveniri in sulphure & igne, qui abiumpsit Sodomam & Gomorrhiam, nonne facile redargui posset non modo ex præcedenti futuræ ruinæ revelatione facta Lot, *Delebimus enim locum istum, eo quod increverit clamor eorum coram Domino*; verum & ex fuga Lot cum uxore, & duabus filiabus ab eo loco, atque ex ejus accessu ad parvam civitatem Segor, in qua salvus a fulgure & igne factus est, juxta Domini promissionem, de qua in eodem libro *Genes. cap. 19.* Ita si quis tamquam aliquod meteorum, aut naturale phænomenon fuisse diceret columnam nubis, & columnam ignis, de quibus *Exodi cap. 13. vers. 21.* nonne statim convinci posset erroris ex circumstantiis sumptis a fine, id est ab itinere a Deo demandato, a medio non solum apto, sed quodammodo necessario ad iter tuto perficiendum, a duratione & perseverantia & continuatione vicissitudinis columnæ nubis per diem, & columnæ ignis per noctem: *Dominus autem præcedebat eos ad ostendendam viam, per diem in columna nubis, & per noctem in columna ignis, ut duos esset itineris utroque tempore. Numquam defuit columna nubis per diem, nec columna ignis per noctem, coram populo?*

26 Denique, ut plura alia prætereantur, in lib. 2. *Machab. cap. 5. v. 2.* legitur: *Contigit autem, per universam Hierosolymorum civitatem videri diebus quadraginta per aera equites discurrerentes, auratas stelas habentes, & hastis quasi cohortes armatos, & cursus equorum per ordines digestos, & congressiones fieri cominus, & scutorum motus, & galeatorum multitudinem gladiis districtis, & telorum jacūs, & aureorum armorum splendorem, omnisque generis loricarum. Quapropter omnes rogabant, in bonum monstra converti.* Porro, si quis impie irrideret preces eorum, qui Deum rogabant (uti dictum est) in bonum monstra converti, quod videlicet crederet, illud fuisse purum & naturale phænomenon, insipientiæ & temeritatis facile convinceretur non modo ex longa & ordinata rerum serie, quæ se oculis videntium objiciebat, sed etiam ex ea, quæ postea contigit, clade Hierosolymæ, de qua in *elt. cap. 5. lib. 2. Machabæorum.*

27 Redacta igitur re tota ad externas circumstantias, quarum opes in se naturalis supra naturam extollitur, & censetur opus Dei agentis præter aut contra ordinem naturæ, vel jubentis, ut effectus producat, quem natura suis viribus producere potuisset, sed in eo rerum eventu non produxisset, libenter a doctis viris eas Nobis exponi audiremus, abstinentes a nostra super re hac explicanda sententia; idque eo magis, quod per totum tempus certe non breve, quo functi sumus officio Fidei Promotoris, nulla umquam se Nobis obtulerit occasio scribendi super hoc argumento, & audiendi, quid a doctis Consultoribus Congregationis sacrorum rituum in eam

392 DE SERVORUM DEI BEATIFICATIONE

in eam rem judicaretur. At, cum animus sit, assumptam, quantum in Nobis est, provinciam perficere, ea afferemus, quæ Nobis occurrunt, libentissime subicientes sacræ Congregationis iudicio.

28 Si quis ergo futurum casum, seu phenomenon prævideat, aliisque illud prænuntiet, ut ceteros moneat de malo aliquo vitando, & malum evitetur vi prædictionis & manifestationis, prædicens autem & manifestans fuerit virtutibus præditus, ejusque virtutes in gradu heroico fuerint discussæ & approbatæ, certum hoc videtur indicium rei a Deo factæ præter ordinem naturæ, & ejus vires transcendentis, quemadmodum plene colligitur ex facto supra relato Lot.

29 Item, si phenomenon, quod apparuit, & de quo est quæstio, sit vere rarum, & ex Astronomorum scientia insolitum, idemque apparuerit, jubente, aut orante Dei Servo, aut Beato (de quo tamen nulla sit amplius quæstio circa virtutes heroicas, aut verum martyrium) ut aliquid ad gloriam Dei fiat, & exitus optatus obtineatur, indicium hoc erit rei quæ naturam exsuperat. Quam ad rem facit non modo factum Josue alibi relatam (quatenus illud ab aliquo male feriato in phenomenon naturale detorqueretur) qui imperavit Soli, ne moveretur, ut perfecta victoria obtineretur adversus Gabaonitas hostes populi electi, sed facit etiam, quod habetur *lib. 4. Regum cap. 1.* ubi ad preces Elize ignis de cælo descendit, & devoravit Quinquagenarium, & una cum eo quinquaginta alios viros in vindictam sceleris: iverant enim ad consulendum Beelzebub Deum Accaron, relicto vero Deo Israël.

30 Rursus, si etiam, nullo accedente imperio, nulla accedente prece, aliquod videatur phenomenon, quo duce, aliqua sit operatio ad laudem & gloriam Dei, & sine quo talis operatio non fieret, aut cum majori fieret difficultate, hæc erunt validissima indicia rei minime naturalis. Plura sunt quæ suadent, miraculum interluisse in apparitione stellæ, quæ Magis facta est, juxta ea quæ superius dicta sunt, & in apparitione columnæ nubis, & columnæ igneæ, de quibus quoque supra habitus est sermo: sed inter cetera miraculi signa nullo modo omitti potest, quod, stellâ duce, Magi Bethlehem devenerint, & indicio stellæ cognoverint locum, ubi erat Jesus, quem, oblati muneribus, adoraverunt; & quod ope columnæ nubis, & columnæ ignis populus electus iter tuto perfecit, verique Dei potentiam recognoverit.

31 Proderunt quoque ad miraculum probandum, si alia quædam miracula indubitata eodem tempore, & ad eundem finem a Deo fiant. Exemplum esse potest in terræmotu, qui licet a causis naturalibus producat, de quibus latissime apud Fortunium Licetum *de quinto quæstis per epistolâ cap. 31.* in eo tamen, qui contigit in Christi Passione, tot alia eo tempore contigerunt miracula, cum multi Sancti resurrexerint, & sanctam civitatem ingressi sint, & post triduum Christus ipse Dominus resurrexerit, ut & ipse terræmotus miraculo tribuendus sit.

32 Major erit profecto difficultas, si tanquam miraculum proponatur apparitio alicujus stellæ stantis super domum, in qua nascitur Dei Servus, aut in qua moritur. Difficile enim est, asserere posse, eam, quæ apparuit, esse stellam, cum stellæ non dentur, quæ non participant de motu, qui communis est ceteris corporibus cælestibus; & difficilius sit dicere, novam stellam a Deo fuisse creatam. Stella quoque, quæ stare creditur super domum, & uti stans super eam videtur ab illis, qui in domo sunt, vel prope domum, si aspiciatur ab alio in loco, qui non admodum distet a domo, non apparebit uti stans super domum, sed supra ipsius aspicientis caput. Facile erit hoc phænomenon ad aliquam flammulam referre, quæ sit ex genere ignium fatuorum. Cautè ergo agendum erit in probanda re hac & miraculo adscribenda; & suspendendum videtur judicium, nisi forte phænomenon longo tempore permanferit, ejus splendor fuerit extraordinarius, & de die etiam visum sit, & manifestationis occasio non defuerit, & (quod maxime advertendum) præter approbationem virtutum, aut martyrii, alia miracula accefferint. In Actis Martyrum sæpe occurrunt turbines, fulgura, & terræmotus tempore mortis ipsorum. Pro signis supra naturam hæc habita sunt, & haberi poterunt, si eo tempore acciderint, si cælum ex sereno repente nubilum & turbidum factum sit, si fulgura eruperint, si terræmotus urbem concusserit. Quoties enim constat de morte in odium Christi illata, de morte ob Fidem Christi patienter tolerata, de injustissima nece a Tyranno inflicta, quæ omnia præcedere debent, antequam de signis & miraculis feratur judicium, fulmina, tonitrua, & terræmotus, qui suapte natura vires naturæ non excederent, tuto & fidenter censerentur inter signa supra naturam a Deo assumpta ad manifestandam Martyris innocentiam, & mortem ei injustissime illatam. Nec enim novum est, aliquid naturale a Deo assumi, & elevari in signum supra naturam, uti patet in iride, quæ nihil aliud est, quam arcus discolor apparens ex receptione & reflexione luminis solaris in nube rosida, quem Deus assumpsit in signum fœderis inter Deum & homines, & amplius non futuri universalis diluvii, uti habetur *Genesis cap. 9.* In Actis, quibus utimur in Breviario Romano *in Officio propriæ S. Venantii Martyris*, legitur, fulgura & terræmotus tempore mortis ipsius ita magnos fuisse, ut Præfès aufugerit, qui paucis tamen post diebus Divinam haud valens effugere justitiam, turpissimam mortem oppetit. In Actis SS. Viti, Modesti, atque Crescentiæ refertur, tempore eorum mortis, quam constanter pro Fide Christi subierunt, tonitrua, fulgura, magnosque terræmotus fuisse, quibus templa Deorum corruerunt, & multi oppressi sunt. Foetidus carcer, in quem Sancti Septem Fratres, & Rufina, & Secunda ante martyrium inclusi sunt, clarissima luce oborta, factus est lucidissimus. Sancti denique Petri Cælestini mortem Crux præfulgens in aere ante cubiculi ostium reddidit gloriosam. Alia plura facile colligi possent: sed satis esse videtur, hæc innuisse.

Tom. IV.

D d d

33 In

394 DE SERVORUM DEI BEATIFICATIONE

33 In superiori capite primo egimus de pluvia lapidea, de qua Josue cap. 10. & ostendimus, eam miraculo, ex circumstantiis ibi notatis, esse adscribendam. Aliqua autem super hoc eodem argumento censens hic inferenda, cum modo actum sit de turbinibus & fulguribus, quibus pluviz lapideæ sunt affines. Refert Livius lib. 1. cap. 31. lapides de cælo pluuisse tempore Tullii Hostilii: *Nuntiatum Regi, Parribusque est, in monte Albano lapidibus pluuisse*. Ob hæc & similia portenta, sæpe a Livio relata, Possavinus *Biblioth. sacr. tom. 2. pag. 379. lib. 16. cap. 13. de Histor.* ait, cum nimis superstitiose scripisse. Et Casaubonus in *prefat. ad histor. Polybii*, scribit Livium nimis fuisse propensum ad aniles ineptias. Et S. Antoninus in *Summa part. 4. tit. 11. cap. 4. §. 3.* nullo tamen allato Auctore contemporaneo, testatur, S. Gregorium M. ex iisdem causis, frequentium videlicet portentorum a Livio in historia relatorum, & sic continuatæ superstitionis, vetasse, ne ejus libri amplius in bibliothecis asservarentur. Richardus autem Montacutius fidem præstans S. Antonino putat, ex prohibitione hac S. Gregorii ortum esse, ut magna pars operum Livii amitteretur. Sed utcumque sit de ceteris portentis a Livio relatis, & de narratis a S. Antonino, non videtur Livius traducendus ob pluviam lapideam, quam in monte Albano ait contigisse tempore Tullii Hostilii. Apud Philolophos totum est, vapores illos, qui in aere sublimiori in guttas concreverunt, si intensiori adhuc frigore congelant, in grandinem converti. Quod si aut mediocri frigidioris venti impetu plures grandinis globuli congerantur simulque adhæreant, majores inde grandinis sphaeræ decidunt, ut plures in Gallia anno 1703. sunt observatæ, quarum maximæ pugno, minimæ duorum pollicum globulo, mediocres vero ovo gallinæto pares fuerunt, uti legitur in *histor. Academ. 1703.* Quid ergo obitare poterit, si dicatur, lapideam pluviam a Livio expositam nihil aliud fuisse, quam congestorum globulorum grandinem, uti modo diximus? Adde, naturaliter tantam dari posse turbinis vim, ut e terra saxa elevet, quæ deinde in terram delapsa, occasionem suppeditent asserendi, lapides pluuisse: cum Olaus Magnus lib. 1. cap. 11. tantam vim in partibus Septentrionalibus turbinibus inesse narret, ut naves subvehant in sublime. Ex his porro ad rem nostram inferre fas sit, non esse statim miraculo adscribendum, si referatur, lapides pluuisse. Sed, cum *Psalm. 148. v. 8.* legatur: *Ignis, grando, nix, glacies, spiritus procellarum, quæ faciunt verbum ejus, fateri opus est, etsi lapideæ pluviz a naturalibus causis originem fortiantur, aliquando tamen fieri posse Divino consilio, potentia, & virtute: quod an ita sit, ex circumstantiis desumi debet, juxta ea quæ supra ex Josue diximus; quo etiam pertinet caput 9. Exodi v. 22. Et dixit Dominus ad Moysen: Extende manum tuam in cælum, ut fiat grando in universa terra Ægypti. Extenditque Moyses virgam in cælum, & Dominus dedit tonitrua & grandinem, ac discurrentia fulgura super terram. Et grando, & ignis, mixta pariter ferebantur; tamæque fuit magnitudinis, quanta ante nunquam apparuit in universa terra Ægypti. Et percussit gran-* do in

do in omni terra Ægypti. Tantum in terra Gessen, ubi erant filii Israel, grando non cecidit. Facile erit in grandine hac miraculum agnoscere, & miraculi naturam & magnitudinem ex circumstantiis colligere.

C A P U T XXVI.

*De sudore sanguinis, & sanguineis lacrymis a corpore & oculis
Servorum Dei manantibus, & de lumine & splendore,
quibus eorum facies aliquando refulget.*

Post coenam factam a Christo Domino una cum Apostolis, referunt Evangelistæ, eos, hymno dicto, exiisse in montem Oliveti. In eo itinere quantum ex Matthæo, & Marco colligi potest, sermonem habuit Christus cum Discipulis, in quo & eorum scandalum, & mortem suam, suamque resurrectionem iterum prædixit. In eodem itinere Christus pertransiit torrentem Cedron, qui per vallem fluit, quæ inter montem Olivarum, & Jerusalem interjacet, ac tandem pervenit ad villam Gethsemani ad radices montis Olivarum. Erat autem ibi hortus, in quem ingressus est cum Discipulis, ut oraret. Tria autem sunt potissima, quæ ab Evangelistis narrantur facta in illa oratione: primo enim cepit Jesus povere, & cadere, & mortuus esse; deinde oravit ad Patrem illis verbis: *Pater, si possibile est, transeat a me calix iste: veruntamen non mea, sed tua voluntas fiat*; postremo, quod S. Lucas cap. 22. v. 44. solus narrat, factus est sudor ejus, sicut gutta sanguinis decurrentis in terram.

2 Factum hoc sudoris sanguinei olim desiderabatur in nonnullis vetustis Græcis exemplaribus, & in multo pluribus Latinis, teste S. Hilario de Trinitate lib. 10. num. 41. oper. tom. 2. ubi hæc habet: *Nec sane ignorandum a nobis est, & in Græcis, & in Latinis codicibus complurimis vel de adveniente Angelo, vel de sudore sanguinis nil scriptum reperiri*. Textum enim nonnulli ab exemplaribus expunxerant, ne Christiani nominis osiores ea historia abuterentur, ut indigna Jesu Christo incommoda tribuerent. At, cum antiquissimi Ecclesiæ Patres memoratam partem Evangelii Lucæ tamquam canonicam receperint, de ea citra Fidei detrimentum dubitari non potest, & præsertim postquam sacrum Tridentinum Concilium sess. 4. definiit, libros Scripturæ integros esse suscipiendos cum omnibus suis partibus, prout in Catholica Ecclesia legi consueverunt, & in Vulgata Latina editione habentur.

3 Theophylactus in cit. cap. 22. S. Lucæ, & Euthymius in cap. 4. S. Matthæi putant, S. Lucam per hyperbolem locutum esse, quod non dixerit, Christum sudasse sanguinem, sed sudorem ejus fuisse sicut sanguinis guttas; & quod juxta communem loquendi modum dicamus, amare flentem flere sanguinem, & interno labore nimium sudantem sanguinem sudare. Interpretatio hæc autem ab omnibus rejicitur, cum Evangelii littera

396 DE SERVORUM DEI BEATIFICATIONE

communi sensu Ecclesie a temporibus Apostolorum intellecta præferat, Christum verum sanguinem sudasse, & cum particula illa quasi non semper significet in sacra Scriptura similitudinem, sed interdum veritatem ut *Ihan. cap. 1. v. 14. Vidimus gloriam ejus, gloriam quasi Unigeniti a Patre: uti pluribus prosequuntur Suarez in 3. part. D. Thomæ tom. 2. disput. 46. art. 8. sect. 2. Maldonat. in Matthæum cap. 26. num. 37. Cornelius a Lapide in cap. 22. Luca vers. 44. §. Nota secundo, Calmet in dissert. de sudore sanguinis Jesu Christi in horto Olivæ.*

4 Id itaque, quod disputandum superest, huc præcipue recidit, utrum sudor ille fuerit naturalis, an supra naturam. S. Hilarius loc. cit. sudorem illum miraculo tribuit: *Sudorem vero nemo infirmitati audebit deputare, quia & contra naturam est sudare sanguinem, nec infirmitas est quod potestas non secundum naturæ consuetudinem gessit.* Subscribit Ven. Beda in *Lucam cap. 22. (oper. tom 5. col. 429.)*: *Nemo sudorem hunc infirmitati deponet, quia & contra naturam est sudare sanguinem.* Gaspar a Rejes *quæst. 86. num. 25.* postquam retulit causas, ex quibus sudor sanguineus manare potest, quarum primam refert in sanguinem crudum multo sero dilutum, & ab hepate non probe confectum, secundam in ebullitionem fervidiorum spirituum, animique immodicam excandescentiam, tertiam in maximam animi anxietatem & tristitiam, concludit, de sola hac tertia causa naturali dubitari posse in sanguineo sudore Christi; sed eam excludit, cum moror, tristitia, & metus sanguinei sudoris causa esse non possint, nisi morbosam dispositionem in corpore inveniant, quod de corpore Christi Domini dici non potest: & hanc eandem sententiam sequuntur *Silvaticus contrav. 5. medic. in fine, Stephanus Roder. Cast. in libro cui titulus: Quæ ex quibus, lib. 1. cap. 23. In corpore autem Christi qualitates ita fuisse temperatas, ut ejus corpus ex interna conformatione non fuerit capax ægritudinis, post D. Thomam 3. part. quæst. 14. art. 4. late ostendit Durantus ad revelationes S. Birgittæ lib. 1. cap. 37. nota prima.* Fuse pro hac sententia pugnat *Clozius dissert. de sudore Christi sanguineo exercit. 12.* ubi animadvertit, nullam in corpore Salvatoris nostri fuisse cachexiam, nullam habitus corporis depravationem, optimum fuisse temperamentum, ideoque sanguinem profuere non potuisse vel per anastomasm, vel diapedesin, vel diæresin; item sanguinem, servatæ suæ substantiæ forma, naturaliter per sudorem emitti non posse; & demum sanguinem, qui aliquando per sudorem legitur emissus, esse ichorem tenuem sanguineum, nec unquam in grumos collectum, qualem dicit fuisse sudorem a Christo emissum. Alia legi possunt in *physica sacra Joannis Jacobi Schevchzeri in Lucam cap. 22. vers. 44. pag. 1440.*

5 Alii contra, sudorem illum sanguineum naturalem in Christo fuisse, autumant. Plura de hoc argumento habentur apud S. Bernardinum Senensem *tom. 1. serm. 55. de Passione Domini cap. 2. pag. 409.* ubi ita scribit: *Tanta denique fuit in Christo orationis vehementia, atque tam horribilis in anima*

anima ejus sensibilis imaginatio mortis, ac mentis admirabilis agonia, quod sicut Lucas refert, tactus est sudor ejus sicut guttæ sanguinis decurrentis in terram: & licet plena ratio naturalis non possit reddi de tam stupendo doloris signo ostensa in sudore sanguineo, nihilominus dici potest, quod aliquantulum, dispositivè timor & amor bellantes in corde Jesu quoad suum sensitivum in causa existerent; dum enim attenderet, tam grave bellum super se verissime imminere, timore concussus sensitivum suum, ex quo sanguineus humor fuit ad interiora reductus. Super hunc autem timorem rejiciendum fortissimus & ferventissimus amor tanquam mira magnitudinis malleus repercutiens, & ipsum excludens omnes poros corporis Jesu Christi, & venam largiter relaxavit, ut sic de toto corpore fluere sanguineus sudor decurrere in terram. Stat pro naturali causa sudoris Cardinalis Cajetanus in Lucam cap. 22. ubi ait: Deficiente aquositate sanguinis, que est materia sudoris, nonnihil quoque sanguinis emisit. Erat enim corpus Jesu exhaustum, & magnitudo passionum pellens violentè sudorem pepulit simul aliquid sanguinis, deficiente sudoris materia. Sequitur Suarez loc. cit. Christus Dominus absque speciali miraculo sanguine in sudavit ex vi internæ afflictionis & agonie, quam in illa oratione passus est: asserturque Theologicam rationem. Si enim, ut ipse ait, sanguis ille miraculo esset emissus, & non ex vi interioris afflictionis, non fuisset signum certum & evidens maximi angoris & tristitiæ interioris; miraculo quippe potuisset cum minima afflictione, immo sine ulla emitri. At cumulatius ceteris hoc ipsum argumentum prosequitur Calmet in sua dissertatione, ubi, postquam late expoluit mortem & dolorem, quo Christus Dominus affectus est, concludit, tot simul confertas passiones cursum animalium spirituum intercepisse, sanguinis motum ac secretiones tandem ingenue fateatur se exarasse, collatis studiis cum Domino Alliot de Mulsey medicinx Doctore in Facultate Parisiensi. Alia habentur apud Marcellum Donatum de medic. histor. mirab. lib. 1. cap. 2. & apud A Rejes cit. quest. 86. quæ perfecte demonstrant, non solum ex infirmitate corporis, sed etiam ex moestitia, animique dolore naturaliter lacrymas, sudoremque sanguineum mansisse. Joannes Maldonatus tom. 1. in Evang. in cap. 26. Matthæi col. 601. scribit: Audio de his qui viderunt, aut cognoverunt, ante annos duos Lutetia Parisiorum hominem robustum, & bene valentem, audita in se capitali sententia, sudore sanguineo fuisse persusum. Alterius etiam, qui ex mortis timore in sanguinis sudorem repente incidit, meminit Thuanus lib. 11. historiar. & ex eo Jonstonus in thumatographia clasi. 10. cap. 3. art. 5. Præfatus Montis Marini, cum in obsidione ejus ab Augusto Salusciarum Principis filio notto quasi

ad

398 DE SERVORUM DEI BEATIFICATIONE

ad colloquium fuisset vocatus, & captivus detentus, morsque interminata, nisi locum redderet, tantopere indigna mortis metu affectus est, ut sanguineum sudorem toto corpore funderet. A

6 Docent Theologi cum D. Thoma 3. part. quasi. 15. art. 4. affectiones & passiones animæ in Christo Domino fuisse, aliter tamen ac in nobis: in nobis enim plerumque seruntur ad illicita, quod non fuit in Christo; in nobis frequenter præveniunt iudicium rationis, sed in Christo omnes motus appetitus oriebantur secundum dispositionem rationis; in nobis denique quandoque huiusmodi motus non sunt in appetitu, sed trahunt rationem, quod certe in Christo non fuit. Idem S. Doctor art. 6. ostendit, in Christo fuisse tristitiam, & art. 7. fuisse timorem, aliter tamen, quam in nobis, cum nos timeamus ob ambiguitatem futuri eventus, at Christus hoc modo non timuerit. En ejus verba: *Sicut tristitia causatur ex apprehensione mali præsentis, ita timor causatur ex apprehensione mali futuri. Apprehensio autem mali futuri, si omnimodam certitudinem habeat, non inducit timorem: unde Philosophus dicit, quod timor non est, nisi ubi est aliqua spes evadendi; nam, quando nulla spes est evadendi, apprehenditur malum ut præsens, & sic magis causat tristitiam, quam timorem. Sic ergo timor potest considerari quantum ad duo. Uno modo quantum ad hoc, quod appetitus sensitivus naturaliter resistit corporis læsionem, & per tristitiam, si sit præsens, & per timorem, si sit futura: & hoc modo timor fuit in Christo, sicut & tristitia. Alio modo potest considerari secundum incertitudinem futuri eventus, sicut quando nocte timeamus ex aliquo sonitu, quasi ignorantes, quid hoc sit: & quantum ad hoc timor non fuit in Christo.*

7 Admissis itaque in Christo affectionibus & passionibus modo explicato, quemadmodum naturaliter in aliis hominibus vehemente passione ac perturbatione modo humano affectis potuit naturaliter sudor sanguineus a corpore, potuerunt lacrymæ sanguineæ ab oculis emanare, potuit etiam in Christo Domino ob animi passiones & affectiones supra explicatas citra miraculum ejus sudor fieri sicut guttæ sanguinis decurrentis in terram: & ex hoc efficitur, ut, si aliquando in evolvendis Actibus Servorum Dei, sive Beatorum similia occurrant, hæc a classe miraculorum arcenda sint, quemadmodum etiam annotavit Pignatellus consult. 42. tom. 5.

8 Hactenus quoad lacrymas sanguineas, sudoremque sanguineum. Nunc ad radios & splendores descendimus. In Evangelio S. Matthæi cap. 17. v. 2. habetur, Christum Dominum secum assumplisse Petrum, & Jacobum, & Joannem fratrem ejus, & duxisse illos in montem excelsum seorsum, & transfiguratum fuisse ante eos: *Et transfiguratus est ante eos, & resplenduit facies ejus sicut sol, vestimenta autem ejus facta sunt alba sicut nix.* De eadem transfiguratione loquitur S. Marcus in Evangelio cap. 9. vers. 2. *Et vestimenta ejus facta sunt splendoria, & candida nimis velut nix, qualis fulgo non potest super terram candida facere.* Et in Evangelio S. Lucæ cap. 9. v. 29. legitur: *Et factus est, dum oraret, species vultus ejus altera, & vestitus ejus albus & resplendens.*

9 Non

9 Non indicatur mons, in quo contigit Christi transfiguratio: quocirca nonnulli putant, eam factam fuisse in monte Olivæ; sed perperam, cum mons hic non excelsus, sed humilis potius sit. Alii opinantur, eam contigisse in monte parum remoto a lacu Genesareth, quos sequitur Calmet *ad idem cap. 17. Matthæi*; & adhæret Bernardus Lamy in *apparatu geograph. cap. 12*. Sed communior Patrum sententia est, Christum fuisse transfiguratum in monte Thabor; uti videri potest apud S. Hieronymum *epist. 27. ad Eustichium de epistolis Paulæ*, apud S. Cyrillum Hierosolymitanum *catechesi 12*. apud S. Joannem Damascenum in *sermone de transfiguratione Domini*, & apud Venerabilem Bedam, sive alium Auctorem libri *de Locis sanctis cap. 17*.

10 Transfiguratio idem sonat, ac metamorphosis apud profanos Scriptores: sed ita res non se habet apud Scriptores Ecclesiasticos: unde in 2. *ad Corinth. cap. 11*. dicuntur Pseudoapostoli sese transfigurare in Apostolos Christi sola externi ministerii æmulatione, & Satanas dicitur transfigurare se in Angelum lucis ob id unum, quod quandoque nonnulla hominibus suggerit specie bona, ut eos fallat. At, presse loquendo, de Christi transfiguratione dici nequit, Christum sic fuisse transfiguratum, ut aliquam mutationem vel substantiæ, vel corporis passus sit, veluti explicat S. Hieronymus in *cap. 17. Matthæi (operum tom. 7.)*: *Nemo puer, pristinam eum (scilicet Christum) formam & faciem perdidit, vel auississe corporis veritatem, & assumpsisse corpus vel spirituale, vel æreum, sed a quomodo transformatus sit, Evangelista demonstrat dicens: Et respice dicit faciem ejus sicut sol, vestimenta autem ejus facta sunt alba sicut nix. Ubi splendor faciei ostenditur, & candor describitur vestitum: non substantia tollitur, sed gloria commutatur. Et in libro 1. contra errores Joan. Hierosolymit. (num. 29. col. 437. tom. 2.)*: *Dominus noster in monte transfiguratus est in gloria, non ut manus ac pedes ceteraque membra perderet, & subito in rounditate vel Solis, vel sphaeræ videretur, sed eadem membra Solis fulgore rutilantia Apostolorum oculis perstringerent: unde & vestimenta ejus mutata sunt in candorem, non in ærem, ne forte & vestes ejus afferas spirituales.*

11 Evangelistæ mentionem fecerunt laciei: verisimile tamen est, totum corpus fuisse claritate perfusum, cum totum dicatur transfiguratum seu transformatum, & cum totum anima beata informaretur, uti profertur S. Hieronymus in *cit. lib. Et facies ejus fulgebat sicut sol. Ubi autem facies nominatur, existimo, quod & cetera membra conspecta sint. Plura in rem hanc adnotavit Suarez in 3. part. D. Thoma tom. 2. quest. 45. disp. 32. sect. 1. §. Tertium dubium est. De tota autem transfiguratione, multa legi possunt apud S. Thomam 3. part. quest. 45. art. 1. & tribus seqq. Porro art. 2. S. Doctor docet, & probat, claritatem corporis Christi in transfiguratione ab ejus anima profectam fuisse, & a supposito Divino ipsi hypostatice unito: quamvis enim gloria animæ Christi a momento conceptionis beatitudine perfuse in corpus non redundaverit, ita disponente Deo, ne*

im.

impediretur redemptionis mysterium; nata tamen erat ad sese in corpus effundendam, prout in transfiguratione effudit brevi temporis spatio, non per modum qualitatis manentis, sed per modum affectionis transeuntis ad Apostolorum consolationem.

12. Doctrina hæc S. Thomæ aperit viam controversiæ, num eximia illa claritas, quæ visa est in transfiguratione, naturalis fuerit, an supra naturam. Procul dubio tribuenda miraculo est; sed quæstio in eo vertitur, qua in re miraculum statui debeat. Putant nonnulli, eam splendoris interni in Christi corpus effusionem, qualis visa est in transfiguratione, miraculum re ipsa non fuisse, sed miraculi cessationem, quo claritas illa prius repressa continebatur. Ita sentire videtur Calmet *ad cit. cap. 17. Marthæ*. At verius est, multiplex contigisse miraculum, & quod corpus Christi, stante ipsius animæ beatitudine, non fulserit a primo conceptionis momento, & quod idem corpus, non obitante illius passibilitate, fulserit in transfiguratione: quinimmo in ipsa transfiguratione duplex fuit miraculum; alterum, quod effusio gloriæ ab anima Christi in corpus per modum dotis permanentis sibi debita impedita sit; alterum, quod, licet Deus totius naturæ auctor constituisset, ut gloria animæ Christi toto illius vitæ naturalis tempore non efflueret in corpus, ut per dolores & passionem suam redemptionis nostræ mysterium explicaret, contra tamen statutum illum ordinem permiserit, ut in transfiguratione splendor gloriæ ex anima Christi manans faciem, manus, pedes, & cetera corporis membra pervaderet, veluti explicat Graveion *de mysteriis & annis Christi dissert. 14. §. 2. vers. Ad alterum dubium*: quod ipsum antea probatum fuerat a Cardinali Cajetano *ad 3. part. D. Thomæ quæst. 45. art. 2. ubi ait*, ex Divina, ut Scholæ loquuntur, dispensatione iactum esse, ne anima Christi ab initio beata, ex sua naturali redundantia corpus clarificaverit, & ut corpus passibile in transfiguratione reverteretur sicut sol: *Concede ergo, quod utrumque miraculosum fuit, scilicet & corpus Christi non fulgere, & sic fulgere in transfiguratione. Sed primum spectat ad primum, & quasi universale, antiquumque miraculum in Incarnatione factum, quo suspensa est redundantia gloriæ ab anima in corpus Christi, ut haberet corpus passibile, pro nostra salutis merendo: secundum autem spectat ad speciale miraculum, quo nunc actualiter corpori passibili prestitum est, ut fulgeret. Hoc totum reputans scribit Abulensis ad cap. 17. Marthæ quæst. 31. Dicendum tamen, quod claritas corporis Christi transfigurati fuit claritas gloriosa, vel claritas gloriæ; non tamen fuit claritas corporis gloriosæ, vel glorificati; & ob hoc erat miraculum, talem claritatem esse tunc in corpore Christi: nam, si esset corpus glorificatum, haberet jam doctes, & non esset miraculum; quod tamen non esset glorificationem, & haberet claritatem gloriæ, erat miraculum; quod ipsum repetit quæst. 34.*

13. De Moyse, qui una cum Elia apparuit in Christi Domini transfiguratione habetur *Exod. 34. v. 29. Cumque descenderet Moyses de monte Si-*

nai,

ma, tenebat duas tabulas Testimonii, & ignorabat, quod cornuta esset facies sua ex consortio sermonis Domini. Videntes autem Aaron, & filii Israel cornutam Moysi faciem, timuerunt prope accedere. Vocatique ab eo, reversi sunt tam Aaron, quam Principes Sinagoga: & postquam locutus est ad eos, venerunt ad eum etiam omnes filii Israel, quibus praecepit cuncta, quae audierat a Domino in monte Sinai. Impletisque sermonibus, posuit velamen super faciem suam. Qui Exodi textus resumitur ab Apostolo in cap. 3. v. 7. *epist. 2. ad Corinth.*: Quod si ministratio mortis litteris deformata in lapidibus fuit in gloria, ita ut non possent intendere filii Israel in faciem Moysi propter gloriam vultus ejus, quae evacuatur; & v. 9. Multo magis abundat ministerium justitiae in gloria. Pictores fronti Moysi cornua affigunt, sed parum apte; cornuta quippe facies, de qua *loc. cit. Exodi*, nihil aliud fuit, quam facies fulgida vibrans radios luminis, & lucida, quasi cornua emittens, ut *ad cit. cap. 34. Exodi* late prosequuntur Cornelius a Lapide *vers. 29. notab. 3.* & Calmet *ad eundem vers. 29. S. Thomas super 2. ad Corinth. cap. 3. lect. 2.* aperte faret huic interpretationi: Apostolus argumentatur ex hoc, quod habetur Exodi 34. ubi littera nostra habet, quod Moyses habebat faciem cornutam, ita quod non possent &c. Alia littera habet faciem splendidam, quod melius dicitur. Non enim intelligendum est, eum habuisse cornua ad litteram, sicut quidam eum pingunt; sed dicitur cornuta propter radios, qui videbantur esse quasi quaedam cornua. Sequuntur Molanus, Lipomanus, Augustinus Steucus, alique collecti ab erudito viro Joanne Interian de Ajala in *opere*, cui titulus, Pictor Christianus eruditus. *Marrici* edito anno 1730. uti videri potest *lib. 3. cap. 13. num. 4. & in appendic. cap. 2. n. 3.* Splendorem hunc ex consortio Moysi cum Deo derivatum esse, sacra Scriptura testatur: quocirca de miraculo non est dubitandum, quod Deus operari dignatus est, ut amorem suum erga Moysen declararet, ut Legem Israelitis promulgandam certissimo hoc charactere Divinam, & a se manantem ostenderet, terroremque incuteret, ne eam deinceps populus violare auderet, & ut auctoritatem Moysi apud populum conciliaret. Et, quamvis Scriptura non exprimat, quamdiu duraverit splendor vultus, Sanctus nihilominus Ambrosius in *Psal. 118.* quem sequitur Abulensis, putat perdurasse usque ad ejus mortem, & sic Moysen post primum cum populo colloquium deinceps usque ad mortem faciem suam velasse, cum populum alloquebatur. Differt autem claritas Christi a claritate Moysi, quod Christi claritas fuit vere claritas gloriae, juxta ea quae superius dicta sunt; claritas autem Moysi habuit aliquam tantum similitudinem cum claritate gloriae, uti prosequitur Abulensis in *cit. cap. 17. Mathaei, quest. 33. & 35.* & bene adnotarunt Rotae Auditores in relatione causae S. Ludovici Bertrandi *ad sit. de splendore viso in obitu*.

14 Si quis in hoc capite asserere vellet radios, lumina, & splendores, qui in facie Sanctorum, dum viverent, apparuerunt, & qui inter miracula recensentur, numquam finem faceret. Cumulantur exempla apud

402 DE SERVORUM DEI BEATIFICATIONE

Thomam Bozium lib. 15. *de signis Ecclesie* cap. 5. apud Bagattam *de admirandis orbis Christiani* lib. 1. cap. 1. §. 4. apud Corneliolum a Lapide in *Exodum* cap. 35. in *mirabilibus* vers. 39. Præter infra afferenda, similia passim occurrunt in Actis Sanctorum collectis a Bollandio, ejusque Continuato-ribus, apud Surium in *vitis Sanctorum*, & alibi passim. De Canoniza-tione Scribentes, splendoris istiusmodi indicia sanctitatis esse, & sic in-ter miracula recensendos, testantur: Castellinus *de certitud. glor. Sanctor.* cap. 6. num. 7. Contelorius *de Canonizat. Sanctor.* cap. 14. n. 22. Bordonius *contro. moral.* 13. *de Canonizat. Sanctor.* num. 24. vers. *Splendor & claritas*, Pignatellus *confidr.* 69. n. 6. tom. 4.

15 Bis præcipue de hisce radiis & splendoribus actum est in causis Canonizationis; in causa videlicet S. Ludovici Bertrandi, & in cau-sa S. Ignatii. Cum enim S. Bertrandi anima a corpore separaretur, quæ-dam lux, seu insignis splendor instar lucidissimi radij ex ore morientis exire visus est; qui mirifice totum cubiculum illustrans astantes omnes, qui frequentes undique convenerant, non mediocri stupore & gaudio af-fecit; & in facie S. Ignatii Loyolæ quidam celestis splendor refulsit, de quo testatus est S. Philippus Neri, uti refert Masseyus in *vita S. Igna-tii*, & etiam adnotavit Petrasancta in *thymasia vera religionis* tom. 1. cap. 31. §. *Ad hæc*.

16 In causa S. Ludovici Bertrandi Auditores Rotæ in relatione supra citata, re diligenter examinata; quæstionem excitarunt, num claritas illa fuerit claritas gloriosa Beatorum, anima quippe tunc erat a corpore separata; an potius claritas esset naturalis quodammodo conditionis, & simillis claritati gloriæ. Lux enim gloriosa, quæ fit ab anima glorifica-ta, & ab ea in corpus iterum ipsi conjunctum redundat, uti explicat S. Thomas in lib. 4. *contra Gentes* cap. 86. *Sicut igitur anima, Divina visione fruens, quadam spiritali claritate replebitur, ita per quamdam redundanti-æ ex anima in corpus ipsum corpus suo modo claritatis gloria induitur, non differt specie a nostra luce, licet prodeat a causa diversa: ex quo efficitur, ut lux corporis gloriosi videri possit, & visa fuerit ab oculo non glorifica-to, uti contingit in transfiguratione Christi, & uti fiet in extremo Judi-cio, in quo reprobi eam lucem visuri sunt, juxta illud *Apocalyp.* 1. v. 7. *Videbit eum omnis oculus, & qui eum pupugerunt.* Hæc est sententia D. Tho-mæ expressa in 4. *sent. dist.* 44. *quæst.* 2. art. 4. *quæstione.* 2. *ad primum*, ubi ait: *Claritas gloria erit alterius generis, quam claritas natura, quantum ad causam, sed non quantum ad speciem; unde, si claritas natura ratione sua spe-cies est proportionata visui, ita claritas gloriosa. Quæstio, uti dictum est, fuit excitata; sed nec ab ipsis Rotæ Auditoribus resoluta, nec a sacra Congregatione: licet enim lux inter miracula fuerit recensita, de qua-litate tamen lucis, num esset videlicet claritas gloriosa, an vero natura-lis, & a Deo effecta (quod probabilius videbatur esse dicendum) ut mor-ientis sanctitatem ostenderet, nullum fuit latum judicium. In causa au-tem**

tem S. Ignatii *ad tit. de Temperantia*, post comprobata sufficentibus probationibus lucem, quæ in ejus facie relucebat, Auditores Rotæ sapienter dixerunt, positis virtutibus heroicis ipsius, affirmari posse, claritatem illam, quæ gloria vultus ab Apostolo appellatur, communicatam ipsi fuisse ex consortio sermonis Dei, & datam a Deo in signum specialis amoris, magnæque ejus inter homines excellentiæ.

17 De hac materia agit Theophilus Raynaudus *oper. tom. 9. punct. 3. pag. 71.* cum tractat de fulgore faciei in S. Francisco Paulano, dum viveret: Ibi, postquam attulit exempla aliorum Sanctorum, quorum vultus simili splendore fulserunt, & post resumptam doctrinam supra traditam de splendore corporis Christi Domini in transfiguratione, cujus originem ait fuisse Christo internam, quod ob unionem hypostaticam, & ob beatitudinem, qua ejus anima potiebatur, debita esset corpori dos illa gloriæ, quæ contra naturalem debitum grandi miraculo suspendebatur, ne in Sanctum Dei redundaret; ait, lucem illam in Christi corpore fuisse lucem veram, cum esset naturale corollarium animæ fruuentis beatitudine, a qua species & apparentias exulare oportebat; in Sanctis autem adhuc in hac vita manentibus nullam lucis causam internam esse, nec aliquid esse, quod evincat, eam lucem, quæ in illis aliquando notata est, plusquam apparentem fuisse; conclusitque *pag. 72.*, sic rem se habuisse in splendore prodeunte a facie S. Francisci Paulani: *Itaque hoc phenomenon, quod fuisse aliquando deprehensum in Sancto Francisco præmissimus, neque ex intrinseca radice prodibat, neque positum quid ac reale erat, sed apparentia duntaxat aliis plerisque Sanctis cum Sancto Francisco communis.* Pignatellus *consult. 43. tom. 5.* quaerit, an lux & splendor prodeuntes a facie aut corpore Sanctorum adhuc viventium fuerint physica & realia accidentia, an *intentionalia* tantum, Deo videlicet ea per se ipsum, vel per Sanctos Angelos exhibente, ut Servi sui honorentur: in quaestione autem resolvenda distinguit splendores per diuturnum tempus multis visos, a splendoribus ad breve temporis spatium aliquibus perceptos, & ait, in primo casu dubitandum non esse de physicis qualitatibus a Deo impressis, aut ab Angelis applicantibus activa idonea ad passiva, ut Servorum Dei sanctitas manifestaretur; at in secundo casu nihil esse, quod evincat plus quam apparentiam lucis a Deo, aut a Sanctis Angelis excitatam per aliquam mutationem accommodatam videntibus. Gaspar a Rejes *quest. 35. num. 9.* admittit, similes splendores esse posse, & aliquando fuisse Dæmonis commentum, ut suos, quos præ ceteris extollere cogitabat, tali vafricia redderet admirandos; & ad hanc classem refert igneam illam lucem, quæ, teste Livio *lib. 25. cap. 39.* emicuit ex capite Marci Romani Ducis itrenui duorum exercituum; & ignes ardentes, qui ante Julii Cæsaris mortem in multorum capitibus visi sunt. Alterum hoc, vel aliquid simile refert Plutarchus ex Strabone Philosopho, non Suetonius, unde ait Rejes se sumpsisse. At nos relictis his quæ ad Dæmonem pertinent, quæque (uti sæpe dictum est) nihil habent commune cum præsentī nostro instituto,

404 DE SERVORUM DEI BEATIFICATIONE

stituto, in quo agitur de causis Beatificationis & Canonizationis, in quibus de miraculis iudicium non profertur, nisi post discussas approbatasque virtutes in gradu heroico, quæ Dæmonis astus avertunt, descendimus ad verum questionis punctum, hoc est ad examinandum, quando lux & splendor apparens in facie aut in corpore Servorum Dei adhuc viventium nature aut miraculo adscribi debeant.

18 Legitur *cap. 1. Genesius v. 1. a Deo lucem creatam prima die qua mundum creare coepit: In principio creavit Deus calum, & terram. Terra autem erat inanis & vacua; & tenebra erant super faciem abyssi; & spiritus Dei ferebatur super aquas. Dixitque Deus: Fiat lux: & facta est lux: quarta autem die ab eo fuisse creatos solem, & lunam (ibid v. 16.): Fecitque Deus duo luminaria magna, luminare majus, ut præset diei, & luminare minus, ut præset nocti. Vallesius de sacra philosophia cap. 1. pag. 43. ait, consentaneum fuisse rationi, ut lux prior esset sole, licet mundo jam perfecto, a sole pendeat: Melius fuit &c. lucem vero fieri a primo die, ut mundi vitam, dumque nondum erat sol, ab ipso mundi parente pendere; non aliter ac in hominis cuiusque artu, qui non hac solum in re, sed in multis aliis similis est ortui totius mundi, evenit, ante cor gigni umbilicum & hepæ, & in illis facultatem esse vitalem pendente a matre, tametsi in animalibus jam integro non aliunde, quam a corde, ea facultas esse potest: ita, inquam, lux, quæ in mundo jam perfecto a sole pendet, in illo inchoato pendebat a parente. De hac luce ante solem creata SS. Basilii, & Nazianzenus dixerunt, fuisse lucem spiritalem; alii, fuisse corpus lucidum instar materię, ex qua postmodum in partes distincta ac divisa, velut in igneis globos, sol, luna, & stellæ factę sunt, Sanctus Bonaventura *dist. 13. art. 1. quest. 1.* lucem illam prænuñtiat, fuisse corporalem, atque sensibilem. At S. Augustinus videns for priores dies, quibus Moyses mundum a Deo creatum scribit, si litterario sensu accipiantur, gravissimis subjici difficultatibus, in *lib. 4. de Genesi ad litteram cap. 28.* modeste dubitando, novam explicationem excogitavit, nempe, dies illos esse intelligendos mystice, juxta cognitionem Angelicam de rebus in Deo, & in proprio genere, & juxta ordinem rerum simul a Deo creaturarum dierum etiam ordinem in Angelorum mente designasse. De hac interpretatione, sive explicatione S. Augustini mentionem facit D. Thomas 1. *pars. quest. 74. art. 2.* ubi proficitur, se ei nolle præjudicare easque a qualibet censura strenue vindicat Cardinalis Norisius in *vindictis Augustinianis f. 9.**

19 De luce inter Philosophos disputatur, utrum sit substantia, an accedens. Nonnulli dicunt, non esse substantiam incorpoream, neque corpoream; non incorpoream, quia videri non posset; non corpoream, quia non posset aerem penetrare: & sic concludunt, esse accedens, non quidem incorporeum, ut est noticia intellectus, sed corporale, hoc est affectionem corporis cuiuspiam. Franciscus Maria Grimaldus Bononiensis Societatis Jesu insignem edidit tractatum *de lumine, coloribus, & irida, & aliis annexis*. Sub Judice autem reliquit controversiam, num lux sit corporea

rea substantia, subtilissima tamen, & actuosissimo impetu fusa per corpora diaphana, an vero sit accidens corporum diaphanorum, miro quodam modo naturam ac proprietates ceterarum accidentium exsuperans. At novissime Regnault ex eadem Societate in *dialogis physicis Veneta edition. tom. 2. pag. 300.* late ostendere conatur, lucem esse materiam, seu substantiam; cum organum visus offendant, & corpus illud sit, quod tangens aliud corpus illud dolore afficit. Addit, materiam hanc esse subtiliorem aere, cum vitrum penetret, esse verisimiliter globosam & agitatem, cum fibras perturbet, & esse longe velociorem sono. Suffragantur huic opinioni nonnullae experientiae factae a Boyle, de quibus apud Deerham in *demonstrat. de essentia & attributis Dei lib. 1. cap. 4.*

20 Sed, utcunque sit de his opinionibus, quas retulisse satis erit, quod attinet ad nostrum institutum, quando disputandum proponitur, num lux, splendores seu radii apparentes in vultu Servorum Dei adhuc viventium naturae, an miraculo sint adscribendi, prima difficultas desumi potest ex testibus, qui eas res se vidisse testantur; praeter enim qualitates necessarias in testibus (de quibus alibi actum est), ut eis fides adhibeatur, operae pretium est animadvertere, nonnullos esse, qui vident splendores & radios, & objecta putant ab eis illustrari, licet nulla illustratio objecta illa afficiat. Galenus in 1. de arte curandi ad Glaucum cap. 15. sic scriptum reliquit loquens de futura crisi: *Si vero capite molestati splendores videre imaginentur; tunc non jam fluxurum, sed jam fluentem sanguinem inspicies*: quod pariter repetit ad text. 44. lib. 2. de ratione vietus in morbis acutis, ubi explicans illud Hippocratis, cur inter cetera symptomata, quibus aegri primis diebus a Medicis fame cruciati, exhibitis postea cibis, incertos & discurrentes lucis splendores se videre dicant, docet, id fieri ob eam, quae a ventre sursum fertur, exhalationem & evaporationem, & ob sanguinis abundantiam, qui ad caput fertur. Experientia quoque patet, expectatos noctu lumen primo intuitu videre. Narrat Marcellus Donatus de medic. histor. mirabil. lib. 2. cap. 9. se vocatum fuisse ad curam medicam praestandam cuidam nobili feminae, quae, cum pluries oculorum inflammatione laborasset, in eum tandem morbum inciderat, ut mense Januario, jam occidente sole, ab ancillis percunctaretur, an solares radii thalamum illuminarent: se enim undique splendores videre affirmabat, & nocte tota, clausis fenestris, & luminariis extinctis, aiebat, se sub sole versari, & astantium umbras in sole videre. Idemque Donatus causam investigans docet, spiritibus animalibus visioni intervenientibus, vel etiam visionis instrumentis male affectis visionem valde imminui, atque debilitari; & hinc fieri, ut radii, qui vocantur visorii, ad oculorum superficiem levigatam retrocedentes, & iterum retroflectentes efficiant, ut videantur splendores & radiationes, quae nullo modo sunt circa objecta: quae ratio utrum firma sit, an infirma (ea quippe admissa, idem esset videns, & visum) aliorum est judicium, cum pro re, de qua nunc agitur, satis sit, factum innuisse, ut ejus haberi possit ratio

ratio in examine miraculorum, quod assumitur in sacrorum rituum Congregatione. Dum fungebar munere Fidei Promotoris, in causa cujusdam Servi Dei referebatur a Postulatoribus, ejus vultum irradiatum, & lumine perfusum, dum in ecclesia concionabatur, fuisse a quodam teste visum. Porro opposui, factum unico teste non posse dici probatum, & testem habuisse caput inclinatum versus terram, illudque derepente extulisse, & quidem adversus lumen Solis, cum Concionator terga Soli verteret, & hac de causa potuisse ab eo videri vultum Concionatoris lumine circumfufum, licet re vera splendor ab ejus vultu non prodiret.

21 Modo exposite difficultati alia succedit absque dubio gravior: missis siquidem herbis, & lapidibus nonnullis noctu naturaliter lucentibus, de quibus luculentum edidit tractatum Conradus Generus; eoque facto omisso, super quo Thomas Bartholinus litteras dedit ad Fortunium Licetum, carniū videlicet animalium occisorum in macello Montis Pefulani inter nocturnas tenebras splendentium, uti videri potest in opere ejusdem Fortunii Liceti de secundo quasitis per epistolas cap. 18. & cap. 19. certum videtur, nonnullas esse flammās, quæ naturaliter circa hominum capita apparent; ex toto homine quoque ignem aliquando naturaliter emicare, non tamen in modum flammæ ex capite assurgentis, sed potius in scintillas se diffundentis, & aliquando splendores & flammās circa homines apparere, illis autem ipsis non adhærere, sed potius baculo, vestibus, aut hastæ.

22 Huc spectant, quæ de Afcanio leguntur apud Virgilium *Æneid.* lib. 2. vers. 682.

Ece levis summo de vertice visus Iuli

Fundere lumen apex, tactuque innoxia molli

Lambere flamma comas, & circum tempora pasci.

Huc spectat, quod de Servio Tullio refert Livius lib. 1. cap. 39. In regia prodigium visu euentuque mirabile fuit. Puero dormienti, cui Servio Tullio nomen fuit, caput arsisse ferunt multurum in conspectu. Quod prodigium Tanquil Tarquinii Regis uxor admirata Servium Serva natum in filii modum educavit, & ad Regium fastigium evexit. Alexander Magnus, ut in ejus vita narratur, in quodam conflictu cum Indis, illis strenue obfistentibus, ira percitus flammam ex se emisit, Cohausen in libro, cui titulus *Novum lumen phosporis accensum*, part. 1. sect. 2. sub/sect. 1. ubi agit de phosporis animalium, cap. 1. agit de luce hominum, & ejus origine & causa. Liberius Fromondus lib. 2. meteorologic. cap. 2. art. 3. agit de igne lambente, ejus figura, & levitate, tenuitate, & pabulo; ubi etiam plura congerit exempla, de quibus meminit Corfinus quoque in *Physica disputat.* 3. Et quatenus veteribus nova superaddenda sunt, ea profecto non deficiunt. Eusebius Nieremberginas scribit de Theodorici patre, eum, quoties membra fricabat, flammās excutere ex illis consuevisse. Apud Scaligerum, cujusdam mulieris capilli, dum mediis in tenebris pectebantur, ignem emittere videbantur.

tur. Inter admiranda, quæ Cardanus recenset, quoties Monachus, Carmelitani Ordinis capillitium reduceret ad occiput, igneæ scintillæ inde erumpebant: Apud citatum Cohausen pag. 93. ex Kirckero refertur, quoties cryptam Romæ subterraneam subibat, toties illum e comitum sudantium capite quasi faces erumpentes vidisse. Et, ut cetera prætereantur, dum Franciscus Guidus Jurisperitus nudus in lecto decumberet, & brachia manu fricaret, flammæ evidentè excutere consuevit. Huc denique spectat observatio 75. centur. 2. Petri Borelli pag. 175. Fuit Rusticus prope urbem Cassinensem loci Braccadela incolæ, cujus omnia lintea, fila cannabina &c. licet humida ferebant, in arcis reposita, vel super baculis ad aerem statim ignem concipiebant, quod ab innumeris visum est. Cetera similia collecta legi possunt apud Thomam Bartholinum in tractatu de luce huiusmodi, & brevium lib. 1. cap. 9. & plurib. seqq. apud Franciscum Restam in meteorologia lib. 1. cap. 6. tract. 3. apud Fortunium Licetum lib. 2. de monstris cap. 48. & apud Gasparem a Reyes quest. 35. & novissime apud eruditum virum Josephum Blanchinum tunc Canonicum Veronensem in opusculo typis Veronenis edito anno 1731. super causa mortis Comitissæ Cornelia Zangara Banda Casenatis. Penes cubile Principis Valfesii noctis tempore tum ab ipso, tum ab ejus uxore quedam flammula visa est. Interrogatus Gassendus, num id miraculo, an naturæ esset adscribendum, epistolam scripsit ad Heureum, quæ est inter opera ipsius Gassendi, in qua, allatis exemplis similium splendorum atque flammarum, phenomenon adscribit naturæ.

23. Ignes isti dicuntur ignes lambentes, eorumque splendores & flammæ sunt innoxiæ ob summam materiæ raritatem, sere ut in spiritu vini accidit, cujus flamma non tam in extranea corpora agit, quam suum ipsa humorem innoxia depascit atque consumit, veluti, perpendit. Franciscus Resta loc. cit. §. Circa materiam. De hoc igne lambente loquitur Sennertus in epitome Physicæ lib. 4. cap. 2. operum tom. 1. in fine ubi hæc habet: Pertinet hæc etiam ignis lambens seu adhaerescens, qui in hominum capillis, vestimentis, reliquarum animantium pilis, aliisque rebus interdum conspicitur. Addit Sennertus, ignem lambentem oriri ex subtili & pingui exhalatione per aerem dispersa, & animalium pilis, aut vestibus adherescente, vel ex sudoribus animalium calidioris temperamenti, aut vehementi motu excoactorem. Fraassen in Philosophia academica de meteoris disput. 2. §. 6. putat, eum formari ex halitu pinguiissimo exsiccatò motu corporum calefactorum, & accendi vel collisione, vel mutua partium attritione. Franciscus Resta loco allato accedit ad Sennertum asserens, causam materialem prædicti ignis esse tenuissimam & subtilissimam exhalationem pluribus spiritibus repletam, quæ ex animalibus expirat; causam autem efficientem inflammationis esse ignis, quod calidissimam materiam in unum contringens occasio est, ut in tenuem flammam splendescat. Qui Paracelsi doctrinam sequuntur, totum hoc facile explicant: cum enim ipse, in corpore humano salia, nitri, sulphurisque materiam inveniri doceat, difficile admodum non est cogitare, quo.

quomodo de sulphuris tenuissima substantia per modum vaporis aliquid eleveatur, quod in ipso motu in flammeam illam lucem evadat, præsertim si oleagine substantiæ aliquid vaporibus illis mistum adhæreat. Bodius de *historia humani sanguinis part. 2. ad quintam*, animalium corpora, & præsertim hominis, per chymicam analysim in maximam sulphuris, ac salis volatilis copiam resolvit: contendit, allato experimento sanguinis exsiccati & igni admoti, qui instar candelæ flammam concipit. Gaspar a Rejes *cit. quasi. 35. ait*, in calidis corporibus ignes hos lambentes accidere posse ob tenuissimos, ac subtilissimos vapores in poris contentos, ibique pinguedinis & oleagine substantiæ calore liquefactæ aliquid imbibentes, qui, cum motu magis caleant & attenuentur, in exitu aere frigido contracti, & veluti contrarium refugientes, aliquanto magis condensantur, & inter se colliduntur; ex quo motu fit ut oleagina & tenuissima illa materia, ex qua constabant, subito accendatur & in flammam erumpat.

24 Assertioni Sennerti, Frassen, & Gasparis a Rejes videtur favere posse doctrina Sanctorii, qui *scilicet. 1. de ponderatione insensibilis transpirationis aphor. 6. probat*, magnam effluviarum copiam exire e corpore humano, ita ut, si cibus & potus unius diei sit ponderis octo librarum, *transpiratio insensibilis ascendere soleat ad quinque libras circiter*. Idem Sanctorius *aphor. 59. insuper ostendit*, spatio unius noctis sexdecim uncias lotii, plus minuse, quatuor coctorum excrementorum per alvum, quadraginta & ultra per occultam *transpirationem* ut plurimum evacuari. Inde porro pergens, alibi ait, torporem indicare quemdam calorem in visceribus inclusum, qui insensibilem impedit *transpirationem*. His præmissis, probabiliter sustineri posset, ea insensibilis *transpirationis* effluvia esse posse ignis materiam, si potissimum exitus manus confricatione celerior fiat.

25 Sennertus, & Frassen scribunt, non semper ignes hos lambentes esse referendos ad causas pure naturales, sed aliquando excitari ab Auctore nature ad aliquod præsagium, & portentum designandum. Franciscus Resta *loc. cit.*, post explicatam naturam ignium lambentium, ait *pag. 131. aliquot ignes innoxios inter miracula recensendos: Pluries tamen vero & insigni miraculo super omnem naturam vim hac flamma apparentia circa homines sanctos contingit, ut cum Sancto Sotio Diacono Evangelium legenti flamma super caput staret, ex qua Sanctus Januarius eidem martyrium prædixit. Spiritus Sancti illapsus in Anastasio Presbytero, & in Formellensi Episcopo simili flamma indicatus est, cum uterque Sacrum perageret. Et paulo post pag. 133: Sacra item ista luce aliorum Sanctorum capita nitent, & ii, quorum pura oculorum lumina eam bene percipiunt. Hanc bene nova nostra ætatis lumina Sancti Carolus, & Philippus, alter in altero aspiciebat. Hac ipsa circumfusum idem Sanctus Philippus aspexit Divum Ignatium. Sequitur Gaspar a Rejes *cit. quasi. 35. n. 9. Caterum & divinitus aliquando similia accidisse prodigia, ex miraculosis eventibus inferre poterimus, cujusmodi putaverim fuisse illud, quod de Rege Bambæ narrat Funicus in Chronicis; nam, cum Rex inungeretur, Oleum, ait, de se minu-**

minutissimas flammæ sparsisse, quod Fidei Christiana acerrimum illum defensor em futurum forsitan indicabat. Similiter, quod de Sancto Martino refert Sabellius, cui primam Missam celebranti accidit, ex Hostia flammam emicuisse, quod sancti Viri in Christum maximum desiderium & animi ardorem ostendisse, pie ex tanto hoc miraculo inferre, non videtur a ratione alienum. Denique Thomas Bartholinus in tractatu de luce hominum, & brutorum lib. 3. cap. 7. problem. 1. in quo querit, An lucis animalis auctor immediatus sit Deus; late ostendit, a plerisque imperite hæc lumina atque splendores faustis, aut infaustis potentis, ac miraculis adscribi: vere cælestes ac divinos nonnullos splendores admittit proxime a Deo creatos pag. 398. Deis tamen in vere Divinis opera cum religione debita miramur, quæ quidem vix per sæcula numerantur. In hoc ordine operum Divinorum sine causis mediatis produciturum recensemus lucentes cælesti face vultus Moysis, & Christi, qui a nemine aut lumen receperunt, aut luminis aptum subiectum, qualia in Rubo ardenti, Nube noctilucæ, & Fornace Babylonica vi superiori excitata novimus, ut lucē Divina terris missæ, novarum rerum eventus elucesceret. Idem tandem Bartholinus, loquendo de aliis splendoribus, qui aliquando visi sunt in facie aut in corpore Sanctorum, non negat, ea fuisse miracula, sed rejicit ad classem miraculorum tertii generis, non creata videlicet luce proxime a Deo, sed Deo in ejus productione causis naturalibus utente; quarum interventus si Deo jubente fiat ad aliquid manifestandum, si earum conjunctio juxta consuetum ordinem tunc fieri non debuisset & facta sit, effectus, qui ab eis sic conjunctis produci- tur, a classe miraculorum tertii generis non excluditur, uti videmus in plu- viis, in fulminibus, aliisque consimilibus rebus, quæ aliquando in obitu SS. Martyrum contigerunt, & quæ habentur tamquam signa prodigiosa pretiosæ mortis ipsorum, licet a Deo proxime creatæ non sint, sed a Deo fuerint effectæ per conjunctionem causarum secundarum, quæ tunc juxta consuetum naturæ ordinem conjungi non debebant, nec eum producere effectum, qui sæpe in hoc Opere dictum est. En verba Bartholini: In reli- quorum corporum splendore Dei interventum non excludimus, sed, ut per media agentia cooperantem necessario rebus influere statuimus, quæ actio, sicut generatio omnis, & mediata rerum ordinatio, creatio dicitur non semel.

26 Hinc, redacta (ut solet) difficultate ad capita duo, hoc est ad proba- tionem facti, & ad ejus, uti vocant *relevantiæ*, quod attinet ad proba- tionem per testes, qui dicunt, se vidisse lucem & splendorem, præter re- quisita, quæ omnibus testibus necessaria sunt ut eorum dictis fides adhi- beatur, de sanitate corporis ipsorum erit inquirendum, an videlicet aliquo ex illis morbis laboraverint, quibus affecti vident splendores & radios, di- cuntque, objecta ab eis illuminari, licet ab his absit quælibet lux. Beiam de ipsorum phantasia querendum erit, cum, juxta doctrinam D. Thomæ 1. part. quæst. 112. art. 3. in corpore, sensus immutentur dupliciter; uno modo ab exteriori, cum mutantur a re sensibili; altero modo ab interiori, quando videlicet, perturbatis speciebus & humoribus, sensus ipsi immu- tantur;

410 DE SERVORUM DEI BEATIFICATIONE

tantur; ex quo fit, ut nonnulli putent, vere se oculis videre quod non vident, & auribus audire quod non audiunt, juxta illud Horatii *lib. 2. epist. 2. v. 128. oper. rom. 2.*

*Fuit haud ignobilis Argis,
Qui se credebas miris audire tragædos,
In vacuo læsus sessor, plausorque theatro:
Cetera qui vitæ servares munus recto
More.*

Aurelius Baccius Senensis, vir gravis, qui retulit, se vidisse circa caput S. Philippi Nerii Missam celebrantis splendorem coloris aurei perspicuis-
simum latitudinis quatuor digitorum ad instar diadematis, & aurei diade-
matis perseverantiam ab initio Orationis, quæ dicitur *Memento Vivorum*,
usque ad Eucharistiæ receptionem, ut dignosceret, an id a suorum oculo-
rum defectu oriretur, sæpe vultum retrorsum convertit, sæpe oculos ma-
nibus & linteo confricuit, sæpe ad aliorum capita oculos direxit, & tunc
tantum putavit, vere caput S. Philippi splendidum esse, cum aliorum ca-
pita, quæ aspexit, vidit sine luce, & cum præmissis modo relatis, sem-
per caput S. Philippi vidit aureo splendore ornatum, uti narratur in vita
S. Philippi scripta a Patre Jacobo Baccio *libro 3. cap. 1. num. 16.* Porro
haud exiguum probationi pondus accedet, si non unus, sed plures testes
de splendoribus seu luce testimonium reddiderint, cum sere impossibile sit,
eos omnes fuisse deceptos, veluti notat Philippus Maria a Sancto Paulo in
tractatu *de sacris apparitionibus in carne Beati Joannis a Cruce cap. 5. §. Proba-
tur modo.* Quocirca Carolus Augustus Salesius in *vita Sancti Francisci Sale-
sii sui patrui*, ut fidem conciliaret lumini, quod Sancti faciem in concio-
ne illustravit, testes vocat quotquot aderant concioni: *Per hæc tempora, quæ
Paschalia erant, diebus Dominicis magnus Antistes Avinionensis populo suo præcepta
Decalogi explicabat e pulpito in sua Cathedrali ecclesia; Et aliquando, cum de primo
præcepto mirabiliter differuisset, tandem concionem claudens, et ad Deum Patrem
verba sua convertens, visus est ab universo populo tota radiare facie, tanque
splendore undique circumfusus, ut vix præ nimio lumine videri distincte posset. Exi-
mi autem ejus rei testes sunt, quotquot tunc aderant. Unus quoque testis vi-
dens, ceteris non videntibus, pro re comprobanda sufficere posset, si esset
sanctitate eximius, & summa præditus prudentia, juxta ea quæ alibi dicta
sunt, dum aliqua unico teste probari asseruimus, quæ ipsi soli perspecta
esse potuerunt: quod & in facto præsentis contingere potest, Deo videlicet
disponente, ut splendor in vultu Servi sui ab uno videatur, ab aliis non
item; pro qua assertionem facit exemplum S. Philippi Nerii supra allatum
testantis, se vidisse splendorem in vultu SS. Ignatii, & Caroli.*

27 Sublata difficultate quoad probationem, querendum de natura
& ratione lucis, num videlicet naturæ, an miraculo sit ascribenda. Pro
miraculo facere potest, si lux ceteris lucibus fuerit splendidior: si non mo-
mentanea fuerit, sed diuturnior; ignes enim naturales appellati *lamben-
tēs*

tes ob materiæ parvitatem sensim evanescere consueverunt : si die , non nocte visa fuerit ; non quia statim pronuntiandum sit pro igne lambente . & pro exclusione miraculi , si lux nocte visa sit ; vel pro miraculo , si die visa sit : ut enim cetera prætereantur , flamma illa , quæ visa fuit circa caput Iulii , non nocte , sed die apparuit , juxta Dionysium Halicarnasæum lib. 4. *Antiquit. Roman.* cujus verba referuntur a Cafato in tractatu de *Ignis disert.* 12. pag. 346. *Cum aliquando circa meridiem in Regio thalamo confedisset , somnoque esset oppressus , flamma e capite ipsius emicuit , nec prius totum ejus caput flamma collucere desit , quam a matre accurrente excitaretur , que facto , flamma cum somno dispersa evanuit ;* sed quia splendidior ea lux est , & sic magis ad miraculum accedens , quæ die , lucente sole , splendidior (inquam) ea , quæ nocte inter tenebras aspicitur , veluti ad rem argumentatam Libertus Fromondus *loc. cit.* si ea non una , sed pluribus vicibus apparuerit : si visa sit , dum sermo de Deo habebatur , vel aliud quippiam in honorem Dei peragebatur : si de sanctis moribus ejus , cujus caput ignitum aut splendidum apparuit , nulla sit dubitatio : si illi , qui viderunt , ad Deum conversi sunt : si quodcumque aliud spiritale bonum subsequutum est : si denique alia miracula intercessione Servi Dei patrata proponantur & comprobentur . Hæc omnia quippe nos fere tutos efficere possunt , splendores illos non esse ex ignibus lambentibus , non esse effectus naturales causarum secundarum , sed signa esse cælestia a Deo immixta ad patefaciendam Servi sui sanctitatem , sive a Deo proxime creata sint , sive effecta mediantibus causis naturalibus , juxta ea quæ superius dicta sunt . Uno verbo , circumstantiæ antecedentes , comitantes , & subsequentes ostendere possunt , ignes non naturales esse , sed supra naturam , ut desumi potest ab exemplis relatis apud S. Gregorium Turonensem *de gloria Confessorum cap. 21.* & lib. 2. *de gloria Martyrum cap. 32.* & pluribus sequentibus .

28 In vita Beati Aelredi , Auctore Anonymo apud Bollandum *ad diem 12. Januarii cap. 1.* narratur , Willhelmum Archidiaconum ejus faciem vidisse in speciem Solis conversam , splendidissimis radiis coruscantem , ut suæ manui suppositæ umbra succederet ; & in *annalibus Minorum ad ann. 1316. num. 21.* de Beato Elzeario legitur , ab ejus vultu claritatem manifestandæ luce splendidiorem & pulcriorem , quæ faciem & totum cubiculum speciosum reddidit & luculentum ; & in vita S. Germani Episcopi Parisiensis , Auctore Venantio Fortunato *cap. 1.* apud Bollandianos *ad diem 28. Maji num. 4.* narratur ejus faciem cornutam ad instar faciei Moyse fuisse visam , talique lumine perfusam , ut ægre aspectus in eam figi posset . In vita S. Heriberti Archiepiscopi Colonienfis , Auctore Ruperto Abbate apud Bollandianos *ad diem 16. Martii cap. 6. num. 22.* habetur , non modo magnam lucem inter noctis tenebras circa eum orantem fulsisse , sed diurnam fuisse , & non semel , sed sæpius visam fuisse . Splendor e cælo veniens , & super caput Beati Ambrosii Senensis , dum concionem ad populum haberet , visus est , qui subinde , finita prædicatione , recessit , ut

412 DE SERVORUM DEI BEATIFICATIONE

ex ejus vita a nonnullis Religiosis Ordinis S. Dominici jussu Honorii IV. collecta, & edita apud Bollandianos ad diem 20. Martii cap. 7. num. 53. defumitur. Caput S. Catharinæ Senensis cælesti luce irradiatum ad meliorem sensum reduxit vetulam quamdam, quæ linguam maledicam laxaverat adversus eam Virginem sanctam, ut ex ejus vita, Auctore Beato Raymundo Capuano, *part. 2. cap. 4. num. 160.* apud Bollandianos ad diem 30. Aprilis. In Menologio Cisterciensis ad diem 4. Augusti sic legitur: In Hibernia obitus beatae memoriae Thomæ Lombardi, qui Ordini Cisterciensi in monasterio Superatensi apud Hispanos se dedit, ubi ad tantam perfectionem pervenit, ut sepe inter celebrandum e facie splendidissimos radios emittere visus fuerit: & in Martyrologio Gallicano calendis Octobris in appendice additur: Hoc ipso die perrexit ad Dominum Ulricus Presbyter & Monachus Villariensis, vir Angelice puritatis, super cujus caput, dum Divinam Hostiam immolaret, igneus globus visus est, index castæ & ferventis animæ, quam demum, exitus sui præscitus, lætus ad calum transmisit; signisque, ut in vita claruerat, sic post mortem refulsit. Sexcenta alia facile cumulari possent exempla, sed pauca hæc innuisse sufficiat pro re, de qua nunc agitur; ad quam etiam pertinere possunt ea quæ a Nobis deducta sunt in capite superiori, dum agebatur de quibusdam miraculis, quæ in calis, & in terra contingunt.

29 Alii ignes non lambentes, nec innocui, sed urentes, & ipsos homines, in quorum corporibus excitati sunt, consumentes, & ossa ipsa in pulverem redigentes, a Scriptoribus memorantur. In Actis medicophysicis Codania anni 1673. pag. 210. num. 116. narratur, feminam quamdam gravidam, feбри acuta, & inflammatione circa umbilicum subito correptam, a feбри liberatam fuisse, sed æstum febrilem in foetum transiisse, qui mortuus ex utero extractus est, ossibus in rubentem pulverem reductis. Apud Marcellum Donatum de medic. histor. mirab. lib. 4. cap. 25. mulier Hebræa, cum triduo in partu laborasset, foetum mortuum enixa est; cumque infans umbilico tenus promineret, ingens auditus est fragor, velut excusso tormento bellico, & mox flamma exiliens tum obstetricis manus, tum pueri nates combussit. Apud Petrum Borellum *centur. 2. observ. 69. pag. 169.* mulier flammam in morte evomuit: idque accidere in vini, ejusque spiritus nimis potatoribus, habetur in *ephemer. Geran. anno 10. pag. 53. continuationis Joannis Christophori Sturmii.*

30 At hæc fortasse a nostro instituto remotiora sunt. Quid dicendum, si proponatur tamquam prodigiosa alicujus combustio per ignem vindicem Divinæ justitiæ? Apud Guillelmum Lindanum exstat exemplum nonnullorum Iconoclastarum, qui S. Antonii Imaginem gladiis & bipennis percipientes, ut eam deinde contractam flammis consignarent, sacro igne correpti statim occubuerunt. Alia similia collecta legi possunt apud Bagattam de admirandis orbis Christiani lib. 2. cap. 1. §. 12. Quoties hujusmodi facta in examen adducantur, de miraculo non erit dubitandum, si causa naturalis externa desit, si tempore ipso criminis contigerint,

rint, si Dei honor ab eis derivetur, & multo magis, si tempore signato & per Dei Servum prænuntiato ignes eruperint. Facit huc Valentiniani Imperatoris casus, quo dedignante assurgere S. Martino Episcopo, e sella egressus est ignis, qui eum non assurgere modo compulsi, & Viro occurrere, atque manibus ejus caput submittere, sed & ad ejus vestigia se prosternere; de quo Venantius Fortunatus præclare admodum in *vita S. Martini lib. 3. pag. 310.* hisce carminibus cecinit:

*Hinc celer exsilii rapiens se Casar & ardens,
Martini genua amplectens, pedibusque volutans:
Sicque, superbum hominem se agnoscere, poena coegit,
Vilia Regna probans, & celsa cacumina curvans,
Imperiale caput Sancti ad vestigia subdens.*

C A P U T XXVII.

*De longa abstinentia a cibo, & potu, an, & quando
miraculo sit ascribenda.*

IN secundo hujus Operis libro *cap. 24. §. 3.* dum agebatur de cultu immemorabili Beati Nicolai de Flue Eremitæ, qui mortuus est anno 1487. eum diximus, ut narratur, viginti & duobus annis vixisse sine corporeo cibo potuque; & Caroli Bovilli epistolam ad Nicolaum Florum Remensem Electum attulimus, in qua res tota pluribus exponitur. Michael Angelus Lapius olim Fidei Subpromotor in sua epistola Italice exarata ad Michaellem Abbatem Justinianum, & in Latinum versa a Valentino Steber, & Romæ edita anno 1661. refert, hunc Dei Servum, sive Beatum Nicolaum anno ætatis quinquagesimo primo, accedente uxoris consensu, in eremum fecisse, per octo dies sine ullo cibo & potu mansisse; admonitum a fratre, qui illum convenerat, ut cibumsumeret, Parochum Kernensem consuluisse, qui cognitis iis, quæ ipsi discendenti a patrio solo usque ad illum diem acciderant, & animadvertens, totum corpus nervis, ossibusque sola cute vestitis sustineri, in exsuo tamen corpore animum vigere, & nihil vivacitatis deesse, ipsi suasisit, ne a suscepta semel abstinentia discederet; maledicos eum ad Magistratus detulisse, quod ficta inedia plebi credulæ nimis imponeret; Subilvanos certius veritatem exploraturos, publico plebiscito excubias decrevisse in viis omnibus ducentibus ad eremum, ut accessus & recessus ad eam pateret nemini, qui forte cibum esset allaturus; vigiles custodes solerti cura in suis stationibus menssem integrum exegisse; & quia eo tempore compertum fuit, eum omni non tantum cibo, sed etiam aspectu humano caruisse, obliuionem solutam fuisse; Suffraganeum denique Episcopi Constantiensis eidem virtute sanctæ obedientiæ imperasse, ut comederet (secum enim detulerat tria panis fragmenta, & vini pateram) &

Ni.

414 DE SERVORUM DEI BEATIFICATIONE

Nicolaum præcepto obedientem vix ingestam ori panis buccellam ejecisse, & vini guttula in ventriculum trajecta, adeo gravi stomachi dolore tortum fuisse, ut animam efflaturus videretur. Idem Lapius in fine epistolæ singulos refert Auctores, etiam male de Catholica Fide sentientes, qui istius longissimæ inedia meminerunt.

2 Ex hoc autem facto orta est controversia nondum iudicio Sedis Apostolicæ definita, an hæc & consimilia jejunia, ad longum tempus protracta, inter miracula sint recensenda.

3 Moyfes, Elias, & Christus quadraginta diebus abstinentes a cibo & potu jejunium servaverunt, uti habetur *Exodi 34. Deuteronomi 9. & lib. 3. Regum cap. 19.* Ibi quippe sermo est de jejuniis Moyfis, & Eliæ, & narratur, eos non comedisfe, nec aquam bibisse per integros quadraginta dies. De Christo Domino legitur *Matthæi cap. 4. v. 2. Cum jejunasset quadraginta diebus & quadraginta noctibus, postea esurivit*; quod ipsum habetur *Lucæ cap. 4. & Marci cap. 1.* Quamvis autem Evangelistæ non loquantur de abstinentia a potu, de ea tamen dubitandum non est, cum apud Hebræos non modo abstinentia a cibo, sed etiam a potu pro constituendo jejunio esset necessaria, uti animadvertit Calmet *ad idem cap. 4. Matthæi*; quod ipsum etiam observabatur primis Ecclesiæ temporibus; narrat enim Rufinus *de vita Patrum* apud Rosweydam pag. 508. Silvanum Abbatem Zachariam suum discipulum in itinere bibere volentem jejunii commemoratione prohibuisse: *Invenis Discipulus ejus aquam, & volebat bibere. Cui Abbas Silvanus: Zacharia, hodie jejunium est.* Illustre est testimonium Prudentii, qui *S. Fructuosum Tarraconensem Episcopum* illos, qui, dum ad martyrium duceretur, ei libandum poculum obtulerunt, in hunc modum alloquentem inducit, *hymno 6. vers. 34.*

Jejunamus, ait, recusæ potum.

Nondum nona diem resignat hora:

Numquam convitiolabo jus dicatum,

Neq. mors ipsa meum sacrum resolvat.

Hæc quippe sanctissimi Episcopi verba demonstrant, antiquitus in Ecclesiasticis jejuniis eandem potus atque cibi fuisse rationem, adeo ut violari jus existimaretur, si ante horam diei nonam, quando cibum capere licebat, Christiani biberent.

4 Inter miracula recensent Theologi jejunia Moyfis, Eliæ, & Christi; docentque, Eliam & Moysen non naturali, sed Divina virtute extrinsecus accepta, at Christum virtute sibi propria & interna, jejunium protraxisse per quadraginta dies, uti videri potest apud Suarez in *3. part. D. Thoma tom. 2. quæstion. 11. artic. 4. disput. 29. sect. 2. §. Quapropter dicendum est.* Sola autem est inter eos disputatio, quæ tamen ad præsens non pertinet institutum, utrum Christus Dominus per dies quadraginta, quibus jejunavit, esuriverit, an vero tantum expletis quadraginta jejunii diebus. Cardinalis Cajetanus *ad cap. 4. S. Matthæi* ait, illum omnibus diebus fa-

famem sensisse, quod supervacuum sit sine necessitate multiplicare miracula, & quod frustra jejunasset, si nihil sensisset. Franciscus Lucas opinatur, Christum illis quadraginta diebus jejunii aliquam quidem famem sensisse ad majus jejunii meritum, & ad aliorum, qui in jejunio famem patiuntur, exemplum, sed non tantam, quantam post quadraginta dies, quæ eum incitaret ad quærendum cibum. Suarez *loc. cit. §.* Et hinc facile dicit, sententiam Cardinalis Cajetani esse improbabilem, & saltem temerariam, cum repugnet verbis Evangelii supra relatis: *Cum jejunasset quadraginta diebus & quadraginta noctibus, postea esurivit.* Cornelius à Lapide *ad cit. cap. 4. S. Matthæi* ad ea verba, *postea esurivit*, adhæret sententiæ Francisci Lucæ. Sed communis est sententia, Christum Dominum famem passum non fuisse, nisi post dies quadraginta, teste Calmet *ad idem cap. 4. S. Matthæi*. Præclare S. Petrus Chrysologus *serm. 111. (in Biblioth. Patrum tom. 7. col. 854.)* explicans memorata verba, *postea esurivit*, ait: *Hoc non est infirmitatis signum, sed est insignis virtutis; quia cum dicit postea esurivit, quadraginta diebus & quadraginta noctibus probat in illo esurientem non fuisse. Esurientem sentire, & vincere est laboris humani; Divinæ virtutis est esurientem non habere.* Alia pro hac sententia collecta fuisse legi possunt apud de Quadros *in palastra Biblica tom. 3. decad. 2. question. 9.* Ceterum de modo, quo Christi quadragenaria abstinencia accedit, Theologi docent, eum potuisse humidum naturale corpori insitum conservare, aut multiplicare, ut esset sufficiens pabulum calori per quadraginta dies: sicut multiplicavit materiam quinque panum & duorum piscium, ut esset tot hominum sufficiens alimentum: item potuisse suspendere mutationem naturalem in cibo, & facere, ut tot diebus integer permaneret; siquidem Albertus Magnus scribit, habuisse Christum per totum tempus illud vires inferiores adeo abstractas, ut nec *digestiva digesserit*, nec *attractiva attraxerit*, nec *divisiva dividerit*, nec *consumptiva consumperit*, nec *expulsiva expulerit*, sed in statu uno & eodem remanserit: potuisse denique vim aliquam occultam cibo, quem nuperrime manducaverat, communicare; sic enim *lib. 3. Regum 19. v. 8.* legitur a Deo factum in gratiam Eliæ: *Qui cum surrexisset, comedit & bibit, & ambulavit in fortitudine cibi illius quadraginta diebus & quadraginta noctibus*: verba autem illa, *ambulavit in fortitudine cibi illius*, intelligi posse aut *negative*, quod videlicet non eguerit alio cibo in illis quadraginta diebus, aut *positive*, quod videlicet duraverit virtus cibi per totum quadragenarium spatium, Deo ipsum conservante, ne deficeret. Hæc referre placuit ex aliorum disputationibus petita. Nos nihilo plus dicimus, quam Christi, Eliæ, & Moïsi jejunia miraculo non caruisse. De miraculi modo nihil affirmare audent; cum & modi omnes hæcenus allati sint valde incerti, & præterea multi æque incerti excogitari possint.

5 Alia occurrunt in Ecclesiasticis historiis mirabilia prorsus jejunia. Apud Bollandianos *in Actis Sanctorum Martii tom. 1.* narratur, S. Gerasi-

mm

num Abbatem quadraginta diebus absque cibo vixisse, sola Eucharistia recepta; & *tom. 2. ejusd. mensis*, S. Patricium Hiberniæ Apostolum, ne clibis idolis sacrificatis vesceretur, viginti diebus continuis nullo terreno cibo nutritum mirabile proeraxisse jejunium. Theodoretus in *hystor. relig. cap. 36.* testatur, Simeonem Stylitem sæpius absque cibo & potu quadraginta diebus jejunasse, & die tantum Paschatis, sumpto Christi corpore, aliquid comedissee. Apud Raynaldum *ad ann. 1225.* extat exemplum puellæ inclusæ, & Instituto Regulari addictæ, quæ per septennium ante obitum nullum omnino sumpsit cibum, recepta tantum diebus Dominicis sacra Eucharistia. Quod cum devenisset ad aures Hugonis Lingolnienfis Episcopi, jussit eam per dies quindecim arcta Presbyterorum & Clericorum custodia servari; compertumque fuit, toto illo spatio temporis nullo cibo nutritam fuisse. Apud Bozium *de signis Ecclesiæ lib. 15. cap. 2.* Maria Ægniacenfis triginta quinque diebus jejuna permansit, ciboque tantum Divino nutrita est. Virgo quedam Felix nomine ex oppido Barbarani quinque totas Quadragimas sola Eucharistia transegit. Luchina Soncinas nonnullas Quadragimas nihil comedens præter Eucharistiam solam traduxit. Ludovicus Pius Imperator in supremo morbo, quo obiit, totos quadraginta dies jejunus transegit, solam Eucharistiam quotidie sumens, quemadmodum legitur apud Robertum Guaguinum *lib. 5. hystorie Francorum*. In vita S. Catharinæ Adurnæ Januensis Historicus narrat, toto tempore Quadragimæ & Adventus per annos viginti tres sola Eucharistia eam nutritam fuisse, & reliquo anni tempore corporalem cibum parcissime sumpsissee: & in *anal. Minorum ad ann. 1309. num. 14.* Beata Angela Fulginas per duodecim annos nihil corporalis cibi degustavit, sacratissimo tantum corpore Christi refecta. S. Catharina Senensis aliquando a die Cinerum usque ad Ascensionem Domini sine cibo vixit, sola Eucharistie communione contenta. S. Rosa Peruviana multoties solo Eucharistico cibo satiata, integras, nihil aliud degustando, transegit hebdomadas. Et, ut plura alia omittantur, Savonarola *tractat. 6. cap. 14.* historiam recitat cujusdam Religiosi ex Ordine Eremitarum, qui sua ætate in Hispania apud Regem cum esset, post assumptam Eucharistiam nullum cibum nullumque potum per viginti dies sumebat; quod Rex ipse, & Generalis Ordinis maxima diligentia invelligare volentes, rem sic se habere invenerunt.

6 Et, ne quis putaret, jejunia memorata non posse inter miracula recenseri, tum quia Sacramentales species nutriunt, tum quia olim & fortasse etiam nunc Græci autumant, jejunium frangi per sumptionem Eucharistie, in hujus rei examine paulum immorabimur. Querit S. Thomas 3. *part. quæst. 77. art. 5.* utrum ex speciebus Sacramentalibus aliquid possit generari, & affirmando respondet, quia in ipsa consecratione miraculose datur quantitati dimensiva panis & vini, quod sit primum subiectum subsequen-
tium formarum, hoc autem est proprium materia... & ideo quicquid posset generari ex materia panis vel vini, si adesses, totum posset generari ex quantitate di-
men-

ET BEATOR. CANONIZ. LIB. IV. PAR. I. CAP. XXVII. 417.

mensura panis & vini, non quidem novo miraculo, sed ex vi miraculi prius facti. Idem S. Doctor art. 6. quærit, utrum species Sacramentales possint nutrire: & huic quæstioni affirmando pariter respondet; cum enim species Sacramentales possint converti in substantiam aliquam, quæ ex eis generatur, per eandem rationem possunt converti in corpus humanum, per quam possunt converti in cineres vel in vermes, ita ut, teste eodem S. Doctore, manifestum sit, eas nutrire. At ex his non excluditur admirabilis abstinentia eorum, qui sine cibo & potu, receptaque tantum Eucharistia, menses & hebdomadas transegerunt, cum species illæ sint valde exiguae, & non sufficiant ad hominem diu in hac vita conservandum, uti advertit Bordon. *de miraculis medis.* 16. num. 12.

7 Nicetas Pectoratus Monachus Studita, qui xi. sæculo floruit, reprehendens morem Latinorum, qui quotidie in Quadragesima Sacrum faciunt, ita loquitur *Biblioth. Patrum* tom. 18. pag. 408. *Quin etiam oblationem perfectæ Missæ per omnem diem facere in sacris diebus Jejuniarum, sive Sabbato, sive Dominico die, unde assuevisti? & a quo Doctore accepisti? Ex Apostolis? Nullatenus. . . Ministrantes ergo, atque complentes ministracionem sancta Missæ secus tertiam horam diei, in qua & promulgatum est offerri Sacrificium, quomodo jejuniarum usque ad horam diei novam observatis? solventes hæc in tempore ministracionis Missæ. Ex quibus Nicetæ verbis nonnulli inferunt, Græcos eo errore duci consuevisse, ut Divino cibo jejuniarum solveretur: Goarus not. in *Euchol. Græc.* pag. 205. Allacius de *Missâ Præsanctificatorum* pag. 1546. & 1547. Thomassinus de *jejun.* pag. 476. & pag. 477. & in *Græcorum Triodio*, libro videlicet qui Officia continet quæ a Dominica, quæ Septuagesimam præcedit, ad Sabbatum sanctum recitari solent, leguntur hæc verba: *Ex Traditione accepimus, non celebrari Præsanctificatorum Missam usque ad seriam quartam, eo quod omnis fraternitas ex antiqua Traditione jejunes.* Notum est enim, Missam Præsanctificatorum illam esse, in qua Christi corpus non conficitur, sed consecratum antea absumitur, & Græcam Ecclesiam ea uti in jejuniis Quadragesimalis diebus, cum Dominico die Presbyter Sacrum facturum, in tot particulas panem oblationis dividat, quot diebus usque ad Sabbatum Præsanctificatorum Missam celebrare debet, quas consecratas, & in Christi sanguine intinctas in pyxide reponit.*

8 At Nicetæ errorem Humbertus Cardinalis Sedis Apostolicæ in Oriente Legatus acriter reprehendit in opusculo, quod adversus illum elucubravimus tom. 18. *Biblioth. Patrum* pag. 412. *Sed o perfida Stercorianista, qui putas, fidei participatione corporis & sanguinis Domini Quadragesimalia atque Ecclesiastica dissolvi jejunia, omnino credens, caelestem escam, velut terrenam, per aqualiculi fœtidam & sordidam egestionem in secessum dimitti, plane sentis cum Ario. Et paulo post: Ergo, o pestifer leno antiqui Serpentis, qui conaris assintia tua corrumpere sensus Christi Sponsæ, quæ est Ecclesiæ, ne evincatur a charitate tanti & talis Sponsi, credis, nos vitam incorruptibilem comedentes corrumpere integritatem jejuniarum velut aliquo cibo corruptibili? Et quæ habetur* Tom. II.

418 DE SERVORUM DEI BETIFICATIONE

tur in *Triodio*, nisi aliquam admittant interpretationem, fortasse delebuntur mandato sacræ Congregationis, quæ ejus expurgationi manum admovit usque a tempore Urbani VIII.

9 Sufficere hæc posse videntur de jejuniorum miraculis, quæ vel ex sacro Textu, vel ab Ecclesiasticis historiis habentur. Nunc autem cetera prosequamur, quæ ad longa quædam naturalia jejunia pertinere possunt, omiſſis jejuniis dæmoniacis, quæ nihil habent commune cum nostro instituto, in quo agitur de miraculis Beatificationis & Canonizationis gratia, hoc est de miraculis cum virtutibus heroicis conjunctis, ex quarum discussione & approbatione excluditur quæcumque suspicio, quod clam a Dæmone fuerint subministrata alimenta, ut vir scelestus & hypocrita ceteris hominibus appareret longo tempore jejunans; juxta ea, quæ leguntur apud Cardinalem Baronium *ad ann. 434. num. 15. & seqq.* ubi narrat, quamdam puellam natione Arabam a Dæmone obsessam, septuaginta ferme dies & totidem noctes nullo cibo nulloque potu transigisse, sed avem quamdam nocte media consuevisse apparere, quæ ipsi in os nescio quid inlundeabat; & juxta cetera, quæ plene habentur apud Gasparem a Rejes *quest. 58. num. 29.* apud Mattam *de Canonizat. Sanctis. part. 3. cap. 17. num. 3.* apud Pignatell. *consult. 91. num. 92. tom. 2.* & apud Stalpartium *part. 1. centuria posterioris suarum observationum pag. 151. & seqq.* Ad quam pariter classem referri possunt jejunia quædam non vera, sed ficta, quale fuit illud cujusdam Antonii Picci, qui populo, se per quatuordecim dies jejunare posse, Angelique esse familiarem, persuadebat; cujus rei gratia per totam Italiam, Siciliam, & Hispaniam veluti Sanctus prædicabatur. Ejus imposturæ tandem hominibus patuerunt, ut scribit Jovianus Pontanus *lib. 2. de sermone: Cum sub Rege Alfonso hujus Ferdinandi patre, quidam, cujus nominis non memini, diuturniora sua jactaret jejunia, ac quam diligentissime quævis cibi accipiendi huic præriperetur occasio, compertus est postea e candelis, quas hiberno tempore receperat, victum sibi querere; ha namque saccharo, cinnamomoque, necnon gallinarum carne in minutissimas dissecta particulas, quas extrinsecus servum circumdabas, constabant.*

10 Princeps Medicorum Hippocrates in libro de carnibus, in fine, ait; *Qui septem diebus absque ulla cibo permanserint, debinc non possunt, etiam volentes, cibi subveniri, quia jam venter eos non admittit.* Quapropter Franciscus Vallesius de sacra philosophia cap. 13. scribit, Deum die sexta cibum misisse ad Daniele in lacu leonum detentum, ne si septimam diem attigisset, fame periret: *Hanc ob causam ergo judico, misisse Deum die sexta cibum Daniels in lacu leonum existenti, ne scilicet, si septimam attingeret, periret fame; nam etiam in his, quæ miraculose agit, habet Deus rationem aliquam naturæ, ne plura quam opus sit eveniant miracula.* Alii pro varia ratione temperamenti, ætatis, regionis, temporis anni, consuetudinis, terminum perfecti jejunii protrahunt ad diem undecimum. Præclara de die undecimo est sententia Plinii *lib. 11. cap. ult. Homini non utique septimo letales inedia. Durasse & ultra unde.*

undecimum plerisque, certum est. Adde Zacchiam *quæst. medico-legal. lib. 4. tit. 1. quæst. 7. num. 6.* Fortunius Licetus in suo opere *de iis, qui diu vivunt sine alimento*, multa narrat experimenta eorum, qui per decem, per viginti dies, per octo, per quindecim menses, per plures annos sine ullo cibo & potu vixerunt. Albertus Magnus *lib. 7. de animalibus tract. 3. cap. 3.* fidenter asserit, se vidisse Coloniz mulierem, quæ dies viginti, & sæpe triginta sine cibo remansit. Poggius Florentinus testis oculatus narrat, quemdam Gallum, post susceptam Hierosolymitanam peregrinationem, Romam reversum, per integrum biennium sine cibo & potu vitam traduxisse. Bucananus in *historia rerum Scotticarum* tradit, Joannem Scotum victu abstinuisset per triginta, & aliquando per quinquaginta dies integros. Giraldus Fulgofus Quercetanus, alijque exempla afferunt abstinentiæ ad biennium, ad triennium, ad novennium, ad decennium productæ. Alia habentur apud Schenckium *lib. 3. observat. medic. tit. de Astis*. Consimilia referuntur a Donato *de medic. histor. mirab. lib. 4. cap. 12.* a Scalpartio *cit. part. 1. posterioris centuria observationum pag. 135. & plurib. seqq.* & a Zacchia *quæst. medico-legal. lib. 4. tit. 1. quæst. 7. num. 19. & seqq.*, ex quibus inferri posse videtur, hominem, & quodcumque animal posse naturaliter absque ullo alimento externo cibi & potus per longum tempus vitam incolumentem traducere. Joannes Vierus in suo opere edito Basileæ anno 1582. *de lamiis, & de commentitiis jejuniis*, non admittit jejunia naturalia ultra septem dies, & contendit oppositas narrationes esse fabulas, vel illusiones: quod si desint Dæmonis astus, & jejunium per septem dies seratur sine virium amissione, id ait esse miraculo adscribendum. Idem sentit Richardus Holdswort in *praelectionibus Theologicis lect. 17. pag. 639.* qui, licet Auctor heterodoxus, ad miraculum refert Christi jejunium: argumento quippe ducto ex factis supra relatis de longiori naturali jejunio, ita respondet: *Non est quod de istis multum simus solliciti, neque enim sunt impedimento, quominus hoc Salvatoris jejunium sit inter ipsius miracula reputandum; nam sunt valde ambigua fidei pleraque recitata historie, & ad admirationem magis confecta, quam conscripta ad rei veritatem: At Gaspar a Rejes jucundat. quæstion. elys. camp. quæst. 58. num. 7. & num. 28. acriter reprehendit eos, qui fidem non præstant supra dictis experimentis & narrationibus, de quibus testantur viri docti & fide digni, atque etiam Magistratus pro firmanda veritate acciti.*

Polita factorum veritate, ut explicetur, quomodo longa narrata jejunia naturaliter fieri & tolerari potuerint, nonnulli id referunt ad aquæ potum, quem dicunt nutritioni sufficientem, alii ad terræ comestitionem, aut herbarum, cum aliquæ feminæ gravidæ, aut pica laborantes, terram & cretam avidè comedant, & aliqua animalia ex terra vivant, & plantæ terra alantur, & multi fuerint, qui per multum temporis naturali necessitati herbarum ope subvenerint, de quibus apud Rejes *loc. cit. num. 30. & plurib. seqq.*, & apud Pignatell. *consult. 43. num. 85. & seqq. tom. 4.*

At, his omisiss, quæ videntur extranea, cum prælens quæstio non

de iis sit, qui uno aut alio vixerint alimento, sed de iis, qui sine cibo & potu longam vitam traduxerunt, nonnulli putant, id ab aere, item ab exhalationibus, quæ perpetuo effluunt e corporibus sublunaribus, oriri potuisse. Sed utrumque sit de his, Fortunius Licetus contendit, viventia naturaliter vivere posse per longum tempus, absque eo quod ullo modo nutrantur; putatque, nutritionem non esse semper, & cuicumque animali ad vitam necessariam: cum enim nutritio fiat ob defectionem humidi, qui dicitur radicalis, quod a calore nativo indefinenter absorbitur, hinc inferit, necessitatem nutritionis auferri posse, quoties auferatur absorptio humidi radicalis, quam absorptionem omnino de medio tolli concludit ab æqualitate caloris & humidi. Censet ergo Licetus, dari posse hanc æqualitatem, eaque perseverante cessare omnem necessitatem nutritionis, hominemque naturaliter jejunium ferre posse toto tempore, quo durat æqualitas. Sententia hæc Liceti non placet Zacchiæ, qui memoratam æqualitatem caloris, & humidi radicalis somnium appellat, & ens rationis: quocirca si admitatur, nonnulla viventia absque ullo externo alimento vivere, & jejunantia longo tempore vitam trahere, docet ipse, ea nutriri ex humore crudo ac pituitoso in eorum corporibus aggregato: quod ut contingat, nonnullas circumstantias requirit; quarum prima est, ut calor natus non acer, nec validus, sed debilis sit respectu copię & qualitatis humorum; secunda, ut adsit contrictio pororum cutis, ex ea enim contrictione non solum calor minus dissipatur, sed etiam nova humorum congeries producit; tertia est, ut pituita & crudi illi humores, qui externi alimenti vicem gerunt, habeant in se humidum quoddam aereum & unguinosum, quod calori non aliter, quam oleum lucernæ, pro pabulo sit. Gaspar a Rejes aliter rem explicat, & prodigiose naturalis inedie ait causam esse ecstaticum quemdam statum caloris naturalis in corde. Vult ergo, eum in corde veluti circumscriptum manere, & ad reliquum corpus aut nihil, aut certe parum se diffundere. Vult reliquas corporis partes ab illo calore quo jammodo destitui, cujus ope actiones suas naturales attrahendi, concoquendi, expellendi, & resolvendi exequabantur. Vult denique, eas necessitate compulsas pro sua indigentia, quæ multum non urget, cum modica & tarda sit ipsarum resolutio, nutritionem assumere ex humiditatibus in corpore redundantibus, quæ tunc etiam ob caloris inopiam succrescunt: & hoc modo animantia naturaliter diu vixisse, & vivere posse per longum tempus absque ullo externo cibo vel potu. Ex operibus Liceti, Zacchiæ, & Rejes hæc sumpta sunt omnia; apud quos ceterorum opiniones minus plausibiles referuntur; quas etiam congerit Lapius in supra allata epistola de *inedia Beati Nicolai de Flus*. Uti vidimus, Liceti sententia non placet Zacchiæ, Zacchiæ sententia non placet Cardinali de Lauræa, qui in 3. lib. sent. tom. 4. disput. 20. de miraculis art. 24. num. 1023. ex Roderico observat, innumeros homines crudissimis humoribus abundare, debili calore esse præditos, contrictos in hieme habere poros, & jejunium per binos dies ferre non posse. Rejes ipse de veritate suæ sententiæ dubitat,

tat, ut ipse fateatur in *cir. quest. 58. num. 62.* & de ea hæc habentur apud Mittam *loc. cit. num. 16.* Hæc Reyes Franco ad propriam opinionem tuendam contra sedecim alias ab ipso rejectas, quæ utrum sit vera, necne, aliis discutiendum relinquimus; cum nobis sufficiat, Consultores, & causarum Patronos animadvertere debere, plurium dierum, mensum, & annorum inediam non solum miraculose pati, sed & astu Demonis fingi, & naturaliter per aliquod tempus sustineri posse.

13 Colligitur ex dictis, longa jejunia dupliciter esse generis, alia videlicet supra naturam, alia intra naturam; ideoque investigandum remanet, quænam illa sint quæ ad primam, & quænam sint illa quæ ad secundam classem referri debent. Zacchias in *cir. lib. 4. tit. 1. quest. 7. num. 57. & 58.* respondet, naturalia esse jejunia, in quibus adsunt circumstantiæ supra ab ipso expolitæ, & supra naturam esse; in quibus deficient circumstantiæ, hoc est si desit copia pituitæ, desitque restrictio pororum cutis; in quo rerum casu ait, jejunium toleratum ad decem, aut ad summum undecim dies causam habere supra naturam; concluditque, inter miracula fuisse jejunia Moysis, Eliæ, & Christi Domini, cum illis alimentum omne defuerit tum externum, tum internum, quo vita sustineretur. Gaspar a Reyes *cir. quest. 58. num. 13.* multas inedias miraculo adscribit, quas ait esse ab aliis distinctas, nec opus esse earum causam quærere, cum certum sit, omnipotentis Dei virtute præstari potuisse, ut in Sanctis suis mirabilis appareret. At idem non explicat, ex quibus signis dignosci possit, quænam longa jejunia miraculo, & quænam naturæ sint adscribenda. Scribentes de Canonizatione Sanctorum nonnullas exponunt ad rem, de qua nunc agitur, circumstantias, quas dicunt summo opere advertendas. Prima est, si ad probandum aliquem articulum Fidei, Dei Servus a Deo poterit longum jejunium sine cibo aut potu; illudque peregerit validus viribus, ac si non jejunasset; & tunc jejunium dicunt miraculo adscribendum. Hinc Danielis. *1. 12.* de pueris Hebræis, qui cibis Gentilium contaminari noluerunt contra Dei Leges, legitur, eos dixisse Præfecto: *Tenta nos, obsecro, servos tuos diebus decem, & datur nobis legumina ad vescendum; & aqua ad bibendum, & contemplantur vultus nostros; & vultus puerorum; qui vescuntur cibo Regis; & v. 15.* Post dies autem decem apparuerunt vultus eorum meliores, & corpulentiores præ omnibus pueris, qui vescabantur cibo Regis. Secunda circumstantia sumitur ex moribus ejus, qui longum jejunium servavit: si enim virtutibus heroicis fuerit præditus, & carnem suam crucifixerit cum vitiiis & concupiscentiis, & in carne vixerit præter carnem, uti loquitur Apostolus ad Galat. 5, tunc jejunium ad longum tempus toleratum miraculo erit adscribendum. Quocirca longa jejunia, quæ in sacro Textu, & in Ecclesiasticis historiis tanquam miracula prædicantur, peracta fuerunt a viris sanctitate conspicuis. Tertia demum circumstantia est, si jejunans jejunium sustinuerit longum, sola sumpta Eucharistia; tunc quippe jejunium erit inter miracula recensendum, juxta historias superius relatas. Has omnes circumstantias, etiam singulatim sumptas, ad miraculum sufficere, late

422 DE SERVORUM DEI BEATIFICATIONE

late probat Cardinalis de Laurea in 3. lib. sens. tom. 4. disput. 20. de miraculis art. 4. num. 1032. & seqq. Sequitur Matthæucci in pract. Theologo-Canon. ad caus. Beatificat. & Canonizat. tit. 3. in addit. ad cap. 3. num. 51. & plurib. seqq. Lapius in sua dissertatione de inedia Beati Nicolai de Flue pag. 43. censet, eam inter miracula esse recensendam, licet usque adhuc super ea nulum prodierit a sancta Sede responsum, ob eximias virtutes, quibus ille, dum viveret, fuit, nec adhuc discussas, & multo minus approbatas. Pignatelli. consuls. 43. num. 138. tom. 4. distinguit inter Profanos, & Sanctos; & longum Profanorum jejunium naturæ, & longum Sanctorum jejunium miraculo adscribit; & consuls. 91. tom. 7. in fine post plura relata concludit, in judicio ferendo de jejunio premittendum esse judicium de virtutibus: *Quare, attenda hujusmodi magnitudine miraculi (sermo est de longo jejunio) censeo, differendam esse ejus approbationem, donec videatur, an reliqua virtutes in his Servis Dei fuerint in gradu heroico, & miraculorum gratia clarescant; tunc enim coadjuvati ex illis probationes hujus tam insignis abstinentie miraculi. Argumentum enim in hoc casu sumendum videtur a sanctitate; scilicet: Est Sanctus: Ergo miraculose abstinnit; non autem e contra: Abstinnit: Ergo est Sanctus.*

14. At, ut nostram tandem promamus sententiam, quam sacræ Congregationis judio libenter subjecimus, si in causa Beatificationis & Canonizationis aliquod longum proponatur jejunium a Dei Servo factum, quod a Postulatoribus fuisse supra naturam contendatur, sedula de facti cognitione assumenda est indago, de abstinentia videlicet ab omni cibo & potu per totum illud tempus, ad quod dicitur fuisse protrahum jejunium; & Postulatores memores esse debent, in hac, sicut & in ceteris probationibus, Fidei Promotores consuevisse esse admodum severos: dum enim agebatur de inedia B. Nicolai de Flue, Petrus Franciscus de Rubeis tunc Fidei Promotor dixit, non sufficere probationes ex custodibus desumptas, qui retulerunt, Beatum nec comedisse nec bibisse, ad eum videlicet cibum non fuisse delatum, nec aquam in illis locis extitisse, qua sitim extinguere potuerit, cum terra & herbis velci potuerit. Posita facti probatione, videndum erit, an jejunium a morbo inceperit, juxta ea quæ habentur in dissertatione de qua infra (non solum quippe Medici, sed etiam Theologi longa naturalia jejunia admittunt in ægrotis, quemadmodum annotavit Cornelius a Lapide ad cap. 4. Matthæi vers. *Quæres, an per naturam vires*) & quatenus a morbo non inceperit, videndum, an Dei Servus, vel Beatus tempore jejunii bene se habuerit, ut in eadem dissertatione habetur, ubi §. 13. & §. 31. pleræque longorum juniorum historiarum tamquam veræ admittuntur, sed statuitur, nullam tamquam veram agnosci posse, in qua aliquis longo tempore vivere potuerit sine cibo & potu, si sine morbo coeperit jejunare, vel si in jejunio permanserit integre & perfecte valens. Quapropter Joannes Jacobus Schevzcherus in *physica sacra* tom. 4. pag. 1314. ad cap. 4. Matthæi ad rem, de qua nunc agitur, scribens de Christi jeju-

jejunio adnotavit: *Occurrunt equidem in scriptis Medicorum inedia diutina exempla, quæ ad quadraginta dies sese pretendunt, & ultra, sed in hominibus ætatis, qui vel exiguum passi sunt corporis consumptionem, vel tanta copia congestus habent viscosos humores, aut pinguedinem, ut hæc vel illi in massam sanguinis resumpti nutrimenti loco servire queant. Sed hic nihil tale. Est Salvator noster corpore sanus, fluida servant circulum, eumque ordinatissimum, consumitur corpus, deberetque necessario restaurari absumptum cibo & potu. In tom. 4. supplementi ad historiam Patris le Brun de superstitionibus suis exponitur historia cujusdam puellæ Gratianopolitanæ, annorum quindecim, quæ quatuor circiter annis abstinuit a cibo & potu, & bene valebat anno 1737. quo editum est super hoc longo jejunio judicium a Carolo Fontenetto Medico. In cit. tom. 4. extat hujus Medici judicium putantis, jejunium naturale fuisse. Verum utcumque sit de veritate facti, & de ratione judicii a Medico laci, cum ipse pag. 433. dicat, puellam ante quatuor annos morbo violento fuisse oppressam, & ab eo paulatim liberatam, ita ut incoeperit aliquid edere; & paulo post in morbum relapsam, a cibo & potu abstinere cœpisse, nec tempore subsequenti potuisse, non dicam aliquid comedere, sed nec guttam quidem aquæ haurire; unusquisque facili negotio cognoscere poterit, jejunium a morbo cœpisse, & quatenus naturale censendum sit, non repugnare propositioni supra firmatæ. Ad judicium ferendum in re, de qua nunc agitur, hoc est an longum jejunium fuerit supra naturam, illud quoque necessarium erit pendere, quæ de causa fuerit susceptum. Christus Dominus jejunio non indigebat; illud autem suscepit, ut nobis exemplo ostenderet, quo apparatu sit opus res magnas aggressuris. Patres addunt, eum exemplo suo voluisse inchoare, & quasi consecrare Quadragimale jejunium in Ecclesia servandum. Hinc S. Hieronymus in *Isaiam lib. 16. cap. 57. col. 688. oper. tom. 4. ait: Et ipse Dominus tunc diebus* (id est 40.) *in jejunio permansit, ut nobis solemniores jejuniorum dies relinqueret. Similia habentur apud S. Augustinum (epist. 55. alias 119. oper. tom. 2. col. 139.): Quadragesima sane jejuniorum habet auctoritatem, & in veteribus libris ex jejunio Moyses, & Elias, & ex Evangelio, quia totidem diebus Dominus jejunavit. Accedit Auctor Operis imperfecti homil. 5. in Matthæum (inter S. Joan. Chrysostomi opera tom. 6.): Jejunavit quadraginta diebus propter duas causas: primum, ut nobis adversus tentationes jejunandi daret exemplum; deinde, ut quadagesimi jejunii nostri poneret mensuram. In veteri Testamento legitur, Rogavit Eüther, & Nehemiam, cum se præpararent ad liberationem populi sui, initium dæxissæ a jejunio; & in novo, Antiochenos ad jejunandum prius convenisse, ut Pauli & Barnabæ ministerium, quod tanti momenti erat, Deo commendarent. S. Augustinus in *epistola ad Casulanum* refert, cum S. Petrus Romæ congressurus esset cum Simone Mago die Dominico, die Sabbathi jejunium indixisse. Et S. Hieronymus in *prologo super Matthæum, & Eusebius in Ecclesiastica historia* narrant, cum Joannes rogatus esset ab Ecclesiis, ut contra Ebionem, & Cerinthum scriberet Evangelium, se id facturum re-**

spon-

spondisse, si Ecclesia Catholica publice antea jejunasset. Ostendunt hæc omnia, de causa assumpti jejunii esse inquirendum, antequam de ejus qualitate feratur judicium. Admissa causa, ad ulteriora progrediendum est, & videndum, an jejunans tempore jejunii a ceteris piis operibus abstinuerit, quæ exercere tenebatur; cum juxta Theologos bonum & laudandum nullatenus sit jejunium, quo jejunans a ceteris piis operibus exercendis impediretur. Quare Sanctus Hieronymus in *epist. ad Demetriadem* 130. al. 8. col. 982. tom. 1. de servanda virginitate ait: *Sic debes jejunare, ut non palpites, & respirare vix possis, & comitum tuarum vel porteris vel traharis manibus, sed ut, fracto corporis appetitu, nec in lectione, nec in psalmis, nec in vigiliis solito quid minus facias.* Ad rem faciunt ea quoque, quæ alibi a Nobis adjecta sunt, cum loquebamur de corporis mortificationibus per Dei Servos assumendis. Spectandi sunt demum mores & virtutes ejus, de cujus longo agitur jejunio: quapropter S. Paulinus Nolanus Episcopus in *epistola ad Celantiam matronam* (inter *epistolas Sancti Hieronymi* *epist.* 148. al. 14. col. 1099. tom. 1.) recte scribit: *Quid autem prodest tenuari abstinentia corpus, si animus intumescat superbia? Quam laudem merebimur de pallore jejunii, si invidia lividi simus? Quid virtutis habet, vinum non bibere, & ira atque odio inebriari? Tunc, inquam, præclara est abstinentia, tunc pulchra atque magnifica castigatio corporis, cum est animus jejunus a vitiiis. Immo qui probabiliter ac scienter abstinentia virtutem tenens, eo affligunt carnem suam, quo anima frangant superbiam, ut quasi de quodam fastigio contemptus sui atque arrogantia descendant ad implendam Domini voluntatem, qua maxime in humilitate perficitur.*

15 Si omnia jam dicta concurrant, jejunium naturam excedere judicandum erit. An autem de eo agendum sit tamquam miraculo pro Beatificatione & Canonizatione, illud certum est, de eo agi non posse ad Canonizationem obtinendam, cum miracula ad obtinendam Canonizationem supervenisse debeant post indultam venerationem, juxta ea quæ alibi dicta sunt: & quod attinet ad judicium super Beatificatione, difficultas oritur nunquam antea, quod sciam, in sacra Congregatione proposita, eademque ex duplici capite; primum est, quod hujusmodi abstinentia miraculum est Servi Dei, dum viveret, at ex alibi dictis potissimum momentum constituendum est in miraculis post ejus obitum. Alterum est, quod non sufficit, aliquid esse supra naturam, ut de eo tamquam miraculo agendum sit in Beatificationis judicio. Exemplum est in ecclasiis, & raptibus; de illis quippe agitur in judicio Beatificationis, non tamen proponuntur tamquam miracula post discussum dubium de virtutibus, sed in eodem de virtutibus dubio tamquam signa supra naturam orationis & contemplationis: ex hoc autem efficitur, ut etiam dubitari possit, utrum longum & naturam excedens jejunium proponendum sit tamquam miraculum post dubium virtutum, an in eodem dubio virtutum uti quid maximopere conducens illustrandis poenitentis, & mortificationibus corporis a Servo Dei assumptis, dum erat in humanis.

ET BEATOR. CANONIZ. LIB. IV. PAR. I. CAP. XXVII. 425

16 Celebre est Bononiense Institutum anno 1712. erectum, Senatu Bononiensi dono datis a numquam perituræ memoriæ insigni viro Comite Aloysio Ferdinando Marfilio, singulari Nobis, dum viveret, amicitia juncto, telescopiis, horologiis, quadrantibus, organis aliis astronomicis, machina pneumatica, metallorum matricibus, salibus, sulphuribus, & aliis hujusmodi, quæ incredibili sumptu & labore comparaverat, universaque hac suppellectili distributa in conclavia singula domus amplæ & capax, Clemente XI. liberaliter permittente, ut pecunia ex vectigalibus in Institutum erogaretur, rem totam peragentibus sex Senatoribus a Senatu electis, ut perpetuam haberent in Instituto potestatem. Usque ab anno 1690. erat Bononiæ Academia quædam, ad quam Studiosi conveniebant de physicis rebus disputantes. Memoratus Marfilius egit cum Senatu de copulanda Academia cum Instituto; quod & factum est: & historiam tum Instituti, tum Academiæ una cum commentariis de iis, quæ in Instituto Academia ad varias disciplinas illustrandas tractata sunt, typis Bononiensibus edidit Doctor Franciscus Maria Zanottus a Secretis memoratæ Academiæ, de quo alio in loco debita cum laude locutus sum. Celebres ergo hujus Academiæ viros interrogavi, quid de longis inediis & jejuniis sentirent, num videlicet naturæ viribus ad menses & annos produci possint, an Fortunii Liceti, Gasparis a Rejes, & Pauli Zacchiæ opiniones a Veterum doctrinis depromptæ conveniant cum dogmatibus recentiorum Medicorum. Ut mihi gratam rem facerent Academici, pluries inter se sermones habuerunt, studia & observationes factas simul contulerunt, & elegantissimam deinde dissertationem eruditione & doctrina refertam, solidisque principiis innixam exhibuerunt, quam operæ pretium esse censui iterum recudi inter Appendices Tomi VII. hujus Romanæ Editionis, ut palam fiat, non deesse in hac civitate Studiorum matrem viros eximios, & ne si eorum labores, dissimulatis Auctoribus, in Opus hoc meum inseruissem, tamquam plagiarium traderer. Præ ceteris Academicis Jacobus Bartholomæus Beccarius, Medicus longe clarissimus, in geometricis & philosophicis studiis tam exercitatus, quam qui maxime, & Matthæus Bazanus Philosophus & Medicus probatus ac disertus, in concinnanda dissertatione conjunctis viribus laborarunt.

C A P U T XXVIII.

De quibusdam spiritalibus miraculis.

1 P luries contigit, aliquos non modo malos & impios, sed etiam probos & pios viros Dei permisso tanta vi ab impuro genio, seu stimulo infestari, ut eorum Confessarii timuerint, ne amenitiæ, vel desperationi essent proximi. Præscriptæ eis fuerunt preces, præscripta jejunia, demandatæ vigiliæ, & cruentæ flagellationes; sed hæ-

Tom. IV.

H h h

ren-

426. DE SERVORUM DEI BEATIFICATIONE

rentibus animo impressis altius libidinosis imaginibus, Spiritus successit blasphemiae, Sanctos videlicet vel nullos esse, vel surdos, & Deum etiam crudelem, qui aut homines peccare cogeret, aut certe humana non curaret. Discussa re inter Magistros spirituales, aliquibus ex eis in mentem venit hominem periclitantem commendare alicui Dei Servo, vel Beato, qui, dum viveret, praecipua heroicae castitatis laude excelluerit: cumque delata Sancti ad periclitantem Reliquia, ipsoque cum summa cum fiducia invocante, ut a Deo sibi gratiam impetraret liberationis a Spiritu nequam, ad primum Reliquiae contactum sublatus illico fuerit uterque immundus, & blasphemans Spiritus, menteque & corpore exierit, nec unquam postmodum, vita licet producta ad plures annos, redire sit ausus, omnisque non modo impura & impia tentatio, sed illius timor omnis penitus evanuerit, ut jam non magis, immo minus in his, quam in aliis religiosis virtutibus gravis culpae periculum timuerit, ita attestantibus tum ipso, tum ejus Confessario; quaestio exorta est, an id esset miraculo adscribendum a Deo patrato intercessione Servi Dei, qui fuit invocatus, & ad cujus Reliquiae contactum perfecta liberatio consecuta est.

2. Consulti insigniores Theologi, videlicet Benedictus Justinianus, & Petrus de Alagona Societatis Jesu in ea fuerunt sententia, ut id esset miraculo adscribendum ratione modi, quo res contigit, quemadmodum miraculum fuit curatio focus Simonis, quae Christi Domini contactu illico convaluit. Licet enim febris arte medica curari potuisset, non tamen subito, sed temporis decursu, & usu medicamentorum. Ad-diderunt, difficillime haec mala spiritalia curari, siue a corporis constitutione, siue a Dæmone oriantur; & notarunt pacem tranquillitatemque consecutam, & continenter perseverantem ut miraculi indicium. Ven. Dei Servus Cardinalis Bellarminus super eadem re consultus dubitavit, an liberatio, proprie loquendo, miraculo esset adscribenda; sensit autem, gratiam esse cuicumque vero miraculo parem, & quae Servi Dei sanctitatem apertissime indicat. Julius Cæsar Lagalla Artium & Medicinæ Doctor vocatus ad ferendum suffragium dixit, si vexatio a morbo procedebat, qui dicitur *Satyriasis*, de miraculo non esse dubitandum propter sanationem tam cito factam, & absque remedii applicatione: talis enim morbus (inquit) fit a causa vehementi, nempe ex copiosa affusione spiritus calidi ob dilatationem arteriarum, vel ex status copia ibi excitata; & quamvis curationem admittat, periculosus est, & aliquando occidit, nec ita facile naturaliter solvitur.

3. Suffragia tum Theologorum, tum Cardinalis Bellarmini, & Medici typis edita fuerunt in *Informatione causae S. Aloysii Gonzagae* exarata a Budriolio Societatis Jesu Theologo, causae diligentissimo Postulatore. In causa S. Raymundi de Pennafort propositus fuit casus cujusdam Fratris Martini Conversi Ordinis S. Dominici: cum enim hic in saeculo degens lascivam vitam duxisset, & Religionem ingressus a carnis stimulis vehementer

ter vexaretur, considerans sanctitatem S. Raymundi adhuc viventis, & extimiam ejus pietatem in Missa celebranda, supplex oravit Dominum, ut ejus meritis salutare sibi præstaret auxilium adversus carnis molestias; cumque ejus Missæ assistens ipsum Dominum Jesum Christum forma pueri in ejus manibus videre meruisset, ex eo tempore, licet multum vixere, nunquam carnis stimulos sensit. Inter Auditores Rotæ juxta morem tunc temporis receptum disputatum est, an ea res esset miraculo adscribenda; ipsique affirmando responderunt, uti colligitur ex ipsorum relatione in tertio miraculo art. 10. Cardinales sacris ritibus præpositi juxta morem pariter tunc temporis receptum sedulo examinarunt adducta in relatione Rotali, nec dubitarunt liberationem a carnis stimulis vero miraculo adscribere, uti habetur in Actis causæ S. Raymundi editis a Penia pag. 295: & pag. 324. & ejus liberationis mentio fit in bulla Canonizationis ejusdem S. Raymundi §. Nam Frater Martinus. In causâ S. Philippi Neri de simili liberatione actum fuit inter Rotæ Auditores, eademque miraculo adscripta est, uti habetur in ipsorum relatione num. 43. *tit. de miraculis post mortem*, ubi ita legitur: *Reverendus Vincentius Valesius cum anno 1601. mense Junii, seu Julii gravissimam carnis tentationem tam in mente, quam corpore pateretur, ita ut necetiam Sacrum faciens ab hujusmodi tentatione, quamvis enim Deum precaretur, liberari posset, legens vitam Beati Philippi, statim ac pervenit ad exemplum supra dicti N. a carnis periculo liberati, orans ipsum Beatum Philippum, ut, sicut illum liberaverat, ita a Deo obtineret, ut ipse a sua tentatione liberaretur, statim ille omni tentatione, qua tantopere molestabatur, adeo se liberum sensit &c.* quod ipsum habetur in bulla Canonizationis, ut ex sequentibus verbis desumitur pag. 324. *cod. Canoniz.* Nonnullos sola ejus vita lectione, ut Vincentium Valesium, qui vehementi vexatus tentatione supra dictum exemplum perlegens (Stephani videlicet Calcinardi, qui ab impurissima quadam semina sollicitatus, sancti Viri Reliquiis, quas devotioris ergo secum deferrebat, sibi pectus occulta quadam vi percuti sensit) ex animo Philippum compellens, his verbis affatus est: *Cur modo non id ipsum mihi abs te, Pater? Eodem temporis instanti discessit omnis illa permolesta mentis agitatio.*

¶ 4. Horum miraculorum magnitudinem extollit Cardinalis Bona in suo tractatu de *discretione spirituum* cap. 6. num. 9. En ejus verba: *Quæ vero (loquitur de miraculis) in animis patrantur, vere & absolute nota sanctitatis censenda sunt; non enim solet Deus ad tantum opus, cujusmodi est perfectio ad Deum conversio, quempiam assumere, qui sibi gratus non sit. Unde usu compertum est, neminem unquam hypocrisis suavis vere conversum fuisse; & licet aliqua virtutis argumenta protulerit, ea tamen successu temporis emarcuerunt, & ad nihilum redacta sunt.* Et ante ipsum de prædictis miraculis sequens latum fuerat judicium a Beato Raymundo de Capua Confessario S. Catharinæ Senensis in ejus *vita part. 2. cap. 7.* cui titulus est, *D' ALCUNI MIRACOLI PER VIRTU' DIVINA OPERATI DA QUESTA SANTA*

VERGINE CIRCA LA SALUTE DELL' ANIME: Eperchè quanto lo Spirito precede al corpo, tanto que' miracoli spirituali precedono a quelli, che fanno il beneficio del corpo, perciò ho risoluto io di descrivere prima quelli, che per la liberazione dell' anime adoperò il Signore per mezzo di Caterina, ad appresso quelli, che recaron salute a' corpi de' Prossimi. Plura super hoc argumento collecta habentur apud Pignatellum consult. 177. num. 39. & seqq. tom. 10. ubi post plura num. 46. ita concludit: Ut ergo suorum Servorum mirabilem sanctitatem Dominus commendaret, ceteris ejus miraculis hoc adjungit miraculorum genus altissimum, conversiones subitas rebellium voluntatum, quæ quidem inter prodigia loco supremo Apostolico examini sunt proponenda.

5 Similis huic alia est controversia a Theologis examinata, utrum videlicet impii justificatio sit opus inter miracula recensendum, de qua S. Thomas 1. 2. *quest.* 113. *art.* 10. ubi S. Doctor tria docet consuevisse inveniri in hujusmodi operibus; quorum primum est ex parte potentiae agentis, cum aliquid sola virtute Divina fieri potest, & hac ratione tam justificatio impii, quam creatio mundi, & universe omne opus, quod a solo Deo fieri potest, miraculum, licet minus proprie, dici potest; secundum est, cum forma inducitur supra naturalem potentiam materiae, uti contingit in mortui suscitatione, & hac ratione justificatio impii non est miraculo tribuenda, cum anima naturaliter non sit incapax Gratiae; eo enim ipso quod facta est ad imaginem Dei, capax est Dei per Gratiam; tertium est, cum in opere aliquid invenitur præter solitum & consuetum efficiendi ordinem, uti accidit in infirmo, qui sanitatem perfectam assequitur subito præter solitum cursum sanationis, quæ fit a natura, vel arte; concluditque S. Doctor, justificationem impii hac ratione aliquando esse, aliquando non esse miraculo adscribendam; non esse videlicet, quando juxta communem & consuetum cursum justificationis, Deo movente interius animam, homo convertitur ad Deum primo quidem conversione imperfecta, ut postmodum deveniat ad perfectam; esse vero, cum Deus tam vehementer animam movet, ut statim quamdam perfectionem justitiae assequatur. Hoc ipsum S. Doctor docuerat in 4. *sent. dist.* 17. *quest.* 1. *art.* 5. Doctrinam D. Thomae latissime comprobant Salmanticenses in *curf. Theolog.* tom. 6. *tract.* 15. *duob.* 4. *disput.* 4. §. 2. num. 60. ubi ajunt, justificationem impii esse aliquando miraculum proprie & strictè sumptum; cum enim miraculum proprie & strictè sumptum sit, quando effectus aliter producit, ac produci petit, si justificatio fiat præter modum, quem ex sua postulata conditione, concludunt, de miraculo non esse dubitandum. Pro assertionis confirmatione animadvertunt, proprium & naturalem modum justificationis esse, ut infidelis, vel impius a dispositionibus minus perfectis progrediatur ad perfectiores, ex quo fit, ut, si hoc ordine relicto justificatio contingat, quemadmodum colligi potest ab exemplis infra referendis, justificatio & conversio miraculis sint adscribendæ. Concordant ceteri Theologi, & præsertim Suarez *de Gratia lib.* 7. *cap.* 25. num. 7. & seqq. ubi

ubi *num. 9.* ait, miraculo fieri justificationem, cum Deus non movet hominem ad justitiam modo accommodato naturæ ejus, sed tam vehementer ut subito illum justificet: cumque sibi opposuisset, opus numquam ad miraculi rationem accedere, nisi excedat capacitatem naturalem subjecti consentaneam tali formæ, & justificationem numquam excedere capacitatem animæ idoneam Gratiæ, quantum ordo naturalis Gratiæ exigere potest, respondet, opus non semper miraculi rationem habere propter substantiam facti, sed interdum etiam propter modum faciendi; & sic in alato rerum eventu justificationem miraculi naturam nomenque capere.

6 Communis ergo & recepta esse videtur sententia, ut impii justificatio vere & proprie miraculum sit, cum, adjuvante Dei Gratia, præter ordinem conluetum sit, & in primo momento in quo est, seculis consuetis præcedentibus minus perfectis dispositionibus, perfectionem assequitur, eodemque statu ad longum tempus perseverat.

7 Allatis supra exemplis alia nonnulla addimus. Primum desumitur ex S. Augustino (lib. 22. de civit. Dei cap. 8. col. 668. tom. 7. oper.): Fuit ibi vir in ordine suo primarius, nomine Martialis, ævo jam gravis, & multum a religione abhorrens Christiana. Habebat sane fidem filiam, & Genarum eodem anno baptizatum. Qui cum eum egrotantem multum & magnis lacrymis rogare ut Christianus fieret, prorsus abnuis, eosque a se turbida indignatione submovit. Visum est genero ejus, ut iret ad Memoriam Sancti Stephani, & illic pro eo, quantum posset, oraret, ut Deus illi daret mentem bonam, qua credere non diceret in Christum: Fecit hoc ingenti genitu & fletu & sinceriter ardente pietatis affectu: deinde abscedens aliquid de altari florum, quod occurrit, tulit, eique, cum jam nox esset, ad caput posuit. Tunc dormitum est, & ecce ante diluculum clamat, ut ad Episcopum curreretur, qui tecum ferte tunc erat apud Hippenam. Cum ergo audisset eum absentem, venire Presbyteros postulavit, venerunt, credere se dixit: admirantibus atque gaudentibus omnibus baptizatus est. Hoc, quando vixit, in ore habebat: Christe, accipe spiritum meum; cum hæc verba Beatissimi Stephani, quando lapidatus est a Judæis, ultima fuisse nescires, qua huic quoque ultima fuerunt; nam non multo post etiam ipse defunctus est. Alterum sumimus ex lib. 7. vitæ S. Bernardi Abbatis descriptæ in libro, cui titulus, Exordium magnum Cisterciensæ dist. 2. cap. 6. post Opera S. Doctoris edit. Mabillonæ: ibi quippe narratur, Monachum quemdam per Dæmonum fallacias ad tantam cordis inopiam devenisse, ut negaret, panem & vinum in Sacramento altaris converti in corpus & sanguinem Domini nostri Jesu Christi, & in ea hæresi pertinaciter per multum tempus perseverasse. Refertur, re delata ad S. Bernardum Abbatem, ipsi per virtutem obedientiæ præcepisse, ut crederet: Constrictus itaque virtute obedientiæ Monachus, penitus sine Fide, ut sibi videbatur, ad altare accessit, sanctique Patris merito confestim illuminatus, Eodem Sacramentorum recepit, quam etiam intemeratam usque ad diem mortis sue conservavit. Prima conversio Martialis a S. Augustino adscribitur in-

ter-

430 DE SERVORUM DEI BEATIFICATIONE

tercessioni S. Stephani, & tamquam miraculum recensetur. Altera Monachi conversio adscribitur intercessioni S. Bernardi; & eadem quoque inter miracula refertur. In his autem conversionibus non desunt requisita superius exposita, subitanæ videlicet conversionis, ac perseverantiæ.

8 Verum, ut similitum conversionum, miraculorumque spiritualium habenda sit ratio in causis Beatificationis & Canonizationis, & ad effectum Beatificationis & Canonizationis, necessarium esse videtur, ut aliquo externo signo confirmetur & corroborentur; de quo signo testes testes fidem faciant. Cum enim, ex libris dictis, clara & perspicua debeant esse documenta, & probationes debeant esse (uti dicitur) luce meridiana clariore in causis, de quibus agitur; tales profecto illæ non essent, quæ desumerentur ex attestatione ejus, qui se momento temporis conversum prædicat, & juramento asserit, nec non ex attestatione Confessarii ipsius, qui totum id, quod refert, ex ore ejus refert, nisi forte qui se conversum asserit, talis esset probitatis, ut nefas esset ejus dicto fidem non præstare. Fuit hoc significatum a S. Thoma in 1. 2. cit. quest. 113. art. 10. Quandoque vero tam vehementer Deus animam movet, ut statim quandam perfectionem justitiæ assequatur, sicut fuit in conversione Pauli, adhibita etiam exterius miraculosa prostratione: & ideo conversio Pauli tamquam miraculosa in Ecclesia commemoratur celebriter. Sequitur Suarez de Gratia lib. 7. cap. 25. num. 9. Et tunc necesse est, ut vel ad excitandum & convertendum hominem Deus aliquo miraculo saltem externo utatur, ut fecit in D. Paulo. Adhæret Arauxo in decis. moral. tract. 3. quest. 23. n. 80. ubi postquam exposuit ad rationem miraculi requiri, ut sit opus excedens facultatem naturæ creatæ agentis, ut sit insolitum, & præter ordinariam legem in eodem ordine contingens, ita ait: Defectu secundæ conditionis deficit a ratione miraculi justificatio impij adulti sive cum Sacramento, sive extra illud per proprios actus supernaturales dispositivos, quia licet Gratia in se sit forma ordinis supernaturalis excedens totam naturæ facultatem, verum tamen infunditur homini adulto in casu posito secundum modum consuetum in Ecclesia, & secundum ordinariam legem ordinis Gratia; secus foret, si repente, aut sine propriis actibus dispositivis, aut cum insitis circumstantiis a statu peccati, sive ab actuali peccato ad statum Gratia raperetur, qualis fuit Pauli Apostoli justificatio, cujus propterea conversionem ut vere miraculosam celebrat Ecclesia. Dicitur est superius, in causis Beatificationis & Canonizationis, & ad effectum Beatificationis & Canonizationis videri necessarium esse, ut conversiones aliquo externo signo confirmetur & corroborentur. Licet enim fortasse aliquando absque predicto externo signo nonnullæ conversiones in causis Beatificationis & Canonizationis tamquam miracula fuerint receptæ, quatenus id non processerit ex fide data ei, qui se conversum asseruit, de cujus probitate nefas fuisset dubitare, semper verum erit dicere, non iis, sed ceteris indubitatis miraculis innixum fuisse Decretum Beatificationis aut Canoniza-

tionis, cum in hisce causis plura discutienda proponantur miracula, & nonnulla rejiciantur, nonnulla admittantur, & inter ea, quæ admittuntur, nonnulla sint, quibus innititur Decretum Beatificationis & Canonizationis, quæque severissimo perpenduntur examine, & nonnulla admittantur tamquam supra numerum, quæ magno quoque studio examinantur, sed quod æquale ei non est, quo priora miracula perpenduntur; tum quia illis non innititur Decretum Beatificationis & Canonizationis; tum quia, si aliquod dubium in eis occurrat, tollitur per alia miracula indubitata & certa.

9 Tres sunt conversiones, quas Theologi inter miracula recensent, conversio videlicet Sancti Latronis, conversio Sancti Marthæ, & conversio Sancti Pauli, quam celebrat Ecclesia universalis, juxta ea quæ a Nobis referuntur in 2. parte libri 4. cap. 9. num. 4. Theophilus Raynaudus operum tom. 9. cap. 7. de metamorphosi Latronis in Apostolum notat, in Sancto Latrone nullam præcessisse Fidei auditionem, quæ, licet pertineat ad Gratiam externam, alicujus tamen est usus in conversionibus; notat, aliam defuisse præparationem, quæ est annexa auditioni, ubertatem videlicet externorum argumentorum, quæ solet recenter Fidem capessentes permovere, & eos præparare excipiendæ Gratiæ Divinæ; animadvertit præterea, multa contraria & avocantia Sancto Latroni obversata fuisse, judicium videlicet sapientissimorum populi Hebraici, præsumptionem ex supplicio irrogato & condemnatione ad mortem turpissimam; & post ea ita concludit num. 6. pag. 501. Itaque plane oportuit, Deum in tanta extrinseca doctrina, & manuductionum ad Fidem sterilitate, singulari modo & ad miraculum accedente, Latroni interiorem aurem aperire per se ipsum, & in schola interna per instinctum potentissimum, tamen si suavem & eluctabilem aptare profligatissimam illuc usque, & hæcenus a Fidei sanctitate alienissimam perditissimi hominis voluntatem ad inducendum Fidei assensum &c. Quare nulla ratione negari potest, quin Latronis ad veram Fidem deducto cum tam tenui apparatus, vel etiam nullo præter ordinarium morem, plena miraculi & omnino extimia videri debeat. De Sancto Latrone S. Eucherius sive alius Auctor in homilia de eodem ait: Laudabilis hoc itaque in Latrone, & magnificentius fuit, quod hominem additum, & inter extrema deficientem supplicia Dominum credidit, quam si inter virtutum opera credidisset. De conversione S. Marthæ habetur Lucæ 5. v. 27. Vidit Publicanum nomine Levi (sermo est de Christo) sedentem ad telonium, & ait illi: Sequere me; & relictis omnibus surgens secutus est eum; & Marci 2. v. 14. Vidit Levi Alphaei sedentem ad telonium, & ait illi: Sequere me, & surgens secutus est eum; & Matthæi cap. 9. v. 9. Vidit hominem sedentem in telonio Matthæum nomine, & ait illi: Sequere me, & surgens secutus est eum. S. Hieronymus super Mattheum ait, eum de Publicano repente factum esse Apostolum; & Ven. Beda super Lucam subjicit, de Publicano in Apostolum, de Teloneario in Evangelistam mutatum fuisse; & S. Thomas quodlibet. 5. art. 21. docet, Matthæum a principio vocatum

tum esse ad statum perfectionis, primo videlicet ad Discipulatum Christi, & subinde ad Apostolatum, licet eum posterius aliquanto consecutus sit. Porphyrius, & Julianus impie Matthæum accusant, quod stulte secutus sit Christum, hominem sibi minime notum. At S. Hieronymus in *Matthæum* cap. 9. v. 9. *oper. tom. 7.* eos his verbis refellit: *Certe fulgur ipse, & majestas Divinitatis occulta, quæ etiam in humana facie relucebat, ex primo ad se venientes trahere poterat aspectu; & in illud idem Evangelium Matthæi cap. 21. v. 15. docet, maximum & præclarissimum omnium miraculorum Christi fuisse ejectionem ementium & vendentium, itemque nummulariorum e templo, quandoquidem ab ejus oculis & facie Divinitatis elucebat majestas: Mihi, inter omnia signa quæ fecit, hoc videtur mirabilis esse, quod unus homo, & illo tempore contemptibilis, & intantum vilis, ut postea crucifigeretur, Scribis, & Phariseis contra se sevientibus, & videntibus lucra sua destrui, potuerit ad unius flagelli verbera tantum ejicere multitudinem, mensasque subvertere, & cathedras confringere, & alia facere quæ infinitus non fecisset exercitus; igneum enim quiddam atque sidereum radiabat ex oculis ejus, & Divinitatis majestas lucebat in facie. Denique quid contingerit in conversione S. Pauli, plene describitur in *Actis Apostolorum* cap. 9. ubi refertur, eum, dum iret Damascum, ut, si quos Christianos invenisset, victos perduceret in Jerusalem, circumfusum fuisse luce de cælo, vocem cælitus audivisse, quam comitantes quoque audiverunt, cæcum evasisse, visum subinde recuperasse, & primo lucis intuitu in terram cecidisse, sive pedes esset, uti fuisse probat Thomas Massutius in *vita D. Pauli* lib. 2. cap. 2. sive equo insideret, ut nonnulli putant, seu potius mulæ, vel alino, uti novissime ostendere conatur Joannes Interian de Ayala in suo opere *de Christiano Pictore* lib. 5. cap. 5.*

10 Hæ sunt conversiones, quas inter miracula recensent Salmanticenses loco supra citato num. 63. At in omnibus & singulis prædictis aliquid externum mirabile fuit. Memento mei, Domine, dum veneris in regnum tuum: verba fuerunt a Sancto Latrone prolata, de quorum excellentia hæc habet S. Eucherius sive alius Auctor *loc. cit.* Non dixit: Si Deus es, de presenti supplicio eripe me; sed magis: Quia Deus es, de futuro judicio libera me. Quam cito eum replevis Sancti Spiritus eruditio! Per quam futuri examinis diem cogitans, intolerabile probat esse, quod metuitis. Prædicat fasces Judæcem, Regemque seculorum, nondum Discipulus, & jam Magister, atque ex Latrone Confessor. In conversione Sancti Matthæi Sanctus Basiliius interrogat. 8. Regula (oper. tom. 2.) egregie exponit, quæ extrinsecus apparuerunt: Non telonii solum emolumenta reliquit, sed pericula etiam contempsit, quæ a magistratibus tum sibi tum consanguineis suis impendebant, quod vechgalium rationes reliquisset infectas. Et S. Gregorius in *Evangelia homil. 24.* animadvertit, Petrum post conversionem ad piscationem rediisse, non autem Matthæum ad telonii negotium, cum primum sine peccato, alterum vero non sine peccati periculo exerceri posset. Inutile est autem de mi-

mirabilibus externis signis sermonem habere, quæ non desuerunt in conversione S. Pauli, cum ex supra dictis sufficiens eorum notitia haberi possit.

C A P U T XXIX.

De ejectione Daemonum a corporibus obsessis.

1 **U**T recto ordine procedatur, inquirendum primo est, quinam dicantur obsessi a Dæmone; secundo, an istiusmodi obsessi dentur; tertio, quænam sint signa veræ obsessionis; quarto, quibus modis liberentur obsessi; ultimo, an in hac liberatione obsessorum, & Dæmonum ejectione miraculum intercedere possit.

2 Initio autem ducto a primo, duo requiruntur, ut aliquis obsessus dici possit, alterum, ut in eo Dæmones sint, alterum, ut in eum aliquam etiam potestatem acceperint. Ita Thyraeus in suo tractatu *de obsessis a Spiritibus Dæmoniorum hominibus part. 1. disputationis cap. 2.* qui etiam explicat, quomodo Dæmones hominibus insint obsessis: nec enim insunt ut accidentia suis subjectis, cum hi Spiritus sint veræ & perfectæ substantiæ; non ut partes suis totis & compositis, cum homo consistet anima & corpore, & Dæmones in obsessis non gerant vices animæ aut corporis; non ut duæ perfectæ naturæ concurrentes, quæ in una hypostasi recipiantur, cum in solo Christo Domino una hypostasis, naturas humanam & Divinam fuscipiat; sed Dæmones in hominibus, quos obsident, sunt ut motores in corporibus quæ movent, ita videlicet, ut nullam corpori hominis qualitatem imprimant, nullum ipsi dent novum esse, nec proprie unum quid constituant cum homine obsessio.

3 Idem Thyraeus in *segg. capp. late* ostendit Dæmones, dum homines obsident, in corpora potissimum potestatem habere & exercere, in animas vero non ita multum posse; & finitam & certam esse eorum potestatem in ipsa corpora obsessorum, quia, quemadmodum non nisi obtenta a Deo facultate, corpora ingrediuntur, ita eorum corporibus plus damni afferre non possunt, quam a Deo optimo maximo illis permittatur & præfiniatur. At, his omisiss, quæ apud eum & ceteros Auctores legi possunt, & transitum faciendo ad secundum punctum, in quo quærendum proponitur, an istiusmodi dentur obsessi. In Ecclesia primitiva *Obsessi* dicebantur infantes omnes non baptizati, & etiam adulti non adhuc sacra Baptismatis unda abluti. Hinc in Ecclesiam introductus exorcismus, hinc *Catecheta* nuncupati Exorcistæ a Balsamone in *can. 26. Concilii Nicæni*. Non est hic sermo de hac animæ humanæ per Satanam captivitate, & per sacrum Baptismatis fontem liberatione. De ceteris obsessis loquimur etiam Baptismatis unda ablutis. Apud Guillelmum Parisiensem in opere *de Universo* nonnulli Medici, quibus adhæsit Lævinus Lemnius *lib. 2. de oculis Tom. IV.*

434 DE SERVORUM DEI BEATIFICATIONE

tis natura cap. 2. inficiari ausi sunt, hos dari obsecris; quos strenue redarguit Theophilus Raynaudus operum tom. 9. in libro, cui titulus, *Angelus malus hominem colaphizans*, cap. 10. licet Auctor opus absolvere non potuerit morte præreptus; & sacre Litteræ impietatem redarguunt eorum, qui prædicta asseruerunt: persuasum quippe fuit Judæis, homines a Dæmonibus possideri posse, cum Christo Domino per summam contumeliam objecerint, cum Dæmonium habere, Joannis 8. *Nonne bene dicimus nos, quia Samaritanus es tu, & Dæmonium habes?* & Lucæ 11. *In Principe Dæmoniorum ejicis Dæmonia &c.* & rursus Joan. 10. *Dæmonium habet, & insanis: quid cum auditis?* Christus ipse Dominus Matthæi 17. regulam sive rationem declaravit, quam in quibusdam Dæmonibus ejicientis observari volebat, ut orationi videlicet adderetur jejunium: *Hoc genus (Dæmoniorum videlicet) non ejicitur, nisi per orationem & jejunium.* Calumniis autem & criminationibus respondens, non negavit ingressum Diaboli in homines, sed negavit, se in Principe Dæmoniorum Beelzebub Dæmonia ejicere. In eodem Matthæi Evangelio, & in Evangelio Marci denuntiavit, Dæmones esse habituros potestatem in corpora, cum Apostolos miserit per orbem terrarum cum potestate Dæmones expugnandi; & inter signa Credentium retulerit, quod in suo nomine essent Dæmonia ejecturi; & dixerit, aditum cælorum eis fore præclusum, qui charitate destituti in suo nomine Dæmonia ejecissent. Sciant Evangelia ejectionibus Dæmonum a Christo factis, cum Marci 1. v. 34. legatur: *Et curavit multos, qui vexabantur variis languoribus, & Dæmonia multa ejiciebat, & non sinebat ea loqui, quoniam sciebant eum;* & Lucæ cap. 4. v. 41. *Exibant autem Dæmonia a multis clamantia, & dicentia, quia tu es Filius Dei: & increpans non sinebat ea loqui, quia sciebant, ipsum esse Christum.* Rursus Matthæi cap. 8. v. 29. cum venisset Jesus trans fretum in regionem Gerasenorum, occurrerunt ei duo habentes Dæmonia de monumentis exeuntes, & dicentes, *Quid nobis, & tibi Jesu Fili Dei? Venisti huc ante tempus torquere nos?* &, rogantibus Dæmonibus, ut, si eos ejiceret, mitteret in gregem porcorum, sic factum est. Hoc ipsum habetur Lucæ cap. 8. & Marci cap. 5. Et quamvis Marcus, & Lucas dicant, unum duntaxat Christo occurrisse, & Matthæus de duobus loquatur, observat nihilominus S. Augustinus de concord. Euangel. (lib. 2. cap. 24. col. 56. tom. 3.) Lucam, & Marcum unius tantum meminisse, quoniam unus eorum celebrioris persona, & majoris infamia fuit, ob quem regio illa maxime dolebat, & pro cujus salute plurimum satagebat.

4 Ostendunt autem hæc omnia ingressum Dæmonum in homines, & etiam in bestias. Idcirco Origenes scribit in lib. 7. contra Celsum num. 67. Immo tantum abest, ut cultum Dæmonibus deferamus, ut etiam illos & præcibus & aliis modis, quos Scriptura sacre nobis suppeditant, ejiciamus ex hominum animabus, ex locis ubi confidunt, aliquando etiam ex a simantium corporibus; sepe enim Dæmones aliqua faciunt in horum perniciem. S. Hieronymus in vita S. Hilarionis col. 25. tom. 2. hæc scribit: *Parum est de hominibus loqui, brutam quo-*

quoque animalia quotidie ad eum furentia pertrahabantur; in quibus Baithrum camelum enormis magnitudinis, qui jam multos obriverat, triginta & eo amplius viri dissentium solidissimis funibus cum clamore adduxerunt. Sanguinei erant oculi, spumabat os, volubilis lingua surgebat, & super omnem terrorem rugitus personabat inmanis. Iussit igitur eum dimitti Senex; statim vero & qui adduxerant, & qui cum Senex erant, usque ad unum omnes diffugere. Porro ille solus perrexit obviam, & sermone Syro, Non me, inquit, terras, Diabole, tanta mole corporis; & in vulspecula, & in camelo unus atque idem es. Et interim porrecta stabat manu. Ad quem dum furens, & quasi eum devoratura bellua pervenisset, statim corruit, submissumque caput terra coequevit, mirantibus cunctis, qui aderant, post tantam ferociam tantam subito mansuetudinem. Hæc Hieronymus, qui eodem loco post manifestum Dæmonis expulsionem camelum, cur juvencota interdum ille vexet & cruciet, ex sermone Hilarionis ostendit. Ut autem ad hominum obsessiones redeamus, quamvis aliquando obsessi patientur tyrannidem Dæmonum in vindictam peccatorum quæ commiserunt, aut etiam in vindictam aliorum quæ ab ipsis commissa non sunt, juxta illud S. Augustini lib. 21. de civit. Dei (cap. 14. col. 634. tom. 7.): Grave jugum super filios Adam a die exitus de ventre matris eorum, usque in diem sepulture in matrem omnium, usque adeo impleri necesse est, ut ipsi parvuli per lavacrum regenerationis ab originali peccato, quo solo tenebantur, vinculo jam soluti, mala multa patientes, nonnulli & incursum Spirituum malignorum aliquando patientur: & juxta illud S. Hieronymi in epistola ad Paulam de dormitione Blessila (qua est 39. al. 25. col. 176. tom. 1.): Quid causa est, ut sepe bimuli, trimulique, & ubera materna lactantes a Dæmonio corripiantur? &c. Quam inscrutabilia sint judicia ejus, & investigabiles viæ ejus! Fieri tamen quandoque potest, ut absque ulla culpa, sed non sine magnis Divinæ providentiæ rationibus mortales sustineant Dæmonum cruciatus in obsessis corporibus, ut eos videlicet Deus probet, ipsorum augeat merita, & majoribus & pluribus modis se ipsis obstringat, juxta illud Cassiani collar. 7. cap. 28. Non debere eos abominari, vel despici, quas isti Spiritibus nequitia tradi videmus, quia duo hac credere nos immobiliter oportet; primo, quod sine Dei permisso nullus ab his omnino teneatur; secundo, quod omnia, quæ a Deo nobis inferantur, sive tristitia ad præsens, seu læta videantur, velut a piissimo Patre, clementissimoque Medico pro nostris utilitatibus irrogentur; & idcirco eos veluti Pedagogs traditi humilitari, ut discendentes ex hoc mundo vel purgatioribus ad vitam aliam transferantur, vel poena levior plectantur, qui secundum Apostolum traditi sunt in presenti satana in interitum carnis, ut spiritus salvi fiant in die Domini nostri Jesu Christi. Plura legi possunt in part. 2. Thyrci de Dæmoniis cap. 30. & pluribus, seqq.; & recte prosequitur Cardinalis de Lauræa in 3. lib. sent. tom. 4. disput. 20. de miraculis art. 7. num. 107. Balthasar Bekker, Scriptor heterodoxus, potentiam negat Diabolo, quam ceteri licet heterodoxi concedunt, & alligatum dicit catenis in ipso Inferno. Dæmoniacos a Christo liberatos, ait fuisse ægrotos morbis naturalibus laborantes, eosque Dæmo-

436 DE SERVORUM DEI BEATIFICATIONE

nium habentes a Christo fuisse dictos, ut se accommodaret ad formulas loquendi apud Hebræos usitatas. Assertionem hæc etiam ab ipsis Heterodoxis integris libris confutata sunt, & novissime de eis loquens Joannes Jacobus Schevchzerus, & ipse heterodoxus, in sua physica sacra tom. 4. pag. 1318. ait: *Hæc hæstenu de Bekkeri hypothesi, Orthodoxis ut invisa, ita integris confutata libris, ut neque opus habeam ei inhaerere, neque mens sit ei adherere: & latissime prosequitur Moshemius in notis ad Rodolphum Cudworthum tom. 2. pag. 859.*

5 Multi dicuntur obsessi, qui re vera obsessi non sunt, aut quia se simulant obsessos, de quibus in can. LX. Concilii Trullani (collect. Harduini tom. 3. col. 1685.): *Eos ergo, qui se Damone correptos esse simulant, & morum improbitate eorum figuram & habitum simulate præferunt, visum est omnimodo puniri:* aut quia Medici ipsi nonnullos dicunt obsessos, qui obsessi non sunt, uti bene adnotavit Vallesius de sac philis: c. 28. pag. 220. *Constat ex his omnibus quæ dicta sunt, verisimile esse, plurimos eorum, qui Demonis opinione ad Exorcistas deferuntur, Demonem non habere, sed morbis aliquibus eorum, qui dicti sunt, teneri, & præ insipia consilii, cum tentata sint alia curationes antea, neque sufficient, deferri ad illos.* Quod late prosequitur Joannes Baptista Silvaticus de iis, qui morbum simulant, deprehendendis, cap. 17. ubi ostendit, signa, ex quibus nonnulli inferunt, aliquem esse a Dæmone obsessum, esse signa humoris melancholici: quocirca Theologi, Medicique cautiores monent, signa esse perpendenda & examinanda, antequam pronuntietur, aliquem esse a Dæmone obsessum, uti, collectis concordantibus, docet Zacchias quæst. medico-legal. lib. 2. tit. 1. quæst. 18. num. 3. & plurib. seqq. Legi potest dissertatio Doctoris Medici aggregati collegio Medicorum civitatis Lugdunensis typis Parisiensibus edita anno 1737. tom. 4. supplementi ad historiam de superstitionibus scriptam a Patre le Brun pag. 206. In Rituali Romano ad rit. de exorcizandis obsessis a Dæmone hæc habentur: *In primis, ne facile credat (sermo est de Exorcista) aliquem a Dæmone obsessum esse, sed nota habeat ea signa; quibus obsessus dignoscitur ab iis, qui vel atra bile, vel morbo aliquo laborant. Signa autem Demonis obsessus sint, ignota lingua loqui pluribus verbis, vel loquentem intelligere, distantia & occulta patefacere, vires supra ætatis seu conditionis naturam ostendere, & id genus alia, quæ, cum plurima concurrunt, majora sunt indicia. Recte advertit Pontas in dictionario casuum conscientie in verb. Possessus, si inter signa obsessorum recensetur, quod aliquis ignota lingua loquatur, vel loquentem intelligat (utcumque opinari, vel saltem dubitare ausus fuerit Schenckius observat. medicar. lib. 1. de mania, seu insania pag. 156. edit. Francofurti anni 1609. cui adhæsit Hecquet, quem validissime redarguit Theologus Gallus in decima quarta epistola Theologica num. 56. & seqq.) multo magis hoc ipsum dicendum esse, si rusticus, si semina quæstionibus philosphicis, & Theologicis, quarum numquam cognitionem habuerunt, apte respondeant; & habetur in Sacerdotali Romano ad consuetu-*

suetudinem sanctæ Romanæ Ecclesiæ & aliarum Ecclesiarum collecto rit. de exorcismis contra Dæmoniacos pag. 329. Venetæ editionis anni 1585. Est etiam magnum signum, quando loquuntur sermonem alienum a patria sua, si non fuerint extra patriam, & quando persona illiterata & idiota loquuntur literaliter & congruenter &c. aut quando dicunt aliquid, quod ipsi nunquam dicere scivissent. Thyræus in allato tractatu de Dæmoniacis part. 2., cap. 22. & plurib. seqq. discrimen exponit signorum, quorum nonnulla dicit certa, nonnulla incerta, nonnulla probabilia; & de eadem re plura habentur apud Martinum del Rio disquisit. magic. lib. 6. quest. 3. sect. 2. apud Clericatum de Sacram. Ordin. decif. 19. num. 17. & seqq., apud Monacelum in formul. legal. pract. tom. 3. tit. 1. formul. 47. num. 4. & plurib. seqq. Eduardus Corlinus tom. 4. institut. philosoph. disp. 2. metaphys. cap. 1. n. 3. post multa ad rem collecta, ita concludit: Itaque negari non poterit, obsessos aliquos & energumenos reperiri &c. aut, si cui fortasse negare liceat, mihi certe non liceat, qui nuperrime viderim mulierem non miris modo corporis agitationibus contorqueri, secreta aliorum, de quibus interrogabatur, prodere, accensas remotissimasque faces, dum juberetur, extinguere, iterumque jussam extinguitas illas accendere, patrii solum idiomatis gnaram, Latine & Gallice, clare, apposite, nitide, distincteque respondere, duodecim demum characterum species, quales a duodecim Scriptoribus effirmarentur, cum neque legere, neque scribere prorsus sciret, exarare, quibus variorum Spirituum, quibus obsideri jam dixerat, nomina, vires, numerum, exeundi leges, aut fœdera, aliaque id genus explicabat.

6 Succedit, ut sermo instituaturs de Dæmonum expulsionem a corporibus obsessis. Apud Cardinalem Baronium in annal. ad ann. 56. plura erudite referuntur de obsessorum liberatione apud Hebræos. Actuum quippe 19. legitur, quosdam de circumeuntibus Judæis Exorcistis conatos fuisse Spiritus malignos ejicere per invocationem nominis Jesu. Joseph antiquit. lib. 8. cap. 2. testatur, Deum præstitisse Salomoni, ut contra Dæmones artem ad utilitatem hominum, & eorum curas edisceret, ipsumque idcirco incantationes instituisse, quibus alitrici Dæmones fugabantur; seque vidisse quemdam Eleazarum Judæum, præsentem Vespasiano, ejusque filiis, & Tribunis, totoque exercitu, curantem eos, qui a Dæmonibus vexabantur, admoto Dæmoniaci naribus anulo habente sub signaculo radicem a Salomone monstratam. At hæc incerta sunt, & proflus superstitionis sunt exorcismi a quibusdam, etiam nostro tempore, adhibiti, qui dicuntur Salomonis, juxta ea quæ habentur apud Estitum in 4. lib. sens. dist. 24. §. 12. In ipsis Ecclesiæ primordiis magna erat Energumenorum multitudo, ut undique etiam e Gentibus & Paganis ad Ecclesiam adducerentur suis exorcismis & precibus, invocato Christi nomine, liberandi; quemadmodum colligi potest ex Justino Martyre, qui passim testatur, exorcizandi munus fuisse commune omnibus Christianis, etiam non initiatis, eo quod omnes tunc ex gratia gratis data pollerent dono abigendi

Dæ-

438 DE SERVORUM DEI BEATIFICATIONE

Dæmones e corporibus obsessorum per invocationem nominis Christi: tunc enim ad Ecclesiæ ædificationem, & debitam Fidei propagationem longe frequentior erat, & omnino conveniens miraculorum, & ejusmodi curationum usus. Tertullianus ad Scapulam Carthagini Præsfectum Christianis ultima militantem, nisi Christum ejurarent, scribens, post quorundam Præsfectorum, qui cum Christianis humane egerant, exempla producta, scribit cap. 4.: *Hæc omnia tibi & de officio suggeri possunt, & ab eisdem Advocatis, qui & ipsi beneficia habent Christianorum, licet adla-ment, quæ volunt: nam & cujusdam Notarius, cum a Dæmone precipita-retur, liberatus est; & quorundam propinquus, & puerulus. Et quanti honesti viri (de vulgaribus enim non dicimus) aut a Dæmoniis, aut valentudinibus re-mediati sunt?* Et in apologetico contra Gentes, cum multa in earum superstitio-nem, & falsa miracula declamasset, subjicit cap. 23. *Edatur hic aliquis sub tribunalibus vestris, quem Dæmone agi constet: jussus a quolibet Christiano loqui Spiritus ille, jam se Dæmonem confitebitur.* Et multo post: *De corporibus nostro imperio excedunt inviti & dolentes (loquitur de Dæmonibus) & vobis presentibus erubescetes.* Restrieta subinde fuit exorcizandi, & Dæmon-es abiciendi potestas ad Exorcistas. In comment. histor. Morini de Sacram. Pœnit. lib. 6. cap. 7. congesta undique eruditione, demonstratur, dupli-cem olim fuisse modum obsessos adjurandi, & eos a potestate Diaboli liberandi per exorcismos: alterum solemnem inter Militarum solemniam, post dimissos publicos Pœnitentes, nec non Catechumenos, completa recitatione Evangelii, & prædicatione; vocabantur enim in medium templi, qui erant obsessi, hisque genuflexis, Diaconus populum mone-bat, ut Deum pro eorum liberatione rogaret, & subinde Episcopus, seu Sacerdos solemniter celebrans nonnullas recitabat super eos publicas pre-ces, ut Deus hostem humani generis ab obsessis illis expellere dignaretur; completisque precibus, Energumini de ecclesia dimittebantur, cum eis permissum non esset sacris altare mysteriis, aut oblationes facere ad alta-re: alterum vero privatum, quem adhibebant Exorcistæ ad hunc finem initiati, qui manus imponebant, & exorcizabant obsessos tam catechu-menos, quam baptizatos, quod præstabant tum in privatis domibus, tum in ecclesiis, sed extra Missam. Mentio facta est Exorcitarum, quorum Ordo inter Minores Ordines recensetur, & quibus in Ordinatione tradi-tur potestas Dæmones adjurandi, & expellendi e corporibus obsessorum. Tertio sæculo Cornelius Papa in epistola ad Fabium Antiochenum relata ab Eusebio histor. Eccl. lib. 6. cap. 43. sic de Novato loquitur (apud Coustant col. 150. epist. Romm. Pontif.): *Ille ergo Evangelii vindex ignorabat, unum Episcopum esse oportere in Ecclesia catholica? ... Presbyteros esse quadraginta sex, Diaconos septem, Subdiaconos septem, Acolythos duos & quadraginta, Esorcistas autem & Lectores cum Cistariis quinquaginta duos.* Respiciunt hæc Ec-clesiæ Occidentalem: & quoad Orientalem non desunt monumenta, quæ extitisse Ordinem Exorcitatus apud eam demonstrant, cum in

can. 24. Concilii Laodicensi, quod habitum est ineunte saeculo quarto, ita scriptum sit (in collect. Harduin. tom. 1. pag. 786.) : *Non oportet, altari deservientes a Presbyteris usque ad Diaconos, & deinceps Ordinis Ecclesiastici omnes usque ad Ministros, aut Psalter, aut Exorcistas, aut Ostiarios, aut etiam eos, qui in proposito continentia sunt, tabernaculorum intrare.* Quod late prosequitur Goar ad *Rituale Græcorum Veneta editionis anni 1730. pag. 197.* At ab annis mille supra centum apud Græcos soli sunt Episcopi, Presbyteri, Diaconi, Subdiaconi, & Lectores; nec apud eos ex hoc tempore ulli existant Acolythi, Exorcistæ, & Ostiarii, quorum munera partim Lectores, partim Subdiaconi inter se dividunt, uti ostendunt Morinus *part. 3. de sacr. Ordin. exercit. 14.* Lupus ad *Concil. tom. 5. pag. 746. antiquioris Editionis*, Carolus Witas de *Sacram. Ordin. part. 1. quest. 2. art. 2. Tournely in Praefat. Theolog. de Sacram. Ordin. quest. 6. concl. 2.* quamvis summus Pontifex Innocentius III. expresse præceperit in epistola ad Othonem Tusculanum Cardinalem Sedis Apostolicæ in Cypro Legatum, de qua *Concilior. tom. 11. edit. Labbe. pag. 611.* ut Episcopi Græci septem Ordines secundum morem Ecclesiæ Romanæ de cetero conferrent, cum id referant ad Episcopos Græcos Latinorum ditioni subiectos.

7 Obvius ergo modus Dæmones a corporibus expellendi hodie est per exorcismos Ecclesiæ probatos ab Exorcista prolatos. Sed inter Theologos disputatur, an eis ad Dæmones abjiciendos non modo uti possint initiati Ordine Exorcistatus, prævia Superiorum licentia, sed etiam omnes alii Fideles, dummodo id faciant, non ex professo aut publice, sed in aliquo peculiari casu ex Dei interiori instinctu. Auctores utrique sententiæ adherentes referuntur apud Clericatum *cit. decis. 19. num. 41. de Sacram. Ordin.* Nobis autem probabilior esse videtur eorum opinio, qui potestatem exorcizandi deferunt ad Exorcistas, sive ad eos, qui Ordinem Exorcistatus receperunt, & ad Majores, atque Sacerdotium ascenderunt, juxta *can. 26. cit. Concilii Laodicensi*, ubi ita legitur: *li, quo non sunt ab Episcopis ordinati, tam in ecclesiis, quam in domibus exorcizare non possunt*: & ut Gratianus ait *can. 2. dist. 69. Non oportet exorcizare eos, qui necdum ab Episcopis sunt promati, neque in ecclesiis, neque in domibus.* Celebrior est controversia, an virtute rerum naturalium Dæmones a corporibus obsessis expelli possint. In 1. quippe *Regum cap. 16.* cum Spiritus malus arripiebat Saulem, David fumebat citharam, & manu sua percutiebat, & Saul refocillabatur, & Spiritus malus ab eo recedebat; qua in re nihil supra naturam contigisse autumat Calmet in *differtat. in Musicam Veterum, & potissimum Hebraeorum tom. 4. pag. 53.* En ejus verba: *Qua de Saule narrantur sono instrumenti, & vocis Davidica relevato, nihil habens supra naturam.* Et Tobia 6. cum Tobias junior e flumine piscem extraxisset, jussus est ab Angelo cor, fel, & jecur ejus conservare, & ab eodem didicit, cordis particulam, si super carbonem poneretur, fumo suo extricare omne genus Dæmoniorum tam a viro; quam a muliere, & quidem, ut ultra non accedant ad eos. Scetus autem

440 DE SERVORUM DEI BEATIFICATIONE

autem in *physica curiosa lib. 4. cap. 15. §. 2.* Scriptores affert recensentes plurimas herbas, inter quas salviā, anethum, sceniculum, alium, rutam caprariam, & alias, necnon lapides vim & virtutem habentes Dæmones pellendi: & Carolus Tapia de *Constitut. Principis, in rubr. cap. 1. num. 3.* Borellus de *prestancia Regis Catholici cap. 55. num. 2.* Hernandus Castrillo in *magia naturali* narrant, Catholicos Hispaniarum Reges insignem adversus malos Spiritus vim obtinere, ut sola præsentia illos ab obsessorum corporibus fugare atque abicere valeant. At cum Dæmones penitus sint incorporei, nullam idcirco a corporibus naturaliter impressionem possunt accipere. Dictum est autem *naturaliter*, quia prima causa, quæ nullis naturæ legibus tenetur, potest corporibus præstare vim attingendi etiam incorporea, uti patet in igne, qui torquet damnatos. Ex hoc autem sequitur, nulla arte nulloque remedio naturali ex obsessis corporibus Dæmones ejici posse: & quamvis animabus, dum in corporibus sunt, a sensibilibus rebus vis afferri possit, & possint etiam vi a corporibus separari, nemo tamen est qui non videat, longe aliam animarum, quam Dæmonum, in corporibus conditionem esse, cum animæ corporibus conjunctæ sint ut formæ, & Dæmones tamquam motores & rectores, animæque propterea quasdam dispositiones in corporibus possident, quas Dæmones non requirunt, nec eis indigent. Communis hæc est tum Theologorum, tum Medicorum sententia. Inter Theologos ita autumant Thyrsus in suo tractatu de *Demoniacis part. 3. cap. 28.* Cardinalis de Lauræa in *3. lib. sent. tom. 4. disput. 20. de miraculis art. 7. sub num. 134.* Clericatus de *Saceram. Ordin. decis. 19. n. 30.* Martinus del Rio *disquisit. magicar. lib. 6. cap. 2. sect. 2.* & inter Medicos Vallesius de *sacra philosophia cap. 28. pag. 229.* Zacharias *quest. medico-legal. lib. 4. tit. 1. quest. 8. num. 25. & plurib. seqq.* Gaspar a Rejes *jucundar. quest. quest. 28. in 1. conclus.*: quod tamen nonnulli ita explicant, ut nihil certe naturale sit, quod directè Dæmonem expellere possit, licet aliquid naturale possit id indirecto quodam modo præstare. Cum enim Dæmon pessimis & feris humoribus delectetur, & præcipue melancholicis, purgato per remedia naturalia humore, ex accidente sequi potest, ut Dæmon recedat, vel adeo moleitus non sit, veluti profequuntur Thyrsus *loc. cit. num. 15. §.* Potest quoque dici, & Gaspar a Rejes *loc. cit. §. Secunda conclusio*, cum aliis, quos affert, & sequitur Matta de *Canoniz. SS. part. 3. art. 16. num. 14.* & bene adnotavit Martinus del Rio *disquisit. magic. lib. 2. quest. 30. sect. 3. pag. 273.* ubi hæc habet: Igitur quæcumque res corporea inducunt in corpus patientis dispositionem contrariam dispositioni requisitæ ad actionem Dæmonis, ille corporeos humores purgant directè, & corpoream egritudinem pellunt naturaliter: cur vero Dæmon fugiat, & corpus illud desinat, sunt solummodo causæ indirectæ, & sine quibus non. Idem profequitur Baldus in *defensione China China lib. 1. cap. 14. §. 4.* Melancholicus humor vel mistior redditus, vel depulsus, qui a Theologis merito vocatur Sedes Diaboli, fumentum detrahit Dæmoni, & materiam, unde posita cogitur abscedere.

dere. Quod autem attinet ad citharam Davidis, ad cuius sonitum Spiritus malus recedebat, respondet Thyraeus, citharæ harmoniam voluptuositatem quamdam Regi attulisse, quæ dolorem haud parum frangebatur, quem ex Dæmonis tyrannide Saul patiebatur, & hoc sensu dici posse, Dæmonem fuisse per Musicam expulsum. Cornelius a Lapide *in cit. cap. 16. lib. 1. Regum* docet, Davidem psallendo fugasse Dæmonem Saulis vi partim naturali, partim supra naturam; naturali, quia musica exhilarabat, & pellebat melancholiam, qua Dæmon utebatur ad Saulem cruciandum; supra naturam, quia David citharæ pulsus mentem suam excitabat, ut ferventius oraret Deum pro salute Saulis; & Deus cum exaudiens, Dæmonem abegit a Saule: additque Cardinalis de Lauræa, David non modo citharam percussisse, sed etiam cecinisse, & sic Spiritum malum recessisse per Divinas laudes, quas David canebat: & quod spectat ad factum Tobiae, respondetur, non sumum, sed Raphaelem Angelum profligasse Dæmonem, & sic Dæmonem fuisse expulsum, non a fumo excitato, sed ab Angelo, quando excitatus est fumus, juxta sententiam Lirani, & aliorum, quos sequitur Martinus del Rio *disquisit. magic. lib. 2. quest. 30. sect. 3.* Quod si sermo sit de ejectione Dæmonum, quæ contingere dicitur, cum obsessi astant coram Rege Catholico Hispaniarum, quatenus id verum sit, referendum erit ad gratiam gratis datam consimilem illi, qua Galliarum Reges potiuntur strumas sanandi.

8 Hæc erant præmittenda, antequam ad ultimum capitis punctum descenderemus, in quo quærendum proponitur, an in obsessorum liberatione, & Dæmonum ejectione aliquod miraculum intercedat: præter enim ordinarium modum Dæmones expellendi per exorcismos, duplex alius suppetit modus mirabilis & extraordinarius hoc ipsum præstandi. Prior Sanctis quibusdam dono Dei quasi per modum habitus concessus est, ita ut, quoties vellent, obsessos sanarent. Optime D. Thomas *quest. 6. de miraculis art. 10. in corpore*, ubi hæc habet de Dæmonibus: *Cognitur quidem a Superiori, quandoque quidem ab ipso Deo, quandoque vero a Sanctis, & Angelis, & hominibus virtute Dei. Nam ad ordinem Potestatum pertinere dicitur Dæmones arcere. Sancti autem homines, sicut dono virtutum participant, in quantum miracula faciunt, ita dono Potestatum, in quantum efficiunt Dæmones.* Hoc dono commendantur SS. Martinus, Ambrosius, & alii complures. Sulpicius Severus *dialog. 1. §. 14.* hæc habet de quodam Sancto, cuius nomen reticet: *Quidam ergo Sanctus fugandorum de corporibus obsessis Dæmonum incredibili præditus potestate, inaudita per singulos dies signa faciebat. Non solum enim præsens, neque verbo tantum, sed absens quoque, interdum cilicii sui fimbriis, aut epistolis missis, corpora obsessa curabat. Hic ergo mirum in modum frequentabatur a populis ex toto ad eum Orbe venientibus. Tacet de minoribus. Præfeti, Comitesque, ac diversarum Iudices potestatum praeforis illius saepe jacuerunt. Episcopi quoque sanctissimi, Sacerdotali auctoritate deposita, contingi se ab eo atque benedicti humiliter postulantes, sanctificatos se, ac*

Tom. IV.

K k k

Droi-

442 DE SERVORUM DEI BEATIFICATIONE

Divino munere illustratos, quoties manum illius vestemque cointingerant, non immerito crediderunt. Hic ferebatur omni potu in perpetuum penitus abstinere, ac pro cibo . . . septem tantum caricis sustentari: additque, eundem Sanctum tantæ potestatis occasione aliquando gloriolæ sensu titillatum, ut se ab eo purgaret, a Deo impetrasse, ut mensibus quinque a Dæmone possideretur; quod & factum est, ita ut in vinculis eum tenere necesse esset. Quanto demum mense purgatus est non tantum Dæmone, sed, quod illi erat: utilius atque optatius, vanitate. Alter mirabilis & extraordinarius modus Dæmones expellendi est per contactum sacrarum Reliquiarum, aut earum præsentiam. Sæpe quippe hoc modo Energumeni sanati sunt, uti testantur Patres & Historici allati a Thyrzo part. 3. de Dæmoniis cap. 43. subjicitque Ferrandus in disquisitione Reliquiarum lib. 1. cap. 12. sect. 4. pag. 357. Cælitum Reliquiis sæpe contigisse, & contingere, ut Dæmonum cesset infestatio: Quintam crucem a Cælitum lipsanis in eo quondam experti sunt Dæmones, atque etiamnum identidem experiuntur, quod ad ipsorum præsentiam omnis illorum vis magica & infestatio debilitetur, eludatur, profiigetur, & funditus evanescat. Multus est in hoc argumento e Societate nostra Petrus Thyraus, multus Martinus del Rio, qui octavum adversus maleficia supernaturale remedium numerat Sanctorum, qui in calis beatitudine perfruuntur æterna, Reliquias, de quibus illud ut in calis, sic in terris verum, „Nimis honorati sunt amici tui, Deus, nimis confortatus est principatus eorum. Celebre porro miraculum illud est, quod contigit se dicitur anno salutis humanæ nongentesimo sexagesimo nono, ut quidam Comes Othonis Imperatoris familiaris occupatus ab immundo Spiritu se ipsum dentibus dilaniaret. Ille jussu Imperatoris ad Joannem Pontificem ductus est, qui ut sacra catena, qua Petrus Apostolus ab Herode victus fuerat, quæque mirabiliter connexa est cum alia catena, quæ Romæ asservabatur, & qua Apostolus victus fuerat in carcere Mamertino, Comitris collum attigit, erumpens nefarius Spiritus hominem liberum reliquit. Porro non ignoramus controversias de tempore dedicationis ecclesiæ S. Petri ad Vincula, de quibus Cardinalis Baronius in not. ad Martyrol. Rom. ad diem 1. Augusti, & in annal. ad ann. 439. & Florentinius in exercicis. 11. ad suum Martyrologium. Scimus, Baillet ad diem 1. Augusti, & Tillemontium in nota 45. ad vitam S. Petri magis solida exquisivisse documenta pro miraculo conjunctionis duarum catenarum. Verum Nobis ea sufficiunt, quæ apud Auctores referuntur: & quod attinet ad liberationem Comitris obsessi, de qua tantum hic agendum est, illustre extat testimonium Sigeberti in Chron. ad ann. 969. cum Sigebertus vixerit tempore Gregorii VII. & obierit tempore Paschalis II., & Imperatoris partibus potius, quam Romani Pontificis faverit.

9 Sæpe actum est in factorum rituum Congregatione de hisce extraordinariis modis Dæmones expellendi, an essent miraculo adscribendi, uti videri potest in relationibus Rotæ Auditorum in causis SS. Cajetani de miraculis post mortem miracul. 11. Didaci, Aloyisii Gonzagæ ad tit. Liberatio

Enr.

Energumena, Magdalene de Pazzis ad eundem titulum, Caroli Borromæi 3. part. ad tit. *Anastasia de Magis a Spiritibus immundis liberatur*, Philippi Neri 3. part., Catharinæ de Ricciis §. *Secundum miraculum*, Beati Gregorii X. de *miraculis post obitum* num. 4. quibus addi possunt bullæ Canonizationum; in bulla quippe Canonizationis S. Uldarici inter cetera miracula narratur, eum *Dæmones ab obsessis corporibus fugasse*; in bulla Canonizationis S. Homoboni narratur inter miracula, quamdam mulierem *Dæmoniacam* ad ejus sepulcrum fuisse liberatam; quod ipsum habetur in bulla Canonizationis S. Birgittæ. In *vita S. Francisci de Paula*, de ejus vitæ sinceritate plura habentur in *dissertat. prelim. ad eam*, & in *secunda demonstratur*, conscriptam fuisse a Laurentio Claveni, seu de Clavo, Calabro, contemporaneo S. Francisci, & Familæ ab eo institutæ alumno, legitur cap. 11. plures *Dæmoniacos* ejus intercessione sanitatem recepisse, uti habetur in *notis* quoque ad *idem caput*: quam vitam cum dissertationibus, & notis edidit Joseph Maria Perimezzius alibi a Nobis cum laude memoratus, tunc Episcopus Ravellensis & Scalensis. Addi etiam potest *caput novum secunde partis* vitæ S. Catharinæ Senensis conscriptæ a Beato Raymundo de Capua, ubi plura de *Energumenis* intercessione ejus Sanctæ non sine miraculo liberatis.

10 Verum, ut res tota absolvatur, dicimus, quoties tale aliquid contingit, stricte esse inquirendum, an qui dicitur liberatus, fuerit re vera a *Dæmone* obsessus, & sic an adfuerint vera & certa signa obsessionis testibus *contestibus* comprobata, ita ut sola non sufficiat Exorcistæ attectatio; quidquid scripserit Pignatellus *consult. 108. num. 4. tom. 4.* cum ex alibi dictis, præter invocationem, quæ solo dicto invocantis probatur, cetera miraculi partes sint binis saltem testibus comprobande. Positis indubitatissimis signis obsessionis, ad ulteriora progrediendum est. Vel enim Dei Servus, dum erat in humanis, Ordine Exorcistatus insignitus in *Dæmonum* expulsiōe usus est exorcismis ab Ecclesia approbatis; & tunc nulla ratio miraculi in expulsiōe *Dæmonum* excogitari potest, cum hic sit consuetus modus: aliter sequeretur, Exorcistas omnes miracula facere, quando per adjurationes eorum obsessi liberantur. Plures sancti Episcopi aut Sacerdotes *Dæmones* e corporibus ejecerunt, præmissis Ecclesiæ exorcismis, uti videri potest apud Martinum de Rio lib. 6. cap. 2. *sect. 3. quest. 3. §. Quartum est exorcismus*. At, cum hic modus sit communis tam Sanctis, quam non Sanctis, nullum ab eo desumi potest pro sanctitate argumentum, quemadmodum ponderat Matta de Canonizat. SS. part. 3. cap. 16. num. 21. Vel liberatio accidit, dum Dei Servus erat in humanis, non virtute Ordinis, sed ex imperio expellentis in Christi, seu Dei nomine, aut prævia oratione, seu jejuniis, aut alio virtutis actu, vel per applicationem vestimenti, aut ad ejus sepulcrum, vel per applicationem Reliquiarum, si res sit de liberatione post ejus obitum; & in hisce circumstantiis, si de facto non dubitetur, hoc est de subita & perfecta liberatione, nec ullum adhibuit fuerit

naturale remedium, per quod juxta supradicta Dæmon indirecta ratione aliquando expellitur, nihil deesse dicendum erit, quominus liberatio miraculo adscribatur, cum sit ardua, insolita, & admirationis causa & origo. In Actis Apostolorum cap. 19. v. 11. inter miracula S. Pauli recensentur liberationes obsessorum per applicationem vestium ipsius: *Virtutesque non quaslibet faciebat Deus per manum Pauli, ita ut etiam super languidos deferrentur a corpore ejus sudaria & semicinctia, & recedebant ab eis languiores, & Spiritus nequam egrediebantur.* De admiratione hæc habentur Luca 4. v. 33. *In synagoga erat homo habens Dæmonium immundum, & exclamavit voce magna dicens: Sine, quid nobis & tibi, Jesu Nazarene? Eoque abjecto, subjicitur v. 36. Factus est pavor in omnibus, & colloquebantur ad invicem dicentes: Quod est hoc verbum, quia in potestate & virtute imperat immundis Spiritibus, & exierunt? Additur, vim nullam naturalem inesse posse Sanctorum Reliquiis, qua Dæmones terreatur. Sequitur ergo, mirabilem illam virtutem a Deo proficisci, quemadmodum argumentatur Ferrandus in cit. disputat. Reliq. loc. allegat. §. *Assero primo.* Liberationes obsessorum, si prædicto modo contingant, iater miracula esse recensendas, late ostendunt Cardinalis de Laurea in 3. lib. sent. tom. 4. disput. 20. art. 7. de miraculis, Matthæuccius in pract. Theologo-Canon. ad caus. Beatificat. & Canonizat. rit. 3. cap. 3. in addit. num. 1. & seq. Bordonius de miraculis medit. 11. ubi tamen nimis late loqui videtur, cum miraculo adscribat liberationem obsessorum, etiam si fiat virtute Ordinis, & per exorcismos ab Ecclesia institutos. S. Gregorius M. in vita S. Benedicti (cap. 30.) miraculo adscribit Monachi liberationem a Dæmone obidente, quam Sanctus pater vit per alapam Monacho impatam: *Quadam die, dum ad Beati Joannis Oratorium, quod in ipsa montis celsitudine situm est, pergeret, ei antiquus hostis in Mulomedici specie obviam factus est, cornu, & tripedicam ferens: quem cum requisisset dicens: Ubi vadis? ille respondit: Ecce ad Fratres vado potionem eis dare. Itaque perrexit venerabilis Benedictus ad orationem, qua completa, concitus rediit. Malignus vero Spiritus unum seniore Monachum invenit aquam haurientem, in quem statim ingressus est, eumque in terram projecit, & vehementissime vexavit. Quem cum Vir Dei ab oratione rediens, tam crudeliter vexari conspiceret; ei solummodo alapam dedit, & malignum ab eo Spiritum protinus excussit, ita ut ad eum redire ulterius non auderet. Dictum est Mulomedici, non autem, uti nonnulli legunt, in Mulo Medici, cum, teste Angelo de Nuce, in omnibus codicibus Calinatibus vox Mulomedicus sit simplex, & non duplex; ita ut ridiculum videatur, Dæmonem pingi in specie Medici barba promissa mule insidentis, matulam ad latus geltantis, & in sinistra capsulam variis pharmacis onustam, cum ad representandam Energumeni liberationem a S. Benedicto factam pingendus sit Dæmon forma Mulomedici, seu Medici equarii curatoris jumentorum, Italice Maniscalco, quemadmodum adnotatum fuit ab Auctore erudito notarum ad cap. 30. prædictæ Vita Venetijs edita anno 1723.**

11 Allatum exemplum miraculum liberationis obsessi ostendit paratum a

tum a S. Benedicto, dum viveret, non vi exorcismi, sed ex imperio. Alia plura similia legi possunt exempla in vita S. Bernardi, auctore Ernaldo Abbate Bonævallis lib. 2. cap. 4. post. Opera S. Bernardi Editionis Mobilæ: sed, ne desit exemplum liberationis a Dæmone ad contactum Reliquiarum, desumetur ex lib. 4. de vita ejusdem Sancti Bernardi cap. 4. auctore Gaufrido Monacho Clarævallensi post Opera S. Bernardi cit. Edit., ubi, postquam narratum fuit, adolescentem quem jam ad bonam frugem fuisse conversum, hæc habentur: Tum subito inimicus humana salutis, ex ejusdem, sicut indubitabile esse videtur, liberatione antina, quam ex multis diebus irreparabiliter sese occupasse credebat, iram magnam concipiens, & eandem, permittente Deo, crudeliter facis exercens unum e Fratribus repentino furore pervasit. Clamabat igitur horrendis vocibus miserabilis homo, & vix multorum manibus tenebatur. Demum cum maximo quidem dolore asportatus, & in lectulo religatus, tam sua quam astantium membra dentibus dirissime vexabatur. Nec illa, quam prius nosset, lingua, sed nova quadam, quam nec astantium quisquam noverat, loquebatur. Et, cum nihil, quod diceret, intelligerent, tam libere tamen & sine offendiculo non inconcinnas eum audiebant adere voces, ut indubitanter crederent, quod lingua aliqua loqueretur. Post aliquantas igitur horas cum vehementer confusi Fratres, quid agere possent, anxie cogitarent & studiose conquirerent, unus ex eis salubre consilium, Domino inspirante, concipiens, sacra Pignora ab ipso Archiepiscopo eodem anno istuc deposita, videlicet de capillis & barba, & densam unum Beati Patris nostri Bernardi afferri monet, & ejus pectori superponi. Quod ut factum est, Germanica lingua per os ejus cepit horrendis vocibus nequam Spiritus exclamare: Tollite, tollite, amovee Bernardum; & dicebat: Heu, quam ponderosus factus es, Bernardi! quam gravis, quam intolerabilis factus es mihi! Cumque hæc & similia aliquamdiu clannitans loqueretur, factum est breve silentium, & subito Frater idem, Domino miserante, purgatus aperuit oculos, ac velut de gravi somno evigilans circumstantes Fratres, & sua plurimum vincula mirabatur, verecunde facis, quidnam sibi vellent hæc, vel quid accidisset, interrogans. Ex ea igitur hora pristinam sanitatem mentis & corporis per Beati Patris merita sancta recepit, nil penitus, quod in illo tam gravi casu fecerit, aut locutus fuerit, recordatus. Hæc quidem a nobis de testimonio viri reverendissimi Eskili Danorum Archiepiscopi ex occasione panis a Dei Homine benedicti non sine quadam anticipatione sunt dicta.

12 Videretur hic aliquid dicendum esse de signis, quibus egressus Dæmonis ab obsessio demonstratur: sed id pertinere videtur ad liberationem, quæ sit ope exorcismorum; in re etenim, de qua nunc agitur, factus est, ut cessent motus illi, quos Diabolus in corpore obsessio faciebat, & ut status hic perseveret, nec dicatur Dæmonem ad tempus quieviſſe, sed a corpore obsessio non recessisse. Inutile eſſet quoque aliquid afferre de ejectione Dæmonis ab humanis corporibus per artem magicam; quæ de re apud Mattam de Canoniz. SS. part. 3. cap. 16. num. 9. quandoquidem (uti

446 DE SERVORUM DEI BEATIFICATIONE

(uti sæpe supra dictum est) agitur in præfenti de Beatificatione & Canonizatione Sanctorum; qua in re cum de miraculis non agatur, nisi postquam constitit de virtutibus, virtutes quaecumque artem magicam excludunt, & aperiunt tantum viam disputationi, num factum inter naturalia, an inter miracula sit recensendum. Quapropter repetere opus est, satis esse in re, de qua nunc agitur, primo, quod constat de obsessione ex signis indubitatis; secundo, quod constat de subita atque integra liberatione ad invocationem nominis, seu contactum Reliquiæ; tertio, quod non fuerint adhibiti exorcismi Ecclesiæ, nec ullum aliud naturale remedium, seu res naturalis, propter quam indirecto modo Dæmonis expulsio sequi poterit, quemadmodum recte adnotavit bon. mem. Prosper Bottinius Archiepiscopus Myrensis olim Fidei Promotor in suis animadversionibus factis super miraculis S. Joannis de Capistrano, ubi hæc habet: *Et, licet liberatio ab obsessione sit effectus supernaturalis, & arguere possit sanctitatem Servi Dei, cujus intercessione patrat, tamen, cum habeamus remedia canonica & ordinaria, scilicet exorcismos ab Ecclesia institutos, prærendi non poterit, eam esse alicujus miraculo adscribendam, nisi istarum efficaciam & interventus excludantur &c. Quibus addi possunt plurima remedia naturalia, quibus Dæmones fugari solent, quoniam pariter usus vel interventus in hoc casu non excluditur.*

13 Inter dissertationes Augustini Calmet celebris ea est, quæ inscribitur *De obsidentibus & possidentibus corpora Dæmonibus*, in qua ostendit Scripturæ, Patrum, Judæorum, Paganorum, Veterum, & Recentiorum sententia, re ipsa dari Energumenos; posse Energumenum ab agente in totus Dæmone per adjurationes, & institutas Ecclesiæ preces sine miraculo liberari; Deum dispositionis suæ consilio interdum permittentem, ut pueri statim a Baptismo, & homines castissimis moribus præditi Dæmonem habeant contubernalem, ad suam potentiam demonstrandam ea permittere juxta effectum Christi ad Apostolos interrogantes (Mat. 9. 2.): *Reb- bi, quis peccavit hic, aut parentes ejus, ut cæcus nasceretur?* quibus ille: *Neque hic peccavit, neque parentes ejus, sed ut manifestentur opera Dei in illo:* scilicet ut Jesu Christi visum illi restituentis gloria, & Dei misericordia in eo eluciscerent; Dæmones adjurationibus interdum resistere, quia vel in Ministros, vel in Energumeno fides desideratur, aut ob crimina Energumeni, vel ob alias causas in secreta Dei consilia referendas; nec tamen iccirco exorcismos inefficaces esse hinc colligi posse, cum & ipsa Sacramenta, quæ sunt efficacissima religionis remedia, ob pravam recipientium affectionem, Gratiâ aliquando non conferant; infestationis Dæmoniæ signa etiam esse posse, si quis uno veluti impetu sine præcedenti aliqua dispositione a statu suo dimoveatur, ut in alium transeat longe diversum, plura videlicet admittendo ab insita sibi indole longe aliena, sed singularia atque violenta; Dæmonem denique, captata morborum & pravorum corporis humorum opportunitate, Deo permittente in homines

nes infilire, & dire torquere, necnon aliquando morbos immittere; sed ejus infestationem, & morbum distingui debere, etsi ab una eademque causa forte procedant, & commentitium esse eorum assertum, qui volunt, Dæmonis obsessionem nihil aliud esse quam morbum, seu morbi appendicem, cum homines aliquando agantur a Dæmone, integra licet sanitate mentis & corporis. Alia plura in citata dissertatione erudite collecta legi possunt.

14 Quæres, quantum temporis elapsum esse debeat, ex quo infestationes Dæmonum cessarunt, ut quis perfecte ab eis liberatus dici possit. Obsessos, seu arreptitios (ut vocant) esse irregulares, certum est; & quæstio tantum excitatur inter Scriptores, an liberatus possit Ordines susceptos exercere, ita ut permissum ei tantum non sit ascendere ad ultiores. Utcunque sit de hac controversia, siue unam, siue aliam sententiam amplectamur, tempus unius anni videtur esse sufficiens, ut quis perfecte liberatus dici possit, juxta Textum in *can. Communiter, dist. 33. Qui tamen & ipsi tamdiu erunt ab officii sui Ordine & loco suspensi, quousque unius anni spatium per discretionem Episcopi inveniantur, ab incurfu Dæmonum liberati.* Quocirca ajunt Doctores, post spatium unius anni, accedente Episcopi dispensatione, posse Energumenum liberatum susceptos Ordines exercere: Suarez de censuris *dispus. ult. sect. 1. num. 7.* Sayrus *ead. tract. lib. 6. cap. 9. num. 14.* At longius tempus in re nostra necessarium esse videtur; cum, urgente post annum Dæmonis obsessione, qui ex dispensatione susceptos exercet, possit suspendi: quare agitur de actu, ut loquuntur, retractabili, quod, uti consideranti patebit, locum non habet in approbatione miraculi.

C A P U T XXX.

De Cadaverum incorruptione.

1 **S**cribentes de Canonizatione Sanctorum passim admittunt, cadaveris incorruptionem (ut eam vocant) esse miraculo adscribendam, si constet, illum, de cujus agitur cadavere, dum viveret, heroicis fulsisse virtutibus; & hoc modo se evitare posse putant difficultatem ex eo ortam, quod plura inveniuntur corpora incorrupta aliquorum, qui dum viverent, aut præditi non fuerunt heroicis virtutibus, aut vitiis & peccatis fuerunt inquinati. Scacchus de *not. & sign. sanctit. sect. 9. cap. 3.* Matta de *Canonizat. Sanctor. part. 3. cap. 14. num. 3. & num. 14.* Contelorius *ead. tract. de Canonizat. Sanctor. cap. 14. num. 17.* Castellinus de *certitud. glor. Sanctor., in append. ad cap. 6. sect. 1. num. 3.* Bordonius de *mirac. medit. 25. præsertim num. 12.* Pignatellus *consult. 95. præsertim num. 26. tom. 4.* Reyes *quest. 34. signanter num. 10.*

2 Pro hac assertionem facit doctrina D. Thomæ 3. *part. quest. 51. art. 3. ubi*

448 DE SERVORUM DEI BEATIFICATIONE

ubi quaerit, *Utrum corpus Christi in sepulcro fuerit incineratum*, & respondet, non fuisse conveniens, corpus Christi putrefieri: *Ad secundum dicendum quantum ad conditionem naturae passibilis putrefactibile fuit, licet non quantum ad meritum putrefactionis, quod est peccatum*. Itaque virtuti Divinae adscribit, quod sanctum Christi corpus fuerit a putrefactione liberum, & ab illo maledicto *Genes. cap. 3. v. 19. Pulvis es, & in pulverem reverteris*. Ad probandam incorruptibilitatem corporis Christi in sepulcro suppetit etiam Scripturae sacrae testimonium peticum ex *Psalms. 29. v. 10. Quia utilitas in sanguine meo, dum descendo in corruptionem?* quasi dicat Christus: Si corpus meum in sepulcro putrescat, perdetur effusio sanguinis utilitas: cum contra incorruptio corporis Christi mortui sit effectus virtutis Divinae carni & animae Christi triduo mortis indivisibiliter coherentis, necnon idoneum testimonium voluntariae ipsius mortis, uti prosequitur citatus D. Thomas his verbis: *Respondeo dicendum, quod non fuit conveniens, corpus Christi putrefieri, vel quocumque modo incinerari, quia putrefactio cuiuscumque corporis provenit ex infirmitate naturae illius corporis, quae non potest amplius corpus continere in unum. Mors autem Christi (sicut supra dictum est) non debuit esse ex natura infirmitate, ne crederetur non esse voluntaria: & ideo non ex morbo, sed ex passione illata voluit mori, cui se obtulit sponte: & ideo Christus, ne mors ejus naturae infirmitati adscriberetur, noluit corpus suum qualitercumque putrefieri, aut qualitercumque resolvi; sed ad ostensionem virtutis Divinae voluit corpus illud incorruptum permanere*. Suppetit quoque illud *Psalms. 15. vers. 10. Quoniam non derelinques animam meam in Inferno, nec dabis Sanctum tuum videre corruptionem*: quod Psalmistae vaticinium S. Petrus *Actus. cap. 2. v. 31* testatur completum in Christo fuisse: *Providens (David) locutus est de Resurrectione Christi, quia neque derelictus est in Inferno, neque caro ejus vidit corruptionem*. Durandus dixit, corpus Christi non fuisse in sepulcro corruptum, quia Verbum Divinum proficiscebatur, quamvis assumpserit mortem. At Medina eum redarguit, quia, licet Christus fuerit expers peccati originalis, mortem tamen incurrit: atque ita, si violenter non fuisset occisus, in senium venisset, & naturaliter mortuus esset, corpusque ejus fuisset natura sua in cineres solutum, nisi Divina virtus obtulisset, uti ostendit Graveison *de mysteriis & annis Christi dissert. 21. in respons. ad objectiones quest. 2*. Henricus *quodlib. 12. dicit*, Christi corpus ex vi solius unionis non potuisse naturaliter corrumpi. Scotus in *3. dist. 21. quest. unic.* Henricum reprehendit. Suarez autem in *3. part. D. Thoma tom. 2. quest. 51. art. 3. in fine ostendit*, quæstionem inter Henricum, & Scotum non esse circa rem ipsam, sed circa modum loquendi. De Fide ergo est, Christi corpus non fuisse corruptum. Certum item est juxta Theologos, corpus Christi mortuum, ac suae naturae naturaliter relictum, fuisse corruptendum, atque ideo Divinae virtutis fuisse, ut omnino integrum conservaretur. Quapropter mirum esse non debet, si incorruptio cadaverum cor-
rum

rum hominum, qui pie vixerunt, inter miracula recensetur, & inter indicia sanctitatis ipsorum, quemadmodum ponderat Scacchus *oper. cit. sect. 9. cap. 3.* Inter privilegia Christi, atque notas Divina ejus Filiationis a Prophetis decantatas hac quoque incorruptibilitas recensetur &c. Quicumque autem privilegia Christo concessa fuerit, ad ejus sanctitatem præcipue comprobendam data sunt; unde per antonomasiam a Propheta Christus Sanctus appellatur. Ergo ab incorruptione cadaveris non leve, aut perfectorum sanctitatis argumentum, ad effectum Beatificationis, & Canonizationis, adduci poterit.

3 Suffragantur exempla Sanctorum, quorum corpora incorrupta remanserunt. Horum longam seriem unusquisque legere poterit apud Theophilum Raynaudum *oper. tom. 13. de incorruptione cadaverum cap. 8.*, apud Petram sanctam in *thaumasia vera religionis tom. 3. cap. 12.*, apud Auditores Rotæ in relatione causæ S. Isidori Agricola: *tit. de miraculis post mortem, miracul. 1. §. Qua maxime*, & novissime apud Canonicum Boldettum in *observationibus ad Martyrum cœmeteria*. Suffragantur bullæ Canonizationum Sanctorum Didaci, Francisci Xaverii, Ludovici Bertrandi, & Sanctorum Terefix, & Mariæ Magdalena: de Pazzis. Suffragantur relationes Rote Auditorum editæ in causis Canonizationum SS. Bonaventura:, Francisci Xaverii, Paschalis de Baylon, Isidori, Terefix, & aliorum, in quibus, post approbatas virtutes, cadaveris incorruptio inter miracula recensetur; & inter ceteras hujusmodi incorruptiones non est omitenda incorruptio corporis S. Catharina: de Bononia, quod sedens publicæ venerationi exponitur, & omnibus patet. Incorruptionem corporis hujus Sanctæ non naturæ sed miraculo adscribunt non solum nostri Scriptores Christophorus Mansuetus, Dionysius Palæotus, Joannes Flaminus, Jacobus Grassetus in *ejus vita*, Antonius Masinius in *Bononia perlustrata*, sed etiam exteri, Henricus videlicet Spondanus in *continuat. annal. Cardinalis Baronii tom. 2. ad annum 1463.* Abraham Bzovius *annal. Ecclesiast. tom. 17. pag. 484.* Lucas Wadingus *de Scriptor. Ord. Minor. pag. 88.* Raynaldus *ad ann. 1463. annal. Eccles. num. 109.* Ven. Dei Servus Cardinalis Bellarminus *controv. tom. 2. cap. 3. Petrasancta in cit. oper. tom. 3. cap. 12. §. Sed unde sum*, Bollandiani *ad diem 9. Martii*, & re per sua principia philosophica examinata, Fortunius Licetus *de secundo quasitis per epistolas cap. 39.* Joannes Imperialis *de notis Ibericis cap. 16.* Theophilus Raynaudus *de incorruptione cadaverum tom. 13. pag. 58.*

4 Verum, ut ea qua decet, distinctione & claritate procedatur in examinanda cadaverum incorruptione, ut appareat utrum miraculo, an naturæ sit adscribenda, præmittendum esse videtur, nullatenus incorrupta dici posse ea cadavera, quæ longo annorum spatio in sepulcris recondita, iis denique apertis, integra & quasi incorrupta inventa, statim ac aeri exposcuntur, in cineres dilabuntur; uti contigisse legitur cadaveri Tulliolæ Ciceronis filia:, de quo infra, & cadaveri in antro Siciliæ prope
Tom. IV. L I I Dre-

450 DE SERVORUM DEI BEATIFICATIONE

Drepanum invento, enormis magnitudinis, in sede reposito, sinistra manu innixa prægrandi baculo, uti refert Boccaccius 4. *genealogia dorum* cap. 68. & nostris temporibus cadaveri integro & incorrupto reperto die 15. Junii anno 1699. in territorio Clusino. Incorrupta siquidem erant prædicta cadavera specie tantum externa, sed re ipsa jam computruerant, uti explicat Sueffianus 4. *meteorol. cap. ult.* & post eum profequitur Theophilus Raynaudus *cit. oper. cap. 2. num. 2.* & optime Scacchus *de not. & sign. sanctis. pag. 685.* Redactoque sermone ad ea cadavera, quæ incorrupta reperiuntur, & aeri exposita in eodem statu incorruptionis permanent, duo omnino videntur esse perpendenda: primum est, an aliqua causa naturalis præcefferit, cui incorruptio possit adscribi: secundum est, cujus generis sit incorruptio cadaveris, de qua quæstio assumitur. Et hæc est praxis sacre Congregationis rituum, quæ non quascumque incorruptiones cadaverum inter miracula recenset, etiam si constiterit de virtutibus heroicis ejus, de cujus cadavere agitur: sed cum constat de virtutibus in gradu heroico, si proponatur incorruptio cadaveris tamquam miraculum, eam hoc titulo non admittit, nisi præmissis præmittendis, institutoque examine rerum, quas supra indicavimus.

§ Notum est, naturalem aeris temperiem, & locum ipsum in quo cadavera sepulta sunt, eorum incorruptioni maximopere prolesse posse. Galpar a Reyes *cit. quæst. 34. num. 14.* Theophilus Raynaudus *tom. 13. in cit. tract. de incorruptione cadaverum cap. 5. n. 5.* Fortunius Licetus *in allat. cap. 39.* Zacchias *quæst. medico-legal. lib. 4. tit. 1. quæst. 10. n. 16. & 17.* Annis elapsis, hoc est initio anni 1729. in ecclesia sanctæ Crucis Minorum Conventualium Florentiæ inventum est plane incorruptum cadaver Laurentii Salviati Marchionis Juliani defuncti an. 1609. Ea occasione opusculum incerti Auctoris editum est, in quo, cum latis exemplis, demonstratum est, non omnes corporum incorruptiones esse sanctitatis indicia, nec inter miracula recensendas. Eo in opusculo cap. 42. Doctor Carolus Taglinus publicus Professor Philosophiæ in Pisana Universitate interrogatus, quid de cadaverum incorruptione sentiret, ita respondit, ut ante eum responderat Matta *de Canonizat. Sanctis. part. 3. cap. 14. num. 6. & seqq.* Verba autem Taglini sunt hæc: *Varie esser possono le cagioni, per cui i corpi agevolmente si corrompono, o per l'opposto incorrotti si conservano lungamente. Alcune, se favellar soltanto vogliamo delle naturali, attribuirsi debbono o all'aria qualora stanno ad essa di continuo esposti, o pure alle qualità del terreno, allora che vengono da quello ricoperti.* Post hæc idem Philosophus certum esse docet, aerem colligere & conservare varia genera exhalationum manantium a globo tetraqueo, & cum habeat aditum expeditum & liberum in corpora, posse ad longum tempus ea vel conservare, vel cito destruer. Addit, destructionis causam esse halitus per aerem vagantes nimium humidos & sic paulatim relaxantes texturam fibrarum; incorruptionem contra, causam habere ab iisdem halitibus sua natura siccis, & sic aptis ad
ex-

exsiccamand humiditatem, quæ sparsa inter fibras, & in canalibus collecta corpus corrupisset: de loco autem, in quo cadavera sepulta sunt, ita loquitur: Ciò, che dissi degli aliti, e della diversa operazione loro, si può a buona equità dire delle varie sorte di terreni, in cui vengono i corpi seppelliti: mercè che ve ne hanno alcune di sì fatta natura e qualità, che in breve spazio di tempo logorano, consumano, e divorano la carne de' cadaveri; come appunto fra queste si poteva molti anni addietro annoverare la terra del Camposanto di Pisa trasportata da paesi stranieri, che in brevi ore spolpava i corpi morti, avendo ella oggidì quasi perduta affatto una tal possanza per la gran copia de' cadaveri ivi sepolti. Altra ve n'ha, che tutto al contrario di questa conserva lungamente i corpi, siccome si narra esser quella della città di Lima, la quale, scavata in fosse, conviene che sia copiosamente bagnata, acciocchè consumi e corrompa i cadaveri, che ricopre. Huc referri possunt, quæ leguntur apud Philippum Camerarium centur. 1. hwar. subscivo. pag. 86. & 87. de Insulis quibusdam, in quibus hominum corpora nec humantur, nec putrescunt, sed sub dio exposita permanent incorrupta, hominesque ea conspiciunt, & cognoscant avos, & atavos: Mirum est, quod Ortelius (in theatro Orbis tabula decima de Hibernia) ex Gyraldo Cambr. notavit, in Artanici Insulis hominum corpora non putrescere, ideoque non humari, sed diu exposita permanere incorrupta. Sic homines avos, atavos, tritavos, longamque stirpis sue stirpem magna admiratione cognoscere. Idem mos est quibusdam Indis Occidentalibus in Comagra, ut Petrus Martyr refert: & huc quoque respicere videtur allata a Felice Platero in centuria posthuma quæst. 9. ubi narrat corpora terræ mandata, si alte defossa fuerint, minime putrescere, & post plures menses, & longa annorum spatia integra spectari: Falsam Magnatorum perfidiam hic videre licet, qui, naturali hac corporum a putredine vindicandi ratione neglecta, artificiali per balsama utuntur; & Platero adhærent Georgius Hornius histor. natural. & civil. lib. 1. cap. 9. pag. 29. Joannes de Mey physilog. sacr. loco 30. super Genesis cap. 50. pag. 86.

6 Notum quoque est, ejusmodi naturalem temperationem in cadaveribus reperiri posse, ob quam diu persistere valent, uti prosequitur citatus Taglinus: Alle ragioni da noi fin qui divise aggiunger si può lo special temperamento de' corpi, la tessitura delle parti, la qualità degli umori, ed altre simili affezioni o state loro concedute dalla natura, o procacciate con arte, e con industria; veggendosi fra' corpi, comechè della stessa specie, e particolarmente fra gli animali, esservene alcuni di temperamento umido, e di fibre assai deboli e fluide, altri poi dotati di qualità contraria, e di una tessitura assai forte e gagliarda; e perciò i primi, subito che manca loro lo spirito, che li vivifica e li mantiene, pronti sono a corrompersi; ed i secondi facili a conservarsi, particolarmente se abbiano menata una vita grandemente sobria e parca. Scribit Rejes cit. quæst. 34. num. 17. memoratam naturalem temperationem, per quam diu cadavera persistere possunt, acquiri posse etiam vi morbi, ut in Hæctica, Marasmoque affectis, in quibus tota pene corporis humiditas caloris & siccitatis

tatis morboſæ vi depaſta efficit, ut quod reſiduum carnis relinquitur, tamquam fumo induratum diu putredine non infeſtetur. Subſcribit Zacchias loc. cit. num. 18. Facit quoque, ut diximus, ad citam corporum corruptionem genus morbi, quo cadavera fuerint extincta: ſi enim ſiccum fuerit, ut *Marasmus*, *tubercula*, *aridiſſima febris*, & huiusmodi, difficilius; ſi humidum, & a magna putredine ortum ducens, abſque mora corrumpuntur. Idemque dicendum eſſe videtur de iis, qui moriuntur ictu fulminis, teſte Plutarcho 4. *ſympoſ. queſt.* 2. cum caloris vis humiditates corporis abſumat, eaſque reddat ineptas putredini. Quare legitur de undecim meſſoribus in Lemno Inſula, qui cibum ſub quercu ſumentes, tacti de cælo ſunt, eos eodem ſitu hæſiſſe jam exanimis, quo fuerant viventes. Idem etiam proſequentur Alexander Taſſonus lib. 4. *variæ queſt.* 11. & Theophilus Raynautus in opere allato cap. 5. num. 9. Addit Rejes concors Taglino, temperationem, per quam diu putredini corpora reſiſtant, acquiri poſſe ex paſſimonia victus, & aſtueritate vitæ: nutritio quippe corpore tenuiſſimo victu, ob debitæ alimonie defectum naturalis calor, qui pabulo neceſſario indiget, omnem corporis humorem devorat, & velut arefactum, quod reliquum eſt, dimittit; quo in caſu ob humidi defectum homo tandem moritur. Huc referri poſſunt, quæ ſæpe obſervata ſunt in cadaveribus, Anachoretarum, & Diſcalceatorum Fratrum, quæ, apertis ſepulcris, ubi diu antea poſita fuerant, prorsus incorrupta inventa ſunt. Franciſcus Bacco Baro de Verulamio in *ſilva ſilvarum, vel hiſtoria naturalis* centur. 8. *experim.* 771. graviter philoſophatur quærens, quomodo putredo diutiſſime a corpore prohiberi poſſit, & ait, id fieri poſſe, ſi quatuor putredinem efficere ſolita prohibeantur, primum eſt, ut excludatur aer, qui corpus tacite ſubruit, & in ejus diſſolutionem erumpit: ſecundum, ne corpus, quod illi adjacet, ejuſdem ſit materiæ, ſed heterogeneum plane quoad corpus conſervandum; ſic enim alterum recipere nihil, ex altero egredi nihil poteſt: talia ſunt mercurius, ſuccinum album, baſamum, mel, cera, gutturi, & ſortale nivium conditoria: tertium eſt, ut corpus conſervandum non ſit ea mole, ut ſpontè diſfluere poſſit in corruptionem, etiam nihilo ejus egrediente in aditum corpus: ultimum, ut corpus continens ſit præditum facultate attrahendi & exſiccandi humidum corporis contenti, ne putredo interius inchoata invaleſcat.

7 Mixto quæ apud nonnullos leguntur, vel de planetis, quæ ſuo influxu corpora tempore mortis reddunt minus obnoxia putredini; vel de iis, qui naſcuntur aut ſexto kalendas Febr., aut tertio kalendas, & Id. Febr., quorum corpora integra dicuntur conſervari uſque ad diem Judicii; vel de his, qui obeunt in excommunicatione, quorum cadavera in poenam ſceleris, ob quod excommunicati fuerunt, juxta nonnullos, minime corrumpuntur; vel de alijs, quorum cadavera incorrupta permanent arte Dæmonis, de qua incorruptione plura habentur apud Theophilum

philum Raynaudum in *allat. tract. cap. 7. num. 1. usque ad 7.* cum cadaverum in corruptiones ob planetarum influxum, ob nativitatis dies, & ob excommunicationem a cordatis viris inter fabulosa recensentur; & Dæmoniæ ex sæpe dictis nihil habeant cum re, de qua nunc agimus, commune. Naturalibus causis supra expositis, quibus cadavera a putredine defenduntur, artificialis superaddenda est, quando videlicet cadavera balsamo illinuntur, quæ a nonnullis iccirco balsamatio dicitur, ab aliis conditura a condire, ab aliis *mumificatio* propter analogiam ad *mumias* Veterum, ab aliis *unctura feralis*, ab aliis *medicatio aromatica*, ab antiquioribus denique *pollinctura* appellatur a vetusto verbo pollingo, seu pollincio. At, retento communi balsamationis nomine, ejus definitio hæc est: Balsamatio vel conditura est operatio artificiosa, quæ corpus humanum a perito Medico per balsmicas rerum medicamentosarum qualitates vel cum, vel sine exenteratione & dissectione ita preparatur, ut plures annos integrum duret, & a putredine aut corruptione liberum conservari possit: quam definitionem ponit & latissime explicat Joannes Jacobus Mangetus in sua novissima Bibliotheca chirurgica tom. 1. lib. 3. pag. 179 ubi omnia colligit, quæ ad balsamationis cadaverum materiam spectare possunt. Petrus quoque de Argellata, Gregorius Horitius, Petrus Forestus, Thomas Bornetus, Ulyses Aldrovandus, Ambrosius Pareus, Andreas Mattioli, Simon Paulus, Joseph Donzelli, Carolus Patinus, Stephanus Blancardus, Joannes Daniellus Gejerus, Georgius Tobias Durrius, Moyse Charas, Gabriel Clauderus, Joannes Helfrigus Jungen, quorum meminit Joseph Lanzonus, Philosophus & Medicus Ferrariensis, in tractatu de balsamatione cadaverum, varios modos balsamationis exponunt, de quibus etiam multa habentur apud citatum Theophilum Raynaudum cap. 6. apud Calmet ad cap. 50. *Genesius*, & apud Scacchum in *myrobecio sacror. elenchis*. Huc spectant, quæ habentur in cit. cap. 50. *Genesius*, ubi Joseph præcepit servis suis Medicis, ut aromatibus condirent corpus patris sui defuncti; quod habetur *Matthæi* 26. ubi Christus Dominus, cum esset in domo Simonis leprosi, & mulier habens alabastrum unguenti pretiosi effudisset super caput ejus, ait: *Mittens hæc unguentum hoc in corpus meum, ad sepeliendum me facis; & quod habetur Joannis* 19. ubi Nicodemus secum tulit *misturam myrrhæ & aloes* quasi centum libras, & corpus Jesu alligatum linteis cum aromatibus, juxta morem Judæorum, sepulture traditum est. Et, quatenus dicatur, hæc non potuisse tanti esse momenti, ut corpora a corruptione & tabe servarent (loquendo de corporibus Hebræorum, & non de corpore Jesu Christi, quod virtute Divina a corruptione servatum est, juxta ea quæ superius dicta sunt) sed duntaxat efficerent, ne corpora statim resolverentur, juxta ea quæ habentur apud Calmet in *differrat. de funeribus, & sepulturis Hebræorum*; ad longissimam a corruptione corporum vel balsamationis tutelam referri possunt *Ægyptiæ* cadaverum conditura, quæ *Mumie* appellantur. Licet enim nonnullis persuasum sit, Mumias esse eorum cadavera, quæ vi ventorum in arena sepulta, nova exoriente

VENTO-

ventorum procella reteguntur, & sole conficiuntur, quod forte sumptuerunt ab Herojoti historia, in qua narratur, Cambisem in sua expeditione adversus Ammonios una cum suo exercitu vehementi austro arenis interceptum & obrutum fuisse; recepta tamen hodie sententia est, Mumias prædictas nihil aliud esse, quam cadavera balsamis lita, & hoc artificioso modo conservata post longissimam annorum seriem, quemadmodum fusc exponitur apud sæpe citatum Theophilum Raynaudum cap. 6. n. 41. pag. 46. tom. 13. & apud Auctorem Anonymum jam supra allatum de naturali incorruptione cadaverum cap. 39. Sub eadem classe comprehendì possunt & multa exempla cadaverum, quæ inventa sunt incorrupta: illud videlicet Bonifacii P. VIII. Inclinatiss quippe parietibus antiquæ basilicæ Vaticanæ ab Imperatore Constantino extructæ, cum pro magnificentia novi operis facellum S. Bonifacio sacrum everteretur jussu summi Pontificis Pauli V. in eo inventum est sepulcrum prædicti Bonifacii, in quo visum est corpus ejus incorruptum post trecentos & duos annos a die obitus, corruptis tantum naso & labiis, magna astantium admiratione, ut ex publicis tabulis constat editis apud Raynaldum ad ann. 1303. num. 44. ex quo corrui putida illa fabula, Bonifacium videlicet Pontificem sese rabiose dentibus dilaniasse, & hoc modo mortuum fuisse, veluti observat Pagi in breviori. Romm. Pontif. tom. 3. in ejus vita num. 74. & ante eum adnotavit Michael Maucerus in opere de monarchia Divina, Ecclesiastica, & Seculari, ubi part. 4. lib. 7. col. 2390. hæc de Bonifacii morte scripta reliquit: In Vaticano palatio spiritum Deo reddidis: nec furenti similis, ut quidam falso Calumniatorum, Hæreticorum, Schismaticorumque deliria stenti scripsere, sed pleno judicio, integroque rationis sensu, vera commissorum peccatorum sacris contritione cordis excessit & vita: illud cujusdam Cardinalis Angli ante trecentos annos defuncti, quod in templo Sanctæ Cæciliæ trans Tiberim in Urbe inventum est prorsus integrum, & nulla labe contaminatum: illud Alexandri Tartagni clarissimi Jurisconsulti, quod post centum & quinquaginta annos ab obitu integrum, & nihil labefactum repertum est in ecclesia Sancti Dominici Bononiæ, quemadmodum narrat Zacchias contemporaneus Auctor l.c. cit. num. 13. ut interea silentio præteratur, id, quod legitur in epistola Heraclii Imperatoris ad Saphoclem amicum suum, in qua narrat, se invenisse corpus integrum & incorruptum Cleopatæ Reginæ, quod in eo statu permanerat spatio centum & viginti sex olympiadum: & silentio pariter prætereantur, quæ leguntur apud Raphaelem Volaterranum operum lib. 31. tit. de modo funerandi sic dicentem: Ungebantur quoque corpora, & cum aromatibus condebantur tanta cura, ut nec Roma tales fuerint, ante paucos hos annos feminam in tumentis Albanis fuisse effissam supra mille trecentos annos defunctam, ut e vestigio sepulcrorum animadverterimus, integram membris, crasso operiam unguento; & apud Alexandrum ab Alexandro lib. 3. cap. 2. in fin. Genialium dierum similia narrantem: Memini, dum Romæ agerem, in vetustis sepulcris, quæ in via Appia plurima

visuntur, inter edificia, hortosque, interque coagmenta lapidum erutum cada-
ver fuisse multo ævo verustum adolescentula mulieris, facie, capillo, oculis, na-
ribus, & reliquis lineamentis prorsus integris & incorruptis, nisi quod vestigia
liquaminum, & unguentorum, quibus delibutum fuerat, apparebant. Vola-
terranus, & Alexander locis citatis loquuntur de cadavere Tulliolæ Cice-
ronis filiz, de quo supra habitus est sermo, quod incorruptum existima-
runt, quamvis paulo post computruerit, teste Cælio Rhodigino antiquar.
lection. lib. 3. cap. 24. Cum Pontifex Sixtus ejus nominis IV. Reipublica Chri-
stiana præfideret, compertum Roma in via Appia e regione Ciceronis conditoris
muliebre cadaver, quod ex inscriptione conjectatum est fuisse Tulliola. Id erat
aromatibus ita conditum, ut temporis injuriam non sentiret. In eo vissebantur
capilli aureo impliciti reticulo, summa omnium admiratione, reperiri aliquid,
in quod anni mille quingenti fere nil prorsus evaluissent. Ceterum cadaver in
Urbe delatum tridui mora computruit, medicamine amoto, aut vitiat. Quo-
circa concors est Scribentium opinio, integra & incorrupta servari cor-
pore unguentis & balsamis bene delibuta per longissima temporum spa-
tia. Fortunius Licetus de lucernis sepulchralibus lib. 4. cap. 4. hæc habet:
Ubi per multos menses, nedum per annos plurimos hujusmodi medicamen in eo cor-
pore manserit, non posse postea ulla ratione ab eo removeri; siquidem altissime
penetrat horum omnium vis, & cum virtute materia penitiores corporis defuncti
partes, ita ut amplius ab eo separari non posse videatur. Gaspar a Rejes in al-
lata quest. 34. num. 33. Constat igitur, non annorum centena tantum, sed mil-
liadas etiam corpora sic condita durare incorrupta & integra potuisse, nulla carie,
nullo deficiente rabo maculata: quem sequitur Madgetus in cit. lib. 3. cap. 2.
Concludamus igitur, cadavera medicata ad multissimos annos incorrupta posse con-
servari non sine magno inspiciebatum stupore; quemadmodum apparet hodie in Ma-
gnatum museis, & celeberrimis pharmacopis: in illis enim, & istis & corpora
integra, & corporis humani partes medicamine accommodata conspiciuntur. Petra-
sancta in thaumafia vera religionis, ut de incorruptione corporis S. Catha-
ripæ Bononiensis judicium ferri posset, litteras dedit ad Jacobum Alber-
gatium, quibus exquisivit, an corpus hujus Sanctæ ante trecentos annos
mortuæ fuisset umquam unguentis, seu aromatibus delibutum; cumque
Albergatus respondisset, Nullo unguento nisi sanctitatis suæ, nullo aromate
nisi orationis, nullo balsamo nisi virginitalis, nulla myrrha nisi lacrymarum
suarum, incorruptum remanere corpus; ex his infertur, ipsos in ea fuisse
opinionem, ut etiam post sæculorum lapsum potuerit corpus incorruptum
naturaliter servari, & citra miraculum, si fuisset aromatibus, aut balsa-
mis illitum. In causa autem S. Margaritæ de Cortona, me uti Fidei Pro-
motore urgente & comprobante, corpus fuisse balsamo delibutum, non
potuerunt Postulatores obtinere, ut ejus incorruptio inter miracula
recenseretur, quamvis incorruptionem durasse dixissent per quatuor, &
ultra sæcula.

8 Si itaque ex hucusque allatis, cadaverum incorruptio ab aeris natu-
 ra,

ra, a loco, in quo cadaver sepultum est, a recensitis aliis qualitatibus, & a medicamentis naturaliter oriri potest, ecquis erit, qui, statim ac pronuntiatum est. *Conflare de virtutibus heroicis*, si inter miracula proponatur corporis incorruptio, possit pro miraculo iudicium ferre, non premisso sedulo examine, an aliqua præcefferit causa naturalis, cui incorruptio adscribi possit? Et quidem eo magis, quod multo plura sunt Sanctorum corpora, quæ corruptioni fuerunt obnoxia, quam que remanserunt incorrupta. Absolutum illud pro miraculo iudicium rectæ rationi adversatur, & Sedis Apostolicæ praxi. Certe Auditores Rotæ in relatione causæ S. Paschalis Baylon, cum ageretur de corporis ejus incorruptione, stricte voluerunt examinare, an ea virtuti calcis vivæ, qua corpus fuit coopertum, adscribi posset. Melchior Corneus, Societatis Jesu Scriptor, in suo opere Moguntiæ impresso anno 1652. cui titulus *Miracula Ecclesiæ catholice defensa*, scribens adversus Joannem Conradum Danhaverum Prædicantem Argentinensem pag. 39. & agens de mirabili incorruptione corporis S. Francisci Xaverii in calce viva sepulti, scribit, eam non prodesse, sed obesse incorruptioni, cum more receptum sit in quibusdam regionibus cadavera in calce viva sepelire, ut citius carnes exedantur. In relatione causæ S. Ludori de loco sepulture sermonem instituerunt investigantes, num incorruptioni prodesse potuisset, an potius obvisset. In relatione causæ S. Jacobi de Marchia ad tit. *de ornatu sepulcri* similia examinarunt. In relatione prima de miraculis S. Terefiæ ad tit. *de exhumatione corporis* inquisiverunt, an corpus fuisset unctum balsamo, an venter esset plenus intestinis, an Sancta, dum viveret, fuisset pinguis: & in relatione causæ S. Francisci Xaverii (*in miraculo primo post mortem*): *Ea autem (setmo fit de incorruptione) potest esse vel media arte, ut si corpus fuerit unguentis delibutum, vel si in loco nimis sicco & arido fuerit collocatum, vel quia corpus ipsum humore careat, & ideo potius arefeat, quam putrescat, vel eandem contingere id potest ex speciali gratia*. Ipsi Fidei Promotores in suis animadversionibus non desisterunt opponere, vel corpus fuisse aromatibus conditum, quemadmodum videri potest in animadversionibus factis a Prospero Bottinio Archiepiscopo Myrensi Fidei Promotore in causa Beatificationis tunc Servi Dei, nunc Sancti Alonsi Turribii; in animadversionibus factis ab ejus Antecessore Petro Francisco de Rubéis in causa S. Mariæ Magdalene de Pazzis, quibus præstantissimi sacræ Confessorialis aule Advocati Nicolaus, & Marcellus, pater, & filius de Severolis facisfacere docte conati sunt, ostendendo, corporis incorruptionem nec a naturalibus causis, nec ab artificialibus manasse; & demum in animadversionibus a me factis, dum munere iungebar Fidei Promotoris, in causis S. Jacobi de Marchia, & S. Margaritæ de Cortona; uti supra dictum fuit: & quod caput est, ipsa sacrorum rituum Congregatio, quando solum corporis incorruptionem miraculo adscripsit, miraculo (inquam) tanquam fundamento Beatificationis & Canonizationis, quod non ita

fre-

frequenter contingit, ut infra videbitur, in suis Decretis verbum fecit de exclusione causæ naturalis incorruptioni faventis, quemadmodum colligitur ex decreto edito in causa S. Ludovici Bertrandi die 4. Octobris 1667. impresso post *Summarium Privilegiorum* collectum a Fratre Antonio Gonzalez: *Sacra rituum Congregatio Eccl. quatuor miracula approbavit Eccl. nempe preservationis ejus corporis a corruptione, quamvis in loco allucinationibus obnoxio, non exenterati Eccl. cum intestinis ipsis adeo ad corruptionem proclivibus humo traditi. S. Gregorius Turonensis lib. de gloria Confessorum cap. 35. narrat, in urbe Arverna, nunc Claromontio, apertum fuisse quoddam sarcophagum, inventumque fuisse corpus cujusdam puellæ omnibus membris solidis, integra facie, manibus & reliquis artibus incorruptis, & cum ingenti cæsarie. At ingenue subjicit: Credo tam-aromatibus fuisse conditam. Anno 1642. in urbe Carpentoractensi inter concamerandum pavimentum templi maximi refoffus est locus cum integro corpore. Rogatus Theophilus Raynaudus ab amicis, ut suam de ea incorruptione proferret sententiam, tractatum edidit saepe allatum de *cadaverum incorruptione*, & in examine incorruptionis stricte inquisivit de peculiari corporis conditione, de efficacia & vi soli, in quo corpus sepultum fuerat, & de balsamationis defectu; & in capite finali Operis, exclusis omnibus causis naturalibus & artificialibus, conclusit, corpus esse seponendum, & in loculo separatim condendum citra cultum omnem ac religiosam venerationem, ut expectetur, an Deus per aliqua opera supra naturam manifestare dignetur, quo in loco sit anima, quæ corpus illud aliquando inhabitaverat.*

9 Hactenus de causis naturalibus & artificialibus, ob quas citra miraculum potest cadaver incorruptum persistere; & de quibus serio agendum est etiam post latum de virtutibus favorabile judicium, antequam incorruptio miraculo adscribatur. At, ut incorruptio inter miracula recensetur, non solum oportet, causas quasque naturales & artificiales ab incorruptione avertere, sed etiam absolute necessarium est, ut ipsa qualitas incorruptionis serio attendatur: potest enim esse, ut aliquod cadaver sit incorruptum, nec incorruptio maneat a causa naturali vel artificiali, & nihilominus incorruptio non sit miraculo adscribenda. Utque id bene percipiatur, adnotandum est, varios esse corruptionis modos, sed duos esse præcipuos; putredinem videlicet, ex qua corpora disflunt, & in tabem abeunt, quæ proprie est corruptio; & exsiccationem, ex qua eadem corpora paulatim, & longo annorum cursu exsiccantur, quæ vera est corruptio, quamvis vulgo habeatur pro incorruptione, quemadmodum recte scribit Zacchias *quest. medic-legal. lib. 4. tit. 1. quest. 10. n. 2.* Aristoteles, seu potius ejus Interpretes putredinis nomen tribuit etiam corruptioni ex ficcitate; sed melius Galenus 5. *de simplicibus cap. 5. Ceterum* (inquit) *non quidquid corrumpitur, putrescere dicimus, sed quibus id cum fure accidit.* Et lib. de *marcore cap. 1. ait: Marcor est omnium corporis præfatura.*

Tom. IV,

M m m

cita-

citare corruptela. Quocirca caricæ, alique fructus, immo & animalium carnes sumo, acere, vel sale exsiccatæ, quæque, humidioribus partibus paulatim absumptis, ad diuturnam conservationem disponuntur, nullatenus putridæ quidem dici possunt, non autem incorruptæ: & sic omnis putredo est corruptio. sed non omnis corruptio est putredo, quemadmodum bene adnotavit alias a Nobis cum laude commemoratus Jacobus Sinibaldus Medicus Collegiatus Urbis & publicus Professor in suo suffragio pro veritate edito, dum agebatur de incorruptione corporis S. Jacobi de Marchia.

10 Polito, non solum corruptionem esse, cum corpora putrescunt, sed etiam cum exsiccantur, ut incorruptio inter miracula recensetur, tum putredo tum exsiccatio a cadavere abesse debet, quemadmodum bene adnotavit Scacchus de not. & sign. sanctit. sect. 9. cap. 3. pag. 684. in fin. Hinc colligas, non posse cadaver, aliquod dici incorruptibile vel incorruptum, ex eo quod ad multum tempus integrum permanserit, nisi vere & realiter nullum passum sit alterationem neque in colore, neque in carne, neque in ossibus, neque quoad odorem, & nisi unguis integrum etiam quoad contactum persisterit. Quod prolequitur Zacchias loc. cit. num. 24. Sed, his relictis, ego puto, cadavera intacta per manentia nullo artis, aut Dæmonis ministerio miraculose servari, dummodo hæc incorruptibilitas perfecta sit, ita. ut cadaver ne exsiccationem quidem patiatur, sed secundum corruptiviores etiam partes integrum ac vividum, non secus quam si in vasa homo degeret, conservetur. Et paulo post, num. videlicet 29. hæc addit: Cum vero, ut notum est, naturaliter omnia cadavera corrumpantur & putrescant, sciendum est, ad majorem miraculi evidentiam, ut superius dixi, cadaver ex miraculo incorruptum servatum debere non solum secundum solidiores & sicciores partes tale conservari, sed etiam secundum molliores & humidiores, & secundum eas, quæ magis sunt putrefactioni obnoxia: & hæc quidem ab omni genere putrefactionis immunis sint oportet; sunt enim, ut superius quoque dictum est, putredinis plures modi, seu potius gradus, secundum quos alia cadavera, in quibus calor multus putredinalis, & humidum viget, in vermes, & alia insecta abeunt; alia secundum humidiores præcipue partes in tabem convertuntur; alia situm contrahunt; alia, in quibus carnes ac viscera omnia diffluunt; alia ceteris sicciora, & in quibus calor mordax & acer viget, humidioribus partibus absumptis, resiccantur, & diutius durant; omnia tamen putrescunt in majori aut minori gradu, ita ut, quamquam hæc posteriora minorem putredinis gradum attingunt, & ceteris diutius ac melius, & quasi incorrupta servari videntur, non sufficeret tamen hoc ad miraculi probationem, quia & ipsa ressecatio putredo quædam est. Concors est Reyes quasi. 34. num. 7. Illud in primis observari debet, quod non solum secundum solidiores & sicciores partes salus incorruptio inveniri debet, sed etiam secundum molliores & humidiores, & secundum eas, quæ magis sunt putrefactioni obnoxia: quare & dictas partes ab omni corruptionis & putrefactionis genere immunes esse oportet &c. Illud præterea addiderim signum fere maximum &c. si in illis, quæ sic permanent,

cor-

corporibus (præter colorem, qui quasi viventium floridus, ne minimum quidem mortuorum pallore suffusus aliquoties in Sanctorum vultibus post mortem adhuc persistere observatus est) non rigida artuum compago, sed flexibilis tractabilisque apparatus. Sanctorellus in postpraxi medica cap. 42. querit, cur, etiam si omnes partes corporis sint incorruptæ, extrema tamen pars narium ferè semper desideretur; & respondet, non esse partem illam corruptam, quamquam videatur corrupta: videtur autem deficere eam ob causam, quia extrema pars narium cartilagini hæret, non alicui ossi; cartilago autem exsiccata facile contrahitur, contracta illa, contrahitur caro cutisque illi innixa. At Jacobus Sinibaldus in suo citato suffragio edito in causa S. Jacobi de Marchia subjicit, hoc esse concedendum Sanctorello, sed illam siccitatem, quæ tantam contractionem in cartilagine facere potuit, nihil aliud esse, quam signum evidens corruptionis ex marcore: & ad rem, de qua nunc agitur, faciunt relata per Ven. Bedam lib. 4. histor. Anglorum cap. 30. ubi agens de corpore Sancti Cuberti invento & recognito post undecim annos ab ejus obitu hæc habet: *Aperientes sepulcrum invenerunt corpus totum, quasi adhuc viveret, integrum, & flexilibus artuum compagibus multo dormienti, quam mortui similis; & lib. 4. histor. cap. 19. agens de corpore Sanctæ Edildridæ Virginis etiam post conjugium cum Esfrido Anglorum Rege, hæc addit: Cum corpus sacra Virginis ac Sponsæ Christi, apertum sepulcro, esset prolatum in lucem, ita incorruptum inventum est, ac si eodem die fuisset defuncta, sicut & præfatus Antistes Wilfridus, & multi alii, qui novere, testantur.*

11 Viam modo signatam tenuere certe Rotæ Auditores in relatione causæ S. Terefiæ, cujus corporis incorruptionem miraculo adscriperunt. Observant quippe, corpus in capsâ lignea inclusum, extis nullis extractis, absque ullius balsami medicamine, post novem menses inventum fuisse incorruptum, integrum, flexibile, agile, & tractabile, & dicto odorifero liquore suffusum, & mirifico odore plenum ita, ac si besterna die terra mandatum fuisset; post tres annos in eodem statu permanfisse integrum, & incorruptum, & tractabile, & cum eodem odore, & liquore &c. simili modo rem se habuisse, cum corpus translatum fuit ad civitatem Abulæ; tunc enim fuit recognitum per legitimos testes, qui Matrem Terefiam vocam cognoverant, esse ipsius illudmet corpus; & tunc fuit etiam repertum plenum carne, & cum eadem incorruptione, & integritate, flexibilitate, odore, & liquore, & cum quadam agilitate, & levitate, ut nullatenus esset ponderis unius infantis duorum annorum; quin & caro erat ita tractabilis, quod digito percussa concava redderetur, & digito moto, caro surgeret, & elevaretur; iidemque omnino qualitatibus præditum Sanctæ corpus repertum fuisse in binis aliis visitationibus, quarum altera facta est post decem annos, altera post viginti duos ab ejus obitu, quemadmodum videri potest in allata relatione.

12 Prædictas quoque theoricæ amplexi sunt, iidemque vestigiis in-

460. DE SERVORUM DEI BEATIFICATIONE

hæserunt celeberrimi Bononiæ Medici acciti ad iudicium ferendum de incorruptione corporis nostræ Sanctæ Catharinæ, quam tot Scriptores & cives, & exteri, aliqui Physici jam supra memorati miraculo adscripserant. Doctor Albertus de Fabris vir clarissimus suum iudicium his verbis expressit: *Se io ho da dire la verità di quello che sento, parmi di poter dubitare della incorruttibilità di questo venerabile corpo supra vires natura: e la causa parmi che sia il mancare a questo venerabile corpo la condizione principale, cioè, che è tutto, o la maggior parte delle parti abbiano la consistenza dello parti, e la sostanza, e la trattabilità necessaria per istabilire una incorruttibilità supra vires natura, e veramente miracolosa. E benchè qualche accidente possa indicare il contrario, ad ogni modo, stanto la mancanza accennata, parmi poter' asserire; come ho deposto saltem secondo il presente stato. Joannes Galeatius Manzius celebris nominis Physicus, dum viveret, ita locutus est: Da quello, che ho veduto cogli occhi (precisa ogni notizia istorica, e qualsivoglia altra cognizione, che conseguentemente si possa avere di detto beato corpo) l'ho veduto essiccato universalmente in tutte le parti rispettivamente alla cute e membrana a lei sottoposta delle braccia, e spalle, collo, capo, e delle ginocchia sino a' piedi, con durezza e tensione ineguale, più cedente al tatto verso le clavicole, o nella parte più grossa delle gambe, sotto la pianta del piede destro, o sotto la piegatura del ginocchio sinistro: e sembra ridotto a tale stato da una successiva essiccazione dalle umidità, dall' ordinario trattamento delle quali, ed impedita traspirazione succede per lo più la corruzione de' corpi. La stessa essiccazione ho osservato in tutti gli articoli del detto beato corpo, a cagione della quale alcune parti poco, altre nulla sono flessibili: sicchè il posto di questo membra pare poterli credere essere successivamente per ordine di varie disposizioni ridotto allo stato, in cui di presente si ritrova. Cautè quoque clarissimus Malpighius de mirabili incorruptione sermonem habuit: Considerando le parti, che costituiscono un corpo, mentre l'è lasciato dall' anima, che molte di quello non si trovano incurrate nel caso nostro, come sangue, pinguedine, parti molli di carni, ed altre simili; ma di tutte quelle parti se n' è fatta una tale composizione o mole, la quale conserva una configurazione di un corpo umano, ed un adombramento di quelle prime parti; e tutto questo aggregato conservandosi, par che dia qualche segno di cause superiori alla natura ordinaria, perchè non vi sia stata altra causa esterna artificiale. Alii Periti in diversum sensum abierunt, intrepide sustinentes, beati corporis incorruptionem inter miracula esse recensendam. Prosper Bottinijus tunc Fidei Promotor in suis animadversionibus, fundamenta contra miraculum incorruptionis allata ab Alberto de Fabris, & Joanne Galeatio Manzio, cautumque loquendi modum Malpighii magno in pretio habenda esse iustiniuit. Angelus Modius Medicus Physicus Urbis accitus, ut suum pro veritate ferret iudicium, Fabrum, Manzium, & Malpighium ceteris dixit præferendos, novisque fundamentis ipsorum assertiones firmavit. Iussu Clementis XI. ipse, juvenis cum ætate, nec adhuc in collegium Confessorialis aule Advocatorum adscitus, patrocinium*

assumpti causæ meæ Concivis Sanctæ Catharinæ, atque tum scriptis, tum dictis omnem lapidem movi, ut corporis incorruptio inter miracula recenseretur. Communem Scribentium sensum de incorruptione miraculo tribuenda proposui; rationes allatas a Fortunio Liceto resumpsi; Peritorum miraculo faventium assertiones & fundamenta magnopere extuli. Addidi, de incorruptionis miraculo mentionem habitam fuisse in Martyrologio Romano, in Missa, & in Officio indultis in honorem prædictæ Beatæ. At omnia incassum ceciderunt, cum responsum fuerit, communi Scribentium sensui non esse deferendum, quod scripserint quæ audiverant, aut quæ viderant, sed vel re non examinata, vel sine experientia, & cognitione ejus; Fortunii Liceti, & aliorum Physicorum tempore potuisse incorruptionem accedere ad miraculum, sed miraculum non perdurasse usque ad tempus, quo ejus approbatio petebatur, cum mollietis & flexibilitas partium beati corporis antiquiori quidem tempore non deesset, ut ex variis monumentis colligebatur, sed ea tempore, quo instantia urgebatur, non adesset. Fabri, Manzii, & clarissimi Malpighii auctoritas, quæ meæ assumptioni adversabatur, maximopere pro-
fuit in aliorum miraculorum approbatione, quæ Canonizationis fundamentum fuerunt. Cum enim sanationes quasdam iidem egregii viri esse supra vires naturæ autumassent, tum Sanctitati Sæ, tum Eminentissimis Cardinalibus, & Consultoribus totis viribus insinuaui, plurimum eorum dictis esse deferendum, tum propter proximam in rebus physicis peritiam, tum quia, si corporis incorruptionem vires naturæ excedere non dixerunt, hoc ipsum de sanationibus dixissent, si eas veri miraculi rationem habere non existimassent.

13 In causâ e contrario S. Mariæ Magdalene de Pazzis corporis incorruptio tamquam miraculum fuit approbata; sed corpus inventum fuit molle & tractabile, & conservatum non solum a putredine, sed etiam ab ariditate, ut ex processu Florentino in ejus causâ compilato fol. 240. *Detecto sacro corpore &c. tam supradicti Illustrissimi & Reverendissimi DD. Judices, quam DD. Subpromotores Fidei, duo Medici, ac Testes, & ego Notarius causa omnes accedentes viderunt &c. dum premeretur manus circa pectus, carnem esse mollem & flexibilem seu palpabilem, ita ut pressa elevabatur; quod quidem magna admiratione, præcipue doctorum Medicorum, recognoverunt. Ingentem etiam supra vestem tacto, dum sentiebatur, pellem post pressum elevari &c. Concordat bulla Canonizationis (cod. Canoniz. pag. 398.); Decrevit, constare de quinque miraculis post indultam Beatæ venerationem consecutis. Perseveravit enim corporis incorruptio cum mirabili flexibilitate quorundam partium, in quibus caro tactu pressa cedit, & post ad pristinum statum redit. In manibus & brachiis cernuntur vena, capilli adhuc suo fulvo rutilanti colore, candorem servat caro in artubus, qui vestibus teguntur, quæ & pium inflammationis affectum, & sanctæ devotionis stimulas accendunt. Ex quibus omnibus comprobatur, nec incorruptionem miraculo tribui posse, si aliqua præcesserit causâ naturalis,*

lis, cui adscribi possit, nec, exclusa quacumque naturali causa, corporis incorruptionem inter miracula esse referendam, nisi absit explicatio, nisi corporis partes sint tractabiles, aliaque concurrant circumstantiæ jam allatæ, uti præter alios adnotavit Petrus Afsaltus in sua dissertatione edita in causa S. Joannis Nepomuceni, dum agebatur de incorruptione lingvæ ipsius, de qua infra: *Non enim me latet, apud imperitos vulgo incorruptum judicari corpus, dummodo utcumque figuram servet, ipsius partibus quoquo modo adhuc coherentibus, nihil considerantes, an sit rigidum, durum, an molle, an, rugosum, atque contractum, an color fuerit immutatus, an sit friabile, ut facile in pulverem comminuetur.*

14 Quod si forte dicatur, non omnes prædictas qualitates adfuisse in corporibus, de quorum mirabili incorruptione sermo fit in bullis Canonizationum, nonnulla, ut respondeamus, videntur adnotanda. Primum est, non semper valere hoc argumentum: *Mentio fit incorruptionis corporis in bulla Canonizationis: Ergo incorruptio corporis fuit miraculo adscripta.* Franciscus Penia Rotæ Auditor, qui una cum aliis Rotæ Auditoribus causam examinavit S. Didaci in *trakt. de ejus Canonizatione lib. 3. pag. 147.* hæc habet: *De integritate corporis etiam est pertractatum, de qua censuerunt, non esse miraculum; ceteris tamen concurrentibus, admiratione & veneratione dignam, ac in relatione Consistorii, & postmodum in Canonizatione esse referendum: & coherentem ad hæc de incorruptione facta fuit mentio in bulla Canonizationis (cod. Canoniz. pag. 240.): Itaque devotionis ardore succensi a Fratribus suis Beati Didaci corpus decenter & religiose in Principis cubiculum afferri curans, post annos fere centum integrum & incorruptum.* Secundum est, in bullis Canonizationum aliquando non asserendo ac definiendo, sed referendo mentionem fieri incorruptionis. Exemplum est in allata causa S. Margaritæ de Cortona. Summus Pontifex Leo X. delata ad se fama sanctitatis ejus, collectisque extra judicii formam Actis tum vitæ, tum miraculorum, necnon incorruptionis corporis, indulgit, juxta morem tunc temporis receptum, causa judiciali jure nondum cognita, publicum cultum in honorem ipsius, & beati corporis expositionem. In transitu a Beatificatione æquipollenti ad formalem Canonizationem, a cultu videlicet permissio & ad certos locos coarctato ad cultum ex præcepto & ad universum orbem extenso, assumpto judiciali examine de corporis incorruptione, ea (uti supra visum est) non fuit miraculo adscripta; sed, hoc minime obitante, mirabilis incorruptionis non asserendo, sed referendo verbum factam est in bulla Canonizationis cod. Canoniz. pag. 628. *Corpus miro odore perfusum, copiosa populorum frequentia accurrense, in ade Sancti Basilii, qua est Fratrum Minorum, jamque ab eadem Margarita appellatur, depositum est, statimque compluribus miraculis coruscavit.... Quibus demum rite discussis (extrajudicialiter tamen, & non servata forma judicii) ac stupendo illo prodigio, quo Dei Famule corpus Cortonæ adhuc vegetum, incorruptum, illesum, suavitique odore perfusum ab omnibus colitur, permotus felicitis recordationis Antecessor noster Leo Papa X. qui illud venerabundus coram suspexerat, litteris*
Apo-

Apſtolicis octavo idus Februarias anni milleſimi quingentefimi decimi quinti Florentia vulgatis conceſſit, ſa Margarita natalis Cartone, inque tota ejus diœceſi ſolemni cultu celebraretur, ſacraque ejus excurſa omnium venerationi ipſo, quo deceſſit, die exponerentur. Tertium eſt, in bullis Canonizationum aliquando fieri commemorationem mirabilis incorruptionis juxta ſtatum antiquum corporis, non juxta ſtatum præſentem: & hic cautus loquendi modus adhibitus eſt in bulla Canonizationis S. Catharinæ de Bononia loc. cit. pag. 573: cujus corporis incorruptio non fuit inter miracula recenſita juxta ſtatum præſentem, uti ſupra viſum eſt: Poſt ejus animam in celum receptam, & corpusculi depoſitionem, multis illius patrocinio apud Deum ſe commendantibus, cum duodeviginti dies effluxiſſent, incorruptum, & ſuavem ſpirans odorem ſepulcro eruiſit, ſeptemque dierum ſpatio omnium undique conſluentium oculis exponitur, quod ſedens inſtar viventiſ hactenus magni cum honore ibidem colitur. Feliciſ recordationis Antecſſor noſter Clemens Papa VII. annos ſeptem & ſexaginta a Catharina deceſſu ſacri corporis incorruptionem manu tractabilem coram mirantibus, monaſterii Sororibus facultatem induiſit quoranniſ, Catharina anniverſario obituſ die recurrente, ſacraſ preceſ in ejus honorem ritu Eccleſiaſtico celebrandi. Ultimum denique eſt, ſæpe in bullis Canonizationum mentionem fieri incorruptionis tamquam miraculo conceſſæ, ſed una cum odore, & aliis plurimis miraculis approbat, ita ut incorruptio fuerit quidem approbata, ſed uti miraculum ſupra numerum, cui Decretum Canonizationis innixum non eſt, juxta ea quæ alibi dicta ſunt. Quæ proſecto non adverſantur ceteriſ a Nobis in hoc capite deductiſ, ubi quærimus de incorruptione corporis non ſimpliciter reſerenda, ſed ex judiciſ forma ſtatuenda, Cauſaque cognita, recenſenda inter miracula pro fundamento formalis Beatificationiſ aut Canonizationiſ.

15 Quæ dicta ſunt de incorruptione totius corporiſ, ſibi locum vindicare debent in aliqua parte corporiſ incorrupta a reliquo corpore ſeparata. De S. Stephano Rege Hungariæ legitur, ejus dexteram poſt annos quinque & quadraginta incorruptam repertam fuiſſe, ob aſſiduam & copioſam in pauperes largitatem, qua, dum viveret, prædituſ fuit. Simile prodigium narratur de dextera S. Nicolai Myrenſiſ, qui manum ſuam aperuit inopi, dum viveret, & a larga & frequenti erogatione eleemoſynarum ore omnium celebratur. Similia exempla collecta legi poſſunt apud Theophilum Raynaudum in citato tractatu de incorruptione cadaverum cap. 10. Celebre proſecto illud eſt incorruptioniſ lingue S. Antonii Patavini, quemadmodum legitur in oratione habita ab Octavio de Martinis Conſiſtorialiſ aule Advocato de laudibz S. Bonaventuræ (tom. 7. oper. huius Sancti pag. 799. B.): Tunc tranſlatum fuit venerabile corpus Beati Antonii ad pragerandem eccleſiam Paduanam: cuius lingua, ſecundo & trigeſimo ſui obituſ anno, recens & rubicunda reperta eſt; quam Vir Sanctuſ (Bonaventura) in manibz devote recipiens, ac largioribz lacrymarum imbribz perfundens, talibz reverenter affatuſ eſt: O lingua benediſta, quæ Deum ſemper benediſtiſti, & alia

464 DE SERVORUM DEI BEATIFICATIONE

alios benedicere docuisti : nunc perspicue cernitur quanti meriti fueris apud Deum . Apud Ughellium quoque in Italia sacra , ubi agit de Tarentina Ecclesia , narratur , Archiepiscopum Tarentinum anno 1346. recognovisse Reliquias S. Cataldi Tarentini pariter Archiepiscopi , mortui anno centesimo septuagesimo a partu Virginis , & ejus linguam invenisse , quæ ad hæc usque tempora cernitur integra & subrubens , quasi recens ab ejus ore avulsa . Dum munere fungebar Fidei Promotoris , post approbatum martyrium & causam martyrii in causa S. Joannis Nepomuceni transitus factus est ad discussionem Dubii super signis & miraculis , & inter cetera signa & miracula propositum fuit illud perennis incorruptionis linguæ ipsius . Sanctus martyrio fuerat coronatus anno 1343. & judicialis recognitio linguæ facta est anno 1725. & sic post tercentum & octoginta duos annos ab obitu . Inventa est autem integra , & retinens figuram & formam linguæ humane . Color apparuit talis , qualis est in lingua hominis viventis , & mollis erat atque flexibilis . Signa hæc sunt incorruptionis , & quidem supra naturam , cum nulla suspicio fuerit de causa naturali aut artificiali incorruptionis . Additum est , linguam inter ceteras humani corporis partes esse præcipue corruptioni obnoxiam , cum juxta Anatomicistas magna pars ejus ex fibris carnis sit contexta , & fibræ carnes magna sanguinis copia sint repletae (Diemerbroeck : *anatom. lib. 3. cap. 24. Verheyen anatom. tract. 4. cap. 19.*) & sanguis suo carens fluxu live circulatione ad corruptionem impellat , uti videmus in gangræna & sphacelo inductis ab impedito cursu sanguinis , & uti videmus etiam in sanguine per venæ sectionem excepto in aliquo vase ; illico enim turbatur , ipsius fibræ partes globulis rubicundis permixtæ coguntur , atque atrum colorem contrahunt , serumque ab eis secretum supernatat . Physicis rationibus pia quoque accessit consideratio , Deum videlicet incorruptam voluisse tot annorum spatio mirabiliter illam linguam permanere , quod Sanctus vitam amiserit , ne proderet secretum sacramentalis Confessionis . Matta de Canonizat. SS. par. 3. cap. 14. num. 2. ita scribit : *Ingenti admiratione dignum , quod aliquando , reliquo corpore consumpto , partis alicujus , cui perfectionis donum & virtutis prerogativa præcipue debebatur , substantia omnis incorrupta , & vivido colore persufa animadversa sit & inventa .* Et his , aliisque pluribus ponderatis , sacrorum rituum Congregatio tamquam miraculum secundi generis approbavit perennem linguæ incorruptionem , ut constet ex Decreto edito die 11. Januarii 1729. quod Apostolica auctoritate fuit roboratum a Benedicto Papa XIII die 16. Februarii ejusdem anni .

16 Quæres , an continuatio incorruptionis habenda sit pro novo & distincto miraculo ab ipsa incorruptione : de qua questione sæpe actum est , instantibus Postulatoribus , & adversantibus Fidei Promotoribus , in sacrorum rituum Congregatione . Utque tum ejus status , tum utilitas bene dignoscantur , ponendum est , aliquem Dei Servum mori , incorruptum per-

ET BEATOR. CANONIZ. LIB. IV. PAR. I. CAP. XXX. 463

manere ipſius corpus, nullam adeſſe cauſam naturalem, cui incorruptio adſcribi poſſit, cadaver eſſe molle & tractabile, uno verbo, nihil deeſſe ex his, quæ ſupra diximus neceſſaria, ut incorruptio miraculo adſcribatur. Introducitur cauſa Canonizationis ipſius vel per viam caſus excepti a Decretis Urbani VIII. & ſic æquipollentis Beatificationis, vel per viam ordinariam, & ſic formalis Beatificationis, uti tum *lib. 1.* tum *lib. 2. huius Operis* dictum eſt. In utroque caſu poſt approbatas virtutes, ſi ſermo eſt de Confefſoribus, vel poſt approbatum martyrium & cauſam martyrii, ſi ſermo eſt de Martyribus, deveniendum eſt ad diſcuſſionem miraculorum; & in primo caſu deveniendum eſt ad diſcuſſionem miraculorum, quæ ſupervenerunt poſt indultam venerationem; in ſecundo caſu ad miraculorum diſcuſſionem deveniendum eſt, quæ poſt formalem Beatificationem Deus operari dignatus eſt interceſſione Beati. Si inter cetera, quæ diſcutienda proponuntur miracula, proponatur & illud incorruptionis corporis, cum incorruptio præceſſerit æquipollentem Beatificationem, ſi continuatio incorruptionis non habetur pro novo miraculo, non poterit haberi ratio continuatæ incorruptionis pro Canonizatione; miraculum quippe in hoc rerum caſu numquam dici poterit ſupervenire poſt indultam venerationem: idemque iudicium ſerendum erit in cauſis procedentibus per viam formalis Beatificationis, ſi poſt approbatam incorruptionem tamquam miraculum ante formalem Beatificationem, eadem incorruptio, ſeu incorruptionis continuatio tamquam miraculum proponatur ad obtinendam Canonizationem. Et hæc eadem difficultas non ſolum habet locum in miraculo incorruptionis, ſed etiam in miraculis odoris & liquoris manantis ex cadavere vel offibus Servorum Dei, vel Beatorum; de quibus infra, quoties manatio odoris aut liquoris Beatificationem æquipollentem aut formalem præceſſerit, & ejus continuatio tamquam miraculum proponatur ad Canonizationem obtinendam, veluti unicuique reputanti patebit.

17 In cauſa Canonizationis S. Catharinæ de Bononia, quæ proceſſit per viam caſus excepti, cum beati corporis incorruptio, ſive ejus per plura ſæcula continuatio tamquam miraculum proponeretur pro Canonizatione, Proſper Bottinius Archiepiſcopus Myrenſis tunc Fidei Promotor inter ceteras ſuas animadverſiones eam, de qua nunc agitur, non omiſit: dixit enim, quatenus incorruptio fuiſſet miraculum, ejus continuationis haberi non poſſe rationem pro Canonizatione; cum conceſſa per miraculum beato corpori incorruptione, aut continuatio tamquam naturalis habenda eſſet, aut ſaltem ad novum miraculum referri non poſſet. Animadverſioni tum a me, tum a ceteris in cauſa ſcribentibus reſponſum fuit, ipſam adverſari tum rationi, cum conſervatio ſit continuata productio juxta Philoſophos, tum praxi Sedis Apoſtolicæ; cum enim ante praxim inductam a Decretis Urbani VIII. S. Maria Magdalena de Pazzi inter Beatas relata fuiſſet, habita ratione inter cetera miracula incorruptionis & fragrantie beati corporis, ut apparet ex Decreto edito die 2. Maji

466 DE SERVORUM DEI BEATIFICATIONE

1626. inducta nova praxi per eadem Urbani VIII. Decreta, in transitu a Beatificatione ad Canonizationem, post approbatum casum exceptum ab iisdem Decretis, ventum fuit ad discussionem miraculorum; cumque inter cetera propositum etiam illud fuisset continuationis incorruptionis & fragrantiae corporis Beatæ, hæc approbationem obtinuerunt pro Canonizatione, veluti desumitur ex Decreto edito die 10. Septembris 1668. impresso inter Acta Canonizationis dictæ Sanctæ collecta a Dominico Capello pag. 57.

18 In resolutione causæ Canonizationis S. Catharinæ de Bononia nouit opus, ut sacra Congregatio de proposita questione suum ferret iudicium, cum ex supradictis, etiam si incorruptio iuxta statum antiquum miraculi rationem habuisset, continuatio tamen incorruptionis ob beati corporis detrimentum aliquod non fuerit inter miracula recensita. Quare Cardinalis de Carpeneo Relator causæ in facto concordato, quod iuxta alibi dicta exaratur a Cardinali Relatore, & editur, quando proponitur Dubium, an, stante approbatione virtutum & miraculorum, tuto procedi possit ad Canonizationem, sermonem cum haberet de continuatione incorruptionis & odoris a corpore manantis, dixit: *Et ista duo miracula deducta in ultima Pessione coram Sanctitate Vestra non fuerunt expresse approbata, quia non sunt permanentia.* Questio autem, an continuatio incorruptionis aut odoris pro novo & distincto miraculo habenda sit, sibi vindicat locum, cum incorruptio & odor in eodem statu permanent, in quo erant, secus autem, quando cessarunt, aut quando incorruptio alicui causæ naturali potuit adscribi. Quapropter, cum in causa S. Margaritæ de Cortona ipse uti Fidei Promotor duo opposuisssem, corpus videlicet fuisse unguentis, aromatibus, & balsamis delibutum, & sic ejus incorruptionem non excedere naturam, &, quatenus excessuisset, ejus continuationis rationem haberi non posse pro Canonizatione, quod continuatio non esset novum & distinctum miraculum a prima incorruptione; sacra Congregatio, quæ primæ adhæsit difficultati, a resolutione secundæ prudenter abstinuit.

19 Occasio se obtulit de proposita difficultate iudicium ferendi in causa S. Jacobi de Marchia, in qua continuatio incorruptionis & odoris proposita est tamquam novum miraculum pro Canonizatione; item in causa S. Margaritæ de Cortona, in qua, exclusa mirabili corporis incorruptione, proposita fuit tamquam miraculum ad Canonizationem obtinendam incorruptio partis corporis a reliquo corpore separatæ, nec ullo modo balsamo litæ; & in causa S. Joannis Nepomuceni, in qua continuatio incorruptionis linguæ proposita fuit tamquam miraculum ad Canonizationem pariter obtinendam: in his etenim omnibus causis scribens uti Fidei Promotor comprobavi, incorruptionem Beatificationem æquipollentem præcessisse, & supervacuum esse questionem de continuatione; quia etiam admissa incorruptione, & continuatione incorruptionis in eodem statu, continuatio aut naturalis erat, aut novo & distincto miraculo adscribi

adscribi non poterat exemplo ejus, qui per miraculum resuscitatur, aut qui ex caeco videns factus est; miraculum quippe consistit in resuscitatione, & in restitutione visus, non in continuatione vitæ, aut facultatis videndi.

20 At, cum sacrorum rituum Congregatio ultra causam S. Mariæ Magdalænæ de Pazzis (de qua supra), continuationem incorruptionis, & etiam odoris inter tempus æquipollentis, & formis Beatificationis, approbantibus summis Pontificibus, recensuerit inter miracula pro Canonizatione, atque adeo inter miracula distincta ab ipsa incorruptione, quæ fuit ante Beatificationem, uti defamitur ex Decreto edito in causa Canonizationis S. Jacobi de Marchia die 2. Februarii 1726. in causa S. Margaritæ de Cortona die 27. Decembris 1727. & in causa S. Joannis Nepomuceni die 16. Februarii 1729. videtur cessare debere quæcumque difficultas, tuncque asserendum, posito miraculo incorruptionis, continuationem haberi debere pro novo & distincto miraculo ad Canonizationem obtinendam. Ut enim docent Theologi, quædam solum exigunt virtutem supra naturam ad sui productionem primumque ortum, & quædam præterea ad sui conservationem. Exemplum priorum est in ipsa vita restituta, aut oculo reddito per miraculum, quo posito, tum vita, tum visus naturaliter durant instar naturalis vitæ, aut oculi per naturalem generationem accepti. Exemplum posterius est in duplici quantitate penetrata, aut duabus qualitatibus contrariis gradu intenso conjunctis; conjunctio enim illarum non solum miraculi rationem habet in initio, sed etiam in progressu & continuatione; quoniam nullum est momentum, in quo quantitas quantitatem naturaliter penetret, & una qualitas non exigit expulsiōem alterius qualitatis contrariæ gradu intenso, veluti totidem verbis ait Cardinalis de Aguirre in *Theologia S. Anselmi tom. 1. disput. 9. sect. 1. mm.* 9. Cumque vera incorruptio diu perseverans non ad primum, sed ad secundum miraculorum genus pertineat, hinc fit, ut unum miraculum in incorruptione, alterum in continuatione & duratione sit constituendum.

21 Utque id explicetur, duo querenda sunt: primum, quanto tempore naturaliter corpus remanere possit incorruptum, seclusa qualibet causa naturali aut artificiali: alterum, quomodo Deus supra naturæ vires aliquorum Servorum suorum corpora incorrupta conservet. Ad primum Zacchias *quest. medico-legal. lib. 4. tit. 1. quest. 10. num. 27.* respondet, omnibus unum & eundem terminum non posse assignari, cum ex dictis multæ causæ sint, ex quibus ipsa cadavera citius aut serius corrumpuntur, & ipse particulares hominum naturæ & temperationes hac in parte multum possint; & concludit, si ab eo, quod ut plurimum fit, universalis regula sumenda sit, terminum tribus diebus videri definiendum, sumpto argumento a Lazaro, qui, ut dicitur in *Evangelio*, cum hic terminus jam transisset, quippe quatriduanus erat, jam sciebat. Ad alterum nonnulli respondent, incorruptionem a Deo fieri per infusionem qualitatis natura-

lis, qua cadavera tuta & immunia sunt a recipiendis extraneis qualitatibus, per quas turbato & confuso temperamento sibi debito, corrupti solent, veluti ratiocinatur Scacchus in citato tractatu de *nos. & sign. sanitat. sect. 9. cap. 3.* Nec vero, quod qualitas illa sit ordinis naturalis, excluditur miraculum incorruptionis. Exemplum est in primi hominis immortalitate. Si non peccasset, nec ipse, nec ejus posterius corporis morti fuissent obnoxii; & cum Pelagianis sentiret, qui mortem corporis in naturam, potius quam in peccatum, referret; cum Bajanis, qui diceret, primi hominis immortalitatem non fuisse Gratiae beneficium, sed conditionem naturalem. Primi hominis immortalitas non solum a iustitia originali, seu gratia gratum faciente, per quam potiebatur perfecta dominatione in corpore, a bona corporis constitutione & temperie, a prudentia hominis innocentis, per quam cavebat ab omnibus noxiis & periculis, a speciali Dei providentia, & Angelorum custodia causam habebat, sed etiam ab usu ligni vitae, quo spiritus vitales perfecte reparabantur. De virtute ligni vitae quaestio est inter Theologos, num fuerit naturalis, an supra naturam. Nonnulli dicunt, fuisse supra naturam. At S. Thomas 1. *part. quest. 97. art. 4. in corp.* probat, fuisse naturalem. Cum autem, quamvis tum bona corporis constitutio esset ordinis naturalis, tum virtus ligni vitae juxta nonnullos naturalis esset, immortalitas primi hominis non naturalis, sed supra naturam fuerit, uti late explicat Eñius in *lib. 2. sent. dist. 19. §. 9.* signum evidentissimum hoc est, non obstat miraculo vim qualitatis naturalis, si ea Deus utatur, ut aliquid praestet, quod, posito ordine naturali, spectataque naturae creatae conditione, nullatenus praestare aut efficere tenebatur.

22 Alii vero facilius & probabilius explicant incorruptionis miraculum asserendo, illud fieri per remotionem Divinae efficientiae, qua causae corruptionem inducentes absolute indigent, ut operari possint, ut in re simili observantur ad illud *Exodi cap. 3.* ubi narratur, Moysen vidisse rubrum ardentem, & non comburentem. Pererius *ibidem, disput. 4. num. 15.* Deus suspendebat concursum suum cum igne ad urendum: etenim duo sunt Theologiae placita apud Theologos certa & indubitata: unum est, nullam rem creatam operari posse absque actuali Dei concursu cum illa re: alterum est, Deum, quae sunt extra ipsum, ea libere operari... quando vult, & ubi vult, & quomodo quantumque vult operari.... Quia Deus concurrebat cum illo igne ad lucendum, ideo lucebat: quia vero cum eo non concurrebat ad urendum, ideo non urebat. Et Cornelius a Lapide ad eundem locum *Exodi cap. 3. pag. 330.* Illustrare hoc fuisse videtur Dei miraculum: Deus enim hic conservabat ignis substantiam, sed actionem & usum ejus impendebat, subducendo concursum & influxum suum, ne ageret in rubrum, vel virentia ejus folia minimum afflaret, aut desiccaret. Deo enim cum igne nolente concurrere, ut urat, ne Infernus quidem totus vel stupram adusserit: nam certum est illud Theologorum axioma, nullam rem creatam posse operari absque actuali Dei concursu cum illa re. Probant autem hucuf-

hæcque allata, mirabilem incorruptionem non esse ex genere earum rerum, quæ miraculum tantum exposcunt in sui productione, sed esse ex genere earum rerum, quæ novum miraculum exposcunt in sui conservatione, tendentibus videlicet causis, transacto naturali termino, ad corruptionem, earumque actione suspensa & impedita vel a permanente qualitate juxta Scacchum, vel quod probabilius est, a continuata remotione Divinæ efficientiæ, juxta ea quæ modo dicta sunt.

23 Uti consideranti patebit, facilius est, transacto termino naturali corruptioni constituto, distinctionem admittere miraculorum inter incorruptionem, & continuationem incorruptionis, quam effugere multiplicationem miraculorum fere in infinitum. Si enim transacto primo termino naturali, intra quem sequi debuisset corruptio, extat miraculum incorruptionis; & continuatio habetur pro novo miraculo, tot erunt miracula, quot sunt temporis momenta, quibus incorruptio perseverat, vel ad summum tot erunt miracula, quot sunt novi termini naturales, intra quos corruptio sequi debuisset, quod videtur absurdum: quod ut evitetur, asserere liceat, naturalem quidem non esse, sed supra naturam continuationem incorruptionis, eamque esse novum miraculum, & separatim ab ipsa incorruptione, esse tamen appendicem primi miraculi, illudque, quo magis durat, illustrius efficere; continuationis habendam esse rationem in transitu a Beatificatione ad Canonizationem, quamvis incorruptio Beatificationem præcesserit, sed adhuc investigandum superesse, utrum continuationis hujus talis haberi debeat ratio in transitu a Beatificatione ad Canonizationem, ut ipsa cum alio miraculo satis sit, an potius duo alia miracula distincta, vel etiam plura requirantur, juxta numerum miraculorum necessarium in transitu a Beatificatione æquipollenti aut formali ad solemnem Canonizationem, de quo numero alibi actum est. Hujus autem questionis resolutio judicio Congregationis sacrorum rituum reservatur, quæ, licet ex dictis censuerit, incorruptionem, & continuationem incorruptionis esse duo distincta miracula, & continuationis, uti novi & distincti miraculi, rationem habuerit pro Canonizatione, numquam tamen, quod sciam, ad Canonizationem processit, nisi præter continuationem incorruptionis bina, aut plura miracula fuerunt discussa & approbata, a Deo intercessione illius Beati patrata, de cujus Canonizatione agebatur. In causis certe SS. Ludovici Bertrandi, Mariæ Magdalene de Pazzis, Jacobi de Marchia, Margaritæ de Cortona, Joannis Nepomuceni continuationis incorruptionis corporis, uti novi miraculi, habita est ratio pro Canonizatione; sed alia duo, aut plura in unaquaque causa discussa & approbata fuerunt miracula, antequam ad Canonizationem procederetur.

24 In ripa Borysthenis sita est urbs Kijovia, ad quam difficilis est aditus ob perpetua Cosacorum cum Tartaris certamina. Sunt in ea nonnullæ cryptæ, de quibus tractatus editus est a Joanne Herbinio Lutherano Jenæ anno

470 DE SERVORUM DEI BEATIFICATIONE

anno 1675. Incolæ putant, Kijoviam esse veterem Trojam, ob raptam a Paride Helenam, a Græcis olim per decennium obseſſam, & tandem expugnatam ac dirutam. Huic ſabulæ aliud commentum accedit, videlicet in cypſis adhuc exſtare & incorrupta ſpectari gigantea corpora Hectoris, Priami, Achillis, & aliorum tum Trojanorum, tum Græcorum Hero-um. Quæſivit Herbinus per epistolam ab Innocentio Giziolo Archimandrita Kijoviensî prædictarum cryptarum ſtatum, quem candide aperuit, uti eſt pag. 43. *In his meatuum magna varietas eſt, quos ſi aliquis inſcius intret, velut ex labyrintho ſolus ſine reductore exire non poſſit. Nec poſſunt eſſe hæc cryptæ naturales, verum diligenti opera illorum terreſtrium Angelorum, hominum caeleſtium, elaborata ſunt, quorum corpora ab annis circiter ſexcentis incorrupta durant. Nec beneficio terre hoc fit, quod tot annorum centenis Sanctorum corpora incorrupta maneat (cum alias plurimorum ibi poſitorum hominum corpora in pulvere redacta ſint) ſed vere propter ſanctitatem vita, & ſingularitatem in Deum pietatem incorruptibilitate donata ſint.* Herbinus viribus omnibus contendit, ut horum corporum incorruptionem miraculo tribuat, uti videri poteſt pag. 47. totuſque eſt in diluendis adverſariorum objectionibus, ut eſt pag. 99. & ſeq. Ignoramus, quorum ſint corpora in memoratis cryptis ſepulta & extantia; Nobis ſatis eſſe debet, ſi incorruptio inter miracula non referatur. Herbinus refert, ut dictum eſt. Sed conferantur, quæ ab eo pro incorruptionis miraculo dicta ſunt, cum iis, quæ Nos in hoc eodem capite dicimus ponderanda, antequam incorruptio inter miracula recenſeatur: & nemo erit qui non ſateatur, tales a Sede Apoſtolica diligentius præmitti, antequam ad miraculorum approbationem procedat, quales ejus adverſarii, & nimis facilitatis accuſatores excogitare non potuerunt, cum de re hac ſcriberent.

C A P U T XXXI.

De nonnullis cadaverum qualitatibus, & de ſanguine, liquore, & odore, qui a cadaveribus manant, an miraculo ſint adſcribendi.

De cadaveribus ſtantibus, aut genuflexis.

1. **S**ancti Franciſci de Aſſiſio corpus diu poſt obitum integrum inventum eſt, ſans, illæſum, oculis apertis, & vulneribus recenti ſanguine manantibus, uti habetur apud Wadingum *ad ann. 1230. num. 4.* Sancti corpus plures Romani Pontifices aſpexerunt, Gregorius videlicet IX., Innocentius IV., Alexander IV., Clemens IV., Nicolaus IV., & Nicolaus V. At, evecto ad ſummum Pontificatum Sixto IV., cum ipſe Aſſiſium ſe contuliſſet anno 1476., hortante S. Jacobo de Marchia, jeſſit, cuniculum, per quem ad ædiculam ſubterraneam, in qua Sancti corpus eſt, patebat acceſſus, & ſcalam, per quam erat deſcenſus, denſo aggere ex lapidibus

pidibus ac cæmentis compacto repleri; atque ita unicuique interdictum fuit prædictum sanctum corpus videre, quemadmodum fuisse habetur in *historia Conventus Assisensis* scripta a Fr. Francisco Maria Angelo a Rivotorto tit. 42. Corpus contra Sanctæ Catharinæ de Bononia sedet, & omnium conspectui patet. Quæritur itaque, an, si cadavera mortuorum stent, aut sedeant, nullo sulcro nixa, id statim sit miraculo adscribendum. Paulus Zacchias in *quæst. medico-legal. lib. 4. tit. 1. qu. 10, n. 34. Et seqq.* disertè scribit, esse supra naturam, si cadavera per se stent, nec a Dæmone heri posse, ut cadavera per se vera stent, sed solummodo ut appareant per se stare: ut enim corpus stet, opus est valida musculorum actione, in qua plurimi spiritus requiruntur, qui in cadavere non sunt. Fortunius quoque Licetus de *secundo quæstis per epistolas cap. 39. tom. 2. pag. 226.* ad miraculum refert, quod corpus S. Catharinæ sedeat absque sulcro: Cum igitur omnes ad unam causam naturales putrefactionem arcere valentes ab humanis cadaveribus procul abhinc a corpore Beate, quod tot annos impure, sensibilibus molle, carnosum, flexibile secundum juncturas omnes, & in sedicula sedens absque sulcro, reitæque cervice, Bononia servatum veneramus, jam hoc admirabile supernaturalis virtutis effectus est in vera religione, in qua Deus etiam huic sancto corpori Dilectæ suæ dat non videre corruptionem. At, cum Zacchias non loquatur de cadaveribus exsiccatis, in quibus musculi sunt contracti a siccitate, sed de cadaveribus statim post mortem, quæ carnem habent recentem & mollem & tractabilem; & Fortunius Licetus molle & carnosum dicat corpus S. Catharinæ, quod fortasse suo tempore tale erat; hinc est, quod miraculum dici possit, si cadaver non exsiccatum, & cujus musculi non sunt ariditate contracti, stet, aut sedeat: fecus autem, si corpus est exsiccatum; tunc quippe obdurata materia illa cartilaginea, quæ est inter omnes vertebrae, parum aut nihil moveri potest corporis truncus, quod manet velut immobile lignum, & quotesiumque ejus pondus non magis ad unam partem inclinatur, quam ad aliam, sed supra gravitatis centrum libratur, facillime stare potest aut erectum, aut sedens; quemadmodum animadvertit Angelus Modius Physicus Urbis in suo suffragio pro veritate exarato in causa S. Catharinæ de Bononia. Eodem modo locuti sunt celebres Medici ejusdem civitatis, qui corpus Sanctæ recognoverunt, & quidem in primis clarus Malpighius: *Supposta la rifeccazione delle carni, tendini, e cute, è probabile, che si possa dare naturalmente quel sito, cioè che la spina stia secondo le parti superiori perpendicolarmente.* Manzius: *Ho ritrovato detto beato corpo in atto di sedere, ma per la suddetta indurata unione degli articoli mobile, come un corpo continuo: sicchè l'atto di sedere credo dipenda dall'equilibrio delle parti sopra del sito, sul quale risiede, come sopra centro di gravità; tanto più, che leggermente compressa tutta la mole del corpo, dopo esser leggermente sinossa, si restituisce nello stesso sito di prima.* Alexander Guicciardinus: *Il corpo predetto siede naturalmente, perchè essendo continuo, e con figura quasi equilibrante, e rifeccata, si conserva in quel sito continuamente.* Idem judicium ferendum esse videtur de corporibus, seu cadaveri-

veri-

veribus quæ genu flexo reperiuntur, videlicet id miraculo non esse adscribendum, si partes corporis sint exsiccatae; secus autem, si molles & flexibiles. Idcirco in vita S. Pauli primi Eremitæ scripta a S. Hieronymo, *opri. tom. 2. col. 11.* inter miracula recensetur, quod S. Antonius eum paulo ante mortuum invenerit genu flexo, & extensis in altum manibus: *Nam introgressus speluncam, vidit genibus complicatis, erecta cervice, extensisque in altum manibus, corpus exanime: ac primum & ipse vivere eum credens, pariter orabat: postquam vero nulla, ut solebat, suspiria precantis audit, in flebile osculum ruens intellexit, quod etiam cadaver Sancti Deum, cui omnia vivunt, officio gestus precaretur.* Nisi forte clarissimis probationibus demonstretur, cadaver per aliquod tempus fuisse molle & tractabile, & sterile, aut se disisse, aut genu flexo permanisse, licet postea fuerit exsiccatum; tunc quippe status miraculo accederet, habito respectu, non ad secundum tempus, sed ad primum, cum proprium sit cadaverum humi decumbere. Quapropter Thomas Bozius lib. 15. cap. 9. de signis Ecclesiæ, loquens de corpore S. Francisci, hæc habet: *Mirandum mihi prorsus illud videtur, quod de corpore Sancti Francisci memoria est proditum, stare illud, nullis humane industriae fulcris subnixum, sola Divini Spiritus vi sustentatum, facie tota, oculis & manibus junctis, in calum semper intentum, supplicantis in modum, nulla ventisatis vi debilitatum, nulla temporis injuria parte aliqua incurvum. Id profecto tanti est, ut cum sit viventium stare, defunctorum subito humi procumbere.*

De cadaveribus flexilibus.

2 Paulo post obitum cadavera remanent rigida & inflexibilia; proindeque mortuos statim vestire necesse est: quocirca, si aliqua sint flexibilia, quæri potest, an id sit miraculo adscribendum. Flexibilitas carnum in corpore vivo est mollis, oriturque ex laxa minimarum partium continuarum textura, quam laxitatem ab humido præcipue obtinent: flexibilitas vero articularum in iisdem viventibus est organica, orta ex mechanica structura partium contiguarum, concurrentibus ad faciendam articulationem duobus ossibus contiguis, cartilagine, ligamento, & humore viscido. Ex duobus ossibus alterum est cavum, in quod ingreditur alterum, quod dicitur *caput*. Cartilago intercedit; ne ossa attritu mutuo lædantur. Ligamenti usus est, ossa illa disjuncta, instar funiculi, colligare. Humor viscidus, qui ab antiquis *pirrita*, ab junioribus *sinovia*, & *mucilago* dicitur, prodest faciliori motioni ossium, & tendinum fibris lubricandis.

3 Inflexibilitas articularum in mortuis, & celer illa cadaveris rigiditas oritur ab illa eadem sinovia seu mucilagine, quæ sicut in vivente articulos ac tendines lubricabat, ita in cadavere statim fere coagulata, tendines & articulos tamquam gluten, constringit, quasque continuat: ex quo fit, ut, si talis humida substantia aut omnino deficiat in articulis aliqujus cadaveris, aut coagulari non possit, utpote nimis tenuis & aquosa, flexi-

flexi-

flexibilitas in cadavere absque miraculo reperiatur, veluti post Sancto-
rellum optime comprobavit supra citatus Jacobus Sinibaldus in suo sus-
fragio pro veritate edito in causa S. Jacobi de Marchia; ubi tamen *in fine*
sensit, flexibilitatem beati corporis miraculo esse adscribendam, cum si-
noviæ defectus flexibilitatem eouique relinquere possit, dum tendines mu-
sculorum (de quibus supra) præ siccitate fuerint contracti, de qua siccita-
te, post lapsum ducentorum & viginti sex annorum, ait dubitandum
non esse.

4 Hæc autem innuisse satis sit, cum flexibilitas ex alibi dictis sit una
ex circumstantiis requisitis ad constituendum incorruptionis miraculum,
nec de ea seorsim ab incorruptione questio fiat; quoties autem de ea agi-
tur una cum incorruptione, agi non potest, nisi post lapsum multi tem-
poris a die obitus Servi Dei, post quem temporis lapsum questio de defe-
ctu sinoviæ seu mucilaginis nullum sibi potest locum vindicare.

*De cadaveribus sese moventibus, vel qua rubore perfunduntur, aut
calida permanent, & in quibus ungues & capilli crescere
dicuntur, & dentes augeri.*

5 Circa cadavera alia observari possunt, quæ vulgo causas rerum
ignoranti non solum miraculi suspicionem, sed evidentiam pariunt, cum
tamen vim naturæ non prætergrediantur. Cadavera aliquando sese mo-
vent vel secundum partes, vel secundum totum, rubore perfunduntur,
commaculantur, & rubris stigmatibus consperguntur, calida diu per-
manent, & in quibusdam etiam ungues & capilli crescere dicuntur, &
etiam dentes augeri. Refertur historia cujusdam Monialis, quæ cum ex-
oscularetur manum alterius Monialis demortuæ, manus viventis a demor-
tua adeo fortiter contracta fuit, ut viva adhuc putaretur. At Marcellus
Donatus *de medic. histor. mirab. lib. 2. cap. 3. in fin.* putat, eam Monialem
non prorsus mortuam fuisse, sed in ea remansisse vitæ fomites & ignicu-
los quosdam, quales in prælocatis, & valida apoplexia correptis inve-
niuntur, licet sensus, motus, pulsus, & respiratio sint abolita. Mat-
thæus Villanus *in histor. sui temporis lib. 3. cap. 50.* narrat, cadaver Gual-
terii Bustacii filii ex Ubertinorum familia, capite per carnificem amputa-
to, dum ad ecclesiam sanctæ Crucis Florentiæ humandum gestaretur, re-
pente concussione tam valida sponte exagitatam, ut tabulata, super qui-
bus erat impositum, invicem fuerint disjuncta, ipsumque ex gestantium
humeris pene deciderit; quod ad jactum sagittæ, dum funus progredie-
retur, perseveravit non sine omnium adstantium ingenti admiratione. Ex-
perientia quoque testis est, multa animalia recens mortua aliquandiu mo-
tum edere. Per integras horas & dies moventur ranæ, extincto capite,
corde avulso, detracto cortice. Moventur viperæ, & viperarum fra-
sta. Mortui & saltus edunt vituli novissime jugulati: hominesque ipsi re-
-

474 DE SERVORUM DEI BEATIFICATIONE

ceas interfecti, atque in patibulis capite diminuti & vere mortui non carent motibus, cum artus subsiliant, & truncus concutiat. Omnes hi motus non oriuntur ex principio vitali animantium, sed sunt fatui quidam musculorum saltus producti a reliquiis spirituum animalium inter fibrarum recessus delitescentium & oscillantium: quocirca vanum profecto esset eos inter miracula recensere, quemadmodum observat Zacchias *quest. medico legal. lib. 4. tit. 1. quest. 10. num. 31. & 32. & plurib. seqq.* Plura habentur apud Christianum Fridericum Garmannum in tractatu de miraculis mortuorum lib. 1. tit. 1. & tit. 10. de capillorum augmento & unguium, & dentium incremento in cadaveribus. At Fortunius Licerus de secundo *questis per epistolas cap. 40.* animadvertit, pilos, ungues, & dentes in cadaveribus vere & repleta non crescere, sed crescere videri ex depreffione & consumptione circumstantis carnis, aut cutis, vel gingivarum. Idem Zacchias *loc. cit. num. 37.* Aristoteles 3. *histr. cap. 11:* scribit, capillos & ungues crescere in cadaveribus: *Crescunt etiam pili quibusdam in morbis, ut precipue in tabificis, quin etiam in senectute, & defuncto auferunt, durioresque redduntur, quod idem unguibus quoque evenit.* Philoponus confirmat: *In mortuis enim & ungues, & pili augentur.* Fuliginosum recementum materia est proxima pilorum, & mucosum est materia unguium; utrumque autem hoc genus excrementi residet prope radices pilorum & unguium; unde facile foras propelli potest in pilos & ungues a reliquiis spirituum supra memoratis: cumque interdum contingat, ut adsit prope radices pilorum & unguium prædicta materia disposita, hinc fit, ut, licet raro in cadaveribus contingat incrementum pilorum & unguium, si tamen aliquando vere contingit, vires & facultatem naturæ non excedat.

De sanguine e cadaveribus manante.

6 Sanguis a cadavere emanans non diu post obitum inter miracula recenseri non potest. Ut enim infra videbitur, cum agetur de imaginatione, & ejus viribus, sanguis sæpe manat ex corporibus mortuorum post horas aliquas, & aliquando etiam post triduum. In Evangelio S. Joannis *cap. 19.* legitur, postquam Christus, inclinato capite, tradidit spiritum, unum militum lancea latus ejus aperuisse, & continuo exisse sanguinem & aquam: & quamvis clarissima sint Evangelii verba, necesse tamen fuit summo Pontifici Clementi V. in Concilio Viennensi eorum errorem reprobare, qui effutiebant, lancea transfixum fuisse latus Christi Domini non adhuc mortui, sed viventis, uti habetur in *Clementina g. 1. de summa Trinitate & Fide Catholica.* Summus Pontifex Innocentius III. in sua *Decretali*, quæ incipit, *In quadam, tit. de celebratione Missarum*, definit, non phlegma (ut aliqui falso opinati fuerunt) sed veram aquam & latere Christi fluxisse. *Restat igitur, ut qualiscumque fuerit illa aqua, five*
nati-

naturalis, sive miraculosa, sive de novo Divina virtute creata, sive de corruptionibus ex parte aliqua resultata, procul dubio vera fuit. Medici nonnulli, naturaliter aquam effluxisse, opinantur, læso ex lancea profunde infixata Christi cor pericardio. Itaque Georgius Bertinus Campanus lib. 5. *Medicina* cap. 9. ita pronuntiat: *Pericardium continet aquosum humorem, ut cor calidissimum viscus eo veluti rose madesat, & facilius palpitet. In vulnere cordis, cum hic humor aquosus effluit, statim mors consequitur.* Unde Evangelista ad significandam & explicandam Christi servatoris nostri mortem, ex corde, vulnere accepto in latere, aquam exiisse, vere ac sapienter scriptum reliquerunt. Alii Medici auzumarunt, solam pleuram sine pericardii cordisque læsione lancea perforatam, aquam illam reddere potuisse, cum in cavo thoracis plus minusve aquei liquoris sit pro cuiusque temperamento, inque Christo Domino ob doloris acerbicatem liquor ille verisimiliter adauctus sit. Thomas Bartholinus tractatum peculiarem edidit de latere Christi aperto, & in eo adhæret Gaspari patri suo opinanti, aquam fluxisse e cavo thoracis. Utramque refert opinionem Calmet ad cap. 19. S. Joannis. Quid ergo dicendum erit? Erit ne fluxus sanguinis & aque e latere Christi inter miracula recensendus, an potius inter naturalia? Miraculum agnoscunt & celebrant S. Ambrosius lib. 10. in *Lucam* & in *explicatione Symboli*, S. Augustinus tract. 120. in *Joannem*, S. Cyrillus Alexandrinus lib. 12. in *Joannem*, Theophylactus in cap. 23. *Luca*, & Nos iisdem libenti animo subscribimus; sed adhuc remanet inquirendum, num miraculum sit constituendum in fluxu sanguinis, an in fluxu aque, an in utroque. Suarez in 3. part. D. Thoma quest. 51. differt. 41. sect. 1. §. *Secundo dicendum*, miraculum constituit etiam in fluxu sanguinis: Non poterat de corpore mortuo naturaliter sanguis effluere. Hunc sequitur Cornelius a Lapide in cap. 19. S. Joannis: *Naturaliter hoc fieri non poterat, tum quia sanguis in mortuo ex frigore condensatur & congelascit, unde effluere nequit, ut docent Medici. Alii miraculum statuunt in fluxu aque: admittunt enim, veram aquam fluxisse, non autem humorem aqueum, qualis est in pericardio. Auctorum ita opinantium nomina reſcruntur apud Calmet loc. cit. Quare ais Cornelius a Lapide ibidem: Errat ergo Calvinus dicens, aquam pericardio contineri, quo in Christo lancea perſoſſo, naturaliter aquam effluxiſſe; id enim falſum eſſe docent Medici, qui aſſerunt, liquorem illum pericardii non eſſe aquam, ſed humorem biliſum.* Theophylactus in cap. 19. Joannis præclare ſcribit, miraculum in fluxu aque fuiſſe: *Consumelia illius in miraculum vertitur, & sanguinem quidem ex mortuo corpore produiſſe admirabile eſt; verumtamen poſſet quis ſycophantarum dicere, quod veriſimile ſit, vitalem quamdam virtutem a d. huc fuiſſe in corpore, aqua autem egreſſa omnem controverſiam miraculo tollit.* Non contemnenda autem videtur eorum ſententia, qui volunt, miraculum in hoc conſiſtere, quod non admitti deſluerint gemini liquores, ſed plane diſtincti, ac per vices, primum quidem ſanguis, tum aqua, ut ſcribit Noanus in *paraphraſi in Joannem*; aut contra, primum aqua, tum ſubinde ſanguis, quod Tertulliano, Ambroſio, Hieronymo, Damasceno viſum

476 DE SERVORUM DEI BEATIFICATIONE

est : & scite Suarez *loc. cit.* perpendens verba Evangelii , *Et continuo exivit sanguis , & aqua ; & qui vidit , testimonium perhibuit ; & verum est testimonium ejus* , scribit , Joannem illis verbis locutum fuisse alterius personæ nomine , sed significasse se vidisse , testimonium perhibuisse , & verum scribendo dixisse ; ideoque modum esse faciliorem & accommodatiorem ordini narrationis ipsius , ut prius totus sanguis exierit , & deinde aqua manarit , nec fieri potuisse , ut aqua a sanguine discernetur , si mista cum sanguine exivisset .

7 Si damus , ut sanguis intra horas , aut paucos dies naturaliter effluere possit e cadavere , ejus fluxus non poterit miraculo adscribi , nisi multo post tempore liquidus ex cadavere , vel ex parte cadaveris manet : sanguis enim in homine mortuo intra venas residens , elapso aliquo tempore , aut riget , aut putrescit in saniem , aut absumitur , pro diversa corporum , vel morborum affectione & natura ; & sanguis extra venas emissus paulo post concrevit , & in substantiam plane consistentem abit : subtiliores quippe partes avolant , crassiores subsistunt , humidiores lentescunt , & , procedente tempore , idem sanguis in solidam massam cogitur . Ex quo proinde sequitur , non esse miraculi loco ponendum , etiam posita sanctitate , seu approbatione virtutum in gradu heroico , si fluat sanguis a cadavere , nisi (uti dictum est) longum tempus ab obitu præcesserit ; nec ullam sanguinis Servi Dei , vel Beati , aut Sancti extra corpus conservationem miraculo ascribendam , nisi post multum tempus idem vivus & liquidus appareat , vel statim temporibus liquefiat , nulla naturali accedente causa liquefactionis , uti bene animadvertit Zacchias *cit. quasi. 10. num. 38.* Cum in capite vigesimo primo ageremus de revocatione mortuorum ad vitam , seu de resuscitatione , egimus etiam de Vampiris , diximusque , ut in eorum historia legitur , ab ipsorum cadaveribus sanguinem vivum fluere . Ut autem ibi narravimus , cordatos homines eorum resuscitationi adversari ; ita nunc addimus , a nonnullis Physicis peritis , prætermissa resuscitationis controversia , quæstionem moveri de sanguine vivido ab eorum corporibus fluente . Præter Auctores *loc. cit.* allegatos , qui de hoc etiam fluxu sanguinis disputationem instituunt , Georgius Bernardus Bilingerus inter sua Physices elementa dissertationem inserit *de Vampiris* , & ait , nihil in sanguinis fluxu deprehendi insolitum , quod non sæpenumero in aliis etiam mortuis observatum fuerit , a quorum oribus , naribus , & auribus sanguis erupit , mirabile autem tantum referri ad longam temporis moram , si intercessit , inter mortem & sanguinis fluxum , & ad circumstantias , in quibus cadavera fuerunt sepulture mandata , uti videte est apud ipsum . Prosequitur Fortunius Licerus *de secundo questis per epistolas cap. 45. tom. 2. pag. 251.* Sane sæpius observatum , & recenti mortuo vel febris violentia , non vulnere injuria , prodire sanguinem , aliove humores ex auribus , ore , naribus , secessu . Nimirum , qui residuus est ab obitu , calor exiguus in cadavere concentra-

tus ab ambientis frigore viridior fit, ut in terra bruma tempestate; propriisque viribus auctus e membris cuti proximis, qua data porta, sanguinem adhuc fluidum pellit, ac una secum educit, & nullo vulnere per cutis poros in exanthemata, papulasque per cutem efflorescentes per obitum, quæ rubra, vel pallida, vel nigra, vel etiam livide sunt aliquando pro varietate humorum ad cutem expulsum. At vero, si sermo sit de cadavere multorum mensium & annorum, pariterque de sanguine jam frigido, concreto, duroque prorsus & addensato, dubio procul iste sanguis non potest reddi fluidus, neque fervidus a causa pure physica, sed solum a Divina, vel etiam Dæmoniaca. De Dæmoniaca tamen non est quod hic sermo habeatur ob rationes sæpe indicatas. Idemque allegatis Torreblanca, Langio, Lemaio, Libavio, aliisque multis, firmavit Prosper Bottinius olim Fidei Promotor in suis animadversionibus in causa Beatificationis tunc Servi Dei, nunc Sancti Francisci Solani: Nullum autem in huiusmodi sanguinis emissionem subest miraculum, cum ea potuerit omnino naturaliter contingere, dummodo non longe ab obitu accidas, videlicet posttridie, vel tertio ad summum die.

8 Huc spectant, quæ leguntur in vita Sancti Triphylli Episcopi Leucofie apud Bollandianos (tom. 2. Junij ad diem 13. pag. 684.). Vixerat ille temporibus Magni Constantinii, ob cuius pietatem consequi non potuit martyrii palmam, quam summopere exoptabat. Corpus ejus in corruptum remansit spatio tercentum annorum, ita ut non mortuum, sed quodammodo dormiens appareret. Saracenis autem Cyprum Insulam depopulantibus, impius quidam ejus caput gladio amputavit, & statim sanguis effluxit: Deo, ut reor, ad alias ejus corollas placenti ipsi coronam martyrii, quam semper quidem amore Christi tractus optaveras, sed subtraxeras fervens Constantini erga piam religionem affectus. Huc spectant, quæ apud eosdem Bollandianos leguntur in vita S. Modaldi Trevirensis Episcopi (tom. 3. Maji ad diem 12. pag. 60.). Cum etenim nonnulli nobiles Galli clam ecclesiam ingressi essent, in qua sacrum ejus corpus collocatum erat, & illud furto abutissent, tantus ab ejus olibus sanguis effluxit, ut Trevirenses ex pavimento ecclesie sanguine conperso lurtum conjectantes præmissis opportunis diligentis, ossa recuperaverint: Simul enim cum illius extractis artubus (mirum dictu!) sanguis copiosus erupit. Qui dum abinde, tamquam de patenti vulnere, profluere &c. cum plebs ad ora idem copiosius ex more concurrere, animadverterunt ecclesie pavementum largo persusum sanguine, &c. nec visus est labor difficilis, fugitivos insequi, cum sanguis a dreptis emanans effibus nusquam locorum reos suos desereret. Huc spectant, quæ leguntur apud Surium (tom. 6. ad diem 1. Decembris pag. 26.) de corpore S. Eligii, a quo sanguis copiose manavit, dum Sancta Batiides Regina illud venerando deosculabatur: Detecto ejus vultu, cum multis lacrymis osculata est enim, itaque pectus & manus. Ecce autem, dum sic palpat sacrum corpus, tamesi erat bibernum tempus & jamdiu illud fuisset exanime prorsusque frigidum, copiosus sanguis ex ejus naribus manavit. Id ubi viderunt Episcopi, & Regina

Cori-

478 DE SERVORUM DEI BEATIFICATIONE

Christianissima, confestim admovebant lintes: summo studio sanguinem colligentes, cum pro magno munere in Reliquiis servandum reposuissent. Vulgatum est illud S. Nicolai de Tolentino: cum enim anno 1345. Religiosus quidam Ordinis S. Augustini incensus desiderio ad suam patriam deferendi aliquas beati corporis Reliquias, brachia abscedisset, a venis copiosus sanguis erupit: neque tunc solum, sed sæpe alias brachia ipsa selecta cruore manarunt; quod fuit semper manifestum ostentum impendentis reipublicæ Christianæ mali, quemadmodum, enumeratis sanguinis eruptionibus, quæ in varia tempora inciderunt, necnon malis, quibus reipublica Christiana pro ea temporum veritate afflicta fuit, editis voluminibus ostendebant ex eadem Augustiniana familia Pater Nicolaus Hieronymus Cepius, & Pater Ægidius Crapols mihi, dum viveret, singulari amicitia conjunctus. In causa S. Francisci Xaverii inter cetera miracula propositum fuit illud sanguinis post sexdecim menses ab obitu ex digito pedis ipsius defluentis vivi & liquidi ob morsum cuiusdam piæ femine, quæ pedem deosculans tentavit evellere frustulum, quod pro Reliquia sibi conservaret. Auditores autem Rotæ ita de hoc miraculo in relatione causæ locuti sunt: Hoc fuisse miraculum, & supra totius naturæ vires contigisse censuerunt, & probarunt duo insignes Medici, quibus in hac materia fides fuit semper adhibita: nam, extincto per mortem calore naturali, illic sanguis penitus refrigeratur, congelatur, & exsiccatur, ut Galenus 2. de temp. cap. 2. & experientia ipsa ostendit, & Anatomici demonstrans in corporum sectione, dum etiam in recenti cadavere nihil sanguinis apparet, nec per illius extrema, nec usque ad penitiora sanguinis quicquam reperitur. Immo etiam hoc animalium intersectoribus accidit, qui dum coria extrahunt animalibus adhuc non refrigeratis, sed palpitantibus & calidis, dum pedes secant, nec sanguinis gutta effluere solet: ex quo fit, ut in corpore hominis post sexdecim menses demortui in aliqua extrema parte cadaveris, & a cordis fonte remotissima, nimirum pedis digito, naturali nulla ratione potueris sanguis effluere: Quare naturæ modum omnino excessit, quod ad simplex vulnus dentibus inflictum in prædicto corpore sanguis efflueret liquidus & vivus, prout in hominibus vivis vulneratis accidere solet: & id causa fuit, ut merito magna illic populi multitudo, quæ frequens aderat, hoc pro evidenti miraculo reputaret, ut testes deponunt. Concordat bulla Canonizationis his verbis (cod. Canoniz. p. 349.): Quo tempore cum mulier quadam affectu devotionis incitata specie osculantis pedis digitum, ut illum absunderet, morsu apprehendisset, statim sanguis effluerat. Sed Altißimi benignitas non his modo mirabilibus Sanctum suum in conspectu omnium populorum mirificaverat: sed omni tempore ingentia præstabat beneficia his, qui ejus intercessionem fideliter implorabant. Idemque Rotæ Auditores in relatione causæ S. Petri Regalati miracul. 2. post mortem hoc ipsum comprobant: Sed incorruptionis dotem, odorisque fragrantiam excedit sanguinis quasi necesse ex eodem Regalati corpore effusus post tam diuturni temporis intervallum.

9 In causa Beatificationis tunc Servi Dei, nunc Sancti Andreae Avellini Felix Contelorius. qui deinde librum conscripsit *de Canonizatione Sanctorum*, Advocati munere fungebatur: cumque nullum non moverit lapidem, ut tres sacre Rotæ Romanæ Auditores Joannes Baptista Coccinus, Alonſus Manzanedus, & Jacobus Cavalerius, quibus juxta morem tunc temporis receptum causæ Canonizationum committebantur, in suam infererent relationem, sanguinem ejus post annos quatuordecim incorruptum ac rubicundum in ampulla permanere, quin & octavo post obitum die, atque iterum triennio post, nempe die 10. Novembris 1611. anniversario obitus, & alias etiam liqueſcere & ebullire atque spumare visum fuisse; prædicti Rotæ Auditores die 12. Septembris 1612. rescripserunt: *Habebitur ratio in relatione juxta ordinem datum.* Urgenteque Contelorio, ut non utcumque ea inter mirabilia post obitum, sed inter vera miracula recenserentur, Auditores die 7. Octobris negotium commiserunt Joanni Baptiste Pamphilio Neapoli tunc Sedis Apostolicæ Nuntio, & postea ad summum Pontificatum evecto nomine Innocentii X. sanguinem custodiendi, & in illo anno, recurrente obitus die, rursus ebulliret, observandi. Nuntius paruit mandatis, & in epistola, qua respondit Auditoribus Rotæ, quæ inter scripturas Coccini Rotæ Decani in archivo Collegii Romani asservatur, quamque ipse fungens munere Fidei Promotoris edidi post ultimas animadversiones in causa S. Margaritæ de Cortona, præmisit, a Postulatoribus nullatenus afferi, die anniversario obitus sanguinem ebullire; deinde dixit, sanguinem ampulla contentum, esse verum sanguinem, odorem habere & colorem sanguinis, durum tamen persistere, ut ipse eum tangens ferro aculeato deprehenderat; tum addidit, se ampullam sub elavi fideliter custodivisse, propriisque sigillis capsam obſignasse, in qua erat ampulla, nec ullam die anniversario Beati in sanguine mutationem vidisse. Itaque habita quidem fuit a Rotæ Auditoribus in relatione ratio eorum, quæ contigisse dicebantur quoad sanguinem Servi Dei post obitum ipsius, sed pro Beatificatione disculsa fuerunt & approbata alia miracula, de quibus in prædicta relatione & etiam in Opere Patris Joannis Antonii Caggiani Clerici Regularis de ejusdem Sancti Andreae Avellini Beatificatione.

De sanguine S. Januarii, qui liqueſcit & ebullit, cum ad caput ejus admovetur.

10 Ingens & verum miraculum est illud, quod non unum, aut alterum testem habet, sed totam Italianam, & (ut ita dicamus) totum Christianum orbem, sanguinis S. Januarii Martyris. Sub Diocletiano Principe Puteolis in Campania S. Januarius civitatis Beneventanæ Episcopus martyrium passus est; ejusque corpore Neapolim deinde delato, atque honorifice in ecclesia tumulato, sanguis repositus est in ampulla vitrea,

vitrea, in qua adhuc servatur, idemque adhuc manet concretus ac durus: sed, cum primum ad caput Martyris admoveatur, quasi exoptet eo recurrere, unde fluxit, illudque iterum animare festinet, veluti moræ resurrectionis impatiens, protinus liquefieri, mox fluere & ebullire maxima omnium admiratione conspicitur: de quo perenni miraculo plura legi possunt apud Petram sanctam tom. 3. de miraculis perpetuis Catholica Ecclesia pag. 115. & seqq.

11 Multa profecto sunt, quæ adversus hoc insigne & perenne miraculum ab Hæreticis impie proponuntur, quos strenue & evidenter redarguit Joannes Dominicus Putignanus in suo opere de *redivivo sanguine D. Januarii*, & præsertim part. 1. de *sanguine ebulliente*. Gottus quoque in tractatu de *vera Ecclesia adversus Jacobum Piceninum* tom. 1. cap. 2. §. 4. num. 38. idem prosequitur argumentum. At, cum nullus prædictorum Auctorum memoret, quæ a Fortunio Liceto de *secundo quaesitis per epistolas cit. cap. 45.* dicuntur de sanguine S. Januarii concreto, qui sponte liquatur atque ebullit coram capite constitutus, fas sit, aliqua ex eo in hoc caput inferre. Fortunius enim, patria Genuefensis, Philosophi munere in nostra Universitate Bononiensi laudabiliter functus est.

12 Petrus Molinæus in suo *Vate Calviniano* lib. 5. cap. 14. miraculum ebullientis sanguinis coram capite impie irridet his verbis: *Quid facilius, quam injicere calcem in lagenam, quæ sic excitet bullas, ut liquor fervere videatur?* Verum, ut prætermittamus, nullam fraudem excogitari posse in re, de qua nunc agitur, cum S. Januarii sanguis liquetur & terveat, dum solemnî processione asportatus, coram innumeris populis omnium nationum, in medio itinere capiti occurrit; Fortunius, postquam physicis rationibus demonstravit, nunquam posse a calce fieri, ut sanguis concretus liquefcat & ebulliat, testatur, se excepisse patera sanguinem jugulati recens agni, & abjecto sero, concretam massam adhuc mollem ad initar carnis, aut hepatis crudi multa calce viva circum undique opplevisse, eamque pristinam molliem amisisse, nec aliquid liquidi defluxit; se deinde, excussa calce, placentam illam concreti sanguinis ad prunas imposuisse craticulæ, eamque, nullo liquore defluente, induratum fuisse inuit corii cujusdam. Addit Fortunius, se sanguinem hædi nuper mactati, scutella excepisse, qui, nullo sero prorsus excusso, concrevit; se sanguini concreto calcem vivam imposuisse, & undique circumdedisse, spe ductum liquationis propter ichorem non separatam, sed frustra, cum calx ichorem absumperit, & sanguis nunquam fuerit eliquatus. Demum, ut res evidentiùs pateret, obtinuit ab Achille Muratorio publico in Bononiensi Universitate Anatomix Professore nonnullos grumos coagulati sanguinis e dissecto corde Georgii Justiniani Societatis Jesu, cujus cadaver ab ipso fuerat exenteratum, ut, exemptis intestinis, decentius in sepulcro, & diutius servaretur a putredine. Post quartum mensem frustula sanguinis nigra calcis vivæ recentissimæ pulveribus & fragminibus plane demersit; exalpe-

expectavit ad multum temporis, per spatium videlicet duarum, & amplius horarum, nec frustula umquam de sua duricie, de sua pristina magnitudine, de sua figura quicquam amiserunt. Ex quibus concludit, etiam si calx in lagenam, in qua sanguis conservatur, esset injecta, nec bullas excitare posse, nec sanguinem liquefacere, ut Molinæus sibi persuasit. Item, ut nebulas adversus hoc præclarissimum miraculum offundant, nonnulli confugiunt ad antipathiam & sympathiam, qua, sanguinem occisi ebullire coram occifore, a nonnullis asseritur; qua magnes sponte sua converti dicitur ad polum; qua lapis adamas ab hircino sanguine fertur disrumpi; qua ferrum a magnete trahitur, & palea similiter a succino. At, omisissis illis, quæ de sanguine occisi ebulliente coram occifore profertur, (de quibus infra loquemur, cum tractabitur de viribus imaginationis) nonnulli ex Philosophis docent, magnetem vim suam ad utrumque terræ polum dirigentem ab ipsa terra, quæ est ingens magnes, repetere; & vim magneticam, qua ferrum, aut alium magnetem ad se trahit, non a forma substantiali magnetis, aut qualitate occulta, sed a mechanicis principiis oriri; neque esse proprie attractionem, sed impulsionem, uti late explicatur in philosophia Burgundica tom. 5. cap. 6. de *magnete*, & vi *magnetica*. Purchotius in *instit. philosoph.* tom. 3. part. 2. *physicæ sect.* 5. cap. 4. vim dirigentem magnetis repetit ab effluviis subtilioribus perpetuo circuitu per unum terræ polum irrumpentibus, & per alterum erumpentibus; atque ipsum ferrum non utique a magnete proprie attrahi, sed versus magnetem vi aeris circumpulsis, atque a tergo urgentis impelli putat. Sed & Jacobus Rohaultius in *physico tractatu* cap. 8. de *magnete*, subtilissimam quamdam vult esse materiam nullatenus sensibilem, quæ ea corpora impellit. De his novissime dubitat Stockius in *suis physicis exercitiis*. §. 541. At, uteunque sit de his, observat Licetus *loc. cit.* omnem magnetem, in quocumque terræ loco nascatur, semper ad polum converti, semper trahere ad se ferrum, nisi nimia vetustate vires jam habeat effictas; quemcumque adamantem, ubicumque fuerit ortus, ab hirci cujuscumque sanguine calente effringi; a quocumque succino quamvis paleam attrahi: cumque in solo sanguine S. Januarii posito coram ipso capite contingat liquefactio & ebullitio, neque id fiat, si aliorum hominum sanguis concretus coram ipsorum capitibus constituitur, concludit, liquefactionem & ebullitionem sanguinis S. Januarii frustra ad antipathiam & sympathiam, aut ad aliam quamcumque causam naturalem referri. Idem Licetus in *seq. cap.* 46. miraculo adscribit, quod in eadem urbe sanguis concretus S. Joannis Baptiste, qui in templo Monialium, quæ vulgo *Donne Romire* dicuntur, asservatur, liquefiat, si super altare exponatur, & in eo Missa celebretur in honorem prædicti S. Joannis Baptiste. De hoc tam insigni miraculo existat epistola Marci Aurelii Severini ad eundem Fortunium Licetum in *cap.* 47. Est etiam epistola Joannis Rho ad Petram sanctam tom. 3. de *miraculis perpetuis Ecclesiæ Catho-*

lica pag. 171. & seqq. ubi narratur, Clementem Merlinum Rotæ Romanæ Auditorem & Decanum, diu versatum in materia miraculorum, cujus plures existant relationes editæ in causis Beatificationis & Canonizationis Sanctorum, Neapoli commorantem, cum Missam celebraret in altari, super quo erat imposita ampulla concreti sanguinis S. Joannis Baptistæ, post ipsum Missæ initium inibi fuisse, ut de ara recederet, subortis scrupulis, ne sanguis liquesceret, quod ipse peccati alicujus reus, licet ignarus, ad sacrificandum venisset, aut quod vero Sacerdotii characterē sortasse insignitus non esset vel sua, vel Episcopi ordinantis culpa; sed ab astantibus gravissimis viris confirmatum, Sacrum continuasse, magnæque animi voluptate perfusum fuisse, cum vidit sanguinem in phiala liquescentem.

13 Sancti porro Januarii miraculi fidem adauget id, quod Labatus e Dominicanorum Familia in suo per Hispaniam & Italiam Gallico *Itinerario* anno 1731. edito fuse narrat. Eodem, inquit, pretioso in loculo, ubi Sancti illius caput reconditur, reconduntur & geminæ phialæ, in quibus ejusdem sanguis concretus asservatur. Certis destinatisque diebus ad capitis aspectum cruor ille admoveatur, ac fluxilis evadit, veluti ex viventis venis exsiliaret. Audaces aut se novisse viros, quorum alii liquefactionem pernegant, alii vero physicis rationibus rem, perinde ac a naturæ legibus non recederet, explicare nituntur. Sed eos a veritate longius aberrare censet: siquidem contra tot oculos testes pugnare eos constat, qui & sedulo, & spiritu quodam censorio id facti genus explorantes, convicti tandem, rem per tot sæcula vulgatam, uti narratur, ita contingere falsi sunt. Rursus ex rationibus physicis ad hoc phænomenon explicandum nullam in medium satis idoneam, suo quidem judicio, proferri posse testatur. Siquidem, ait, si exardescerent facies, hominumque halitus sanguinem calore suo exsolvere quisquam autumaret, in errorem dilaberetur, cum cruor præsertim exsiccatus, & a longo tempore veluti effoetus, caloris ope, in massam magis concretam faciescat, quasi-que lapidescat. Si S. Januarii, pergit Labatus, sanguis recens ab ejus interneccione bis aut ter liquidus evasiset ob humoris nondum in auras elapsi copiam, nunc tandem post tot sæcula in delubro calefcente toties expositus, ob regionis fervorem, ob accensas facies, populique concursum omni serosa portione perperita, liquefcere haudquaquam deberet. Frustra, inquit, quis objiceret, sanguinem in loco udo & frigidiusculo, marmoribus metallisque undique septo, suam liquiditatem atque humiditatem sibi perpetuo servare: nam quotiescumque e loculo suo educitur, liquidus semper comperiretur; cum tamen spectatores omnes testes sint, ubi educuntur phialæ, sanguinem cerni sub parvo volumine concretum, exsiccatum, quique ad vasis parietes illisus, sonitum edat. Ad capitis tamen aspectum cruor ille jam siccus atque subniger, liquidus purpureusque evadit, quod absque miraculo contingere nequit. Hinc factum est,

ut

ut aliquando Heterodoxi, & irreligiosi homines, qui ad rem etiam irridendam in templum sese contulerant, ad veram Fidem conversi sint, & pietatem amplexi. Hactenus Labatus. Ad ejus autem confirmandam argumenta, alia quoque ratio in medium afferri potest. Per plures ex impiis illis viris, qui miraculum convellere nituntur, sanguinem, ob humidam portionem adhuc in eodem delitescentem, & caloris ope in motum concitatam, liquecere affirmant. Sed esto. Quod ipsi nulla ratione innixi ajunt, non pernegemus. Illud tamen tunc accidere necesse esset, ut cum liquidus S. Januarii sanguis refrigereret, humida illa portio a solidiori discreta, ob ponderis ac densitatis diversitatem, diverso quoque in loco secederet: atque impedimento esset, quominus liquata dissolutaque massa unius corporis sicci durique pristinam resumeret molem atque servaret. Id in sanguine e venis educto, dum refrigerat, passim videmus accidere; medio enim in loco rubicunda massa desidit, serum vero recedit, eamque circumambit. Quod cum neutiquam contingat in S. Januarii sanguine, divinitus illum eliquescere, lateamur oportet.

14 Vix publicis typis edita fuerant, quæ modo ex Labato retulimus, cum in Diario, quod *Bibliotheca Germanica* inscribitur, tom. 29. anni 1734. inter res novas litterarias, edita est Anonymi epistola Berolino data; in qua de liquefcentis S. Januarii sanguinis miraculo agitur. Hæc autem ita habet:

15 Multi ex regia Societate Berolinensi comessatum iuverant apud Gasparem Neumannum Aulicum Confiliarium, Medicinæ Doctorem, Chymiaque Professorem die 26. elapsi Januarii. Post prandium tres præsto fuerunt phiala crystallina, in quarum qualibet materies quadam recondebatur, parvo volumine, sicca, nigra, & adeo dura, ut illisa in phiala parietes sonitum ederet. Quatuordecim saltem testes adfuisse dicuntur rem sedulo explorantes. Neumannus interea mortui caput jussit afferri, quod certe non erat Sancti Januarii. Cumque primam phialam capiti admovisset, materies rubicunda evadere, liquebat, ebulliebat, volumine excresebat, opplebaturque phialam. Secunda vero phiala capiti propius admotâ, parumper ebulliebat. In tertia vero ne hilum quidem liquabatur materies, sed dura, nigra, & sicca restabat. Quæ in primo casu contingere, Sancti sanguinem ostendisse dicendum est; in altero vero vix aut ne vix quidem propinquum eam adesse; in tertio vero, contra Heterodoxos Sanctum esse indignatum. Hactenus Epistola.

16 Sed quis unquam autumabit, caput illud phialis admotum diversos editurum fuisse effectus, si materia, quæ in phialis asservabatur, una eademque fuisset? Summum inde Neymanni artificium in apicem venit, qui ad convellendum miraculum, pioque viros irridendos, triplicem materiem excogitavit paravitque ope Chemiæ, quarum una nulla ratione, altera nonnisi summo fortasse adhibito calore, tertia vero ad acrem leviter invalescentem liqueceret atque diffunderet.

17 Quamvis autem forsitan hoc phenomenon ex aliis causis prodire queat,

queat, quæ nos latent, quæque notæ artifici, viro Chemico, sunt; nihilominus a veritate non multum nos aberasse putamus, cum in hanc causam totum id regulimus. Ad rem apprimè facit experimentum satis elegans, quod Hellotius in *Academ. Reg. Paris. Actis* anni 1739. instituto sermone de æthereo liquore Frobenii, describit. In phiala crystallina cylindrica exigua olei cujusdam portio occluditur, & dupla quantitas aquæ superinfunditur, phialæque orificium obturatur. Hoc oleum in vasis illius fundo sub aqua delidit; donec in Thermometro Reomurii liquor in gradu 16. aut 17. persistat; quod si aeris calor increverit, ut liquor Thermometri ad gradum 21. aut 22. eleuetur, tunc oleum veluti turgebit, & ad parietes vasis allapsum, & aquam circumambiens, sensim ad summum enatabit. Postea vero si phiala aquæ præfrigida immergitur, ibique detinetur per horæ curriculum; tunc vase excusso, versa veluti vice, aqua sursum educta, oleum ad fundum præceps ruet. Si hoc oleum, loco materiei Nevmanni, fuisset capiti admotum, certe spectatores infcios, neque de caloris augmento admonitos ludificari potuisset.

18 Silentio nunc preterimus illos, qui S. Januarii sanguinem servant, non adeo videri Chemiæ peritos, ut eas compositiones parare possint, quas inter Chemicos nonnisi pauci, iique doctiores elaborant. Adde, quod non facili negotio percipitur, materiem illam Nevmanni per multorum annorum seriem effectus illos, quos Auctor describit, gignere posse; cum e contrario plura præterierint secula, quibus S. Januarii sanguis identidem liquefcit in phialis crystallinis probe claulis asservatus, unde aer udus, aliaque effluvia, quæ fervorem aliquem ciere possent, arcentur. Denique a Nevmanno percontari possemus, num materies illa, quæ ad capitis aspectum liquefcit, semper liquefcit, & ex toto capitis aspectu liquefcit. Illud quoque ab anonymo epistolæ illius Auctore postulari posset, an materies quæ dissiluxerat (quoniam Nevmannus miraculum liquati cruoris simulare contendebat) iterum deinde concreverit. Hæc enim sunt propria veluti phænomena sanguinis S. Januarii; cui quidem nihil habet simile materies illa, quam Chemiæ gnarus artifex parat. Quamobrem concludendum esse videtur, Nevmannum triplicem diversamque materiem parasse, ut ad tempus spectatores amicos, qui comessatum apud eundem iverant, oblectaret. Jacobus Serces in suo tractatu de *miraculis* loquitur de sanguine S. Januarii, & ejus ebullitione; utque eam excludat a ratione miraculi, rem totam reiert ad alitiam Sacerdotum, qui ampullarum sacri cruoris & capitis sunt custodes. At quis unquam id sibi suadere poterit? astutiam videlicet potuisse latere spatio tot seculorum, & adhuc sub eodem silentio esse involutam. Joannes Conradus Danhawerus factum a ratione miraculi excludit ob inutilitatem: *Quæ enim, inquit, militas; si sanguis Januarii effusus ad suum cranium præsentiam?* At Melchior Corneus, Societatis Jesu Theologus, in sua *defensione miraculorum Ecclesiæ Catholicæ*, typis Moguntinis impressa

anno

ET BEATOR. CANONIZ. LIB. IV. PAR. I. CAP. XXXI. 485
 anno 1652. pag. 37. bene respondet, miraculum prædictum Ecclesiæ no-
 stræ fidem conciliare, & fidei evidentiam, conclu dens adversus Danha-
 werum his verbis: *O si tu Secta tua firmanda per haberes argumentum, ut am-
 pullareris!*

*De liquoribus aliquando manantibus e corporibus,
 Reliquiis, & sepulcris Sanctorum.*

19 Liquores aliquando manant e corporibus, Reliquiis, & sepulcris
 Sanctorum. S. Basiliius homil. in Sanctam Julitam Martyrem (tom. 2. oper.
 pag. 35.) aquam laudibus extollit ex ejus sepulcro manantem: Terra au-
 tem Beate hujus adventu prospera effecta, aquam gratissimam e sinu suo emisit,
 adeo ut Martyr vice matris velut communi aliquo lacte cives nutriat. Hac aqua,
 & sanis tutela, & sobrie deliciantibus voluptatis largitis, & aegris solacium est.
 Quod collocatum est ab Eliso in Hierichuntinos beneficium, hoc idem Martyr in
 nos contulit; cum saluginem, que in communi aquarum huius loco adjacentium na-
 tura percipitur, in saporem dulcem, amoenumque, & omnibus suavem, benedi-
 ctione transmutavit. S. Gregorius Turoconlis lib. 1. de gloria Martyrum
 cap. 30. testatur, suo tempore profluvium manne salutaris e sepulcro S.
 Joannis Evangelistæ dimanasse: Cujus nunc sepulcrum manna in modum farine
 hodieque eructat, ex qua Beata Reliquia per universum delata mundum salutem
 morbis prestat. Et eod. lib. 1. de gloria Martyrum cap. 31. narrat mirabile
 manne & olei profluvium e sepulcro S. Andreæ: Andreas Apostolus magnum
 miraculum in die solemnissis sua profert, hoc est manna in modum farine, vel
 oleum cum odore nectareo, quod de tumultu ejus exundat. Per id enim, qua sit
 fertilitas anni sequentis, ostenditur: si exiguum profuxerit, exiguum terra pro-
 fert fructum; si vero fuerit copiosum, magnum arva procentum fructuum habe-
 re significat: nam ferunt, aliquibus annis in tantum e tumultu oleum exundare,
 ut usque medium basilicæ profluat rivus ille &c. Cum oleum defluxerit, tantum
 odorem naribus prestat, ut putes, ibi multorum aromatum sparsam esse congeriem:
 quod non sine miraculo, ac beneficio habetur in populis. Nam ex hoc seu junctio-
 nes factæ, siue potiones data plerumque languentibus commodum prestant. In No-
 vella secunda Emmanuelis Comneni Imperatoris tit. de feriis §. 4. men-
 tio habetur manne S. Nicolai Bariensis, de qua infra: In honorem miraculis
 celebre, unguentoque scatulentis Nicolai. Apud Cardinalem Baronium in
 notis ad Martyrologium, ad diem 9. Maji hæc leguntur: Deus opti-
 mus maximus, cum multis modis Sanctorum suorum cineres illustravit,
 eo etiam honore dignatus est, ut ex aridis ossibus &c. liquorem medicamen-
 ti vinu habentem ad curandas malas valetudines, & impiis hagiomachos con-
 vincendas jugiter fluere voluerit. Apud Nicephorum hist. lib. 18. cap. 28.
 & 32. narratur, corpus Sanctæ Glyceriæ in celebri templo Heracleæ
 positum pluribus miraculis fuisse illustratum, cum ex ejus ossibus jugiter
 unguentum curandi vi prædicitum emanare soleat. Tum in tabulis No-
 variensibus, tum in Martyrologio Romano ad diem 30. Aprilis commemoratio

486 DE SERVORUM DEI BEATIFICATIONE

ratio fit S. Laurentii Presbyteri, & Puerorum Martyrum, quos ille suscepit educandos; & ex eorum ossibus medicum liquorem mansisse, Cardinalis Baronius in *notis* comprobavit. Historiam manne S. Nicolai de Bario luculenter descripsit Antonius Beattillus Bariensis Societatis Jesu; ex qua proinde habemus, statim ac corpus Myræ conditum fuit in marmoreo sepulcro, coepisse, admirantibus omnibus, effluere duos liquores, alterum ex parte capitis sub olei specie, alterum ex parte pedum sub aque forma, utrumque suavis odoris, & contra quoscunque morbos, ut experientia comprobavit, mirabiliter efficacem; itemque, a Bariensibus pio furto ossibus sublatis, & Barium translatis, semper roridum liquorem ex illis emeruisse ægris sanitatem conferentem, etiam post lapsum trium seculorum & eo amplius. Cardinalis Baronius in *notis* ad Martyrologium Romanum ad diem 6. Decembris poit relatum hymnum Breviarii Toletani, in quo in honorem S. Nicolai hi versus describuntur:

*Cujus tumba fert oleum,
Matres oliva nesciunt;
Quod natura non protulit,
Marmor sudando parturit;*

subjicit hæc verba: *Quod miraculum hactenus vigere dicitur. Baillet in vita S. Nicolai* audacter asserit, potuisse Cardinalem Baronium Barium accedere, ut certior fieret de miraculi continuatione. At opus non erat, ut Cardinalis ea de causa iter assumeret, cum id in Italia, & extra Italiam notum sit, quemadmodum videri potest apud Beattillum in opere citato, apud Fortunium Licetum de secundo *questis per epistolas* cap. 44., apud Petram sanctam tom. 3. de *miraculis perpetuis Ecclesie Catholice* pag. 137. & seqq., apud Bordonum de *miraculis medii* 28. ita ut Ferrandus Aniciensis in sua disquisitione Reliquiaria lib. 2. *prime partis* cap. 2. art. 4. hæc de hoc continuato miraculo verba protulerit: *Celeberrima est toto orbe Christiano jactata salutifera illius aque fama, quæ a sacrosanctis Beati Nicolai Myrensis Episcopi pignoribus continenti scaturigine dimanat*: Et Petrus Giannone, recens Auctor *historia Neapolitana* merito proscriptæ a sancta Sede tom. 1. pag. 525. evidentiæ facti adactus hæc scripserit: *Ma sopra ogn' altro (il Velcovo di Bari) si ostalfe per lo trasferimento quivi fatto delle miracolose ossa del santo Vescovo di Mira Niccolò; le quali, fin dalla Licia, navigando alcuni Barefi per Levante, e ritornando da Antiocchia per mare, dando a terra nelle maremme di Licia, venne lor fatto d' involar di colà il sacro Deposito, e nell' anno 1087 trasportarlo in Bari*. Così Bari gareggiando ora con Benevento, e con Salerno, se costoro pregiavano de' corpi di due santi Appostoli, ella si vanta di quello di S. Niccolò; e con tanto maggior ragione, quanto che coloro ne conservano l' ossa aride ed asciutte, ma Bari le ha tutte grondanti di prezioso liquore.

20^{mo} De hisce liquoribus actum aliquando est in causis Canonizationum, in causa videlicet Beati Willhelmi Eboracensis in Anglia Archiepiscopi sub Honorio III. de ejus Sancti virtutibus & miraculis plura legi possunt apud

apud Bollandianos tom. 2. Junii pag. 136. Porro in bulla Canonizationis cod. Canoniz. pag. 57. ita legitur: *Cum præter alia miracula, quæ longum esset per singula enarrare, sepulcrum ejus olei ubertate pinguescat, quo agri cultus inuncti a suis infirmitatibus sunt sanati. Et, ut antiquioribus recentiora succedant, in bulla Canonizationis Sanctæ Tereusæ ibidem pag. 308. sic legitur de ejus corpore reperto incorrupto & flexibili: Atque illud sane integrum atque incorruptum ac flexibile, ac si nuper trumlatum fuisset, repertum fuit odorato liquore circumfusum, quo pereuniter usque in præsentem diem, Deo Ancilla sua sanctitatem jugi miraculo attestante, desudat; & Romæ Auditores in relatione causæ hoc de eodem miraculo protulere judicium: Non minus probari credimus liquorem odoriferum ex brachio, corpore, & aliis Reliquiis Servæ Dei ad instar olei emanantem per eosdem testes de incorruptione deponentes: & itidem judicavimus, hujusmodi mirificum liquorem miraculo referendum esse; cum ex se pateat, quantum præter ordinem omnis naturæ creatæ hoc eveniat, quantum illius vires excedat, & alienum sit a corporibus mortuis, quæ putrescunt, & incinerantur; & humiditate consumpta, & carne omnino corrupta, & incinerata, ossa arida & sicca remanens, ex quibus naturaliter nullus humor, nec liquor generari, nec prodire valet. In bulla demum Canonizationis Sanctæ Mariæ Magdalene de Pazzis loc. cit. pag. 396. hæc narrantur: Humili primò loco sub ara majori sepultum est virginæ corpus, quod ibidem per annum quievit incorruptum, quamvis loci humiditas vestes penitus absorpserit. Inde traxit liquor suavisissimus ad instar balsami, & variis languoribus saluberrimus; & in præsentia cujuslibet corruptionis expertus suavisissimo etiam odore fragrans. Romæ autem Auditores de prædicto miraculo hæc scribunt in sua relatione: Denique odoriferi liquoris effusio, qui multas per annos et cibus manavit, probatur &c. ex præfato processu Florentiæ fabricato, ubi Medici una cum aliis testibus, facta pannorum, qui corpori suppositi fuerant, inspectione, prædicti liquoris signa & maculas invenerunt; quibus diligenter olfactis, omnes uno ore asseruerunt, illas referre odorem ei simillimum, qui e corpore Ancillæ Dei tunc diffundebatur: quam corporis fragrantiam, necnon liquorem odoriferum miraculo adscribendum esse, constat ex eorundem Medicorum relationibus, qui deponunt, hæc naturaliter accipere non potuisse.*

21 Si in causis Beatificationis & Canonizationis consimiles res proponantur, & eas inter miracula recensendas esse contendatur; & si, prævia invocatione Servi Dei, aut Beati, hausta aqua ex ejus sepulcro manante, aut oleo vel unguento ex beato corpore fluentibus, quæ regris applicantur, vera fiant miracula, & sanationes contingant habentes omnia requisita veri miraculi, examen ad sanationes, & earum requisita erit reducendum. Nec enim ex alibi dictis cessat substantia miraculi, si aliquid in patratione ejus fuerit adhibitum, quod per suas naturales vires effectum vel quoad rem, vel quoad modum non poterat operari. Si autem miraculum constituatur in odore, advertenda erunt omnia, quæ infra proponantur, cum de odore tractabimus. At si miraculum reponatur

tar in sola effusione aquæ, olei, vel liquoris ex ossibus siccis & aridis Servi Dei, vel Beati, magna cum cautione de loco videndum erit, in quo ossa sunt tumulata, veluti scribit Bordonus *de miraculis medii*. 28. num. 6. In his autem causis procedendum est, quando occurrunt; nam sepulcrum est aperendum, & videndum, ex quo liquor procedat, an ex causa naturali, quia ibi fit fons; vel ex arte, an illuc sit liquor immixtus. Aquæ in profundis cavernis subterraneis stagnantes ob calorem subterraneum continuum semper exhalant. Hinc orti vapores per poros & rimas terræ ad loca superiora frigida transeunt, donec ad strata faxea vel argillacea (quorum montes sunt plenissimi) perveniant, ubi ulterius penetrare nequeunt, sed ob frigus condensantur in copiosas guttas aqueas. Hæ, si per declivitatem ruant ad loca inferiora faxea vel argillacea, ibique colligantur, dant originem alicui fonti; & hic tamdiu durat, quamdiu diçtæ causæ non cessant; & quatenus ex sint perennes, fons etiam perennans est, uti conceptis verbis profertur Stockius in *physicis exercitationibus* §. 516. Fortunius Licetus in supra allegato cap. 44. pag. 241. tractans de perennitate roris effluentis e genu S. Nicolai de Bario, inter cetera, ut miraculum astruat, predictas causas naturales viriliter excludit: Denique vero si recipiant adversarii sententiam illorum, quibus tellus ad instar sponsa de mari comibit aquas, iisque veluti repleta turgens easdem evomat per ora fontium in perennes fluviorum scaturigines &c. Verumenimvero neque propter istam naturalem causam effluit e genu Sancti Nicolai liquor huiusmodi; nam ejus ossa servantur in loco siccò. Uno verbo, ut approbetur miraculum aquæ aut liquoris ad longum tempus manantis ex ossibus Servi Dei, vel Beati, demonstrandum est, ex iis jam aridis, & extra locum humidum constitutis emanare. Exemplum est in cap. 15. v. 19. Judicum, ubi post pugnam, sitiente Samfone, & ad Dominum clamante, aperuit Dominus molarem dentem in maxilla asini, & egressa sunt ex eo aquæ, quibus bausit, refocillavit spiritum & vires recepit; idcirco appellatum est nomen loci illius, Fons invocantis de maxilla, usque in presentem diem: de quo miraculo bene scripsit S. Ephrem tom. 3. pag. 72. Tanta erat (Samson) sanctimonie, ut etiam, quandoque sitiente eo, & inopia aqua orante, ex arrepta in manu ejus mandibula asini emortua fons aquarum scaturiret. Quod si forte ad omnem submovendam difficultatem ossa Servi Dei, vel Beati e tumulo vel fovea educerentur, eorumque fieret translatio ad alium locum, cautela hæc non esset omnino spernenda: si enim ossibus subductis, liquor cessaret, nec amplius e loco emanaret, e quo emanabat, dum ossa erant in eodem reposita, signum evidentissimum hoc esset, liquorem non a loco, aut a natura loci, sed ab ipsis aridis ac siccis ossibus scaturire. Supra dictum est ex ossibus S. Laurentii Presbyteri, & Puerorum Martyrum liquorem coasuevisse manare. In marmoreo autem sepulcro insculptum est hoc epigramma, relatum a Card. Baronio in notis ad Martyrol. Rom. ad diem 30. Aprilis

Aspicis hoc marmor tumuli de more cavatum?

Id solidum est insus; rima nec ulla patet,

Un-

Unde queat tellus oculos mittere lymphas :

Manat ab ingestis offibus iste liquor .

Si dubitas , medio sudantes tolle sepulcro

Reliquias , dices : Unda salubris ubi est ?

De odore e cadaveribus manante .

22 Capiti finem antequam imponamus , aliqua dicenda sunt de suavi odore e cadaveribus Scrvorum Dei , Beatorum , aut Sanctorum sive corruptis , sive incorruptis , aut ex eorum Reliquiis manante . Odoratus sensus est externus odores percipiens , quos inspiratus aer ad processus usque mammillares , ut olim putabatur , per nares evehit . Quamobrem ait Cicero *de natura Deorum lib. 2. cap. 56. Nares , eo quod omnis odor ad superiora fertur , recte sursum sunt .* At peritiores Anatomici post Verneium odoratus organum constituunt in interiori narium membrana , quæ penetratur ab innumeris parvis fibris nervorum , quos *olfactorius* vocant . Eam certe tegunt nonnullæ fibræ nervorum primæ conjugationis , & alii rami quintæ , a quibus impressiones ad cerebrum deferri possunt , quemadmodum habetur in *elementis physici Crivelli part. 1. sect. 3. cap. unic. De odore disputatur , num sit substantia , an aliquid corporeum .* Putant nonnulli Philosophi , odores non esse substantias , nec quidquam corporeum , cum sensus non percipiant substantias , sed earum tantum accidentia , nec ullus sensus ex eorum doctrina & forma loquendi per qualitatem reale materiam , sed tantum per ejus speciem , seu qualitatem spiritualem & intentionalem afficiatur . At alii docent , aliquid e rebus odoratis effluere & exhalare & per aerem deferri ; tum quia , ablata re odorata , manet odor sæpe satis longo tempore in aere , quod fieri non potest solum per species , quæ non manent , absente objecto ; tum quia quotidiana experientia discimus , exhalationes odoratas variis modis cerebrum afficere , & ipsius temperiem sæpissime immutare , & ab exhalationibus odoratis nares , oculos , & faciem quasi rodi , & dolore percellere . Optime Ludovicus Mercatus *lib. 1. part. 5. class. 6. quest. 158. pag. 503. num. 5. Necessum sit , exhalare aliquam substantiam tenuem ad modum summi deferentem prædictam odorem qualitatem &c. Quod patet , quia , ablata re odorata , manet odor diuturno temporis intervallo ; quod fieri solum per intentionales species esset impossibile , quia non manent in absentia objecti &c. Præterquam quod res odorata in loco aliquo clausa diu adservat odorem , quod constat substantia liter minui & evaporari ; quod sola emissio specierum non efficeret , ut patet in coloribus . Et num. 6. Præterquamquod vento adverso fugantur odores , & prospero ad nares facile perveniunt , quo per materiales effluxus fieri probatur &c. Quapropter statuendum est , vapores odoratos corporeos a rebus odorabilibus promanare .* Subscribit Horatius Augenius *lib. 3. epist. medic. 2. pag. 69. ubi positis datisque rebus , quæ non emittunt odorem , aëni calore Solis ,*

Tom. IV. Q 9 9 vel

vel ope ignis, hæc habet: Sed tamen, cum videamus, fumosam exhalare substantiam, univocaque sit odoris ratio in omnibus eadem, necessarium est, ut statuamus, in illis odoris existentiam non posse sine exhalatione consistere: altera est, quod poma odorata, dum longo tempore contrectantur, manibusque diu continentur, manifestissime flaccescere videntur; quod non contingeret, nisi aliqua efflueret substantia: tertia est, quod, agente Sole in floribus & plantis, odor sentitur, recedente, minuitur, aut etiam aboletur; signum quidem satis effe-
 eaz, nisi fallor, aliquid effluere præter simplicem & spirituales qualitates. Itaque Baconus in silva silvarum, sive in historia naturali sentur. 9. n. 834. absolute ait: Extra controversiam est, nullum odorem nisi substantia corporea effluis inveni &c. Præterea odores duris adhaerescunt corporibus. ut cum man-
 eas imbuunt, &c. unde corporei intelliguntur, & aliquandiu subsistere. Eo-
 dem incidunt Auctor philosophiæ Burgundicæ part. 3. cap. 3. de odoribus, Clericus in physie. lib. 5. cap. 11. de odore num. 11. Boyle in physie. insit. tom. 1. dispus. 5. de elementis in odore art. 1. num. 1. & 2.

23 Causa efficiens odoris juxta nonnullos calor est, qui siccum humi-
 do, more & modo debito, permiscet: quocirca, si post siccitatem plu-
 via decidat, in principio odor quidam percipitur; tunc enim siccum cum
 humido permiscetur, & tamdiu odor durat, quamdiu siccitas humidita-
 tem superat; si vero pluvia diu continuetur, ut ab humiditate siccitas
 vincatur, odor cessat. Hinc etiam est, quod odorata res pleræque plus
 odoris emittant, si incalcescant; nonnullæ nihil odoris ipirent, nisi ca-
 lescent; & aliæ plus odoris interdum, quam nocte, atque ætate, quam
 hieme emittant: Sennertus oper. tom. 1. in epitome. Physicæ cap. 4. de odora-
 tu, in principio. At alii causam odoris efficientem reponunt in profluvio
 quodam substantiali sulphureo pariter & salino: ea enim, quæ spiritu
 sulphureo pariter & salino abundans, plus odoris fundunt, quam cete-
 ra, ut in accenso pulvere pyrio, in thure, & succinis o m o i b u s experien-
 tia testatur, uti docet Purchotius tom. 2. insit. philosoph. part. 1. sect. 5.
 cap. 6. propos. 2. & hanc esse sententiam Chymicorum, testatur Crivel-
 lus locis supra citato, qui etiam addit, spirituum combinationem juxta di-
 versum, quem fibris affert, motum perceptiones gratas, aut ingratas
 efficere; si enim exhalat pars purior sulphuris una cum sale, tunc odor
 gratus est; at, si exhalat sal immixtum crassiori sulphuri, tunc odor in-
 gratissimus est.

24 Hæc autem retulisse satis est, cum ad nostrum non pertineat insti-
 tutum, de philosophicis quætionibus, quæ non ita facile resolvì possunt,
 judicium ferre. Asserimus autem, licet aliqua mihi, dum corrumpun-
 tur, gratum odorem emittant, aliter tamen rem se habere in corpore hu-
 mano, quod post animæ discessum, quamvis naturaliter possit non male ole-
 re, bene olere nihilominus naturaliter nequit, uti conitat experientia;
 ita ut, si illud incorruptum sit, si corruptum, si putridum sit,
 si non, si consistet, nullam causam naturalem adesse, aut adfuisse ap-
 ptam

ptam ad producendum odorem, & odor effluat, qui non sit momentaneus, qui sit suavis, qui nemini noxam inferat, sed omnibus omnino gratus sit, id ad causam superiorem sit referendum, & ita miraculo adscribendum.

25 Dictum est, aliqua mista, dum putrescunt & corrumpuntur, gratum odorem emittere, uti patet in stercore martis villaticæ, in odoramento zibethi, in moscho, & aliis similibus, de quibus Purchotius loco allato, & Franciscus Baconus in citato opere censur. 9. num. 835. Dictum est, naturaliter corpus humanum post animæ discessum posse non male olere, sed bene olere naturaliter non posse, veluti concludit Zacchias quest. medico-legal. lib. 4. tit. 1. quest. 10. num. 38. Nec tamen secundum naturam impossibile est, humanum cadaver recens non male olere; ac bene olere, inquam ego, est impossibile: quidquid de corporibus adhuc anima informatis dici possit, uti de corpore Christi Domini, & de corpore Beatissimæ Virginis nonnulli autumarunt, quos strenue redarguit Theophilus Raynaudus in *Diptrychis Marianis oper. rom. 7. pag. 31.* Et quamvis de Alexandro Magno scriptum sit, ejus cadaver per septem dies insepultum gratum odorem spirasse, nisi dicatur ingratum non spirasse odorem, veluti bene prosequitur Zacchias loc. cit. Addiderunt etiam, illud gratum spirasse odorem, cum sufficeret ad admirationem excitandam, quod ingratum non spirasset, id referendum erit ad unguenta & pretiosa aromata, quibus corpus ejus fuit delibutum, teste Curtio lib. 10. cap. 10. Itaque *Ægyptii, Chaldeique jussi corpus suo inore curare &c. purgare corpus, repletumque est odoribus aureum filium.* Dictum est, ad miraculum constituendum oportere, ut constet, nullam causam naturalem adesse, aut adfuisse aptam ad producendum odorem: quocirca, dum miraculum odoris proponitur manantis a cadavere, aut Reliquiis Servorum Dei, aut Beatorum, non solum Fidei Promotores strenue inquirunt, an corpus fuerit odoribus, aromatibus, unguentis delibutum, sed etiam quæstionem excitant de ligno, in quo corpus, aut Reliquiæ locatæ sunt, de vestibus, quibus indutum est, de pulvinariis, super quibus corpus jacet aut jacuit, de floribus & herbis, qui vel in capsâ, vel in theca, vel in cubiculo, aut prope capsam, thecam, aut cubiculum sunt, aut esse potuerunt. Cardanus lib. 13. de subtilitate §. Proximus sono odor, pag. 280. ita loquitur: *Optimius amen censetur, presentisque alicujus Divinitatis, quam odor bonus absque causa sentitur.* Et corpora Sanctorum, cum cetera fœtant, bene olere, ob id creditum est vi Divinitatis adversus naturæ decreta pugnantem. Canonicus Bollandus alibi a Nobis cum laude commemoratus, in observationibus de coemeteriis SS. MM. lib. 1. cap. 59. observavit, odorem e cadaveribus manantem, esse miraculo adscribendum, nisi suspicio sit corpora fuisse aromatibus & unguentis delibuta: *Molto saggiamente riflette il medesimo Basso, che questa fragranza, che trasmettono i sacri corpi, e qualunque altra sorta anche d'odore ripugna assolutamente alla natura de' cadaveri. Onde quella sortità, che si sente nel-*

se nelle loro membra, ed in alcuno dei loro sepolcri, ove non sia indizio veruno d'unguenti e di aromi, si reputa del tutto miracolosa. Nec dissimili modo locuti sunt Bononiæ Medici interrogati de odore, qui manare dicebatur e corpore Beatæ Catharinæ de Bononia. Ita celebris Malpighius: In quanto all'odore, ho veramente sentito un'odore gratissimo, che non saprei dire di che specie, e particolarmente nella Cappellina, dove risiede il beato corpo; e supposto, che non vi sia stata effusione di balsamo, o cosa simile, io lo stimo miracolo. Joannes Galeatius Manzius: Che se da istorica narrazione, o da altre notizie suffeguenti sarà palese, come indubitatamente io credo, che detto beato corpo da veruna parte mai non sia stato difeso dalle ingiurie del tempo, quella integrità di tutte le parti incorrotte che di presente si osserva, e molto più l'intensione dell'odore che egualmente sì dal corpo, come dagli ornamenti di esso sensibilmente si diffonde, si rendono degne di maraviglia ben grande; poichè o eccedono totalmente i limiti della natura, o almeno restano nell'essere di quel possibile, che o non mai, o sì di rado accadendo, desta nella mente di chi l'osserva maraviglia non minore di quella, che produce un' effetto, di cui l'ingegno umano non ne trova, specificamente speculando, la causa: e perciò giudico, che si debba giustamente stimare sì l'uno, come l'altro miracoloso. Dictum denique est, odorem debere esse non momentaneum, sed perseverantem per aliquod tempus, debere esse luavem, nec ulli noxam allentem, veluti bene explicat Bozius de signis Ecclesiæ lib. 15. sign. 64. cap. 8. pag. 121. Quod vero odor, & quidem maximus, ex aliquibus erumpit, id est insigne Divinitatis indita argumentum &c. Si cadaver aliquorum Sanctorum spirabunt odores, & illos baud similes terrenis, aut humanis, neque id ulla fuerit arte procuratum &c. procul dubio hoc erit evidens signum inter eos esse Ecclesiæ Dei, quando hoc non nisi a Deo fieri queat, & ad summam illius potestatem pertineat, futuraque resurrectionis, & gloria Sanctorum reificationem, & insigne sit argumentum maxima cum Christi corpore affinitatis & conjunctionis. Sequitur Signius de Reliquiis cap. 3. pag. 23.: Non tacebo notandum singulare, quod signum principale Reliquiarum sacrarum est odor quidam suavisque fragrantia nullius determinati generis, cum, inquam, acceditur eo loci, ubi sacra condita sunt Reliquia, tam fragrantia replentur odore accedentes, ut alii omnes odores, quibus homines uti solent, ab eo longe superentur. Nam neque odori florum, qui ex pratis colliguntur, similis est; neque illi, qui ex rebus suavissimis olentibus capitur; neque talis, qualis conficitur ab unguentariis; sed peregrinus est, & præ ceteris eximius, ex ipsorum Sanctorum Reliquiis vim & virtutem illam ei tribuentibus effusus. Quamvis autem, dum Beatus Eligius Noviomensis Episcopus post suas ad Deum preces diligenter inquireret, in qua parte basilicæ essent ossa S. Quotini Martyris, repertaque tumba, sarcophagus, quod manu gestabat, latus ejus foderet, confestim, perforato tumulo (ut habetur apud Surium) tanta odoris fragrantia cum immenso lumine ex eo manaverit, ut ipse fulgore, odoreque inenarrabili percussus vix consistere potuerit; hæc tamen & similia non obstant propositioni superius exposte, odorem videlicet, ut sit miraculo adscribendus, noxam afferre non debere.

debere, cum id intelligendum sit non de momentanea, sed continua noxa, & de noxa, quæ incolumitati corporum damnum afferat. Quemadmodum enim nonnulli mali odores incolumitati corporum profunt, de quibus Lævinus Lemnius de *mirac. occult. naturæ lib. 2. cap. 10.* ita nonnulli, etsi boni & suaves, odores noxam non exiguum viventibus afferunt. Afficitur uterus mulierum odoribus, quamvis suavis, & plerumque ita commovetur, ut varia deinde erumpant symptomata, veluti post Hippocratem docent Mercurialis de *morbis mulierum cap. 22.* & Andreas Laurentius *lib. 7. histor. anat. quest. 10.* Multi quoque inventi, qui non nisi molestissime ferre potuerunt rosæ odorem, & ob illius olfactum syncope, immo & morte correpti sunt. Id refertur de Cardinali Oliverio Caraffa, de Henrico a Corduba Cardinali, de Laurentio Wratislaviensi Episcopo, de Francisco Venerio Venetorum Duce, aliisque apud Amatium *centur. 2. curat. 36.* & apud Gasparem a Rejes *quest. 84.* Idem Rejes *quest. 93.* refert ex Zacuto, piscatorem aulam ingressum Sebastiani Regis Lusitanorum, quæ odoriferis frondibus & aromatum suffimentis fragrabat, in terram corruisse; Thomam autem a Vega Regis Atriatrum, perspecta origine morbi, iussisse ægrotum ad litus apponi, & cooperiri limo & alga; quo factum est, ut post quatuor horas oculos aperire cœperit, & post diem sanitatem recuperaverit. Simile exemplum affert Lævinus Lemnius *cit. lib. 2. de occultis naturæ miraculis cap. 8.* rustici cujusdam, qui Antuerpiæ, cum ad officinam aromatariam devenisset, animi deliquio statim correptus periclitari cœpit, admotoque naribus equino fimo adhuc tepenti ac fumido, cum hisce odoribus, & equorum excrementis esset assuetus, sanitatem recuperavit. Quare Angelus Modius, olim boni nominis Medicus in Urbe, scribens in causa Canonizationis cujusdam Beatæ, in qua odor manans a beato corpore tamquam miraculum proponebatur, recte scripsit: *Si ergo odor iste incessanter exhalans a venerabili corpore servato inter Moniales in loco angusto, & parva adicula, quam quotidie plures pluresque ex illis venerabunda ingrediuntur, & intibi diu commorantur, nullas tamen ledit, nullis agitationem infert, nullis symptomata morbosa inducit, etiam si varia & ad morbos disposita temperatura sit, sed potius filamen inde suscipiant, odorem esse supernaturalem, utpote effectus naturalis odoris non producentem &c.*

26 De mirabili odore ex Sanctorum cadaveribus aut Reliquiis manante collecta legi possunt exempla apud Bagattam de *admirandis orbis Christiani tom. 2. lib. 6. cap. 3. §. 7.* & apud Rotæ Auditores in relatione causæ S. Teresæ super miraculis in *tertio miraculo post mortem*, in relatione causæ S. Ilidori Agricolæ de *miraculis post mortem miracul. 1.* in relatione causæ S. Franciscæ Romanæ *part. 3. art. 6. miracul. 1.* in relatione causæ S. Ludovici Bertrandi *ad tit. de fragrantia cadaveris*, in relatione causæ S. Raymundi in *octavo miraculo post mortem*, ubi inter cetera hæc habentur: *Et propterea hujusmodi suaves odores de Sanctorum corporibus prodeuntes miraculo sunt semper tributi, sicut in Canonizatione Sancti Didaci miraculo etiam similem odo-*

rem

rem tribuerent primum Rota Auditores deputati, deinde DD. Cardinales in Congregatione habita in palatio Cardinalis bona memoria Marci Antonii Columnæ die 28. Maji 1588. & quod iidem Rotæ Auditores in citata relatione causæ S. Raymundi de odore ab ejus corpore manante dixerunt, approbatum fuit a Cardinalibus Congregationis sacrorum rituum, uti videri potest in vita S. Raymundi notis illustrata a Penia Rotæ Auditore lib. 3. cap. 33. §. final. & in relatione Alfonſi Cardinalis Gefualdi facta in Conſiſtorio, de qua apud eundem Peniam pag. 328. Demum, quod ſemper miraculo, ac ſanctitatis indicio tributum eſt, non omittendum videtur, ea die, qua Judices deputati ad ejus eſſa recognoscenda acceſſerunt, ubi arca, in qua aſſervabantur, reſerata fuit, ſua- viſſimum quemdam ac plane caeſtem odorem exhalaviſſe, quem plurimi ſenſerunt, quia Deus ea gratia dignari voluit, præcipue vere Ludovicus de Clarament, qui, cum per decem & octo annos odoratus ſenſu caruiſſet, tunc illum integrum recuperavit. Neque vero ſolum Rotæ Auditores in citatis relationibus odorem e cadaveribus Sanctorum emanantem miraculo adſcripſerunt in illis cauſis, ſuper quibus relationes ipſæ exaratae ſunt, ſed etiam in pluribus aliis, & ſignanter in illa S. Palchalis de Baylon in tercio miraculo in fine; in illa S. Eliſabeth Reginae Portugalliae in primo miraculo poſt mortem; in illa S. Franciſci Xaverii in ſecundo miraculo; in illa Servæ Dei Joannæ de Cruce miracul. 2. poſt mortem, ubi ſic legitur: *Cenſuimus, hujusmodi miraculum ſecundo gradui attribuendum fore; certum eſt enim, naturam facultatem habere effundendi bonum odorem ex corpore humano, tamen non ex corpore mortuo, & putrefactioni ſubjecto: unde, cum in iſto caſu mirificus odor reponatur reſpectu illius, in quo ſi, excedit vires ſolius naturæ creatæ, & referendus venit ad ſecundum gradum.*

27 Adhærent qui de Beatificatione & Canonizatione Sanctorum ſcripſerunt, Jacobus de Graſſi. lib. 5. de ſenſ. exconem. conſil. 17. num. 80. verſ. Rurſus, Caſtellin. de certitud. glor. Sanctor. cap. 14. num. 19. Scacchus de not. & ſign. ſanctis. ſeſt. 9. cap. 3. pag. 693. Bordon. contro. moral. 13. num. 24. Lezana conſult. 2. num. 68. Ricciul. lucubrat. Eccleſ. lib. 1. cap. 31. num. 9. Matta de Canonizat. Sanctor. part. 4. cap. 27. n. 4. & 5. Pignatell. conſult. 242. num. 16. tom. 1. Ac tum in Actis Sanctorum, quæ diebus, quibus memoria eorum recolitur, recitantur, tum in bullis Canonizationum mentio fit odoris, uti miraculo tribuendi. In ſexta etenim lectione Officii proprii S. Franciſci de Paula die 2. Aprilis ita legitur: *Cujus corpus dies undecim in ſepulchrum ita incorruptum permanſit, ut ſuavem etiam odorem efflaret: & in feſto Inventionis S. Stephani die 3. Auguſti lect. 5. Quibus auditis, Hieroſolymorum Antifiteſ, ſinitimarium urbium Epifcopus Presbyteriſque convocatis, ad locum pergit: deſoſſos loculos invenit, unde ſuaviſſimus odor efflabatur: & in fine ſextæ lectionis Officii de S. Eduardo Angliae Rege tertio idus Octobris: Annis ab obitu ſex & triginta tranſlatum ejus corpus, incorruptum, & ſuavem ſpirans odorem reperiſſum eſt: & in Canonizatione S. Thomæ Aquinatis habetur ex Conſtit. 9. Joannis XXII. (cod. Canoniz. pag. 138.) In apertura ipſius ſepulchri ejusdem Capellæ Sancti Stephani tanta fragrantis odoris ſuavitas emanavit, quod totam*

ipſam

ipsam Capellam, claustrumque ipsius monasterii, quod diffusum est, mira eadem suavitatem replevit, qua de ipsius corpore, prout ex sollicita curiosaque Monachorum indagine est repertum, mirifice fundebatur: & infra: Hanc similem fragrantiam post septem annorum spatium quidam ex testibus, quidam vero post quasdecim annorum spatium sensisse se referunt, dum corpus ipsum diversis ex causis per temporum vires sedulo inspexissent. Quippe odor carnis ejus mandistam Deo acceptam exprimebat, orationum ejus odorem repraesentabat, famam quoque ejus claram diffusionemque virtutum, & illarum aromatum non celabat: & in Canonizatione S. Raymundi Constit. 77. Clementis VIII. (loc. cit. pag. 271.) : Neque vero hac odoris fragrantia eo solum tempore ex ejus corpore emanavit, sed ex aperto quodam ejus sepulcri meatu idem suavis odor quandoque afflatur, qui ab iis sentitur, quos Divina bonitas eo munere dignatur: & S. Theresie, de qua est Constit. 20. Gregorii XV. (loc. cit. pag. 308.) : Sed & sepulcro ejus odor adeo ingens ac mirificus emanabat, ut decretum fuerat sacrum corpus exhumare: & S. Franciscus Romanus Constit. 45. Pauli V. (loc. cit. pag. 284.) : Simili miraculo, quo Sanctorum suorum corpora non semel honoravit, Francisca etiam corpus honorare dignatus est Dominus; tantis enim odoribus fragrans, ut, omnia odoratis floribus referta visa fuisset, Acta testentur: & Sancti Francisci Xaverii Constit. 4. Urbani VIII. (loc. cit. pag. 348.) : Et quamvis nullo odoramentorum genere curantibus fuisset, Divino tamen munere tam odorum fragrantiam spirabat, ut esset supra omnia aromata: & Sancti Petri de Alcantara Constit. 1. Clementis X. (loc. cit. pag. 385.) : Corpus vero pulcherrimum, caelesti quodam celo: & perfusum, cunctis apertis, & miro splendore radiantibus, suavissimo de membris odore manante, intuentes replebat admiratione: & Sancte Rosae Limane Constit. 37. ejusdem Clementis (loc. cit. pag. 423.) : Repererunt Virgineum corpusculum post quintum decimum expletum ab obitu annum, consumptis indumentis, ossibus integris, & adhuc sicca hinc inde carne obductis, qua odorem resarum exhalabant.

28 Quæres, num incorruptio corporis, & odor ab eodem manans, pro uno, an duplici miraculo habenda sint. Scacchus de nos. & sign. sanctis, sect. 9. cap. 3. pag. 692. innuere videtur, incorruptionem, & fragrantiam, pro uno eodemque miraculo habendas esse: Illud tamen assero, si integritas cadaveris alienius viri defuncti cum sanctitatis fama & opinione adjunctam habeat fragrantiam, & odorem supernaturalem exspiret, aliquid suppeditari sanctitatis indicium etc. Confirmatur, quia, dum Ecclesia refert aliquem in seriem Sanctorum, nunquam pro miraculo asseri solet integritas cadaveris, quin simul morum integritas, variaeque virtutes, ac miracula, cadaveris denique ipsius referatur fragrantia & odor preternaturalis. At verius est, juxta Sedis Apostolicæ, & sacre Congregationis praxim, incorruptionem & odorem esse duo distincta miracula. In relatione causæ S. Theresie in secundo miraculo post mortem ita legitur: Quem odorem, licet illum consideremus in abstracto a miraculosa corporis incorruptione, etiam per se miraculo insigni adscribendum fore censuimus. Concordant Acta ejusdem causæ collecta a Joanne Paulo Mucantio Congregationis sacrorum rituum Secretario, quæ sunt in Convexa S. Annæ Patrum

Patrum Carmelitarum Excalceatorum Hispanorum in Urbe degentium; in quorum Actorum tom. 1. pag. 276. enarrantur Congregationes habine super examine relationis Rotalis: *Illustrissimus & Reverendissimus Cardinalis Lancellottus &c.* incepit examinare articulum quartum ejusdem relationis de miraculis post mortem, & primo loco examinavit miraculum de incorruptione corporis &c. quod miraculum per se esse, & inter alia miracula annumerandum, *Illustrissimi & Reverendissimi Domini judicaverunt.* Proposuit & examinavit secundum miraculum de odore mirifico, qui ex corpore ipsius Servæ Dei emanabat, quod miraculum esse, a prædictis *Illustrissimis & Reverendissimis DD. Cardinalibus conclusum fuit.* Concordat relatio habita in Consistorio secreto de eadem causâ S. Teresæ a Francisco Maria Cardinali a Monte: In eodem corpore tria miracula computantur, incorruptionis, odoris, & liquoris perenniter sudantis. Et eodem modo processit sacrorum rituum Congregatio in causâ S. Jacobi de Marchia, uti colligitur ex Decreto edito die 29. Januar. 1726. quod fuit Apostolica auctoritate roboratum a Benedicto XIII. die 2. Februarii ejusdem anni.

CAPUT XXXII.

De Beatorum, & Sanctorum apparitionibus, an inter miracula recenseri possint.

I DE visionibus, revelationibus, & apparitionibus multa dicta sunt in 3. libro hujus Operis, dum agebatur de *Gratiis gratis datis*; cumque apparitiones duplici modo considerari possint, in se ipsis videlicet, & respectu aliorum, quibus obtigerunt; in hoc capite pleaque dabimus de apparitionibus in se ipsis, & pauca quedam de apparitionibus quoad alios, quibus obtigerunt; uberior enim quoad hanc alteram partem pertractatio sumi poterit ex his, quæ 3. libro dicta sunt. Uno verbo, in 3. libro actum est, an ex apparitione Christi, Beatissimæ Virginis, aut alicujus Sancti inferri possit sanctitas ejus, cui prædicta contigit apparitio: nunc autem videndum est, an, si aliquis Dei Servus nondum inquit Beatos relatus, vel aliquis Beatus nondum Sanctis adscriptus alicui appareat, id habendum sit pro miraculo, & an ejus haberi possit ratio in judicio Beatificationis aut Canonizationis ipsius, sive præcesserit, sive non præcesserit Servi Dei, vel Beati parentis invocatio; cum, etiam si non præcesserit, dici possit, eam Divino nutu factam fuisse ad ostendendam sanctitatem Servi Dei, vel Beati.

2 In lib. 2. *Machabeorum* cap. 15. vers. 12. & seqq. Machabeus exposuit apparitionem Oniæ, quam habuit in somno: *Erat autem hujusmodi visus: Oniam, qui fuerat summus Sacerdos, virum bonum & benignum, reverendum visu, modestum moribus, & eloquio decorum, & qui a puero in virtutibus exercitatus sit, manus protendentem, orare pro omni populo Judæorum.* Post hoc apparuisse & alium virum ætate & gloria mirabilem, & magni decoris habitudinem circa

circa illum . Respondentem vero Oniam dixisse : *Hic est fratrum amator , & populi Israel ; hic est , qui multum orat pro populo , & universa sancta civitate , Jeremias Propheta Dei . Extendisse autem Jeremiam dexteram , & dedisse Jude gladium aureum , dicentem : Accipe sanctum gladium munus a Deo , in quo desicias adversarius populi mei Israel .* In Evangelio Matthæi cap. 17. vers. 1. narratur transfiguratio Christi Domini , in qua Divinitatem suam , & Sanctorum gloriam præmonstravit , & ibi legitur : *Assumit Jesus Petrum , & Jacobum , & Joannem fratrem ejus , & ducit illos in montem excelsum seorsum . & transfiguratus est ante eos &c.* *Es ecce apparuerunt illis Moyses , & Elias cum eo loquentes .* S. Thomas 3. part. quæst. 45. art. 3. docet, Christum voluisse transfigurari , ut gloriam suam hominibus ostenderet , & ad eam desiderandam homines provocaret ; cumque ad gloriam adducerentur non modo homines , qui post eum fuerunt , sed etiam qui eum præcesserunt , conveniens fuit , ut inter eos qui præcesserunt , essent Moyses & Elias , & inter eos qui sequebantur , essent Petrus , Jacobus , & Joannes ; atque , animam Moysis suum corpus non resumpisse , sed apparuisse per aliquod corpus assumptum , sicut Angeli apparent , & Eliam apparuisse proprio corpore , non quidem allato de cælo empyreo , sed de aliquo eminenti loco , quo curru igneo raptus fuerat . Aliquæ opponuntur Divinarum Scripturarum auctoritates , quæ apparitionibus omnibus mortuorum ob stare videntur . Job etenim 7. v. 9. legitur : *Sicut consumitur nubes , & pertransit , sic qui descendit ad Inferos , non ascendet .* Rursus Psalm. 77. v. 39. homo dicitur esse spiritus vadens , & non rediens . Et demum Lucæ 16. v. 26. dicit Abraham : *Inter nos & vos chaos magnum firmatum est ; ut hi , qui volunt hinc transire ad vos , non possint , neque inde huc transire .* At illud Job intelligitur de eo quod secundum cursum naturæ fit , non de eo quod agitur interdum ex miraculo ; & sensus est , animam semel corpore exutam non posse naturaliter redire ad pristinam vitæ rationem , divitias , palatia &c. sequitur enim apud Job 7. v. 10. *Nec revertetur ultra in domum suam , neque cognoscat eum amplius locus ejus .* Alterum ex Psalmo deductum intelligitur de homine depravato , qui per solam virtutem suam non potest se convertere ad virtutem , sicut recedit ad vitium : præcedit enim : *Recordatus est quia caro sunt , idest carnales & fragiles .* Et demum , quod ex Luca desumptum est , probat , Abraham noluisse permittere , aliquem ex mortuis ire ad fratres divitis Epulonis monendos , ut poenitentiam agerent , cum haberent aliunde sufficientia conversionis argumenta & auxilia . At hinc non inferitur , mortuos ex permissione Divina apparere non posse : chaos quippe significat hiatus seu voraginem maximam , imperviam animabus mortuorum ex Decreto Divino ; sed non excludit omnem apparendi potestatem , & , ut Theologi loquuntur , dispensationem .

3 Apparent animæ Beatorum , animæ Damnatorum , & animæ purgantes . Apparent autem animæ Beatorum , vel ut certiores faciant aliquos de sua felicitate , vel ut Dei mandata ad nos perferant , vel ut ad virtutem

tutem horrentur, vel ut aëris & morientibus assistant, aut alia nobis præstent beneficia. Apparent animæ Damnatorum tamquam præcones Divinæ justitiæ, & ita nos vitam instituire docent, ne & ipsi pari poena plectamur. Apparent animæ purgantes, ut nostris adjutæ suffragiis citius a pœnis liberentur. Nulquam autem legimus, apparuisse animas puerorum, qui cum solo peccato originali decesserunt, cum juvari suffragiis nostris non possint; nec in earum apparitionibus inesse posse videatur utilitas, aut virtutis exemplum, quemadmodum totidem verbis exposuit Cardinalis Bona *de discret. spirit. cap. 19. num. 8.* & latius prosequitur Thyraeus *de spirituum apparit. cap. 11. num. 22.* Damnatorum Spirituum duo genera possumus constituere. Quidam sunt, qui præter poenam damni experimuntur etiam poenam sensus; quidam (ut infantium non renatorum) solum damni sustinent. His hominum colloquiis sese miscere, compertum est nemini; posse, si is qui omnia potest, ita jubeat, nemo dubitat; verisimile tamen putamus, Deum id nunquam, vel rarissime jubere, & ipsos id nunquam expetere, ut qui nullum ex hac re ipsi fructum capere, nec aliis, nisi raro admodum, afferre possunt.

4. Doctrina hæc est etiam D. Thomæ in *supplemento 3. part. quest. 69. art. 3.* in corpore ubi, proposita quaestione, utrum animæ existentes in paradiso, vel in inferno egredi valeant, respondet, egredi non posse, ut nunquam ad paradysum, vel infernum regredi debeant, sed ad tempus exire posse. Ecce verba Sancti Doctoris: *Augustinus narras de Felice Martyre, qui civibus Nohania visibiliter apparuit, cum a Barbaris oppugnarentur. Et hoc etiam credi potest, quod aliquando de Damnatis contingat, quod ad eruditionem hominum & errorem permittuntur viventibus apparere, aut etiam ad suffragia expenda, quantum ad illos, qui in Purgatorio detinentur.* S. Doctor nullum ibi verbum facit de animabus puerorum cum solo peccato originali decedentium: sed doctus ejusdem Sancti discipulus Vincenzius Maria Cardinalis Ursinus, ad summum Pontificatum erectus, assumpto nomine Benedicti XIII. in *serm. 23. primi trigesimi de Purgatorio*, de prædictis ita loquitur: *Quindi parmi, che di tutte le Anime, che possono aver con noi commercio, le più sfortunate, e sfortunate del Purgatorio. Perché (passando sotto silenzio quelle del Limbo de' santi Padri, il quale adesso non vi è) se ci comparassimo i Dannati, o i Santi, servono tali apparizioni per nostra sola istruzione, eccitandoci questi alla conquista del cielo col mezzo delle opere buone, e discorrendoci quelli dalle cattive col terror dell' Inferno, giusta la sentenza dell' Angelico nel luogo citato: Ad eruditionem hominum, & terrorem permittuntur viventibus apparere: ma, se ci appariscono i defuncti purganti, da ciò intende il Signore cavare non solamente la sopraddesta nostra istruzione, ma insieme il sollievo delle stesse anime penanti del Purgatorio, il che prima (come ho detto) sommaramente al videssemo misericordiosissimo Iddio; onde ben' avverti il santo Maestro nel luogo anzidetto, che quelle anime appariscono ad suffragia petenda. Perciò io non trovo, essere mai a' vivi apparite le anime de bambini del Limbo* (ben-

(benchè, quando a Dio piaceſſe, potrebbero comparire) perchè queſte non eſſendo capaci di ſollievo, non ſervirebbero per noſtra iſtruzione; anzi, come dotata d' immortalità e di ſenno ſapere, e non ſoggette a pene di ſenſo, coll' apparire ad alcuni, che ſiſſero di mente troppo baſſa e di animo troppo terreno, gli farebbero facilmente in vogliare del loro ſtato, e contentandoſi di non veder mai la bella faccia di Dio, perpetuare ſenza mutazione la preſente vita.

5 Innumera ſunt apparitionum exempla, quibus Sancti ſe æternam conſecutos fuiſſe felicitatem oſtenderunt. Aliqua tantum probatiſſima hic referemus. S. Hieronymus in vita S. Pauli Eremitæ tom. 2. oper. col. 11. narrat, S. Antonium citato grefſu iter aſſumpſiſſe, ut S. Paulum graviter ægrotantem, antequam moreretur, videre poſſet; timebat enim quod evenit, ne, ſe abſente, Chriſto debitum ſpiritus redderet: *Quamquam jam dies alia illuxiſſet, & trium horarum ſpatio iter remaneret, vidit, inter Angelorum cateruas, inter Prophetarum & Apoſtolorum choras, nixeo candore Paulum fulgentem in ſublime conſcendere: & ſtatim in faciem ſuam precipitans, ſabulum capiti ſuperjacebat, plorantque & ejulans ajebat: Cur me, Paule, dimittis? Cur inſalutatus abis? Tam tarde notus, tam cito recedis?*

6 In vita S. Benedicti ſcripta a S. Gregorio Magno cap. 34. (Dialog. lib. 2. oper. tom. 2.) hæc habentur: Cum ecce poſt triduum in cella conſiſtens (ſermo eſt de S. Benedicto) elevatis in æra oculis, vidit ejuſdem ſcioris ſua (Sanctæ videlicet Scholaſticæ) animam de ejus corpore egreſſam in columbe ſpecie cali ſecreta penetrare. Qui tanta ejus gloria congaudens, omnipotenti Deo hymnis & laudibus gratias reddidit, ejusque obitum Fratribus denunciavit. Et cap. 35. ita legitur: Dum intentam oculorum aciem (Sanctus videlicet Benedictus) in hoc ſplendore coruſca lucis inſingeret, vidit, Germani Capuani Epifcopi animam in ſphæra ignea ab Angelis in celum ferri. Et cap. 37. in quo ejuſdem S. Benedicti mors deſcribitur, hæc habentur: Qua ſcilicet die duobus de eo Fratribus, uni in cella commoranti, alteri autem longius poſito, revelatis unus, atque indiſſimilis viſionis apparuit. Videntur namque, quia ſtrata palliis, atque innumeris coruſca lampadibus vita reſto Orientis itramite ab ejus cella in celum uſque tendebatur. Cui venerando habitu vir deſuper clarus aſſiſtens; cuſus eſſet vita, quam cernerent, inſiſſit. Illi autem, ſe nescire poſſeſſi ſunt. Quibus ipſe ait: Hæc eſt via, qua dilectus Domino celum Benedictus aſcendit. Tunc itaque ſancti viri obitum, ſicut præſentes Diſcipuli viderunt, ita abſentes ex ſigno, quod eis prædictum fuerat, agnoverunt: Et de apparitione S. Bernardi poſt mortem cuidam Fratri Guillelmo de Mōnte Peſſulano, qua ei demonſtravit, ſe in celum aſcendiſſe, teſtatur Alanus in ſecunda vita S. Bernardi cap. 31. edita poſt Opera S. Doctoris edit. Mabillonæ. Ipſi quoque S. Bernardo, dum viveret, apparuiſſe animas aliquorum Monachorum, qui pie in Domino mortui fuerant, habetur in antiquo & authentico libro, cui titulus *Exordium magni Cifterciens*, atque ex eo Gaſpar Antonius Petrina in ſua hiltoria chronologica S. Bernardi tranſtulit; tom. 1. pag. 155.

7 De Beatorum, & Sanctorum apparitionibus, ut ægris aſſiſtant,

Auditores Rotæ in relatione causæ S. Caroli Borromæi 3. part. de miraculis, in miraculo *Marthe* cujusdam de *Vigbis* a cecitate, qua laborabat, liberata intercessione S. Caroli, asserunt id Beatis & Sanctis quodammodo familiarè & usitatum esse: & quod attinet ad apparitionem, ut alia etiam beneficia hominibus conferantur, celebre est illud S. Andreæ Corsini, de quo in relatione causæ ipsius exarata a Rotæ Auditoribus part. 5. §. 3. Cum enim anno 1440. Eugenius Papa IV. Florentiæ commoraretur, & Philippus Maria Mediolani Dux summo Pontifici & Florentinis bellum intulisset, & Nicolaus Picininus militiæ ejusdem Ducis Præfectus Florentinorum oppida devastare cœpisset, electique fuissent decem viri, qui rebus bellicis præpositi darent operam, populus Florentinus potissimam spem collocavit in auxilio Divino, factoque concursu ad ecclesiam, in qua Sancti corpus sepultum erat, Sanctus apparuit adolescenti dicens: *Adolescens, propera ad viros bello præfectos, meaque hæc verba referas: Deus, qui Israel de manu Pharaonis eripuit, ipse confringet adversarios vestros: ne timeatis cum hoste congregari; nam Deus dissipavit vires illorum.* Paruit adolescens; Magistratus ei fidem adhibuit; pugnatum est, & hostium copiæ undique luse sunt non sine visibili Dei auxilio, ipso die per Sanctum adolescentem prænuntiato, cum copiæ Florentinorum essent exiguæ & collectitiæ, Mediolanensium autem exercitus non solum numero superaret, sed compositus esset militibus veteranis, bello & victoriæ assuetis. Historici narrant, in ea insigni victoria aut decem, aut unum tantum ex militibus Florentinis desideratum fuisse. Hujus ejusdem apparitionis historia plene refertur in vitis Sanctorum & Beatorum Florentinorum, quas anno 1742. Joseph Maria Brocchius typis edidit, uti videri potest in *vita S. Andreæ Corsini* pag. 357. & seqq.

8 Succedunt exempla animarum Damnatarum, quæ tamquam præcones Divinæ justitiæ aliquando apparuerunt, hominesque admonuerunt, ut pravorum mores exuerent, ne & ipsi pari poena plecterentur. Apud Cardinalem Baronium *ad ann. 1044. num. 4.* narratur, Benedictum IX. summum Pontificem voluptatibus deditum humanæ fragilitati se tandem præcipitem dedisse, sed hortatu S. Bartholomæi Abbatis Cryptæ ferratæ Discipuli S. Nili summum Pontificatum abdicasse, & se in monasterium recepisse ad agendam poenitentiam. Idem Benedictus IX. narratur, post dimissum Pontificatum, mortuo Clemente II. eum iterum invasisse, & retinuisse spatium octo mensium nullo jure, tum quia per simoniam irrepserat, tum quia post abdicationem ad eum redire non poterat. Quocirca Papebrochius in *conatu chronico-historico ad vitas Romæ. Pontif. ait*, Benedictum IX. ante Pontificatus renuntiationem fuisse legitimum Pontificem, sed non postquam eum resumere post mortem Clementis II. ausus est. Adhæret Pagi junior in *brevariario Romæ. Pontif. tom. 2. in vita dicti Benedicti IX.* ubi asserit orationem Leonis IX. ab ipso habitam pridie, quam spiritum Deo redderet, in qua Deum oravit pro conversione Simoniacorum,

rum, & præcipue pro conversione Theophylacti, seu Benedicti IX. Et apud eundem Cardinalem Baronium ad ann. 1054. num. 55. refertur, dum Vaculus quidam iter ageret, monstrum immane confpexisse, quod humanæ vocis verba formavit dicens: *Noli, o vir, expavescere. Hominem me olim fuisse, sicut & ipse nunc es, procul dubio crede: sed quia bestialiter vixi, post finem vitæ bestia præferre speciem merui. Porro, cum ille perquireret, quis fuisset: Ego, ait, solo nomine Benedictus fui, qui nuper Apostolica Sedis apicem indignus obtinui. Inquisitus autem, quidnam retributionis haberet; Nunc, inquit, usque ad diem iudicii per dumosa atque squalentia, per sulphurea loca, atque fœtorem exhala-ntia, atque incendiis conflagrata rapior atque pertrabor. Post extremum vero iudicium corpus meum simul & animam irremediabilis cruciatus, & gehennalis barathri me irrevocabilis olla deglutiet, ita ut nulla mihi recuperationis spes in posterum restet. Post hæc vero, & huiusmodi verba disparuit. Hæc ex Baronio, qui apparitionem desumpfit ex S. Petro Damiani, qui illam audiverat a Cardinali Humberto.*

9 Thomas Cantipratenſis in *gestis seu vita S. Lutgardis* hæc habet de apparitione animæ Innocentii III. summi Pontificis (apud Bollandianos ad d. 16. Junii tom. 3. pag. 245.): *Subiecto fere tempore Dominus Innocentius Papa tertius post celebratum Lateranense Concilium ab hac vita migravit; nec intercessit mora post obitum, cum ipse Papa pia Lutgardi visibiliter apparuit. Illa autem ut vidit apparentem, maxima flamma circumdatum, quis sic esset interrogat: Et ille: Ego sum, inquit, Innocentius Papa; & illa cum gemitu. Quid est, inquit, te nostrum omnium pacem tanto supplicio cruciari? Cui ille; Tres, inquit, causæ sunt, quare sic crucior; per has autem etiam dignissimus æterno supplicio tradi: sed per intercessionem piissimæ Virginis Mariæ, cui monasterium adificavi, in fine penitus, & æternam mortem evasi. Crucior tamen atrocissimis pœnis usque in diem extremi iudicii. Hoc ipsum autem, quod ad te petiturus suffragia venire potui, mihi utique a suo Filio misericordia mæser obtinuit. Hæc cum dixisset, repente disparuit. Lutgardis autem obitum & necessitatem defunctis Sororibus, ut ei succurrerent indicavit. Ipsam autem animo compassa tanto piaculo, mirabili se pro illo, qui apparuit, afflixit supplicio. Nota autem lector, quod ex revelatione pia Lutgardis ipsas tres causas accepimus, sed eas ob tanti Pontificis reverentiam subtricemus. De hoc Thoma Cantipratenſi, & ejus meritis plura habentur in dissertatione historica ad librum Cardinalis Bellarmini de Scripturis Ecclesiasticis Venetæ editionis anni 1728., & apud Jacobum Echard in Scripturis Ordinis Predicatorum tom. 1. Cardinalis Bellarminus de gemitu columba lib. 2. cap. 9. ait, se credere, tantum Pontificem, qui in oculis hominum non probus & prudens solum, sed etiam sanctus, & imitatione dignissimus habitus est, non potuisse lethalia peccata committere, nisi sub specie boni deceptum ab adulatoribus, & domesticis: & prædictam animæ Pontificis apparitionem tamquam probabilem & verissimilem admittunt Spondanus in continuat. annal. Card. Baronii ad ann. 1216. num. 13. Pagi in breviar. Romæn. Pontif. tom. 3. in vita Innocentii III. num.*

num. 110. Fleury in *hisor. Eccles. lib. 77. in fine tom. 16. edit. Paris. ann. 1718. pag. 401. Burius in brevi notitia Romm. Pontif. in Innocentio III.*

10. Hisce apparitionibus, quatenus veræ sint, bene demonstratur, animas Damnatorum aliquando apparuisse, ut nos de poenis, quibus ad dictæ sunt, admonerent, & a culpis patrandis averterent; & animas Purgatorii aliquando apparuisse, ut a viventibus hominibus suffragia exposcerent. Dictum est autem, quatenus veræ sint; quandoquidem, quod attinet ad apparitionem animæ summi Pontificis Benedicti IX. Jacobus Sciommarus Ordinis S. Basilii ex antiquo codice vitæ S. Bartholomæi quarti Abbatis Cryptæ ferratæ, aliisque monumentis in archivo dicti monasterii existentibus strenue contendit, Benedictum IX. pulso Silvestro III. Antipapa, ad summi Pontificatus apicem rediisse, & hortante Joanne Archiepescytero, Pontificatum abdicasse, retentis tantum Anglici Regni redditibus; eundem Joannem ei suffectum fuisse, assumpto nomine Gregorii VI. Successorem Gregorii VI. fuisse Clementem II. & tunc Benedictum IX. rursus electum fuisse in summum Pontificem; sed in præteritis criminibus persistentem, hortatu S. Bartholomæi Abbatis, Pontificatus iterum renuntiasse; tum in monasterium sub ejus disciplina ad agendam poenitentiam se recepisse, & verum poenitentem mortuum esse; ita ut assertum Vacli ignoti viri, cui nimis creduli Cardinalis Humbertus, & B. Petrus Damiani fidem præstiterunt, nullo probabilitatis fundamento sulciatur, Legi potest idem Sciommarus in nota 25. ad cit. vit. S. Bartholomæi. Et, quod spectat ad apparitionem animæ Innocentii III. Continuatores Bollandiani ad diem 16. Junii ad vitam Sanctæ Lutgardis hæc habent (in notis pag. 237.): *Innocentius Papa mortuus est 16. Julii 1216. Cum autem Pontifex iste fuerit optimus, illusionem vel fabulam esse velunt aliqui quod hic narratur. Sed numquid judicium Dei abyssus multa, & ab hominum judicii sepe diversissima? At Raynaldus in annal. ad ann. 1216. num. 12. & Oldoinus in addit. ad vitam ejusdem Pontificis quamvis admittant, ejus animam, Deo permittente, suffragia postulare potuisse, utpote traditam ignibus Purgatorii, ut expiaretur, cetera tamen supra narrata rejicienda existimant, utpote explosa testimoniis Rigoldi de Gestis Philippi Augusti, & S. Antonini, qui dicunt eum post innumera opera egregia virtutum beato sine quievisse. Verumtamen, quatenus memoratæ apparitiones veræ non fuerint, aliæ profecto non desunt, propositum comprobantes, de quibus apud Bagattam de admirand. orbis Christiani lib. 8. cap. 1. §. 1. & plurib. seqq. & apud Martinum del Rio lib. 2. disquisit. magicar. quest. 26. sect. 5.*

11. Post hæc generalia, ut descendamus ad examen propositæ in hoc capite controversiæ, an habendum sit pro miraculo, si aliquis Dei Servus nondum inter Beatos relatus, vel aliquis Beatus nondum Sanctis adscriptus appareant, siue apparitio fuerit intellectualis, quæ raro contingit, siue corporalis, quæ usu frequentior esse consuevit, juxta ea quæ alibi dicta sunt, & cetera quæ legi possunt apud Cardinalem de Lauræa in 3. lib. sent.

sent. tom. 4. disput. 20. de miraculis art. 16. dicimus, apparitionem inter miracula esse recensendam.

12 Communis hæc est Scriptorum opinio, duce D. Thoma 1. *part. quest. 89. art. 8. ad secundum*, ubi hæc habet: *Ad secundum dicendum, quod hoc, quod mortui viventibus apparent qualitercumque, vel contingit per specialem Dei dispensationem, ut anima mortuorum rebus viventium interfuit: & est inter Divina miracula computandum.* Doctrinam S. Thomæ fuso illustrat Mathæus Magnus in *dissertatione de lacrymis Imaginis S. Mariæ de Gratiis Pigna Billurum part. 1. quest. 2. sect. 1. §. 6. dist. 1. num. 34. Matthæucius in præf. Theologo-Cavon. ad caus. Beatificationis, & Canonizationis tit. 3. cap. 3. art. 2. §. 6. num. 78. ait: Anima separata, qua nec corpus assumit, neque in ipso loquitur, nisi ex particulari & extraordinaria jussione Dei: propterea non caret miraculo; & num. 79. Hinc constat, evanescas apparitiones esse miraculosas, tum quia insolitas, tum quia raras & arduas, vel difficiles, qua in admirationem rapiunt, tum quia supra opem naturæ, vel vires naturæ excedentes, cum nunquam Angeli, vel anima separata apparentur..... nisi Deus specialiter eis committeret, ac supra ordinem ipsarum. Bordonus de miraculis meditat. 13. postquam opportuit, Angelum posse viribus propriis formare corpus ex ære, in eo loqui, & hoc ipsum fieri posse ab anima rationali separata, ait, his minime obstantibus, apparitiones Angelorum, & animarum separatarum esse miraculo tribuendas. Loquens enim de apparitionibus Angelorum, num. 7. asserit has esse miraculosas: *est enim ipsi possunt condensare ærem, & formare corpus aliquod non vere tale, in quo appareant, non ideo per hoc tollitur hujusmodi apparitionibus ratio miraculi, cum sint insolita & præter ordinem naturæ, non propria auctoritate, sed ex Divina ordinatione appareant hominibus, & locuti in eis non sit naturalis, cum corpus assumptum ab illis careat veris organo ad promouendam vocem & loquelam, & nihilominus ipsi articulate loquuntur: ergo hæc ab illis præstantur ex speciali Dei jussione, ac proinde miraculosa, cum non sint actus vitales: quod ipsum affirmat de apparitionibus animarum separatarum, hæc habens num. 8. Sicut & de Angelis, quod anima separata hæc præstare possit: non tamen hæc facit, nisi ex speciali Dei jussione, seu permissione, quod non caret miraculo.**

13 Confirmantur prædictorum Scribentium Dicta auctoritate S. Augustini de cura pro mortuis gerenda (tom. 6. oper. col. 526. num. 16.) ubi in hæc tere sententiam loquitur: Cum homines mortui, sive vivi hominibus dormientibus, vel vigilantibus apparent, non in ipsis rebus, ut sunt, videntur, sed in quibusdam similitudinibus rerum. *Istas Angelicas operationes credimus per dispensationem providentiæ Dei bene utentis & bonis, & malis secundum inscrutabilem altitudinem judiciorum suorum, sive instruuntur hinc mentes mortalium, sive fallantur, sive consolentur, sive terreamur, sicut unicuique vel præbenda est misericordia, vel irroganda vindicta ab illo, cui misericordiam & judicium non inaniter canit Ecclesia.* Hucusque Augustinus, qui, postquam mortuorum, vel vivorum apparitiones in corporibus ministerio Angelorum

gelorum formatis & assumptis fieri explicavit, quæ dixit, ratione confirmavit his verbis: Ibi ergo sunt spiritus defunctorum, ubi non vident, neque audiunt, quacunque aguntur, aut eveniunt in ista vita hominibus, & cap. 14. Ita illis fuit cura de vivis, quamvis, quid agerent, omnino nescirent, quemadmodum est nobis cura de mortuis, quamvis, quid agant, utique nesciamus, & cap. 15. Proinde fatendum est nescire quidem mortuos, quid hic agatur, sed dum hic agitur; postea vero audire ab eis, qui hinc ad eos moriendo pergunt; non quidem omnia, sed quæ fiuntur etiam ista meminisse, & quæ illos, quibus hæc indicant, oportet audire. Possunt & ab Angelis, qui rebus, quæ aguntur hic præsto sunt, audire aliquid mortui Possunt etiam spiritus mortuorum aliqua, quæ hic aguntur, quæ necessarium est eos nosse, & quos necessarium ea nosse non solum præsertim, vel præsentia, verum etiam futura, spiritu Dei revelante cognoscere. Hæc Augustinus de mortuorum apparitionibus. Num autem mortuorum fiant apparitiones per eorundem præsentiam, an personas mortuorum Angeli in corporibus assumptis repræsentent, revocat in dubium: Miri quoque ad vivos aliquos ex mortuis, sicut e contrario Paulus ex vivis in paradysum raptus est, Divina Scriptura testatur, & cap. 16. An vero ista fiant per ipsam præsentiam aut per Angelos suscipientes personam affirmare non audeo Donæ enim Dei sunt his alia, & illis alia largientis. Martyres quoque vivorum necessitatibus interesse, idem Sanctus Augustinus cap. 16. ejusdem operis, se nosse fateatur, & congruere potentia Divinæ; sed, quomodo id fiat, se nescire affirmat: Res hæc altior est, quam ut a me possit attingi, & abstrusior, quam ut a me valeat perscrutari; & ideo, quid horum duorum sit, an vero fortassis utrumque sit, ut aliquando ista fiant per ipsam præsentiam Martyrum, aliquando per Angelos suscipientes personam Martyrum, definire non audeo: mallet a scientibus ista perquirere. S. Thomas in supplemento tertiæ partis quasi. 69. art. 3. ad tertium docet, apparitiones contingere operatione bonorum vel malorum Spirituum, ad instructionem vel deceptionem viventium; & in corpore ait, id interesse inter sanctos, & damnatos, quod sancti, cum voluerint, apparerent, secus damnati: Sed hæc interest inter sanctos, & damnatos, quod sancti, cum voluerint, apparere possunt viventibus, non autem damnati. Sicut enim sancti viventes in carne per dona gratia gratis data accipiunt, ut sanitates & signa perficiant, quæ non nisi Divina virtute mirabiliter fiunt, quæ quidem signa ab aliis hoc dono carentibus perfici non possunt; ita etiam non est inconveniens, ut ex virtute gloria aliqua potestas animabus Sanctorum detur, per quam possint mirabiliter apparere viventibus, cum volunt; quod alii non possunt, nisi interdum permixti. Etiam si autem mortui apparere possent, quando vellent, se conglomerarent tamen Divinæ voluntati, nec apparerent, nisi quando id Deo congruere videretur. Ita docet S. Doctor ibid. in respons. ad primum: Nec tamen sequitur, quod, etiam si mortui possint, ut volunt, viventibus apparere, tunc apparentes quiescent in carne viventes; quia separati a carne vel omnino conformantur Divinæ voluntati, ita, quod non liceat eis, nisi quod secundum Divinam dispositionem congruere intuentur, vel ita sunt poenis oppressi, ut de sua ini-

feria

feria magis doleant, quam curent aliis apparere. Doctrina hæc Supplementi tradita fuerat ab eodem S. Thoma in 4. sent. dist. 45. qu. 1. art. 1. questione. 3. quam late exornat fides ejus discipulus Sotus dist. 45. in 4. pariter sentent. quest. 1. art. 4. conclus. 4. ubi ita scribit: Quamvis secundum legem ordinariam animabus separatis congruentem neque ad nos exeant, neque ullum nobiscum habeant commercium; tamen secundum permissionem, aut dispensationem Divinam, & extraordinariam legem nil vult, quinque, in quocumque sint receptaculo, ad nos revertantur &c. Anima namque beata, Deo dispensante, possunt apparere suis, vel ut eos consolentur, ostendentes, se Divino conspectu frui, vel ut eos admoneant, & ad eandem beatitudinem alliciant &c. Existentes vero in Purgatorio solent præterea, apparendo, suffragia sibi fieri deprecari &c. Addit vero hic D. Thomas, interesse inter Sanctos, & Damnatos, quod Sancti, cum voluerint, apparere possunt viventibus, non tamen Damnati &c. At vero potentissima ratio est, quod Beati nihil optare possunt, nisi quod rationi sit, ac perinde Divina voluntati consentaneum: quidquid autem hujusmodi Deum poscunt, obtinent: ergo, quoties volunt exire, exeunt. Infernales tandem animæ exire non permittuntur, dum volunt, sed dum ob aliquod mysterium nobis oculum divinitus permittuntur &c. Ex quibus Joannes Albertus Sweerts Doctor Lovaniensis in sua synopsi questionum Theologicarum part. 1. pag. 524. inferit, eos peccare non tantum curiositate, sed etiam superstitione implicari, qui inter se pacificuntur, ut ille qui prior morietur, si permittatur, appareat vivo, indicetque statum suum: cum hoc quandoque Deus permittat causa majoris boni, sed raro; eaque occasione sæpius Diabolus appareat superstiti, cum quo pactio intercessit. Quapropter, si mortuorum apparitiones a speciali Divina providentia pendent, si præter cursum naturalem rerum contingunt, juxta Sanctos Augustinum, & Thomam, de miraculo non videtur esse dubitandum, uti etiam prosequitur Bordonus loc. cit. Apparitiones ergo ejusmodi sunt miraculose, tum quia insolite, tum quia rare, tum quia a solo Deo procedunt; neque enim Angelus, neque anima separata comparant hominibus, nisi Deo precipiente. Quæ tamen omnia intelligenda sunt & explicanda, quatenus notæ alibi indicatæ non desint veræ & cælestis apparitionis, non autem fictitiæ, aut naturalis.

14. Post hæc remanet ut videamus, an, admissa miraculi loco apparitione Servi Dei, vel Beati, miraculi hujusmodi haberi possit ratio in judicio Beatificationis & Canonizationis ipsius. Huic quæsitio affirmando respondetur, dummodo, qui sibi refert factam apparitionem, talibus sit moribus imbutus, ut ei, quamvis unico testi, fides haberi possit, juxta alibi dicta; dummodo ex ejus dictis appareant notæ & qualitates veræ ac cælestis apparitionis, non fictitiæ & naturalis; & dummodo effectus aliquis ex apparitione ortus aliorum testium dictis comprobetur: nec enim apparent animæ separatæ, ut videantur, sed ut ea apparitione aliquid operentur.

15. Loquendo de illis, qui de sibi factis apparitionibus testantur, sæpe contingit, ut coram aliis sint factæ, sed unus viderit, alii non viderint, unus

vocem audiverit, alii non audiverint, & hinc oritur dubitatio, an afferenti se vidisse, aut audivisse, fides demenda sit, eo quod alii non viderint, aut audiverint. In Prophetia Danielis cap. 10. exponitur Visio illi facta unius viri vestiti lineis, & accincti renes auro obrizo. De hac visione, sive apparitione ita loquitur Daniel vers. 7. *Vidi autem ego Daniel filius visionem: porro viri, qui erant mecum, non viderunt, sed terror nimius irruit super eos, & surgerunt in absconditum. Ego autem relictus solus vidi visionem grandem hanc: Angeli e contrario, qui Abrahæ apparuerunt Genesis 18. non solum ab illo, sed ab universa ejus familia visi sunt; & Raphael, Tobie comes in longo itinere, omnibus indiscriminatim spectabilis fuit. S. Thomas 1. part. quest. 51. art. 2. docet, imaginariam apparitionem ab eo solo percipi, cui hic, externam autem & corporalem ab omnibus percipi; quod enim extra videntem positum est, omnes videre possunt: Illud enim, quod imaginaria visione videtur, est in sola imaginatione vidantis; unde non videtur indifferenter ab omnibus. Scriptura autem Divina sic introduxit interdum Angelos apparentes, ut communiter ab omnibus viderentur. Sicut Angeli apparentes Abrahæ visi sunt ab eo, & tota familia ejus, & a Lot, & a civibus Sodomorum. Similiter Angelus, qui apparuit Tobie, ab omnibus videbatur. Ex quo manifestum fit, hujusmodi contigisse secundum corpoream visionem, quia videtur id, quod positum est extra videntem, unde ab omnibus videri potest. Tali autem visione non videtur nisi corpus. At nec id perpetuum est, cum Paulo Christus apparuerit corporaliter, & uti legitur Act. 9. v. 7. *Viri autem illi, qui comitabantur cum eo, stabant stupefacti, audientes quidem vocem, neminem autem videntes.* Et, quavis propria virtute non possit Angelus bonus corpus assumptum uni ostendere, & aliis occultare, id tamen potest virtute Divina, uti observat Cardinalis Bona de discret. spirit. cap. 19. num. 6. Ex quibus proinde inferitur, si probata sit fides ejus, qui sibi factam refert apparitionem, esto ea contigerit, dum esset cum aliis, & alii non viderint, ex hoc firmum deduci non posse argumentum adversus apparitionis veritatem; quia potuit esse imaginaria, aut quia, si corporalis fuit, Deus facere potuit, ut unus videret, ceteri eum non viderent, qui apparuit. In citata vita S. Benedicti (uti vidimus) apparuit ipsi magna lux, & cum in ejus splendorem intentum oculorum aciem infigeret, vidit animam Germani Capuani Episcopi in cælum deferri. Vocavit S. Benedictus Servandum Diaconum & Abbatem (hinc obiter adnotare fas sit, ex Abbatiali dignitate S. Benedicti frustra nonnullos ejus Presbyteratum colligere, uti monet Hæphtenus) at Servandus non vidit, nisi partem lucis exiguam. Et Sulpicius Severus in dialog. 2. n. 3. de virtutibus S. Martini, hæc habet alibi etiam relata: *Cum jam altarium, sicut est solumus, benediceret, globum ignis de capite illius vidimus emicare, ita ut in sublime contendens, longius collum crinemque flamma produceret. Hoc licet celeberrimo factum die in magna populi multitudine viderimus, una tantum de Virginitibus, & unus de Presbyteris, tres tantum videre de Monachis. Ceteri cur non viderint, non potest nostri esse judicii.**

16 Jam ut sermonem instituamus de effectu, qui ex apparitione oritur, & cujus habenda est ratio, ut apparitio recenseatur inter miracula pro Beatificatione Servi Dei, aut Canonizatione Beati, juxta ea quæ superius dicta sunt, assumendum est prædicti effectus examen, & videndum, utrum congruat apparitioni, quæ sit supra naturam. Quod si effectus, qui patet, non solum congruat celesti apparitioni, sed etiam exordat vires & facultatem naturæ, puta, si agatur de mirabili recuperatione sanitatis post invocationem Servi Dei, vel Beati, & ejus apparitionem, inolevit consuetudo sacre Congregationis rituum examinandi sanationem; & illam approbandi tamquam miraculum, si necessaria concurrant requisita, sed nullo facto apparitionis verbo: quam consuetudinem nec ipsi Postulatores ægre ferunt, cum miracula eorum proposito faveant, & proinde Beatificationi & Canonizationi ab ipsis petita, sive præcesserit, sive non præcesserit apparitio. Et sacre quidem Congregationis consuetudo summam ejus ostendit prudentiam: ut enim bene ait Soto *loc. cit.* *Ceterum ita est possibile, animas ex suis locis huc remeare, ut tamen non sit facile creditu, toties id accidere, quoties nobis apparet: primum, quod ut idem Augustinus lib. de cura pro mortuis gerenda ait: Quando inter somnia nobis videntur carorum anime, aut alia nobis insesse apparere, rarissime accidit, ut sint ipse anima, immo quam sæpiissime contingit, ut non nisi sub eorum imaginibus in sensu communi præter nostras præcedentes cogitationes appareant illa phantasmata.*

17 Hactenus de apparitionibus mortuorum: nunc ad absolvendam hujus capituli doctrinam opus est aliquid innuere de apparitionibus viventium. Ut enim ait S. Augustinus in *cit. lib. de cura pro mortuis gerenda cap. 10. col. 523.* *Viventes apparent sæpe viventibus dormientibus, dum se ipsi nesciant apparere, & ab eis hæc, quæ somniant, audiant dicentibus, quod eos in somniis agentes aliquid, vel loquentes viderint:* & postquam exposuit, se Mediolani degentem Eulogio Rhetori in Africa apparuisse, eique locum Ciceronis obicurum somniantem exposuisse, subjicit *cap. 11. col. 524.* *Non ego, sed imago mea, nesciente me... & nihil de illius turis omnino curante.* S. Bonaventura in *Legenda vite Sancti Francisci Assisiani cap. 4. (oper. tom. 7.)* narrat S. Francisci apparitionem in Capitulo Fratrum ejus Ordinis Arelate celebrato, dum S. Antonius concionem de titulo Dominice Crucis haberet, relatæque apparitione, subjicit: *Credendum sane, quod omnipotentis Dei Virtus, quæ Ambrosium pium sacrum Antistitem tumulationi gloriosi concessit interesse Martini... etiam Servitum suum Franciscum prædicationi præsentavit: veracti sui præconis Antonii: & cap. 11. in fine: Qualiter autem absentibus se præsentem exhibuit, Divina faciente virtute, evidenter eis superioribus innoteuit: & paulo infra: Quod factum esse Divina dispositione, credendum est, ut ex præsentia corporalis apparitione mirabili patenter claresceret, quam præsens, & peritus spiritus ejus tunc sapientiæ foret æterna.* Item in bulla Canonizationis S. Petri de Alcantara *cod. Canoniz. pag. 383.* legitur, eum adhuc viventem S. Teresæ pluries non sine prodigio apparuisse: Sanctam quoque Virginem Tereſiam in ſubſi-

508 DE SERVORUM DEI BEATIFICATIONE

bienda Carmelitarum reformatione indefessus adjuvit, (& paulo post): Et re vera multas pro re tanta peregrinationes suscepit, & labores tulit; immo & absentem opem & consilium laturus, aliquando miraculose apparuit, (& infra pag. 384.): Corporaliter videndum se praeiit plurimis procul distantibus. Similiter in bulla Canonizationis Sancti Philippi Neri (pag. 322. loc. cit.): Iterumque, cum in Urbe maneret, tunc in humanis agentem Cascharinam Ricciam sub Regula Sancti Augustini Monialem (nuper a Nobis in Sanctarum Virginum album relatam), Prati in Etruria commemorantem, longo temporis spatio est allocutus.

18 Meminit S. Bonaventura apparitionis, & interventus S. Ambrosii adhuc viventis funeri S. Martini, quod ex Gregorio Turonensi desumpsit: sed, cum ex temporis supputatione habeatur, S. Ambrosium obiisse ante S. Martinum, merito de veritate narrationis dubitat Cardinalis Baronius in *annalibus*, & in *notis ad Martyrologium ad diem 12. Novembris*. At, quidquid sit de hoc, ne in rem, de qua nunc agitur, aliqua obrepat ambiguitas, aliud est, unum idemque corpus hominis viventis eodem tempore esse in duobus locis, quam Philosophi appellant *replicationem*; aliud est, hominem vivum existentem in uno loco, apparere in alio loco distant. Praesens indago non primum, sed secundum respicit casum, in quo, si aptae & firmae adsint probationes, & cetera verae apparitionis indicia non desint, una cum aliis, quae diximus adesse debere, ut apparitiones mortuorum inter miracula recenseantur, & ut de eis haberi possit ratio in iudicio Beatificationis & Canonizationis, de miraculo non dubitarem, etiam ad praedictum effectum, cum vera apparitio dari non possit, nisi ministerio Angelorum corpus aereum efficientium, quod sine speciali Dei providentia, & insolito quodam modo efficere non possunt: quod ex alibi dictis satis est ad constituendum miraculum.

CAPUT ULTIMUM.

De Imaginatione, & ejus viribus.

Nonnulla ex ordine quaerenda sunt; primo, quid sit imaginatio seu phantasia; secundo, quomodo operetur; tertio, an vires exercere possit in corpus, quod non est imaginantis, sed ab eo separatum atque remotum; quarto, an in corpus, quod non est imaginantis, sed non ab eo tamen separatum neque remotum; quinto, an in corpus proprium ipsius imaginantis; sexto, an in eo morbos gignere possit; septimo, an possit momento temporis a praedictis morbis liberare; ultimo, quid de ea dicendum sit habito respectu ad miracula, sive ad mirabiles sanationes: in examine enim miraculorum saepe contingit, ut quaeratur, utrum sanatio supra naturam contigerit, an naturaliter, ope,

ope videlicet imaginationis seu phantasiæ. Nec alicui extraneum fortasse videri debet, quod, postquam egimus de miraculis, nonnulla ultimo loco adjiciantur de imaginatione, & ejus viribus; cum notum sit, a nonnullis effecta quedam, quæ naturam excedunt, naturalibus viribus imaginationis adscribi.

2 Juxta Peripatericos anima hominis est tota in toto corpore, & tota in qualibet parte corporis, ubi per occasionem sentit dolorem, & varios operatur effectus ad vivendum, ad sentiendum, ad agendum necessarios. Imaginationem univérse, sive internum sensum, dicunt esse potentiam animæ cognoscentem, & ejus actionem esse immanentem, neque transire ad alia, neque præter cognitionem aliquid agere; at potentiarum vegetantis & moventis esse agere in aliud; quocirca, quamvis ab imaginatione varii effectus & immutationes videantur in corpore produci, dicunt, primam & remotam causam esse quidem imaginationem, sed proximam esse humores & spiritus; ita ut imaginatio moveat appetitum, & mediantibus animi pathematibus corpus immutet, non immediate, ut Scholæ loquuntur, sed mediate, quatenus scilicet appetitus movet potentias motrices naturales membris, præcipue cordi, insitas; quæ motus movent humores & spiritus, & spiritus suo ad partes accessu & recessu corpus immutant, uti fuse explicat Sennertus *tom. 1. operum medicorum tit. de consens. & dissens. Chymic. cum Galeno cap. 14. de viribus Imaginationis*.

3 Carthesius minus probabiliter sedem animæ constituit in glandula pineali. Inventa etenim est in aliquibus glandula prorsus viciata & putrefacta; alii quoque inventi sunt, in quibus omnino desuit; qui tamen vixerunt, & omnes animæ functiones rite peregerunt, uti etiam novissime animadvertit Eduardus Corfinus in Pisana Academia Philosophiæ Professor in suis doctis institutionibus philosophicis *tom. 4. Physica particularis tract. 2. disput. 4. cap. 3. num. 5*. Alii sedem animæ constituunt in cerebro ipso humano, in quo dicunt exerceri functiones apprehendendi, dividendi, & combinandi varia objecta, & sic cogitandi & volendi, & ex cerebro animam regere corporis motus, neglecta aliquorum aliorum opinione, qui docebant, cor esse animæ thronum, in eo constituentes sedem voluntatis, cum asserant, cor nihil aliud esse, quam musculum ad sanguinis circularem motum præcipue a natura constructum, atque adeo unum ex primariis fontibus humanæ vegetabilis vitæ; sed non esse sedem voluntatis, ac vitæ humanæ rationalis *art. 1. de sensu & intellectu*.

4 Cerebrum itaque etiam pro ea parte, quæ ab Anatomicis dicitur: *Cerebellum*, ex glanduloso cortice, & fibrata medulla totum constat, membranisque exterius interiusque vestitum, atque protectum osseis capitulis concameratione quasi muro quodam firmissimo circum undique continetur atque munitur, ad tutiorem animæ sedem ac domicilium.

5 Sunt in humano corpore nervi plurimi; alii crassiores, tenuiores

res alii, alii tenuissimi. Omnium communis origo cerebrum est; e quo quidem nonnulli proxime ex substantia ipsa in cranio cerebri, alii vero e spinali medulla, quæ ejusdem cerebri quasi productio est, erumpentes, ad oculos, ad aures, ad nares, ad linguam, ad manus, ubi tactus maxime viget, ad partes denique corporis universas interiores exterioresque sua filamenta protendunt atque partiuntur; quæ per instrumenta sensuum exteriorum ab idoneis objectis impulsæ atque commotæ, receptam impressionem per continuatum nervorum tractum ope animalium spirituum nervos ipsos irradiantium ad cerebrum usque transmittunt, animamque ibi quasi in alta specula propriaque sede residentem de externi objecti impulsione admonent, atque ad illius perceptionem excitant, uti late explicant celeberrimi Anatomistæ Gabriel Faloppia, Malpighius, & Willis.

6 Phantasia sive imaginatio a nonnullis collocatur in peculiari quadam cerebri parte. Alii eandem extendunt ad totum cerebrum, utpote in se undique recipiens vestigia & imagines objectorum extrinsecus advenientes.

7 Quia vero, præter sensibiles imagines, species etiam reperiuntur intellectuales spiritualesque, quæ a sensibus non proficiuntur, & quas in nobis ipsis anima effingit ac tormat, quales sunt cogitationes plurimæ præsertim reflexæ, præcisiones, abstractionesque ad altissimos rerum gradus pertinentes, quorum sane omnium in nobis memoriam conservamus, æque ac imaginum sensibilem; nonnulli sedem harum intellectualium ac spiritualium specierum in anima ipsa, & facultate ejus spiritali memoratrice constituunt; sed juxta aliorum placitum, cerebrum sedes est tum imaginum sensibilem, tum intellectualium, cum & hæ imprimantur, aut imprimi possint ope signorum sensibilem.

8 Qui ita sentiunt, exemplum afferunt scribentis in charta suas cogitationes, aut sua, vel aliorum verba: nec enim in charta cogitationes pingi possunt, aut nostra vel aliena verba, licet res materiales sint, idest soni ac voces aere percusso ac modificato expressæ. Sed omnino id expletur in charta imprimendo quædam signa sensibilia & materialia, quæ *litteras* appellamus; litteræ autem sunt nobis indicia & signa verborum, & verba sunt nobis indicia & signa tum positarum, tum alienarum cogitationum, quæ hoc modo quasi sensibiles efficiuntur. Simili ergo ratione dicunt, res insensibiles & spirituales ope signorum sensibilem imprimi in cerebro humano, nempe ejus substantia rugis, sulcis, foveis, plicis, notis denique aliarum formarum, characteribusque propemodum infinitis affecta atque obsignata, quibus rerum etiam non materialium species atque ideas & primo recipere, & custodire in posterum valeamus.

9 Ex dictis itaque apparet, phantasiam sive imaginationem nihil aliud esse penes eos, quam admirabilem illum librum humani cerebri, in quo

quo imprimuntur tum notiones intellectuales, tum imagines objectorum sensibilium collectæ a sensibus, & consignatæ spiritibus animalibus per subtilissimos nervorum canales illas usque ad cerebri emporium transmissuris; & sic phantasiam sive imaginationem non esse facultatem intelligentem & animantem, ac per se ipsam moventem, sed tam eam, quam spiritus animales, & sensus esse instrumenta animæ, cui uti dominanti inserviunt, & cujus arbitrio plerisque in rebus moventur; quamquam & ipsa anima ab iisdem sæpe afficitur ac commovetur. Priora voluntaria ac juris animæ dixeris; posteriora vero automatica, & corpori, ut vegetativum & sensitivum est, propria plane atque necessaria.

10 Fames, sitis, somnus, & similes motus corporis sunt ex eis, quæ non sunt subjecta juri animæ; contingunt enim nobis etiam invitis: contra, motus pedum, manuum, linguæ, & oculorum sunt ex iis, quos anima potentiæ motrici imperat, quæ prompta ad obediendum, si corpus sanum est, momentaria celeritate per poros nervorum & musculorum parti accommodatos, quæ moveri debet, spiritus amandat animales, & subito ea pars movetur. Delatis demum imaginibus objectorum externorum ad cerebrum, & in eo depictis, quidam sæpe in nobis, vellet nollet anima, excitatur motus, & cum eo aliqua idea, opinio, aut veritas nobis exhibetur, per quam admonemur, nos a re per imaginem representata fugere, aut eam amplecti debere: & quando id contingit, motus in anima excitatur, aut magnus, aut parvus, amoris, odii, timoris, spei, iræ, & similium affectuum humanorum. Magnus autem, aut parvus est hic motus, prout spiritus animales vehementiores, aut remiliores fuerint: quod si vehementiores, non solum anima vehementius excitabitur ad amorem, odium, timorem, spem, iram, sed etiam corpus modo frigore, modo calore afficietur, & in vultu modo pallor, modo rubor apparebunt.

11 Hæc retulisse hactenus atque adumbrasse satis sit; nostrum enim non est quæstiones philosophicas persequi, sed innuere, quid sit phantasia seu imaginatio, & quomodo operetur, qualia demum cunque sint Philosophorum placita. Ad nostrum potius institutum pertinere videntur effectus imaginationis, & ex iis, quæ in principio hujus capituli proposuimus, prima quæ se offert disputatio est, an imaginatio operari possit in corpus alienum, quod non est ipsius imaginantis, sed ab eo est separatum atque remotum.

12 Avicenna 4. 6. *naturalium cap. 6.* suadere contendit, posse animam humanam per sortem imaginationem, vel intensum affectum, alienum corpus, & extra ipsam positum revera transmutare, ita ut ex. gr. Socratis tortis imaginatio Platonis corpus sanum, quo voluerit, languore conficere, aut contra ægrum ad sanitatem reducere possit; & eadem imaginationis intensæ virtute credit pluvias, grandines, nives, ventos, & reliqua naturæ opera e caelo posse deduci, aut cohiberi. Inter rescen-

§ 12 DE SERVORUM DEI BEATIFICATIONE

recentiores huic opinioni adhæsit Petrus Pomponatius Mantuæ natus anno 1462. qui Bononiæ Philosophiam professus est. Paulus Jovius in *elo-
giis* pag. 86. narrat contentiones inter eum, & celebrem Bononiensem Philosophum Achillinum; & Pomponatium Achillini victum argumen-
tis, proposita aliqua facetia evadere consuevisse, sed ab Achillino in dis-
putando fuisse superatum: In coronis consuevisse Doctorum cum exercitatio-
ne perutili ad Prætoriam porticum disputaretur, ita mirus evadebat (loquitur
de Pomponatio) ut sæpe ancipiti & cornuto Achillini enihymematis circumven-
tus, superfluo facietiarum sale, adversarii impetum ex illis gyris & maandris
explicatus eluderet &c. & pag. 72. *Æmulum* (Achillinus) in corona veterato-
rie disputantem, & risum falsa dicacitate sapius excitantem ipso invicti doctri-
na robore superabat. Ad prædictæ opinionis præsidium advocant nonnul-
las experientias, sanguinis videlicet ex cadavere interfecti hominis pro-
fluentis, si occisor præsens fuerit, & vetularum pueros fascinantium,
quas a forti imaginatione causam habere contendunt.

13 De hac sententia acre, sed iustum profertur a Theophilo Ray-
naudo iudicium; hæc enim habet rom. 13. pag. 178. *Digna sunt scutica, vel
etiam furca, quæ alii blazerones efficacia imaginationis attributa volunt, ut fa-
scinare, vel sanare procul positos, res disjunctas loco movere, ciere fulgura &
fulmina, imbresque de celo devocare. Oportet præficti hos Philosophastros, qui-
bus pepo pro corde fuit, nunquam agrotasse, vel quos earos haberent, nunquam
secessisse consiliari eum agitudine; semper item abundasse thesauris ac opibus, ad
quæ inhiat mortalium aviditas. Pauerunt enim omnia illa, & quacumque alia
humana cupiditati optabilia per imaginationem parere: Et paulo post: Ut au-
tem alieno corpori, præsertim abijuncto, imaginatio aliquid possit imprimere, vel
in corpore proprio homo jam grandis natu insculpere possit aliquas notas, illud
præter naturam efficere interveni solius imaginationis, tam nugatorium est,
ut ferri ab homine sano non possit. Retulisse, & confutasse memorata non
tentiam unum & idem procius esse videtur. Sed qui plura scire cuperet,
quibus plane corrumpere memorata vincitur opinio, legere poterit Ludo-
vicum Mercatum rom. 1. lib. 2. class. 3. quest. 168. art. 4. Thomam Fienum
de viribus imaginationis quest. 12. Martinum Del Rio disquisit. mag. lib. 1.
quest. 3. Medinam de recta in Deum Fide lib. 2. pag. 69. & plurib. seqq. Mar-
cellum Donatum de medic. hystor. mirab. lib. 2. cap. 1. pag. 36. & seqq. Quod
vero attinet ad fluxum sanguinis ex cadavere interfecti redundanteum, si
occisor præsens sit, duo querenda sunt; primo, an verum sit factum;
secundo, quatenus verum sit, an effectus ille sit adscribendus phantasmæ
sive imaginationi. Donatus loco mox allato pag. 37. putat, factum esse
fabulosum: Quod ad tertium exemplum propositum attinet, scilicet de fluxu
sanguinis ex vulneribus cadaverum, possumus exempli veritatem negare, poetice-
que tantum a nonnullis propositum, uti a Lucretio, & ab Homero. Subscri-
bunt Paulus Zacchias quest. medico-legal. lib. 5. tit. 2. quest. 8. & novissime
Pater Putignanus de retroceso sanguine D. Januarii part. 1. cap. 7. num. 4.
cum,*

cum, ut ait Zacchias, nec Aristoteles, nec Plutarcus, nec Seneca, nec ex recentioribus Fernellius, Fracastorius, Cardanus, Gesalpinus, & alii qui questiones naturales pertractarunt. ullam de eo mentionem fecerint, concludendo, e re Medicorum esse, ut hoc assertum infirmetur & evanescat, cum & ipsi Medici ex prædicto indicio suorum ægrotorum occisores deprehensi, homicidii penas luere possint. Multi alii cordati viri testantur, aliquando sanguinem mansisse ex corpore occisi coram occisore, quorum testimonia habentur apud Gasparem a Reyes *quæst.* 33. idque referunt ad Divinæ justitiæ providentiam, quæ innocentis sanguinis vindex sceleris auctorem non patitur impunitum manere. Petrus Gregorius Tolosanus *lib. 6. cap. 20. syntag.* Bartholomæus Sybilla *in specul. peregrinar. question. cap. 8. decad. 3.* Gaspar a Reyes *cit. quæst. 33. num. 12. & sequ.* Joannes Fragoius *in chirurgia part. 2. quæst. 76.* Hieronymus Nimanus *erat. de imaginat. quæst. 7.* ubi ait: *In cada vere coram occisore sanguinem stillante, si a Divina providentia recedamus, nulla sese manifesta offert occasio.* Adhæret Thomas Fienus *de viribus imaginationis quæst. 24. pag. 374.* addens, posse hoc etiam adscribi aliquando Diabolo, ut innocentes vexet, aut nocentes in desperationem inducat: *Quod sanguis interfecti in conspectu occisoris e corpore erumpat, non est naturale, ideoque non fit vi imaginationis, sed causa supernaturali est adscribendum, vel Deo, vel Angelis iniquitatem interfectoris detegentibus & ulciscuntibus, vel Diaboli aut innocentes falso accusare, aut nocentes ad desperationem perducere conantibus.* Nullum ergo ab eo factio, etiam si verum esset, argumentum desumi potest, ut probetur, imaginationem posse naturaliter vires suas exercere in corpus a se remotum & leparatum. Additur, sanguinem sæpe manare ex corpore mortuorum quamvis non occisorum post horas nonnullas, & aliquando etiam post triduum, ex naribus videlicet, ex ore, ex oculis, ex auribus; uti patet in his, qui morte naturali obierunt, apoplexia videlicet, lethargo, phrenitide, aut suffocante aliquo morbo, vel malignis, & pestilentiis febribus affecti. Ex quo recte colligi potest, si e vulneribus, aut e cadavere occisi aliquando coram occisore sanguis manavit, effectum hunc adscribi posse causæ naturali, vaporibus videlicet sanguinis adhuc æstuantis, aut abundantie sanguinis aquali & ichorosi; qui in venis occisi per aliquod tempus inveniri potest, & massam sanguineam liquidiorē & fluxioni aptam necessario reddere. Nec vero obitat, si quis dicat, ichorosum sanguinem, qui in corpore occisi erat, ex vulneribus fluxisse, ita ut, si sanguis post aliquot horas vel dies de novo fluat coram occisore, fieri hoc debeat ex alia causa, & sic ex vi imaginationis. Aliquis etenim sanguinis grumus cum forte vias intercluderet, ipso deo labente, aut dissoluto, vel corpore de novo moto, sanguis naturaliter cursum repetere potest, & paulatim exire; juxta ea quæ habentur apud citatum Reyes *quæst. 33. num. 20. & seqq.* Et quod spectat ad vetulas, quæ pueros fascinant, id inter fabulas amandatur a Francisco Vallesio *de sacra philosophia cap. 68.* Sanctus autem Tho-

§14 . DE SERVORUM¹ DEI BEATIFICATIONE

mas part. 1. quest. 117. art. 3. proposita quaestione, *Utrum homo per virtutem animæ possit corporalem materiam immutare*, eam resolvit asserendo, animam sua virtute naturali non posse materiam corporalem immutare, nisi mediantibus aliquibus corporibus: tum sibi opponit, quosdam habere oculos urentes, qui solo aspectu inficiunt alios, & maxime pueros; respondetque, ex forti imaginatione animæ immutari spiritus corpori conjunctos; quæ quidem immutatio spirituum maxime fit in oculis, ad quos subtiliores spiritus perveniunt; oculos autem inficere aerem continuum usque ad certum spatium; & cum aliqua anima fuerit vehementer commota ad malitiam, uti contingit in vetulis, aspectum effici venenosum & noxium, maxime pueris, qui habent corpus tenerum, minimeque resistens impressioni. Hæc D. Thomas, qui etiam hoc asserit contra Gentes lib. 3. cap. 103. vers. *Quod autem de fascinatione*. Alii faciliorem viam tenentes respondent, trucem aspectum vetularum deformi suo squalore ac tetro posse infantulos perterrefacere, & eoque terrore humores concitari, ita ut morbi citius erumpant, ad quos tenellum corpusculum jam erat dispositum ac præparatum, quemadmodum explicat Martinus del Rio *disquisit. magic. lib. 1. cap. 4. quest. 4. §. Trux aspectus*: additque Lævinus Lemnius lib. 2. *de miraculis oculis natura cap. 50. pueros rebus pulcris affici, ac rugosas deformesque anus exhorrescere, & multa vitia contrahere ex accubitu cum illis*. Tozzius in *librum artis medicinalis Galeni, seu de recto usu sex rerum non naturalium tom 5. oper. ad tit. de fascino & incantatione*, fufè ostendit, nullum in natura dari fascinum, quod visu, voce, laudatione, & simplici contactu inferri possit, cum corpora infici nequeant, atque ægriitudines contrahere visu, aut voce; effectus siquidem veri, quales sunt læsiones operationum, & affectiones morbosæ partium, non possunt sine alicujus corporis male affecti contactu ex uno in alium transferri; idemque Tozzius meminit alterius fascini Dæmoniaci, quod videlicet Dæmonum opificio peragi potest, Deo tamen permittente, per magisteria & venena naturalia, quibus Dæmon utitur, tamquam omnium rerum naturalium pericissimus, applicando activa passivis. Ceteri fascinationem, prout est infectio oculis illata, dividunt in vulgarem, physicam, & superstitiosam, sive Dæmoniacam. *Vulgarem* dicunt, quæ ex vulgi facilitate proficiscitur, putantis, homines fascinari visione ipsa, sive aspectu alicujus malevoli. *Physicam* appellant, seu naturalem, cum anima alicujus vehementer affecta corpus conjunctum immutat, ita ut furor ascendat ad oculos, & ex oculis aer proximus inficiatur, & ex eo partes aeris contiguae; atque ita ad partem aeris proximam illi, qui est inficiendus, virus perveniat, juxta ea quæ supra ex D. Thoma dicta sunt. *Dæmoniacam* tandem appellant fascinationem, quam Magi ex pacto tacito, vel expresso cum Dæmone operantur: consueverunt enim isti malefici cum Dæmone pacisci, ut quos livide vel iracunde aspexerint, iis Dæmon perniciem inferat. Fufè Torreblanca lib. 2. *de magia operatrice cap. 37. qui etiam addit, in physica fascinatione virulentum quemdam ha-*

litum

litum dari, tenellos pueros inficientem, & potissimum, si os vetulæ puororum faciei nimium admoveatur, & saliva eisdem aspergat. Quapropter Verehienius *traff. 1. cap. 24. de saliva tom. 2.* ait: *Constat siquidem, salivam vetularum infantibus nocivam esse, immo ipsi malignam aliquam qualitatem nonnulli adscribunt.* Utcunque sit de his, & quamcumque ex relatis sequamur opinionem, a fascino nunquam inferri poterit argumentum, ut demonstretur, imaginationem sive phantasiam vires suas exercere posse in alienum corpus separatum atque remotum.

14 Exclufa vi imaginationis quoad corpus alienum separatum atque remotum, succedit, ut de ejusdem viribus videamus quoad corpus alienum, sed a corpore imaginantis nec remotum nec separatum. Porro de hac re loquendo non videtur dubitandum de viribus imaginationis; foetus etenim sive hominum, sive bestiarum matris potissimum imaginatione signatos passim videmus, dum exeunt ab utero matris; habent enim & bruta suam phantasiam, habent sensum, & habent nervos, qui ad ipsorum cerebrum deferunt species objectorum corporeorum; & licet ipsorum imaginatio non sit uniformis ob diversam cerebrorum conformationem, aliquibus brutis plures, aliis pauciores, aliis paucissimas retinentibus species corporum externorum, omnia tamen id habent commune cum homine, ut a Deo sensibus, nervis, cerebro, & sic phantasia donata sint; & aliqua hominem superant acumine visus, vivacitate auditus, vi odoratus, remanente nihilominus maximo inter homines & bruta discrimine; quia non solum cerebrum hominis magnitudine excedit eorum cerebrum, etiam si loquamur de bove, aut elephante, idemque delicatius, ingeniosius, & perfectius constructum est; sed etiam colligit & retinet imaginum sensibilibus numerum infinite quodammodo excedentem numerum earum, quarum capax est cerebrum brutorum; & quod præcipuum est, solum hominis cerebrum est amplissimum emporium cogitationum, imaginum, & idearum non sensibilibus, non corporearum, sed spiritualium & a materia exemptarum.

15 S. Augustinus *lib. 12. de civit. Dei cap. 25.* admittit, animam prægnantis posse aliquibus foetum induere qualitatibus, allato exemplo virgarum variegatarum, quas Jacob congregaverat, ut pecora colore varia gignerentur; & *lib. 18. cap. 5.* postquam retulit Ægyptios bovem coluisse, & deliciis affluentibus aluisse, narrat bovi mortuo vitulum coloris ejusdem, & iisdem maculis insignitum successisse, quod ipsi divinitus sibi procuratum credebant, licet magnum aut difficile Dæmoni non fuisset, ad eos decipiendos, bovis imaginem vaccæ concipienti atque prægnanti obijcere, unde libido matris attraheret, quod in ejus foetu appareret: quod autem ait de Jacob, sumptum est *ex libro Genesios cap. 30.* Proposuit Jacob conditionem hanc socero suo Laban, ut mercedis loco acciperet e grege, quem pasturus erat, partus omnes varicolores & varios. Laban accepta libenter conditione separavit a grege quidquid erat varium & diversi coloris

516 DE SERVORUM DEI BEATIFICATIONE

loris, tradens cure filiorum suorum; unicolorem autem gregem reliquit Jacob pascendum. Jacob autem hoc artificio usus est, ut e grege unicolore sibi tradito versicolora nascerentur. Virgas partim detracto cortice, partim integras, proindeque partim albas, partim virides, & subnigras ovibus potatum venientibus in canalibus objecit, ut diversum virgarum colorem oculis haurientes, diversos itidem foetus conciperent ac parerent, prout conceperunt & pepererunt: bibentibus enim ovibus Jacobi, & maribus in femellas salientibus, species virgarum variorum colorum in aquis jacentium mixta speciei reflexæ, sive umbræ marium ineuntium, unam quasi speciem versicolorem femellis ingessit, quasi cernerent suos mares versicolores, eosdemque colores suo foetui, quem tunc concipiebant, impresserunt.

16 Joannes de Mey *physiolog. sacr. cap. 28. fol. 71.* ait probabile esse, naturalem fuisse prædictum effectum, cum intensissimus obtutus in aliquam rem cum vehementi ejus imaginatione in ipso ardore atque articulo conceptionis valeat plurimum ad varie colorandum, & afficiendum foetum ad similitudinem illius rei, quæ tunc visa & cogitata fuerit; concluditque, artem, qua Jacob usus est, dici posse naturalem, & naturalem etiam effectum, qui consecutus est, sed Deum benedixisse artificii Jacob, ut prorsus ex voto succederet, quod susceperat; cum enim causa illa naturalis non sit adeo efficax & necessaria, quin sæpe fallat, Deus peculiari sua efficientia, ut benediceret Jacob, & eum ditaret, phantasiam ovium applicuit ad eam imaginationem versicolorem virgarum, & ita causas secundas movit, ut nihil in effectu producendo impediret, quominus omnia secundum Jacob procederent desiderium. Fundamentum habet hæc sententia in *cap. 31. Genesios v. 10. & seqq.* ubi sic legitur: *Postquam enim conceptus ovium tempus advenerat, levavi oculos meos, & vidi in somnis ascendentes mares super feminas varios & maculosos & diversorum colorum. Dixitque Angelus Dei ad me in somnis: Jacob? Et ego respondi: Adsum. Qui ait: Leva oculos tuos, & vide universos masculos ascendentes super feminas, varios, maculosos, atque resperfos. Vidi enim omnia, quæ fecit tibi Laban. Ego sum Deus Bethel, ubi unxisti lapidem, & votum votiisti mihi.* Eidem sententiæ adherent SS. Cyrillus, Chrysostomus, & Theodoretus, aliique apud Cornelium a Lapide *ad cap. 31. Genesios*; & magno Interpretum consensu affirmat Vossius de *Theolog. Gentil. lib. 3. cap. 23.* Concordat de Quadros in *palastra Biblica tom. 2. decad. 3. quæst. 3.* ubi ait, eventum quoad substantiam fuisse naturalem, quoad circumstantias vero miraculi rationem habuisse tum propter magnum numerum foetuum, tum ob Angelicam inspirationem.

17 At omisso Jacobi facto, tot occurrunt tum in hominibus, tum in brutis exempla foetuum, qui deformitates, maculas, stigmata, & similia contraxerunt vi imaginationis matris, ut de facto hoc nefas sit dubitare. Scribit Marcus Damascenus, in confiniis Pisæ in loco quodam, qui *Petræ sancta* appellatur, mulierem peperisse puellam silvestrem operam pilis similibus pilis camelorum; idque ea de causa evenisse tradit, quod mater

in

in concipiendo, S. Joannis Baptiste Imaginem, quam prope thalamum pictam habebat, contemplata fuit. Julius Cæsar Scaliger in libro de *subtilitate adversus Cardanum exercit.* § 9. tradit, in nivosis locis, ut in Norvegia, in Scythia, in Alpinis aquilas, accipitres, urfos, lepores, mures, perdicces, pavones albos reperiri multos. cujus rei causam refert, non solum in nutrimentum, sed etiam quod solus nivium aspectus colorem hujus speciei afferat matris phantasie in conceptu. Infinita (ut ita dicam) hujus generis extant exempla apud Medinam lib. 2. *de rebus in Deum Fide pag.* 70. apud Torreblancam lib. 2. *de magia cap.* 33. in *appendice*, apud Fortunium Licetum de *monstris lib.* 2. *cap.* 28. apud Tozzium in *medicina parte priore tom.* 1. *tit. de monstruosis & maculosis facibus*, ubi inter cetera ex *Actis Anglicis anni* 1667. narrat, seminam sexto mense gravidam ex aspectu simæ in theatro vestite, monstrum edidisse præditum figura simæ, apud Theophilum Raynaudum *tom.* 17. in *centuria historiarum §.* 33. *pag.* 611. apud Majolum in *diebus canicularibus*, seu colloquiis *physicis tom.* 1. *pag.* 55. *edit. Moguntina*, apud Frassen in *philosophia tom.* 3. *pag.* 192. *Roman. edit. ann.* 1726. apud Marcellum Donatum de *medica historia mirabili lib.* 2. *cap.* 1. apud Gasparem a Reyes *quest.* 45. *mon.* 16. & plurib. *segg.* apud Thomam Fienum de *viribus imaginationis quest.* 14. apud Stalpartium in 1. *part. centurie posterioris observationum pag.* 489. & *segg.* apud Schenkium *observat. medic. lib.* 4. *tit. de Gravidis*, & apud Joannem Melchiorum Verdries in tractatu de *æquilibrio mentis & corporis pag.* 166. & *segg.* & *pag.* 175. & pluribus aliis sequentibus *edit. Giesse, & Francofurti.* Præ ceteris autem celebre est illud relatum e Mallebranche in tractatu de *inquirenda veritate lib.* 2. *cap.* 7. cujus ipse fortasse fuit testis oculatus: narrat enim, ante septem aut octo annos Parisiis in nosocomio Incurabiliū juvenem fuisse ab ortu mente captum, & omnibus fractum membris, quibus rei frangi solent; quo in statu per viginti annos vixit; Regina autem Galliarum invisens nosocomium curiositate ducta est illum videndi, ejusque brachia & crura, ubi erant contracta, contrectandi; & causam tanti infortunii fuisse dixit, quod mater cum reum quempiam crurifragio plectendum acceperisset, & esset grvida, voluit esse testis oculata supplicii.

18 Hactenus allata communiter tamquam certa habita sunt. At anno 1737. ex Anglico sermone in Gallicum translata est ab Alberto Bruno dissertatio physica de *viribus imaginationis super facibus Jacobi Blondel.* Porro hic *pag.* 3. libenter admittit, foetus multa pati posse non tantum ob infirmitates parentum, sed etiam ob aliquos alios casus fortuitos; puta, si mater furiose saliat, aut currat, aut equo immoderate vehatur; item, si aliqua violenta affectione agitur, ob quam somno aut cibo privetur, aut nimia ira commoveatur. At mordicus negat fieri posse, ut ex nimia cogitatione nimioque studio matris erga aliquod objectum, super corpus foetus objecti ipsius forma imprimatur, nisi superaddatur vis alterius causæ externæ. In citata dissertatione contrariis exemplis supra indicatis

catis respondetur, & præter anatomicas rationes suse in eadem dissertatione adductas, pag. 49. infertur, si mater gravida, ob vim cujuscunque imaginationis non potest aliquid suo corpori imprimere, ejus formam; licum, qualitatem, & numerum membrorum immutare; uno verbo, si nullam potest facere certam mutationem in proprio corpore ob quamcunque imaginationem, multo minus id efficere poterit in foetu: & quia prævidet, responderi posse, corpus matris esse absque dubio robustius foetu, qui tamquam cereus omnes impressiones facile recipit; reponit, matrem magis absque dubio esse expositam efficacæ imaginationis, & idcirco ipsam potius, quam foetum, imaginationis effectum sentire debere. Qui plura scire cupit adversus supra relatam communem opinionem, prædictam poterit percurrere dissertationem. At, communis opinionis probabilitate admisa, prorsus incertum & dubium est velle explicare, quomodo matris imaginatio possit ea, & similia in foetu efficere. Æmiliius Parisianus docuit, veram materiam necessario dari debere, quæ contractis in foetu notis causam exhibeat, & illam non aliam esse, quam vaporatam subitantiæ a concupitis ut plurimum rebus elevatam, quæ per olfactus organum obrepens, & una cum speciebus rei concupitæ movens adjunctam appetitivam, & cum spiritibus & sanguine ad jecur perveniens, & ab eo explosa tamquam ad usum suum non idonea, in uterum detruditur: Id autem a ceteris reprobatur tamquam omnino fictitium. Alia habentur apud Vallesium de sacra philosophia cap. 11. & Gasparem a Rejes quæst. 501. num. 32. apud Galsendum lib. 1. de generatione animalium cap. 6. apud Honoratum Fabri lib. 5. de appetitu sensitivo proposit. 49. num. 5. Verheyennius de imaginatione Gravidæ tract. 5. cap. 14. pag. 354. id explicare conatur, docens, occasione imaginationis aliquid a gravida ad foetum transmitti, spiritus videlicet, qui sunt propria imaginationis instrumenta, quique a matris cerebro per spinalem medullam ac nervos ad uterum traducti, inde ad foetum migrant vel per nervos aliquos, vel per venam umbilicarem, vel inter vasa umbilicaria, & membranam illa obvolvunt: absque eo quod a causa stigmatum & signorum sanguinem excludat, & alios maternos humores vel nimis celeriter motos, vel nimis tarde, vel non debite nutriendos, aut quoquo modo agentes, uti colligitur ex his verbis: Ob rationes supra dictas puto, magnam partium mutationem contingere non posse ultimis mensibus, nempe cum membra utcumque formata sunt, atque perfecta, & naturalis motus spirituum & humorum fortior est, adeoque non ita facile mutabilis. Mallebranche loc. cit. post relatam juvenis casum ab ortu mente capti, & omnibus fracti membris, quibus rei solent frangi, causam sic exponit: singuli videlicet ictus, quibus exceptus est miser ille, ad cujus supplicium videndum mater gravida accesserat, matris imaginatione & percussu quodam cerebrum tenerum delicatumque ipsius instantis affecerunt; fibræ cerebri matris fuerunt utique commotæ, & forsitan in quibusdam locis fractæ cursu violento spirituum ad rei adeo terribilis, consp-

pectum agitatorum; sed in istis fibris satis fuit soliditatis, ut ipsarum ordo & compages penitus non destrueretur; at contra fibræ cerebri infantis, minus validæ ad resistendum rapido cursui spirituum, adeo detritæ sunt, ut ejusdem ingenium per totam vitam fuerit labefactum, ipseque natus sit insipiens: quod vero attinet ad contractas corporis partes, ad supplicii conspectum spiritus animales matris rapide confluerunt ad corporis partes respondentes partibus, quibus reus plectebatur, & hoc ipsum contigit in infante; sed ossa matris valuerunt resistere impetui spirituum, & sic illæsa manserunt; contra cursus ille rapidus spirituum partes corporis infantis molles & teneras dirupit, cum ossa ultima sint inter corporis partes, quæ conformantur, & in infante, dum est in utero matris, parum absque dubio habeant soliditatis. Verdries in suo commentario *de æquilibrio mentis & corporis* adstruit quamdam arcanam harmoniam & conjuratam affinitatem inter corpus matris, & corpus foetus; vult, utrumque iisdem prorsus affectionibus & perceptionibus affici, ita ut sensus vehementiores, qui uni ex partibus sic invicem devinctis accidunt, in alteram redudent, eademque omnino pathemata, quæ in mente matris occasione motuum corporis excitantur, in foetu quoque similium motuum occasione exciterentur: & quia videt, adhuc superesse explicandum, in quo consistat illa motuum corporeorum, & perceptionum, in matre & foetu harmonia, multa apud ipsum legenda subjicit; concluditque, harmoniam in æquali, vel, ut ejus verbis utamur, proportionata tensione, tono, habilitate ad motus partium solidarum, & æquabili mixtione, temperie, mobilitate, & motu fluidarum matris & foetus consistere; & ex harmonia sic explicata infert, foetum affici iisdem sensuum perceptionibus, quibus mater afficitur, licet solidiori partium matris textura, & resistentia impulsus repellatur, qui in embrionis partibus eo magis suam exerit efficaciam, quo magis illæ sunt teneræ & molles. Affert exemplum harmoniæ inter corpora æque tensa, quorum utrinque partes motu communi moventur per fluidum æqualiter se expandens, & eas partes utrinque pervadens; cum enim unum e corporibus percutitur, movetur & alterum: ita chordis citharæ consonanter intensus, si altera pulsetur, altera statim eundem sonum edit; & scyphi vitrei aqua infusa ad consonantiam rediguntur. Hæc retulisse satis sit, nullo prologo de his systematicis judicio. Et quatenus aliquid dicendum esset, ingenua Nobis placeret assertio Joannis Jacobi Schevchzeri in *physica sacra* tom. 1. pag. 87. ubi excitatam questionem pertractans ait: *Est hic incultus ager, terra incognita, ad quam quidem penetrarunt observationes, sed nulla pene ratiocinia solida &c.* Quis nobis vitio vertet, si malimus nihil dicere, quam aliquid quod æquale est nihilo? Dicta mihi placet in rebus adeo abstrusis ignorantia, & sincera ejusdem confessio. Jam vero veniendum est ad examen, an imaginatio vires suas exerce-re possit in corpus proprium ipsius imaginantis, an in eo morbos efficere possit, & an momento temporis valeat a prædictis morbis liberare.

19. Tantam vim & efficaciam nonnulli phantasiæ & imaginationi in proprium imaginantis corpus tribuerunt, ut aliqui Jurisconsulti non dubitaverint judicare, filium natum ex muliere nobili esse legitimum, quamvis absente marito natum, utpote conceptum prævia, vel accedente vehementi imaginatione concubitus uxoris cum marito, uti videri potest apud Thomam Bartholinum *de luce hominum, & brutorum lib. 3. pag. 396. Mulierem sine congressu virili, sola imaginationis vi peperisse, annis superioribus in Gallia promulgatum est: frustra renitentibus Medicis, & acriter conquerentibus filiis vere legitimis, utpote natis dum pater habitabat cum matre, nullaque habita ratione responsi Scævole, & Ulpiani in L. 6. ff. De his, qui sui, vel alieni juris sunt, ubi sic legitur: Si constet, maritum aliquandiu cum uxore non concubuisse, infirmitate interveniente, vel alia causa &c. hunc, qui in domo natus est, licet, vicinis scientibus, filium non esse.* Hæc eadem historia iterum refertur, sed reprobat ab eodem Thoma Bartholino in alio opere *de Paralyticis novi Testamenti pag. 43. quomodo etiam reprobat, & irridetur tamquam tabulola narratio illa, de qua Rhodiginus lib. 14. antiquar. lectio. cap. 1. Platonis videlicet nati a Parectonia matre Apollinis oppressa phantasmate. Quid sentiat Jacobus Blondel de viribus imaginationis in proprium imaginantis corpus, supra vilius est, & infra etiam videbitur. Franciscus Petrarca lib. 2. de vita solitaria cap. 11. loquens de Stigmatibus S. Francisci, de quibus alibi a Nobis sermo fiet, ea vocat stupendum insigne sacrorum Stigmatum: sed lib. 8. epistol. senil. in tertia, quæ est ad Thomam de Garbo Medicum Florentinum, eorum impressionem adscribit imaginationi, vel, ut ipse loquitur, opinioni: Profecto Francisci Stigmata hinc principium habuere: Christi mortem tam iugiter & valida meditatione complexus est, ut cum sanis in se jam dudum animo transiisset, & cruci affixus ipse sibi suo cum Domino videretur, tandem ab animo in corpus veram rei effigiem pia transferres opinio. Adhæsit Pomponatius lib. de incarnatione cap. 6. ad octavum, ubi ait, Stigmata S. Francisci posse ad vim naturalem imaginationis revocari, & ita esse affirmandum, nisi Ecclesia aliud statuat. At id tamquam erroneum fuisse convincitur a Fortunio Liceto de quarto quaesitis per epistolam cap. 29. & a Theophilo Raynaudo de Stigmatibus sacro & profano tom. 13. pag. 126. Bartholomæus de Pisis Ordinis Minorum anno 1385. aureum librum conscripsit de conformitate vite Beati Francisci ad vitam Domini nostri Jesu Christi, editum a P. Buccchio Utinensi Bononiæ a. 1590. & in prolog. 2. pag. 4. hæc habet: Quid hujusmodi prodigium, videlicet impressio sacrorum Stigmatum, Divina solum potentia sit peractum, non natura, nec arte, seu quavis alia forte imaginatione &c. Secundo hoc idem perpenditur, si forma Stigmatum in manibus & pedibus Sancti facta cogitetur: nam in manibus & pedibus ejus sunt facti clavi sive de nervis, sive de carne, qui quidem clavi desuper erant quoad capita solidi, grossi, & obtusi, erant longi, & extra manus & pedes protrudebantur & recurvabantur, intra quorum recurvationem arcualem ipsorum digitus manus immitti valebas, sicut dicit Dominus Frater*

Bona-

Bonaventura Episcopus Albanensis sanctæ Ecclesiæ Romanæ Cardinalis in 3. part. Legenda majoris, se habuisse ab illis, qui hoc viderunt & palpaverunt, & sic esse juramento firmaverunt. Modo dato, quod natura, vel imaginatio haberet vim aperiendi carnem, facere tamen clavos de nervis, sive de carne sic duros, & tali forma dispositos, adjuncta arte quacumque, facere nullatenus posses. Patet etiam hoc idem, si consideretur materia, de qua tales clavi sunt facti . . . cum materia pedum & manuum, & præcipue in loco, ubi fuerunt Stigmata impressa, sit tota nervosa & durior, quam in aliis partibus corporis &c. Similiter de vulnere lateris in tali forma, & loco tali præfatis de causis fieri non potius vi natura, nec imaginationis, nec virtute natura tanto tempore imputribile potuisses conservari, sicut fuit in ipso Patre, quia per biennium &c. Vehemens imaginatio Passionis D. Jesu si haberes Stigmata naturaliter imprimere, hoc præ omnibus in beata fuisset Maria matre ipsius Domini Redemptoris, & in ejus corpore, quæ præ cunctis Christum amavit, & de ejus Passione condoluit. Super janua Conventus Patrum Franciscanorum civitatis Remensis fuit olim appositæ hujusmodi Inscriptio: **UTRIQUE CRUCIFIXO**: qua significabatur, Jesum Christum, & S. Franciscum fuisse crucifixos. Multa gravissimi momenti adversus eam inscriptionem, per quam S. Franciscus Christo Domino æquiparatur, scripta sunt, quæ legi possunt tom. 4. supplementi ad historiam practicarum Superstitionum compositam a Patre le Brun pag. 93. & seqq. At hic veritatis fines scribendi impetu transgressus est, asserens, metaphoricè tantum & mysticè S. Franciscum vulnera recepisse: quod falsum esse, ex supra deductis & alibi deducendis dignosci potest,

20 Verum, ut omisso fictitiis & falsis imaginationis & phantasie effectibus, veri & notissimi afferantur, notissimus ille est noctambulorum. *Noctambulus* appellamus eos, qui relicto lecto, somnoque gravi oppressi ambulant, ac perreptant culmina, & domorum tabulata, hæc illucque discurrent, & perficiunt dormitantes, quæ vigiles aggredi non audent, & præstare nequirent; qui, si non interpellentur, nec revocentur ab incepto, sensum ac sine sensu se demuo in lectum referunt, nec quid egerint expergefacti cognoscunt, sed tantum se illa omnia somniasse putant. Innumera & stupenda ab Historicis & Medicis proferuntur exempla, de quibus apud Edonem Nehusum lib. 2. *farid. sac. cap. 2.* Motus hi, & hæc agitationes referuntur a Medicis in sanguinem turgidum & spumantem, ad æstuosum servidumque spiritum, qui ad imaginationem delatus eam agitat, atque ad hujusmodi motus & effectus impellit & concitat. Somni tempore sola phantasia operatur: & hinc fit, ut ipsa ad objectorum vel fugiendorum, vel prosequendorum, vel exprimendorum representationem spiritus animales transfundat, vel ad facultatem motricem, ut eam moveant, vel ad linguam & ad alia formandæ vocis instrumenta, ut res expriment imaginatas. Crivellus in *physicis elementis* part. 2. lib. 6. sect. 1. cap. 1. sic rem explicat: Ait enim, spiritus, postquam vias eas ingressi sunt, quæ ad cerebrum, sive ad imaginationem hominis dormientis ducunt, ob fa-

§22. DE SERVORUM DEI BEATIFICATIONE

cilitatem, quam inveniunt in nervis qui motui corporis inserviunt, quosdam excitare motus, & eos præcipue, ad quos homo promptior est; & hinc derivari, quod noctambuli licet dormientes surgunt e lecto, fenestras aperiunt, deambulant, & alia similia peragunt. Addit Lemnius de *occulis natura miraculis lib. 2. cap. 5.* eatenus noctambulos nullo corporis incommodo ea peragere, nec labi, aut in præceps agi, quatenus sensim ac nullo metu, nullaque trepitatione, aut discriminis cognitione supra dicta aggrediuntur. Afferit exempla ebriorum & mente captorum, qui inconsulto, & magna temeritate atque audacia pericula quæque aggredi non metuunt, si tamen illis postridie, aut ubi mente consistere coeperint, in memoriam revoces quid egerint, & quanta discrimina subierint, omnia prorsus excidisse sibi ingenue fatentur, & toto corpore perhorrescunt, cum referri audiunt, quibus se periculis objecerint. Schenckius in *observat. medic. lib. 1. tit. de noctambulis* post plura relata concludit, effectus prædictos esse referendos ad imaginationem una cum spirituum tenuitate & subtilitate. Existat quoque Horstii integra tractatio de *noctambulis*, quam uniusquisque consulere poterit, necnon Martinum Del Rio, *disquisit. magicar. lib. 3. cap. 3. quest. 13.* & Rejes *quest. 37. num. 48. & seq.*

21 Alii succedunt effectus, & præsertim morborum & sanitarum. Matta de *Canonizat. Sanctor. part. 3. cap. 19. num. 14. & seqq.* docet, ex imaginatione plures morbos ortum habuisse, & multos ægrotantes ab imaginatione sanitatem recepisse: quod tamen cum grano salis (uti dicitur) explicandum est; cum sæpe contingat, dici morbos a phantasia processisse, quando potius dicendum esset, a morbis phantasia derivasse, uti bene explicat Finus *quest. 10.* apud Blondel in *cit. dissertat. pag. 48.* Non ideo homines morbum acquirunt, quia imaginantur se eum habere, sed quia eum habent, vel jam ejus aliquod principium in se sentiunt, ideo se eum habere imaginantur, eumque timeant, & de eo conqueruntur. Verum quia interdum morbus tantum incidit, & adhuc non prodit se externis symptomatibus, unde homines judicant, eos non ægrotare, ideo postquam jam vident, eos in morbum, de quo antea fuerant conquiescentes, incidisse, putant, eos illum per vim imaginationis contraxisse. Hactenus Finus. S. Thomas *quest. 6. de miraculis art. 3.* proposita quæstione, *Utrum creatura spirituales sua naturali virtute possint miracula facere*, & negando resoluta, cum sibi septimo loco opposuisset, aliquos interdum ex sola imaginatione calorem aut frigus contrahere, necnon febrem, & aliquando lepram; respondet, ex imaginatione oriri affectionem, per quam aliquo modo variatur motus cordis ac spirituum, ex quibus vel retractis ad cor, vel diffusis in membra sequitur aliqua immutatio in corpore, quæ etiam potest esse infirmitatis causa, & præcipue si sit materia disposita. Alia legi possunt apud Rejes *quest. 11. num. 5. & plurib. seqq.* apud Joann. Gerson. *tom. 1. ultima editionis operum ipsius pag. 214.* Thomas Fienus in allato tractatu de *viribus imaginationis quest. 10.* querit, an imaginatio in proprio imaginantis corpore morbos creare possit: & licet respondeat, per nudum & simplicem

plicem actum imaginationis non posse ullum morbum induci, cum tamen admittat, phantasiam sive imaginationem per accidens morbos causare, & curare posse, movendo scilicet humores & spiritus, aliis non contradicit asserentibus, morbos vi imaginationis produci posse in corpore imaginantis, cum præsens controversia non sita sit in modo, sed in re, an videlicet morbi per vim imaginationis inferri possint in corpus imaginantis, sive id fiat mediate (ut loquuntur) ab imaginatione, sive immediate. Quod si in creandis morbis in corpore imaginantis magna vis est imaginationis, de eadem dubitari non potest etiam in iis curandis. Idcirco ait Vallesius de sacra philosophia cap. 3. pag. 87. *Ipsa imaginatio per eos animi motus morbos tollit, aut saltem minuit.* Accedit Marcellus Donatus de medic. hist. mirab. lib. 2. cap. 1. pag. 33. ubi hæc habet: *Tanta imaginatricis facultatis vis est, ut multi ex agitudine, cum se sanos factos firmiter imaginarentur, convalescerent: quod multis comprobatur exemplis, quorum etiam nonnulla narrantur in discursibus Michaelis de Montanea ex Gallico in Italicum idioma translatis pag. 65. edit. Veneta ann. 1633.* & latissime in *pathologia Damniaca Joannis Gaspari Weiffalii tit. de imaginat. virib. pag. 40.* Thomas Bartholinus in citato tractatu de Paralyticis novi Testamenti (in opus. ad histor. & philolog. sacram. tom. 5. pag. 355.) ita scribit: *Acrius de imaginatione inter alios disceptatur, an morbos curare valeat. Non dubitamus, conferre plurimum, movendo & excitando spiritus sepius & calorem, quandoquidem exemplorum illas nobis id persuaserit &c.* Quid quarimus ultra? *Phantasia plerique morbi curantur, qui ope medicamentorum importune ab indistinctis exhibitum creduntur arti cessasse.* Honoratus Faber lib. 5. de hum. appet. sensu. proposit. 49. num. 3. pag. 438. docet, per vehementem agizationem ab imaginatione productam morbosos humores resolveri, excuti, & dissipari posse; quem sequitur Regnault. tom. 2. dialogorum physicorum, pag. 217. Adhæret Tozzius oper. tom. 5. ad tit. de viribus imaginationis, ubi ait, plurimos ex forti imaginatione, qua se male habere arbitrati sunt, in pessimas ægitudines incidisse, & alios contra a gravibus ægitudinibus evasisse per manuscriptas chartulas, & per signacula, quibus filii tam potentes suæ imaginationi illorum efficaciam impresere, ut se inde sanandos crediderint, & re ipsa sanati sint. Demum Verdries in allato tractatu de æquilíbrio mentis & corporis pag. 152. sic concludit: *Fiducia cum vitiosa imaginatione ad amissæ sanitatis restitutionem sola sæpe tantum contribuit, quantum omnia reliqua instrumenta ad salutem reducendam necessaria.* Muratorius autem in loco mox afferendo asserit, vi imaginationis aliquos morbos etiam momento temporis curari posse.

22 Explicatis iis, quæ spectant ad vires imaginationis & phantasie quoad alienum, & quoad corpus proprium imaginantis, remanet ut agamus de ejus viribus relatis ad miracula, sive ad miraculo factas sanationes. Ut enim superius dictum est, in examine miraculorum sæpe contingit, ut queratur, utrum sanatio divinitus contigerit, an naturaliter, ope videlicet imaginationis, vel phantasie.

23 Juxta ea quæ alibi visa sunt, Arauxo in suis decisionibus tract. 3. *quæst.* 23. §. 5. num. 84. & seqq. postquam admisit triplicem gradum miraculorum, quæ classica appellat, alia quædam prodigiosa enunciat, quæ hominum vulgus miracula vocat; & ad hanc classem revocat sanationem infirmorum ex apparitione personæ, quæ ab infirmis invocatur, vel ex tactu & apprehensione Imaginis, aut vestimentorum ejusdem personæ. De his autem Arauxo hæc habet: *Sed quod neque ex his possit sumi efficax sanctitatis eximia talis persona argumentum, sic ostendo &c.* Hæc miranda opera possunt distinguî in tres partes, quarum unam damus imaginationi hominum, qui affecti erga eam personam vehementer desiderant ejus miracula videre, & quod affectu cupiunt, facile in somnium, aut in imaginationem eorumdem transiit; nam, ut cecinit Poeta, qui amant, ipsi sibi somnia fingunt. In qua enim vividâ passio eorum inclinât, & acri imaginatione revolvunt, putant se videre & audire, quæ tamen nec vident nec audiunt &c. Et cum dimidium facti, qui cupit, habeat, Demon videns dimidium suæ deceptionis ab inductis hominibus ejus devotionis pretextu satisfactionem, alacer occurrit, & importune se ingerit, & sicut acrius turbatis phantasmatibus suggeris pro revelatione id, ad quod passio inclinât, ita suadet pro miraculo id quod ager somniat, aut id quod vehementi affectu desiderat, aut etiam quod natura & medicina suis terminis ac debitis decretoriis operatur. Quare alteram partem bonum miraculorum damus Demoni, & tertiam Deo, qui in premium fidei, spei, & fiducia supplicantium, aut ex eorumdem impetratione, interdum illis, qui se alicui existimato Sancto tota devotione committunt, beneficia sanitatis, aut alterius negotii felicem exitum confert. Joannes Maria Lancilius in causâ sæpe memorata tunc Servi Dei, nunc Sancti Joannis Francisci Regis, in suo suffragio pro veritate exarato secundo alserto miraculo, quod a Postulatoribus proponebatur, & quod non fuit admissum, relicturi celeriter usus pollicis dexteræ manus cujusdam Monialis, ita scripsit: *Sed ne banc hypothefim, in qua probare conabar, sanationem non fuisse miraculo adscribendam, nudis ac fallacibus conjecturis proferre tuerique videar, humiliter Sanctitatem Vestram exoro, partem aliquam magnarum suarum cogitationum referre velis primò in morbi ab initio levitatem, deinde in dubiam quoque existentiam levissimi morbi, qui immediate sanationem præcessit. postremo in ejusdem cessationem, quæ a fortî Monialis imaginatione non egro viri potuit; hæc enim omnia faciunt, ut in ancipiti sis miraculi fides &c.* Denique quod malum superstes in affectu digito aut ex leviculo morbo, aut ex desidia subortum, per solam deinde fortem animi agitationem cessare subito potuerit, satis superque tum ratione, tum experientia ostenditur. Et quidem ratio primum aperte suffragatur; nam ea vis animæ, quæ per imaginationem in nobis operatur, agit in cerebro, & sibi ministros adhibet spiritus, quos explicat, exagitat. & urges quaquaversum, sed in affecta potissimum membra vehementissime extrudit atque desiguit. Facile propterea obvia impedimenta subvertere, languidas vires erigere, mucosque parvis, quos eadem prius moliri nequibant, domare potest; quamobrem non raro ut a sola imaginatione notui veri- que morbi procreantur, sic aliquando antiqui curari solent &c. Sed nimius essem in re alio-

re aliquoties satis perspicua, si vellem hic plures observationes congerere illorum, qui per solam imaginationis vim, vel a simplici dolore, vel a contractione vindicari fuerunt &c. Ceterum facilius isthac in mulieribus, quam in viris contingere possunt, utpote qua suis in facibus turpes maculas, alias fissuras imaginando imprimere sileat & aperire. Subeant alii censuram ab Hippocrate latam in Virgines, qua ubi agrotant, sola interdum opinione liberantur. At Medici caveant, ne ipsi prima rerum species imponat, & tribuant miraculo, quod natura sanavit, & delicatum nimium, sibi que plus aequo in malis indulgens muliebris ingenium. Demum Muratorius in philosophia morali cap. 6. monet, non esse statim pronuntiandum pro miraculo, quando aliqua sanitas extemplo contingit, cum sola phantasia vehementer commota a desiderio & spe recuperandi sanitatem, concipiens uti præsens supernum auxilium Dei qui omnia potest, & intercessionem alicujus probi servi ipsius, naturaliter apta sit ad transmittendos aliqua vi per nervos, glandulas, & poros corporis spiritus animales, stagno aliquo humorum & obstrukcione impeditos, qui superato omni obstaculo circulum fluidis restituant; & sic iterum nervi & muscoli ante pigri effecti, aut ex toto carentes vivaci & admodum necessario spirituum ipsorum influxu, ad suas redeant functiones. Addit, id potissimum accidere in morbis seminarum; seque notitiam certam habere asserit cujusdam feminæ, quæ vehementi feбри oppressa, & a Medicis derelicta, dum mortem exspectaret, vidit quadam nocte ignem parietes vicinæ domus invadentem, quo excita repente surrexit, seque in tutum locum recepit, & non multo post fuit a morbo plane libera. Addit proinde cautos Medicos esse, qui aliquando præscribunt nonnulla remedia, quæ ipsi sciunt morbum curare non posse, sed ea tamen propinant, ut videant, an ægri phantasia concipiens magna cum fiducia remedium efficaciam morbum superare possit per magnam commotionem spirituum animalium.

24 Ut ab hisce scopulis evadant, nonnulli sufficere posse putant, si dicant evidenter non inferri ex alicujus sanatione vi imaginationis sanationem aliorum, sed potius valere hanc argumentationem: Imaginatio non sanavit centum hominum agrotantium nullia: ergo nec sanavit eum, de quo nunc agitur. Sed cum, dum res est de miraculis approbandis, & quaeritur, num sanatio divinitus, an naturaliter acciderit, pro regula jam statutum sit, non esse miraculo adscribendum quidquid per naturæ vires potuit obtineri, maturius & diligentius quaestio hæc pertractanda videtur, ut dignoscatur, quid vi imaginationis, & quid causæ supernæ tribuendum sit. Ut eni ait Honoratus Faber loc. cit. Licet vis imaginationis mirificos effectus præstet, non est tamen quod aliqui ut parum pii, ita physicarum rerum imperiti aliquos effectus eidem tribuant, quos extrinsecus accidere perspicuum est per miraculum. Et si aliter res se haberet, diligentissima utique cessaret indago, quam sancta semper adhibuit Sedes in examine miraculorum, quæ proponuntur in causis Beatificationis & Canonizationis, de qua alibi a Nobis sermo habitus est, & de qua liceat hic inferere narrationem Patris Daubenton arcto Nobis

526 DE SERVORUM DEI BEATIFICATIONE

Nobis amicitiae vinculo conjuncti, dum Romae morabatur, & Postulator erat causae S. Joannis Francisci Regis. Haec enim habet lib. 6. pag. 334. in vita ejusdem Beati ab ipso gallice conscripta edit. Paris. an. 1716. : Huic (loquitur de nobili Anglo Haeretico) quidam e Romana Curia Proceribus, quos Pralatos vulgo vocant, veteri amicitia cum illo junctus, legenda praebeuit Acta, in quibus complura miracula idoneis suta probationibus erant perscripta. Legit Haereticus attente, nec sine voluptate, mox libellum amico reddens, egregiam sane (inquit) ac plane certam probandi miracula rationem. Si omnium, quae ab Ecclesia Romana praedicantur, veritas tam certis, tam authenticis nixa fundamentis esset, nihil causa diceremus, quin iis omnibus assentiremur, eoque pacto effugere- tis ludibria & jocos, quibus vestra illa, quae venditis, miracula cavillamur. A- qui scito (respondit Pralatus) ex istis, quae tibi tam probe videntur fundata, miraculis, nullum a sacra Rituum Congregatione approbatum fuisse, quoniam non satis probata sunt visa. Calvinianus inexpectato responso attonitus fati non dubitavit, neminem nisi perversa & ceca praeventum opinione posse prudentiam & aequitatem Romanae Sedis in Sanctis Calium numero adscribendis desiderare, nec sibi unquam venisse in mentem suspicari tantam cautionem & diligentiam ab ea in examinandis eorum miraculis adhiberi potuisse.

25 Hinc ad examen propositi dubii ut descendamus, primo dicen- dum esse videtur, morbos quosdam ab imaginatione ortos, viribus con- trariae imaginationis naturaliter tolli posse. Thomas a Vega in comment. in artem medicam Galeni cap. 84. refert, quemdam Caulone detentum, & delirantem obnixè postulasse sibi concedi natationem in stagno illo: mon- strabat autem pavimentum. Ajebat enim fore, ut ex ea natatione conva- lesceret; quod cum a Medico concessum fuisset, & ipse per aliquod tem- pus summa cum jucunditate supra pavimentum illud se volvisset, ajens modo aquam sibi accedere ad genua, modo ad inguina, modo ad guttur, hilari tandem facie gestiens se sanum pronuntiavit, & febre liberatus est. Alexander Trallianus lib. 2. cap. 17. refert, mulierem, quae serpente[m] devorasse arbitrabatur, exhibito medicamento vomitorio, clamque re- posito inter rejecta per vomitum serpente, ab illa imaginatione libera- tam fuisse. De alio quoque legitur, qui se in corpore septem passerculos habere imaginabatur, Medico per nares se extracturum simulante, & passerculum, quem in vestis manica absconderat, monstrante, sanatum fuisse, imaginatione scilicet falsa per contrariam sublata; & alia simi- lia fuisse habentur apud Marcellum Donatum de medica historia mirabili lib. 2. cap. 1.

26 Secundò dicendum esse videtur, ab imaginatione saepe purgatio- nes & vomitus causari posse, ex quibus aeger sanitatem consequatur. De viribus imaginationis hac in re non videtur esse dubitandum; passim enim videmus nonnullos ad imaginariam nauseam proclives, si ejus recorden- tur, aut ab aliis memoratam audiant, vomitum, aut alvi fluxum pati. Legi possunt Bartholinus centur. 5. hist. 54. Manget Biblioth. medic. praef. tom. 2.

tom. 2. pag. 1067. & quæ habentur in miscell. nat. cur. Germ. annorum 1676. & 1677. observ. 146. & 238. Ad eandem classem pertinent, quæ sunt apud Michaelē de Montanea in *discursibus moralibus*, nonnullis videlicet, viso duntaxat medicamento, alvum fluxisse, quod Medicus ex hausto medicamento sperabat. Subscribit Schottus in *physica curiosa* pars. 1. lib. 3. pag. 465. ubi narrat, se suismet oculis juvenem vidisse magna febris oppressum, & subito liberatum emissio sudore, quem satis molestus sermo in eo excitaverat.

27 Tertiò dicendum esse videtur, posse vim naturalem imaginationis eo usque se extendere, ut impetum dolorum, qui corpus afficiunt, ad tempus reprimere valeat. Huc referri potest, quod a Sancto Augustino narratur: Presbyter videlicet nomine *Rastinus*, ubi collibuisse (rogabatur autem frequenter ut faceret) sese abducebat a sensibus, & jacens demortui hominis ostendebat speciem, ut non solum vellicantes atque pungentes minime sentiret, sed etiam si igne ureretur admoto, sine ullo doloris sensu, nisi postmodum ex vulnere, perseveraret. De hoc facto alibi a Nobis sermo habitus est, ipsoque utitur Medina *de reſta in Deum Fide* lib. 2. pag. 69. ut naturalem vim imaginationis confirmet in corpus proprium imaginantis. Apud Pechlinum observ. 29. lib. 3. *de cantus vi in animum & corpus*, legitur, mitiora intervalla in perpetuo podagrico paroxysmo fuisse podagrico conciliata, non medicinis, aut lenimentis, sed musica harmonia, quod ad vim imaginationis pertinere docet Verdries *de equilibrio mentis & corporis* pag. 134.

28 Quartò dicendum esse videtur, posse imaginationem in gravibus etiam morbis sanitati prodesse, non momento tamen, sed paulatim obtinendæ. Sennertus loco citato ait, imaginationem aliquos animi affectus inducere, per quos humores & spiritus moventur, qui moti plurimum faciunt ad morbum vincendum & debellandum; additque, confidentiam ægri erga Medicum, vel medicamentum generare lætitiā, a lætitiā excitari calores & spiritus, & hinc fieri, ut cibi rectius concoquantur, humores vitiosi purgentur, & tandem morbus expugnetur. De Alfonso Rege Aragoniæ sapientiæ & eruditionis laude florentissimo ita scribit Antonius Panormita lib. 1. pag. 14. *Ægrotabat Rex Capua: & cum multi multa pro suo quisque ingenio ac studio oblectamenta muneratque agro Regi excogitarent, ego quoque a Cajeta accersitus statim advolavi deferens & ipse mecum sementa & medelas meas, hoc est libellos, quos ego intelligebam illi quam maxime placituros, in quibus Curtium bonis, ut ajunt, auspiciis legendum exhibui. Ille res gestas Alexandri a disertissimo viro perscriptas, ea hilaritate, ea aviditate, ea denique felicitate cupit audire, ut, quod Medici obstupescerent, eodem ipso die, quo legere ceperamus, ægra omni valetudine levatus, ac pane confirmatus evaseris. Itaque, posthabitis ceteris omnibus animi laxamentis, singulis diebus ternas facere lectiones perreximus, brevique librum absolvimus. Exque eo die frequenter in Medicos Rex jocatus, Avicennam veluti parabolarum parvisacerem, Curtium laudibus*

328 DE SERVORUM DEI BEATIFICATIONE

bui cumulare. Notanda sunt verba Auctoris levatus &c. pane confirmatus &c. quæ valetudinem non momento, sed temporis beneficio obtentam demonstrant. Ejusdem fere rationis est militis exemplum Berolini anno 1720. relatum apud Auctores Collect. Wratislaviensentam. 25. anno 1723. trimestri astricto pag. 110. Accidit. ut anno 1720. gravissimo morbo decumberet Berolini stipendis militaria merens. De vite jactura adeo securi erant scii milites, ut jam vestimenta & suppellectilem sibi fecerint propria, agro nil de se, nec de suis reculis conscio. Decumbebat quadraginta circiter passibus a loco illo, quo die duodecima Augusti ingens illa pulveris pyrii copia accensa omne Berolinum luctu implevit. Fragore illo ingenti expergescens noster, veluti e somno profundo, redit ad se, surgit e lecto, & intra paucos dies pristina restituitur sanitati. Dubio procul a fragore hoc insolito sicuti contremuit amplissima urbs, ita & in tremulus, eosque criticos motus actum torpidum jam, & a vi morbi tantum non suppressum fibrarum nervosarum systema.

29 Dicendum tandem esse videtur, forsitan posse aliquando morbos momento sanari vi imaginationis, sanitatem tamen non durare, sed recidivam, aut methastalam sequi. Zacchias quasi. medico-legal. lib. 4. tit. 1. quasi. 3. num. 10. hæc habet: Vidi ego plures agrotantes aliquo morbo molestos, ad presentiam, vel adventum, vel tactum alicujus Religiosi, in quo maximam haberens fiduciam, vel etiam aliquarum Reliquiarum etiam ipsorum Sanctarum (nam neque per has Deus quodcumque nobis libet, & semper miracula operatur) sese a morbo recollegisse, ac melius habuisse, mox ex eodem morbo deterius molestos fuisse, & aliquando etiam periisse, nimirum quia ex contracta fiducia imaginantur, se ita mediis sanari posse, unde natura bona spe ducta morbo insultat, mox autem invalescente morbo succumbit. Et rursus quasi. 8. n. 10. Aliqui enim interdum ex multa fide, & ex vehementi imaginatione a morbis sanantur. . . At quia hæc causa insufficiens est, neque potest omnino morbificam causam abigere, idcirco facillime morbus revertitur. Subscribit Medina de recta in Deum Fide libr. 2. cap. 7. pag. 70. & subscribit tamquam testis oculatus: Vidi ego Salinantica pueri cufusdam attractu, qui gratiam sanitatum (ut vocant) habere credebatur, & vulgo plures gravissimis morbis levatos, quamvis, posteaquam imaginatio quievisset, morbi redibant. Hæc omnia facile admitti possunt, nec ullum ex his præjudicium sanationibus, quæ uti miracula approbantur, inferri potest; cum alibi jam dictum probatumque sit, sanationem inter miracula non recenferi, nisi morbus fuerit gravis & curatu difficilis, vel impossibilis; nisi fuerit in statu, aut in augmento; nisi exclusa fuerint medicamenta, aut inutilia adhibita; nisi sanatio fuerit subita, nisi fuerit perfecta, non manca, aut concisa; item nisi evacuatio nulla præcellerit, aut crisis; & nisi, sublato morbo, recidiva in eundem, aut methastasis in alium non contigerit. Quapropter verus difficultatis cardo in eo situs est, ut videatur, an tanta sit vis imaginationis, ut ei adscribi possit sanatio omnibus illis qualitativibus induta, quibus affici debere diximus sanationem, ut inter miracula recenseatur.

30 Sanctus Thomas 3. part. quest. 13. art. 3. ad tertium ita scribit de viribus imaginationis: Dicendum, quod imaginationi, si fuerit fortis, naturaliter obedit corpus quantum ad aliqua &c. Similiter etiam quantum ad alterationem, qua est secundum calorem & frigus, & alia consequentia, eo quod ex imaginatione consequenter nata sunt consequi anima passiones, secundum quas movetur cor, & sic per commotionem spirituum totum corpus alteratur. Alia vero dispositiones corporales, quæ non habent naturalem ordinem ad imaginationem, non transmutantur ab imaginatione, quantumcumque sit fortis, puta figura manus, vel pedis, vel aliquid simile. In causa Beati Joannis de Prado Martyris cum uti Fidei Promotor evicissem, ultra martyrium & causam martyrii querendum etiam esse de signis & miraculis; inter cetera autem, quæ approbata proponebantur, miracula, proponebatur illud subitæ sanationis omnino perfectæ ab arthritide fixa cum immobilitate, & dolorosa convulsione omnium artuum, & sic ab impotentia ad motum universi corporis, quæ octo mensium spatio perduraverat, nec ullo remedio vinci potuerat; ore tenus insinuavi dubitari posse num hæc sanatio adscribenda esset miraculo, an potius vehementi spei & imaginationi obtinendæ sanitatis intercessione tunc Servi Dei, nunc Beati Joannis de Prado, ad cuius intercessionem summa animi pietate & fiducia æger confugerat. Nonnulli Medici scriptis suum sensum exposuerant, & miraculum approbandum censuerant, sed de vi imaginationis sermonem non fecerant, cum oppositio a me fuisset, ut dictum est, ore tenus excitata. Clemens Papa XI. ea eximia diligentia in hisce causis examinandis præditus, quam alibi retulimus, iussit, ut sæpe memoratus Joannes Maria Lancisius suffragium, non ad causæ favorem, sed pro veritate scriptis exponeret, & difficultati ex imaginatione desumptæ satisfaceret. Juxta morem mandatis paruit, gravitatem & naturam morbi ponderavit, necnon subitanæ & perfectæ sanationem, cum exclusione crisis & recidivæ, & una cum aliis Medicis sensit, sanationem fuisse miraculo tribuendam; & hoc nomine approbata fuit a sacrorum rituum Congregatione, cujus Decretum fuit etiam a Clemente XI. confirmatum die 17. Martii 1712.; & quod attinet ad vires imaginationis, ita locutus est: Dubitatur, num desiderium recuperanda salutis in eodem Censibus eam imaginationis vim exercueris, per quam naturali, non autem supernaturali virtute a morbo fuerit liberatus. At enimvero, ut constat, an a sola imaginatione salus repente nostro agro redire potuerit, videndum prius est, Beatissime Pater, quomodo, & quibus viribus phantasia operetur in nobis. Agit quidem imaginatio excitando celeriter ideam rei, quam ipsa anima aut vult, sperat, & concupiscit, aut horret, despiciit, & fugit. Qualecumque autem sit objectum, ad quod phantasia dirigitur, & cuius idolum in cerebro effingit, non alia naturaliter ratione operatur, nec alio instrumento utitur, quam spiritibus, quos novo motu ciet, ut nervos varie contendant, aut laxet. Quidquid igitur in motum spirituum ac nervorum subito dimoveri, atque in novum statum, eumque naturæ consonum re-

530 DE SERVORUM DEI BEATIFICATIONE

fitui potest, erit plus minus sub potestate nostre imaginationis. Atque cum inter morbos spasmodica quadam affectiones hypochondriorum, vel utri, aut simplices, & sine visio organorum erotica potissimum passionis a spirituum nervorumque abnormi motu plerumque dependant, ideo fit, ut quemadmodum a forti saepe nascuntur imaginatione, ita ab eadem in contrarium flexa facile cedant atque fugentur. Sed ubi morbus non oritur a simplici spirituum motu, sed a corpore alicubi infixo, exsiccat, atque immobili; tunc quidem nuda imaginatio nihil operatur. Unde oritur, ut nullus ager ab organicis malis, aut cujus membro heret succus densus compactusque, quantacumque imaginationis vi unquam liberetur. Disturnum vero malum, quo Frater Gabriel torquebatur, non pendebat a solo spirituum motu, nec ortum habuerat ab imaginatione; verum ab infarctu atque adhesionem illius humoris, qui longam prius febrem produxerat; ac postea ad mensuras, tendines, & articulos decubuerat, quibus locis synoviam quoque, hoc est gluten articulorum per octimestre spatium contemnere, & novam semper sanationi resistensiam ponere debuit. Et quamvis exempla non defuerint, qui interdum per vehementem imaginationis consensum a doloribus sensum abstraxerint, veluti de Cardano celeberrimo Medicina Scriptore legimus, cui studiorum intensio podagra molestiam leniebat; verum nunquam (nisi levissima, & summo opere mobilis causa fuerit) morbus ipse dolorem excitans sola imaginatione curatus est. Itaque Cardano non podagra studiis cedebat, sed symptoma, nempe dolor suspendebatur; nam illi contemplationem remittenti doloris acerbitas redibat: nec ancea plane desinebat affectio, nisi consueta podagrica periodo completa atque absoluta. Circumsertur apud Eruditos quædam epistola manuscripta Comitis Laurentii de Magalottis nobilis Florentini, & fama eruditionis, dum viveret, admodum illustis. In ea agit de miraculis. Non omnia, quæ in ea leguntur, probari possunt. Probandum tamen est quod ipse refert de miraculo satis noto, quod intercessione S. Petri de Alcantara contigit anno 1708. Florentiæ, recuperato videlicet momento temporis motu a nobili matrona, quæ Sancto se commendaverat, postquam spatio plurium mensium eo caruerat, contractis ex quodam infortunio musculus coxendicis. Status & conditio morbi graphice in epistola describitur; institutaque quaestione, an sanatio viribus imaginationis posset adscribi, hæc scite assert: *Se qui si trattasse d'un male dependente da floucerto d'umori, e d'uno di quelli che l'immaginazione siccome ha una gran parte in crearli, così può averla anche tutta in distruggerli e annichilarli, vorrei, che dicesse, che tutti questi Signori alienissimi da ogni insenzione d'ingannare gli altri, hanno solamente avuta la disgrazia d'ingannarsi per se i primi: ma trattandosi d'organi spominati o guasti, di nutrizione di parti difficultata ed impedita, di tendini retratti, d'emaciazione della parte, e d'altra cose di simil natura, l'immaginazione ci ha poco luogo. Faciunt pro re, de qua tunc agitur, ea quæ habentur apud Jacobum Blondellum in cit. physica dissertatione pag. 47. ubi postquam docuit, phantasia plurimum in nonnullis casibus ægrotis prodesse posse, fiduciam videlicet in Medico & ejus pharmacis,*

item

item plurimum nocere posse in aliis casibus, cum ex spirituum turbatione possit æger phreneticus fieri, aut stultus, ex violentis perturbationibus convulsiones oriri possint, & pectoris oppressiones, ex quibus febris, epilepsia, apoplexia, & mors sequantur; ad alios deinde morbos transiitum faciens, qui solidas partes afficiunt, negat, eos a phantasia fieri posse, & sic multo minus curari. Affert exemplum eorum, qui imaginantur, se esse claudos, nasum sibi crevisse ultra modum, se aut gladio vulneratos fuisse, aut glandibus scloppo emissis: aut cum nullus ex iis revera effectus sit claudus, aut naso deformatus, aut corpore ulla ratione læsus, negat, imaginationi inesse vim hujusmodi morbos procreandi, &c, quod consequitur, etiam sanandi.

31 Doctrinam hanc ut explicemus, videtur dici posse, morbos nonnullos a spiritibus, alios a fluidis, alios a solidis originem habere. Quoad morbos primi generis etiam si admittatur, eos vi imaginationis fibras moventis momento expelli posse, morbi hi, utpote leves, miraculi rationem habere non possunt. Quoad morbos secundi generis, aut vitium est in qualitate, aut in quantitate fluidorum: si vitium est in qualitate, non potest imaginatio vi sua naturali momento pellere morbum; si vero vitium sit in quantitate, & morbus non sit levis, sed gravis, non videtur alio modo imaginatio posse eum tollere momento temporis, nisi excitata crisi; & quatenus, non excitata crisi, momento tolleretur, morbus revertetur: in quo rerum statu cessat semper ratio miraculi. Quoad morbos denique tertii generis, imaginatio neque extemplo, nec per aliquod temporis spatium, quantumvis moveat spiritus & fibras, morbum expellere potest, nisi vitium solidorum a fluidis derivetur, quo in casu idem dicendum esset de tertio genere morborum, quod dictum est de secundo. His porro, quæ modo dicta sunt, coherent illa, quæ a Nobis dicta fuerunt, cum ageretur de sanationibus tum in genere, tum in specie, quæ miraculo tribuuntur.

32 Dices, alibi a Nobis relatas fuisse historias sanationum morborum non primi tantum, sed secundi & tertii generis, quæ momento acciderunt vi fortis imaginationis, mutorum videlicet, & surdorum, qui loquelam, & auditum illico receperunt, claudorum, qui sani facti sunt, & impotentium ad ambulandum, qui motum momento recuperarunt. At primum responderetur, Nos ea miranda retulisse quæ alii scripserunt, nec ullius fidem ad ea credenda obstrinxisse: & quatenus credibilia, & etiam vera alicui videantur, credentem enixe rogamus, ut animadvertat, ea exempla locum habere in hypotesi magnæ iræ, magni timoris, mortis certo imminensis; non vero in hypotesi fiduciæ tantum sanitatis ab ægro alicujus intercessione obtinendæ; & nemo est qui ignoret, majorem esse efficaciam iræ, & timoris mortis certo imminensis, quam fiduciæ, gaudii, & spei boni obtinendi; cum qua fiducia & spe aliquis semper timor carendi re desiderata conjunctus esse solet, vim spei & fiduciæ temperans. Oravit David 2. Regum 12. pro salute filii, & dixit v. 22.: *Quis scit, si*

532 DE SERVORUM DEI BEATIFICATIONE

forte donet eum mihi Dominus? In epistola Catholica Beati Jacobi Apostoli legitur cap. 1. v. 6. *Pestules autem in fide nihil basitant; qui enim basiant, simili est fluctui maris, qui a vento movetur & circumfertur*. Sed hinc non est concludendum, orantes formidare non debere, vel etiam dubitare non de Deo, sed de se, aut de convenientia rei quam postulant; uti bene explicat Suarez de religione tom. 2. lib. 1. cap. 24. In eo, qui ira exardescit, asperum, acrem, audacem, minacem vultum, frontem tristem, labra tremantia, venas tumentes, oculos nunc trepidos & exilientes, nunc in uno obtutu defixos & hærentes, capillos erectos, sonum articulorum se ipsos torquentium, gemitus, mugitus, sermonem parum explanatis vocibus præruptum, incerta verba, subitas exclamaciones videmus & audimus; & ex ira multos non solum in graves morbos incidisse, sed repente periisse, testantur Valerius Maximus lib. 7. cap. 2. Plinius lib. 7. cap. 32. & 57. alique apud Rejes *quæst.* 79. num. 24. & 25. Similia occurrunt in his, qui magno, & præsertim imminētis mortis terrore perculsi sunt. Quamvis autem repentino gaudio, aut immodica læticia ob bonum obtentum, vel quod obtentum putarunt, nonnullos mortuos fuisse deprehendamus, Sophoclem videlicet, Dionysium Tyrannum, binas mulieres, apud Plinium lib. 7. cap. 53. Livium *histor. lib.* 22. cap. 7. ceterosque relatos apud Verdries de *aquilis mentis & corporis pag.* 113. difficile tamen erit exemplum reperire alicujus, qui apprehendens sanitatem sibi alicujus intercessione obtinendam, sperans & gaudens de bono quod non obtinuit, sed sperat se obtenturum, eas in corpore patiat motiones quas pati vidimus iratos, & imminētis mortis terrore correptos: quæ omnia profecto suadent, ab iratis, & timore correptis non valere argumentum ad eos, qui ægrotantes vehementer sanitatem desiderant, & se eam consecuturos sperant aut vi alicujus naturalis remedi, aut intercessione alicujus Servi Dei, vel Sancti, de qua tantum re agimus in præsentī. Utque res fiat clarius exemplo, ex Fabricio narrat Sennertus *oper. tom.* 4. in *tract. de arthritide quæst.* 10. de quodam malefico podagrico, cum duceretur ad supplicium capite plectendus, eum in medio itinere nuntium insperatum recepisse de venia Principis sibi clementer concessa; tum licet usque ad id tempus omnium membrorum usu caruisset, alacri & expedito motu se in pedes dedisse, annosque postea multos liberum ab omni arthritidis molestia vixisse. Cum porro nemo futurus sit, qui sibi persuadere possit, podagricum prædictum eodem modo sanitatem consequi potuisse, si illi nunciatum esset, Ministrum aliquem Principi acceptissimum pro ejus vita intercedere, incerta tamen adhuc Principis voluntate, ex hoc plane demonstratur, vehementiorem in nobis esse motionem, quæ causam habet a gaudio, ea, quæ causam habet a spe boni obtinendi, quæ timori mixta sit & formidini de se petita non obtinenda. Rejes in *citata quæstione* 79. num. 20. ait, repentinæ immutationes humorum etiam compactorum & crassorum, & eorum motus ab animi affectibus proficisci, sed præ omnibus animi affe-

affectionibus metum & iram id maxime & promptissime efficere; Joannes Guillelmus Albrecht in *physico tractatu de effectibus Muscæ*, ubi de *pachymus* vii §. 201. & 202. explicat gaudii de bono obtento efficaciam, & ait, magno sanitatis emolumento ob illud fibras moventes æquali tono sanguinem per vasa libera promovere; & hæc fieri facetur etiam in spe & desiderio, sed remissius.

33. Siquis dicat, nihil prohibere, quominus vis imaginationis, & desiderii boni obtinendi naturaliter pervenire possit ad eum motionis gradum, ad quem vidimus iram & timorem aliquando pervenisse; primum respondemus, non ita facile credendum esse, id contingere, quod nunquam scimus contigisse, quamvis non una, sed prope infinita se obtulerint occasiones; deinde, admissa etiam possibili æqualitate inter motiones iræ ac timoris, & motiones fiduciæ ac spei, adhuc indagandum superest, cujus generis fuerint morbi, a quibus nonnulli momento liberati dicuntur ob iram vel timorem, num secundi scilicet, an tertii generis: de hoc enim Relatores non curarunt, sed tantum dixerunt, ex. gr. paralyticos fuisse ob iram, vel timorem a paralyti liberatos, nec solliciti fuerunt de exquirendo paralyti genere; indagandum est, an sanatio momento temporis successerit, momento (inquam) proprie ac stricte sumpto; ut plurimum enim audimus dici momento liberatos nonnullos, qui liberati sunt paulatim, sed tempore breviori, quam sere naturaliter soleat; indagandum est, num in citatis exemplis crisis abfuerit, de qua circumstantia altum silentium est apud referentes. De his omnibus sedulo inquiritur, cum examini supponuntur sanationes ad miraculum referendæ: cumque hæc omissa fuerint ab iis, qui narrarunt exempla naturalium sanationum, unusquisque facile cognoscere poterit, ea exempla Nobis non ob stare.

34. Possit aliquis asserere, distinguendam esse imaginationem, ex qua fiducia consequitur obtinendi sanitatem per aliquod naturale remedium, ab imaginatione, quæ parit fiduciam sanitatis obtinendæ intercessione aliqujus Servi Dei, vel Beati; idemque asserere posset, excitata crisi in primo casu sanationem momento secutam esse naturalem, secus autem in secundo: quandoquidem ipsam quoque crisin potest Deus præmittere, usus videlicet naturali instrumento ad sanitatem illi concedendam qui ad Dei Servum, vel Beatum confugit, cujus sanctitatem media illa sanatione vult manifestare. Verum (ut alibi dictum est) aliud est, miraculum in se & coram Deo tale esse, aliud est, miraculum approbari posse ab Ecclesia, quæ judicat duntaxat de externis; ideoque libenter admittimus, istiusmodi sanationem a Deo fieri posse; sed eam dicimus regulariter non posse uti talem approbari ab Ecclesia, quæ videns crisin, & causam ejus ignorans, aut judicium suspendit, aut fert pro natura. Ex quibus proinde omnibus concluditur, quantumlibet imaginationi tribuatur, nec eam operari miracula posse, nec illa, quæ tamquam miracula approbantur, posse adscribi ejus vi &

534 DE SERVORUM DEI BEATIFICATIONE

vi & efficaciz, uti recte innuit Bordonius *de miraculis mediz.* 3. *quest.* 15. proinde sanationes conditionibus præditas, quas supra memoravimus, & sic inter miracula recensitas, Deo agenti supra vires naturæ esse adscribendas; & evidenter credibilem efficere sanctitatem ejus, cujus post mortem intercessione facta sunt; cum miracula, quæ sunt ad confirmandam Fidem, vel ad alicujus indicandam sanctitatem, Fidem & sanctitatem reddant, non sane evidenter veram, sed tamen evidenter credibilem, uti late ostendunt Cardinalis de Lugo *de Fide disput.* 2. *num.* 22. & Comptonus *in curs. Theolog.* tom. 2. *disput.* 7. *sect.* 6.

Finis Primæ Partis Libri Quarti.



DE

DE SERVORUM DEI
BEATIFICATIONE,
ET BEATORUM
CANONIZATIONE
LIBER QUARTUS, ET ULTIMUS.
PARS SECUNDA.

In qua agitur de concessione Officiorum & Missarum in honorem
Beatorum & Sanctorum, electionibus Sanctorum in Patronos,
descriptionibus nominum in Martyrologio Romano;
& aliis hujusmodi rebus, de quibus tractatur in
sacrorum rituum Congregatione ordinaria.

CAPUT PRIMUM.

*De concessione Officii & Missæ in honorem Beatorum Beatificatione
propria, qua formalis dicitur.*



GI TUR in Congregatione ordinaria sacrorum rituum de *precedentiis*; sed de his minime agendum Nobis est. Cum autem præter *precedentias*, & causas Beatificationis & Canonizationis in sacrorum rituum Congregatione ordinaria ad normam etiam *Constitutionis* 74. Sixti Papæ V. promoveantur petitiones de Officiis & Missis concedendis in honorem Beatorum & Sanctorum, de electione Sanctorum in Patronos, de nominum

descriptione in Martyrologio Romano, & de aliis similibus rebus, de his hic a Nobis ad finem Operis properantibus sermo instituetur. Cumque ex alibi dictis triplex sit classis eorum, in quorum honorem peti potest concessio Officii & Missæ, Beatorum videlicet Beatificatione formali, Beatorum Beatificatione æquipollenti, & Canonizatorum, initium desumemus a Beatis formali Beatificatione, quibus expletis, transitus fiet ad Beatificatos Beatificatione æquipollenti, & ad Canonizatos.

2 Præmittendum est autem primo, Officium Divinum esse certam rationem publice laudandi Deum mente simul & voce, auctoritate *Prefatum* Ecclesiæ institutum: ita ut non quælibet Dei laudatio, vel ad Deum oratio

336 DE SERVORUM DEI BEATIFICATIONE

oratio Divinum sit Officium, sed Divini Officii nomine comprehendatur quædam forma & ordo Psalmorum, hymnorum, & precum, quem omnes sequi debent, qui Divinum illud Officium ex debito persolvunt, uti bene adnotavit Cardinalis Bellarminus *contro. v. tom. 4. lib. 1. de bonis operibus in particulari, cap. 10.* & Antonius Bellotte in opere cui titulus, *Ritus Ecclesiæ Laudunensis, pag. 228. n. 2.* Quod Divinum Officium licet Deo persolvatur duabus præcise de causis, ad laudes videlicet agendas pro acceptis beneficiis, & preces fundendas pro recipiendis, nihil tamen prohibet, quin in eo fiat commemoratio alicujus Beati, aut Sancti, isque a nobis exoretur. In precibus enim solius Dei nomen invocatur, tamquam auctoris & fontis omnium bonorum nostrorum, juxta illud *Psalm. 83. v. 12. gratiam, & gloriam dabit Dominus*; Sancti autem & Beati invocantur, ut nostri patrocinium fuscipiant, & pro nobis, & nobiscum orent, nobisque a Deo impetrent ea, quorum indigemus, juxta illud Joannis in Apocalypsi cap. 8. v. 4. *Et ascendit fumus incensorum de orationibus Sanctorum de manu Angeli coram Deo.* Ideoque duas adhibemus precandi formulas modo differentes; eorum quippe invocantes, Patrem, Filium, & Spiritum Sanctum, Trinitatem Sanctam, Unum Deum, proprie dicimus, *Miserere nobis, exaudi nos*; cum vero Sanctos invocamus, dicimus, *Ora pro nobis, intercede pro nobis.*

3 Præmittendum est secundo, dogma Fidei esse, Eucharistiam esse verum proprièque dictum Sacrificium, idque soli Deo offerri, non Angelis, non hominibus sive beatificatis, sive canonizatis, uti desumitur ex alibi dictis, & ex Canone Missæ, ubi legitur: *Te igitur, clementissime Pater, ... supplices rogamus ac petimus, uti accepta habeas & benedicas hæc dona, hæc munera, hæc sancta Sacrificia illibata; in primis qua tibi offerimus pro Ecclesiâ tuâ sanctâ.* Quamvis enim Ecclesiâ in honorem & memoriam aut Reatorum aut Sanctorum nonnullas interdum Missas celebrare consueveris, non potest illis (uti loquitur Concilium Tridentinum sess. 22. cap. 3.) *Sacrificium offerri docet, sed Deo soli, qui illos coronavit, unde nec Sacerdos dicere solent: Offero tibi Sacrificium, Petre, vel Paule; sed Deo de illorum victoriis gratias agens, eorum patrocinia implorat, ut ipsi pro nobis intercedere dignentur in cælis, quarum memoriam facimus in terris.* Quod & ante Tridentinum docuerat S. Augustinus lib. 20. contra Faustum cap. 21. (col. 347. oper. tom. 8.) *Populus autem Christianus memorias Martyrum religiosa solemnitate concelebras & ad excitandam imitationem, & ut meritis eorum conficietur, atque orationibus adjuvetur; ita tamen, ut nulli Martyrum, sed ipsi Deo Martyrum, quamvis in Memorii Martyrum, constituamus altaria. Quis enim Antistitem in locis sanctorum corporum assistens aliarum aliquando dixit: Offerimus tibi, Petre, aut Paule, aut Cypriane? Sed quod offertur, offertur Deo, qui Martyres coronavit, apud Memoriarum, quos coronavit, ut ex ipsorum locorum admonitione major affectus exsurgat ad acuendam charitatem, & in illos, quos imitari possumus, & in illum, quo adjuvant, possumus. Scitissimum bellum Protestantes ritibus nostris induxerunt, & signanter Missis, quæ Sanctorum nominibus appellantur, & quæ in Sanctorum*

ætorum honorem celebrari dicuntur. At, si denominatio interdum sumitur ab eo quod occasio est, nemo est qui non videat, Missam bene appellari ex. gr. Sancti Petri, si occasio Missæ defumatur ab ejus festivitate, vel a pio animi affectu erga ipsum. *Jejunii Missam* Veteres appellavere eam, cui recurrens Quadragesimale jejunium dabat occasionem, uti videri potest apud Mabillonium *musæi Italici tom. 1. pag. 304. & seqq.* Et, ne a Sanctorum Missis discedamus, in eo opere passim occurrunt Missa Sancti Martini, Missa unius Virginis, Missa Sanctæ Mariæ, Missa in Sanctæ Mariæ solemnitate, Missa Sancti Stephani, Missa Jacobi, & Joannis, Missa Sancti Sigismundi, uti videri potest in *cis. tom. 1. pag. 292. pag. 294. pag. 298. pag. 299. pag. 344. pag. 349. & pag. 350.* Missæ quoque in Sanctorum honorem celebrari recte dicuntur, vel quia in illis victorias a Sanctis Christi gratia & virtute relatas recensemus & commendamus, vel quia Sanctorum intercessio & patrocinium exposcitur, & simul declaratur, quantum de eorum meritis atque interventu apud Christum confidamus; vel in gratiarum actionem, significantes, nos recepisse a Deo Sanctorum intercessione ea, pro quibus impetrandis exoravimus. Hostiæ revera aliquando dicuntur Sanctorum meritis dicatæ, ut in Secreta quæ recitatur in Missa Martyris Pontificis, & in Secreta Missæ secundæ pro Virgine & Martyre: *Hostias tibi, Domine, Beati N. Martyris tui atque Pontificis dicatas meritis benignus assume, & ad perpetuum nobis tribue provenire subsidium.* Sed verba sunt hoc modo contrahenda: *Domine, meritis Beati N. Martyris tui atque Pontificis benignus assume Hostias tibi dicatas, & tribue provenire nobis ad subsidium:* uti adnotavit Joannes Chrysostomus Abbas Trombellus de cultu Sanctorum *tom. 1. part. 2. disert. 6. cap. 33. num. 4.*

4. Post hæc, ut veniamus ad proximam concessionis Officii & Missæ pro die festo Beatificationum Beatificatione formali, illorum videlicet, quos summus Pontifex, post approbationem tum virtutum in gradu heroico, tum miraculorum, in classem seu canonem Beatorum recenset, operæ pretium est adnotare primò, juxta hodiernam sanctæ Sedis & Congregationis sacrorum rituum disciplinam in omnibus litteris Apostolicis, quæ expediuntur in forma Brevis, cum aliquis Dei Servus formaliter beatificatur, indulgeri, ut ille in posterum Beati nomine nuncupetur, ut ejus corpus & Reliquiæ ad venerationem Fidelium (non tamen in Processionibus circumferendæ) exponantur; ut Imagines radiis seu splendoribus exornentur; utque de eo recitetur Officium & Missa celebretur. Dictum est autem, juxta hodiernam sanctæ Sedis & Congregationis sacrorum rituum disciplinam, quia ex alibi relatis deprehensum est, non semper antiquioribus temporibus factam fuisse concessionem Officii & Missæ in Beatificationum Indultis.

5. Secundo, concessionem recitationis Officii & celebrationis Missæ fieri in Brevibus Beatificationum semper de Communi, de Communi scilicet Martyris, si Dei Servus Martyr occubuerit, de Communi Confessoris Pontificis,

Tom. IV.

Y y y

tificis,

tificis, de Communi Confessoris non Pontificis, de Communi Virginum, de Communi nec Virginis nec Martyris, si Dei Servus, qui inter Beatos recensetur, fuerit Confessor & Pontifex, sive Confessor non Pontifex, sive si Dei Serva, quæ beatificatur, fuerit Virgo, sive nec Virgo nec Martyr; ita ut nullum, post decreta saltem Urbani VIII., exemplum extet Beatificationum Beatificatione formalis, quibus in Brevis Beatificationis concessa sit recitatio Officii proprii, seu Missæ propriæ celebratio.

6 Tertio, concessionem tunc Missæ tum Officii in eodem Brevis aliquando fieri sub ritu semiduplici, uti desumitur ex Brevis Beatificationis S. Pii V.; aliquando sub ritu duplici, utiprehenditur ex Brevis Beatificationum B. Petri de Arbues, S. Francisci Salesii, S. Rosæ Limanæ; aliquando sub ritu duplici majori pro aliquibus locis, puta quoad ecclesias & monasteria Regularium, quorum Dei Servus fuit institutor & fundator; & sub ritu duplici minori quoad alios locos, puta natiuitatis, aut mortis ejusdem Servi Dei, ut habetur ex Brevis Beatificationis S. Joannis de Deo.

7 Quarto, cum Beatificatio nihil aliud sit, quam cultus permissio pro aliquibus determinatis personis, & pro aliquibus determinatis locis, juxta ea quæ alibi dicta sunt, concessionem Officii & Missæ, si agatur de Dei Servo, qui aliquod Institutum Regulare professus sit, fieri omnibus Religiosis ejusdem Instituti, ut inseritur ex decreto extensionis Officii & Missæ in honorem Beati Jacobi Salomonii Ordinis Prædicatorum typis impresso apud Castellinum de certis. *glor. Sanctior. pag. 143. Eadem Congregatio votum Illustrissimi Cardinalis Sacratæ amplexata pectus Indultum, si Sanctissimus Domino nostro placuerit, censuit concedendum. Decere scilicet arbitrati sunt Illustrissimi Patres eius, qui vitæ sanctitatem longa temporis diuturnitate comprobant, non in solo natali, vel iis in locis dumtaxat, ubi corpora eorum aservantur, sed etiam ubique ab omnibus, qui idem cum iis profectus Institutum, venerationem debent: & ex Brevis Beatificationum Andreæ Avellini, Francisci Borgiæ, Martyrum Pauli Micki, Joannis de Goto, & Didaci Quinzai Societatis Jesu, viginti trium Martyrum ex Ordine Minorum, Cajetani, Joannis de Deo, Josaphat Pollocensis, Rosæ Limanæ, Pii V., Martyrum Gorcomienfium, Joannis de Cruce, Francisci Solani, Joannis Francisci Regis, Hyacinthæ de Marefcottis, Joannis de Prado, Fidelis a Sigmaringa, Vincentii a Paulo, Petri Forerij, Catharinæ de Ricciis. In iisdem autem Beatificationum Brevis concessio Officii non solum respicit & comprehendit Fratres, sed etiam Moniales ejusdem Instituti, cui Dei Servus nomen dedit: uti legitur in citatis Brevis Beatificationum S. Rosæ Limanæ, S. Pii V., Martyrum Gorcomienfium, S. Francisci Solani, Hyacinthæ de Marefcottis, & S. Catharinæ de Ricciis.*

8 Quinto, si Dei Servus, qui beatificatur, Martyr occubuerit, fieri concessionem Officii & Missæ pro diocesi, in qua martyrium subijt; uti colligitur ex Brevis Beatificationum viginti trium Martyrum ex Ordine Minorum, Josaphat Pollocensis, Martyrum Gorcomienfium, & Joannis de Prado.

9 Sexto,

9 Sexto, si Dei Servus fuit Episcopus, fieri concessionem Officii & Missæ in Brevi Beatificationis pro universâ diocesi, cujus fuit Episcopus; uti deducitur ex Brevibus Beatificationum Josaphat Pollocensis, Francisci Salecii, Pii Papæ V., Alfonsi Mogrobesii Archiepiscopi Limani: concordat decretum s. c. ræ Congregationis die 28. Octobris 1628. In Congregatione habita de ordine Sanctissimi &c. fuerunt confirmata infra scripta conclusiones & responsiones ad dubia excitata super decreto contra abusum edito sub die 8. Aprilis hujus anni: ad primum dubium de Episcopis sanctis locorum, quomodo sit continuandum seu celebrandum Officium, quod sacra Congregatio intelligit, ut possit Officium & Missa celebrari nedum in civitate, in qua fuerunt Episcopi, sed etiam in tota diocesi ritum duplici.

10 Septimo, si Dei Servus, cui Beatificationis honor præstatur, in aliquo determinato loco, dum viveret, longo tempore moratus sit, aut in eo egregia ediderit sanctitatis specimina, fieri etiam pro illo determinato loco concessionem Officii & Missæ. Hinc in Brevi Beatificationis B. Petri de Arbues factam legimus concessionem Officii & Missæ etiam pro ecclesiis generalis Inquisitionis Hispaniarum, ac Sancti Martini Inquisitionis Regni Aragoniæ, ubi primus Inquisitoris munus obivit. Hinc in Brevi Beatificationis S. Francisci Solani concessum videmus tum Officium tum Missam etiam pro provincia Thecumana, in quam Catholicæ Fidei nova semina feliciter jecit. Hinc in Brevi Beatificationis S. Turribii concessum legimus Officium & Missam etiam pro Collegio Ovetensi nuncupato *Universitatis Studii generalis Salmanticensis*, in quo humanis Divinisque litteris imbutus fuit. Hinc in Brevi Beatificationis S. Joannis Francisci Regis facta fuit concessio Officii & Missæ etiam pro civitate Aniciensi, in qua plurium annorum spatium, & pæne usque ad suum obitum habitare consuevit. Hinc denique in Brevi Beatificationis S. Fidelis a Sigmaringa concessum legimus Officium pro civitate Friburgi diocesis Moguntinæ, ubi Regularem professionem emiserat, & diu versatus fuerat; in Brevi Beatificationis S. Vincentii a Paulo pro castro de Clichy, & pro oppido de Chatillon, in quibus animarum curam obiverat; & in Brevi Beatificationis Petri Forerii pro abbacia seu monasterio de Calmusiaco, ubi habitum Ordinis Canoniorum Regularium susceperat, & professionem Regularem emiserat, & pro oppido Matincuriæ, in quo curam animarum obivit.

11 Octavo, in omnibus Beatificationum Brevibus concessionem fieri Officii & Missæ tum pro locis, in quibus Dei Servi nati sunt, tum pro iis, in quibus eorum corpora requiescunt: Beatorum enim & Sanctorum patria nedum petitur a loco, in quo nati sunt, sed a loco etiam, in quo moriuntur, cum prima eos mundo, altera autem cælo genuerit, quemadmodum late docent Guyet de festis propriis locorum lib. 1. cap. 10. quæst. 1. Theophilus Raynaudus tom. 8. in libro inscripto, *Tituli cultus Sanctorum specialis*, pag. 534. hoc solo intercedente discrimine, quod in aliquibus Beatificationum Brevibus concessio fit Officii & Missæ

Y y 2

tantum

540 DE SERVORUM DEI BEATIFICATIONE

tantum pro ecclesia *Matrice* ejus loci, in quo nati sunt, ut habetur in Brevis Beatificationum B. Petri de Arbues, & S. Francisci Saleſii; & pro ecclesia illa, in qua eorum corpora requiescunt, uti desumitur non solum ex modo citatis Brevis Beatificationum B. Petri de Arbues, & S. Francisci Saleſii, sed etiam ex Brevis Beatificationum S. Felicis de Cantalicio, & S. Joannis de Deo: aliquando vero concessio fit Officii & Missæ tum pro universa civitate, in qua Dei Servi nati sunt, ut habetur in Brevis Beatificationum SS. Cajetani, Joannis de Deo, Pii V., Joannis a Cruce, Turribii, Alonsi Mogrobessii, ac Joannis Francisci Regis; tum pro oppido, pago, aut civitate, in quibus eorum corpora requiescunt; ut habetur ex Brevis Beatificationum SS. Cajetani, Pii V., Francisci Solani, Joannis a Cruce, Turribii, Joannis Francisci Regis, Fidelis a Sigmaringa, Vincentii a Paulo, Catharinæ de Ricciis, & Beatorum Martyrum Gorcomienſium, Hyacinthæ de Mareſcottis, Joannis de Prado, & Petri Forerri. Et antiquioribus quidem temporibus, si in Brevi Beatificationis facta fuerat concessio Officii & Missæ pro loco, in quo Beatorum corpora quiescebant, extensio postea facta est ad locos, in quibus nati erant, uti colligitur ex *Constit.* 13., & *Constit.* 20. Pauli V. *Bullarii Romani* tom. 4.

12 Addendum, concessionem tum Officii tum Missæ fieri pro die determinata, hoc est aut pro die, quo Dei Servi mortui sunt, aut pro alia die, quæ statuitur, si dies mortis fuerit impedita; itemque concessionem Officii & Missæ, quæ fiunt pro locis prædictis, omnes *respectivè* eorum locorum Christianiſideles comprehendere Sæculares æque ac Regulares utriusque sexus, qui ad Horas Canonicas tenentur.

C A P U T I I.

De nonnullis questionibus, quæ fiunt a Doctoribus quoad ea, quæ in præcedenti capite dicta sunt.

1 **A** Dducta in capite præcedenti plana sunt & expedita, utpote desumpta ex praxi Sedis Apostolicæ: nunc autem opus est, examina assumere nonnullarum questionum, quæ de his a Doctoribus examinandæ proponuntur. Queritur itaque, utrum Presbyteri sive Sæculares sive Regulares, quibus in Brevi Beatificationis non est concessa facultas recitationis Officii & celebrationis Missæ, Missam aliquando in honorem Beati celebrare possint & Officium recitare. Respondent nonnulli, permissam esse tum Officii recitationem, tum Missæ celebrationem, cum loquimur de Officio votivo & de Missa votiva: statim enim ac Pontifex permittit, celebrari Missam & recitari Officium in honorem alicujus Beati Beatificatione formali, eum declarat tali cultu dignum; ea porro facta declaratione, non videtur esse prohibitum Presbyteris & Clericis sive Sæcularibus sive Regularibus, licet Brevi non comprehensis, Officium votivum recitare, Missamque

ET BEATOR. CANONIZ. LIB. IV. PAR. II. CAP. II. 541

que votivam celebrare in honorem Beati. Ita sentiunt Castropal. *oper. moral. tom. 1. tract. 4. disput. 1. punct. 5. §. 5. num. 5. & seqq.*, atque Del Bene de *Inquisit. tom. 2. dubit. 255*. Contrarium autem latissime probat Diana in *edit. coord. tom. 2. tract. 1. resolut. 81. & tom. 9. tract. 5. resolut. 21*. cui opinioni subscribunt Amicus in *curf. Theolog. tom. 5. disput. 7. sect. 4. num. 100.* & Joannes a Sancto Thoma in *2. 2. D. Thoma disput. 9. art. 1. non solum quia juxta decretum editum die 16. Decembris 1659. alibi relatum non est permisum vel Secularibus vel Regularibus excedere limites verbales Indulti Beatificationis, neque est permissa Officii recitatio & Missæ celebratio, nisi illis, quibus Sedes Apostolica hoc concesserit; sed etiam quia privilegia non sunt extendenda de persona ad personam, atque adeo solummodo concessa censentur iis personis, quæ sunt in privilegio expressæ.*

2 Porro quæstio hæc triplici absolvitur propositione; quarum prima est, non esse permisum illis, qui Brevi Beatificationis non sunt comprehensi, Missam de Beato celebrare propter rationes modo allatas: quod sane procedit, etiam si sermo sit de Missa votiva, cum Missa votiva de Beatificatis celebrari non possit, etiam si ad sit facultas celebrandi Missam in eorum honorem; celebratur enim Missa votiva de Sanctis tantummodo canonizatis, ut habet Guyet de *fest. propr. Sanctior. lib. 2. quest. 11*. Et quod quidem attinet ad rem præsentem, cum Missæ votivæ celebratio sit cultus publicus qui sit nomine Ecclesiæ, is præstari nequit, nisi ab illis, quibus expresse in Brevi Beatificationis fuit concessa facultas; uti animadvertit Quartus ad *rubr. Missal. Rom. part. 1. tit. 4. de Missis votivis dub. 6. §. Ex qua doctrina*. Diximus Missam de Beatis votivam celebrari non posse; nimirum ex communi regula; nam ex privilegio potest. Idem enim ipse, qui legem tulit prohibentem, Alexander Papa VII. de sacræ rituum Congregationis consilio non semel eam relaxavit. Ad preces namque Ferdinandi Gonzagæ Principis Castellionis in Brevi 22. Maji 1662. *De Venerabilium* (inquit) *Fratrurn nostrorum S. R. E. Cardinalium sacris ritibus Præpositorum consilio, ut de Beato Aloysio (Gonzaga) in Matrice ecclesia Collegiata oppidi Castellionis Missa votiva infra annum celebrari valeant, auctoritate Apostolica tenore præsentium concedimus & indulgemus*. Et in similibus litteris 26. Septembris subsequenti hoc Indultum extendens, *De memoratorum* (ait) *Cardinalium consilio, ut de eodem Beato Aloysio etiam in Clericorum Regularium Societatis Jesu ecclesia Missa votiva infra annum diebus non impeditis, ad præscriptum Rubricarum, celebrari possint, dicta auctoritate tenore præsentium concedimus pariter & indulgemus*. Ac postmodum etiam Clemens Papa X. die 27. Augusti 1670. *Admissis Excellentissimi Domini Oratoris Marchionis de Astorga instantiis ex nomine Catholice Majestatis sibi porrectis, universo tam Seculari quam Regulari Clero per totum terrarum orbem benigne indulget pro futuris perpetuis temporibus, quod de prædicta Beata Rosa (Limana) possit in ecclesiis quorumcumque tum Regularium tum Secularium celebrare Missam per anni circulum sive ex voto, sive ex libera devotione, juxta Rubricas ac dispositionem Missalis Romani; tamen non*

542 DE SERVORUM DEI BEATIFICATIONE

dum prædicta Beati Rosa solenni Canonizationis ritu fuerit ab Ecclesia inter Sanctos relata. Sed & antea Fratribus Prædicatoribus Conventus Poroliviensis Missam de Beato Jacobo Salomoni, *toties quasies devotio impulerit, infra annum, fuisse a Clemente Papa VII. die 25. Junii 1526. concessam* refert Cardinalis Numjus, vivæ vocis oraculum testatus apud Castellinum *de certis. glor. Sanctior. pag. 140.* Idemque Pontifex in alio simili oraculo pro Beata Catharina Bononiensi in *Summ. sup. dub. dand.* legitur concessisse, *Missam ipsius Eccl. in prædicta die transitus tantummodo solemniter cantari & celebrari facere; infra annum vero submissa voce Eccl.* Quæ Indulta non alio quam ad Missam votivam referri posse videntur.

3 Secunda propositio est, non esse permixtum Presbyteris & Clericis sive Sæcularibus sive Regularibus Brevi non comprehensis recitare Officium Divinum votivum in honorem Beatorum. Non solum quippe urgent rationes modo allatæ, sed insuper accedit, quod dantur quidem Missæ votivæ, sed Officium votivum non datur. Quod cum ita sit, eorum propositio, qui dicunt licere Presbyteris & Clericis, sive Sæcularibus sive Regularibus Brevi non comprehensis recitare Officium Divinum votivum in honorem Beatorum, est, ut Scholæ loquuntur, *de subiecto non supponente.*

4 Tertia propositio est, esse permixtum illis etiam, qui non sunt Brevi comprehensi, Officium recitare in honorem Beati, non ad satisfaciendum obligationi, sed ex devotione. Utcunque enim senserit Granado in 2.2. *contro. 2. tract. 7. disput. 4. sect. 2.* Cultus hic non est cultus publicus, sed privatus; qui, si ex alibi dictis exhiberi potest etiam non Beatificatis, a fortiori præstari poterit illis, qui in canonem Beatorum relati sunt; uti prosequitur Quartus *loc. cit.* & ut est in decretis generalibus pro cultu Beatorum: *In locis, ubi Beatus prædictus ab omnibus coli permixtum fuit, non inde publica Officii recitatio permixta censeatur, sed tantummodo privata, nec satisfactoria præcepto recitationis, nisi quoad illos, quibus Sedes Apostolica hoc indulserit.*

5 Item quaeritur a Doctoribus, utrum, si in Brevi Beatificationis concessa sit statuta die celebratio Missæ in determinata ecclesia, quæ est alicujus Instituti Regularis, possit eadem die Missa celebrari a Sacerdotibus exteris, qui ad eandem confluant ecclesiam. Affirmative respondet Megalius in *prompt. Theolog. tom. 1. in verb. Canonizatio Sanctorum, num. 1.* at negans opinio est retinenda non solum propter observantiam vel consuetudinem, sed etiam propter expressa sacre Congregationis decreta. Quod enim attinet ad observantiam, res est expedita: primo, quia quando Sedes Apostolica voluit, Indultum extendi ad confluentes, id expressit in decreto, aut litteris Apostolicis Indulti, ut patet ex decreto in causa tunc Beati, nunc Sancti Aloysii Gonzagæ 7. Augusti 1621. *Congregatio sacrorum rituum, Proposito Generali Societatis Jesu entis petente, censuit concedendum, si Sanctissimo Domini nostro placuerit, ut de Beato Aloysio Gonzaga die 21. Junii, quo ex hoc vita migravit ad calum, ab omnibus ejusdem Societatis Religiosis ubique terrarum existentibus, juxta Rubricas Breviarii & Missalis Romani de Comuni Conf.*

NON

non Pontif. Officium recitari & Missa celebrari respective valeant, necnon & con-
 fluentibus eo die ad eorum ecclesias Missa in illis de eodem Beato, ut supra, cele-
 brari: & ex Breui Gregorii Papæ XV. 2. Octobris 1621. Necnon etiam con-
 fluentibus eo die ad eorundem Religiosorum ecclesias Missam in illis de eodem Bea-
 to Aloysio Gonzaga, ut supra, celebrare liceat, Apostolica auctoritate tenore præ-
 sentium perpetuo concedimus & indulgemus: & quia cum in Breui Beatifica-
 tionis S. Francisci Borgiæ concessa fuisset Missæ celebratio omnibus Sacer-
 dotibus Societatis Jesu, qui ubique essent, uti legitur in *Constit. 49. Urbani VIII. Bullarii tom. 5.* prædictum Breve fuit deinde extensum ad alios Sacer-
 dotes confluentes ad ecclesias Patrum Societatis Jesu, & celebrantes
 Missam in ipsis die festo S. Francisci Borgiæ: De eorundem Fratrum consilio
 concessionem, & Indultum, desuperque concessas litteras hujusmodi ad quoscum-
 que Sacerdotes Sæculares, seu cujuscunque Ordinis, Congregationis, seu Instituti Re-
 gulares ad ecclesias, seu Domos Regulares dictæ Societatis Jesu accedentes ean-
 dem auctoritate tenore presentium extendimus ac concedimus pariter & indulgem-
 mus: Secundo, quia id ipsum factum est in concessione Officii & Missæ de
 tribus Martyribus Paulo Micki, Joanne de Goto, & Didaco Quizai; Bre-
 ves quippe Beatificationis facultatem prædictam concedebat Religiosis So-
 cietatis Jesu, quod deinde fuit extensum ad omnes Sacerdotes tum Regula-
 res tum Sæculares confluentes ad ecclesias ejusdem Societatis; uti delimitur
 ex *Constit. 83. Urbani Papæ VIII. Bullarii tom. 5.* Quod autem attinet
 ad sacræ Congregationis decreta, res clarius esse non potest: tum quia die
 19 Novembris 1622. sacræ Congregatio sic censuit: *Missa certis Regulari-
 bus concessa, non possint ab aliis dici etiam in ipsorum quorundam Regularium eccle-
 siis, ut habetur apud Barbof. de offic. & potest. Paroch. part. 1. cap. 11. n. 34.*
 tum quia in decretis generalibus supra relatis anni 1659. sic cautum fuit:
*Missa pariter, quæ fuerint indulta certis personis, nempe Presbyteris Regulari-
 bus vel Sæcularibus alicujus loci, vel monasterii, seu Presbyteris alicujus ecclesiæ
 servitio præcipue addictis, a confluentibus Sacerdotibus quavis dignitate, etiam
 Cardinalibus, insignitis minime celebrentur.* Quia vero congruum non vide-
 tur, ut Sacerdotes exteri confluentes ad ecclesiam, in qua Missa in hono-
 rem Beati celebratur, aliam celebrent Missam, hæc de causa consuetudo
 inolevit, ut in ipso Beatificationis Breui, in quo celebratio Missæ concedi-
 tur, celebratio ipsa extendatur ad Sacerdotes externos, qui ad ecclesiam
 conflunt; quemadmodum tolligi potest ex Brevibus Beatificationum
 SS. Cajetani, Joannis de Deo, Rosæ Limanæ, Pii Papæ V., Joannis a Cru-
 ce, Francisci Solani, Turribii, Joannis Francisci Regis, Vincentii a Pau-
 lo, Fidelis a Sigmaringa, Beatorumque Petri de Arbus, Martyrum Gor-
 comienium, Hyacinthæ de Marefcottis, & Petri Forerii. Quod si in ali-
 qua Regularium ecclesia festum duplex celebretur in honorem alicujus
 Sancti, & Regularibus ipsis concessa sit a Sede Apostolica Missa particula-
 ris non inserta in Missale Romanum, ceteri Sacerdotes Indulto non com-
 prehensi, eademque die accedentes ad ipsam Regularium ecclesiam, eam
 Missam

544 DE SERVORUM DEI BEATIFICATIONE

Missam particularem celebrare non possunt, juxta sacræ Congregationis decreta apud Clericat. ante suas decisiones de sacrif. Missæ num. 16. & apud Bissum ad litter. M. num. 216. §. 4. Attamen ad evitandam supradictam incongruentiam Missam quidem de Sancto celebrare possunt, sed de Communi, ac desumptam ex Missali Romano, juxta resolutiones sacræ Congregationis rituum die 19. Novembris 1622. & die 9. Junii 1668. quarum verba sunt hæc: *Qui celebrat Missam in aliqua ecclesia Regularium, aut etiam Menialium, in qua sit de festo duplici habente Missam propriam, qua non sit concessa omnibus, Missam quidem dicat de festo, sed cum Missali Romano.* Id late explicant Gavant. tom. 1. part. 3. tit. 10. num. 16. Bissus litter. M. num. 216. §. 4. Tonell. sacr. enchirid. lib. 1. cap. 2. §. 8. Sporer. Theolog. moral. tom. 3. part. 2. cap. 6. sect. 4. §. 3. num. 430. La Croix tom. 2. part. 2. num. 372. & 376. Accedit decretum generale ejusdem sacræ Congregationis die 20. Novembris 1717. approbatum a Clemente XI. ut in suo Bullario pag. 576. *Licere in posterum tum Confessario, tum Capellanis tantum quarumcumque Menialium servitio additis, Missas Sanctorum, de quibus ipsæ recitant Officium, celebrare, sed cum Missali Romano, & de Communi, non vero Missas proprias eorumdem Sanctorum variis Ordinibus a sacra Congregatione concessas: & ita decrevit, & servari mandavit.*

6 Prosequendo examen questionum, quæ a Doctoribus instituuntur circa cultum Beatorum Beatificatione formali, quaeritur etiam, utrum liceat transferre diem Servi Dei beatificati, diem (inquam) quæ designatur in Brevi pro celebratione Missæ & recitatione Officii. Joannes a Sancto Thoma in 2. 2. D. Thoma disput. 9. art. 1. opinioni affirmanti adhærere videtur, licet dicat, tutius esse in facti contingentia sacram consulere Congregationem. Fundamentum ejusdem positum est in eo, quod, quando sit concessio celebrandi certa die, si aliud non explicetur, concessio est intelligenda juxta communes Rubricas, ut tali die celebretur, nisi adsit impedimentum, & si adsit, ut ad aliam diem transferatur. Verum, si non est permilsum nec Sæcularibus nec Regularibus excedere limites verbales Indulutorum super Beatificationibus, & præsertim in Missæ celebratione ac Officii recitatione, translatio prædicta non videtur esse permissa absque Sedis Apostolicæ beneplacito, sicuti ad rem scribit Diana in edir. coord. tom. 9. tract. 5. resolut. 21. num. 11. quod porro beneplacitum fuit a sacrorum rituum Congregatione denegatum, uti testantur Turrianus in 2. 2. disput. 17. dub. 8. & Guyet de fest. propr. Sanctor. lib. 2. cap. 19. quest. 11. §. Pari jure. Prædicta scilicet sententia, in qua firmatum fuit, non esse permilsum absque Apostolica facultate transferre diem celebrationis Missæ & recitationis Officii, quæ in honorem Beatorum concessa sunt, confirmari potest, perpendendo, quod in omnibus Beatificationum Brevibus, post tempus saltem summi Pontificis Alexandri VII. statuitur, ut solemnia Beatificationis primo expleantur in basilica Principis Apostolorum, postea eadem solemnia intra definitum tempus expleantur extra Urbem. Contigit autem aliquando, ut
propter

propter distantiam locorum solemnia intra tempus constitutum fieri non potuerint, in locis præcipue ab Urbe remotis; & tunc petita fuit a Sede Apostolica prerogatio, quæ signanter concessa est in Beatificatione Martyrum Gorcomiensium, & Joannis a Cruce. Si ergo, inconsulta Sede Apostolica, non est permisa translatio solemnitatis Beatificationis, licet ea iusta de causa intra tempus constitutum fieri non potuerit; ne translatio quidem celebrationis Missæ & recitationis Officii, inconsulta Sede Apostolica, fieri poterit, etiam si definita die nec Missam celebrare, nec Officium recitare licuerit.

7 Præterea hisce coherentem, atque adductis in primo hujus Operis libro quaeritur a Doctoribus, utrum unicuique permilsum sit colendam in altari constituere Imaginem Beati. Huic quaesito respondere videntur affirmando Castropal. *loc. cit. §. 5. vers. Ex his insertur*, & Del Bene *loc. pariter cit. num. 4.* At, si quaestio respicit locos in Indulto Beatificationis non expressos, horum Doctorum opinio est rejicienda. Hæc enim extensio cultus Beatorum de loco ad locum, inconsulto summo Pontifice, adversatur decretis generalibus alibi relatis, & editis die 27. Septembris 1650. *Ubi in uno loco cultus fuerit concessus, non extendatur, inconsulto Pontifice, ad alium locum, quavis alia concurrente auctoritate.* Notatu etiam dignum est, quod legitur in regestis sacre Congregationis de cultu tunc Beati, nunc Sancti Felicii a Cantalicio, quorum regestorum verba sunt hæc: *Episcopus Civitatis Ducalis, intra cujus limites situm est oppidum Cantalicio patria Beati Felicii Fratris Ordinis Capuccinorum, sacra rituum Congregationi nuntiavit in universa dioecesi passim erecta reperiri altaria & Capellas in honorem ejusdem Beati, quamvis san. mem. Urbanus VIII. tantummodo in oppido Cantalicio cultum eidem Beato exhiberi posse concesserit. Verum quia suavis est sibi, cultum prædictum non sine gravi scandalo, & illius populi more ob singularem, quam gerunt eidem Beato, religionem removeri posse, supplicavit propterea, cultum extendi ad universam dioecesim. Et sacra Congregatio mandavit, fieri verbum cum Sanctissimo, & affirmativam ejusdem Congregationis sententiam aperiri. Accessore mox humillima & enixe totius Ordinis Capuccinorum preces. Facta igitur Sanctissimo de prædictis relatione, Sanctitas sua benigne annuit: at, ne trahi possit ab aliis in exemplum, Decretum, ut infra, extendi jussit.*

Episcopus Civitatis Ducalis, intra cujus dioecesim limites situm est oppidum Cantalicio patria Beati Felicii, necnon Fratres Ordinis Capuccinorum, quorum Regulam idem Beatus, dum viveret, professus est, sacra rituum Congregationi humiliter & enixe supplicavit, ut dignaretur cultum ejusdem Beati olim a san. mem. Urbano VIII. oppido Cantalicio indultum ad universam dioecesim extendere: Et sacra eadem Congregatio censuit, petitis litteras sub anulo Piscatoris posse per Sanctissimum, si ita Sanctitati sua visum fuerit, ex speciali gratia concedi; die 9. Aprilis 1661. Facta autem Sanctissimo de prædictis relatione, Sanctitas sua benigne annuit; die 16. ejusdem mensis, eodemque anno 1661.

8 Huic denique favent assumpto nonnullæ summi Pontificis Alexandri VII.

Tom. IV.

Z z z

dri VII.

dri VII. epistolæ in forma Brevis, quæ sic se habent: *Dilecte Filii, salutem (scriptæ sunt hæ epistolæ cuidam Joanni Miget Bisuntinæ diocesis): Cum, sicut Nobis nuper exponi fecisti, tu pro singulari tua erga Beatum Franciscum de Sales Episcopum Genevensensem devotione, Capellam seu altare sub illius invocatione in parochiali ecclesia Sancti Stephani loci de Pontarlier Bisuntina diocesis erigere posse summo opere desideres; Nos piis tuis hac in re votis benigne annuere cupientes &c. tibi, ut unam Capellam seu altare in prædicta parochiali ecclesia sub invocatione & in honorem memorati Beati Francisci de Sales, de consensu tamen dilecti Filii Rectoris ecclesiæ huiusmodi, erigere seu erigi curare libere & licite possis & valeas, auctoritate Apostolica tenore præsentium concedimus & indulgemus.*

9 Aliæ ejusdem Pontificis epistolæ datæ sunt Universitati, & hominibus terræ Pontremoli Sarzanen. diocesis; & sic se habent: *Exponi Nobis nuper fecerunt dilecti Filii Universitas & homines terræ Pontremoli Sarzanensis diocesis, quod a quindecim vel sexdecim annis in ecclesia Sancta Maria de Populo nuperpata dicta terra Fidelium venerationi exposita reperitur effigies Beati Cajetani Thienæ inter Imagines Assumptionis Beate Mariæ Virginis, ac Sanctorum Antonii Patavini, & Ivonis, necnon Angeli Custodis in eadem tela depictas, in qua memoratus Beatus Cajetanus prædictam Beacam Virginem Assumptam contemplans representatur. Cum autem, sicuti eadem expositio subiungebat, prædicti exponentes effigiem dicti Beati sic erectam tenendi licentiam novum obtinuerint, Nobis propterea humiliter supplicari fecerunt, ut sibi in præmissis opportune providere, & ut infra, indulgere de benignitate Apostolica dignaremur. Nos igitur &c. huiusmodi supplicationibus inclinati, ut de cetero memorata effigies dicti Cajetani sic, ut præmittitur, erecta, & Fidelium venerationi exposita in ecclesia supradicta haberi libere & licite possit & valeat, auctoritate Apostolica tenore præsentium concedimus & indulgemus.*

10 In Brevibus Beatificationum SS. Francisci Salesii, & Cajetani non fuerat cultus permissus loco de Pontarlier, nec terræ Pontremoli. Si ergo a Sede Apostolica petita fuit facultas exponendi & retinendi eorum Imagines in templis eorum locorum, nemo est qui non videat, a posteriori arguendo, nequaquam esse permissum, adorandam super altari constituere Imaginem Beati in locis & ecclesiis Indulto Beatificationis non comprehensis; cum frustra impleretur precibus, quod jure communi conceditur.

11 Sed & aliæ sunt epistolæ in forma Brevis Ven. Servi Dei Innocentii Papæ XI. quarum ope concessum fuit, ut in ecclesia S. Anastasie de Urbe super altari exponi posset Imago Beati Turribii, cui cultus fuerat concessus per Breve Beatificationis in civitate & diocesi Limana, in civitate Majoricæ, & in Collegio Ovetensi Universitatis Studii generalis Salamanticensis: Innocentius Papa XI. *Ad futuram rei memoriam. Illius vices, licet immeriti, gerentes in terris, qui Sanctos & Electos suos corona justitiæ donat in celis, piis Christifidelium votis ad augendam eorumdem Beatorum celestis*

Je-

Ierusalem civium venerationem laudabili studio tendentibus libenter annuimus, illaque favoribus & gratiis prosequimur opportunis. Cum itaque, sicut dilectus Filius Joannes Franciscus de Vagliadolid Canonicus Metropolitana ecclesia Limana, ac Postulator in causa Canonizationis Beati Turribii olim Archiepiscopi Limani Nobis nuper exponi fecit, ipse ad augendam Christianorum erga eundem Beatum Turribium venerationem, illius Imaginem in Saculari & Collegiata ecclesia Sancta Anastasia de Urbe super altari ibidem a dilectis etiam Filiis Capituli & Canonicis ejusdem ecclesia ad id concessio publico Fidelium cultui exponi posse plurimum desideret; Nos ipsius Joannis Francisci desiderio hac in re, quantum cum Domino possumus, favorabiliter annuere volentes &c. de Venerabilium Fratrum nostrorum S. R. E. Cardinalium sacris ritibus Prapostorum consilio, ut Imago memorati Beati Turribii in predicta ecclesia Sancta Anastasia super altari ad id, sicut promittitur, concessio publica Christianorum venerationi exponatur, ipsiusque Beati Turribii festum die 27. Aprilis, uti certis in locis, qua in litteris nostris in simili forma Brevis super illius Beatificatione emanatis expressa sunt, etiam in ipsa ecclesia Sancta Anastasia cum Officio & Missa juxta Rubricas Breviarii & Missalis Romani, & quantum ad Missas attinet, a Sacerdotibus quoque consuevis, celebretur, Apostolica auctoritate tenore presentium concedimus & indulgemus. Quæritur, an, sicuti inconsulto summo Pontifice non est permittum colendam constituere Imaginem Beati in aliquo altari extra locos in Indulto Beatificationis expressos, ita hoc ipsum dicendum sit quoad Imagines illorum Beatorum, quorum cultus fuit approbatus, quia immemorabilis, vel ex alio quocumque capite constitutente casum exceptum a decretis Urbani VIII. Si quæsitum esset solvendum juxta ea que passim accidunt, dicendum esset, id fieri posse inconculsa Sede Apostolica. Vix etenim a sacrorum rituum Congregatione approbatus est cultus immemorabilis, aut est responsum constare de casu excepto, cum in altaribus passim collocantur Imagines prædictorum Beatorum. Media in Urbe Patres Societatis Jesu super altare sui templi collocarunt Imaginem B. Joannis Nepomuceni ante ejus Canonizationem, ita tunc postquam a sacrorum rituum Congregatione decretum est, constare de casu excepto a decretis Urbani VIII. ratione cultus immemorabilis. Nec defuerunt asserentes, id licite fieri potuisse, cum ageretur de Beato per cultum immemorabilem, non autem per Breve Pontificium declarato, & sic citra periculum excedendi terminos verbalis Indulti, seu Brevis cultum indulgentis. At, si veritatem amamus, sicuti non est permittum inconculsa Sede Apostolica constituere in altari Imaginem Beati Beatificatione formalis extra locos in Indulto seu Brevi Beatificationis expressos, ita, & fortasse multo magis dicendum est, id non esse permittum in Beati Beatificatione æquipollenti, hoc est per declarationem casus excepti a decretis Urbani VIII. Decretum quippe anni 1650. allatum superiori n. 7. generale est, ideoque comprehendens Beatos omnes. Decreta quoque alibi relata Alexandri VII. pertinentia ad cultum Beatorum generalia

548 DE SERVORUM DEI BEATIFICATIONE

sunt, nec ullam constituunt distinctionem aut differentiam inter Beatos; quocirca (uti dictum est) omnes comprehendunt. Additur, quod Sedes Apostolica declarando cultum immemorabilem alicujus Beati, nihil novi indulget, nec cultum extendit, sed jam inductum servat indemnem: ita ut, si a tempore immemorabili exposita fuerit imago in aliquo templo, approbando hunc cultum immemorabilem, statuat, non esse amovendam ab altari; nec cultum acculari posse tamquam illicitum, seu contrarium decretis de non cultu. Hoc autem præmissis, æquis est, qui privata auctoritate audeat cultum inductum ex. gr. Bononiæ a tempore immemorabili erga Beatum, approbatumque a Sede Apostolica quoad locum in quo inductus est, ad alias civitates extendere, Sede Apostolica inconsulta? Quod si id veritum est in Beatis Beatificatione formali, in quibus præcebit examen virtutum & miraculorum, multo magis id vetitum esse debet in Beatis Beatificatione æquipollenti, & per cultum immemorabilem, in quorum causis nullum præcessit examen virtutum & miraculorum. Quod si dicas, hinc sequi, non posse hosce Beatos Beatificatione æquipollenti invocari extra locos, in quibus cultus ab immemorabili est inductus & approbatus, falleris: possunt enim ubique tamquam Beati invocari, quemadmodum & Beati Beatificatione formali: possunt pro beneficiis acceptis tabellæ ad eorum aras appendi; sed ad aras eorum locorum, vel in quibus cultus immemorabilis est approbatus, si sermo sit de Beatis Beatificatione æquipollenti, vel ad aras locorum in Indulto seu Brevis Beatificationis comprehensorum, si sermo sit de Beatis Beatificatione formali. Et hac quidem via & ratione nec pietas religiosa imminuitur, nec specie & obtentu devotionis fines constituti proprio Marte ampliantur. Quod eo facilius ab omnibus est admittendum, quia Sedes Apostolica iustis de causis hujusmodi cultum ampliare consuevit, si ad eam prece humili, uti decet, confugiat.

12 Queritur tandem, an ante Canonizationem Beatorum aliquando extendatur facultas Officii & Missæ ad alios locos Indulto Beatificationis non comprehensos; & affirmative responderetur. Celebris est propagatio hujus facultatis post Beatificationem, & ante Canonizationem S. Rosæ Limanæ. In Brevis quippe Beatificationis facta fuit concessio Officii & Missæ civitati & diocesi Limanæ, & universo Ordini S. Dominici tum Fratrum, tum Monialium *respectivo*; uti desumitur ex dicto Brevis edito die 12. Februarii 1668. Die 14. Septembris ejusdem anni, instantibus Carolo II. Hispaniarum Rege, & Regina Marianna ejus matre, propagata est facultas Officii & Missæ ad universum Clerum tum Sæcularem tum Regularem quorumcumque provinciarum & regionum Americæ, & Indiarum Catholicæ Majestati subjectarum. Die 26. Julii 1670. ad preces Cardinalis Urfini Protectoris Regni Poloniæ eadem facultas extensa est ad universum Clerum Sæcularem & Regularem Poloniæ, Lithuanicæ, totiusque Poloniæ ditionis; eodemque anno propagata fuit ad omnes provin-

vincias, regiones, & Regna subiecta Leopoldo Romanorum Regi in Imperatorem electo, & Domui Austriacæ. Omnia hæc autem facta sunt in augmentum cultus S. Rosæ post Beatificationem, & ante Canonizationem. cum ipsa ex Dei Servis, quos Occidentales Indiæ protulerunt, prima fuerit, quæ publici cultus honore per Sedem Apostolicam decorari meruerit; ita ut Indulta modo memorata, quæ Beatæ Rosæ concessa sunt, vix in exemplum trahi possint. Ideoque, loquendo de propagatione Officii & Missæ, quæ regulariter fieri consuevit post indultam aliis Servis Dei Beatificationem, ejus momentum pendet a circumstantiis, quæ sacrorum rituum Congregationi exponuntur, quæque aptæ ad rem & ad effectum, de quo agitur, videri possunt. Si constet itaque ex attestationibus Episcoporum, aliquarum civitatum populos pie exoptare, ut sibi cultus erga Dei Servum in canonem Beatorum relatum permittatur, si Reges aut Principes id ipsum exoptent, si gratiæ aut miracula in aliqua civitate intercessione Beati a Deo facta sint, sive aliqua alia causa sit, cur cultus extendatur ad locum Brevi Beatificationis non comprehensum, hæc & hujusmodi alia apta videntur ad impetrandam a summo Pontifice, prævio sacra Congregationis consilio, gratiam Officii & Missæ.

13 Si qua ergo remanet difficultas, hæc respicit concessionem lectionum propriarum pro Officio Beatorum, de qua re in sacrorum rituum Congregatione fuit alias mota controversia, an scilicet fieri posset, seu an expediret concedere lectiones proprias pro Officio dictorum Beatorum, uti desumitur ex hoc decreto: *Pest tres Congregationes particulares habitas coram Eminentiſſ. Dominis Cardinalibus Sacchetti, & Pamphilis cum interven- tu Dominorum Consultorum, & Secretarii super Officio proprio Beata Magdale- na de Pazzis cum reformatione totalis Officii alias oblatis proposita fuit ab Emini- entiſſ. Cardinali Sacchetti instantia Prioriſſe monasterii Incarnationis Verbi Dei de Urbe Ordinis Carmelitarum Discalceatarum, & Sanctiſſimi Domini nostri secundum carnem neptis pro approbatione Officii proprii Beata Magdalena de Pazzis a Congregatione particulari prædicta compilati, cui alias Sanctitas ſua, me referente, annuit pro Urbe tantum, remiſſo ad ſacram Congregationem illius examine: & ſacra Congregatio, præſente & opponente R. P. D. Promotore Fidei, dubitavit primo, an expediat concedere propria Officia Beatis non canonizatis; quia, cum altas Beatificationis ſit ſimplex permiſſio cultus, & ſit retrac- tabilis, videtur, quod conſeſſio Officii proprii in Eccleſia cum approbatione vir- tutum & miraculorum conſtituat aliquem gradum irretactabilitatis, ſaltem non ſine ſcandalo Fidelium; ſecundo, quia, cum in notiſſimis decretis anno 1642. editis pag. 55. habeatur, non debere in futurum procedi ad Canonizationem Bea- torum, niſi prius coram Sanctiſſimo fiat plena & diſtincta relatio non modo eor- um, quæ in proceſſibus, & aliis ſcripturis continentur, & qua illis per ſummus Pontifex intuitu ipſius venerationis elargita fuerunt, verum etiam eorum, quæ ſuperuenerunt poſt conceſſam eiſdem venerationem, de quibus conſtare poſſit ad hoc, ut ex prædictis omnibus valeat ſummus Pontifex deliberare, an ſit proced- endum*

dendum ad Canonizationem, videtur, quod idem per aequipollens, & expressa mente legis servari debeat in concessione Officii proprii. Ideoque sacra Congregatio, scilicet Pamphilius, Roccius, Franciottus, Bragadinus, Montalrus, Facchenettus, & Gimnetus fuerunt in voto, ut huiusmodi objecta referantur Sanctissimo; Sabellus vero, Sacchetti, & Castagutus fuerunt in voto pro concessione simpliciter: & sic mandatum R. P. D. Promotori Fidei, ut ex suo munere dictas oppositiones Sanctissimo referat. Die 5. Martii 1644.

14. Quid fuerit a summo Pontifice in re, de qua nunc agimus, decretum, ignoratur; ita ut ea, quæ modo relata sunt, decreti nomen non mereantur. At, quatenus decretum appellari deberent, id ad summum procedere potuisset in Beatificatis Beatificatione formali ante annum 1668. quo tempore virtutes & miracula ante Beatificationem discussa, post Beatificationem, & in transitu ad Canonizationem iterum examinabantur, ut alibi dictum fuit. Aptari ergo non potest hodiernæ praxi introductæ potissimum ab anno prædicto 1668. juxta quam virtutes & miracula, quæ *formiter* discussa, & approbata fuerunt ante Beatificationem, iterum post Beatificationem non examinantur, sed sit eorum simplex relatio, formalisque discussio reducitur ad miracula, quæ supervenerunt post indultam Beatificationem: cessat enim hoc in casu periculum illud *retrahibilitatis*, quod adesse credebatur, si lectiones propriæ, in quibus virtutes & miracula enarrantur, in honorem Beatorum concederentur. Utque cetera prætereantur exempla antiquiora, a sacrorum rituum Congregatione post Beatificationem concessæ sunt lectiones propriæ pro Officiis Beatorum Martyrum Gorcomiensium, Beati, nunc Sancti Pii Papæ V., Beati, nunc Sancti Joannis de Cruce, viginti trium Martyrum Ordinis Minorum, trium Martyrum Pauli Micki, Joannis de Goto, & Didaci Quizai e Societate Jesu, Beatorum Petri Forerii, Vincentii a Paulo postmodum canonizati, & Fidelis a Sigmaringa ac Camilli de Lellis, quos novissime in Sanctorum album retulimus.

CAPUT TERTIUM.

De concessione Officii & Missæ in honorem Beatorum Beatificatione aequipollenti, & signanter per cultum immemorabilem.

IN secundo hujus Operis libro satis superque ostensum fuit, quid sit cultus immemorabilis, quomodo probetur, & quomodo ex cultu immemorabili coalescat Beatificatio, quæ dicitur *per aquipollens*. Quia vero dubitari poterat, & re ipsa dubitabatur, an, approbato cultu immemorabili, statim & ex consequenti concessæ intelligerentur celebratio & recitatio tum Missæ tum Officii in honorem Dei Servi, cujus cultus immemorabilis fuerat approbatus, licet in probatione prædicti cultus ostensum non fuisset, Missam & Officium fuisse celebrata & recitata tempore imme-

immemorabili, aut annorum centum, quod in præfenti materia æquiparatur immemorabili; sacrorum rituum Congregatio declaravit, cultum immemorabilem non sufficere pro concessione Officii & Missæ, sed requiri probationem immemorabilis in specie, hoc est a tempore immemorabili tum Missam tum Officium fuisse celebrata & recitata.

2 Verba decreti sacre Congregationis sunt hæc: *Sacra rituum Congregatio, annuente Sanctissimo Domino nostro, decrevit, immemorabilem probatam super cultu & veneratione alicujus Sancti non canonizari, nec beatificari non suffragari ad effectum, quod de illo possit concedi Missa aut Officium, sed in specie, & in illo loco esse probandam immemorabilem quoad cultum cum Missa & Officio: & ita in posterum servari mandavit. Die 20. Novembris 1628.* Hujus autem decreti non solum meminerunt Contelorius de Canonizat. Sanctor. pag. 823. Barbosa de offic. & potest. Episcoporum. allegat. 97. prope finem, & in Summa Apostolicar. decision. collectan. 661. num. 1. Pignatellus consult. 87. num. 2. in fine tom. 4. Matta de Canonizat. Sanctor. part. 5. cap. 3. num. 10. sed id etiam, ut cetera prætereantur, renovatum dici potest anno 1693. occasione concessionis Officii & Missæ in honorem tunc Beatæ, nunc Sanctæ Julianæ de Falconeriis: Obtena a Sanctissimo Domino nostro Innocentio Papa XII. per Postulatores causæ sub die 5. Decembris 1692. proxime præteriti nõva audientia super instantiis ab eisdem alias sacre rituum Congregationi porrectis pro concessione Missæ & Officii Beatæ Julianæ de Falconeriis Ordinis Servorum Beatæ Mariæ Virginis, iterumque propositis in sacra rituum Congregatione ab Eminentiss. & Reverendiss. Domino Cardinali Colloredo instantiis prædictis, audito tam in voce, quam in scriptis Reverendiss. Archiepiscopo Myrensi Fidei Promotore, censuit, standum esse in primo loco decisæ sub die 5. Augusti 1690. nempe, casum, de quo agitur, stantibus variis circumstantiis quæ concurrunt, non comprehendi in decreto generali anni 1628. idesque concedi posse Officium & Missam sub ritu semiduplici de Communi Virginum pro Religione Servorum Beatæ Mariæ Virginis, & pro Urbe Florentina; & insuper decrevit, in posterum servandum esse decretum generale in forma præcisæ, ita ut non suffragetur immemorabilis, nisi probata in eadem specie Officii & Missæ, si Sanctissimo Domino nostro placuerit: Die 10. Januarii 1693. Et Sanctissimus Dominus noster ad piæ ac humillimas preces Serenissima Eleonora de Austria Poloniæ Regine ab Excellentissimo Principe de Linchestein Casares Oratore eidem Sanctitati sue porrectas, prout in precibus prædictis ad sacram Congregationem remissis ad formam prædictorum decretorum, benigne annuit: Die 17. Octobris ejusdem anni 1693.

3 Admittunt decreta hæc, posse Officium recitari & Missam celebrari in locis, in quibus, probato cultu immemorabili, probatum est etiam, fuisse inter ceteros actus cultus publici Officium recitatum & Missam celebratam; quod est juri consonum: ex jure siquidem fit, ut, præcedente probatione cultus immemorabilis in specie Officii & Missæ, hæc non denegentur, si approbato casu excepto, a sacrorum rituum

Cor.

552 DE SERVORUM DEI BEATIFICATIONE

Congregatione petantur; uti late ostendunt Lezana *consult.* 2. & Pappacoda in *differt.* 150. inter collectas a Donato Antonio de Marinis. Beatus Petrus Eremita ab immemorabili tempore colebatur Officio & Missa a Clero & populo terræ Tribarum diocesis Anagninæ: atque ideo Clemens Papa VIII. prævio consilio Congregationis sacrorum rituum, & recensione Officii facta per Cardinalem Baronium, per litteras Apostolicas in forma Brevis expeditas die 14. Augusti anni 1602. annuit pro continuatione; & sacra Congregatio die 3. Martii 1674. concessit, ut idem Officium recitari posset etiam a Clero terræ Sublaci, & aliorum locorum abbatæ subjectionum. Corroboratur id ipsum decreto anni 1605. apud Barbosa in *Summ. Apostolicar. decisum. collect.* 532. num. 11. Officium pro Sanctis etiam non canonizatis potest recitari de Communi, ubi viget consuetudo immemorabilis recitandæ: quodque notabilis est, si Urbanus VIII. in suis decretis generalibus ait, *Declarans, quod per supra scripta prejudicare in aliquo non vult, neque intendit illis, qui aut per communem Ecclesiæ consensum, vel immemorabilem temporis cursum, aut per Patrum, virorumque sanctorum Scripta, vel longissimi temporis scientia ac tolerantia Sedis Apostolica, vel Ordinarii coluntur; insertur, jure fieri, ut Missa & Officium concedantur in honorem illius Dei Servi, cujus cultus immemorabilis fuit approbatus, si probatum fuerit, Missam & Officium fuisse a tempore immemorabili in ejus honorem recitata & celebrata. Sed & integra permanente juris dispositione, si debitæ adsint circumstantiæ, poterit sacra rituum Congregatio, non obstantibus antea relatis decretis, benigne indulgere, accedente summi Pontificis confirmatione, ut, probato cultu immemorabili, recitetur Officium & celebretur Missa in honorem Beati, quamvis a tempore immemorabili nec fuerit Officium recitatum nec Missa celebrata in ejus honorem. Ita testatus est Prosper Bottinius olim Fidei Promotor in suis animadversionibus factis occasione petitionis Officii & Missæ in honorem Beatæ Mariæ de Socos, cujus cultus immemorabilis fuerat approbatus: Aut fundatur petitio concessionis Missæ & Officii in circumstantiis particularibus, ex quibus prætendunt Postulatores, hunc casum non esse in decreto anni 1628. comprehensum, quemadmodum negari non potest, quod ob peculiares circumstantias in aliquibus casibus hujusmodi petitioni sacra Congregatio annuendum esse censuerit, & serio perpendendum est, an concurrant in præsentî circumstantiæ tales, quibus firmari possit, casum non esse comprehensum. Dum munereungebar Fidei Promotoris, die 14. Aprilis 1714. mihi mandatum fuit, ut dissertationem pro veritate exararem, in qua exponerem, utrum consimiles instantiæ pro concessione Officii & Missæ in honorem Beatorum Beatificatione æquipollens essent indiscriminatim admittendæ, an potius indiscriminatim rejiciendæ. Mandatis morem gessi, typique edita dissertatione, die 15. Julii 1724. actum fuit de hac re: & quidem sacra Congregatio benigne admisit, quæ a me fuerunt insinuatæ. Relatis scilicet sæpe memoratis decretis anni 1628. & anni 1693. sic*

locu-

locutus fueram : At , *veritati obsequendo , fere numquam fuerunt executioni mandata hæc decreta , aut quia ex peculiaribus circumstantiis existimatum fuit , casus particulares non esse sub illis comprehensos ; aut quia , ut sæpius audiui , Eminentissimi Patres fuerunt in sensu , quod decreta illa procedant , prout de jure , & sic nullatenus impediunt , quin in casibus aliquibus consilium summo Pontifici præstari possit super concessione Officii & Missæ ex gratia particularibus circumstantiis immixta .* De hac porro mea disertatione judicium tulit Ludovicus de Valentibus nunc Fidei Promotor in sua disertatione de Sanctis Sabine diocæsis , & de Officiis , ac lectionibus propriis in eorum honorem concedendis , *cujus eximii viri verba non alia hic de causâ infero , nisi ut singularis ejus in me benevolentia testimonium afferam : In quam rem satis esse reor , ad memoriam Eminentissimorum Patrum revocare &c. absolutissimum votum , seu discursum de mandato hujus sacre Congregationis elaboratum ab Eminentissimo & Reverendissimo Domino Cardinali Lambertino tunc emeritissimo Fidei Promotore , in quo profunda , quæ pæles , doctrina , & longa in hisce præsertim rebus experientia laudata decreta diligenter expendit , subsecutus ab antiquo tempore sacre Congregationis praxim recenset , atque distinctam retexendo seriem plurium casuum , eorum particulares enucleat circumstantias , quibus , memoratis decretis non obstantibus , hujusmodi Officia indulta fuerunt .* Addenda autem & sacre Congregationis responsa . In decreto siquidem concessionis Officii & Missæ pro Beato Ollegario hæc habentur : *Instantia hujusmodi mature discussa , fuit per sacram Congregationem resolutum , concedi posse Officium & Missam de Communi Consortis Pontificis , si ita Sanctissimo placeret ; cum declaratione tamen , quod casus non sit in decreto generali anni 1628. comprehensus , ad hoc , ut ei non solum non censetur derogatum , sed immo illud illatum & confirmatum remaneat .* In decreto etiam concessionis Officii & Missæ pro Beato Amædeo Duce III. Sabaudia sic legitur : *Resolutio dilata fuit , & injunctum Reverendiss. Domino Fidei Promotori , ut pro veritate deduceret totum id , quod ei videretur ipsi sacre Congregationi insinuandum . Reproposita postea causâ , & audito eodem Reverendiss. Promotore tam in scriptis quam in voce , matureque instantia examinata , censuit eadem sacra Congregatio , si Sanctissimo Domino nostro placuerit , prædictum Indultum concedi posse ex circumstantiis specialibus , ob quas non ita de facili in exemplum transire valeat , derogando ad hunc effectum , quatenus opus sit , decreto generali 20. Novembris 1628. In decreto tandem pro concessione Officii & Missæ in honorem Beati Antonii a Stronconio dicitur , concessionem ex particularibus circumstantiis non comprehendendi in decreto generali .* Particulares ergo circumstantiæ juxta mentem & praxim sacre Congregationis aptæ sunt ad impetrandam recitationem & celebrationem Officii & Missæ , licet ad normam decreti editi die 20. Novembris 1628. non sit probata consuetudo immemorabilis in specie quoad cultum Missæ & Officii .

4 Ad ipsas igitur circumstantias nunc descendendo , prima est , si vel per tempus excedens centum annos fuerit recitata Missa & fuerit celebra-

tum Officium in honorem alicujus Servi Dei, licet continuatio tum celebrationis tum recitationis non progressa sit usque ad tempus, quo pro recitatione & celebratione supplicatur; vel si per tempus notabile, sed non immemorabile, nec annorum centum fuerit celebrata Missa & fuerit recitatum Officium. Exemplum sumi potest a concessione Officii & Missæ in honorem B. Humilianæ de Cerchiis, B. Chune Gundis, B. Ceslai, B. Amædei, B. Petri Armengaudii, & B. Nicolai de Flue. Post approbationem videlicet cultus immemorabilis prædictorum omnium Beatorum supplices preces porrectæ fuerunt sacrorum rituum Congregationi pro concessione Officii & Missæ: & sane, quia quoad B. Humilianam, B. Chune Gundem, & B. Ceslaum probatum fuit a Postulatoribus, a tempore excedente centum annos celebratam fuisse Missam & recitatum Officium, licet de continuatione usque ad tempus supplicationis nulla probatio allata fuisset (fuerat enim intermissa post reformationem Missalis & Breviarii editam a S. Pio V.) sacrorum rituum Congregatio annuit petitioni; & non solum concessit, ut Missa & Officium possent celebrari & recitari in locis, in quibus id antea factum fuerat, sed concessionem ipsam ad alios etiam locos extendit, in quibus numquam Officium fuerat recitatum, & numquam Missa celebrata. Post approbatum quoque cultum immemorabilem B. Nicolai de Flue eadem sacrorum rituum Congregatio concessit, ut in ejus honorem dici possent Missa & Officium; eo quia Postulatores ostenderunt, & Missam & Officium fuisse recitata & celebrata spatio sexaginta duorum annorum; uti colligitur ex Brevisan. mem. Clementis IX. typis impresso post vitam B. Nicolai conscriptam a Petro Hugone, in quo conceditur, *reassumi celebrationem Officii & Missæ in honorem dicti Servi Dei ibidem peractam per annos sexaginta duos usque ad annum 1603.* cui etiam suffragatur Indultum concessionis Officii & Missæ in honorem B. Ferdinandi III. a Clemente X. concessum, prævio consilio Congregationis sacrorum rituum, ubi inter cetera concessionis argumenta, seu, ut vulgo dicitur, *motiva* hæc habentur, quod inter alia plenissime constiterit de celebratione Missarum in honorem prædicti Servi Dei, prout de Sanctis celebrari solent, tam in Sacratio veteri, quam in Capella Beate Maria Regum nuncupata Metropolitana ecclesia Hispalensis, ubi extat illius sepulcrum, quemadmodum legitur in Constit. 28. ejusdem Clementis Bullarii Romani tom. 6. Recitatae concessionis processerunt ex allatis circumstantiis; & ad gratiam, non ad justitiam sunt referendæ. Ut enim jure denegari non potuissent Missa & Officium, necesse fuisset, ut Postulatores demonstrarent, spatio saltem centum annorum ante annum 1628. quo editum fuit memoratum decretum, ea fuisse recitata & continuata usque ad tempus petitionis: siquidem juxta proximæ & regulas sacre Congregationis expositas, dum ageretur de cultu immemorabili, cultus immemorabilis debet excedere metam centum annorum ante editionem Brevis confirmatorii decretorum generalium Urbani VIII. Præterea docendum fuisset de continuatione usque ad tempus;

pus, quo supplicatur pro approbatione cultus immemorabilis: nimirum minus congruum videri posset, ut approbaretur cultus immemorabilis, qui ante approbationem in desuetudinem abiisset. Neque quod sciam, ullum adeit exemplum concessionis Officii & Missæ probata nedum consuetudine immemorabili recitationis Officii & celebrationis Missæ, sed etiam continuatione usque ad tempus petitionis, præter exempla duo B. Augustini Dalmatæ, & B. Humilitatis de Faventia; in quibus tamen non desuit gratia, cum concessio fuerit amplior præcedenti observantia, quando ex jure debuisset concessio esse coercita intra limites præcedentis observantiæ.

§ Secunda circumstantia favens concessioni Officii & Missæ, etiam si non sit probata consuetudo immemorabilis in specie recitationis & celebrationis Officii & Missæ in hoc residet, si ultra approbationem cultus immemorabilis fuerint in sacrorum rituum Congregatione discussæ & approbatæ virtutes Servi Dei, sive Beati in gradu heroico. Ab hac circumstantia permota fuit sacrorum rituum Congregatio, ut annueret Postulatoribus petentibus concessionem Officii & Missæ in honorem tunc Beati nunc Sancti Petri Regalati, & B. Gregorii X. In utraque enim ex prædictis causis non solum fuerat approbatus cultus immemorabilis, sed præterea fuerant discussæ & approbatæ virtutes in gradu heroico. Concessio Officii & Missæ in honorem B. Gregorii X. facta est, dum ego munere fungerer Fidei Promotoris; & ipse quidem in meis animadversionibus ponderandam sacræ Congregationi proposui circumstantiam approbationis jam factæ virtutum in gradu heroico: Ponderandum est, quod in hac causa non solum approbata fuerunt virtutes & miracula in relatione Rotali, sed etiam virtutes fuerunt in hac sacra Congregatione discussæ & approbatæ. Hac autem circumstantia in præiis habenda est, quando post approbationem cultus immemorabilis petitur Officium & Missa. Concessio vero in honorem B. Petri Regalati contigit tempore, quo Prosper Bottinius Archiepiscopus Myrensis hoc eodem munereungebatur; & is pariter de hac concessione cum loqueretur, in suis animadversionibus factis occasione petitionis Officii & Missæ in honorem B. Simonis de Lipnica hæc habet: Anno 1684. die 5. Februarii ad relationem Eminentiſſi. Cardinalis Casanata concessum fuit pro Religione S. Francisci Minorum Observantium, & pro civitatibus Vallisiletana & Oxomensi Indultum Officii & Missæ in honorem Beati Petri Regalati post declarationem, quod constabat de cultu immemorabili &c. Existima:um enim fuit maxima consideratione dignum, quod usque de anno 1630. examinati fuerant processus in specie facti auctoritate Apostolica super virtutibus & miraculis, & sub die 16. Novembris emanaverat rescriptum ad relationem Cardinalis de Torres, plene constare de virtutibus in gradu heroico. Unde non mirum si sacra Congregatio censuit, concedi posse Indultum Officii & Missæ. Ad hanc eandem classem referri potest concessio Officii & Missæ in honorem Beati Joannis Cantii, cum in animadversionibus idem Prosper Bottinius olim Fidei Pro-

536 DE SERVORUM DEI BEATIFICATIONE

motor hæc referat: Anno 1680. instante Rege Polonia, fuit petrum simile Indultum pro Beato Joanne Canisio cum enixa instantia ore tenus Sanctissimo facta a Domino Duce Radziwil ejusdem Regis Oratore misso pro prestanda obedientia: & nihilominus sacra Congregatio, priusquam rescriberet pro concessione, iussit mihi, ut recognoscerem, an ex processu super cultu immemorabili talia resisterent circa virtutes & miracula, ex quibus instantia annui posse videretur. Quod inanus ego implere diligenter curavi, & in pleno discursu, qui etiam exhibitus fuit Sanctitati suæ, ostendi, complura concurrere, quæ movere potuerunt ad concessionem ex gratia speciali. Concordat etiam concessio Officii & Missæ in honorem B. Salvatoris ab Horta: prima quippe vice petitio non fuit admissa, eademque postmodum die, videlicet 15. Julii 1724. benigne admissa est; postquam scilicet Pottulatores ostenderunt, fuisse virtutes examinatas & approbatas a Rotæ Auditoribus, quibus examen earum antiquioribus temporibus, juxta alibi dicta, committebatur. Ideoque, ut concludamus, sit locus concessioni Officii & Missæ, si post approbatum cultum immemorabilem discussæ fuerint & approbatæ virtutes in gradu heroico, vel si ex processibus, licet approbatio virtutum adhuc facta non sit, talia quoad ipsas virtutes & miracula deducantur, ut Dei Servus dignus haberi possit post approbatum cultum immemorabilem cultu permissivo Officii & Missæ.

6 Tertia circumstantia ortum ducit a qualitate cultus, qui spatio temporis immemorabilis fuit Dei Servo, sive Beato exhibitus, licet non fuerit exhibitus in specie quoad Officium & Missam. Hæc autem cultus qualitas desumi potest aut ex ejusdem vetusto & nobili initio, ut contigit in concessione Officii & Missæ pro B. Ollegario Episcopo Barcinonensi, cujus corpus fuerat elevatum ab Episcopo & Capitulo duodecim annis post ejus obitum, anno scilicet 1148. quo tempore Episcopi facultate poterant referendi Dei Servos in album Beatorum; aut ex magno ejusdem cultus apparatu, exemplo concessionis Officii & Missæ in honorem tunc Beatæ, nunc Sanctæ Margaritæ de Cortona, cui summus Pontifex Leo X. indulgit Missam & Officium, eo quia die anniversaria obitus illius solemne & publicum festum fiebat, ad quod non solum populus Cortonenfis, sed etiam vicinarum civitatum, terrarum, & castrorum magna ex parte confluebat; ita ut indecens quodammodo videretur, ea die de B. Margarita Officium non recitari & Missam non celebrari. En verba Brevis Leonis X. *Et ad celebrationem tanti festi non solum populus Cortonenfis, sed etiam vicinarum civitatum, terrarum, & castrorum pro magna parte confluant, nihilominus, quia in Missis & Officiis illius diei nulla de ipsa Beata Margarita, pro eo quod canonizata, seu in Sanctorum catalogo enumerata non existit, mentio seu commemoratio fit aut habetur, plures inibi confluentes admirantur &c.* Rursus qualitas cultus desumi potest ex ejus propagatione, cujus nempe circumstantiæ ratio in primis habita in concessione Officii & Missæ in honorem Beatæ Zitæ: publicus enim & immemorabilis ejusdem

ET BEATOR. CANONIZ. LIB. IV. PAR. II. CAP. III. 557

ejudem cultus minime coercitus erat in civitate & dioecesi Lucensi, sed & ad oppidum Bargaë ditionis Florentinæ, ad civitatem Ravennatensem, ad civitatem Januensem, ad civitatem Panormitanam, ad insulam Melitenensem, ad civitatem Cefaraugustanam, ad nonnullas urbes Regni Lusitanæ, ad aliasque Regni Angliæ urbes ante Fidei Catholicæ abjuratorem fuerat extensus. Altarium tandem erectio, & commemoratio in Missa aut in Divinis Officiis longo tempore continuatæ impulsu præbent gratiosæ concessionis Officii & Missæ. Quod ut confirmetur, non desunt sacre Congregationis responsa. Facta etenim fuit concessio Officii & Missæ ratione potissimum prædictarum circumstantiarum in honorem B. Antonii de Stronconio, BB. Julianæ Falconeriz, Joannæ Principis Portugaliz, Mariæ de Socos, Catharinæ Januensis, Tereziæ, & Sanciæ Monialium Ordinis Cisterciensis, & filiarum Sanci I. Regis Portugaliz, B. Helenæ Enselminæ, B. Hofannæ de Andreasis, pro cujus veneratione jam fuerat a Leone X. expeditum Indultum his verbis: *Ut de ipsa Hofanna in die ejus natali, quo scilicet ab hac mortali vita ad celestem patriam (etiam in Missis aliorum dierum) migravit, in primis & secundis Vesperis, ac in Matutinis, & aliis Divinis Officiis ejusdem diei in civitate & districtu Mantuano, sicut in natali aliarum Sanctarum Virginum solet fieri & celebrari, Commemoratio libere & licite fieri possit, concedimus*; necnon BB. Martyrum Joannis de Perusio Sacerdotis, & Petri de Saxoferrato Laici Ordinis Minorum Sancti Francisci.

7. Addi possunt aliæ circumstantiæ, ex. gr. si Dei Servus, cujus cultus immemorabilis fuit probatus, fuerit alicujus Religionis sive Instituti Regularis fundator: hac etenim præcipue de causa Officium & Missa concessa fuere post approbatum calum exceptum a decretis Urbani VIII. in honorem B. Bernardi Ptolemæi; uti colligitur ex Brevi Clementis X. confirmatorio resolutionis editæ a sacra Congregatione super Officio & Missa: *Religionem salubribus Institutis propagarunt; & rursus, Beato Bernardo Ptolemæo fundatori Congregationis Montis Oliveti: itemque in honorem quoque B. Petri de Pisis, B. Alexii de Falconeriis, & aliorum sex Fundatorum Ordinis Servorum Matris Dei. Præterea, si intercessione Dei Servi, sive Beati, cujus cultus immemorabilis fuit approbatus, aliquod recens insigne miraculum a Deo factum sit, poterit ex hoc desumi argumentum pro concessione Officii & Missæ, si a Postulatoribus petatur. Enixæ demum preces Regum, Principum, populorum, si spontaneæ fuerint, non quæsitæ, & insuper supplicationes Episcoporum acceperint, magni momenti esse videntur pro concessione Officii & Missæ in honorem Dei Servorum, quorum cultus immemorabilis fuit approbatus; uti deducitur ex decreto pro concessione Officii & Missæ in honorem tunc Beati, nunc Sancti Ludovici Bertrandi typis impresso apud Castellinum de certis. glor. Sanctor. pag. 145. Et, cum hoc etiam idem Sanctissimus Dominus noster in eadem nostra Congregatione ritum examinari jufferis, die 19. præsentis mensis Octobris Illustrissimi & Re-*
ver-

558 DE SERVORUM DEI BEATIFICATIONE

verendissimi Domini mei Collegæ una mecum congregati, vixit ejusdem Philippi III. Hispaniarum Regis Catholici litteris, & instantiis factis nomine totius Regni Valentia, & universa Religionis Dominicana, ac Principum Flandria, censuimus, si Sanctissimo Domino nostro placuerit, ut gratia prædicta possit extendi per universam Religionem Dominicana in toto orbe terrarum, & posse concedi in civitate tantum Valentia, ubi dicti Beati Ludovici corpus requiescit, ut omnes utriusque sexus viri & mulieres, & Religiosi Regulares & Saculares possint de dictis Beato Officium recitare & Missam celebrare vel audire. Ad hanc pariter classem referri possunt exempla concessionis Officii & Missæ in honorem B. Joannis Nepomuceni ante ejus Canonizationem, & B. Andreæ de Comitibus. Quæ tamen omnia dicta sint, ut causarum Postulatores modum & rationem habeant in hujusce generis petitionibus servandam, quæ porro ab arbitrio & prudentia sacræ Congregationis ita pendent, ut nec memoratæ circumstantiæ necessario possint favorabile responsum; nec aliæ desint, licet in hoc capite non relatæ, quæ Officii & Missæ concessionem ab eadem sacra Congregatione possint aliquando obtinere.

8 Post hæcenus scripta editum fuit a Clemente Papa XII. die 17. Augusti 1736. hoc decretum: *Sacra rituum Congregatio ad præoccupandas multiplices & ferre continuas, quæ proponuntur, instantias pro concessione Officii & Missæ tam pro Beatis & Sanctis ex cultu immemorabili, qui hujusmodi Officii & Missæ prærogativa nunquam potuit fuisse, quam pro Beatis a sancta Sede Apostolica beatificatis, præfenti suo decreto jubet & mandat, immemorabilem probatam super veneratione & cultu alicujus Sancti non canonizati nec beatificati non suffragari ad effectum, quod de illo possit concedi Missa vel Officium, sed in specie, & in illo loco esse probandam immemorabilem quoad cultum cum Missa & Officio, juxta alia decreta per eandem sacram Congregationem sub die 20. Novembris 1628. annuente sanctæ memoriæ Urbano VIII. ac successive confirmata per sanctæ memoriæ Innocentium XII. sub die 17. Octobris 1693. quæ vult in posterum omnino esse servanda & exequenda. Quo vero ad Beatos scilicet a Sede Apostolica beatificatos, expresse etiam mandat ac præcipit, instantias amplius non recipi vel admitti, tam pro concessione Missæ & Officii proprii in eorundem honorem, nec pro illis determinatis locis & particularibus personis, quibus in Brevis Beatificationum facultas celebrandi Missam & recitandi Officium de Communi indulta est, quam pro extensione ejusdem Missæ & Officii de Communi ad alia loca & personas, præter illa seu illas in dictis Brevis designatas: Die 11. Augusti 1736. Factaque deinde per me Secretarium Sanctissimo Domino nostro Clementi Papa XII. relatione, Sanctitas sua decretum istud sacra Congregationis confirmavit & approbavit, ac in posterum inviolabiliter servari jussit: Die 17. ejusdem mensis Augusti 1736.*

9 Incredibile est, quanto terrore Postulatores causarum Beatificationis & Canonizationis Sanctorum percussi fuerint, cum editum fuit decretum hoc. Putarunt enim præclusum esse aditum sacrorum rituum Congregationi supplicandi pro concessione Officii & Missæ in honorem Beatorum Beatificatione æquipollenti. Nos tunc Bononiæ morabamur, & epistolis

ad

ad Nos datis super hoc argumento respondimus, Nobis non videri, tale quippiam inferri posse ex illo antecedenti: quod est idem ac dicere, per allatum decretum nullatenus vetitum esse, ne a sacra Congregatione fiat concessio Officii & Missæ in honorem eorum, quorum cultus immemorabilis fuit a Sede Apostolica approbatus, si debita urgeant circumstantiæ. Decretum quippe refertur ad præcedentia decreta Urbani VIII. & Innocentii XII. & nihilo plus continet, quam in illis contineatur. Quemadmodum ergo non obstantibus prædictis decretis Urbani VIII. & Innocentii XII. semper admissum fuit, ut concederetur Officium & Missa, urgentibus circumstantiis, in honorem eorum, quorum cultus immemorabilis fuerat approbatus, licet non adesset probatio immemorabilis recitationis Officii & Missæ, ita hoc ipsum mihi videbatur esse dicendum, non obstantem memorato decreto Clementis XII.

10 Eventus nostras responsiones confirmavit: anno quippe sequenti post editionem decreti, hoc est anno 1737. die 13. Aprilis approbatus fuit cultus immemorabilis in honorem B. Michelinæ Pisaurensis, promotæque deinde a Postulatoribus instantia pro reintegratione seu concessione Officii & Missæ in honorem prædictæ Beatæ, annuente summo Pontifice Clemente XII. conditore ultimi decreti, sacra Congregatio respondit *pro gratia reintegrationis Officii & Missæ sub ritu duplici minori de Communi nec Virginum nec Martyrum, recitandum a Clero Saculari & Regulari civitatis & diocesis Pisaurensis*. In honorem hujus Beatæ fuerat antiquitus recitatum Officium & celebrata Missa in civitate & diocesi Pisaurensi; uti colligitur ex libello anni 1592. in quo refertur Officium S. Terentii Martyris Pisaurensium Patroni, quod etiam fuit adnotatum a Ferrario in catalogo generali Sanctorum, qui in Martyrologio Romano non sunt, ab Arollo in epitome annuum Wadingi ad annum 1356. num. 5. a Fortunato Heubero in Martyrologio Franciscano ad diem 29. Septembris, & a Bollandianis tom. 3. Junii pag. 927. in commentario prævio num. 7. Officii quoque recitatio & Missæ celebratio, teste Episcopo Pisaurensi, in civitate & diocesi intermissa est post edita decreta Urbani VIII. & tantum retenta fuit & continuata a Patribus Minoribus Conventualibus civitatis Pisaurensis. Ad tramites decretorum, quæ a summo Pontifice Clemente XII. in novissimo decreto confirmata sunt, non poterat dici probata immemorabilis quoad cultum cum Missa & Officio: hæc enim non solum debet excedere metam centum annorum ante antiqua decreta Urbani VIII. sed etiam docendum est de continuatione usque ad tempus, quo supplicatur pro approbatione cultus immemorabilis; & probata continuatione, concessio debet esse uniformis prædictæ continuationi, nec ad alias personas & locos extendi, ultra personas quæ continuantur, & locos in quibus facta est continuatio, uti supra visum est num. 4. Cumque continuatio non fuerit nisi penes Patres Conventuales, & concessio seu reintegratio comprehenderit Clerum Sacularem & Regularem civitatis & diocesis Pisaurensis, nemo est qui non videat, concessionem seu rein-

rein-

reintegrationem innixam fuisse non iustitiæ, sed gratiæ, & sic post ultimum decretum gratiosè concessioni ratione circumstantiarum locum factum fuisse.

11 Uniformis subsecuta est observantia: ex alibi quippe relatis ponitur in aperto, post obitum Clementis XII. plures casus exceptos a decretis Urbani VIII. ratione potissimum immemorabilis fuisse approbatos; factaque approbatione, & petita a Postulatoribus concessione Officii & Missæ, licet immemorabilis *in specie* quoad Officium & Missam non esset probata, urgentibus circumstantiis, tum a sacra Congregatione, tum a Nobis postmodum ad summum Pontificatum evectis facta est concessio; ita ut nullus hodie forte sit Dei Servus, in cujus causâ sit approbatus casus exceptus a decretis Urbani VIII. cui Missæ & Officii recitatio concessa non sit.

12 Quæ hucusque dicta sunt, loquendo de casu excepto a decretis Urbani VIII. ratione immemorabilis, sibi vindicant locum etiam in casu excepto ab iisdem decretis vel ex Indultis Sedis Apostolicæ, vel ex Scriptis Patrum, virorumque sanctorum: vis enim stat in Beatificatione æquipollenti, quæ semper adesse dicitur, siue casus sit exceptus ex immemorabili, siue ex Indultis Sedis Apostolicæ, siue ex Scriptis Patrum, virorumque sanctorum. Nec desunt profecto exempla; cum non ex capite quidem immemorabilis, sed ratione Indultorum concessorum a summis Pontificibus fuerit approbatus casus exceptus a decretis Urbani VIII. pro BB. Columba Reatina, & Margarita de Sabaudia, & Matthæo Carrero, & in honorem omnium prædictorum concessum sit Officium & Missa. Reliquum esset, ut sermo haberetur de ritu, sub quo fiunt concessiones Officiorum pro omnibus Beatis Beatificatione æquipollenti, & de locis, pro quibus fiunt dictæ concessiones: sed resumenda sunt quæ supra dicta fuerunt de Beatis Beatificatione formali; ex praxi quippe sacræ Congregationis concessiones Officii & Missæ quoad ritum & locum pro Beatificatis Beatificatione æquipollenti, exæquatæ sunt concessioni Officii & Missæ quoad ritum & locum pro Beatificatis Beatificatione formali.

C A P U T I V.

Iterum de eadem materia, & signaver de nonnullis difficultatibus ad eandem pertinentibus, examinatis in sacrorum rituum Congregatione, & de concessione lectionum propriarum in honorem Beatorum Beatificatione æquipollenti.

DUM sungebar munere Fidei Promotoris, ratione officii nimiam aliquando celeritatem opposui Postulatoribus supplicantibus pro concessione Officii & Missæ in honorem horum Beatorum Beatificatione æquipollenti; eo quia videlicet in una Congregatione petierant *signaturam Commissionis*, in alia subsequenti approbationem cultus im-

memo-

memorabilis, in tertia demum proxime sequenti concessionem Officii & Missæ. Sed nimis hujus celeritatis nulla ratio habita fuit ab Eminentissimis Patribus sacræ Congregationis, qui responderunt, nimiam celeritatis notam esse admittendam in causis procedentibus per viam non cultus, secus autem in illis, quæ procedunt per viam cultus immemorabilis. Putabam (en verba mearum animadversionum in causa concessionis Officii & Missæ in honorem B. Andreæ de Comitibus) me huic Postulatorum instantia opponere posse, quod nimia celeritate in hac Beati Andreæ causa proceditur: in penultima etenim sacrorum rituum Congregatione petita fuit & obtenta signatura Commissionis; in ultima petita fuit & obtenta approbatio cultus immemorabilis; cumque petitio Officii & Missæ in presenti Congregatione promoveretur, mihi profecto videbatur, oppositionem nimia celeritatis magnum habere in facto fundamentum. At, cum hanc ipsam nimiam celeritatis oppositionem excitaverim in causa Beati Joannis Nepomuceni, in qua, post obtentam pariter in penultima Congregatione causæ introductionem, seu signaturam Commissionis, & in ultima cultus immemorabilis approbationem, petebatur in Congregatione immediate sequenti concessio Officii & Missæ, & hac mea oppositio non fuerit habita in consideratione ab E.E. PP. qui responderunt pro concessione Officii & Missæ de Communi unius Martyris sub ritu duplici pro Regno Bohemæ, & sub ritu semiduplici pro seta Germaniæ, & Statibus hereditariis Domus Austriacæ, quam eandem pariter concessionem non multo post ampliarent ad totum Poloniæ Regnum, Ducatum Lithuaniam, & provincias annexas, ex quo videlicet prudenter ponderatum est, nimiam celeritatis notam non esse applicabilem illis causis Canonizationis, quæ procedunt per viam cultus immemorabilis, ad differentiam aliarum, quæ procedunt per viam ordinariam non cultus, hinc est, quod, ad partes postea hac oppositione, opus est transiitum facere ad alias oppositiones. Sed cum, his minime obstantibus, facta fuerit die 22. Januarii 1724. concessio Officii & Missæ de Communi sub ritu duplici majori pro universo Ordine Fratrum Minorum in honorem Beati ejusdem Andreæ de Comitibus, unusquisque facili negotio deprehendere poterit, nullum in nimia celeritate constitui posse fundamentum ad retardandam concessionem Officii & Missæ in honorem Beatorum Beatificatione æquipollenti.

2 In Congregatione sacrorum rituum habita die 16. Februarii 1726. in qua actum fuit de concessione Officii & Missæ in honorem Sex de Septem Beatis Fundatoribus Servorum Beatæ Mariæ Virginis, & in qua simul facta fuit ipsa concessio, nonnulli ex Eminentissimis Patribus dixerunt, incongruum sibi videri, si ante discussionem & approbationem virtutum fieret concessio Officii & Missæ in honorem Beatorum Beatificatione æquipollenti; & eo quidem magis, quia (juxta alibi adducta) ex usu & praxi est, ut, post concessionem Officii & Missæ, si Postulatores prosequi velint causam quoad Canonizationem, disputandum proponant dubium super virtutibus; quod si negando resolveretur, id fieret non sine populi scandalo, qui negantem sacræ Congregationis audiret responsum super virtu-

tibus heroicis illius Beati, in cujus honorem vidit Missam & Officium celebrari ac recitari. At ego tunc iungens munere Fidei Promotoris reverenter subieci, sacram Congregationem semper consuevisse concedere Officium & Missam in honorem horum Beatorum, licet tempore concessionis adhuc disputatz non fuissent, & multo minus approbatz eorum virtutes, & hanc consuetudinem non esse ratione destitutam: cumque tum probatio consuetudinis, tum ejus fundamenta late a me adducta fuerint in animadversionibus ratione muneris factis occasione petitionis Officii & Missæ in honorem B. Dalmatii Monerii Ordinis Prædicatorum, cujus causa processerat per viam cultus immemorabilis, & in qua non fuerant disputatz, neque approbatæ virtutes, & sacra Congregatio die 25. Martii 1726. perpensis omnibus adductis, annuerit petitioni Postulatorum pro concessione Officii & Missæ in honorem dicti Beati, sequitur, excitatam animadversionem de non concedendis Officio & Missa, ante discussionem & approbationem virtutum Beatorum Beatificatione æquipollenti, fuisse a sacra Congregatione rejectam.

3 Porro, quod attinet ad observantiam seu consuetudinem sanctæ Sedis, prætermisissis exemplis, quæ sunt anteriora decretis Urbani VIII., multa adsunt exempla decretis ipsis posteriora, in quibus, probato casu excepto, ante discussionem & approbationem virtutum facta est concessio Officii & Missæ in honorem Beatorum Beatificatione æquipollenti: in honorem videlicet B. Columbæ Reatinæ, B. Bernardi Ptolemæi, B. Nicolai de Flue, B. Bernardini de Feltro, B. Ferdinandi III. Regis Castellæ & Legionis, B. Margaritæ de Sabaudia, B. Petri Paschasii, B. Ludovicæ Albertonix, B. Jacobi de Mevania, B. Salomæ, B. Catharinæ Fliscæ Adurnæ, B. Ollegarii Archiepiscopi Tarraconensis, B. Joannis Cantii, B. Simonis de Lipnica, B. Julianæ de Falconeriis, B. Amædei Ducis Sabaudix III., B. Petri Armengol, B. Antonii a Stronconio, B. Chune Gundis Regina Poloniæ, B. Mariæ de Socos, B. Joannæ filix Alfonso V. Regis Lusitanix, B. Petri de Pisis, B. Hofannæ de Andreassis, B. Humilianæ de Circulis, B. Helenæ de Enselminis, B. Zitzæ Lucensis, B. Augustini Dalmatzæ, BB. Fratris Joannis Sacerdotis, & Petri Laici Martyrum Ordinis Minorum S. Francisci, BB. Terefix, & Sancix Monialium Ordinis Cisterciensis, B. Cellai, B. Alexii de Falconeriis, B. Humilitatis Abbatissæ Ordinis Vallisumbrosani, B. Joannis Nepomuceni ante ejus Canonizationem. Quibus omnibus si addantur concessionis Officii & Missæ factæ anno 1726. & sequentibus, in honorem videlicet B. Dalmatii, B. Lucix de Narnia, Sex aliorum ex Septem Fundatoribus Ordinis Servorum, B. Serapionis, B. Salvatoris ab Horta, B. Seraphini de Asculo, & B. Joannis de Dukla, & quotquot alix post dicta tempora factæ sunt, nullus superest ambigendi locus de praxi & consuetudine sanctæ Sedis concedendi Officium & Missam in honorem Beatorum Beatificatione æquipollenti ante discussionem & approbationem virtutum, seu martyrii; & ita quidem, ut juxta supra expolita duo tan-

tum

tum in classe horum Beatorum inveniantur exempla concessionis Officii & Missæ post discussas approbatasque virtutes, exempla videlicet tunc Beati, nunc Sancti Petri Regalati, & Beati Gregorii X. in quibus circumstantia præcedentis discussionis & approbationis virtutum multum profuit ad obtinendam concessionem Officii & Missæ, etsi non habita tamquam simpliciter necessaria.

4 Quia vero fere numquam datur antiqua praxis, quæ ratione destituatur, neque praxi, de qua nunc agimus, deest ratio: Beatificatio quippe æquipollens non constituit nisi cultum, ut vocant, permissivum, & pro cultu permissivo indulgendo. etiam si sit Officii & Missæ, satis esse videtur, si ultra cultum immemorabilem, aut alium casum exceptum a decretis Urbani VIII. legitime constet de fama virtutum, aut martyrii, atque miraculorum, de qua fama profecto in Beatis Beatificatione æquipollenti non est dubitandum, cum signatura Commissionis præcedat approbationem casus excepti, & ex alibi dictis non sit locus signaturæ Commissionis, nisi legitime constiterit de fama virtutum, aut martyrii, atque miraculorum. Neque enim vis ulla constitui potest in allato absurdo, quod, si instituitur disputatio de virtutibus post concessionem Officii & Missæ, virtutes autem ipsæ non approbentur, scandalum derivari possit in populum; tum quia ex alibi dictis ante tempora Clementis Papæ IX. in Beatis Beatificatione formali, post approbatas ante Beatificationem virtutes, & concessionem Officii & Missæ, iterum de iisdem virtutibus disputabatur in transitu a Beatificatione ad Canonizationem, nulla habita ratione, quod possit retractari dubium jam resolutum super virtutibus; tum quia ex alibi quoque dictis virtutum, quod assumitur disputandum post approbationem casus excepti, non est simplex & absolutum, sed refertur ad Canonizationem, ideoque nulla adest in hoc absurditas, quod de virtutibus constare possit, quantum sufficit pro cultu permissivo concessionis Officii & Missæ, de eisdem vero non constet, quantum opus est pro cultu, ut vocant, præceptivo, & ad universam Ecclesiam extenso.

5 Hucusque adducta non tantum probant concedi posse Officium & Missam in honorem Beatorum Beatificatione æquipollenti, etiam ante discussionem & approbationem virtutum, aut martyrii, sed etiam post concessionem Officii & Missæ de Communi, prout semper in prima concessionem fieri consuevit, locum esse posse subsequenter concessioni etiam lectionum propriarum in secundo Nocturno. Nec defunt exempla: ex concessionem quippe sacræ Congregationis recitantur lectiones propriæ in honorem Beatorum Beatificatione æquipollenti, in Religione videlicet S. Dominici in honorem B. Columbæ Reatinæ, B. Margaritæ de Sabaudia, B. Jacobi de Meyania, B. Joannæ Reginæ Portugallie, B. Hofannæ de Andreasilis, B. Augustini Dalmatæ, B. Cessai, & B. Dalmatii; in Religione S. Francisci in honorem B. Ludovicæ Albertonæ; & in Religione B. Mariæ Virginis de Mercede Redemptionis Captivorum ex Indulto sacræ Congregationis re-

B b b b 2

citantur

citantur lectiones propriæ in honorem B. Petri Paschalis, B. Petri Armen-gaudii, & B. Mariæ de Socos; ut cetera prætereant exempla, & signan-ter B. Petri de Pisis, BB. Reginarum Terefiæ, & Sanciz, B. Ferdinandi III. Regis Castellæ & Legionis, B. Alexii de Falconeriis, licet in horum o-mnium Beatorum causis usque adhuc non fuerint discussæ, & multo minus approbatæ virtutes in gradu heroico.

6 Quotquot superius exempla allata sunt, ex regestis sacræ Congre-gationis desumpta sunt. Consulto autem omisimus verba decretorum, ne caput hoc quodammodo in immensum excresceret. In *Appendicibus hu-jus nove Editionis* tom. 7. Apostolicæ summorum Pontificum litteræ in for-ma Brevis recudentur, quibus aliquando, exorantibus Postulatoribus, si non ex necessitate, saltem pro majori solemnitate confirmarunt ejusdem sacræ Congregationis Decreta indulgentia Officium & Missam in honorem Beatorum Beatificatione æquipollenti.

7 Quibus omnibus addenda sunt exempla lectionum propriarum post primam hujus Operis editionem concessarum in honorem Beatorum Bea-tificatione æquipollenti, ante discussionem & approbationem virtutum, Beatorum videlicet Benedicti Papæ XI., Serapionis Ordinis B. Mariæ de Mercede, Petri Gonzalez Ordinis Prædicatorum, Alvari de Corduba ejus-dem Ordinis, Beatarum Stephanæ de Quinzanis, & Luciz Narniensis Or-dinis pariter Prædicatorum, & Humilianæ de Cerchiis Ordinis S. Francisci.

C A P U T V.

De concessione Officii & Missæ in honorem nonnullorum Beatorum, qui sunt in antiqua cultus possessione, vel antiqua habent venerationis Indulta, licet in eorum causis nunquam consecutus fueris processus super casu excepto.

1 CUM superius ageremus de Beatis Beatificatione æquipollenti, di-ximus, nonnullos reperiri Beatos, qui sunt in possessione certa cultus immemorabilis, vel qui antiqua quædam habent Indulta ve-nerationis & cultus, quibus irreligiosum esset cultum subtrahere, licet num-quam causa Canonizationis ipsorum fuerit introducta, atque iccirco neque consecutus processus super casu excepto a decretis Urbani VIII. tum quia Urbanus ipse (uti sæpe dictum est) in iisdem decretis professus est, se nul-lum voluisse asserre præjudicium illis Dei Servis, seu Beatis, qui sunt in possessione cultus immemorabilis, vel qui cultum obtinuerunt per Indul-ta summorum Pontificum, aut sacræ Congregationis responsa; tum quia consecutio processus super casu excepto simpliciter necessaria est, cum agi-tur de ulteriori progressu ad Canonizationem; secus autem, quando res est de continuatione cultus ab antiquo tempore introducti cum debitis conditionibus, aut ex concessionibus a summis Pontificibus, vel a sacra Con-

Congregatione factis. Itaque. cum aliquando ab eadem sacra Congregatione facta sit & fiat concessio Officii & Missæ in honorem horum Beatorum, operæ pretium est, de hisce concessionibus in præsentî habere sermonem.

2. Beata Rita, seu Margarita Cassiæ, seu Cassii, quod est Umbriæ oppidum Spoletinæ diocesis, floruit sæculo Christi xiv. & xv.; & summus Pontifex Urbanus VIII. qui, utpote olim Episcopus Spoletinus noticiam habebat cultus publici, quo dicta Beata fruebatur, necnon ejusdem meritorum, & miraculorum ejus intercessione a Deo patratorum, concessit anno 1627. ut de ea in tota diocesi Spoletina, & a Religiosis utriusque sexus Ordinis S. Augustini Officium recitaretur & Missa celebraretur de Comuni nec Virginis nec Martyris, testibus Bollandianis *ad diem 22. Maji tom. 5.* Anno sequenti 1628. supplicante Cæsare Estensi Mutinæ & Regii Duce, facta est dilatio ad totam ejusdem Ducis ditionem ab eodem Urbano VIII. Officii cum lectionibus propriis in honorem S. Contardi Peregrini ex illustri Estensium familia, qui ex hac vita decessit anno 1249. Atque anno quidem 1609. referente Cardinali Bellarmino, sacrorum rituum Congregatio approbaverat lectiones proprias, quæ compositæ fuerant a Petro Maria Campo Canonico Placentino, ut ipse testatur in *historia Placentina lib. 18. ad ann. 1249.* & late prosequuntur Bollandiani *ad diem 16. Aprilis tom. 2. num. 4. pag. 446.* Sanctus Rochus apud Montem Pessulanum natus, post vitam laudabiliter actam, & post heroicis charitatis actus frequenter exercitos erga homines peste laborantes, pretiosa morte obiit anno 1327. ejusque corpus magno cum honore in eadem urbe conditum fuit. Utcunque autem sit de gestis in Concilio Constantiensi (de quibus alibi actum est) & utcunque sit de expressa ejus Canonizatione, de qua Joannes Pilus Tolofanus Scriptor vitæ & mortis S. Rochi in *fine libri*, & Auctor notarum *ad Martyrologium Galefinii fol. 149.* ejus cultus initium habuit, statim ac mortuus est; augmentum recepit in Concilio Constantiensi, uti, præter alibi adducta, fuisse habetur apud Pagi juniorem in *breuiar. Romanor. Pontif. tom. 4. in vita Joannis XXII. num. 29.* novaque accessio ei facta est post annos sexaginta a tempore Concilii Constantiensis, grassante peste in civitate Brixienfi, populoque universo S. Rochum invocante. Scilicet, cum Franciscus Diedo Venetus Senator sua satis doctrina notus vitam ejus tunc descripsisset, ex ejus gestis in eadem vita descriptis Veneta pietas tali est incensa fervore, ut nonnulli cives, sancta inita conspiratione, ad Montem Pessulanum accesserint, præcipuamque corporis S. Rochi partem ad urbem detulerint Venetiarum, ubi anno 1485. magno gaudio excepta fuit, Clero, Senatu, populoque solemnissimam comitantibus Processionem. Sacri hujus corporis pars ad Urbem pariter delata est anno 1575. pesteque grassante in Regno Siciliae, Urbanus VIII. anno 1624. ecclesiam S. Rocho dicatam publice visitavit, & in ara majori, in qua ejusdem Sancti Reliquia erat exposita, Missæ sacrificium celebravit, uti legitur in lapide marmoreo, qui est in ea ecclesia prope vas aque lustralis, utque meminit Castellanus

linus Auctor contemporaneus in suo tractatu *de inquisitione miraculorum*, in *append. general. pag. 280.* Item in plerisque antiquis Breviariis atque Missalibus typis impressis ante tempora S. Pii V. habentur Officium & Missa in honorem S. Rochi, quemadmodum ex eorum diligenti enarratione probat Castellinus *loc. cit. pag. 278. & seqq.* Cumque in reformatione Breviarii & Missalis Romani facta tempore predicti Pontificis ipsa Missa & Officium expuncta fuerint a Missali & Breviario, anno tandem 1629. ideoque statim post supra citatum decretum editum anno 1628. in quo statutum est, non esse locum concessioni Officii & Missæ ratione cultus immemorabilis præcise sumpti, sed ut locus sit, oportere, ut probetur consuetudo immemorabilis quoad cultum cum Missa & Officio eo in loco, pro quo petitur Indultum Officii & Missæ; instante civitate Matritensi, editum est a sacra Congregatione hoc generale decretum: *Cum actum fuisset pluries in sacrum rituum Congregatione de concedenda Missa & Officio in festo Sancti Rochi, qui penes omnes Christianos in maxima veneratione semper est habitus, tandem sub die 30. Junii 1629. eadem sacra Congregatio, negotio mature discussu, censuit, esse concedendam Missam & Officium in die Sancti Rochi de Communi Confessoris non Pontificis in iis tantum locis, ubi adsint ecclesie in ejus honorem edificata, & servatis Rubricis Breviarii.* Quod decretum summus Pontifex Urbanus VIII. approbavit atque laudavit die 4. Julii 1629., veluti habetur apud Pignatellum *consult. 87. num. 4. tom. 4.* Cum intercessioni S. Rochi pie adscripta fuerit immunitas ditionis Etruriæ Magno Duci subjæctæ a lue, qua non multos ante annos laboraverunt animalia in finitimis regionibus, cumque exorante Magno Etruriæ Duce, & accedentibus supplicationibus Archiepiscoporum & Episcoporum ejusdem ditionis, petita fuerit dilatio Officii & Missæ S. Rochi ad universam ipsam ditionem Ducis Etruriæ, me tamquam Fidei Promotore urgente, non esse probatum, in omnibus & singulis locis regionum Magno Duci Etruriæ subjæctarum ecclesias esse in honorem S. Rochi edificatas, die 27. Julii 1720. nullum editum est a sacra Congregatione decretum. Sed demum, iterum proposita supplicatione die 7. Junii 1721. responsum fuit pro gratia, allatis videlicet probationibus ecclesiarum, oratoriorum, & altarium in honorem S. Rochi dicatarum in tota fere ditione Magni Ducis Etruriæ: & a Nobis post nostram ad summum Pontificatum assumptionem concessum fuit, ut in ecclesiis Archiconfraternitatis Urbis, & civitatis Tusculanæ S. Rocho dicatis Officium & Missa die 16. Augusti recitaretur & celebraretur cum lectionibus secundi Nocturni & Oratione propriis per Nos approbatis; uti colligitur ex decreto edito die 17. Martii 1741. Hujus ejusdem Officii & Missæ postmodum facta est dilatio ad alias quasdam ecclesias. In Religione quoque Minorum Conventualium sub ritu duplici majori Officium S. Rochi antea recitabatur ex concessione Innocentii XII. teste Fremaut *apud Bollandianos tom. 3. Augusti pag. 391. §. 5. num. 52.* Exorante autem Ministro Generali ejusdem Ordinis, ut in lectionibus in sua Religione recitandis diceretur, eum

eum Tertio Ordini S. Francisci fuisse adscriptum, addita formula, *ut feratur* (de prædicta quippe ad Tertium Ordinem adscriptione testantur Vega, Ribadeneira, Rinconius, Miranda, Daza, Sillius, Torres, Thielmans, Fremaut, Arturus) nolimus tamen annuere petitis: Wadingus etenim in *annal. ad ann. 1327. num. 10. tom. 7.* dubie nimium de ea re loquitur, licet suo Ordini favorabili. En verba: *Obiit hoc anno 17. Kalend. Septembris Beatus Rochus, variis portentis, & a lue curanda per orbem insignis. Eum Tertio Sancti Francisci Instituto adscribunt aliqui, sed recentioris ætatis Scriptores..... Neque tamen hi contradicunt, neque nostri respuunt, quem alii sponte offerunt, immo avide amplexantur.*

3 Concessum fuerat Officium & Missa a nonnullis Romanis Pontificibus in honorem Beati Alberti Magni ex Ordine Prædicatorum, summusque Pontifex Urbanus VIII. anno 1635. ad fovendam & augendam Fidei devotionem benigne annuit, ut ab Ordine S. Dominici per universam Germaniam Officium & Missa possent recitari & celebrari in honorem ejusdem, donec, instante Republica Venetiarum, facta est ab Alexandro VII. dilatio ad Fratres Prædicatores in ditione Reipublicæ constitutos, & Clemens tandem Papa X. die 27. Augusti 1670. annuit, ut deinceps in toto Prædicatorum Ordine die 15. Novembris quotannis, atque perpetuis futuris temporibus ab utroque istorum Religiosorum sexu privatim & publice in Choro Officium de eodem Beato Alberto Magno cum Missa solemnè ritu peragatur; uti legitur in decreto typis impresso inter Acta Capituli Generalis Ordinis Prædicatorum sub Magistro Generali Joanne Thoma de Rocaberti fol. 31. Sub eodem denique Urbano VIII. facta est magna dilatio Officii & Missæ in honorem Beatæ Coletæ ad universum Ordinem Fratrum Minorum, & Regnum Francorum. Ut autem ad recentiora descendamus exempla, die 21. Novembris anno 1665. & die 28. Januarii 1668. lectiones propriæ in honorem S. Bernardi Cardinalis Episcopi Parmensis concessæ sunt civitati & dioecesi Florentinæ, necnon civitati & dioecesi Parmensi; & ex Indulto pariter sacræ Congregationis recitantur lectiones propriæ tum a Monachis Vallumbrosanis, tum ab aliis in honorem S. Petri Ignei; itemque die 3. Martii 1674. similis gratia concessa est Clero Sublacensi in honorem S. Chelidonie Virginis. Die 22. mensis Maji anno 1683. facta est insignis concessio ecclesiæ Lateranensi recitationis Officii cum lectionibus propriis, & celebrationis Missarum in honorem septuaginta & octo sanctorum Romanorum Pontificum, ex quibus sex jam cultum habebant in universa Ecclesia sub ritu duplici, tredecim sub ritu semiduplici, & novem sub simplici; quibus deinde additum est solum cum celebratione Officii & Missæ in honorem Beati Gregorii X. una cum dilata-tione universæ ejusdem facultatis ad Clerum basilicarum Vaticanæ, & Liberianæ. Infuper anno 1690. facta est dilatio cultus Beati Petri de Lucemburgo a Conventu Patrum Cælestinorum civitatis Avenionensis ad Conventum eorundem Religiosorum civitatis Parisiensis. Anno 1696. sacra

Con-

Congregatio, annuente summo Pontifice, indulgit Ordini Minorum S. Francisci facultatem celebrandi Missas & recitandi Officia de Communi in honorem Beatæ Elisabeth S. Ludovici Galliarum Regis fororis. Die 30. Aprilis 1701. summo approbante Pontifice, concessit Ordini Minorum Conventualium, & civitati ac dioecesi Fulginati facultatem recitandi Officium in honorem Beatæ Angelæ de Fulgino. Dum ego munereungebar Fidei Promotoris, die 23. Septembris 1713. univrsæ Congregationi utriusque sexus Ordinis Camaldulensium concessum est Officium & Missa sub ritu duplici in honorem SS. Joannis Laudensis Episcopi Eugubini, & Raynaldi Episcopi Nucerini; approbatæ quoque fuerunt lectiones propriæ secundæ Nocturni in honorem S. Anselmi Abbatis Fundatoris abbatie Nonantulanæ pro Clero ejusdem abbatie die 15. Februarii 1721.; & die 15. Julii 1724. responsum fuit pro gratia elevationis Officii de Communi in honorem S. Idæ Viduæ a ritu simplici ad semiduplicem pro civitate & dioecesi Constantiensis. Dimisso autem Promotoris munere, adnotatam reperio in regestis sacræ Congregationis per rescriptum editum die 21. Januarii 1730. concessionem Officii diei festi cum lectionibus propriis, necnon Officii Translationis corporis S. Flavii Clementis Consulæ & Martyris pro Cardinali Titulari ecclesiæ S. Clementis Urbis, pro Religiosis ecclesiæ prædictæ, necnon pro Clero & Capitulo Metropolitanæ civitatis Urbini, ad quam insignis hujus Sancti Reliquia translata est. Die 28. Aprilis 1731. indultum est, ut recitaretur Officium ac Missa de Communi in honorem S. Petri Urseoli Ducis Venetiarum & postea Monachi S. Benedicti tum in civitate Venetiarum, tum in monasterio Cusfanensi; pro quo etiam S. Petro die 15. Decembris 1733. approbatæ fuerunt lectiones propriæ recitandæ ab omnibus Monachis & Monialibus sub Regula S. Benedicti militantibus; & denique id ipsum, dum hæc scribebamur, factum est quoad Officia Sanctorum dioecesis Sabinæ, de quibus infra.

4 Alia plura facili negotio exempla cumulari possent; sed ad rem, de qua nunc agimus, satis esse videntur ea quæ jam relata sunt. Horum vero circumstantias operæ pretium est nunc perpendere, ut probata dici possint, quæ erant probanda. Nomen Beatæ Ritæ, seu Margaritæ Cassiæ, seu Cassii descriptum est in Martyrologio Romano; & in ecclesia S. Augustini Patrum Augustinianorum Urbis peracta dicuntur anno 1628. quædam Beatificationis solemnia a Cardinali Antonio Barberino, assistente solemnibus Missæ, & panegyricæ orationi in ejus honorem habitæ sacro Cardinalium Collegio; uti habetur in ejus vita Romæ typis impressa annis elapsis. In eodem Martyrologio, etiam ante concessionem Officii in honorem S. Rochi, ejus nomen descriptum habebatur; & ibidem descripta sunt nomina supradictorum SS. Bernardi Cardinalis, & Petri Ignei. Si Beatus Gregorius X. excipiat, in cujus honorem concessum est Officium & Missa post approbatum casum exceptum ad normam decretorum Urbani VIII. reliqua summorum sanctorum Pontificum nomina (sermo nunc est de Pontificibus

cum nomina (sermo nunc est de Pontificibus , qui cultum antea non habebant in Ecclesia universali) quorum festum celebrari concessum est cum recitatione Officii & Missæ in basilicis Urbis , erant pariter descripta in eodem Martyrologio Romano . Et in hac quidem descriptione constitutam fuisse vim pro concessione Officii & Missæ propterea constat , quia , etsi summus Pontifex Siricius inter Sanctos enumeretur a Petro de Natalibus in *catal. Sanctor. lib. 1. cap. 3.* a Genebrardo in *chronic. pag. 228.* & in *chronograph. lib. 2. ad ann. 398.* a Luitprando in *vitis summor. Pontif. fol. 44.* a Spondano *ad ann. 398. num. 1.* in ejus tamen honorem ipsa Officii & Missæ concessio facta non fuit , quod ejus nomen non esset in Martyrologio Romano descriptum . Hujus Pontificis nomen descriptum habebatur in Bedæ Martyrologio , & in Martyrologio monasterii S. Cyriaci de Urbe : Cardinalis autem Baronius Siricii nomen non apposuit in Martyrologio emendato , & visus est aliqua non approbasse , quæ ab eo gesta fuerant ; primo videlicet , quod exemplo Damasi usus non fuerat opera S. Hieronymi in conscribendis epistolis , & eum , ut par est , non soverat ; secundo , quod parum æquus fuerat in S. Paulinum Nolanum ; tertio , quod tardius in Irenanda Origenistarum hæresi incesserat , & improvidus fuerat in toleranda Rufini & Melaniæ hæretica vafricitia . Crimina hæc S. Siricio opposita , congesta undique eruditione , deleta fuerant in *exercit. 16. Francisci Marix Florentinii ad diem 24. Novembris vetustioris Occidentalis Ecclesie Martyrologii* , & novissime a Pagi juniore in *bretuar. Romanor. Pontific. tom. 1. in vita S. Siricii u. 14. & seq.* Item , dum de concessione dictorum Officiorum ageretur in sacrorum rituum Congregatione , edita est pro S. Siricio apologia a Patre Henrico Norisio , sanctæ postea Ecclesiæ Cardinali , quæ *tom. 4. ejus operum Verona editorum anno 1732.* publici juris facta est , quemadmodum videri potest *pag. 722. & seqq.* Sed hæc omnia satis esse non potuerunt , ut S. Siricio , quippe cujus nomen non esset descriptum in Martyrologio Romano , fieret concessio Officii & Missæ . Nomen denique S. Titi Flavii Clementis viri Consularis & Martyris descriptum fuit annis præteritis in Martyrologio Romano (ut infra videbitur) antequam in ejus honorem fieret concessio Officii & Missæ . Anno siquidem 1725. cum Hannibal Albanus Tituli S. Clementis , S. R. E. tunc Presbyter Cardinalis , nunc inter Cardinales Episcopos cooptatus ad suam S. Clementis Papæ & Martyris basilicam accessisset animo eruendi partem ossium , quæ sub altari majori recondita esse credebantur , ossa S. Ignatii Antiocheni Episcopi & Martyris , & ea argenteis thecis includendi & publicæ venerationi proponendi ; capsulam plumbeam invenit , quæ ossa aliquot continebat , & sacros cineres cruore concretos , vas præterea vitreum effractum , crucem geminam , alteram ligneam , alteram æream ; capsulæ autem imposita erat tabula marmorea , quæ ex altera pagina litteras habebat , quarum dux priores sic legi debebant , testibus peritis viris ,

FLAVIUS CLEMENS MARTYR HIC FELICITER EST TVMV/LATVS

Sed ad hanc eandem classem referri possunt recentes concessiones Officiorum in honorem Sanctorum diocesis Sabinæ, & signanter S. Anthimi Presbyteri & Martyris, Sanctæ Serenæ Martyris, Hyacinthi, Alexandri, & Tiburtii Martyrum. Nimirum recte adnotavit Lezana *consulu. variar. tom. 4. consult. 2. num. 46. pag. 43. Iure ergo de prædictis Sanctis Officium celebrari potest, siquidem eo ipso, quod in Martyrologiis recensentur, digni videntur isto cultu.*

5 Sermonem prosequendo de aliis Beatissimis, seu Sanctis, de quibus superius, extensio Officii S. Contardi a summo Pontifice Urbano VIII. facta est (uti vidimus) postquam multos ante annos facta fuerat Officii concessio in ejus honorem. Similia contigerunt in Indulto ab eodem Pontifice concessio in honorem Beati Alberti Magni, cum in decreto supra citato habeantur hæc verba: *Felicis recordationis Urbanus Papa VIII. suorum Prædecessorum summorum Pontificum insistentes vestigiis, ac Indultis, quibus annuum festum Beati Alberti Magni ex Ordine Prædicatorum Ravennatis Episcopi successisse Colonia, Ravennam, ac demum Lavingha cum Officio Chori, Missarumque solemniter celebrare consueverant &c.* De Canonizatione Beatæ Coletæ actum fuerat sub Sixto IV., Alexandro VI., Julio II., & Pio V. testibus Bollandianis *tomo 1. Martii pag. 534. §. 9.* & posterioribus ampliationibus præcesserant Indulta Officii & Missæ in ejus honorem concessa a Clemente VIII., & Paulo V. quorum diplomata edita sunt apud Wadingum *tom. 5. annuum antiquioris editionis fol. 527.* Iisdem prorsus terminis procedit concessio facta Monachis Cælestinis civitatis Parisiensis in honorem Beati Petri de Lucemburgo, cum referatur ad Indultum alias datum Conventui Cælestinorum civitatis Avenionensis, quemadmodum colligitur ex verbis decreti sacræ Congregationis die 15. Julii 1690. *Ut in posterum singulis annis in die festo Beati Petri de Lucemburgo recitare possint Officium ipsius Beati ad formam concessionis factæ a fel. record. Urbano VIII. Monachis præfata Congregationis civitatis Avenionensis de Communi Confessorum non Pontificum.* De Beata Eliabeth inter Sanctas referenda actum fuerat tempore Leonis X., & permissa ei fuerat tum ab ipso, tum ab Urbano VIII. quædam species publici cultus, antequam sub Innocentio Papa XII. facta esset, prævio consilio Congregationis sacrorum rituum, concessio Officii & Missæ in ejus honorem; juxta ea, quæ referuntur apud Baillet *in addition. Sanctorum, quorum memoria recolitur die 31. Augusti.* De Beata Angela de Fulgino nihil invenire potui, ex quo desumi posset, actum fuisse de ejus Canonizatione, aut aliquam speciem publici cultus ei fuisse indultam ante memoratam concessionem Officii die 30. Aprilis anni 1701. etsi de ejus sanctitate & miraculis plura habeantur apud Historicos, de quibus Ludovicus Jacobillus *in vitis Sanctorum, & Beatorum Umbria ad diem 4. Junii;* & de Virgine Chelidonia, cum Sublaci essem, reperire tantummodo potui monumentum translationis ipsius solemniter factæ die 13. Julii 1578. a Ioco, in quo erat, ad ecclesiam monasterii Sublacensis; ita ut fateri necessesse sit,

fe sit, concessionem, quæ ad eas pertinent, fuisse innixas cultui immemorabili notorio, licet per processum particularem non probato ad normam decretorum Urbani VIII. Quoad Sanctum Joannem Laudensem jam a sacra Congregatione fuerat approbata recitatio Officii una cum celebratione Missæ, quæ a tempore antiquo fiebat in dioecesi Eugubina, sicuti desumitur ex decretis sacræ Congregationis editis anno 1628. & anno 1629. *post Synodum Eugubinam* Cardinalis Ulderici Carpinei typis impressam *Perusia* anno 1638. pag. 46. ut & in dioecesi Nucerina ab antiquo tempore Officium recitabatur in honorem S. Raynaldi Confessoris, ejusdem civitatis Episcopi, & principalis Protectoris una cum Octava, & festo de precepto die ejus natali. Quod attinet ad S. Anselmum Abbatem Nonantulanum, lectiones concessæ fuerunt desumptæ ex quodam antiquo codice pergameno, qui in sacario ecclesiæ Nonantulanæ conservatur, quique conscriptus dicitur a Monacho, Sancto eidem Anselmo fere contemporali, in quo mirabilia ejus gesta continentur. Codicem hunc magni faciunt Arnoldus Wion in *Ligno vite* lib. 2. part. 3. ad diem 3. Martii, Ughellius *Italia sacra* tom. 2. pag. 102. Ferrarius in *catal. Sanctior. Italia* ad diem 3. Martii, Bollandiani ad dictam diem, Mabillon in *Actis Sanctior. Ord. Benedict. sec. 1v. part. 1. ad eandem diem*, Antonius Pagi ad ann. 752. n. 17. & ad ann. 803. num. 8. Præterquamquod ex quodam responso Congregationis sacrorum rituum edito die 19. Aprilis 1594. deprehensum est, sacræ ipsi Congregationi innotuisse recitationem Officii de Communi in honorem S. Anselmi in dioecesi Nonantulana, & ab ea tacite recitationem hanc approbatam fuisse. Quod demum spectat ad S. Idam Viduam, & ad S. Petrum Urfeolum, sacra Congregatio abstinit ab elevatione ritus Officii de Communi in honorem S. Idæ, donec exhibitum documentum est approbationis lectionum propriarum sacræ pro abbacia Sancti Galli, referente Cardinali Bellarmino, inter quas erant etiam lectiones Sanctæ ejusdem Idæ; & donec exhibitæ fuerunt binæ sententiæ, altera Cardinalis ab Austria Episcopi Constantiensis & Brixinensis edita anno 1600. altera Archiepiscopi Ephesini Nuntii Apostolici edita anno 1713. cum Cardinalis Bellarminus prædictas utique lectiones approbasset, sed ab earum recitatione abstinendum esse dixisset, donec nova allata forent documenta sanctitatis & cultus S. Idæ, quæ deinde desumpta fuerunt ex supra allatis sententiis: concessio autem Officii & Missæ in honorem S. Petri Urfeoli fundamentum habuit in Historicis ejus sanctitatem & miracula referentibus, in elevatione corporis facta auctoritate Episcopali, in cultu præstito ejus ossibus & Reliquiis, inque aliis rebus consimilibus; opponente quidem Archiepiscopo Philippensi Fidei Promotore, non esse locum concessioni Officii & Missæ, nisi post confectum processum particularem super cultu immemorabili, ut ex ejus animadversionibus desumitur: *Quatenus enim concessio Officii & Missæ in ejus honorem postuletur ob assertam antiquitatem cultus eidem præstiti, neminem laet, quod hanc instantiam procedere debet rescriptum hujus sacræ*

Congregationis, quo declaratur constare de huiusmodi cultu; qua quidem declaratio fieri nequit absque particulari disputatione dubii, An de illo constet; prout Commissione signata manu Sanctissimi, non nisi servatis de iure ac de stylo servandis, obtinenda: at strenue respondentibus Postulatoribus, necessariam esse signaturam Commissionis, necessarium esse processum super cultu immemorabili, necessariam esse ejus approbationem faciendam a sacra Congregatione, quando agitur de progressu ad Canonizationem, secus autem, quando res est de simplici concessione Officii & Missæ, pro qua satis esse possunt documenta sanctitatis & cultus etiam aliunde desumpta.

6 Exempla in superioribus allata suum initium desumunt a tempore Urbani Papæ VIII. Ab antiquioribus enim consulere abstinuimus; & illorum quidem nonnulla sunt anteriora decretis ejusdem Urbani, nonnulla autem sunt eis posteriora. Rursus omnia decreta superius allata in duas classes dividi possunt: nonnulla enim respiciunt extensionem cultus Officii & Missæ, & ritus elevationem, unde inferri potest, sacram Congregationem ad prædictorum Indultorum concessionem sæpe processisse, nullo prævio processu, sed exhibitis tantum antecedentibus Indultis, quibus facta fuerat prima concessio cultus; nonnulla vero pertinent ad primam concessionem Officii & Missæ, uti sunt illa concessa in honorem quorundam summorum Pontificum basilicis Urbis, in honorem S. Rochi, in honorem B. Angelæ de Fulgino, in honorem S. Petri Urseoli, & fortasse etiam S. Anselmi Abbatis Nonantulani; quibus porro (cum ante concessionem nullus factus fuerit processus super casu excepto a decretis Urbani VIII. sed vel ab Historicis, vel ab aliis authenticis documentis desumptæ fuerint probationes sanctitatis, miraculorum, & cultus, nec ostensum fuerit, eos fuisse in album Sanctorum relatos aut juxta stylum antiquiorem, aut juxta subsecutam disciplinam, de quibus alibi actum est) nil clarius afferri posse videtur ad comprobandum, factas fuisse, & fieri posse concessionem Officii & Missæ etiam in honorem illorum Beatorum, qui sunt in possessione certa cultus immemorabilis, quamvis causa Canonizationis ipsorum numquam fuerit introducta, ideoque nullus factus sit processus legitimus super casu excepto a decretis Urbani.

7 Quod si dicatur, nonnulla ex allatis exemplis non procedere in Beatificatione æquipollenti, sed in vere Canonizatis; id utique admittitur quoad sanctos illos Pontifices, qui, etiam ante concessionem factam basilicæ Lateranensis & aliis basilicis Urbis, lectionum videlicet propriarum, cultum habebant in universa Ecclesia, non ita vero quoad reliquos allatos. De S. Joanne Laudensi dicitur, eum fuisse canonizatum a Paschali II. Id nempe asseritur a Ferrario de *Sanctis Italiae ad diem 7. Septembris*, ab Alexandro Sperello Episcopo Eugubino in sua Synodo Eugubina typis impressa Perusæ anno 1651. pag. 186. & a Guidone Grando Cremonensi viro omni laude digno in *dissert. Camaldulen. dissert. 4. in append. num. 14. Sed cum antiquissimus omnium sit Ferrarius, de Martyrologii ab eo condi-*
ti au.

ei auctoritate sic loquitur Fortunatus Scacchus *de not. & sign. sanctit. scil. 11. cap. 4. pag. 846.* Philippus enim Ferrarius collectis nominibus quorumcumque Servorum Dei, qui quocumque modo aliquam habent in aliqua ecclesia vel monasterio venerationem, sive Sedis Apostolica auctoritate, sive absque tali auctoritate colantur, suum implevit Martyrologium additis etiam notis in quibus, unde illos acceperit, aperit. Scio etiam, asseri posse, inter Sanctos esse referendos omnes eos, qui descripti sunt in Martyrologio Romano titulo Sanctorum, aut Beatorum, eo quia utrumque nomen sepe promiscue in eodem Martyrologio sumitur. Sed id fortasse non ita facile poterit sustineri, cum adhuc sub iudice lis sit, an, & quem cultum significet descriptio in Martyrologio; quoniam aliquorum etiam tantummodo Beatorum nomina in eodem Martyrologio descripta sunt, ut infra videbitur; & Sanctorum, atque Beatorum titulo in Martyrologio ipso decorantur aliqui, qui sic ab immemorabili tempore appellati sunt, licet de eorum Canonizatione non constet: quod fortasse comprobari posset exemplis SS. Bernardi Cardinalis, & Petri Ignei. De Sancto quippe Bernardo hæc habentur apud Castellinum *de certis. glor. Sanctor., in indice Sanctorum canonizationum pag. 434.* Sanctus Bernardus Florentinus Episcopus Parmensis Presbyter Cardinalis Tituli Sancti Chrysogoni Instituti Vallisumbrosæ, quamvis sub nomine Sancti invenitur in Martyrologio Romano die 4. Decembris, necdum tamen compertum est, quod in albo Sanctorum solemniter sit adscriptus. Parma tamen præcipue colitur, ac etiam Florentia Officium Ecclesiasticum sub ritu duplici die, quo supra, a Monachis dictæ Congregationis recitatur. Item, dum fungebatur munere Fidei Promotoris, instantibus Monachis Vallisumbrosæ pro extensione Officii ad universam Ecclesiam, die 3. Februarii 1714. rejecta est supplicatio, eo potissimum, quod de ejus formali Canonizatione non constaret, quamvis de ejus antiquissimo cultu & sanctitate ac meritis plene ex Historicis & ex aliis documentis constaret. Quod autem spectat ad Petrum Igneum descriptum in Martyrologio Romano sub titulo Beati, quamvis ex Hadriano Cyprario Abbate S. Michaelis *in vita S. Petri Ignei Roma formis impressa anno 1702.* Castellinus *in cit. indice pag. 442.* dicat eum catalogo Sanctorum adscriptum, nihilominus Bollandiani *ad diem 8. Februarii pag. 151.* de hoc dubitare videntur; modicamque fidem præstandam esse supradictæ vitæ B. Petri Ignei editæ ab Hadriano Cyprario, pluribus ostenditur in responsione edita Faventis anno 1732. nomine Patris Vitalis Martii Monachi Carnadulensis *ad questionem Vallumbrosæ Patris Magistri Fidelis Soldani Monachi Vallumbrosani cap. 2. pag. 37. & seqq.* Attamen anno 1673. die 4. Martii, & die 2. Septembris facta est concessio Officii & Missæ in ejus honorem pro Religione Vallisumbrosæ, & Clero Castri Florentini, necnon facta est die 6. Maji 1676. extensio ad omnes utriusque sexus tum Sæculares tum Regulares, qui ad Horas Canonicas tenentur in civitate & diocesi Florentina. Verum, utcumque sit de his, si quis aliquem a Nobis superius memoratum, & titulo Sancti in Martyrologio Romano cohonestatum, demonstra-

574 DE SERVORUM DEI BEATIFICATIONE

monstraverit fuisse in Sanctorum album relatum, aut ex consensu universalis Ecclesiae, accedente implicito vel explicito summi Pontificis beneplacito, aut ex definitiva ejusdem Romani Pontificis sententia, ejus exemplum erit ex supra posita classe detrahendum. Quod si id non ostendatur, exempla in classe, in qua a Nobis posita sunt, remanere debebunt; & concludere oportebit, ea proficere ad evincendum, factam fuisse & fieri concessionem Officii ac Missae in honorem Beatorum Beatificatione aequipollenti, licet ipsa in aperto posita non sit per formalem processum ad normam decretorum Urbani VIII.

C A P U T V I.

De concessione Officii & Missae in honorem Sanctorum canonizatorum.

SI juxta disciplinam & praesentem praxim Sedis Apostolicae fiant Sanctorum Canonizationes, fieri vix potest, quin Beati Sanctorum catalogo adscribendi ante Canonizationem cultum habeant Officii & Missae vel de Communi, vel cum lectionibus propriis in determinato aliquo loco. Ut enim superius visum est, si praecessit Beatificatio formalis, in Brevi Beatificationis indulgentur Missa & Officium; si vero praecessit Beatificatio aequipollens, antequam ad Canonizationem procedatur, vix fieri potest, ut Postulatores non petierint & obtinuerint a sacrorum rituum Congregatione Officii & Missae recitationem & celebrationem in determinatis aliquibus locis. Post Canonizationem permanent praedictae concessioniones, atque etiam, urgente aliqua causa, sit earum extensio ad alios locos antecedentibus Brevibus aut Rescriptis nequaquam comprehensos. Sed, quod attinet ad concessionem Officii & Missae *de precepto* pro universa Ecclesia, & pro omnibus qui ad Horas Canonicas tenentur, oportet, ut accedat nova concessio, concurrentibus causis infra referendis: nec enim (ut alibi visum est) sufficit pro celebratione Officii & Missae in universa Ecclesia, mandatum esse, ut in universa Ecclesia Officium & Missa recitetur & celebretur, sed oportet, ut aliud addatur decretum, quod ritum praescribat.

2 Sanctis quoque canonizatis juxta ritum antiquiorem, hoc est per cultum in eorum honorem concessum ab Episcopo, ejusque receptionem in universam Ecclesiam una cum tacito sive expresso summi Pontificis consensu, concessio sit Officii & Missae aut de Communi, aut etiam cum lectionibus propriis. Sciant exemplis regeſta sacrae Congregationis rituum, & signanter in approbationibus Officiorum, quae recitantur a particularibus Ecclesiis. Causae autem hujusmodi concessionis desumuntur a pio populorum affectu erga eos Sanctos una cum instantiis Regum aut Principum, & petitionibus Episcoporum, pro quorum dioecesebus sit concessio Officii & Missae; vel ex eo desumuntur, quia Sancti praedicti fuerunt Episco-

Episcopi dictarum dioecesium, aut longo tempore in eis versati sunt, & meritorum, dum viverent, & miraculorum post obitum gloria in illis floruerunt; aut in iisdem martyrio coronati sunt; aut denique, quod aliqua insignis Reliquia ibi conservetur, & ad publicam venerationem exponatur. Ad hanc rem facit recens concessio a sacrorum rituum Congregatione facta Officii & Missæ in honorem Sanctorum Sabinæ dioecesis; inter quos recensetur S. Laurentius Episcopus Sabinorum & Confessor, cujus nomen licet descriptum non sit in Martyrologio Romano, de ejus tamen sanctitate, & juxta antiquum ritum Canonizatione nulla dubitatio esse potest, cum summus Pontifex Joannes VII. in suo diplomate anno 706. laudibus extollat religiosam ejus conversationem, & Divini servitii sedulitatem; B. Petrus Damiani in epist. 9. ad Nicolaum II. Pont. Max. (pag. 9. tom. 1. oper.) de eo ita scribat: *Quam nobilis in Christo vir fuerit, testis est antiqua traditio, qua sanctitatis ejus insignia celebrat; testis moderna devotio, qua piam ejus memoriam in benedictione frequenter; & Gregorius Monachus Farsensis Chronici Scriptor (apud Muratorium Script. rer. Ital. tom. 2. part. 2. pag. 322.) testatur suo tempore, labente nimirum sæculo XI., confluxisse quotannis solemni ritu ejus memoriam coli: Sic præsens gessit beatissimus Pater noster Laurentius, hujus sacri cuenobii edificator primus, cujus hodie solennia annua celebratione recolimus.*

3 Ad concessionem Officii & Missæ titulo insignis Reliquiæ nonnulla pertinent sacræ Congregationis decreta. Primum editum est die 16. Januarii 1627. *Propositi sunt Sanctissimo, & ad hanc sacram Congregationem remissi abusus duo in terris Italie introducti, qui essent reformatione digni. Primus est celebrandi festum novem lectionum sola Episcopi auctoritate pro omni Sancto habente ecclesiam, vel corpus in loco; unde fit, ut pauci dies feriarum remaneant, & omittatur Officium parvum Beate Mariae. Ad quod sacra Congregatio respondit, talia festa celebranda esse duntaxat in ecclesia Titulari, vel in qua adsit insignis Reliquia illius Sancti; & declararetur, qua dicatur insignis; & de hoc fiat decretum de mandato Sanctissimi, & mittatur per manus. Alter abusus, quod omittitur Missa de feria Conventualis in Cathedralibus, & Collegiatis, qua est omnino dicenda ultra Missam festi. Ad quod sacra Congregatio respondit, nullo pacto esse omittendam dictam Missam Conventualem. Secundum decretum editum est die 8. Aprilis 1628. Sacra rituum Congregatio ad tollendos abusus, qui variis in locis irrepserunt, re mature discussa, censuit & decrevit, non potuisse nec posse locorum Ordinarios tam Saculares quam Regulares addere calendaris, etiam propriis, Sanctorum Officia, nisi ea duntaxat, qua Breviarii Romani Rubricis, vel sacra rituum Congregationis, seu Sedis Apostolica licentia conceduntur. Insuper vetuit & prohibuit, celebrari per totam civitatem vel dioecesim, etiam de consensu Ordinarii auctoritate, Missam, vel festum cujus Officio de Sancto, eo quod in loco adsit ecclesia parochialis, vel Regularis, aut aliqua Reliquia, sed tantum in ipsius Sancti ecclesia Titulari, seu ubi asseruatur insignis Reliquia, & non alibi. Insignes autem Reliquias declaravit esse corpus, caput, brachium, crur, aut illam partem corporis, in qua passus est Martyr, modo sit integra, & non parva,*

parva, & legitime ab Ordinariis approbata. Concordant litteræ Apostolicæ Gregorii XIII. expeditæ die 30. Decembris 1573. & typis impressæ ante Officia propria Sanctorum Toletanæ ecclesiæ & diocesis, ubi hæc habentur: Item concedimus, quod quilibet ecclesia & monasterium Hispania habens aliquas Reliquias insignes, puta caput, brachium, vel crus alicujus Sancti, etiam alienigenæ, non existentis in Breviario, vel de quo in dicto Breviario sit tantum commemoratio, possit illam festivitatem celebrare, & Officium duplex facere; & de alio Sancto eodem die occurrenti, si fuerit simplex, fiat commemoratio, si vero fuerit duplex, vel semiduplex, transferatur ad primam diem simili festo non impeditam. De hac eadem materia actum est in sacrorum rituum Congregatione die 28. Octobris 1628. Propositoque dubio, an, & quæ quantitas cinerum Sanctorum sit insignis Reliquia, dictum est, secundum casuum contingentiam & qualitatem dandum esse particulare responsum. Plura denique de Reliquiis, quæ insignes dicuntur pro effectu concessionis Officii & Missæ, legi possunt apud Guyet de fest. propr. Sanct. lib. 1. cap. 9. ubi quest. 2. notat, pulverem & cineres, nisi faciant acervum, non esse insignes Reliquias, nec esse usu receptum, ut velles, sudaria, panni, & quæcumque alia Sanctorum supellex, licet magnæ molis, inter insignes Reliquias recenseantur. Quocirca fas est asserere, causam concessionis Officii & Missæ esse posse, si in aliqua diocesis ecclesia alicujus Sancti Reliquia insignis conservetur, sive agatur de Sancto canonizato juxta ritum recentiorum, sive de Sancto canonizato juxta antiquiorem disciplinam; ita tamen, ut concessio ipsa coercita sit intra ecclesiam, in qua insignis Reliquia conservatur, eademque Reliquia fuerit ab Ordinario approbata.

4. Itaque inter Officia propria Sanctorum Toletanæ ecclesiæ & diocesis edita Antuerpiæ anno 1691. & signanter in calendario proprio festorum prædictorum Sanctorum a summis Pontificibus approbato, die 9. Februarii in ecclesia Matrice recitari videmus Officium S. Reinoldi Martyris, die 11. Februarii Officium S. Aldegundæ, die 5. Octobris Officium S. Attilani Episcopi & Confessoris, die 11. ejusdem mensis Officium S. Alexandri Martyris; eo quia in eadem ecclesia Matrice asservantur insignes Reliquiæ prædictorum Sanctorum. Quæ tamen omnia cum grano salis (uti dicitur) intelligi debent & explicari: si etenim magnus sit numerus Sanctorum loci naturalium, aut quorum insignes Reliquiæ in aliqua ecclesia asservantur, non pro omnibus, sed pro aliquibus tantum fieri poterit concessio Officii & Missæ, ne intervertatur ordo Officii Divini; quemadmodum colligitur ex supra citatis litteris Apostolicis Gregorii XIII. Cum enim Prædecessor prædictus indistincte concesserit (sermo est de S. Pio V.) ut Ecclesia Hispania possent celebrare Officia propria Sanctorum illius provincie, illicque plures sint numero, ex hoc sequebatur, ut Officium majoris partis seriarum anni omitteretur, & ordo Breviarii fere subverteretur. Nos huic incommodo occurrere volentes, & Prædecessoris prædicti mentem sicut modo interpretantes declaramus, unamquamque Hispaniæ Ecclesiam eorum tantum Sanctorum, qui in Breviario

non

non sunt descripti, Officia propria celebrare posse, qui vel illius diocesis sint naturales, vel ejus ecclesia seu diocesis sunt Patroni, vel quorum corpora, seu notabiles Reliquia in ea ecclesia seu diocesi requiescunt. De aliis vero Sanctis, etiam si sint naturales, vel Patroni alterius diocesis, etiam si illorum corpora, vel notabiles Reliquia in aliqua ecclesia alterius diocesis requiescant, non celebrentur Officium proprium, sed servetur ordo Breviarii Romani. Quod etiam confirmatur ex Pastoralis epistola Paschalis Aragonii S. R. E. Cardinalis & Archiepiscopi Toletani præfixa libello supra citato Officiorum propriorum Sanctorum Toletanæ Ecclesiæ: *Licet autem Sancti hujus nostræ diocesis naturales, & quorum corpora, seu notabiles Reliquia in eadem ecclesia seu diocesi requiescunt, plures sint numero, ut ex traditionibus antiquis, fide dignisque historiis cuilibet medicriter erudito erit compertum, nihilominus devotionis zelum erga illos temperandum duximus &c. ne, si omnes celebrarentur, Officium majoris partis seriarum anni omitteretur, ut in simili de Sanctis Hispania prædictus sel. record. Gregorius XIII. in præfata bulla salubriter censuit, & ordo Breviarii fere subverteretur.* Quapropter, ut ex una parte modo exposita evitetur absurditas, ex alia vero parte cultui Sanctorum & devotionis zelo satisfiat, sacrorum rituum Congregatio aliquando indulgit Officii unici certa die celebrandi recitationem in honorem sanctarum Reliquiarum, quæ in aliquo monasterio vel ecclesia asservantur, dummodo sint insignes, sint Ecclesiastico Episcopi judicio approbatæ, & debita decencia custoditæ. De hujusmodi concessione Monachis monasterii Hispaniarum S. Laurentii in Escoriali pro Reliquiis Sanctorum in eodem monasterio asservatis extat decretum sacræ Congregationis editum die 22. Augusti 1620. Aliud quoque adest decretum editum die 6. Maji 1675. concessionis Officii omnium Sanctorum die 11. Julii, & Missæ celebrationis in civitate Monachii, in sacello Ducali, & in suburbis ad honorem sanctarum Reliquiarum, quæ in eodem sacello reconduntur, quæque Albertus V. & Guillelmus V. Baviaræ Duces, Ernestus, & Ferdinandus Archiepiscopi Electores Coloniz magno pretio emerunt a civitatibus Protestantibus; similisque concessio facta est die 5. Decembris 1693. Monachis monasterii Sancti Galli in Helvetia pro sacris Reliquiis, quæ in ecclesia abbatali Sancti Galli asservantur. Plura alia exempla facile cumulari possent: sed addidisse sufficiat, ex concessione sacræ Congregationis recitari in basilica Vaticana die 22. Junii Officium Commemorationis SS. Martyrum, & aliorum Sanctorum, quorum corpora seu Reliquiæ in basilica ipsa conditæ sunt; die 30. Octobris ab omnibus Monachis utriusque sexus totius Ordinis Cisterciensis recitari Officium pro Martyribus, & aliis Sanctis, quorum Reliquiæ in ecclesiis Ordinis asservantur; & die 5. Martii recitari Officium omnium Sanctorum Ordinis S. Augustini a Canonicis Lateranensibus.

5 Verum concessio Officii & Missæ pro universa Ecclesia, quæ fit in honorem tantum Canonizatorum vel juxta antiquiorem ritum, vel juxta recentiorum disciplinam, ea est præcipue, de qua in hoc capite agere

instituiamus. Duplici modo expletur hæc concessio, id est vel ad libitum, vel sub præcepto. Ne autem hujusmodi concessionem nimis multiplicarentur, edita olim fuerunt bina decreta, alterum a Clemente Papa X. *Sacra rituum Congregatio censuit, supplicandum esse Sanctissimo pro editione decreti, ne fiat per quinquaginta annos verbum in sacra Congregatione super concessione novorum Officiorum: Hac die 13. Junii 1671. Et, facto per me Secretarium de prædictis verbo cum Sanctissimo, Sanctitas sua annuit, & ita decrevit: Die 20. Junii 1671. alterum a Clemente XI. Sanctissimus Dominus noster Clemens Papa XI. in audientia particulari mihi infra-scripto sacrorum rituum Congregationis Prosecretario injunxit, & declaravit, mentem suam esse, quod, ubi a Sanctitate sua ad eandem sacrorum rituum Congregationem remitti contingeret nonnullos supplices libellos sive epistolas, quibus vel nova Sanctorum Officia concedi, vel jam pro aliquibus locis concessa ad Ecclesiam universalem extendi supplicatur, per remissionem prædictam decreto præfata sacra Congregationis sub die 13. Junii 1671. edito, & a sel. record. Clemente Papa X. die 20. ejusdem mensis & anni approbato minime derogetur, nisi expresse in remissione hujusmodi de antiqui decreti derogatione fiat mentio. Et ita Eminentiissimi Patribus eidem sacra Congregationi Præpositis significari, & servari mandavit: Die 4. Maji 1714.*

6 Post elapsos quinquaginta annos supra indicatos nulla usque adhuc facta est decretorum renovatio, & eorum ad alios annos propagatio: at hinc tamen nullo modo inferri potest, amplam apertam esse viam concessioni Officiorum in honorem Sanctorum pro Ecclesia universali; immodica quippe concessio Ecclesiasticæ disciplinæ non admodum consona videtur. S. Bernardus in *epist. 174. ad Canonicos Lugdun.* (num. 6. oper. vol. 1.) ait, festivitates non esse multiplicandas: *Patria est, non exilii frequentia hæc gaudiorum: & numerositas festivitatum civis decet, non exules.* Radulphus Tungen-sis, cujus extat insignis liber de observantia Canonum relatus tom. 9. vel juxta posteriores editiones tom. 11. *Biblioth. SS. Patrum, propositionibus 17. 18. & 22. totus est in confutanda festorum multiplicatione, hoc est Officiorum in honorem Sanctorum, quæ serialibus Officiis substituuntur: Sicut ergo pauci sunt dies Dominici, & multa feria, ac pauci Apostoli, & multi Discipuli, ita pauca debent esse festivitates, & multa feria.* Pluribus hoc argumentum prosequitur Guyet de *fest. propr. Sanctor.* lib. 1. cap. 1. *quæst. 19.* Ad rem quoque, de qua nunc agimus, facere videntur relata apud Micrologum in *Biblioth. Patrum tom. 18. cap. 43.* ubi sic legitur: Gregorius hujus nominis Papa VII. Apostolica Sedi præfatus constituit, ut Sanctorum omnium Romanorum Pontificum, & Martyrum festivitates solemniter ubique cum pleno Officio celebrentur; nam cum qualibet Ecclesia sui Patroni, etiam si Confessor fuerit, festum solemniter observet, quanto magis eorum, qui totius Ecclesia non tam Patroni, quam Patres extiterunt; quam etiam usque ad Martyrium verbis & exemplis instituere non destiterunt? Decretum scilicet illud carnit executione, eo quia potissimum nimia fuisset in Ecclesia universali Offi-

Officiorum multiplicatio in honorem Sanctorum; & ejus tantum habitus est ratio, cum actum fuit de concessione Officiorum in honorem summorum Pontificum, quæ facta est basilicæ Lateranensis, & subsequenter extensa ad alias basilicas Vaticanam, & Liberianam, quemadmodum superius visum fuit.

7 Quia vero, his minime obstantibus, extensa sunt, & quotidie extenduntur Officia ad Ecclesiam universalem in honorem Sanctorum sub præcepto, urgentibus videlicet specialibus circumstantiis (nec enim Romano Pontifici vel ex se statuenti, vel habito consilio Congregationis sacrorum rituum Officia in honorem Sanctorum pro Ecclesia universali sub præcepto concedenti, & quidem non temere agenti, sed singularibus rationibus instructo inobservantiam antiquioris disciplinæ quis objicere poterit, cum disciplinæ derogare possit, nec ulla sit humana lex, quæ aliquam derogationem in causis particularibus aliquando non patiat) operæ pretium esse censemus, hic indicare rationes, & ut ajunt, motiva, propter quæ aliquando facta est Officiorum concessio Ecclesiæ universali in honorem Sanctorum.

8 Si itaque in Sanctorum album relati fuerint Beati, qui Religionem aliquam a Sede Apostolica approbatam fundaverunt, congruum esse videtur, ut a Sede Apostolica extendantur eorum Officia ad universalem Ecclesiam. Pluribus hoc argumentum prosequitur Pignatellus *consult.* 149. *tom.* 8. & eodem pertinent adducta per Cornelium a Lapide in *Proverbia*, ubi exponens illa verba, *cap.* 8. *v.* 22. *Dominus possedit me in initio viarum suarum*, sic scribit *pag.* 182. *Sapientiam, Christum, & Deiparam imitantur, qui per Dei electionem & gratiam faciunt se auctores magnorum & heroicorum operum, ut qui instituunt novas Ecclesias, sanctos Ordines, Religiones, Congregationes &c. quales fuere Apostoli, Sanctus Antonius, Sanctus Basilus, Sanctus Augustinus, Sanctus Benedictus, Sanctus Romualdus, Sanctus Bernardus, Sanctus Dominicus, Sanctus Franciscus. Hi enim recte dicant: Dominus creavit, & constituit me principium, immo principem viarum, & operum suorum, ut scilicet me faceres fundatorem nova gentis, & Ecclesie, aut sancti Ordinis, quo, quasi via, omnes mei affectu recto itinere contenderent ad culmen perfectionis, ad vitam Apostolicam, ad excelsam in calis gloria lauream. Hi enim non tantum habent meritum & laudem propria vite, sed & omnium sui affectuarum etiam post mortem, quamdiu durabit Ordo sanctus ab ipsis fundatus. Verbi gratia, Sancto Dominico tribuitur laus sanctitatis & sapientie Sancti Thomæ Aquinatis, Sancti Vincentii Ferrerii, Sanctæ Catharinæ Senensis, ceterorumque omnium, qui ex ejus institutione & disciplina religiose & sancte vixerunt, vivunt, & vivent; quare ejus laus & laurea crescit & crescit usque in diem Judicii, atque in calis omnes Sancti Dominicani Sanctum Dominicum ut parentem, ut magistrum, ut ducem, ut causam suam sanctitatis & glorie colunt, diligunt, laudabunt, & celebrabunt per omnem aternitatem: quæ sane magna est laus & gloria. Hi enim sunt novi Ordinis, quasi nova Ec-*

580 DE SERVORUM DEI BEATIFICATIONE

*eclesia, & novi mundi sancti conditores. Hi sunt vera sapientia doctores, prae-
eues, & fundatores. Ideoque in decretis concessionis Officiorum pro Ec-
clesia universali in honorem S. Joannis Gualberti, S. Caesellini, S. Bru-
nonis, S. Ignatii Loyolæ, S. Joannis de Deo, S. Norberti, S. Petri No-
lasci, S. Philippi Neri, S. Terefiæ mentio fit foundationis Ordinum ab
eis peractæ, quemadmodum ex regestis sacræ Congregationis desumitur,
necnon ex litteris Apostolicis Clementis X. quibus indulget Officium &
Missam pro universa Ecclesia in honorem S. Cajetani Fundatoris Congre-
gationis Theatinorum, expeditis die 27. Martii 1673. Ad Pastoralis di-
gnitatis fastigium &c. erecti Sanctorum in calis cum Christo Jesu Domino nostro
regnantium, illorum præsertim, qui in diebus peregrinationis suæ salubrium sue-
runt Auctores Institutum, quibus Ecclesia Dei cum ingenti animarum fructu
multipliciter decoratur, cultum & venerationem in terris promovere studemus.
Hæc eadem prærogativa etiam ad Propagatores alicujus Ordinis Regularis
ex speciali gratia aliquando fuit extensa. Exemplum esse potest in S. Phi-
lippo Benicio: ex annalibus quippe Religionis Servorum desumitur, Se-
ptem illos viros, inter quos Philippus non recensetur, fuisse Ordinis Ser-
vorum Fundatores. Tantum ergo Propagatoris titulus illi competere vi-
detur; adeo ut cum in Martyrologio Romano jussu Gregorii XIII. edito
die 23. Augusti sic legeretur, *Apud Tudernum Beati Philippi Florentini Insti-
tutoris Ordinis Servorum Beata Maria*, in nova editione Martyrologii re-
cogniti auctoritate Clementis X. titulus Institutoris mutatus sit in titu-
lum Propagatoris, *Tuderti Sancti Philippi Florentini Ordinis Servorum Beata
Maria Propagatoris*; de quo nempe Propagatoris titulo mentio habita
est in decreto sacræ Congregationis, quo extenditur Officium ad Eccle-
siam universam, edito die 2. Octobris 1694. *Sacra Congregatio censuit, ut
Officium Sancti Philippi Benicii Professoris, seu potius dicti Ordinis Propagato-
ris hætenus die 23. Augusti sub ritu semiduplici ad libitum, & deinde de præce-
pto in Ecclesia universali recitatum, in posterum singulis annis ab omnibus tam
Sæcularibus quam Regularibus utriusque sexus, qui ad Horas Canonicas tenen-
tur, sub ritu duplici minori de præcepto recitentur.**

9 Dicitum est superius, congruum esse, ut Beati, qui Religionem
aliquam a Sede Apostolica approbatam fundaverunt, postquam eorum
nomen relatum est in canonem Sanctorum, Officio & Missa in universa
Ecclesia colantur, sicuti a præceptivo cultu in universa Ecclesia etiam cum
Officio & Missa excluduntur Beati Beatificatione formali, vel æquipollen-
ti, licet fuerint Fundatores Religionis a Sede Apostolica approbatæ. In
horum etenim honorem fit concessio non pro universa Ecclesia, sed pro
Ordine, quem fundarunt, pro loco, in quo nati vel mortui sunt, necnon
pro loco, in quo eorum corpora requiescunt. Quod comprobatur exem-
plis B. Bernardi Ptolemæi, B. Petri de Pisis, & BB. Septem Fundatorum
Ordinis Servorum supra allatis: post approbatum quippe casum excep-
tum a decretis Urbani VIII. & ideo post æquipollentem Beatificationem

con-

ET BEATOR. CANONIZ. LIB. IV. PAR. II. CAP. VI. § 51

concessum quidem est in eorum honorem Officium & Missa Ordini, quem fundarunt, & aliis locis, minime vero universæ Ecclesiæ.

10 A Fidei Promotoribus in re præsentī nonnullæ aliquando excitatæ sunt controversiæ. Prosper Bottinius Archiepiscopus Myrensis & Fidei Promotor Postulatoribus petentibus *elevationem* ritus a semiduplici ad duplicem de præcepto in honorem S. Cajetani pro universa Ecclesiâ opposuit, cum dici non posse principalem Fundatorem, seu Institutorem, cum Theatinorum nomen derivatum fuerit a summo Pontifice Paulo IV. qui tunc Theatinus erat Episcopus, cuique nonnulli primi Sodales adhaeserunt, inter quos S. Cajetanus, qui postea solemniter paupertatis, observantiæ, & castitatis vota insimul emisit ad aram Principis Apostolorum in Vaticana basilica. Addi forte potuisset, Romæ in Domo Clericorum Regularium in Quirinali in Claustro supra portam, per quam itur in Secretarium, extare hujusmodi Inscriptionem:

PAVLO IIII. P. O. M.
CONGREGATIONIS
CLERICORVM REGVLARIVM
INSTITVTORI.

Sed revera in Brevi Beatificationis S. Cajetani Bullar. tom. 9. Constit. 103. Urbani VIII., in Brevi concessionis Officii pro Ecclesiâ universali edito a Clemente X., die 27. Martii 1673., in lectionibus ejusdem Officii, atque in Martyrologio Romano S. Cajetano attributus est titulus Fundatoris; Hilarius autem, Castaldus, Auxentius, Silos gesta S. Cajetani referentes narrant eum diu mente revolvisse Ordinis institutionem; reque communicata cum Bonifacio a Colle, Paulum IV. tunc Joannem Petrum Carafam Episcopum Theatinum ipsi supplicasse, ut adscriberetur inter ceteros pii operis auxiliares, sed ejus preces statim non fuisse exauditas, agente S. Cajetano non licere Episcopo suam Ecclesiâ deferere, ut Religionem profiteretur: quod & late prosequutus est Pater Antonius Caracciolus Clericus Regularis in vita ms. Pauli IV. lib. 2. cap. 1. *Essendo venuto all'orecchie del Vescovo Teatino, che il Beato Gaetano aveva già cominciato a scoprire il suo disegno di fondare un Ordine di Cherci, e conservalo col Padre D. Bonifacio da Colle, egli se n'andò subito a trovarlo, e gli disse, che un pezzo fa aveva anco esso avuto lo stesso pensiero di fondare una Religione di Preti, ma, giacchè Gaetano era stato il primo a parlarne, instantemente lo pregava, che volesse dargli parte dell'edificio di così degna opera; ma Gaetano, ringraziatolo prima dell'animo suo, cominciò a porgli difficoltà ec. Ora il Vescovo Teatino non si sbigottì punto per queste difficoltà, anzi venne a prorompere in tal' impeto di spirito, che indugiando pure il Santo Padre Gaetano a risolversi d'unirsi seco per compagno, se gli buttò a' piedi, ed umilmente inginocchiato gli protestò, che nel giorno del Giudizio avrebbe da render conto dell'anima sua, se non si risolveva quanto prima di liberarlo dal*

MON-

mondo, e condurlo seco al porto della Religiosa vita. Allora Gaetano stupefatto del fervore, facundia, e costanza d'un tant'uomo, s'inginocchiò anch'egli, ed abbracciato caramente gli disse: Abbi per fermo, Monsignore, che io non ti lascerò mai. Così da indi in poi cominciarono a discorrere insieme del modello e forma della Chericale Religione, che avevano a fondare. Così narra il Padre D. Gio. Antonio Prati nella sua relazione ec. Itaque oppositio Fidei Promotoris caruit robore & efficacia. Nulla etiam habita fuit ratio nominis desumpti ab Episcopatu Theatino, qui tunc administrabatur a prædicto Joanne Petro Carafa; cum passim videamus, Religiones nomen desumere non a Fundatore, sed a loco, in quo primum fuerunt institutæ & floruerunt: Monachi quippe Olivetani a Monte Oliveto, Carthusiani a Carthusia, Patres Somaschi a Somasca, Barnabite ab ecclesia S. Barnabæ nomen habuerunt. Vel, si quis nolit, Theatinorum nomen originem habuisse a civitate Theatina, in qua nova Religio mirabiliter floruit; cum eadem decus & ornamentum receperit a dignitate Cardinalitia, ad quam paulo post fundationem Joannes Petrus Carafa evectus est, retento semper nomine Theatini ex Episcopatu per eum administrato, hinc Theatinorum nomen in Religionem, cui nomen dederat, derivatum esse dici poterit, salva & integra prærogativa S. Cajetani quoad meritum fundationis; ut advertit Cardinalis de Luca in libro inscripto, *Il Religioso pratico*, cap. 16. pag. 440. Quocirca Fundatoris nomen eidem datum est non tantum in concessione Officii facta universæ Ecclesiæ, sed etiam in elevatione ritus; veluti colligitur ex decreto edito die 8. Martii 1673. & ex alio decreto edito die 24. Januarii 1682. & quidem ex rationibus modo indicatis, non autem ex ea, quam nonnulli probabilem reputarunt, quod videlicet Cajetanus unus ex quatuor Conditoribus, qui, duce Paulo IV. tunc Episcopo Theatino, Coetum Clericorum Regularium primi instituerunt, primus ex iisdem Clericis Regularibus fuerit in Sanctorum canonem relatus; hinc inferendo, eum esse Clericorum præcipuum apud Deum Patronum, sicque tamquam primum parentem haberi posse; veluti adnotavit Archiepiscopus Ancyranus Julius Fontaninus in novo codice Canonizationum, in notis ad bullam 94. pag. 458.

11 Alia quæstio a me, cum Fidei Promotor essem, mota fuit adversus Possulatores exorantes pro extensione Officii ad universam Ecclesiam in honorem S. Silvestri Abbatis Fundatoris Congregationis Monachorum Silvestrinorum. Plura de ejus virtutibus & miraculis relata sunt in bulla 106. Pauli Papæ V. Bullar. Rom. tom. 4. §. 1. in qua præterea narratur, ejus nomen fuisse descriptum in Martyrologio Romano jussu Clementis VIII. In animadversionibus autem meis inter cetera proposui, Religionem ab eo fundatam non egredi terminos Italiæ, teste Barboza in collect. decis. Apostol. decis. 498. Ordinemque vigere tantum in Marchia Anconitana, Umbria, Tuscia, & habere dumtaxat monasteria viginti quinque, in quibus habitant Monachi circiter trecenti, teste Azorio in suis moral.

moral. part. 1. lib. 12. cap. 21. ita ut absolum quodammodo videri posset, obtentu fundationis Religionis, ad Ecclesiam universam extendere Officium & Missam in honorem Sancti, qui, licet Fundator esset, Religionem tamen fundaverat, quæ in paucis Italix provinciis fuerat recepta. Huic vero oppositioni sacrorum rituum Congregatio tantum detulit, ut extensio petita minime potuerit obtineri: tantummodo post aliquot annorum lapsum, me ad Anconitanam Ecclesiam assumpto, una cum Archiepiscopis Firmano, & Urbinatæ, aliisque Episcopis provincie Picenæ, supplicante pro extensione Officii S. Silvestri Abbatis ad universam provinciam Picenam, minor hæc extensio concessa est die 30. Julii 1729. licuti desumitur ex decreto eadem die edito. Porro difficultates istæ, & signanter illa, de qua supra habitus est sermo, an videlicet S. Cajetanus fuerit Fundator Religionis Theatinorum, aliqua probabili non detrahebantur conjectura. At omni prorsus caruisse dicenda est assertio Joannis Boleſii Auctoris cœtanei, qui scribens epistolam Gregorio XIII. Summo Pontifici, quam præmisit libro de *victoria Corporis Christi* 1565. *obtena in Beelzebub*, ait, Religionem Societatis Jesu institutam fuisse a quatuordecim primariæ pietatis & doctrinæ viris, qui a Collegio Montis Acuti Parisiensis, statutorum ejus austeritatem pertæsi, egressi sunt, initiumque Societati dederunt: quique idcirco contra sensum Ecclesiæ, & aper-tissimam veritatem negat, S. Ignatium fuisse Societatis Jesu Fundatorem. De eo proinde ita scribunt Bollandiani *rom. 7. Julii ad diem 31. num. 146. pag. 437.* *An infictus ille fabulator dormiens somniat, quæ vigilans scribit? Ita ne negatur in re adeo seria, qualis est Societatis Institutum, cujus solus & unicus Auctor est Ignatius? Eo ne insolentia eum fuisse abreptum, ut in publico totius orbis conspectu, & paucis quidem post obitum S. Ignatii annis... audeat fucum facere, & summo Christi in terris Vicario obstrudere male comptum falsitatem fasciculum?*

12. Eximia quoque alia merita erga Sedem Apostolicam, & sanctam universalem Ecclesiam fundamentum pro extensione Officii ad universam Ecclesiam aliquando subministrarunt. In decreto, edito die 13. Junii 1668. in quo elevatum est Officium S. Henrici Imperatoris a ritu simplici ad semiduplicem pro universa Ecclesia, commemoratio fit meritum prædicti Sancti erga universalem Ecclesiam: *De universali Ecclesia adeo benemeriti.* Idem Indultum concessum fuit in honorem S. Catharinæ de Senis in decreto, edito die 9. Octobris 1670. ubi sic legitur: *Attentis singularibus meritis, quibus Sancta Catharina de Senis Tertii Ordinis Sancti Dominici Virgo sanctam Sedem Apostolicam obstrinxit:* pro pace quippe Florentinorum, qui ab Ecclesia dissidebant interdicto supposito Ecclesiastico, Appenninum & Alpes transire, atque Avenionem usque ad Gregorium XI. proficisci non dubitavit, cui votum suum de petenda urbe Romana in occ. lto factum, & sibi soli ac Deo notum sese divinitus cognovisse monstravit. Ita & in decreto concessionis Officii *de præcepto* pro universa Ecclesia in honorem S. Ray-

S. Raymundi de Pennafort, edito die 23. Martii 1671. indicantur merita Sancti erga Sedem Apostolicam, & universam Ecclesiam: *Cam reduxisset in memoriam praeclara merita Sancti Raymundi de Pennafort Confessoris non Pontificis Ordinis Praedicatorum, quibus hic olim sanctam Sedem Apostolicam, & universalem Ecclesiam affectis. Constitutiones etenim, & decretales epistolas Romanorum Pontificum in diversa dispersas volumina auctoritate Gregorii IX. in unum volumen redegit, additis ejusdem Gregorii Constitutionibus: ex cujus Pontificis mandato subinde factum est, ut ea sola Raymundi collectio usu reciperetur tum in scholis, tum in foro. Item, si aliquod publicum beneficium a Deo obtineatur intercessione alicujus Sancti, circumstantia haec in causa esse potest, ut in ejus honorem indulgeatur Officium & Missa pro universa Ecclesia, seu potius ad universam Ecclesiam extendatur. In universa Ecclesia recitabatur Officium in honorem S. Stephani Regis Hungariae sub ritu simplici. Supplicavit postea Leopoldus Imperator Innocentio XI. pro elevatione ad ritum semiduplicem de precepto; &, praevio consilio Congregationis sacrorum rituum, Sanctitas sua annuit petitis. Quapropter in tertia lectione secundi Nocturni haec habentur: *Ejus autem Festum Innocentius XI. Pontifex maximus quarto nonas Septembris ob insignem victoriam ab exercitu Leopoldi I. Romanorum electi Imperatoris, & Hungariae Regis eadem die in Buda expugnatione, ope Divina e Turcis reportatam, celebrandum instituit. Idem summus Pontifex Officium Nominis Mariae, quod in quibusdam orbis Christiani partibus recitabatur, pro Ecclesia universali concessit in perenne monumentum liberationis civitatis Viennensis ab aggressionibus Turcarum: Quod quidem venerabile Nomen (verba sunt sextae lectionis Officii proprii Nominis Mariae) jam pridem in quibusdam orbis Christiani partibus speciali ritu cultum, Innocentius XI. Romanus Pontifex ob insignem victoriam sub ejusdem Virginis praesidio de inhumanissimo Turcarum Tyranno cervicibus populi Christiani insultante Vienna in Austria partam, & in perenne tanti beneficii monumentum in Ecclesia universali singulis annis Dominica infra Octavam Nativitatis Beatae Mariae Virginis celebrari precepit. Similia contigerunt ante praedictas Innocentii concessionem, & similia pariter post eas contigerunt. Callistus etenim III. summus Pontifex festum inlauravit Transfigurationis Domini nostri Jesu Christi cum Officio & Missa per universum orbem in gratiarum actionem pro celebri victoria adversus Turcas reportata, teste Raynaldo in annal. ad ann. 1457. num. 73. & seqq., ubi Pontificis bulla refertur, in qua post relatam eandem victoriam, ita subditur num. 79.: *Igitur cuncti per orbem terrarum constituti Fideles animas & corpora pro Fidei Christianae munimine preparare, & debitas gratias Salvatori nostro pro tantis beneficiis ab eo susceptis exhibere, diemque victoriam e calo nobis concessa, diem laetitia, & liberationis a Filio superbia, venenoso Serpente, Turca fuditissimo, annis singulis celebrare studeant pie, solemniter, & devote.* Juxta bullam Gregorii XIII. & aliam**

alliam Clementis X. Officium sanctissimi Rosarii recitabatur in plerisque partibus orbis Catholici. Ab Imperatore Leopoldo supplicatum fuit Innocentio XII. pro extensione ad Ecclesiam universalem. Proposita est instantia & examinata in sacrorum rituum Congregatione: at, quamvis ipsa annuerit petitis, mortuo tamen interim Innocentio XII. supplices preces iterum exhibite sunt pro approbatione Clementi XI. Noluist is approbare nisi postquam die 5. Augusti 1716. insignis victoria ab exercitu Augustissimi Caroli VI. de innumeris Turcarum copiis in Hungaria relata est, & nisi postquam civitas & arx Corcyrensis ab immanissima eorundem Turcarum obsidione feliciter liberata fuit; ut videlicet Deiparæ, cujus intercessione prædicta a Domino collata pie credebantur beneficia, quolibet anno gratie redderentur; quemadmodum ex decreto edito die 3. Octobris 1716. & in Bullario Clementis XI. evulgato plene desumitur.

13 Demum, si in bulla Canonizationis facta fuerit concessio Officii & Missæ pro universa Ecclesia, quæ executione caruerit ex rationibus alibi adductis, accedentibus summorum Principum & Episcoporum precibus, aliquando factus est locus novæ concessioni Officii & Missæ, etiam cum lectionibus propriis, pro universa Ecclesia. Nimirum ita res se habuit in concessione Officii sub ritu semiduplici de præcepto cum lectionibus propriis pro universa Ecclesia in honorem S. Didaci. In decreto quippe, edito die 19. Julii 1681. sic legitur: *Vigore Constitutionum Sixti V. in ejus bulla Canonizationis, quæ est octuagesima secunda, & Clementis VIII. die 25. Martii 1598. Concordat aliud antecedens decretum recitationis Officii sub ritu duplici de præcepto pro Ecclesia universali in honorem S. Nicolai de Tolentino, quod editum est die 20. Septembris 1670. & in quo sic habetur: In vim Indultis sanctæ memoriæ Sixti V. & ad gratiam & facultatem in eo concessam sic recitandi Officium, & celebrandi festum, reintegrari debere.* Rursus aliquando, facta concessione Officii pro aliquibus determinatis locis, tot deinde paulatim fiunt extensiones, ut aliquando tandem, accedentibus precibus summorum Principum & Episcoporum, expedire visum sit, concessum Officium extendere ad universam Ecclesiam. Exorante Imperatore pro extensione Officii & Missæ ad universam Ecclesiam in honorem SS. Joannis de Matha, & Felicis de Valois, sacrorum rituum Congregatio diebus 27. Martii, & 15. Maji 1694. annuente summo Pontifice, Indultum ad universum orbem ampliavit: *Posse concedi censuit, ut Officium Sanctorum Joannis de Matha, & Felicis de Valois dicti Ordinis Fundatorum hætenus in toto fere orbe Catholico sub ritu duplici minori ad libitum ex pluribus concessionibus Apostolicis recitatum, in posterum singulis annis sub eodem ritu duplici minori in diebus eorum festorum ab omnibus tam Secularibus quam Regularibus utriusque sexus, qui ad Horas Canonicas tenentur, in Ecclesia universali de præcepto recitetur.* Nec dissimile est decretum concessionis Officii S. Rosæ Limanæ pro Ecclesia universali. En verba Decreti Benedicti XIII. editi die 28. Julii 1727. *Indulset atque concessit, ut Officium San-*

Tom. IV.

E e e e

ææ

ſa Roſa Virginis Limanæ Ordinis Prædicatorum jam pluries pro Regnis Hiſpaniarum, aliſque dominiis, civitatibus, & diœceſibus approbatum & extenſum in poſterum die 30. Auguſti &c. ab omnibus Chriſtifiſdelibus utriuſque ſexus, qui ad Horas Canonicas tenentur, recitari poſſit & debeat. Concordat aliud ejuſdem Pontificis decretum die 22. Auguſti ejuſdem anni pro extenſione Officii Beatæ Mariæ Virginis Septem Dolorum ad univerſam Eccleſiam. In eo enim leguntur hæc verba: *Officium Beata Maria Virginis Septem Dolorum pluribus dominiis, civitatibus, ac diœceſibus jam conſeſſum &c.* In decreto conſeſſionis Officii pro Eccleſia univerſali in honorem S. Franciſci Xaverii edito die 4. Junii 1670. mentio fit peculiaris devotionis ſummi Pontificis erga ipſum: *Ob peculiarem ſui devotionem erga Apoſtolicum Sanctum Franciſcum Xaverium Societatis Jeſu, & ad augendum toto orbe terrarum illius cultum.* Item in omnibus litteris Apoſtolicis ſummorum Pontificum, ac Decretis ſacræ Congregationis ad rem hanc ſpectantibus referuntur preces exhibitæ ſummo Pontifici a Principibus Catholicis, & etiam ab aliis ſpectabilibus Coetibus: in decreto ſiquidem conſeſſionis Officii pro Eccleſia univerſali in honorem S. Caroli Borromæi ſupplicationes dicuntur exhibitæ a ſacro Cardinalium Collegio; in decreto conſeſſionis Officii pro Eccleſia univerſali in honorem S. Claræ dicuntur preces exhibitæ a Capitulo Generali Fratrum Minorum Obſervantium; Catholicosque Anglicanos exoraſſe pro extenſione Officii ad Eccleſiam univerſalem in honorem S. Eduardi Regis Angliæ, exponitur in decreto conſeſſionis.

14. Hæc autem indicaffe ſatis ſit: cum etenim extenſio ad univerſalem Eccleſiam pendeat a conſilio ſacræ Congregationis, atque a ſummi Pontificis approbatione, ubi adſint legitimæ circumſtantiæ, fieri nequit ut omnes circumſtantiæ exponantur. Non videtur tamen omittendum eſſe, quod, ut gradatim procederetur, conſeſſio pro univerſa Eccleſia deberet primum fieri ſub ritu ſemiduplici, & *ad libitum*; tum poſt aliquod tempus extendi deberet ad univerſam Eccleſiam ſub ritu ſemiduplici *de præcepto*, antequam præciperetur recitatio in univerſa Eccleſia ſub ritu duplici. Ex *Bullario Ordinis B. Mariæ de Mercede* deprehenditur, ſic rem ſe habuiſſe in conſeſſione Officii pro univerſa Eccleſia in honorem SS. Petri Nolaſci & Raymundi Nonnati. Idem colligitur ex *Bullario Clementis XI.* in conſeſſione Officii pro univerſa Eccleſia in honorem SS. Antonini, Joannis de Deo, Petri de Alcantara, & S. Hedwigis: & quidem mos eſt ſacræ Congregationis, ut non extendatur Officium ad Eccleſiam univerſalem ſub ritu duplici, niſi ejuſdem Officii conſeſſio præceſſerit quoad Eccleſiam ipſam univerſalem ſub ritu ſemiduplici; quemadmodum habetur ex decretis conſeſſionis Officii ad Eccleſiam univerſalem, in honorem S. Caroli Borromæi juxta decretum editum die 27. Septembris 1659., in honorem S. Ignatii juxta decretum editum die 27. Septembris 1667., in honorem S. Tereliæ juxta decretum editum die 21. Julii 1668., in honorem S. Philippi Nerii juxta decretum editum die

ET BEATOR. CANONIZ. LIB. IV. PAR. II. CAP. VI. 587

die 8. Junii 1669. , in honorem S. Catharinæ Senensis juxta decretum editum die 9. Octobris 1670. , in honorem S. Cajetani juxta decretum editum die 8. Martii 1673. , in honorem S. Brunonis juxta decretum editum die 3. Martii 1674. , in honorem S. Philippi Benitii juxta decretum editum die 2. Octobris 1694. Per extensionem quippe festorum ad Ecclesiam universalem sub ritu duplici infertur præjudicium Officio Dominico , ut observat Guyet de fest. propr. Sanctor. lib. 1. cap. 1. quæst. 19. *Dominicarum indemnitati male consultum erit, si tot festa propria admittantur: nam in citato Proprio, ver. gr. ex 29. vel 30. qua per annum nuncupantur, non plus, quam 17. vel 18. locus superest, plerumque vero non nisi 12. vel 13. cetera omnes festorum duplicium occursu interimuntur. Hoc autem sacra rituum Congregatio tantopere abhorret, ut statuerit, nulla deinceps concedere festa duplicia. Demum operæ pretium est hic quoque adnotare, non esse locum concessioni Officii & Missæ in honorem Sanctorum pro Ecclesia universali, nisi eorum nomina descripta sint in Martyrologio Romano, ut scilicet Officium cum Martyrologio concordet, juxta ea quæ infra exponuntur.*

C A P U T V I I.

De nonnullis aliis Officiorum concessionibus pro quibusdam particularibus locis.

HActenus egimus de Officiorum concessione, & de causis, propter quas concessio eadem regulariter fit tum in honorem Beatorum Beatificatione formali, tum in honorem Sanctorum canonizatorum. Nunc autem operæ pretium est alios quosdam peculiare exponere titulos, propter quos aliquando fit concessio Officiorum in honorem Sanctorum pro quibusdam determinatis ecclesiis & locis, qui tituli, ut plurimum defumuntur ab Inventione corporum aut Reliquiarum eorundem Sanctorum, aut ab eorundem Translatione; uti observat Guyet cit. oper. lib. 1. cap. 8. in principio quæst. 3. & lib. 1. cap. 14. quæst. 3. necnon ab insignibus beneficiis a Deo eorum intercessione concessis, vel a prodigiis cælestium apparitionum, ut idem prosequitur lib. 2. cap. 4. quæst. 1. quibus addi possunt egregia quædam eorundem Sanctorum facinora, & specialia quædam charismata, quibus ipsorum sanctitatem Deus illustrare dignatus est.

2 Juxta ea quæ modo ex Guyet dicta sunt, sacrarum Reliquiarum Inventio titulum suppeditat pro concessione Officii eo in loco, in quo accidit Inventio. Plura afferri possent exempla; sed satis erit illud, quod desumitur ex Officio a sacra Congregatione concessio pro civitate Mantuæ, & regionibus Duci Mantuæ subjectis, in honorem Sanguinis Jesu Christi, qui in dicta civitate inventus est, de quo infra. Decretum concessionis Officii editum est die 20. Julii 1686. & recitatur die 12. Martii; & ampliationes sive extensiones ad nonnullas Hispaniarum dioceses factæ sunt ab eadem sacra Congregatione die 15. Martii 1721. & die 10. Aprilis 1734.

E e e e 2

3 Inven-

3 Inventioni succedit Translatio. Satis quoque esse deberet pro ad-
ferenda concessione Officii aliquibus determinatis locis exemplum Officii
pro Translatione sacrae Domus Lauretanæ in agrum Lanretanum Picenæ
provinciæ. De concessione Officii pro tota Piceni provincia extat decre-
tum editum die 29. Novembris 1632. In sextam lectionem inserta fuerunt
nonnulla verba ad prædictam Translationem pertinentia, quæ antea de-
erant: idque factum est re plene discussa in sacrorum rituum Congrega-
tione die 16. Septembris 1699. Prodierunt subinde decreta, quibus exten-
ditur Officium hoc ad universam ditionem Reipublicæ Venetæ, ad univer-
sam Etruriam, ad Regna subiecta Regi Catholico, & ad universam ditionem
temporalem summo Pontifici subiectam. Decreta referuntur *tom. 2.
theatri historici sanctæ Domus Nazarenæ*, Romæ editi anno 1733. ab Episcopo
Martorello pag. 119. & seqq. Sed quia exemplum hoc fortasse prodesse non
potest ad concessionem Officii in aliquibus determinatis locis in honorem
Translationis corporum & Reliquiarum Sanctorum, operæ pretium est
nonnulla superaddere. Inter Officia propria Sanctorum Toletanæ ecclesiæ
& diocesis approbata a sacrorum rituum Congregatione, die 12. Februarii
celebratur Officium primæ translationis S. Eugenii Archiepiscopi To-
letani, die 26. Aprilis translatio Reliquiarum S. Leocadiæ Virginis & Mar-
tyris, die 26. Augusti in ecclesia *Matrice* & civitate translatio Reliquiæ
S. Ildefonsi Archiepiscopi Toletani, die 18. Novembris secunda translatio
S. Eugenii Archiepiscopi Toletani: inter Officia propria Canoniceorum
Lateranensium approbata pariter a sacra Congregatione, die 28. Februarii
celebratur festum translationis S. Augustini, & die 11. Octobris celebratur
alia translatio ejusdem Sancti: die 24. Maji a Patribus Ordinis S. Domini-
ci celebratur festum translationis Corporis ejusdem Sancti; in Breviario
Ordinis Eremitarum S. Augustini die 9. Aprilis celebratur translatio Cor-
poris S. Monicæ; & die 13. Julii celebratur translatio Corporis S. Terefiæ
a Patribus Carmelitæ Excalceatis, annuente summo Pontifice Clemen-
te XII. prævio consilio Congregationis sacrorum rituum die 13. Septem-
bris 1732. Ex ejusdem sacrae Congregationis regestis multa alia facile pos-
sent colligi exempla: satis tamen erit hæc indicasse, Officium videlicet
translationis S. Crescentini pro civitate & diocesi Urbinate; pro basilica
Lateranensi Officium translationis Capitulorum SS. Apostolorum Petri & Pau-
li, de qua Josephus Maria Sorsinus in suo tractatu *de capitibus SS. Aposto-
lorum Petri & Pauli in sacrosancta Lateranensi ecclesia assertis*; pro basilica
Vaticana Officium translationis Capituli S. Andreæ, de qua in *commentariis* Pii
Papæ II.; pro basilica Liberiana Officium translationis sanctissimæ Imagi-
nis Virginis Mariæ a S. Luca depictæ; & pro basilica S. Mariæ trans Tibe-
rim Officium translationis Imaginis miraculorum fama celebris ejusdem
Beatissimæ Virginis.

4 Dum munereungebar Fidei Promotoris, actum fuit de concessio-
ne Officii petiti pro translatione Corporis S. Paschalis de Baylon solemniter

ter

ter die 1. Octobris 1681. facta in ecclesia Minorum Discalceatorum S. Francisci Villæ Regalis diocesis Dettulianæ. In meis animadversionibus admisi praxim concessionis Officiorum pro factis Translationibus; dixi, de translatione sacrarum Reliquiarum fieri mentionem in Martyrologio Romano; & addidi, a summis Pontificibus concessas aliquando fuisse Indulgentias recolentibus memoriam translationis sacrarum Reliquiarum, & signanter a Julio II. pro translatione Beatæ Catharinæ Suecæ, a Sixto IV. pro translatione Beatæ Rosæ Viterbiensis, & a Gregorio XIII. pro translatione tunc Beati, nunc Sancti Philippi Benicii: at opposui tamen, hæc, & similia admittenda esse in translatione de loco ad locum, hoc est de una civitate ad aliam, vel ab una ad aliam ecclesiam in eadem civitate vel diocesi, secus ab uno altari ad aliud altare in eadem ecclesia; & eo magis, cum tempore Urbani VIII. facta fuerit translatio Corporis in basilica Vaticana S. Joannis Chrysostomi ab alia Capella ad Capellam Chori, nec tamen hujus translationis celebratur Officium a Clero Vaticano. Allata autem fuerunt a Postulatoribus exempla recitationis Officii pro translatione sacrorum Corporum vel Reliquiarum ab uno altari ad aliud altare etiam in eadem ecclesia; & sacra Congregatio die 2. Aprilis 1718. annuit petitis. Corpus S. Leonis Magni usque ad septimum Christi sæculum jacuit conditum in sinistro latere atrii antiquæ basilicæ Vaticanæ, & a Sergio I. inventum est in ecclesiam. Tempore Clementis XI. ut infra referemus, facta est sollemnis ejus translatio ab una ad aliam Capellam in eadem Vaticana basilica; & hujus quidem translationis celebratur Officium cum lectionibus propriis in eadem basilica Vaticana, uti colligitur ex hoc sacræ Congregationis decreto: *Sacra rituum Congregatio ad pias enixasque preces Eminentiſſ. & Reverendiſſ. Domini Hannibalis Albani S. R. E. Cardinalis S. Clementis, & sacrosanctæ Vaticanæ basilicæ Archipresbyteri, suprascriptas lectiones secundum Nocturni proprias translationis Corporis S. Leonis Magni Papa a sanctæ memoriæ Clementis XI. sollemnī pompa peractæ, per ipsiū Eminentiſſ. & Reverendiſſ. Dominum Cardinalem diligenter examinatas atque relatas approbavit, & ab universo Clero præfate sacrosanctæ Basilicæ pro die octavæ festi ejusdem S. Leonis Magni in posterum recitari, & in posterum Breviario dictæ basilicæ inseri posse, benigne concessit: Die 12. Julii 1727. Conſimile etiam est illud, quod a Benedicto XIII. peractum vidimus die 27. Januarii 1726. cum ad S. Martyrum Joannis & Pauli basilicam semel atque iterum se contulit, sacra eorum ossa recognovit, & plumbæ arcæ suis ipse manibus includit, humerosque ei supponens, basilicæ præcedente Clero, quampluribus S. R. E. Cardinalibus, Archiepiscopis, Episcopis, aliisque Præsulibus sacros hymnos concinentibus, accensasque faces præferentibus, per templi porticum atriumque religiosissime gessavit; tum Presbyteris & Clericis Congregationis Missionis, quibus ab Innocentio XII. per litteras Apostolicas datas die 8. Septembris 1697. habitatio in proximo Conventu, & cura basilicæ commissa est, benigne concessit, ut quotannis recurrentem Elevationis diem*

Officio

590 DE SERVORUM DEI BEATIFICATIONE

Officio ritus duplicis celebrarent; uti est in *historia SS. Joannis, & Pauli Roma edita anno 1728. num. 48. & 49.* a Patre Andrea Budriolo Societatis Jesu Presbytero a Nobis alias cum laude commemorato.

5 Argumenta deducta ex sacrarum Reliquiarum translatione excipiunt ea, quæ habentur vel ex insignibus beneficiis a Deo Sanctorum intercessione concessis, vel ex cælestium apparitionum prodigiis. Celebre est, quod ex monumentis authenticis habetur, factam videlicet fuisse ab Abbate Benedictino Montis Subasii S. Francisco concessionem cujusdam parvæ ecclesiæ sub titulo Beatæ Virginis Angelorum, quæ ecclesia *Portiuncula* nomen assumpsit ex quadam villa ipsi contigua; eundemque S. Franciscum in prædicta ecclesia preces ad Deum fuisse, ut plenaria daretur *Indulgentia* peccatorum illis, qui rite & recte peccata confessi eam visitassent; Deumque ejus exaudivisse orationem, ita tamen, ut insistere deberet penes Honorium III. tunc Romanum Pontificem pro *Indulgentia* impetranda; ipsumque Pontificem Romanum, cum intellexisset Divinam hac de re voluntatem, *Indulgentiam plenariam* liberam & perpetuam indulsisse anno 1223. sed uno duntaxat die naturali in singulos annos, hoc est a vespere calendarum Augusti usque ad vespem sequentis diei, qui est anniversarius dies Consecrationis memoratæ ecclesiæ. Narratio hæc testibus innititur, qui eam audiverunt vel ab ipso S. Francisco, vel ab ejus Sociis, uti videri potest in *miscellaneis Stephani Baluzii lib. 4. pag. 491.* & in instrumento publico anno 1335. confecto jussu Conradi Episcopi Assisientis, quod in ejus civitatis publico archivo conservatur. Concordant passim Historici, Bartholomæus videlicet Pisanus in suo libro *conformitatum conformis. 14. fruct. 2.* S. Bernardinus Senensis *serm. 9. de cultu Sanctissimæ Trinitatis in Dominica Quadragesimæ art. 3. part. 2.* S. Antoninus *part. 3. tit. 4. art. 4.* Gonzaga *de origine Franciscana Religionis pag. 156.* Sedulius in *comment. ad vitam S. Francisci cap. 2. pag. 87.* Marcus Ulysipponen. in *chronicis Ordinis Minorum part. 1. lib. 2. cap. 1. & seqq.* & præsertim *cap. 3.* Cardinalis Bellarminus *controvers. tom. 2. lib. 2. de Indulgentiis cap. 20. sub §. Rursus, Spondanus in continuat. annal. Card. Baronii ad annum 1223. num. 11.* Wadingus in *annal. ad ann. 1221. a num. 22. ad num. 24. & ad ann. 1223. num. 1. & 2.* Porro in hujus insignis beneficii commemorationem facta est Officii concessio Ordini Franciscano cum lectionibus propriis, in quibus supra recensita exponuntur.

6 Officium proprium, una cum Octava, die 17. Julii recitatur in Urbe a Clericis Regularibus Congregationis Matris Dei ex Indulto sacræ Congregationis die 13. Junii 1679. in commemorationem apparitionis sacræ Imaginis Sanctæ Mariæ in porticu. Fertur enim, Imaginem Beatissimæ Virginis, quæ modo colitur in Urbe, & signanter in ecclesia S. Mariæ in *Campitello*, mirabiliter apparuisse in ædibus S. Gallæ patritiæ Romanæ prope Marcelli theatrum intra porticum Octaviæ, Joanne I. summo Pontifice, dum eadem Galla duodecim pauperibus ex quotidiana consuetudine

dine in honorem Dei & Beatæ Virginis Mariæ epulum præberet. Ita legitur in lectionibus propriis secundi Nocturni Officii modo indicati; & pro rei hujus veritate non tantum militabat traditio immemorabilis, sed res tota continebatur duobus versibus sculptis tempore S. Gregorii VII. in Ciborio pervetusto ecclesiæ S. Mariæ in porticu, & duobus antiquis manuscriptis exaratis tempore S. Joannis I. summi Pontificis, quorum alterum asservabatur apud Clericos Regulares Congregationis Matris Dei, alterum in bibliotheca Angelica S. Augustini de Urbe, insuper addito alio manuscripto bibliothecæ Vaticanæ sub Martino V.

7 Anno 1490. dum civitas Pistorienfis civilibus bellis vexaretur, fertur, ab Imagine Beatissimæ Virginis plurium dierum spatio manasse non exiguam sudoris partem. Petrus Franciscus a Gogliano tunc temporis Episcopus Pistorienfis, & ejus Vicarius Generalis conjunctim agentes, servatis servandis, examinarunt plures testes nobiles magna fide dignos, qui retulerunt, se suismet oculis vidisse, ab utraque parte vultus & frontis sanctissimæ Imaginis exire sudorem seu liquorem ad similitudinem aquæ vivæ limpidi fontis; atque ideo Episcopus & Vicarius decreverunt, satis constare de prodigio. Præter hunc processum in archivo Episcopali servatum, & inconcussam totius civitatis traditionem dictis Canonico-rum Cathedralis ecclesiæ comprobata, extabant publicæ deliberationes Consilii civitatis habitæ anno 1590. & aliis sequentibus de donis offerendis Imagini in commemorationem prodigii sudoris; templum quoque huic Beatissimæ Virginis Imagini apparatus, antea dicebatur *Diva Maria extra Portam*, cui postea propter prodigium sudoris nomen impositum est *Virginis Humilitatis*; ipsoque in excelsiorem formam publica impensa constructo, multisque donariis, ornamentis, & redditibus locupletato, Senatus populusque Pistorienfis anno 1549. ad perpetuam rei memoriam jussit, prodigium sudoris marmorea signari inscriptione, quod factum est anno 1562. Dum munereungebar Fidei Promotoris, supplices preces exhibitæ fuerunt Congregationi sacrorum rituum pro Officio proprio recitando una cum Missa sub ritu duplici die 17. Julii in civitate & diocesi; & die 22. Augusti 1716. responsum fuit pro gratia. Lectiones autem secundi Nocturni desumptæ fuerunt ex sermone S. Bernardi, & in fine ultimæ lectionis hæc habentur: *Quam quidem Domini Matrem in antiquissima ejus Imagine Pistorienfes sub speciali Humilitatis titulo, magnifico instructo templo, singulari religione venerantur. Vetus enim apud eos & constans fama percrebuit, anno salutis 1490. cum intestinis civium odiis univèrsa Patria cladis immineret, ex eadem Imagine sudorem quemdam purissimum, cujus adhuc apparent vestigia, promanasse; ejusque deinde dies decimo sexto calendas Augusti quatuordecim solenni festo, atque ingenti concursu celebratur.*

8 Fertur item anno 1718. in civitate Bertulana Beatissima Virgo apparuisse cuidam Presbytero media inter duos viros, Sanctum videlicet Petrum Christi Vicarium a dextris, & Sanctum Paulum Doctorem Gentium

a fini-

a sinistris, & super altare cingulum quoddam reliquisse, quod aiebat a se manufactum, ut in sui pignus amoris remaneret apud Dertusanos, onere imposito omnia referendi Episcopo civitatis, Clero, populoque. Cingulum hoc Virgineum, quotiescumque Catholica Hispaniarum Regina parvui proxima est, in capsula argentea inclusum, & clavi subsignatum deferretur per Canonicum Dertusanum, aliosque ejus ecclesie Ministros, & in Oratorio Regine honorifice collocatur, donec factus ab ea editur, teste Thoma Salazar in *Martyrologio Hispano tom. 6. ad diem 6. Novembris*. Pater Antonius Vincentius Domenec Ordinis S. Dominici *Generalem historiam Sanctorum Principatus Catalaunie* typis dedit anno 1602. cujus quidem Historici mentio fit honorifica a Nicolao Antonio in *Bibliotheca nova Hispanica tom. 1. pag. 130. & ab Auctoribus Bibliothecæ Dominicanæ* editionis anni 1721. *tom. 2. fol. 360.* isque Historicus totam seriem apparitionis, & cinguli relicti exponit. In Breviario Venetis formis impresso anno 1507. & signanter in ejus calce excusum prostat Officium quotannis recitandum una cum lectionibus propriis in commemorationem predictæ apparitionis; & sane Dominica secunda Octobris Officium hoc recitatum est usque ad annum 1568; tunc enim prodiiit reformatio Breviarii sub S. Pio V. & intermissa fuit illius recitatio, & solum sequentibus annis, occurrente prædicta Dominica, recitatum est Officium Beatæ Mariæ cum particulari Oratione in commemorationem sepe memoratæ apparitionis. Episcopus demum Dertusanus anno 1616. processum consecit, in quo plures testes fuerunt examinati, qui confirmarunt famam, traditionem, & cultum immemorabilem beati Cinguli.

9 Dum munereungebar Fidei Promotoris, petita fuit reintegratio Officii cum lectionibus propriis secundi Nocturni. Verum oppotui, in Ordine Augustiniano miuime recitari Officium proprium in commemorationem sacræ Zone, & apparitionis, quæ contigisse dicitur S. Monicæ, sed tantum Officium de Communi cum lectionibus secundi Nocturni desumptis ex sermone S. Joannis Damasceni, in quibus nullum sit verbum apparitionis; licet Bergomensis in *vita S. Monica*, Maigretius in suo opere, cui titulus, *Arca honoris Christi, & sanctorum Patrum*, Augustinus a Tolentino in *privilegiis Ordinis Augustiniani*, & novissime Pater Torellus in *seculis Augustinianis tom. 1. pag. 180. num. 57. & seqq.* piam in Ordine Augustiniano traditionem testentur, quod, mortuo S. Monicæ marito, eadem Beatæ Mariæ Virgini supplicaverit, ut sibi vestem indicaret, qua post obitum Christi Domini sui unigeniti Filii induta est, ut posset se simili modo induere; quodque Beata Virgo eidem apparuerit indota veste nigra, & cingulo seu zona præincta; & licet magno cum fundamento credi posset Virginem Mariam, dum in humanis erat, fuisse zona præinctam; tum quia festum Zone celebratur apud Græcos die 2. Julii, & in Menologio Græcorum jussu Basilii Imperatoris græce olim edito, deinde in latinam linguam converso, & Urbini excuso anno 1727. *ad diem 31. Augusti* commemo-

memoratio fit Zonæ Beatissimæ Virginis Constantinopolim translatae ab Arcadio Magni Theodosii filio, & ad publicam venerationem expositæ post annos quadringentos sub Imperatore Leone; tum quia adhuc supersunt duo sermones in honorem prædictæ Zonæ, alter S. Germani Constantinopolitani, alter Euthymii Monachi; tum etiam quia in antiquissima statua Beatæ Mariæ, quæ est in sacra æde Lauretana, zona apparet sculpta, quæ ejus latera præcinguntur; addidi tamen, ignorari, quis esset Presbyter, cui facta dicebatur apparitio, & probationes super facto per secula distare a tempore, quo factum ipsum contigisse ferebatur. Multæ profecto responsiones a Postulatoribus ingeniose allatæ sunt: at sacra Congregatio die 7. Julii 1725. Officium indulsit pro secunda Dominica Octobris sub ritu duplici recitandum apud Dertulanos, lectionibus tamen secundi Nocturni desumendis ab aliquo ex sanctis Patribus arbitrio Eminentiissimi Ponentis, relicto autem Officio desumpto ex Officio Beatæ Mariæ ad Nives. Quod prudentissime de more sancitum est: per hanc siquidem viam procedendo, servatus fuit in sua possessione cultus ab immemorabili exhibitus sacro Cingulo, & aliquid datum est pio supplicantium affectui; sed sacre Congregationis auctoritate approbata non est apparitio una cum Cinguli *consignatione*, quæ utique vera esse potuerunt, sed sufficienti erant probatione destituta.

CAPUT VIII.

De aliis rursus Officiorum concessionibus pro quibusdam particularibus locis.

P Rosequimur materiam, de qua in capite præcedenti, & nonnulla in hoc caput inferimus, in quibus non modicum tulimus laborem, dum Promotoris Fidei munereungebamur. Inter titulos, quibus Officiorum concessio innitur pro aliquibus particularibus locis, celestes recensuimus apparitiones, specialia aliqua Sanctorum facinora, & quædam etiam specialia charismata, quibus Deus Servorum suorum sanctitatem aliquando illustrare dignatus est.

2 Ad primum caput pertinet Officium Dedicationis ecclesiæ Metropolitanæ Cæsaraugustanæ, cujus secundæ lectiones non meruerunt a sacra Congregatione approbationem die 26. Martii 1694. nec die 8. Martii 1704. uti desumitur ex Decretis illis diebus editis. Dum munereungebar Fidei Promotoris, instaurata est petitio, lectionesque fuerunt approbatæ die 7. Augusti 1723. hujusque Officii extensio ad omnes utriusque sexus Christianifideles tum Sæculares tum Regulares in Regnis cunctisque locis Regi Catholico subjectis, qui ad Horas Canonicas tenentur, concessa est die 16. Septembris 1730. Respicit Officium hoc apparitionem Beatæ Mariæ Virginis super columnam marmoream S. Jacobo Majori in Hispaniam profecto;

Tom. IV.

F f f f

cto;

594 DE SERVORUM DEI BEATIFICATIONE

cto; quæ ideo dicitur Sancta Maria de Pilar, de qua infra, & in tom. 6. Julii a Bollandianis edito, in quo tum mearum animadversionum, & responsionum a Postulatoribus editarum, tum decreti sacre Congregationis univèrsa exponitur historia.

3. Expositum exemplum in propatulo ponit, Beatissimæ Virginis apparitionem fundamentum suppeditasse concessioni Officii pro quibusdam peculiaribus locis. Nunc pro capitis complemento agendum est de concessione Officiorum pro nonnullis pariter certis ecclesiis & locis, titulo desumpto ab aliquo egregio facinore, aut ab aliquo cælesti charismate, quo Deus Sanctum aliquem insignire dignatus est. Ad primum scilicet titulum facit exemplum concessionis Officii Conversionis S. Augustini, quod ex Indulto sacre Congregationis variis in locis recitatur: ad secundum vero titulum faciunt ea, quæ sequuntur. Inter cetera charismata, quibus Deus patefacere dignatus est S. Tereziæ sanctitatem, celeberrimum illud est, quod tanto Divini amoris incendio cor ejus conflagravit, ut Angelum viderit ignito jaculo sibi præcordia transverberantem; uti legitur in bulla Canonizationis § 6. *Bullarii Romani tom. 4.* inter bullas Gregorii XV. & in secundis lectionibus propriis, quæ in Officio dictæ Sanctæ in Ecclesia universali recitantur die 15. Octobris. Dum munereungebar Fidei Promotoris, Patres Carmelitæ Excalceati utriusque familiæ, Hispaniarum videlicet & Italiæ, sacre Congregationi supplicarunt pro facultate recitandi die 27. Augusti quolibet anno sub ritu duplici secundæ classis Officium transverberationis Cordis S. Tereziæ, exhibitis lectionibus propriis. Opposui autem, admissa veritate charismatis, cum petitio inniteretur actuali conservationi Cordis in ecclesia Monialium Sanctissimæ Incarnationis Albæ, in quo cicatrix apparere dicebatur, opus esse ostendere, Cor S. Tereziæ, quod ad publicam venerationem exponebatur in Hispaniis, cicatricem adhuc retinere immisione jaculi formatam; & multa attuli exempla charismatum Sanctorum, quæ utique vera erant, at in quorum tamen memoriam peculiare Officium non recitabatur. Postulatores vero, judicialibus congestis probationibus, vulneris impressionem adhuc extantem, & visibilem in Corde ostenderunt, exempla quoque attulerunt charismatum aliorum Sanctorum, quæ peculiari Officio in nonnullis ecclesiis colebantur, licet ipsorum mentio haberetur in lectionibus secundi Nocturni, quæ die festo dictorum Sanctorum recitabantur. Itaque die 25. Maji 1726. approbante summo Pontifice Benedicto XIII. facta est Ordini Carmelitarum Excalceatorum utriusque familiæ concessio Officii proprii transverberationis Cordis S. Tereziæ cum lectionibus propriis.

4. Supplicatum fuit eidem sanctæ memoriæ Benedicto XIII. pro concessione Officii proprii omnibus Fratribus & Monialibus Ordinis Prædicatorum in honorem impressionis Stigmatum in corpore S. Catharinæ Senensis, mihi tunc Fidei Promotori ab eodem summo Pontifice demandatum est, ut meum hac de re sensum scriptis aperirem. Mandatis itaque ea,

ea, qua decebat, reverentia morem gessi, dixique, nullam de veritate charismatis dubitationem esse posse. Beatus etenim Raymundus Capuanus Præses Generalis Ordinis Fratrum Prædicatorum, & S. Catharinæ Confessarius, cujus testimonio magna fides habita est in Canonizatione dicte Sanctæ, uti colligi potest ex bulla sexta Pii II, *Bullarii tom. 1.* in vita, quam scripsit, ejusdem Sanctæ edita a Bollandianis *tom. 3. Aprilis* refert, Beatam Pifis commorantem, & in ecstasim raptam vidisse Jesum Christum crucifixum luce plenum supra se descendentem, & a sacris vulneribus quinque radios emittentem coloris sanguinei, qui ad suas manus, pedes, & cor dirigebantur, eumque humillime exorasse, ne in suo corpore cicatrices apparerent; atque ideo tunc radios mutasse colorem sanguineum, coloremque puræ lucis assumpsisse, & ad suas manus, pedes, latiusque sinistrum supra cor sic devenisse maximo cum dolore. Narratur id ipsum a S. Antonino 3. *part. histor. tit. 23. cap. 14. §. de visionibus*, & concordant alii gravissimi Auctores collecti a Patre Theophilo Raynaudo *tom. 13. de stigmatismo sacro & profano pag. 128.* Pius quoque Papa II. in Officio, quod composuit in honorem dicte Sanctæ, quodque in Religione Dominicana recitatur, impressionis sacrorum Stigmatum. meminit, quemadmodum bene animadvertunt Castill. *tom. 2. secunda parte historia Ordinis Prædicatorum cap. 44. in fine*, & Martinez de Prado *Theolog. moral. tom. 1. in opusculo de Stigmatibus S. Catharina quest. 1. num. 10.* Addidi, mentionem quoque haberi eorundem Stigmatum in lectionibus Officii proprii, quod in Ecclesia universali recitatur; admissaque charismatis veritate, exemplo concessionis Officii transverberationis Cordis S. Terefix, posse indulgeri Ordini Prædicatorum recitationem proprii Officii in honorem Stigmatum S. Catharinæ.

5 Difficultatem tamen non dissimulavi a nonnullis Constitutionibus Romanorum Pontificum ortum habentem. Temporibus etenim Sixti IV. cum non modo de immaculata Conceptione Beatæ Mariæ Virginis questio inter Dominicanos, & Franciscanos, sed etiam de veritate Stigmatum S. Catharinæ magnis animorum motibus excitata fuisset, probis viris id ægre ferentibus, teste Spondano *ad ann. 1483. num. 8.* nonnullæ a prædicto Pontifice evulgatæ sunt Constitutiones, in quarum una, quæ edita est anno 1472. sub poena excommunicationis summo Pontifici reservatæ prohibitum fuit, dicere & prædicare, S. Catharinam fuisse insignitam charismate Stigmatum, ejusque Imaginem cum Stigmatibus depingere; in ea autem, quæ est edita anno 1475., graviores poenæ impositæ sunt adversus contumaces, & simul decretum, de nullo alio Sancto, excepto S. Francisco, prædicari posse, quod Stigmata habuerit, solamque hujus Imaginem sculpi, aut pingi posse cum Stigmatibus. Pontificiæ hæc Constitutiones editæ sunt in tractatu Patris Castellini *de inquisitione miraculorum, in append. general. de Stigmatibus S. Catharina pag. 223. & seqq.* in quo pariter opere *pag. 263.* aliud prostat ejusdem Pontificis Breve scriptum Leo-

nardo de Perusio Ordinis Prædicatorum Generali Magistro, quod iterum etiam editum est *tom. 3. Bullarii Ordinis Prædicatorum collecti* a Fr. Antonio Bremond, nunc ejusdem Ordinis Magistro Generali *pag. 570.* in quo quidem Brevi, post enarratam submissionem Pontificiis prædictis Constitutionibus a Fratribus Prædicatoribus oblatam in Capitulo Generali apud Perusiam collecto, præcipitur observantia ordinationum factorum in eodem Capitulo, & omnia poenalia revocantur contenta in antecedentibus bullis.

6 Sixto IV. successit Innocentius VIII. qui, teste eodem Castellino *pag. 233.*, prohibuit sub poena excommunicationis Stigmata abraderi ab Imaginibus S. Catharinæ etiam tum impressis, renovata simul excommunicationis poena adversus eos, qui in posterum Imaginem S. Catharinæ cum Stigmatibus depingerent. Apostolicæ nempe ejus litteræ datæ fuerunt Joachimo Turriano Ordinis Prædicatorum Generali Magistro, & subinde editæ sunt *tom. 4. cit. Bullar. Ord. Prædicator. pag. 66.* Fertur porro, summum Pontificem Pium V. indulgisse, ut Imagines S. Catharinæ cum Stigmatibus depingi possent, teste Martinez *in cit. opusculo quest. 2. §. 3. num. 10.* Sed, utcumque hoc sit, cum Pater Gregorius Lombardellus Ordinis S. Dominici, de quo plura habentur *tom. 2. Scriptor. Ord. Dominicani Patris Jacobi Echard pag. 389.* opus composuerit *de veritate Stigmatum S. Catharina Senensis*, & aliud, cui titulus, *Summarium disputationis & defensionis sacrorum Stigmatum*, prævio consilio Congregationis sacrorum rituum, Clemens Papa VIII. Apostolicas litteras dedit ad universos Episcopos, quibus prohibuit, ne in civitatibus & diocæsibus quisquam Fratrum S. Francisci, aut alii quicumque, donec in dicta Congregatione Cardinalium hujusmodi negotium Stigmatum S. Catharinæ definitum & declaratum esset, circa illud aliquid innovare, aut ulterius altercari vel contendere vellent.

7 Verum post hujus Brevis publicationem Scriptores Franciscani, Sedulius videlicet *in historia Seraphica*, Robertus Liciensis *in quadam dissertatione de eadem*, Franceschinus Vicecomes *in sermone de Hebdomada sancta*, Hieronymus a Sorbo *in compendio privilegiorum*, existimarunt, Imaginem S. Catharinæ cum Stigmatibus pingi posse: item Auditores Rotæ Coccineus, Pirovanus, & Merlinus, quibus, juxta alibi dicta, Canonizationum causæ committebantur, in relatione edita de virtutibus & miraculis B. Catharinæ de Ricciis dixerunt, se tuto pede in examen vocare posse post editum Breve Clementis VIII. veritatem Stigmatum B. Catharinæ de Ricciis, non obstantibus antecedentibus Constitutionibus Sixti IV. &, quod caput est, cum die 29. Aprilis, quo celebratur Officium S. Petri Martyris, sola fieret commemoratio S. Catharinæ Senensis, sacrorum rituum Congregationis ejus transferri mandavit ad diem sequentem; tum ad supplicationem totius Ordinis S. Dominici, & Cardinalis Borgiæ facta fuit die 27. Augusti 1628. extensio Officii ejusdem S. Catharinæ ad Ecclesiam universalem;

falem; rursus post annos duos facta est nova concessio lectionum propriarum in Ecclesia universali in secundo Nocturno recitandarum, in quibus, re discussa, mentio habetur impressionis modo supra exposito sacrorum Stigmatum S. Catharinæ Senensis; cumque anno 1641. memoratæ lectiones fuerint iterato examini suppositæ, nonnulla utique in eis deleta sunt, sed integra impressionis Stigmatum narratio servata est, uti colligitur ex hoc decreto: *Presentata in sacra rituum Congregatione ad instantiam Promotoris Fidei commissione manu Sanctissimi signata super correctione, cassatione, & reformatione Breviarii Romani circa ea, qua correctione, cassatione, & reformatione indigere videbantur, nonnulla dubitationes fuerunt excitatæ, & signanter dictum fuit, non verificari, quod asseritur in lectionibus Sanctæ Catharinæ Senensis, nempe illam ex Benincasæ una cum Burghesæ familia ex eodem stipite proveniente ortum sumpsisse. Propterea, diligenti super hoc habita perquisitione, reque pluries mature discussa cum interventu ejusdem Promotoris Fidei, ac eorum Consultorum voto, qui de adhibitis in novissima dicti Breviarii reformatione supersunt, eadem sacra Congregatio, referente Eminentiss. & Reverendiss. Domino Cardinali Cajetano ad hoc specialiter deputato, censuit, si Sanctissimo videbitur, prædictas lectiones reformandas esse, cassando illa verba, Ex Benincasæ una cum Burghesæ familia ex eodem stipite proveniente; prout mandavit cassari, & non nisi deletis dictis verbis in jam impressis lectionibus, cetera legi ac retineri; prohibendo pariter, ne in posterum ullo modo dicta verba apponantur, quotiescunque hujusmodi lectiones de novo imprimi contigerint. Et Sanctissimus annuit: Die 28. Septembris 1641.*

8 Inter Scribentes nonnullæ etiam subalternæ disputationes exortæ sunt, & signanter super antinomia inter Constitutiones Sixti IV. & Olicium compositum a Pio II. Melchior Canus in *tract. de locis Theologicis* ait, hujus antinomix nullam habendam esse rationem, cum ad factum historicum pertineat. Responsum hoc ut injuriosum Pontificis auctoritati impugnatur a Theophilo Raynaudo in *disatriba secunda de immunitate Cyriacorum*: sed vindicatur in *notis ad cap. 13. nuperrima editionis Cane de locis Theologicis*. Alii scripserunt, Sixtum IV. prohibuisse, ne assererentur, aut pingerentur Imagines aliorum Sanctorum cum Stigmatibus, quæ essent similia Stigmatibus S. Francisci, id est patentibus & sanguineis, & cum clavis carnis in manibus & pedibus; quod certe non adversatur Stigmatibus S. Catharinæ, quæ nec patentia, nec sanguinea fuerunt. Ita videlicet Theophilus Raynaudus de *stigmatismo sacro & profano tom. 13. pag. 128. §. Nihilominus*, Castellinus in *cit. append. pag. 238. & seqq.* Auditores Rotæ in relatione B. Catharinæ de Ricciis typis edita occasione discussionis causæ ipsius pag. 12. §. *Primo quia*. Sed rem paucis expediamus. Summus Pontifex Sixtus IV. in sua prima Constitutione prohibuit, ne diceretur & prædicaretur, S. Catharinam Senensem Stigmata habuisse, & ne ejus Imago pingeretur cum Stigmatibus, donec Sedes Apostolica hoc approbaverit, & per speciale privilegium Sanctam ipsam cum ipsi Stigmatibus depingi concesserit,

ferre, allata ratione, quod ita etiam factum fuerat in Stigmatibus S. Francisci. Non licuit Fratribus sui Ordinis ipsum Sanctum Franciscum cum Stigmatibus sacris facere depingi, aut in predicationibus publicari, donec placuit sanctæ Sedi Apostolicæ ipsa Stigmata approbare, & licentiam ac consensum benigne concedere: secunda ejusdem Pontificis Constitutio nihil aliud, quam primam confirmat: gesta autem sub S. Pio V., Clemente VIII., & Urbano VIII. Sedis Apostolicæ approbationem & consensum plenissime præ se ferunt; uti notat Martinez de Prado in oper. cit. quest. 1. §. 84. pag. 650. & prosequuntur Rotæ Auditores in citata relatione causæ B. Catharinæ de Ricciis: Sixtus ita prohibuit, quousque secus a Pontificia auctoritate decerneretur, & approbaretur, ipsam Catharinam, aut alios Stigmata habuisse. Atqui Pontifex Innocentius VIII. vetuit sub excommunicatione expungi & deleri Stigmata e Sanctæ Catharinæ Senensis Imaginibus: Pium V. sanctæ memoriæ præterea, ut cum Stigmatibus pingeretur, specialiter concessisse asserunt &c. ac demum Clement VIII. contra ejusdem Stigmata oppugnantes bullam dedit, ne quidquam innovarent, aut super eis contenderent, non obstantibus quibuscumque, & signeret Sixtus IV. ordinamentis, quatenus in contrarium facerent; ita ut merito condemnatus fuerit & proscriptus liber quidam, cui titulus est, *Dialogo traumatico Regular*, Genuæ typis impressus anno 1690. auctore Patre Petro Sanchez Arroyo Minore Conventuali, in quo, sumpta occasione ex quadam controversiâ excitata in provincia Mexicana circa tabulam pictam, ubi S. Dominicus in quinque sui corporis partibus cruenta Christi Domini Stigmata præ se ferebat, pag. 47. allerere ausus erat, nec decuisse, nec decere, ut alicui mulieri sacra Stigmata infigantur, sugillando his verbis & reprobando Stigmata S. Catharinæ Senensis. Itaque his permotus rationibus Benedictus XIII. ad preces Reverendissimi Patris Fratris Thomæ Ripoll Ordinis Prædicatorum Magistri Generalis die 19. Junii 1727. benigne concessit, ut prima die Aprilis ab omnibus Fratribus & Monialibus Ordinis Prædicatorum Officium Impressionis eorumdem Stigmatum in corpore S. Catharinæ sub ritu duplici cum Missa & Officio, sicut in die festo ipsius, & lectionibus secundi Nocturni propriis ipsius recitari posset & deberet; die autem 22. Septembris ejusdem anni facta est extensio prædicti Officii ad civitatem & diocesim Senensem, & die 25. Septembris 1728. ad civitatem & diocesim Pisanam.

9 Ex Dominicana familia duæ aliæ Venerabiles Sorores Stigmatibus, dum viverent, fuerunt a Domino decoratæ. Prima est Catharina de Ricciis, de qua supra habitus est sermo, quæque inter Beatas solemnî ritu relata est a Clemente XII. In lectionibus etenim propriis secundi Nocturni a sacrorum rituum Congregatione approbatis die 10. Martii 1736. pro Dominicana Religione sic legitur: *Supernorum charismatum copia singularis in ea entis, amodo dispensationis, sacrisque Stigmatibus, qua non semel spectanda se exhibuerunt, acceptis*. Altera est Lucia Narniensis, cujus immemorabilis cultus, juxta alibi relata, fuit a Clemente XI. approbatus. Plura alibi disse.

disseruimus de hujus Beatæ Virginis Stigmatibus. Nunc autem addere fas sit, a sanctæ memoriæ Benedicto XIII. fuisse universo Ordini Prædicatorum, necnon diocesis Ferrariæ. Narniæ. & Viterbiæ. concessam facultatem recitandi Officium in ejus honorem, veluti defumitur ex decreto edito die 5. Februarii 1729. Porro Officium erat de Communi Virginum. Nos autem die 22. Septembris 1742. lectiones proprias in secundo Nocturno recitandas indulgimus, in quibus mentio habetur sacrorum Stigmatum; in quinta siquidem lectione hæc habentur: *Quare habitu tertii Ordinis Prædicatorum devoto suscepto, Romam profecta, inde Viterbium a Superioribus missa, sacris ibidem Stigmatibus, iisdemque conspicuis ac cruentis, a Christo Domino mirabiliter insignita est; & in sexta lectione: Ejus corpus Ferraria adhuc incorruptum, sacrorumque Stigmatum cicatricibus in eo conspicuis anno millesimo septingentesimo decimo repertum est, cum ex eo decifum crus ad civitatem Narniensem delatum est, ubi magnifico sacello exceptum religiosissime colitur. Stigmatum Beatarum Catharinæ & Lucię mentio fit in lectionibus propriis Officii, quod die festo pro eis instituto recitatur. De Sancta vero Catharina Senensi die ejus festo recitatur Officium cum lectionibus propriis; sed distincto Officio, & alia die recolitur memoria sacrorum Stigmatum ipsius. Quocirca hujus, & non aliarum Beatarum exemplum prodest rei, de qua nunc agitur: cetera autem censeri debent expolita, ut sacrorum Stigmatum, quibus sanctæ femine Ordinis Dominicani decoratæ fuerunt, historia integra exponeretur.*

C A P U T I X.

De Officiorum concessione ex eisdem titulis facta pro Ecclesia universali.

Speciales quosdam titulos in antecedentibus capitibus exposuimus, ob quos Sedes Apostolica Officia in honorem aliquorum Sanctorum indulsit certis locis & particularibus Ecclesiis, aut concessit, ut in iisdem locis & Ecclesiis, præter Officium quod die mortis Sancti recitatur, aliud alia die recitetur una cum celebratione Missæ in ejusdem Sancti honorem: in hoc autem capite de iisdem titulis, & iisdem concessionibus tractabitur, non amplius tamen, quod attinet ad locos, & Ecclesias particulares, sed quod spectat ad universalem Ecclesiam.

2 Sacrarum Reliquiarum Inventio ex dictis fuit causa impellens ad concedendum Officium in honorem Sanctorum, quorum Reliquiæ inventæ sunt, sed pro particularibus locis. Aliquando tamen ex eodem titulo facta est concessio pro Ecclesia universali, quod est idem ac dicere, Inventionis Reliquiarum festum cum Officio & Missa celebratum esse, & celebrari in Ecclesia universali.

600 DE SERVORUM DEI BEATIFICATIONE

3 Ex Constitutionum Apostolicarum Auctore constat, post Servatoris nostri solemnia, peragendas fuisse celebritates Apostolorum, & Sancti Stephani. Marcellinus Comes in *Chronico* memorie prodidit, Sacerdotem quemdam nomine *Lucianum* divinitus admonitum sacra Stephani Martyris Ispiana retexisse. Degebat tunc Orosius Presbyter Hierosolymis, qui cum redux in Occidentem aliquam partem exuviarum Martyris secum asportasset, & S. Augustino, aliisque earum regionum Episcopis earum copiam fecisset, facella & templa in ejus honorem & memoriam extructa sunt; atque ideo religio, quæ a Palæstina primum in Africam migraverat, in reliquis tandem Occidentis provincias cum Stephani Reliquiis penetravit, plurimæque sacræ Stephani ædes constructæ sunt. Prodigia quamplurima a Deo patrata intercessione S. Stephani in prædictis ædibus, & alibi in Africa testatur S. Augustinus *de civit. Dei lib. 22. cap. 8*. Mentio habetur apud S. Gregorium *lib. 1. dialogor. cap. 5. ecclesie* prope Anconam extructæ in honorem S. Stephani: cumque S. Augustinus *serm. 323.* narret, unum ex lapidibus quibus Stephanus lapidatus est, postquam brachium ejus percusserat, pie collectum & asservatum ab homine Christiano, non sine peculiari Dei inspiratione ab ipso Anconæ relictum fuisse, & ea de causa sacram ædem in ejus honorem fuisse extructam, in qua plura subinde miracula contigerunt. Tillemontius *not. 2. ad vitam S. Stephani tom. 2.* putat, Anconitanam Ecclesiam ceteris præcessisse in celebratione particularis festi in honorem S. Stephani, ceterasque Ecclesias ab ea exemplum sumpsisse particularia festa celebrandi in honorem Inventionis corporis ipsius, quæ accidit initio sæculi quinti; ita ut hodie in universali Ecclesia duplex solemne festum cum Officio & Missa celebretur, tum pro recolendo ejus Martyrio, tum pro recolenda Inventione corporis ipsius.

4 Cum S. Placidus se Dei obsequiis dicasset sub Regula S. Benedicti tunc viventis, & degeret in monasterio prope muros Melfanæ civitatis recentem a se extructo & instituto in fundo paterno, lateque diffusa sanctimonie ejus fama germanos Placidi fratres Eutychium, & Victorinum, & Virginem Flaviam ipsorum sororem ad iter suscipiendum ejus visendi causa impulsisset; post paucos ab eorum adventu dies Saracenorum classis ad insulam Siciliæ appulit, & a Duce Manucha, qui in monasterium irrupit, omnes in vincula coniecti, & crudelissimis cruciatibus torti, in Fide Christiana persistentes agonem suum glorioso martyrio consummarunt. Cum eorum corpora in ecclesia S. Joannis Baptiste civitatis Melfanensis, quæ erat prope monasterium, sepulta essent, & locus sepulture ignoraretur, tandem sæculo XVI. sunt inventa. Confecto processu ab Archiepiscopo Melfanensi, eodemque ad Urbem misso, ejus examen a Sixto V. summo Pontifice commissum fuit Congregationi Cardinalium sacri Concilii Tridentini Interpretum: quo diligenter examinato, cum deprehensum fuisset, omnia rite & recte processisse, nec ullam esse rationabilem de corporum identitate difficultatem, idem Pontifex non tantum jussit, co-

rum

rum nomina describi in Martyrologio Romano, sed præterea SS. Martyrum Placidi & Sociorum tertio nonas Octobris memoriam fieri in universa Ecclesia sub Officio simplici, ut habetur in *ejus Constit.* 88. *Bullarii Romani tom. 2.*

5 Insignia quædam Facti, & mirificæ Apparitiones non solum concessioni Officii pro particularibus locis, sed etiam concessioni Officii pro Ecclesia universali profuerunt. Notum est, in Ecclesia universali cum Officio & Missa plura festa celebrari in honorem Beatissimæ Virginis, puta Nativitatis, Presentationis, Purificationis, Assumptionis, & Conceptionis, de quibus plura habentur in *Catholic. instit.* Francisci Amati Pouget *tom. 1. pag. 827. & pag. 880. & seqq.* Præter has, aliasque, *nonis Augusti* celebratur Dedicatio ecclesiæ S. Mariæ ad Nives. Cum enim in Urbe noctis tempore nix partem collis Exquilini contexisset, hoc pro digio commoti Joannes Patritius Romanus, ejus uxor, & Pontifex Liberius, ecclesiam eo in loco ædificandam in honorem Beatissimæ Virginis deprehenderunt. Historia refertur in *catol. Sanctur.* Petri de Natalibus *lib. 7. cap. 21.* & quamvis de ea dubitare videatur Baillet in *vitis Sanctur. ad diem 5. Augusti num. 28.* eam nihilominus, utpote desumptam ex antiquis manuscriptis basilicæ Liberianæ, plene admittunt Cardinalis Baronius in *notis ad Martyrolog. Rom. die 5. Augusti, & tom. 4. annal.* & Panvinus, & Severanus in suis libris de *septem Urbis ecclesiis*: Adde, quod in universa Ecclesia ab antiquo tempore celebratur festum S. Mariæ ad Nives cum Officio & Missa. Ad hanc eandem classem pertinet extensio Officii & Missæ sanctissimi Rosarii ad Ecclesiam universalem, uti desumitur ex decreto, edito die 3. Octobris 1716. quod est vigesimum quintum inter decreta Congregationis sacrorum rituum in Bullario fan. mem. Clementis XI. *pag. 574.* ubi pius ille Pontifex ex circumstantiis in decreto expositis retulit ad intercessionem B. Mariæ Virginis insignem victoriam de innumeris Turcarum copiis in Hungaria relatum, & civitatem arcemque Corcyrensem ad eorum dem Turcarum oppugnatione feliciter liberatam; cum hæc contingerint eo prorpius tempore, quo Confratres Sodalitatis Rosarii publicam Processionem magno populi concursu, & singulari devotione in Urbe peragebant, & dum Christifideles Rosarium juxta adhortationes dudum jussu Sanctitatis suæ factas quotidie recitare pergebant: quorum beneficiorum causa idem Pontifex extendit ad universam Ecclesiam Officium & Missam sanctissimi Rosarii, quæ antea in aliquibus tantum locis recitabatur.

6 Sanctissima Virgo Maria serena fronte apparens se conspiciendam exhibuit S. Petro Nolasco, S. Raymundo de Pennafort, & Jacobo Aragonie Regi, dicens, sibi & Filio acceptissimum fore, si suum in honorem institueretur Ordo Religiosorum, quibus cura incumberet captivos & Turcarum manibus liberandi; hique, collatis inter se consiliis, & consentientibus animis, Regularem Ordinem instituire aggressi sunt sub invocatione S. Mariæ de Mercede Redemptionis Captivorum, in quo tribus

votis Religionis quartum additum est, manendi scilicet in pignus apud Infideles, si id necesse fuerit pro redemptione Christianorum. Scribentes de hoc insigni Ordine Regulari docent, quartum hoc votum ad essentiam & constitutionem pertinere Religionis B. Mariæ de Mercede Redemptionis Captivorum, per quod contrahitur ratio communis Religionis in genere, & constituitur talis Religio Redemptorum a ceteris Ecclesiæ Religionibus distincta; veluti late probant Zumel in *sebolis Constit. hujus Ordinis dist. 1. cap. 25. §. Excellentia fol. 118. & §. Quid fratres fol. 119. Pellizar. in manual. Regular. tom. 1. tract. 4. de votis Regularium cap. 5. sect. 2. num. 27. Joannes Perez de Munebrega in sua quaestione apologetica typis impressa Casarauguste anno 1656. præsertim pag. 19.*

7 Historiam Apparitionis Beatissimæ Virginis tum hujus Ordinis Historici, tum ceteri referunt & approbant. Zumel in opusculo de initio & fundatione sacri Ordinis B. Mariæ de Mercede Redemptionis Captivorum, Bernardus de Vargas in chronica ejusdem Ordinis tom. 1. lib. 1. cap. 13. Alphonsus Remon in chronica Ordinis tom. 1. lib. 1. cap. 6. Ignatius Vidondus in speculo charitatis cap. 3. Marcus Salmeron sac. I. monum. 2. Spondanus ad annum. 1218. num. 10. Hieronymus Romanus lib. 2. de republica Christiana cap. 22. Zurita in aynal. Aragonia lib. 2. cap. 71. Ferdinandus de Castillo lib. 2. chronica. Ordin. Prædicat. cap. 17. Illefcasin Pontif. histor. lib. 5. cap. ult. Penia in vita S. Raymundi de Pennafort lib. 1. pag. 81.

8 Potiora vero hujusce apparitionis fundamenta ex tribus aliis monumentis desumi possunt: quorum primum sunt Acta authentica S. Petri Nolasci inserta in nostrum primum librum cap. 41. Secundum est epistola S. Raymundi de Pennafort eidem S. Petro Nolasco scripta, in qua prædictam commemorat apparitionem. Epistola hæc integra refertur a Stephano de Corbera in vita B. Mariæ de Socis cap. 28. a Salmeron in monumentis histor. secul. I. monum. 8. §. 3. atque a Ferdinando de Orio in lib. Tertulliani de patientia tom. 1. discurs. 1. §. 1. ejusdemque epistolæ meminit Nicolaus Antonius in vet. Biblioth. lib. 8. cap. 4. num. 141. Et quamvis Pater Echardus in Biblioth. Dominicana eamdem epistolam rejecerit, tamquam apocrypham, assumpto tamen juridico examine ipsius anno 1721. coram Ordinario Barcinonensi, prolataque per istum sententia de epistolæ veritate, quælibet controversia cessare dicenda est; uti, visis authenticis Actis, fatetur ingenuus & doctus vir Pater Antoninus Bremond in suo Bullario Ordinis Prædicatorum tom. 1. in notis ad Constit. 36. Gregorii X. Tertium denique fundamentum deducitur ex bulla Canonizationis S. Raymundi de Pennafort, in qua sic legitur: *Beatissima Virgo Dei Mater eidem Petro (sermo est de S. Petro Nolasco) qui sanctis meditationibus & orationi vacans cogitabat, qua ratione calamitatibus Christianorum in captivitate degentium succurrere posset, serena fronte se conspiciendam dedit, & acceptissimum sibi ac unigenito suo Filio fore dixit, si suum in honorem institueretur Ordo Religiosorum, quibus cura incumbere captivos & tyrannide Turcarum liberandi; ac illa ipsa nocte eadem Vir-*

Virgo Sanctissima Beato Raymundo & Jacobo I. Aragonia Regi apparuit, id ipsum de Religiosis admonens.

9 Ut igitur tanti beneficii & institutionis debitæ Deo & Virgini Mariæ gratiæ redderentur, indultum primo fuit Religioni B. Mariæ de Mercede Redemptionis Captivorum, ut Officium recitaret, sicut in festo B. Mariæ ad Nives; postea tempore summi Pontificis Pauli V. facta est concessio propriarum lectionum, in quibus sæpe memorata exponitur apparitio: tempore autem Innocentii XI. extensio facta est ad universa Regna Hispaniarum, & sub eodem Pontifice facta est descriptio in Martyrologio Romano ita prorsus: *In Hispania Apparitio Beatae Mariae Virginis, qua Sanctis Petro Nolasco, & Raymundo de Pennafort, & Jacobo I. Aragonia Regi se conspicendam dedit, ut fundaretur Ordo Beatae Mariae de Mercede Redemptionis Captivorum.* Sub Alexandro VIII. nova indulta est extensio ad Regna Galliarum; & tandem sub Innocentio XII. statutum est, ut in universa Ecclesia idem Officium recitaretur die 27. Septembris cum Oratione propria, propriisque lectionibus iterum recensitis, examinatis, & correctis. Apostolica harum rerum Indulta edita sunt in Bullario Ordinis B. Mariæ de Mercede Redemptionis Captivorum pag. 224. pag. 373. pag. 399. pag. 415. & pag. 424. & sequentibus.

10 Demum nota est apparitio Beatissimæ Virginis Beato Simoni Stok: narratur enim, ab ea huic Beato exhibitum fuisse sacrum *Scapulare*, ut ea cælesti veste sacer Ordo Carmelitarum dignosceretur, & a malis ingruentibus protegeretur. Fertur etiam, Beatissimam Virginem Mariam promississe Filiis in *Scapularis* Societatem relatis, dum igne Purgatorii expiabantur, se solamen esse præstituram, & celerem in cælestem patriam adventum impetraturam, si abstinentiam & certas quasdam preces frequentassent, ac pro sui status ratione castitatem coluissent. Franciscus de Mendoza in *viridario sacre & profane eruditionis* lib. 2. *problemat.* 5. num. 75. disputandum proponit, an Beatissimæ Virgini concessum fuerit privilegium extrahendi damnatos ab Inferis; & asserere quidem videtur, probabile esse, id ei fuisse concessum, cum de Fide sit, poenam Inferni esse æternam juxta legem ordinariam, sed de Fide non sit, nunquam ab ea lege fuisse dispensatum, neque dispensandum. At eum strenue redarguit Cardinalis Capisuccius *c. mirov.* 8. *quest. unic.* ubi late demonstrat, Beatissimam Virginem precibus juvare utique posse, ne quis in peccato mortali decedat, & Deus ei gratiam conferat ad poenitentiam peragendam ante mortem; illi vero indultum non fuisse, ut anima æternis cruciatibus addicta ejus intercessione liberetur. De virtutibus porro, miraculis, & beatitate prædicti Simonis plura habentur apud Bollandianos *ad diem* 16. *Maji.* Joannes autem Lanojus per integram dissertationem, & Pater Papebrochius in responsione ad exhibitionem errorum sibi oppositorum a Patre Sebastiano a Sancto Paulo *art.* 3. §. 15. & *art.* 10. §. 2. & *duobus seqq.* & *art.* 20. §. 2. & §. 3. multa adduxerunt adversus prædictam *Scapularis* traditionem. Sed bullæ Sabbatinae

tinæ veritas, & multa prædictarum rerum vindicatione legi possunt apud Theophilum Raynaudum in opusculo, cui titulus, *Scapulare Marianum illustratum*, inter ejus opera tom. 7. Præcesserant concessiones Officii B. Mariæ Virginis de Carmelo cum lectionibus propriis prædictam apparitionem referentibus factæ pluribus Regnis & provinciis orbis Catholici; quarum concessionum decreta extant tom. 2. *Bullarii Carmelitarum* pag. 614. pag. 627. pag. 632. & pag. 636. Porro dum munereungebar Fidei Promotoris, actum est de Officii extensione ad universam Ecclesiam ad petitionem Christianissimi Galliarum Regis: tunc vero sacra Congregatio ipsam Officii extensionem tantum ampliavit ad dominium Regis Christianissimi, quæ postea facta est ad universam Ecclesiam, insertis tamen in secundas lectiones nonnullis verbis, quæ infra a Nobis referentur.

II In capite antecedenti egimus de Stigmatibus S. Catharinæ Senensis, & de Officii concessione in memoriam eorum Impressionibus particularibus quibusdam locis: nunc autem aliqua afferemus de Stigmatibus S. Francisci, & de eorum Officii concessione pro universa Ecclesia. Notissimum prodigium Stigmatum S. Francisci a S. Bonaventura refertur, qui etiam narrat, Gregorium IX. summum Pontificem, qui cum viventem familiari conversatione cognoverat, mortuumque post paucos menses in Sanctorum album retulit, dubitantem de vulnere laterali, quod oculis non viderat, fuisse celestis visionis de vulneris veritate edoctum. Tiburtius Navarrus ex annalibus Lucæ Wadingi vitam S. Francisci Institutoris Ordinis Minorum fideliter desumpsit, recitatque S. Bonaventuræ & aliorum testimoniis, quæ modo dicta sunt, amplissime confirmavit; quemadmodum videri potest lib. 4. cap. 3. necnon cap. 17. In nova collectione & compilatione privilegiorum Apostolicorum edita ab Emmanuele Roderico multæ reperiuntur summorum Pontificum Constitutiones, Gregorii videlicet IX. Alexandri IV. & Nicolai III. de veritate Stigmatum S. Francisci, & de eorum mirifica impressione. In Constitutionibus quippe octava & nona prædicti Gregorii nonnulli increpantur contrarium asserentes; ipseque in iisdem testatur, se sacrorum Stigmatum rationem habuisse in Canonizatione ejusdem Sancti. Memoratus autem Alexander in bulla inscripta ad omnes Prælatos testatur, se fuisse S. Francisci familiarem, dum in minoribus esset, certamque habuisse noticiam prædictorum Stigmatum, imposita poena adversus eos, qui contrarium docerent, aut Stigmata a picturis S. Francisci abradere auderent. Nicolaus demum summus Pontifex (supra citatus in *allata collectione*) bullam Gregorii IX. confirmavit. Itaque quamvis in lectionibus Officii, quod recitatur die festo S. Francisci in Ecclesia universali, mentio haberetur sacrorum Stigmatum, Benedictus tamen Paps XI. ut celestis hujus charismatis memoria peculiariter coheretur, festum sacrorum Stigmatum S. Francisci instituit; veluti referunt Cardinalis Baronijs in *notis ad Martyrol. Rom. ad diem 17. Septembris*, & Pagi in *breviar. Remm. Pontif. in Alexandro IV. n. 12.* Sixtus Papa V. elogium composuit, quod

quod habetur in Martyrologio Romano *ad dictam diem 17. Septembris*, teste Tiburtio Navarro *in vita S. Francisci cit. lib. cap. 5.* & particulare tandem Officium eadem die recitandum primo indultum est Religiosis S. Francisci, extensum deinde ad alios locos & dioeceses, postremo sub Paulo V. ad Ecclesiam universalem propagatum.

12 Alia subsequuntur exempla Officiorum, quæ in honorem Sanctorum in Ecclesia universali recitantur, præter Officium quod in eorumdem honorem in eadem universali Ecclesia aliis certis diebus recitatur, ob quædam peculiaria fundamenta seu peculiare quasdam circumstantias, quæ novi Officii additionem poscere visæ sunt. In Ecclesia itaque universali non solum Officium recitatur & Missa celebratur die mortis seu decollationis S. Joannis Baptistæ, sed etiam die nativitatis ejusdem, & apud Græcos die 23. *Septembris* colitur conceptio ejusdem S. Joannis Baptistæ; ut est in Menologio Græcorum edito jussu Basilii Imperatoris, alibi memorato, & Urbini formis impresso anno 1728. *ad dictam diem*, de quo festo apud Græcos loquitur etiam Cardinalis Bellarminus *tom. 1. contro. de cultu Sanctorum lib. 3. cap. 16. de festis Sanctorum*. Colitur autem in Ecclesia universali, saltem Occidentali, dies nativitatis ejusdem, cum præter morem sanctificationis fuerit in utero matris suæ, & facta sint in ejus ortu multa miracula, quæ legi possunt in Evangelio S. Lucæ. Quocirca S. Augustinus *ser. 287. alias de diversis 40. cap. 1. n. 1.* ait: *Adscenda charitas vestra, quam magni hominis nativitas facta sit. Natalem diem carnis nulli; Prophetarum, nulli Patriarcharum, nemini Apostolorum celebravit Ecclesia. Solos duos natales celebrat, hujus (scilicet S. Joannis Baptistæ) & Christi; & ser. 288. alias 23. ex Sirmondianis: Diei hodierna festivitas anniversario reditu memoriam renovat, natum esse Domini Præcursores ante mirabilem mirabiliter, cujus nativitatem considerare nos & laudare maxime hodie convenit. Ad hoc enim & dies anniversarius huic miraculo dedicatus est, ut beneficia Dei, & Excelsi magnalia non delect obli-vio de cordibus nostris: & serm. 289. alias 3. ex Vignerianis: Celebramus natalem Joannis, sicut Christi, quoniam ipsa nativitas plena est mysteriis: & ser. 290. alias 44. inter homilias 50. cap. 2. Quia in magno sacramento natus est Joannes, ipse solus iusti natalem diem celebrat Ecclesia. Et natalis Domini celebratur, sed tamquam Domini. Date mihi alium servum præter Joannem inter Patriarchas, inter Prophetas, inter Apostolos, cujus natalem diem celebret Ecclesia Christi. Passionem diem Servis plurimis celebramus: nativitatis diem nemini, nisi Joanni: & serm. 293. alias 5. ex Vignerianis: Nativitatem Joannis quodammodo consecratam observat Ecclesia; nec invenitur ullus in Patribus, cujus nativitatem solemniter celebremus. Celebramus Joannis, celebramus & Christi. Ex quibus S. Augustini testimoniis inferit Suarez *tom. 1. de religione lib. 2. cap. 8.* tunc non adhuc fuisse institutum festum Nativitatis Beatissimæ Virginis Mariæ. Et Petrus Antonius Spinellius in Opere de Beata Virginis laudibus *cap. 7.* cui titulus, *Deipara confirmata in gratia*, subjicit, festum deinde fuisse institutum, & merito, cum sanctitatem habuerit quæ non poterat amitti, pro-*

ti, proindeque Ecclesia solemniter eam sanctitatem veneretur, quæ est perpetuo duratura. Id ipsum, proportionem servata, dici potest etiam de S. Joanne Baptista, sed non de aliis Sanctis, quorum mors celebratur, nativitas non celebratur; cum in obitu eorum sanctitas fuerit consummata, sed in nativitate non fuerit illis concessa cum prerogativa perpetuitatis & confirmationis in Gratia.

13 Festum cum Officio & Missa celebratur in honorem SS. Apostolorum Petri, & Pauli. De magno populorum & Episcoporum ad Urbem concursu, ut die 29. Junii SS. Apostolorum festo venerabundi interessent, multa erudite collecta legi possunt apud Cardinalem Baronium in not. ad Martyrol. Rom. ad eam diem: & ex Prudentio desumitur, eadem die duas Missas fuisse a summo Pontifice celebratas, alteram in basilica S. Petri, alteram in basilica S. Pauli, peristeph. 12. v. 57.

Aspice: per bifidas plebs Romula funditur plateas;

Lux in duobus servet una festis.

Nos ad utrumque tamen gressu properemus incitato.

Et his, & illis persuamur hymnis.

Ibimus ulterius qua fert via Pontis Hadriani,

Levamus deinde summis petemus.

Transiberina prius solvit Sacra pervigil Sacerdos;

Max huc recurrit, duplicatque vota.

14. Præter autem hoc Apostolorum festum celebratur in Ecclesia universa festum Vinculorum S. Petri, ut cujus est in ligandis, atque solvendis alienis vinculis potestas præcipua in Ecclesia, ejus etiam Vincula a cunctis Fidelibus in honore habeantur; quemadmodum pie advertit Cardinalis Baronius in notis ad Martyrol. Rom. ad diem 1. Augusti, ubi multa ad hoc festum pertinentia erudite refert; quod etiam fit a Florentino in not. ad suum Martyrologium, ad diem prædictam. Eminentiſſ. Dominus Henricus de Thiard de Bissy Episcopus Meldensis Breviarium edidit pro sua dioecesi juxta morem Ecclesiæ Gallicanæ (de quo alibi) in cujus præfatione testatus est, in rebus historicis omnia a probatis & receptis Auctoribus desumpta fuisse; in secundis autem lectionibus diei primæ Augusti in festo S. Petri ad vincula hæc leguntur: *Catenis duabus Hierosolymis vinctum in carcere ab Agrippa fuisse Sanctum Petrum, ex Actis discimus. Illas autem, aut saltem illarum alteram Roma sexto sæculo existisse, docet Arator. Dubium quoque subolere nemini potest, quin Roma speciali in veneratione fuerint catenæ, quibus ibi a Nerone constructus est. Auso quippe pretiosius habebatur per omnes Ecclesias ferrum illud poenaliū vinculorum, quæ reum suum usque ad Christi crucem non tam condemnatura, quam consecratura miserunt. Crucem parvulam, in qua de catenis Sancti Petri, & Pauli inserta erat benedictio, mittens Sanctus Gregorius Magnus Eulogio Alexandrino Patriarcha, multa per istam benedictionem consueta fieri miracula, narras. Idem Childeberto Francorum Regi claves Sancti Petri, in quibus de limatura catenarum ejus inclusum*

aliquid erat, direxisset se dixit, ut collo ejus suspensa a malis illum omnibus cre-
rentur. Summus autem ipse Pontifex e catenis aliquid, quod crucibus vel cla-
vibus includeretur, limando, conabatur excutere; quod quidem aliquando summa
facilitate fiebat, nonnumquam e contra nulla ratione poterat obtineri. Theo-
doricus Metensis Episcopus Othoni Magno arcta affinitate conjunctus, cum eo in Italica expeditione per triennium militavit. De hoc Theodo-
rico Sigebertus ad ann. 869. scribit, eum, quocumque modo potuit, collegisse corpora & pignora multorum Sanctorum de diversis Italix locis, & partem catenæ S. Petri Apostoli a Joanne Papa XIII. sibi donatam in Galliam transtulisse. Res porro ita se habuit: Familiaris Imperatoris sese dentibus discerpebat, & ad ejus corpus applicata prædicta catena, mirabiliter sanatus est: Eam catenam Theodoricus Metensis Episcopus arripuit, dicens, nisi manu abscissa, se illam non dimissurum. Tandem Imperator, sedato litigio, a Papa Joanne obtinuit, ut anulum hujus catenæ excisum Episcopus mereretur. Celebratur quoque festum in universa Ecclesia cum recitatione Officii & celebratione Missæ in honorem Cathedræ Romanæ, & Antiochenæ, de quo festo nonnulla fuerunt adnotata ab Hugone Menardo in not. ad lib. Sacramentorum S. Gregorii pag. 47. edit. Paris: cumque in Urbe sere oblitterata fuisset Romanæ Cathedræ celebritas, summus Pontifex Paulus IV. anno 1558. eam instauravit, edita peculiari Constitutione, in qua jure conquestus est, festum hunc diem in Hispania, in Gallia, & in ultimis regionibus solemniter celebratum, Romæ neglectum esse, ubi tamen Antiochena Cathedra recolebatur; uti habetur apud Thomassinum de fests. celebrat. lib. 2. cap. 10. num. 9. Demum præter Commemorationem S. Pauli, quæ fit die 30. Junii, in universa Ecclesia recitatur Officium & Missa celebratur die 25. Januarii in honorem Conversionis ipsius, de qua in Actis Apostolorum cap. 9. & 22. Hac ipsa die in vetusto Occidentalis Ecclesiæ Martyrologio edito a Florentinio mentio fit non Conversionis, sed Translationis S. Pauli Apostoli; concordantque alia Martyrologia. Sed in Martyrologio Bedæ, Ufuardi, Adonis, & in nostro, quo utimur in Ecclesia universali, festum annuntiatur non Translationis, sed Conversionis S. Pauli, Translationem vero & Conversionem conjungit Nockerus ad dictam diem: *Romæ translatio Sancti Pauli Apostoli, & Conversio ejus apud Damascus*; cum non improprium sit, ut in Urbe recolatur eadem die tum Conversio Damasci facta, tum aliqua solemnitas Reliquiarum translatio, quæ tamen adhuc est incomperta. Tillemontius tom. 1. in not. ad vitam S. Pauli not. 5. dubitat, an die 25. Januarii contigerit S. Pauli conversio; putatque, ita fuisse statutum, ut aliquo die tanta celebritas recoleretur. At, utcumque hæc sint, vetus festum Conversionis S. Pauli cum esset jam antiquatum, ab Innocentio III. restitutum fuit, uti post Baronium adnotavit Florentinius in not. ad suum Martyrologium, ad diem 25. Januarii. Daniel Papebrochius tom. 5. Sanctorum Junii pag. 467. n. 185. dicit, translationem Reliquiarum S. Pauli, de qua supra, factam fuisse a Sil-

Silvestro Papa, & translationis Reliquiarum festivitatem fuisse propriam Paulinæ Basilicæ: qua de causa in Gelasiano Sacramentario, quod erat omnibus Urbis ecclesiis commune, nihil de ea ponitur. Addit, S. Gregorium M. instituisse eo die Missam legendam sub titulo Conversionis S. Pauli, omisso titulo Translationis, quæ Missa omnibus suo Sacramentario usuris esset communis, pro gratiarum videlicet actione Deo, qui Paulum vas fecit electionis, & magistrum dedit & doctorem Gentium.

15 Sancti Joannis Apostoli festum una cum Officio & Missa celebratur in Ecclesia universali: sed & alia die festum ejusdem celebratur in memoriam celeberrimi prodigii, quod tunc accidit, cum Romæ in ferventis olei dolium missus, purior & vegetior exivit, quam intraverat. Contigit nempe id Romæ; ideoque illustre & antiquum monumentum in ejusdem facti memoriam ante portam Latinam erectum est, quod adhuc extat, & festi nuntiatio habetur in Martyrologio Hieronymiano, In aliis undecimi seculi, & in Sacramentario S. Gregorii, juxta relata apud Tillemontium tom. 1. in vita S. Joannis Evangelistæ art. 5. quibus addi possunt monumenta, quæ sunt in lib. 1. cap. 1. historię ecclesiæ S. Joannis ante portam Latinam scriptæ, & typis Romanis editæ anno 1716. a Joanne Maria Crescimbeni Canonico S. Mariæ in Cosmedin, Nobis, dum viveret, amicitia juncto. Nec extra rem nonnulli hic afferri possunt tituli, ob quos in Ecclesia Græca Officia quædam peculiaria recitantur. In Græcorum Menæis non Sanctorum solum, & solemnitatum Dominicalium, sed & aliarum quoque rerum memorabilium celebritas locum obtinet. Sic die 23. Januarii sancta & œcumenica sexta Synodus peculiare sibi habet Officium, & aliis diebus memoria aliorum Conciliorum generalium, & Patrum qui eis interfuere, recolitur; & ejusdem mensis Januarii die 24. magni illius terræmotus, qui sub extremum Theodosii junioris imperium per tres integros dies Constantinopoli duravit, memoria celebratur. Die autem 11. Maji in Menæis habetur Officium de die natali urbis Constantinopolitane, in cujus Rubrica e Græco in Latinum versa ita legitur: *Eodem mense (Maji) undecima commemorationem spiritualiter facimus diei natalis hujus a Deo custodite, & urbium regine, qua præcipue commendata est Domina nostra Sancta Delpara, & ab ea semper servata est.* Post hæc sequuntur duo Græci verficuli, quorum sensus est:

Natalem diem tuum oportet me honorare,

Cum in te, urbs, natalem diem sortitus sim.

Habentur præterea in eodem Officio plures cantus in laudem ejusdem urbis, & beneficiorum, quæ a Deo ipsa accepit. De hujusmodi festo diei natalis prædictæ urbis Bollandiani in *Actis Sanctorum Maji* tom. 2. ad di-
ctam diem pag. 611. hæc scribunt: *Constantinopolitana urbis natalis dies, quam Conflaminus Magnus cum construendo abstinisset, Delpara Virgini Maria dedit, eamque festivitatem ex recepta consuetudine hoc die celebrari legitur in Menologio Basilii Imperatoris, & aliis Menæis.* Quod ad dedicationem ur-
 bis

bis Constantinopolitanæ pertinet, ad huiusmodi morem ac ritum illustrandum legi possunt, quæ de Leone Papa III. refert Anastasius Bibliothecarius in ejus vita, cum Urbem Leoninam, quam muris cinxit, Ecclesiastico ritu dedicavit.

C A P U T X.

De concessione Officiorum propriorum.

1. **E**X his quæ in capitibus præcedentibus dicta sunt, desumitur, non modo fieri concessionem Officiorum & Missarum in honorem Beatorum Beatificatione formali aut æquipollenti, inque honorem Sanctorum canonizatorum juxta antiquam aut recentiorum canonizandi disciplinam; sed etiam concessionem fieri Officiorum aut de Communi, aut propriorum, idque vel pro particularibus Ecclesiis, vel pro Ecclesia universalis. Sequitur ergo, ut in præsentis fufius agamus de concessione Officiorum propriorum aut pro particularibus Ecclesiis, aut pro Ecclesia universalis; cum hæc concessio tantum in transitu memorata sit.

2. Pars essentialis Officii olim in lectione solius Psalterii consistebat. S. Gregorius Antiphonas addidit. Scripturæ non in Officio, sed in Missa legebantur: quocirca S. Justinus in *syn. apolog.* 2. (*Biblioth. PP. tom. 2. pag. 327.*) ait: *Solis, qui dicitur, die omnium qui vel in oppidis vel ruri degunt in eundem locum conventus sit; & commentaria Apostolorum, aut scripta Prophetarum, quoad tempus fert, leguntur. Deinde lectore quiescente, Præfatus orationem, qua populum instruit, & ad imitationem tant pulcrarum rerum cohortatur, habet. Sub hæc consurgimus communiter omnes, & preces profundimus. . . Precibus peractis, panis offertur & vinum & aqua.* Lectiones deinde in Officium a Monachis insertæ fuerunt, quemadmodum innuit Græcolas in *comment. hist. ric. in Breviar. Rom. cap. 6. pag. 25. tom. 1. Primi mortalium Monachi lectiones Officii infernere, ut negotium sibi & varietatem in Officio compararent.* Præter Psalmos, Antiphonæ & lectiones hodie adhuc extant in Officio; & juxta communem hodiernum loquendi modum, quando in Officio leguntur lectiones de Communi Martyrum, de Communi Confessorum, de Communi Virginum, Officium non dicitur proprium; propriumque appellatur, cum lectiones, quæ in eo leguntur, gesta referunt illius Sancti, in cujus honorem Officium recitatur. At strictius loquendo, Officia duplici modo propria & sua esse possunt. Nonnulla propria dicuntur, cum in eis præter lectiones secundi Nocturni referentes historiam gestorum ejus Sancti, in cujus honorem Officium recitatur & Missa celebratur, Hymni, Antiphonæ, & Preces, quæ Responsoria dicuntur, non a Communi desumuntur, sed propria sunt, quod in eis aut ea repetuntur, quæ in particularibus Sancti lectionibus habentur, aut alia particularia de eodem Sancto referuntur. Alia Officia propria dicuntur, etsi in eis solæ lectiones secundi

Tom. IV.

H h h h

No-

610 DE SERVORUM DEI BEATIFICATIONE

Nocturni propriæ sint, Hymni vero, Antiphonæ, & Responsorialia sint de Communi. De antiquitate cantus Hymnorum, & Antiphonarum, necnon aliarum Precum, quæ Responsorialia dicuntur, in Divinis Officiis nonnulla legi possunt apud Joannem Frontonum de diebus festis §. 6. num. 12. & 13. post *Calendarium Romanum ab ipso editum*, pluribusque prosequitur Martene in tractatu de antiqua Ecclesiæ disciplina in Divinis celebrandis Officiis cap. 4. Verum, quod attinet ad præsens institutum, utcumque sit de exemplis quæ in contrarium afferri possunt, sacræ rituum Congregationis olim sensus fuit, ne peculiaries fierent concessiones, teste Ven. Dei Servo Cardinali Bellarmino in epist. 112. scripta ad Gasparem Archiepiscopum Arelatensem in qua hæc habet pag. 248. *N. n. solum Congregationem approbare Officia propria, exceptis lectionibus secundi Nocturni. Approbata sunt quidem aliquando Officia propria etiam quoad Antiphonas, Hymnos, Orationes, Responsorialia, & alia; sed quoniam nimis multiplicantur hujusmodi Officia propria, decrevit Congregatio, deinceps non approbare nisi lectiones proprias secundi Nocturni, quæ sunt de vita & rebus gestis Sanctorum, de quibus tunc celebratur Officium. Nonnulla quoque adnotata reperiuntur adversus Orationes proprias, quæ in Officiis & Missis passim occurrunt tom. 2. manuscriptorum Cardinalis Casanatæ pag. 193. quæ conservantur in celebri bibliotheca ab ipso instituta in Conventu Patrum Dominicanorum Urbis.*

3. Editum porro fuit ab eadem sacra Congregatione decretum quoad lectiones proprias concedendas, cujus verba sunt hæc:

Sacra rituum Congregatio circa lectiones proprias Sanctorum posthac concedendas seu approbandas infra-scripta servari decrevit.

Primum, ut petitiones Regularium de lectionibus propriis non admittantur, nisi fuerint specialiter decreta ab eorum Capitulis Generali, & de hoc fides authentica exhibeatur.

Secundum, ut neque recipiantur petitiones Monialium excentium sub Ordinariæ jurisdictione, nisi eadem petitiones conjunctim fiant ab ipsis Ordinariis locorum, & de hujusmodi petitionibus publicum exhibeatur Instrumentum.

Tertium, ut eadem forma servetur in petitionibus Communitatum, quæ non admittantur, nisi cum instantiis Ordinariarum, ut supra.

Quartum, ut posthac non examinentur lectiones propria Sanctorum ab Eminentiſſimo Domino Cardinali Deputato, nisi sacra Congregatio petitionibus ut supra exhibitis & propositis decernat annuendum, & Domino Cardinali Deputato revisionem committat; qui deinde lectiones reclusas referre debetis a sacrorum rituum Congregatione approbandas.

Atque in posterum inviolabiliter servari mandavit, in contrarium non obstantibus quibuscumque: hac die 17. Julii 1706. & die 8. Augusti 1706. impri primi mandavit.

4. Decretum hoc refertur ad proprias lectiones, quæ conceduntur pro ecclesiis particularibus, in eoque (uti visum est) inter cetera præscribitur, ut prius a Cardinali Relatore proponatur dubium, *An sit locus concessioni*

cessioni lectionum propriarum: eodemque favorabiliter resolutio, ut in alia Congregatione fiat postea lectionum relatio. Ad praxim quoque ejusdem sacrae Congregationis pertinet, ut lectiones approbandae mittantur per manus uniuscujusque Cardinalis super earum approbatione suffragaturi, una cum iudicio documentorum, ex quibus eadem desumptae sunt. Quae omnia & singula multo magis executioni mandanda esse videntur, cum res est de approbatione lectionum propriarum pro universali Ecclesia; quemadmodum consideranti patebit, & ab his, quae infra referentur, facili negotio desumi poterit.

5 Sapienter monet Guyet *de sist. propr. Sanctior. lib. 3. cap. 3. quest. 4. in fine* si agatur de Sanctis canonizatis, quorum extent Acta, aut bullae Canonizationis, tuto ex eis desumi posse lectiones proprias. Quod tamen sic intelligendum est, non ut tantum lectiones propriae ex dictis Actis & bullis desumi possint, sed ut deducta ex eis ulteriori non indigeant examine: proinde illud etiam consentaneum videtur, ut aliqua desumi possint ex aliis quoque probatis documentis, potissimum vero, cum nonnullae sint bullae Canonizationum tum antiquae tum recentes, in quibus brevitaris gratia non omnia, quae referri possent, referuntur; uti demonstrarunt Postulatores causae S. Hedwigis Ducis Poloniae respondentes animadversionibus Fidei Promotoris, quod in lectionibus plura legerentur, quae non leguntur in bulla Canonizationis. Poterit id ipsum etiam sibi locum vindicare in lectionibus propriis, quae conceduntur particularibus Ecclesiis in honorem Beatorum Beatificatione formali, cum extet processus de eorum virtutibus, aut martyrio, & de miraculis, simulque extet Breve Beatificationis, a quibus si desumantur ea, quae in illis probata sunt, & a sacrorum rituum Congregatione admissa, recte lectiones propriae componi possunt. Momentum itaque difficultatis est in lectionibus propriis, quae conceduntur aut pro particularibus Ecclesiis, aut (& quidem multo magis) pro Ecclesia universali, vel in honorem Sanctorum, qui juxta antiquiorem disciplinam canonizati fuerunt; & de quorum virtutibus, aut martyrio, & miraculis nec extant processus, nec bullae Canonizationum; vel in honorem Beatorum Beatificatione aequipollenti, de quorum virtutibus, aut martyrio ad summum solae reperiuntur probationes subsidariae; ita ut inferenda in lectiones non aliunde desumi possint, quam ab Historicis, & hujus generis monumentis. Joannes Launojus inter cetera opuscula typis impressa Parisiis anno 1660 Appendicem edidit de *cura Ecclesiae pro Sanctis, & Sanctorum Reliquiis, ac sacris Officiis ab omni falsitate vindicandis*. Agobardus Lugdunensis Episcopus opusculum composuit de *veteri ritu canendi Psalmos, & de correctione Antiphonarum*, in quo propugnat, nihil in Divinis Officiis audiri debere, nisi sacram Scripturam. At sensus hic inter errores merito recensetur a Cardinali Bona de *Divina Psalmodia cap. 16. num. 3.* quod & strenue asseritur a Theophilo Raynaudo *operum tom. 8. in Hagilogio Lugdunensi pag. 599. & seqq.* Ad levandum siquidem tedium &

laborem, qui derivari poterat ex continuo cantu Psalmorum, merito institutum est, ut in Divinis perfolvendis laudibus aliqua recitarentur desumpta ex veteri & novo Testamento; nonnulla desumerentur ab expositionibus, quæ a doctissimis & orthodoxis Doctoribus scripta sunt; & præter hæc legerentur etiam Passiones sanctorum Martyrum, immo & vitæ Confessorum. Alibi de de hac praxi actum est: nunc autem addidisse fas sit, quod Avitus Viennensis Episcopus in quodam homiliæ fragmento refert, Passionem sanctorum Agaunenſium Martyrum ex consuetudinis debito lectam fuisse; quod S. Cæsarius in *serm.* 300. *Appendix Augustiniana* conqueritur de nonnullis, qui, licet bene valerent, sedebant, cum Passiones prolixæ legerentur; & quod S. Gregorius Turonensis lib. 1. *de gloria Martyrum* cap. 86. asserit, Passionem S. Polycarpi lectam fuisse. Narrat, & recte probat Martene *de antiqua Ecclesiæ disciplina in Divinis celebrandis Officiis* cap. 5. num. 6. licet singulis diebus assignatæ essent lectiones, non eo tamen fuisse modo distinctas, quo hodie in nostris Breviariis digestæ sunt: percurrerat enim Lector assignatum Scripturæ librum, sanctorum Patrum Tractatum, sive *Homiliam*, aut alicujus Sancti Passionem, donec Præses Chori finem faciendum esse significaret; & hodie etiam extant, & signanter in archivo basilicæ S. Petri de Urbe, *Passionaria*, seu *Sanctoralia*, quæ inter Divina Officia in Choro legebantur. De his loquitur Cardinalis Baronius in *notis ad Martyrologium Romanum ad diem 5. Februarii* ubi de Actis S. Agathæ: *Ipsa autem Latina exemplaria reperiuntur in vetustis codicibus, qui usui erant Ecclesiis, quos & Passionaria, seu Sanctoralia vulgo appellabant.* De conservatione horum librorum in monasteriis testimonium perhibet Bollandus in *præfat. ad Acta Sanctorum.* tom. 1. *Januar.* cap. 1. §. 4. ubi ait: *Singula fere monasteria istiusmodi volumina vel ab aliis describere, vel consarcinare paria sibi; ut suppeterent, quæ & publice in conventibus ad virtutum institutionem legerentur, & privato cujusque studio velerentur.* Huc quoque respexisse videtur Ruinart in *Actis Martyrum sinceris & selectis*, in admonitione ad vitam SS. M. M. Epipodii & Alexandri, ubi num. 2. pag. 61. sic loquitur: *Hinc factum est, ut, cum diversis diebus eorum festivitas celebraretur (quod jam tempore Eucherii fiebat ex laudata homilia) eorum Acta in duas partes divisa sint, adjecta unicuique parti sua præfatiuncula, ut in Officiis Divinis facilius legi possent.*

6 S. Bernardus rogatus a Guidone Abbate, & Monachis Arremarenſibus, ut Officium de S. Victore ipsorum Patrono componeret, sic ait *epist.* 398. vol. 1. col. 358.: *Petis, carissime mihi Guido Abbas, & tecum pariter, qui tecum sunt, Fratres, dictare me aliqua vobis legenda sollempniter, vel canenda in festivitate Sancti Victoris, cujus apud vos corpus sacratissimum requiescit &c. Verum tu vel proprio judicio consulens cogitare debueras non affectum erga me tuum, sed meum in Ecclesia locum. Sane altitudo negotii non amittam desideras, sed eruditum, sed dignum, cujus authoritas poterit, vita sanctorum, stylus muneretur & opus illustret, & consonet sanctitati.* Et post hæc qualita-

liates enarrans, quæ reperiri debent in lectionibus in Ecclesia recitandis, ait: *Non novella audiri decet, vel levia, sed certe authentica & antiqua, quæ & Ecclesiam adificent, & Ecclesiasticam redeant gravitatem. Quod si nova audire libet, & causa requirit, ea, ut dixi, recipienda censurim, quæ cordibus audientium quo gratiora, eo utiliora reddas & eloquii dignitas, & austeritas. Porro sensa indubitata resplendeant veritate, sonent iustitiam, humilitatem suadeant, doceant aequitatem; quæ etiam lumen veritatis mentibus pariant, formam moribus, crucem vitiis, affectibus devotionem, sensibus disciplinam. Nimirum juxta S. Doctoris sensum nemo est qui non videat, quanta debeat esse diligentia in compositione sacrarum lectionum, quæ in Officiis propriis Sanctorum ex Indulto Apostolico recitari debent. Alibi a Nobis demonstratum est, quanta cum cautela Acta Martyrum legerentur in Ecclesia Romana; quæ Acta respueret; & quomodo ea respueret, quæ descripta essent ab his, quorum nomina ignorabantur. Quocirca, ut tuto pede procedatur, si aliquis ex sanctis Patribus vitam & miracula scriptis ejus, in cuius honorem conceditur Officium proprium sive pro particulari, sive pro universali Ecclesia; lectiones ab eo fonte derivatæ tales erunt, quales S. Bernardus esse debere autumabat. In Vaticana basilica die 11. Februarii celebratur Officium in honorem S. Theodori Confessoris, & ejusdem basilicæ Mansionarii; secundæ autem lectiones desumptæ sunt ex libro Dialogorum S. Gregorii Papæ. Die 9. Januarii in ecclesia Anconitana recitatur Officium S. Marcellini Episcopi, qui urbem illam Divina virtute ab incendio liberavit: & die 1. Septembris recitatur Officium S. Constantii Mansionarii prædictæ ecclesiæ; eorumque lectiones desumptæ pariter sunt ex Dialogis S. Gregorii. Sed quando hujus generis monumenta deficiunt, lectiones saltem a probatis Historicis, & quantum fieri potest, contemporaneis erunt desumendæ. Dictum est probatis, cum aliqui sint, qui pium existimant pro religione mentiri. Cardinalis autem de Aguirre tom. 1. Conciliorum Hispania dissert. 9. excurs. 11. num. 140. & 141. & tom. 2. dissert. 3. excurs. 7. num. 89. eximia, qua pollebat, eruditione & ferventissimo zelo adversus hujus generis Scriptores exclamat, & præsertim adversus quemdam ita ait: *Fortassis etiam non ausis religioni fingere nonnulla, modo in nationis, aut patriæ decorem cederent; quod aliqui errores licere putarunt, ut patet ex Bodino in methodo historica cap. 4. ex Cicarillo in libello supplicii edito a Leone Allatio. Sed adjiciamus causam aliam verosimiliorem ausus. Cum eodem tempore, quo ille iis navis distinebatur, Toleleti introducta fuisset opinio, multo postea damnata, de licito usu restrictionum mentalium; quid mirum, si forte vulgaret, tamquam vera & existentia, plurima, quæ intus reputabas solum possible, aut verosimilia? Nimirum juxta illam execratam opinionem jam tum invalescentem potuit facile occurrere restrictio aliqua mentalis, quæ verum cum falso componeret, & verosimilia pro certis, ac possible pro præteritis vendicaret. Longe etiam ante ea tempora execrabile hoc vitium irreperat, teste S. Petro Damiani, qui & id acriter reprehendit.**

614 DE SERVORUM DEI BEATIFICATIONE

hedit in prelatione vitæ S. Mauri Cæſenatis Episcopi (tom. 2. oper. pag. 185. edit. Paris. 1664.): *Temerarius nihilominus narrator est, qui, dum laudum præconis alios extollere nititur, ipse mergi in falsitatis barathrum non veretur: nonnulli enim se Deo deferre existimant, si ad offerenda laudis ejus insignia falsitatis argumenta componant. Et in prologo vitæ S. Romualdi (loc. cit. pag. 189.): Nonnulli enim Deo se deferre existimant, si in extollendis Sanctorum virtutibus mendacium fingant. Hi nimirum ignorantes, Deum nostro non egere mendacio, relicta veritate, quæ ipse est, falsitatis ei putant se placere posse commento. Et in vita Beati Dominici Loricati (loc. cit. pag. 210.): Lectorem intelligis, quoniam, qui vel Deum, vel Dei servum mirabile quid fecisse confingit, non modo fabricati præconii præmium non meretur, verum etiam adversus eum, quem laudaverat, falsum testimonium protulisse convincitur. Dictum quoque fuit, quantum fieri potest contemporaneis, hoc est qui vel tempore Sanctorum; vel, si non eo tempore, saltem tali vixerint, ut quæ narrant, audiverint a testibus fide dignis, qui ea viderint, vel saltem audiverint a testibus, qui viderint: juxta ea, quæ in tertio hujus Operis libro dicta sunt, dum agebatur de Historicis quoad probationes virtutum, & martyrii in causis Canonizationum procedentibus per viam casus excepti. Scriptor vitæ S. Hermannii Steinfeldenſis Canonici hæc habet in prologo (apud Bollandianos ad diem 7. Aprilis pag. 686.): *Jesus Christus &c. Coram tuis enim oculis hoc non timeo protestari, qui es testis in calo fidelis, me ex proposito nihil fictum describere, sed ea, quæ a suis familiarissimis, vel ab ejus ore cognovi, vel quæ apud Fratres ita celebri opinione vulgata sunt, ut iis nulla tergiversatione debeat contradici. Concordat Scriptor vitæ S. Gothardi Hildesheimensis Episcopi in præfatione (apud Surium ad diem 4. Maji): Testor autem Dominum Jesum, me nihil mandasse litteris, nisi quod ipse & viderim, & auditione acceperim, aut a fide dignis cognoverim. Similia denique sunt ea, quæ habentur apud Nicolaum Sueffionensem Monachum in vita S. Godefridi Ambianensis Episcopi lib. 3. cap. 1. (apud eundem Surium ad diem 8. Novembris): Lectorem oro, ut dictis fidem adhibeat. Ut enim jam ante testati sumus, non hic quidquam fingimus, sed a fide dignis, qui ea viderunt & audierunt, accepta referimus.**

7 Hucusque adducta, sua cum moderatione, & uti dicitur, cum grano salis intelligenda sunt & explicanda; cum occurrere possint casus, in quibus, deficientibus Historicis contemporaneis, vel quasi contemporaneis, tot alia nihilominus adiunt inconcussæ traditionis monumenta, ut locus esse possit rerum narratarum appositioni in lectionibus propriis pro aliquibus particularibus Ecclesiis, sed non pro Ecclesia universalis, & aliquando etiam pro ipsa Ecclesia universalis. Huc referri possunt quæ alibi dicta sunt, dum ageretur de fide Historicorum: & quamvis ex relatis in superiori capite septimo, dum sermo habitus est de concessione Officii pro civitate & dioecesi Pistoriensis in honorem Beatæ Mariæ Virginis humilitatis, & de concessione Officii pro civitate Dertulana in honorem Apparitionis

tionis Beatæ Mariæ Virginis una cum traditione Cinguli, plene colligi possit, quanta maturitate, & quali prudentia factorum rituum Congregatio processerit; non inutile tamen esse censemus alia hic addere exempla, quæ nedum eandem præferunt prudentiam, sed præterea viam aperire possunt cautæ concessioni lectionum propriarum, siue peticio fiat pro Ecclesiis particularibus, siue pro Ecclesia universali.

*De Officio concessio pro civitate Mantua, aliisque locis in honorem
Inventionis Sanguinis Jesu Christi.*

8 Petente Carolo Magno Imperatore, S. Leo III. summus Pontifex Mantuam venit, ut inquireret de veritate famæ Sanguinis Christi reperti juxta hospitale hujus civitatis, ubi tellure resossa apparuit arca plumbea, quæ vasculum continebat hanc habens Inscriptionem: *Jesu Christi Sanguis*. In commentariis Pii II. lib. 2. pag. 105. edit. Romana hæc habentur: *Mentoria proditum est, per tempora Caroli Magni Sanguinem hic (idest Mantuæ) Domini nostri Salvatoris Jesu Christi miraculosum apparuisse, atque ad eum visendum Leonem II. Pontificem Maximum accessisse, qui rem cognoverit atque probaverit*. Eadem referuntur a Ven. Cardinali Baronio ad annum Christi 804. num. 1. ubi mentionem facit accessus Sancti Leonis (non II. uti legitur in dictis commentariis, sed III.) ad urbem Mantuam, & recognitionis approbationisque Sanguinis Jesu Christi, ejus videlicet, qui ex ipsis latere fluxit tempore Passionis; subjicitque idem Cardinalis, totum id deduci ex diplomatibus Pontificiis, sed se ea non vidisse. Franciscus Quaresmius lib. 3. tom. 1. pag. 870. hæc habet: *Mantua in ecclesia S. Andrea habetur nonnihil Sanguinis, qui fluxerit de latere Christi Salvatoris (non de latere Imaginis crucifixæ in Syria in Beryta civitate) eumque verum esse Domini Sanguinem, declaravit summus Pontifex Leo III. ante annos octingentos, ut vocat Bellarminus*. Hippolytus Donesmundus in historia Mantuana italica conscripta lib. 3. pag. 203. refert, Sanctum Leonem IX. anno 1053. Mantuam advenisse, ut sacrum Christi Cruorem tunc repertum adoraret, nec eum potuisse Romam transferre, uti desiderabat, populo tunc in seditionem verso, sed particulam tantum secum detulisse, quam reposuit in basilica Lateranensi, Cononem autem Episcopum anno 1055. sanctissimam Reliquiam sub terra abdidiisse intra fornices, & marmoreum altare; additque Historicus ipse, se hæc habuisse ex historia testis oculati, & rebus omnibus, cum gererentur, præsentis. At, cum Metensium annalium Scriptor, Regino, & alii annalium Scriptores testentur, Sanguinem Christi Mantuæ inventum fuisse sub Leone III. seu spongiam Sanguine Christi imbutam a Longino olim defossam; vel Donesmundus fallitur, vel dicendum est, Sanguinem post Leonem III. sub terra abditum fuisse, iterumque inventum sub Leone IX. sicut animadvertunt Continuatores Bollandiani ad diem 19. Aprilis in commentario prævio ad vitam S. Leonis IX. num. 23. & Pagi in breviori. Romanor. Pontif. in eadem vita S. Leonis IX. tom. 2. num. 40.

Illu-

Illustré quoque est pro Sanguine Mantuæ reperto testimonium Cardinalis Bellarmini in libro de *Scriptoribus Ecclesiasticis* ad annum 340. pag. 66. ubi loquens de S. Athanasio, scribit, Mantuanam Ecclesiam de Sanguine Christi gloriari; etiamque verum esse Domini Sanguinem, declaratum fuisse a Leone III. ante annos octingentos: scribunt enim Historici plurimi, ut Annales antiqui Francorum, Ado Viennensis, Aimoinus, Regino, Abbas Urspergensis, & alii, Leonem Pontificem, Carolo Magno id potente, contulisse se Mantuam, ut de *veritate Sanguinis Domini*, miraculis multis ibi conflagrantis, judicaret. Bonamensis Aliprandus antiquissimus est Scriptor rerum civitatis Mantuæ, uti censet Marius Equicola, qui chronicon Mantuanum ante ducentos & ultra annos nobis dedit. Bonamensis Aliprandus mortuus est anno 1414. vel 1417. Insullum & ridendum poema typis tradidit; unde locus ei non debetur inter Poetas, sed inter Historicos. Ludovicus Antonius Muratorius in *antiquitatibus Italicis mediæ ævi tom. 5.* edidit ejus opus, quod recte appellavit *Chronicon Mantuanum*, in cujus libro 1. cap. 10. enarratur, Sanctum Longinum Martyrem Mantuam detulisse Sanguinem Christi, & Mantuæ fuisse martyrio coronatum, de qua re infra habebitur sermo; & lib. 2. cap. 9. narratur inventio Sanguinis Christi, quem Longinus in viridario S. Andrea sepeliverat.

9 Dubitant nonnulli, cum diplomata Pontificia, quibus sanctum dicitur, Sanguinem Mantuæ repertum fluxisse e corpore Christi, deficient; dubitant, inquam, an prædictus Sanguis habendus sit pro vero Sanguine Christi, qui a corpore ejus manavit: cum enim ex Concilii Nicæni secundi *actione quarta*, & ex Martyrologio Romano *ad diem 9. Novembris* habeatur, Beryti in Syria Salvatoris nostri Imaginem a Judæis crucifixam tam copiosum emisisse sanguinem, ut Orientales, & Occidentales Ecclesiæ ex eo ubertim acceperint, miraculum autem hoc contigerit sub Constantino & Irene, necnon referatur a Sieberto in chronico *ad annum 765.* sicque præcesserit annis circiter quadraginta Mantuani Sanguinis inventionem; Sanguinem idcirco Mantuæ repertum, aliasque similes Sanguinis Reliquias putant esse sanguinis ab Imagine prædicta effusi, minime vero a corpore Christi. Sane *die 10. Novembris* in Religione Patrum Beatæ Mariæ Virginis de Mercede Redemptionis Captivorum celebratur festum mirifici Cruoris, qui Beryti ab Imagine Christi defluxit: cujus quoque mirifici Cruoris ampulla asservari dicitur Bononiæ in ecclesia Sancti Salvatoris Canonicorum Regularium Congregationis Rhenanæ, iidem dono data ab Innocentio II. teste Signo de *Reliquiis & veneratione Sanctorum* pag. 152. Porro Ludovicus Andruzzius olim Græcæ eloquentiæ Professor in Bononiensi Academia, anno 1731. Romæ edidit librum, cui titulus *Stratera Veritatis*, in cujus prima dissertatione cum auctoritate S. Theodori Studitis probare conatus sit, libellum de *Pensione Imaginis Domini nostri Jesu Christi in Urbe Beryti* esse genuinum opus S. Athanasii (quod a Cardinali Basonio in *notis ad Martyrologium Romanum ad diem 9. Novembris*

bris strenue negatur, quippe qui contendit, opus illud esse cujusdam Athanassi in Syria Episcopi): si Andruzzio standum esset, miraculum non ad octavum sæculum juxta Siebertum, sed ad quartum referri deberet. Tertia die Maji celebratur Brugis commemoratio pretiosi Sanguinis collecti, cum Joseph & Nicodemus Christum de cruce deponebant; sed Joannes Molanus in *Natali Sanctorum Belgii ad dictam diem* ita loquitur: *Putant autem aliqui, esse tantum errorem ex latere Domini de sancta Imagine, eo quod a Beato Albanaso scriptum sit, & in septima Synodo recitatum. Nec aliter existimandum est a veris Catholicis, præter id, quod scribitur a Nobis; quasi ex carne, & sanguine Christi aliquid possit in mundo inveniri, nisi illud quod in ara altaris per manus Sacerdotum quotidie spiritualiter efficitur. Et concordat S. Thomas 3. part. q. 54. art. 2. ad tertium, ubi ait, totum Sanguinem, qui de corpore Christi fluxerat, cum ad veritatem humanæ naturæ pertineret, in corpore Christi resurrexisset, eandemque rationem esse de omnibus particulis ad integritatem humanæ naturæ pertinentibus; ita ut Sanguis ille, qui in quibusdam ecclesiis pro Reliquiis conservatur, non fluxerit de latere Christi, sed de quadam Imagine Christi percussa. Alii vero putant, Sanguinis Christi guttulas, quæ secundum se non pertinebant ad illius corporis integritatem, nec ei iterum in Resurrectione erant conjungendæ, in terris remansisse: licet enim Verbum Divinum semper fuerit hypostatice unitum illis partibus, quæ ad corporis Christi integritatem spectabant, & quæ cum ipso in Resurrectione denuo conjungi debebant, non fuit tamen semper unitum illis partibus, quæ non pertinebant ad corporis integritatem, & non erant cum ipso in Resurrectione conjungendæ; uti ad rem, de qua nunc agimus, pro Sanguine Christi Mantuæ reperto late, prosequitur Cardinalis de Lugo de Incarnat. disp. 14. sect. 6. num. 41. & seqq. Extat etiam commentarius Angeli Rocæ Præfecti sacriarii Apostolici inter ejus opera Romæ typis impressa anno 1719. pag. 240. tom. 1. qui inscribitur *De Sanguine a Christo Domino in Resurrectione reassumpto*, in quo plura pro utraque opinione adducuntur. At Sanguinem Christi, qui colitur tum Mantuæ, tum in aliis civitatibus orbis Catholici, non esse sanguinem, qui fluxerit e corpore Christi, sed ex ejus Imagine Berytensi, latissime probat Pater Honoratus de Sancta Maria Carmelita Discalceatus in suis animadversionibus ad regulas, & usum Criticæ Lugduni typis impressis anno 1720. tom. 3. lib. 5. dissert. 5. art. 1. ubi pariter art. 2. dicit, idem judicium ferendum esse de Christi Lacrymis, quæ in nonnullis ecclesiis coluntur, & signanter de Lacryma Vindociensi, de qua extat celebris epistola Patris Mabillonii ad Episcopum Blesensem: contendit enim, eas non ab oculis Christi, sed ab ejus Imagine, quæ asservabatur in civitate Aurelianensi, fluxisse. In archivo secreto Vaticano extant litteræ Apostolicæ Nicolai Papæ V. in quibus Indulgentiam elargitur anno 1447. visitantibus ecclesiam Beatæ Mariæ de Sarzana, in qua, ut ait Pontifex, etiam Sanguis Domini nostri Jesu Christi summa devotione a Christi fidelibus veneratur,*

10 Verum, utcumque hæc sint, gravis orget difficultas desumpta ex ipsa historia Mantuana: cum enim in ea narretur, post inventum vasculum cum supra indicata Inscriptione *Jesu Christi Sanguis*, resolsum fuisse corpus S. Longini, qui Christi latus in morte lancea percussit, quoniam hic Cæsarex in Cappadocia martyrium subivit, difficile captu est, quomodo ejus ossa una cum Sanguine Jesu Christi a Cæsarea in Cappadocia fuerint Mantuam translata. Bollandiani ad diem 14. Maji in *vita Sanctiorum Longinorum Martyrum* §. 2. num. 11. hunc lapidem movent; sed num. 13. & 16. bene animadvertunt, nullum hinc præjudicium afferri debere cultui venerati Crucioris in civitate Mantuana. Undecumque enim vel a quocumque allatus, defossusque sit Mantux, omni manet honore & reverentia dignissimus: *Haveant Mantuani id quod solum addita lagenula inscriptio dicit, & facta de eo revelatio* (sermo est de revelatione facta Adalberto, de qua Hippolytus Donelsmundus,) *ac subsequuta divinitus miracula confirmant, Christi Sanguinem apud se esse: qualem, & unde, vel quando acceptum, patienter ferant ignorari, donec visum Deo fuerit revelare; cui præcuriosa indaganti: basiliantia placet Fidei obsequiosa simplicitas.* In Martyrologio Romano idibus Martii hæc habentur: *Cæsarea in Cappadocia passio Sancti Longini militis, qui latus Domini lancea perforasse perhibetur: & eodem modo scriptum est in Martyrologio Usuardi, & Rabani. Cardinalis autem Baronius ad annum 34. num. 131. putat, Centurionem illum, qui præcipue admiratus, quod Jesus voce magna clamans exspirasset, ejus Divinitatem confessus est, Longini nomen habuisse, nec Longinum fuisse militem illum, qui lancea latus Domini aperuit, quemque non ex Equicam, sed ex Peditum cohorte fuisse, ostendere conantur Sagittarius dissertat. de Lancea cap. 2. tom. 9. Criticorum sacrorum pag. 383. & Augustinus Calmet in Joannem cap. 19. Alii volunt, militem fuisse communiter appellatum Longinum, & lanceæ nomen, qua confossum est Christi latus, in nomen militis translatum fuisse: super qua re inter Patrem Hyacinthum Serry primum Theologum Patavinum, & Antonium Sandinum Custodem bibliothecæ Seminarii Patavini disputatio orta est, ut ex Scriptis Patavii typis impressis anno 1734. & anno 1735. desumi potest. Supra diximus factam fuisse a sacra Congregatione concessionem Officii pro civitate Mantuana, aliisque locis in honorem Inventionis Sanguinis Christi. Advertenda autem est ejusdem sacre Congregationis prudentia, cum in Officio concessio Antiphonæ sint propriæ, secundi Nocturni lectiones sint desumptæ ex sermone S. Cypriani, in Oratione fiat commemoratio Inventionis pretiosi Sanguinis: sed, quod attinet vel ad corpus S. Longini Martyris, vel ad controversiam, utrum Sanguis ille vere manaverit a corpore Christi, vel ab imagine, nullum fiat in Officio verbum.*

De concessione Officii Translationis alima Domus Lauretana.

11 De concessione hujus Officii in superioribus tractatum est. Nunc autem pro re, de qua nunc agitur, operæ pretium est adnotare, secundas lectiones Officii proprii desumptas esse ex sermone S. Bernardi, & in fine sextæ lectionis hæc addita fuisse verba: *Ipsius autem Virginis natalis Domus, Divinis mysteriis consecrata, Angelorum ministerio ab Infidelium potestate in Dalmatiam prius, deinde in agrum Lauretanum Picenæ provincie translata fuit, sedente Sancto Cælestino V. Eandemque ipsam esse, in qua Verbum caro factum est & habitavit in nobis, tum Pontificiis diplomatis, & celeberrima totius orbis veneratione, tum continua miraculorum virtute & celestium beneficiorum gratia comprobatur. Quibus permotus Innocentius XII. quo ferventius erga Matris amantissima cultum Fidelium memoria excitaretur, ejusdem sanctæ Domus Translationem, anniversaria solemnitate in tota Picenæ provincia veneratam, Missæ etiam & Officii proprii celebrari precepit. Ex quibus profecto verbis sextæ lectionis modo relatis clare inferri potest, quo fundamento & qua prudentia sacrorum rituum Congregatio se gesserit in consilio, quod summo Pontifici præstitit pro earum approbatione. Ratio scilicet in eis habetur Pontificiorum diplomatum, quibus asseritur, Eadem Lauretanam eam esse, in qua Beata Virgo nata est, & in qua ab Angelo salutata Salvatorem mundi de Spiritu Sancto concepit: idque conitatur ex litteris Apostolicis Pauli II. datis anno 1471., ex Apostolicis litteris Julii II. datis anno 1507., ex Apostolicis litteris Leonis X. datis anno 1519., ex Apostolicis litteris Pauli III. datis anno 1535., ex Apostolicis litteris Pauli IV. datis anno 1565. aliisque omisiss, ex Constitutione demum Sixti V. 24. §. 4. Bullarii tom. 2. Quod autem attinet ad celeberrimam totius orbis venerationem, & continuam miraculorum virtutem, notissima res est, nulla indigena probatione.*

12 Historiæ Ecclesiasticæ parens Cardinalis Baronius ad ann. Domini 9. §. 1. sic de Domo Lauretana loquitur; Porro Domus illa, in qua de Verbi Incarnatione Sanctissima Virgo caeleste accepit nuntium, adhuc magno miraculo non tantum integra perseveravit, sed Angelorum ministerio ab Infidelium manibus vindicata, in Dalmatiam primum, inde in Italiam translata est in agrum Lauretanum Picenæ provincie: quod perinsigne ac nobilissimum vetustatis monumentum totus Christianus catholicus orbis veneratur ac colit. Nec est quod quis de re gesta dubitet, qui memoria repetat, illis dictum esse ab Angelo, non esse impossibile apud Deum omne verbum. Fidei Christiana esse prædixit Christus, ut & montes Christianorum imperio e loco in locum transferrentur. Præstiterunt hoc complures Sancti, & inter alios Gregorius ille Magnus, cognomento Thaumaturgus. Complura enim id generis certa Autorum fide reperiuntur miracula edita. Sed in his modo non immorandum. Qui Nazareth inviserint, ejusdem Domus situm eadem omnino mensura signatum inspexerunt, accolis, quod factum est.

620 DE SERVORUM DEI BEATIFICATIONE

fideliſſe atteſtantibus. Sed hac obiter: neque enim eſt in animo rei geſta hiſtoriam egregie teſtata hic enarrare. Agemus de ea ſuo tempore quo facta ſcribitur. Interim hiſ frueri, lector, quæ venerandus Pater Petrus Caniſius, cujus laus eſt in Euangelio per omnes Eccleſias, non minus pie quam ornate atque erudite ſus mæ conſcripſit.

13 Caniſius ergo ante Cardinalem Baronium de Æde Lauretana conſcripſit, in opere videlicet de Sancta Maria Deipara lib. 1. cap. 25. ſed memoratus Cardinalis non potuit promiſſum adimplere, agendi videlicet de beata Æde Lauretana, cum ad res geſtas anno 1294. opus ejus non pervenerit, quo anno almæ Domus translatio contigit. Quod tamen ab ipſo præſtari non potuit, abunde præſtitum eſt ab ejus continuatore Raynaldo, a Turſellino, a Turriano, a Rutilio Benzonio, ab Hieronymo Angelita, a Ludovico Centoſſorino, a Theophilo Raynaudo *oper. tom. 8. in Anticurali ad verſus fortia ingenia pag. 144. & ſeqq.*, a Petraſancta *tom. 3. miraculorum perpetuorum Eccleſia Catholica cap. 3. &*, omiſſis aliis, recenſer a Patre Honorato de Sancta Maria in ſuis animadverſionibus ad regulas *& uſum Critica tom. 2. lib. 3. diſſert. 1. art. 2.* quorum omnium etiam mentio habetur in noviſſima hiſtoria Familiæ ſacræ ex antiquis monumentis deſumpta ab Antonio Sandino Cuſtode bibliothecæ Seminarîi Patavini *pag. 5.*

14 Sane nonnulli reputantes, non poſſe mirificam translationem Domus, in qua Virgo fuit ab Angelo ſalutata, & Salvatorem de Spiritu Sancto concepit, impugnari obtentu defectus Auctorum contemporaneorum eandem translationem teſtantium. faventibus ſcilicet translationi ipſi tot aliis monumentis, tot aliis graviſſimis Scriptoribus licet ſubſequentis ætatis, traditione in diplomatis Pontificiis approbata, communi univerſi orbis Catholici conſenſu continuatæque evidentium miraculorum fama, probare conati ſunt, ſacram illam Ædem longe ante Translationem fuiſſe dirutam. Referunt quippe Scriptores ſæculi ſeptimi & octavi, eccleſiam fuiſſe ædificatam in loco, in quo erat prædicta Domus, uti colligitur ex Adamanno Monacho (*in ſac. III. Benedic. in part. 2. p. 516.*), qui ſcripſit de locis ſanctis Palæſtinæ quidquid intellexerat ab Arculpho Epifcopo, qui eos viſitaverat: *Altera vero eccleſia in eo fabricata habetur loco, ubi illa fuerat Domus conſtructa in qua Gabriel Archangelus ad Beatam Mariam ingreſſus, ibidem eandem hora ſolam eſt locutus inventam: ex Willebaldo Epifcopo, qui ipſe quoque peregrinando, Locos ſanctos Palæſtinæ luſtraverat, & cujus opus typis impreſſum eſt in Actis Sanctorum Ordinis Sancti Benedicti tom. 4. pag. 374. Ambulabat in illum locum, ubi Gabriel primum venit ad Sanctam Mariam dicens, Ave gratia plena, & reliqua. Ibi eſt nunc eccleſia; & ille vicus, in quo eſt eccleſia, eſt Nazareth. Illam eccleſiam Chriſtiani homines ſæpe comparabant a Paganis, quando illam volebant deſtruere: & demum ex epifſtola Urbani IV. ſcripta S. Ludovico Regi Franciæ, ubi ut eum excitaret ad Terræ ſanctæ deſenſionem, inter cetera quæ aſſert in eadem epifſtola relata apud*

apud Raynaldum ad annum 1263. num. 7. hæc habet : *Quin idem profanus hostis radicati profecutor odii , quod contra Christianum nomen & cultum de iniqua editis radice conceperat , dolos preparans , iniquitatem pariens , sic in venerandam ecclesiam Nazarenam , infra cujus ambitum Virgo Virginum salutata per Angelum , de Spiritu Sancto concepit ; & ipsius Partus Angelico exitu prænuntiatus afflatu , manus non solum occipitricis , sed etiam destructrices iniecit , quod ipsam per sacrilegos & nefandos iniquitatis sue ministros deserviens redegit ad solum , ejusdem structura nobili omnino destruita .*

Verumtamen hæc & similia antecedentem non probant destructionem sacræ Aedifici subinde in Dalmatiam , & deinde ad Marchiam mirabiliter translatae . Joannes etenim Phocas , qui juxta Græcos anno 1185. & juxta Latinos anno 1193. Terram sanctam descripsit (cujus opus a Bartoldo Nihusio publicatum ætate , ut ita dicam , nostra , & latinitate donatum est a Leone Allatio in *Symmetris* pag. 12.) & ideo longe post seculum septimum & octavum , testatur conservationem & statum sacræ ædificiæ sequentibus verbis : *Eo in loco , in quo Annuntiatio facta , est ex nigro lapide Crux candido marmore incisa , & super eam altare , & a dextera altaris pusilla adicula , in qua semper Virgo Deipara se continebat .* Porro admittamus etiam , ecclesiam fuisse ædificatam in loco , ubi erat domus , in qua Virgo ab Angelo salutata Christum Dominum de Spiritu Sancto concepit ; admittamus etiam , ecclesiam prædictam subsequenter temporibus fuisse a Barbaris irruentibus solo æquatam : hinc tamen inferri nequit , non extitisse ædem sacram ante ejus translationem , cum hæc inter se minime pugnent , ædificatio videlicet ecclesiæ in loco , in quo domus erat Beatissimæ Virginis , ejus subsecuta destructio , & conservatio partis domus , sive cubiculi , in quo Virgo degebat , & in quo salutationem Angelicam excepit ; quodque ope Angelorum (uti supra dictum est) translatum fuit ad locum , ubi nunc reperitur , sicuti notat Raynaldus post ponderata verba epistolæ Urbani IV. ad annum 1263. num. 7. Quæ res facilius deprehendi poterit , si animadvertatur , parentes Beatissimæ Virginis non fuisse quidem amplissimis facultatibus instructos , quemadmodum nonnulli Recentiores sibi fingunt , sed neque fuisse adeo egenos , ut inter infimæ sortis homunciones essent numerandi , sicuti quidam Sectarii audent asserere , quos strenue redarguit Canisius lib. 1. de Deipara cap. 4. & late profequitur Theophilus Raynaudus operum tom. 7. in *diptychis Marianis* num. 8. pag. 19. *Eo in loco Canisius assertit auctoritatem Eulebii sive Emisleni , sive alius , referentis , nobilissimos parentes Mariam filiam heredem instituisse , quæ , cum nullos fratres haberet , in bona parentum unica successit : assertit Nicephorum dicentem Joseph & Mariam in Nazareth non domicilium modo , sed & substantiam & possessionem propriam habuisse , & apud Bethlehemitas æque ac apud Nazarenos proventum aliquem nactus fuisse , & ideo utrobique habitasse .* Profecto hæc omnia turpem excludunt egestatem , nec paupertati adversantur . In quo proinde rerum statu

verisimi-

verissimile admodum est, eos domum habuisse suæ conditioni aptam, partemque ejus, dirutis partibus aliis, mirabiliter perfecisse, & potuisse ab Angelis transferri; sicuti Papebrochius in *responsione ad Patrem Sebastianum a Sancto Paulo Antuerpia edita anno 1697.* & signanter in *responsione ad art. 25. num. 116. pag. 522.* argumentatur: *Erat quidem locus ille, in quo, annuntians Angelo, Dei Filium Virgo concepit, parvus & humilis, qualis hodie dum Laureti conspicitur illuc translata adicula ab Angelis. Sed quis hanc totam Josephi domum fuisse dixerit, in qua & suam ille officinam habuerit, & cubiculum a Virginis, Ancillulaque cubiculis diversum, & culinam, & cetera necessaria omnia? Quantoque & decori & rationi verisimilius cogitabimus illam quasi appendicem majoris domus, sive (ut vulgo loquimur) eadei domus posteriores, ubi (more gentis solita mulierum habitationem seorsim habere) Virgo degeret orationi, contemplationi, ac muliebri operi vacans procul a strepitu officinae, & concurrentis illuc multitudinis, prandiumque ac cenam Josepho & Filio prepararet? Mentio scilicet ibi sit habitationis mulierum separatae ab habitatione virorum: quod procul dubio moribus Hebræorum consonum erat, cum tentoria Sane, Rachelis, & Lia essent distincta a tentoriis Abraham, Isaac, & Jacob; Salomon autem aedes edificaverit uxori suæ filia Regis Egypti: quod argumentum late prolequitur Calaneo in sua dissertatione de *privatis adibus Hebræorum.* Certum est autem, Mariam Virginem Josepho sponsam fuisse, cum ad eam Angelus missus est: *Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph: habetur Lucæ cap. 1. v. 26.* Disputatur solummodo inter factæ Scripturæ Interpretes, utrum tunc Beatissima Virgo fuerit tantum sponsa, an etiam nupta S. Joseph. Sponsam tantum fuisse putavit Baronius in *Apparatu* §. 55. Nuptam veto censent Cornelius Lapide in *Mattheum cap. 1.* & Janlenius in *eundem locum*, exultimantes, Evangelistas usos esse vocabulo *desponsata*, ut ostenderent, eam per matrimonium virginem esse non desuisse. Querunt etiam iidem Interpretes, utrum fuerit ab Angelo salutata in paterna domo, an in domo Joseph. Sed receptior opinio est, eam in domo Joseph fuisse salutatam, cum, juxta morem Hebræorum, non modo nuptæ, sed etiam sponsæ in sponsorum domibus habitarent, uti perspicue docuerunt S. Joannes Chrysolomus in *Martineum homil. 4.* & S. Bernardus *homil. 2. super Missus est*, quibus adheret S. Thomas 3. *part. quasi. 29. art. 2. ad tertium.* Verum, siue Beatissima Virgo, cum fuit ab Angelo salutata, fuerit sponsa, siue uxor, siue habitaverit in domo paterna, siue in domo S. Joseph, semper sublimitur ea, quæ superius dicta sunt de parte domus, seu de cubiculo ab aliis aedibus separato, ubi sola habitaret. Quare S. Ambrosius in *Lucam cap. 1. col. 284. oper. tom. 1.* inquit: *Sola in penetralibus, quam nemo virorum videret, solus Angelus repereres; sola sine comite, sola sine testis, ne quo degenitri deprecaretur assatu, ab Angelo salutatur;* subjicitque S. Bernardus *homil. 3. super Missus est (col. 750. operum vol. 1.); Quo ingressus ad eam? Puto in secreta-**

secretarium pudici cubiculi, ubi illa fortassis, clauso super se ostio, orabas Patrem suum in abscondito.

16 Turfelinus in *Laureana historia* auctoritate utitur Blondi, Baptiste Mantuani, & Leandri Alberti, ut ab impactis calumniis sacram vindicet Ædem. Flavius Blondus, qui fuit ab epistolis Eugenii IV. famam dumtaxat, & religionem Domus Lauretanæ extollit. Mantuanus utitur verbis (apud Turfelinum lib. 2. cap. 6.) non universam Ædem, sed cubiculum indicantibus: *Historia igitur in tabella continebatur ejusmodi: Templum Beata Dei Genitricis Lauretana quondam ipsius Virginis cubiculum fuit, in quo nata, nutrita, ab Angelo Gabriele salutata, & Spiritu Sancto fuit obumbrata.* De cubiculo pariter, non de Domo loquitur Leander Albertus (apud eundem Turfelin. lib. 2. cap. 28.): *Enimvero me vires deficiunt cunctantem dicere de sanctissimo illo religiosissimoque cubiculo, ubi nata, ubi educata est cali Regina, semper Virgo, ac Dei parens Maria, eademque miserorū mortalium apud Filium suum Patrona, ubi Archangeli Gabrielis nuncio Dei mater effecta appellataque est.* Joannes etiam Episcopus Cabillonensis, Scriptor anni 1450. qui opus composuit, cui titulus *Topographia Sanctorum*, typis editum post Martyrologium Francisci Maurolici; quod quidem opus a Turfellino visum non fuit, in verbo *Recanatum* hæc habet: *Hic est Ædes Sancta Maria de Loreto, qua fuit camera civitatis Nazareth, in qua ipsa Beata Virgo ab Angelo fuit salutata, huc usque ab Angelis transportata.* Potro verba *Cubiculum, Camera*, non universam domum, sed partem domus designant: & quatenus nomine cubiculi & camere integra ædes esset intelligenda, ob id tamen vis argumenti non cessaret; cum, ex alibi dicendis, in hac materia sæpe totum pro parte sumatur. Exemplo sit Columna marmorea, cui Christus alligatus flagellatus fuit. Ea Hierosolymis fuit usque ad annum 1223. quo tempore Romam translata est, sedente Honorio III. a Joanne Cardinali Columna Apostolica ad Orientales Legato, & posita in æde S. Prædix ad Exquilias. Columna ea passim appellatur, & hoc nomine pariter insignitur in marmore indice translationis. De ea loquitur S. Hieronymus *epist.* 108. *eccl.* 69. 1. tom. 1. ubi de Paula sacra loca Hierosolymis perlustrante: *Ostendebatur illi Columna ecclesie porticum sustinens, infecta cruore Domini, ad quam pinctus ducitur, & flagellatur.* Horum itaque verborum causa nonnulli putant, columnam Romanam esse dumtaxat partem columnæ, de qua loquitur S. Hieronymus, basim scilicet, aut capitulum. Alii integram dicunt, quod esset columnæ porticus inferioris, quæ humiliori columna poterat sustentari. Legi potest *disp.* 11. *de flagell. Christi columna* apud Franciscum Collium lib. 3. *de Sanguine Christi.* Signum autem hoc est, totum pro parte usurpari; ideoque etiam nomine domus, aut ædis, partem ejus, seu cubiculum commode intelligi posse.

*De concessione Officii & Missæ in honorem Beatae
Virginis de Pilar.*

17 In ecclesia Cæsaraugustana celebrabatur Officiū, ut moris est, in honorem dedicationis ipsius. Supplicatum est pro concessione propriarum lectionum secundi Nocturni, & in lectionibus exhibitis referebatur, Beatissimam Virginem adhuc viventem apparuisse supra quamdam columnam marmoream S. Jacobo Majori in Hispaniam profecto, eique imperasse, ut in sui honorem ibi ecclesiam ædificaret, prout factum esse dicebatur. Producebatur antiqua scriptura ex pergamena charta, quæ dicebatur quingentorum saltem annorum, & in ea erant hæc verba, quæ ferebantur prolata a Beatissima Virgine: *Ecces Jacobe fili, locus signatus, meoq; honori deputatus, in quo in mei memoriam tui industria mea ecclesia consruatur.* Centum & septuaginta octo Scriptores historici asseriebantur prædictam apparitionem testantes, necnon diplomata Pontificia Callisti III., Clementis VII., & Pauli IV. hanc ipsam apparitionem referentia. Itaque in meis animadversionibus ratione officii exaratis professus sum, me nolle adventum S. Jacobi Apostoli, filii Zebedæi, & Majoris appellati, in Hispanias, ejusque in dictis regionibus prædicationem impugnare; quamvis scirem, id magnopere ad rem meam facere, & maximam difficultatem ingerere posse adversus petitionem memoratarum propriarum lectionum. Non ignorabam quippe dissidium in Concilio Lateranensi sub Innocentio III. inter Archiepiscopos Compostellanum, & Toletanum, in quo, extollente Compostellano suam Ecclesiam supra omnes Ecclesias Hispaniarum, tum quia in ea erat corpus S. Jacobi, tum quia S. Jacobus in Hispaniis prædicaverat Evangelium, Rodericus Ximenius Archiepiscopus Toletanus, insignis rerum Hispanicarum Scriptor, ore omnium prædicatus, absolute & coram omnibus negavit Apostolum prædictum in Hispanias ingressum fuisse; asseruitque, id tantum se accepisse a quibusdam feminis religiosis, ita ut indignum reputaverit eis adhibere fidem, ideoque nullam de eo adventu mentionem facere voluerit in ea, quam conscripsit, historia; uti narrat Garzias Loaisa in collect. *Concil. Hispan. in Decreto Gundemari*, & late prosequitur Baillet in *vitis Sanctissimum tom. 2. magna editionis, in vita S. Jacobi Majoris ad diem 25. Julii*. Sciebam præterea Cardinalem Baronium in *notis ad Martyrologium Romanum* non rejecisse adventum S. Jacobi in Hispanias; sed *tom. 9. annal. ad ann. 816. num. 49.* de eo dubitare coepisse, perlecto memorato dissidio inter Antistites Compostellanum, & Toletanum; ejusque prædicationem in Hispaniis, quæ antea in Breviario Romano, a tempore saltem S. Pii. V. fuerat absolute exposita, sub Pontificatu Clementis VIII. tantum ad traditionem Hispaniarum fuisse coercitam. Sed illud quoque adverti, contrariam tempore Urbani Papæ VIII. fuisse plene in Urbe discussam, &

anti-

antiquam narrationem, quæ tempore Clementis VIII. fuerat a Breviario Romano detracta, fuisse iterum in idem insertam, atque ideo legi quolibet anno die festo S. Jacobi: *Mox in Hispaniam profectus, ibi aliquos ad Christum convertit, ex quorum numero septem postea Episcopi a Beato Petro ordinati, in Hispaniam primi directi sunt; ut testantur Macedo in sua diatriba de adventu Sancti Jacobi in Hispaniam cap. 10. §. 3. pag. 70. Marchio Mondexarenfis in libro, cui titulus, De predicatione Sancti Jacobi in Hispania, Cardinalis de Aguirre in collect. max. Concilior. Hispania tom. 1. dissert. 9. pag. 137. §. 15. expositamque concertationem inter Archiepiscopos Compostellanum, & Toletanum haberi posse tanquam supposititiam, juxta eundem Cardinalem de Aguirre loc. cit. pag. 138. tot momenta denique pro S. Jacobi apud Hispanos prædicatione pugnare, ut, si Cardinalis Baronius ea vidisset, verisimile admodum sit, eum non fuisse sententiam mutatum, teste Spondano ejus lipotomatore ad ann. 44. sub num. 4. quin immo, aliquot per eundem Cardinalem vilis & expensis monumentis, amore veritatis ad pristinam ipsum rediisse sententiam, teste Didaco del Castillo, qui tempore Clementis VIII. Romam venit, ut obtineret revocationem mutationis factæ in Breviario Romano, in præfatione ad lectorem sui operis Hispano sermone exarati pro defensione adventus S. Jacobi in Hispaniam. Itaque necessarium existimavit ab oppositione abstinere.*

18 Posito ergo adventu S. Jacobi in Hispaniam, ejusque prædicatione in eis regionibus, pro qua strenue pugnant etiam Bollandiani *tom. 6. Julii* post prædictas meas animadversiones edito, necnon Cajetanus Cennius in codice *veterum canonum Ecclesia Hispana tom. 1. edit. Rom. anni 1739. pag. 34. num. 13. & seqq.* dixi, admodum improbabile esse, ut Beate Virginis adhuc viventi S. Jacobus crexerit ecclesiam, idque fecerit, ipsa jubente, jubente videlicet Deipara tam insigniter humili, ut propterea ad summam dignitatem præ omnibus creaturis electa fuerit, quemadmodum argumentatur Natalis Alexander *part. 1. sæcul. 1. dissertat. 4.* Ne vero uti viderer sola auctoritate Auctoris Galli, & proscripti, addidi, Cardinalem de Aguirre Auctorem Hispanum, & maxime probatum, strenue quidem pugnare pro adventu S. Jacobi in Hispaniam, sed de apparitione Beatæ Mariæ Virginis de Pilar *tom. 1. Concilior. Hispan. pag. 153. §. 97.* hæc scripsisse: *Quod vero aliqui ajunt, Deiparam Divo Jacobo jussisse, ut Oratorium in ipsius honorem edificaret, videtur a non multo tempore introductum fuisse fundamento apud Anriquos, & a veritate alienum. Quis enim facile credat, Deiparam tam insigniter humilem, ut propterea ad summam eam dignitatem præ omnibus creaturis electa fuerit, exegisse eum cultum omnibus mortalibus insolitum a Jacobo? Nec satis occurrer, si dicas, illam non proprio nutu, sed Dei monitu & inspiratione jussisse, ut is honor sibi ab Apostolo, & aliis Christianis intra mortalem vitam impenderetur: quoniam enim id sit possibile absolute, videtur incongruum modestissima atque humillima Virgini. Quare non est putandum*

id ipsi inspirasse Deus, sed dumtaxat Jacobo, qui absque ulla canodoxie umbra aut praesumptionis specie potuit Dei Matrem novum Orbis prodigium novo eo cultu & moralibus insalito venerari. Quod autem attinet ad diplomata Pontificia, apparitionem dixi in illis enarratam occasione concessionis Indulgentiarum, & confirmationis privilegiorum, non tamen idcirco approbatam dici posse; cum aliud sit historiae probatio, aliud usurpatio, & Pontifices aliquando utantur receptis opinionibus, sententiis, rebusque vulgatis, ut aliquid suadeant, nec tamen quaecumque in hunc usum intulerint, ea continuo Sedis Apostolicæ iudicio probasse dicendi sint, teste Melchiore Cano *de locis theologicis* lib. 11. c. 5.

19 Facta harum animadversionum communicatione cum Postulatoribus, congruè ab ipsis suppeditatæ sunt responsiones, quarum nonnullæ petiæ fuerunt ab inconcussa traditione tot documentis comprobata, nonnullæ ex generali assertione Cardinalis Baronii in *not. ad Martyrol. Rom. die 9. Octobris*, ubi, qua solet, gravitate & moderatione advertit, non esse detrahendam fidem antiquis monumentis, propterea quod in eis aliqua referretur circumstantia a vero, seu a verisimilitudine aliena: Si ob unum errorem vel alterum in *vitis Sanctorum inventum*, cetera quæ remanent, fide carere dixerimus, profecto omnes fere Sanctorum *vitas* in maximum discrimen induerimus, cum pene in omnibus aliquid notari possit, quod corrigendum videatur, siquæ canonicarum tantummodo Scripturarum singularis prerogativa, ut in eis cuncta vera, inconcussa, certa quæ enarrantur. Proles sunt, se non asserere, rem in diplomatibus Pontificiis fuisse definitam; sed traditioni auctoritatis pondus & probabilitatis accessisse ex eo, quod apparitio in illis infera fuerit. Tandem novas lectiones exhibuerunt desumptas ex *sermone sexto Sancti Bernardi Abbatis de ecclesia dedicatione*; & in fine lectionis sextæ verba hæc ad apparitionem pertinentia legebantur: *Ut enim pia & antiqua traditio habet, cum Iacobus Apostolus, Major nuncupatus, Divino consilio in Hispaniam appulisset, & aliquando Cesar-Augusta substitisset, ibi a Beatissima Virgine Maria insigni beneficio dignatus est: ipsi namque cum aliquot Discipulis noctu ad Iberi fluminis ripam oranti Despara adhuc in humanis agens apparuit, eique injunxit, ut sacellum extrueret. Quare nihil cunctatus Apostolus, Discipulis opem ferentibus, adiculam Deo in ejusdem Virginis honorem dedicavit: Facta est autem lectionum approbatio, & concessio Officii cum illis.*

20 In Officii hujus concessione elucet pietas & prudentia Congregationis sacrorum rituum: pietas quidem, cum non improbaverit traditionem in Hispaniis receptam; prudentia vero, cum narrationem sic temperaverit, ut ecclesiæ modificationem Beatissimæ Virgini, ecclesiæ autem dedicationem in ejus honorem, non ipsi Beatissimæ Virgini, sed potius S. Jacobo adscripserit. Dum in primo libro hujus Operis agebatur de *questione*, an aliquis adhuc vivens, virtutibus & miraculis clarus, posset inter Sanctos referri, negantem amplexi sumus sententiam; excita-

taque

taque difficultate de templis in honorem Beatissimæ Virginis Mariæ adhuc viventis erectis, ad hunc locum lectorem remisimus. Quocirca, quatenus promissa responsio exigatur, dicimus, narrationem dedicationis hujus & aliorum templorum in honorem Virginis adhuc viventis non esse ab Ecclesia definitam, sed permissam tamquam probabilibus fundamentis innixam, & pietati consonam; ideoque in diplomate Callisti III. narrationi præmittuntur hæc verba: *Cum, sicut accepimus; & in eo Clementis VII. adduntur hæc: Ut pie creditur, & illie affirmatur: nec ab ea narratione argumentum desumi posse pro Canonizatione alius ejusdemque adhuc viventis, uti recte advertit Cardinalis de Aguirre cit. dissert. 9. excurs. 7. num. 79. Nemini incredibile censendum est, quod non multis post Christi obitum annis vel Jacobus, vel quispiam alius Apostolorum dicaret Deipara Virgini adhuc viventi Templum, vel Oratorium aliquod. . . . Nulla in eo repugnantis apparet, cum dignitas propemodum infinita Deipara, & sanctitas incomparabilis supra omnes Electos, & puritas, qua nulla major sub Deo potest intelligi, ut loquitur Sanctus Anselmus, exigant quasi jure suo specialem aliquem cultum nulli alteri mortalium concessum. Et id certe putandum non est accidisse, nisi ex speciali ordinatione Dei volentis ac jubentis, ut Marii sua singulariter inter omnes mortales id obsequium impenderetur. . . . Proindeque nemo prudenter respuere potest veluti indecentem, aut rationi adversum, honorem ejusmodi singularem Deiparae a Jacobo Apostolo præstitum, utpote satis confecto ejus summa dignitatis, juxta quam nec primam similem visa est, nec habere sequentem, uti Ecclesia accinit, & præterea divinitus monito ad id agendum.*

De Officio in honorem Sanctissimæ Virginis Rosarii:

21 Notæ sunt contentiones de institutione Rosarii Beatissimæ Virginis. Nonnulli id coætaneum faciunt Ecclesiæ: nonnulli ejus institutionem referunt ad Apostolos, & signanter ad Sanctum Bartholomæum, quemadmodum videri potest apud Beatum Alanum de Rupe in opere de *Psalterio Christi ac Mariæ* pag. 8. olim confecto a Joanne Andrea Coppesstein, a mendis autem expurgato a Dominico Riera: Aliqui animadvertentes, desumi ex Hermia Sozomeno libro 6. *historia Ecclesiastica* cap. 29. & ex Palladio in *historia Lausiaca* cap. 23. quod antiquissimi eremi Patres preces usurpabant per calculos numeratas, & quod ejusdem pie consuetudinis per subsequencia sæcula continuatæ monumenta extant sæculi XII., Guillelmi videlicet Malmesburienfis Monachi, & alia apud Surium in *historiis Sanctorum* tom. 2. ad diem 7. Aprilis, & apud Vincentium Bellovacensem in *speculo historiarum* lib. 30. cap. 24. primordia Rosarii antiquissimis eremi Patribus attribuant: alii demum sunt, qui auctorem Rosarii faciunt S. Benedictum, alii venerabilem Bedam, alii Petrum Eremitam civem Ambianensem, alii denique Ven. Fratrem Alanum de Rupe Ordinis Prædicatorum. At, cum Rosarium componatur ex centum & quin-

K k k k 2

qua-

628 DE SERVORUM DEI BEATIFICATIONE

quaginta Salutationibus Angelicis ad numerum Davidici Psalterii repetitis, & Oratione Dominica ad quamlibet decimam Salutationem Angelicam cum certis meditationibus totam Domini nostri Jesu Christi vitam demonstrantibus interposita, unusquisque satis dignoscere poterit, nullam ex allatis opinionibus esse recipiendam. Prætermisissis etenim illis, quæ mole sua ruunt, documenta Sozomeni, & Palladii, & alia quævis temporum subsequentium, usum quidem probant Orationum repetitarum, & etiam per calculos numeratarum, sed Rosarii modo expositi usum non ostendunt. Porro tempore S. Benedicti, & Ven. Bedæ Salutatio Angelica, seu Oratio, quæ dicitur *Ave Maria*, minime in more erat, cum Odo Parisiensis Episcopus anno 1196. inter primos fuerit, qui Statutum edidit, Salutationem Angelicam addens Orationi Dominicæ, & Symbolo: *Exhortentur populum sæpe Presbyteri ad dicendam Orationem Dominicam, & Credo in Deum, & Salutationem Beatæ Virginis*: quod efficit, ut institutio Rosarii adscribi non possit S. Benedicto, aut Ven. Bedæ, veluti ingenue admittit Joannes Mabillonius Monachus Benedictinus in *prefat. ad sæculum v. num. 125.* & concordant ex Dominicana familia Natalis Alexander in *hystor. Ecclesiast. sæculi xii. & xiv. art. 5. num. 1.* & Graveson in *hystor. Eccles. tom. 5. pag. 523.* Pariter, quod dicitur de Petro Eremita cive Ambianensi, satis apto haud ininitur testimonio, cum id sit ex Polydoro Virgilio *lib. 5. de Inventoribus rerum cap. 9.* Sed alii Historici contendant inter se, quis fuerit ille Petrus, afferentibus nonnullis, fuisse Monachum Benedictinum, aliis autem, fuisse celebrem Eremitam sacri belli tubicinem tempore Urbani II., quemadmodum legi potest apud Theophilum Raynaudum *tom. 7. in diptychis Marianis 231.* Labente sæculo xii. Herimannus libellum scripsit de *restitutione cenobii S. Martini Tornacensis* editum a Dacherio *tom. 12. spicilegii pag. 414. & 415.* in quo narrat, secundam constructionem Lesciensis in Hannonia monasterii factam fuisse a Theodorico & Ada ejus conjuge, & quemdam Eremitam in proxima silva vilonem habuisse de Theodorico ad Dei judicium vocato, quod in bello contra Comitem Balduinum nonnulla combusserat monasteria. Cumque Herimannus ipse præterea narret, Beatissimam Virginem pro eo intercessisse, talis ad eam ab Ada precibus, recitata videlicet Angelica Salutatione singulis diebus sexagies; usumque hunc pium ad aliorum notitiam delatum Gosceugino Adæ filio adeo placuisse, ut non tantum quotidie easdem Salutationes repeteret, sed militibus etiam suis, eas ut dicerent, suaderet: probabile admodum ideo est, Eremitam hunc fuisse a Polydoro confusum cum Petro Eremita, & expositam Adæ devotionem in Rosarium fuisse deortatam; uti adnotavit citatus Mabillonius *loc. cit. num. 127.* Denique Ven. Frater Alanus de Rupe Ordinis Prædicatorum haberi nequit Institutor, sed duntaxat Restitutor Rosarii prius instituti, deinde intermissi, teste Joanne Trithemio Ordinis D. Benedicti Monacho & Scriptore eruditissimo in *catalogo virorum illustrium* edit. *Francfurt. pag. 164. in verb. Alanus,*

-sup

cui

cui adhæret Navarrus in *miscellaneis de oratione* pag. 793. Quod & colligitur ex *cap. 8. citati Operis* ipsius Alani de Rupe de *Psalterio Christi ac Mariæ*, ubi cum totus fuerit in probanda antiquitate Rosarii, caput idem absolvis his verbis: *Quibus ex omnibus de plano liquet, quod docere, vel predicare Psalterium Virginis Mariæ minime de ulla novitatis nota juxte suspectum haberi, culpæ parique potest. Adeo ritus est antiquissimus, laudatissimus, & honoratissimus in Ecclesiâ; tametsi per incuriam hominum, & temporum injuriam subinde torpuit neglectus.*

22 Explosis autem prædictis opinionibus, pia vigeat, vigetque adhuc in Dominicana familia traditio, institutum fuisse Rosarium a S. Dominico: licet enim præcessisset precum repetitio, & forte etiam Salutationum Angelicarum, præfinitio tamen numeri centum & quinquaginta Salutationum Angelicarum, & quindecim Orationum Dominicarum, adjuncta quindecim præcipuorum humanæ redemptionis mysteriorum pia meditatione, soli Sancto Dominico uti Auctori adscribenda videtur; quemadmodum ex Dominicana familia sustinent Malvenda in *annal. Ord. Prædicatorum* ad ann. 1215. pag. 132. Justinus Micchovenlus *super Litanis Beatissimæ Virginis tom. 2. per totum, Graveſon in histor. Eccles. tom. 5. pag. 523. & extra familiam Dominicānam Spondanus in annal. ad ann. 1213. num. 18. Lezana tom. 3. annal. ad ann. 1086.* Profecto quamvis forte desint Auctores contemporaneos institutionem S. Dominico adscribentes, magni nihilominus momenti traditio habenda est, cum pluribus fulciatur adminiculis & conjecturis: nam præter argumentum ab enumeratione partium deductum, quod apte concludere videtur pro Rosarii institutione ad S. Dominicum referenda, Leo Papa X. in sua Constitutione, quæ est ordine secunda in *append. tom. 3. Bullarii veteris*, refert, quod in historiis legebatur, S. Dominicum in civitate Colonienſi Confraternitatem utriusque sexus Christianifidelium instituisse, nuncupatam de Rosario Beatæ Mariæ Virginis ad honorem Angelicæ Salutationis. Quocirca sæpe citatus Mabillonius in *præfat. ad fac. v. ex quodam Chronico Sanctæ Agnetis num. 128.* hæc habet: *Institutio itaque Confraternitatis Rosarii anno 1475. facta est in alma Universitate Colonienſi per Doctores sacre Paginæ Prædicatorum Ordinis, immo postea renovata est, quia per Beatissimum Patrem Dominicum legitur predicata, licet ad tempus fuerit neglecta, ac oblivioni tradita.* Post obitum quoque S. Dominici sanctissimi Rosarii devotio in universo Ordine Dominicano propagata est, veluti antiqua historiarum monumenta produat erudite collecta *tom. 1. Scripturum Ordinis Prædicatorum* inchoato a Fratre Jacobo Quetif, & absoluto a Fratre Jacobo Echard pag. 852. atque etiam in *historia Ecclesiastica Placentina Petri Campi in regesto privilegiorum num. 108. pag. 406. tom. 2.* proſtat bulla Alexandri IV. summi Pontificis data anno 1294. & idcirco tantum triginta quatuor annis post obitum S. Dominici, in qua Indulgentiam clariguitur Confraternitati sanctissimi Rosarii erectæ in ecclesia Fratrum Prædicatorum civitatis Placentinæ.

23 Præter hæc, alia non deficiunt adminicula, quæ suadent, institutionem Rosarii esse ad S. Dominicum tamquam Auctorem referendam, ut rigidus censor Baillet *ad diem 15. Augusti §. 6. num. 33.* ingenue dixerit, injustum esse refragari institutioni Rosarii a S. Dominico factæ. Quibus omnibus si addantur Romanorum Pontificum bullæ, Leonis videlicet X. de quo supra, S. Pii V. quæ est octuagesima sexta *Bullarii tom. 2. Gregorii XIII.* quæ est undecima *Bullarii tom. 2. Sixti V.* quæ est vigesima prima *Bullarii tom. 2. Clementis VIII. Alexandri VII. Innocentii XI. & Clementis XI.* fateri necesse erit validissimo niti fundamento dictum Malvendæ in *annal. Ord. Predicatorum ad ann. 1215. cent. 1. pag. 132.* ubi hæc habet: *'Romanorum Pontificum apertissima attestazione exploratissimum esse constat, sanctissimum Dominicum Predicatorum Ordinis Fundatorem, virum Apostolicum, ipsique Apostolicis propemodum conferendum, tam admirabili, ac celestis plane lucenti, nempe Rosarii, non sine Spiritus Sancti afflatu extitisse excogitatore, repertorem, auctorem, promulgatorem, & clarissimum ubique terrarum Christiani orbis præconem.*

24 Fuerunt hæc a me fusc adducta, dum munere sungebar Fidei Promotoris, in dissertatione typis edita, cum anno 1725. in sacrorum rituum Congregatione ageretur de concessione lectionum propriarum secundi Nocturni Officii sanctissimi Rosarii Beatissimæ Virginis Mariæ pro universa Ecclesia. Fuerunt item ea latius & felicius resumpta ab erudito Fratre Thoma Vincentio Monelia Ordinis Prædicatorum in sua dissertatione Romanis typis edita *de origine sacrarum precum Rosarii Beata Maria Virginis.* In prima autem lectione secundi Nocturni unusquisque eximiam Congregationis sacrorum rituum prudentiam poterit admirari, cum non definiendo, sed exponendo, habitoque respectu ad Constitutiones summorum Pontificum, in quibus utique non exiguum auctoritatis pondus consiliter debet, institutionem sanctissimi Rosarii referat ad S. Dominicum: *Est autem Rosarium quadam precandi formula, qua quindecim Angelicarum Salutationum decades, Oratione Dominica interjecta, distinguimus, & ad earum singulas totidem nostræ reparationis mysteria pia meditatione recolimus.* Ex eo ergo tempore hic orandi modus mirabiliter per Sanctum Dominicum promulgari, angerique coepit, quem ejusdem institutorem, auctoremque fuisse, summi Pontifices Apostolicis litteris passim affirmarunt. Demum de institutione Rosarii legi possunt Acta Sanctorum a Continuatoribus Bollandianis edita *ad diem 4. Augusti in vita S. Dominici*, quæ post hæc jam scripta a Nobis visa sunt. Legi quoque possunt Scripta nomine Christiani Catholici, missa *Viris pacificis Antuerpiensibus Editoribus Actorum Sanctorum x. Kalendas Maji 1734.* ubi hæc habentur: *Queritis, an Sanctus Dominicus instituerit Deipara Rosarium? Ancipitis animi vos esse fingitis &c. Verum quid de tot oraculis summorum Pontificum Leonis X. Pii V. Gregorii XIII. Sixti V. Clementis VIII. Alexandri VII. Innocentii XI. Clementis XI. Innocentii XIII. Benedicti XIII. aliorumque, quibus visum est, Sanctum Dominicum fundatorem esse Rosarii?*

De Officio Sancti Ildefonsi Archiepiscopi Toletani.

25 Hactenus de concessione nonnullorum Officiorum propriorum, de quibus in capitibus præcedentibus sermo habitus fuerat. Nunc autem alia addenda sunt, de quibus licet nullum huc usque verbum factum sit, certum tamen est, ea prodesse posse rei, de qua nunc agitur. Supplicatum fuit sacrorum rituum Congregationi pro extensione Officii S. Ildefonsi Archiepiscopi Toletani sub ritu duplici ad universam Ecclesiam, & sub ritu duplici primæ classis cum Octava ad omnia Regna Hispaniarum, in quibus ex Apostolica concessione idem recitabatur Officium sub ritu duplici minori absque Octava; & die 19. Januarii 1697. responsum fuit pro extensione Officii ad omnia Regna Hispaniarum sub ritu duplici sine Octava, ad universam autem Ecclesiam sub ritu semiduplici *de precepto*. Relator hujus Causæ erat Cardinalis Colloredus, pietate & doctrina insignis, qui pro extensione ad Ecclesiam universalem sic ait in suo suffragio, quod protulit in sacra Congregatione, & originali forma ad me missum fuit a Guicciardo Episcopo Cælenate, viro docto, qui fuerat ejusdem Auditor: *E' da considerarsi, che si tratta d'un Santo annoverato tra i più celebri Scrittori Ecclesiastici ec. come più espressamente si riferisce nelle lezioni proprie di questo Santo già dalla Sede Apostolica approvate per la Chiesa di Toledo ec. In recognitione di questo beneficio è stato costume della Chiesa di venerare con particolar culto quei Santi, che colle loro dotte fatiche l'hanno illustrata, o difesa; e per tacere di Santi Dottori, & di molti altri esempj più antichi, pare, che questo sia stato il motivo, per cui in questi ultimi anni sono stati conceduti ed estesi per tutta la Chiesa gli Uffici di S. Anselmo, di S. Tommaso di Villanova, di S. Vincenzo Ferrero, di S. Antonino Arcivescovo di Firenze, e di S. Lorenzo Giustiniano.*

26 Verumtamen quia, dum agitur de extensione lectionum propriarum particularibus Ecclesiis concessarum ad Ecclesiam universalem, in more positum est, ut eadem rursus examinentur (aliqua quippe legi possunt & admitti in lectionibus, quæ particularibus Ecclesiis concessæ sunt, propter aliquam ibi vigentem traditionem, quæ nec legi nec admitti possent videntur in Ecclesia universali, ad quam ea traditio non extenditur): cum in lectionibus jam antea concessis & approbatis pro particularibus Ecclesiis Hispaniarum legeretur, orante Sancto Ildefonso ad sepulcrum Sanctæ Virginis Leocadiæ, referato repente sarcophago, Leocadium prodixisse, & videntibus cunctis atque audientibus, Ildefonsi merita de Virgine Maria commendasse his verbis: *O Ildefonse, per te virgis Domina mea, quæ cali culmina tenet* (doctissime quippe Ildefonsus confutaverat hæresim Elvidianam, quæ perpetuam Mariæ Dei genitricis virginitatem tollebat) supra memoratus Cardinalis Colloredus sic suum sensum in sacra Congregatione exposuit, ut ex allato ipsius suffragio desumitur: *Siccome tutte le memorie che si hanno di S. Ildefonso, comprovano concordemente la verità dell'apparizione*

vizione di Santa Leocadia; e della lode datagli dalla medesima per aver difesa la verginità della Beatissima Vergine, impugnata allora da certi Eretici; così ci lasciano in dubbio, quali fossero precisamente le parole profferite dalla Santa, che dagli Autori, e Lezionarj antichi vengono diversamente riferite. La considerazione di quest' incertezza, e della grande durezza, che s'incontra in quelle del Breviario Toletano, Per te vivit Domina mea, mi ha costituito in debito di ricercare sopra questo punto l'oracolo dell' EE.VV. prima di pubblicare le lezioni già concedute per tutta la Chiesa, per sentire, se fosse spediente di prescindere dal riferire le parole precise (giacchè veramente non si fanno) e contenersi semplicemente in dire, che la Santa lo ringraziò, e lodò dell' opera prestata in difesa della Beatissima Vergine, o in altri simili termini. E' vero, che queste medesime parole sono state più volte approvate; ma è ancora certo, maggior diligenza ricercarsi nella verificazione di quelle istorie, che s'inseriscono nel Breviario Romano, di quella forse che si sia usata nella ricognizione de' Breviarj di Nazioni, o Religioni, o Chiese particolari, massime quando si tratta d'approvare un modo di parlare tanto duro ed iperbelico, ed alieno da quella maniera semplice e piana, che è il linguaggio de' Santi. Questa semplicità può osservarsi praticata nelle apparizioni di Cristo Signor nostro a S. Martino, ed a S. Tommaso d'Aquino, e nelle parole profferite in lode de' medesimi Santi piene di gravità, e semplicissime, senza veruna esagerazione.

27 His igitur permota rationibus sacrorum rituum Congregatio die 6. Decembris 1698. censuit, non esse prædicta verba inferenda lectionibus in universali Ecclesia legendis. Renovata autem instantia die 7. Augusti 1723. dum Promotoris Fidei munereungebar, ipse non modo re-sumpsit difficultates excitatas a sæpe memorato Cardinali Colloredo, sed etiam addidit, verba illa, Per te, Ildefonse, vivit Domina mea, juxta nonnullorum sensum minime fuisse prolata a S. Leocadia, sed a Choro & populo qui aderat, eaque non Beatissimam Virginem, sed S. Leocadium respiciunt. Cum etenim hujus Sanctæ corpus quæreretur, & adhuc inventum non fuisset, orante autem S. Ildefonso, S. Leocadia e tumulto quasi redi-viva surrexisset, nil mirum, si astantes verba protulerint in laudem tum S. Leocadiæ, tum S. Ildefonsi; quasi per illa verba, Per te, Ildefonse, vi-vit Domina mea, dicere voluerint: Ex meritis tuis, Ildefonse, quasi rediret nobis apparuit Sancta Leocadia Domina nostra. Ita nempe colligitur ex vita S. Ildefonsi scripta a Zixiliano Episcopo apud Bollandianos ad diem 23. Januarii, & sic expresse loquitur Nicolaus Antonius in Biblioth. Hispan. vet. lib. 5. cap. 6. num. 302. ubi hæc habet: Unde videmus, non verba esse Leocadia Martyris ea quæ vulgo ei tribuuntur, Vivit Domina mea per vitam Ildefonsi, sed populi acclamantis eadem Martyri e tumulto veluti resurgenti. Nec enim ur-gere dixi subsequencia verba, quæ celi culmina tenet, prioribus apposita, quæ verba ad Sanctissimam Virginem tantum referri possunt; tum quia non habentur in prædicta vita S. Ildefonsi scripta a memorato Episcopo; tum quia quamvis legantur in lectionibus approbatis pro Ecclesia Toleta-na ad

na ad diem 23. Januarii in festo S. Ildefonsi, non leguntur tamen in lectionibus eidem Toletanæ Ecclesiæ concessis pro die 9. Decembris in festo S. Leocadiæ. His itaque positis, sacra Congregatio nequaquam annuit petitioni Postulatorum, sed iussit, ut lectiones reformarentur, & per manus mitterentur: animadversa vero subinde pia traditione, quæ in Hispaniis vigeat de prædictis verbis prolatis a S. Leocadia, quæ traditio historicis monumentis, & antiquis Breviariis innitebatur, noluit quidem extendere lectiones cum verbis prædictis ad Ecclesiam universalem, sed tamen benigne indulgit extensioni earumdem ad regiones Hispaniarum Regi Catholico subiectas, quemadmodum ex hoc decreto apparet: *Ad enixas Reverendiss. Archiepiscopi, humillimasque preces Capituli Ecclesiæ Primatialis Toletanæ, aliorumque Capitulorum Ecclesiarum Hispaniæ pro extensione Officii & lectionum propriarum Sancti Ildefonsi Archiepiscopi Toletani, sacrorum rituum Congregationi porrectas, easque per Eminentiss. & Reverendiss. Dominum Cardinalem Belluga relatas, sacra eadem rituum Congregatio, tam in scriptis, quam in voce Reverendiss. Prospero de Lambertinis Archiepiscopo Theodosiæ Fidei Promotore prius audito, supradictum Officium ab omnibus Secularibus & Regularibus utriusque sexus, qui ad Horas Canonicas tenentur, in cunctis Regnis ac Dominis Serenissimo Hispaniarum Regi Catholico subiectis tantum sub ritu duplici secundæ classis cum Octava in festo ipsius Sancti in posterum recitari posse censuit, & in reliquis respondit, Dilata, si Sanctissimo Domino nostro visum fuerit. Die 25. Maji 1726. Factaque deinde per me Secretarium de prædictis Sanctissimo Domino nostro relatione, Sanctitas sua benigne annuit. Die 23. Julii ejusdem anni 1726.*

De aliis ejusmodi Officiis in honorem Beata Maria Virginis concessis.

28 Sanctum Lucam medicum fuisse desumitur ex epistola Apostoli ad Coloss. 4. v. 14. *Salutat vos Lucas medicus carissimus.* De eodem scribit S. Hieronymus in Isaïam lib. 3. cap. 6. oper. tom. 4. col. 97. *Euangelistam Lucam, tradunt veteres Ecclesiæ Tractatores, medicina artis fuisse scientissimum, & magis Græcas litteras scivisse, quam Hebræas.* Fertur quoque fuisse pictor; & variæ extant Imagines Beatissimæ Virginis, quæ ab ipso pictæ dicuntur. Theodorus Lector, qui sæculo vi. vixit, hæc habet lib. 1. cap. 1. (*ex recens. Henrici Valesii p. 551.*): *Eudociam ab urbe Hierosolymitana ad Pulcheriam misisse Imaginem Matris Domini, quam Lucas Apostolus depinxerat.* Præterea meminit Simeon Metaphrastes sæculi ix. Scriptor. Displacent hæc nonnullis: vel enim, inquit, Lucas erat genere Judæus, & nemo est qui nesciat, pictoriam artem tunc temporis Hebræis vetitam fuisse: In civitatem eorum (verba sunt Origenis lib. 4. contra Celsum) nullus Pictor admittitur: vel fuit origine Gentilis, & ab Apostolo Paulo Antiochiæ in Syria prædicante ad Fidem Christi vocatus; &, si ita est, non ita facile suaderi potest, vel Christum Dominum, vel ejus Virginem Matrem, quos nunquam viderat, ad vivum pingere potuisse. Ita argumentatur Serry exercitat. 47. num. 9. Sed ejus

Tom. IV.

LIII

argu-

634 DE SERVORUM DEI BEATIFICATIONE

argumentis bene respondetur a Cardinali Gotto in tractatu de vera Ecclesia adversus Piceninum tom.2. part.2. art. 16. §. 15. num.87. & in tractatu de veritate religionis Christiana tom.5. cap.3. §.2. & 3. & a Sandino in historia Apostolica pag.287. : ita ut Ayala in suo tractatu Pictor Christianus, lib.4. cap.2. num.11. non dubitaverit asserere, non licere Scriptori Catholico atque pio fecus opinari. Addi potest Gretserus tom.15. oper. edit. Ratisbonen. ann.1741. num.19.

29 Major difficultas in eo consistit, an hæc, vel illa Imago Beatissimæ Virginis, quæ picta dicitur a S. Luca, fuerit revera ab ipso depicta. Apud Bollandianos tom.1. Maji pag.46. legitur, pie a nonnullis credi, S. Lucam fuisse pictorem, cum circumferantur Imagines Beatissimæ Virginis, quæ coluntur tamquam a S. Luca depictæ. Tillemontius tom.2. pag.137. autumat, eas Imagines fuisse depictas a quodam Luca, quem nonnulli confundunt cum Evangelista. Et Baillet tom.2. vitarum Sanctorum ad diem 15. Augusti in festo Assumptionis Beatissimæ Virginis §.4. celeberrimam Imaginem, cujus meminit Theodorus, ait, non probari, fuisse a S. Luca depictam, sed probari, ita quidem pie existimatum fuisse.

30 Adest in basilica S. Mariæ Majoris Beatissimæ Virginis Imago, quæ depicta dicitur a S. Luca, & a S. Gregorio Magno celebri supplicatione ad S. Petrum delata tempore pestilentie, quæ grassabatur in Urbe, uti fuisse legitur apud Sigonium lib.1. de Regno Italia tom.2. In ejus honorem recitatur Officium a Clero basilicæ Liberianæ. Lectiones secundi Nocturni fuerunt a sacrorum rituum Congregatione approbatæ. In eis mentio fit Picturæ factæ a S. Luca, sed verbis expresse relatis ad piam & constantem traditionem. En verba: *Vetustissima hæc Deipara Virginis Imago in tabula coloribus expressa, multis ante sæculis in basilica Sanctæ Mariæ Majoris asseruata, maxima semper devotione a Principibus omnibus, omnique populo culta fuit. Illam namque a Sancto Luca Evangelista depictam fuisse, & a Sancto Gregorio Magno celebri solemnique supplicatione ad Sanctum Petrum delatam, pestilentiam, quæ tunc Urbem atrociter vexabat, depulisse, antiqua & constanti traditione a Majoribus accepta, omnes pie sentiunt. Simili loquendi forma conceptæ fuerunt lectiones Apparitionis S. Mariæ in Porticu, de qua supra: Inter alias, quæ Romæ publice coluntur, Beatissima Virginis Imagines, illa præcipuo semper in honore fuit, quæ Sancta Maria in Porticu appellatur. Hæc in palmari gemma saphiro persimili aureis lineis expressa, aliisque non vulgaris pretii lapillis exornata (quæmodum ex constanti traditione, vetustisque monumentis habetur) mirabiliter apparuit in adibus Sanctæ Galle. Rursus in lectionibus B. Mariæ de Carmelo extensis ad universam Ecclesiam, cum sermo est de privilegiis indultis a Beatissima Virgine Filiis Societati Scapularis addictis, adduntur hæc verba, pie creditur. Relatio nimirum prædicta moderatur & minuit asserionem: quapropter Prosper Bottinius Archiepiscopus Myrensis, olim Fidei Promotor, sic ait in animadversionibus, quas exaravit adversus instantiam pro approbatione festi Delationis mirificæ Imaginis S. Domini ci*

in

in Suriano : Ceterum quia Postulatores prudenter instantiam modificant, & contenti sunt, ut commemoratio asserta miraculosa Delationis non fiat absolute, nec assertive, sed cum clausula, ut fertur, quemadmodum in aliis pluribus casibus servatum fuisse, demonstratur in Memoriali, poterunt EE. PP. pro sua prudentia, serio perpensis omnibus, determinare, utrum cum hac modificatione annuendum sit instantia.

C A P U T X I.

*De Titulis Apostoli, aut Doctoris, quibus nonnulli Sancti
appellantur in Divinis Officiis aut in particularibus
Ecclesiis, aut in Ecclesia universali.*

DUODECIM Apostolorum a Christo electorum nomina sunt hæc, juxta S. Matthæum c. 10. v. 2. *Primus Simon, qui dicitur Petrus, & Andreas frater ejus, Jacobus Zebedai, & Joannes frater ejus, Philippus, & Bartholomæus, Thomas, & Matthæus Publicanus, Jacobus Alphai, & Thaddæus, Simon Chananeus, & Judas Iscariotes.* Omnes Evangelistæ Petrum primo loco ponunt, Judam postremo, reliquos non eodem ordine recitant; nam S. Marcus cap. 3. & S. Lucas cap. 6. Matthæum septimum faciunt, Matthæus autem se facit octavum. Maximi etenim momenti erat, scire primum Petri, sed nullius momenti erat, ordinem scire aliorum Apostolorum, ut ad recitatum locum Matthæi notat Cardinalis Cajetanus: *Solus Petrus ordine insignitur, & describitur primus, ad insinandum, valde prestare ad Christianam notitiam scire primum Petri; nulliusque momenti esse, nosse ordinem Apostolorum inter se: ac si aperte dixisset: Scitote Petrum primum, quidquid sit de aliis. Propter quod nullum descripsit secundum, aut tertium.* Duodecim hæc Apostolis a Christo electis tres alii insuper adduntur, S. Mathias videlicet in locum Judæ proditoris ab Apostolis successus, & Paulus, & Barnabas instinctu Spiritus Sancti Apostolatu deinde initiati. De his vero Apostolis hic loqui non institimus, sed de aliis Sanctis, de quibus queritur, an sub ritu Apostolorum coli possint in Divinis Officiis. S. Odo Cluniacensis Episcopus tractatum edidit in *Patrum Bibliotheca* existentem, in quo probare conatus est, Sanctum Martinum fuisse Apostolis parem. De eodem S. Martino scribit Severus Sulpicius *epist. 1. pag. 39. Martinus per omnia similis Apostolis: & epist. 2. pag. 47. Est ille confertus Apostolis, ac Prophetis, & quod pace Sanctorum omnium dixerim, in illo Justorum grege nulli secundus.* Similia habet *dialog. 3. Concordatque S. Petrus Damiani in ferm. de eodem S. Martino pag. 160. Oper. tom. 1. Crevit in immensum fama nominis ejus, & ausa est in ipsam Apostolicam irrumpere dignitatem, quorum manus tractaverunt de Verbo vite, qui Filium hominis inter filios hominum felici vocis officio divulgarent.* Porro hæc pia dicenda est hyperbole, & pia quædam amplificatio, cum S. Thomas *super cap. 1. ad Ephesios lect. 3.*

LIII 2

expo-

exponens illud Pauli, *Secundum divitias gratia ejus, qua superabundavit in nobis*, dicat: *Ex quo apparet temeritas illorum, ut non dicam error, qui aliquos Sanctos profumens comparare Apostolis in gratia & gloria. Manifeste enim patet ex verbis istis, quod Apostoli habent gratiam majorem, quam aliqui alii Sancti, post Christum, & Virginem Mariam.* Et post alia: *Temerarium est ergo, aliquem Sanctum Apostolis comparare.* Cum S. Thoma concordat Auctor Tractatus manuscripti de Canonizatione Sanctorum ad Cardinalem Montis Regalis cap. 5. *Sed satis clarum est, excepta Beata Virgine & Sancto Joanne Baptista tam praeclaris muneribus a Christo nobilitato, nullos Sanctos in gratia & gloria magnitudine Apostolis comparari debere.* Et ad classsem hyperbolicæ, sed pie exaggerationis referenda est oratio S. Gregorii Nysseni de S. Basilio fratre, ubi hæc leguntur: *Cui (Basilio) secundas post Apostolos partes tempus solum dat: Nam, si eodem tempore, quo Paulus, vita particeps humane fuisset Basilus, sicuti Silvanus & Timotheus, ita prorsus una cum Paulo literarum monumentis celebratus esset &c. Quod si tempore Paulus precedit, & multis aetatibus post Basilium exhibitus ac designatus est, Divina administrationis, quam hominum gratia suscepit, opus dicit, non affert probationem circa virtutis diminutionem. Nam & Moyses multis temporibus postior Abrahamo, Samuel Moysæ, & hoc Elias, & isto magnus Joannes, & post Joannem Paulus, & post hunc Basilus. Quomodo igitur in præcedentibus nihil tempus posterius quod attinet ad gloriam, qua cum Deo conjuncta est, Sanctis incommodavit, ita etiam nunc in disceptatione virtutis, ætatis commodum silentio prætermittatur &c. Si igitur ratio temporis in ceteris Sanctis nihil quod pertinet ad Divinum incrementum atque progressum imminuit, eo quod pariter & ex aquo gratia unumquemque adjuvaret ad perfectionem, non immerito audemus etiam eum, qui nostra ætate fuit, hominem Divinum, magnum illum veritatis vas Basilium inclitis illis Sanctis annumerandum esse dicere. Nec dissimile est assertum Nicolai Cabasilæ in orationibus in Sanctos Basilium, Nazianzenum, & Chrysostomum, vocantis eos Theologorum Trinitatem, Apostolos post Apostolos, Evangelistas post Evangelistas, æquales Apostolis, & Apostolos.*

2. Posito itaque, quod nullus ex Sanctis, excepta Beatissima Virgine, & excepto S. Joanne Baptista, sit cum Apostolis a Christo electis comparandus, queritur, an aliquis Sanctus, qui aliquam gentem aut nationem ab infidelitate ad Christi Fidem converterit, cognominari possit ejus gentis aut nationis Apostolus, sumpto nomine *Apostoli* non absolute & simpliciter, sed minus proprie & ad similitudinem Apostolorum, qui a Christo Domino fuerunt cooptati, ut Evangelium universo orbi annuntiarent: quod quidem questum simile est illi, quod sit a Doctoribus de Canonizatione tractantibus, an videlicet summus Pontifex possit aliquem canonizare ad ordinem Apostolorum, de quo fute agunt Castellanus de Canonizatione in principio §. Posita, Augustinus de Ancona de potestas. Eccles. quest. 16. art. 4. Pavinus in relatione Canonizationis S. Bonaventura in principio, Ceparius in directorio ms. Canonizatio. Sanctor. part. 1. art. 8. Auctor Tractatus

ms. de

ms. de Canonizatione Sanctorum ad Cardinalem Montis Regalis cap. 5. per totum, Contelorius de Canonizat. Sanctor. cap. 12. Matta de Canonizat. Sanctor. part. 4. cap. 28. num. 11.

3 De hac ergo questione respondendum videtur juxta Theophilum Raynaudum Operum tom. 8. in eo, quod inscribitur *Tituli cultus Sanctorum specialis*, punct. 3. pag. 487. posse aliquem Sanctum, qui populum aliquem aut nationem ab infidelitate ad Fidem converteret, illius populi aut nationis Apostolum, intercedente summi Pontificis auctoritate, cognominari.

4 Primo, quia *Apostoli* nomen in sacra Scriptura non est ita proprium & particulare illorum duodecim, qui fuerunt a Christo Domino electi, quin cum aliis etiam fuerit communicatum; uti legitur in Epistola ad Romanos cap. 16. v. 7. *Salutate Andronicum, & Juniam cognatos & concaptivos meos, qui sunt nobiles in Apostolis*: in 2. ad Corinth. cap. 8. v. 22. 23. *Ministrum autem cum illis & Fratrem nostrum, quem probavimus in multis saepe sollicitum esse, nunc autem multo sollicitiorem, confidentia multa in vos, sive pro Tito, qui est socius meus, & in vos adiutor, sive Fratres nostri, Apostoli Ecclesiarum, gloria Christi*: & in Epistola ad Philipp. cap. 2. v. 25. *Necessarium autem existimavi, Epaphroditum Fratrem & cooperatorem & commilitonem meum, vestrum autem Apostolum, & ministrum necessitatis meae mittere ad vos*. Quare Theodoretus (pag. 183. tom. 3.) ad illa Pauli verba ad Corinthios, *Et quosdam quidem posuisti Deus in Ecclesia primum Apostolos, secundo Prophetas*, hac adnotat: *Non dicis solus duodecim, sed etiam septuaginta, & eos, qui postea tandem gratiam sunt adepti, & inter alios Epaphroditum Philippensem Episcopum*. Quod & pluribus profequitur Petavius Theolog. dogmat. tom. 4. lib. 1. cap. 5. num. 9. in quo quidem capite late refellit Salmasium constituentem duo genera Apostolorum, eorum videlicet, qui a Christo proxime missionem acceperunt, quos *primos* vocat, aliorum autem, qui ab Apostolis missi sunt, quos *secundos* appellat; necnon Casaubonum docentem, veri Apostolatus notas desumi primo ex missione facta a Christo, secundo ex eo, quod Christum in terris Apostolus viderit, tertio ex facultate obtenta praedicandi Evangelium per totum orbem, quarto ex potestate & dignitate longe majori & augustiori, quam ulli nunquam alii functioni spiritali fuerit attributa; constituitque Apostolatus notas in munere sive proxime ab ipso Deo collato, sive hominum ministerio propagandi ubique terrarum Evangelium, & in perfectissima potestate ubique terrarum ligandi atque solvendi, Episcopos initiandi & Clericos; ita tamen, ut hac potestas in hisce fuerit extraordinaria, at in S. Petro ordinaria, & in ejus Successores derivanda una cum ejusdem S. Petri Primatu, eademque supradicta amplissima potestate. Cornelius a Lapide in Epistolam ad Romanos c. 1. not. 2. docet, praeter duodecim Apostolos, qui a Christo in terris vivente vocati & missi sunt ad praedicandum regnum Dei, Apostoli nomen extensum fuisse etiam ad Paulum, Barnabam, Silam, Lucam, Marcum, & alios, qui pene eodem officio functi sunt, quo primi illi duodecim a Christo vocati:

cari: quod ipsum repetit in cap. 16. ejusd. *Epistola ad Romanos vers. 7.* ad ea verba: *qui sunt nobiles in Apostolis: & in cap. 4. Epistola ad Ephesos ad ea verba: & ipse dedit quosdam quidem Apostolos.* Et in cit. cap. 1. in *Epistolam ad Romanos* ad ea verba, per quem accepimus *Gratiam & Apostolatam*, contra Calvinum & Erasmus ostendit, Apostolatam non tantum significare legationem & missionem, sed officium, potestatem, & dignitatem primam & summam in Ecclesia. Rursus Apostolos omnes subjectos fuisse S. Petro quasi Pontifici & Capiti Ecclesie, eique obedire debuisse, quamvis haberent cum eo parem potestatem predicandi toto orbe Evangelium, fundandi ubique Ecclesias, puniendi quosvis Fideles, & scribendi libros Canonicos, reservata Petro, tamquam superiori, potestate precipiendi, & si errassent, corrigendi, lites inter eos dirimendi, & onera & provincias cuique distribuendi.

5 Secundo, quia de S. Martiali Episcopo Lemovicensi, qui a S. Petro in Gallias amandatus Lemovices, Tolosates, Burdigalenses, Cadurcos, aliosque, qui ex Rhodano in Oceanum vergunt, populos ad pietatem Christianam instituit, olim disputatum est, an *Apostolus* dici posset, & *Apostolus* sane dici debere definitum est, in Conciliis videlicet Lemovicenlibus anni 1019. & anni 1031. uti susce legitur in Actis Conciliorum editionis Regie Parisiensis anni 1714. tom. 6. part. 1. sess. 2. *Litaniam imposuit illis tribus diebus jam dictus Dominus Azenerius venerabilis Pater monasteriorum Sancti Martini Masiacensis, Sanctique Benedicti Floriacensis, qui una cum Antistite Bituricensi ad Concilium Lemovicense advenerat, in quibus Litanis Beatum Martialem inter aliorum Apostolorum nomina enuntiavit per singulos dies: nam hac illi, & suis antiqua inerat consuetudo, sicut ipse cunctis in Concilio publice predicabat &c.* Extitit ex Majoribus quidam, qui Archiepiscopo diceret: *Quosdam, carissime Pater, ex Clericorum ordine in hac Sede, & in hac urbe modo esse deprehendimus, qui non ratione, sed levitate vestris non obsequi parant verbis, quibus hesterno Concilio agitatum est de Beato Martiale Aquitania Doctore, ut potius inter Apostolos, quam inter Confessores pronuntiari ab omnibus recte debeatur.* Super qua re quidam adhuc, velut novitatis nacti occasionem, murmurant in angulis. Cui Archiepiscopus respondit, uti legitur in Actis Synodi; allatque rationibus, quæ pro Apostolatu S. Martialis militabant, responsum tandem sic absolvit: *Nihil itaque jam aliud restat, quam ut a nobis hic in conspectu Concilii publica damnetur excommunicatione quicumque Clerici de omnibus Comprovincialibus nostris ulterius post hoc Concilium repugnanti animo Beatum Martialem Doctorem primum Aquitania in alio, quam in Apostolorum ordine & memoria enuntiaverint.* Extat etiam pro S. Martialis Apostolatu Joannis Papæ XIX. Rescriptum, in quo post plura sic tandem concluditur: *Nos vero in firmis pietate educati, Martialem Apostolum nominari posse desistimus, & aque Officia Apostolica in Divinis mysteriis exhiberi sibi censuimus, nec de illius beatitudine gustare quemquam posse confidimus, qui sibi respondentis nomini sacris operibus Apostolicam dignitatem subire invidiose conantur.* Quod Joannis

Papæ

Papæ Rescriptum licet Cardinalis Baronius *ad ann. 1032.* minime adesse putaverit, ejus tamen Epitomator Spondanus *ad ann. 1029.* testatur, se id vidisse in archivo ecclesiæ S. Martialis civitatis Lemovicensis; atque adeo dissidia, Conciliorum resolutiones, & Joannis XIX. responsa pro Apollolatu S. Martialis plene referuntur apud Pagi seniores *ad ann. 1023. 1024. 1025. & 1034.* apud Pagi juniorem in *breviar. Romm. Pontif. tom. 2. nu. 9. & 10. in vita Joannis XIX.* apud Baillet in *vita S. Martialis ad diem 30. Junii*, apud Natalem Alexandrum *tom. 3. dissert. 16. sec. 1. proposit. 1. pag. 164.* apud Fleury in *hystor. Eccles. tom. 12. ad annum 1031. num. 24. & seqq.*, & apud Longueval *tom. 1. hist. Eccles. Gallic. pag. 73.*

6 Tercio, quia in Martyrologio Romano nonnulli Sancti titulo Apostoli decorantur, eo quia apud aliquam gentem Evangelium propagarunt. Ad diem enim 8. Januarii hæc habentur de S. Severino Abbate: *Eadem die apud Noricos Sancti Severini Abbatis, qui apud eam gentem Evangelium propagavit, & Noricorum dictus est Apostolus.* Ad diem 5. Junii hæc de S. Bonifacio Episcopo Moguntino leguntur: *Eadem die Sancti Bonifacii Episcopi Moguntini, qui de Anglia Romam veniens, & a Gregorio II. in Germaniam missus, ut Fidem Christi illis gentibus evangelizaret, cum maximam multitudinem, præsertim Frisonum, Christiana religioni subjugaasset, Germanorum Apostolus meruit appellari.* Ad diem quoque 24. Septembris de S. Gerardo Episcopo sic dicitur: *In Pannonia Sancti Gerardi Episcopi & Martyris, Hungarorum Apostoli nuncupati, Patritii Veneti, qui primus patriam nobili martyrio illustravit.* Tandem ad diem 3. Decembris de S. Francisco Xaverio sic dicitur: *In Sancio Sinarum Insula Sancti Francisci Xaverii e Societate Jesu, Indiarum Apostoli. . . multitudinis Infidelium quos convertit ad Christum, & magnitudine miraculorum, præsertim in suscitandis mortuis, & spiritu prophetia toto orbe conspicui.* Sed de hac nomenclatione, quod attinet ad S. Franciscum Xaverium multa adducta fuerunt in relatione Rotæ Auditorum, quam in ejus causa exararunt, *tit. de publica fama sanctitatis, & nomine Apostoli*, ubi sic legitur: *Hic omnibus accedere potest honestissimus titulus Apostoli Indiarum, quem summo consensu populi Hispaniarum & Indiarum illi detulerunt, adeo ut simpliciter Apostolus Indiarum, nullo alio vocabulo adjuncto, ab omnibus appelleretur.* Nec omitti potest quod S. Gregorius Papa ob Anglorum conversionem ejus opera patrata *Apostolus Anglia nuncupatur* in Breviario Romano: quo pariter titulo S. Patritius in eodem Breviario Romano condecoratur; dicitur quippe *Apostolus Hibernia*, cum suis concionibus eas regiones ad Catholicam Fidem induxerit.

7 Ferunt, S. Martialem modo non tamquam Apostolum, sed tamquam Confessorem coli in ecclesiis, in quibus juxta Conciliorum, & Joannis XIX. resolutiones cultus ei tamquam Apostolo præstandus erat, & plurium quidem annorum spatium præstitus fuerat, uti testantur Baillet *loc. cit.* & Guyet de *fest. propr. Sanctior. lib. 2. cap. 7. qu. 5. §. Dico itaque.* Sed, ut ambiguitas omnis tollatur, distinguendum esse videtur inter titulum Apostoli, quo

Sanctus

Sanctus aliquis ob conversionem alicujus nationis ad Fidem Christianam decorari potest aut in sermonibus, aut etiam in Martyrologio Romano; & inter Officium Ecclesiasticum de eo tamquam Apostolo celebrandum. Pro prima *hypothesi* non desunt exempla supra recensita; pro secunda vero bene animadvertit Guyet *loc. cit.* quæstionem utique moveri posse quoad eos Sanctos, qui & de numero Discipulorum Domini fuerunt, & vel cum Apostolis in Evangelii prædicatione simul laborarunt, vel ab his missi Fidem primi omnium in certas terrarum plagas intulisse creduntur, quique proinde juxta antiquam locorum prædictorum consuetudinem cultum cum Officio Apostolorum obtinuerunt; secus autem, loquendo de aliis, qui prædictis qualitatibus non sunt præditi: *Nec de iis ipsis* (verba sunt Guyeti) *quæstionem versari, an inter Apostolos novi usus inductione computandi sint* (id enim quis, nisi temere, audeat?) *sed an, quibus proprio Ecclesiarum particularium usu ab omni ævo recepto id competis, jure quasi possessionis iis servari debeat, quæ & tota fuit de Sancto Martiale in prædictis Conciliis controversia.* Addi potest, nullum extare in sacra Congregatione rituum exemplum concessionis Officii sub ritu Apostolorum alicui Sancto; licet in ea pertractatæ sint & resolutæ plures causæ Sanctorum, qui populos & nationes ad Christianam Fidem suis prædicationibus feliciter perduxerunt: id enim exigit reverentia debita Apostolis a Christo electis, quibus juxta D. Thomam nullus Sanctorum in gratia & gloria comparari potest. Quare merito Bonifacius VIII. in cap. *Gloriosus*, de *Reliq. & venerat. Sanctur.* in 6., vocat Apostolos gloriosissimos Christianæ Fidei Principes, Athletas Dei electos, justos sæculi Judices, Luminà vera mundi, qui viventes in carne Ecclesiam suo pretioso sanguine plantaverunt, ipsam erigendo sublimiter, & disciplinis sanctissimis dirigendo. Uno verbo, licet omnes, qui ad Infideles vel ad Hæreticos mittuntur ad annuntiandum Dei verbum, communi vocabulo *Apostoli* vocari possint, licet hoc nomine fuerint insigniti nonnulli Sancti, qui suis prædicationibus populos Christi Fide imbuerunt, cum tamen in sacra Scriptura duodecim tantum Apostoli vocentur, & deinde Paulus & Barnabas, cumque multa duodecim Apostolis conveniant, quæ aliis convenire non possunt, hinc est, quod nemini, præter in sacra Scriptura nominatos, expedit ut cultus sub Apostolorum ritu ab Ecclesia decernatur, juxta late adducta per Cardinalem de Lauræa in 3. lib. sent. part. 2. tom. 3. disp. 18. art. 1.

8. Transeamus ad titulum *Doctores*. Doctorum mentio habetur in Epistola S. Pauli ad Ephesios cap. 4. v. 11. *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores.* Et in Actibus Apostolorum cap. 13. v. 1. *Erant autem in Ecclesia, quæ erat Antiochia, Prophetæ, & Doctores, in quibus Barnabas, & Simon qui vocabatur Niger, & Lucius Cyrenensis, & Manahen, qui erat Herodis Tetrarchæ collator, & Saul.*

9. Mentio pariter Doctorum habetur in libris sanctorum Patrum. Sanctus

Sanctus enim Cyprianus *epist.* 24. *quæ est ad Clerum Carthaginiensem*, in qua recenset eos, qui fuerant in Clerum cooperti, ait de Oprato: Opratum constitimus Doctorem audientium, & Tertullianus in *lib. de Præscript. cap.* 14. postquam statuit, regulam Fidei unam & immobilem esse, addit: Si quid tibi videatur vel ambiguitate pendere, vel obscuritate obumbrari, est utique Frater aliquis Doctor gratia scientia donatus.

10 Illustria demum sunt ea, quæ de Doctoribus referuntur in Ecclesia Orientali. Codinus quippe in *libro de Officiis, seu Originibus Constantinopolitanis*, postquam recensuit Dignitates dictæ Ecclesiæ, Doctoratum inter præcipuas reposuit: Erant omnium scientiarum Doctores, quos semper Imperatores in consilium adhibebant, neque fiebat quidquam absque illorum consensu. Multi etiam ex istis creabantur Patriarcha, & Archiepiscopi. Extat etiam in libro Juris Græco-Romani Jo. Leunclavii (*lib.* 2. §. 9. *pag.* 143.) fragmentum Novellæ Alexii Comneni, in qua de Doctoribus sic legitur: Sit hic quoque Doctoribus honor tributus, ut iterum in propriis Ecclesiis præter quas secesserunt statim post Officiales proximi sanctissimo Patriarcha adfideant, tamquam ejus personam representantes. Quatenus vero ad antiquiora Ecclesiæ Orientalis monumenta manus esset admovenda, occurrit illud Georgii Cedreni in Leone Isaurico *tom.* 1. *p.* 454: Apud Regiam cisternam palatinum eras venerabile, in quo juxta antiquam formam œcumenicus Magister sedebat, duodecim habens discipulos eruditione & vita graves. Ii, cum omnem dicendi scientiam celeritate & amplitudine ingenii perciperent, Ecclesiasticam Divinarum rerum sapientiam acri studio tractabant: Absque horum consilio quicquam agi, ipsis quoque Imperatoribus nefas putabatur. Occurrit & aliud consimile Michaelis Glycæ in sua historia Imperatorum *part.* IV. *p.* 281: Haud procul a fano sancta Dei Sapientia splendida domus erat exstructa, qua librorum thesaurus continebatur, numero triginta sex millium & quingentorum. Hac domus Custodem & Præfectum quemdam habebat, virum omnino venerabilem ac doctum, sub quo alii duodecim erant admirabili virtute ac rerum cognitione præstantes, qui quosvis absque mercede ac premio disciplinâ optimis erudiebant. Arque horum ob virtutem tanta celebritas erat, ut ne ipsi quidem Imperatores aliquid, iis non consultis, agerent.

11 Hæc autem obiter dicta sint, quandoquidem præsens caput modo dictos non respicit Doctores; nec enim pertinet ad Doctores qui fuerunt in Ecclesia, sed ad Doctores ipsius Ecclesiæ. Quæ in re, ut recto ordine procedatur, querendum prius est, quinam sint Ecclesiæ Doctores, deinde de quid requiratur, ut quis inter Ecclesiæ Doctores recenseatur.

12 Ecclesiæ Doctores sunt SS. Gregorius, Augustinus, Ambrosius, & Hieronymus, ut habetur in *cap. Gloriosus, de Reliq. & venerat. Sanctor.* in 6., quibus additi fuerunt S. Thomas de Aquino, & S. Bonaventura, hic a Sixto Papa V. uti legitur in ejus *Constit.* 76. *Bullar. tom.* 2. ille a S. Pio V. ut in ejus *Constit.* 36. *Bullar. pariter tom.* 2. & Clemens Papa XII. in suis litteris Apostolicis datis anno 1733. quibus indulget Ordini Fratrum Prædicato-

Tom. IV.

M m m

rum

642 DE SERVORUM DEI BEATIFICATIONE

rum collationem laureæ Doctoratus seu Magisterii, & Gradus in sacra Theologia secularibus adolescentibus Theologicæ facultati in eorum gymnasiis & collegiis triennale operam dantibus, post enuntiata elogia, quibus doctrinam D. Thomæ illustrarunt Alexander IV. Joannes XXII. Clemens VI. Urbanus V. Nicolaus V. Pius IV. S. Pius V. Sixtus V. Clemens VIII. Paulus V. Alexander VII. Innocentius XII. Benedictus XIII. ait pag. 353. Bullar. tom. 13. edit. noviss. : *Qui omnes uno eum ore approbantes, in sacris Ecclesia fastus, juxta ac magnos Ecclesia Doctores Gregorium, Ambrosium, Augustinum, & Hieronymum, Thomam quoque, ut vita probitate, & sanctioris Theologia scientia venerabilem, miraque eruditione Ecclesia Dei clarificantem, ac sancta operatione fecundantem, coli voluerunt.*

13 Ad constituendum porro Ecclesiæ Doctorem tria sunt necessaria, emittens scilicet doctrina; insignis vitæ sanctitas, juxta illud S. Augustini in Psalm. 71. ubi ad illa Psalmi verba, *Suscipiant montes pacem populo, & colles justitiam*, ait (tom. 4. oper. col. 745.): *Montes majores sunt, Colles minores &c. Excellenti sanctitate eminentes in Ecclesia, montes sunt, qui idonei sunt & alios docere; & præterea summi Pontificis, aut Concilii Generalis legitime congregati declaratio; uti bene docet Annatus in Apparatu ad Theologiam positam lib. 4. art. 1. pag. 252. tom. 1. Dico, ad constituendum Ecclesiæ Doctorem, tria illa requiri, videlicet eminentem doctrinam, insignem vitæ sanctitatem, & Ecclesia declarationem. Confirmat Rabaudi in exercit. Theol. tom. 2. exercit. 4. cap. 1. pag. 649. Ad hoc ut aliquis inter selectos Ecclesiæ Doctores passus recenseretur, oportet, quod ab eadem Ecclesia, puta ejus Capite visibili, aut a Concilio Generali ut talis receptus fuerit, & approbatus, Et concordat Joannes Mabillon in præfat. general. ad novam editionem Operum S. Bernardi: §. 2. Doctoris nomen Ecclesia his tribuit, quorum doctrina publico ipsius suffragio approbata est, maxime ubi sanctitatis concentus accedit.*

14 Hisce argumentis ulus sum, dum munereungebar Fidei Promotoris, ut resisterem petitioni Postulatorum, qui sacrorum rituum Congregationi supplicabant pro concessione Officii & Missæ in honorem aliquorum sanctorum Confessorum una cum titulo Doctoris, cum Credo in Missa, cum Evangelio, *Vos estis sal terra*, & cum Antiphona in Officio, *O Doctor optime*. Facta est petitio hæc in honorem S. Petri Damiani pro Monachis tantum Eremitis, & Monialibus totius Ordinis Camaldulensis; petebatur autem Officium & Missa Confessoris Pontificis & Doctoris pro Ordine tamen tantum Camaldulensi. Ego, admissa sanctitate & heroicis virtutibus S. Petri Damiani, admissa eximia ejus doctrina, admissisque ejus meritis erga Ecclesiam, de quibus apud Cardinalem Baronium in *annal.* ad ann. 1058. 1059. 1064. 1065. & 1072. animadverti, ejus nomen non adhuc esse descriptum in Martyrologio Romano, & Cardinalem Bellarminum ejus doctrinam minime approbasse in libro de *Scriptoribus Ecclesiasticis*, signanter vero, quia lib. 4. epist. 9. ausus est liberius reprehendere S. Leonem IX. propter bellum gestum adversus Normannos; quamvis a

Tho-

Thoma Montecatino viro eximio, qui causis Canonizationum in Romana Curia, dum viveret, egregium patrocinium præstitit; multa magni momenti adducta fuerunt pro defensione doctrinæ S. Petri, quæ latius exposita fuerunt in *responsione* Patris Vitalis Martii Ordinis Camaldulensis ad *questiones Vallumbrosanas* Patris Magistri Fidelis Soldani Monachi Vallumbrosani, uti videri potest *cap. 16. num. 19. & plurib. seqq.* & ut alibi adnotatum est. Attamen sacra Congregatio die 28. Januarii 1719. iudulsiit Ordini Camaldulensi lectiones proprias sub ritu Confessoris Pontificis, cum Missa, *Statuit*; nulla facta mentione tituli Doctoris. Rursus aliæ preces exhibitæ fuerunt sacrae Congregationi pro approbatione Officii proprii S. Ludgeri sub ritu duplici primæ classis in diocesi Monasteriensis; & sub ritu simplici in diocesi Paderbonensi, & in tota Germania; vel saltem in Saxonia inferiori cum titulo Doctoris, & Antiphona; *O Doctor optime*: sed, cum animadvertendum proposuerim, non posse de doctrina S. Ludgeri comprobari, seu, ut ajunt, *verificari* ea, quæ Bonifacius VIII. in *cap. Gloriosus, de Reliq. & venerat. Sanctor.* in sexto asseruit de doctrina requisita in Ecclesiæ Doctoribus, quod videlicet per eam errorum tenebræ fuerint profugatæ, obscura fuerint dilucidata, dubia declarata, Scripturarumve ænigmata referata, sacra Congregatio die 3. Martii 1721. mentem suam explicavit, ut exhibitæ corrigereutur lectiones, & Antiphona, *O Doctor optime*, in Officio nequaquam usurparetur:

15 De hac eadem re subsequenter temporibus actum est in eadem Congregatione sacrorum rituum, cum videlicet supplicatum est pro concessione Officii sub titulo Doctoris in honorem SS. Anselmi, Isidori, Leandri, & Fulgentii Episcopi Carthaginiensis. Cum autem S. Aulfelmus Scholam Theologicam instituerit, & coleretur sub titulo Confessoris Pontificis & Doctoris nedum in Ordine Benedictino, sed etiam in Ordine Cisterciensi, cujus Officia fuerant approbata ab eadem sacra Congregatione die 23. Junii 1703. & cum *elogia*, quibus ejus sanctitatem atque doctrinam, dum adhuc viveret, Romani Pontifices, insignes Viri, alique post ejus obitum exornarunt, collecta fuerint a Cardinali de Aguirre *tom. 1. in commentis ad Theologiam dicti Sancti in prolegomen. 8. & seqq.* ubi etiam ostendit, doctrinam in ea traditam non modo esse scholasticam, sed etiam dogmaticam adversus quaslibet Infidelium sectas; merito indultum fuit, ut ejus Officium die 21. Aprilis in universa Ecclesia recitaretur *ex præcepto* cum Antiphona, *O Doctor optime*, cum Evangelio, *Vos estis sal terra*, & cum Oratione propria. Simile Indultum concessum fuit die 25. Aprilis 1722. in honorem S. Isidori. Sanctus quippe hic jam tamquam Doctor colebatur in Regnis Hispaniarum, & in Ecclesiis Iulularum, & Continentis Indiarum Regi Catholico subiectarum, ex litteris Apostolicis Gregorii XIII. quibus approbavit Officia Sanctorum Regni Hispaniæ, ubi hæc habentur de Officio S. Isidori: *Item festivitas Sancti Isidori Archiepiscopi Hispanensis, pro quo celebretur Officium Doctoris, & recitetur Credo in celebratione Missæ*: & infra:

644 DE SERVORUM DEI BEATIFICATIONE

Concessa pro Hispaniarum provinciis, volumus, ut intelligantur etiam concessa Ecclesiis Insularum, & Terra firma Indiarum dicto Regi Catholico subiectarum. Item S. Leo IV. in can. de libellis, dist. 20. jam eum recensuerat inter Ecclesie Doctores: nam, post expositas regulas, quarum usus esse debebat in Ecclesiasticis judiciis, habitamque commemorationem nonnullorum Conciliorum, & Decretalium Romanorum Pontificum, sic ait: Ipsi omnino sunt, & per quos iudicant Episcopi, & per quos Episcopi simul iudicantur, & Clerici. Nam si tale emergerit vel contigerit inusitatum negotium, quod minime possit per istos deserviri, tunc, si illorum, quorum meministis, dicta, Hieronymi, Augustini, Isidori, vel ceterorum similiter sanctorum Doctorum similia reperta fuerint, magnanimitur sunt retinenda & promulganda. Ad hæc, quando sub Bonifacio VIII. actum fuit de quatuor Ecclesie Doctoribus supra memoratis, Gregorio Magno, Augustino, Ambrosio, & Hieronymo, nonnulli existimant, Isidorum Ambrosio præferendum, vel saltem aliis quatuor adiciendum, teste Mariana in Hispania illustrata tom. 2. lib. 6. cap. 7. Sunt, qui scribunt, Bonifacio VIII. Romano Pontifice deliberante de iis, qui Doctorum Ecclesie nomine & numero essent cobestandi, fuisse, qui Ambrosio Isidorum præferendum, aut quatuor certe aliis quinque adiciendum iudicarent. Opinioni fidem tanti Viri eruditio facit in omni literarum genere excellentis, & quoniam in eo numero duo Patres Italici generis sunt, nullus ex Occidente: quod pariter refertur a Bollandianis in vita S. Isidori in principio §. 3. & a Nicolao Antonio in Biblioth. Hispan. lib. 5. cap. 3. num. 89. Denique suo muneri non defuerunt Postulatores, qui collectis undique testimoniis excellentiam doctrinæ S. Isidori plenissime demonstrarunt, edito etiam typis suffragio Eminentiis. Domini Cardinalis Bellugæ Causæ Relatoris, qui animadvertiones a me tanquam Fidei Promotore susceptas de more contulavit, & plura addidit in commendationem eximie doctrinæ ejusdem S. Isidori.

16 Sed ut de aliis quoque Sanctis supra memoratis agamus, de S. Leandro fratre S. Isidori sic legitur in Martyrologio Romano ad diem 27. Febr.: *Hispani in Hispania Natalis Sancti Leandri ejusdem civitatis Episcopi, cujus prædicatione & industria Visigothorum gens, adjuvante Reccaredo eorum Rege, ab Ariana impietate ad Catholicam Fidem conversa est. Concordat Sanctus Isidorus frater in libro de Viris illustribus c. 41. Leander etc. doctrina clarissimus, ut & fide ejus atque industria populi gentis Gothorum ab Ariana insania ad Fidem Catholicam reverterentur. Item in tanta fuit existimatione apud S. Gregorium Magnum, ut non modo epistolas ad eum scripserit, quibus ejus sanctitatem & doctrinam se habere perspectas professus est, sed etiam eidem dicaverit libros Moralium in Job a se compositos. Sermo S. Leandri de conversione Gothorum habitus in Concilio Toletano refertur a Cardinali Baronio in annal. ad ann. 589. idemque Cardinalis Baronius hæc addit num. 20. Ita peroravit ante Synodum Sanctus Leander simplici & impolito stylo, ut sæculi hujus barbarie sicciscentis conditio ferebat, sed Divina scientia valde referto, & sapientia mirifice exornato, instar arboris, licet cortice durioris, tamen pomorum pendulorum fecum-*

fecunditate pulcherrima. Extat etiam in bibliotheca Congregationis Oratorii Urbis antiquissimum Breviarium Romanum cum Officio S. Leandri, & admirabili elogio sanctitatis ipsius, teste Cardinali de Aguirre *tom. 2. Concil. Hispan. 397. num. 20.* In ecclesiis autem & diocesis Hispaniensi atque Carthaginiensi celebrabatur Officium de ipso tamquam Doctore; huiusque Officii extensio die 25. Aprilis 1722. facta est ad totam Hispaniam & regiones Regi Catholico subjectas. Pro S. Fulgentio Episcopo Carthaginiensi petita fuit concessio & approbatio Officii proprii cum qualitate Doctoris sub ritu duplici pro universa Hispania. Verumtamen ipse opposui, non satis valido niti fundamento, quod in lectionibus exhibitis assereretur, Sanctum videlicet Fulgentium fratrem germanum SS. Leandri, Ildori, & S. Florentinæ natum fuisse in civitate Carthaginiensi, fuisse peritum linguarum Græcæ, Syriacæ, Hebraicæ, & Latine; plura edidisse volumina, quorum præcipue mentio fit in Breviariis Hispanicis; fuisse relegatum a Leovigildo Rege, qui hæresim Arianam sequebatur; fuisse insuper Episcopum Carthaginiensem creatum. Addidi, ejus nomen non esse descriptum in Martyrologio Romano: licet enim *die prima Januarii* descriptum sit in Martyrologio nomen S. Fulgentii, non est tamen nomen S. Fulgentii Astigitani Episcopi, & SS. Ildori, Leandri, ac Florentinæ fratris, sed alius S. Fulgentii Episcopi Ecclesiæ Ruspensis; atque ideo alterum cum altero minime esse confundendum, sicuti bene adnotarunt Cardinalis Baronius, & Lucas Holstenius in *notis ad dictum Martyrologium, ad diem 1. Januarii.* Ex quo fit, ut opera conscripta, quæ S. Fulgentio Astigitano adscribuntur tamquam auctori, non sint ipsius, sed Fulgentii Episcopi Ruspensis. Universas hæc oppositiones desumpti ex Nicolao Antonio in *Biblioth. vet. Hispan. tom. 1. lib. 5. cap. 1.* quæ porro, ut in more positum est, fuerunt cum Postulatoribus communicatæ. Correctis autem opera & studio Cardinalis Relatoris lectionibus, quæ ab ipsis Postulatoribus exhibitæ fuerant, sacra Congregatio die 23. Januarii 1723. annuit concessioni lectionum propriarum, & extensioni ad totam Hispaniam sub ritu duplici, & titulo Confessoris Pontificis, una cum Evangelio, *Vas estis sal terra*, & cum Octava in diocesis, in quibus colebatur tamquam principalis Patronus, hoc est in Carthaginiensi & Placentina. Nullum vero in hoc Rescripto verbum factum est de titulo Doctoris: quocirca novis supplicationibus exhibitis sacre Congregationi, eo præsertim fundamento, quod ab antiquo tempore titulum habuisset Doctoris in nonnullis Hispaniarum diocesis, die 17. Aprilis 1723. responsum fuit, ut in Officio S. Fulgentii solita observaretur consuetudo quoad ritum Doctoris.

CAPUT XII.

In quo alia adduntur de Titulo Doctoris, alia autem exponuntur de Titulo Martyris, & de Titulo Virginis.

CUm de concessione Lectionum propriarum loqueremur, nonnulla dicta sunt de S. Ildefonso Archiepiscopo Toletano; nunc autem alia quoad ipsum addenda sunt de titulo Doctoris, pro quo obtinendo supplices preces exhibitæ sunt sacrorum rituum Congregationi, dum munere fungebamur Fidei Promotoris. Porro tunc nullæ penes me fuit difficultas de sanctitate & merito S. Ildefonsi: *ad diem quippe 23. Januarii hæc de eo habentur in Martyrologio Romano: Toleti Sancti Ildefonsi Episcopi, qui ob singularem vitæ integritatem, susceptamque defensionem adversus Hæreticos, Dei Genitricis Virginitatem impugnantes, ab eadem candidissima veste donatus est, ac demum sanctitate celebris in calum vocatus.* Ab Ildefonso quoque præclaris Scriptis illustratam fuisse Ecclesiam Dei, libenter admisi, facta quidem segregatione Operum genuinorum ab apocryphis, juxta ea, quæ recte animadversa sunt a Nicolao Antonio *lib. 5. cap. 6. pag. 286. & seqq.* Non dissimulavi tamen, ejus doctrinam fuisse admodum perstrictam in Concilio Francofordiensi, quod dixisset Christum Filium Dei adoptivum secundum carnem: allegante quippe Elipando pro eodem falso assumpto doctrinam Ildefonsi, sic responsum fuit a Patribus Francofordiensibus (*in collect. Harduini tom. 4. col. 885.*): *Et melius est testimonio Dei Patris credere de suo Filio, quam Ildefonsi vestri, qui tales vobis composuit preces in Missarum solemnitate, quales universalis & sancta Dei non habet Ecclesia; nec vos in illis exaudiri putamus. Et si Ildefonsus vester in orationibus suos Christum adoptivum nominavit, noster vero Gregorius Pontifex Romana Sedis, & clarissimus toto orbe Doctor in suis orationibus semper eum Unigenitum nominare non dubitavit.*

2 Verum, quia munus est utique Fidei Promotoris difficultates excitare, ut veritas elucescat, non ut ea obruatur, etiam dixi, ita sane rem se habuisse in Concilio Francofordiensi, sed S. Ildefonsi dictum benignam nihilominus mereri interpretationem, nec ita esse accipiendum, ut more Nestorianorum duas in Christo personas voluerit constituere, sed duas tantum distinguere naturas, sumendo scilicet, licet improprie, naturam per personam; ut in re simili, explicando dictum S. Hilarii de Christo sic loquentis, *Potestatis dignitas non amittitur, dum carnis humanitas adoptatur, bene scribit S. Thomas 3. part. quest. 23. art. 4. Ad primum ergo dicendum, quod, sicut filiatio non proprie convenit natura, ita nec adoptio.* Et ideo, cum dicitur, *quod carnis humanitas adoptatur, impropria est locutio, & accipitur ibi adoptatio pro unione humane nature ad personam Filii.* Quamvis enim nonnulli senserint, in antiquis codicibus S. Hilarii loco verbi *adoptatur* legi *adoratur*; tamen

men Eruditorum iudicio antiquissimus omnium codicum S. Hilarii est ille, qui adhuc conservatur in archivo Canonorum basilicæ Vaticanæ, cum fuerit conscriptus anno 510. uti bene adnotavit eruditus ejusdem basilicæ Canonicus Lucas Holstenius in *indice codicum ejusdem archivi*, in quo quidem codice non legitur *adoratur*, sed *adoptatur*. Etsi circa annum 1706. quidam ad archivum accessit, petitaque facultate codicem Hilarianum videnti, ausus fuit in locum litteræ P. subrogare litteram R. Sed, dolo comperto, jussu san. mem. Clementis XI. recens atramentum & recentem lituram recognoverunt, & authentico Scripto ad perpetuam rei memoriam confirmarunt Cardinalis Gozzadinus tunc basilicæ prædictæ Canonicus, Guido Abbas Passioneus tunc Secretarius Eminentiissimi Collegii Cardinalium, Franciscus Blanchinus tunc ab honore Cubiculi Sanctitatis Sææ, Stephanus Prinfset Procurator Generalis Ordinis Cisterciensis in Italia, Josephus Maria Thomafius tunc Presbyter ex Clericis Regularibus, Fr. Gerardus Capassi Ordinis Servorum Beatæ Mariæ in Universitate Florentina sacre Theologiæ Magister, Fr. Ignatius Hyacinthus Amat de Gravefont Theologus Casanatensis, Fr. Thomas Maria Minorelli Ordinis Predicatorum Historiographus, & Justus Abbas Fontaninus tunc Bibliothecarius Eminentiissimi Domini Cardinalis Imperialis, ut habetur ex testimonio authentico eorumdem, quod conservatur in eodem archivo, quodque fuit editum a Petro Coustant in *inducibus veterum codicum* cap. 5. ita ut dubitandum non sit de verbo *adoptatur* per S. Hilarium usurpato. Memoratus codex S. Hilarii una cum aliis antiquissimis manuscriptis testamento relictus est Capitulo basilicæ Vaticanæ a Cardinali Jordane Ursino basilicæ ejusdem Archipresbytero, qui mortuus est anno 1438. quemadmodum late exponit Grimaldus in *opere ms. de Archipresbyteris basilicæ Vaticanæ*, & sicuti ex eo annotavit Torrigius in *notis ad historiam Martyrii S. Theodori* annotat. 27. pag. 120.

3 Attoli alia Patrum testimonia, qui eodem modo locuti sunt, & signanter S. Irenæi lib. 3. cap. 18. *adversus Hæreses*, ubi ait: *Quis Filius Dei est, Filius hominis factus est, communicans Verbo Dei, ut adoptionem percipiens fiat Filius Dei*. At vero, utcumque hæc sint, universa hæc de doctrina S. Ildesonsi controversia absolvi posse sequentibus propositionibus nihil visum est.

4 Prima est, Felicem Urgellitanum Episcopum contra antiquam Ecclesiæ doctrinam asseruisse Christum Filium Dei adoptivum, & in suam sententiam traxisse Elipandum Toleranum Archiepiscopum; sed inter nostros Theologos adhuc disputari, quinam fuerit verus sensus Felicis, & Elipandi: nonnulli quippe volunt, eos minime errasse contra veritatem mysterii Incarnationis, sed abusos esse tantum nomine *adoptivis*, ejus naturam non bene noverant, eamque ideo credebant coalescere posse cum propria & naturali *filiatione*, quam sine divisione *Hypostasi* una cum *filiatione* adoptiva in Christo profitebantur, quemadmodum late firman Vasquez

disput.

disput. 85. cap. 6. Lorca disput. 89. membr. 4. concl. 2. Faber disput. 23. cap. 1. quibus adhærere videtur Cardinalis de Lugo *disput. 28. sect. 3.* Alii contra putant, Felicem, & Elipandum Nestorio adhæsisse, & unitatem personarum in Christo negasse, ita ut duos Filios in Christo agnoscerent, alterum naturalem secundum Divinitatem, alterum præcise ad optivum secundum Humanitatem, uti probat Suarez in 3. part. D. Thoma tom. 3. *quest. 23. art. 4. disput. 49. sect. 3.* ubi alios assertit Auctores idem sentientes.

5 Secunda est, S. Ildefonsum huic errori nequaquam adhæsisse, sed verum fuisse Catholicæ veritatis assertorem, uti probari potest multis ejus assertionibus, quæ sunt in libro de Virginitate S. Mariæ ab eodem conscripto: & quidem inter plura, quæ cumulari possent, satis sit, quod sequitur: Non illum (loquitur de Christo) ut ceteros, adoptio filius Dei fecit filium, sed Divinitatis natura illum in proprium Dei filium exaltavit: donavit & illi nomen, quod est super omne nomen; ut esset totus Dei filius, homo & Verbum: quia nunquam non fuit Dei filius, qui sempiternus permanet unici Genitoris unigenitus. Nunquam igitur ipse purus homo conceptus, nec natus, sicut ceteri nascuntur infantes, ut ei ex adoptionis gratia, aut ex molimento virtutum prærogativa filii præstaretur; sed Dei Verbum, quia caro factum est, assumpsit hominem in se sine persona hominis. Bibliot. PP. tom. 12. pag. 566. edit. Lugd. A. 1677.

6 Tertia est, Elipandum in Concilio Francofordiensi habito ann. 794. sub Hadriano I. Papa, & Carolo Magno Francorum Rege more ceterorum, Hæreticorum nonnulla Patrum testimonia pro suo errore firmando attulisse; convictum autem de sententiarum depravatione consurgisse ad domesticos testes, libros videlicet rituales Toletanæ Ecclesiæ, in quibus dixit Christum nominatum esse secundum carnem Dei Filium adoptivum; tum vero Episcopos Francofordienses, qui dictos codices præmanibus non habebant, fidem deceptorii Elipando præbentes, nedum Elipandum ipsum detestatos fuisse, sed etiam, quos ipse citaverat, Præcessores, tamquam librorum ritualium auctores, hoc est Eugenium, Ildefonsum, & Julianum, qui tum vitæ sanctitate, tum sacrarum Litterarum peritia celeberrimi fuerunt in Hispaniis: ita ut quoad eisdem Præsules Eugenium, Ildefonsum, & Julianum detestatio Concilii Francofordiensis non fuerit absoluta, sed conditionalis, quatenus scilicet ipsi dixissent ea, quæ ab ipsis dicta fuisse Elipandus assererat. Ita nempe rem accurate exponit Cardinalis Baronius ad ann. 794. num. 6. & seqq.: Sed ubi ab eo (hoc est ab Elipando) domestici sunt testes adducti, dum, inquam, ex Toletana Ecclesiæ Ritualibus, sive ex suis Prædecessoribus Toletanis Episcopis nominatum esse Christum secundum carnem Dei Filium adoptivum, idem asseruit; quod non esset in præmissis Patribus illis citatis inspicere codices ejus tantum Ecclesiæ proprios, neque communes omnibus aliis; iidem nimis imposteri credentes, eodem modo, quo ipsum Elipandum, ejus quoque sunt detestati, quas citavit, Prædecessores, Eugenium, Ildefonsum, & Julianum. Quod prolequitur Cardinalis de Aguirre in collect. Concilior. Hispan. tom. 2. pag. mibi 669. num. 53. & seqq. & signanter num. 55. ubi

ubi ait: *Sed iudicium id Patrum Francofordiensium solum est conditionale ex hypothesi, quod Ildefonsus, Eugenius, & Julianus ita loquuti fuissent in his Missa Officiis.*

7 Ultima est, quod juxta ea quæ hæcenus dicta sunt, celebriores Scriptores pro veritate & sanctitate doctrinæ Ildefonsi eximie pugnarunt, eumque immunem ab errore Elipandi, non obstante censura Francofordiensis, indubitanter dixerunt. Agmen horum ducit Cardinalis Baronius, qui, postquam in *not. ad Martyrol. Rom. ad diem 23. Januarii* dixerat, Ildefonsi doctrinam quoad *filiationem* Christi adoptivam esse benigne excipiendam, in *annal. ad ann. 794.* visis porro ipsius S. Ildefonsi testimoniis de Christi filiatione, num. 8. ait: *Ceterum tantum abest, ut Sanctus Ildefonsus ejus erroris assertor fuerit, ut potius in suis Scriptis crebris sententiis, tamquam spiculis, tale monstrum sæpe confecerit; quod & repetit num. 10.* Concordant Petavius, & Natalis Alexander: primus enim *Theolog. tom. 5. de Incarnatione lib. 7. cap. 3.* secundus autem in *hist. Eccles. sac. VIII. dissert. 7.* adversus errores Elipandi supra relatam afferunt Sancti Ildefonsi auctoritatem. Sequitur Thomassinus *Theolog. dogmat. tom. 2. lib. 8. cap. 2. num. 13. pag. 528.* ubi, post allatam Ildefonsi auctoritatem, ait: *Exorbitaverat ergo plurimum Elipandus a via, quam ante ipsum tribuerant Hispanica Ecclesia Patres. Quid enim expressius hac Hildephonsi suffragatione, omnis ut adoptionis rubigo a Christo Homine efficitur? Adhæret Nicolaus Antonius in Biblioth. Hispan. vet. lib. 5. cap. 6. num. 389.* ubi laudibus extollit Cardinalem Baronium, qui Patres Hispanos, & signanter Ildefonsum tuetur a Synodali censura Francofordiensis eo fundamento, quod Patres Synodi nimiam fidem præstiterunt Elipando Hispanorum Patrum doctrinis abutenti. Denique, ceteris prætermisiss, Cardinalis de Aguirre agmen claudat eorum, qui pro S. Ildefonsi doctrina pugnarunt: citato etenim *tom. 2. pag. 669.* ex ipsius S. Ildefonsi verbis eum vindicat a labe, quam post centum annos ab ejus morte Felix, & Elipandus illi affinxerunt in suæ sectæ patrocinium.

8 Relicta ergo hac inspectione super S. Ildefonsi doctrina, demum dixi, non esse locum concessioni Officii, ejusque extensioni ad Ecclesiam universalem sub ritu Doctoris; cum hæc simileque petitiones postremis tantum annis proponi coepissent; cumque in Officiis propriis Sanctorum Toletanæ Ecclesiæ, & diocesis typis impressis Antuerpiæ anno 1691. & confirmatis in litteris Apostolicis Gregorii XIII. S. Ildefonsus cultum haberet non Doctoris, sed Confessoris: *Item festivitas Sancti Ildefonsi Archiepiscopi Toletani Confessoris. Item festivitas Sancti Isidori Archiepiscopi Hispaniensis, pro quo celebretur Officium Doctoris, & recitetur Credo in celebratione Missæ: & in Officiis propriis Sanctorum a sacrorum rituum Congregatione approbatis pro omnibus Monachis utriusque sexus totius Ordinis Cisterciensis Romæ typis impressis an. 1703.* Sanctus ipse Ildefonsus die 23. Januarii cultum habeat Confessoris Pontificis cum Evangelio, *Homo peregre profectus.* Quibus perpenſis, sacra Congregatio die 25. Maji 1726. in-

dulfit proprias lectiones sub ritu duplii secundæ classis cum *Octava* pro omnibus Regnis, & regionibus Regi Catholico subjectis; & die 24. Januarii 1728. Orationem propriam tum pro Officio, tum pro Missa approbavit, nullo facto verbo tituli Doctoris.

9 Itaque, omnia in unum colligendo, statuendum esse videtur primo, individuum præcessisse concessionem tituli Doctoris concessioni Officii & Missæ sub eodem titulo in universa Ecclesia quoad Sanctos tantum Gregorium Papam, Ambrosium, Augustinum, Hieronymum, Thomam de Aquino, & Bonaventuram, in quorum honorem recitatur Officium cum Antiphona, *O Doctor*, cum Evangelio, *Vos estis sal terra*, & Oratione propria: secundo, alios in universa Ecclesia eundem cultum habere, quamvis nulla præcesserit formalis declaratio admissionis ipsorum inter Ecclesiæ Doctores, qui sunt SS. Joannes Chrysostomus, Gregorius Nazianzenus, Anselmus, Isidorus, & Petrus Chrysologus: tertio, nonnullos alios Sanctos in universa Ecclesia, nulla quoque prævia formali declaratione, quemdam cultum obtinere sub titulo Doctoris, sed sine Antiphona, & tantum vel cum Evangelio, & Oratione, uti est S. Hilarius; vel cum Antiphona tantum, uti sunt SS. Athanasius, & Basilii: quarto, aliquem ex prædictis, & alios nonnullos in particularibus Ecclesiis habere integrum Officium Doctoris: Sanctus enim Hilarius hoc integro Officio potitur in Ecclesia Pictaviensi, Parisiensi, Andegavensi, aliisque, teste Guyet *de fest. propr. Sanctorum lib. 2. cap. 7. quest. 21*. Et in Officio Benedictinorum, & Cisterciensium a sacrorum rituum Congregatione approbato Ven. Beda habet Evangelium *Vos estis*, habet Antiphonam *O Doctor optime*, & habet Symbolum *Credo* in Missa, uti animadvertit etiam Bissus in *Hierurgia in verb. Credo*, §. 15. ut interea silentio prætereantur aliqua alia exempla facile desumenda ex Breviariis particularium Religionum: quinto, sacram Congregationem titulum hunc Doctoris aliquando concessisse pro Officiis recitandis in aliquibus diocesis in honorem aliquorum Sanctorum, positis videlicet requisitis sanctitatis, & eximie doctrinæ, atque in sequelam antiquæ immemorabilis possessionis cultus cum titulo Doctoris, quo Sancti ipsi potiebantur cum tacita permissione Sedis Apostolicæ in aliquibus locis, pro qua re faciunt exempla supra recensita SS. Leandri, & Fulgentii: sexto, SS. Ignatium, Irenæum, & Cyprianum habentes requisita Doctorum non coli tamquam Doctores, sed tamquam Martyres, cum nunquam separaretur Officium Doctoris ab Officio Confessoris, teste Guyet *loc. cit.* Ultimo, S. Antoninum Archiepiscopum Florentinum coli in universa Ecclesia tamquam Confessorem Pontificem, non tamquam Doctorem, quamvis in bulla Canonizationis sub Clemente VII. facta fuerit in ejus honorem concessio in universa Ecclesia Officii Doctoris, *velut pro uno Confessore Pontifice, & Doctore tam publicæ, quam privatis*; idque, quia ad recitationem in universa Ecclesia [juxta alibi dicta] non sufficit concessio, quæ fit in bulla Canonizationis, sed

NOVA

nova requiritur declaratio. Et sane etsi, cum Sixtus Papa IV. Bonaventuram reulit inter Sanctos, in bulla Canonizationis eidem concefferit. Officium Confessoris Pontificis & Doctoris, uti videri potest in ejus bulla 21. §. 19. tom. 1. attamen ut ille coleretur tamquam Doctor in universa Ecclesia, data fuit a Sixto Papa V. bulla *antecedenti* cap. memorata, quæ est 76. Bullarii tom. 2. Porro Alexander III. summus Pontifex in Missa, quam de S. Bernardo celebravit in ipsa ejus Canonizatione, Evangelium recitavit, quod solis Doctoribus Sanctis assignatur ex Matthæi cap. 5. *Vos estis sal terra*. Diserte Innocentius III. idem elogium confirmavit in *Collecta* a se composita, in qua *Beatus Bernardus Abbas, & Doctor egregius* appellatur, uti refert Mabillonius *loc. supra cit.* Mellissui adjectivum nomen, quod recentius est, S. Doctori asseruit Theophilus Raynaudus libello singulari, qui, *Apis Gallicana*, inscribitur. Quare dolendum videtur, quod usque adhuc cogitatum non fuerit de Sancto tot meritis eximio, cælestique doctrina referto, colendo titulo Doctoris in universa Ecclesia.

10 Hæc quoad titulum Doctoris dicta sufficiant: remanet, ut aliqua dicantur de titulo Martyris, & de titulo Virginum. Bonus Latro, qui cum Christo Domino fuit cruci affixus, quique eum in cruce confessus est, & ab ipso audire meruit, *Hodie mecum eris in paradiso*, cultum obtinet in utraque Ecclesia, Occidentali videlicet, & Orientali. Ad diem 25. Martii mentio ejus fit in Martyrologio Romano: *Hierosolymis commemoratis Sancti Latronis, qui in cruce Christum confessus ab eo meruit audire, Hodie mecum eris in paradiso*; subjicitque Cardinalis Baronius in notis: *Dimam hunc plerique appellant; sed quoniam id ex Apocryphis proditur, ea de causa hic nomen proprium prætermisissimum videtur &c.* Reperiuntur autem Sancti *Dime* Latronis nomine nonnulla sacella dicata, & memoria crebra eodem titulo. In *Collectanis*, quæ Bedæ falso adscribuntur, nomen *Matta* imponitur bono Latroni, improbo autem Latroni nomen *Joca*; in historia Raveriana pag. 480. alter dicitur *Vicinus*, alter *Justinus*; in Evangelio apocrypho infantie Christi cap. 29. alter *Titus*, alter *Dumachus* appellatur; & in Evangelio Pseudo-Nicodemi cap. 9. nomen probo est *Dimas*, improbo *Gestas*, quod etiam prodidit Goffridus Vindocinensis in fine *sermonis de cimi*. Verum, utcumque hæc sint, in Religione Patrum Beate Mariæ de Mercede Redemptionis Captivorum ex concessione Sixti Papæ V. in ejus honorem recitatur Officium proprium, sub appellatione tamen tantummodo Sancti Latronis; quæ adeo nomen ejus retinetur. Officium prædictum ante concessionem fuit exornatum & approbatum a Julio Antonio Sancti Bartholomæi in Insula Sanctæ Severinæ, & a Vincentio Sanctæ Mariæ in Via Montis Regalis nuncupatis, Presbyteris Cardinalibus; in eoque Oratio est propria, Responsorio etiam sunt propria, prima lectiones sunt de Scriptura, secundæ defumuntur ex sermone S. Joannis Chrysostomi, & *benedictio* ad Evangelium defumitur ex *serm.* 49. S. Ambrosii

652 DE SERVORUM DEI BEATIFICATIONE

brofii, in quo fermo fit de Sancto Latrone. Congregatio PP. Piorum Operariorum Sanctum hunc bonum Latronem peculiarem sibi Patronum & Advocatum suum elegit. Experti enim fuerunt Presbyteri dictæ Congregationis, multas peccatorum conversiones ejus intercessione factas fuisse in facris Missionibus: quocirca supplicaverunt sacræ Congregationi, ut Officium jam concessum Religioni Beatæ Mariæ de Mercede Redemptionis Captivorum extenderetur ad suam Congregationem. Ipse autem tamquam Fidei Promotor opposui, non esse locum extensioni, quia, licet Sanctus Latro in prima concessione cultum obtinuerit Officii de Confessore non Pontifice, dubitari tamen poterat, an cultum Martyris habere deberet: nam, etsi nonnulli doceant, eum non fuisse verum & perfectum Martyrem, quemadmodum videri potest apud Theophilum Raynaudum in Opere, cui titulus, *Metamorphosis Latronis in Apostolum*; alii contra volunt, eum verum Martyrem fuisse; Sanctus enim Hieronymus *epist. 58. col. 3. tom. 1.* ait: *Latro crucem mutat paradiso, & facis homicidæ poenam martyrium*, & S. Hilarius *lib. 10. de Trinitate §. 34.* refert, Christum Latroni Martyri suo paradisi promississe; quia nempe, licet mortis poenam passus sit propter delicta sua, mortis tamen accelerationem, & celerius & crudelius crucifragium passus est pro Christo, & ejus Fidei prædicatione, quemadmodum legi potest apud Hurtadum in *resol. de vero martyrio pag. 50. §. 3. & in historia S. Latronis edita a Philippo Origlia cap. 9.* At, cum Beatus hic Latro nec pro confessione nominis Christi, nec pro Fide, aut Deo passus sit, sed pro merito suorum facinorum, teste S. Augustino *lib. 4. contra Donatistas (num. 29. col. 139. tom. 9.)* Neque enim Latro ille pro nomine Christi crucifixus est, sed pro meritis facinorum suorum; nec, quia credidit, passus est, sed, dum patitur, credidit; ideo inter Martyres recenseri non potest. Quare ait S. Bonaventura in *lib. 4. sent. dist. 4. part. 2. dub. 1. Ad martyrium completum duo exiguntur, scilicet iusta voluntas, & iusta causa: primum deficit in Innocentibus secundum vero in Latrone, & ita de se neutrum fuit completum martyrium.* Martyr propterea bonus Latro dici nequit. Porro autem, cum non tam Sancto Latroni, quam alteri impio Latroni decretum fuerit & illatum crucifragium, sine ullo per consequens fundamento dicitur, Sancto Latroni ex odio in Christum mortem fuisse celerius inflictam per crucum fracturam. Hæc habentur apud Cardinalem Capisucchiu *tom. 1. contro. de vero Martyrio §. 2. pag. 752.* ubi etiam pie & doctè explicat auctoritates Patrum, qui bonum Latronem Martyrem appellant: quod & ante ipsum egregie præstitum fuit a Glossa in *can. Importuna 58. dist. 1. de Penitentia*, ubi hæc habet: *Non in rei veritate fuit martyrium, sed propter similitudinem facti; vel ideo dicitur poena conversa in martyrium, quia per fidem & patientiam, quam tunc habuit, dignus fuit æterno premio, scilicet ut intraret statim ad vitam, sicut & illi, qui patiuntur martyrium &c.* Dicitur, quod Latro non pro nomine Christi crucifixus est, sed pro meritis facinorum suorum; &

poena

pena non facit Martyrem, sed causa, ut dicit Augustinus. Quare martyrium non fuit, quod & verum est. Ejus ergo pena martyrium dicitur ratione aterni premii, quod quasi Martyr recepit, confitendo, vel ratione confessionis, quam in patibulo habuit: sicut enim Martyr, sic Latio inter penas Christum confiteri non timuit. Huic profecto sensui adhæsit sacrorum rituum Congregatio die 23. Septembris 1724. Indulgit enim Congregationi Patrum Piorum Operariorum petitam Officii extensionem sub nomine boni Latronis, qui idcirco, si cultum habet Confessoris non Pontificis in Religione Beatæ Mariæ de Mercede Redemptionis Captivorum, eundem cultum obtinere debet in Congregatione Patrum Piorum Operariorum.

II Bergomi colitur Sancta Grata, quæ vixisse dicitur sub Diocletiano. Ab aliquibus Vidua, ab aliis Virgo dicitur, licet Maritum habuerit, uti videri potest apud Bollandianos *ad diem 1. Maji in Sanctis prætermisiss* pag. 4. col. 2. Virgo dicitur in tabulis, sive annalibus Bergomensibus visis a Galefinio. In antiquo Sanctuario Bergomeni hæc habentur: *Cumque gratissimam ipsam Domino Deo cognoverimus, pie ac verisimiliter credi potest, hanc aureolam virginittatis obtinuisse. Virgo appellatur a Jacobo Philippo de Bergamo in libro de claris scelestisque mulieribus cap. 113. a Mario Mutio Bergomeni in libro Sanctorum Bergomensium, & a Fratre Galefinio in historia ejusdem Urbis. In Ecclesia Bergomeni ab antiquo tempore recitabatur Officium de Communi Virginum in ejus honorem. Credendum est, exhibitas fuisse Congregationi sacrorum rituum preces pro obtinendis lectionibus propriis: nam in Regestis ejusdem extat sequens decretum: Congregatio sacrorum rituum, audita de præmissis relatione facta ab Illustrissimo & Reverendissimo Domino Cardinali Bellarmino, cui hæc causa commissa fuerat, nihil innovandum esse censuit, nisi velint recitare Officium Sanctæ Grata de Communi Sanctarum Virginum absque lectionibus propriis de historia, sed omnia prorsus sumere & recitare de Communi unius Sanctæ Virginis; & ita censuit & declaravit die 19. Decembris 1625. Nec aliter profecto responderi poterat; cum in Martyrologio Romano notis illustrato a Cardinali Baronio, & Romæ edito anno 1584. quam editionem (ut infra videbimus) idem Cardinalis Baronius dicit esse ceteris puriorem, & in alia editione ejusdem Martyrologii Romæ facta anno 1586. Grata Virgo denominetur: *Bergomi Sanctæ Grata Virginis*. Ut infra quoque videbimus, post Baronianam correctionem alix factæ sunt Martyrologii correctiones, & in postremis Grata non Virgo, sed Vidua appellatur: quod etiam fuit animadversum a Francisco Maria de Aste Archiepiscopo Hydruntino in notis ad Martyrologium Romanum ad diem 1. Maji: & Viduæ nomen huic Sanctæ tribuitur in Martyrologio Romano recognito auctoritate Innocentii XI. & Romæ edito anno 1681. Inter-scripturas Congregationis sacrorum rituum una extat, in qua civitas Bergomensis reverenter instat, ut Grata non Vidua, sed Virgo appelletur. Nullum extat responsonis vestigium, ex quo colligi potest, instantiam non fuisse propositam; nec ulla apparet nova mutatio in Martyro-*

654 DE SERVORUM DEI BEATIFICATIONE

tyrologio, in quo (uti dictum est) Grata Vidua dicitur, non Virgo: cum enim non dubitetur virum habuisse, ut Virgo dici posset, necessariae fuissent probationes, ex quibus ostenderetur, virginitatem in matrimonio servasse, uti mox videbitur. Virgo forte dici potuisset, quemadmodum in Cisterciensi Menologio 21. Augusti Sancta Humbelina S. Bernardi soror, quæ ex conjugio ad monasterium convolvavit, Virgo appellatur, non ea pressa significatione, qua nomen Virginis incorruptam & inaccessam sonat, sed alia laxiore, qua Virgines denominantur, & Virginibus annuerantur, quæ cum Virginibus in monasterio degebant. Alia consimilia exempla legi possunt apud Theophilum Raynaudum in *scholiis ad syllabum Sanctorum puncti*. 13. num. 15. Quæ exempla tamen suffragari non possunt, quando, ut in re præsentī, quærenda est proprietas verborum.

12. Post approbatum casum exceptum a decretis Urbani VIII. actum fuit de concessione Officii & Missæ in honorem Beatæ Lucie de Narnia Ordinis Prædicatorum. Opposui, eam coli non posse tamquam Martyrem, cum sanguinem non luderit pro Christo; non posse coli tamquam Virginem & Martyrem, cum Postulatores instarent pro cultu Virginis; non posse denique coli tamquam Virginem, cum matrimonio juncta fuisset. Responsum autem fuit a Postulatoribus, eam utique matrimonio junctam fuisse, sed virginitatem in matrimonio servasse; lic testantibus Historicis, Joanne videlicet Trithemio, Gregorio Lombardello in *Manuscripto de Stigmatibus S. Catharina Senensis*; quod asseratur in bibliotheca Vaticana, & Philippo Ferrario in *catalogo generali Sanctorum*. Ducem quoque Ferrariæ Herculem Estensem, Hippolytum Cardinalem Estensem, Nicolaum Mariam Estensem Episcopum Adriacum, Petrum Tranensem Episcopum Telesinum, & Auctorem Manuscripti, quod asseratur in publico archivo civitatis Viterbij, testimonium exhibentes de veritate Stigmatum ejusdem Beatæ Lucie, eam Virginem appellare. Additæ fuerunt animadversiones de corporis incorruptione, flexibilitate, & odore ab eo emanante. Cumque Beatæ & Sanctæ, quæ virginitatem in matrimonio conservarunt, colantur tamquam Virgines, teste Guyet de *fest. propr. Sanctorum lib. 2. cap. 7. quæst. 27.* quod & comprobatur exemplis Sanctæ Chunegundis uxoris Henrici Imperatoris, Sanctæ Cæcilie Virginis & Martyris, Beatæ Delphinæ, cujus Officium est in Breviario Ordinis Minorum de Observantia, Beatæ Chunegundis Reginae Poloniæ, cni post approbationem cultus immemorabilis in aliquibus locis facta est concessio Officii & Missæ, Benedictus XIII. hoc edidit decretum: *Sanctissimus Dominus noster Benedictus XIII. ad humillimas preces R. P. Fratris Thomæ Ripoll Magistri Generalis Ordinis Prædicatorum, auditis Reverendissimo Domino Cavalchini Archiepiscopo Philippensi Fidei Promotore, inhaerens potissimum constanti Scripserum assertioni, sanæ parenti, & traditioni inconcussa, necnon varitis supernaturalibus signis per alibentia documenta probatis insimul collimantibus in testimonium virginitatis a Beatâ Lucia de Narnia Ordinis Prædicatorum perpetuo etiam in conjugio servata,*
beni.

benigne annuit pro concessione Officii & Missæ in honorem ejusdem Beata de Communi Virginum sub ritu duplici recitan. & respectivo celebran. die 15. Novembris anniversaria ejus obitus a Clero Saculari & Regulari utriusque sexus in civitate & diocesi Narnien. ubi dicta Beata ortum habuit; in civitate & diocesi Viterbien. ubi diu commorata fuit, & sacra Stigmata habuisse perhibetur; & demum in civitate & diocesi Ferrarien. ubi sacrum ejus corpus asservatur & colitur, necnon recitan. & respectivo celebran. subsequenti die 16. ejusdem mensis ab universo Predicatorum Ordine extra dictas civitates & dioceses, attento, quod prefata die 15. Novembris a memorato Ordine celebratur festum Beati Alberti Magni; & ita servari mandavit: Die 5. Februarii 1729. Pro concessione quippe Officii & Missæ sub ritu Virginum non interponit Ecclesia judicium definitivum quoad qualitatem, seu statum & classem personarum; sed satis ei est, si apta adsint fundamenta, quæ saveant virginitatem, quemadmodum bene animadvertit Adam Tanner Theolog. tom. 3. disput. 1. de Fide quest. 4. dub. 7. num. 298. Idem fortasse dicendum est de illis, quæ vim passæ in stuprum nequaquam consensissent, juxta celebre illud Sanctæ Lucæ responsum: *Si me invitam violari feceris, castitas mihi duplicabitur ad coronam*: Duplici nimirum reportata laureola, & servatæ virginitatis, & illatæ injuriæ, uti post D. Thomam in 4. dist. 49. quest. 5. art. 3. notat Guyet loc. cit. quest. 26. Nemini porro dubium esse debet, plures Sanctos ex hac vita virgines migrasse, ut ex eorum Actis desumitur. Si itaque de hac insigni prærogativa confite, poterit ejus fieri commemoratio in lectionibus propriis. De illibata virginitate & castitate S. Pii V. & de harum rerum probatione plura habentur in relatione Rotæ Auditorum edita in ejus causa tit. de Temperantia. Sed viri non coluntur titulo Virginis, cum peculiare eorum cultus titulus obtineant aut Martyris, aut Confessoris Pontificis, aut Confessoris non Pontificis.

13 In Apocalypsi cap. 14. v. 4. ubi describitur numerus neque ac fors Virginum, quæ erunt tempore Antichristi, legitur: *Hi sunt qui cum mulieribus non sunt inquinati, virgines enim sunt. Hi sequuntur Agnum quocumque terit*. Cornelius a Lapide in hunc locum notat, tam feminas, quam masculos dictis verbis comprehendi, cum in genere masculino, utpote nobiliori, intelligatur femininum quasi subalternum. Tertullianus in libro de velandis Virginibus cap. x. magis honorandos putat viros, si virginitatem servaverint, quam feminas, si virgines fuerint: *Masculus potius honorari oportuisset, quoniam quanto sexus avidior & calidior in feminas, tanto continentia majoris ardoris laborator*: Subscribit Cardinalis Joannes Vitalis in specul. moral. Script. tit. de Virgin. pag. 324. ubi ait: *Quamvis enim mulieres sint aque prona, atque viri, non tamen ita sunt invereccunda. Ideo gloriosius est in viro servare virginitatem*. At, utcumque sit de his, disciplinæ Ecclesiasticæ norma retinenda est, quæ ex dictis sub ritu Virginum colit feminas, non viros, etsi virginitatem servaverint. In Ecclesia vero triumphante communem fore mulieribus ac viris aureolam virginitatis sentit D. Thomas

656 DE SERVORUM DEI BEATIFICATIONE

*in 4. sent. dist. 49. quæst. 5. art. 3. ad septimum; additque, quod si frigidi & enu-
muchi voluntatem habeant incorruptionem perpetuam servare, etiamsi facultas
adisset eorum, virgines sunt dicendi, & aureolam merentur; faciunt enim de
necessitate virtutem: si vero voluntatem habeant ducendi conjugem, si possent, au-
reolam non merentur.*

C A P U T XIII.

*De Breviario Romano, & ejus auctoritate, aliisque nonnullis
rebus, quæ pertinent ad Officia Divina.*

Concessio Officii pro universali Ecclesia, de qua superius plura
dicta sunt, simul illud poscit, ut Officium inseratur in Brevi-
arium Romanum; quemadmodum & concessio Missæ pro uni-
versali Ecclesia simul poscit, ut ea in Missale Romanum inseratur: quo-
circa, si non necessarium, saltem opportunum esse videtur, nonnulla hoc
loco de ipso Breviario Romano referre.

2 Ferunt, Patres Franciscanos Missionibus Apostolicis defungentes,
& mirabili celeritate orbem peragantes Divina quædam Officia recitasse,
sed in compendium redacta, quæ proinde Breviarii nomen assumpse-
runt. Quod Breviarium cum pessime esset digestum, Haymo Francisca-
norum Generalis corrigere studuit, & Gregorius Papa IX. correctam hanc
Breviarii formulam calculo suo confirmavit, uti fusc legitur apud Gran-
colas in *commentar. histor. in Breviarium Romanum cap. 5.* Ajunt, hoc ipsum
Officium paulo post usurpari coepisse in Capella Papæ ad S. Joannem La-
teranensem, cum propter causarum & negotiorum gravissimam molem,
qua Pontifex, & Cardinales pæne obruebantur, Officium contrahi necesse
esset; & Nicolaum tandem III. summum Pontificem edixisse, ut in omni-
bus Urbis Romæ ecclesiis in posterum eadem celebrarentur Officia, &
iidem adhiberentur libri, qui a Franciscanis usurpabantur, proscriptis
antiquioribus libris omnibus Cantus & Officiorum. Testis horum omnium
est Radulphus Tungrensis de canonum observantia cap. 22. ubi ait: *Sciendum
tamen quod Nicolaus Papa III. natione Romanus de genere Ursuorum, qui cepit
anno Domini 1277..... fecit in ecclesiis Urbis amoveri Antiphonarios, Gradualia,
Missalia, & alios libros Officii antiquos quinquaginta, & mandavit, ut de cete-
ro Ecclesia Urbis uterentur libris & Breviariis Fratrum Minorum, quorum Re-
gulam etiam confirmavit; unde hodie in Roma omnes libri sunt novi & Francis-
cani.* Quod late prosequuntur Thomassinus de *vet. & nov. Eccles. discipl.*
part. 1. lib. 2. cap. 84. n. 12. Cardinalis Bona de *Divina psalmodia cap. 18. §.*
20. num. 2. Dominicus Macrus in *Hierolex. ad verb. Breviarium*, & Sarnel-
lus Episcopus in *epist. 40. tom. 6.* Scripsit autem Radulphus circa annum
1390. & ideo centum & amplius annis post mortem Nicolai III. cumque
ex *epistola apologetica Petri Abaelardi adversus S. Bernardum* desumatur,
Officium

Officium abbreviatum in omnibus Urbis ecclesiis lectum fuisse, & recitatum circa annum 1140. & propterea 150. circiter annis ante Nicolaum III. de assertione Radulphi rationabilis oritur dubitatio, uti notat Pagius junior in *breuiar. Romm. Pontif. tom. 3. in vita Nicolai III. num. 24.* Quamobrem Du Cange in *Glossario ad verb. Breviarium*, animadverso Breviario Chori ad usum Monasterii Cassinensis, quod scriptum est, Alexio Comneno imperante, ideoque circa annum 1100. in quo habentur hæc verba, *Incipit Breviarium, sive Ordo Officiorum per totam anni decursumem, quod quidem Breviarium totius Ecclesiastici Officii rubricas, ritus etiam, & caeremonias continet tam Officii recitandi, quam Missæ celebrandæ, necnon peculiare præcipuarum solemnissimum observantias; colligit, primigis Breviarii nomine solas Rubricas, seu Ordinem Officiorum olim innocuissæ, postmodum toti Officio adscriptum idem nomen fuisse.*

3 Nonnulla menda in Breviarium Romanum irrepsérant, & particularia quoque Breviaria in nonnullas dioceses fuerant introducta. Quocirca serio cogitatum est de emendando Breviario, eoque unico per universum orbem adhibendo. In propositione facta a Carolo V. Augultæ Vindelicorum anno 1548. dicitur, Breviarium in formam precum & orationum ab antiquis Ecclesiæ Patribus & Rectoribus traditam præscriptamque redigendum; insuper apocrypha, parumque ad sincerum cultum pertinentia a Breviariis relecanda. Et hac forsitan de causa summus Pontifex Paulus Papa IV. id in animum induxerat suo labore conficere, planeque suo, quod morte præventus perficere non potuit. Fusc id refertur ab Antonio Carraciolo Clerico Regulari in *vita ms. Pauli IV. lib. 4. cap. 16. Atteste lungo tempo esso stesso a fare un Breviario riformato secondo l'antica gravità e rito; ma perchè era tanto occupato, e voleva farlo lui solo di sua propria fatica, perciò non lo potè finire, ma restarono i suoi abbozzi, e principj per i Successori Pontefici.* Decessit ergo Paulus Pontifex, re infecta; revocatoque a summo Pontifice Pio IV. sacro Tridentino Concilio, quod antea fuerat intermissum, idem Pontifex operæ pretium esse censuit; ad Tridentinos Patres mittere quidquid tempore Pauli IV. ad emendationem Breviarii, & ejus uniformitatem ubique statuendam fuerat confectum atque elaboratum. Manus a Patribus Tridentinis ad opus sitæ admota: sed, instante conclusione Concilii, necesse fuit totam rem ad auctoritatem & judicium Romani Pontificis deferre, ut habetur *sess. 25. de reform. tit. de indice librorum, & Catechismo, & Missali*; atque ideo in hujus rei executionem memoratus Pius Papa IV. Romam evocavit illos eosdem Tridentinos Patres, qui ad idem munus fuerant electi, ut rem in Urbē perficerent, collatis studiis una cum nonnullis aliis idoneis viris, quos Papa ipse adjunxit. At, Pio IV. universæ carnis viam ingresso, opere imperfecto, assumptoque ad summum Pontificatum S. Pio V. adhibitis etiam ad emendationem & correctionem Breviarii aliis peritis viris, negotium tandem fuit sub hoc Pontifice feliciter absolutum, quemadmodum desumitur ex ejus *Constit. 64. Bullarii tom. 2. in qua afolevit*

quæcumque alia Breviaria, quovis etiam privilegio munita, exceptis illis, quæ in ipsa prima institutione fuissent a Sede Apostolica approbata, vel quæ usu ducentorum annorum in aliquibus ecclesiis recepta fuissent. Quare factum est, ut, ipso Pio Pontifice annuente, basilica Vaticana suum antiquum Breviarium & Psalterium, plurium sæculorum usu comprobatum, retinuerit & adhuc retineat, ubi vulgata illa minime continetur Psalmorum editio, quæ est in Breviario Romano, sed antiqua, seu vetus Latina, quam S. Augustinus lib. 12. de doctr. Christ. cap. 15. (ut non levi conjectura creditur) Italiam vocat; quamque Marius Alterius Canonicus & Theologus ejusdem basilicæ in quodam suo Scripto retinendam suavit, tum ob magni certe faciendam antiquitatis auctoritatem, tum quia inde præclara testimonia ad Fidei Catholicæ confirmationem eruebantur.

4 Memoratus S. Pius V. in citata Constitutione præscripsit, ne quid Breviario a se edito adderetur, aut de eo minueretur: *Statuentes, Breviarium ipsum nullo umquam tempore vel in totum, vel ex parte mutandum, vel ei aliquid addendum, vel omnino detrahendum esse.* Cum nihilominus Typographorum negligentia & incuria, & nimia aliorum etiam ea, quæ ad ipsos non pertinent, temere sibi assumentium audacia ac licentia multi errores in idem Breviarium postmodum irrepissent, & signanter in lectiones Patrum, in vitas Sanctorum, & Rubricas, Clemens Papa VIII. nonnullis piis & eruditis viris mandavit, ut idem Breviarium, nova adhibita diligentia, accuratius inspicerent & examinarent; quod ab eis exacte præstitum est, sicuti legitur in ejus *Constit. 86. Bullarii tom. 3.* Pii doctique viri post hæc conquesti sunt, in Breviario adhuc non pauca contineri, quæ a primo nitore institutionis exciderant, & quæ inchoata potius, quam perfecta dici poterant: & his quidem querimoniis excitatus summus Pontifex Urbanus VIII. eruditos sapientisque viros elegit, qui in novam incumbent correctionem, ut ipse testatur in *Constitutione edita anno 1631. & ante Breviarium Romanum typis impressa.* Bartholomæus Gavanus utrique emendationi, hoc est sub Clemente VIII. & sub Urbano VIII. suam operam navavit, ut ipse affirmat in *comment. ad Rubr. Breviarii Romani sect. 2. cap. 3.* Ceterorum nomina, qui sub Clemente VIII. & Urbano VIII. pro hac ipsa emendatione adhibiti sunt, legi possunt apud eundem Gavanum inter modo citati Operis præludia. Ad Urbani autem correctionem quod spectat, inter cetera Patrum Sermones & Homiliæ collate fuerunt cum pluribus typis impressis lectionibus, & veteribus Manuscriptis, multaque idcirco suppleta sunt, multa emendata atque correctæ, Sanctorumque historiæ ex præcis & probatis Auctoribus recognitæ.

5 De Breviarii Romani præstantia, si cum ceterarum Ecclesiarum Breviariis conferatur, illustre testimonium profertur a Grancolas in *comment. histor. in Roman. Breviar. cap. 4. Quemadmodum Romano Ecclesia ceteras omnes ordine, nobilitate, dignitate, atque loco antecellit, ita & ejus Ecclesia Breviarium principem locum obtinet inter ceteras omnes rationes, quibus Officium*
in re-

in reliquis Orbis Ecclesiis recitari consuevit. Et in Conciliis Gallicanis habitis post Constitutionem S. Pii V. statutum subinde est, ut Breviaria emendarentur ad præscriptum ejusdem Constitutionis, uti habetur apud Guyet de fest. propr. lib. 3. cap. 1. quæst. 7. & legitur in Concilio Rotomagensi anno 1581. cum agitur de cultu Divino in genere. Ea verba (tom. x. collect. Harduin. col. 1215. num. 2.): *Quocirca hortamur nostra provincia Episcopos, ut diligenter inspiciant & examinent suarum diocesum preclulas horas, Breviaria, Missalia, Agendas, juxta tamen Constitutiones sanctæ memoria Pii V. Et in Concilio Remensi anno 1583. cum agitur de Breviario (loc. cit. col. 1279.): Ubi indigesta minusque pietati consona Breviaria vel Missalia repperint, curent quamprimum, & quamproxime fieri poterit, ad usum Ecclesiæ Romanæ juxta Constitutionem Pii V. reformari, & in lucem emitti impensis diocesis: Et in Concilio Burdigalensi anno 1583. tit. 4. de Breviario (loc. cit. col. 1338.): Ut in posterum Breviaria, Missalia, & Manualia ex decreto Concilii Tridentini ad usum Romanæ Ecclesiæ restituta atque instaurata, & Pii V. Pontificis maximi jussu edita, ab iis omnibus, qui in hac provincia Sacramentorum administrationi incumbere, & Divino cultui ac precibus Missarumque celebrationi ex officio vacare debent, ad summum ante Adventum proximi anni 1583. tam privatim quam publice recipiantur, eaque sola ubique & apud omnes in usum sint: Et in Concilio Aquisiensi anno 1585. tit. de Missali & Breviario (loc. cit. col. 1530.): Ut usum Breviarii Romani & Missalis ex decreto sacrosancti Concilii Tridentini restituti & editi in omnibus hujus provincie Ecclesiis intra illud tempus, quod hinc ad principium mensis Januarii anni proximi 1586. interjectum est, omnino introducant. Consonat hoc antiquiori Gallicanæ disciplinæ. Toletanum Concilium habitum anno 633. can. 2. decrevit, ut unus ordo orandi & psallendi per omnem Hispaniam & Galliam conservaretur, unusque modus in Missarum solemnitatibus, & in vespertinis & matutinis Officiis retineretur: eodemque unitatis, & perfectæ cum Sede Apostolica consensionis spiritu permoti Pipinus & Carolus Magnus Divina Officia Romana in Galliam inxerere, veluti fuisse referunt Echarius Rer. Gallican. tom. 1. fol. 507. Mabillonius de liturg. Gallican. præfat. num. 2. Thomassinus de vet. Eccles. discipl. part. 1. lib. 2. cap. 80. §. 3.*

6 Post hæc, quomodo factum sit, ut in aliquibus ultra montes diocesis nova quotidie Breviaria edantur, ignoratur. Non multis ab hinc annis in Galliis editus est ab Episcopo Liber, cujus nomini parco, de jure & potestate Episcoporum ordinandi Officia Divina intra fines sua diocesis, juxta omnium sæculorum traditionem, a Christo Jesu ad nos usque transmissam. Audacter Graucolas in comment. hist. in Romanum Breviarium cap. 6. adversus claram litteram Constitutionis S. Pii V. asserit, prædicti Pontificis mentem nullatenus fuisse, ut Breviarium Romanum a se correctum ubique susciperetur, abjectis omnibus diocesanis Breviariis: quod tantum admitti potest juxta dicta a Nobis superius quoad Breviaria usu ducentorum annorum ante bullam recepta, aut quoad Breviaria, quæ in sua in-

situatione fuissent a Sede Apostolica approbata, cujusmodi sunt pleraque Breviaria Monachorum. Si Grancolas audaciæ titulo notandus est ob ea, quæ modo scripsisse diximus, severiori nota plerisque afficienda videri poterit assertio Joannis Pontas in *dictionar. cas. Conscient. tom. 2. in verb. Fictum* *cas. 5.* ubi novorum Breviariorum editionem & reformationem ab Episcopis faciendam refert. Vanespem *jur. Eccles. part. 1. tit. 16. cap. 9. num. 22. & 23.* docet Breviariorum aliorumque librorum ad Divinum Officium spectantium examen & correctionem ad Episcopos pertinere; sed cum in Belgicis Ecclesiis receptum fuerit Breviarium Romanum, subjicit *num. 24.* bullam S. Pii V. esse attendendam; & *eadem part. 1. tit. 22. cap. 7. num. 19. & seqq.* postquam animadvertit, ex Constitutione Pii V. Breviarium nullo unquam tempore vel totum, vel ex parte mutandum esse, vel ei aliquid addendum, vel omnino detrahendum; ait, si aliquid Breviario Romano judicaretur addendum, vel demendum, aut ex parte mutandum, id fore a Sede Apostolica postulandum, loquendo semper de Ecclesiis, quæ Breviarium Romanum receperunt. Nec alii desunt Auctores, qui usum particularium Breviariorum, & jus illum statuendi pro suis Ecclesiis adjudicant illis Episcopis, in quorum diocesibus bullæ Romanorum Pontificum Breviarium correctum præfinites, scientibus & tolerantibus ipsis Romanis Pontificibus, receptæ non sunt, suaque executione caruerunt: Baldellus *Theologia moralis* *tomo 2. libro 3. dissertatione 29. numero 3.*

7 Porro, an hæc sufficiant, aliorum judicium sit. Quod autem videtur asseri posse, est, tutius esse, ut etiam Episcopi, qui putant, se post bullam Pii V. posse aliquid addere, vel immutare in Breviario, aut novum Breviarium edere, prævium Sedis Apostolicæ judicium requirant; cum, experientia teste, in nonnulla Breviaria ab ipsis edita errores aliquando irrepserint sanæ doctrinæ adversantes, non ipsorum fortasse, sed aliorum culpa, ita ut opus fuerit vel edita Breviaria prohibere, vel eorum correctionem demandare. Post hæc autem ad Breviarium Romanum a S. Pio V. aliisque Romanis Pontificibus correctum redeundo, sæpe citatus Grancolas *cap. 15.* repetit, illud merito ceteris omnibus esse præferendum, & quædam subjicit, quæ mutanda censeret, ut videlicet nonnullæ lectiones emendarentur, nimius fessorum numerus minueretur, vel saltem eorum commemoratio sola præscriberetur in seriali Officio. An hæc autem, vel alia faciendi sint, examinandum erit, cum arduum negotium corrigendi & reformandi Breviarium Romanum assumetur. At, loquendo de Breviario Romano, prout nunc est, memoratus Gavantus in *opere supra citato sect. 5. cap. 12. de Lectionibus num. 16.* exponens correctionem secundarum lectionum Breviarii, in quibus Sanctorum hystoriæ referuntur, factam a Cardinalibus Baronio & Bellarmino tempore Clementis VIII. testatur, eis perdifficile visum fuisse, ad *Hystoria veritatem bona fide restituere Sanctorum lectiones, idque minima quæ fieri potuissent mutatione; immo quæ con-*

contraria erant, alicujus tamen gravis Auctoris testimonio suffulta, aliquam haberent probabilitatem, retenta sunt eo modo, quo erant, cum falsitatis argui non possint, quamvis fortasse altera sententia sit a pluribus recepta. Ex hac ingenua confessione nonnulli animum arripuerunt acriter obloquendi Breviario Romano, item asserendi, id fabulis esse repletum, ejusque auctoritatem in factis historicis esse omnino spernendam; aliis contra adversus Ecclesie Romanæ sensum sustinentibus, impium esse, & quasi hæreticum de factis historicis in Breviario Romano relatis dubitare, & multo magis iis refragari. Apud Patrem Honoratum a Sancta Maria in *animadvers. ad regul. & us. Critica tom. 2. lib. 1. dissert. 2. §. 3.* nomina referuntur eorum, qui male de Breviario Romano sentiunt.

8 Sed, quatenus per mediam viam, quæ tutior est, incedendum sit, videtur quidem tuto pede asseri posse, non modicum auctoritatis pondus factis historicis accedere, quæ relata sunt & approbata in Breviario Romano [ecquis enim de hac assumptione poterit dubitare, postquam certum est, Breviarium Romanum pluries fuisse recognitum atque emendatum, habito tot virorum pietate & doctrina illustrium consilio?] attamen ita, ut vetitum existimari non possit, debita cum modestia, & gravi fundamento, quæ occurrunt in factis historicis, difficultates exponere, easque judicio Sedis Apostolicæ supponere, ut eorum veritatem & robur perpendat, si quando manus iterum admoveatur ad Breviarii Romani correctionem: quæ ipsa videtur esse sententia plurimorum, qui de historicis relatis in nonnullis lectionibus secundi *Necurni* Breviarii Romani dubitare visi sunt. Non dubitarunt Bollandiani de sanctitate S. Venantii Martyris, dubitarunt de sinceritate Actorum, ex quibus secundæ lectiones Breviarii Romani desumptæ sunt, uti videri potest in ipsorum annotatione critica ad Acta prædicti Sancti, ad diem 18. Maji. Accusati autem de irreverentia erga Romanum Breviarium professi sunt, se utique debito obsequio venerari, quæ in citatis lectionibus continentur, quæque approbata fuerunt a sacrorum rituum Congregatione, prævio maturo consilio, sed ipsis rerum origines perscrutantibus aditum præclusum non esse suarum dubitationum fundamenta recensendi. Professio nimirum ista typis impressa est post *Indicem moralem*, itemque refertur in *vindictis Martyrologii*, ac Breviarii Romani auctore Francisco Dino pag. 123. & ejus etiam meminit Auctor dissertationis Italico sermone exaratae, & formis Beneventanis impressæ anno 1695, de existentia corporis S. Bartholomæi Apostoli in urbe Beneventana pag. 75. Papebrochius in *responsione ad exhibitionem errorum sibi oppositorum a Patre Sebastiano a S. Paulo edita Antuerpiæ anno 1696. in responsione ad articulum quartum*, num. 8. & 9. conqueritur, sibi oppositum fuisse tamquam aliquid hæresim sapiens, quod fuerit refragatus nonnullis factis particularibus in Breviario Romano relatis; in *responsione* autem ad articulum undecimum §. 2. ad sui defensionem num. 17. & seqq., & rursus num. 28. & seqq., exemplum asserit Emmanue-

lis a

illis a Schellstrate bibliothecæ Vaticanæ Præfecti, qui in *Antiquitatibus illustratis* non omnino consensit iis, quæ in Breviario referuntur de S. Dionysio Areopagita, necnon Cardinalis Vincentii Mariz Ursini Ordinis Prædicatorum, tunc Archiepiscopi Beneventani, deinde ad summum Pontificatum evecti nomine Benedicti XIII. qui in *dissertatione de Reliquiis S. Bartholomæi* edita etiam Romæ anno 1724. in *appendice ad Concilium quintum Provinciale Beneventanum* adversatus est Translationi Reliquiarum, seu corporis S. Bartholomæi Apostoli a civitate Beneventana ad Urbem, oppositaque sibi auctoritate Breviarii Romani, art. 7. *dissertationis* ita respondet: *Maxime quidem autoritatis esse Breviarium Romanum in iis, quæ per sese ad cultum Ecclesiasticum attinent; minoris tamen ponderis esse in privatis sacris aut gestis, quæ in vita Sanctorum ex occasione referuntur, ita ut efficax inde argumentum peti non possit, ubi præsertim antiquiora monumenta adversantur. Nec enim Ecclesia ipsa, quæ iis utitur, incommutabilis infallibilisque veritatis iudicat quæcumque Breviarii suis sunt inserta, cum multisies pro variis temporibus varia ex occasione ea mutaverit correxeritque. Magna fuit controversia inter Gallonium Presbyterum Oratorii Romani, & Constantinum Monachum Cassinatem de monachatu S. Gregorii; & Constantino cum asserenti & comprobanti lectionibus Breviarii Romani, responsum est a Gallonio, Romanam Ecclesiam non omnia, quæ in ejus Breviario sunt, habere pro Divinis & Canonicis, sed lectiones dumtaxat desumptas e sacra Scriptura, uti refertur a Grancolas in *comment. hystor. de Breviario Romano* cap. 5. in fine. Concordat Guido Grandus Cremonensis, Abbas Camaldulensis, vir omnium consensu doctus & eruditus in *dissert. Camaldul.* 3. cap. 8. num. 5. & seqq. ubi ait, in triplici differentia esse ea, quæ in Ecclesiasticis Officiis proponuntur; cum alia deprompta sint ex libris sacrarum Scripturarum, & hæc exigant fidem Divinæ auctoritatis; alia assumantur ex hominibus & sermonibus sanctorum Patrum, quibus, tamquam Ecclesiæ Magistris, omnis reverentia debetur, minor tamen ea, quæ est debita Divino verbo in Canonicis codicibus scripto; cetera e sanctorum vitis & historiis in Breviarium deriventur, quæ humanam dumtaxat fidem per sese exigere possunt, & ita quidem, ut, quamdiu gravis momenti ratio non urget, excipienda sint omnis obsequii significatione, iisque sine fundamento repugnare, temeritatis notæ sit obnoxium; cum fundamento vero, non item. Eodem modo loquitur Calmet in *comment. Evangel. dissert. in tres Marias* art. 3. pag. 370. ubi postquam admittit visus esse, unam eandemque seminam fuisse, quæ varia munera præstitit erga Jesum, hoc est Mariam Magdalenam, Mariam sororem Marthæ, & Pœnitentem, nec tres consequenter fuisse feminas [uti nonnulli censent] de quibus alibi actum est; postquam, inquam, id admittit visus esse juxta sensum Breviarii Romani, oppositæ ejus auctoritati adversus sententiam duas & tres feminas distinctas statuentem respondet, multum quidem esse deferendum auctoritati Officiorum Ecclesiasticorum, & ne-*

& nefas esse ab eis recedere in iis, quæ ipsum Myſterii fundamentum conſtituant, ſed in eo, quod attinet ad hiſtorias Sanctorum in iis Officiis relatas, nefas non eſſe, dubitationes magnis fundamentis innixas reverenter exponere, quæ correctioni, quatenus opus ſit, viam aperiant: *Quare non in examen revocari tantum earum veritatem patitur* [loquitur de Eccleſia] ſed laude etiam dignos cenſet, qui rem illam aggrediuntur; & ſi forte ſecundo illorum labore aliquid deprehenſum ſit fictum & ambiguum, illa repudiare ſtatim & ſupprimere a ſe alienum non arbitrat. Addi poſſet lapſus S. Marcellini Papæ & Martyris a Fide, qui commemoratur in quinta lectione Officii de eodem ad diem 26. Aprilis in Breviario Romano: hunc etenim plerique commentitium probant, primò ex ſilentio veterum omnium Scriptorum, qui Romanorum Pontificum Geſta deſcripſerunt; ſecundò, ex inani Donatiſtarum labore, qui factum illud Catholicis objecerunt, nec umquam probare potuerunt, qua ratione S. Auguſtinus lib. de unitis Baptiſmo cap. 16. [col. 541. tom. 9.] loquens de Petiliano ejus ſabulæ auctore ait: *Ipſe ſcleratos, & ſacrilegos fuiſſe dicit* [ſcilicet Marcellinum & Presbyteros ejus]; ego innocentes fuiſſe reſpondeo. *Quid laboro probare deſenſionem meam, cum ille nec tenuiter probare conatus ſit accuſationem ſuam?* tertio, ex fictitio Concilio Sinueſſano, quod ea occasione dicitur celebratum: de quibus omnibus legi poſſant Bollandiani, Tillemontius, Natalis Alexander, & Pagius, & inter S. R. E. Cardinales de Aguirre in deſenſ. Ca'hedra S. Petri tract. 2. diſput. 28. ſect. 1. a num. 1. ad 11. & de Noris in hiſtor. Donatiſt. pars. 1. cap. 7. oper. tom. 4. Quocirca Conradus Janningus egregius Continuator Bollandianus in apolog. pro Actis Sanctorum edita Antuerpiæ anno 1695. pag. 12. ubi fermo eſt de factis hiſtoricis, quæ aliquando occurrunt in lectionibus Officii approbatis a ſacrorum rituum Congregatione, ſubjicit: *Fateor ex ejusmodi approbatione hiſtoriarum auctoritatem accedere; neque ullus id negaverit Catholicus: at vero accedere talem, ut falſum ſubſeſſe non poſſit hiſtoriis ſub approbatione tali legi permiſſis, aut ut viri eruditi prohibeantur circa illas diſputare, ab iſſque ratione bona mixti diſſentire, ne ipſa quidem ſacra Congregatio præſtendat.* Patitur enim de ſaclo, quæſtionem agitari de Sancto Dionyſio Pariſienſium Patrono, an ſcilicet idem ſit [quod Breviarium Romanum manifeſte offeris ad diem 9. Octobris] cum Areopagita, an vero diverſus; item, an a Sancto Clemente ſaclo primo miſſus ſit in Galliam, an tempore Decii ſaclo tertio. Patitur ſimiliter de hiſtoria Sanctæ Marthæ ad 29. Julii relata diſputari. Patitur etiam, ut plura miſſa faciam, contra adventum Sancti Jacobi in Hiſpaniam ad 25. Julii a ſe aſſertum rationibus pugnari. Uritur nempe in prædictis verbis Janningus exemplo quæſtionis de S. Dionyſio, quo etiam uſus eſt Papebrochius, veluti ſupra indicavimus. In lectionibus etenim pro Eccleſia univerſali refertur, eum ex Areopagitis Judicibus, quorum collegio adſcriptus erat, præfectum fuiſſe Eccleſiæ Athenienſium, & cum Romam veniſſet, miſſum a Clemente Pontifice in Galliam cauſa prædicandi Evangelium: ſed nonnulli quidem cum

Hildui-

Hilduino contendunt, vera esse omnia, quæ in dictis lectionibus referuntur; nonnulli vero de eorum veritate dubitant cum Gregorio Turo- nensi, & Dionysium putant in Gallias missum esse tempore Decii Impe- ratoris circa medium sæculum tertium, ideoque Dionysium Parisiensem Episcopum non esse Dionysium Atheniensem, seu Areopagitam; alii de- nique media quadam via gradientes Dionysium utique Parisiensem ad- mittunt diversum esse ab Areopagita, sed tamen a S. Clemente in Gallias missum, quemadmodum videri potest in novissima dissertatione Pagii junioris præmissa tom. 4. *breviar. Romm. Pontif.* Porro, ut magis roboretur assertio Janningi de veneratione utique habenda erga res, quæ in lectionibus Breviarii Romani referuntur, at una tamen cum permissione benigne indulta Eruditis difficultates excitandi non leves super iis, quæ in ipsis narrantur, etsi in lectionibus, quæ recitantur die festo S. Clementis Papæ & Martyris, habeatur, ejus corpus Romam translatum, Nicolao I. Pontifice, in ecclesia ipsius S. Clementis conditum fuisse, de hac tamen re disputari impune permittitur, sicuti legi potest in Opere Philippi Rondinini de S. Clemente, & ejus basilica, Romæ edito anno 1706. Consimilia demum habentur in *confutatione dissertationis Michaelis Anastasi* mira, qua pollet, eruditione composita ab Advocato Nicolì, & Placentiæ typis impressa A. 1733. p. 21. Et seqq. ubi inter cetera notat, impune inter Eruditos adhuc disputari, utrum Constantinus Imperator fuerit Romæ baptizatus a S. Silvestro, ut haberet in lectionibus Breviarii Romani, an in exitu vitæ suæ Baptisimum receperit in quodam suburbio civitatis Nico- medienfis anno 340. & ideo quatuor annis post obitum S. Silvestri, uti scri- ptum reliquit Eusebius Cæsariensis testis oculatus de *vita Constantini lib. 4. cap. 61. Et 62.* & impune quoque inter Eruditos disputari, an veritati consentanea sint ea, quæ referuntur in lectionibus Officii S. Catharinæ Virginis & Martyris, quæ multis rationibus impugnantur ab Hadriano Valesio in *Posthumis pag. 43.*

9 Hæc quoad Breviarium Romanum, & ejus auctoritatem: nunc pro complemento præsentis materiæ Divinorum Officiorum aliqua subji- cienda sunt de Officiis duplicibus, & semiduplicibus, duplicibus primæ, & secundæ classis, item de *Octavis*, & precibus novendialibus. Bonifa- cius VIII. in cap. *unic. de Reliq. & venerat. Sanctor.* in 6. duodecim Aposto- lorum, quatuor Evangelistarum, & quatuor Ecclesiæ Doctorum festa sub Officio duplici per universas orbis Ecclesias decrevit esse celebranda. At distinctio prædicta Officiorum referenda non est ad Bonifacium VIII. ut ad ejusdem ritus auctorem, cum in citata ejus Decretali cap. *Gloriosus* extant hæc verba: *Nos itaque piis ducti consiliis, dignisque studiis excitati nonnullos Prædecessores nostros Pontifices, qui specialis devotionis profe- quentes affectum aliquorum festa Sanctorum sub duplici ordinaverunt Officio ce- lebrenda, imitari feliciter intendentes &c.* sicuti ad rem ponderat Pagi junior in *breviar. Romm. Pontif. tom. 3. in vita Bonifacii VIII. num. 22.*

10 De *Octavis* autem lectorem remittimus ad Guyetum, Gavantum, & alios, qui de sacris ritibus tractatus particulares instituerunt; & solum adnotasse fas sit primò, memoratum Gavantum in *prafatione ad Obituarium Romanum* nostrarum *Octavarum* originem desumpisse a festo Tabernaculorum, de quo *Levit. cap. 23*. Licet enim seriaz Tabernaculorum septem diebus durarent; quibus elapsis, octavus, qui sequebatur, ad aliud festum pertinebat, hoc est ad coetum atque collectam, uti bene docet S. Thomas 1. 2. *quest. 102. art. 4. ad decimum*; cum tamen festum hoc connexum esset cum alio precedenti, bene potuit Gavantus ab his octo diebus nostrarum *Octavarum* originem haurire, quemadmodum animadvertis Episcopus Sarnellus *tan. 4. suarum epistolarum epist. 20*. Secundo, Beatos coli non posse cultu *Octava*, quamvis concessum fuerit, Officium celebrari die festo ipsorum, sed pro facultate celebrandi *Octavam*, expressam requiri licentiam Sedis Apostolicæ, teste citato Guyeto de *fest. propr. Sanctis. lib. 1. cap. 18. quest. 9*. quod etiam comprobatur ex decretis editis anno 1659. a summo Pontifice Alexandro VII. relatis in 1. libro huius Operis cap. 37. ubi postquam explicati fuerunt actus venerationis, qui possunt exhiberi erga Beatos, additur: *Fieriis quoque remanentibus decretis, nempe, ne Beati in Patronos eligantur, ne eorum natalitia cum Octavis celebrentur, & aliis quibuscumque a sacra Congregatione hactenus emanatis, quæ præfati decreto recipiantur*. Non desunt tamen exempla concessionis *Octavarum* urgentibus specialibus circumstantiis concessarum in honorem etiam Beatorum, & signanter B. Petri Armeogol in universo Ordine B. Mariæ de Mercede Redemptivus Captivorum, in quo celebratur Officium sub ritu duplici secundæ clavis cum *Octava* ex Rescripto sacre Congregationis die 23. Januarii 1687. confirmato per litteras Apostolicas Innocentii XI. die 8. Aprilis 1687. typis editas post Bullarium Religiosis pag. 385. item B. Bernardi Ptolemæi in Congregatione Olivetana ab ipso instituta, uti desumitur ex decreto sacre Congregationis die 21. Martii 1706. & demum Septem Beatorum Fundatorum Religionis Servorum Matris Dei in Religione ab ipsis instituta.

11 De novendialibus tandem Supplicationibus in honorem Sanctorum vix quidquam addendum, tum quia fufe de illis egit in Opere, quod inscribitur, *De novendialibus Supplicationibus*, Joseph Mariæ Prola Societatis Jesu, tum quia de eis nunquam actum est (quod sciatur) in sacrorum rituum Congregatione, tum etiam quia ad nostram notitiam non deveniunt, nisi binæ litteræ Apostolicæ in forma Brevis Clementis Papæ XI. in quibus indulgit, ut sanctissimum Eucharistiæ Sacramentum ad publicam venerationem exponi posset in Capella sub invocatione S. Joseph sita in ecclesia S. Ignatii in Urbe novem diebus festum ipsius S. Joseph proxime antecedentibus, utque Fideles Capellam prædictam visitantes prædictis diebus Indulgentias lucrificerent, adimpletis tamen nonnullis operibus, quæ in dictis litteris Apostolicis leguntur.

12 Miraculorum post novendiales preces secutorum mentio fit in bullis Canonizationum SS. Francisci Xaverii, Francisci Salesii, Joannis a S. Facundo, & Sanctarum Tereſiæ, & Roſæ Limanæ; item in relationibus quæ olim fiebant a Rotæ Auditoribus, Sanctorum videlicet Iſidori Agricolæ, Thomæ de Villanova, Ignatii de Lojola, Ludovici Bertrandi, Petri de Alcantara. Similia occurrunt in Opere de vita, miraculis, & Actis Canonizationis S. Didaci, composito a Francisco Penia Rotæ Auditore. Gulielmæ Gamppenberg *Arlant. Marian. part. 2. num. 884.* in Imagine B. Mariæ Virginis de Novendio Matriti in Hispania hæc habet: *A Novendio nomen habet Imago Beate Virginis &c. Causa hujus tituli est, quia observantia a citiſſis est, novem omnino dies requiri, ut quis, quod vult a Deipara, hic impetret &c. Nam & Virgo propitia iis fuit, quos in novum usque diem constantes invenit.* Et de eadem Virgine scribens subiicit Joannes Eusebius Nieremberg in *trophæis Mariani lib. 5. cap. 62. Mulier quadam pauperrima, membrorum usu destituta, exhibitio Beate Virginis novem dierum honore, pristina restituitur sanitati. A quo quidem novenario dierum numero nomen illi sanctæ Imagini factum memorant.*

13 Absit, ut preces novendiales improbemus. Preces diuturniores, ceteris paribus, sunt majoris meriti, quam breviores. Dum ageremus de instantaneitate miraculorum, ostendere conati sumus, quomodo preces ad novem dies protractæ, post quas miraculum secutum est, ejus instantaneitatem obtinent, vel non obtinent. Hoc unum tantum in præſenti adnotandum videtur, ne vis præcie in numero novenario constitutur, ad avertendam quamcumque superstitionis suspitionem: præces enim Deus exaudit, quando, & quoties vult. Quod si aliquando miracula contigerunt post preces novendiales, secuta etiam leguntur post triduanas. In vita S. Bononii Abbatis Ordinis S. Benedicti scripta paulo post ejus mortem anno 1026. (legenda in Appendicibus nostris tom. vii.) hæc habentur: *Quadam femina a demonio vexata &c. Ecclesiam mox ut suis ingressa... per triduum ibi stetit &c. & demonium ejecit.* In vita S. Roberti Abbatis Cisterciensis scripta a Marbodo Archidiacono Andegavensi lib. 2. num. 5. (apud Bollandianos ad diem 24. Aprilis pag. 323.) hæc scripta reperiuntur: *Dum per triduum Cacus &c. Roberti nomen, cujus fidebat patrocinio, septies iteraret &c. illuxit diu sepulchri orbibus lux mirabilis. Similia refert Harpsfeldius in histor. Anglicana cap. 26. pag. 41. de S. Davide Archiepiscopo: Cum ipsi (scilicet) lecto est de parentibus & amicis) in pueri tres dies, totidemque noctes coram altari ejusdem ecclesie vigiliis, jejuniis; & orationibus se dedissent; divinitus puer a lapide manus evellit. Ceterisque omissis, in vita S. Mauri Casenatenſis scripta a S. Petro Damiani hæc habentur (pag. 335. oper.): *Triduo autem postquam illic (Dæmoniacus) perducta est, vehementi quadam impetu sanguinem vomuit, & ita malignum spiritum, a quo tenebatur, ejecit.**

14 De S. Huberto Episcopo Leodiensi, cujus intercessio apud Deum confert adversus rabidorum canum morsus, nonnulla dicta sunt hoc eodem

libro

libro part. 1. cap. 14. num. 21. Ut autem ejus intercessio proficiat, novendiales quædam preces institutæ sunt, quas Theologi Leodienſes, & Examinatores Synodales dictæ diœceſis, poſt diligens examen, ſuo calculo approbaverunt anno 1690. Joannes Gerſonius ante trecentos & amplius annos Hubertinum Novendiale improbaverat in ſuo tractatu *de cordis directione, conſiderat.* 16. col. 471. tom. 3. En verba: *Alius cultus Sanctorum qui ut plurimum ſuperſtitionis habere videntur; ita, quod Novena fiat, & non ſeptimana... quod ad Sanctum Hubertum pro morſu canis rabidi ſiant innumera particulares obſervationes, quæ nullam videntur habere rationem inſtitutionis: Et ita talis ritus tranſit in ſuperſtitionem, quæ nihil aliud eſt, quam vana religio.* Canonicus quidam Remenſis in ſua epiſtola typis edita anno 1701. prædicta Gerſonis auctoritate uſus eſt, improbandas novendiales preces in honorem S. Huberti inſtitutas. Præcipua tamen vis non in numero dierum, ſed in iis, quæ fieri præſcripta ſunt dictis novem diebus; quæque ad ſuperſtitionem revocavit, conſtituta eſt. Fuit epiſtolæ reſponſum a Monacho S. Huberti, qui omnem movit lapidem pro ſuperſtitione ab iis, quæ novem diebus ſunt, averſenda. Et in eo quod attinet ad numerum dierum, bene ait, eum ſtatui debuiſſe, ut peregrini, ceterique accedentes ad ſedem S. Huberti pro impetranda ſanitate, non incerto, ſed definito tempore adſcripti remanerent. Elifeus enim Propheta 4. Regum 5. Naaman Syro præcepit, ut ſepties in Jordane lavaretur. Tam epiſtola, quam diſſertatio memoratæ legi poſſunt in *hſteria critica ſuperſtitionum* Petri le Brun. Ex quibus omnibus fas eſt inferre, non eſſe improbandas novendiales preces, ſed eſſe commendandas, dummodo nihil ſuperſtitionis aut vanæ obſervantiæ adſit vel in numero dierum, vel in iis, quæ dictis diebus fieri præcipiuntur, ſed omnia referantur in honorem Dei atque Sanctorum.

CAPUT XIV.

De Eleſtione Sanctorum in Patronos.

Proſequendo materiam cultus Beatorum & Sanctorum, de qua frequens ſe offert agendi occaſio in ſacrorum rituum Congregatione ordinaria, nunc operæ præſtium eſt, ſermonem habere de Sanctorum eleſtione in Patronos.

1 Antiqua itaque & pia conſuetudo eſt Communium, Oppidorum, Urbium, Provinciarum, & Regnorum unum, aut plures Sanctos in Patronos eligendi, quemadmodum videri poteſt apud Theophilum Raynaudum in Opere, quod inſcribitur, *Tituli cultus Sanctorum ſpecialis, tom. 8.* & apud Guyet *de feſt. propr. Sanctor. lib. 1. queſt. 9.*

2 Ante decretum ſummi Pontificis Urbani VIII. infra referendum non modo Sancti, ſed etiam Beati paſſim ſeu Beatificatione formali, ſeu Beatificatione *equipollenti* beatificati in Patronos eligebantur. A Carno-

668 DE SERVORUM DEI BEATIFICATIONE

tetibus etenim Beatus Hugolinus, a Monasterio Steinfeldienſi Beatus Hermannus, a quodam Collegio Januenſi Beatus Joannes Eremita, ab Habitatoribus oppidi Montajonis in Etruria Beatus Vivaldas, a Canonicis S. Auguſtini Magni Ducatus Lithuanie Beatus Michael Getroſius, a Civitate Varſaviæ Beatus Ladislaus, ab Oppidanis quibuſdam Beatus Amatus Salducienſis, a quadam *Sodalitate*, quæ Bononiæ erecta dicitur *Perſeverantia*, Beatus Nicolaus Albergatus, ab Oppidanis caſtri Goriani prope Sulmonem Beata Geruma, a nonnullis Regni Luſitani Beatus Ægidius in Patronos electi ſunt, uti legitur in Actis Bollandianis *tom. 3. Martii, tom. 1. Aprilis, tom. 2. a. & 3. Maji*. In vita etiam Beate Michaelinæ Tertii Ordinis Minorum dicitur eam fuiſſe electam in Patronam Civitatis Piſauri; & Henricus Episcopus Mantuæ in litteris ad ſummum Pontificem ſcriptis 2. Februarii 1690. teſtatus eſt, Beatam Hofannam Tertii Ordinis Prædicatorum fuiſſe antiquioribus temporibus electam in Patronam Ditionis Mantuæ; ut & apud Caſtellinum *de certis. glor. Sanctor. pag. 458*. Beatus Gregorius X. dicitur Patronus Civitatis Aretinæ, & apud Molanum in *indiculo Sanctorum Belgii* Beatus Gerlacus electus dicitur in Patronum a quodam Oppido, & a Monialibus cujuſdam monaſterii. Quodque notabilius eſt, ante memorandum infra decretum Urbani VIII. ſacrorum rituum Congregatio approbavit electionem in Patronos quorundam Beatorum nondum canonizatorum. Die ſiquidem 2. Maji 1619. uti reſerunt Bollandiani *tom. 3. Maji*, eadem Congregatio Miſſam & Officium duplex cum *Oſtaviæ* Matritenſibus conceſſit in honorem Beati Iſidori tamquam Patroni; die 18. Aprilis 1622. Miſſa & Officium ab ipſa in honorem tunc Beati, nunc Sancti Petri de Alcantara tamquam Patroni conceſſa fuerunt Provinciæ Sancti Joſeph; die 24. Novembris 1625. Civitati & Dioceſi Neapolitanæ facultas data fuit celebrandi Officium & Miſſam de Beato, nunc Sancto Andrea Avellino ejusdem Civitatis nono Protectore; & die 26. Februarii 1628. exhibito ſæpe memoratæ ſacrorum rituum Congregationi Inſtrumento electionis in Protectorem Civitatis Panormitanæ tunc Beati, nunc autem Sancti Laurentii Juſtiniani, electionem ipſa confirmavit & approbavit, & conceſſit Officium juxta Rubricas. Denique ante Urbani VIII. decretum electiones in Patronos fiebant a Decurionibus Civitatum, nullo requiſito conſenſu Episcoporum & Cleri; ita ut in Inſtrumento electionis in Patronum tunc Beati, nunc Sancti Andrea Avellini factæ a Decurionibus Civitatis Neapolitanæ, quod Inſtrumentum eſt typis impreſſum in Actis Beatificationis collectis a Joanne Antonio Caggiano *ſil. 291*. mentio quidem fiat facultatis conceſſæ a Vicario Generali Cardinali Decii Carake tunc Archiepiscopo Neapolitani, ſed cum clauſula, *ad majorem cautelam*, nec ullum habebatur verbum de conſenſu Cleri.

A. At anno 1630. ſacrorum rituum Congregatio ſtatuit, ne in Patronos eligi poſſent, niſi illi, qui colantur titulo Sanctorum, excluſis Beati-

cificatis; & ut quædam forma in electione Patronorum observaretur, Decreto in hæc verba:

Sacra rituum Congregatio, annuente Sanctissimo Domino nostro, in electione Patronorum mandavit, infrascriptis in posterum servari debere; declarans, quod aliter facta electio, nulla sit ipsi jure.

Primo, quod eligi possint in Patronos ii, qui ab Ecclesia universali titulo Sanctorum coluntur, non autem Beatificati duntaxat.

Secundo, quod de Patrono Civitatis electio fieri debeat per secreta suffragia a populo, mediante Consilio Generali illius civitatis, vel loci, non autem ab Officialibus solum, & quod accedere debeat consensus Episcopi & Cleri illius loci.

Idemque servari debeat in Patrono Regni, qui pariter eligi debeat per secreta suffragia a populo singularum civitatum provincie.

Et quod Representantibus regnum, civitatem, provinciam nulla competas facultas eligendi Patronos, nisi ad hoc habeant speciale mandatum, & ulterius interveniat consensus Episcopi & Cleri dictarum civitatum.

Et tertio, quod causa electionis novorum Patronorum debeant in sacra Congregatione deduci, & ab ea examinari, ac demum, causa cognita, ab eadem Congregatione approbari & confirmari.

Et, ne præmissorum ignorantia ullo unquam tempore possit allegari, eadem sacra rituum Congregatio prædictum decretum imprimi & publicari mandavit.

Quod porro Decretum fuit confirmatum ab Alexandro Papa VII. in suis decretis de cultu Beatorum editis die 27. Septembris 1659. in quibus sic legitur: *Firmis quoque remanentibus decretis, nempe, ne Beati in Patronos eligantur, ne eorum natalitia cum Octavis celebrentur &c.*

Statutum est autem, ut in Patronos ii solum eligantur, qui ab Ecclesia universali coluntur titulo Sanctorum, non vero Beatificati; vel quia, si Beatificati esse non possunt Titulares Ecclesiarum, multo minus eligendi sunt in Patronos, quorum gradus nobilior est, quam Titularium, uti arguit Gavantus in thesauro sacramentorum rituum festi. 3. cap. 12. vel quia Patroni, saltem principales, coluntur cum Octavis, & Octava quidem ex alibi dictis non conceditur in honorem Beatorum; vel tandem quia non est satis conveniens, ut qualibet cuius species Beatis exhibetur, ut aliquid scilicet super sit ipsis tribuendum, quando in album Sanctorum solemniter referuntur. Statutum est etiam, ut electio Patroni Civitatis fiat per secreta suffragia, ut intelligentium libertas sit omnino illæsa; & ne fiat ab Officialibus tantum, sed a Consilio Generali illius Civitatis: electio quippe Patroni significat nuncupationem voti, quo populus ipse se obligat & obstringit peccato, ni diem ejus festum servet, uti bene argumentatur Pignatellus consulti. 79. num. 9. tom. 4. Ex eadem ratione statutum est, ut electio Patroni Regni fieri debeat per secreta suffragia a populo singularum civitatum provincie, & ut Representantibus regnum, civitatem, provinciam nulla competat eligendi facultas, nisi habeant ad hoc speciale mandatum. Ex quo fit ut in Comitibus generalibus, que coguntur a De-

curio-

curionibus regni, quos *Deputatos* vocant, non possint iidem Deputati valide procedere ad electionem Sanctorum in Patronos, licet in iisdem Comitibus etiam Ecclesiastici intersint; vel quia mandata Deputatorum sunt generalia pro rebus tantum politicis, minime vero pro rebus spiritualibus: vel quia Ecclesiastici interveniunt tamquam Regni Procures, & pro bono regimine Reipublicæ. Statutum est præterea, ut accedere debeat consensus Episcopi, idque adeo *strictè* aliquando servandum esse, sacra rituum Congregatio demandavit, ut, facta cum omnibus requisitis in quodam oppido Belgii electione S. Francisci Xaverii in Patronum, accedente etiam auctoritate Vicariorum *Capitularium* Audomarensis, & Hyprensis, quorum jurisdictioni oppidum subiectum erat, sacra ipsa Congregatio noluerit approbare & confirmare electionem, quamvis de jurisdictione Vicariorum *Capitularium*, Sede Episcopali vacante, non dubitaverit; sed responderit die 4. Decembris 1682. expectandam esse electionem Episcoporum, de quorum subinde consensu doceretur. Statutum est pariter, ut intercedere debeat consensus Cleri: & sane ex praxi introductum est, ut non solum Cleri Sæcularis, sed etiam Cleri Regularis consensus interveniat; aut quia ex supradictis electio Patroni referenda est inter res spirituales; aut quia, cum Clerus & populus sint duo distincta Communia, ex quibus Civitas, vel Regnum constituitur, unius votum, vel lex alterum obligare non potest; aut demum quia, cum ex infra dicendis debeat Clerus etiam Regularis agere festum, & recitare Officium de principali Patrono loci, & ex quadam convenientia Clerus Regularis recitet ut plurimum Officium & celebret Missam de Sanctis etiam electis in Patronos minus principales, rationi consonum omnino est, ut in electione Cleri quoque Regularis consensus accedat. Statutum denique est, ut causæ electionis novorum Patronorum in sacrorum rituum Congregatione examinentur, nisi aliter summo Pontifici videatur; cum juxta antiquiorum Constitutionem Sixti V. Officia de Sanctis Patronis ab eadem Congregatione concederentur, consulto summo Pontifice. Porro, cum titulus decreti a sacrorum rituum Congregatione editi die 23. Martii 1630. his verbis constet, *Super electione Sanctorum in Patronos*, hinc est, quod præscripta in eodem decreto debent observari, si agatur de electione Sanctorum in Patronos principales, si de electione Sanctorum in Patronos minus principales; solumque animadverti potest, in electione Sanctorum in Patronos nonnullorum Communium observari quidem posse regulam, ut non eligantur, nisi illi, qui in Ecclesia universali coluntur titulo Sanctorum, minime vero Beatificati, sed servari non posse, nec debere formam electionis explendæ in Consilio Generali Civitatis una cum consensu Cleri & populi; Ordines Equestres sub tutela alicujus Sancti sunt instituti: Equites etenim Alæ instituti fuerunt sub Regula Cisterciensis, & sub tutela SS. Michaelis Archangeli, & Angeli Custodis; Equites de Alcantara sub eadem Regula, & sub tutela S. Juliani; Equites Montefix sub eadem Regula, &

la, & sub tutela B. Mariæ Virginis; Equites S. Stephani sub Regula S. Benedicti, & sub tutela S. Stephani Papæ & Martyris; Equites S. Mauricii sub Regula Cisterciensis, & sub tutela S. Mauricii Martyris Legionis Thebæ; Equites S. Joannis Hierosolymitani sub Regula S. Augustini, & sub tutela S. Joannis Baptiste; Equites S. Mariæ Teutonicæ sub Regula S. Augustini, & sub tutela B. Mariæ Virginis; Equites S. Jacobi de Spata sub Regula S. Augustini; & sub tutela S. Jacobi Majoris Apostoli; Equites S. Mariæ de Mercede, Equites S. Mariæ de Monte Carmelo sub Regula S. Augustini, & sub tutela B. Mariæ Virginis; Equites Militiæ Christianæ titulo Conceptionis B. Mariæ Virginis sub Regula S. Francisci, & sub tutela SS. Michaelis, & Basilii & uti legi potest apud Aubertum Miræum in Opere de *originibus Equestrum Ordinum*, apud Franciscum Mennemum in Opere, cuius titulus, *Delicia Equestrum, sive Militarium Ordinum*; & apud Barbofam in *Collectaneis* 307. 308. 310. & quinque seqq. collect. 317. collect. 319. & duabus seqq. & demum collect. 323. Quocirca, si aliqua Communitas hujusce, aut consimilis generis Sanctum aliquem eligere velint in Patronum, satis erit, si accedat consensus eorum, qui totum Commune representant, atque obligare possunt. Hoc modo Ordo Minorum elegit id sui Patronum S. Michaelem Archangelum. Sanctus enim Franciscus de Paula ejus Institutum S. Michaelem Archangelum habuerat pro suo primario Patrono, & ejus electio confirmata fuit a summo Pontifice Clemente X. die 16. Augusti 1670. Eodemque modo Ven. Dei Servus Innocentius Papa XI. confirmavit electionem S. Joseph in Patronum omnium Missionum Sinenium, quæ facta fuerat ab Episcopis Vicariis Apostolicis apud Sinas a Sede Apostolica constitutis; prævio consilio Congregationis de Propaganda Fide, absque eo quod in ejus litteris Apostolicis mentio fiat consensus populi aut Cleri.

Innocentius Papa XI. Ad futuram rei memoriam &c. Sacrosancti Apostolatus officium humilitati nostræ ab æterno Pastore commissum salubriter exequi, adjuvante Domino, juxta satagentes illis; quæ celestis favoris ad Christianæ religionis Catholicæque Fidei propagationem, & animarum litora imperandi studio a quibuscunque Christianidelibus, ac præsertim a Catholicis Antistitibus in partem sollicitudinis nostræ vocatis; Fideique præfata propagationi studio incumben-
tibus laudabili pietate facta esse noscuntur, ut forma utque illibata persistant. Apostolice muniminis libenter adsumimus firmitatem. Nuper siquidem pro parte Ven. Fratrum Episcoporum Vicariorum Apostolicorum apud Sinas ab hac Sancta Sede Apostolica deputatorum Nobis expositum fuit, quod ipsi pro peculiari eorum erga Sanctum Josephum devotione eundem Sanctum Josephum in Rectorem & Patronum omnium Missionum, quibus ex dictæ Sedis mandato incumbit, elegerunt. Cum autem, sicut eadem expositio subsungebat, dicti exponentes, præmissa, quo firmitus subsistant; Apostolica confirmationis nostræ patrocinio communi-
niri, summo opere desiderens; Nos specialem ipsi exponentibus gratiam facere volentes, & eorum singulares personas a quibusvis &c. censentes, supplicationibus
eorum

eorum nomine Nobis &c. inclinari; de Ven. Fratrum nostrorum S. R. E. Cardinalium negotiis Propagandæ Fidei præpositorum consilio, electionem Sancti Josephi in Rectorem & Patronum Missionum huiusmodi a memoratis Episcopis Vicariis Apostolicis factam, ut præfertur, auctoritate Apostolica tenore præsentium approbamus & confirmamus, illique inviolabilis Apostolica firmitatis robur adscribimus, ne omnes & singulos furis & facti defectus, si qui desuper quomodolibet intervenire, supplemus: Decernentes, easdem præsentis litteras firmas validas & effectuales existere & fore, suosque plenarios & integros effectus sortiri & obtinere, ac illis, ad quos id spectat & pro tempore spectabit, in omnibus & per omnia plenissime suffragari; sicque in præmissis per quoscumque Iudices ordinarios & delegatos, etiam &c. Auditores, iudicari & definiri debere; ac irritum &c. attentari. Non obstantibus Constitutionibus & ordinationibus Apostolicis, ceterisque contrariis quibuscumque. Volumus autem, ut eandem præsentium litterarum transumptis seu exemplis, etiam impressis, manu alicujus Notarii publici subscriptis, & sigillo persone in Ecclesiastica dignitate constituta munitis eadem prorsus fides tam in iudicio quam extra illud ubique locorum habeatur, quæ haberetur ipsi præsentibus, si forent exhibita, vel essent. Datum apud S. Mariam Majorem &c. 17. Augusti 1678. anno secundo.

6 Prohibetur, uti vidimus, in allegato Decreto Urbani VIII. ne Beati eligantur in Patronos: extraordinariæ nihilominus quedam concessionis post Decretum ipsum factæ sunt ex nonnullis specialibus circumstantiis non ita facile in exemplum adducendis. Rosa de S. Maria Virgo Limana Tertii Ordinis S. Dominici fuit Beatarum numero adscripta a Clemente IX., Sanctarum autem a Clemente X.; sed, antequam fieret ejus Canonizatio, instantibus & supplicantibus Carolo Rege Hispaniarum, & Marianna Regina, Clemens Papa IX. Beatam Rosam de S. Maria in Patronam principalem Civitatis Regum, seu Limane, & totius Regni Peruviani cum omnibus prærogativis, quæ Patronis principalioribus debentur, auctoritate Apostolica elegit & declaravit; tum, iisdem Regibus rursus instantibus, Clemens Papa X. inhærens vestigiis sui Antecessoris eandem Beatam Rosam de S. Maria elegit pariter & declaravit in principalem Patronam omnium & singularum provinciarum, regnorum, insularum, & regionum Continentis totius Americæ, Philippinarum, & Indiarum, non obstante Decreto de non eligendis in Patronos Beatiss., uti legitur in *Constit. 10. Clementis Papæ X. Bullar. tom. 6.*

7. 7. Consimilis concessio facta fuit a memorato Clemente Papa X. in honorem tunc Beati, nunc Sancti Stanislai Koscice; uti desumitur ex ejus litteris Apostolicis datis die 10. Januarii 1674. in *Bullario Rom. tom. 7. pag. 253.* in quibus, post expositas enixas & iteratas preces Michaelis Regis Poloniæ, & Archiepiscoporum atque Episcoporum, necnon nobilium virorum Senatus Regni, & Magni Ducatus Lithuanie, hæc habentur: *Hinc est, quod Nos etiam supplicationibus &c. inclinari.... quarevis Constitutiones Apostolicas, & Decreta Congregationis prædictorum Cardinalium die 23. Martii 1630.*

super

super ordinatione servanda pro Patronis eligendis emanata, electionem Beatorum in Patronos fieri vetent, eosque solum, qui ab Ecclesia universali titulo Sanctorum coluntur, non autem Beatificatos dumtaxat in Patronos eligi posse declarent, nibilominus ad majorem Dei laudem, Divinique cultus augmentum id tendere agnoscentes, de memoratorum Cardinalium consilio prædictum Beatum Stanislaum Kosciam Patronum principalem Regni Poloniae, & Magni Ducatus Lithuania prædictorum, eisque adjunctarum provinciarum cum omnibus & singulis prærogativis, qua principioribus Patronis eorundem Regni, & Magni Ducatus competunt, & quibus prænominati Sancti Adalbertus & Stanislaus, alique principiores Patroni Regni, & Magni Ducatus hujusmodi ibidem de præfenti gaudent, seu coluntur, juxta tamen ritum Rubricarum Missalis & Breviarii prædictorum, dicta auctoritate tenore præsentium declaramus.

8 A sacrorum præterea rituum Congregatione confirmata fuit electio in Patronos facta a Civitate Licienfi Orontii, Justi, & Fortunati, qui, licet Sancti appellentur, re vera tamen cultum tantummodo immemorabilem obtinent, ideoque Beati dicendi essent Beatificatione æquipollenti. Postremum vero, quod sciam, exemplum consimilis concessionis defumitur ex hoc Decreto prædictæ Congregationis edito, dum munere fungebatur Fidei Promotoris, in honorem Beatæ Chunegundis Reginae Poloniae, cujus cultus immemorabilis jam fuerat approbatus: Non minus piis, quam enixis precibus Serenissimi Regis Poloniae, necnon Reverendissimi Nuntii Apostolici, & Reverendissimorum Archiepiscoporum & Episcoporum, ac denique Magnatum totius Regni Poloniae, Magnique Ducatus Lithuania Sanctissimo Domino nostro Clementi Pape XI. porrectis pro confirmatione electionis Beatæ Chunegundis ejusdem Regni Reginae in Patronam principalem Regni & Ducatus præfatorum, ac pro concessione Officii duplici prima classis cum Octava, cum lectionibus secundi Nocturni propriis, & Oratione, itemque pro translatione diei festi ipsius Beatæ ad Dominicam primam post Visitationem Beatæ Mariæ Virginis supplicantium, illisque a Sanctitate Sua ad sacrorum rituum Congregationem remissis, sacra eadem Congregatio, referente Eminentissimo & Reverendissimo Domino Cardinali Albano Regni Poloniae, Magnique Ducatus Lithuania apud Sedem Apostolicam Protettore, re mature perpenſa, auditoque R. P. D. Prospero de Lambertinis Fidei Promotore, rescribendum censuit pro gratia declarationis in Patronam principalem cum Sanctissimo: & quas lectiones, & Orationes proprias, ac translationem festi, Dilata: Die 31. Augusti 1715. Factaque deinde per me Prosecretarium de prædictis Sanctissimo Domino nostro relatione, Sanctitas Sua Decretum sacra Congregationis benigne approbavit & confirmavit: Die 7. Septembris ejusdem anni 1715.

9 Nimirum, quod attinet ad confirmationes electionis in Patronos tum Sanctorum Orontii, Justi, & Fortunati, tum Beatæ Chunegundis Reginae Poloniae, nulla intercessit derogatio Decreti editi anno 1630. de non eligendis Beatis in Patronos: electio liquidem facta fuerat ante dictum Decretum; cumque in Decreto ipso habeantur verba, in posterum, hinc

inferitur, non posse id habere vim nisi a die, quo latum fuit; uti animadvertit Guyet *de syst. propr. Sanctor. lib. 1. cap. 7. quasi. 10. pag. 45.* ubi ait, *Decretum ejusmodi vim non habere, nisi in posterum, ab eo videlicet die, quo ipsum latum est; adeoque, quibus in locis certi jam pridem ac determinati habentur Patroni, nihil prorsus est innovandum.*

10 Quod autem spectat ad exempla Beatæ Rosæ, & Beati Stanislai, intercessit quidem derogatio Decreti, eademque a summis Pontificibus facta est, prævio consilio Congregationis sacrorum rituum; at magni momenti in utroque exemplo non desuit circumstantia, quæ præcipue fuit posita in majori Dei laude, & in Divini cultus augmento, quod derivari posse videbatur ex utriusque confirmatione in Patronos; quemadmodum desumitur ex citatis litteris Apostolicis. Præterquamquod, cum Beata Rosa prima fuerit, quæ ex Indiis Occidentalibus publici cultus honore per Sedem Apostolicam decorari meruit, congruum omnino videbatur, ut erga eam insolita venerationis fieret accessio: Tanto potentius populo Indiarum Occidentali ejus patrocinium sperante, quanto eam crebriori & interiori devotione colere & honorare studebit: sicuti totidem verbis legitur in supra citato Brevis Clementis IX.

11 Verum, exceptis hisce plane singularibus circumstantiis, in exemplum non facile adducendis, semper inconcussum permansit propositum sacræ Congregationis de non admittendis in Patronos illis, qui tantum sunt beatificati; semperque etiam illæsa permansit observantia Decreti circa modum, quo fieri debent Sanctorum electiones in Patronos. Ideoque, cum Carolus II. Hispaniarum Rex elegeret in Patronum & Protectorem suorum Regnorum Sanctum Joseph, & Ven. Dei Servus Innocentius Papa XI. electionem prædictam confirmasset, uti colligitur ex litteris Apostolicis ab eo datis die 19. Aprilis 1679. in Bullar. Rom. tom. 8. pag. 94. in quibus sic legitur: *Non itaque, sicut dilectus Filius nobilis Vir Gaspar de Haroy Marchio de Carpio pro dicto Carolo Rege apud Nos & Sedem Apostolicam Orator. Nobis nuper exponi fecit, idem Carolus Rex pro peculiari sua erga gloriosum Patriarcham Sanctum Josephum Beatissimæ Virginis Del genitricis Mariæ Sponsum devotione, universa Regna & Dominia sua illius patrocinio atque protectioni commiserit, ipsumque Sanctum Josephum in Patronum & Protectorem eorumdem Regnorum & Dominiorum elegerit, cupiatque propterea, opportune in præmissa a Nobis provideri, & ut infra, indulgeri; Nos pium & religiosum dicti Caroli Regis animum plurimum in Domino commendantes, supplicationibus ejus nomine Nobis per præfatum Gasparem Marchionem super hoc humiliter porrectis inclinatis, de Venerabilium Fratrum nostrorum S. R. E. Cardinalium sacris ritibus præpositorum consilio, electionem memorati Sancti Josephi in Patronum & Protectorem Regnorum & Dominiorum præfatorum factam, ut præferitur, auctoritate Apostolica tenore præsentium confirmamus & approbamus; exorta subinde controversia super dicto Brevis, ipsaque delata ad sacrorum rituum Congregationem, Responsum prodiiit, quo dictum est, Breve idem non suffra-*

suffragari, attenta inobservantia Decretorum; quod est idem ac dicere, eo quia in electione Sancti Joseph in Patronum non fuit servata forma præscripta in Decreto Urbani VIII. edito, uti dictum est, anno 1630. quemadmodum desumitur ex hoc Decreto sacre Congregationis: Cum pro parte Domini Francisci Juba &c. Agentis ac Procuratoris Generalis omnium Ecclesiarum Cathedralium, ac totius Status Ecclesiastici Regnorum Hispania expasum sit apud sacrorum rituum Congregationem, quod Serenissimus Rex Catholicus obtinuit a Sanctissimo Domino nostro Innocentio Papa XI. mediante speciali Brevis die 19. Aprilis 1679. in vim Decreti ipsius sacre Congregationis habita die 18. Martii &c. confirmationem Patronatus Sancti Josephi Sanctissima Virginis Maria Sponsi, quem in Patronum & Protectorem suorum Regnorum peculiari ejus devotione elegerat ac deputaverat; verum, quia nulla in eo fiebat mentio antiquissimi Patronatus Sancti Jacobi Apostoli in universa Hispaniarum Regna, propterea, habito recurso ad Sanctissimum pro parte Reverendissimi Archiepiscopi, Cleri, & populi civitatis Compellana pro suspensione executionis dicti Brevis, & remissa instantia ad ipsam sacram Congregationem, eadem sub die 30. Septembris, annuente quoque Sanctissimo die 15. Novembris anni proxime præteriti, rescriptis, Breve præfatum censeri concessum sine præjudicio, aut diminutione aliquæ Patronatus Sancti Jacobi, juxta formam & tenorem alterius Brevis sanctæ memoria Urbani VIII. de anno 1627. pro Patronatu Sanctæ Teresa. Nunc vero ad instantiam præfati Agentis, nomine pariter omnium Ecclesiarum Cathedralium, ac totius Status Ecclesiastici Regnorum Hispania, supplicatum fuit, per eandem sacram Congregationem declarari prædictum Breve Patronatus Sancti Josephi nedum concessum censeri sine præjudicio Patronatus Sancti Jacobi, sed ulterius in nihilo suffragari, perinde ac si non emanasset. Et eadem sacrorum rituum Congregatio, referente Eminentissimo & Reverendissimo Domino Cardinali Carpino, respondit, non suffragari Breve, attenta inobservantia Decretorum ipsius sacre Congregationis, & ita declaravit: Die 31. Augusti 1680. Quod quidem sacre Congregationis Decretum confirmatum est litteris Apostolicis a Venerabili ipsorum Dei Sereno Innocentio XI. datis die 26. Septembris 1680. Quæ tamen sic processisse dicenda sunt, quia videlicet supra indicatæ exortæ fuerant controversiæ de confirmatione electionis a Rege Hispaniarum sacre Sancti Joseph in Patronum. Si etenim controversiæ non fuissent excitatæ, quemadmodum, instantibus Regibus, facta est derogatio Decreti de non eligendis nisi Sanctis in Patronos, ita facta fuisset ejusdem Decreti derogatio super defectu consensus Cleri & populi: quocirca, supplicante Imperatore die 30. Julii 1689. confirmata fuit electio ab ipso facta S. Rosaliæ in Patronam Regnorum & Provinciarum hereditariam, non obstante defectu consensus Cleri & populi.

12. In ecclesia castri Tarregæ diocesis Celsonensis duæ sanctæ Spinx Coronæ Domini nostri Jesu Christi conservari dicuntur, & ad publicam exponi venerationem, ecclesiamque prædictam visitantibus concessæ Indulgentiæ a Clemente VIII. die 11. Septembris 1604. atque ad eam con-

fluentes beneficia recipere soliti esse. Cumque, crescente incolarum devotione, actum fuisset de earundem Spinarum electione in Patronas castris, exorta est in sacrorum rituum Congregatione disputatio, an electio Spinarum Coronæ Domini nostri Jesu Christi in Patronas fieri de jure posset; atque ideo pro recta questionis decisione iustum est, ut fieret peculiaris congressus coram clar. mem. Cardinali Ludovico, cui *Secretarius* Congregationis, *Fidei Promotor*, & *Consultores Theologi* interessent.

13 Pro parte affirmante animadversum fuit, in honorem sacrosanctæ Coronæ spinæ Domini nostri Jesu Christi reperiri ecclesias dedicatas; Parisiis etenim ædificatum fuisse sacellum, mirabile ac regium opus, a S. Ludovico Rege, & eidem sacræ Coronæ dicatum ab Odone Sedis Apostolicæ Legato, tradunt Du Brevill in *theatro Antiquitatis. Parisien. lib. 1. pag. 104. & 105. Ferrand. disquisit. Reliq. lib. 1. cap. 1. num. 43. versic. In ejusdem, & Guyet de fest. propr. Sanctior. lib. 1. cap. 6. quest. 12. versic. Quod spectat. Idemque Ferrandus insuper advertit, non solum Parisiis erga sacram spinam Coronam religionem se continuasse, sed ad alias quoque se extendisse Ecclesias, cum Lugdunensis Ecclesia in suo *Ecclesiasticorum rituum codice* exhibeat Eucharisticum de eadem Sacrificium, in quo Sacris operaturus Sacerdos in hunc modum precatur: *Presta, quesumus, omnipotens Deus, ut, qui in memoriam Passionis Domini nostri Jesu Christi Coronam ejus spinam vestramur in terris, ab ipsa gloria & honore coronari mereamur in cellis.**

14 Illud quoque ponderatum fuit, Patrocinium, generaliter loquendo, sumi pro auxilio, quod a Deo speratur & obtinetur; ideoque, cum a Deo sperari possit & obtineri Patrocinium ratione cultus exhibiti instrumentis sacratissimæ Passionis Christi, nil obitare videtur, quin Spinæ Coronæ Domini eligi possint in Patronas Civitatis, aut Oppidi. Quocirca Ferrandus in citato tractatu lib. 1. cap. 3. pag. 131. in fine; & 132. in principio, & cap. 6. art. 1. pag. 200. ait: *Atque hinc secundo colligit, Divorum Reliquias olim a Scriptoribus Patrocinia fuisse nuncupatas; & facit ad rem Syuodus habita anno 742. a S. Bonifacio, de qua lib. 5. Capitularium Caroli Magni num. 2. col. 824. ubi sic legitur: Si quis Dei per omnia omnibus armaturam portare, vel pugnare; aut in exercitum & in hostem pergere omnino prohibemus, nisi illis tantummodo, qui propter Divinæ ministerium, Missarum scilicet solemniam adimplenda; & Sanctorum Patrocinia portanda, ad hoc electi fuerint id est unum, vel duo Episcopus cum Capellanis Presbyteris Princeps secum habeat; subijcitque Ferrandus addimnetque lectorem, ut ex hoc videat, quam pie Sanctorum Reliquie in castris & præliis circumferri consueverant; ut illi scilicet suo patrocinio exercitus tegerent, ac tuerentur; additque pag. 201. Suggestum Abbatem S. Dionysii tradidisse Episcopis & Abbatibus Insignia Dominiæ Passionis, hoc est Clavum, & Coronam Domini, & Brachium Sancti senis Simeonis; necnon alia sanctarum Reliquiarum Patrocinia.*

15 Advertit etiam illud potuisse, Sixtum Papam V. Archiepiscopo, Capiente, & Clero civitatis & diocesis Taurinensis concessisse, ut Officium

pro

proprium de sancta Sindone Domini nostri Jesu Christi, quæ in eadem civitate Taurinensi religioso cultu asservatur, recitare possent; & Clementem Papam VIII. prævio consilio Congregationis sacrorum rituum,lectiones proprias ex Scriptis nonnullorum sanctorum Patrum collectas infra Octavam festi sanctæ Sindonis approbasse, ut habetur ex ejus litteris Apostolicis datis die 30. Maji 1595. item hymnos sanctissimæ Sindonis diligenter examinatos & collectos a Cardinali Bona sacrorum rituum Congregationem approbasse, & ut typis imprimerentur, concessisse, & recitari mandasse ab omnibus, qui ad Officium ejusdem sanctissimæ Sindonis tenentur; uti colligitur ex Decreto edito die 21. Januarii 1673. cum quibus concordant Apostolicæ litteræ, prævio consilio Congregationis sacrorum rituum, datæ a Ven. Dei Servo Innocentio XI. die 19. Decembris 1682. & die 3. Aprilis 1683. in quibus concessa fuit extensio ejus Missæ & Officii ad parochialem ecclesiam oppidi de Tircheim Augustinæ diocesis, ubi Maximilianus Philippus Baviaræ Dux insignem construi curaverat Capellam in honorem sanctæ Sindonis. Et quod magis ad rem facit, animadverti potuisset, eandem Congregationem piis precibus ejusdem Maximiliani indulgisse, ut in posterum in honorem insignis Reliquiæ unius Rami quinque Spinarum Coronæ Domini nostri Jesu Christi, qui asservatur in ecclesia aulica Electoralis palatii civitatis Monachiensis, celebrari posset festum cum Officio & Missa de Corona Domini sub ritu duplici majori semel in anno, in Quadragesima, die Lunæ post Dominicam Passionis in prædicta ecclesia, & in tota civitate Monachiensis, atque ejus suburbis; uti desumitur ex Decreto edito die 11. Januarii 1681. quod fuit confirmatum litteris Apostolicis in forma Brevis datis a Ven. Dei Servo Innocentio XI. die 30. Januarii ejusdem anni.

16 Verum negans opinio probabilior & tutior visa est. & a sacra Congregatione recepta die 20. Septembris 1681. eligi videlicet non posse in Patronas Civitatis, aut Oppidi Spinæ Cosmæ Domini nostri Jesu Christi quemadmodum enim nomen particularis Patroli Christi Domini nostri convenire non potest, sed solum Sanctis, ita instrumenta gloriosissimæ Passionis ejusdem, & ideo etiam Spinæ, utpote relatæ ad ipsum, eligi non possunt in Patronas alicujus Civitatis, aut Oppidi; uti bene ponderat Guynet de fest. propr. Sanctæ. lib. 1. cap. 5. quest. 3. pag. 40. ubi, proposita questione, An Christus Dominus dici possit Patronus proprius earum ecclesiarum, quæ vel ipsius, uti Salvatori nominativum, vel sub titulo sanctæ Crucis, aliove ad ipsum pertinente dedicantur, ait: Attamen, cum nec usus hinc locutioni consonet, quippe quæ nullum, quem sciam, sanctorum Patrum habet auctorem, illam præterea ratio non una dissuadet: tum quia Christus talis non est, qui in Patrum particularem eligi debeat, cum ipse communis sit omnium. Advocatus apud Patrem, ceteri vero Sanctorum Advocati apud ipsum, nec apud Patrem, nisi mediante ipso: Unus est, [ait Apostolus] mediator Dei & hominum Homo Christus Jesus; tum quia sic est Advocatus noster apud Patrem, ut non solum impe-

trator,

673 DE SERVORUM DEI BEATIFICATIONE

trator, sicut alii omnes Sancti, sed sit etiam ipsomet auctor & largitor honorum, que a Patre pro nobis postulat, immo quod Patronorum haud proprium est, Ille erit Iudex noster, qui modo Advocatus noster est, ait Sanctus Augustinus *serm. 176. de tempore*. Suadent nimirum hæc omnia, non posse Instrumenta Dominicæ Passionis, ideoque nec Spinas Coronæ Domini eligi in Patronas alicujus Civitatis, aut Oppidi.

C A P U T X V.

De Cultu Sanctis in Patronos electis exhibendo.

A Gimus in hoc capite de cultu Sanctis Patronis exhibendo, ut ex inscriptione apparet. Nonnulli Sancti in Patronos electi civitatibus, & oppidis nomen dederunt. Plura in rem hanc afferri possent exempla: a Sancto quippe Severino Episcopo Septempedano Septempeda Sancti Severini nomen accepit; Sancta Christina fanum Sanctæ Christianæ in Aragonia; a Sancto Dominico Dominicopolis in America Septentrionali; a Sancto Leone oppidum Sancti Leonis in Ducatu Urbini; a Sancto Maglorio fanum Sancti Maglorii in Britannia minori; a Sancto Ivone fanum Sancti Ivonis in Anglia; a Sancto Miniato fanum Sancti Miniatii in Etruria; a Sancto Amando fanum Sancti Amandi in Flandria; a Sancta Agatha fanum Sanctæ Agathæ in Regno Neapolitano. At, cum hæc & similia non spectent ad cultum, qui rite & ordine Sanctis Patronis præstari debet, omisso hoc genere cultus, operæ pretium est cetera recensere, quæ ad cultum ordinarium Sanctis Patronis exhibendum jure spectant.

2 Duplex est species Patronorum, cum alii sint principales, alii minus principales. De Patronis principalibus in ecclesiis eorum locorum, quorum sunt Patroni, recitari debet Officium sub ritu duplici primæ classis cum Octava, & sub eodem pariter ritu celebranda est Missa; cum Missa debeat esse consentanea Officio; & Regulares etiam tenentur ad testum & Officium de principalibus Patronis, sed non tenentur ad Octavam, juxta Decretum Congregationis sacrorum rituum editum die 27. Martii 1628. Quoad Patronos vero minus principales, dici quidem debet Missa cum Officio sub ritu duplici, attamen non primæ classis, nec cum Octava, sed sub ritu duplici majori per annum, vel secundæ classis, juxta varias Scripturarum opiniones; &, licet laudabile sit, ut Regulares se in recitatione Officii & celebratione Missæ de Sanctis Patronis minus principalibus conforment Clero Sæculari, ad id tamen non tenentur. Quæ omnia desumuntur ex Rubricis Breviarii de Officio duplici num. 1. de Octava num. pariter 1. de Commemorationibus num. 3. & late prosequuntur Castald. in *prax. ceremon. lib. 2. fest. 5. cap. 2. num. 5.* Gavant. in *thesauro sacrar. ceremon. fest. 3. cap. 12. Quartus ad rubricas Missalis part. 1. tit. 1. dub. 2.*

3 Aliæ adstant differentie inter Sanctos Patronos principales, & minus principali-

principales: nam, omiſſa quidem nunc celebratione feſti *de præcepto*, quæ competit Sanctis Patronis principalibus, nec ullo modo competit minus principalibus, de hac quippe re infra habebitur ſermo; unus tantum Sanctus eligi poteſt in Patronum principalem, contra plures Sancti eligi poſſunt in Patronos minus principales juxta auctoritates ſupra allatas, quibus addere tantum opus eſt binas limitationes a ſacrorum rituum Congregatione ex ſpecialibus facti circumſtantiis admiſſas.

4. Graves contentiones cum magno publicæ quietis, & animarum ſalutis diſpendio in Regno Navarræ excitatæ ſunt ſuper patronatibus Sanctorum Firmini Martyris, & Franciſci Xaverii Confeſſoris. Delata fuit controverſia ad ſacrorum rituum Congregationem, deinde ad Rotæ Auditorium, eademque in medio remanſit, cum judicatum fuerit, probationes hinc & illinc allatas neutri partium ſuffragari, immo in pluribus deficere. Ad ſedandam autem hanc controverſiam, accedente conſilio Congregationis ſacrorum rituum, Alexander VII. omnibus Conſtitutionibus contrariis derogavit, juſſitque, ut Sancti Firminus Martyr, & Franciſcus Xaverius colerentur in Regno Navarræ tamquam Patroni æque principales, uti deſumitur ex litteris Apoſtolicis ab eodem datis die 14. Aprilis 1657. typis impreſſis tom. 6. pag. 54. *Bullarii Romani*, in quibus ſic legitur: *Clero Saculari & Regulari, necnon Univerſitatibus & populo Pamplonenſi totiuſque Regni Navarræ harum ſerie injungimus, ut quotannis, tamquam de Patronis æque principalibus dicti Regni, ex præcepto Eccleſiæ recolant feſta præſacrorum Sanctorum Firmini Martyris, & Franciſci Xaverii Confeſſoris, eorundemque Officia & Miſſas cum Octavis æque in poſterum recitent ac reſpectivè celebrent.* Nec diſſimile eſt exemplum, quod deſumitur ex litteris Apoſtolicis in forma Brevis datis a Ven. Dei Servo Innocentio XI. die 24. Septembris 1686. in quibus ad petitionem Joannis Poloniæ Regis illuſtris & totius Regni, prævio conſilio Congregationis ſacrorum rituum, S. Hyacinthum Confeſſorem Ordinis Prædicatorum Patronum & Protectorem Regni, & Magni Ducatus Lithuanie, cuiſque adjunctarum provinciæ eodem modo æque principalem, ac Beatorum Stanislauum Koltka, declaravit, derogando quibuſcumque, quæ in contrarium facere poſſent, tum ad fovendam pietatem Regis & Regni, tum ad ſedandas controverſias ex præcedenti electione Beati Stanislai in Patronum principalem exortas.

5. Altera limitatio ex eadem cauſa deſcendens, ad avertendos videlicet animorum motus, & ad ſedandas contentiones, ſtatuta fuit a ſacrorum rituum Congregatione pro Civitate Neapolitana: licet enim, uti dictum eſt, plures Sancti eligi poſſint in Patronos minus principales, cum tamen in ſimilibus electionibus, quæ fiebant in Civitate Neapolitana, perturbationes exorirentur, ſacrorum rituum Congregatio die 22. Auguſti 1699. ſtatuit, non eſſe amplius admitendas inſtantias dictæ Civitatis pro approbatione electionis Sanctorum in Patronos, idque Decretum fuit confirmatum die 12. Septembris 1716. occaſione, qua, referente Cardinali de Schra-

Schratempach, petebatur confirmatio electionis S. Mariæ Magdalennæ in Patronam minus principalem ejusdem Civitatis Neapolitanæ.

6 At, redeundo ad festum *de præcepto*, quo Sanctorum principalium Patronorum dies coluntur, sciendum est, nomine Henrici IV. Galliarum Regis Cardinale d'Osat summo Pontifici Clementi VIII. exposuisse, festorum *de præcepto* numerum adeo excrevisse, adeoque hominum ejus Regni numerum propter bella fuisse imminutum, ut expedire videretur, nonnulla delere festa, & principaliora dumtaxat in honorem Domini, Beatissimæ Virginis, Apostolorum, & aliquorum Sanctorum observanda demandare; uti colligitur ex epistola ejusdem Cardinalis 170. *lib. 3. editionis anni* 1708. Quid tunc actum, seu decretum fuerit, ignoratur; immo ex citata epistola potius desumitur, summum Pontificem noluisse petitioni assensum præstare, prout etiam adnotavit Thomassinus in tractatu *de festis lib. 1. cap. 11. num. 15*. Id vero, quod factum non fuit a Clemente VIII. factum subinde est ab Urbano VIII. Confugientibus liquidem ad summum hunc Pontificem Archiepiscopis & Episcopis per varias regiones constitutis, necnon exclamantibus pauperibus contra multitudinem festorum ob necessitatem quotidiani victus suis laboribus sibi comparandi, Pontifex, habito consilio Congregationis sacrorum rituum, Constitutionem edidit anno 1642. quæ est in ordine 291. *Bullarii tom. 5.* in qua dies expressit pro festis ex præcepto colendis, & quod quidem attinet ad Sanctos Patronos, statuit, unum tantum ex principalioribus Patronis in quocumque Regno, sive provincia, & alium pariter principaliorem Patronum in quacumque civitate, oppido, vel pago colendum esse eam observantia festi *de præcepto*. Porro his coherentem, cum Consilium & populus Clerusque Cajetæ Sanctum Montanum, cujus corpus requiescit in ecclesia Monialium Tertiæ Ordinis S. Francisci, elegeret in Patronum minus principalem, & sacrorum rituum Congregationi supplicasset pro approbatione, necnon pro celebrando die ejus anniversario uti festo *de præcepto*, Congregatio, referente Cardinali Ferrario, electionem S. Montani in Patronum confirmavit, sed annuere noluit petitioni festi *de præcepto*, cum S. Montanus electus esset in Patronum minus principalem.

7 Aliquando tamen, & ex specialibus circumstantiis in exemplum non ita facile adducendis eadem sacrorum rituum Congregatio indulgit, ut celebraretur festum *de præcepto* in honorem alicujus Sancti Patroni, licet minus principalis. Urbanus VIII. suis litteris in forma Brevis datis die 23. Augusti 1640. approbavit electionem in Patronum Civitatis, & Regni Neapolitani S. Dominici Confessoris. Annis aliquot elapsis, inter Præsides thesauri S. Januarii, & Fratres S. Dominici magna exorta est controversia, cuinam deberetur principalis Patronatus Regni, Sancto ne Januario, an potius Sancto Dominico: Eminentissimi autem Patres, bene & mature perpensis hinc & illinc adductis, censuerunt, Patronatum principaliorem deberi S. Januario, & proinde de eo, tamquam principali Patrono, fieri debere

debere festum *de praecepto* per totum Regnum, uti colligitur ex Decreto edito die 4. Augusti 1663. Quia vero existimari potuit, eodem Rescripto imminui devotionem Regni erga S. Dominicum, cum supplicatum fuisset pro facultate celebrandi festum hujus Sancti *de praecepto* in Regno Neapolitano, ejusque Officium cum Octava celebrandi, praevisio consilio Congregationis sacrorum rituum, Alexander Papa VII. praedictae annuit petitioni, derogando quibuscumque contrariis, ideoque indulgendo, ut in Regno Neapolitano Sanctus ipse Dominicus, licet Patronus minus principalis, cultum obtineret de jure tantum debitum Patrono principali; uti colligitur ex Constitutione Alexandrina 151. *Bullarii tom. 6.*

8 Haec quoad festum *de praecepto* celebrandum in honorem Sancti Patroni principalis: nunc autem opportunum esse videtur, nonnulla in genere insuper addere pertinentia ad festa *de praecepto*, quae sequentibus propositionibus exponuntur.

9 Prima est, non posse Principem saecularem constituere, seu facere festum aliquod *de praecepto*, cum id tantummodo spectet ad Potestatem Ecclesiasticam; uti late probant Fagnanus in *cap. Conquestus, num. 58. Et seqq. de feriis*, Anacleto. *ad tit. Decretal. de feriis tit. 2. §. 1. num. 3.* Thomassinus in tractatu *de festis lib. 1. cap. 17. num. 16.* Quocirca, cum Senatus Mediolanensis per litteras encyclicas, & Gubernator per edictum publicum praecipissent, ut populi abstinerent ab operibus servilibus, prout servatur ceteris diebus festis *de praecepto*, die S. Dominici; Innocentius X. praevio consilio Congregationis sacrorum rituum, litteras, & edictum nulla seu irrita declaravit; ut habetur in ejus Constitutione 53. *Bullarii tom. 6.* cui consonat Constitutio 31. Innocentii XII. in suo *Bullario particulari*.

10 Secunda propositio est, ultra festa *de praecepto* in citata bulla Urbani VIII. recensita, fan. mem. Clementem XI. decrevisse, ut festum Conceptionis B. Mariae Virginis immaculae in universo terrarum orbe celebraretur, & comprehenderetur sub praeecepto festorum, uti desumitur ex sequenti ejusdem Constitutione (*tom. x. Bullar. Rom. nov. edit. pag. 206.*) : *Commisissis Nobis divinitus sacrosancti Apostolatus officii exigit ratio, ut gloriosissima Virginis Dei Genitricis Mariae, cujus Conceptio gaudium annuntiavit universo mundo, venerationem Et cultum plurimum Romanorum Pontificum Praedecessorum nostrorum more ampliare studentes in terris illius, qua super choros Angelorum exaltata pro populo Christiano saecula exoratrix apud eum, quem genuit, assidue intercedis in calis, potentissimam opem in tot tantisque, quibus premimur, Christiana Reipublica Et Catholica Ecclesia necessitatibus, quantum Nobis ex alto conceditur, promereri jugiter satagamus. Sincera itaque nostra erga eandem augustissimam cali Reginam, Patronam Et Advocatam nostram devotione incitati, festum Conceptionis ipsius Beatae Mariae Virginis immaculatae ubique terrarum in posterum ab omnibus Et singulis utriusque sexus Christianis, sicut alia festa de praecepto, servari Et celebrari, ac sub praecepto observationis festorum comprehendendi, auctoritate Apostolica tenore praesentium decernimus, praecipimus, Et mandamus.*

11. Tertia propositio est, præter festâ de præcepto juxta bullam Urbanam VIII. in Ecclesia universali colenda, & præter aliud additum a san. mem. Clemente XI., alia reperiri festâ de præcepto pariter recolenda nonnullis in locis ex summorum Pontificum Constitutionibus. Ad petitionem quippe Caroli II. Regis Hispaniarum, & Mariannæ Reginae, san. mem. Clementis Papa X. de consilio Congregationis sacrorum rituum concessit, ut in omnibus Hispaniarum Regnis, festum Beati Ferdinandi Regis de præcepto servaretur, uti colligitur ex ejus litteris Apostolicis datis die 26. Augusti 1673. & Ven. Dei Servus Innocentius Papa XI. in suis litteris Apostolicis datis die 23. Februarii 1677. ad petitionem ejusdem Caroli Regis Hispaniarum decrevit, ut perpetuis futuris temporibus festum S. Augustini in universis Hispaniarum Regnis de præcepto servaretur.

12. Quarta propositio est, in sua dioecesi posse Episcopum de consensu Cleri & populi festum instituere de præcepto, uti probat Textus in can. *Pronuntiandum, de Consecrat. dist. 3.* & in cap. *Conquestus, de feriis*. Licet autem nonnulli velint consensum populi ex consuetudine amplius non requiri, nemo tamen est qui excludat consensum Capituli: Pirhing, in *jus Canon.* tom. 2. lib. 2. tit. 9. de feriis §. 2. nym. 10. Filiuc. *oper. moral.* tom. 2. tract. 27. cap. 6. num. 36. Castropal. *oper. moral.* tom. 2. tract. 9. disput. 1. part. 1. punct. 2. num. 6. Azor. *instit. moral.* part. 2. lib. 1. cap. 26. quest. 1. & 2. Diana in *edit. coord.* tom. 3. tract. 3. resolut. 89. num. 2.

13. Quinta propositio est, non expedire, nisi ad summum gravissimæ urgeant circumstantiæ, ut ab Ordinariis in propriis dioecesibus nova festâ de præcepto instituantur. Celebris enimvero est super hoc argumento sermo Gersonis habitus in Concilio Remensi anni 1408. multaque super eodem argumento collecta legi possunt apud Thomassinum in tractatu de *festis*, & quod notabilis est, arget allata bulla 297. Urbani VIII. Bullarii tom. 5. pag. 411. in cujus §. 3. habentur hæc verba: *Ne autem dies festos a locorum Ordinariis nimia aliquorum facilitate, aut popularum importunitate deinceps iterum multiplicari contingat, eisdem Ordinarios in Domino monemus, ut, ad Ecclesiasticam ubique firmandam aequalitatem, de cetero perpetuis futuris temporibus ab indictione sub præcepto novorum festorum student abstinere*.

14. Ultima tandem propositio est, post editam sæpe memoratam bullam Urbani VIII. a multis Episcopis quaesitum fuisse, an ea comprehendatur festâ ex voto alicujus personæ, aut Communitatis introducta: & a sacrorum quidem rituum Congregatione hoc prodiit Responsum ab eodem Urbano VIII. approbatum:

Die 18. Aprilis 1643. De festorum observatione. Quæsitum fuit a multis Episcopis, an Constitutio super observatione festorum comprehendat festâ ex voto alicujus personæ, vel Communitatis introducta: & interrogatis prius Consultoribus sacra Congregationis, qui post latum suffragium recesserunt; Frater Lucas dixit, Constitutionem tollere festâ de voto; P. Alciarius festâ de voto esse sublatâ, quia votum non obligat successores, sed habendam ratio-

*nem dētorum feſtorum; Abbas Hilarius, ſucceſſores non teneri ex voto, ſed ex di-
reſtione Communitatis, accedente auctoritate Epilcopi, ideoque Conſtitutionem tollere feſta de voto pro illis, qui non voverunt, ſecus pro illis, qui voverunt; R. P. D. de Rubéis, feſta de voto remanere in diſpoſitione juris communis; R. P. D. Sacchiſta, tolli ex vi clauſularum derogatoriarum in fine bullæ, quæ tollunt omnia Statuta, etiam juramento firmata; Eminentiſſimus Cardinalis Sacchetti, ſucceſſores non obligari, videntes obligari; Pamphilius in eodem; Et in derogatoriis tolli Statuta juramento firmata; Roccius in eodem; Pallottus, teneri ad feſta de voto qui voverunt, Et non eſſe edendum Decretum generale, ſed reſpondendum ad particularia; Franciottus, teneri qui voverunt uti particulares, Et reſponſiones dandas tantammodo petentibus; vel dicta feſta ponenda ſub feſtis de devotione; Braggadinus in eodem; Caſarinius in eodem. Ideoque ſacra Congregatio unanimi conſenſu Decretum de ſuper conceſſit tenoris ſequentis.*

Propoſito dubio ad inſtantiam quamplurimum Reverendiſſimorum Epilcoporum, An iſtante Conſtitutione Sanctiſſimi Domini noſtri Urbani Papa VIII. ſuper obſervatione feſtorum, quæ incipit, Univerſa, idibus Septembris 1642. præmulgata, Univerſitates ſeu Communitates civitatum ſeu locorum, teneantur ex præcepto ſervare feſta ex voto earundem inducã; die 19. Aprilis 1643. ſacra rituum Congregatio, referente Eminentiſſimo Et Reverendiſſimo Domino Cardinali Sacchetto, conſuiſit, ex diſpoſitione Conſtitutionis prædictæ perſonas voverentes tantum teneri. Quam ſacra Congregationis ſententiam ſibi relataſanctiſſimus Dominus noſter laudavit Et approbavit; dixitque, intentionem ſuam fuiſſe, per eam Conſtitutionem tollere feſta de voto quoad vim præcepti, Et reducere illa ad inſtar feſtorum de devotione, reſervata obligatione ratione perſonalis contractus ex voto provenientis ipſiſmet perſonis tantum, quæ voverunt.

CAPUT XVI.

De Imminutione Feſtorum de præcepto.

POST primam hujus noſtri Operis editionem frequens ſe obtulit occaſio diſſerendi de imminutione feſtorum de præcepto. Nonnulli Italici Epilcopi, dum Bononiæ morabamur, datis ad Nos litteris rogarunt, ut eam a ſummo Pontifice impetraremus. Ad ſummu Pontificatum poſtmodum erecti, tum eorum, tum aliorum ultra montes Epilcoporum querelas audivimus de nimia feſtorum multitudine. Nihil in re tanti momenti ſtatuerre voluimus, antequam eorum conſilium, quos eramus requiſituri, audiremus. Utque illud Nobis non temere, ſed debita cum maturitate exhiberetur, neceſſarium eſſe exiſtimavimus diſſertationem ſuper eo argumento exarare, eamque tranſmittere nedum ad nonnullos S. R. E. Cardinales, eoſque præcipue qui Archiepiſcopi ſunt & Epilcopi, alioſque viros doctos in Urbe degentes, verum etiam ad Archiepiſcopos & Epilcopos ultra montes: & jam multorum reſponſiones adven-

R r r r 2

runt,

runt, sed aliae expectantur. Quid in re tanti momenti Nobis faciendum sit, ignoramus. Postquam quæ desiderantur responsiones ad Nos pervenerint, & aliquod temporis spatium inter tot, quibus affligimur, calamitates, labores, & magnam aliorum negotiorum molem habere licebit, eruditas aliorum responsiones omni diligentia legemus, Deumque optimum maximum exorabimus, ut Nobis ad recte deliberandam præsto sit. Interea tamen, ne nostræ qualiscumque dissertationis memoria pereat, eam in novam hanc Operis nostri editionem inferimus, & eoque libentius, quod ejus materia coheret dictis in capite præcedenti.

DISSERTATIO

De Festorum de precepto imminutione.

Vix ad hanc supremam Sedem evecti sumus, cum statim sollicitè postulatum est, ut festi imminerent dies; quæ res Nobis accidit minime nova: nam cum Bononiæ moraremur, nonnulli Lombardiæ Episcopi ad Nos confugerant, ut primariam hujusce postulationis partem apud Pontificem ageremus.

3 Assiduam ac vehementem Nobis super hac re studium significavit Sici-
liarum Rex; ejus voluntati favent non solum totius Regni Episcopi, verum etiam Cardinalis Archiepiscopus Neapolitanus, & Archiepiscopus Tarentinus.

4 Copiosiusque scriptis ad Nos missis hujus sententiæ accedit, idemque urget Bambergæ Episcopus ac Princeps, qui non modo pro sua diocesi, sed pro universa Germania postulavit.

5 Ut autem clarius appareant, quæ super hac re proponuntur, ad hæc capita possunt revocari, videlicet ad contemptum eorum, quæ diebus festis fieri deberent, nec tamen sunt, ad intemperantiam & ebrietatem, quæ diebus festis frequentior est, quam profestis; & ad gravissimum damnum, quod in magnam hominum partem mahat, qui, cum non possint diebus festis se operibus exercere, interclusum habent viam ad victum sibi parandum, suasque familias sustentandas, quæ incommoda nimio festorum numero adferibuntur.

6 In secundo libro Conciliorum magnæ Britannię & Hybernię Londini impresso anno 1737. pag. 360. occurrit sermo habitus 1332. a quodam Simone Archiepiscopo Cantuariensi in Concilio Machfeldensi, in quo priusquam ad festa statuenda deveniatur, quæ in illo Regno tunc Catholico celebranda erant, sere omnia recensentur incommoda, quæ superius explicavimus: Quod in Elasterum Dei receptum erat hominem, conversum est in blasphemiam & abominationem; & paulo post: Quod vero ad devotionis præbatur correspondens, in dissolutionis originem convertitur; dum in ipsis festivitatibus tabernacula vitiorum ponuntur, quare ecclesia & conversiones & christiæ libertas abominantur.

dant, quam lacryma & orationes; laqueis infestius & contumeliis magis, quam ocio contemplationis.

7 Aliquid de mercenariis, sed alio pacto ac supra memoravimus, idem Praeful attingit; ita pariter alia ratione de mercenariis agunt illi, qui regionum peritissimi sunt, in quibus Catholici, & Haeretici versantur: afferunt quippe Catholicos exiguis, Haereticos vero majoribus divitiis affluere, ac proinde Catholicos latis anguste, Haereticos autem commode suis familiis consulere posse; cum majorum dierum numerus pro operibus conficiendis ipsis concedatur.

8 Testatur igitur idem Praeful, ob nimiam festorum copiam opera cationi pretio vendis cum Artifices, licet per integram hebdomadam operam non impendant, festis diebus impediti, pretium tamen exigunt, perinde ac si totius hebdomadae spatia deludaverint, quod profecto non mediocriter affert Reipublicae detrimentum: *Mercenarii, sine quorum operibus Respublica regi non poterit, sub colore licite sic ab operibus mechanicis diebus etiam, quas festivos constituunt, ac Sanctorum vigiliis abstinent, licet non minus per hebdomadam capientes propter de salario, per quod utilitas Reipublica graviter retardatur, quin potius impeditur.*

9 Postremo colligit, sicuti ceteri omnes, qui magno studio hujusmodi postulationem exhibent, festorum numerum esse immovendum: *Qua quantitas magis pretenduntur in numero, tanto abundantius cultores abusum hujusmodi in suis excessibus inolefecerunt.*

10 In hanc sententiam unanimes conveniunt tres praefati viri, qui Concilio Constantiensis adhaeruerunt, videlicet Joannes Gerson, Cardinalis Petrus de Alliaco, & Nicolaus Clemangius, quorum verba ab eorum operibus decerpta, fusa a Joanne Thiers describuntur in tractatu de festorum dierum immutatione cap. 29, pag. 162. & seqq.

11 Si libere posset responderi, ut unusquisque sibi consuleret, atque adeo quilibet Episcopus in sua dioecesi solemnes festorum dies observandos definiret, rem citius expediremus. Nemo insinuari potest, olim ab Episcopis dies festos, qui in dioecesi rite celebrari debebant, fuisse constitutos: quam ad rem, plurimis oculis, satis est inspicere, quae congeruntur a Thiers in memorato tractatu cap. 42. & quod legitur in tom. 2. Conciliorum Anglicanorum pag. 711. & tom. 3. pag. 252. Afferunt Cardinalis de Oñat epist. 181. ad suas preces iussu Christianissimi Regis Clementi Papae VIII. propositas pro festorum diminutione in Galliae Regno, responsum fuisse, id potissimum ad Episcopos pertinere: non fuit tamen declaratum, utrum in Synodo, an extra Synodum id statuere possent; num consilium Capituli & consensus requireretur, an non, ut apud ipsum Thiers ostenditur cap. 42. pag. 245. & apud Guyet lib. 2. de fest. propr. cap. 18. quest. 6.

12 Sed cum ea, quae Cardinalis de Oñat cum Clemente VIII. agere coeperat, ad finem non fuerint perducta, ut testatur Thomassinus in suo tractatu de festis lib. 1. cap. 11. num. 15. sicut etiam Nos ipsi observavimus de

Cano-

686 DE SERVORUM DEI BEATIFICATIONE

Canonizatione lib. 4. par. 2. cap. 15. num. 6. pluribus deinde efflagitantibus Episcopis, summus Pontifex Urbanus VIII. ejusdem rei examen relinquit, ac de ea Constitutionem promulgavit, quæ in *Bullario tom. 5. 291.* numeratur, in qua singula festa, quæ observari omnino debent, recensentur; ideoque facile intelligitur, nullum Episcopum, nisi nova summi Pontificis auctoritas intercedat, posse ab eadem Constitutione recedere, indecorumque esse Apostolicæ Sedi, rem, de qua non solum aliquid cognovit, verum etiam memorat, post prælatam Constitutionem Episcoporum arbitrio committere.

13 Quamobrem cum Parisiensis Archiepiscopus Perefixe edictum anno 1666. promulgasset, una cum indice festorum dierum, quos in sua dioecesi celebrari mandabat, nonnullosque in Urbani VIII. Constitutione descriptos abtulerit; & cum Alexander VII. per suum in Gallias Nuntium Roberti Christianissimo Regi suas detulisset querimonias, ipsaque iterum innovasset Pontifex Clemens IX. per Nuntium suum Bargellini; anno demum 1668. ab eodem Parisiensi Archiepiscopo novus festorum index omnino Urbani VIII. Constitutioni coherens, fuit in lucem editus, ut Berninus memorat *tom. 4. hist. de heres. cap. 6. pag. 679. & seqq.*

14 Ex quibus licet deduci possit, nullum debere Episcopum post Constitutionem Urbani peculiari auctoritate festorum dierum numerum in sua dioecesi præscribere; non tamen inde consequitur post Urbani Constitutionem in Pontificis potestate non esse, festos dies vel in aliquibus solum dioecibus, vel in aliquo Regno, immo in Ecclesia universali augere, juxta exempla, quæ Nos ipsi produximus *cit. lib. 4. de Canonizatione part. 2. cap. 15. num. 10. & 11.* aut, cum justæ adsint causæ, eorum numerum diminuere, si ve nova accedente Constitutione, si ve normam auctoritatemque Episcopis demandando, qua id exequi possint; cum de disciplina agatur, quæ ex se variabilis est, diversalque semper passa est vices, sicut inferius declarabitur.

15 Cum itaque conveniens judicetur festorum dierum imminutio, ut ex sollicitis super hac re postulationibus, gravissimisque causis, quibus illæ nituntur, colligitur; cumque pro certo haberi debeat, id fieri nequaquam posse, nisi summi Pontificis auctoritas intercedat; ad illud deveniendum est, ut rationes potissimum afferantur, quibus hoc perfici possit, si perficiendum omnino videatur.

16 Quod in primis nobis proponitur, examinandum perpendendumque est, an e dierum festorum indice aliqui sint eliminandi in Urbani VIII. Constitutione recensiti. Quod si fiat, idem prorsus continget, quod factum ab Urbano VIII. in sua Constitutione fuit. Certum enim est olim integram Paschatis hebdomadam, tres Rogationum dies, Sancti Martini diem in præcepto fuisse, ut legitur in *can. Pronuntiandum, de Consecrat. dist. 3.* insuper festam etiam habitam fuisse majorem hebdomadam, ut continetur in *cap. Conquestus, de feriis.* Dies quoque S. Francisci inter festos a Sixto

IV. fuit adnumeratus, confirmatusque a Gregorio XV.; nihilominus facis exploratum est, nullum horum festorum dierum in indice describi, qui in Constitutione Urbani VIII. referuntur. Quamobrem P. Lantusa in *theatro Regularium* pag. 281. de festo S. Francisci sermonem habens ita scripsit: Sciendum tamen est, quod per Constitutionem Urbani Papae VIII. incipien. Universa, 13. Septembris 1642. hoc festum non fuit amplius commemoratum inter festa de precepto, sed tantum de devotione.

17 Hujusmodi agendi ratio non modo Urbani VIII. sed etiam Eugenii IV. decessoris ipsius exemplo confirmari potest; cum hic Pontifex e numero festorum dierum expunxerit celebritates S. Crucis, quæ mense Majo, & S. Michaelis, quæ mense Septembri peraguntur, item Sanctorum Innocentium & S. Silvestri, quos dies solemnes jus Pontificium supra memoratum constituerat; quemadmodum bene animadvertit Alphonsus de Casarubios in compendio privilegiorum verb. *Festivitas* pag. 252. ubi hæc habet: Eugenius IV. dixit, quod *Seculares laborantes, in festis Sanctæ Crucis, & Sancti Michaelis Septembris, & Sanctorum Innocentium, ac Sancti Silvestri, non vult, quod peccent mortaliter, nisi venerint in Dominica*; quod pariter confirmant Navarrus in *enchirid.* cap. 13. num. 15, & Sanchez *consil. moral. lib. 2. cap. 2. num. 15.*

18 Sed ut ingenue loquamur, sententia hæc a plurimis oppugnatur, quorum pietas ac religio non convenit in idem. Et, si aliqui dies e festorum numero adimantur, plurimi eorum fautores statim insurgent, turbasque movebunt, novum hoc Decretum ægerrime ferentes.

19 Quod si quis dicat, idem post Urbani VIII. Constitutionem evenisse, at postea pios religiososque oppositores acquiescisse; reponimus pacem & concordiam (ut putabatur) post Constitutionem Urbani non fuisse conciliatam, sicut inferius demonstrabitur. Addi etiam potest, ea festa ab Urbano fuisse sublata, quæ jam in desuetudinem abierant. Joannes de Sancto Paulo Dublini Archiepiscopus in suis Constitutionibus in Concilio provinciali anno 1351. editis, descripsitque in *tom. tertio Conciliorum Angliæ* pag. 20. testatur, per totum sæculum orbem integrum majorem hebdomadam in præcepto non fuisse, sed solum ejusdem seriam sextam: Et licet ipsa dies sit sanctificata, quæ per universum mundum ab obsequiis secularibus reservatur, & debeat reservari; quidam tamen de præmissis in istis partibus immemores, opera ruralia, & secularia eodem die non metuent exercere. Nos igitur &c.

20 Fufius S. Antoninus in *Summa Theologica* part. 2. tit. 9. cap. 7. vol. 977. hanc desuetudinem confirmat: Quadam alia festa, quæ erant in præcepto, sunt abrogata per contrariam consuetudinem, ut communiter dicunt, quoad cessationem ab operibus; & isti sunt tres dies Rogationum. Item septem dies Passionis Dominice, idest hebdomada sancta, & septem Rogationum, idest hebdomada Pasche, erant antiquitus in præcepto, ut patet de Consecrat. dist. 3. Pronuntiandum; sed hodie non servantur.

21 Idem

688 DE SERVORUM DEI BEATIFICATIONE

21 Idem etiam de festo S. Francisci Silvester Prieras, qui longe ante Urbanum VIII. floruit, scriptum reliquit in *Summa ad verb. Dominica*; cujus hæc sunt verba: *Festum ansem Beati Francisci, quod forte Sixtus IV. sub præcepto posueris, tamen modo nullus servare tenetur, quia illa Constitutio non fuit moribus mensium approbata.* Haud dissimili modo confirmationem Gregorii XV. P. Guyet commemorat lib.2. *de festis propriis cap.18. quest.5.*

22 Rejecta hac prima via & ratione, alia sufficitur, scilicet, ut sublati, seu potius translatis Sanctorum festis, quæ per hebdomadam occurrunt, diebus Dominicis eadem celebrentur. Hanc proposuit sententiam Præsul Caramuel in epistola ad quemdam Romanum Præfulem: *Desiderarem, omnes, & solos dies Dominicos festos esse; & vix alios. Sed quid de Sanctorum cultu agendum? Conservarem Quadragesimales Dominicas; & per reliquas distribuerem Apostolos, Evangelistas, & alios omnes Sanctos, quorum dies observamus: atque huic sententiæ nonnulli etiam in præsentia favent.*

23 Difficile, atque adeo impossibile omnino est, secundam hanc methodum, non dicam omnibus, sed pluribus satisfacere. Antiqua est enim Ecclesiæ consuetudo, ut festa Sanctorum die obitus, in quo celestem adepti sunt hereditatem, cultu solemniori prosequatur. In hymno Confessorum in hunc modum canit Ecclesiæ:

Hac die latius meruit beatas

Scandere sedes.

& si Officium ad alium diem debeat transferri, ut omnibus jam satis exploratum est, hæc verba substituit:

Hac die latius meruit supremos

Laudis honores.

Ut alia plura prætereamus. S. Dominicus in die Transfigurationis Domini obiit, & Paulus IV. Pontifex in Constitutione, quæ incipit *Gloriosus*, (tom.4. novi Bullarii, pag.346.) *propter festos dies Transfigurationis Domini, & Beatæ Virginis, quæ a Nobilibus nuncupatur, celebritatem S. Dominici duobus ante ipsius mortem diebus itatuere coactus, excusatione utitur, quæ aliter fieri non posse demonstrat; cum plane cognosceret, Sanctos per anni circuitum die, ut plurimum, quæ eos ad celestia Regna migrare contigit, sanctam venerari universalem Ecclesiam.* Præterea si scitis Sanctorum celebrandis Dominici dies assignentur, cultus illis diebus præcipue Deo præstandus, immutato ordine, suis Servis concederetur: Micrologus in lib. *de observat. Eccles.* cap.62. *de Dominicali Officio non facile prætermittendo, testatur juxta antiquiorem Romanam consuetudinem, ne Apostolorum quidem festa, quæ in Dominicis contingerent, celebrari suis permittum: Juxta Romanam consuetudinem in omni Dominica Ecclesiastico conventui cum Officio Dominica satisfacimus, nisi aliqua multum celebris festivitas in ipso die occurrat, ut festum Sancti Joannis Baptiste, vel Sancti Petri Apostoli.*

24 Apertius etiam loquitur Radolphus de Canonum observantia proposition.15. pag.304. nempe: *Festum Matthæi Evangeliste in Dominica non tene-*

1117

tur Romano usu, & in Adventu, & a Septuagesima usque in Octavam Pasche inclusive nullum festum agitur in Dominica, quia Dominica interim occurrentes propriis historiis decorantur... Abusus ergo est nimis, ut festum S. Andrea in Dominica teneatur, cum Romana consuetudo, Metropolitanum statutum, & omnes de Officio scribentes obviens huic modo.

25 Patres vero Concilii Moguntini anno 1549. cap. 61. (collect. Harduin. tom. 9. col. 2126.) non solum Sanctorum solemnitates ad dies Dominicos minime referendas, sed neque eas, quæ fortuito inciderent, celebrandas esse existimarunt, nisi aliqua ex majoribus solemnitatibus haberetur: Sanctorum celebritates in diem Dominicam incidentes censemus submovendas, & in feriam aliquam precedentem, vel sequentem transferendas, quo Sanctorum omnium Domino sua conservetur solemnitas, exceptis Beate Mariæ, Apostolorum, & aliis summis festivitatibus. Thiers in suo jam citato libro cap. 44. §. 6. edit. Lugd. 1668. sententiam a Caramuele excogitatam vehementer improbat, & pravam omnino consuetudinem appellandam existimat, si ad dies Dominicos festa Sanctorum referantur, cum olim minime probatum fuerit, ut festum S. Andrea die Dominico coleretur: Ergo si Radulphi a Rivo sententia abusus est nimis, ut in Dominica teneatur S. Andrea festum, quod & novem lectionum, & unius ex Apostolis, & antiquissimum festum est; quantus erit abusus, si ad Caramuelis opinionem, SS. Joachimi, Anna, Augustini, Benedicti, Bernardi, Norberti, Francisci de Assisio, Francisci de Paula, Tereſe, Ignatii, & cujusvis Ordinis Religiosi Fundatoris festa, quæ & nova festa sunt, & Apostolorum festis longe inferiora, ad Dominicas dies revocentur? Ac deinde illud magnopere exaggerat, quod supremus Dominus Famulis suis posthabereat, cultusque Sanctis viris mortis die non tribuatur: Deus enim Sanctorum omnium Dominus, cui peculiari cultu Dominica diei celebritas conferatur, Servis suis suum concedat locum oportebit; & falso ut plurimum in Ecclesiasticis precibus natalium, natalitiorum, alique id genus voces afferentur, quæ alteri quam Sanctorum mortis, seu depositionis diei, adscribi non possunt.

26 Post secundam tertiam proponitur methodus, quæ ut melius intelligatur, sciendum in primis est anno 1727. Tarracone habitum fuisse provinciale Concilium, ab iisque Patribus die 12. Decembris ejusdem anni ad Pontificem Benedictum XIII. epistolam missam, in qua non sine moerore significantes, quantum animarum saluti officeret festorum contemptus, opportunum remedium adhibendum exposuerunt, Ideoque sut a Pontifice minuenda esse festa; aut concedendum, ut aliquibus egentium multitudo, audita Missâ, laboribus posset se exercere; & in eadem epistola non solum eas solemnitates, quas tam quoad Missæ præceptum, quam quoad operis cessationem observandas existimabant, declararunt, verum etiam illas, in quibus audita tantum Missâ, per reliquum tempus in operibus versari consentaneum ducebant: En litteras ipsas Patrum subjicimus.

Synodus provincialis Tarraconensis post oscula pedum Beatitudinis vestra humiliter ac reverenter exponit, quod in sessione habita sub die decima octava Novembris proxime præteritæ agenda de reformatione, & super salutem animarum invigilando, sedulo disquisitum fuit, quodnam remedium videretur proficuum & opportunum ad sanandum abusum in dicta provincia communem nimis, quo præceptum Ecclesiæ de omittendo diebus festis servili labore passim atteritur, quem abusum uti lacrymabilem ruinam animarum Confessarii Pœnitentiæ sacramentum ministrantes in dies magis invalescere cum dolore cordis intrinseco deplorant. Et habito super hoc maturo tractatu, unanimiter visum fuit, præfatum abusum originem inde traxisse, quod nimirum Fideles tam mechanicis operibus insudantes, quam agrorum cultura, falsa quadam specie necessitatis a præcepto se eximi facile putant hisce rationibus. Primum etenim provinciam Tarraconensem moribus passim oppressam quasi quotidiana cultura egere inquirunt, ut terra semen suum germinet. Deinde tributa, seu vectigalia imposita super frumento, vino, & oleo, & super omnia opera manuum suarum indispensabiliter esse pensanda communi consensu allegant. Denique addunt, quod festa de præcepto in hac provincia celebranda sunt quamplurima; quia dempsit, quæ ex voto, Civitatis, seu Patroni in singulis respective locis coluntur, nonaginta & unum de præcepto numerantur, sicque qui ex cultus fidaræ & laborè manuum victum emunt, miserrime pereunt, nisi diebus festis laboribus aliquot ventis incumbant. Hæcæ causas, quæ veritatis speciem nonnunquam præferre videntur, ut necessitate compulsi diebus festis sine peccato laborent iustitiam, crebrius quam oportet, congerit humana cupiditas, & vitis adeo coloribus depingit, ut vere sæpe transgressores pamine, & evitare scandala nequeamus. Cupientes ergo tanto damno occurrere, ne cultus festorum da medio tollatur, visum fuit Concilio provinciali dubia cum reverentia & humilitate vestram Beatitudinem suppliciter exorare, quatenus indulgere dignetur, vel ut dierum festorum numerus minuat, vel saltem in aliquibus Fideles, audita Missa, laborare valeant, manentibus cum obligatione integra præcepti omnibus diebus Dominicis per annum, diebus Natalis Domini, & sequentis Sancti Stephani, Circumcisionis, Epiphaniæ, Resurrectionis, & sequentis diei, Ascensionis Domini, Pentecostes, & sequentis, & festo Corporis Christi, Sancti Joannis Baptistæ, Sanctorum Apostolorum Petri & Pauli, Sancti Jacobi Apostoli, & omnium Sanctorum, ac etiam quinque festivitatibus Beatissime Virginis Mariæ, scilicet Purificationis, Annunciationis, Assumptionis, Nativitatis, & purissima Conceptionis, dummodo reliquis diebus de præcepto, audita Missa, iuxta conscientiam Fideles in hac provincia Tarraconensi demorantes laborare publice valeant. Hoc gratitum donum, utpote unicum ac salubre remedium animarum, Concilium provinciale flexis genibus a Beatitudine vestra humiliter expostulat, neque Apostolicam Benedictionem sibi impertiri dignetur Sanctitas vestra, pro cuius incoluntate, ad bonum totius Ecclesiæ, Deum optimum maximum deprecari diu nocturne

ET BEATOR. CANONIZ. LIB. IV. PAR. II. CAP. XVI. 691
non supersedebis . Datum Tarracone die duodecima Decembris anni millesimi septingentesimi vigesimi septimi .

Sanctissime Pater .

*Vestra Beatitudinis
Humil. & Obsequenss. Fil.
Synodus provincialis Tarraconensis .*

27 Huic Tarraconensium Patrum epistolæ rescriptis summus Pontifex Benedictus, suisque Apostolicis litteris eorundem expostulationem omnino ita comprobavit .

*Venerabilibus Fratribus nostris Metropolitano Tarraconensi, & Coepiscopis in
Concilio provinciali congregatis*

B E N E D I C T U S P A P A XIII.

Venerabiles Fratres nostri, Salutem & Apostolicam Benedictionem .

Superabundavimus gaudio, cum synodales litteras a Fraternitatibus vestris accepimus, & Pastoralem charitatem percepimus, qua custodire vigilas super gregem vestrum, Deique honorem tueri & augere satagitis . Nihil enim gratius Nobis & jucundius esse poterat, quam ut insignes Ecclesiarum istarum Patres, de Divino cultu & animarum salute sollicitos, proposita opportuna servanda disciplina, & levanda necessitatis ratione, ad hanc Ecclesiarum Magistram recurrentes exciperemus . Quod igitur festas dies ad ingentem istic numerum creverisse, & obtenta alenda vita necessitate vetitis laboribus aditum jam late aperuisse significastis; nec salubrius remedium esse censuistis, quam ut in aliquibus festis diebus Christifideles, audita Missa, laborare valeant, integra remanente precepti obligatione in ceteris festis, qua in synodali epistola numerastis; Sapientissimum consilium confirmamus & collaudamus; atque, ut Fraternitates vestrae eo pacto conscientiarum securitati, & Ecclesiastica observantia prospiciant, cupimus & commendamus . Dum aurem Tarraconensi provincia gratulamur synodalem celebritatem veteris disciplina decora amulantem, Fraternitatibus vestris Apostolicam benedictionem peramanter impertimur . Datum Roma apud Sanctum Petrum sub annulo Piscatoris die vigesima secunda Maji millesimo septingentesimo vigesimo octavo, Pontificatus nostri anno quarto .

Carolus Archiepiscopus Emisenus .

Cum hoc Pontificium oraculum non nisi Tarraconensem dioecesim, aliasque ipsi subjectas afficeret; nonnulli Hispanie Episcopi, ut ad suas quoque dioeceses extenderetur, petierunt, quibus Pontifex benignè annuit .

nuit. Et ut cetera omittamus, in hujus scripti fine quibusdam hujusmodi facultas, postquam Nos ad hanc supremam Sedem evecti fuimus, collata sit, describetur. Quamobrem in Tarraconensi Archiepiscopatu, & Episcopatibus suffraganeis, atque in aliis Episcopatibus, quos S. Sedes ejusdem privilegii participes reddidit, quod fuit antea Patribus Tarraconensibus concessum, præter dies Dominicos totius anni, per 17. dies festos Missam audire, & ab opere servili se abstinere Fideles tenentur, in aliis vero 17. festivis diebus audita tantum Missa laboribus exerceri possunt; itaut 17. solum sint dies, quos egentes laboribus tribuere possint, nempe die 24. Februarii festum S. Mathæ Apostoli, 19. Martii S. Josephi, 1. Maji SS. Philippi & Jacobi, 3. Maji Inventionis S. Crucis, 26. Julii S. Annæ, 10. Augusti S. Laurentii, 24. Augusti S. Bartholomæi, 2. Septembris S. Matthæi, 29. Septembris S. Michaelis, 28. Octobris SS. Simonis & Judæ, 30. Novembris S. Andræ Apostoli, 21. Decembris S. Thomæ Apostoli, 27. S. Joannis Evangeliste, 28. SS. Innocentium, 31. S. Silvestri, & inter mobilia festa tertius Paschatis dies, tertius item Pentecostes.

28. Qua ratione peractum sit hoc negotium, accurate perpendere, deinde rem ipsam penitus examinare operæ pretium est, ut intelligatur an ex tota rei summa tutissima norma pro testorum immutatione capi possit, aut quid sit addendum, tollendumve, ut aliqua Reipublicæ asseratur utilitas.

29. Pontifex Urbanus VIII. ad hanc immutationem decernendam assiduè expostulationibus fuit adductus, ut ex Constitutionis proœmio desumitur: *Flurimorum siquidem Fratrum nostrorum Archiepiscoporum, & Episcoporum per varias regiones constitutorum relatione ad Nos pervenit &c.* Et paulo post: *Quamobrem dicti Venerabiles Fratres Archiepiscopi & Episcopi Nobis facerent supplicari, ut in prædicta de Apostolica possessione plenitudine congruam aliquam inuremus rationem.* Urbanus istorum Episcoporum desiderio concessit, suaque usus est auctoritate: *Nos itaque volentes ex debito Pastoralis officii providere, & sanctificationis festorum certum deinceps firmare præceptum.* Et cum Constitutionem in publicum edidisset, quæ ante promulgationem satis denunciata non fuit, nec ullo modo denunciari poterat omnibus Catholicis Orbis Episcopis, qui ad ipsam observandam adigebantur, in aliquibus regionibus graves nacta est difficultates.

30. Garamuel Auctor contemporaneus in *Theologia fundamentali fundam.* 52. *sect.* 2. duabus de causis hanc Constitutionem non fuisse receptam testatur; primum, quia festum immaculate Conceptionis per ipsam ablatum fuerat, quod deinde a Clemente XI. in pristinum locum est restitutum. Alterum (inquit) tali festo, quæ populi devotio judicabat præcipua. Nam Bruxellis multum ad laborare debui, ut Hispanorum conscientias turbatas, aut etiam irritatas sedarem. Hæbet hæc gens erga Marianam Conceptionem devotionem innatam; nec pacifice audire volebant, expringi tantam festivitatem. Deinde quia in Constitutione testorum numerus non fuit satis imminutus, sed loco festorum,

storum, quæ prius observabantur, alia suffecta sunt, quod sane egentibus, qui ex sudore vultus & manuum laboribus victum sibi comparant, nullam afferit utilitatem. *Aterum* (inquit) *addi novæ festi: Non enim videbatur pauperes furtari hoc diplomate: fuit enim mera festorum commutatio, quæ esse ablatio deberet.*

31 Quid vero circa hanc Constitutionem in Gallia evenierit, ex tomo 8. vitæ Urbani VIII. nondum editæ, quæ in bibliotheca Barberina servatur, satis percipere possumus. In ipsa enim enarratur ab Apostolico Nuncio Grimaldo hanc Constitutionem ad omnes Episcopos, sicut jussu fuerat, missam, & ab aliquibus responsum se pro illius observatione omnem datorum operam; alios vero solummodo significasse nolle de Pontificia auctoritate quætionem excitare, profiterentes tamen nullum esse diem festum statuendum, priusquam Magistratibus indicaretur; & cum in Constitutione adscripta fuerit celebritas S. Silvestri, S. Josephi, & S. Crucis, quam agere Galli nunquam consueverant, sicut etiam SS. omnium Apostolorum, quorum aliquæ tantum in Gallia non colebantur; hinc occasionem multiplicem malis præberi, quibus remedium afferre Pontifex parabat.

32 Et quamvis responsum fuerit, id potissimum diversis Christiani Orbis Episcopis petentibus fuisse sancitum, nullamque festum diem indictum fuisse, qui ante vel a jure Pontificio, aut Apostolicis decretis non esset constitutus, tamen nihil novi definire, & rem protrahere statutum fuit. Spes siquidem habebatur illorum exemplis, qui eam consuetudinem probarent, reliquos etiam in eandem sententiam adducendos.

33 Aliæ fuerunt etiam contra hanc Constitutionem oppositiones excitatæ, aut ab Auctoribus qui scripserunt, aut ab Episcopis qui ad eandem intelligendam confugerunt. Quæstio namque excitata est, an in aliquibus diocæsis, in quibus dies Inventionis S. Crucis, Innocentium, S. Silvestri, S. Josephi, S. Annæ in præcepto non erant, uti multi testantur Auctores, qui de diebus festis aliquid posteris tradiderunt, videlicet S. Antoninus in *Summa Theologica* par. 2. tit. 9. cap. 7. Bartholomæus Fumus in *Summa*, Armilla verbo *Festum*, Suárez tom. 1. de religione lib. 2. de festis cap. 6. Sairus in suo libro *Clavis regia* lib. 7. cap. 3. num. 9.; an, inquam, post Constitutionem tamquam festi habendi essent illi dies in iisdem regionibus; nec profecto desuerunt, qui contrariam tenerent sententiam, ea de causa quod in eadem Constitutione Pontifex solum decreverit, tamquam festos celebrandos esse illos dies, quos vel ab initio veneranda sacravit antiquitas, vel universalis Ecclesiæ probavit consuetudo; quæ profecto non conveniunt neque in illis festis, neque illis regionibus, in quibus propter vetustam consuetudinem nunquam ut solemnia fuerant celebrata. Ita Guyot de festis propriis lib. 2. cap. 18. quæst. 8. & seqq. In aliquibus etiam diocæsis plurimi dies voti causa ut solemnes habebantur; quare ab Episcopis, an ab Urbani VIII. Constitutione hi dempti dicerentur. Accurate & diligenter de hac re in sacra rituum Congregatione actum fuit, & approbante

bante ipso Urbano Legislatore, responsum definitumque tales dies post Constitutionem habendos esse, ut festa pietatis; eosque solum, qui voverint, ad eorum solemnem celebritatem teneri; & hoc Decretum integre relatum a Nobis est in nostris libris *de Canonizatione lib. 4. par. 2. cap. 15. num. 14.*

34 Ut jam supra memoravimus, Pontifex Benedictus XIII. nullam edidit Constitutionem, eaque solum sua confirmavit auctoritate, quæ in Tarraconensi Concilio fuerant decreta. Hæc porro approbatio aliis dioecibus suit communicata, cum non solum id Episcopi vehementer exposcerent, verum etiam sæcularis potestas eorum postulationibus faveret. Usque adhuc nihil novi delatum est, licet multi defluerint anni, contra ea, quæ approbata, vel exposita a Benedicto fuerunt. Ex quo cum deduci possit, hanc methodum tutiorem esse, minusque implicatam, si aliquid agendum esset, illa amplectenda esse videretur. Et quamvis provinciale Concilium indici commode non posset, quod pro redigendis ad pauciores numerum festis non solum enixe oraret, sed viam pariter ad rem perficiendam aperiret; illud tamen consilium aptissimum videtur, ut iis dioecibus, quæ nullum dubitandi locum de observatione relinquant, festorum diminutio tribuatur, ea prorsus ratione, quæ superius exposita ac decreta fuit; eoque animo, ut aliis quoque dioecibus, quæ rem comprobent & exquirant, eadem facultas impertiatur.

35 Nunc ea remanent examinanda, quæ in supplici Patrum Tarraconensium libello fuerunt exposita. Ut jam supra diximus, decem & septem solum sunt dies, qui per anni cursum ad præceptum rediguntur, in quibus Fideles Missæ sacrificio adesse quidem teneantur, sed deinde operibus vacare licite possint. Hoc etiam fuit Cardinalis Petri Aliacensis consilium, hancque sententiam ita Concilio Constantiensi declaravit, ut legitur in ejus libro *de Reformatione Ecclesiæ* (qui extat inter opera Jo: Gerfonii tom. 2. edit. Antwerp. 1706.) cap. 3. de Reform. major. Prelat. col. 911. *Providendum esset &c. ut præterquam diebus Dominicis, & in majoribus festis ab Ecclesiâ institutis liceret operari post auditum Officium, tum quia in festis sæpe magis multiplicantur peccata in tabernis, in choreis, & aliis lascivitis, quas docet otiositas, tum quia dies operabiles vix sufficiunt pauperibus ad vitæ necessaria procuranda.* Alia etiam circumfertur Dissertatio, Opusculum Tripartitum inscripta, & paulo post celebrationem Concilii Lateranensis sub Innocentio III. promulgata, & inserta Conciliorum collectioni impressæ Coloniz anno 1551. in qua postquam Auctor omnia diligenter recensuit mala, quæ in festis perpetrantur, in quibusdam, inquit, festis oporteret operarios, post auditum Divinum Officium, ire ad opera sua.

36 Sed ut id apertius & clarius cognoscatur, magno studio investigandum est, utrum id fieri possit, aut factum unquam fuerit.

37 Theologi morales de hac re differentes affirmantes respondent, ut ex Navarro colligitur in *Manuali cap. 13. num. 5. ex Azorio instit. moral. par. 2.*

par. 2. lib. 1. cap. 26. quest. 8. ex Filliuccio *Theolog. moral. tract. 27. cap. 5. num. 10.* ex Gobat *tract. 5. num. 121.* ex Guyet *lib. 2. de fest. propr. cap. 19. quest. 4.* & fule ex Suarez *tom. 1. de relig. lib. 2. de fest. cap. 11. num. 11.*

38 Apud eosdem pariter Auctores legi possunt exempla, quæ ab ipsis referuntur. Sed jam hujusmodi consuetudo exemplis comprobetur. Extant in primo tomo pluries citato Conciliorum Angliæ pag. 677. Constitutiones Episcopi Wigornensis anno 1240. editæ, in quibus plurima festa distincte in suo Episcopatu observanda exhibentur. Aliquæ dicuntur *ferianda ex toto in Episcopatu*; nonnullæ appellantur *ferianda in omnibus*, præterquam in carnecis; aliæ deinde *ferianda ab operibus mulierum tantum*. In tom. 9. collectionis generalis Conciliorum Harduin. col. 1975. describitur Constitutio, quæ est 20. ad reformandum Germaniæ Clerum condita anno 1524. Hæc promulgata fuit, ut festorum numerus coarctaretur: *Nec ab re, immo iustus de causis adducti festorum multitudinem restringendam esse duximus.* Deinde festa enumerantur, quibus Sacro interesse, & ab operibus servilibus omnino abstinere præcipitur, & tandem decernitur: *In ceteris autem festivitatibus quæcumque ratione vel institutis, vel receptis, & quæ sub præcepto celebrari debeant, permittimus, liberumque citique facimus, ut Missa audita, ad operas suas, quibus suam suorumque alimoniam querere cogitur, redire possint.* Et juxta hanc sententiam in provinciali Concilio Trevirensi an. 1549. *col. lect. cit. tom. 9. tit. de moderandis feriis col. 2146.* ita legitur: *Ceterum dies Innocentium &c. usque in meridiem feriri volumus, ita ut i sacro, & enique ad labores, aut negotia sua redire liceat.* Atque in Sacrodotali, sive Manuali Ecclesiastico, quem Ludovicus Cardinalis de Guisa Remensis Archiepiscopus anno 1535. in lucem edidit, hæc pariter habentur: *Inventio Sanctæ Crucis, Sancti Michaelis Archangeli, Innocentium ab omnibus operibus usque post Missam.*

39 Sed ut ad examen totum redeamus, quæ in supplici Patrum Tarconensium libello continebantur, cum iidem de tribus Resurrectionis Domini, totidemque Pentecostes festis sermonem instituunt, primis & secundis tantum Paschatis ac Pentecostes diebus ad Sacrum audiendum, & operibus servilibus abstinendum Fideles redigunt; feria vero tertia tam Paschatis quam Pentecostes, auditu sacro, servilibus operibus vacare libere permittunt. Ecquis autem inficiari poterit, æquum esse, & antiquæ disciplinæ consentaneum, ut festa, in quibus præcipua S. Fidei mysteria commemorantur, non una tantum die, sed per plures dies solemnibus honoribus prosequamur? At ex his confici non potest, opportune ac sapienter non fuisse consultum, ut in celebratibus tum Paschatis tum Pentecostes triduum retineretur; ita tamen, ut tertia utraque feria, postquam Christiani Sacro adfuerint, reliquam diei partem operibus conficiendis possint infumere. Circa dierum numerum, quibus utraque solemnitas celebrata est, variam fuisse Ecclesiæ disciplinam testatur Baillet in *vitis Sanctorum tom. 4. edit. Parisien. anni 1707. pag. 55.* Ulterius vero progreditur

Thiers

Thiers in suo tractatu pluries citato de *festorum dierum imminutione* cap. 3., & in sua constans sententia, sola Episcopi auctoritate festorum numerum constringi posse, ita ratiocinatur: Jam vero si quindecim dies illi, qui olim ad agenda Paschalis solemnias adhibebantur, ad novem, si novem ad octo, si octo ad septem, si septem ad sex, si sex ad quatuor, si quatuor ad tres, si tres ad duo, & duo ad unum redacti sunt; nonne unico die concludi poterit, ita statuentibus Episcopis, Paschalis celebritas? cum jam neque minor sit, quam olim Ecclesie antihoritas, neque inferior Episcoporum potestas, & præterea major occurrat, obtemporis calamitatem, hominumque malitiam, festos dies imminuendi necessitudo: quod ipsum de duobus Pentecostes diebus festis, de quibus mox agit, patenter affirmat.

40 Tandem ab iisdem Patribus statutum fuit, ut, præter dies Dominicos, Missam audirent, & ab operibus servilibus cessarent Fideles omnibus festis Domini diebus (excepta tamen feria tertia Paschatis, ac Pentecostes) in quinque Virginis Mariæ celebritatibus; quoad Apostolos vero, diebus tantum SS. Petri & Pauli, & S. Jacobi, in reliquis vero Apostolorum festis, audito Sacro, rebus agendis operam darent. Cum igitur necessarium sit, festos dies ita imminui, ut inopes homines operibus vacare possint; cum item superius constitutum sit, ab iis posse dies festos celebrari, qui Apostolica consentiente Sede, sacrosancto Missæ sacrificio dumtaxat interfunt; tandem cum hujusmodi ratio Tarraconensibus Patribus visa fuerit tum circumstantiis, tum populorum voluntati consentanea, quemadmodum rei eventus comprobavit; illorum profecto & pietas admiranda est, & prudentia commendanda; neque congruis laudibus fraudanda est Apostolica Sedes, quæ eam methodum confirmavit, eamdemque aliis Episcopis solícite expetentibus concessit. At si hæc ipsa methodus in alias ab Hispania regiones, & præcipue in Italiam induceretur, non omnibus comprobendam merito suspicamur; cum communis piorum voluntas esse videatur, ut festa Domini, necnon & alia Beatissimæ Virginis, Sanctorumque Apostolorum non solum quoad Missæ præceptum, sed quoad operis cessationem integre peragantur: quare ad ceterorum festa Sanctorum tantummodo methodus illa redigi posset.

41 Parum sane utilitatis secundum ejusmodi rationem haberetur ad ea extinguenta mala, quæ a nimio festorum numero dimanant, quemadmodum quisque facile cognoscere potest. Si enim Apostolorum celebritates, non secus ac in præsentia, retineantur & colantur, septem tantum superessent festa, quæ, audito Sacro, laboribus tribui possent, videlicet Inventionis S. Crucis die 3. Maji, S. Annæ die 26. Julii, S. Michaelis die 29. Septembris, Innocentium die 28. Decembris, S. Silvestri die 31. Decembris, ac feria tertia Paschatis & Pentecostes, quæ inter mobilia festa adnumerantur. Hinc perpendendum est an alia suppetat methodus, quæ Tarraconensium Patrum vestigiis, quantum fieri potest, inhærens, numerum dierum pro festis adaugere possit, facta tectaue eorum religio.

lipione, qui festa Domini, Virginis Mariæ, & SS. Apostolorum utroque præcepto excolenda magnopere contendunt.

42. Ad quartam ergo methodum deveniamus, quæ ita se habet. Ab Ecclesia eodem die celebrantur festa SS. Petri & Pauli, SS. Philippi & Jacobi, & SS. Simonis & Judæ. Quamobrem ad dies profectos augendos, propter causas, quæ deinde exponentur, festum S. Andreæ, quod 30. Novembris occurrit, ad tertiam Junii Dominicam referri posset; die autem 24. Augusti una cum S. Bartholomæo S. Thomas, ac die 21. Septembris cum S. Matthæo S. Mathias conjungi; die vero 26. (non 27. Decembris propter rationes, quæ infra subjiciuntur) festum S. Joannis Evangelistæ cum festo S. Jacobi ejus fratris posset copulari; ex qua quidem conjunctione quatuor profecti dies comparantur. Item die 19. Martii cum festo S. Josephi coli posset tum S. Annæ, tum S. Joachim solemnitas, quæ propter recens sacre Congregationis rituum decretum nunc quarta Augusti Dominica celebratur, & die 10. Augusti cum festo S. Laurentii festum S. Stephani componi posset; ex quo duo profecti dies extant, quibus si reliqui quatuor adjiciantur, senarius numerus conficitur. Hi vero sex dies si cum septem aliis jungantur, in quibus juxta Patrum Tarracensem methodum, audito Sacro, labores permittuntur, licet ad 17. dierum numerum non perveniant, quem Patres antedicti in sua methodo statuere, tamen 13. dierum numerum efficiunt, qui per integrum anni spacium nullo pacto modum excedit. At quoniam facti hac conjunctione, quatuor omitterentur jejunia, videlicet in pervigilio S. Andreæ, S. Thomæ, S. Jacobi, S. Mathiæ, dummodo, imminutis festis, conveniens non existimaretur etiam jejuniorum diminutio, cum ex sacra Tridentina Synodo *sess.* 14. *in doctrina de extrema Unctione*, vitam Christianam cum perpetua poenitentia conjunctam esse doceamur, sicut ad rem Thiers advertit in suo libro pluries citato *cap. 57. circa fin.*, si a die 30. Novembris, ut diximus, festum S. Andreæ ad tertiam Junii Dominicam revocaretur, posset etiam jejunium a 29. Novembris ad Sabbatum ante predictam Dominicam referri: ad reliqua vero tria quod pertinet jejunia, antiqua & commendabilis restitui posset disciplina. ut tribus scilicet Rogationum diebus jejunium servetur juxta *can. Rogationes, de Consecrat. dist. 3. 3.* translatis tamen Rogationibus (ut Mediolanensis Ecclesiæ mos est) post Ascensionem Domini, ne ab universa disciplina deficiente inter Pascham ac Pentecostem jejunium indicatur: quemadmodum Nos ipsi in *tom. 1. nostrarum Notificationum notific. 3.* animadvertimus. Quod si propter continuum triduum jejunio transigendum, id nimis incommodum ac molestum videatur, possent loco eorum, quæ adimuntur, tria alia jejunia subrogari, primum nempe ante Circumcisionem Domini, alterum ante festum Epiphaniæ, tertium ante Corporis Christi solemnitatem.

43. Apud Majores nostros una tantum celebritas universos complectebatur Apostolos, si Thomassino fides præstanda est *lib. 2. de dierum festis*
Tom. IV. T t t rum

rum celebratione cap. 23. ; ubi postquam asseruit non alienum a ratione esse, ut Apostoli peculiari solemnitate colantur in iis locis, quibus martyrii palam sunt adepti, in eo tamen quod ad universalem spectat Ecclesiam, ita scribit: *Universa tamen Christiana respublica omnium simul solemnita celebranda esse existimavit, quod omnium orbis Ecclesiarum Parentes, & Martyres dici possint.* Accurata magis videtur super hac re Thiers historia in citato tractatu cap. 55. Ibi quippe ostenditur, in utraque Ecclesia peculiare festum SS. Apostolorum Petri & Pauli antiquum extitisse, in quo tamen etiam aliorum Apostolorum festa continebantur, quod etiam a Thomassino advertitur. Traditur deinde inductam esse in Ecclesia Occidentali celebritatem SS. Philippi & Jacobi, atque in eum solemnem diem festum Apostolorum omnium relatum, excepta tamen SS. Petri & Pauli solemnitate, quæ peculiari semper cultu ipsis fuit sacra. Hujusce rei series præstantium Auctorum testimoniiis potissimum comprobatur. Clare id testatur Joannes Belethus in *explicatione Divinor. Officior. cap. 124.* cujus hæc sunt verba: *Nunc dicendum est de quibusdam solemnitatibus, quæ hoc tempore in ecclesiis celebrantur, videlicet de festo Sancti Philippi & Jacobi, & omnium Apostolorum (sic enim est in magnis & plenis Calendariis), de inventione Sanctæ Crucis, de festo Joannis ante portam Latinam, & Beata Maria ad Martyres, & de commemoratione S. Michaelis &c. Quare quoniam tempus hoc maxime solemnitatibus conveniat, cumque in primitiva Ecclesia Apostoli non haberent particulares solemnitates, statutum fuit, ut ipsis kalendis Maji celebraretur solemnitas in honorem omnium Apostolorum. Hoc etiam die festum est Philippi, & Jacobi: idque ideo, quia forte illo die passi sunt. Durandus Belethi discipulus ipsius sententia congruit in lib. 7. Rational. Divin. Offic. cap. 10. Ut tempus Paschale concordaret solemnitatibus, quæ intra illud eveniunt, præsertim cum Apostoli in Ecclesia primitiva non haberent particulares solemnitates, statutum fuit, ut in kalendis Maji celebrarentur solemnitates ad honorem omnium Apostolorum, ut dies varii non viderentur dividere, quos una dignitas & Apostolatus in celesti gloria fecit esse sublimes: quod festum Græci celebrare dicuntur in festo Apostolorum Petri & Pauli. Hac etiam die festum est Apostolorum Philippi & Jacobi, quia forte die ista passi sunt. Convenit Micrologus quoque in suo libro de observat. Eccles. cap. 55. (Collect. Historiæ edit. Rem. pag. 382.) : Invenitur in Martyrologiis, sive in Sacramentariis festi vitæ Sanctorum Jacobi & Philippi, & omnium Apostolorum. Belethi quidem, ac Durandi opinio asserentium eodem die SS. Apostolos Philippum & Jacobum martyrium consummasse, nequit summo jure defendi; sed ad duorum Apostolorum conjunctionem una tantum solemnitate statuendam, juxta eam, quæ modo discutitur, methodum, non exigui ponderis habenda sunt ea quæ ab ipsis narrantur, scilicet in SS. Philippi & Jacobi celebritate alios omnes Apostolos fuisse comprehensos. Plurimi quoque ducenda est causa, quæ ad rem probandam in medium ab eisdem affertur.*

44. Solemnes ergo aliquorum Apostolorum dies simul conjuncti id pro-

probant, ut aliorum quoque Sanctorum celebritates consociari possint. Verum, ut tota, quam proponimus, methodus magis magisque, ut opus est, confirmetur; clare quæ adversus ipsam objici possunt. Nobis sunt exponenda; tum ut nihil prætere videamur; tum vero, ut nova ad methodum comprobendam adducatur argumenta. Itaque illud primum obijcitur; videlicet posse quidem festa duorum Sanctorum per eandem diem celebrari, dummodo ipsa die simul decesserint; minime vero si diversis diebus vivendi cursum absolverint. *De his et aliis*

45. At hujusmodi oppositio sic dilui potest. Nunc eadem die SS. Petri & Pauli festum, item una die SS. Simonis & Judæ, eademque die SS. Philippi & Jacobi festa celebrantur. Sanctos autem Apostolos Petrum & Paulum eadem die Romæ martyrium subijssent in dubium revocari non potest, cum in Martyrologio Romano die 29. Junii ita legatur: *Roma Natalis Sanctorum Apostolorum Petri & Pauli, qui eodem anno, eodemque die passi sunt sub Nerone Imperatore.* Omitti præterea facile poterit disputatio de die obitus SS. Simonis & Judæ, quos longis itineribus peractis, notum est in Perside martyrii palmam fuisse assequutos; quamvis in Græcorum Menologio S. Simonis festum 10. Maji, illud vero S. Thiddæi, seu Judæ die 21. Augusti statuatur, ut recte Guyes advertit *de fest. propr. lib. 2. cap. 2. quest. 12.*, quod profecto afferendi causam exhibere posset, ipsos licet in eodem Regno, non eadem tamen die martyrio peractos fuisse. Consuli hac de re poterunt Florentinus in *Martyrologio ad diem 28. Octobris*, Baillet ad eundem diem, Cardinalis Baronius, Franciscus Maria de Aste Archiepiscopus Hydruntinus in *notis ad Martyrologium Romanum*, qui pariter testantur, non solum variis diebus SS. Apostolorum Simonis & Judæ celebritatem fuisse peractam, sed etiam unius solemnitatem seorsim ab alterius solemnitate fuisse celebratam. Verum, si ad SS. Apostolorum Philippi & Jacobi festum, quod prima die Maji peragitur, sermo convertatur, non tam facili negotio defendi poterit, ambos eodem die e mortaliibus excessisse, quod Bejerius & Durandus affirmarunt. Prætermissa diei investigatione, quo e vita migravit S. Philippus, quod Hierapoli evenit; inquire satis erit, quo die S. Jacobus minor martyrium consummaverit. Hic Hierosolymæ martyrii palmam adeptus est die Paschalis, qui nunquam die prima Maji potuit occurrere. Apud Catholicos enim paulo post Martii plenilunium Paschalis solemnitas celebratur; quare denique post diem 25. Aprilis potest obtingere; si ergo Paschalis celebritas, licet paulo post Martii plenilunium peragatur, non primam Maji diem cadere nequit, multo minus eadem die prima Maji Judæorum Pascha, quod in ipso plenilunio juxta cap. 23. Levitici ab eis celebratur, constitui poterit. Rabanus, & Notkerus in suis Martyrologiis, eodem anno, quo S. Jacobus martyrium a Judeis perpeffus est, die 25. Martii Pascha fuisse celebratum putant; ideoque post Salvatoris Domini Passionem ita subjiciunt: *& Passio Sancti Jacobi fratris Domini, qui in Pascha solemnitate Judeis Christum seffigans,*

698 DE SERVORUM DEI BEATIFICATIONE

de Templi est culmine precipitatus, ac fulgentis veste percussus: ex quibus sane ostenditur, non satis constare SS. Philippum & Jacobum prima die Maji martyrii palmam obtinuisse.

46 Primam adversus propositam methodum difficultatem excipit altera, nempe verisimile admodum esse, si antedicta festa conjungantur, ut Sancti alicujus celebritas a die, qua ad cælos evolavit, removeatur: quod ab Ecclesiæ disciplina magnopere abhorret, quæ (uti liquet, ac superius pariter constitutum est) Sanctorum solemnitates die illorum obitus, si commode id fieri possit, peragere consuevit. Hæc autem etsi vera esse, dubitari nequit; tamen responderi potest, non ideo alicujus Sancti solemnitatem in ea, quam nuper descripsimus, festorum conjunctione, a die ejusdem obitus dimoveri, uti mox explicabitur.

47 Ad tertium ergo mensis Junii diem Dominicum, juxta postremam methodum, transfertur festum S. Andreæ, quem cum certo afferi nequeat 30. die Novembris obiisse; neque illud affirmari potest, si ea dies immutetur. S. Apostoli celebritatem a die, quo martyrii coronam accepit, separari. Festum quidem S. Andreæ in omnibus pæne tam vetustis quam recentibus Martyrologiis die 30. Novembris commemoratur; at id quod quaeritur, est, utrum illa ipsa die martyrium subjerit. Celebris porro Auctor Florentinus pag. 119. sui Martyrologii, postquam S. Andreæ festum die 30. Novembris retulit, eandem diem ait *Sedis Episcopalis fixationem fuisse potius, vel alicujus Reliquia, aut corporis translationem, quam exaltati ibi per mortem triumphi monumentum.* Quamobrem Græcorum Menologium die 30. Novembris non solum ejus mortem, verum etiam corporis ipsius translationem ad urbem Constantinopolitanam recenset. Ad tertiam vero Junii Dominicam ideo festum S. Andreæ refertur, quod eadem die a Pontifice Pio II. ipsius caput solemniter pompa fuerit in basilicam Vaticanam translatum ibique collocatum; quam diem ejus ecclesiæ Clerus solemniter celebrat; Cum novum non sit, neque a vetustatis & Ecclesiæ institutis alienum (ut inferius demonstrabitur) ut festum alicujus Sancti, cujus mortis dies ignoratur, in eam diem colendum referatur, qua corporis ipsius Reliquiæ magnifice fuerunt translatae. At enim si S. Andreæ festum a die 30. Novembris ad tertiam Junii Dominicam rejiciatur, Dominicus dies in Sancti solemnitatem converteretur, quod minime convenire, satis ex superioribus argumentis constat. Verum non abs re erit reputare, a Micrologo num. 23. allato, qui nulla Sanctorum festa diebus Dominicis celebranda esse decernit, celebriores aliquas ac præstantiores solemnitates excipi, inter quas profecto illa S. Andreæ merito est adnumeranda. Item Radulphus, de quo num. 24. celebritatem S. Andreæ a die Dominico secernendam censet, ut quolibet Adventus Dominica facta recta servetur, de quo sane juxta propositam methodum nullus superest dubitandi locus. Concilium præterea Moguntinum memoratum num. 25. Apostolorum festos dies per Dominicam coli permittit; quod quidem Thiers minime dampnat, sed

sed id solum vehementer improbat, Sanctorum solemnes dies in Dominicis agi, qui cum Apostolis minime comparari possunt. Præterquamquod, cum juxta eam, de qua nunc agitur, methodum S. Joachim festum a quarta Augusti Dominica auferatur, & ad diem 19. Martii revocetur; nullum Dominicis detrimentum ac jactura inferetur, si festum S. Andreæ ad tertiam Junii Dominicam transferatur. Idem fortasse festum posset SS. Petri & Pauli celebritati adjungi. Sed eodem die non duos, ut mos est, sed tres simul Apostolos excolendos Ecclesia proponeret. Conjunctio hæc ratione non careret, tum quod Andreas frater S. Petri fuerit, tum quod primus, ut S. Joannes in Evangelio memorat, ad Christum Dominum accesserit, & S. Petrum ad eundem adduxerit; at sic profecto, non modo tres Apostoli una die parum apte (uti diximus) colerentur, sed ejusmodi conjunctio ab omni etiam sacra antiquitate longe abhorreret. Legitur enim in Ordine Romano xi. apud Mabillon. in museo Italico tom. 2. num. 76. pag. 152. summum Pontificem cum universo Clero in S. Andreæ solemnitate Vaticanam basilicam adire consuevisse, atque ibi ad S. Andreæ honorem, sicut in festivitate Sancti Petri, *Vesperas & Vigiliis celebrare; Matutinum vero ad fratrem ejus facere, idest ad alium Sancti Petri*: at non legitur, in S. Petri solemnitate Matutinum ad aram S. Andreæ fuisse unquam a Pontifice perfolutum; scilicet, ut celeberrima SS. Apostolorum Petri & Pauli dies illorum tantum, præterea neminis, cultui dicata servaretur.

48 Dictum pariter est, festa SS. Bartholomæi & Thomæ conjungi posse die 24. Augusti, qua nunc S. Bartholomæo tantum solemnes honores tribuuntur. At fortasse magis convenire videretur, ut S. Bartholomæi festum cum S. Thomæ die 21. Decembris celebraretur. Verum, cum Artifices qui operibus ante Domini Nativitatem absolvendis urgentur, in festo S. Thomæ, quod 21. Decembris colitur, a labore (ut experientia satis compertum est) non abtineant, satis visum est S. Thomæ festum in diem 24. Augusti transferre. Quod autem ad rem nostram spectat, si cum festo S. Bartholomæi illud S. Thomæ copuletur, S. Thomæ martyrium a die, quo evenit, amotum dici non potest.

49 Nos quidem libentissime, ne eum peculiariter adnotemus diem, cavebimus, quo duo Apostoli Bartholomæus & Thomas vitam cum immortalitate commutarunt, cum nimis inter se discrepent in hac re Martyrologia tam Ecclesiæ Occidentalis, quam Orientalis, ut constet ex Du Solier, ex Galefio, ex Cardinali Baronio, & ex Francisco Maria de Aste, qui Martyrologia præclaris notis illustrarunt: Ex monumentis præterea, quæ Tillemont & Baillet adducunt, ostenditur, in aliquibus Ecclesiis festum S. Thomæ mense Julio, in aliis vero mense Majo fuisse celebratum.

50 Illud tamen certum est, diem 24. Augusti pro S. Bartholomæi festo fuisse institutum, non quidem Natalis ipsius causa, sed quod eadem die

die ejus corporis Reliquie solemniter translatae fuerint: *Antiquum manuscriptum Kalendarium*: quod apud nos habemus & inquit Baronius in *notis* ad ix. Kal. Septembris habet translationem S. Bartholomaei. At vero natalem ejus diem celebrant iii. Idus Julii. In dicto autem Kalendario agitur ad xv. Kal. Julii. Ex his apparet, tam Roma quam etiam in Orientali Ecclesia hac die agi consuevisse de translatione S. Bartholomaei. De die autem obitus ejusdem Apostoli sermonem intituens Du Solier (ad diem 24. Augusti apud Bolland. tom. 7. Junii) haec habet: Bartholomaei Apostoli, festivitatem variis olim diebus celebratam fuisse, praesertim a Graecis & sacris confusis & Hieronymiana apocrypha Bartholomaei in Persida natalem diem referunt 13. Junii, & ubi co-dices nostri, aliqui inter anciana de eo egerunt.

51. Quae de S. Bartholomaeo dicta sunt, eadem quoque de S. Thoma Apostolo debent affirmari. Hujus enim festa dies 21. Decembris colitur, non quod in ea mortuus fuerit, sed quod sacre ipsius Reliquiae in alium locum eadem die fuerint translatae, testetur eodem Du Solier tom. cit. ad diem 21. Decembris. In Mesopotamia civitate Edessa translato corporis Sancti Thoma Apostoli, qui translatus est ab India, cujus Ruffus ibidem celebratur v. nonas Julii. &c. Vandelbertus Natalem, seu Passionis diem, de quo certe non constat, nusquam videtur agnoscere, solum hoc die translationem canentibus. Translati Thome celebrat doctenus honorem.

52. Dictum est utiam, die 21. Septembris festo S. Matthaei illud quoque S. Matthaei, quod nunc 24. Februarii celebratur, adici posse: ex qua sane conjunctione, non sequitur, ut die quoque iidem Apostoli migraverunt ad caelos, nullo modo immutetur. Castellanus enim mortem S. Matthaei die 21. Maji evenisse contendit. Nec vetustissime in usu fuisse probat Florentinus in suo Martyrologio ad diem 24. Februarii pag. 246. ut natalitia S. Matthaei die 24. Februarii celebrarentur. Ad 24. Februarii natalem S. Matthaei & Corbenses Martyrologio indicatum codices nostri cum Antuerpiens non habent. Neque antiquis temporibus in universa Occidentali Ecclesia hac die fuisse celebrari probant, quae Menardus notat ad Divi Gregorii Sacramentarium: dum alia, manuscripta hanc S. Matthaei celebratam non exhibent. Du Solier vero (tom. 6. Junii apud Bolland. ad diem 24. Febr.) a Castellano dissentit, qui S. Mathiam 21. Maji occubuisse scripsit, sed tamen Florentinii sententiam minime improbat. Non usque adeo certum est, ut quidem vult Castellanus pag. 732. Mathiam Apostolum ab Hieronymianis recoli 21. Maji & Cyrillum Mathiam eo die suscipi Florentinus pag. 543. putatque, necesse esse, quod in utroque Corbensi ejus festivitas hoc 24. Februarii consignetur.

53. Cum igitur certo saltem non constet dies mortis S. Matthaei, consequens omnino non est, ut a 24. Februarii ad 21. Septembris translato ejus festo, dies varietur, quae hanc mortalem vitam reliquit. Non ipse quidem usque adeo certus est dies mortis S. Matthaei: Graeci enim, Gas-selinus & Baronio scribitur, ejus festum celebrant die 16. Decembris: ac

Du

Du Solier varias refert de illius suprema die sententias; cum in Martyrologiis nunc prima, nunc 6. Maji, nunc 7. Octobris, nunc 21. Septembris denuncietur. Verum, cum in Breviarii Romani gratiam, quod in quinta Officii lectione S. Mattheum die 21. Septembris sanguinem fuisse narrat, illa ipsa die ejusdem Apostoli festum retineatur, omnis dubitandi locus aufertur, ne diversa die ejus Natalitia constituentur.

54 S. Jacobi majoris festum cum festo S. Joannis ejus fratris jungitur, & 26. Decembris utrumque proponitur celebrandum. Nunc profecto S. Jacobi majoris festum 25. Julii ab Ecclesia colitur; eam ob causam quod eadem die non mors contigerit, sed ejus corpus solemniter translatum fuerit, uti legitur in Martyrologio Rom. ad d. 25. Julii, & in sexta Officii lectione in Breviario Romano. Petrus de Natalibus lib. 6. cap. 133. catal. Sanctor. die 25. Martii vitam absolvisse contendit; additque, quod illa dies ut plurimum Salvatoris nostri solemnitatibus impediatur, ideo Ecclesiam ejus festum ad tempus magis congruum revocandum existimasse: Ne igitur festum Salvatoris ex Apostoli solemnitate impediretur, statuit Ecclesia, ut festum Passionis ejus in die translationis corporis, tempore videlicet magis congruo celebretur. Beletius & Durandus, quibus pariter subscripsit Galestinus ad diem 25. Julii, in id unanimes conveniunt. Pro conjunctione festi S. Jacobi majoris cum S. Joanne Evangelista ejus fratre non exiguui ponderis id habendum est, quod occurrit in Missali Gothico, quod vetustissimo Sacramentario a Cardinali Thomasio in lucem edito inferitur. Ibi quippe post S. Stephani Sacrum, & ante illud SS. Innocentium, aliud etiam pro natali die eorumdem Apostolorum ac fratrum Jacobi majoris & Joannis Evangelistae describitur: *Missæ in natale Apostolorum Jacobi & Johannis*, ut legitur pag. 272. Et seqq. citati Sacram. ubi in precatione ad Pacem innuitur Deum inter hosce binos Apostolos ceterorum omnium Apostolorum martyria fere conclusisse, perinde ac si S. Jacobus major ad effundendum pro Christo Domino sanguinem aditum ceteris aperuerit; Sanctus autem Joannes Evangelista Apostolici sanguinis effusionem prorsus compleverit: *Domine æterne, cui ita in Sanctis Apostolis suis Jacobo & Johanne placuit arcanum dispensationis im . . . ut glorioso Passionis exemplo Apostolorum chorum ille præcederet, iste præmitteret, atque ita inter utrumque grex consummaretur beatus, ut omnium devotionem ille præcederet, iste concluderet; miserere nostri &c.* jungitur vero S. Jacobi festum festo S. Joannis, quod die 25. Julii, quo nunc ejus solemnitas colitur, frumentis colligendis Rustici detineantur. Quamobrem Thiers in suo tractatu cap. 55. ita scripsit: *Denique S. Jacobi majoris celebritas fere semper tristitia messis temporibus accedit, quibus rusticam progeniem laboribus in vigilare necesse est; sic metuendum, ne festum illud in Christiana pietatis officiis agitando violetur, ac profanum fiat.* Hinc propter populorum necessitatem, & messis causam Baillet die 25. Julii in visa S. Jacobi majoris num. 7. testatur, nonnullis in diocæsibus Galliae ejusdem festum in Dominica reponi,

poni, scilicet aut ad sequentem Dominicam differri, aut in antecedenti celebrari. Reductum vero fuit a die 27. ad 26. festum S. joannis, ne dies Natalis Domini, quæ 25. Decembris recurrit, ut par est, absque subsequenti festo relinqueretur; quandoquidem in nova methodo S. Stephani celebritas, quæ die 26. Decembris colebatur, ad 10. Augusti refertur, quod profecto fieri posse fuit existimatum, absque eo quod festum S. Joannis a die ejusdem mortis dimoveretur; cum satis exploratum non sit die 27. Decembris ipsum mortalem vitam deservisse, licet Martyrologia paulo ante adducta id enuntient. Hinc tradit Suarez tom. 1. de relig. lib. 2. de festis cap. 6. pag. 186. : *Probabile est, Ecclesiam non constituisse de die obitus seu transitus ejus (scilicet S. Joannis Apostoli) yderque illum diem, (27. Decembris) designasse, & festum ejus cum Natali Domini conjunxisse ad augendam illius festi solemnitatem.* In Græca Ecclesia, ut testatur Cardinalis Baronius in notis ad Martyrologium Romanum, festum S. Joannis Evangelistæ celebre habetur die 26. Decembris; Congruit etiam Menologium a Græco sermone per Cardinalem Sirletum in Latinum redditum, ubi die 26. Decembris hæc leguntur: *Migratio Sancti gloriosi, & celebris Apostoli, & Evangeliste Joannis cognomento Theologi.* Id etiam a Florentiniis in suo Martyrologio pag. 127. & a Cardinali Gotto tom. 3. de veritate religionis Christianæ pag. 331. fuit animadversum. Ex Baillet aperte cognosci potest, quam diversis diebus olim solemne festum S. Joannis Evangelistæ peractum fuerit; cum nonnunquam die 24. junii una cum festo S. Joannis Baptistæ, interdum vero die 25. Maji fuerit celebratum.

55 Difficile sane erit [ut eundem sermonem prosequamur] obitum S. Josephi die 19. Martii, S. Annæ 26. Julii, & S. Joachim 20. Martii statuere. Quamobrem si ad 19. Martii revocetur festum tum S. Annæ, tum S. Joachim, numquam dici poterit, aliquam horum Sanctorum celebritatem a die eorumdem obitus removeri; Ad obitum enim quod attinet S. Joseph, ne annus quidem ipse indotescere potest, scribente S. Epiphania *heresi* 78. Josephum, postquam in Templo Christum invenerat, vivere desiisse, cum de ipso ulterius sacre Litteræ non loquantur; alii vero Patres, videlicet SS. Cyprianus, Joannes Chrysostomus, & Ambrosius ipsum adhuc in terris agentem post Domini Passionem commemorant, ut in nostro tom. 4. de Canonizatione par. 2. cap. 20. num. 43. & num. 47. refertur. In Concilio Afiensi in Dania habito anno 1425. [collect. Harduin. tom. 8. col. 1036.] indictum fuit, ut S. Annæ festum die 9. Decembris statueretur; ex quo facile ac merito conjici potest, nulla ratione posse comprobari S. Annam die 26. Julii e vita excessisse: Item statuimus, quod festum S. Annæ matris Genitricis Dei Beate Mariæ quilibet anno in crastino Conceptionis ejusdem Beate Mariæ Virginis per totam nostram provinciam pro festo Terra & populi in posterum celebre habeatur. Si igitur festum S. Joachim a 4. Augusti Dominica, in quam novissime relatum est, ad diem 19. Martii traducatur, illico detrimentum omne, uti supra animad-

verſum eſt) reparatur, quod Dominicis diebus ex translatione S. Andree in tertiam Junii Dominicam inferri poterat. Traducta vero S. Annæ celebritate a 26. Julii ad 19. Martii, periculum tollitur, ne idem feſtum ab hominibus agrorum operibus impeditis violeitur, ut advertit Thiers in ſuo tractatu cap. 57. *Ut plurimum meſſis tempore evenit, quo fit, ut colligendarum terræ frugum neceſſitate impulſi ruſtici populi, aut eum illicitis laboribus ſuis violent; aut ea, qua par eſſet, religione non agitent.* Nec contra hanc trium feſtorum conjunctionem in unam ſolummodo diem illud obijci poteſt, quod hic non de duobus, ſed de tribus Sanctis res agatur, quorum duobus Confeſſoris, tertiæ vero nec Virginis nec Martyris cultus exhibetur. Quippe cum ſermo de Apoſtoliſ non ſit, quorum duo tantum unico feſto comprehendendi ſolent, ſicut ſuperius ſuit animadverſum; ſed de Sanctis agatur, qui ſanguinis vinculo invicem conjuncti unicam efficiunt cognationem. Inuſitatum profeſto non eſt, trium, vel etiam plurium Sanctorum feſta eodem die comprehendendi. A Græcis enim die 26. Januarii feſtum S. Xenephontis, ejus Conjugis, & Arcadii, & Joannis filiorum colitur: Eccleſia vero Latina SS. Euſtachii & Theopiſtæ conjugum, & Agapii & Theopiſti liberorum feſtum die 20. Septembris ſacris honoribus proſequitur. Atque ad ritus varietatem quod attinet, juxta Calendarium Romanum die 28. Julii ſimul celebrantur feſta SS. Nazarii, Celſi, & Victoris Pontificis, qui inter Martyres adnumerantur, & S. Pontificis Innocentii, qui Confeſſoris titulo decoratur. Querit Guyet lib. 2. de feſt. propr. cap. 8. queſt. 3. pag. 181. an poſſint eodem feſto, ac eodem Officio invicem copulari Sancti, *Qui ſint diverſi ordinis, puta Confeſſores cum Martyribus, non Pontifices cum Pontificibus, & cum iis quoque Virgines, & alia Femina;* atque id convenire affirmat, ſive iidem Sancti uno ipſo die e vita deceſſerint, ſive aliqua affinitate copulentur: *Si aliqua alia affinitate conſtricti, unius proinde ejuſdemque feſti ſocietatem quodammodo exigunt;* quæ ſane affinitas abſque ullo dubio inter SS. Joſephum, Joachim, & Annam intercedit, cum primus Sponſi titulo, reliqui Parentum nomine ad Beatiffimam Virginem pertineant.

56 Ad rem abſolvendam nunc reliquum eſt, ut de conjunctione duorum feſtorum SS. Laurentii & Stephani die 10. Auguſti verba fiant; & perpendatur, an, ſi ita jungantur, dies obitus alicujus ex iſſdem Sanctis in feſtum diem non referatur. Die 10. Auguſti S. Laurentium martyrium perpeſſum fuiſſe omnium auctoritate & teſtimonio certum eſt, quæ dies loco ſuo conſtanter retinetur. In hanc tamen diem S. Stephani celebritas compingitur, quæ ex veteri inſtituto die 26. Decembris peragi ſolet, quo die procul dubio vitæ curſum minime conſecit; id enim die tertia Auguſti contigiffe veriſimile eſt, ut in hanc diem Notkerus obſervat: *Hac die aut lapidatum, aut ſaltem a Gamalielle ſepultum Stephanum.* Non diſſentit P. Cajetanus Merati in ſua additione ad Gavantium

in diem tertium Augusti tom. 2. pag. 526. edit. Rom. In Calendario Leonino hæc die celebratur festum potius Sancti Stephani Protomartyris, quam Reliquiarum ejusdem inventionis. Collecta enim omnes de ejus Natali loquuntur, nihilque de eo habetur 26. Decembris. Du Solier (loc. cit.) in diem tertium Augusti ex Notkeri sententia consentit, & die 26. Decembris festum S. Stephani ideo positum testatur, ut ipsius solemnisi translationis memoria repetatur: Diffiteri non possumus, varias esse inter Eruditos de Sancti Protomartyris natali, inventione, & translatione opiniones &c. Hinc aliqui non inverisimiliter deducunt, hodiernam festivitatem (26. Decembris) translationi primæ ex antiquo ad novum sepulcrum aptari commodissime posse.

57 Illud huic methodo postremo opponitur, quod si festa conjungantur, tum novæ essent conficiendæ lectiones, tum aliqua in Missali faciendi immutatio: hoc tamen parvi ducendum est, cum exiguum laborem atque studium ejusmodi provincia exquirat; tum quia sicut in omnibus diocesis præter Romanum Breviarium alius libellus peculiarium lectionum ab iis, qui ad Officium Divinum tenentur, pro illis Sanctis adhibetur, pro quibus Officium indicitur, quique in Romano Breviario non continentur; ita additis novis lectionibus, addita pariter ad Missale pagina, totum id perficeretur, quod ad rem opportunum maxime censeretur.

58 Hæc sane afferenda duximus, ut profecti dies augeantur, quibus Artificum multitudo se operibus exercere possit; utque majori pietate ac religione festi dies excipiantur. Quemadmodum enim supra fuit ostensum, tredecim dies pro operibus libere conficiendis hoc modo comparantur, inter quos tamen illius Sancti festum minime adnumeratur, sub cuius tutela ac patrocinio Civitates sunt, quod in Constitutione etiam Urbani VIII. cautum fuit, sublati interim ceteris festis diebus, licet publico voto inductis; cum vel ad festa solum pietatis redigi possint, juxta Decretum sacrorum rituum Congregationis ab Urbano VIII. confirmatum (uti dictum est); vel Episcopis facultas concedi possit, ut eosdem festos dies in alia pietatis opera convertant, sicut in Apostolicis litteris, quæ mox subjiiciuntur, continetur.

59 Itaque, ut finem faciamus, aliqua proponuntur expendenda, de quibus suffragia scriptis exarata exposcuntur.

60 Primum, utrum propter assiduas petitiones ad ullam festorum imminutionem deveniendum sit.

61 Secundo, utrum, si imminutio facienda sit, aliqui festi dies, & quinam, ex indice Urbani VIII. sint tollendi.

62 Tertio, si id fieri nequeat, utrum in diem Dominicum referri possint celebritates Sanctorum, quæ per hebdomadam occurrunt.

63 Quarto, si id minime probetur, an possit admitti exposita methodus Patrum Tarraconensium, nempe ut per 17. festivos dies Ecclesiæ præcepto satisfiat, si Sacrum tantum audiat, ac deinde vacandi operibus libertas concedatur.

64 Quin-

64 Quinto, si ne id quidem opportunum judicetur, utrum aliquos festos dies simul conjungere magis expediat; itaut sex dies profesti comparerentur, atque septem aliis festis diebus de Sacro audiendo dumtaxat præceptum injungatur; additis tamen reliquis omnibus, quæ supra memoravimus, cum de hac agendi ratione sermo habitus est.

65 Postremo, quæcumque tandem ex iis, quæ propositæ sunt, probetur methodus, utrum novam Apostolicam Constitutionem edere necesse sit; an (facultate in aliqua dioecesi permiffa, quæ observationem certo polliceatur) expectandum sit ab aliis dioecesibus eandem facultatem expofci, eo semper animo, ut in illas quoque extendatur, pro quibus Episcopi facultatem ipsam postulerint.

Venerabili Fratri Episcopo Calaguritano

B E N E D I C T U S P A P A X I V .

Venerabilis Frater, Salutem &c.

CUM sicut quadam sunt, ut inquit S. Leo Magnus Prædecessor noster, quæ nulla possunt ratione convelli, ita multa sunt, quæ aut pro consideratione ætatum, aut pro necessitate rerum oporteat temperari, illa semper conditione servata, ut in his, quæ dubia fuerint, aut obscura, id noverimus sequendum, quod nec præceptis Evangelicis contrarium, nec Decretis sanctorum Patrum invenitur adversum: easpropter Apostolica hac sancta Sedes pro paterna erga universos Christifideles benignitate, quoad integrum sibi fuit, consuevit supremam suam in iis auctoritatem interponere, quæ ceteroquin ad majus Divini cultus incrementum præscripta, aut per frigescentem in nonnullorum cordibus charitatem ad otium luxuriamque convertuntur, aut ob rerum ad vitam traducendam necessariarum inopiam non sine conscientia angore contemnuntur. Quoniam autem, sicut pro parte charissimi in Christo Filii nostri Philippi Hispaniarum Regis Catholici Nobis nuper expositum fuit, ipsi Philippo Regi innouit, in provincia Ispheana, cujus pars in Fraternitatis Tuæ dioecesi Calaguritana continetur, præter festos dies in universali Ecclesia observari solitos, alios quamplurimos, sive pietatis studio, sive quacumque alia de causa præceptis agitari; ita ut quamplurimis ejusdem provinciae & dioecesis tuæ hominibus, qui manu & labore in sudore vultus vestientes pans suo, ob ingentem festorum dierum numerum, obtenta alenda vita necessitate, vetitis laboribus aditum jam late aperuerunt, si per omnes dies festos hujusmodi a servilibus operibus abstineant, ad vitam lucro sustinendam haudquaquam tempus sufficiat; ac propterea Nobis humiliter supplicatum fuit, ut in præmissis opportune providere, & ut infra indulgere de benignitate Apostolica dignaremur. Nos itaque, qui Christifidelibus, quantum cum Domino possumus, salutare remedium potius ad æternam salutem comparandam, & humanam vitam honeste sustentan-

706 DE SERVORUM DEI BEATIFICATIONE

dam adhibere, quam per severiorem Ecclesiastica disciplina rigorem ad desperationem inopes adducere cupimus, dictos homines specialibus &c. volentes, & eorum singulares personas a quibusvis &c. censentes, supplicationibus etiam ejusdem Philippi Regis nomine &c. inclinati, Fraternitati Tua per presentes committimus & mandamus, ut, veris existentibus narratis, omnibus utriusque sexus ejusdem provincia in diecepsi tua existentibus, ut deinceps, exceptis omnibus diebus Dominicis, Natalis Domini nostri Jesu Christi, & sequenti Sancti Stephani, Circumcisionis, Epiphania, Resurrectionis, & sequenti, Pentecostes, & sequenti, iidem diebus Corporis Christi, S. Joannis Baptista, Sanctorum Apostolorum Petri & Pauli, Sancti Jacobi, & Commemorationis omnium Sanctorum, praterea quinque dicaris Beata Virgini Maria immaculata, scilicet Purificationis, Annunciationis, Assumptionis, Nativitatis, & Conceptionis, nec non Sancti Patroni aut Tutelaris cujuslibet Loci pro hominibus ejusdem Loci dumtaxat, in quibus integra maneat precepti obligatio; in reliquis diebus festis, sive per hanc sanctam Sedem preceptis, sive per synodales ejusdem dieceps Constitutiones, sive quacunque alia de causa, etiam ex causa voti per Majores suos facti, quod quoad hanc partem etiam auctoritate nostra Apostolica per Te commutari volumus, preceptis, audita Missa, laboriosis suarum artium exercitationibus, servilibusque operibus, sine ullo prorsus conscientia scrupulo, vacare possint, auctoritate nostra Apostolica concedas, indulgeas, & permittas, ac statuas, precipias, & mandes: non obstantibus Apostolicis, ac in universalibus provincialibusque synodalibus Conciliis editis generalibus, vel specialibus Constitutionibus & ordinationibus, necnon provincia & diecesis prefatarum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indulgiis, & litteris Apostolicis in contrarium premissorum quomodolibet concessis, confirmatis, & innovatis. Quibus omnibus & singulis illorum tenoribus prefatis pro plene & sufficienter expressis, ac de verbo ad verbum insertis habentes, illis &c. permansuris, ad premissorum effectum, hac vice dumtaxat specialiter & expresse derogamus, ceterisque contrariis quibuscumque &c. Datum Roma apud Sanctam Mariam Majorem &c. 3. Septembris 1742. Pontificatus nostri anno tertio.

Similis pro nonnullis Universitatibus, & hominibus dieceps Pamilonensis. Dat. ut supra.

Similis pro Universitatibus, & hominibus dieceps Pacensis. Dat. 22. Septembris 1742.

C A P U T XVII.

De Martyrologio Romano.

¹ **M**artyrologium Romanum est catalogus Sanctorum tum Martyrum, tum Confessorum, tum Virginum, tum Virginum & Martyrum, & nec Virginum nec Martyrum, addito ut plurimum aliquo brevi in uniuscujusque laudem Elogio. Edmundus Martene in tractatu *de antiqua Ecclesia disciplina in Divinis celebrandis Officiis* cap. 8. antiqua profert documenta, quibus ostendit, Martyrologii lectionem factam fuisse, *Prima finita*, a Canonicis in Capitulum, aut in Chorum convenientibus; & summus Pontifex Gregorius XIII. in suis litteris præfixis Martyrologio Romano correcto mandavit, ut in peragendo Divino in Choro Officio, omni alio amoto Martyrologio, eo tantum correcto uterentur, nulla re addita vel mutata; ita ut, si aliqui haberent alios Sanctos in suis ecclesiis celebrari solitos, non possent eos inferre Martyrologio, sed eos deberent separatim habere descriptos; & ita etiam late prosequitur Guyet *de fest. propr. Sanctor. fest.* 4. cap. 14. Juxta Martyrologii Rubricas ejus lectio fieri debet in Choro ante versiculum, *Pretiosa*, exceptis tribus diebus ante Pascha, quibus lectio ipsa omittitur; & præcedenti die semper leguntur memorie Sanctorum sequentis diei. Cardinalis Bona in suo tractatu *de Divina Psalmodia* cap. 16. §. 19. num. 1. sic de hoc more locutus est: *Non ignoravit Ecclesia, Sancti Spiritus magisterio edocta, hoc saluberrimum bene vivendi documentum; ideoque præcepit, ut quotidie in Divinis Officiis Sanctorum memoria e Martyrologio recitaretur, ut audientes beatorum Martyrum, aliorumque piorum hominum invicta certamina ad similem pugnam animarentur; & num. 2. Hic finis & scopus est, ob quem Ecclesia singulis diebus post Primam legi voluit Martyrologium, ut eorum facta imitemur, quorum exitus admiramur. Præclare Augustinus serm. 47. de Sanctis: Solemnitates Martyrum exhortationes martyriorum sunt, ut imitari non pigreat, quod celebrare delectat. Illorum ausum nomina anticipata lectione recitantur, quorum memoria sequenti die recolitur, quatenus ventura festivitatis celebrationem digniori apparatu præveniamus. Concordant supra citatæ litteræ Apostolicæ Gregorii XIII.*

² Plura porro collecta sunt Sanctorum Martyrologia. Primum illud est, quod appellatur vetustius Martyrologium Ecclesiæ Occidentalis, quodque a Cassiodoro, Beda, Walfrido, Notkero, aliisque Scriptoribus D. Hieronymo tribuitur. Hujus Martyrologii exemplar nullum Romæ habebatur: unum vero asservabatur in monasterio Epternacensi Sancti Willebrordi, illuc ab ipso Sancto ex Anglia allatum, ejusque propria manu identidem notatum. Bollandus id extraxit; cumque alterum in civitate Lucensi reperiretur, collatis insimul his, & aliis subinde re-

pertis exemplaribus, facta demum est ejusdem editio Martyrologii a Francisco Maria Florentinio una cum quibusdam exercitationibus præviis, atque eruditus ad textum notationibus anno 1668. Etiam Ven. Beda, qui mortuus est anno 735, Martyrologium edidit, eoque Correctores Romani, de quibus infra, usi sunt, ut Romanum Martyrologium corrigere. Sed Martyrologium, quo usi sunt, licet Bedæ adscriberetur, non erat Bedæ: genuinum quippe Bedæ Martyrologium editum fuit anno 1618. ab Henrichio Bollandiano Continuatore *tom. 2. Martii*. Et vero quidam Florus sæpe memoratum Bedæ Martyrologium aliis nominibus auxerat. Labente sæculo nono Rabanus Archiepiscopus Moguntinus, Wandelbertus Diaconus & Monachus Prumiensis in diocesi Trevirensi, & Ado Viennensis, seu potius, ut alii malunt, Trevirensis Episcopus Martyrologia itidem composuerunt. Martyrologium Rabani editum est a Canisio *tom. 6. antiquar. lectio.*, illud autem Wandelberti insertum est *tom. 6. Spicilegii Lucæ Dacherii*. Præter hæc aliud est Martyrologium publici juris factum anno 1613. ab Heriberto Rosvæydo, cujus Auctoris cum laude meminit Miræus in *Scriptoribus sæculi XVII. num. 188*. De hoc autem Rosvæydano Martyrologio magna est inter Eruditos disputatio, utrum illud sit, quod a S. Gregorio Magno commemoratur in epistola alibi relata ad *Eulogium Alexandrinum*, & vetus sit, & Romanum fuerit appellatum, hæcne. Negarunt nempe Henricus Valesius, Saussayus, Fronto, Florentinius; affirmavit Joannes Baptista Sollierus infra commemorandus, de cujus in hac parte laboribus sic loquitur Monachus e Congregatione S. Benedicti in *prefat. ad Martyrolog. Ussardi a se editum pag. xiv.* de quo infra: *De Martyrologio Romano Rosvæydi curis edito multum etiam tibi debet literaria Respublica; in quo vindicando tuus eo gloriosior est triumphus, quo plures tibi erant & formidolosiores adversarii. Henricus Valesius, Saussayus, Fronto, Florentinius.* At, utcumque sit de hac controversia, quam intactam relinquimus, aliorum Martyrologiorum editionem prosequendo, Ussardus Monachus S. Benedicti, Scriptorque sæculi ix. ex præcedentibus Martyrologiis Martyrologium composuit, quod Carolo non Magno, sed Calvo dicavit. Item elapsis circiter viginti annis ab editione Martyrologii Ussardi Beatus Notkerus aliud edidit Martyrologium publicatum quoque a Canisio *tom. 6. antiquar. lectio.* Sed illud Ussardi prælatum est: legi etenim cœpit & recitari in monasteriis Benedictinorum in Choro ad *Primam* ante versiculum, *Preiosa*; tum ab ipsis Benedictinis lectio ejus ad omnes fere alias ecclesias propagata est, etiam ad Romanas, excepta tamen Vaticana basilica, quæ suum quoddam habebat Martyrologium, quod hodie etiam in archivo Capituli conservatur; ita ut in fine sæculi xv. passim in ecclesiis non aliud Martyrologium legeretur, quam Ussardi.

3 Multiplex Ussardini Martyrologii editio facta est: alia scilicet Venetiis A. 1498. alia nostris temporibus a Joanne Baptista Sollierio insigni

gai re vera Continuatore Bollandiano; qui quidem vir doctus prædictum edidit Martyrologium additamentis expurgatum, castigatum, & quotidianis observationibus illustratum, uti videri potest *tom. 7. part. 2. Sanctorum Junii*. Sed & alia editio ejusdem Martyrologii facta deinde fuit a quodam Monacho Benedictino e Congregatione Sancti Mauri A. 1718. ubi, postquam debitis laudibus extulit labores Joannis Baptistæ Sollerii, conqueritur, quod is in sua editione prætulerit alios codices, contempto Autographo existente in abbazia Sangermanensi, quod idcirco Monachus ipse Benedictinus anno supradicto censuit edendum.

4 Porro, redeundo ad Martyrologium Ufuardi editum Venetiis A. 1498. hæc ejus editio illa est, quæ facta fuit a Bellino ex familia Fratrum Eremitarum S. Augustini, qui ~~etiam~~ correctionibus & additionibus illustravit. Circa medium vero sæculum xvi. Maurolicus Abbas Messanenſis consimile edidit Martyrologium; sed Eruditiores putant, ab eo fuisse deturpatum Ufuardum. Molanus etiam propterea labores non omisit, ut Ufuardum ad suum verum statum reduceret, cujus operis ultima editio facta est A. 1583. Eodemque tempore Petrus Galeſinius Apostolicus Protonotarius suum composuit & edidit Martyrologium. Multiplicatis idcirco Martyrologiis, quæ omnino perfecta, & erroribus vacua non erant, summi Pontifices necessarium esse duxerunt, curare, ut fieret, quantum fieri poterat, editio Martyrologii correcti in omnibus ecclesiis legendi, uti supra dictum est.

5 Cura itaque hæc a Gregorio XIII. demandata fuit Silvio Antoniano tunc Canonico S. Petri, deinde in sacrum Cardinalium Collegium cooptato, Roberto Bellarmino tunc Presbytero Societatis Jesu, Cæsari Baronio tunc Presbytero Oratorii, deinde Cardinalitia dignitate insignitis a Clemente VIII., Ludovico de Torres tunc Archiepiscopo Montis Regalis in Sicilia, deinde Cardinali sub Paulo V., Joanni Baptistæ Bando Canonico S. Petri, Michaeli Ghislerio Theatino, & Bartholomæo Gavanto Barnabite. Cum vero ex iis, quæ diximus, tunc fere in omnibus ecclesiis legeretur Martyrologium Ufuardi, Correctores eo usi sunt. In corrigendis autem erroribus, qui irreperant, usi sunt Martyrologio, quod tunc Bedæ credebatur, item Martyrologio antiquæ ecclesiæ S. Cyriaci in Via Lata, item uno ex Menologiis Græcis latinitate donatis a Cardinali Sirleto. Habuerunt etiam præ oculis Martyrologia Bellini & Maurolici, necnon Molani & Galeſinii; sed Bellino & Molano plus, uti fieri debebat, detulerunt, quam Maurolico & Galeſinio. Denique, hortante Baronio, additi sunt Sancti ex Menologio desumpei, qui ante schisma a Græcis colebantur, aliique nonnulli ex Latinis, quorum fiebat laudabilis a Patribus commemoratio, & signanter a S. Gregorio in *Dialogis*.

6 Triplex facta est editio novi Martyrologii correcti; sed, cum prima & secunda mendis scaterent, purior & sincerior habita est illa, quæ facta

710 DE SERVORUM DEI BEATIFICATIONE

facta est A. 1584. teste Cardinali Baronio in *præfat. ad Martyrolog. Rom.* cap. 8. ubi sic ait: *Mouendum putamus Romani Martyrologii triplicem hæc tenus in Urbe esse factam editionem, ejusque primam & secundam esse mendosam, nec satis dignam, quæ iterum prælo tradatur: quod, cujus culpa acciderit, libentius silentio præterimus. Tertia editio purior est atque sincerior facta anno Domini 1584. Illi enim tantum, ut legitima atque germana, accesserunt litteræ Apostolica data die 14. Januarii eodem anno. Ad hæc vero, cum nonnulli virorum eruditorum excitata fuissent quæstiones, quæ uberiores in Martyrologio ipso contentorum notitiam desiderabant, Guillelmus Sirletus amplissimus Cardinalis & Apostolicus Bibliothecarius laudato Cæsari Baronio tunc nondum ad Cardinalitiam dignitatem evecto, quique in exarandis Ecclesiæ annalibus tum laborabat, demandavit, ut annotationes adderet Martyrologio, quas utique brevi temporis spatio magna cum eruditione confecit & edidit, nonnullis etiam in textu factis immutationibus, at paucis tamen, & cum consensu atque auctoritate summi Pontificis, ut idem refert *cit. cap. 8. Cui* (loquitur de postrema editione A. 1584.) *et si ex nostris notationibus levis certe aliqua accessit emendatio, vel si quid additum reperitur, quod quidem perraro factum invenies, id nos ejus, cujus summa est in Ecclesiæ authoritas, constanti voluntate secisse, lector intelligat.* Facta itaque Martyrologii cum notationibus Cardinalis Baronii editione A. 1586. & ideo tempore Sixti V. nihilominus eadem prodiiit sub eodem titulo Martyrologii Romani editi jussu Gregorii XIII. cujus litteræ Apostolicæ ad ejus initium relicte sunt, uti bene animadvertit Franciscus Maria de Alte Archiepiscopus Hydruntinus in suis disceptationibus in Martyrologium Romanum, in monitione ad lectorem: Nullum namque dubium est quin Martyrologia sæpenumero variata fuerint, cum illud, quod a Gregorio XIII. approbatum, litterisque ejus Apostolicis obvallatum est, occasione postea notationem Baronii, & quæ suggestiones, nonnullos se in eo errores reperisse, aliqua ex parte commutatum, non variatis modo quibusdam, sed nonnullis etiam adjectis atque detractis, ut utramque editionem antiquam & novam conferenti, Gregorianam scilicet cum Sixtina, liquido constabit. Quamquam hæc posterior non appelletur Sixtina, licet sub Sixto V. facta; visum est enim, quòd non tanta esset facta mutatio, relinqui bullam & nomen Gregorii XIII. Jam autem usque fere obviavit, ut postrema illa editio sub Sixto V. facta, & Baronii notationibus illustrata Baronii Martyrologium vocetur. Assumpto autem A. 1593. Baroniò ad dignitatem Cardinalitiam, cum, supplicantibus Monachis monasterii de Cardega pro descriptione nominis in Martyrologio Romano Stephani Abbatis, & aliorum ducentorum Monachorum, qui A. 834. martyrio coronati fuerant sub Rassa Arabum Tyranno Castellæ provinciam devastante; Clemens VIII. examen remisit ad sacram Congregationem rituum, & res fuerit a sacra ipsa Congregatione commissa eidem Cardinali Baroniò; annuente predicto summo Pontifice, facta est descriptio nominum præfatorum ad diem 6. Augusti, editumque fuit in Urbe*

Urbe A. 1602. typis Stephani Paulini Superiorum permissu Romanum Martyrologium cum prædictorum nominum appositione. Nullum vero istius Martyrologii exemplar in Urbe superfuit, omnibus videlicet in Hispaniam delatis; ita ut, ignorantibus nominum Stephani & Sociorum appositionem in Martyrologio ipsis Postulatoribus, iisdemque, dumungebar munere Fidei Promotoris, instantibus pro eorundem nominum descriptione in Martyrologio Romano, habita a me noticia editionis Martyrologii factæ A. 1602. nec ullo reperto in Urbe ejus exemplari, opus fuerit, unum ab Hispaniis mitti, quo præcedens appositio nominum Stephani, & ducentorum Monachorum comprobaretur.

7 Post hæc, hortante Federico Cardinali Borromæo Archiepiscopo Mediolanensi, Philippus Ferrarius Ordinis Servorum B. Mariæ Virginis catalogum generalem Sanctorum, qui in Martyrologio Romano descripti non sunt, edidit A. 1625. quod Urbano Papæ VIII. dicavit. Sub eodem quoque Pontifice facta fuit recognitio Baronianæ editionis, addita fuerunt nomina Sanctorum subsequenter canonizatorum, & textus fuit multis in locis emendatus ad fidem historię, teste Bartholomæo Gavanto in suo Thesauro sacrorum rituum scilicet. *cap. 21. num. 7.* ubi sic ait: *Recognita fuit editio (scilicet Baroniana) Urbani VIII. jussu, additis Sanctorum festis, qui nuper canonizati sunt, & in primo loco positis iis, quibus datum est Officium de præcepto; tum vero emendatus fuit textus multis in locis juxta veritatem certissimæ historię, me quoque minime omnium Collegarum præsentē, & minus certa interim commissimus temporē decernenda maturius: subjicitque Florentinius, tunc fuisset Sulpitium Severum a Martyrologio Romano expunctum; uti videre est in ejus admonitione undecimā antē ipsum Martyrologium pag. 51.: Non equidem Gregorius XIII. multa laude aliōquin dignus, postremam Ecclesiasticis tabulis emendationem decrevit, sed, quantum potuit, emendatas prodire curavit, nec omnem exhaurire potuit, quam habet Romana Sedes in examinandis Ecclesiasticis libris, auctoritatem: Ita acerrimi judicii Pontifex Urbanus VIII. nostro sæculo demonstravit, qui Sulpitium Severum tam ex ipso Romano Martyrologio, quam ex Brevarii Lectionibus S. Brunonis prodigiosam conversionem expunxit. Eruditus Lucas Holstenius Præfectus Vaticanæ bibliothecæ suis litteris admonuit Franciscum Mariam Florentinum, qui incumberebat in editionem vetustioris Martyrologii Occidentalis Ecclesiæ D. Hieronymo attributi, de quo supra, ut Opus id ederet, putans, eo modo corrigi posse nonnullos errores, qui post correctiones adhuc in Martyrologio nostro Romano extare dicuntur. Litteræ ipsæ præstant in admonitionibus prævis ejusdem Florentinii ad suum Martyrologium pag. 4.; & ipsemet Holstenius nonnulla reliquit Annotata marginalia ad Martyrologium Romanum Em. Card. Baronii (quæ post ejus obitum Romæ edita sunt A. 1663.) in libro cui titulus: *Opuscula tria veterum Auctorum*; & Latinus Latini Viterbiensis in sua *Bibliotheca sacra & profana edita Roma anno 1677.* alias subjecit emendationes, quas fieri posse in examine Martyrologii existimavit. Item pro illustrando*

Tom. IV.

X x x x

Mar.

Martyrologio supra memoratus Philippus Ferrarius *Topographiam in Martyrologium Romanum* edidit, sed mancā atque jejūnā. Quocirca Augustinus Lubin ex Augustiniana familia novam fecit editionem Martyrologii, in qua mappis Geographicis proprio tum calamo, tum scalp̄o exactissime delineatis & sculptis, ob oculos posuit loca in Martyrologio tacta, notisque historicis explicavit locum obitus, & tempus cujuslibet Sancti in Martyrologio descripti, ut quaelibet civitas & locus proprias in tabulis haberet notas Ecclesiasticas. Præterea sub Innocentio XI. A. 1681. editum fuit typis Rev. Cameræ Apostolicæ Martyrologium Romanum ejusdem auctoritate recognitum, & in hanc editionem inserta fuerunt nomina eorum, qui a summis Pontificibus usque ad prædictum Innocentium XI. in Sanctorum numerum relati fuerant. Nostis etiam temporibus Franciscus Maria de Aste Archiepiscopus Hydruntinus supra memoratus Martyrologii Romani intravit editionem quam illustravit notis ut plurimum desumptis ex Continuatoribus Bollandianis. Abbas demum Chastelain Canonicus Honorarius ecclesiæ Parisiensis A. 1709. Parisiis edidit Martyrologium universale continens textum Martyrologii Romani in Gallicum sermonem translātū, una cum pluribus additionibus aliorum Sanctorum. Nec alia desunt Martyrologia particularium Religionum, aut Nationum. Arturi videlicet Sanctorum & Beatorum Ordinis S. Francisci, Saulsaji Sanctorum Gallicæ Nationis, Tamaji Sanctorum Hispanorum, & Ferrarii Sanctorum Italiæ, quæ etiamnum, Auditorum judicio, suis non careant mendis.

8 Hucusque adducta desumpta fuerunt potissimum ex præviis annotationibus Cardinalis Baronii ad Martyrologium Romanum, ex præfationibus Joannis Molani ad Martyrologium Usuardi editum Lovanii A. 1568., ex præfatione ad Martyrologium universale Parisiis editum, de quo supra, ex præviis admonitionibus Florentinii ad antiquum Martyrologium ab ipso editum, ex Pagi tom. 1. ad annal. Card. Baronii, ex responsionibus Papebrochii ad errores ipsi impactos a P. Sebastiano a S. Paulo, & passim ex aliis. Hucusque pariter adducta eximiam Romanorum Pontificum diligentiam ostendunt, ut accurata fieret & omnibus numeris absoluta editio Martyrologii Romani. Cumque, his minime obstantibus, nonnulli contendat, adhuc in Martyrologio Romano errores corrigendos superesse, necessarium esse visum est, de his in præfati habere sermonem.

9 Porro hi sunt in duplici differentia: nonnulli quippe sunt, qui non incuriæ, nec malitiæ Typographorum, sed Compositoribus, & Correctoribus Romani Martyrologii adscribi possunt. Ad diem 25. Januarii fiebat in Martyrologio Romano commemoratio Sanctæ Xynoridis Martyris, facta translatione nominis appellativi ad proprium; Xynoris enim Martyr inducta fuerat ex male intellecta auctoritate S. Joannis Chrysostomi homil. 14. de Lazaro, cum Xynoris apud eum non proprium nomen alicujus, sed par Martyrum indicet, Juventini scilicet & Maximi, qui Antiochiæ passi sunt

sunt sub Juliano. Sed, cum de errore fuerit admonitus Cardinalis Baronius a Petro Pithæo, Nicolao Fabro, & Petro Ducæo, & error quidem ipse correctus fuerit, nulla amplius ejus habenda est ratio, uti etiam admittit Launojus in opusculo *de cura Ecclesiæ pro veneratione Sanctorum art.* 11. Ad diem 31. Julii in eodem Martyrologio fit commemoratio S. Firmi Episcopi Tagastensis: *Tagaste in Africa Sancti Firmi Episcopi gloria Confessionis illustris.* Bollandiani autem *tom. 7. Julii ad dictam diem 31. pag. 120.* hujus nominis appositionem in prædicto Martyrologio improbare videntur: asserunt enim, Cardinalis Baronii auctoritate factam fuisse, cum in nullo alio præcedenti Martyrologio prædictum nomen legeretur. Verum prætermisso, quod Cardinalis Baronius in Martyrologii recognitione paucas fecerit additiones, & quas fecit, auctoritate fecerit summi Pontificis, ut ipse in verbis supra relatis testatur, sanctitatis Firmi testimonium defumitur ex S. Augustino *lib. 1. de mendacio (cap. 13. num. 22. col. 433. tom. 6.)* ubi sic legitur: *Quanto ergo fortius, quanto excellentius dices: Nec prodam, nec mentiar. Fecit hoc Episcopus quidam Tagastensis Ecclesiæ, Firmus nemine, firmior voluntate. Nam, cum ab eo quaereretur homo jussu Imperatoris per Apparitores ab eo missus, quem ad se confugientem diligentia, quanta poterat, occultabat, respondit quærentibus, nec mentiri se posse, nec hominem prodere; passisque tam multa tormenta corporis (nondum enim erant Imperatores Christiani), pertransiit in sententia. Deinde ad Imperatorem ductus, usque adeo mirabilis apparuit, ut ipsi homini, quem servabat, indulgentiam sine ulla difficultate impetraret.* Ad diem 2. Novembris in Martyrologio Romano hæc habentur: *Laodicea in Syria Sancti Theodoti Episcopi, qui non solum verbis, sed rebus & virtutibus fuit ornatus.* Fit etiam ejus commemoratio in Martyrologio edito a Rosveydo, itemque in Martyrologiis Adonis & Uuardi; quorum proinde auctoritate innixi Correctores Romani nomen Theodoti a Romano Martyrologio non expunxerunt. Sed cum eum Ariana labe infectum fuisse plerique contendant, delendum idcirco ejus nomen e sacris tabulis putant: Ita nimirum sentiunt Valesius in *not. ad Eusebium pag. 317.* Florentinius in *not. ad Martyrologium Hieronymi pag. 497. & 948. Pagi ad A. 318. num. 17. & 18. & Continuatores Bollandiani tom. 6. Junii pag. 24. & tom. 7. part. 2. pag. 645.* Idque multo magis faciendum esse existimant, quod ipse Cardinalis Baronius in *annal. ad A. 318. num. 48. & 50. & ad A. 325. num. 40.* aperte demonstrat, Theodotum Arianum fuisse; ut hinc inferri possit, eum a Martyrologio ablatum fuisse Theodoti nomen, si postquam scripsit annales, illius iterum emendandi potestatem a summo Pontifice impetrasset. Verum id quoque cessare dicendum est, cum Episcopus Laodicensis Arii fautor, non Theodotus, sed Theodorus fuerit appellatus, uti censent tres eruditi viri Philippus Labbeus, Gabriel Cossartius, & Harduinus; cumque Theodotus, teste Eusebio in *hist. Eccles. lib. 7. cap. 32.* juxta Valesii interpretationem, mortuus sit, antequam hæresis Ariana prodiret, quæ Constantino Imperante orta est anno circiter 319. vel 320. & ejusdem

eiusdem Theodoti Episcopi Laodicensi, tamquam sanctitate conspicui; mentio habeatur in antiquioribus Martyrologiis; quemadmodum, recensitum errorem refellendo, quod Martyrologio Romano opponebatur; erudite prosequitur Auctor Epistolæ ad Viros Pacificos Antuerpienses Editores Actorum Sanctorum scriptæ die 20. Januarii 1735. *Ad diem 25. Augusti* legitur in Martyrologio, sacrum corpus S. Bartholomæi primo ad Liparam insulam, deinde Beneventum, postremo Romam ad insulam Tiberinam translatum: quæ tamen postrema translatio vehementer impugnetur a Cardinali Vincentio Maria Ursino primum Archiepiscopo Beneventano, deinde ad summum Pontificatum evecto nomine Benedicti XIII. in *dissertatione typis impressa inter Concilia provincialia Beneventana*. Quid vero de hac, & aliis pluribus consimilibus controversiis Martyrologium Romanum respicientibus dicendum sit, nolumus in præsentis iudicium ferre. Illud tantum dicimus, per hæc non minui auctoritatem Martyrologii Romani, opera tot illustrium virorum emendati, uti late ostendit Theophilus Raynaudus in sua *Anagnotæ ad Ecclesiasticam mensam* §. 7. oper. tom. 13. pag. 539. & in tractatu *de martyrio per pestem* cap. 3. num. 4. & seqq. oper. tom. 18. Illud quoque cum Florentinio animadvertimus, etsi aliqua in Martyrologio occurrant correctione digna, non esse cuiusque agere censorem, sed Ecclesiæ iudicium est expectandum. En verba Florentinii in *admonit.* 11. *ad sum. Martyrologium* pag. 51. *Ceterum, etsi aliqua videatur animadversione digna, non cuiusque juris est censuram agere, sed expectandum, quousque, re mature discussa, emendationem, si opus est, Ecclesiæ ipsa decernat.* Insuper monemus, aliud esse Canonizationis iudicium, aliud appositionem nominis in Martyrologio Romano; atque adeo ab errore, qui forte contigerit in Martyrologio Romano, non recte inferri, in iudicio quoque Canonizationis errorem contingere posse, quemadmodum bene argumentatur Christianus Lupus *ad quærent. Concilium Romanum* S. Leonis IX. tom. 4. pag. 268. *edit. Venet. : Canonizatio &c. est definitivum de ratiis Christianitatis disciplina iudicium, in quo Ecclesiam, licet per solum Pontificem iudicaris, hucusque scimus non fuisse circumscriptam, & protegente Deo, speramus, usque ad sæculi finem non circumscribendam. Aliud item est Romanum Martyrologium, aliud falli Canonizationem. Martyrologio etiam olim Canonizati inseruntur; qua in re falli possit & Pontifex, & errorem habere pro veritate.* Postremo asserimus, Apostolicam Sedem non iudicare, inconcussæ esse & certissimæ veritatis quæcumque in Martyrologium Romanum inserta sunt; uti animadvertitur in *cit. dissert. art. 7.* necnon in *animadversionibus super regulas & usum Criticæ* editis a Patre Honorato de S. Maria tom. 2. lib. 1. *dissert. 2. §. 3. in fine.* Quod & optime colligitur ex mutationibus & correctionibus a sancta Sede demandatis. Enimvero, præter supra exposita, scimus, Cardinalem Leandrum Colloredum multa parasse pro nova expurgatione Martyrologii Romani; at morte præreptum opus absolvere & typis edere non potuisse.

10 Nec vero urgent Apostolicæ litteræ Gregorii XIII. Martyrologio Romano præfixæ; in quibus dicitur, emendatum fuisse Romanum Martyrologium, idque esse legendum in Choro, nec aliud ulla in re minutum, auctum, aut mutatum esse edendum. Ex hoc etenim recte non inferitur, omnes & singulos errores fuisse a Martyrologio sublato; nec viris in Ecclesiastica historia peritis prohibitum dici potest confugere ad sanctam Sedem, si novæ correctionis fundamenta suppetant: quod ex ipsa colligitur sanctæ Sedis disciplina, quæ etiam post litteras Apostolicas supra memoratas Gregorii XIII. novas Martyrologii correctiones demandavit & admisit. Exemplum habemus in Decreto Gratiani. Aliæ scilicet præcesserant sacrorum canonum collectiones; sed, cum Gratianus edidisset suam, & Eugenio Papæ III. obtulisset, ea nedum facta est Interpretes, vulgo *Glossatores*, uti animadvertit Justus Fontaninus Archiepiscopus Ancyranus in *prefat. ad Decretum Gratiani coordinatum a Card. Joanne a Turrecremata num. 5.* verum etiam, contemptis quodammodo præcedentibus collectionibus, sola in usu esse coepit, ut est ibidem *num. 6. & seqq.* & ut adnotarunt S. Antonius 3. *part. suarum historiarum tit. 18. cap. 6:* & Cardinalis Bellarminus de *Scriptoribus Ecclesiasticis*, ubi loquitur de *Gratiano*. Si fides præstanda esset Trithemio, dicendum etiam esset, Gratiani opus fuisse ab Eugenio III. approbatum: sed, cum sere post quatuor sæcula ab obitu Gratiani Trithemius scripserit, nemo non videt, Eugenianam approbationem ejus dicto stare non posse, teste Florente in *prefat. methodi, & de auctoritate collectionis Gratiani pag. 44.* Tractu temporis animadversum fuit, opus Gratiani mendis scatere, atque adeo Antonius Demochares, & Antonius Contius ejus emendationem aggressi sunt. Celeberrimus subinde Antonius Augustinus suos edidit libros de *emendatione Gratiani*, de qua re etiam scribere inceperat Didacus Covaruvias; qui, post animadversos & restitutos sere trecentum locos, supersedendum duxit, ut audivit, Antonium Augustinum Romæ eidem negotio operam impendisse, & prope ad umbilicum pervenisse; sivei refert idem Didacus *lib. 4. variar. resolut. cap. 11.* His itaque excitati Romani Pontifices necessarium esse putarunt, manum admoveere correctioni operis Gratiani; electisque viris, qui tanta in re laborarent, opus, quod coeptum erat sub Pio IV. & progressum habuerat sub S. Pio V., absolutum tandem fuit, & typis editum sub Gregorio XIII. Eorum nomina; qui summorum Pontificum jussu in correctionem Gratiani incubuerunt, relata sunt in *cit. prefat.* Archiepiscopi Ancyranum *num. 8.* Quid autem ab eis prælitum sit, quotque labores ab eis fuerint exantlati, desumitur ex eorum præfatione præfixa novæ editioni Gratiani. Testatur quoque Wanspen Doctor Lovaniensis in *schol. ad Concilia pars. 6. cap. 2. §. 2.* nonnulla ab Universitate Lovaniensi ad Urbem missa fuisse monumenta, quibus Correctores Romani usi sunt; & Cardinalis de Aguirre *tom. 4. Concilior. Hispan. pag. 646.* epistolam exhibet Antonii Augustini, ex qua pariter colligitur missio monumentorum ab Hispaniis ad Urbem. Præfixæ denique sunt Decreto

creto Gratiani emendato Apostolicæ litteræ Gregorii XIII. quibus testatur, libros juris Canonici, & ideo Decretum Gratiani; fuisse suo mandato recognitos, correctos & expurgatos; nec quidquam iis addendum, detrahendum de iis, in iisve commutandum, aut invertendum, sancitis poenis adversus eos, qui non parerent. Attamen cum, his minime refragantibus, docti viri multa adhuc post Gregorianam correctionem emendanda censeant in opere Gratiani, uti videri potest apud Donjatium in *prenotion. canon. lib. 4. cap. 13. num. 3.* apud Schellstrat in *Antiquit. illustrat. diff. 2. cap. 13. num. 238.* apud Cardinalem Bellarminum de *Scriptor. Ecclesiast.* ne quid dicam de fratribus Pithoeis, qui universum opus diligentissime ad ipsos usque apices expendentes singula loca recognoverunt, & primigeniis Auctoribus restituere conati sunt; poterit unumquisque facili negotio deprehendere, præcedentes operis correctiones Pontificia auctoritate vallas jure suo non obfistere ulteriori correctioni, ejusdem sanctæ Sedis judicio debito cum obsequio submittebdæ. Quocirca postquam Florentinus meminit correctionis Martyrologii factæ sub Urbano VIII. asseruitque, tunc e Martyrologio fuisse deletum nomen Sulpitii Severi, in *admonit. 11. pag. 51.* ita concludit, sicuti non multo ante vidimus: *Non equidem Gregorius XIII. multa laude aliquin dignus, postremam Ecclesiasticis tabulis emendationem decrevit, sed, quantum potuit, emendatas prodire curavit, nec omnem exhaurire potuit, quam habet Romana Sedes in examinandis Ecclesiasticis libris, auctoritatem.* Ita accervimus iudicii Pontificis Urbani VIII. nostro seculo demonstravit, qui Sulpitium Severum iam ex ipso Romano Martyrologio, quam ex Brevarii lectionibus Sancti Bruonis prodigiosam conversionem exponebat.

11 Pro hujus capitis complemento nihil aliud remanet, quam ut aliquid indicemus de erroribus, qui in Romanum Martyrologium irreperunt post correctionem incuria, aut malitia Typographorum; quibus jam sacrorum rituum Congregatio suberrimis Decretis obstitit. In nonnullis Martyrologiis Romanis Beata Agnes de Monte Policiano, antequam inter Sanctas solemnî ritu relata fuisset, descripta fuit cum nomine Sanctæ: *In Monte Policiano Sancta Agnes Virginis miraculis clara*; ideoque in Martyrologio typis impresso A. 1674. ad diem 20. Aprilis Agnes ipsa descripta postea fuit cum nomine Beatæ: *In Monte Policiano Beata Agnes Virginis Ordinis Sancti Dominici miraculis clara*. Rursus in quibusdam Martyrologiis pro diebus translationis festi SS. Joannis de Matha, & Felicis de Valois ad diem 8. Februarii & ad diem 20. Novembris apposita fuerant privata auctoritate nonnulla verba, quibus iidem describebantur tamquam ex primis Fundatoribus Ordinis S. Mariæ de Mercede Redemptionis Captivorum: quod cum repugnet historiæ alibi expositæ, opus fuit, ut re delata ad sacrorum rituum Congregationem, deleteretur: *Sac. rituum Congregatio ad instantiam R. P. Magistris Fratris Ferdinandi de Carvajal & Ribera Procuratoris Generalis ac Vicarii Ordinis Beate Mariæ de Mercede Redemptionis Captivorum præcepit, ut deleantur verba illa apposita in Martyrologiis Romanis impressis Venetiis*

anno

anno 1683. apud Guerigios, & Bononia in presenti anno 1685. sumptibus Petronii de Ruinetti, in quibus pro diebus translationis festi Sanctorum Joannis de Matha, & Felicis de Valois leguntur verba illa tenoris sequentis: „ Die 8. Februarii Sancti Joannis de Matha Confessoris, qui fuit unus de primis Fundatoribus Ordinis Sancte Marie de Mercede Redemptionis Captivorum; & die 20. Novembris Sancti Felicis de Valois Confessoris, qui fuit unus de primis Fundatoribus Ordinis Sancte Marie de Mercede Redemptionis Captivorum. Ac insuper eadem sacra Congregatio mandavit, ut in posterum Librarii non possint vendere Martyrologia Romana, nisi correctâ. Et ita decrevit & servari jussit, die 10. Februarii 1685. Verba nimirum, quæ deleri mandatum est, desumpta fuerant ex Lubiano Zappata, de quo egimus lib. 1. hujus Operis cap. 41. §. 6. ut ostendit Damianus Stephanus in synbolo Conceptionis Beatae Mariæ lib. 5. appendic. §. 5. Ad rem facit etiam aliud decretum ejusdem sacrae Congregationis in causa tunc Beati, nunc Sancti Felicis a Cantalicio, quod est hujusmodi:

Cum in nonnullis exemplaribus Martyrologii in Urbe usque de anno 1630. impressi, juxta decretum sacrorum rituum Congregationis sub die 23. Martii ejusdem anni 1630. editum, compertum fuerit, inibi reperiri expressum Elogium Beati Felicis a Cantalicio approbatum, tenoris videlicet: „ Die 13. Maji, Roma Beati Felicis Confessoris Ordinis Minorum Capuccinorum Sancti Francisci, qui apud eandem Urbem mira humilitate, & maxima totius populi adificatione, quadraginta annos ostium pro alendis Fratribus mendicavit, tandem virtutibus & miraculis clarus ibidem obdormivit in Domino. In aliis vero Martyrologiis recentioribus prædictum Elogium falsum ob Typographorum incuriam non videatur impressum; cumque Procurator Cause Canonizationis ejusdem Beati humiliter supplicavit sacrorum rituum Congregationi, ut dignarentur Eminentiissimi Patres eidem præpositi mandare, ut in proxima impressione, & in posterum præfatum Elogium in Martyrologio imprimendo, prout supra jacet, apponatur; ipsa sacra Congregatio, verificatis narratis, omnibusque perpensis, referente Eminentiissimo & Reverendissimo Domino Cardinali Colloredo pro Eminentiissimo de Alseris, gratiam petitam concedendam esse, censuit, si Sanctissimo Domino nostro placuerit: Die 15. Decembris 1691.

Er, facta de prædictis Sanctissimo Domino nostro Innocentio Papa XII. per me Secretarium relatione, Sanctitas Sua annuit, & publicari mandavit, quibuscumque non obstantibus: Die 12. Januarii 1692.

12 At, priusquam huic capiti finem imponamus, lectorem monitum volumus de nupera Martyrologii Romani editione, quæ typis Vaticanis nostra accedente auctoritate, anno proxime elapso completa est. Quæ causa, quæ occasione, qua Sanctorum accessione id perfectum sit, facile percipi potest ex litteris nostris carissimo in Christo Filio Joanni V. Portugalliae, & Algarbiorum Regi fidelissimo directis, quæ in laudata Martyrologii editione primum locum occupant; eadem vero non solum in separato volumine recusæ sunt, sed in secundo etiam tomo Bullarii nostri propediem vulgando Constit. 54. pag. 431. insertæ reperiuntur. CA.

CAPUT XVIII.

De Nominum Descriptione in Romano Martyrologio.

I. **P**ost editionem Martyrologii Romani factam tempore Gregorii XIII., Sixti V., & Urbani VIII. addita fuerunt, & frequenter adduntur nomina Martyrologio: additionis quippe & mutationis prohibitio, quæ fit in litteris Apostolicis Gregorii XIII. locum tantum habet in additionibus & mutationibus quæ fiunt auctoritate privata, sed non in illis quæ fiunt intercedente Sedis Apostolicæ auctoritate. Cumque & causarum Postulatoribus fiant subinde sacrorum rituum ordinariæ Congregationi supplicationes & instantiæ pro descriptione alicujus nominis in Martyrologio; ab eadem Congregatione edita sunt nonnulla Decreta pro admittendis, vel rejiciendis hujusmodi petitionibus.

2 Primum Decretum editum fuit die 30. Julii 1616. Cum Illustrissimus & Reverendissimus Dominus Cardinalis Bellarminus in sacrorum rituum Congregatione proposuerit, nonnullos Impressores librorum cupere de novo Martyrologium Romanum imprimere, & in eo addere Sanctos illos & Beatos, qui post ultimam editionem seu impressionem dicti Martyrologii fuerunt canonizati, seu declarati Beati; eadem sacra rituum Congregatio juxta mentem & ordinem Sanctissimi Domini nostri Papa respondit, in Martyrologio Romano de novo imprimendo addendos esse Sanctos illos tantum, qui fuerunt canonizati, non autem qui declarati fuerunt Beati post ultimam impressionem dicti Martyrologii Romani: & ita censuit & declaravit.

3 Confimile est aliud Decretum ejusdem sacræ Congregationis editum die 31. Augusti 1680. occasione disputationis in eadem sacra Congregatione excitatæ, an descriptio nominis significaret cultum, & cultus extensionem, super qua disputatione scripsit Archiepiscopus Myrensis Fidei Promotor, juxta ea quæ infra dicentur. En Decretum ipsum: Cum bene memorie Cardinalis Bellarminus in Congregatione sacrorum rituum habita die 30. Julii 1616. proposuerit, nonnullos Impressores librorum cupere de novo Martyrologium Romanum imprimere, & in eo addere Sanctos illos & Beatos, qui post ultimam editionem seu impressionem dicti Martyrologii fuerunt canonizati, seu declarati Beati; & eadem sacra Congregatio declaraverit juxta mentem & ordinationem Sanctissimi Domini nostri Papa, in Martyrologio Romano de novo imprimendo addendos esse Sanctos illos tantum, qui fuerunt canonizati, non autem qui fuerunt declarati Beati post ultimam impressionem dicti Martyrologii: nunc vero eadem sacra rituum Congregatio jussit, ut servetur in posterum prædictum Decretum de non apponendis in Martyrologio Romano nisi Sanctis canonizatis; & ita decrevit & servari mandavit.

4 Hæc utique Decreta sunt regula & norma, ex qua sacrorum rituum Congregatio procedit in admittendis, seu rejiciendis petitionibus, quæ fiunt

sunt pro nominibus describendis in Martyrologio Romano. Quia vero in Martyrologio Romano nomina describuntur cum aliquo brevi Elogio, methodus sacre Congregationis est, ut audito tam scriptis quam voce Fidei Promotore, Dubium proponatur. *An nomen sit describendum in Martyrologio Romano*; tum, quatenus affirmans prodeat resolutio, ut alicui sacre Congregationis Cardinali committatur Elogii compositio, cujus relatio deinde sit ab ipso in sacra Congregatione, ut approbetur; approbationem autem Congregationis subsequi debet Summi Pontificis confirmatio: & hanc quidem methodum sacrorum rituum Congregatio retinuit in descriptione nominum in Martyrologio Romano Beati Petri Armengaudii, SS. Petri Nolasci, & Raymundi Nonnati, SS. Joannis de Matha & Felicis de Valois, S. Gertrudis, S. Bernardi de Montone, & dum munere fungebatur Fidei Promotoris, tunc Beatæ nunc Sanctæ Margaritæ de Cortona, & S. Froilani. Hæc porro est differentia inter Sanctos, de quorum Canonizatione non disputatur, & Sanctos, quorum Canonizatio est probanda; quod in secundo casu prius disputatur, an sit nomen describendum in Martyrologio Romano, deinde quali Elogio sit describendum; at in primo casu, uno eodemque contextu agitur de descriptione, quæ ex infra dicendis negari non potest), & de Elogio, quo fieri debet descriptio. Et ita sane factum fuit, dum munere fungebatur Fidei Promotoris, in descriptione nominis in Martyrologio Romano S. Joannis de Deo, uti colligitur ex Rescripto edito die 14. Decembris 1715. & in descriptione nominis in eodem Martyrologio S. Pii V. uti desumitur ex hoc Decreto: *Cum sacrorum rituum Congregatio die 28. Januarii 1713. Eminentissimo & Reverendissimo Domino Cardinali Sancti Clementis instantiam R. P. Generalis Ordinis Prædicatorum pro Elogio Sancti Pii V. in Martyrologio apponendo in nonnullis que verbis in lectionibus secunde Nocturni apponendis remisisset idemque Eminentissimus & Reverendissimus Dominus Cardinalis sequens Elogium pro Martyrologio, videlicet, „ Roma Sancti Pii Papa V. ex Ordine Prædicatorum, qui Ecclesiastica disciplina restituenda, Haresibus extinguendis, & Christiani nominis hostibus conterendis strenue ac feliciter incumbens, vite ac legum sanctitate Catholicam Ecclesiam gubernavit, necnon pro tertii lectione secunde Nocturni post illa verba, multis a Deo ejus intercessionem patetatis miraculis, infra scripta, nempe, „ Quibus rite probatis, a Clemente XI. Pontifice Maximo Sanctorum numero adscriptus est, „ a se diligenter revisoribus eadem sacrorum rituum Congregatio pro approbatione retulerit; eadem sacra Congregatio tum Elogium, tum verba prædicta approbavit, & in Martyrologio & lectionibus apponi, imprimique posse concessit, si Sanctissimo placuerit: die 1. Julii 1713. Et, facta deinde per me infra scriptum Prosecretarium Sanctissimi Domini nostri de prædictis relatione, Sanctissimæ suæ benigne annuie: die 8. ejusdem mensis Julii, & anni 1713. LIBER SEPTIMUS*

5 Supra relata decreta anni 1616. & anni 1680. ex se clara profecto sunt, nec ulla explicatione indigere videntur: attamen, quia nihil ita clarum esse potest, ut propter varios eventus & propter ingeniorum dispu-

tantum varietatem excludat quamcumque dubitationem, factum est, ut in præsentis opus sit aliqua addere quoad eorum intelligentiam & explanationem.

6 Ad præscripta itaque aliorum decretorum describenda sunt in Martyrologio Romano nomina Canonizatorum, idque, siue loquamur de illis qui post editionem Martyrologii a summo Pontifice subinde referuntur in album Sanctorum, siue loquamur de aliis qui aliquo ex modis ab Ecclesia approbati fuerunt canonizati, & quorum nomina nondum fuerunt apposta in Martyrologio ipso Romano.

7 Quod autem in Martyrologio Romano describenda sint nomina illorum, qui post editionem Martyrologii subinde a summo Pontifice referuntur in album Sanctorum, patet ex quotidiana disciplina & exemplis (ut cetera prætereantur). supra relatis Sanctorum Joannis de Deo, & Pii V. Quod pariter in Martyrologio Romano describenda sint nomina illorum, qui aliquo ex modis ab Ecclesia approbati fuerunt canonizati, licet eorum nomina nunquam antea descripta fuerint in prædicto Martyrologio, probatur, tum quia pro his eadem prorsus militant rationes, quæ militant pro aliis, qui subinde a summis Pontificibus referuntur in album Sanctorum; tum quia non desunt exempla idem comprobantia. Descriptum quippe fuit in Martyrologio Romano nomen S. Leonis III. quod in editionibus tempore Gregorii & Sixti fuerat omissum, ut habetur ex decreto Congregationis sacrorum rituum apud Bollandianos ad diem 12. Junii tom. 1. Sancti etiam Ptolemæus, & Romanus Episcopus Nepestinus, Ptolemæus videlicet discipulus S. Petri, & Romanus discipulus S. Ptolemæi, qui Martyres occubuerunt, juxta ea quæ habentur apud Cardinalem Baronium ad A. 261. num. 48. fuerunt anno solum 1672. descripti in Martyrologio Romano: *Sacra rituum Congregatio humillimis precibus populi & civitatis Nepestinæ exposita per Eminentissimum Dominum Cardinalem Spinniam ejusdem civitatis Episcopum benigne annuit, ut describi possit in Martyrologio Romano festum Sanctorum Ptolemæi & Romani, ac in civitate Nepestina & dioecesi celebrari possit eorum festivitas cum Officiis & lectionibus propriis approbandis ab Eminentissimo Cardinali Bona: hac die 24. Maji 1672. Anno quoque 1691. ad diem 30. Augusti, annuente Innocentio XII. descriptum fuit nomen S. Petri Confessoris Eremitæ nuncupati in Martyrologio Romano: nam in decreto Congregationis habentur hæc verba: *De cuius Canonizatione authentica exhibita fuerunt documenta; inter, cetera enim exhibita fuit bulla Alexandri Papæ VI. data sub plumbo 13. calendas Septembris 1502. in qua concessa est Indulgentia omnibus & singulis Christianis fidelibus, qui visitassent ejusdem S. Petri Capellam die penultima Augusti, & die prima Octobris, quibus celebrabantur festa Canonizationis & Translationis ipsius, mentione videlicet facta Canonizationis assertive (ut dicitur) non enumerative, nec ad alicujus petitionem, quemadmodum advertit Archiepiscopus Myrensis Fidei Promotor in suis animadversionibus. Anno denique**

1696. re-

1696. referente Cardinali Colloredo, concessum fuit, ut in Martyrologio Romano ad diem 8. Februarii describeretur nomen S. Stephani Abbatis Ordinis Grandimontensis Institutoris; & vero in decernenda hujusmodi descriptione, cum a Postulatoribus exhibita fuisset bulla Clementis III. missa ab Abbate Grandimontensi de S. Stephani Canonizatione, quæ bulla respondebat exemplo, seu (ut vulgo ajunt) copia typis impressæ apud Bollandianos ad diem 8. Februarii, sacra Congregatio jussit, ut bulla ipsa autographa mitteretur, quæ cum fuisset exactissime recognita in Urbe, & collata cum aliis ejusdem Pontificis repertis in secreto archivo Vaticano, sacra tandem eadem Congregatio annuit petitis, uti colligitur ex animadversionibus tunc exaratis a nuper laudato Archiepiscopo Myrensi Fidei Promotore, in quibus sic legitur: *Postquam sub die 10. Julii proxima facta fuit hac instantia, & injunctum mihi, ut insinuarem id quod crederem animadversione dignum, dixi, quod respectu descriptionis in Martyrologio Romano difficultas consistere poterat in eo, quod non exhibebatur authentica & concludens justificatio Canonizationis hujus Sancti, solumque datum fuerat exemplar bullæ Clementis III. editæ 12. calendas Aprilis anno 1189. correspondens copia impressa penes Bollandianos, quod exemplar transmissum fuerat a Præposito Generali Ordinis Grandimontensis cum assertione, quod originale asservatur in tabulario præfati Ordinis &c. Reproposita itaque instantia die 4. Septembris proximi, & exhibita ab Eminentiſſimo Cardinali Janſenio Relatore bulla originali in charta pecudina sub plumbo, emanavit Rescriptum: Recognoscatur bulla &c. In executionem igitur hujus Rescripti facta fuit exactissima recognitio bullæ, illam conferendo cum aliis dicti Pontificis repertis pari modo in charta pecudina in archivo secreto Vaticano &c. Cum itaque fuerit ad amissum adimpletum Rescriptum sacra Congregationis, nulla superesse videtur difficultas circa petitam descriptionem in Martyrologio Romano, dum in enunciato Decreto sub die 30. Julii 1616. approbato a felicis recordationis Paulo V. expresse declaratur, in Martyrologio de novo imprimendo addendos esse Sanctos illos, qui fuerunt canonizati, & hujusmodi Decretum renovatum fuit 31. Augusti 1680.*

8 Alia accedunt exempla. In primo hujus Operis libro facta est mentio Canonizationis Beati Eneconis factæ ab Alexandro II. Ejus nomen nunquam fuerat in Martyrologio Romano descriptum; sed anno 1736. exhibita summo Pontifici Clementi XII. nomine Regis Catholici supplicatione pro ejus descriptione in Martyrologio Romano, mandatum est, ut nomen in eo describeretur. En verba decreti:

724 DE SERVORUM DEI BEATIFICATIONE

nis; & 8. Julii 1680. indultum fuit, ut nomen tunc Beati, nunc Sancti Turribii Archiepiscopi Limani in Martyrologio Romano apponeretur: Sacra rituum Congregatio, supplicante Joanne Francisco de Valiadolid Postulatore in causa Canonizationis Beati Turribii Archiepiscopi Limani, censuit, prefatum Beatum posse apponi & describi in Martyrologio Romano; cum verbis tamen per Eminentissimum & Reverendissimum Dominum Cardinalem Casanate approbandis, si Sanctissimo Domino nostro placnerit: die 22. Junii 1680. Et, facto de predictis verbo cum Sanctissimo, Sanctitas sua annuit: die 6. Julii 1680. & in sequenti Congregatione habita præfata die 8. Julii facta fuit approbatio Elogii. Denique, ut cetera prætereantur exempla, die 3. Martii 1731. concessum fuit, ut in Martyrologio Romano nomen describeretur Vincentii a Paulo, tunc Beati, & postmodum relati in album Sanctorum: Parisiis Beati Vincentii a Paulo Sacerdotis & Fundatoris Congregationis Missionis, & Puellarum Caritatis, viri Apostolici, & pauperum patris; & die 21. Januarii anni 1733. indultum est, ut in Martyrologio Romano describeretur nomen tunc Beati Fidelis a Sigmaringa, cujus Elogii approbata verba sunt: *Serviss in Rhætia Beati Fidelis a Sigmaringa Ordinis Minorum Capuccinorum, qui illuc ad prædicandam Catholicam Fidem missus, ab Hæreticis interemptus martyrium consummavit.*

10. Hucusque adducta plene demonstrant, jure suo nomina Beatificationum non esse in Martyrologio Romano describenda, sed intercedere debere specialem concessionem sacræ Congregationis a summo Pontifice confirmandam, etiamsi agatur de Beato Beatificatione formali, prævia discussione virtutum, aut martyrii, necnon miraculorum; cum nonnulla ex supra relatis exemplis, in quibus negata est descriptio in Martyrologio Romano, sint Beatorum Beatificatione formali; item alia, in quibus ex gratia speciali concessa est descriptio in Martyrologio, sint quoque Beatorum Beatificatione formali. Si qua ergo superest difficultas, consistit in examinando, an jure suo describi possint in Martyrologio nomina illorum, qui sunt in possessione cultus immemorabilis, & multo magis, si ab immemorabili tempore fuerint Sancti appellati, atque in eorum honorem fuerit vel ab immemorabili tempore, vel ex Apostolica concessionem Missa celebrata & recitatum Officium sive cum lectionibus de Communi, sive cum lectionibus particularibus & propriis. De his quippe loquendo, nonnulli sentiunt, eos non esse comprehensos citatis Decretis; tum quia nihil ipsis deest de eo, quod attinet ad Canonisationem; tum quia nunquam dici possunt declarati Beati post ultimas editiones Martyrologii Romani; tum etiam quia, si habent cultum Officii & Missæ, qui est major cultus descriptionis nominis in Martyrologio Romano, eis de jure nominis descriptio in eodem Martyrologio competere posse videtur; uti, hæc & similia asserendo, late prosequuntur Pignatellus *consult. 33. tom. 4.* & Fatinnellus in suo *Responsio 111. cum duobus sequentibus.*

11. At, ne ambigue procedamus, distinguendum esse crederem casum a casu. Aut enim agitur de illis, qui ante Decretalem in cap. *Audivimus, de Reliq. & venerat. Sanctor.* coli coeperunt in Ecclesia universalis non tam lege aliqua, quam consuetudine, consensu summorum Pontificum saltem tacito approbata, necnon de illis, qui ante pariter prædictam Decretalem coli coeperunt in certis provinciis ex Decreto particularium Episcoporum, & quorum cultus extensus fuit ad universalem Ecclesiam non tam lege aliqua summi Pontificis, qui solus potest toti Ecclesie leges dare, quam consuetudine ubique recepta, & ab ipso Pontifice consensu saltem tacito approbata, ut in primo libro dictum fuit & probatum, signanter ex doctrina Cardinalis Bellarmini, cui addi possunt erudite & luculenter adducta a Josepho Antonio Saxio, viro sane gravi in *differt. apologetica de corporibus SS. Protasii, & Gervasii* num. 122. & quoad illos, qui sunt in hac possessione cultus immemorabilis, nulla est difficultas, quominus, *verificatis verificandis* in factorum rituum Congregatione, eorum nomina describenda sint jure suo in Martyrologio Romano. Hi etenim sunt vere & proprie Canonizati; & in Martyrologio quidem ipso non solum describi debent nomina eorum, qui subinde a summis Pontificibus canonizantur, sed etiam aliorum, quorum nomina non fuerint in eodem Martyrologio descripta, quamvis fuerint canonizati aliquo ex modis ab Ecclesia approbatis.

12. Aut agitur de illis, qui sunt quidem in possessione cultus immemorabilis, sed tantum post tempora memoratæ Decretalis, & quorum cultus immemorabilis fuit in factorum rituum Congregatione discussus & approbatus; & hi quidem, licet appellentur *Sancti*, & licet in eorum honorem fuerit vel ab immemorabili tempore, vel ex concessione Apostolica, Missa celebrata, & recitatum Officium sive cum lectionibus de Communi, sive cum lectionibus propriis, non sunt describendi in Martyrologio Romano, nisi ex specialibus circumstantiis id ipsis a factorum rituum Congregatione indulgetur.

13. Dictum est autem, non esse eos describendos in Martyrologio Romano, primo quia, re vera Canonizati dici non possunt aliquo ex modis ab Ecclesia approbatis; secundo, quia Beatificati ad summum dici possunt quadam *equipollenti* Beatificatione, juxta ea quæ alibi dicta sunt. Enimvero, si Postulatores, post concessam a sacra Congregatione approbationem cultus immemorabilis dictorum Servorum Dei, seu Beatorum, causas eorundem prosequi velint, eosque ad Canonizationem perducere, debent probare tum virtutes, quatenus antea non fuerint discussæ & approbatæ, tum miracula. Tertio, quia, cum Beatificati Beatificatione formali post ultimas editiones Martyrologii non describantur in Martyrologio Romano, incongruum profecto esset, si describerentur nomina illorum, qui fuerunt beatificati Beatificatione *equipollenti*, hoc est per cultum immemorabilem. Quarto, quia ex concessione Officii & Missæ non

se non potest jure inferri descriptio nominis in Martyrologio Romano; concessio quippe Officii & Missæ pro certis definitisque locis non est cultus extensus ad Ecclesiam universalem, prout est cultus, qui causam habet a descriptione nominis in Martyrologio Romano; quatenus tamen descriptio nominis in Martyrologio Romano cultum significet. Quinto tandem, quia plures adsunt, quorum cultus immemorabilis fuit approbatus, & quibus facta fuit concessio Officii & Missæ, absque eo quod eorum nomina fuerint descripta in Martyrologio Romano, uti patebit unicuique perlegenti eorum seriem, quorum cultus immemorabilis fuit approbatus, quique alibi fuerunt singulatim relati. Et quidem facit ad rem præsentem, quod, dum munere fungebar Fidei Promotoris, bis propofita fuit in sacrorum rituum Congregatione instantia pro obtinenda descriptione nominis in Martyrologio Romano cujusdam Beatæ, cujus cultus immemorabilis fuerat approbatus, & in cujus honorem jam facta fuerat concessio Officii & Missæ cum lectionibus propriis, & instantia quidem ipsa bis pariter rejecta fuit, id est tum die 13. Julii 1709. tum die 11. Julii 1716. Id autem, quod dictum est quoad eos, quorum cultus immemorabilis fuit discussus & approbatus in sacrorum rituum Congregatione, multo magis sibi vindicat locum in aliis, qui post Decretalem in cap. *Audiremus* sunt in notoria possessione cultus immemorabilis, qui tamen cultus non fuit discussus & approbatus in Congregatione sacrorum rituum.

14. Dictum est etiam, horum nomina non esse describenda in Martyrologio Romano, nisi ex specialibus circumstantiis sacrorum rituum Congregatio, annuente summo Pontifice, censeat, id ipsis esse indulgendum; non solum quia prohibitio, ne additiones fiant Martyrologio Romano, procedit in additionibus, quæ sunt auctoritate privata, & Decretum de non describendis in Martyrologio nisi Sanctis canonizatis loquitur de jure, ideoque non excludit rationabile consilium a sacra Congregatione summo Pontifici præstandum de aliquo in Martyrologio Romano describendo, qui sit in possessione cultus immemorabilis, quemadmodum advertit Castellinus de *certitud. glor. Sanctor. cap. 9. considerat. 4. pag. 462. num. 10. & num. 11.* sed etiam quia habemus exempla tum eorum, quorum cultus immemorabilis fuit in sacra Congregatione discussus & approbatus, tum aliorum, quorum cultus immemorabilis discussus & approbatus in sacra Congregatione non est, quorum tamen nomina ex specialibus circumstantiis fuerunt in Martyrologio Romano descripta.

15. Ad primam classem pertinent exempla Beatorum Bernardi Ptolemæi, Ferdinandi III. Regis Castellæ, Ludovicæ Albertonæ, Petri Armengaudii, & Petri Palchasi, juxta Decreta quoad hos duos postremos typis impressa in Bullario Ordinis Beatæ Mariæ de Mercede pag. 362. & seqq. & pag. 409. tum etiam Beatæ Zitiæ, de qua cum enixe peteretur, ut ejus

ut ejus nomen describeretur in Martyrologio Romano cum titulo Sanctæ, sacra Congregatio respondit, *Supplicandum Sanctissimo pro descriptione in Martyrologio cum titulo Beatæ, & Sanctissimum Decretum approbavit*: item Margaritæ de Cortona tunc Beatæ, nunc Sanctæ; referente enim Cardinali Casino die 11. Maji 1718. sacra Congregatio annuit petitioni descriptionis ejus nominis in Martyrologio Romano, sed cum titulo Beatæ: Beati Alexii de Falconeriis, & Julianæ pariter de Falconeriis, tunc Beatæ, & postmodum solemniter canonizatæ, uti colligitur ex Decreto edito die 7. Augusti 1728. Beatorum Bonfilii, Amidei, Softenei, Uguccionis, Manetti, Bonajunctæ Fundatorum Ordinis Servorum Beatæ Mariæ, uti comprobatur ex Decreto edito die 7. Septembris ejusdem anni 1728. Beatæ Mariæ de Cervellone, seu de Subsidio ex Ordine Beatæ Mariæ Virginis de Mercede Redemptionis Captivorum, uti colligitur ex Decreto edito die 8. Novembris 1729.

16 Ad secundam classem pertinent exempla Simeonis innocentis pueri a Judæis in odium Fidei interempti, cujus nomen ex mandato Gregorii XIII. descriptum fuit in Martyrologio Romano, quemadmodum referunt Bollandiani *ad diem 24. Martii*; S. Silvestri Guzzolini Fundatoris Ordinis Monachorum Silvestrinorum in Martyrologio Romano descripti jussu Clementis VIII. prævio consilio Congregationis sacrorum rituum, sicuti testatur summus Pontifex Paulus V. in sua *Constit. 5. §. 1. Bullarii tom. 4.* Beatorum Petri Cardinalis cognomento Ignei, Atthonis Episcopi Ordinis Vallisumbrosæ, & Veridianæ Virginis ejusdem Ordinis, juxta Decreta edita die 3. Decembris 1672. & 21. Januarii 1673. Sanctæ Gertrudis Virginis, quæ dicitur, *La Magna*, juxta Decretum editum die 21. Januarii 1679. S. Bernardi a Montone juxta Decretum editum die 20. Septembris 1681. S. Froilani Episcopi Legionensis juxta Decretum editum die 15. Februarii 1716. SS. Martyrum Stephani Abbatis, & ducentorum Monachorum S. Petri de Cardegnæ, quorum nomina jam fuerant in Martyrologio Romano descripta ad relationem Cardinalis Baronii, sed ex ineuria Typographorum in subsequenti Martyrologii editionibus omissa; die etenim 15. Julii 1724. dumungebar munere Fidei Promotoris, consideratis omnibus considerandis mandatum est, ut fieret reintegratio, ideoque eadem nomina in Martyrologiis deinceps edendis describerentur; S. Flavii Clementis Viri Consularis & Martyris a Domitiano Imperatore pro Christi Fide interempti, cujus corpus in basilica S. Clementis ex alibi relatis inventum est; & S. Dominici de Sillos Abbatis Ordinis S. Benedicti, miraculis, in captivorum liberatione celeberrimi, uti colligitur ex Decretis 10. Decembris 1729. & 9. Maji 1733. & demum S. Petri Urseoli, ex Decreto edito die 15. Decembris 1733. & a san. mem. Clemente Papa XII. confirmato die 11. ejusdem mensis, & eodem anno. Hic porro Sanctissimus Pontifex paulo post, prævio consilio Congregationis sacrorum rituum, ob nimiam frequentiam

728 DE SERVORUM DEI BEATIFICATIONE

petitionum pro describendis in Martyrologio Romano nominibus Beatorum ita decrevit: Cum alias sacrarum rituum Congregatio die 30. Julii 1616. annuente sanctæ memoriæ Paulo V. statuerit, in posterum non esse amplius apponendos in Martyrologio Romano Beatos quoscumque, sed solum Sanctos canonizatos, idemque Decretum a sacra eadem Congregatione sub die 31. Augusti 1680. fuerit denuo renovatum, & a sanctæ memoriæ Innocentio XI. confirmatum; nunc ad præoccupandas instantias, quæ sepe fieri solent pro prædictis Beatis, eadem sacra Congregatio præsentis Decreto suo mandas & præcipit, supra memorata Decreta omnino in posterum esse exequenda, ac in Martyrologio Romano non nisi Sanctos tantum canonizatos describi posse & apponi debere, si Sanctissimo Domino nostro Clementi XII. relatione, Sanctitas sua Decretum istud sacre Congregationis confirmavit & approbavit, atque in posterum inviolabiliter servari jussit: die 6. Martii ejusdem anni 1734.

C A P U T XIX.

De Elogiis, quæ in Martyrologio Romano nominibus Sanctorum in eo descriptis adduntur, & de nonnullis Decretis sacre Congregationis ad idem Martyrologium pertinentibus.

DUÆ sunt regulæ, quæ videntur observandæ in Elogiis, quæ adduntur nominibus Sanctorum in Martyrologio Romano descriptis. Altera est, ut Elogium desumatur a probatis Auctoribus, aut a probata traditione, aut ex processibus, si agatur de describendo nomine alicujus Sancti juxta præsentem Ecclesiæ morem canonizati: altera, ut Elogium sit brevi sermone contextum, juxta ea quæ habentur apud Guyet de sist. propr. Sanctior. lib. 2. sect. 4. cap. 15. quæst. 5. pag. 219. ubi sic ait, loquendo de illis, qui Elogium componere debent: Ad duo potissimum advertant; alterum, ut quacumque allegabuntur, ea vel certis Authoribus, vel probata traditione sic consentiant, ut ab omni sint procul falsitatis suspitione vindicata; alterum, ne prolixum texant sermonem, qui paginam impleat, lectionisque integræ rationem magis habeat, quam compendiosæ tractationis.

2 Aliquorum autem Elogia in Martyrologio Romano ex sanctitate, seu virtutibus desumpta sunt; & in hac classe reponi debent Sancti Simeon Stylites Monachus, Synclerica, Theodorus Monachus, Nicanor Diaconus, Leobardus Reclusus, Joannes Eleemosynarius, Ildesonus Episcopus Toletanus, Britannion Episcopus Tomitanus, Paula Vidua, Severus Episcopus Ravennæ, Guarinus Cardinalis, Moyfes Episcopus, Jonas Monachus in Ægypto, Lucinius Episcopus Andegavensis, Barbatus Episcopus Beneventanus, Abilius Episcopus Alexandrinus, &c.

3 Alio-

3 Aliorum Elogia ducta fuerunt ex miraculis; & in hac classe reponi debent Sancti Gregorius Episcopus Lingodienfis, Melanius Episcopus Rhedonenfis, Andreas Corfinus, Arcadius Martyr, Julianus Saba senior, Honoratus Episcopus Arelatenfis, Euthymius Abbas in Palætina, Anastasius Perfa Monachus, Dominicus Abbas Soræ, Poppon Abbas Atrebatæ, Julianus Episcopus Conchenfis, Jacobus Eremita uterque, Blasius Episcopus Sebaste, Genuinus & Albinus Episcopi Brixiæ, Vedastus, & Amandus Episcopus Trajectensis, Paulus Episcopus Virodunensis, Austrebertus, Quinidius Episcopus Valronensis, Eucherius Episcopus Aurelianensis, Baldomerus, &c.

4 Aliorum Elogia ex sanctitate simul & miraculis constata sunt; & in hac classe reponi debent Sancti Eugendus Abbas, Euphrosyna Virgo, Genovesa, Eduardus Rex Angliæ, Macarius Abbas in Ægypto, Isidorus Confessor, Sulpicius Pius Episcopus Bituricensis, Maurus Episcopus Cæsene, Bathildes, Paulus Episcopus Trecentis, Stephanus Fundator Ordinis Grandimontensis, Antoninus Abbas Surrenti, Leo Episcopus Catanensis, Romana, Romanus Abbas in territorio Lugdunensi, &c.

5 Aliorum Elogia collecta fuerunt ex doctrina; & in hac classe reponi debent Sancti Lucianus Presbyter Antiochenus, Laurentius Justinianus, Honoratus Episcopus Arelatenfis, Athenogenes in Ponto, Joannes Chrysostomus, Avitus Episcopus Viennensis, Valentinus Presbyter Romæ, &c.

6 Aliorum Elogia sanctitate simul & doctrina composita sunt; & in hac classe reponi debent Sancti Fulgentius Episcopus Ruspensis, Raymondus de Pennafort, Apollinaris Episcopus Hierapolitanus, Agatho Papa, Cyrillus Episcopus Alexandrinus, Ephrem Diaconus, Isidorus Pelusiotæ Monachus, Paschasius Episcopus Viennensis, Tharsasius Episcopus Constantinopolitanus, &c.

7 Aliorum Elogia sumpta fuerunt ex institutione Ordinum Regularium ab ipsis facta; & in hac classe reponi debent Sancti Franciscus, Dominicus, Ignatius, Cajetanus, Joannes Gualbertus, Petrus Nolasus, Philippus Neri, Joannes de Deo.

8 Aliorum Elogia formata sunt ex gratiis quæ a Deo ipsorum intercessione factæ sunt & fiunt; & in hac classe reponi debent Sancti Rochus, & Isidorus Martyr. Quod vero attinet ad Martyres, Elogium ex ipso martyrio, & ex cruciatibus fortiter toleratis conficitur, uti passim ex dicto Martyrologio colligi potest.

9 In eodem Romano Martyrologio annuntiatur festum Conversionis aliquorum Sanctorum, hoc est Pauli Apostoli, & Augustini Episcopi Hipponensis; annuntiatur etiam festum Ordinationis nonnullorum Sanctorum, ex. gr. S. Basilii in Episcopum Cæsareæ, S. Gregorii Magni in summum Pontificem, S. Ambrosii in Episcopum Mediolanensem,

S. Zenonis in Episcopum Veronensem; annuntiatur festum Inventionis Corporis nonnullorum Sanctorum, puta Abibonis, Celsi & Nazarii, Diodori Presbyteri, Stephani Protomartyris, Rosalix Virginis Panormitanæ, Capitis S. Joannis Baptiste; necnon festum Translationis Corporum nonnullorum Sanctorum, ex. gr. Joannis Chrysostomi, Marci Evangelistæ, Julianæ Virginis & Martyris, Augustini Episcopi Hipponeusis, Herculani Episcopi Perusini, Monicæ Viduæ, Stephani Protomartyris, Lucæ Evangelistæ, Andreæ Apostoli, Matthæi Apostoli, Hieronymi Presbyteri, Nicolai Episcopi Myrensis, Timothei Episcopi Ephesini, Dominici Confessoris Ordinis Prædicatorum Fundatoris, Francisci de Assisio, Marix Jacobi, Gregorii Nazianzeni, Thomæ Apostoli, Martini Episcopi Turonensis, Marinæ Virginis & Martyris Alexandrinæ, Frigidiani Episcopi Lucensis, Ignatii Episcopi & Martyris: nec omitti potest, mentionem fieri in Martyrologio Romano *ad diem 7. Octobris* celeberrimæ illius Victorix, quam anno 1571. Fidelium classide Turcis reportavit ad Echinadas Insulas, captis hostium triremibus centum & octoginta, ceterisque disiectis.

10 Similia prorsus ea sunt, quæ habentur in Menologio Græcorum jussa Basilii Imperatoris edito, de quo supra actum est; *ad diem* quippe 22. *Januarii* mentio fit translationis Reliquiarum S. Martyris Anastasii Perse; *ad diem* 27. *ejusdem mensis* translationis Reliquiarum S. Joannis Chrysostomi; *ad diem* 29. translationis Reliquiarum S. Ignatii Patriarchæ Antiocheni & Martyris; *ad diem* 7. *Junii* translationis Reliquiarum S. Theodoti Martyris; *ad diem* 2. *Augusti* translationis Reliquiarum S. Stephani Protomartyris; & in eodem Menologio mentio pariter fit nonnullorum aliorum mirabilium eventuum, quibus vel Hæresis aliqua finem habuit, vel peccatores ad poenitentiam conversi sunt; *die* etenim 25. *Septembris* narratur, maximum terræmotum Theodosio Magno Imperatore contigisse, Hæresimque tunc Theopaschitarum blasphemantium, atque affirmantium, Divinitatem etiam in cruce passam fuisse, cessasse; & *ad diem* 26. *Octobris* refertur Constantinopolitanam civitatem magno & horrendo terræmotu concussam fuisse, extinctamque magnam mortalem multitudinem, corruentibus omnibus ædibus & ecclesiis, ideoque Supplicationem institutam poenitentix ad sacram sedem Beatissimæ Virginis, & solemnem quotannis publicam factam precationem, ne in terræmotus flagellum civitas iterum incideret.

11 Denique in Martyrologio Romano fit indicatio Lunæ currentis, quæ Lunæ indicatio fuit approbata a Gregorio XIII. *super Calendarii reformatione & obligatione* §. 10. ubi testimonium dicit de antiquo Ecclesiæ more numerandi lunares dies in Martyrologio: idque fuisse inductum ex Decreto Concilii Niceni pro statuendo die Paschæ, testatur Cardinalis Baronius in *anal. ad A. 325. num. 110.* Decretum autem istud refertur a Milliet in *Mundo mathematico tom. 3. tract. 18. de Calend. propos. 12. de regulis*

gnis ad celebrationem Pasche; qui etiam *proposit.* 48. docet; cetera festa mobilia dignoscet ex Pasche notitia; numerationemque dici, & lune quantitatis ad hoc conferre, ut sacri ritus apte servantur in celebrandis Officiis, præcipue vero, cum celebrantur festa Sanctorum diebus Dominicis, ut advertit Andreas Saussy in *apparatu ad Martyrologium Gallicanum proposit.* 23.

12 Pro materię complemento superest, ut alia memorentur sacrae Congregationis Decreta ad eandem materiam pertinentia. Etenim, si non adeo recentia Ecclesię monumenta perquirantur, facile erit exempla reperire Indulgentiarum, quæ a summis Pontificibus concessæ sunt in honorem Servorum Dei, seu Beatorum, quorum nomina non erant, tunc saltem, in Martyrologio Romano descripta, & qui inter Sanctos nondum fuerant relati. In festo siquidem Quadraginta novem Martyrum Ordinis Prædicatorum a Tartaris Sandominie trucidatorum Alexander Papa IV. Indulgentiam largitus est, uti referunt *Chromerus historiæ. lib. 9. Galestinus in Martyrol. not. ad diem 2. Junii, & Castellinus de certis. glor. Sanct. cap. 2. pag. 151.* Bonifacius IX. Indulgentiam concessit in honorem Beati Jacobi de Merania Ordinis Prædicatorum. Julius II. id ipsum præstitit in festo translationis Beatæ Catharinæ Suecæ, uti legitur apud Bollandianos *tom. 3. Martii, & præterea Indulgentiæ concessæ a Julio II. fuerunt confirmatæ a Leone X. Idem Leo Papa X. Indulgentiam concessit ecclesiæ Beati Vivaldi Tertii Ordinis Minorum Montajonis in Etruria Patroni, uti legitur apud Bollandianos tom. 1. Maji.* Consimilia exempla passim referuntur apud Castellinum *in cit. opere*, Indulgentiarum videlicet concessarum in honorem Beati, nunc Sancti Francisci Xaverii a Gregorio XV., in honorem Beati Ægidii Vifens. diocesis a Clemente VIII. tum ab eodem Gregorio XV. in honorem tunc Beatæ, nunc Sanctæ Franciscæ Romanæ, necnon ab ipso Clemente VIII. in honorem tunc Beati, nunc Sancti Philippi Nerii, uti videri potest *pag. 129. & pag. 483. & seqq.* ut interea prætereantur exempla Indulgentiarum a Paulo V. & a Gregorio XIII. concessarum visitantibus ecclesiâ Patrum S. Francisci oppidi Fondasi in festo S. Rochi, & visitantibus sacellum in oppido Vimaranen. in festo Beati Gualterii socii S. Francisci, uti legitur apud Gonzagam 2. part. *hystor. Minor. in Conventu Brixia, & 3. part. earumdem. hystor. in Conventu Vimaranen.* non omittis tamen exemplis eorumdem Gregorii XIII. qui Indulgentiam elargitus est visitantibus ecclesiâ Beati Bartholi a S. Geminiano, teste Theodoro Ferronio *in vita ejusdem Beati.* & Pauli Papæ V. qui consimilem dedit Indulgentiam visitantibus Capellam Beati Conradi Eremitæ in Cathedrali Placentiæ, uti habetur apud Bollandianos *tom. 3. Februarii, & demum summi ipsius Pontificis Pauli Papæ V. qui die 18. Junii 1614. & Urbani Papæ VIII. qui die 23. Decembris 1625. largiti sunt Indulgentias in honorem Beati Serapionis Ordinis B. Mariæ de Mercede Redemptoris Captivorum.* At juxta recentiorum Ecclesię

clerice disciplinam non sit concessio Indulgentiarum, nisi in honorem Sanctorum descriptorum in Martyrologio Romano, prout scilicet fert Decretum Congregationis sacrorum rituum editum die 16. Junii 1674. Cum in Congregatione Indulgentiarum sacrarumque Reliquiarum propositum fuerit dubium, num expediat permittere sacra munifera cum Beatorum Imaginibus, sive aliorum Sanctorum in Romano Martyrologio minime descriptorum, quibus Indulgentia applicari possint, atque eadem sacra Congregatio censuerit, de hac re consulendam esse sacrorum rituum Congregationem, idcirco, propositi dubio in eadem, Eminentissimi Patres eidem sacra Congregationi propositi consenserunt, Indulgentias non esse concedendas in posterum, nisi Sancti descripti in Martyrologio & canonizati; hac die 16. Junii 1674. Hoc tamen Decreto non comprehenduntur solemnia ipsa Beatificationis; nam non solum visitantibus Vaticanam basilicam die, qua fit Solemnis Beatificatio, conceditur a summo Pontifice Indulgentia plenaria, sed etiam eadem Indulgentia conceditur visitantibus ceteras ecclesias, in quibus post expleta solemnia in Vaticana basilica celebrantur prima Beatificationis solemnia. Quocirca in Beatificatione tunc Servi Dei Joannis Francisci Regis Clemens XI. Indulgentiam elargitus est Christianis vere poenitentibus & peccata confessis & sacra Communione refectis, qui die praescripta visitassent ecclesiam Societatis Jesu, in quibus celebrabantur solemnia Beatificationis dicti Servi Dei, & in illis orassent pro Christianorum Principum concordia, Haereticum extirpatione, & exaltatione sanctae matris Ecclesiae; uti desumitur addum ex Indulgentia ipsa publicata nomine Sanctitatis suae a Cardinali Nicolao Cataciolo, Provicario Urbis die 22. Junii 1716. sed etiam ex litteris Apostolicis ab eodem Pontifice datis die 16. Junii ejusdem anni, in quibus sic legitur: Et, sicut pro parte dilecti Filii Postulatoris Causae Beatificationis praedicti Servi Dei Nobis subinde expositum fuit, quod solemnia Beatificationis hujusmodi in basilica praedicta jam celebrata fuerint, illaque in alia ecclesia praefata praeparandum, benedicentes Domino, celebranda sint; ipse vero Postulator Christianissimum pro eo in ea occasione spiritualium gratiarum, quarum dispensationem Nobis commisit Deus, elargitione incitari, plurimum desideret. Nos ad augeendam Fidelium religionem, & animarum salutem celestibus Ecclesiae thesauris pia caritate ingenti, ac supplicationibus dicti Postulatoris nomine Nobis super hoc humiliter porrectis inclinati, omnibus & singulis utriusque sexus Christianis vere poenitentibus & confessis & sacra Communione refectis, qui aliquando in ecclesia supra dicta die, qua solemnia Beatificationis memorati Servi Dei Joannis Francisci juxta praescriptum litterarum nostrarum praedictarum ibidem respective celebrabuntur, devota visitaverint, & ibi pro Christianorum Principum concordia, Haereticum extirpatione, ac sanctae matris Ecclesiae exaltatione pias apud Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus, praesentibus pro unica vice, quoad singulas praedictas ecclesias valentibus.

13 Alia etiam reperiuntur sacre Congregationis decreta, quibus prohibetur recitatio Officii & Missæ in honorem Sanctorum ratione corporis, vel insignis Reliquiæ, nisi corpus aut insignis Reliquia sit alicujus Sancti, cujus nomen descriptum sit in Martyrologio Romano & nisi constet de corporis, aut insignis Reliquiæ identitate. Sed de horum decretorum intelligentia infra tractabimus, quando agetur de cultu Sanctorum, quorum corpora extrahuntur ab Urbis Cœmeteriis, & quibus, utpote nomine carentibus, nomen imponitur, quique idcirco *Sancti* appellantur *Baptizati*.

14 Ad hæc disputatum est, & adhuc disputatur, an descriptio in Martyrologio Romano cultum Ecclesiasticum significet. Fatinellus Cameræ Apostolicæ Clericus in suo novissimo Responso 112. num. 7. & seq. dixit, eam descriptionem non ad cultum, sed ad gestorum memoriam pertinere, cum Gregorius XIII. in suis litteris Apostolicis *Martyrologio Romano præfixis* dixerit, se curasse, ut Romanum Martyrologium ad fidem historię, quæ rerum gestarum, personarum, locorum, temporum veritate continetur, ederetur. Contra Prosper Bottinius Fidei Promotor in quadam sua dissertatione sæpe typis edita probare conatus est, descriptionem in Martyrologio Romano cultum Ecclesiasticum significare; tum quia ex citatis litteris Gregorii XIII. clare desumitur, Martyrologium in Choro legi ad Dei gloriam, ad laudem Sanctorum ipsorum, quorum memoria celebratur, & ad fructum eorum, qui legunt aut audiunt; tum quia ejus lectio fit ad *Primam* post Orationem, *Domine Deus omnipotens*, & immediate ab Hebdomadario dicitur: *Pretiosa in conspectu Domini mors Sanctorum ejus*. Quod sane fit non sine mysterio, sed in venerationem & cultum eorum, quorum nomina lecta sunt, sicuti advertit Gavantus in *Rubricis Breviarii scilicet*. 5. cap. 21. n. 14. ubi: *Legitur autem Martyrologium post Orationem ad Primam, & in fine additur versus ad lectionem accommodatus*, *Pretiosa in conspectu Domini &c. in venerationem Sanctorum omnium*; tum etiam quia ita sentiunt communiori calculo Auctores. Scacchus enim de not. & sign. sanctis. scilicet. 11. cap. 4. pag. 853. in fine ait: *As imprimere nomen alicujus in Martyrologio respicit quamdam extensionem cultus, quem cuiuspiam præstare sine consensu Sedis Apostolicæ nec Episcopis conceditur*. Et præterea subjicit Granad. de Fide tract. 7. disput. 3. scilicet. 3. *Conferri debere Canonizatos ab universali Ecclesia & summo Pontifice omnes illos, qui in Martyrologio Romano continentur; etenim de illis, tanquam de veris Sanctis, fit mentio in universali Ecclesia*.

15 De hac re actum fuit in sacrorum rituum Congregatione, dum examinabatur instantia Postulatorum supplicantium pro descriptione nominis in Martyrologio Romano Beati Bernardi Prolemæ, & tunc Beati nunc Sancti Turribii Mogrobesii Archiepiscopi Limani, & ea quidem occasione demandatum fuit Prospero Bottinio Fidei Promotori, ut suum sensum pro veritate scriptis exponeret. Mandatis itaque morem gessit, &
in sua

in sua differtatione (uti supra dictum est) existimavit , descriptionem in Martyrologio cultum significare . Cardinales autem sacris ritibus præpositi in varias abierunt opiniones , sicuti adnotatum est in Regeſtis ; proptereaue non fuit controverſia reſoluta , prodiitque Decretum ſupra memoratum confirmatorium alius Decreti anni 1616. ut videlicet non deſcribantur in Martyrologio Romano , niſi Sancti canonizati .

16 Porro , ſi meus , qualiſcumque ſit , ſenſus in hac diſputatione exquireretur , dicerem primo , deſcriptionem nominis alicujus in Martyrologio Romano ad hiftoriam geſtorum pertinere : quorſum etenim tenderent tot diligentia , quæ præmittuntur ante nominis deſcriptionem , totque Martyrologii correctiones in ſuperioribus indicatæ , ſi deſcriptio ad fidem hiftoriæ non eſſet referenda ? Dicerem ſecundo , legendum utique eſſe in Choro Martyrologium Romanum , ſed neque ex nominis deſcriptione , neque ex lectione in Choro , ſpectata utriuſque rei natura , argumentum inferri ad publicum cultum auctoritate Eccleſiæ demandatum , aut permiſſum in univerſa Eccleſia : ſi etenim Beatorum nomina olim deſcripta fuerunt , & etiam nunc deſcribuntur in Martyrologio Romano , ſive loquamur de Beatificatiſ Beatificatione formali , ſive de Beatificatiſ Beatificatione æquipollenti ; rursus ſi Cauſæ nonnullorum Beatorum , quorum nomina deſcripta ſunt in Martyrologio Romano , habuerunt , habent , aut habere poſſunt ſuum progreſſum ad ulteriora , hoc eſt ad Canonizationem ; ſi denique in Canonizatione nihil aliud eis indulgetur , quam cultus publicus in univerſa Eccleſia , nemo eſt qui fateri non debeat , eos ex deſcriptione nominis in Martyrologio , & ejus lectione in Choro nequaquam cultum obtinuiſſe in univerſa Eccleſia : & proſecto , aliter ratiocinando , ſequeretur abſurditas , quia ſequeretur eos habuiſſe cultum publicum in univerſa Eccleſia ante Canonizationem , in qua cultus univerſalis illis indulgetur . Quatenus vero dicatur , cultum publicum & univerſalem præcipi in Canonizatione , Beatos autem , quorum nomina deſcripta ſunt in Martyrologio , obtinere in univerſa Eccleſia cultum non præceptum , ſed permiſſum , non deeſt valida reſponſio ; tum quia obſtant ſacræ Congregationis decreta alibi relata , in quibus prohibetur extenſio cultus Beatorum ultra locos & perſonas in Brevis Beatificationis expreſſas , tum quia in Beatiſ Beatificatione æquipollenti deſcriptio nominis in Martyrologio Romano aliquando præcedit declarationem caſus excepti a decretis Urbani VIII. & idcirco ipſam æquipollentem Beatificationem : cumque in æquipollenti Beatificatione cultus permittatur non univerſæ Eccleſiæ , ſed quibuſdam locis & perſonis , ſi deſcriptio nominis in Martyrologio , & ejus lectione in Choro ſignificaret cultum publicum , licet tantummodo permiſſam , per univerſam Eccleſiam , ſubſequens Beatificatio æquipollens in Beatiſ , quorum nomina antea ſcripta ſunt in Martyrologio Romano , cultum non augeret , ſed minueret . Dicerem denique tertio , annuntiari in Martyrologio nomina , & clariores res geſtas eorum , qui in eo deſcripti ſunt ,

sunt, ut excitentur Fideles ad imitationem, & etiam ad cultum; sed intacta semper permanente Ecclesiastica disciplina, ita ut, si res sit de jam Canonizatis, cultus, ad quem excitantur Fideles, sit præceptivus, universalis & publicus; si vero agatur de Beatificatis, sit quidem publicus, sed tantum permissus personis & locis Indulto Beatificationis comprehensis, sit autem permissus, sed privatus, quoad alios, qui Indulto comprehensi non sunt.

17 Ultimo monendi sunt lectores, plura superius allata fuisse exempla Sanctorum & Beatorum, quorum nomina ex decretis sacræ Congregationis concessum est, ut in Martyrologio Romano describantur, quæ tamen usque adhuc descripta non sunt, quia nova editio Martyrologii post demandatam ipsam descriptionem facta non est. Oporteret itaque, ut Typographus Cameralis a Secretario sacrorum rituum Congregationis nomina, & Elogia exquireret eorum, quibus post ultimam editionem Martyrologii indulta est descriptio, ut nova scilicet haberetur & exactior ejusdem Romani Martyrologii editio. At, cum opus hoc nostrum tertio typis recuderetur, vota nostra completa sunt in nupera Martyrologii editione; uti *part. 2. cap. XVI. n. 12. hujus libri* lectores monuimus.

18 Juxta Catechismum Romanum *cap. 2. de Baptismo*, quando nomen imponitur baptizato, ab aliquo sumendum est, qui propter excellentem animi pietatem & religionem in Sanctorum numerum relatus sit, ut quivis nominis similitudine excitetur ad imitationem sanctitatis & virtutis. Pluribus hoc argumentum prosequitur, congesta undique eruditione. Aloysius Maria Lucinus olim sancti Officii Commissarius in *examine & defensione Decreti editi a clara memoriæ Cardinali Carolo Thoma de Tournon cap. 4.* Porro in eo Decreto præscriptum fuerat, ut juxta laudabilem Ecclesiæ consuetudinem semper imponatur baptizando a baptizante nomen alicujus Sancti in Martyrologio Romano descripti, interdictis omnino nominibus Idolorum, vel falsæ religionis Poenitentium, quibus Gentiles utebantur, & Neophyti appellari consueverant, antequam per Baptismum essent Divinæ Gratiæ renati. Assumpto autem examine partis hujus Decreti de mandato Clementis Papæ XII. in Congregatione Cardinalium Generalium Inquisitorum, die 21. Januarii 1733. responsum fuit, *moderandum esse Decretum, deleto verbo, præcipimus, cum clausula, carent, quantum fieri potest; forma remanente interdictione quoad nomina Idolorum, & falsæ religionis Poenitentium*; & Responsum fuit a Sanctissimo confirmatum per litteras Apostolicas in forma Brevis die 24. Augusti 1734.

19 Si Synodo Nicænæ tribuendi sint canones omnes, quos Franciscus Turrianus ex Arabico in Latinum transtulit, clara est dispositio canonis *cap. 30. (apud Labbeum tom. 2. Conciliar. pag. 299.)*: *Fideles nomina Gentilium filiis suis ne imponant, sed potius omnis natio Christianorum suis nominibus utatur, ut Gentiles suis utantur, imponanturque nomina Christianorum secundum Scripturam in Baptismo*, nomina videlicet eorum, quorum laudes in

Scriptura recensentur. At, omiſſis dubiis, antiquitatem piæ conſuetudinis imponendi pueris nomina Sanctorum, ut eorum frequens memoria ipſos excitet ad virtutem, & ut eorum auxilium ſuper ipſos invocetur, ex SS. Ambroſio & Joanne Chryſoſtomo diſcimus. Ambroſius quippe in *exhortatione Virginitatis* (lib. 1. cap. 3. n. 15. col. 281. oper. tom. 2.) ſic inducit Julianam filium ſuum alloquentem: *Confidera, quis te, ut naſcereris, juce- rit. Filii es votorum magis, quam dolorum meorum. Confidera cui te muneri pater tali nomine designaverit, qui vocavit Laurentium. Ibi vota depoſuimus, unde nomen adſumpſimus. Vota effectus ſecutus eſt. Redde Martyri quod debes Martyri. Ille te nobis impetravit, tu reſtitue quod de te huiusmodi nobis appellatione promiſimus.* Et S. Joannes Chryſoſtomus tom. 2. pag. 519. homil. in S. Meletium ſcribit, Antiochenos ob reverentiam erga S. Meletium filios ſuos Meletii nomine nuncupaſſe, ſperantes, ſe ea ratione poſſe Sancti patrocinium obtinere: *Nam cum eum a principio in civitatem ingreſſum excepiſſetis, uniſquiſque filium ſuum ejus nomine appellabat, per appellationem exiſtens uniſquiſque in domum ſuam Sanctum introducere; miſiſque patribus, avis, & proavis, matres Beati Meletii nomen imponebant liberis quos pepererant. Naturam enim vincebat amor pietatis, & deinceps qui naſcebantur, non naturali ſibi benevolentia, ſed etiam affectu erga illam appellationem erant cari parentibus. Ipſum enim nomen & ornamentiſque cognationis, & adium tutelam, & ita vocatis ſalutem, & amoris ſolacium eſſe exiſtimabant. Demum multæ occurrunt in vitris pictis, quæ extrahuntur ex Coemeteriis Urbis, Imagines Apoſtolorum nominibus inſcriptæ; nec tamen omnes referre Apoſtolos ipſos, non paucas autem repræſentare Martyres quosdam, qui laudabili exemplo Apoſtolorum nomina in Baptiſmo ſuſceperunt, accurate adnotavit Senator Buonarruoti de *viris figur. 3. tabul. 14. & figur. 3. tabul. 19.**

20 Tam in hoc, quam in duobus antecedentibus capitibus actum eſt de Martyrologio Romano, & de Martyrologiis Eccleſiæ Occidentalis. Nunc aliqua addenda ſunt de Menologio Græcorum. Nonnulli conſundunt Menæa cum Menologiis. At Menæa continent ſingulis diebus Officia unius vel plurium Sanctorum, quorum ſolemnitas eo die celebratur; Menologia vero continent Sanctorum vitas quolibet die per totum annum ſummam expoſitas, vel, quorum vitæ non habentur, commemoratiorem. Menologia autem hæc reſpondent Martyrologiis Latinorum, uti obſervat Leo Allatius de *libris Eccleſiæ Græcæ* num. 11. & poſt eum & alios plurimos ſcripſit Joannes Franciſcus Budeus in *iſagoge hiſtorico-theologica* tom. 2. pag. 804. Refert Cardinalis Baronius ad A. 886. a Baſilio Macedone Imperatore auctum fuiſſe Menologium Græcorum & Imaginibus Sanctorum exornatum. Allatius negat, Menologium tribuendum eſſe Baſilio Macedoni; ſed ex verſibus jambis, qui codicis initio inſcribuntur, adſcribendum oſtendit alteri Baſilio Imperatori juniore, qui ſæculo integro Baſilio Macedone poſterior fuit, & circa annum 977. imperium tenuit cum Conſtantino Porphyrogenito. Cardinalis Baronius refert, Conſtantinopo-

li Menologium ad Ludovicum Sfortiam satis munifice allatum, & deinde ad manus devenisse Cardinalis Pauli Sfondrati: hic dono dedie summo Pontifici Paulo V. qui illud in bibliothecam Vaticanam intulit. Codex vetustate fatiscebat: sed Clemens Papa XI. eum in pristinum statum rettulit, & pictas Imagines ære incidi curavit, quas cum absolvere nequivisset morte præventus, ejus Successores Innocentius XIII. & Benedictus Papa XIII. inchoatum opus perfici jusserunt. Codex unam tantum partem Menologii continebat, sex videlicet menses; doctique viri jacturam alterius partis ceteros menses continentis deplorabant. Sed prædictus Clemens XI. vix annum ætatis suæ decimum septimum egressus, cum inter antiquos codices monasterii Cryptæ Ferratæ deficientem Menologii partem invenisset, eam manu sua græce descripsit, & accuratissima interpretatione Latinam fecit, quam deinde Socii Bollandiani typis ediderunt. Utramque tandem Menologii partem, tum illam, quæ antiquo codice Vaticano continetur variis Sanctorum Imaginibus ornata, tum alteram sumptam e codicibus Cryptæ Ferratæ Hannibal Cardinalis Albanus, Clementis XI. ex fratre nepos, græce & latine typis Urbini A. 1727. cum magno Litteratorum plausu edi curavit.

C A P U T XX.

De Nomine Sanctorum additione in Litanis.

Litaniæ nomen multipliciter sumitur: aliquando enim *Processionem* significat; & hac significatione Anastasius, seu quivis alius Auctor ait (in *vita Sergii Papa pag. 154.*): *Constituit, ut diebus Annuntiationis, Domini Nativitatis, & Dormitionis Sanctæ Dei Genitricis &c. litania exeat a Sancto Hadriano, & ad Sanctam Mariam populus occurrat.* Aliquando significat quodcumque genus precum; & hoc sensu Arcadius Imperator in L. 30. tit. 5. de *Hæreticis lib. 16. in Codice Theodosiano* ait: *Interdicatur his omnibus [nempe Hæreticis] ad litaniam faciendam intra civitatem noctu, vel interdum profanis coire conventiis.* Mens quippe Imperatoris, ut ibi Gothofredus explicat, non fuit arcendi Hæreticos a certis quibusdam precibus, sed eis interdicens omnes preces generatim intra civitatem, & præcicens omnem occasionem coeundi noctu, vel interdium. Aliquando demum Litania significat quamdam seriem Sanctorum, qui in quibusdam precibus coluntur & invocantur. De litanis ita loquitur S. Isidorus *lib. 6. Origin. cap. 19.* *Litania a Græco nomine appellantur, quæ latine dicuntur Rogationes.* Inter litanias vero, & exomologesin hoc differt, quod exomologesin pro sola confessione peccatorum aguntur, litania vero dicuntur propter rogandum Dominum, & impetrandum in aliquo misericordiam ejus.

2 Si litania sumatur pro *Processione*, fortasse ejus Auctor proferri posset ex antiquitate; sed, si litania sumatur pro *precatione*, in qua Sancti

A a a a a

per

per seriem exorantur, difficile profecto erit Auctorem proferre. Quapropter litania hoc sensu accepta Apostolicis viris erit adscribenda, uti animadvertit Cardinalis Bona *Divine Psalmodie* cap. 14. §. 4. Ven. Dei Servus Cardinalis Bellarminus tom. 2. *contro. lib. 1. de Sanctor. beatit. cap. 19.* asserit Concilia celebrata ante annos fere mille, in quibus mentio fit litaniarum, & contendit, in eis non vocari litanias solum *Kyrie eleison*, & *Christe eleison*, sed ipsas invocationes Dei, & Sanctorum. Rursus in Antiphonario S. Gregorii Papæ in lucem edito a Ven. Dei Servo Cardinali Thomasio ad Sabbatum sanctum in vigiliis Paschæ, uti videre est pag. 92. & seqq. exhibentur litanie, in quibus Sancti invocantur, & per seriem exorantur, uti etiam hodie fit. Præterquamquod qui plura scire cupit de antiquitate litaniarum, & de varia circa eas Ecclesiæ disciplina, legere poterit librum Patris Sailli, qui inscribitur, *Thesaurus Litaniarum*. Quædam autem extant litanie, in quibus nonnulli Sancti invocantur, qui in litanis, quibus hodie utitur Ecclesia, non invocantur. In Concilio quippe Cloveshoviensi habito A. 747. decretum est, ut S. Augustini Episcopi Cantuariensis nomen in litanie cantatione post S. Gregorii invocationem semper invocaretur, ut habetur apud Bollandianos tom. 6. *Maji* pag. 374. & has vetustissimas Angliæ litanias producit Mabillonius tom. 2. *vet. anal.* atque, ante finem sæculi vii. fuisse nstatas, probat ex defectu in eis Sanctorum eo sæculo posteriorum. Utque cetera prætereantur, in bulla 10. Leonis Papæ X. (*in collect. & compilat. privilegior. Apostolicor. Emmanuelis Roderici*) indulgetur Fratribus Minoribus, ut in litanis recitare possint nomina Danielis, Angeli, Samuelis, Domni, Leonis, Nicolai, & Hugolini Fratrum Minorum, qui pro Fide Christi a Saracenis fuerant interfecti. Et, quod antiquitus ex consuetudine receptum esset, aliquos Sanctos in litanis invocari, qui hodie non invocantur, plane dignoscitur ex facto Hugonis Monachi, qui, eraso e litanis nomine S. Sigiberti Regis Austrasiæ, ad ejus tumulum accedens immobilis factus est, nec motum recuperavit, nisi postquam sanctum nomen, quod deleverat, propria manu in litanis rescripsit, ut ex Sigeberto referunt Bollandiani tom. 1. *Febr.* pag. 237. & Molanus in *notabilibus Sanctor. Belgii ad diem 1. Febr.* Id etiam dignoscitur ex antiquis Missalibus, altero anni 1540. altero anni 1567. Lucæ typis impressis, in quibus editæ sunt litanie; ubi inter ceteros Sanctos, qui invocantur a Clero Lucensi, inter Confessores invocantur Sancti Frigidianus & Theodorus, inter Monachos & Eremitas Sancti Richardus & Davinus, inter Martyres Sancti Regulus, Paulinus, & Pantaleon, teste Ascanio Arnolfino *in-historic. dissert. de inventione corporis S. Pantaleonis Luca typis impressa anno 1718.* Insuper, si antiquas litanias attente inspicere velimus, nonnullæ etiam inveniuntur, in quibus non invocantur aliqui Sancti, qui modo in nostris invocantur, quamvis agatur de Sanctis non post eas canonizatis, sed qui erant eis longe anteriores. Etenim apud Hugonem Menardum *ad libr. Sacramentor. S. Gregorii* extat formula

la veteris litanie ex codice manuscripto bibliothecæ Corbejenfis octingentis ab hinc annis exarato, in qua nec Michael, nec Gabriel, nec Raphael, nec Archangeli, nec Patriarchæ, nec Prophetæ invocantur, uti videri potest pag. 156. licet in alia formula litaniarum edita a Martene tom. 4. de antiq. Ecclæs. discipl. in Divinis recitandis Officiis iidem invocentur, alique pariter plures Sancti invocentur, qui in nostris litanis non invocantur. Omitto exempla eorum, qui devotionis æstu privata auctoritate aliquando alicujus Beati nomen in litanis invocaverunt; cujusmodi fuit Ven. Servus Dei Nicolaus Factor, qui in litanis Beatum Ludovicum Bertrandum, licet tunc adhuc canonizatus non esset, invocare consuevit, quemadmodum referunt Rotæ Auditores in relatione Causæ S. Ludovici Bertrandi, tit. de fama sanctitatis, ubi hæc habent: *Venerabilis Nicolaus Factor, Frater Minorum de Observantiis, Vir sanctitate præclarus, & cujus hodie vita discuntur, dum litaniarum preces recitabat, in Sanctorum catalogo Beatum Ludovicum reponebat dicens: Sancte Ludovice Bertrande, ora pro nobis.*

3 Hæc quoad antiquas litanias, & quoad antiquam earum disciplinam. Nunc autem transitum faciendo ad recentiorē disciplinam, Sanctus Pius V. in suis Apostolicis litteris Romano Breviario præfixis quicumque mutationem & additionem prohibuit, uti supra vilius est. Quocirca, utcumque sit de jure antiquo, vetitum hodie dicendum est Patriarchis, Archiepiscopis, & Episcopis alicujus Sancti nomen addere litanis in dicto Breviario Romano impressis. Celebre est etiam Decretum summi Pontificis Clementis VIII. editum in Congregatione sanctæ Romanæ & universalis Inquisitionis, & typis impressum tom. 2. Bullarii Romani, aut juxta variam Bullarii editionem tom. 3. quod Decretum est huiusmodi: *Sanctissimus Dominus noster Clemens Papa VIII. quoniam multi hoc tempore, privati etiam homines, prætextu alende devotionis, novas quotidie litanias evulgant, ut jam prope innumerabiles forma litaniarum circumferantur, & in omnibus inepta sententia, in aliis, quod gravius est, periculosa & errorem sapientes inveniantur, pro sollicitudine sua Pastoralis providere volens, ut animarum devotio, Deique ac Sanctorum invocatio sine ullius detrimenti spiritualis periculo foveatur, præcipit & mandat, ut, retentis antiquissimis & communibus litanis, quæ in Breviariis, Missalibus, Pontificalibus, ac Ritualibus continentur, necnon litanis de Beata Virgine, quæ in sacra æde Lauretana decantari solent, quicumque alias litanias edere, vel jam editas in ecclesiis, sive Oratoriis, sive Processionibus uti voluerint, eas ad Congregationem sacrorum rituum recognoscendas, & si opus fuerit, corrigendas mittere teneantur, neque sine licentia & approbatione dictæ Congregationis eas in publicum edere aut publice recitare præsumant, sub poenis, ultra peccatum, arbitrio Ordinarii & Inquisitoris severe infligendis.*

4 Meminerunt hujus decreti Gavantus in thesaur. sacror. rit. verb. Litanis, Thiers in suo tractatu de superstitione tom. 2. cap. 9. Macrus in notitia vocabulor.

740 DE SERVORUM DEI BEATIFICATIONE

cañlor. Ecclesiastic. verb. Litanie, in fine, Scacchus de not. & sign. sanctis. sect. 10. cap. 3. pag. 783. idque renovatum fuit die 2. Septembris 1727. sicuti ex novo Decreto relato a Baruffaldo in comment. ad Rituale Romanum pag. 330. Veneta editionis anni 1731. Sed licet ad horum Decretorum præscripta sacrorum rituum Congregatio annuere possit petitioni additionis nominis alicujus Sancti in litanis sive pro Ecclesia universali, sive pro aliqua particulari Ecclesia, Diocesi, aut Ordine Regulari; ab hujusmodi nihilominus concessionibus ipsa ut plurimum abstinet, ut colligitur ex Decreto edito die 20. Junii 1654. quod ita se habet: Instante Fratre Bartholomeo de Camerino Ordinis Capuccinorum occasione visitationis provinciarum Regni Neapolis pro declaratione primo, an in litanis, qua dicuntur in ecclesiis Capuccinorum, ut asseritur, ex forma Constitutionis post Martinum & post Nonam, liceat addere nomina Sanctorum ultra expressa in litanis, qua habentur in Breviario Romano, ex eo quod sint Sancti ejusdem Ordinis, vel Patroni Provinciarum, vel etiam ex devotione; secundo, an in versiculo consueto de Beata Virgine, Benedicta tu in mulieribus, cum Responsorio, Et benedictus fructus ventris tui, liceat addere, Jesus, & dicere, Et benedictus fructus ventris tui Jesus: Sacra rituum Congregatio, in utroque casu non licere quidquam addere censuit: die 20. Junii 1654. Consimile est aliud Decretum ejusdem sacre Congregationis editum occasione petitionis Canonicorum Cathedralis Regionis, qui instabant pro facultate addendi in litanis tempore festis nomina Sanctorum Titularium, & Patronorum civitatis; rejecta etenim fuit eorundem instantia, uti referunt Macrus loc. cit. & Gavantus cit. oper. sect. 9. cap. 4. num. 10. Præterquamquod in Decretis generalibus circa Rubricas editis die 20. Martii 1706. cum tertio loco disputandum propositum fuisset dubium hoc, An Regulares absque speciali privilegio, sed sola communicatione privilegiorum aliarum Religionum possint addere nomen Sancti Fundatoris in litanis, & Confiteor, itemque recitare Officia & Missas concessas aliis Religionibus; responsum fuit, Negative. Et si refert Franciscus Amatus Pouget Instit. Cathol. tom. 2. pag. 932. in nonnullis regionibus etiam hodie invocari in litanis singulos Regnorum, Provinciarum, & Locorum Sanctos Patronos, necnon præcipue alios Sanctos, qui sunt in singulis locis celebriores. Supra dictum est, auctoritate Congregationis sacrorum rituum posse nomina Sanctorum addi in litanis sive pro Ecclesia universali, sive pro aliqua particulari Ecclesia, sed eandem ut plurimum a similibus concessionibus abstinuisse. Post autem primam hujus Operis nostri editionem, cum Religiosi B. Mariæ de Mercede Redemptionis Captivorum ostendissent, ab antiquo tempore consuevisse in litanis majoribus, que ab ipsis recitantur, nomen addi S. Petri Nolasci ejus Ordinis Fundatoris; & ad advertendum quemcumque scrupulum sacre Congregationi preces super hac re exhibuissent, ipsa annuit petitis die 1. Decemb. 1742. ut ex hoc Decreto apparet: Humilissime sacrorum rituum Congregationi supplicante P. M. Valenzio Moran Procuratore Generali Ordinis Beata Maria Vir-

ginis

ginis de Mercede Redemptionis Captivorum, quatenus benigne concedere dignaretur, ut in posterum in litaniiis majoribus, quæ a Religiosis ejusdem Ordinis recitantur, addi possit nomen Sancti Petri Nolasci eorum Fundatoris, sacra eadem Congregatio ad relationem Eminentissimi & Reverendissimi Domini Cardinalis de Gentilibus oratoris instantia juxta petita benigne annuit. Nolque ipsi post nostram ad Pontificatum assumptionem, similem facultatem concessimus Ordini Carmelitarum Excalceatorum invocandi nomen S. Joannis de Cruce Reformatoris Ordinis Carmelitarum in litaniiis, quæ a dicti Ordinis Religiosis recitantur, uti ex hoc decreto colligitur: Sanctissimus Dominus noster BENEDICTUS XIV. ad humilissimas preces Patrum Procuratorum Generalium, benigne indulgit, ut in litaniiis, quæ recitantur a Religiosis Ordinis Carmelitarum Excalceatorum, addi possit nomen Sancti Joannis a Cruce, assignando invocationi ejusdem Sancti ultimum locum inter Confessores, & ita in Brevario ejusdem Ordinis imprimi mandavit: die 11. Septembris 1741.

5 Clemens Papa XI. proprium Officium composuit in honorem S. Joseph in Ecclesia universali recitandum. Ea occasione excitati nonnulli pii viri enixe postularunt, ut Sedis Apostolicæ auctoritate fas esset nomen S. Joseph in litaniiis invocare. Sacrorum autem rituum Congregatio mihi tunc Fidei Promotori demandavit, ut sensum meum de ea petitione pro veritate exponerem. Itaque, ut ex officio parerem, dissertationem exaravi, & typis edidi: propositaque instantia A. 1714. nihil decretum est, præcipue quia tunc Principum, Magnatum, coetuumque Ecclesiasticorum supplicationes deerant, quæ videbantur omnino necessariæ, ut fieret nominis additio in litaniiis; & quia nonnulli putarunt, exemplo S. Joseph petitiones exhiberi posse pro additione nominum aliorum Sanctorum in dictis litaniiis. Post lapsum vero novem annorum supervenerunt supplicationes & preces magnoorum Principum, & plurium Ecclesiasticorum, sed signanter Augustissimi Imperatoris, Magni Ducis Etruriæ, Electorum Palatini, & Colonienfis, & quadraginta Generalium, & Procuratorum Generalium Ordinum Regularium; atque ideo, instante Patre Alexandro Salaroli Bononiensi Clerico Regulari & Causæ Postulatore, iterum proposita fuit instantia die 17. Aprilis 1723. iterumque expensa fuerunt momenta a me in dissertatione ponderata tum pro describendo nomine S. Joseph in litaniiis, tum pro loco ejus nomini assignando in litaniiis ipsis, super quo pariter non modica vigeat controversia. Resolutio autem sacræ Congregationis fuit, ut nota suffragiorum a Secretario summo Pontifici exhiberetur, & eidem fieret relatio rationum hinc & illinc adductarum, præcipue vero super loco, qui erat in litaniiis assignandus nomini S. Joseph, super qua quidem re major disputatio versabatur. Summus Pontifex Innocentius XIII. substitit, & tempus ad deliberandum sibi necessarium esse reputavit: sed, eo mortuo, & ad summum Pontificatum erecto Benedicto XIII. resumpta fuit ab isto materia, visisque videndis, & consideratis considerandis, lectoque & perpenso supra memorato meo suffragio,

742 DE SERVORUM DEI BEATIFICATIONE

gio, die 19. Decembris 1726. typis imprimendas Romæ demandavit tum litanias Sanctorum, tum litanias breves pro commendatione animæ cum additione in utrisque nominis S. Joseph post nomen S. Joannis Baptiste, ut ipse in citato suffragio insinuaveram; iussitque, ut sic in posterum litaniæ recitarentur ab omnibus Christifidelibus, & cum eadem additione imprimerentur in Missali, Breviario, Pontificali, ac Rituali Romanis.

6 Porro, ut habeatur notitia monumentorum, quibus innixus sum, ut pro veritate consultus insinuarem, nomen S. Joseph esse describendum in litaniis, & quidem post nomen S. Joannis Baptiste, non inopportunitum esse existimavi, meum hic suffragium inferere, additamento nonnumquam facto intra parenthesis notas rerum accommodatarum, quarum ab eo tempore notitiam accepi.

7 „ Pro iusto atque integro propositi puncti examine necessarium est, se videtur, nonnulla præmittere circa cultum S. Josephi in Ecclesia Occidentali, ut transitus deinde fieri possit ad descriptionem nominis ipsius, in litaniis Ecclesiæ majoribus.

8 „ Ufuardus Monachus natione Gallus Alcinii discipulus iussu Caroli Magni principio sæculi 1x. Martyrologium scripsit satis accuratum & celebre, quo multæ Ecclesiæ usæ sunt. Aliud quoque extat Martyrologium Adonis, quod nonnulli tribuunt Adoni Viennensi, qui floruit sæculo 1x., alii Adoni Trevirensi, qui floruit sæculo xi. Cumque nec in Martyrologio Ufuardi, nec in Martyrologio Adonis ulla fiat mentio S. Josephi, signum evidentissimum hoc est, modica tunc temporis adfuisse in Ecclesia Occidentali vestigia cultus erga hunc Sanctum Christi Domini Patrem putativum, uti animadvertit Hadrianus Baillet in *visis Sanctorum*, in *vita S. Josephi*.

9 „ Si autem huiusce rei causa exquiratur, eadem profecto non deest, & ad tria capita reduciitur: post mortem etenim S. Josephus ad Limbum descendit; idem quoque ad vetus Testamentum pertinere creditus est; & amplificatio cultus ejusdem timebatur, quod esset ansam suppeditatura Hæreticis asserentibus, eum non putativum, sed naturalem patrem fuisse nostri Redemptoris, uti desumitur ex S. Bernardino Senensi in *sermone de S. Josepho* (art. 2. cap. 3. pag. 463. tom. 3.): *Ecclesia non multum solemnitatem ejus ordinavit; primo, quia ad Limbum descendit, & ad vetus pertinet Testamentum; secundo, propter vitandum scandalum Hæreticorum, unde nec nominans eum patrem, nisi cum determinatione; scilicet putativum*.

10 „ At, utcumque sit de supra recensitis Ecclesiæ sæculis, quibus ex dictis causis aut nullus, aut modicus erat cultus erga S. Josephum, nullum certe ex capitibus a S. Bernardino Senensi *loc. cit.* expositis aptum esse potuit, aut potest ad impediendam cultus extensionem sæculis subsequentibus, & tempore præfenti, ut deprehendi potest ab examine uniuscujusque ex dictis capitibus.

11 „ Et

11 „ Et in eo quidem, quod attinet ad descensum ad Limbum, ille
 „ certe cultui obitare non potest, primo, quia plurimorum Sanctorum
 „ mentio fit in Martyrologio Romano, quamvis ad Limbum descende-
 „ rint, signanter autem SS. Malachie, Habacuc, Michæ, Agabi, Amos,
 „ Ezechielia, Jeremie, Job, Elisei, Aaron, Osee, & Aggei, Joelis, &
 „ Efdre, Isaie, Elie, Danielis, Samuelis; Josue, Gedeonis, & Anan
 „ Prophetisæ, Zachariæ, Joie, Abrahæ, Abdiæ, Nahum, Sophoniæ,
 „ Ananix, Azariæ, Misaelis, & Davidis.

12 „ Secundo, quia solempni celebritate recolitur, non obstante de-
 „ scensu ad Limbum, memoria Præcursoris Domini S. Joannis Baptiste,
 „ necnon Martyrum Machabæorum, uti advertit S. Bernardus (epist. 98.
 „ col. 102. oper. vol. 1.): Quare itaque, quidam visum Patribus fuerit, ut
 „ solis ex omnibus antiquis Jussis, singulari quodam privilegio Machabæis an-
 „ nuam celebritatem pari cum nostris Martyribus veneratione decernerent in Ec-
 „ clesia solempniter exhibendam? Si dixerò dignus merito Martyrum gloria judi-
 „ catus, quibus non impar fuit in martyrio virtus, erit sufficiens solutum, cur
 „ ipsos, sed necdum plane, cur solos, cum & aliis nonnullis ex Veteribus pari
 „ constet zelo pietatis occubuisse, non tamen pari & sripudio recolî meruisse. Quod
 „ si illis non immerito hujusmodi negatur solennis celebratio, quia nimirum
 „ quod præbuit virtus, præcipuus tempus; cur non & eadem fuit in Machabæis
 „ consideratio? Siquidem & ipsi pro tempore non ad cali mox gaudia, sed ad in-
 „ ferni tenebras descenderunt, ne tunc quippe apparente Primogenito ex mortuis,
 „ qui aperiret credentibus regna calorurn, Agno videlicet de tribu Juda, qui ape-
 „ rit, & nemo claudit, ad cujus introitum non omni auctoritate supermis Pote-
 „ statibus diceretur: Tollite portas, Principes, cæstros, & elevamini porta eter-
 „ nales, & introibit Rex gloria. Præinde, si incongruum videtur cum gaudio re-
 „ colere transiunt, qui gaudii non fuit, caveatur & in istis: atq; si ipsi ob sue
 „ virtutis meritum festiva prosequi favore placet, cur non itidem deferretur
 „ & illis?

13 „ Tertio, qui in titaniis majoribus universalis Ecclesiæ invocan-
 „ tur omnes Sancti Patriarchæ, & Prophetæ, & in titaniis pro animæ
 „ commendatione invocantur Sancti Abel, & Abraham, uti ad rem bene
 „ prosequuntur Castellanus in tractatu de Canonizat. Sanctior. qu. 4. n. 88.
 „ Lezana consulti. 3. num. 102. seqq. Raynaudus tom. 15. heteractis spiritual.
 „ puncti. 5. num. 15. pag. 287. Guyez de fest. propr. Sanctior. lib. 1. cap. 5. qu. 8.

14 „ Quod spectat ad secundum caput, quod Sanctus videlicet Jo-
 „ seph pertineat ad vetus Testamentum, ex hoc certe inferri non potest
 „ cultus restrictio; vel quia Sancti etiam veteris Testamenti juxta supra-
 „ dicta coluntur in Ecclesia, uti præter supra cumulatòs ostendit Sera-
 „ rius in tractatu de titaniis part. 2. quæst. 17. vel quia, propriè & absolu-
 „ te loquendo, dici nequit, S. Iosephum ad vetus Testamentum pertine-
 „ re, sicuti docuit Suarez in 3. par. D. Thoma (tom. 2. disput. 8. sect. 1. art. 2.
 „ pag. 79.): Officium autem Ioseph non pertinet ad novum Testamentum, neque

Tom. IV.

8 b b b b b

„ propriè

„ proprie ad veteris, sed ad utriusque Authorem, & lapidem angularem, qui
 „ fecit utraque unum. Et sequitur sæpe memoratus Guyet de fest. propr. San-
 „ ctor. (lib. 1. cap. 5. quest. 8. pag. 46.): Idemque potiori jure assero de vis San-
 „ ctis, qui, licet ante Christi Passionem, atque adeo ante conditam Gratie le-
 „ gem & videri excefferint, pertinere tamen ad Evangelii statum ex eo vel maxi-
 „ me reputandi sunt, quod ab ipsomet Evangelista commenduntur, aut certe quod
 „ Christum ipsum propinquitatem, seu carnis affinitatem proximè attingant, quales
 „ sunt Zacharias & Elisabeth, Simeon Senex & Anna Prophetissa, ut taceam
 „ Joachimum & Annam Virginis Deiparae parentes sanctissimos, Joseph sponsum
 „ ejus castissimum, Joannem denique Christi ipsius Domini nostri Baptistam &
 „ Præcursores. (Ex eadem ratione, quod Christum videlicet natum vi-
 „ derint, ad novum Testamentum pertinere dicendi sunt Magi, qui Beth-
 „ leem ad Christum adorandum se contulerunt, quorum nomina inaudita
 „ fuerunt usque ad exitum sæculi duodecimi, testibus Bollandianis tom. 1.
 „ Maji pag. vii. licet exinde ab aliis fuerint nuncupati Melchior, Gaspar,
 „ Balthasar; ab aliis Appellius, Amerus, Damascus; ab aliis Magalath,
 „ Galgalath, Saracin; ab aliis Ator, Sator, Paratoras, & quorum corpora
 „ Mediolani inventa A. 745. Colonia Agrippinam a Rinaldo Archiepi-
 „ scopo translata sunt A. 1164. uti legitur apud Sigonium tom. 2. nov. edit.
 „ lib. 12. & 13. de Regno Italia pag. 745. & pag. 771. ubi cultum obtinent Of-
 „ ficii & Missæ; quemadmodum etiam ad novum Testamentum pertinere
 „ dicendi sunt Pastores illi; quibus ab Angelo nuntiatum est, Salvatore
 „ esse natum, quique festinantes invenerunt Mariam & Joseph & Infantem
 „ positum in præsepio, & reversi glorificarunt & laudarunt Deum; quique
 „ apud Græcos speciali cultu coluntur, juxta ea quæ habentur apud Jose-
 „ phum Mariam Trainiti, in opere de Pastoribus vocatis ab Angelo ad præsepe
 „ cap. 8. §. 4. & quorum nomina nonnullis, divinando potius, quam ra-
 „ tione, exprimuntur apud Casaubonum exercit. 2. §. 10. & Theophilum
 „ Raynaudum in diptychis Marianis tom. 7. pag. 87.)

15 „ Cumque ex propositis capitibus solum superfit examen tertii,
 „ hoc est occasionis, quæ ab eximio cultu S. Josephi derivari potest, eum
 „ existimandi non patrem putativum, sed naturalem Jesu Christi; hæc &
 „ similia bene congruebant temporibus, quibus mysteria Fidei non erant
 „ adeo perspecta, sed profecto non commovent subsequentibus & postre-
 „ mis nostris temporibus, quibus, Deo dante, Fides satis est corroborata;
 „ ta; uti pie & docte explicant Bollandiani in vita S. Josephi ad diem 19.
 „ Martii (in commentario historico §. 2. pag. 6.): Eadem causa, qua potuit mo-
 „ visse Deum, ut antequam Filium suum mundo & Judæis manifestaret, puta-
 „ ticium illius patrem Josephum tolleret ex hac vita, videtur etiam inter plures
 „ alias posse allegari, ob quam Divi Josephi non aque ac Virginis Deiparae cultus
 „ una cum Christiana Fide fuerit toto orbe propagatus per Apostolos, vel saltem
 „ ab Apostolorum Successoribus; aque ac sanctorum Martyrum institutus, Nemo
 „ pe periculosum videbatur rudibus ad Fidei mysteria gentibus eum magnopere
 „ „ prædi-

„ *predicare, cujus commendatio frequens Virginei Partus fidem possit utcum-*
 „ *que labefactare; & ad verus Testamentum pertinere videbatur Josephus ante*
 „ *promulgatam legem Gratia mortuus, pro cujus defensione occisi Martyres uti-*
 „ *lius proponebantur honorandi ad excitamentum Fidelium inter persecutiones*
 „ *certantium, Fide tamen jam satis corroborata, & Ecclesiastici cultus honore*
 „ *etiam ad eos, qui citra sanguinem egregijs virtutum praluxere exemplis, lau-*
 „ *dabiliter traducto, visum est rationi congruum, ut non omnino pratermittere-*
 „ *tur in Sacris, cujus tanta laus erat in Evangelio, quamvis ante Evangelium*
 „ *defuncti.*

16 „ Cum in aperto positum sit, nihil hodie esse, quod obster am-
 „ plicationis cultus S. Josephi, reliquum nunc est, ut precipuos ampli-
 „ ficationis cultus posterioribus temporibus in Ecclesia Occidentali Au-
 „ ctiores recensamus, necnon eximias prædictæ amplificationis conces-
 „ siones a Romanis Pontificibus factas; ut hinc tandem descendamus ad
 „ nominis descriptionem in litanis Ecclesiæ majoribus.

17 „ Dueto itaque initio ab Auctoribus, qui cultum hunc propaga-
 „ runt posterioribus sæculis in Ecclesia Occidentali, communis est Erud-
 „ itorum sententia, Patres Carmelitas ab Oriente in Occidentem trans-
 „ tulisse laudabilem consuetudinem præstandi amplissimum cultum S. Jo-
 „ sepho; hoc ipsum institutum secutas esse Religiosas familias S. Domini-
 „ ci & S. Francis; demum non modicam cultus accessione factam est,
 „ se ex singulari devotione, qua S. Teresa S. Josephum est profecuta, uti
 „ referunt Bollandiani loc. cit. §. 3. num. 14. Tillemont. in *memoriis sex pri-*
 „ *morum Ecclesiæ sæculorum, in vita S. Joseph pag. 83. Hadrianus Baillet in*
 „ *vitis Sanctorum, in vita S. Josephi, & novissime Joseph Antonius Patri-*
 „ *gnanus e Societate Jesu, in suo opere de S. Josepho lib. 1. cap. 8. Inter eos*
 „ *autem, qui scriptis maximopere laborant pro amplificatione cultus*
 „ *S. Josephi, omitti nullo modo possunt Joannes Gerson Cancellarius Pa-*
 „ *risiensis, qui obiit A. 1429. & Idorus de Molanis Theologus Ordinis*
 „ *Predicatorum in Summa de donis S. Josephi Hadriano VI. summo Pon-*
 „ *tifici dicata, quos alii deinceps subsecuti sunt, uti habetur apud Ray-*
 „ *naudum oper. tom. 7. in opere, cui titulus, Diptycha Mariana, num. 21.*

18 „ Transitzum faciendū ad Romanorum Pontificum concessiones
 „ pro cultus amplificatione erga S. Josephum, prima est desumenda ex
 „ nominis ejus descriptione in Martyrologio Romano; & hæc facta dici-
 „ tur ante annos 800. & amplius, teste Tillemont. in *vita S. Josephi*.

19 „ Secunda, ex die festo de præcepto in ejus honorem die 19. Mar-
 „ tii instituto. Dies hic festus per universalem Ecclesiam non erat tempore
 „ Joannis Gersonis; ideoque videmus eundem plures de hoc argu-
 „ mento conscripsisse epistolas, quæ legi possunt in ejus operibus tom. 4.
 „ idque solide ponderat Thomassinus in tractatu *de festis lib. 2. cap. 22.*
 „ num. 21. Ad Sixtum ergo IV. summum Pontificem, indictio hujus festi
 „ refertur, ut in illius *Vita* testatur Platina his verbis: *Multas varioribus*
 „ *„ solemn-*

„solemnitates adiunxit, ut Conceptionis & Oblationis Beatissima Virginis Dei-
 „paræ, Sanctorum Anna, Josephi, & Francisci, quas in Ecclesia celebrari iussit.
 „Sed quia fortasse decretum illud executione caruit, vel celebrationem
 „festi de precepto non significavit, anno tandem 1621. prævio hujus sa-
 „cræ Congregationis consilio, die 8. Maji Gregorius Papa XV. illius ob-
 „servantiam tamquam de precepto imperavit, juxta ea quæ refert Joan-
 „nes Baptista Thiers de *fiistorum dierum diminutione* cap. 56. pag. 389. Adde
 „Guyet de *festi. propr. Sanctör.* (lib. 1. cap. 1. qu. 12. pag. 11.) : Cujus (S. Jo-
 „sephi) festum licet æstis retro sæculis, omnibus prope Calendariis incognitum
 „maneret, magno tamen hujus sæculi bono ac decore a Sixto IV. primum Calen-
 „dario Romano insertum, & a Gregorio XV. anno 1621. publica etiam feriatio-
 „nis precepto auctum ubique deinceps celeberrimum evasit. Quod confirma-
 „vit summus Pontifex Urbanus VIII. *Constit.* 291. *Bullarii* tom. 5.

20 „Tertia ex Officio proprio ad universam Ecclesiam extenso sub
 „ritu duplici secundæ classis, & in quo nedum habentur hymni proprii,
 „sed præteritis annis facta fuit additio lectionum primi Nocturni, Ca-
 „pitulorum, Antiphonarum; quæ ex novo potissimum Testamento de-
 „sumpta sunt. In Breviariis editis tempore Sixti IV. Officium S. Josephi
 „erat simplex, & temporibus Innocentii VIII. ad ritum duplicem ele-
 „vatum est. Elevatio ad ritum duplicem secundæ classis, & hymnorum
 „propriorum additio in Officio facta est auctoritate hujus sacræ Congre-
 „gationis, & instante Ven. Dei Serva Sorore Clara Maria de Passioe,
 „quæ ex nobilissima Columnensium familia orta, post emissam profes-
 „sionem inter Moniales S. Teresie, suæ sanctæ Matris zelum imitata plu-
 „rimum laboravit, ut nova fieret cultus accessio in honorem S. Josephi
 „ex elevatione Officii ad ritum duplicem secundæ classis, & concessione
 „hymnorum propriorum, uti legitur in ejus vita lib. 4. art. 8. & in opere
 „supra citato Patrigiani lib. 1. cap. 8. & lectiones primi Nocturni, & Ca-
 „pitula, Antiphonæ, & Responsoria ex novo potissimum Testamento
 „deprompta mirabili, qua pollebat, sacrarum Litterarum peritia com-
 „posita fuerunt a numquam peritura memorie Clemente Papa XI. &
 „ejus auctoritate die 3. Februarii 1714. reposita fuerunt in Officio per
 „universam Ecclesiam jam antea extenso: ita ut adimpletum fuerit desi-
 „derium Caroli Guyeti viri docti, eruditi & pii, qui in suo celebri tra-
 „ctatu de *festis propriis* lib. 3. cap. 16. *quæst.* 5. pag. 328. ita scripserat reli-
 „quit: *Miratus sum sæpe sapius, cum tam multa suppetant ex Evangelio, un-*
 „*de Officium proprium de Sancto Josepho Sponso Beatissima Virginis tenui facile*
 „*potuisset, cur non saltem Antiphona aliqua, aliquæve Responsoria deprompta*
 „*fuerint, non hymni proprii induciti, aque ac de Sancta Magdalena, hæc præ-*
 „*sertim tam pio tamque erudito sæculo, quo excitata est, qua prius jacebat, er-*
 „*ga hunc Sanctum commendatæque plurimum devotio.*

21 „Quarta, ex particulari Officio Desponsationis B. Mariæ Virgi-
 „nis cum S. Josepho nonnullis Religionibus, & diocælibus, atque provin-
 „cinciis

„ illarum natura vitatur, sed integro anno, atque adeo biennio, & triennio sa-
 „ pe, qua hodie fuit hausta, incorrupta & recens permanet, ac post tantum tem-
 „ poris cum iis, qua nuper fuerint fontibus adducta, certat. Viget & idem mos
 „ sacer in Ecclesia Occidentali, ut pluribus ostendit eruditus Edmundus
 „ Martene in tractatu de antiq. Eccles. discipl. in Divinis celebrandis Officiis
 „ tom. 4. cap. 34. n. 2. & hodierna die Romæ quotannis fit in ecclesia At-
 „ chiconfraternitatis Stigmatum S. Francisci (item in ecclesia, quam ha-
 „ bent Græci in Urbe.)

23 „ Ideoque, si causæ in totum cessarunt, quæ extensioni cultus
 „ S. Josephi obstabant, si nostris hîc temporibus magna cultus accessio
 „ Romanorum Pontificum auctoritate in honorem S. Josephi facta est, si
 „ ejus nomen jam est descriptum in nonnullis litanîis, quæ Pontificiam
 „ approbationem meruerunt, aperta per consequens esse videtur via pro
 „ ejusdem nominis descriptione in litanîis Ecclesiæ majoribus, ut argu-
 „ mentatur Isidorus de Hispalis supra citatus in Summa de donis S. Josephi
 „ part. 4. cap. 7. His itaque rationibus nullo modo contricandam in litanîis est no-
 „ men ejus. Et, si hæc scripta sunt ab hoc insigni Theologo, antequam
 „ tot aliæ a Sede Apostolica concessæ fuissent cultus extensiones, multo
 „ magis idem in eodem sensu perititisset, si memoratas vidisset exten-
 „ siones.

24 „ Sufficere hæc posse videntur ad rem & ad effectum, de quo agi-
 „ tur: at, quatenus alia requirantur, sunt hæc, quæ sequuntur.

25 „ Suum ortum habuerunt litanîæ a temporibus Apostolicis, teste
 „ Nicolao Serario de litanîis lib. 1. cap. 4. pag. 62. Denique nullus ab Agri-
 „ machis hætenus vere probatus fuit, vel deinceps proferri poterit, qui in lita-
 „ niam Sanctos primo induxerit, nisi jam dicatur; ideoque a primis Apostolicis,
 „ quæ temporibus profectum, non absurde colligitur; & litanîæ nihil aliud sunt,
 „ quam catalogus Sanctorum, qui rite ac licite coli & invocari possunt,
 „ uti totidem verbis prosequitur Fortunatus Scacchus de rit. & sign. san-
 „ ctis. sect. 10. cap. 3. pag. 788. Cum litanie habeant rationem ejusdem cata-
 „ logi Sanctorum, qui a Fidelibus rite ac licite coli & invocari possunt.

26 „ Seclusa ergo prohibitione Ecclesiæ, omnis Sanctus, cujus san-
 „ ctitas judicio Ecclesiæ certa est juxta varios hujus certitudinis modos
 „ (alius enim fuit ante tempora, alius post tempora Alexandri III.) in-
 „ vocari posset in litanîis, ut in specie adnotavit Antonius Joannes Gar-
 „ zias de Caralaps in suo tractatu de Canonizat. Sanctis. cap. 7. §. 11.
 „ pag. 257.

27 „ Et de facto videmus, summum Pontificem Clementem VIII. in
 „ supra allato Decreto 120. Bullar. tom. 3. in append. non absolute & sim-
 „ pliciter prohibuisse additionem alicujus Sancti in litanîis, sed additio-
 „ nem auctoritate privata, & citra approbationem hujus sacræ Congre-
 „ gationis rituum; nec post citatum Decretum additionem nominis alic-
 „ cujus Sancti in litanîis, saltem particularibus, fuisse existimandam rem
 „ omni-

omnino novam & peregrinam, & a Sede Apostolica non obtinendam, teste Ven. Dei Servo Cardinali Bellarmino in sua *epistola familiari* 101. scripta A. 1613. & sic post citatum Decretum editum A. 1601. Acceptis litteris Serenissimarum Celsitudinum vestrarum, adii summum Pontificem, atque ab eo petivi, ut ad scrupulum removendum liceat isthic inferere litanias nomina Sanctarum Virginum & Martyrum Vincentia, & Lea, earum commemorationem publicam facere, & sub earum nominibus Missas celebrare de Communi Virginum & Martyrum. Sanctitas Sua commisit mihi, ut responderem nomine suo id, quod mihi iustum & equum videretur. Ego non dubito, quin liceat in litiis cum aliis Sanctis invocare Sanctam Leam loco suo, id est, post Sanctas Virgines & Martyres alias.

28 „ Cumque prohibitio Ecclesie addendi privata auctoritate nomina Sanctorum in litiis, & ejusdem Ecclesie difficultas annuendi novae additioni in litiis majoribus huic potissimum innitantur fundamento, quod uniformis esse debet modus orandi, & quod, si petita annuitur descriptioni nominis alicujus Sancti in litiis, inferri facili negotio possunt aliae & aliae additiones; ita ut, multiplicatis additionibus Sanctorum, usum amittat sacrarum litaniarum recitatio.

29 „ Hinc est, quod, cum demonstrabitur, S. Josephum talibus praerogativis potiri, ut ab ejus nomine ad aliorum Sanctorum nomina duci nequeat consequentia, sicuti cessabit fundamentum prohibitionis, sic ea non obstante poterit tuto deveniri ad reponendum ejus nomen in majoribus Ecclesie litiis.

30 „ Ad praerogativas itaque ut veniamus, posset haberi ratio sanctificationis, quae in matris utero illi concessa est; juxta asserctionem Joannis Gersonis in sermone de *Nativitate Virginis* habito in Concilio Constantiensi, cui plures alii Theologi adherent, quos cumulat & sequitur Petrus Morales in cap. 1. *Matth. lib. 3. tract. 2. num. 13.*

31 „ At id firmum & stabile non habet in sacra Theologia fundamentum; uti, loquendo de S. Josepho, late probat Raynaudus *oper. tom. 7. in opere*, cui titulus, *Diptycha Mariana*, *num. 23. & oper. tom. 15. in Heteroclit. spiritual. punct. 6. num. 14. & seqq.* Particularis fuit sententia S. Augustini disputantis adversus Pelagianos de peccato originali, Jeremiam, & Joannem Baptistam non fuisse plene a peccato originali in utero tantummodo per gratiam sanctificantem liberatos. Ita docuit *epist. 57. ad Dardanum*, & *lib. 4. contra Julianum, oper. imperf. cap. 133.* & bene adnotavit Cardinalis Norisius in *vindic. Augustin. §. 11.* At, utcumque sit de hoc, communis est Theologorum sententia, sanctificationem in utero tuto tantummodo asseri posse de Beatissima Virgine; de Jeremia, juxta illud, *Antequam exires de vulva, sanctificavi te*, super quo textu legi potest *questio septima Palaestra Biblica* Didaci de Quadros *tom. 1. ubi* late ostendit, eum esse intelligendum de vera justificatione, & non de electione, segregatione, & destinatione Jeremiae in Prophetam; & de „ S. Jo-

750 DE SERVORUM DEI BEATIFICATIONE

„ S. Joanne Baptista, juxta illud, *Spiritu Sancto replebitur adhuc ex utero matris sue*. Nec ad alios extendi debet, de quibus Scriptura non loquitur, juxta doctrinam D. Thomæ 3. part. quest. 27. art. 6. in corp.: Nec est credendum, aliquos alios (præter videlicet Jeremiam, & S. Joannem Baptistam) sanctificatos esse in utero, de quibus Scriptura mentionem non facit; quia hujusmodi privilegia gratia, qua dantur aliquibus præter legem communem, ordinantur ad utilitatem aliorum, secundum illud 1. ad Corinth. 12. Unicuique datur manifestatio spiritus ad utilitatem; qua nulla proveniret ex sanctificatione aliquorum in utero, nisi Ecclesia innotesceret: & quamvis judiciorum Dei non possit ratio assignari, quare scilicet huic, & non alii hoc munus gratia conferat, conveniens tamen videtur fuisse, utrumque doctorum sanctificari in utero, ad præfigurandam sanctificationem per Christum faciendam. Et paulo post in respons. ad primum: Ad primum ergo dicendum, quod Beata Virgo, qua fuit a Deo electa in matrem, ampliorem sanctificationis gratiam obtinuit, quam Joannes Baptista & Jeremias, qui sunt electi, ut speciales præfiguratores sanctificationis Christi. Cujus signum est, quod Beata Virgini præstitum est, ut de cetero non peccaret nec mortaliter, nec venialiter; aliis autem sanctificatis creditur præstitum esse, ut de cetero mortaliter non peccarent, Divina eos gratia protegente. Concordat S. Bernardus in celebri epistola 174. ad Canonicos Lugdunenses (oper. vol. 1.): Sed & ortum Virginis didici nihilominus in Ecclesia, & ab Ecclesia indubitanter habere festum atque sanctum, firmissime cum Ecclesia sentiens, in utero eam accepisse, ut Sancta prodiret; & de Jeremia, siquidem lego, quod, priusquam de ventre exiret, sanctificatus sit, & de Joanne Baptista non secus sentio, qui ex utero Dominum in utero sensit.

32 „ Possit alia quoque considerari prærogativa, quod Sanctus videlicet Joseph corpore & anima ad cælos ascenderit, & prope Christum Dominum post Beatissimam Virginem in sublimi gloriæ throno fuerit collocatus; juxta ea quæ habentur apud S. Bernardum Senensem tom. 3. serm. de S. Joseph art. 3. pag. 463. col. 1. Pie quidem credendum est, non tamen asserendum, quod piissimus Filius Dei Jesus pari privilegio decoravit suum putativum Patrem, sicut suam sanctissimam Matrem, ut, sicut illam assumpsit in calum in corpore & anima gloriosam, sic etiam in die resurrectionis sua sanctissimum Joseph in gloria resurrectionis secum; ut, sicut illa sancta Familia, scilicet Christus, Virgo, & Joseph, in laboriosa vita & amorosa gratia simul vixerunt in terris, sic in amorosa gloria nunc & corpore & anima regnat in cælis, juxta regulam Apostoli 2. ad Corinth. 1. Sicut socii passionum estis, sic eritis & consolationis. Quam assertionem non improbabile existimat eximius Doctor Franciscus Suarez in 3. part. D. Thomæ tom. 2. dispus. 8. sect. 2. art. 2. pag. 81. Illud vero advertere non præmittam, ex quadam satis recepta sententia probabile fieri. Sanctum hunc corpore & animo glorioso cum Christo regnare; quia, cum ante Christum mortuus fuerit, verisimile est, fuisse unum ex illis, qui tempore mortis, vel resurrectionis Christi surrexerunt,

„ quos

„ quos multi sentiunt ad immortalem vitam animi & corporis transiisse.
 33 „ &c. cum id pendeat a celebri illa inter Patres & Theologos contro-
 „ versia, an illi, qui cum Christo Domino resurrexerunt (juxta illud
 „ Matth. 27. Monumenta aperta sunt, & multa corpora Sanctorum, qui dor-
 „ mierant, surrexerunt) ad immortalem corporis & animæ vitam transie-
 „ rint, vel potius resurrexerint iterum morituri (de qua controversia
 „ D. Thomas 3. part. quest. 53. art. 3. ad primum ait: Ad secundum dicen-
 „ dum, quod de illis, qui resurrexerunt cum Christo, duplex est opinio: qui-
 „ dam enim asserunt, quod redierunt ad vitam, tamquam non iterum moritu-
 „ ri &c. Augustinus sentire videtur, quod resurrexerint iterum morituri &c.
 „ rationes tamen Augustini multo efficaciores videntur; & de qua plura eru-
 „ dite collecta legi possunt apud Calmet in dissertatione de resurrectione
 „ sanctorum Patrum, Christo resurgente) asseri idcirco tuto nequit, S. Jo-
 „ sephum corpore & anima cælos ascendisse, & in sublimi gloriæ thro-
 „ no post Mariam Virginem collocatum fuisse.

34 „ Ideoque, relictis his, quæ certa non sunt, & quæ ad sum-
 „ mum probabilia dici possunt, vis constituenda esse videtur in his, quæ
 „ certa sunt, & quæ ex ipso Evangelii fonte hauriuntur.

35 „ Certum est enim, S. Josephum fuisse intemeratum Beatissimæ
 „ & Sanctissimæ Virginis Sponsum, juxta illud Matthæi cap. 1. v. 18.
 „ Cum esset desponsata mater ejus Maria Joseph, antequam convenirent, inventa
 „ est in utero habens de Spiritu Sancto. Joseph autem vir ejus cum esset justus, &
 „ nollet eam traducere, voluit occulte dimittere eam. Hac autem eo cogitante, ecce
 „ Angelus Domini apparuit in somnis ei dicens: Joseph fili David, noli timere ac-
 „ cipere Mariam conjugem tuam; quod enim in ea natum est, de Spiritu San-
 „ cto est. Pariet autem filium, & vocabis nomen ejus Jesum: ipse enim salvum
 „ faciet populum suum a peccatis eorum. Hæc autem totum factum est, ut ad-
 „ impleretur, quod dictum est a Domino per Prophetam dicentem; Ecce
 „ Virgo in utero habebit & pariet filium, & vocabunt nomen ejus Emmanuel,
 „ quod est interpretatum: Nobiscum Deus. Exurgens autem Joseph a somno,
 „ fecit sicut præcepit ei Angelus Domini, & accepit conjugem suam, & non
 „ cognoscebat eam, donec peperit filium suum primogenitum, & vocavit no-
 „ men ejus Jesum.

36 „ Certum est quoque, ipsum S. Josephum patrem fuisse appella-
 „ tum Christi Domini, & in Evangelio Lucæ cap. 3. v. 23. Et ipse Je-
 „ sus erat incipiens quasi annorum triginta, ut putabatur, filius Joseph; & in
 „ Evangelio Matthæi cap. 13. v. 55. Nonne hic est fabri filius? Nonne ma-
 „ ter ejus dicitur Maria, & fratres ejus Jacobus, & Joseph, & Simon, &
 „ Judas? & rursus in citato Evangelio Lucæ cap. 2. v. 49. Fili, quid feci-
 „ sti nobis sic? Ecce pater tuus, & ego dolentes querebamus te: de qua S. Jo-
 „ sephi paternitate sic egregie scribit S. Augustinus lib. 2. de consens.
 „ Evangel. (cap. 1. col. 27. tom. 3. part. 2. operum): Neque enim propterea
 „ non erat appellandus Joseph Pater Christi, quia non eum concumbendo gene-
 „ rat;

„rat; quandoquidem recte pater esset etiam ejus, quem non ex sua conjugē
 „procreatum aliunde adoptasset. Putabatur quidem Christus etiam filius
 „Joseph, tamquam ex ejus omnino carne progenitus; sed ab eis hoc putabatur,
 „quos Maria latebat virginitas. Nam Lucas ait: Et ipse Jesus erat inci-
 „piens quasi triginta annorum, ut putabatur, filius Joseph. Qui tamen
 „Lucas non ejus parentem solum Mariam, sed ambos parentes ejus appellare
 „minime dubitavit, ubi ait: Puer autem crescebat, & confortabatur
 „plenus sapientia, & gratia Dei erat in illo, & ibant parentes ejus per
 „omnes annos in Hierusalem in die solemni Paschæ. Sed, ne quisquam
 „hic Parentes Consanguineos potius Maria cum ipsa matre ejus intelligendos
 „putet, quid ad illud respondebit, quod ipse item Lucas superius dixit, Et
 „erant Pater ejus, & Mater mirantes super iis, quæ dicebantur de il-
 „lo? Cum igitur ipse narret non ex concubitu Joseph, sed ex Maria Virgine
 „natum Christum, unde eum Patrem ejus appellat, nisi quia & virum Ma-
 „rie recte intelligimus sine commixtione carnis ipsa copulatione conjugii, & ob
 „hoc etiam Christi patrem multo conjunctius, qui ex ejus conjugē natus sit quam
 „si esset aliunde adoptatus?

37 „Certum est denique, Christum Dominum fuisse subjectum S.
 „Joseph, quemadmodum pariter legitur in eodem Evangelio S. Lucæ
 „cap. 2. Et descendis cum eis, & venit Nazareth. & erat subditus illis;
 „non ex debito, sed ex usu, juxta ea quæ recte considerantur per Fran-
 „ciscum Suarez in 3. part. D. Thoma (tom. 2. disput. 8. sect. 1. art. 2.
 „pag. 78.): Quamquam hoc magis significet usum, quam debitum, quia re-
 „vera Christus propter dignitatem suæ personæ nulli hominum propriè subje-
 „ctus fuit, tamen ad dignitatem Joseph declarandam satis est, quod præcisè conside-
 „rata humana conditione & origine, Christus futurus erat jure subditus Joseph,
 „& quod, licet ratione Divinitatis esset exemptus, tamen de facto voluit illi
 „esse subjeclus, eique, tamquam Patri ac Superiori, obedientiam honorem-
 „que deferre. (Extat adhuc sermo Joannis Gersonii de Nativitate glorio-
 „sæ Virginis Mariæ, & de commendatione virginis ejus sponsi Joseph, ha-
 „bitus ad Concilium Constantiense, de quo sermone Archiepiscopus Chri-
 „stophorus a Capitefontium testatur fuisse pergratum toti Ecclesiæ in Con-
 „cilio congregatæ. Porro in eo sermone col. 1356. oper. tom. 3. ita loqui-
 „tur Gersonius: Puer Jesus benedictus in sacula, de quo scriptum & jam di-
 „ctum est, quod erat subditus eis, subditus Fabri qui fabricavit Auroram &
 „Solem, subditus Femine textrina, cui flectitur, omne genu celestium, terre-
 „strium, & infernorum. Cupebam mihi verba suppeterent ad explicandum tam al-
 „tum & absconditum a saculis mysterium, tam admirandam venerandamque Tri-
 „nitatem, Jesum, Joseph, & Mariam.)

38 „Gratiæ hæc spirituales istæ prærogativæ magnæ sunt, excelsæ sunt,
 „certissimæ sunt, propriæ sunt, nec alteri Sancto communicatæ. In quo re-
 „rum themate unusquisque sibi facile suadere poterit, ex additione nomi-
 „nis S. Josephi in litaniis consequi non posse, ut alia Sanctorum nomina
 „sunt

„ sint subinde superaddenda : exclusioque hujus consequentiæ timore , ta-
 „ cillior aperitur via petitiæ descriptioni ; & multo magis , cum hoc ipsum
 „ sanctum nomen jam sit descriptum , uti dictum est , Apostolica Sede
 „ permittente , in litanis Patrum Prædicatorum , Patrum Carmelita-
 „ rum Discalceatorum , & Vigiliæ Epiphaniæ ; ut a simili observatum
 „ vidimus in festo Conceptionis Beatissimæ Virginis Mariæ . Cum enim
 „ illud ex tolerantia sanctæ Sedis in aliquibus Ecclesiis olim celebraretur ,
 „ teste D. Thoma 3. pars. quest. 27. art. 2. *Ad tertium dicendum , quod , li-*
 „ *cet Romana Ecclesia Conceptionem Beatæ Virginis non celebret , toleras tamen*
 „ *consuetudinem aliquarum Ecclesiarum illud festum celebrantium ; unde talis*
 „ *celebritas non est totaliter reprobanda ; post illius cultum a pluribus Roma-*
 „ *nis Pontificibus ampliatum Clemens XI. ipsum Conceptionis festum ab*
 „ *omnibus & singulis utriusque sexus Christianidelibus , sicut alia festa de*
 „ *præcepto , servandum mandavit & celebrandum , ut ex ejus notissimo*
 „ *constat diplomate , quod refert Pater Joannes Antonius de Panormo*
 „ *meritissimus hujus sacræ Congregationis Consultor in suo scrutinio do-*
 „ *ctrinarum cap. 6. art. 9. sub num. 12.*

39 „ Posito , quod nomen S. Josephi sit in majoribus Ecclesiæ litanis
 „ describendum , sequitur quæstio circa locum , in quo ejus nomen de-
 „ scribi possit .

40 „ Cumque locus triplex esse possit , videlicet ante S. Joannem
 „ Baptistam , ante omnes Confessores , ita ut S. Joseph sit primus illorum ,
 „ & proxime post S. Joannem Baptistam , de unoquoque horum locorum
 „ sermo est necessario instituendus .

41 „ Ducto igitur initio a primo loco , hoc est a collocatione nomi-
 „ nis S. Josephi ante S. Joannem Baptistam , pro hoc assumpto facit Sua-
 „ rez , qui probabile existimat , S. Joseph perfectiorem gratiam obtinuis-
 „ se ipsomet S. Joanne Baptista , uti desumitur ex his ejus verbis in 3.
 „ part. D. Thoma (tom. 2. dispus. 8. sect. 2. pag. 80. col. 2.) : *Quia proba-*
 „ *bile est , Josephum perfectiorem gratiam esse assequutum , quam Joannem Ba-*
 „ *pistam , quia excellentius munus habuisse videtur , & majorem opportunitatem ,*
 „ *pluresque occasiones crescendo in gratia & charitate : & hinc sumitur confir-*
 „ *matio , quia Deus confert gratiam ministerio & dignitati accommodatam , ut*
 „ *ipsidem locis citatis Divus Thomas dicit . Sed ostendimus , probabile esse , Josephi*
 „ *munus eo fuisse excellentius , quod ad altiorem ordinem pertinuit . Quid ergo*
 „ *mirum , quod majorem gratiam acceperit ? Sequitur Cornelius a Lapide in*
 „ *comment. in Matth. (cap. 1. pag. 52. in fin.) : Quinto Joseph fuit eximia*
 „ *sanctitatis , ac eximii natura & gratia dotibus a Deo instructus ; adeoque il-*
 „ *lo secundo non fuit vir sanctior aut dignior , cui Mater Dei desponsaretur ; un-*
 „ *de Franciscus Suarez probabiliter opinatur , Josephum in gratia & gloria ante-*
 „ *cellere Apostolos & Joannem Baptistam , quia ejus officium illorum officio*
 „ *præcellerat ; plus enim est esse Patrem & Rectorem Christi , quam Præco-*
 „ *nem & Præcursorem ejusdem .*

42 „ Haud urgente illo Matthæi cap. 11. v. 11. *Amen dico vobis, non
 „ surrexit inter natos mulierum major Joanne Baptista; qui autem minor est in
 „ regno celorum, major est illo; nec altero Lucæ cap. 7. v. 28. Dico enim vo-
 „ bis, major inter natos mulierum Propheta Joanne Baptista nemo est; qui au-
 „ tem minor est in regno Dei, major est illo. Sanctus etenim Ioseph ex su-
 „ pradietis ad novum pertinet Testamentum; Sancti autem Joannis Ba-
 „ ptistæ dignitas, qua præcellit ceteros, eminet supra universos, ante-
 „ cellit Prophetas, supergreditur Patriarchas, uti loquitur S. Augusti-
 „ nus *serm. 1. in festo S. Joannis Baptista pag. 372. tom. 10. edit. Lugd.* refer-
 „ tur ad Patres veteris Testamenti, quemadmodum post S. Hieronymum
 „ notavit Maldonatus in *Matth. (cap. 11. col. 267. tom. 1.)*; Breviter igitur,
 „ & facile respondeo, Joannem, quemadmodum Hieronymus docet, non
 „ cum omnibus, sed cum solis Sanctis veteris Testamenti comparari. Confirmat
 „ Cornelius à Lapide, in *cit. cap. 11. Matth. pag. 242. tom. 1.*; Tacite ergo
 „ Christus hic Joannem vocat omnium maximum; aliis enim non recte hinc
 „ concluderet, Joannem esse plusquam Prophetam, quod tamen probare inten-
 „ dit. Intellige hoc de hominibus veteris Testamenti, præcedentis scilicet sæculi
 „ usque ad Christum.*

43 „ Creicitque argumentum, quandoquidem in ordinandis litanis
 „ haberi consuevit ratio temporis, quo Sancti obierunt; ita ut, qui pri-
 „ mo mortuus est, alium præcedat qui subinde ex hac vita migravit.
 „ Porro probabile admodum videtur, S. Iosephum mortuum fuisse ante
 „ S. Joannem Baptistam; Christus enim Dominus, cum esset annorum
 „ duodecim, venit Hierusalem ad celebrationem Paschæ, nec rediit cum
 „ Parentibus, sed inventus est post triduum in Templo in medio Docto-
 „ rum sedens, erudiens illos & interrogans, uti legitur in Evangelio
 „ S. Lucæ cap. 2. *Et cum factus esset annorum duodecim &c.* pauloque post
 „ S. Ioseph ex hac vita migravit, ita ut idcirco nulla amplius illius fiat
 „ mentio in Evangelio, teste S. Epiphanio *hæres. 78. Ioseph post repertum*
 „ *Iesum puerum in Templo haud multo post ex hac vita migravit, & propterea*
 „ *in Evangelica Scriptura nulla amplius de eo habetur mentio.* Id sequitur
 „ Cardinalis Baronius in *annal. ad A. 12. n. 8. & seq.*; quando contra S. Jo-
 „ annes Baptista suum ministerium exercuit per integrum ferme annum,
 „ antequam Christum Dominum baptizaret; Christus autem Dominus
 „ baptizatus fuit, ineunte ætatis anno trigésimo, uti, facta veri tem-
 „ poris supputatione, docet Graveſon ex Dominicana familia Theolo-
 „ gus insignis Collegii Casanatensis in suo opere *de mysteriis & annis Chr-
 „ sti quæst. 1. pag. 215. & quæst. 3. pag. 234.* ideoque Venerabilis Beda censet,
 „ S. Joannem Baptistam occisum fuisse, labente anno trigésimo tertio
 „ ætatis Christi; & Salianus in *annal. tom. 6. in fin. ad A. 32. num. 20* pu-
 „ tat, eundem occisum fuisse in fine anni trigésimi secundi ætatis Re-
 „ demptoris nostri.

44 „ Hæc sunt, quæ pertinent ad descriptionem nominis S. Iosephi
 „ in li-

„ in litaniiis ante S. Joannem Baptistam. At id non videtur admitten-
 „ dum, primo quia, uti vidimus, nomen S. Joseph non solum est in li-
 „ taniis Patrum Prædicatorum, sed etiam erat in litaniiis majoribus uni-
 „ versalis Ecclesiæ, & hodie reperitur in litaniiis pro aquæ benedictio-
 „ ne; nec tamen in his est ante nomen S. Joannis Baptistæ; proindeque
 „ concludendum videtur, locum nominis ejus non posse S. Joannem Ba-
 „ ptistam proxime præcedere, præsertim cum in litaniiis Patrum Carme-
 „ litarum nec Elias, nec Eliseus S. Joannem Baptistam præcedant, licet
 „ ex regula sit, ut in litaniiis Sancti veteris Testamenti præcedant eos,
 „ qui pertinent ad novum Testamentum, juxta bene deducta per Gavan-
 „ tum *tom. 2. sect. 5. cap. 18. num. 7.*

45 „ Secundo, quia totum fundamentum præferendi S. Josephum
 „ S. Joanni Baptistæ constituitur in majori illius sanctitate, de qua ta-
 „ men nullam habemus evidentiam, tum quia deest auctoritas Scriptu-
 „ ræ, tum quia non adest Ecclesiæ traditio. Quocirca Suarez, qui pri-
 „ mus docuit, S. Josephum majorem gratiam obtinuisse S. Joanne Bapti-
 „ sta, addit, tantummodo id esse probabile, sed non certum. En ver-
 „ ba ejusdem in 3. part. D. Thoma (*tom. 2. dispus. 8. sect. 2. pag. 81. col. 1.*):
 „ *Nihilominus tamen cordati ac prudentis hominis esse existimo, nihil temere*
 „ *aut nimium asseveranter affirmare, quia re vera, ubi deest Scriptura autho-*
 „ *ritas, aut Ecclesiæ traditio, nulla potest esse sufficiens certitudo, in re præ-*
 „ *sertim ex Divina electione ac prædestinatione pendens, cujus consilia inscru-*
 „ *tabilia sunt & abditissima mysteria.* (Et eodem modo loquitur Didacus
 de Quadros in sua *Palestra Biblica tom. 1. quest. 5. ubi quærit, an sine temeritate probabiliter defendi possit, S. Josephum ceteros omnes omnino Sanctos, etiam Apostolos, dignitate & meritis antecelluisse.*)

46 „ Tertio quia, hac via procedendo, tamquam certum admitte-
 „ retur, Ecclesiam in litaniiis ordinem deducere a majori, vel minori
 „ sanctitate Sanctorum, quæ res periculosa videretur: quis enim est, qui,
 „ seclusa revelatione Divina, dicere possit, S. Antonium majorem
 „ fuisse sanctitate S. Benedicto, vel S. Agatham majorem fuisse sanctita-
 „ tem S. Lucia, & sic de ceteris?

47 „ Quarto quia, quatenus in litaniiis admittendus esset ordo tem-
 „ poris, quo Sancti mortui sunt, hinc tamen numquam sequitur, S. Jo-
 „ sephum esse S. Joanni Baptistæ præferendum: incerta quippe sunt
 „ omnia, quæ de die & tempore obitus S. Josephi asseruntur (ut etiam
 indicat Calmer in sua dissertatione de *Sancto Joseph. ars. 8.*) „ nec defunt
 „ Ecclesiæ Patres, qui existimant, illum in Domini Passione supersti-
 „ tem fuisse, & sunt S. Cyprianus in *sermone de Passione*, & Auctor in-
 „ ter illius opera de virtutibus Cardinalibus, S. Joannes Chrysostomus ho-
 „ mil. 5. in *Martbaum*. & homil. 3. in *Acta Apostolorum*, S. Ambrosius
 lib. 1. cap. 10. in *Lucam*, & de *Instituto Virginum cap. 6. & 7. & epist. 79.*
 „ S. Augustinus *serm. 81. de tempore*, & Arnoldus Abbas de *laudibus Vir-*
 „ *ginis Mariæ.*

43 „ Quinto

756 DE SERVORUM DEI BEATIFICATIONE

48 „ Quinto tandem & ultimo quia, si S. Joseph præponeretur S. Joanni Baptiste, & unus & alter essent in classe Patriarcharum & Prophetarum, in hac classe Confessor Martyri præponeretur, quod non videtur admittendum: citra liquidem omnem difficultatem S. Josephus est Confessor, quando contra indubitatum esse videtur, S. Joannem Baptistam Martyrem fuisse; ideoque de isto inquit S. Augustinus comment. in Psal. 140. (col. 1578. tom. 4.): *Pro lege quidem veritatis, pro aequalitate, pro justitia, ideo Sanctus, & ideo Martyr; & sequitur S. Gregorius (Respons. ad sextam Augustini interrogationem): Capite truncatus est, & sancto martyrio coronatus. Neque dissentit S. Eulogius Cordubensis lib. 1. Memorialis Sanctorum, quod habetur tom. 15. bibliotheca Patrum pag. 250: Cum Regem iniquum de stupro Herodiadis commoneret... ergastulo propter veritatis confessionem detruditur, ibique absque ulla Fidei persecutione truncatur; nec tali succumbere recusavit dispendio, quia sine dubio noverat, Divino revelante Spiritu, tantumdem esse propter iustitiam mori, quam pro Fidei confessione prosterni. (Eum etiam tamquam Martyrem prædicat Ecclesia in Hymno, qui in ejus festo canitur:*

Præpotens Martyr, memorumque cultor &c.

„ Ad rationem siquidem martyrii idem est mori pro Fide, ac pro operibus virtutum, secundum rationem qua referuntur in Deum, juxta doctrinam D. Thomæ 2. 2. quæst. 124. art. 5. ubi in respons. ad quintum hæc habet: *Unde & Beati Joannis Baptiste martyrium in Ecclesia celebratur, qui non pro neganda Fide, sed pro reprehensione adulterii, mortem sustinuit. De eodem martyrio S. Joannis loquuntur Abulensis tom. 4. in Matthæum cap. 14. quæst. 41. Suarez in 3. part. D. Thomæ quæst. 28. art. 1. disput. 24. §. Postremo, Martyrem fuisse Joannem, Cornelius a Lapide de comment. in Eccles. ad cap. 40. sect. 33. . .*

49 „ Quod erat secundo loco propositum, an videlicet in litaniis majoribus primus locus sit S. Josepho assignandus inter Confessores, id improbabile non videtur. Habet enim Ecclesia S. Josephum in classe Confessorum, & eum tamquam Confessorem veneratur, ut ex Martyrologiis, Missalibus, atque Breviariis colligitur. Cumque Abbas Justus Fontaninus, Vir præ sua eruditione ubique notissimus, antiquum habeat in sua bibliotheca Breviarium manuscriptum in membranis, cui præmittuntur Calendaria Ecclesiarum Florentinæ, Aquilejensis, & Parentinæ; in illis, quæ ego diligenter recognovi, non habet S. Joseph alium titulum, quam Confessoris. Id autem efficere posset videtur, ut nomen illius, quatenus reponendum sit in litaniis, primo reponatur loco inter Confessores: eoque magis, cum ita expresse docuerit Isidorus ille de Isolanis supra citatus in sua Summa de donis S. Josephi cap. 7. part. 4. pag. 96. *His itaque rationibus nullo modo conticendum in litaniis est nomen ejus, sed Joseph in Sanctorum ordine Confessorum primus nominandus: non enim fas esse videtur, ut inferiorem obtineat locum,*

etiam si eo &c.

— 91 — cui

„ cui *Salvator* supra se locum concessit, neque subiecti debet nomen illius alteri,
 „ cui *Christus ipse* se subiecit. Etenim propter *Christum* ac *Beatissimam Virginem*
 „ Matrem omnis honor *Joseph* exhibitus *præclarissimus* atque *dignissimus* esse
 „ debet.

50 „ Aliter si fieret, sequeretur non sine absurditate *S. Josephum* ef-
 „ se recensendum in classe Patriarcharum & Prophetarum proxime post
 „ *S. Joannem Baptistam*: quæ res non satis congrua videtur, tum quia
 „ *S. Joseph* non est Patriarcha, tum quia pertinet ad novum Testamen-
 „ tum, & nemo est qui in novo Testamento præcedere debeat Apostolis,
 „ ut in re hac argumentatur Guyet de fest. propr. Sanctior. lib. 2. cap. 7. qu. 4.
 „ Prophetas omnino compellendos *Joannem Baptistam* Clausulam Legis ac Pro-
 „ phetarum a *Tertulliano* dictum, chorique hujus ducem ac magistrum, item-
 „ que *Zachariam*, & *Elisabetham* parentes ejus sanctissimos, sicut & *Simeonem*
 „ senem, & *Annam* Prophetissam probant vel ipsa de singulis elogia in *Euange-*
 „ lio posita. Inde tamen duo nolim ut tu arguas: primum, pertinere illos ad *ve-*
 „ tus Testamentum; quod de *Sancto Joanne* expresse negat *Sanctus Thomas*
 „ secundum, si forte in litanis inferantur, jungendos esse protinus post *Joannem*
 „ *Baptistam* ante Apostolos; cum enim ad gratiam novi Testamenti pertineant,
 „ nullatenus Apostolis præmitti debent. Idemque esto judicium de *Sanctis Joa-*
 „ chimo, & *Anna*, ipsoque *Josepho Beate Virginis Sponso*, quibus nec Patriar-
 „ cha titulus, nec locus ante Apostolos ulla ratione est tribuendus, quidquid se-
 „ cus tentaverint devoti Recentiores aliqui.

51 „ Opinio hæc reponendi nomen *S. Josephi* in classe Confessorum
 „ non est re vera improbabilis, cum illam rationes & auctoritates pro-
 „ pugnent. Attamen retinendam non esse, censerem: adversatur enim
 „ praxi Ecclesiæ, quæ (uti sæpe diximus) non solum in litanis Patrum
 „ Prædicatorum, sed etiam in litanis antiquioribus, & in aliis quæ re-
 „ citantur pro aquæ benedictione, invocat *S. Josephum*, sed illius nomen
 „ non recenset inter Confessores. Ducto ergo argumento a partium enu-
 „ meratione, tutior esse mihi videtur sententia quæ autumat, nomen *S. Jo-*
 „ sephi ponendum esse in litanis statim post *S. Joannem Baptistam*, præ-
 „ sertim cum hic ordo habeatur in litanis Patrum Prædicatorum, habi-
 „ tus fuerit antiquioribus temporibus in litanis majoribus universalis Ec-
 „ clesiæ, idemque conservetur in litanis insertis in Rituali Romano pro
 „ aquæ benedictione, uti desumitur ex Missalibus & Ritualibus supra re-
 „ censitis: & absque profecto res esset, si nomen *S. Josephi*, quod anti-
 „ quitus in litanis majoribus invocabatur statim post *S. Joannem Bapti-*
 „ stam, & hodie etiam ita nominatur non tam in litanis Patrum Prædi-
 „ catorum, quam in aliis pro aquæ benedictione Rituali Romano appo-
 „ sitis, nunc in litanis majoribus iterum reponeretur, sed loco inferiore,
 „ idest in classe Confessorum.

52 „ Nec vero obstat, quod *S. Joseph* Confessor vocetur in Marty-
 „ rologiis, & ab Ecclesia in Calendariis & Breviario colatur tamquam
 „ Con-

758 DE SERVORUM DEI BEATIFICATIONE

„ Confessor; quandoquidem non valet argumentum a Breviario & Officiis
 „ ad litanias. In litanis siquidem habemus classem Patriarcharum & Pro-
 „ phetarum, in qua S. Joseph reponi poteit; at in Breviariis & Officiis
 „ non habent Sancti Evangelici, in quorum numero est S. Joseph, nisi
 „ Commune vel unius, vel plurimorum Martyrum, vel Confessoris Pon-
 „ tificis, vel non Pontificis, teste ipso Guyet *cit. oper. lib. 3. cap. 16. quest. 5.*
 „ Quorum Sanctorum in quatuor Evangeliorum libris mentio fit cum laude, ii
 „ merito appellari possunt Evangelici. Sunt autem ejusmodi, præter Beatissimam
 „ Virginem Deiparam, ejusque Sponsum castissimum Sanctum Josephum &c.
 „ De his ergo omnibus Commune aliud non datur, quam quod in Brevia-
 „ rio positum est unius, vel plurimorum Martyrum, Confessoris Pontificis,
 „ vel non Pontificis, ac non Virginis pro cuiusque statu ac conditione, ut clarum
 „ est exemplis Sancti Joseph, Sanctæ Mariæ Magdalene &c. quod ipsum re-
 „ petit lib. 3. cap. 23. quest. 7. Hoc autem stante, clarissime colligi poteit,
 „ hæc duo inter se non pugnare, Sanctum videlicet Joseph in Officio coli
 „ tamquam Confessorem, ejusque nomen reponi in litanis in classe Pa-
 „ triarcharum & Prophetarum statim post S. Joannem Baptistam.

53 „ Majoris momenti non est, quod invocatio S. Josephi statim post
 „ S. Joannem Baptistam sit devotioni quorundam recentiorum adscriben-
 „ da, juxta ea quæ in superioribus ex Guyeto deducta sunt: ut enim supra
 „ probatum fuit, ordo hic retentus est usque ab anno 1551. in litanis
 „ Patrum Predicatorum, & olim in litanis majoribus, & hodie in lita-
 „ nis pro aquæ benedictione insertis Rituali Romano; in quo rerum the-
 „ mate quælibet avertitur suspicio novitatis.

54 „ Mittamus, quod S. Joseph præcederet Apostolis: mittamus
 „ etiam, quod munus & officium S. Josephi Apostolico muneri præfere-
 „ dum esse videatur, juxta ea quæ docet Suarez in 3. par. D. Thoma tom. 2.
 „ disput. 8. sect. 1. Jam vero, officium hoc cum aliis conferendo, dubitari poteit,
 „ an hac dignitas major sit, quam dignitas Præcursoris, vel Apostolorum, aut
 „ Evangelistarum, quod ad manus & officium attinet &c. Ratio dubitandi ef-
 „ se poteit, quia hoc ministerium Josephi videtur fuisse proxime conjunctum cum
 „ ipsam Christi persona; item videtur maxime accessisse ad dignitatem Matris
 „ Dei; item videtur fuisse aptissimum ad perfectius exercenda omnes actiones
 „ vitæ activæ & contemplativæ, quam ullum aliud munus pura creatura, sola
 „ Dei Matre excepta &c. Et paulo post: In hac comparatione, quam a nemine
 „ vidio satis esse discussam ac declaratam, nihil temere affirmare volo. Probabi-
 „ liter tamen dici posses, hæc munera esse quodammodo diversorum ordinum, &
 „ ideo non possi tam propriè comparari: habere tamen se munus, sicut excedens
 „ & excessum. Sentio equidem, Apostolicum munus esse supremum omnium co-
 „ rum, quæ in Ecclesia Christi, prout ab eo in Lege gratiæ instituta est, inven-
 „ niuntur, ut Augustinus supra, & Divus Thomas Matth. 3. expresse docuerunt,
 „ & testimonia & rationes facta probant, nihilominus tamen non existimo impro-
 „ babile, munus seu ministerium Sancti Joseph, quatenus quodammodo est altioris
 „ ordi-

ordinis, posse dici perfectius. Intellego enim, quodam esse ministeria precise pertinentia ad ordinem gratiae gratum facientis; & in hoc ordine intellego Apostolos habuisse supremum dignitatis fastigium; & indignisse fortasse pluribus gratia, praesertim gratis date & sapientiae donis, quam reliquos. Alia vero sunt ministeria, quae attingunt ordinem unionis hypostatice; qui ex suo genere perfectior est, ut de dignitate Matris Dei supra diximus; & in hoc ordine intellego institutum esse ministerium Sancti Ioseph, & esse veluti in infimo gradu illius, & ex hac parte excedere reliqua, tamquam in superiori ordine existens.

55 „ Quandoquidem haec & similia tuta undique dici non possunt, & sic deservire nequeunt, nisi forte Concionatoribus, nullatenus autem vel ordinandis Officiis Divinis, vel loco in litanis statuendo, ut hac ipsa in re allatam doctrinam Suarez perpendit Guyet lib. 4. cap. 13. quæst. 5. Et vero valeat Suarez docta non minus, quam pia in gratiam Sponsi sanctissimi Genitricis Dei Mariæ argumentatio, siquæ vere Ioseph Apostolis ut sanctitate, sic & gloria non impar. Subscribam ego ejus opinioni, nec invitatus inter concionandum proficebor: as non est privati cujusquam sui illud, de quo agimus, praesentia in Divinis Officiis ei tribuere, nisi accedente Ecclesiæ auctoritate legitima.

56 „ Momentum in eo consistit, quod Sanctus Joannes Baptista pertinet ad novum Testamentum, uti, præter supra deducta, expresse docet Divus Thomas 2. 2. qu. 174. art. 4. ad tertium: Ad tertium dicendum, quod Joannes pertinet ad novum Testamentum, cujus Ministri praesentantur etiam ipsi Moysi, quasi magis revelate speculantes. Cumque in litanis Sanctus Joannes Baptista prælatatur Apostolis, absurdum non est, aliquem ad novum Testamentum pertinentem præmitti ipsis Apostolis, vel quia est in classe Patriarcharum vel Prophetarum, vel quia ante dictos Apostolos mortuus est. Quæ omnia, sicuti non minus conveniunt S. Joanni Baptiste, quam S. Iosepho, ita efficiunt, ut, sicut ille præfertur Apostolis in litanis, ita huius eadem prælatio in litanis concedenda sit. Nec vero, quod attinet ad S. Joannem Baptistam, necesse est confugere ad illud Matthæi cap. 21. vers. 11. Non surrexerit inter natos mulierum major Joanne Baptista. Cum enim hoc intelligatur quoad Sanctos veteris Testamenti, nec Christum Dominum consequenter, nec Beatissimam Virginem, nec Sanctos Apostolos comprehendit, uti ad rem argumentatur Maldonatus in Matthæum cap. 11. pag. 267: Breviter igitur, & facile respondet, Joannem (quemadmodum Hieronymus docet) non cum omnibus, sed cum solis Sanctis veteris Testamenti comparari. At Christus, & ejus Mater, omnesque Apostoli ad novum pertinent Testamentum. Et sequitur Cornelius a Lapide in eundem locum Matthæi pag. 242. tom. 1. Non ergo Joannes hic comparatur cum Christo, Beata Virgine, vel Apostolis, qui Christum secuti sunt, & ob dignitatem Apostolicam Joanne non fuere minores, sed potius majores. (Adhæret Tirinus ad hunc ipsum locum: Agis hic Christus de hominibus veteris Testamenti, & præcedentium sæculorum, quibus omnibus præfertur hic Joannes.

Tom. IV.

D d d d d

Et

Et S. Hieronymus in comment. ad hunc ipsum textum Matthæi nedum admit-
tit, Christum loqui de Sanctis veteris Testamenti, sed insuper addit,
S. Joannem Baptistam in hoc loco non præferri Sanctis veteris Testamen-
ti, sed eis æquari: *In eo quod dixit, Non surrexit major Joanne Baptista: non*
ceteris Prophetis & Patriarchis, cunctisque hominibus Joannem præulit, sed Joan-
nem ceteris exæquavit.)

57 „ Parum obstat, quod S. Joseph non sit Patriarcha; quandoqui-
„ dem Patriarcha dici potest, & simul Propheta; quamvis ad effectum,
„ de quo agitur, satis esset, ut Patriarcha vel Propheta dici posset. Quod
„ autem S. Joseph dici valeat Patriarcha, ex eo probatur, quod Patriar-
„ chæ juxta sanctos Patres, & antiquos recentisque Scriptores fuerint
„ illi, qui totidem familiarum Protoparentes extiterunt, quibus Dei po-
„ pulus constabat, uti late ostendit Celada de benedict. Patriarchar. in præ-
„ far. num. 2. Cum igitur S. Joseph fuerit pater putativus Christi Domini
„ nostri, qui Prædestinatorum & Electorum Caput est, hac de causa no-
„ men Patriarchæ jure ac merito S. Josepho attribuitur, & hoc eodem
„ nomine ipse appellatur a plerisque Scriptoribus hic inutiliter non con-
„ gerendis. (Nec obstat superius allata assertio Guyeti dicentis, Sancto Jo-
„ sepho titulum Patriarchæ non deberi; loquitur enim nulla allata ratione,
„ nec ulla allata auctoritate. Cumque unicum fundamentum, cui inniti
„ potest, constitutum sit in hoc, quod S. Joseph non fuerit pater naturalis
„ Christi Domini, nec eum generaverit, id solum probare potest, eum non
„ fuisse patrem fidelium generatione naturali, uti ceteri Patriarchæ fue-
„ runt, sed non impedit, quin fuerit Patriarcha perfectiori & altiori modo,
„ juxta ea quæ modo dicta sunt.) „ Quod vero ille dici possit etiam Pro-
„ pheta desumitur ex allato cap. 3. v. 20. Evangelii Sancti Matthæi: *Hæc*
„ *autem eo cogitante, ecce Angelus Domini apparuit in somnis ei dicens: Joseph*
„ *fili David, noli timere accipere Mariam conjugem tuam; quod enim in ea na-*
„ *tum est, de Spiritu Sancto est. Parias autem filium, & vocabis nomen ejus Je-*
„ *sum: ipse enim salvum facies populum suum a peccatis eorum.* Ideoque ad
„ rem subjicit Ildorus de Isolanis in sua Summa de donis S. Josephi part. 3.
„ cap. 18. *Enumerato Prophetarum tres sunt proprietates: Superior illuminatio;*
„ *non enim voluntate humana allata est aliquando Prophetia, sed Spiritu Sancto*
„ *inspirati locuti sunt sancti Dei homines: Scripturarum interpretatio; oculorum*
„ *prophalatio; unde etiam Propheta dicuntur, quasi a sensibus occulta lo-*
„ *quentes. Et hæc tria evenere Prophetis in lumine adumbrato, & in figuris,*
„ *etiam enigmatibus. Joseph vero, lumine Angelico illustrante, clarius supremum*
„ *cognovit mysterium Filii Dei, quod omnium pariter est Prophetarum finis: quo*
„ *cognito, sacrarum Litterarum sensus abditissimos intellexit profundissime, sate-*
„ *gitque, ut ipsum mysterium opportuno tempore toti manifestaretur orbi, eum-*
„ *dem Filium educando. Pluribusque prosequitur Perez in sua Lapidicina*
„ *sacra scilicet 20. num. 250. Quod denique ad effectum, de quo agitur, satis*
„ *fit, ut S. Joseph fuerit vel Patriarcha vel Propheta, planum est, cum*
„ hic

hic agatur dumtaxat, ut reponi possit illius nomen in classe Patriarcharum & Prophetarum; quod ut recte fiat, necesse non est, ut ipse utraque præditus fuerit qualitate Patriarchæ videlicet & Prophetæ; sed altera ex his est tantummodo necessaria; exemplo deducto ab iisdem litanis maioribus, in quibus videmus S. Mariam Magdalenam recenseri in classe Virginum, & Viduarum, licet virgo non fuerit, sed conjugata, & subinde vidua, uti censet Auctor commentariorum in S. Marcum apud S. Hieronymum cap. 15. vers. 40. & sequuntur Janfenius, Franciscus, Lucas, Cornelius a Lapide, ceterique in comment. ad cap. 8. S. Luca. Quæ omnia tamen ex abundanti dicta conscribi debent, quia si S. Joseph in litanis Patrum Prædicatorum, in antiquioribus litanis universalis Ecclesiæ, & in litanis pro aquæ benedictione est positus statim post S. Joannem Baptistam, atque ita prælatus Apostolis, in classe Patriarcharum & Prophetarum, ab hac Ecclesiæ praxi sublata dici debet quælibet difficultas; nisi aliter videatur huic sacræ Congregationi, vel Sanctissimo Domino nostro, quorum supremo iudicio hucusque scripta humiliter subiiciuntur.

§ 8. Hæc sunt, quæ super proposito argumento de mandato hujus sacræ Congregationis alias collegi: Reliquum nunc est, ut pro summa, qua pollent, intelligentia, & zelo quo fervent, videant Eminentissimi Patres sacrorum rituum Congregationi adscripti, an sit annuendum descriptioni nominis S. Josephi in litanis maioribus; ut, sicuti in Constantiensis Concilio Cancellarius Gersonius Patres admonuit, ut aliquid laudis vel honoris instituerent pro S. Josepho, quem in Patronum eligendum esse suadebat, pro extinguendo teterrimo Schismate inconfutilem Christi vestem tunc lacerante, uti colligitur ex ejus sermone de Nativitate B. Mariæ Virginis; & Gersonis consilium placuit Concilio, teste Antistite Christopolitano in tractatu super Magnificat, (Sermo fuit pergratus, & acceptus toti Ecclesiæ ibidem congregata) sic in presentibus Ecclesiæ calamitatibus solus, qui superesse videtur, honor & cultus S. Josepho superaddatur, ejus videlicet nomen in litanis maioribus describendo, certa spe; ut ipse, qui ab Isidoro de Ispanis in supra citato tractatu 4. cap. 8. Patronus Ecclesiæ Militantis appellatur, sua intercessionem pacem Ecclesiæ, & Hæresum extirpationem sit a Domino Deo impetraturus.

Atque hæc dicta sint sub censura, salvo semper &c.

§ 9. Hucusque suffragium a me typis impressum, in quo adducta argumenta mihi probabilia maximopere semper visa sunt. Adhibitis autem secundis curis, exemplum doctum a litanis pro benedictione aquæ in vigilia Epiphaniæ rejiciendum existimo. Licet enim typis impressæ sint in Rituali Romano, in quo etiam præscripta sunt cetera, quæ juxta sacrum ritum fieri debent in aquæ benedictione; quæ sit in ipsa Epiphaniæ vigilia, ita ut tunc reputaverim; omnia fuisse approbata a summo Pontifice

Paulo V., cognovi nihilominus longe post editum suffragium, ritum ibi expressum benedictionis aque in vigilia Epiphaniæ non esse partem Rituum Romani approbati a Paulo V. qui quascumque additiones prohibuit, quæ fierent inconsulta sacrorum rituum Congregatione, sed esse additionem auctoritate privata factam, & non sine temeritate a quodam Sacerdote Petro Lucatello & Sancto Cassiano. Præter hæc in Rubrica statuitur, *Patrum Crucem deferentem, qui solet esse laicus, & etiam pueratus, velo pulcherrimo ornari, & Diaconum atque Subdiaconum cum Clericis, & multis luminariis eum comitari, & Sacerdotem de ejus manu Crucem debere recipere: quæ quidem omnia a gravitate sacrorum rituum abhorrent videntur.* Rursus in benedictione salis Deus exoratur, ut creatura salis in nomine Sanctæ Trinitatis efficiatur salutare sacramentum, & in ejus exorcismo sumuntur sensu materiali verba, quæ ab Apostolo Paulo sensu mystico prolata sunt, *Sic cor vestrum sale conditurum.* Demum in litanis ab eodem Presbytero compositis invocantur Sanctus Theodorus, & Sancta Ursula, & ejus Sociæ, quæ in litanis approbatis non invocantur. Mementibus ergo ceteris supra relatis argumentis, nulla ratio haberi debet ejus, quod bona fide deduxi ex litanis pro benedictione aque: Quocirca merito in Decreto sanctæ memoriæ Benedicti XIII. in quo addendum præscripsit nomen Sancti Joseph in sacris litanis, licet mentio habita fuerit antiquarum litarum, & altarum quæ recitabantur in nonnullis Religionibus, omissem tamen fuit exemplum litarum pro aque benedictione in vigilia Epiphaniæ. Quæ tamen a Nobis dicta censeri debent, non animo reprobandi sacrum antiquum ritum benedictionis aque in vigilia Epiphaniæ, sed tantum additamenta rejiciendi in eum inserta absque Sedis Apostolicæ auctoritate, inter quæ forte recenseri debent memoratæ litanie, ita ut argumentum ab eis a me bona fide deductum pro nomine Sancti Joseph addendo in litanis universalis Ecclesiæ quovis careat robore & efficacia.

CAPUT XXII

De sacris Imaginibus, & nonnullis controversiis ad eas pertinentibus.

SACRARUM Imaginum cultus non est hic a Nobis probandus: satis erit hic indicare, Imagines Christi, Deiparæ Virginis, & aliorum Sanctorum, in templis præsertim, habendas, & retinendas esse, eisque debitam venerationem impertiendam, juxta definita a sacro Concilio Tridentino sess. 25. de invocac., venerac., & Reliq. Sanctor. & sacris Imaginibus; ubi etiam additur, nemini ficeretur ullo in loco, vel ecclesia, etiam quomodolibet exempta, ullam insolitam ponere, vel ponendam curare Imaginem, nisi ab Episcopo fuerit approbata.

De Christi nempe & Sanctorum Imaginibus loquitur Tridentinum, & co-

& eodem modo loquuntur pleraque alia Concilia, & Ecclesie Patres: quocirca nedum aliqui Heterodoxi, sed etiam nonnulli ex nostris Theologis docuerunt, nec Deum Patrem, nec Sanctissimam Trinitatem in picturis representari debere. At, si forma hominis se Deus conspiciendum exhibuit Adamo, ut habetur *Genes.* 3. 8. si calce innixus apparuit Patriarche Jacob, & Moyfi, uti legitur *Genes.* 28. 13. & *Exod.* 33. 23. si tamquam Regem throno insidentem se exhibuit *Isaia* 6. 1. si demum Aeternus Pater, ut habetur *Daniel.* 7. 9. Danieli apparuit forma Senis vestibus albis induti, capillis tamquam lana munda, & super thronum ignis: (*Antiquus dierum sedis, vestimentum ejus candidum sicut nix, & capilli capitis ejus quasi lana munda, thronus ejus flamma ignis*): si denique Spiritus Sanctus in forma columbe supra Jordanem visus est, ut habetur *Matthaei* 3. 16. nemo est qui non videat, recte posse Deum pingi eis formis, quibus apparere dignatus est, & etiam illis, quibus, eo quo possumus modo, ejus majestatem & omnipotentiam ob oculos ponamus. Quamobrem Senator Philippus Buonarruoti de fragmentis antiquorum Vasorum vitrearum repertis in Cimiteriis Urbis, tabulae primae figuram primam explicans pag. 5. ait: *Vien figurato qui Iddio nella mano, come si vede nelle antiche Pitture, e ne Sarcofagi de' Cimiteri, e nel Volume dell' Istoria de' Giudici della Vaticana, nelle figure della Genesi riportate da un codice manoscritto Greco antichissimo dal Lambecio nel lib. 3. della Biblioteca Cesarea, in molti antichi Mosaii delle chiese di Roma, nel Menologio di Basilio, e finalmente in alcune piccole monete di Costantino fatte dopo la sua morte, e che sono descritte da Eusebio, nelle quali l' Imperatore è come condotto in cielo in un cocchio, e qui è in alto una mano, che lo riceve. Ed a ragione vien presa la mano per simbolo di Dio, perchè, essendo egli invisibile, l' opere solamente della sua mano si vedono, onde sovente nella sacra Scrittura l' operazioni del medesimo si chiamano mano, mano forse, robusta, ed accelsa.*

3 Docent Theologi cum Cardinali Bellarmino lib. 2. de *Imagin. Sanctar.* cap. 8. Deum triplici modo depingi posse: primo reputando, cum esse in se, qualis pingitur, hoc est habere naturam hominis cum suis membris, & idcirco Deum, prout est in se, in pictura representari; & hac in re contineretur error impius, sacrilegus, & naturae Divinae contrarius, error videlicet Anthropomorphitarum, cujus meminit S. Augustinus lib. de *haeresibus* cap. 88. & de quo agunt Alfonso de Castro lib. 5. adversus *haeres.* sub tit. *Deus, haeres.* 2. & novissime Joannes Sianda in *lexico Haeresium* verb. *Anthropomorphite*; secundo, Deus pingi potest, ut historia representetur, ex gr. si pingendus esset Adamus a paradiso expulsi, depingi deberet Deus in forma hominis ambulantis, uti legitur in Scriptura; & in hac pictura non representatur natura Divina, sed factum illud oculis conspiciendum exponitur, quod auribus audientium insonaret, si voce exprimeretur: tertio, depingitur Deus, ut oculis ejus majestas proponatur, similitudinibus videlicet penicillo expressis, quibus aliquando in Scriptu-

764 DE SERVORUM DEI BEATIFICATIONE

ra hominibus apparuit; & in his duobus postremis modis nihil est reprehensione dignum: ut bene & docte prosequitur Cardinalis Gottus de vera Christi Ecclesia adversus Jacobum Piceninum tom. 2. part. 2. art. 16. §. 1. Porro; quonvis primis Ecclesiarum temporibus, Dei & Sanctissimæ Trinitatis Imagines non essent in usu: teste Origene lib. 7. adversus Celsum prope finem, ubi ait: Ut qui Deum incorporeum & invisibilem nulla figura circumscribamus; & juxta ean. 36. Concilii Illiberitani (tom. 3. Concilii Harduini col. 254.) ubi sic legitur: Placuit, Picturas in Ecclesia esse non debere; nequid colitur & adoratur in parietibus depingatur;posito; quod hic canon pertineat, non ad Imagines Sanctorum, sed ad Imagines Dei & Sanctissimæ Trinitatis, cum his tantum stricta & propria conveniat adoratio; statuta hæc nihilominus dici debeat ad avertendum periculum; quod imminere Gentilibus & Catechumenis, qui Deum aspicientes in ecclesiis circumscriptum & comprehensum lineis & coloribus, in eum facile devenire potuissent errorem, ut a Christianis crederetur, non esse immensum, omnipotentem, invisibilem, æternum, incomprehensibilem, spiritalem & corporis & materiæ expertem & immunem, quemadmodum erudit & solide adnotavit Albaspinus Aurelianensis Episcopus in comment. ad prædictum canonem, atque prosequitur Mendoza Vigebat quoque tunc temporis disciplina Arcani, quæ sedetior occultabat religionis Catholice mysteria; ne a Gentilibus profanarentur; atque ad eorum ludibrium exponerentur: sicuti ad rem pergit Schelstrat in dissertatione de disciplina Arcani cap. 6. art. 3. & utramque rationem tum Albaspinat; tum Schelstrati illustrat. Pagi ad annal. Card. Baronii; ad A. 590. num. 5. & 6. Quibus idcirco cessantibus causis, bene potest & laudabiliter Imago Dei depingi, & in ecclesiis collocari: ita ut inter propositiones a summo Pontifice Alexandro VIII. proscriptas die 9. Decembris 1690. vigesima quinta in ordine sit hæc: Dei Patris sedentis simulacrum nefas est Christiano in templo collocare: Christianus Lupus in notis ad canones supra Concilii cap. 5. nonnullas eruditae proponens & resolvens quaestiones de sacris Imaginibus primo quaerit; quonam tempore in Ecclesia fieri ceperint Imagines Dei Patris; adeoque totius Sanctissimæ Trinitatis; ad quod ingenue respondet; se ignorare: Querit secundo; an Spiritus Sanctus in columbæ speciei pingi possit; ad quod ait; hunc esse omnium Ecclesiarum antiquissimam consuetudinem; quæ propter in libro Pontificali de S. Innocentio I. legitur: Fecit tunc generationem vine Patris; & columbam astantem. Querit tertio; an Angeli in humana specie legitime pingantur; & affirmando respondet; eum in humana forma sæpe apparuerint iis, ad quos missi sunt a Deo; idque confirmat in epistola Nicolai Pontificis ad Michaelem Augustinum. Porro, principio sæculi quinti Imagines Sanctissimæ Trinitatis in ecclesiis pictas fuisse; desumitur ex epistola S. Paulini Episcopi Nolani ad Severum; ubi describens picturas appostas in basilica S. Petri hæc habet: ubi ad

Pleno

*Pleno coruscet Trinitas mysterio,
Stet Christus Agno, vox Patris celo sonas,
Et per columbum Spiritus Sanctus fluit.*

Pro eo verò tempore, quo prædictæ Imagines non erant in ecclesiis receptæ, faciunt ea quæ superius dicta sunt, quæque fuerunt etiam erudite resumpta ab insigni Theologo ex Dominicana familia Aloysio Maria Lucino sacre Theologiæ Magistro, & Commissario Generali Sanctissimæ Inquisitionis, deinde S. R. E. Cardinali in examine & defensione Decreti publicati a clara memoria Cardinali de Tourman pag. 433. secundæ editionis Romanæ: Anche per cagione dell' arcano tanto rigorosamente osservato dall' antichità venico proibito il dipingere nelle basiliche le Immagini delle Divine Persone, come si legge espresso nel Concilio Eliberino celebrato nel principio del quarto secolo, acciocchè non si apprendesse, che da' Cristiani venisse adorata una corporea Divinità. Nell' ottavo secolo durava pure questa saggia avvertenza &c. ma, nato l' errore in Oriente, che le sacre Immagini fossero prerogative della Cristianità per l' Idolatria, subito la Chiesa, per combattere l' errore, comandò, che un tal rito passasse in precetto ed in dogma, per cui prese a dipingere ancora il Padre Eterno e lo Spirito Santo in quelle forme, che le sacre Carte ce li rappresentarono, cioè quello in figura di Vecchio venerando, e questo di Colomba. Pie ergo nunc & laudabiliter Sanctissima Trinitas pingitur, & Imagines ejus, quæ ab Ecclesia approbantur, sunt illæ, quæ Deum Patrem representant forma Senis, in cujus sinu est Christus, & inter utrumque Spiritus Sanctus forma Columbæ; vel illæ, in quibus representantur seorsum Deus Pater forma Senis, seorsum Christus, sed propinqui ambo, & inter utrumque Spiritus Sanctus forma Columbæ, uti bene adnotavit Cardinalis Capisucchi in contro. Theolog. de cultu sacrar. Imagin. §. 11. reprobatis quibusdam aliis Sanctissimæ Trinitatis Imaginibus, de quibus post Gersonem, & Molanum late agit vir in Ecclesiasticis questionibus versatissimus Joseph Maria Perimexxi Episcopus Oppiden. Canon. alleg. part. 2. alleg. 4. §. 1.

4. Episcopus Sarnellus in suis epistolis Ecclesiasticis tom. 1. epist. 37. modum exponit, quo pingi deberent Imagines Christi, Beatissimæ Virginis, & Sanctorum Apostolorum Petri & Pauli. Item de antiquo more Christum pingendi sub Agni specie multa erudite collecta legi possunt apud laudatum Senatorem Buonarruotum, magno Eruditorum luctu defunctum, in opere supra citato pag. 45. & seqq. Est & celeberrimum opus Patris Magistri Joannis Interiani de Ajala Ordinis B. Mariæ Virginis de Mercede Redemptionis Captivorum, cui titulus, *Pictor Christianus eruditus*, anno 1730. typis Matritensibus editum, in quo mira sane pietate & eruditione Pictores instruit, quomodo Deum, Angelos, Christum, Beatissimam Virginem, eorumque acta, & mysteria, & Sanctos pingere debeant, ad quod opus lectorem remitto, cum nihil solidius hac de re afferri posse videatur. Non multis vero abhinc annis volumen editum est a sacris Tribunalibus Urbis proscriptum, in quo ejus Auctori maximopere displice-

bat,

bat, quod Pictores depingerent S. Iosephum canum & effictum, B. Virginem peregrinantem in montana Judææ regione, eodem comite Ioseph, Obstetrices Beatæ Virginis parienti assistentes, bovem & asinum in præsepe Domini stantes, Christum in Templo a summo Sacerdote circumcistum, ex Magis unum colore fusco, alios albo, Simeonem Pontificali veste indutum, cum Christum in ulnas suas exceperit, Christum aque infusione baptizatum, Joanne aquam super ejus caput effundente, Convivas mensæ assidentes, & Magdalenam ad Christi pedes prostratam, dum Christus Dominus prandeat in domo Simonis Pharisei, Simonem deferentem crucem cum Redemptore nostro, hoc primam partem, illo partem infimam bajulante, Christum cruci affixum in cruce humi itrata magno satellitum militumque conatu erecta, virginem Christi Matrem juxta Filii crucem non lugentem modo atque dolentem, sed etiam animi deliquio correptam, & similem ejulanti, Christum in cælos ascendentem, & Apostolis elata manu dextra benedicentem in eum plane modum, quo Sacerdos sub Sacri finem populo benedicit. Alia nonnulla in picturis reprehensione digna videri possunt apud Ciampinum *part. 2. veter. monumentor. cap. 5. num. 1. & duobus seqq.* itemque apud Theophilum Raynaudum *oper. tom. 8. in Sancto Joanne Aravo Christianitatis Lugdunensis pag. 197. & apud Joannem Baptistam Thiers in tractatu de expositione Sanctissimi Sacramenti Altaris lib. 2. cap. 2. pag. 233. Quibus omnibus ab aliis additur, nimia facilitate a Pictoribus depingi nonnullorum sanctorum Martyrum Imagines abscessum caput manibus gestantium, cujus mirificæ delationis nullum extat in Actis eorundem vestigium; ex quo derivatum esse dicunt multorum errorem, qui putant, prædictum miraculum contigisse in omnibus illis Martyribus, quorum Imagines sic a Pictoribus depictæ sunt. Ita scilicet scribit Langlet in *methodo pro studio historiarum cap. 17. §. 5. ubi ait, prædictarum picturarum morem suam originem desumpsisse a verbis S. Joannis Chrysostomi in orat. de Sanctis Irenæi. & Max. tom. 2. pag. 583. ubi sic loquitur, ut sanctorum Martyrum intercessionem apud Deum confirmet: Etenim, sicut milites vulnera quæ in præliis sibi influcta sunt, Regi monstrantes fideliter loquuntur, ita & illi [Martyres videlicet] in manibus abscessa capita gestantes, & in medium afferentes, quæque vulnerint, apud Regem calorum impetrare possunt. Ante Langlet id ipsum adnotarunt Bollandiani in *comment. histor. de SS. Maximo, & Venerando, ad diem 25. Maji.***

5 Verum, utcumque hæc sint, & omiſſa quidem indagine, an, & quæ ex dictis Imaginibus jure reprobare possint, ad nos in præſenti pertinet nonnulla exponere a ſacrorum rituum Congregatione statuta quoad picturam ſacrarum Imaginum. Fratres Diſcalceati Ordinis S. Auguſtini depingi curabant Imagines, & ſculpi Statuas Sanctorum Auguſtini, Nicolai de Tolentino, & aliorum, habitu quo ipſi utuntur: ſacrorum autem rituum Congregatio id prohibuit die 10. Septembris 1637. ejulque Decretum fuit a ſummo Pontifice Urbano VIII. confirmatum, uti videri poteſt

potest in ejus *Constit.* 221. *Bullarii tom.* 5. Ante hæc tempora, alia fuerat excitata controversia inter Patres Augustinianos, & Franciscanos de veste, qua pingenda erat Imago Beate Clare de Montefalco. Controversiæ autem resolutio commissæ fuit a Gregorio XIII. sacre Congregationi Cardinalium Concilii Tridentini Interpretum, a qua demum emanavit Rescriptum per epistolam Cardinalis Sancti Sixti ad Episcopum Spoletinum, de qua in Vita ejusdem B. Clare scripta a Baptista Piergilio *part.* 1. *cap.* 14. *pag.* 42. & 43. Reverendissimo Signore. La controversia, che si contiene in questo libro, la Santità di nostro Signore l' ha commessa agli Illustrissimi e Reverendissimi Cardinali Proposti per dichiarare: li decreti del Concilio di Trento, i quali avendo molte e molte volte intesi i Procuratori d' ambidue gli Ordini, e considerate maturamente le loro ragioni, v' datone ragguaglio a sua Santità, questa per sentenza di detti Illustrissimi Cardinali dichiarò, la Beata Chiara da Montefalco esser dell' Ordine Eremitano di S. Agostino, e che però si restituiscia al beato corpo l' abito dell' Ordine, e che lo Immagini e pittore di lei siano ruste vestite del colore di essa Religione di S. Agostino: Sua Signoria dunque farà eseguire tutto questo sando nelle città di Spoleto, quanto negli altri luoghi della sua diocesi: e sia sana.

6 Ad sacrorum rituum Congregationem ut redeamus, prævio ejus consilio, supra memoratus Urbanus VIII. anno 1642. aliam edidit Constitutionem, quæ est in ordine 280. inter eas hujus Pontificis *Bullarii tom.* 5. *pag.* 397. & ipsa quoque pertinet ad formam & habitum sacrarum Imaginum, in qua habentur hæc verba: Cum autem, sicut accepimus, ex prædicti Decreti (sacrofancti videlicet Concilii Tridentini) inobservantia varii abusus irrepserint, idcirco Nos abusus hujusmodi tollere pro debito Pastoralis officii nostri volentes, re etiam cum venerabilibus Fratribus nostris S. R. E. Cardinalibus sacris ritibus præpositis communicata, & mature considerata & discussa &c. Imagines Domini nostri Jesu Christi, & Deiparæ Virginis Mariæ, ac Angelorum, Apostolorum, Evangelistarum, aliorumque Sanctorum & Sanctarum quorumcumque sculpsit aut pingere, vel sculpi aut pingi facere, aut antehac sculpsit aut pinxit, & alias quomodolibet effigies tenere, seu publico aspectui exponere, aut vestire cum aliis habitibus & formis, quam in Catholica & Apostolica Ecclesia ab antiquo tempore consuevit, nec etiam cum habitu penitenti alicujus Ordinis Regularis, tenore præsentium prohibemus, ac ut Imagines aliter pictæ vel sculptæ ab ecclesiis, & aliis locis quibuslibet amoveantur & deleantur, vel reducantur & reformentur ad habitum & formam in Ecclesia Catholica & Apostolica ab antiquo tempore consuetam &c. præcipimus.

7 Post annum autem a die editæ Constitutionis, & signanter die 27. Februarii A. 1643. propositum fuit, an in ecclesiis Ordinis Servorum permitti posset Imago B. Mariæ Septem Dolorum cum habitu nigro. Sed sacra Congregatio abstinuit a resolutione, ad præcavenda videlicet Scripta quæ prodire potuissent, & scandala quæ forte contigissent, si aliqua declaratio ea in re facta fuisset.

8 Porro pro parte negante hæc adverti possunt: primo, quod in Synodo
Tom. IV. E e e e e nodō

nodo Constantinopolitana sub Hadriano II. statuitur, Imaginem Dei Genitricis pingendam esse, quemadmodum eam figurat verbis Divina Scriptura. Secundo, quod in Constitutione Urbana supra relata præcipitur, ut in sacris Imaginibus antiquus mos universalis Ecclesiæ observetur, nec apparet, praxim Ecclesiæ universalis illum habitum admisisse. Tertio, quod in plerisque ecclesiis ejusdem Ordinis Beata Virgo depicta videtur juxta morem antiquum, hoc est colore cæruleo & rubro. Dictum est, *juxta morem antiquum*; et si addi posset antiquissimum, teste Episcopo Sarnello in suis epistolis Ecclesiasticis tom. 4. *epist. 46. E' certo poi, che l' Immagine della Beata Vergine insin dal tempo degli Apostoli fu scolpita e dipinta colla veste di color rosaceo o porporino, e col manto azzurro, o sia di color celeste, come si vede nelle Immagini della medesima dipinte da S. Luca, alcune delle quali sono in Roma, e precisamente in Santa Maria Maggiore, e in Santa Maria Via lata. Quarto denique, quod praxis Ordinis Servorum, si habitui nigro favet, non constituit consuetudinem Ecclesiæ universalis, quam Urbana Constitutio tantummodo præservavit.*

9 Pro parte vero affirmante animadverti potest, quod in memoriam dolorum quos Beata Virgo passa est in morte Domini nostri Jesu Christi, niger habitus a Fratribus Ordinis Servorum usque a sui initio assumptus est, uti legitur, in bulla Innocentii VIII. *Ac etiam ob memoriam Passionis ejusdem, quam in morte Filii sui Domini nostri Jesu Christi sustinuit, nigrum, & moestitiæ quippe habitum eligentes sibi deputarent, sub quibus profecto & servitutis titulo, & mortis habitu sacer Ordo præfatus sit a suis primordiis plantatus in agro Dominico laudum incrementis &c. successive profecit in Ecclesia Dei.* Item, quod orantibus Septem Ordinis Fundatoribus Beata Virgo apparuit, eisque patefecit, se in suos servos illos elegisse, & ab eis habitum nigrum esse deferendum in memoriam dolorum, quos passa est in morte unigeniti Filii sui; uti non solum legitur in *annal. Fratris Archangeli Giani lib. 1. centur. 1. cap. 14.* sed etiam in *dialogo Fratris Pauli Florentini ad Petrum Cosmæ*, qui manuscriptus aservatur in celebri bibliotheca Medicea, & cujus Auctor obiit circa annum 1499. non sine fama ingenii & doctrinæ, cum & ingenium & doctrinam ejus fuerint admirati Fundatores Academiæ Florentinæ Marsilius Ficinus, Picus Mirandulanus, Leonardus Arretinus, teste Michaele Pocciantio in suis *Chronicis ad A. 1471. Rursus*; quod in antiqua Chronica Fratris Petri de Tuderti, cui maximore fides deferenda esse videtur, cum ea, quæ scripsit, hauserit ab ore Beati Alexii de Falconeris, qui fuit unus ex Septem Fundatoribus Ordinis Servorum, narratur, dum Fundatorum prædictorum spiritus examinaretur a S. Petro Martyre, qui tunc Florentinæ morabatur, Beatissimam Virginem eidem S. Petro apparuisse, eique patefecisse, se a Filio suo impetrasse, ut Ordo ipse suo peculiari servitio adscriberetur, habitumque nigrum gereret in signum moestitiæ, quam ipsa in morte Filii sui perpessa est. *Ex verbis Chronicæ manuscriptæ: Factum est autem, Beato*

Petro

Petro in oratione perdurante, & pro prædictis sibi a Domina revelandis devotionis jugiter lacrymas perfundente, ipsius nihilominus gloriosis Viris primis parentibus nostris cum reliquis Fratribus, quos receperant, in oratione, jejunio, & sanctis operibus pro prædictis similiter impetrandis, ut eis a Beato Petro fuerat impostum, perseverantibus, ut gloriosa Virgo Maria sic devotissime invocata Beato Petro in visione apparens de omnibus prædictis eum certificavit. Nam, hos Viros, & qui post eos venturi, ac eorum Congregationi associaturi erant, ad suam inter omnes Mundi homines singulare servitium elegisse, & ab eis Ordinem ad sui honorem & gloriam construendam, ac suo nomini dedicandum debere procedere, a suo specialiter Filio impetrasse, intimavit; necnon habitum hunc, quem gerimus, quem Fratres nostri deinceps ad ipsius Beata Virginis Maria humilitatis ostensionem, & poenā, quam passa est in Filii sui amarissima Passione, apertam significationem semper ferre jugiter deberent, demonstravit; necnon & Regulam Beati Augustini, secundum quam eos vivere oportere, eis tradendam esse, finaliter referavit. Ex his etenim omnibus simul junctis, sicuti probatum esse videtur, habitum nigrum fuisse a Fratribus assumptum in memoriam dolorum Beatissimæ Virginis, ipsaque in visionibus & apparitionibus indicante, suæ voluntatis esse, ut habitus ille a Fratribus deferretur; sic argumentum non omnino spernendum oriri posse videtur ad suadendum, Imaginem Beatissimæ Virginis septem dolorum eum habitu nigro pingi posse, & eodem habitu indutam ad publicam exponi posse venerationem.

10 Hæc porro dicta esse volumus, non ut quæstio resolvatur, quæ in sacrorum rituum Congregatione integra remansit, sed ut dignosci possit, quid utrinque dici posset; multoque magis, cum memoratæ apparitiones Beatissimæ Virginis, quibus habitus ille niger inniti tantummodo posset, solidioribus indigere videantur probationibus ad effectum, de quo agitur in præfenti. Nunc cetera prosequamur, quæ ad nostrum spectant institutum. Sedente Alexandro VII., prævio consilio Congregationis sacrorum rituum, mandatum est Fratribus Minoribus de Observantia S. Francisci Tolosæ commorantibus, ne tabellam exponerent, in qua Beatissima Virgo Dei Mater sic picta apparebat, ut Rosarium exhiberet Sanctis Francisco, & Claræ, sicut colligitur ex ejusdem Pontificis litteris Apostolicis datis die 28. Maji 1664. & typis impressis in Bullario Romano tom. 6. Per tabellam etenim prædictam insinuari quodammodo videbatur, institutionem Rosarii esse attribuendam aut Sancto Francisco, aut Sanctæ Claræ contra Ecclesiæ sensum, quæ sanctum Patrem Dominicum Rosarii Institutorem agnoscit & veneratur. Temporibus Clementis Papæ X. exorta est controversia inter Fratres Trinitarios, & Fratres Mariæ de Mercede Redemptionis Captivorum quoad habitum, quo pingi debent Imagines Beati Petri Paschalis: sacrorumque rituum Congregatio censuit, non esse Imagines ejus pingendas, vel Statuas sculpendas cum habitu Trinitariorum; & sacræ quidem Congregationis Responsum fuit a Clemente X. confirmatum, ut habetur in ejus litteris Apo-

770 DE SERVORUM DEI BEATIFICATIONE

stolicis in forma Brevis expeditis, & typis impressis in Bullario Ordinis B. Mariae de Mercede Redemptionis Captivorum pag. 356. & apud Nicolaum Antonium in Biblioth. veter. Hispan. tom. 2. lib. 8. cap. 6. num. 265. & seqq. A. 1685. Fratres Carmelitae civitatis Troiae diocesis Messanenſis ſacrae Congregationi expoſuerunt, Eliam depingi a Patribus Baſilianis in ſua eccleſia non indutum pallio, ut habetur lib. 4. Regum cap. 2. ſed modo novo & inuſitato ſacra autem Congregatio anno praedicto die 2. Junii removen- dam decrevit Imaginem. Quaestio praeterea est inter Monachos Camaldu- lenſes, & Monachos Vallumbroſanos de Imagine S. Joannis Gualberti, qui in monaſteriis Camaldulenſibus alba Cuculla depictus eſt: de hac vero con- troverſia uſque adhuc actum non fuit in ſacrorum rituum Congregatione; ſed Vitalis Martius, aut quivis alius hoc nomine aſſumpto, ex Monachis Camaldulenſibus in ſuis reſponſionibus ad quaſtiones propoſitas a Fideli Soldano Monacho Vallumbroſano cap. 8. n. 9. latiffime offendit, potuiſſe & poſſe S. Jo- annem Gualbertum pingi indutum alba Cuculla, cum ea poſſimum ute- retur, dum debebat in monaſteriis Camaldulenſibus. Conſimilis quaestio eſt de colore veſtis, quo pingenda ſit Imago Beati Petri Urſcoli de quo alibi ſermo habitus eſt: in eccleſia ſiquidem Patrum Congregationis Ca- maldulenſis civitatis Florentinae nova Imagine Beati Petri Urſcoli appoſita, cujus veſtis eſt coloris albi; exhibitus ſuit ſacrorum rituum Congre- gationi ſuppliciter libellus ab iis, qui contende- bant, Beatum ipſum eſſe pingendum veſte nigra indutum, in quo dicebatur, inuſitatum eſſe, & ideo removen- dum album colorem veſtis praedicti Beati. Communicato autem ſupplici libello cum eis, qui pro albo pugnant colore, plura ab ipſis adducta ſunt: praecipue vero, quod in Vita Sancti Cuthberti Abbatis legatur, ejus coloris fuiſſe veſtes Monachorum, quem naturalis ovium lana miniſtras, oviumque colorem ut plurimum eſſe album, ſicuti obſervat Martene in cap. 55. Regulae, ſubjicitque Mabillon in praefat. ſac. 7. Benedicti. Tunica albi paſſim coloris erat ante annos octingentos. Additum fuit, praecri- ptum eſſe in cap. 55. Regulae S. Benedicti, ſatis eſſe Monacho, ſi duas Tunicas habeat, ut modo unam, modo alteram ex eis lavare poſſit: Sufficit Monacho duas tunicas, & duas cucullas habere propter noctes, & propter lavare ipſas res: ex quibus verbis colligitur, tunicas & cucullas albi colo- ris fuiſſe, cum albus color abluendo hac dilutior, ut obſervat Heſtenus diſquiſit. monaſt. lib. 5. tract. 6. diſq. 1. Nec omiſſum fuit referre, tunicas carni corporis olim adhaeſiſſe, cum ſubucularum penes Monachos non eſſet uſus, atque adeo colorem nigrum tunicarum coeptum fuiſſe ulſurari loco albi coloris tunc, cum ſubucularum uſus incepit, ut ſaſtidium videlicet tunicas abluendi evitaretur, quemadmodum animadvertit Ma- billon in anal. Benedicti. tom. 1. ad annum 528. pag. 57. ubi ſic loquitur: Tunica ad cutem tunc demum nigra fieri coepit, poſtquam interula lanea in uſu eſ- ſe coeperunt, tametsi ſerius; ſiquidem albus tunicarum color diu perſeſtravit poſt conſeſſas interulas ſtaminas, quarum uſus jam ſeculo octavo invaluerat.

Quo-

Quocirca in Clementina, *Ne in agro, de statu Monachorum*, hæc decernuntur de veste Monachorum, ut superior scilicet vestis ipsorum nigri, aut albi coloris existat. Verumtamen neque de hac controversia hactenus actum est in sacrorum rituum Congregatione.

II Demum, cum in Ordine S. Francisci multæ adessent, & excitarentur controversiæ tum quoad Imagines, tum quoad Vitas Beatorum, & Sanctorum, qui S. Francisci Institutum professi fuerant, editum fuit in Capitulo Generali Fratrum Minorum S. Francisci Victorie celebrato die 24. Maji 1694. ad avertendas quasvis controversias quoddam Statutum, quod fuit a sacrorum rituum Congregatione confirmatum, ut ex hoc Decreto colligitur:

Cum sacrorum rituum Congregationi expositum fuerit, in Capitulo Generali Ordinis Fratrum Minorum Sancti Francisci die 24. Maji 1694. Victoria celebrato conditum fuisse Statutum tenoris sequentis, videlicet:

Non sine justo animi angore perpendis Diffinitorium Generale, quanta in pluribus provinciis evenerint scandala post novam aliquam Canonizationem Servi Dei, qua Altissimus Ordinem nostrum dignatus est decorare, cujus occasione elapsi annis vel ratione solemnizandi Canonizationis festum, vel Vitam Sancti imprimendi, vel ejus Imaginem sive sculptam, sive pictam cum aliqua inscriptione, inscriptione, narrativæ, aut rhetorica compositione vulgandi, vel de eo predicandi, vel Canonizationis processionem faciendi, vel aliud quidpiam in ea solemnitate peragendi, lites & dissensiones inter aliqua totius corporis Observantia membra in variis provinciis exorta, Fratrum turbationes, publicaurgia, mendacia utrimque forte vulgata, libri, & scriptura a temerariis Authoribus tam proprio, quam alieno nomine absque legitima licentia impressi plus damni, quam honoris nostro sacro Ordini, & plus admirationis, quam edificationis apud Christianos conciliavere. Volens itaque Diffinitorium Generale talibus in posterum dissonantiis secundum Deum providere, consulto & mature decernit, quod, si Servus Dei, de quo agatur causa Beatificationis vel Canonizationis apud sanctam Sedem, aut qui a summo Pontifice fuerit Beatificatus vel Canonizatus, sit ex Observantia, & mortuus sit filius alicujus provincie, vel Custodie Observantis, tam in Actiæ causæ, quam in picturis, sculpturis, laminis, libris, scripturis, elogiis, & filiis, ac locis quibuscumque exprimat, quod est Ordinis Minorum de Observantia; si vero fuerit ex Reformatis Ultramontana familia, explicetur, quod est Strictioris Observantia, vel Minorum Observantium Reformatorum; si autem fuerit ex Discalceatis, vel Recollectis provinciis hujus Cismoniane familie, dicatur Ordinis Minorum Observantium Discalceatorum, vel Recollectorum, quod etiam addatur, si dicatur Strictioris Observantia; ita ut nunquam particularis status, in quo mortuus est Sanctus, sive sit Observantie, sive Reformatorum, sive Discalceatorum, sive Recollectorum, taceatur, aut status cum statu confundatur.

Solemnitas festi Beatificationis aut Canonizationis Servi Dei ad totum corpus Observantie pertinentis, & processio in ea fieri consuea prius fiat a Conven-

tu illius membri, cuius Servus Dei, dum vivens, portio fuerat, videlicet Reformatorem, si mortuus est Reformatus, Observantem, si Observans, Discalearum aut Recollectorum, si Discalearus, vel Recollectus in calum migraverit; & si plures fuerint ejusdem membri Conventus, prius fiat a principali, deinde liberum sit ceteris; etiam alterius membri, etiam eodem tempore cum aliis Conventibus (non tamen cum principali pradiſto membri, ad quod Sanctus immediatus pertinet) eam celebrare ſolemnitatem.

Ad proceſſionem autem, qua a principali pradiſto Conventu fiat, aliorum Conventuum Communitates concurrere teneantur, & ſub privatione officii, vocique activa ac paſſiva per triennium Pralati cum ſuis familiis omnino conveniant. Si vero in loco non exiſterit Conventus immediatus Inſtituti illius novi Sancti, ſolemnitas & Proceſſio, cui omnes alii in loco vel civitate coeſiſtentes Conventus intereſſe ſub iſdem poenis teneantur, fiat primo in Conventu Ordinis antiquiori, ex quocumque membro Obſervantia ſit; dummodo in omnibus Imaginibus, libris & ſolis exprimat, cuius membri de corpore Obſervantia Sanctus ille vel Beatus in ſua pretioſa morte filius fuerit.

Cumque ex parte FF. Martini de Albiturria Procuratoris Generalis Ordinis, Hieronymi a Laurino Commiſſarii Generalis Curia, Franciſci a Brandelio Procuratoris Generalis Reformatorum, ac Joannis Damaſceni Meſnard Procuratoris Generalis Discalearum & Recollectorum unanimi conſenſu ad tollendas quaſcumque controverſias inter FF. ſupradictorum Ordinum pro confirmatione ſupradicti Statuti, ac ſecundum propoſitum Decreto contra tranſgreſſores inſiſtendo, ſacrorum rituum Congregationi humillime ſupplicatum fuerit eadem ſacra rituum Congregatio ſupraſcriptum Statutum benigne confirmavit, & contra ejusdem tranſgreſſores ſub poena privationis vocis activa & paſſiva procedi poſſe decrevit: Die 9. Decembris 1713.

Mentio fit in hoc Decreto controverſiarum, quæ alias interceſſerunt inter familias Religioſas S. Franciſci ſuper re; de qua nunc agitur. Imagines nempe SS. Franciſci, & Antonii Patavini ſculptæ aut pictæ ſunt modo cum veſte Fratrum Capuccinorum, modo cum veſte Fratrum Minorum Conventualium, editique hinc & illinc ſunt libri, exarataque ſcripturæ pro forma veſtis huius & illius Religioſæ familie, qua ſculpi & pingi debere contendebatur Imagines prædictorum Sanctorum. Sed fuerunt hæc omnia proſcripta a ſacra Congregatione Indicis die 20. Novembris 1663. Approbante autem ſummo Pontifice Innocentio X. expoſitum fuit ſimulacrum S. Antonii Patavini in ſacello Theſauri S. Januarii civitatis Neapolitane indutum forma veſtis Minorum Conventualium; & quidem Nicolaus Catalanus in ſuo Opere de hac re edito litteras Apoſtolicas prædicti Pontificis integras retulit, ut videri poteſt pag. 34. & ſeqq. Reeruduerunt itaque contentiones inter eoſdem Conventuales, & Capuccinos, quibus delatis ad ſacrorum rituum Congregationem, hæc die 15. Januarii 1667. admonendos cenſuit Patres Conventuales, ne victoriam & triumphum jactarent, cum ex prædictis litteris Apoſtolicis nequaquam defumi

desumi posset resolutio controversiæ super veriori & proprio habitu Sancti Francisci. Post hæc Patres Capuccini curarunt, ut a Principe benefactore in Capella Sanctæ Restitutæ posita in conspectu Thesauri, & sacrorum S. Januarii, statua S. Antonii collocaretur cum forma vestis ipsorum Capuccinorum: quare, Minoribus Conventualibus ad eandem sacrorum rituum Congregationem confugientibus, hæc die 19. Novembris 1667. censuit, simulacrum prædictum non esse exponendum. Minores autem Conventuales hinc ansam coeperunt typis evulgandi, prohibitum esse pingere aut sculpere Imaginem S. Antonii cum forma habitus Capuccinorum; at, Capuccinis reclamantibus, sacra Congregatio die 21. Julii 1668. declaravit, præcedens suum Decretum emanasse, & esse intelligendum pro sola Metropolitana civitatis Neapolitanæ: ex quo proinde factum est, ut quælibet familia Franciscana Imagines exponat SS. Francisci & Antonii ea forma vestis, qua unaquæque ex eis utitur; veluti animadvertunt Cardinalis de Luca *de Regularibus discurs.* 20. num. 2. & Cardinalis Petra *ad Constitut. Apostol. tom. 2. pag. 520. & seqq.*

12 Notum unicuique est, cereos Agnos a Romano Pontifice consecrari, super quibus extant plures eruditi Tractatus. Antiquus vero est horum cereorum Agnorum usus. Anno quippe 1544. Romæ effusus est tumulus Mariæ Augustæ conjugis Honorii Imperatoris, & filie Stiliconis mortuæ ante medium sæculum quintum, & præter cetera in tumulo inventus est cereus Agnus Dei; ita ut infirma omnino videatur opinio Panvini, qui *de Baptismo Paschali* pag. 148. credit usum Agnorum consecrandorum a Romanis Pontificibus inductum ad retinendam memoriam solemnem Baptismi, qui primis religionis Christianæ sæculis solo Paschæ & Pentecostes tempore peragebatur, ideoque eandem consuetudinem non invaluisse ante sæculum IX., quo fere sæculo defuit sollemnis ille Baptismus celebrari. Magis verisimilis est Cardinalis Augustini Valerii sententia, qui Agnorum benedictionem ad initium sæculi V. refert; aut altera Molani, qui Agni cerei primordia ætati Constantini M. tribuit, & ideo sæculo Christi IV. Inter *epistolas* Cardinalis Papiensis una est scripta Heliano Spinulæ, ad quem Paulus II. cereum Agnum consecratum mittebat. Verba autem Cardinalis sunt hæc: *Sacratum est manibus suis* (hoc est summi Pontificis) *& ex illo numero sumptus, ex quo numerari Reges est solitus. Donum, pretia non magnam, virtute & gratia maximum. Id agit videlicet sancta ejus dignatio, ut memor sis ejus, ut pignus in sacro teneas sui in te animi, & custodem denique continuum habeas vite & rerum tuarum. Accipiendus osculo est, cum devotione servandus, virtuti ejus credendum, & in comitatu habendus, si quando terra peregrinaris, vel mari. Linitus est sacramentali liquore, benedictus voce & manu Vicarii Jesu Christi, mysterioque magno verborum sacer identidem factus. Si credes, in omnem casum fidum presidium tenes.*

13 Sanctorum Imagines in his cereis Agnis imprimuntur, & Clemeos
XI.

XL. ut in ejus *vita* legitur, imprimi voluit Imagines Sanctorum Græcorum in nonnullis cereis Agnis a se benedictis. Porro tempore Innocentij XIII. interrogatus ipse, an in his Agnis cereis imprimi posset Imago cujusdam Beati, dixi, nihil huic rei obitare; utque fidem meo dicto conciliarem, exhibui summo Pontifici Agnum cereum, in quo erat impressa imago Pii V. beatificati, & nondum canonizati. Processus quoque exhibui factos pro Canonizatione S. Aloyfii Gonzagæ, in quibus nonnulli testes famam sanctitatis ejus testantes, inter cetera dixerunt, se id tuto scire, cum viderint ejusdem Imaginem impressam in cereis Agnis. Mihi nimirum hæc apta ad rem videbantur; sed Innocentius censuit in ea facti, ut ajunt, *contingentis* abstinendum esse ab impressione Imaginis Beati in Agnis cereis a se benedicendis.

14 Denique dubitari aliquando a nonnullis audiui, an pingere liceret Imaginem Beatissimæ Virginis sanctam Eucharistiam recipientis; sed immerito; tum quia Romæ in ecclesia S. Lucæ in Silicibus adest in altari majori tabula, in qua depicta cernitur B. Virgo de manu S. Joannis Apolloli devotissime Eucharistiam recipiens, & hujusmodi Imagines typis impressæ circumferuntur; tum quia constat, tria Sacramenta non fuisse Virgini collata, id est, sacrum Ordinem, cujus non erat capax propter semineum sexum, Poenitentiam, cujus materiam non habuit, Matrimonium, quod ab eadem contractum non est, postquam in Sacramentum novæ Legis est institutum; de Baptismo vero, Confirmatione, & Eucharistia concursus est Theologorum sententia, ea Sacramenta fuisse a Virgine Maria recepta; sola autem inter eos remanet controversia, an extremam Unctionem receperit, cujus resolutio pender ab ea questione, an, ut homo sit capax extremæ Unctionis, necessarium sit, ut *actualiter* peccaverit; si enim hoc necessarium non est, Maria Virgo fuit ejus capax, & ideo verisimile est, ut Sacramentum etiam illud susceperit tum propter ejusdem fructum, tum propter Fidei ac Fidelium ædificationem, & humilitatis exemplum. Legi potest Suarez in 3. part. tom. 2. *quest.* 37. art. 4. *disput.* 18. *sect.* 3.

CAPUT XXII.

De Translatione Corporum.

1 **E**Xtinctis Ecclesiæ Persecutoribus, ipsique pace a Constantino Imperatore restituta, sacrorum corporum translationes de una ad aliam civitatem majori cum pompa & solemnitate expleri coeperunt. Dictum fuit, majori cum pompa & solemnitate; cum etiam supersint monumenta de translationibus ante Constantini tempora factis. Sacrum quippe Pontiani Pontificis corpus a Sardinia, ubi propter Fidei confessionem creditur obiisse, Romam translatum est; & S. Cornelii Papæ Reli-

Reliquias a Centumcellis Romam fuisse translatas, probi viri testantur, uti videri potest apud Tillemont *tom. 3. Eccles. hiflor. pag. 470.* At in eo quod attinet ad translationes temporibus Constantini factas, celeberrima est illa in urbem ab eo ædificatam, & ab ejus nomine Constantinopolim appellatam, corporum SS. Andreæ, & Timothei de qua in *carmine xi. Paulini in Natali S. Felicis edito a Muratorio tom. 1. Anecdos. vers. 321.*

*Ut Constantino primum sub Cesare factum est,
Tunc famulis regeunte suis, ut sede priori
Martyres accitos transferrent in nova terra
Hospitia.*

Et mox: *vers. 329.*

*Nam Constantinus proprii cum conderet urbem
Nominis, & primus Romano in nomine Regum
Christificam gereret, Divinum mente receptis
Consilium, ut quoniam Romana moenibus urbis
Æmula magnificis strueret tunc moenia cepit,
His quoque Romuleam sequeretur dotibus urbem,
Ut sua Apostolicis muniret moenia latus
Corporibus; tunc Andream devexit Achivis,
Timotheumque Asia. Geminis ita turribus extat
Constantinopolis magna caput æmula Roma:
Varius hoc similis Romanis culmine muris,
Quod Petrum Paulumque pari Deus ambitione
Compensavit ei &c.*

2 Hinc autem descendentes ad praxim seu disciplinam modo vigentem de corporum translatione, dicimus corpora esse in triplici differentia; alia enim sunt corpora Servorum Dei nec beatificatorum nec canonizatorum; alia sunt corpora Servorum Dei jam beatificatorum; alia sunt corpora Beatorum jam canonizatorum.

3 Non semel in praxi contingit, ut corpora Servorum Dei non beatificatorum, neque canonizatorum, licet perpetuè tradita sint sepulture, transferri debeant de loco ad locum. Id autem ut rite fiat, supplex porrigitur libellus sacræ rituum Congregationi ordinariæ, quæ indulgere consuevit, ut fiat translatio, secreto tamen, & sine pompa, absque populi præsentia, & clausis januis ecclesiæ, vel cœmeterii; dummodo nihil sub quovis prætextu corpori addatur, vel de eo minuatur; & dummodo præterea occasione translationis non fiat talis mutatio loci, quæ significare possit cultus introductionem. Similibus item translationibus, si fiat in Urbe, interesse consueverunt de mandato sacræ Congregationis Secretarius, Fidei Promotor, & prædictæ Congregationis Notarius; at, si fiant extra Urbem, de mandato pariter sacræ Congregationis interesse consueverunt Episcopus, vel ejus Vicarius Generalis, Promotor Fiscalis, & Notarius Ecclesiasticus.

4. Sciatent sacra Congregationis Regesta confimilibus licentiis: utque ceteræ pretereantur; cum occasione, qua conficiebantur auctoritate Apostolica processus super virtutibus & miraculis Ven. Servæ Dei Hyacinthæ de Marefcottis, supplicatum fuisset pro translatione cadaveris ejusdem de loco ad locum, sacra Congregatio sane concessit, ut id fieret, sed sine pompa, & sine præsentia populi, & dummodo duo saltem ex Episcopis, qui processum conficiebant, interessent una cum Fidei Subpromotore, imposita poena Excommunicationis latæ sententiæ, a qua tantum Pontifex absolvere posset, adversus eos, qui aliquid addere vel minuere auderent ex offibus, vel sepulcro Dei Servæ, licet sub obtentu devotionis, uti desumitur ex alibi relatis, & etiam ex Decreto edito 9. Februarii 1692. Neque dissimili modo facta fuit in Urbe translatio corporis Servi Dei Camilli de Lellis Fundatoris Patrum Ministrantium Infirmis, ut habetur ex Decretis editis die 13. Martii, & die 29. Maji 1694. & 21. Julii 1696. Concordantque exempla translationum corporum B. Joannis Francisci Regis, & Servi Dei Caroli a Setia, juxta ea quæ leguntur in Decretis editis die 1. Martii 1698. & die 12. Junii 1706.

5. Hæc nempe, quæ hucusque adducta sunt, locum habent in translationibus cadaverum illorum Servorum Dei, in quorum Beatificationis & Canonizationis causis Sedes Apostolica manum apposuit: de illis autem Servorum Dei cadaveribus, in quorum Causis non fuit signata Commissio, quod est idem ac dicere, in quibus Sedes Apostolica manum minime apposuit, nullæ sunt partes sacra Congregationis, sed instantia pro translatione fieri debet coram Ordinario. Hinc cum a sacra Congregatione petita fuisset licentia transferendi de loco ad locum corpus Servi Dei Antonii de Grassi, sacra Congregatio die 28. Februarii 1682. respondit scribendum esse Ordinario, ut si id expedire ipsi videretur, vi suæ ordinariæ facultatis, secreto tamen & sine pompa, petitam expleret translationem; non fuerat enim in causa dicti Servi Dei tunc temporis adhuc signata Commissio. Hinc cum eidem sacra Congregationi supplicatum fuisset pro facultate transferendi de loco ad locum corpora Servorum Dei Joseph a Matre Dei, Petri a Nativitate, & Glycerii a Christo Abbatii Landriani, sæpe memorata sacra Congregatio concessit quidem ut fieret translatio corporis Servi Dei Joseph, cujus Causa jam fuerat introducta, at quoad alios Dei Servos, in quorum causis non fuerat signata Commissio, referre fuit, ut edirent Cardinalem Urbis Vicarium, uti colligitur ex Decreto edito die 26. Januarii 1686. Hinc tandem, re viæ & ratione discussa, deliberatum fuit in causa Tullen. tunc Servi Dei, nunc Beati Petri Forerii, ut appositio manus sanctæ Sedis sibi debeat vindicare locum etiam in cadaverum translatione. Quemadmodum enim, signata Commisione, juxta ea, quæ alibi dicta sunt, nequit amplius Ordinarius aliquid agere vi suæ ordinariæ facultatis in causa Beatificationis & Canonizationis Servi Dei; ita signata pariter Commisione, si agatur de translatione cadaveris, Ordi-

Ordinarius concedere nequit transferendi facultatem, sed ista est Sedis Apostolicæ, hoc est sacræ Congregationi reservata, uti desumitur ex Decreto edito in allata Causa Tullen. 20. Julii 1686. in qua pariter Causa emanarunt quædam summi Pontificis Innocentii XI. litteræ in forma Brevis, quas operæ pretium existimavi hic referre, cum ad præsentem materiam translationis cadaverum pertineat :

Venerabili Fratri Episcopo Viadunensi.

INNOCENTIUS PAPA XI.

Venerabilis Frater salutem &c. Exponi Nobis nuper fecerunt dilecti Filii Canonici Regulares Ordinis Sancti Augustini nuncipat. Salvatoris nostri, quod cum alias, videlicet die 1. Martii 1681. pro parte ipsorum exponentium supplicatum fuisset Congregationi Vener. Fratrum nostrorum S. R. E. Cardinalium sacris ritibus præpositorum pro licentia transferendi corpus Servi Dei Petri Forestii dicte Congregationis Canonicorum Regularium olim Præpositi Generalis & Reformatoris, cujus Beatificatio & Canonizatio in eadem Congregatione Cardinalium agitur, ex pago Mattaincuria Tullen. diocesis, ubi idem corpus sepultura, non tamen perpetua, datum fuerat, ad ecclesiam dictorum Canonicorum Regularium in oppidum Mussipolitani dictæ diocesis, prædicta Congregatio Cardinalium; examinatis attentè rationibus petiram translationem suadentibus, priusquam annueret, certior fieri voluit de Venerabilis Fratri Episcopi Tullen. sententia, ejusdemque litteris propterea successivè acceptis jura ab utraque Parte coram ipsa deducta abunde referentibus, die 7. Junii subsequentis, iterum & plene discussa negotio, rescripsit eidem Episcopo (Nobis etiam die 16. dicti mensis. annuentibus) ut magna cum circumspectione, & pro sua prudentia, ne oriretur scandalum, translationem hujusmodi fieri curaret: verum, cum tunc existens Vicarius Generalis dicti Episcopi, uti Delegatus Apostolicus, & Executor Decreti, & litterarum dictæ Congregationis Cardinalium, eandem translationem decrevisset, dilecti Filii Oppidani Mattaincurie appellarunt ad Officiale Curie Metropolitane Treviræn. qui per sententiam declaravit, bene per dictum Vicarium Generalem judicatum, maleque per Mattaincurienses appellatum fuisse, eos in expensis condemnando, & nihilominus circa translationem in eadem sententia pronuntiavit, corpus non esse ex oppido Mattaincuria amovendum, donec aliter a Iudice competentis definiretur, reservato semper recurso ad Metropolitanum. Cum autem, sicut eadem expositio subjungebat, id nulliter, & attentatè actum fuerit, ex eo quod, postquam prædicta Cardinalium Congregatio, ac etiam Nos marum apposeramus, si Mattaincurienses quodammodo se gravatos sensissent, ad nullos alios Iudices, quam ad eandem Congregationem, cujus mandato Vicarius Generalis Tullen. processerat, recurrere potuissent; Nobis propterea dicti Exponentes humiliter supplicari fecerunt, ut sibi in præmissis opportune providere de benignitate Apostolica dignaremur. Nos igitur ipsos exponentes specialibus &c. volensque

Et eorum singulares personas a quibusvis &c. huiusmodi supplicationibus inclinati, de memoratorum Cardinalium, qui præmissa accurate perpenderunt, consilio, ac prævia circumscriptione omnium gestorum a dicto Officiali Treviren. Fraternitati tue, Frater Episcopo, ac dilecto Filio Vicario tuo in spiritualibus Generali, & cuilibet vestrum in solidum per presentes committimus & mandamus, ut auctoritate nostra Apostolica audiatis hinc inde Partes super dicta translatione corporis, & deinde absque prolatione alienius sententia referatis, & transmittatis Acta ad prædictam Cardinalium Congregationem, seu alter vestrum audiat ac referat & transmittat; & quatenus Partes in vos non consenserint, vobis, seu alteri vestrum facultatem subdelegandi, & subrogandi alium in dignitate Ecclesiastica constitutum eisdem Partibus non suspectum eadem auctoritate harum serie tribuimus & impertimur: Non obstantibus præmissis, ac Constitutionibus, & ordinationibus Apostolicis, ceterisque contrariis quibuscumque. Datum apud S. M. M. &c. die 22. Augusti 1686. anno decimo.

6 Causæ autem, propter quas peti, & concedi consueverunt horum corporum translationes, ut plurimum consunt vel in aliqua nova fabrica, quæ sit faciendæ, ita ut corpus remanere non possit in loco, in quo fuit repositum; vel in natura loci, in quo facta fuit prima repositio, si sit ex. gr. humidior, ita ut periculum immineat, ne cadaver, aut ossa aliquid detrimenti capiant; vel in beneficio, ut corpus Servi Dei separetur ab aliis corporibus, cum quibus fortasse fuit aggregatum; decet quippe, ut corpus ejus, de cuius Beatificatione aut Canonizatione agitur, aut spes est probabilis, ut tractu temporis agendum sit, ab aliis cadaveribus separetur, ne adveniente tempore Beatificationis aut Canonizationis, aliqua de identitate subrepat dubitatio; vel tandem in qualitate capse, in qua primo corpus conditum est; quoniam, si illa consumpta sit, decet, ut corpus in alia capsâ collocetur; quo tamen in casu non indulgetur mutatio de loco ad locum, sed tantum de capsâ ad capsam.

7 Sequitur translatio corporum Beatorum. Transferri autem non possunt de loco ad locum corpora, neque Reliquiæ Beatorum; nec fieri potest mutatio capse, in qua eorum ossa recondita sunt, nisi accedente summi Pontificis, sive sacræ Congregationis auctoritate: præter enim ea, quæ mox afferentur, cum sermo erit de translatione de loco ad locum corporum & Reliquiarum Sanctorum, viget animadversio modo allata, quod sicuti in Causis Beatorum Sedes Apostolica manu apposit, ita si ne ejus auctoritate nihil fieri potest, aut statui de translatione corporum & Reliquiarum eorundem.

8 Itaque, quando fieri debet translatio corporum seu Reliquiarum de loco ad locum, petitur a sacrorum rituum Congregatione facultas id peragendi, quæ illam concedere consuevit: in concessione porro præscribit modum, quo translatio faciendæ est, utrum scilicet secreto & sine pompa, an potius cum aliquarum personarum interventu; ex alibi quippe dictis non est permittum aliquid facere, quod augeat cultum Beatorum,

nisi

nisi accedente auctoritate Pontificia. Die 21. Martii anno 1665. concessum fuit, ut aperiretur capsula, in qua repositum erat corpus tunc Beati, nunc Sancti Laurentii Justiniani, & in nobiliori capsula collocaretur, quæ erat reponenda in novo altari in ejus honorem condito a Veneto Senatu; & in hac permissione præscriptum fuit, ut fieret hæc translatio, præsentibus Nuntio Apostolico Venetiis degente, & Veneto Patriarcha. Die 2. Octobris 1675. licet Reliquiæ Beatorum circumferri non possint per *Processiones*, concessum tamen fuit, ut in civitate Segobinæ non solum fieret translatio Reliquiarum Beati Joannis a Cruce, sed insuper ut occasione translationis ossa *processionaliter* circumferrentur: quod etiam concessum fuit die 13. Februarii 1700. occasione translationis corporis Beati Ferdinandi III. Regis Castellæ & Legionis. Contra, dum munere fungebatur Fidei Promotoris, cum occasione fabricæ novi altaris in ecclesia S. Andreæ in Monte Quirinæ Patrum Societatis Jesu ponenda esset capsula, in qua recondita erant ossa Beati Stanislai Kostkæ, in novo monumento, sacrorum rituum Congregatio utique permisit, ut hæc fieret translatio, sed januis ecclesiæ clausis, & intervenientibus tum Secretario, tum me Fidei Promotore una cum Notario sacræ Congregationis, & plerisque Patribus Societatis. Post nostram ad summum Pontificatum assumptionem Nobis exhibitæ fuerunt preces pro saculitate *processionaliter* deferendi per oppidum Leonissæ Reliquias corporis tunc Beati Josephi a Leonissæ Ordinis Capuccinorum. Nosque innixi exemplis supra relatis tunc Beati, nunc Sancti Joannis a Cruce, & Beati Ferdinandi III. Regis Castellæ & Legionis, supplicantium pietati libenter indulsimus; & Ludovico de Valentibus Fidei Promotori mandavimus, ut occasione accessus ad oppidum Leonissæ ipse Reliquias *processionaliter* deferre posset, quod magno populi concursu ab ipso præstitum est die 8. Octobris 1741.

9 Uno verbo, translationes corporum & Reliquiarum Beatorum aut sunt sine pompa, aut cum aliqua pompa, prout sacræ Congregationi videtur, quæ a circumstantiis inducitur, ut translationem uno potius, quam alio modo concedat. Addidisse autem fas sit, quod, sicuti tum Urbanus VIII. in suis Decretis Generalibus quoad cultum non *Beatificatorum*, neque *Canonizatorum*, tum Alexander VII. in suis Decretis super cultu Beatorum protestati sunt, se nullum præjudicium asserre velle illis, qui vel per immemorabilem temporis eursum, vel ex permissione summorum Pontificum, aut sacræ Congregationis, vel per Patrum Virorumque sanctorum Scripta coluntur, ita id ipsum dici debet quoad eorum sepulcra.

10 Exemplum desumi potest ex his, quæ contigerunt, dum munere fungebatur Fidei Promotoris quoad sepulcrum Servi Dei Bartholomæi de Saluto ex familia Observantium Reformatorum. Cum enim sacrorum rituum Congregatio concessisset, ut occasione fabricæ cujusdam Capellæ in ecclesia S. Francisci ad ripam Tiberis transferri posset corpus dicti Servi Dei, & orta in translatione esset questio, quia cadaver repertum fuerat;

in

in capsâ elevata quatuor unciiis super pavementum ecclesiæ, ita ut ex una parte diceretur, corpus esse sub terra humandum juxta Constitutionem alibi memoratam S. Pii V.; ex alia autem parte responderetur, translationem fieri debere, absque eo quod aliquid demeretur de statu præcedente, in quo capsâ fuerat inventa: re delata ad dictam Congregationem, ipsa respondit, Fidei Promotorem audiendum esse; & tandem die 21. Martii 1711. decrevit, ut executioni mandaretur facultas jam concessa translationis corporis Servi Dei Bartholomæi, secreto tamen & januis clausis absque pompa, & ut, sicuti corpus repertum fuit in capsâ elevata quatuor unciiis super pavementum ecclesiæ, ita reponeretur in alia parte ejusdem ecclesiæ in sepulcro quatuor pariter unciiis super terram elevato. Quod videlicet decretum est, non nisi quia in meo suffragio super hac re exarato ostendi, corpus fuisse dicto modo reconditum ex permissione summi Pontificis Gregorii XV. nullumque præjudicium afferri debere illis Dei Servis, qui aliquem cultum obtinuisent aut ex immemorabili tempore, aut ex permissione summi Pontificis, vel sacræ Congregationis, aut demum per Patrum Virorumque sanctorum Scripta. Præter enim monumenta archivi Conventus S. Francisci, præter inscriptionem, quæ aderat in facie exteriori capsæ, quæque indicabat, cadaver Servi Dei fuisse dicto modo cumulatam ex permissione Gregorii XV. totum id in aperto positum fuit ex attestatione Patris Castellini Auctoris contemporanei ex Dominicana familia, qui in opere de *certitudine gloriæ Sanctorum* cap. 2. punct. 39. §. 3. pag. 109. hæc habet: Totum id clarius confirmat factum illud, quod paucis, abhinc annis Roma accidit occasione transitus Ven. Patris F. Bartholomæi de Saluto Ordinis Reformatorum Sancti Francisci, ad cujus corpus invisendum congregandumque convenerat maxima hominum multitudo ob ipsius famam sanctitatis, omnesque instanter petebant, ut tumularetur corpus ipsius in ecclesia in loco aliquo particulari. Tandem, omnibus rite & recte ponderatis, ex ordine speciali, ut fertur, fel. record. Pauli V. intra capsam ligneam in sepultura consueta aliorum Fratrum Conventus Sancti Francisci apud Ripam conditum fuit. Tempore vero Pontificatus fel. record. Gregorii XV. capis prius debitis informationibus, ad ecclesiam in locum aliquo modo eminentem cum inscriptione laudabilis vite ipsius, secreto tamen, transulerunt, hoc est, absque pompa, atque interventu extraneorum. Causæ autem, propter quas peti & indulgeri consueverunt translationes corporum Beatorum, aut sunt illæ eadem, de quibus supra, aut aliæ, de quibus mox verba faciemus agentes de translatione corporum Sanctorum.

11 Ad translationem itaque corporum Sanctorum transeuntes dicimus, de jure Civili corpus humanum sepultum ex suo loco non posse in alium transferri sine Principis auctoritate, juxta Textum in *L. Nemo, C. de Religiosis, & sumptibus funerum*: & si legitima causa interveniat, translatio fieri nequit absque auctoritate Rectoris provincie, juxta Textum in *L. Si ex fluminis, C. eodem*. Quæ tamen omnia procedunt, si corpus

pus fuerit perpetuè traditum sepulture, juxta Textum in *L. Si necdum*, *C. eodem*. Quia tamen idem jus Civile in hac corporum translatione de loco ad locum alibi meminit aut imperii Principis, aut Decreti Pontificum; juxta Textum in *L. Offa*, *ff. de Religiosis*, & *sumptibus funerum*, celebrisque est hac in re epistola Plinii, qui dum Proconsul esset in Thracia, Trajano scripsit Imperatori, ut habetur *lib. 10. epist. 73. Petentibus quibusdam, ut sibi reliquias suarum aut propter injuriam vetustatis, aut propter fluminis incursum, aliaque his similia quacumque, secundum exemplum Proconsulum, transferre permitterem; quia sciebam, in Urbe nostra ex hujusmodi causis Collegium Pontificum adiri solere, te, Domine, Maximum Pontificem consulendum putavi, quid observare me velis; hinc fit, ut, ducto argumento a jure Civili plerique existiment, translationem corporum Sanctorum, & Reliquiarum fieri non posse absque Pontificia auctoritate; perinde quasi Principis jussus desideretur in iuribus allatis, non quia Princeps, omniumque Dominus, sed quia Pontifex esset: Germon. de Sacrorum immunitatibus, lib. 1. cap. 8. per totum, Ferrandus in sua disquisit. Reliq. lib. 1. cap. 7. §. Sunt autem aliqui.*

12 Alii contra censent, transferri posse de loco ad locum corpora Sanctorum & Reliquias eorum auctoritate Episcopi, dummodo id statuat, prævio consilio & assensu Capituli, uti probat Textus in *can. Corpora, de Consecrat. dist. 1.* & late prosequuntur Pagnanus in *cap. Cum ex eo num. 14. & seqq. de Reliq. & venerat. Sanctor.* ac Pithing. *ad tit. Decretal. de Reliq. & venerat. Sanctor. §. 2. num. 12.* Nonnulli docent, corpora & Reliquias transferri posse absque alicujus licentia, si perpetuè non sint tradita sepulture; locus autem, si perpetuè fuerint tradita sepulture, quia tunc requiritur licentia aut Papæ, aut Episcopi cum consilio & assensu Capituli; Del Bene *de inquisit. tom. 2. part. 2. dub. 229. §§. 8.* Alii dicunt, licentiam Papæ non requiri, nisi agatur de integri corporis translatione; Nicol. Lucubr. *Canon. lib. 3. tit. 45. de Reliq. sub num. 4. §. Ad transferendas.*

13 Alii sustinent, requiri summi Pontificis licentiam, si ve agatur de translatione integri corporis, si ve non, si ve res sit de corporibus traditis perpetuè sepulture, si ve de corporibus, quæ perpetuè non sint tradita sepulture; dummodo non agatur de translatione de loco ad locum intra eandem ecclesiam, sed vel de translatione de una ecclesia ad aliam, vel, & multo quidem magis, de una ad aliam diocesim. A primis enim Ecclesiæ temporibus cum lex Canonica prohibuerit alienationem rerum Ecclesiæ, juxta Textum in *can. Nullus, 17. quest. 4.* quod & subsequentibus temporibus fuit confirmatum, juxta seriem Constitutionum, quas erudite refert Arias de Mesa *variar. resolut. lib. 3. cap. 23.* cumque etiam juxta recentiore disciplinam, summi Pontificis assensus requiratur, ut fiat alienatio rerum Ecclesiæ, aut aliud quodcumque pactum pariter fiat, per quod earum dominium transferatur, juxta Textum in *cap. Ambrosio, de reb.*

reb. Eccles. non alienam. inter Extravag. comm. sequitur hinc, ut corpora & Reliquiæ Sanctorum, quæ sunt res pretiosissimæ Ecclesiæ, ita transferri non possint, ut illarum fiat alienatio, nisi facultas præcedat Apostolica; Bonacina *speculum moralium* tom. 1. tit. de alienat. Bonor. Ecclesiastic. dispus. 2. quæst. unic. punct. 2. num. 31. Ventiglia in *praxi rer. Ecclesiastic.* part. 2. annot. 1. §. 2. num. 27. Genuenl. in *praxi Archiepiscop. Curia Neapoli.* cap. 71. & præcipue in *annotat.* num. 5. Pignatellus *consult.* 207. num. 4. Bosper. *moral. tom. 3. tit. 18. de alienat. Bonor. Eccles.* num. 408. Maranta 3. part. *controver. resp.* 2. num. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

14. Refragantur alii, qui contendunt, Extravagantem, Ambrosiensem, Pauli III. de reb. Eccles. non alienam. nullo modo accommodari posse translationi corporum Sanctorum; ita ut transferens dicta corpora sine summi Pontificis licentia minime sit subiectus excommunicationi, sed tantum cuidam poenæ arbitrarie: Fagnanus in *cit. cap. Cum ex eo*, num. 35. de Reliq. & venerat. Sancto. *resolut.* 27. num. 62. Ideoque tutissimum esse videtur asserere, transferentes corpora Sanctorum non incidere quidem in poenam excommunicationis, sed juxta usum ac disciplinam non posse fieri translationes de civitate ad civitatem, nec de ecclesia ad ecclesiam, inconsulta Sede Apostolica, uti respondit sacra Congregatio Concilii *tom. 16. Memorialium pag. 733.* in archivo; ibi enim sic legitur: An, qui transferunt corpus Sanctæ Christina Virginis & Martyris, incidere in poenam excommunicationis? Sanctissimus Dominus noster respondit, transferentes non esse excommunicatos; sed tamen obtinuit bullam a Stylo, saltem translationem non esse faciendam, inconsulta Sede Apostolica.

15. Stylus autem, seu disciplina facile ex sequentibus ostendi potest. Testatur Papebrochius in *Conatu chronico-historico ad catalogum Pontificum differt.* 2. de solemnium Canonizationum initis atque progressibus pag. 172. num. 3. seculo decimo Episcopos nullatenus abique Apostolica licentia aliquid innovare solitos circa veteres probatosque a Majoribus Sanctos, aut eorum Reliquias. Addimus, id ipsum contigisse temporibus subsequentibus. Apostolicam quippe auctoritatem Honorii III. intercessisse in translatione corporum de loco ad locum S. Bruni, S. Radegundis Reginae, & S. Quintini, & Beati Birini, colligitur ex monumentis apud Raynaldum *ad A. 1224. num. 27. & num. 46.* & apud Boldoum in libro de *Cemeteriis pag. 709.* Eandem auctoritatem Apostolicam summi Pontificis Gregorii IX. intercessisse in translatione corporis Sancti Francisci de ecclesia ad ecclesiam, habetur ex ejus diplomate apud Wadingum in *annal. Minorum ad A. 1230. tom. 2. pag. 234.* ubi sunt hæc verba: Nos sanctissimum corpus Confessoris prædicti pio amore venerabiliter amplectentes, translationem ejus dilectis filiis Generali Ministro, & quibusdam aliis Fratribus Ordinis Minorum viris religiosis & timoratis, tamquam Vicariis nostris commissimus confidenter, cum nonnulla auctoritate Apostolica Sedis effect translatione faciende. Similia leguntur de Clemente V. in translatione corporis Beati

Beati Bernardi Episcopi Convenarum apud citatum Raynaldum ad A. 1309. num. 2. de Clemente VI. in translatione corporis Beati Angeli de Gualdo apud Bollandianos tom. 1. *Maji pag.* 778. & in translatione corporis Beati Roberti Cascedei apud Mabillon *seculo vi. Ord. S. Benedicti part. 2. pag.* 185. de Urbano V. in translatione officii & Reliquiarum S. Thomæ Aquinatis, in novo Bullario Ordinis Prædicatorum collecto a Fratres Bremond tom. 2. *pag.* 258. & tom. 3. *pag.* 83. de Martino V. in translatione corporis S. Monicæ a civitate Ostiensis ad Urbem, uti habetur apud Bollandianos tom. 1. *Maji pag.* 489. num. 4. de Nicolao V. in translatione corporum Sanctarum Mariæ Jacobi, & Mariæ Salomæ, & earum ancillæ Saræ de loco ad locum in eadem ecclesia, juxta ea quæ referuntur apud Honoratum Boucheum in *historia Provincia lib. 9. sect. 4. §. 2.* & apud Raynaldum ad A. 1448. num. 10. de Callisto Papa III. in translatione corporis S. Guidi Comitis Doronatici de ecclesia cujusdam oppidi Massianæ diocesis ad Metropolitanam Pisanam, de qua re apud Bollandianos tom. 5. *Maji pag.* 526. num. 4. de Leone Papa X. in translatione corporis S. Secundi Episcopi Abulenſis apud eosdem Bollandianos tom. 1. *Maji pag.* 172. num. 17. de Gregorio XIII. in translatione corporum SS. Abundii & Abundantii Martyrum ab ecclesia SS. Cosmæ & Damiani ad ecclesiam Professorum Societatis Jesu. Alia plura cumulari possent exempla: sed satis erit pauca insuper addere, concessionis videlicet Capituli Beatæ Nymphæ Virginis & Martyris Archiepiscopo, Clero & populo Panormitano, concessionis Capituli S. Guillelmi Ducis Aquitanie ecclesiæ Antuerpiensium Patrum Societatis Jesu, concessionis Brachii Beati Conradi, & translationis ejus ab ecclesia S. Nicolai civitatis Netinæ Syracusanæ diocesis ad civitatem Placentinam, translationis demum Brachii S. Bernardi ab ecclesia S. Hieronymi de Cervara ad ecclesiam S. Catharinæ civitatis Januens.

16 Venerabili Fratri Episcopo Paſten. *Clemens Papa VIII. Venerabilis Frater, salutem &c. Ut Caput Beatæ Nymphæ Virginis & Martyris, quod civitatibus Panormitanæ illius olim natali ſelo, cujus populus ſingularem erga eandem Beatam Virginem devotionis gerit affectum, concessimus, eo, quo decet, honore ad civitatem prædictam deferatur, & in ipsa civitate religioſe recipiatur. Fraternitati tuæ ad civitatem prædictam proficiſcenti ſacra hujus Reliquiæ illuc deferenda curam demandandam duximus. Fraternitati igitur tuæ per præſentes injungimus, ut Caput Beatæ Nymphæ prædictum pie, religioſe ac reuerenter ad prædictam civitatem noſtro nomine deferas, ac Venerabili Fratri Archiepiſcopo, dilectis Filiis Capitulo, Clero & populo Panormitano tradas atque conſignes. Datum Romæ apud S. Petrum &c. die 21. Maji 1593. anno ſecundo.*

17 *Clemens Papa VIII. Ad perpetuam rei memoriam. Decet, Romanum Pontificem in his authoritatem ſuam interponere, per quæ ſacrarum Sanctiorum Reliquiarum venerationi opportune conſultitur. Sane, ſicut accepimus, cum ante annos quadraginta Marcadura oppidum in Juliacenſi Ducatu ſitum a Caſaris*
Tom. IV. G 8888

exercitu per obsidionem captum, & dirutum esset, infans monasterium quoddam Ordinis Guillelmitarum in eodem oppido, vel prope illud castrum incendio vastatum fuit, a quo quidem incendio quidam vir pius Caput Sancti Guillelmi Ducis Aquitaniae liberavit. Cum autem sacra huiusmodi Reliquiae plures annos per Saculares personas in diversis locis, & praesertim in civitate Anverspien. laeturis, demumque apud quendam civem Anverspiensem reperta, de consensu Ordinarii Anverspiensis ecclesiae Presbyterorum Societatis Iesu praedictae civitatis ab eodem civitate donata fuerit, nunquam in ipsa ecclesia religiose custoditur; Nos, ne ex praemissis dubium aliquod oriri pro tempore possit, providere volentes, donationemque praedictam approbantes & confirmantes motu proprio & de certa scientia nostra Caput Sancti Guillelmi praedicti eidem ecclesiae Societatis Iesu Anverspien. auctoritate Apostolica tenore praesentium perpetuo concedimus & elargimur, & in eadem ecclesia perpetuo conservari & custodiri, nec inde a quoquam quovis pretexto extrahi aut asportari, praequam in publicis Processionibus, possit, aut debere volumus, decernimus & mandamus: Non obstantibus quibuscumque Constitutionibus & ordinationibus Apostolicis, ac Statutis & consuetudinibus, etiam iuramento, confirmatione Apostolica, vel quavis firmitate alia roboratis, privilegiis quoque, Indultis, & litteris Apostolicis in contrarium praemissum concessis, confirmatis, approbatis & innovatis, ceterisque contrariis quibuscumque. Datum Roma apud Sanctum Petrum &c. die 12. Martii 1594. anno tertio.

18 Placentinae. *Annus Maria Episcopus Portuen. sanctae Romanae Ecclesiae Cardinalis Gallus Congregationis sacrorum rituum Praepositus, universis & singulis praesentes inspecturis, lecturis & audientibus salutem in Domino sempiternam.* Cum in ecclesia Sancti Nicolai civitatis Netina Syracusana diocesis conservetur corpus Beati Conradi Confessoris Placentini, Canonici & Clerus ejusdem civitatis Placentinae aliquam Reliquiam dicti Beati Conradi eorum civis habere cupientes, a Sede Apostolica petierunt, ut dignaretur concedere licentiam Canonici dictae ecclesiae Sancti Nicolai Netinae civitatis, ut possent brachium ejusdem Beati Conradi dare & concedere Canonici & Clero dictae civitatis Placentinae, & ipsi Canonici & Clerus Placentinae civitatis illud licite & legitime recipere, & ad eorum civitatem Placentinam portare & transferre: Propositum semel atque iterum huiusmodi negotio in sacra rituum Congregatione ab Illustrissimo & Reverendissimo Domino Cardinali Bellarmino, cui hac causa commissae fuerat: Eadem sacra rituum Congregatio censuit, posse concedi licentiam petitam dandi & recipiendi dictum Brachium Beati Conradi, si Sanctissimo Domino nostro placuerit; dummodo private, & sine solemnitate dictum Brachium portetur usque ad civitatem Placentinam, & ecclesiam, in qua locandum & conservandum erit. Et, facta relatione de praemissis a praedicto Illustrissimo & Reverendissimo Domino Cardinali Bellarmino Sanctissimo Domino nostro in Consistorio secreto habito in palatio Apostolico in Monte Quirinali die infra scripta, Sanctitas Sua annuit, licentiamque petitam concessit Canonici & Clero dictae ecclesiae Placentinae recipiendi dictum Brachium Beati Conradi, dummodo private & sine so-

lemnitate

lemnitate portetur usque ad civitatem Placentinam; & ecclesiam, in qua locandum erit, cum facultate illud publice exponendi in ecclesia venerationis causa in illa ejus festo: In quorum omnium & singulorum fidei & testimonium, presentes per infra scriptum ejusdem Congregationis Secretarium fieri jussimus; manu nostra subscriptum, & nostri soliti sigilli impressione muniri fecimus. Roma in palatio nostra solite Residentia anno a Nativitate Domini 1526 die 16. mensis Junii. Pontificatus vero ejusdem Sanctissimi in Christo Patris & Domini nostri Pauli Divina providentia Papa V. anno decimo. Antonius Maria Episcopus Portuen. Cardinalis Gallus.

19. Urbanus Papa VIII. Ad futuram &c. Nuper nomine dilectorum. Filiorum nobilium Virorum Ducis, & Reipublice Januensis. Nobis exposito. quod ipsi pro peculiari, quem erga Sanctum Bernardum Abbatem, quem in suum specialem Patronum & Protectorem solemnibus votis elegerant, gerebant, devotionis affectu, in ecclesia monasterii Sanctæ Catharinæ Januensis. Monachorum Ordinis Sancti Benedicti Congregationis Cassinensis. unam Capellam sub invocatione ejusdem Sancti Bernardi sumptuose & magnifico opere constructam & ornari, ad eamque, postquam constructa & ornata fuisset, ex sacris ipsius Sancti Bernardi Reliquiis unum ejus Brachium, quod in ecclesia monasterii Sancti Hieronymi de Cervara ejusdem Congregationis Januensis. diocesis, ut asserbatur, asserbatur, solemniter transferre, ibique collocare desiderabant; Nos eorum hac in parte supplicationibus inclinati eidem Duci & Reipublice, ut Brachium hujusmodi ex dicta ecclesia Sancti Hieronymi extrahere, & ad ecclesiam Sanctæ Catharinæ hujusmodi, ad effectum illud in Capella per eos, ut prefertur, construenda & ornanda, postquam debite constructa & ornata fuisset, debitis cum honore & reverentia collocandi, ibique perpetuo asserbendi, transferri, seu transferri facere libere & licite valerent, sub certis modo & forma tunc expressis licentiam & facultatem concessimus & impertivimus; prout in alia nostris in simili forma Brevis desuper expeditis literis, quaviam tenorem præmissis pro expressis habere volumus, plenius continetur. Cuius autem, sicut Dux & Reipublica prædicti Nobis denno necesse fuerint, ipsi plenius cupiant, translationem hujusmodi ex nunc, nisi Capella prædicta nondum constructa existat, fieri posse, proindeque sibi per Nos desuper indulgeri; Nos eorum votis hujusmodi annuere, illisque specialibus favoribus & gratiis prosequi volentes, & eorum singulares personas a quibusvis &c. supplicationibus illorum nomine &c. inclinati eisdem Duci & Reipublice, quatenus translationem Brachii Sancti Bernardi hujusmodi ad dictam ecclesiam Sanctæ Catharinæ ad effectum præmissum ex nunc, nisi Capella prædicta nondum constructa sit, ut prefertur, servata aliis dictarum literarum forma, facere libere & licite valeant, dicta auctoritate tenore præsentium, dummodo tamen interim in eadem ecclesia Sanctæ Catharinæ honorifice, & tunc asserbatur, concedimus & indulgemus. Nos obstantibus præmissis, ac omnibus illis, quæ in eisdem literis volumus non obstat, ceterisque contrariis quibuscumque. Datum apud Sanctum Petrum &c. die 28. Martii 1626. anno tertio.

20 Cause denique, propter quas fieri possunt translationes corporum Sanctorum, præter eas, quæ supra relatæ fuerunt, cum ageretur de translatione corporum eorum, qui non sunt Beatificati, neque Canonizati; quæque solum respiciunt translationem de loco ad locum intra eamdem ecclesiam; ad hæc capita referri possunt; ad loci videlicet, in quo corpora condita sunt, indecentiam, puta si non fuerint condita in loco sacro, & ad cultum idoneo, vel si fuerint quidem condita in loco congruo, sed timor adsit, ne propter inhabitantium malitiam debito cultu fraudentur, & multo magis, si irreverentia jam præcesserit; ad populorum devotionem, qui corpora, aut partem exoptent ad se transferri, ut ea propius valeant venerari, sicuti probat. *Textus in can. 37. de Consecrat. dist. 1. & suse prosequuntur Ferrand. de disputat. Reliq. lib. 1. cap. 7. Signius de Reliq. & venerat. Sanctis. cap. 10. Guyet de fest. prop. Sanctis. lib. 1. cap. 8. quest. 3.* & demum ad locum venerabiliorum, puta si novum sacellum in honorem Sancti constructum sit, in quo novum sepulcrum fuerit edificatum, ubi cum majori honore corpus Sancti collocari possit. Quocirca, cum anno 1374. translatum fuisset corpus S. Andree Corsii a Fesulana Cathedrali ad ecclesiam sui Ordinis Florentiæ sitam, & tribus & amplius sæculis in quodam sepulcro ibidem jacuisset, die 26. Octobris 1683. capsula aperta fuit, & corpus repertum integrum expositum fuit ad venerationem Fidelium, deinde cum solemnî Processione, assistentibus Archiepiscopis Pisano, & Florentino, necnon octo Episcopis, ejus translatio facta fuit ad novum sacellum magnifice extructum impensis Marchionum Bartholomæi, & Nerei de Gorfis. Quibus addi potest causa aliqua extraordinaria, quando videlicet Deus nonnullis Servis suis revelare dignatur aut visionibus, aut miraculis tum locum, in quo Sanctorum suorum corpora condita sunt, cum esset antea ignotus, tum eum, ad quem vult ea transferri, uti passim legitur in sacris historiis, de quibus in Opere Canonici Boldetti de observat. ad Cæmeteria SS. Martyrum lib. 3. cap. 3. & seqq.

21 In hoc eodem cap. 21. num. 3. mentio facta est translationis corporis tunc Servi Dei, nunc Sancti Camilli de Lellis, quæ contigit anno 1696. Tunc signata tantum fuerat Commissio introductionis Cause Servi Dei, & cum progressu temporis nedum fuerint approbatæ virtutes, sed etiam miracula, jamque immineret solemnitas formalis Beatificationis, Nobisque ad Pontificatum assumptis exhibitæ fuerint preces pro nova translatione de loco ad locum ejusdem corporis in eadem tamen ecclesia S. Mariæ Magdalensæ de Urbe Congregationis Ministrantium Infirmis ab eodem institutæ, & collocatione in decentiori & nobiliori loco venerationi Fidelium exposito, litteras Apostolicas in forma Brevis dedimus Ludovico Valenti Fidei Promotori: & litteras prædictas operæ pretium esse censuimus hic referre, cum ex eis confirmationem obtineant quæ a Nobis supra dicta sunt num. 6. & seqq. de Beatorum corporum translatione.

Dile-

Dilecte Fili, salutem & Apostolicam Benedictionem. De Congregationis Venerabilium Fratrum nostrorum S. R. E. Cardinalium sacris ritibus prapropia consilio & assensu, ut Servus Dei Cavillus de Lellis Fundator Clericorum Regularium Ministrantium Infirmis in posterum Beati nomine nuncupetur, ejusque corpus & Reliquie venerationi Fidelium (non tamen in Processionibus circumferenda) exponantur, & alias prout in aliis nostris in simili forma Brevis litteris desuper expediendis uberius continebitur, quamprimum auctoritate Apostolica indulgere intendentes: ac cupientes, ut ejusdem Servi Dei corpus ex tumultu in ecclesia sub invocatione S. Mariae Magdalena de Urbe ejusdem Congregationis Ministrantium Infirmis sito, in quo conditum reperitur, elevatum in decentiorem nobilioremque locum transferatur ac collocetur, ad quem accedentes Christifideles venerentur; necnon ut ea omnia que in hujusmodi elevationibus servari solent, exacte serventur: Tibi, qui Promotoris Fidei munus, quod Nos, dum in minoribus effusimus, prastitimus, tanta cum sapientia, integritate, pietate, zelo, ac fidelitate obire pergis, per presentes committimus & mandamus, ut te ipsum ad locum, in quo positum est ejusdem Servi Dei Corpus, conseras, & clausis januis, & quibuscunque aliis (prater publicum Notarium Acta omnia per se conficienda rogaturum, necnon dilectos Filios modernos Prapropium Generalem, Procuratorem Generalem, ac Assistentes, & Postulatorem cause dicti Servi Dei in eadem Congregatione sacrorum rituum, acque eos ministros, seu sossiores, quos ad hujusmodi ministerium & opus necessarios esse duxeris, tantum, nec omnino alios) sub excommunicationis late sententia poena ipso facto absque alia declaratione incurrenda, a qua nemo, nisi a Nobis, seu Romano Pontifice pro tempore existente absolutionis beneficium, praterquam in mortis articulo constitutus, obtinere queat, & ipso facto ab omnibus cujuscunque status, dignitatis, conditionis, auctoritatis, preeminentie, etiam sancte Romanae Ecclesie predictae Cardinalibus, statim incurrenda, aliisque ad nostrum arbitrium imponendis poenis & censuris, penitus exclusis, tumultum, in quo Corpus dicti Servi Dei jacet, per antedictos ministros effodi, arcamque seu loculum, in quo conditur, referari facias, necnon omnia & singula accuratissime inspicias, que ad authenticitatem ejusdem corporis firmandam appposita fuisse, inempta traditum est, ac prasterita signa, aliaque hujusmodi recognoscas, ceteraque scruteris, que pro tua hac in re singulari peritia duxeris notanda. Praterea tibi committimus & mandamus, ut singulis antedictis, quos solos tecum duxeris, ut pramittitur, interesse statuimus, sub suspensionis, Interdicti, & excommunicationis late sententia, aliisque poenis & censuris, Nobis, ut præsertur, reservatis denunties, & inhibeas, ne quilibet eorum Nobis inscius & inconsultus, quidpiam, vel minimam Corporis partem dicti Servi Dei auferre, detrabere, ac secum asportare audeant. Postquam vero hac omnia prastiteris, idem Corpus in aliqua arca seu loculo recondas, tuo in certa hispanica signo munias, & in aliquo decentiori loco diligentissime ac tutissime custodiendum cures, donec opportuno tempore debitis cum honore & cautelis in eo loco, in quo in futurum servandum colendumque erit, collocetur. Idcirco tibi omnes & singulas super negotio hujusmodi, ea, qua de-

ceet

et, & opus est, fide ac diligentia perficienda, necessariae & opportuna facultates auctoritate Apostolica tenet presentium tribuimus & imperimus. Non obstantibus Constitutionibus & ordinationibus Apostolicis, contrariis quibuscumque. Datum Roma apud S. Mariam Majorem sub anno Pontificatus nostri Martii 1742. Pontificatus nostri anno secundo.

C A P U T

XXIII

De modo, quo fieri debent Sanctorum Corporum Translationes

Postquam visum est, qua auctoritate, & quibus de causis fieri debeant translationes corporum Sanctorum, reliquum est, ut exemplum cognoscamus, quo dictae translationes fieri debent; quia in re advertendum est, hic agi de modo, quo fieri debent translationes corporum Sanctorum seu Reliquiarum eorumdem, non autem corporum autem Reliquiarum Servorum Dei, & Beatorum; cum de his actum sit in capite praecedenti.

In classe prima epistolarum S. Ambrosii, epistola videlicet 22. tituli 2. col. 875. commemoratur translatio corporum SS. Gervasii & Protasii Martyrum, quorum corpora inventa sunt a S. Ambrosio ante cancellum basilicae SS. Felicitis atque Naboris: Inveniimus mira magnitudinis: Virgo duas, in praefata aras ferebat, ossa omnia integra, sanguinis plurimum: Ingens concursus populi per totum illud biduum. Quid multa? Conducuntur integra ad ordinem: Translinimus vespere jam incumbens ad basilicam Fasse: ubi vigiliae tota nocte, maxime impetio. Sequenti die transfulimus ea in basilicam, quam appellant Ambrosianam: Dum transferimus, cecum sanatus est. Tota nocte ad populum fuit obsecratio: hic respexerunt Centuriatores Magdeburgenses haeretici, impio cogo, colere, qui cecum, 4. col. 457. scripserunt: Primum in porta, seu strada, seu casa, Sancti alienigenae Reliquiae populo monstrabantur, deinde ordine componebantur, & transferrebantur ad aliquod templum, ubi vigilie sequebantur tota nocte. Habebatur concilio de vita istius Martyris, fiebant & miracula: sa. Ambrosio credimus. Gregorius enim: &c.

In Martyrologio Romano die 27. Januarii sic commemoratio translationis corporis S. Joannis Chrysostomi ad civitatem Constantinopolitanam: In Mensis die 27. Septembris longum extat Officium de reportatione Reliquiarum praedicti S. Doctoris: & de illius Reliquiarum reportatione extat etiam Synaxarium, in quo narratur historia translationis, & ascriptur etiam epistola Theodosii Imperatoris, quam ad eum jam mortuum scripserunt, cum ejus corpus loco moveri nequiret: Translatio describitur a Gossia Vestiaro, qui praeter epistolam Theodosii asserit etiam orationem Sancti Procli. Menart in vita S. Joannis Chrysostomi asserit, Concilium opusculum non adhuc in lucem editum fuisse, sed illud extare in bibliotheca Valticellana testatur Cardinalis Baronius. Inter antiquiores de hac trans-

translatione loquentes legi possunt Socrates *lib. 7. cap. 44.* Theodoretus *lib. 5. cap. 36.* Theodorus Lector in *collectan. lib. 2. circa finem*, Nicephorus Callistus *hystor. Eccles. lib. 14. cap. 36. & 43.* & ex recentioribus Cardinalis Baronius ad *A. 438. num. 1. Baillet in vitis Sanctor. ad diem 27. Januarii.* Apud Bosium de *Passione S. Cæcilie* extant litteræ S. Paschalis Papæ I. de inventione corporis ejusdem Sanctæ, in quibus legitur, propriis ipsius manibus venerabile corpus fuisse pertractatum inter collègues Episcopos. In bulla dedicationis ecclesiæ S. Remigii, & translationis corporis ejusdem, factæ a S. Leone Papa IX. apud Baronium *tom. 11. pag. 818.* habetur, pretiosissimum corpus sanctissimi Viri ab eo propriis manibus translatum fuisse in locum ei præparatum. In bibliotheca Vaticana reperitur codex de translatione S. Quirini Episcopi & Martyris, quem publici juris fecerunt Bollandiani *tom. 1. Junii pag. 383.* & in eo ritus describitur translationis factæ tempore Innocentii II. ad ecclesiam S. Mariæ Transiberim; & dicitur, Clericos hujus ecclesiæ cum magna reverentia corpus ad eam detulisse cum hymnis & orationibus, & in majori altari ejusdem ecclesiæ recondidisse. Qui plura exempla legere cupit, in manusumat Officia propria basilicarum Lateranensis, & Vaticanæ, in quibus passim occurrunt solennes translationes ad dictas ecclesias factæ sanctorum corporum Martyrum aut Confessorum.

3 Ut descendamus ad recentiores translationes Romæ potissimum magna cum solemnitate peractas, primo loco se offert translatio Capitæ S. Andreæ Apostoli. Expugnata a Turcis Constantinopoli, & Constantino ultimo Imperatore occiso, Demetrius ejusdem frater, & Peloponnesi Despotes, cum apud se haberet Caput Andreæ Apostoli, Romam transferri curavit, ut tutiori loco, & majori cultu haberetur. Pius Papa II. cum sacro Cardinalium Collegio & populo sanctissimum Caput honorificentissime excepit ad pontem Milvium, propriis manibus a Cardinale Bessarione suscepit, lacrymis & pia oratione persecutus est, sacrumque depositum in sacram ædem tulit S. Mariæ de Populo, ut ea nocte ibidem quiesceret. Postera deinde die, instituta Supplicatione, ab eodem Pio sacrum Caput in basilicam Principis Apostolorum delatum est, & in sacello ad hunc finem ornato & composito reconditum fuit. Adfuerunt Cardinales Albis vestiti, & palmas in manibus gestantes, Episcopis & Præfultibus cum reliquo Clero hymnos & preces concincentibus, & tanta Fidelium frequentia, ut triginta facularum millia arsisse compertum fuerit; uti legitur in Auctore commentariorum Pii II.

4 Succedit translatio Ferri, quo latus Christi perfossum est, quodque a Bajazet Turcarum Tyranno dono datum est summo Pontifici Innocentio VIII. Ejus itaque historia hæc est. Die 1. Maji A. 1492. cum ad civitatem Anconitanam pervenisset Legatus Turcarum Tyranni, qui ferrum Ferrum deferrebat dono dandum summo Pontifici, duo Legati a summo Pontifice electi, Archiepiscopus videlicet Arelatenfis, & Episcopus

790 DE SERVORUM DEI BEATIFICATIONE

scopus Fulginas, ad eandem civitatem devenerunt, & sacram Reliquiam recognoverunt. Ea postmodum *processionaliter* per civitatem delata est ab Archiepiscopo Arelatensi, Anianis civitatis Baldachinum deferentibus, & comitante Episcopo Forosempronienfi, Marchie Gubernatore, universo Clero & populo, necnon magna multitudine exterorum, qui convenerant, ut sacrum Ferrum venerantur, & lucrifacerent Indulgentiam a summo Pontifice presentibus concessam; ut non modo legitur in *historiis civitatis Anconitane* editis a Canonico Saraceno, sed etiam in *chronicis mss.* Augustini Lincii, & Landi Ferretti; quin & Marcus Vigerius Episcopus Senogallienfis, deinde ad Cardinalitiam dignitatem evectus, qui Anconam tunc venit, opusculum edidit de *lancea, & veste Christi*.

5. Debita hinc cum reverentia Reliquia per iter delata est: comque ad civitatem Narniensem devenisset, dno Cardinales Legati tam reverenter exceperunt, Cardinalis videlicet S. Petri ad Vincula, & Cardinalis Ulyssiponensis. Cum nuntium advenit, eos Romam appropinquare, obviam processit extra portam Flaminiam summus Pontifex, praecedentibus Officialibus, Cardinalibus, & Praefullibus more solito: tum, Reliquia a Cardinalibus Legatis summo Pontifici brevibus verbis ad hoc conveniente compositis oblata, ipse, deposita Mitra, brevibus verbis respondens deus, manibusque tabernaculum cum Ferro post oscula recepit, deinde, *imposita* ~~veste~~ *veste*, eam *processionaliter* detulit, uti legitur in diariis Burchardi pag. 1092. *Processio ad ecclesiam S. Mariae de Populo incepit, & progressu est usque ad basilicam S. Petri die ultima Maji 1492.* teste Stephano Infessera Scribe Senatus & Populi Romani in diario edito a Georgio Echardo in *corpore historico medii aevi* pag. 105. quae pariter narrantur apud Raynaldum ad *1492. num. 15.* Erat item eo animo Innocentius, ut magnificentissimum sacellum construeret in basilica Vaticana, in quo sacra Reliquia debite cum honore asservaretur: interim autem dum haec meditabatur, voluit, ut sacrum Ferrum in suo cubiculo deponeretur: cumque paucos post dies mortali morbo correptus se proximum morti videret, juxta morem tunc temporis receptum advocavit Cardinales, eosque hortatus ad festinam digni Successoris electionem, sacrum eis Ferrum tradidit deferendum in basilicam Vaticanam, & Laurentio Cardinali nepoti mandavit, ut edificaret & copiose dotaret sacellum ad tantum thesaurum excipiendum: Cardinales demum die 16. Julii ejusdem anni 1493. Reliquiam detulerunt ad S. Petri basilicam, eamque collocarunt in loco, ubi inclusum est Sudarium Domini nostri Jesu Christi, ut colligitur ex historia Jacobi Bosii de *triumphanti Cruce*, & ex opusculo de *sacrosancto Veronica Sudario, & Lancea, qua Salvatoris nostri latus aperuit*, composito a Jacobo Grimaldo Bononiensi Clerico Beneficiario basilicae Vaticanae & in ejusdem basilicae archivo asservato *fol. 190. a verso, & seqq.* Sciendum est etiam, in eadem Vaticana basilica conservari sacram Christi Imaginem Sudario impressam, cujus meminerunt Petrus Mallius in *hist. sacr.*

sacr. & Mapheus Vegius de reb. antiq. basil. S. Petri, editi a Bollandianis tom. 7. Junii, & Petrus Diaconus Monachus Cassinensis in libro de Locis sanctis; & ex Anastasio, seu quovis alio Auctore, qui Romanorum Pontificum historiam composuit, habetur, Joannem VII. primo sui Pontificatus anno, hoc est A. 705. construi curasse in basilica Vaticana Oratorium cum Ciborio ad continendum dictum sacrosanctum Sudarium; cujus Oratorii rudera reperta fuerunt A. 1606. in nova constructione basilicae sub Paulo V. juxta ea quae refert Jacobus Grimaldus testis oculatus in suo opusculo supra citato de sacrosancto Sudario.

6 Tertia solemnis translatio est Corporis S. Gregorii Nazianzeni ab ecclesia Sanctimonialium Campi Martii ad basilicam Vaticanam tempore Gregorii XIII. quae fusc exponitur in diariis Francisci Mucantii Cereemoniarum Magistri, & de qua in Martyrologio Romano ad diem 11. Junii, ubi legitur: Roma translato Sancti Gregorii Nazianzeni, cujus sacrum corpus Constantinopoli ad Urbem antea delatum, atque in ecclesia Dei Genitricis ad Campum Martium diu asservatum, Gregorius XIII. Pontifex maximus in Capellam a se in basilica S. Petri magnificentiissime exornatam summa celebritate transfudit.

7 Ad quartam procedimus translationem. Corporis videlicet S. Leonis Magni. Corpus S. Leonis M. traditum sepulture in basilica Vaticana, teste Anastasio in ejus vita, a Sergio Papa I. in nobiliorem tumbam translatum fuit, ut in vita dicti Sergii I. allegatus testatur Anastasius Paschalis deinde II. corpora SS. Leonum I. II. III. & IV. in Oratorio S. Leonis IV. recondidit, uti referant Canonici Romani in descriptione basilicae Vaticanae, Maffaeus Vegius in suo tractatu de praesentia Basilicae Vaticanae, & Panvinus de septem Urbis ecclesiis pag. 41. Diruto autem Oratorio, sive Capella S. Leonis IV. occasione novae fabricae temporibus summi Pontificis Pauli V. cum in eodem reperta fuissent corpora dictorum quatuor Sanctorum Leonum, fuerunt recondita sub altari S. Mariae de Columna; sic uti tradunt Paulus Aringhius in sua Roma subterraneis lib. 2. cap. 8. pag. 247. & seqq., & Paulus de Angelis in addit. ad Canonicum Romanum de basilica Vaticana pag. 161. atque ut plenius desumitur ex publico Instrumento, quod asservatur in dictae basilicae archivo. Cumque subinde Innocentius Papa X. ad recolendam S. Leonis Magni memoriam nobilissimum in ecclesia S. Petri sacellum extruxerit, ut sub ejus ara reponeret illius corpus, teste Paulo Aringhio loc. cit. nec tamen transfunderet; vel quia morte praeventus, vel quia aliis curis distentus est, tandem Clemens XI. pro sua erga Sanctum Antecessorem devotione operae pretium esse censuit, sacrum corpus transferre a Capella S. Mariae de Columna ad Capellam in honorem S. Leonis M. ab Innocentio X. (ut diximus) extructam.

8 Quocirca die 20. Maji A. 1713. ut secreto recognoscereetur, an corpus S. Leonis M. existeret in altari B. Mariae de Columna eo statu esset, ut facile amoveri posset, Hannibal Cardinalis Albanus basilicæ Archiepi-

shyter circa primam noctis horam una cum Cardinali Ferdinando Nuptio tunc Archiepiscopo Niceno, & Bartholomæo Maffeo S. R. E. Cardinali, meque pariter ejusdem basilicæ tunc Canonicis accessit ad altare Beatae Mariæ, amotisque tabulis marmoreis, quibus mensa altaris superius tegebatur, reperta fuerunt in quadam lignea capsâ ossa & cineres SS. Leonum II. III. IV. & in capsâ lignea inferiori intra aliam plumbeam inclusa inventum est corpus S. Leonis M. Papæ I. ab aliis sejunctum & separatum, & præter plumbeas inscriptiones appositas tempore translationis factæ sub Paulo V. ibi quoque repertas, status rerum diligentissime collatus fuit cum ipso Instrumento Translationis; quod ego uti tunc Canonicus Archivista basilicæ, forma authentica exhibui, omniaque subinde in pristinum statum reducta sunt; appositis ubique sigillis ejusdem Cardinalis Archipresbyteri.

9. Post unius fere anni spatium, hoc est, die 24. Martii A. 1714. idem Cardinalis Albanus una cum Capitulo iterum accessit ad altare S. Mariæ de Columna, ibique præmissis solitis precibus juxta Rituale Romanum, a Joanne Francisco de Nicolais Archiepiscopo Myrensi & basilicæ Vicario Pontificalibus vestibus induto amota fuit tabula marmorea altaris, & integrâ reperta sunt sigilla ejusdem Cardinalis, & omnia pariter inventa sunt eisdem modo & formæ, quibus descripta fuerunt in præcedenti actu recognitionis; completaque extractione & collocazione tum sacrorum ossium & cinerum SS. Leonum II. III. & IV. in una capsâ, tum capsæ, in qua reconditum erat corpus S. Leonis M., quod ab omnibus, qui aderant, visum est, in alia capsâ, quæ munitæ fuerunt sigillis Eminentiissimi Archipresbyteri, cui etiam claves capsarum traditæ sunt, Canonici & reliqui ex Clero bini incedentes una cum prædicto Cardinali, hymnosque & Psalmos cantantes ambas capsas processionaliter detulerunt a dicto altari B. Mariæ de Columna ad sacellum S. Nicolao Bariensi dicatum, in latere situm altaris sanctissimi Crucifixi, quod ferreis cancellis clausum & clavibus fuit obseratum.

10. Cum autem die 2. Aprilis ejusdem anni, duodecim S. R. E. Cardinales Vespertino Officio in basilica Vaticana interfuisent, & S. Leonis M. corpus aspicerent, idque & alia SS. Leonum corpora venerari exoptassent, Cardinalis Archipresbyter illos in sacello S. Nicolai excepit, factaque per Notarium & testes solemni recognitione sigillorum, capsâ, in qua reconditum erat corpus S. Leonis M., aperta fuit, postea, expleto tum oratione tum diligenti corporis inspectione, eadem iterata sigillorum impressione, clausa fuit, & claver iterum Cardinali ipsi Archipresbytero traditæ sunt. Paucos etiam post dies, die videlicet 11. Aprilis ejusdem anni, quæ est S. Leonis M. dicata, Clemens Papa XI. epulatio Apostolica Vaticana ad sacrosanctam basilicam Principis Apostolorum mense descendit, cumque se contulisset ad Capellam S. Nicolai Bariensis, ad quam videlicet translatum fuerat corpus S. Leonis M. una cum cor-

corporibus SS. Leonum II. III. & IV. comitantibus nonnullis Cardinalibus, in genua provolutus oravit, seque Sanctorum horum intercessionem ferventissime commendavit; tum, aperta denuo praevis opportunis diligentis capsa, ipse non sine lacrymarum effluvio aspexit corpus Leonis M.; & cum inter ceteros adesset Michael Angelus Pauli Medicus Physicus, statum corporis ejusque formam accurate descripsit, & Notario tradidit, post quæ obsecrata rursus fuit capsa, clavesque Eminentissimo Archipresbytero de more traditæ sunt, qui propriis iterum sigillis illam obstrinxit.

11 Corpora vero ipsa SS. Leonum I. II. III. & IV. non fuerunt amota a sacello S. Nicolai Barientis, nisi anno sequenti, videlicet 1715. cumque ad noticiam tum Cardinalis Archipresbyteri, tum Canonicorum pervenisset, Sanctitatem Suam velle, ut translatio corporis S. Leonis M. fieret die 11. Aprilis modo dicti anni, quæ dies (ut diximus) huic Sancto est dicata, & ad loca consueta Urbis affixæ jam essent quædam pagine typis impressæ, quibus dicebatur, summum Pontificem plenariam indulgentiam & remissionem omnium peccatorum largiri illis Christianis fidelibus, qui vere sua peccata detestati, eaque confessi, sacraque Communione relecti solemniter intervenissent translationis Processioni, aut basilicam Vaticanam visitassent a primis Vesperis usque ad occasum Solis dictæ diei 11. Aprilis orantes pro felici statu sanctæ matris Ecclesiæ, eamque commendantes intercessionem S. Leonis M.: Cardinalis Archipresbyter una cum Vincentio Maria Ursino tunc Cardinali, deinde ad summum Pontificatum evecto, assumpto nomine Benedicti XIII., & nonnullis Canonicis sacellum S. Nicolai ingressus est die 10. ejusdem mensis Aprilis: tum, postquam omnes sacra corpora venerati sunt, vetus ipsa capsa cum S. Leonis M. corpore, ne id pateretur detrimentum aliquod, translata fuit a capsa, in qua fuerat reposita die 24. Martii 1714. in aliam ligneam decentissime ornata: deinde Capitalum & reliqui ex Clero bini incedentes, Psalmoque canentes cum Intortitiis accensis eam detulerunt ad Capellam Chori: tandemque, apertis januis ecclesiæ, quæ etiam tum fuerat clausa, cantatum est solemniter Officium Vespertinum, & magna tota die populi multitudo ad basilicam venit Vaticanam, ut sacrum corpus in Capella Chori (uti diximus) depositum veneretur.

12 Toto hujus diei decursu, necnon sequenti nocte usque ad mane diei sequentis immo usque ad horam, qua solemniter Missa a Vicario Capitali cantata est, alternis horis vigilarunt tum Cardinalis Archipresbyter, tum Canonici, tum reliqui de Clero basilicæ, & coram sancto corpore genu flexo supplices pro Ecclesiæ preces effuderunt. Dicta autem die 11. inter Missarum solemnia Nicolaus Fortiguerra Domesticus Sanctitatis Sux Præsul, & basilicæ Canonicus, postea vero Secretarius sacre Congregationis de Propaganda Fide orationem habuit de sacratissimi corporis translatione, quam Sanctitas Sua audivit e Musicorum

suggestu decentissime de more ad id aptato : absoluta autem tum oratione, tum Missa solemnī, in Capellam Chori descendit, & postquam genu flexo coram sacro corpore orasset, privatam Missam in altari Chori, in quo corpus ipsum positum erat, celebravit.

13 Gesta nempe hæc sunt mane die 11. Aprilis: at, cum prima Vesperarum hujus diei, hora jam in sacrarium basilicæ convenissent tere omnes S. R. E. Cardinales, & Curie Præfules, alique Viri nobiles tum indigenæ, tum exteri, summus Pontifex iterum in basilicam descendit, & solemnī initium datum est Processioni. Præibant Sodalitates Laicorum, sanctissimi scilicet Sacramenti, quæ est instituta in basilica Vaticana, & SS. Jacobi, atque Agidii, quæ sunt institutæ in ecclesiis, quæ illi subeunt, & Filie dicuntur. Sodalitates sequebatur Collegium Canonicorum, & Clerus, in qua sacrum corpus reconditum erat, per Sacerdotes ab altari amota, & suppositis hastis ligneis serico villo indutis, elevata est; tum, succumbentibus Stipendiariis Rev. Fabricæ, velibus Familie Pontificæ decenter indutis, processionalitèr delata fuit, sustinentibus quatuor extremitates dicti villi serici quatuor Archiepiscopis basilicæ Canonicis Pontificalibus velibus indutis, Ferdinando videlicet Nuptio Archiepiscopo Nicæno, deinde S. R. E. Cardinali, Dominico Zauli Archiepiscopo Theodosiæ, Silvio de Cavalieri Archiepiscopo Athenarum, & Prospero Marefione Episcopo Cyrenensi, deinde Cardinali. Caplam hanc, quæ laudibus & canticis deferebatur, summus ipse Pontifex, summum Pontificem Cardinales, sacrum autem Collegium Præfules Curie sequebantur; & tum Pontifex tum ceteri omnes Intortitium in manibus habebant, Psalmosque canebant. Cumque ex omni tribu & lingua & populo homines & in ecclesia, & in aërio, & in magna essent platea, ut solemnem hanc viderent Processionem, exiit illa a dextero porticus latere, pervenitque usque ad mediam plateam prope obeliscum, tum per gradus sacrosanctæ basilicæ majorem januam ingressa: perrexit usque ad altare S. Leoni dicatum, & super aram ibi opportune preparatam arca cum sacro corpore posita est, coram quo cum Papa iterum orasset, & preces alta voce recitasset, populo demum benedixit, assistentibus tum Cardinalibus, tum Curie Præfulis, Canonicisque, & ceteris ex Clero, necnon magna populi multitudine.

Post hæc Papa cum sacro Cardinalium Collegio recessit: at coram Cardinali Archipresbytero, Collegio Canonicorum, Clero, & Ludovico Sergardo Rev. Fabricæ S. Petri Oeconomio Generali & Secretario, capsa sacri corporis cum iisdem sigillis, quibus fuerat obligata, inclusa est in capsâ plumbea intra aram altaris S. Leoni M. dicatæ, & in operculo plumbeo sculpta fuit hæc Inscriptio.

CORPUS S. LEONIS MAGNI

Auctoritate, CLEMENTIS XI. Pontificis Max. in curia Annaliæ S. R. E. Dnc. Card. Albani

Basilica Principis Apostolorum Archipresbyteri in proximo Sacello Deipara Virginis de Columna in hanc aram solenni pompa translationem: et in hac ara ipso anni versaria celebravit S. Leonis die 14. April. MDCC. XV.

Cumque nihil aliud superesset, quam ut alia corpora Sanctorum Leonum II. III. & IV. iterum reponerentur sub altari Sanctæ Mariæ de Columna; id factum est die 28. mensis Junii eodem anno 1715: & Processio quædam, cui interfuerunt Eminentissimus Archipresbyter, Canonici, alii-que de Clero, initium duxit à Choro in ejus Capella: sacrorum corporum capsula posita fuerat cum translata fuit à sacello Sancti Nicolai Bariensis, tum, incedendo circum interiorem ecclesiam, devenit ad altare Beate Mariæ de Columna; ubi capsula cum sacris corporibus inclusa fuit in alia capsula plumbea, cujus operculo infixa est lamina, in qua sculpta fuerunt hæc verba:

Translato Corpore S. LEONIS MAGNI III. 14. April. MDCC. XV. in proximum Sacellum in honorem ejusdem S. Pontificis excitatum Corpora Sanctorum LEONUM II. III. & IV. auctoritate CLEMENTIS XI. Pont. Max. & cura Annibalis S. R. E. Card. Albanici Basilica Principis Apostolorum Archipresbyteri in hac eadem ara, ubi prius quiescebant, ubi

Hæc quoad translationes hæc solennes in basilica Vaticana peractas dicta sufficiant. Solum addere placet, quod prius in Congregationibus habitis coram Eminentissimo Archipresbytero una cum Pontificii Magistris Cæremoniæ, ad hujus rei ordinem recte statuendum, quæstio excitata fuisset, an sacra hæc corpora, cum processionaliter deferantur, deferenda essent sub umbella, sive baldachino, affirmans prevaleuit opinio; corporaque S. Leonis III. delatum est sub baldachino, quod Cubicularii honoris Summi Pontificis gestarunt: Corpora autem Sanctorum aliorum Leonum delata pariter fuerunt sub baldachino, quod basilicæ Canonici portarunt: de quidem merito; primo quia in Cæremoniæ Episcoporum cap. 14. legitur, umbraculum, seu baldachinum gestari super res sacras in Processionibus; secundo, quia in translatione corporis S. Gregorii Nazianzenis ab ecclesia S. Mariæ in Campo Martio ad basilicam Vaticanam testatur Franciscus Mucantius Cæremoniæque Magister in suis diariis manuscriptis tom. 2. A. 1580. baldachinum, sub quo sacrum corpus deferabatur, sustentatum fuisse a Senatore, Conservatoribus Urbis, & Capitibus Regionum, ceterisque Magistratibus potentioribus, quia S. Carolus Borromæus recensens in odum, quo sacre Reliquiæ deferendæ sunt, statuit in 17. provinciali synodo Mediolanensi tit. 2. de sacris Reliquiis, & Imaginibus, ut translatione Reliquiarum umbellam adhibendam

dam esse; quarto, quia morem hunc in re de qua nunc agimus, Auctores de ipsa materia tractantes approbaverunt, Castaldus in *praxi carcerum*. lib. 2. tit. 10. cap. 4. §. 21. Bauldry in *manual. sacrar. ceremon. part. 4. cap. 15. §. 20.* Bralton. in *ceremoniali part. 3. cap. 20. n. 2.* & novissime Abbas Trombelli de *cultu Sanctiorum* tom. 2. part. 1. diffini. 8. cap. 17. num. 3. & 4.

16. Diximus, in translatione corporis S. Leonis M. apposta fuisse, & saepius propter iteratam capite apertionem renovata sigilla. Id scilicet in usu potissimum est, ne de sacri corporis identitate aliquando dubitari contingat, ut ex sequentibus Alexandri Papae VII. Apostolicis litteris desumi potest, in quibus insuper modus, quo sigilla apponuntur, luculenter exprimitur.

ALEXANDER PAPA VII.

Ad perpetuam &c. Injuncti nobis calitis Pastoralis officii sollicitudo Nos admonet, ut conservationi sacrarum Reliquiarum, ne qua progressi temporis de illis ambigendi nascatur occasio, quantum cum Domino possumus, providere studeamus. Cum itaque, sicut accepimus, dilecta in Christo Filia nobilis mulier Christina Ducissa Sabaudia pro insigni sua erga Beatum Franciscum de Sales Episcopum olim Genevensis pietate, arculam argenteam elegantissimi ornatisimique operis, in qua venerabile Corpus ejusdem Beati Viri, quod in ecclesia primi monasterii Montium Ordinis Visitationis Beatae Mariae Virginis oppidi Anseli Geneven. diocesis quiescit, majori decore condatur, subrepti curaverit: Nos ejusdem Christinae Ducissae pietatem & devotionem plurimum in Domino commendantes, ac praefati sacri Corporis conservationi, quantum Nobis ex alio conceditur, prospicere cupientes, auctoritate Apostolica tenore praesentium mandavimus, ut postquam idem venerabile Corpus Beati Francisci Salesii in arcula jam dicta conditum fuerit, coram venerabili Fratris Episcopo Geneven. Loci Ordinario, vel dilectis Filiis ejus Generalibus Vicariis, eadem arcula clavi, vel alio quovis tutiori modo claudatur, sigilloque Episcopali, necnon dicti Ordinis Visitationis Beatae Mariae Virginis, & publici alicujus Apostolica auctoritate Notarii ministerii, qui Notarius vestes adhibeat, ac super clausura & mentione praedictis publicum documentum conscribat, ne ullo unquam tempore de ejusdem venerabilis Corporis identitate haesitatio vel minima insurgat: in posterum vero eadem arcula nunquam aperiatur, nisi de speciali Apostolica Sedis licentia perpetuoque in ipsa ecclesia primi monasterii Ordinis Visitationis Beatae Mariae Anseli. asseretur: Antequam tamen praedicta impleantur, ex sacris ossibus insigne aliquod cum aliis minoribus extrahatur, quae una cum authentico identitatis documento sub sigillis ad Nos per dilectas in Christo Filias Franciscam Magdalenam Changii Superiorissimam, & Moniales dicti monasterii, saltem intra bimestre, transmittantur. Nemini autem liceat eadem ossum, sed vel sacrorum cinerum partem vel minimam sumere & retinere sub excommunicationis poena ipso facto incurrenda, cuius abso-

absolutio ad Romanum duntaxat. Pontificem, præterquam in mortis articulo pertinens, quavis generali alias tradita, vel in posterum tribuenda facultate minime suffragante. Decernentes, easdem præsentis litteras semper firmas validas, & efficaces existere & fore, suisque plenariis & integris effectibus sortiri & obtinere, ac ab illis, ad quos spectat & pro tempore spectabit, inviolabiliter observari, sicque in præmissis, per quoscunque Iudices ordinarios, & delegatos, etiam Auditores, ac sancta Romana Ecclesia Cardinales, etiam de latere Legatos, & Apostolica Sedis Nuntios judicari & definiri debere &c. Non obstantibus Constitutionibus & ordinationibus Apostolicis, ac, quatenus opus sit, prædictorum Ordinibus, Monasteriis, & Ecclesiis, etiam juramento &c. Statutis, & consuetudinibus privilegiis innovatis, quibus omnibus & singulis, illorum renoves &c. derogamus, ceterisque contrariis quibuscunque. Valamus autem, ut præsentium litterarum exemplum in aliquo conspicuo dicta ecclesia loco, ubi ab omnibus cerni possit, continuo affixum remaneat. Datum Roma apud Sanctam Mariam Majorum &c. die 14. Julii 1662.

§. 17. Translatio Corporis S. Leonis ab uno ad aliud altare in basilica S. Petri vespere facta est. Si quis autem ritum translationis, que maneat, summo Pontifici Missam celebrante, nosse velit, consulere poterit historiam Passionis S. Cecilia Virginis, Valeriani, Tiburtii, & Maximi Martyrum, necnon Urbani, & Lucii Pontificum, & Martyrum vias, collectore Antonio Bosio, ad cujus Operis calcem accedit Relatio nova Inventionis & Repositionis eorumdem sanctarum Corporum sub Clemente Papa VIII. Item, si quis ritum & modum translationis sanctorum Corporum ab una ad aliam ecclesiam absque Romani Pontificis præsentia scire cupiat, legere poterit Relationem translationis Corporum Sanctorum Martyrum Petri & Hyacinthi tempore Pontificatus ejusdem Clementis VIII. ab ecclesia Salvatoris prope Pontem Sancta Maria ad ecclesiam Sancti Joannis nationis Florentina typis, Romanæ editam à Christophoro Castelletto A. 1592. & iterum editam ab Ignatio Ursolino typis Romanis A. 1701 in historia vite & martyrii Sancta Eugenia, Sanctorumque Petri & Hyacinthi ejus Familiarum pag. 37. & segg. 118. Inter Acta Ecclesiæ Mediolanensis, & signanter in Concilio provinciali quarto, par. 1. pag. 93. describitur sollemnis & religiosus cultus, quo fieri debet translatio corporum & Reliquiarum sanctorum. In libro, quoque Cardinalis Gabrielis Palæoti de Bononiensis Ecclesiæ administratione, part. 4. videri potest, quomodo amplissimus ille vir, & sacrorum rituum peritissimus transfulerit corpora Sanctorum Vitalis & Agricole, & aliorum subinde Sanctorum, quorum ibi fit mentio.



C A P U T XXIII.

De Identitate sanctorum Corporum, & Reliquiarum.

Materia quoque identitatis sanctorum corporum & Reliquiarum pertinet ad sacrorum rituum Congregationem, quæ dicitur ordinaria.

2 Præmissis itaque non posse ad publicam exponi venerationem sancta corpora, sacrasque Reliquias, nisi de ipsarum constet identitate.

3 Sciendum est antiquitus identitatem probari consuevisse ignis experimento, ut habetur in Concilio Cæsaraugustano secundo celebrato A. 592. & typis impresso in *tomo secundo Conciliorum Hispania* Cardinalis de Aguirre can. 2. Statuit sancta Synodus, ut Reliquia, in quibuscumque locis de Ariana hæresi inventa fuerint, prolata a Sacerdotibus, in quorum ecclesiis reperiuntur, Pontificibus presentata igne probentur. Quod si a quibuslibet occidatæ fuerint, & detegantur, a sacrosancta Catholica Ecclesia cœtu segregentur.

4 In Vita quoque Sancti Meinweri Episcopi Paderbonensis in *Actis SS. Ord. Bened. part. 1. fac. 6. pag. 390.* ubi agitur de monasterio ab ipso constructo, & de misso ad eundem a Wolfgango Aquilejensi Patriarcha Corpore S. Felicii cum duobus Palliis, sic legitur: *Experiri volens, (scilicet Episcopus Paderbonensis) salutis ipsius auxilio, si sibi, suoque succurrere posset populo, regum maximum in medio Claustra, sub dio feri precepit, in quem cum tertio corpus misisset, rarisque in favillum redactus ignis extinctus fuisset, cum maxima omnium exultatione & laudum jubilatione corpus manibus propriis excipiens super principale altare detulit, & omnium venerationi solemnem Sanctum illum deinceps haberi iussit.* Rursum apud Leonem Marticanum lib. 2. cap. 33. *Chronica Cassin.* hæc habentur: *Monachi quidam ab Hierosolymis venientes particulam ligni, cum quo pedes Discipulorum Salvator exteris, secum detulerunt, & ob reverentiam sancti huius loci devotissime hic obtulerunt. Sed cum a plurimis super hoc nulla fides adhiberetur, illi de fide fidentes, protinus prædictam particulam in accensi thuribuli igne desuper posuerunt. Quare mox quidem in ignis colorem conversa, post paululum vero, amotis carbonibus, ad præstinam speciem mirabiliter est reversa. Post quæ subiecit, donum illud fuisse collocatum in loculo mirifico, argento & auro gemisque Anglico opere subtiliter ac pulcherrime decorato.*

5 Simile illud est, quod legitur de Lancea Domini nostri inventa in ecclesia Sancti Petri Antiochiæ A. 1099. Quotquot de sacris Bellis, quæ Cruciatæ dicuntur, scripserunt, quique collecti habentur in Opere, cui titulus, *Gesta Dei per Francos*, referunt, cuidam Clerico Gallo nomine Petro, tempore quo Christiani Antiochiam obsidebant, a S. Andrea fulfese revelatum locum, quamdam videlicet columnam ecclesiæ S. Petri, sub quo Lancea, quæ Christi Domini nostri latus aperuit, erat sepulta; re-

peti-

petitque eadem Petro Clerico visione, postquam Christianorum armis Antiochia subacta est, consentientibus Episcopo Podiensi, & Comite Tolosæ, locum indicatum fuisse excavatum, & in eo Lanceam repertam, teste Raymundo de Agiles in *historia Hierosol.* tom. 1. pag. 150. & seqq. qui etiam refert, se interfuisse tum excavationi loci, tum inventioni Lanceæ: cum quo pariter concordant ceteri erudite cumulati a Patre Honorato de Sancta Maria in *animadvrs. super regul. & us. Critic. lib.* 5. dissert. 5. art. 4. §. 1. & plurib. seqq.

6 Quæstio autem exorta est, utrum Lancea reperta esset illa, quæ latus Christi speruit, an alia eo in loco fraude Petri reposita: Quocirca ad amputandam quamcumque controversiam, indicto tridnano jejunio, statutum est, ut Petrus per ignem transiret: cumque paucos post dies Petrus, qui per ignem transierat, hac vita decessisset, contentio non sublata, nec minuta est, sed magis excrevit. Albertus Aquisiensis *hisor. Hierosol.* lib. 5. cap. 32. pag. 268. tom. 1. citati Operis, quod inscribitur, *Gesta Dei per Francos*, sic loquitur: *Facta est contentio, & questio de Lancea Dominica utrum ea fuerit, qua latus Domini apertum est, an non; nam plures dubitabant, & schisma erat in eis. Quare auctor & preditor ejusdem inventionis per ignem transiens, ut ajant, illasus abiit; quem ipse Raymundus Comes de Provincia, & Raymundus Pelleiz, a manibus & pressura invidiorum abduxerunt &c. Posthac a quibusdam relatum est, eundem Clericum (Petrum) hac examinis ejectionis adeo fuisse aggravatum, ut in brevi mortuus & sepultus fuerit: unde minus in veneratione a Fidelibus Lancea cupit haberi, credentibus, magis avaritia & industria Raymundi, quam aliqua Deitatis veritate omnia fieri.* Concordat Fulcherius Carnotensis, qui tunc in Oriente degebat, in suo libro, *Gesta peregr. Franc.* tom. 1. pag. 394. atque Auctor Operis, cui titulus, *Gesta Francorum expugnantium Hierusalem*, tom. 1. pag. 571. & demum Guillelmus Tyrius in *historia belli sacri* lib. 7. cap. 18. ita subjicit: *Verum hoc ejus factum, non solum non amputavit quæstionem, sed majorem suscitavit; nam infra paucos dies (Petrus) vita decessit. Citius accelerati obit occasio, cum humo sanus & vitalis prius videretur, quidam assererant tentatum incendium, dicentes, quod in eo tanquam frandis patronis, mortis causam collegisset. Alii vero dicebant, quod ab incendio sanus evaserat & incoluit, sed egressum ab igne turba causa devotionis irruentes oppresserant eum, ut vite finem adinvenirent.* Sicque res, quæ in dubium venerat, nullum recipient decisionem majus induxit ambiguum.

7 Pluribus denique antiquum quem diximus morem Reliquiis probandi per ignem illustrent Theodoricus Ruinartus in *append. ad Gregorium Thuronensem*, & Gozalez in cap. Cum ex eo, *lit. C. de Reliq. & venerat. Sanctior.* Sed, cum hæc omnia jam cessaverint, & ab eis sic abstinendum, quemadmodum bene adnotavit Ferrandus in *disquisit. Reliquiar.* lib. 2. cap. 32. art. 1. §. Quando autem, hodie, live agatur de identitate corporum & Reliquiarum coram Ordinario, live coram sacrorum rituum

Congregatione, constare debet de corporum & Reliquiarum identitate per probationes firmas, &c. si non metaphysica vel physica, saltem moralis evidentiā certas.

8 Dicitur est autem, siue agatur de identitate corporum & Reliquiarum coram Ordinario: siue coram sacra Congregatione, cum iudicium corporum & Reliquiarum ad cultum publicum exponendarum a sacro Concilio Tridentino utique deferatur Episcopis in suis diocesis, uti colligitur ex *sess. 25. de invocac. venerat. & Reliq. Sanctior.* sed & sanctæ Sedis iudicium interponatur, vel quando ad eam confugitur, vel quando petitur, ut Episcopale iudicium auctoritate Apostolica confirmetur, vel quando negotium adeo arduum est aut dubium, ut Sedis Apostolicæ iudicium necessarium esse videatur; ex Textu in cap. Cum ex eo, de Reliq. & venerat. Sanctiorum.

9 Dicitur est quoque, non evidentiam metaphysicam aut physicam, sed moralem sufficere, siue questio sit coram Ordinario, siue coram sacra Congregatione. Testimonium Seniorum ex Clero pro vindicandis sacris Reliquiis exquisitum fuit a S. Martino Turonensi Episcopo, teste Sulpicio Severo in ejus *vita cap. 8.* juxta ea quæ alibi dicta sunt. In celeberrima inventione corporum SS. Gervasii & Protasii testimonium Seniorum magni loci S. Ambrosius: *Nunc Senes reperiunt, audiisse se* (ait ille *epist. 22. tom. 2. operum pag. 99. col. 2. 3.*) Gregorius Magnus *epist. 31. lib. 11.* ad Augustinum Anglorum Episcopum scribit, non esse ad venerationem exponendas Reliquias cuiusdam Sixti, quatenus neque aliqui de antiquioribus existant, qui se a parentibus Passionis ejus ordinem audiisse fateantur. Sacrum Concilium Tridentinum loco citato ait, in re, de qua nunc agimus, fieri debere ea, quæ veritati & pietati consentanea videntur. Addendum verò, quod, si non sufficeret evidentiā moralis ad habendam probationem identitatis Reliquiarum, opus esset, ut duo testes omni exceptione majores deponerent, se vidisse, tale os fuisse ex. gr. desumptum ex corpore talis Beati, aut Sancti a se bene cogniti, idque fuisse repositum in tali loco, a quo sciunt numquam fuisse remotum, nec potuisse ullo temporis momento removeri; quæ probatio utique est impossibilis, atque adeo, quatenus tamquam necessaria, admitteretur, sacrarum Reliquiarum identitatem destrueret. Tandem Scribentes communiter consent, in re & ad effectum, de quo agimus, sufficere evidentiā moralem; Suarez in 3. part. D. Thoma disput. 55. sect. 2. vers. Sed quæret aliquis, Ambrosius Morales in 3. part. *histor. general. Hispania lib. 17. cap. 5. in fin.* Sanchez lib. 2. Summa cap. 43. num. 15. Mattea de Cazanizet. Sanctior. part. 4. cap. 29. n. 15. Antonius Quintanadueñas singulari. Theol. moral. tom. 1. singulari. 27. sub n. 20. Diana in edict. concord. operi. moral. tom. 3. resolut. 91. §. 2. ad quæ conferunt adducta per Pignatellum consulti. 61. n. 2. & 3. tom. 6. & in morali quidam evidentiā esse quiescendum; monet Papebrochius in responsi. ad exhib. error. ad art. 19. num. 12. ubi ait, In hac materia Reliquiarum, po-

mus quam alibi, procedendum magis, et per a veriditatis affectum, quoniam in illa
 certa eorum, per quorum manus transferuntur illa, et Episcopi, qui ex pro-
 denti iudicio procedere iubentur a Tridentino in illis recognoscendis, et publico an-
 ponendis, acquiescere debent, et non scripta vel calculata fide eis probatur, Reli-
 quiam aliquam bona fide acceptam a loco, ubi fuerat in honore, vel cum veneri-
 milibus antiquis subiciis indicis repertam alicubi, velut talis, vel talis Sancti
 licet ejusmodi probatio, et fallere possit, et fallat, sapo, Equum enim est, ut
 ibi subsistat huiusmodi inquisitio diligenter, et ubi labor esset frustraneus;
 Et a superstitionis periculo antea sit Reliquias, et veterum, religio, quatenus ea
 tendit in primum suum obiectum, id est Sanctum honorem, et si forte esset eo-
 rum ipsa non essent, que ut tales proponuntur, Porro quia evidenter moralis
 recipit plus, et citius, majores procul dubio probationes sunt, necessa-
 rie, quando agitur de probanda identitate Sanctorum corporum, seu
 Reliquiarum in sacrorum rituum Congregatione, quam cum agitur de
 eadem probanda coram Ordinario, Cum enim Apostolica approbatio
 majoria sit momenti, quam approbatio Episcopalis, hinc etiam fit, ut
 validior quoad illam, quam quoad hanc, probatio in series requiratur.
 Facit ad rem exemplum iudicii, super identitate, respicit de Brunonis olim
 Episcopi Signini, De ea nempe cum primo actum fuit in sacrorum rituum
 Congregatione, nihil decretum est propter satisfactionem, et dissensionem,
 ubi colligitur ex Decreto edito die 11. Julii 1643, eumque eadem causa
 subinde iterum proposita fuerit, licet eadem suffragiorum dissensio per-
 duraverit, unanimi tamen consensu deliberatum fuit, insinuandum esse
 Episcopo, ut non obstante appositione manus sine Sede, procederet
 ad examen identitatis juxta normam Concilii Tridentini, quia licet
 probationes allate super identitate non exigui momenti esse viderentur,
 non erant tamen tantum ponderis, ut Apostolicam approbationem mereri
 possent, quemadmodum habetur ex Decreto edito die 8. Augusti 1643.
 11. Miracula quoque in hac identitate iudicio maxime operantur
 quocirca, si probabiles urgent pro identitate rationes ex traditione,
 tamque antiqua, et constanti, et gr. desumptis, miraculorum autem fiat
 accessio, pietati, et veritati consensaneum erit asserere, et judicare, eor-
 pus aut Reliquias alicujus esse Beati vel Sancti, imho vero illius esse Be-
 ti vel Sancti pro quo urgent rationes, et eius invocatione Deus digna-
 tus est miracula operari, uti lato probant Ferrandus *dispositio Reliquiarum*,
 part. 1. cap. 2. art. 5. Antonius Joannes Garzas de Caralpi in tractatu de
 Canoniz. Sanctorum, p. 29. et Ricciolus *curios. lucubr. lib. 1. cap. 31. num. 8.*
 12. Celebre est in re de qua nunc agimus, testimonium Sancti Grego-
 rii, de quo supra, *tom. 2. lib. 1. epistola 44. pag. 1177. de excessu discipu-
 rum verum ad interrogationem Augustini, quem in Saxonia miserat ad præ-
 dicandum Evangelium: Facimus, inquit, passim, quatenus populus, qui in
 loco quondam Sancti Sinti Martyris corpus dixerunt venerari, quod tunc Frater-
 nitate nos, nec terrarum Sanctum videtur, certa sanctissimi, et probatissi-*

mi Martyris beneficia suscipiens, et ille incerto non debeat. Mibi tamen videtur, quia, si corpus, quod a populo ejusdem Martyris efferebatur, nullis illius miraculis coruscet, et neque aliqui de antiquioribus existunt, qui se a parentibus Passionis ejus ordinem vidisse fateantur, ita Reliquia, quae petisti, fortissimum evidenda sunt, ut locus in quo praefatum corpus fuerit, modis omnibus abstringat, nec permittatur populus ceptum destrere, et incertum venerari.

Celebre effectum Responsum summi Pontificis Honorii III. Supplicatibus etenim Abbati & Conventui de Dorcestre, ut corpus Beati Birini Episcopi, quod humili loco in eorum ecclesia requiescebat, ad locum magis idoneum transportaretur, Pontifex commisit Stephano Archiepiscopo Cantuariensi, & Othoni Subdiacono, ut Apostolica auctoritate, veris existentibus narratis, licentiam concederent transferendi praedictum corpus. Accesserunt itaque Delegati ad sepulcrum, idque aperiri fecerunt, & indicia quidem in sepulchro ipso invenerunt, ex quibus verisimiliter erodi poterat, corpus Beati Birini fuisse translatum ad ecclesiam Wintoniensem. Delegati operae pretium esse consueverunt rem totam deferre ad Sedem Apostolicam, & ad eandem processum mittere, quo recepto, Honorius respondit his verbis: Quamquam igitur ipsa processu appareat, evidenter & hoc ipsum sit, tametsi tamque claris per se ducti Sancti miris & miraculis, ac verisimile sit, & merito credi possit, quod ipsi gloriosissimum Sanctum locum ipsum sua praesentia corporali nobilitaret, quem ad invocationem nonnulli ejus Doctores potentia ac tantorum miraculorum actionum illustraverunt, tamen in tali negotio aliquid de contrariis gentibus, quibusdam processum ipsius solis, sub bulla nostra duximus committendum, asserunt vestre per apostolicam scriptam mandantes, quatenus ad Wintoniensem ecclesiam per formaliter accedatis, & inquiratis scilicet, si per miracula facta in ipsa Wintoniensi ecclesia invocatione Domini Sanctum factum sit, & si ibi constitit, miracula parva, vel majora, quae continentur in processu praedicti, ad invocationem nemine dicti Sancti facta esse in ipsa Wintoniensi ecclesia, in negotio super sedatis eodem. Nihil, quod invenientes, literis vestris fideliter intimantes, aliquem, cum verisimile sit, immo stabili non debeat, qui ipsa Beati Birini Anglorum historia multa retulerit de auditis, & etiam esse potuerit, ut ibi cum duximus Sanctorem Pontificem, Birini scilicet, & Birini corpora, in praefata ecclesia de Dorcestre, sicut ex ipsa processu colligitur, translatum, quod Beatus de Bertine scripsit, fuerit de Birini receptum, homine Scriptorem, I negligens, virum, super dicti Sancti gloriosissimi corporis praesentibus requiescentem in sepe dicta Dorcestre ecclesia, quae ipsius Sancti maritis, conatorumque miris, rutilantem fulgore, mense, illustrata, ipsique Abbati & Conventui tribuatur, ut ibi, ibi, in nostro litterarum ipsum corpus in locum, quod idem trans ferendi, ut videtur.

Multa praeterea ad rem praesentem ex historiis Ecclesiasticis exempla petita, fuerunt collecta a Ferrando de Cui, quibus addi potest id, quod legitur apud Sancti Iohannis Tolentini in commentis super Enoc, & Luca cap. 24.

annot. 31. quodque ex eo desumpserunt Sallustius ad *lib. minui* 4053. y. 5.
 & Bollandus ad *diem primam Januarii* pag. 4. num. 12. In celebri scilicet
 sacratio, quod dicitur *Sancta Sanctorum* & quod olim in Laterano fue-
 rat S. Laurentio dicatum y summi Pontifices sacratissimas nonnullas Re-
 liquias condiderunt y uti referunt Nicolaus Alemannus *de Lateranensi Pa-*
rietiis restituta cap. 5. & Cardinalis Rasponus *de basilica & patriarchio La-*
teranensi lib. 4. cap. 19. Inter ceteras autem Reliquias Præputium Christi
 Domini in dicto sacratio aservabatur y In Abraham etenim filio y viroque
 Judæo, qualls profecto erat Christus, sicuti pars exigua ad corporis re-
 surgentis integritatem minime pertinebat, sic eum Deus ad publicam ve-
 nationem in terris voluit aservari y et si Suarez in 3. parti. *question. 54.*
art. 4. disput. 37. sect. 11. quaerens, an Christus cum præputio resurrexerit,
 cum eo resurrexisse fateatur y idque non derogare traditioni asserenti y Is-
 lod in terris aservari & probabile esse, ut id quod resectum est, man-
 sevit in terris, sed corpus resurgens præputium habuerit formatum ex ali-
 qua parte materie illius y quæ aliquando fuerit in corpore Christi Sacri-
 legus itaque Miles A. 1527. quo Roma direpta est y sacratissimum Reli-
 quiam y quæ clausa erat in crystallino & auro Reliquario y abripuit & e-
 fugiens a Rusticis captus est in oppido Calcatæ cumque non in auro
 theca & crystallina, sed vili scriniolo eam sub humis sepelivisset, ad Ur-
 bem reversus y morboque correptus in nosocomio S. Spiritus morti pro-
 ximas fassus est, se in pago Romæ vicino (nominis eam non meminisse)
 familie Anguillariæ sacratissimas Reliquias terra obruisse. Clementis Papa
 VII. mandavit, eas in locis dictæ familie perquiri y sed res tunc inca-
 sum cecidit, & post lapsum tantummodo triginta annorum scriniolum
 repertum est y & delatum ad Magdalenam Serozziam loci Dominam, quæ
 id referavit coram nobili matrona Lucretia Urquina y & Charice ejusdem fi-
 lia. In scriniolo Reliquia reperta sunt sericis perverustis panniculis in-
 voluta, cumque Magdalena tertium involutum y in quo nomen IESUS
 inscriptum erat y rigentibus digitis dissolvere non valuisse y Lucretia
 Urquina veluti divinum, dixit se credere in eo contineri sacrosanctum
 Christi Præputium. Dissolutum autem a virgine Charice involucre y sum-
 missimus e globulo odor emanavit tum, collocato eodem sacrosancto
 thesauro in ecclesia oppidi Calcatæ y prodigia & miracula non desuerunt
 quæ a Cardinali Toletano *loc. cit.* referuntur. Quibus omnibus ad Paulum
 IV. summum Pontificem sabinde delatis y duos ille ad oppidum Calcatæ
 basilicæ Lateranensis Canonicos ablegavit qui, receptis illustrium di-
 ctarum seminarum testimoniis y Pontifici retulerunt quæ viderant & quæ
 perceperant, simulque testati sunt y in perantiquis codicibus Lateranensi-
 bus inter ceteris insignes Reliquias annotatum reperiri Christi Domini
 Præputium, quod post Urbis direptionem amplius in loco y in quo con-
 servabatur, repertum non fuit. Quapropter, quidquid alii de quibus
 apud Bollandum ad *cir. diem 1. Januarii* y censent de loco, in quo Præpu-
 tium

gium Christi Domini putant assertari, pia est & constans apud Italos traditio, ipsum ad hanc diem esse in ecclesia prædicti oppidi Calcata. Cumque pia hæc constansque traditio non modicum sane pondus & prodigiis & miraculis fuscoperit, legitime inferitur, prodigia & miracula in hoc identitatis iudicio maximopere prodesse; juxta ea quæ superius dicta sunt, & ut etiam apertavit. Honoratus a S. Maria Carmelita in *animadvers. de artis Critica regulis atque usu*, differt. 6. tom. 3. pag. 382. quæ est de *Reliquiis Sanctorum*. Dictum est autem miracula maximopere prodesse; non tamen esse necessaria in iudicio identitatis: propria quippe hujusce iudicii requi-
ta unice consistunt in conjecturis & probabilibus argumentis, quæ haberi possunt etiam extra miracula, ut infra demonstrabitur.

14. Addenda nunc sunt nonnulla exempla questionum in sacra Congregatione resolutarum super identitate factorum corporum, aut Reliquiarum. In ecclesia S. Joannis Baptistæ civitatis Messanæ, quæ postmodum successu temporis in *Prætorium Hospitalis ejusdem S. Joannis Hierosolymitani* erecta est, inventa fuerunt (ut alibi dictum est) tempore Sixti V. corpora SS. Placidi, Eutychii, & Victorini scaturum, & S. Flavii eorumdem sororis. Quæ autem corporum identitas esset probanda, confecto processu ab Archiepiscopo Messanensi, de identitate actum est in Congregatione Cardinalium Concilii Tridentini Interpretum, cumque satis probatum videretur, Congregationis sententia fuit a summo Pontifice confirmata, qui etiam concessit, ut eorum die festo, tertio scilicet nonas Octobris, recitari posset Officium, ut habetur in *Constit. 68*, summi Pontificis Sixti V. *Bullarii tom. 2.*
15. In edificatione novæ ecclesiæ in honorem dictorum SS. Martyrum multa alia SS. Martyrum corpora fuerunt tempore Pauli V. summi Pontificis reperi-
ta, & octoque ab Archiepiscopo Messanensi processu de illorum identitate, eodemque examinato in sacrorum rituum Congregatione, post approbatam identitatem permittum fuit, ut ad Fidelium venerationem exponi possent, quemadmodum desumitur ex hoc sacre Congregationis Decreto.

M E S S A N E N .

Dominicus Episcopus Ostien. sacri Collegii Decanus, S. R. E. Cardinalis Pinellus, Congregationis sacrorum rituum Præfatus, universis & singulis presentibus inspecturis, lecturis & audientibus, salutem in Domino sempiternam. Cum olim tempore fel. recordi Sixti Papa V. in ecclesia S. Joannis Baptistæ civitatis Messanæ corpora Sanctorum Martyrum Placidi, Eutychii, Victorini, & Flavii, & multa etiam alia Sanctorum Martyrum dicti Sancti Placidi sociorum corpora inventa fuerint, ob quorum Sanctorum Martyrum inventionem Senatus populusque civitatis Messanensis ecclesiam magnificam & amplam a fundamentis edificari cepit, & adhuc adfess, & qui illam ad decentem & designatam perse-

perfectionem redigat, ab anno proximo preterito 1608. fundamenta sacrorum partis dictæ ecclesiæ fideris, & usque ad annum 1610. inclusivè in fossione prædicta multa alia Sanctorum Martyrum corpora inventa fuerint in eadem plano prope aquam, vel supra, in quo olim corpora Sanctorum Placidi & sociorum inventa sunt, quæ etiam ex sociis dicti Sancti Placidi esse, vel ex Monachis ejusdem Ordinis, certissimis argumentis comprobatur; idem Senatus & Civitas Messanensis ad Urbem destinavit Rev. P. Jacobum Charybdium Sacerdotem Societatis Jesu cum legitimis Mandatis & opportunis documentis: de nova dictorum Sanctorum Martyrum corporum inventione, & miraculis factis eorum meritis & intercessione, ut a Sanctissimo Domino nostro Paulo Papa V. approbationem obtineret cum declaratione, quod corpora etiam de novo inventa sint Sanctorum Martyrum, & tanquam talia possint ab omnibus Christianis eorum & honorari. Cumque Sanctissimus Dominus noster eundem Patrem Jacobum ad sacrorum rituum Congregationem remiserit, Nobisque processum ab Archiepiscopo Messanen. auctoritate ordinaria confectum super nova inventione dictorum sanctorum corporum, & super miraculis ab eisdem factis præsentaverit; Nos, ut in hac negotio ea quæ decet maturitate omnia ferent, Illustrissimo & Reverendissimo Domino Cardinali Gonzaga nostro in eadem Congregatione Collega commissarius, ut diligenter inspiceret & consideraret processum prædictum auctoritate ordinaria confectum super inventione dictorum corporum: qui mature & diligenter omnibus in eodem processu contentis consideratis, tandem in plena Congregatione, quæ fuit habita in nostra solita residentia palatio die 15. Januarii anni præsentis 1611. in qua una Nobiscum presentes fuerunt Illustrissimi & Reverendissimi Domini Cardinales Gallus, de Monte, Bellarminus, Millinus, Linus, Farnesius, Perretius, Detus, Sancti Casarii, ipse Gonzaga, & Capponus, idem Illustriss. & Reverendiss. Dominus Cardinalis Gonzaga retulit; & processum ab Archiepiscopo Messanen. super inventione dictorum corporum esse legitimum & juridice formatum, & ex eo legitime constare de dictorum sanctorum corporum inventione, & manifeste & infallibiliter constare, illa esse corpora sanctorum Martyrum, & pro talibus posse declarari judicando: & cum omnes superadicti Illustrissimi & Reverendissimi Domini Cardinales ejusdem fuissent sententiæ, decreverunt, de prædictis omnibus Sanctissimo Domino nostro faciendam esse relationem. Quod cum a Nobis una cum prædicto Illustrissimo & Reverendissimo Domino Cardinali Gonzaga factum fuerit die 19. ejusdem præsentis mensis Januarii in Consistorio secreto, Sanctitas Sua sententiam Congregationis approbavit, & dicta corpora Sanctorum Martyrum novissime inventa, ut supra, in civitate Messanen. in fossione fundamentorum ecclesiæ S. Joannis Baptista, esse corpora sanctorum Martyrum declaravit, & tanquam talia & pro talibus ab omnibus Christianis colenda & veneranda esse censuit & declaravit: In quorum omnium & singulorum fidem & testimonium, presentes per infra scriptum nostræ prædictæ Congregationis Secretarium fieri jussimus: manu nostra subscripsimus, & nostri solati sigilli impressione muniri fecimus: Rome in palatio nostra solita residentia die 19. mensis Januarii 1611. Dominicus Episcopus Ostiensis Cardinalis Pinellus.

16 Tempore pariter Pontificatus Pauli V. inter ruinas antiquæ civitatis Otriculanz prope Tiberis ripam inventa fuerunt septem & quinquaginta corpora, quæ sanctorum Martyrum esse dicebantur. Misso autem ad Urbem processu confecto ab Episcopo Narniensi, eodemque in sacrorum rituum Congregatione examinato, responsum fuit constare tantummodo de identitate corporis Sancti Medici Martyris, cetera vero corpora non esse colenda tamquam corpora sanctorum Martyrum, uti desinitur ex hoc ejusdem sacræ Congregationis decreto.

O T R I C U L A N.

Franciscus Maria miseratione Divina Tituli S. Laurentii in Lucina S. R. E. Presbyter Cardinalis a Monse, Congregationis sacrorum rituum Præfatus, universi & singulis presentes inspecturis, lecturis & audituris, salutem in Domino sempiternam. Cum in terra Otriculi Narnien. diocesis inter ruinas antiquæ civitatis Otriculanz prope Tiberis ripam, ubi antiqua ecclesia Sancti Victoris ejusdem civitatis edificata fuerat, septem & quinquaginta corpora, quæ sanctorum Martyrum esse judicata fuerant, inventa fuerint, & in primis inter ea in quodam sepulcro ex Tiburtino lapide confecto ossa multa cum capite inventa fuerint cum sequenti Inscriptione posita in parvo lapide in dicto sepulcro recondito, videlicet, **HIC REQUIESCIT MEDICUS MARTYR CHRISTI CUM PLURIBUS**: & cum Episcopus Narnien. curaverit, omnia prædicta diligenter perquiri & annotari, & judicaverit, prædicta omnia corpora inventa verisimiliter esse sanctorum Martyrum corpora; Universas dictæ terra Otriculi Sanctissimo Domino nostro supplicavit, ut dignaretur eis concedere, ut dicta corpora sic, ut supra, inventa, & ab Episcopo & aliis personis Ecclesiasticis piis atque eruditis recognita, ex loco in quo inventa fuerunt, in eorum ecclesiam transportari & decenter collocari possint. Et, cum idem Sanctissimus Dominus noster, negotium hoc in sacra rituum Congregatione. examinari jussisset, & de ejusdem sacra Congregationis ordine Processus ab Episcopo ad Urbem transmissus de dictorum corporum inventione cum ejus relatione tradita fuerint Illustrissimo & Reverendissimo Domino Cardinali Bellarmino; audita ejus relatione in plena Congregatione facta die 7. presentis mensis Julii de contentis in dicto processu & relatione ad Urbem transmissis a prædicto Episcopo Narnien. eadem sacra rituum Congregatio judicavit, ex dicto processu & relatione non satis constare, omnia supradicta quinquaginta septem corpora esse vere corpora sanctorum Martyrum, & pro talibus esse veneranda, excepto tantum corpore supradicti Sancti Medici, quod vere corpus Martyris esse, & pro tali posse coli judicavit; cetera vero corpora prædicta esse in loco decenti & honesto collocanda & servanda, sed adhuc non esse colenda tamquam sanctorum Martyrum corpora, eadem sacra rituum Congregatio judicavit. Et, facta per nos de supradictis omnibus relatione prædicti Sanctissimi Domini nostri Pauli Papæ V. in Consistorio secreto hac infrascripta die, Sanctitas Sua sententiam Congregationis approbavit, & concessit, ut corpus prædicti

dicti Sancti Medici possit, tanquam Sancti Martyris Christi corpus; ab omnibus Fidelibus coli & honorari, & cum debito honore transferri in ecclesiam Cathedralē, cetera vero corpora predicta non esse, tanquam corpora sanctorum Martyrum, colenda, sed ad partem ponenda in loco decenti & honesto, donec Altissimo placuerit demonstrare, an vere sint sanctorum Martyrum corpora. In quorum omnium & singulorum fidem & testimonium, presentes per infrascriptum nostrā Congregationis rituum Secretarium fieri iussimus, manu nostra propria subscripsimus, & nostri soliti sigilli impressione muniri fecimus: Hac die 16. mensis Julii anno Domini 1612. Pontificatus vero ejusdem Sanctissimi Domini nostri Domini Pauli Divina providentia Pape V. anno octavo. Franciscus Maria Tituli S. Laurentii in Lucina Cardinalis a Monte. Joannes Paulus Mucantius Secretarius Congregationis.

C A P U T XXV.

De nonnullis questionibus pertractatis in sacrorum rituum Congregatione quoad sanctorum Corporum identitatem.

I D U M munereungebar Fidei Promotoris, ter actum fuit in sacrorum rituum Congregatione de sacrarum nonnullarum Reliquiarum identitate; & primo quidem in quadam Causa Fanensi. Cum enim in monasterio Monialium S. Tereſiæ illius civitatis quædam Mitra conservaretur, quæ dicebatur esse tunc Beati, nunc Sancti Pii V. itemque Indumentum quoddam quod dicebatur esse tunc Beati, nunc Sancti Felicis a Cantaleio, & Episcopus quæreret, an permittere posset, ut Mitra & Indumentum ad publicam exponerentur venerationem, negando responsum fuit; uti colligitur ex Decreto edito die 13. Julii 1709. scilicet quia in animadversionibus a me factis ratione officii observavi, totam identitatis probationem desumi ex attestazione ejusdem Sororis Agathæ Catharinæ annos natæ nonaginta, quæ, prævio juramento, rite interrogata dixerat, se a teneris annis fuisse Romæ educatam in domo Rusticucciæ, antequam ad civitatem Fanensem accederet, ubi Religiosam professionem emisit, seque in eadem domo Rusticucciæ vidisse magnam cum veneratione assevari Mitram B. Pii V. & Indumentum predictum; Mitram autem & Indumentum, quæ erant in domo Rusticucciæ, esse illa, quæ in suo monasterio S. Tereſiæ reperiebantur. Porro, quamvis testimonium esset verisimile, aliisque probabilibus conjecturis fulcitur, tum propter familiaritatem, & sanguinis necessitudinem, quæ inter S. Pium V. & Cardinalem Hieronymum Rusticuccium intercesserat, tum quia idem Cardinalis pio mentis affectu S. Feliciem a Cantaleio prosequeretur, ita ut post ejus obitum curaverit apud se habere partem Indumenti illius, necnon linteum madefacere pretioso liquore, qui ex beato cadavere profluxit; unicum tamen semina, licet piæ & Religiosæ, te-

Tom. IV.

K k k k k

stimo-

stimonium adminiculis quoque vallatum, non fuit reputatum sufficiens ad statuendam illam moralem evidentiam, quæ est necessaria, ut ad publicum cultum Reliquiæ exponi possint. Quod sacræ Congregationis iudicium satis est ad demonstrandum, non subsistere opinionem nonnullorum Doctorum, qui censuerunt, unius testimonium sufficere ad statuendam moralem evidentiam, quæ ex supradictis est absolute necessaria in iudicio identitatis sacrarum Reliquiarum; quam videlicet opinionem, ceteris collectis, amplexus est Gabriel a Sancto Vincentio in responsis. 37. pag. 75.

2 Secundo in prædicta sacrorum rituum Congregatione ordinaria die 2. Augusti 1717. actum fuit de cultu Coronæ ferreæ, quæ conservatur in ecclesia S. Joannis Baptistæ oppidi Modoetiæ prope Mediolanum. Fertur, in Corona illa contineri unus ex clavibus, quibus Christus Dominus crucifixus est: cumque A. 1556. Capitulum Modoetiæ Crucem construi curaverit, in cuius medio dictam Coronam, a lateribus autem Reliquiis Spongiæ, Spinarum, & Arundinis Domini nostri Jesu Christi collocavit, Crucemque A. 1684. reposuerit in magnifica Capella recenter edificata, Dominus Tancredinus Vicarius Generalis Archiepiscopi Mediolanensis, qui Ecclesiæ Collegiæ Visitationem explevit A. 1687. decretum edidit, quo iussit, ut ab Archipresbytero doceretur coram Archiepiscopo Mediolanensi, qua facultate, & quo jure Corona ferrea fuisset extracta e loco Thesauri, in quo semper fuerat conservata, & quo jure pariter quaque facultate fuisset reposita in Cruce aurea una cum Reliquiis. Cum vero anno sequenti 1688. Capitulum & Commune Modoetiæ ad hoc decreto appellasset ad Cardinalem Vicecomitem Archiepiscopum Mediolanensem, placuit Eminentiæ Suae sic decernere: *Eminentissimus Archiepiscopus, auditis super dubio Modoetiensi informationibus,isque matura discussione perpensis, respondit, rem esse gravissimi momenti, nec inconsulto Romano Pontifice, decernendam, ut in simili eventu sacrosancta mones Tridentina Synodus.* Delata itaque per hanc viam controversia ad sacrorum rituum Congregationem, confectoque ingenti processu, bina fuerunt in sacrorum rituum Congregatione proposita dubia; an Capitulo videlicet Collegiæ S. Joannis Baptistæ Modoetiæ liceret Coronam ferream, de qua agitur, resinere intra Crucem, in qua fuit reposita, simul cum aliis Reliquiis, & ad publicam venerationem exponere; quatenus autem id fieri non posset, an saltem eidem Capitulo liceret ipsam Coronam ferream exponere in altari majori, & processionaliter deferre, prout olim fiebat.

3 Ipse tamquam Fidei Promotor de re hac animadversiones exaravi: & primo quidem examinandum proposui, an constaret, Sanctam Helenam, quæ Crucem Domini, & Clavos adinvenit, alterum clavum intenuisse coronam Constantini Imperatoris. De quo dixi non constare, cum celebriores Auctores, qui a sæculo 17. ad sæculum XIV. scripserunt, as-

serant,

ferant, alterum ex clavis non diademati Constantini, sed galæ fuisse intextum, uti videri potest apud Rufinum *lib. 1. cap. 8.* apud Theodoretum *lib. 1. cap. 18.* apud Socratem *lib. 1. cap. 13.* apud Sozomenum *lib. 2. cap. 1.* apud Cassiodorum *lib. 2. cap. 18.* apud Paulum Diaconum *historiar. lib. 11.* & apud Nicephorum Callistum *cap. 29.*

4. Secundo, examinandum proposui, an admissio quod clavus coronæ fuerit infixus, & ob id Corona ferreæ nomen acceperit, constet, eandem ad S. Gregorium Magnum devenisse, & ab eo dono datam fuisse Theodolindæ Reginæ; a Modoetienfibus etenim contendebatur, hac via ferream Coronam pervenisse ad ecclesiam S. Joannis Baptiste a Theodolinda constructam. Dixi autem, de hoc etiam non constare, tum quia in eo plurimum sæculorum intervallo, quod elapsum est inter Constantinum Imperatorem, & S. Gregorium Magnum, nulli Scriptores retulerunt, vel Coronam devenisse ad S. Gregorium Magnum, vel ab eo dono datam fuisse Theodolindæ Reginæ, tum quia Constantinæ Augustæ sudarium S. Pauli Apostoli petenti S. Gregorius respondit, se dare non posse, & vix promissit, se de catenis, quas S. Paulus Apostolus collo & manibus gestavit, partem aliquam missurum esse, si tamen, illas limando atterere potuisset, uti legitur in ejus *epist. 30. lib. 3. indict. 12.* tum etiam quia tempore Sancti Gregorii nec corpora Sanctorum ab Urbe ad alias civitates transferebantur, nec tenues Reliquias permissum erat ex illis detrahere, sicuti legitur in *Regesto lib. 3. epist. 30.* ejusdem Sancti; concordantque *epistola S. Germani ad Hormisdam Pontificem sub Consulatu Rustici A. Domini 520.* quas ex codice Vaticano publici juris fecit Cardinalis Baronius in *not. ad Martyrolog., ad diem 15. Junii.* Cum enim ex his desumatur, Sanctuarium solummodo SS. Apostolorum Petri & Pauli S. Germano fuisse ab Hormisda Pontifice promissa, quod est idem ac dicere *Velamina*, quæ sanctis corporibus admovebantur, quæque etiam *Brandea* fuerunt appellata, sic dixi, improbable admodum esse ut Corona insignita clavo, quo Christus Dominus crucifixus est, fuerit a S. Gregorio missa ad Reginam Theodolindam; & multo magis, cum adhuc extent memoriæ sacrorum munerum a S. Gregorio Theodolindæ datorum, de quibus in *epistola* ejus *7. lib. 12.* & in indice musei Septaliani, quod est Mediolani, quem indicem publici juris fecit Muratorius *tom. 2. anecd. ex codicibus Ambrosianæ bibliothecæ*, in iisque nulla mentio habeatur ferreæ Coronæ. Quare iterum dixi, Modoetienfes non satis probasse, S. Gregorium Coronam clavo sanctissimo insignem dedisse Theodolindæ, ab eaque fuisse repositam in Collegiata ecclesia S. Joannis Baptiste.

5. Tercio, difficultates auxi, quod, ut est in *lib. de regimine Principum lib. 3. cap. 20.* inter Opera D. Thomæ, Electi in Imperatorem in oppido Modoetienfi, in quo sepulti sunt Reges Langobardorum, Coronam ferream assumunt eo potissimum, quod Carolus Magnus colla Regum Langobardorum perdomuerit; item, quod in Cæremoniali Romano *lib. 1.*

810 DE SERVORUM DEI BEATIFICATIONE

cap. 7. dicitur, hæc Corona appellari Ferrea, quia habet quamdam laminam ferream; & quod denique, quando Carolus V. Bononiæ Corona Imperiali a Clemente VII. donatus est, delata a Modoetienfibus in eam urbem ferrea Corona, decretoque a Pontifice, (teste Jovio lib. 27.) ut hæc Coronatio facta Bononiæ cum ferrea Corona perinde haberetur, ac si facta esset Modoetiae, uti colligitur ex ejus bulla 28. Bullarii tom. 1. quod, inquam, in actu impositionis hujusce Coronæ nihil gestum fuerit, quod ad cultum erga clavum, qui dicitur ipsi Coronæ intextus, referri posset; ut habetur ex dictæ Coronationis Cereemoniali ducto ex bibliotheca Barberina, & typis impresso apud Rainaldum in annal. ad A. 1530. num. 12. Existimavi igitur asseri tuto non posse, clavum fuisse Coronæ intextum. Si enim revera fuisset intextus, & allati Auctores, Coronam ferream commemorando, clavi meminissent, & debito cum honore eadem fuisset Bononiam a Modoetienfibus delata, & Clemens Papa VII. antecessorum suorum exemplis edoctus sacras, & ad ejus cultum directas ceremonias non omisisset; præsertim vero, cum ex sententia Theologorum Crux, & cetera instrumenta Dominicæ Passionis, ut sunt quid unum cum ipso Christo tangente, & illa consecrante, debeant adorari adoratione Latræ, sicuti docet D. Thomas 3. part. quest. 25. art. 4. ad quem locum plura a Cajetano in comment. afferuntur.

6 Alia plura a me tunc Fidei Promotore fuerunt adducta adversus testes in processu examinatos: cumque super recensita fundamenta fuerint desumpta a Muratorio loc. cit. ubi plura ad rem, de qua agimus, collecta sunt, Modoetienfes operæ pretium esse censuerunt, præter celebrioribus Urbis Advocatos, Justum Fontaninum tunc a Cubiculo honorario Clementis Papæ XI. postea Archiepiscopum Ancyræ exorare, ut suam super hac controversia sententiam proferret. Fuerunt itaque typis editæ Advocatorum scripturæ; fuit exhibitus catalogus Doctorum, qui de Corona ferrea continente unum ex clavibus, quibus in cruce confixus fuit Dominus noster Jesus Christus, verba fecerunt; fuit formis impressa luculentissima dissertatio prædicti Justii Fontanini, in qua singillatim respondeatur omnibus in contrarium a Muratorio allatis; fuerunt allata testimonia de antiquissimo & immemorabili cultu, consentientibus Ordinariis, exhibito erga Coronam ferream, veluti continentem clavum Dominicæ Passionis; non defuerunt præterea prodigiorum & miraculorum probationes: ita ut, sicut ex omnibus simul junctis, & luculentissime in sacra Congregatione relatis a Cardinali Polemæo nulla supersuit dubitatio de evidentia morali, quod clavus dictæ Coronæ esset intextus, sic eadem Congregatio probe existimavit, permittendum esse Capitulo Collegiæ S. Joannis Baptiste, ut Coronam ferream retineret intra crucem, in qua fuit reposita, & simul cum aliis Reliquiis eam ad publicam venerationem exponeret.

7 Acquisivi libentissime judicio sacræ Congregationis tam propterea venci-

venerationem, quam erga ipsam semper professus fui & profitebor; tum
 quia, perfectis Advocatorum scripturis, pervolutoque processu; nihil
 re vera deficere recognovi ex iis, quæ sunt necessaria ad statuendum cul-
 tum antiquissimum, scientibus & conscientibus vigilantissimis Archie-
 piscopis Mediolanensibus, Coronæ exhibitum, una cum constanti, &
 numquam interrupta fama de clavo dictæ Coronæ intexto; tum quia cer-
 tissimum clavi Coronæ intexti testimonium defumitur ex oratione S. Am-
 brosii de obitu Theodisii Magni scripta A. 395. §. 47. tom. 2. Oper. pag. 1211.
 ubi hæc habet de clavis a S. Helena Hierosolymis inventis: *Questivæ cla-
 vos, quibus crucifixus est Dominus, & invenit. De uno clavo frenum fieri præ-
 cepit; de altero diadema intexuit. Unum ad decorem, alterum ad devotionem
 servit. Et paulo post: Misit itaque filio suo Constantino diadema gemmis insi-
 gnitum, quas pretiosior ferro innexas crucis redemptionis Divina gemma con-
 necteret. Misit & frenum. Virique usus est Constantinus. Et mox §. 48.
 Recte in capite clavus, ut nbi sensus est, ibi sit presidium, in vertice corona,
 in manibus habena: corona de cruce, ut Fides luceat; habena quoque de cruce,
 ut potestas regat. Sed & missionis hujusce Coronæ a S. Gregorio ad Regi-
 nam Theodolindam testimonium defumit: quodammodo posse videtur ex
 ejusdem S. Gregorii epist. 12. al. 7. lib. 14. juxta antiquum epistolarum or-
 dinem; in ea etenim S. Gregorius sic Theodolindam alloquitur: Excel-
 lentissimo autem Filio nostro Adalvaldo Regi transmittere Phylacteria curavi-
 mus, id est crucem cum ligno sanctæ Crucis Domini: præter alia multa hujus-
 ce facti indicia collecta in citata dissertatione Fontanini cap. 2. Item An-
 tonius Sandinus Custos bibliothecæ Seminarii Patavini A. 1734. ideoque
 post controversiam de Corona ferrea propositam & resolutam; *historiam*
 edidit *Familia sacra*, ubi pag. 224. agens de usu clavorum, quibus Chri-
 stus Dominus crucifixus est, facetur, se magis credere S. Ambrosio;
 quam Gregorio Turonensi, qui sexto Christi sæculo vixit, & ideoque se
 autumare, ex clavo uno frenum fabricatum, ex altero coronam; quæ
 galeæ speciem superne referebat; pag. autem 227. ex juramento emisit a
 summo Pontifice Vigilio insert, clavos fuisse Constantinopoli asservatos
 usque ad annum Christi 550. tum post annum hunc a Græcis ad Latinos
 fuisse translatos, fortasse per Gregorium Magnum, quem Constantino-
 poli Apocrisitarii munere functum apud Constantinum Tiberium Augu-
 stum, magnis donatum muneribus, nempe sacrosanctis Reliquiis, Ro-
 manæ venisse docet Cardinalis Baronius ad A. 586. Quod demum attinet
 ad Coronationem Caroli V. Bononiæ factam, in qua ritus ceteræque sole-
 mnitates omisæ dicebantur, quæ omisæ non fuissent, si tunc certo com-
 stitisset, clavum ferreæ Coronæ esse intextum, præsto est testimonium
 Josephi Ripamontii, Theologi & Historici perinlignis, qui de illa Corona-
 tione sic loquitur: *Novissime nostra memoria cum ea Corona per Legatos allata,*
Bononiæ Carolus V. Imperium auspicaretur, adessentque principes Ecclesiæ viri,
magni sunt motus animorum facti, certissimo inter omnes consensu, veram esse
*sa-**

famam, & Ferrum ibi quantalibet aurea mole pretiosius latere. Legati quin etiam increpiti, quod vili nimium, ac paupere cultu, nec ea, qua par esset, celebritate solatia humane monumentum, & adactum olim per Divina illa membra Ferrum attulissent. Narrant hi, qui spectaculo adfuerunt, cum prelata ea capiti Caesaris imponeretur, subito persusam horrore concionem obriguisset, & tamquam manantia innoxio sanguine trophæa Crucis, & Christus ipse, itaque facies acerbissima mortis ante oculos obversaretur, ab coronati Caesaris aspectu ad violentos ictus, laniatumque Divini corporis, meditando & cogitando, religiosissimos & gravissimos quosque animum avertisset. Licet id quoque in testimonium vim admittere, quodque tanta frequentia sensus indicavere, id nequaquam esse commentitium, arbitrari. Hæc nempe quoad secundam de ferrea Corona quaestionem sufficere posse videntur. Porro qui plura scire cupit de hujusce Coronæ ferreæ clavo Dominico intextæ identitate, doctam illam & eruditam Fontanini dissertationem legere poterit. In ea ita disputat, ut maximum videatur constituere fundamentum ad suadendum, circulum ferreum Coronæ aureæ insertum nihil aliud esse, quam sacrum Dominicæ crucis clavum, in historia Matthæi Villanii lib. 4. cap. 39. ubi scribens de Carolo IV. Imperatore electo ait; *Il di della santa Epifania del mese di Gennaio di detto anno fu coronato della santa Corona del Ferro*. Porro Muratorius in tom. 14. *Scriptorum rerum Italicarum* edito Mediolani A. 1729. & sic longe post sacræ Congregationis resolutionem, in prætatione ad historiam prædicti Villanii iterum *Insurreximus* comprehendendo, non Sanctam sed Secundam in pluribus codicibus ejusdem Villanii appellari Coronam; ita ut rejicienda sit Fontanini lectio, *fu coronato della Santa Corona del Ferro*, atque ita mutanda, *fu coronato della Seconda Corona del Ferro*. Tribus quippe coronis insigniri a tempore Othonis Magni Romanorum Imperatores consueverunt. Prima iis Aquiligrani conferebatur ob Germanicam Regnum; Secunda scilicet Ferrea, Mediolani, & interdum quoque Moedociæ, uti insigne Italici Regni: Et tertia nempe Imperatoria, Romæ per manus Pontificis maximi.

8 Tertia identitatis quaestio, quæ dum munereungebar Fidei Promotoris, in sacrorum rituum Congregatione pertractata est, fuit de identitate corporis S. Joannis de Matha. Quia vero rota, quanta est, hujusce facti historia, universusque controversiæ status bene desumi potest ex suffragio a me tamquam sacræ Congregationis Consultore exarato; absolum idcirco non erit, illud hic referre, additis interdum opportunis annotationibus, iisque parenthesi conclusis, earum rerum, quæ postmodum ad meam cognitionem pervenerunt; tum ad illius calcem sacræ Congregationis decretum apponere.

9 „ Anno 1213. S. Joannes de Matha Fundator Ordinis Sanctissimæ
 „ Trinitatis Redemptionis Captivorum mortuus est in Urbe, & ejus
 „ corpus fuit sepulture traditum in ecclesia S. Thomæ de Formis, uti
 „ testantur Historici. & legitur in sexta lectione Officii, quod in ejus
 ho-

„ honorem recitatur die 8. Februarii in Ecclesia universali: Obdormivit in
 „ Domino sexto decimo calendis Januarii anno salutis 1213. ejusque corpus in
 „ ipsa ecclesia Sancti Thomæ de Formis condigno honore tumulatum fuit.

10 „ Permanit prædictum sanctum corpus in ecclesia modo memora-
 „ ta plurimum sæculorum spatio: quocirca Octavius Pancirolus in suo ope-
 „ re inscripto, *Testori nascosti dell'alma città di Roma*, Romæ edito anno
 „ 1600. testimonium reddidit de sacri corporis permanentiâ in eadem
 „ ecclesia. Fuit hoc ipsum confirmatum a Joanne Severano in suis memo-
 „ riis sacris *de septem Urbis ecclesiis Romæ editis anno 1630.* utque exteri
 „ alii prætereantur, Ludovicus Totus in suo opère Romæ impresso
 „ anno 1638. cui titulus *Ritratto di Roma moderna*, ait, corpus S. Joannis
 „ de Matha in ecclesia S. Thomæ de Formis conservari: & quod omnem
 „ tollit difficultatem, est inscriptio ad ejus sepulcrum apposita tempo-
 „ re obitus, quæque adhuc est in ea ecclesia, licet in ea amplius non sit
 „ corpus dicti S. Joannis, uti mox exponetur.

11 „ Labente sæculo XIV. dirissima pestis Romam invasit; derelicta-
 „ que a Religiosis Trinitariis ecclesia S. Thomæ de Formis, prope quam
 „ suum habebant monasterium, fuit ecclesia, uti non controversitur,
 „ unita Reverendissimo Capitulo basilicæ Vaticanæ, quod ejus curam par-
 „ ticulari semper personæ commisit, prout usque adhuc committit,
 „ Missamque diebus festivis in ea celebrari fecit & facit, dieque festo S.
 „ Thomæ una pars Cleri dictæ basilicæ solemnî interest Missæ; nec enim
 „ alia a dicto Capitulo præstari possunt, utpote per totum anni curricu-
 „ lum addicto propriæ basilicæ servitio.

12 „ Sub obtentu, quod sacrum Fundatoris corpus conservaretur in
 „ ecclesia dislita, uti notorium est, ab hominum habitationibus, ita
 „ ut debitum in ea cultum, qualis Sanctum Fundatorem Religionis de-
 „ cet, nullatenus obtineret; in mentem venit A. 1655. duobus Religio-
 „ sis Trinitariis Conversis Calceatis, Fratri videlicet Gundisalvo de Me-
 „ dina, & Fratri Josepho Vidal, illud surripere, & in Hispaniis trans-
 „ ferre: & res se habuit modo qui sequitur.

13 „ Noctis tempore prædicti duo Religiosi clam ad ecclesiam S.
 „ Thomæ de Formis accesserunt, habitoque per fenestram ingressu, se-
 „ pulcrum aperuerunt; & cum in eo invenissent ossa S. Joannis in su-
 „ periori & eminentiori parte collocata, una cum oratione in ejus ho-
 „ norem super illis apposita, & in separatis & depressioribus sepulcri
 „ partibus alia duorum corporum ossa inter se segregata cum inscriptione
 „ sua, quod erant primi, & secundi post S. Joannem Generalis ossa,
 „ secum asportaverunt ossa S. Joannis: delataque surreptionis notitia ad
 „ Patrem Petrum Arias Portocarrero Procuratorem Generalem Reli-
 „ gionis in Urbe tunc existentem, dedit hic consilium iisdem Fr. Gun-
 „ disalvo, & Fr. Josepho, ut iterum ad ecclesiam S. Thomæ de Formis
 „ accederent, & ossa Generalium secum asportarent, & in sarcophago
 „ syn-

314 DE SERVORUM DEI BEATIFICATIONE

„syngrapham manu propria ejusdem Procuratoris Generalis exaratam
 „relinquerent, in qua nedum tota surreptionis historia exponeretur,
 „sed adderetur ulterius, quod ossa prope quæ alia syngrapha ejusdem
 „characteris iisdemque verbis concepta & iisdem signis delineata repe-
 „riretur, eadem censenda essent ossa S. Joannis de Matha. Idque ab
 „eodem Procuratore Generali caute insinuatum fuit, ne tractu tempo-
 „ris quæstio incideret vel de identitate, vel de confusione ossium S.
 „Joannis, & duorum aliorum Religionis Generalium.

14 „ In hujus consilii executionem binæ syngraphæ eodem caractere
 „iisdemque signis conscriptæ fuerunt, iterumque accedentibus ad eccle-
 „siam S. Thomæ de Formis Fratribus Gundisalvo & Josepho, iterumque
 „aperto sepulcro, facta fuit asportatio ossium duorum Patrum Genera-
 „lium, & syngrapha in sepulcro relicta fuit: & hæc omnia desumuntur
 „ex binis processibus, altero constructo in Urbe A. 1655. de mandato
 „Cardinalis Francisci Barberini senioris, Archipresbyteri tunc temporis
 „basilicæ Vaticanæ, super subtractione corporis S. Joannis de Matha a
 „sepulcro existente in ecclesia S. Thomæ de Formis, & altero Matriti
 „fabricato A. 1657. a Tribunali Nuntiaturæ super sancti corporis iden-
 „titate.

15 „ Surreptis modo prædicto ossibus S. Joannis, & ossibus aliorum
 „Generalium, ossa Generalium fuerunt consignata Duci de Terranova
 „tunc Catholicæ Majestatis apud summum Pontificem Oratori, uti ha-
 „betur ex attestatione Patris Arias Portocarrero Procuratoris Genera-
 „lis, qui dicto Duci eadem ossa consignavit, & ossa Sancti Joannis fue-
 „runt eodem anno 1655. ab eodem Patre Petro Arias Portocarrero Ma-
 „tritum delata, & solemniter consignata clar. mem. Camillo de Maximis
 „Patriarchæ Hierosolymitano tunc Nuntio Matritensi, & deinde ad sa-
 „cræ Purpuræ evecto, uti habetur ex ejus declaratione: cumque San-
 „cti Fundatoris ossa fuissent debitis modis & formis obsignata sigillis,
 „caute semper conservata fuerunt in Nuntiatura Apostolica nedum tem-
 „pore dicti Cardinalis de Maximis, sed etiam aliorum in eadem Nuntia-
 „tura Successorum, Bonelli videlicet, & Vicecomitis, qui pariter Car-
 „dinalatus honore deinde insigniti fuerunt.

16 „ Matritensis Nuntiatura delata fuit ad claræ memoriæ Cardi-
 „nalem Marscottum: cumque de ordine sanctæ memoriæ Clementis
 „Papæ X. fuisset eidem per organum Secretariæ Status demandatum,
 „ut recognitionem expleret ossium Sancti Joannis de Matha in sedi-
 „bus Nuntiaturæ [uti dictum est] existentium, recognitio magna
 „cum solemnitate expleta fuit: fuerunt enim recognita illece figilla Car-
 „dinalis de Maximis, cui facta fuerat prima consignatio; fuit reperta
 „prope ossa syngrapha supra recensita, quam a se fuisse conscriptam, suo
 „juramento asseruit Pater Arias Portocarrero. quamque ab eodem Pa-
 „tre Petro conscriptam non cum alia, quæ in sepulcro existente in ec-
 „clesia

„ ecclesia S. Thomæ de Formis relicta fuit, medio juramento testatur est
 „ Fr. Gundisalvus de Medina, qui sacrum corpus surripuit, quique a
 „ statu Conversorum ad statum Sacerdotalem transiverat; & ne quid
 „ deesset in recognitione tantæ pûm solemnitate expleta, sacrum caput
 „ fuit circumstantibus exhibitum, ut illud pie oscularentur, prout oscula-
 „ ti sunt: cumque ad effectum perficiendi recognitionem effracta fuis-
 „ sent sigilla Cardinalis de Maximis, apposita fuerunt in nova clausura
 „ sigilla Eminentissimi Marescotti.

17 „ Ab anno 1671. quò recognitio facta est usque ad annum 1686.
 „ nihil circa Offa S. Joannis de Mattha gestum est. Sed cum anno prædi-
 „ cto clar. mem. Cardinalis Duratius tunc Nuntius Apostolicus apud Ro-
 „ gem Catholicum animadvertisset, quod eadem debito cum cultu & ve-
 „ neratione in Nuntiatura conservari non poterant, in animum induxit
 „ eorum consignationem facere Patri Ministro Generali, & Disfinitorio
 „ Patrum Trinitariorum Discalceatorum Matriti degenitum, ut eadem
 „ reponerent sub altari Capellæ existentis in cella Ven. Patris Thomæ de
 „ Virgine; & permanentibus integris sigillis appositis a Cardinali Ma-
 „ rescotto, facta est anno prædicto 1686. sacrorum ossium dictis Patri-
 „ bus consignatio, eademque reposita fuerunt sub altari recensito, sub
 „ quo etiam hodie conservantur.

18 „ Licet exposita facti series satis superque ostendat, nullam
 „ adeffe difficultatem circa identitatem corporis S. Joannis de Ma-
 „ tha; & quod illud idem corpus, quod erat in ecclesia S. Thomæ
 „ de Formis in Urbe, modo existit & conservatur sub altare Capel-
 „ læ existentis in Conventu Matritensi Patrum Trinitariorum Discal-
 „ ceatorum; exorta nihilominus circa dictam identitatem disputa-
 „ tione, eademque in hac sacra Congregatione proposita tam anno
 „ 1669. quam anno 1715. negativum prodiiit Responsum, *Non constare*
 „ *videlicet de identitate*. Sed, cum a sanct. mem. Clemente XI. fueris in-
 „ dultum, ut iterum de hac re in sacra Congregatione ageretur, idem-
 „ que Pontifex in locum clar. mem. Cardinalis Casini Causæ Relatoris
 „ defuncti subrogaverit Eminentissimum & Reverendissimum Dominum
 „ Cardinalem Hannibalem Albanum suum ex fratre nepotem, ex novis
 „ facti circumstantiis clarius dilucidatis sperare fas est, sacram Congre-
 „ gationem esse responsurum. *Præcis recessu a decisis, facti constare de san-*
 „ *cti corporis identitate*; accedentibus potissimum precibus tum Serenissimi
 „ Hispaniarum Regis Catholicæ, tum Serenissimæ Reginæ, necnon Ar-
 „ chiepiscopi Toletani, & aliorum Procerum.

19 „ Et sane, præmissa regula generali, ut in judicio videlicet iden-
 „ titatis sacrarum Reliquiarum non requiratur plena evidentia; si enim
 „ requireretur plena evidentia, necesse esset, ut in hoc judicio duo sal-
 „ tem testes afferrentur nullam patientes exceptionem, qui depone-
 „ rent, se cognovisse Beatum & Sanctum, de cujus agitur Reliquia; se

vidisse, ex ejus corpore os tale defumi: se vidisse, illud in tali loco reponi; se certo scire, illud numquam fuisse a tali loco remotum, nec potuisse removeri, quia ipsi scivissent: quæ probatio quatenus reputaretur necessaria, omnes sacre Reliquiæ incertitudinis periculo exponerentur, uti bene ponderat *Matta de Canonizac. Sanctor. part. 4. cap. 29. num. 15.* operæ pretium est, modo ponere in claris, quod adest certitudo moralis tam quoad sepulturam corporis S. Joannis in ecclesia S. Thomæ de Formis, & permanentiam in eadem ecclesia usque ad annum 1655. quam quoad punctum, quod illud S. Joannis corpus, quod in dicta ecclesia tumulatum fuit, & in ea permansit usque ad annum prædictum, sit illud idem, quod modo est in Conventu Matritensi.

Quod autem corpus S. Joannis de Macha fuerit tumulatum in ecclesia S. Thomæ de Formis, certum esse videtur tota certitudine morali, tum quia id testantur Historici, tum quia id legitur in lectionibus Officii ejus proprii approbati pro Ecclesia universali, juxta ea quæ supra dicta sunt; & si magna est auctoritas lectionum, quæ habentur in Breviariis particularium Ecclesiarum, uti late docent Mariana in tractatu *Adventus S. Jacobi in Hispaniam*, Ambrosius de Morales in *Chronicis lib. 9. cap. 14.* Coccinus *decif. 1867. num. 44.* maxima utique debet esse auctoritas lectionum Breviarii approbatarum pro Ecclesia universali, uti profequitur *Seacchus de not. & sign. sanctis. sect. 11. cap. 1. §. Remanens igitur.*

Quod pariter idem corpus S. Joannis de Macha in eadem ecclesia permanferit usque ad annum 1655. certum esse videtur certitudine morali. Historici quippe sere contemporanei permanentiam enarrant, & Inscriptio existens in ecclesia S. Thomæ de Formis hoc ipsum ostendit; & quod omnem de medio tollit circa hoc punctum difficultatem, est, quod anno prædicto 1655. compilatus fuit auctoritate clar. mem. Cardinalis Francisci Barberini basilicæ Vaticanæ tunc Archipresbyteri processus adversus Trinitarios Calceatos, qui sacra ossa e tumulo existente in ecclesia S. Thomæ de Formis surripuerunt; calumniosus enim fuisset processus, si sacrum corpus usque ad dictum tempus in dicta ecclesia non permansisset, nec in tumulo, quod ruptum tunc inventum est, conservatum fuisset.

Quod denique idem corpus & ea ossa S. Joannis, quæ fuerunt tumulata in ecclesia S. Thomæ, & quæ in ea fuerunt conservata usque ad annum 1655. sint illa eadem, quæ modo sunt in Conventu Matritensi, pluribus fundamentis suadetur.

Primo, ex formali attestatione Patris Petri Arias Portocarrero Procuratoris Generalis Ordinis Trinitariorum Calceatorum, & ex depositionibus pariter judicialibus Fr. Gundisalvi de Medina, & Fr. Josephi Vidal; quibus utique fides omnino præstanda est nedum ex his quæ infra referantur, sed ulterius, quia duo ex eis erant Sacerdotes, cum

„ cum Fr. Gundifalvus de Medina ad Sacerdotium esset euectus tempore,
 „ quo attestationem emisit, juxta ea quæ dicta sunt, & cum ulterius
 „ omnes hi deposuerint de facto proprio, & de facto, quod solum ab
 „ ip[s]is sciri poterat, juxta doctrinam Jafonis in *L. Cunctas populus*, num.
 „ 68. *C. de summa Trinitate*, & *Fide Catholica*, quam late exornant
 „ *Croc. de testibus part. 3. num. 38. Mascardus de probationibus conclus.*
 „ 1356. num. 51.

24 „ Secundo, ex formali depositione duorum aliorum Religioso-
 „ rum, Fratris videlicet Lectoris Antonii Picconellii, & Fratris Joannis
 „ a S. Bonaventura Ordinis Discalceatorum Sanctissimæ Trinitatis: hi
 „ siquidem fuerunt examinati in processu in Urbe confecto super surrep-
 „ tione, & eorum alter deponit de auditu a Fr. Josepho Vidal, qui ei
 „ totam facti seriem in Confessione sacramentali exposuit cum facultate
 „ eam propalandi, & alter deponit de auditu ab ipso Patre Arias de Por-
 „ tocarro; qui testes idcirco, in linea saltem adminiculi, videntur
 „ admittendi, cum facti seriem intellexerint: nedum in actibus propor-
 „ tionatis, sed etiam antequam questio esset exorta super identitate, &
 „ ab illis, qui totius rei genitæ fuerunt auctores, uti ponderat Farinaccius
 „ *de testibus quest. 69. num. 80. ibi: Quando is, a quo testis auditus, est il-*
 „ *le idem qui actum gessit, tunc sufficit, quod testis illum tantum nominet in*
 „ *auctorem.*

25 „ Tertio, ex aliis tribus attestationibus, Ferdinandi videlicet
 „ Sanchez, Patris Philippi de Jesu, & Patris Didaci de sanctissimo Sa-
 „ cramento: hi quidem deponunt de viso sacri corporis extracti, de ejus
 „ asportatione in Hispanias, & de publica voce & fama; & sic quoad
 „ istos recurrunt ea omnia, quæ supra de aliis testibus dicta sunt.

26 „ Quarto, ex solemnī conſignatione facta a Patre Arias de Porto-
 „ carro Cardinali de Maximis tunc Nuntio Matritensi, qui sacra ossa
 „ in capsâ recondidit, & sigillis munivit.

27 „ Quinto, ex eorundem sigillorum inviolabili conſervatione uf-
 „ que ad tempus recognitionis factæ A. 1671. a Cardinali Mareſcotto
 „ tunc pariter Nuntio apud Regem Catholicum, & ex novorum pro-
 „ priorum sigillorum appositione ab hoc ipso Cardinali facta, quæ sigilla
 „ usque adhuc integra permanent, ut est in confesso.

28 „ Sexto, ex ſyngrapha, quæ in dicta recognitione A. 1671. re-
 „ perta fuit in eadem capsâ, in qua sacra ossa conſervabantur: cumque
 „ alia ſyngrapha iisdem verbis concepta, eodemque caractere conscrip-
 „ ta fuerit reperta in sepulcro S. Thomæ de Formis, in quo anteceden-
 „ ter sacrum corpus conſervabatur, & ulterius cum ex supra relatis ſyn-
 „ graphæ hæc fuerint exarata, ne daretur ansa dubitandi de corporis
 „ identitate, & ut sciretur, quod ossa, penes quæ ſyngrapha inveniro-
 „ tur iisdem verbis concepta eodemque caractere conscripta, quibus
 „ concepta & scripta erat altera ſyngrapha relicta in tumultu existente in

„ ecclesia S. Thomæ de Formis, erant ossa S. Joannis, syngraphæ inven-
 „ tio, quæ contigit, & de cujus identitate testes deposuerunt in reco-
 „ gnitione secuta anno 1671. ponit in claris, quod ossa, quæ erant in
 „ tumulo S. Thomæ de Formis, sunt illa eadem, quæ fuerunt consignata
 „ Cardinali de Maximis, & recognita a Cardinali Marefcotto, &
 „ quæ deinde a Cardinali Duratio consignata fuerunt A. 1686. Patribus
 „ Discalceatis; ex signis siquidem ad placitum, rerumque necessitati ac-
 „ commodatis certum est sacrarum Reliquiarum identitatem probari,
 „ uti ostendit Ferrandus *disquis. Reliq. lib. 1. cap. 12. art. 1. in fine.*

29 „ Septimo, ex ipsa ossium qualitate, & capitis: ossa quippe
 „ fuerunt inventa alba albedine quadam extraordinaria. *Si sciperfero la*
 „ *testa, & le sainte ossa, le quali erano bianchissime, sommamente candide, senz*
 „ *aver patita lesione*, uti habetur in recognitione Cardinalis Marefcotti; uti
 „ cumque præterea ex aliis testibus magnitudo ossium defumatur, uti
 „ habetur in attestatone Cardinalis de Maximis, & ex depositione Patris
 „ Philippi de Jesu, indicia hæc sunt maximopere identitatem coadju-
 „ vancia: natura quippe contulit S. Joanni ossa extraordinariæ proce-
 „ ritatis, uti colligitur ex antiquo Scriptore Georgio Innes Scoto, qui
 „ lib. 2. de fundatione Ordinis cap. 2. dictum Sanctum describens inquit:
 „ *Altus erat novem palmos &c. facies magna &c. brachia longa &c. manus ma-*
 „ *gnæ, muscoli magni, & pedes magni, sicut hodie videtur in sacrilia eccle-*
 „ *sie Lateranensis depictus.* (Si tamen Auctor hic Georgius Innes Scotus,
 „ cujus verba ex aliis Auctoribus desumptimus, fuit umquam in rerum na-
 „ tura: contendit etenim Pater Magister Caverus Ordinis Beatæ Mariæ de
 „ Mercede Redemptionis Captivorum, vir pius & doctus, & stricta Nobis
 „ amicitia junctus, dum apud sanctam Sedem in Urbe Procuratoris Gene-
 „ ralis suæ Religionis munere fungebatur, in Opere Matriti edito anno
 „ 1731. cui titulus, *Examen veritatis, in ultima dissertatione art. 1. a*
 „ *num. 77.* post hæc scripta a nobis visa, nec scriptum umquam, nec ty-
 „ pis impressum fuisse citatum librum, quamvis sæpe, numeratis etiam
 „ capitulis, allegetur.)

30 „ Octavo ex fama nedum per Hispanias divulgata tempore confi-
 „ gnationis sacri corporis factæ Cardinali de Maximis, sed etiam, non
 „ obstantibus quibuscumque, semper continuata, identitatis videlicet
 „ hujus sacri corporis; uti habetur ex attestatone Cardinalis de Maxi-
 „ mis, quæ facta fuit A. 1655. & ex attestatationibus Joannis Antonii Bar-
 „ bati, Raphaelis Fabretti, & aliorum exaratis A. 1667. rursus ex ipsa
 „ recognitione facta jussu Papæ a Cardinali Marefcotto A. 1671. qui uti-
 „ que non permisisset, ut sacra ossa astantibus exhiberentur, ut ea oscu-
 „ latentur, nisi fama viguisset de sacrorum ossium identitate, & quidem
 „ non levis, sed solida, non interrupta, sed continuata; & denique ex
 „ consignatione facta A. 1686. a Cardinali Duratio, qui si capfam Pa-
 „ tribus Discalceatis consignavit, ut decenter conservaretur, quæ de-
 „ cent

„ cens. conservatio expleri non poterat in Nuntiatura Apostolica, quique
 „ præterea si locum conservationis designavit, sub altari videlicet san-
 „ ctæ Capellæ, nemo profecto dubitare poterit de communi opinio-
 „ ne, & apud omnes recepta, & a Ministris Apostolicis admissa de san-
 „ ctæ corporis identitate, cum solæ Reliquiæ Sanctorum sub altari
 „ possint conservari, juxta Decretum hujus sacre Congregationis impres-
 „ sum apud Continuatores Bollandianos *ad Acta Sanctorum mensis Maji*
 „ *tom. 5. pag. 289.* Quibus omnibus si superaddatur, statim Romæ famam
 „ viguisse, quod, surreptis sacris ossibus ex ecclesiâ S. Thomæ de Formis,
 „ surrepta fuerant ossa S. Joannis, nil clarius afferri posse videtur ad pro-
 „ bandam famam; quæ, licet sola non sufficiat, maximopere tamen con-
 „ fert ad probandam identitatem Reliquiarum, uti late probant Ansoff.
 „ *de sacris Reliquiis §. 13. num. 11. & seqq.*, Ferrandus *cod. tract. lib. 1. cap.*
 „ *12. sect. 2. §. Verum, licet.*

31 „ Nono, ex urgentissima & numquam fallaci verisimilitudine:
 „ quis enim umquam sibi suadere poterit, quod tanto cum periculo vo-
 „ luerit Pater Arias Portocarrero consilium præstare surreptioni ossium,
 „ & quod ulterius alii duo Religiosi voluerint actu sacra ossa surripere,
 „ ut eis debitus honor in Hispaniis præstaretur, nec voluerint eadem ossa
 „ cum omni fidelitate custodire & conservare, vel quod Pater Arias non
 „ ossa surrepta, sed alia voluerit Nuntio Apostolico consignare? Hæc
 „ aberrant a sensu communi; & cum sint inverisimilia, urget verisimi-
 „ tudo potentissima, quod eadem sacra ossa, quæ fuerunt ab ecclesiâ S.
 „ Thomæ de Formis surrepta, sint illa eadem, quæ fuerant Nuntio de
 „ Maximis consignata, & quæ per consequens in Conventu Matritensi ho-
 „ die conservantur.

32 „ Ultimo, ex magnis contentionibus inter utrasque familias, Cal-
 „ ceatam, & Discalceatam; quæ annis præteritis exortæ sunt, unaquaque
 „ contendente, sacrum corpus penes se existere debere: quorsum enim
 „ tenderent contentiones tantis animorum motibus agitatæ, si utra-
 „ que familia non esset invincibiliter persuasa de sacrorum ossium iden-
 „ titate? *Non accipiebantur, ut quædam sunt, ut non essent, ut non*

33 „ Quocirca, omnia in unum colligendo, si in judicio identitatis
 „ sacrarum Reliquiarum non est necessaria plena evidentiæ, sed sufficit cer-
 „ titudo moralis ex conjecturis & præsumptionibus simul unitis desum-
 „ pta, quid dicendum erit in nostro rerum themate, in quo exhibentur
 „ testes jurati plures de facto proprio, & re sibi maxime nota deponen-
 „ tes, & in quo tot præsumptiones & tot militantes adminicula principium,
 „ medium, & finem, & universum tempus complectentia, quæ, juxta
 „ regulam juris, non singillatim, sed conjunctim sunt accipienda? & si
 „ conjunctim, prout fieri debet, accipiantur, unusquisque sibi facile sua-
 „ dere poterit, nihil omnino deesse pro asstruenda sacri corporis identi-
 „ tate, uti, ceteris libenter relictis, bene notat Cardinalis Bona *de discret.*
 „ *spi-*

§20 DE SERVORUM DEI BEATIFICATIONE

„ *spirit. cap. 5. pag. 238. ex Gersone : Fallit unum signum, vel pauca, si non*
 „ *in unum plura conglobaverimus. Ita enim tradit Tullius, ita Boetius, &*
 „ *ita Aristoteles in conjecturali causa faciendum.*

34 „ His vero positis, non urgente, quæ alias fuerint in contra-
 „ rium deducta. Non urget enim, quod in uno eodemque sepulcro non
 „ solum aderant ossa S. Joannis, sed etiam aderant ossa aliorum duorum
 „ Generalium; quasi vero hinc inferatur, non concurrere certitudinem
 „ moralem, quod ossa, quæ modo asservantur penes Patres Discalceatos
 „ in civitate Matritensi, sint ossa S. Joannis, vel potius ossa unius ex dictis
 „ Patribus Generalibus: ad hujusce quippe objecti eliminationem remi-
 „ nisci opus est primo, quod corpora erant inter se divisa; secundo, quod
 „ ossa S. Joannis erant in loco eminentiori; tertio, quod super illis erat
 „ imposita oratio desumpta ex Breviario Anglicano, in qua S. Joannis fie-
 „ bat expressa commemoratio; quarto, quod super unoquoque acervo
 „ ossium Patrum Generalium aderat syngrapha exprimens, cujus ossa ef-
 „ sent; quinto, quod prius fuerunt subtracta ossa S. Joannis, & per actum
 „ separatim surrepta alia ossa Generalium; sexto, quod ossa Generalium
 „ fuerunt consignata Oratori Regis Catholici in Urbe existentis; septimo,
 „ & ultimo, quod totum negotium nihil aliud habuit pro fine & objecto,
 „ quam ut ab Urbe ad Hispanias transferrentur ossa S. Joannis. Admissa
 „ autem hac actuum distinctione, cessat quæcumque confusionis ossium
 „ dubitatio, & multo magis, cum ex *supra* relatis ossa ad Hispanias de-
 „ lata nedum candidissima reperta fuerint, sed *ulterius excellens magni-*
 „ *tudinis apparuerint, prout erat statura S. Joannis, dum esset in hu-*
 „ *manis.*

35 „ Absque eo quod quidquam officiat, quod de appositione ora-
 „ tionis super ossibus S. Joannis fertur testimonium a Patre Velez, qui
 „ dicit, se præsentem, & occasione Apostolicæ visitationis fuisse dictam ora-
 „ tionem superimpositam, & tamen dicta visitatio non exhibetur: licet
 „ enim Pater Velez totum id, quod modo dictum est, asseruerit, uti col-
 „ ligitur ex attestatione Cardinalis de Maximis, & licet dicta visitatio non
 „ fuerit umquam reperta; id tamen non facit ad rem, de qua nunc agi-
 „ tur, cum vis sit in inventione dictæ orationis super ossibus, & inven-
 „ tio ex tot aliis testibus alibi relatis comprobetur, ut de ea non videatur
 „ ullo modo esse dubitandum. Præterquamquod, etiamsi per impossibili-
 „ le non adfuisset orationis inventio, sufficerent pro averteanda confusione
 „ tum syngraphæ super ossibus Generalium repertæ, tum eminentia loci,
 „ in qua erant ossa S. Joannis. Nec aliter profecto res esse poterat: quis
 „ enim umquam sibi suadere poterit, ut antiqui Patres Trinitarii volue-
 „ rint in uno eodemque sepulcro condere ossa Sancti Fundatoris, & ossa
 „ aliorum Generalium absque ullo signo differentie inter ea, quando
 „ communis usus ostendit, separari ossa eorum, qui cum sanctitatis fama
 „ decedunt, ab ossibus aliorum, qui pie tantum in Domino moriuntur?
 „ Id-

„ Idque si absolute & simpliciter procedit, a fortiori processisse & factum
 „ fuisse dicendum est in casu, de quo nunc agitur, in quo tanta fuit su-
 „ citatis fama, quæ viguit in obitu S. Joannis, ut Innocentius III. sum-
 „ mus Pontifex voluerit ejus funus una cum Cardinalibus comitari; juss-
 „ rit, marmoreum sepulcrum erigi, Inscriptionemque fieri; & cadaveri
 „ in ecclesia & super feretro existenti reverentiam exhibuerit; & corpo-
 „ re per quatuor dies exposito populorum concursui, dignatus fuerit
 „ Deus paralyticis motum & cæcis visum ejus intercessione elargiri; uti,
 „ hæc omnia fide enarrando, prosequuntur Pater Bonaventura Baro Mi-
 „ noris Observantiæ in *annal. Trinitariorum* a pag. 94. ad pag. 96. & Pater
 „ Macedo Minoris pariter Observantiæ in *vita S. Joannis* cap. 20. a pag. 70.
 „ ad pag. 75.

36 „ Consimilis generis est; quod ante consignationem factam Car-
 „ dinali de Maximis ossa fuerunt sub diversis operculis recondita, & ab
 „ uno in alium locum reposita, nullis existentibus sigillis, nec consequen-
 „ ter ulla facta sigillorum recognitione aut renovatione: admittimus
 „ etenim, appositionem sigillorum esse cautelam, quæ maximopere con-
 „ fert ad probandam identitatem sacrarum Reliquiarum, quemadmo-
 „ dum alibi visum est; at simul & semel contendimus, quod, etiam si
 „ dicta cautela defecerit, & potissimum si defecerit, ex quo, pro-
 „ ut in casu, hoc est in clandestina surreptione, fieri non poterat,
 „ si nihilominus ceteræ adfinæ circumstantiæ identitatem suadentes,
 „ identitas remaneat probata, non obstante memoratæ cautelæ de-
 „ fectu. Idque probatur a priori, & a posteriori: a priori quidem, quia
 „ vis stat in morali certitudine, & moralis certitudo aliunde haberi pot-
 „ est, quam a sigillis, nec ulla hucusque lex lata est, quæ pro regula
 „ statuatur, identitatem Reliquiarum probari non posse, nisi fuerint appo-
 „ sita, & suis loco & tempore renovata sigilla: a posteriori deinde, quia
 „ in litteris Apostolicis Clementis VIII. (de quibus supra cap. 21. num.
 „ 16.) super expositione capitis S. Guillelmi Ducis Aquitanie in ecclesia
 „ Antuerpiensi Societatis Jesu narratur quidem, quod caput S. Guillelmi
 „ fuit ab incendio liberatum a viro pio, narratur ulterius, quod per plu-
 „ res annos delituit in diversis locis penes sæculares personas, narratur
 „ demum, quod a cive Antuerpiensi fuit dono datum ecclesiæ Patrum
 „ Societatis Jesu, uti colligitur ex sequentibus verbis: *Sane, sicut accepimus*
 „ *sum, cum ante annos quadraginta Marcadura oppidum in Juliacensi Ducatu*
 „ *situm, a Cesaris exercitu per obsidionem captum & dirutum esset, infimus mo-*
 „ *nasterium quoddam Ordinis Guillelmitarum in eodem oppido, vel prope illud*
 „ *existens incendio vastatum fuit; a quo quidem incendio quidam vir pius caput*
 „ *S. Guillelmi Ducis Aquitania liberavit. Cum autem sancta hujusmodi Reli-*
 „ *quia plures annos penes sæculares personas in diversis locis, & præsertim in ci-*
 „ *uitate Antuerpiensi latuerit, demumque apud quendam civem Antuerpiensem*
 „ *reperita de consensu Ordinarii Antuerpiensis ecclesiæ Presbyterorum Societatis*
 „ *Jesu*

„ Iesu pradiſta civitatis ab eodem civi donata fueris, nuncque in ipſa eccleſia
 „ religioſe cuſtodiatuꝛ; Nos, ne ex præmiſſis dubium aliquod oriri pro tempore
 „ poſſit, providere volentes &c. caput S. Guillelmi prædicti eidem eccleſia Socie-
 „ tatis Jeſu Antuorpien. authoritate Apoſtolica tenore præſentium perpetuo conce-
 „ demus & elargimur, & in eadem eccleſia perpetuo conſervari & cuſtodiri,
 „ nec inde a quoquam quovis prætenſu extrahi aut aſportari, præterquam in pu-
 „ blicis Proceſſionibus, poſſe aut debere volumus, decernimus & mandamus.
 „ Sed, cum nulla fiat in litteris Apoſtolicis mentio exiſtentis ſigillorum,
 „ ſignata evidens hoc eſt, quod ſigilla non aderant; cumque, non obſtan-
 „ te eorum defectu, Pontifex permiſerit, ut caput publicæ venerationi
 „ exponeretur, legitima hinc deducitur conſequentia, quod exiſtentia ſi-
 „ gillorum non eſt de forma, & quod, ceteris concurrentibus circumſtan-
 „ tiis, identitatis ſigne illis bene probari poteſt.

37. „ Poſtremo, in nulla conſideratione habendum eſt, quod tota
 „ huius facti hiſtoria deſumitur ex illis, qui ſacra oſſa ſurripuerunt, vel
 „ qui participes fuerunt ſurreptionis, quique per conſeques nullam vi-
 „ dentur fidem mereri: prætermiſſo ſiquidem, quod ſurripientes non id
 „ fecerunt, ut lucrum facerent, ſed ſub obtentu, ut debitus honor ſacris
 „ oſſibus exhiberetur, & quod ulterius, licet peccatum commiſerint, ex-
 „ communicationi tamen non remanſerunt ſubjecti, cum hæc tantum ſit
 „ impoſita ad verſus eos, qui ſacras Reliquias auferunt e coemeteriis in Ur-
 „ bis, juxta bene probata per Dominum Canonicum Boldettum in ſuis
 „ obſervationibus ſuper coemeteriis SS. Martyrum lib. 3. cap. 18. ſi a nobis de-
 „ monſtrabitur, quod in judicio identitatis Reliquiarum fuerunt juxta
 „ Eccleſiæ præxim admiſſa eorum teſtimonia, qui eas ſurripuerunt vel
 „ fuerunt ſurreptionis participes, & quod dependenter a dictis teſtimo-
 „ niis Eccleſia admiſit dictarum cuſtum Reliquiarum, tota proſecto e va-
 „ neſcet exaggerata oppoſitio, cum ſanctæ hæc Congregatio a recepta in
 „ Eccleſia diſciplina utique diſcedere nolit, ſed eidem ſemper ſe confor-
 „ mare voluerit & velit.

38. „ Deveniendo ergo ad huius aſſumpti comprobationem, ſe offert
 „ primo loco ſurtum corporis S. Hilarionis factum ab Heſychio, de quo
 „ hæc habentur apud S. Hieronymum in vita S. Hilarionis: Poſtquam Hila-
 „ rionem mortuum, & ſepulchrum audivit, porrexit ad Cyprum, & ſimulans ſe
 „ velle habitare in eodem hortulo, ut diligentia cuſtodie ſuſpicionem accoſis tol-
 „ leret, cum ingenti vitæ ſue periculo poſt decemſex menses totius ejus furatus
 „ eſt ſubdiſque Sozomenus lib. 3. hiſtor. Ecclæ. cap. 13. Heſychius Reli-
 „ quias Hilarionis clam abreptas depore vitæ Palæſtinam, inque ſuo monaſte-
 „ rio ſepelivit; ex quo tempore diſciſſiſſiſſi maxima hominum frequentia & ſum-
 „ mo ſplendore quicquid ad indigenis celebratus eſt.

39. „ Se offert ſecundo loco ſurtum Reliquiarum S. Romani Abbatis,
 „ de quo hæc habentur apud Sigebertum lib. 1. de vita, & tranſlat. S. Ro-
 „ mani: Cum ſanctæ Reliquiæ ſecreſſe componerentur, acceſſit (ſermo eſt de
 „ quo-

„ quodam Aaron Sacerdote) eisque, quibus id officium deputatum erat, sese
 „ importunus iniunxit, ac, nemine circumspiciente, os capitis, quo superne co-
 „ rebrum tegitur, quodque vulgo Testis dicitur, furto sublegit, atque optimo
 „ potius spolio ad suam trepidam repedavit Ecclesiam; delataque subinde Reli-
 „ quia ad monasterium Monachorum S. Germani Antiliodorensis, fuit il-
 „ la ibi ab Heribaldo Præfule solemniter excepta, & publico cultui ex-
 „ posita, uti legitur apud Ferrandum *disquisit. Reliq. lib. 1. cap. 8. pag. 228.*
 „ 40 „ Se offert tertio loco furtum capitis S. Clementis Martyris, quod
 „ nonnulli Galli clam sustulerunt a monasterio Sanctæ Mariæ Constanti-
 „ nopolitanæ, quodque transportarunt ad abbatiam Cluniacensem, in-
 „ ter cuius Reliquias fuit repositum, & publicè expositum venerationi,
 „ uti fuscè legitur in Bibliotheca Cluniacensi sub titulo, *Historia exceptionis*
 „ *Capitis S. Clementis.*

„ 41 „ Se offert quarto loco furtum corporis S. Bertulphi Abbatis, de
 „ quo apud Surium, & fufius apud Bollandianos *tom. 1. Februarii pag. 682.*
 „ *num. 26. & seqq.* Erat dictum sanctum corpus in civitate Belgica, quæ
 „ dicitur Bononia. Quidam Britannus nomine Electus, postquam nactus
 „ fuit tempus & locum suæ intentioni opportunum, accessit ad sepulcrum,
 „ ruptoque sigillo, ac aperto locello, corpus sanctissimum omni thesauro pretia-
 „ rius furtim abripiens, clam discessit, uti habetur *loc. cit.* Arnolphus Mar-
 „ chio & Comes Flandriæ, re comperta, omnem adhibuit diligentiam
 „ pro latrone inveniendò; eodemque tandem invento, cum nec suasioni-
 „ bus, nec terroribus ad confessionem furti induci posset, ab ipso tandem
 „ Arnulpho interrogatus, rubore suffusus (verba sunt Historici) & timore
 „ dejectus villam Oditigem mari pene contiguam indicavit, ad quam mem-
 „ bra Sancti deportaverat, ea videlicet delusus spe, quæ sibi, mare se trans-
 „ fretaturum, Regique Britannia ex pretio distrahendum persuaserat; factoque
 „ accessu ad villam supra recensitam, inventisque S. Bertulphi Reliquiis,
 „ adhibito Prælatorum illustrium consilio, fuerunt eadem repositæ in
 „ ecclesia Harlebecensi, publicoque cultui restitutæ, uti habetur *cit. tom.*
 „ *1. Februarii pag. 683. num. 30. & 31.*

„ 42 „ Se offert quinto loco furtum corporis S. Nicolai Myrensis. Mer-
 „ catores etenim Barieneses, adhibita vi, illud rapuerunt ab ecclesia civi-
 „ tatis Myræ, & ad civitatem Bariensem transfulerunt, ubi etiam hodie
 „ colitur, & ad ejus venerationem fit undique populorum concursus, uti
 „ fuscè, furti historiam & cetera mox exposita enarrando, *prosequitur*
 „ Antonius Beatillus in *hystor. S. Nicolai lib. 6. cap. 8.*

„ 43 „ Se offert sexto loco furtum corporis S. Marci Evangelistæ, cu-
 „ jus historia ex codice Vaticano edita fuit a Bollandianis *ad tom. 3. Apri-
 „ lis pag. 353. & seqq.* Ibi quippe refertur, Venetos illud sustulisse ab ec-
 „ clesia Alexandrina in Ægypto, & Venetias transfulisse, & in ejus hono-
 „ rem celebre templum S. Marci a Justiniano Duce conditum fuisse, &
 „ gloriosam Translationis memoriam usque adhuc celebrari *pridie Calen-*

Tom. IV.

M m m m

„ dat

„ das Februarii; nec in hac corporis translatione & surreptione ullæ ad-
 „ hibitæ fuerunt diligentie quoad identitatem, nisi illæ, quæ tempori &
 „ loco fuerunt proportionatæ: loco quippe citato num. 13. hæc leguntur.
 „ Porro Venetici, quorum jam sæpe memoriam fecimus, cum ibi laterent, tulerunt
 „ corpus, & submittent in sportam operuerunt illud ex foliis oleum, ac
 „ desuper carnes porcinas imposuerunt: cumque ad navim pergentes inco-
 „ accedebant Saraceni, qui obviabant, ut cernerent quod portabant; sed, cum
 „ viderunt carnem porcina, quam ipsi abominantur &c. expuentes elongaban-
 „ tur. (Item apud Dandulum lib. 9. Chronici cap. 9. tom. 12. Script. rer. Ita-
 „ lic. pag. 251. & 252. narratur, quod A. 1094. occiso Petro Candiano Du-
 „ ce cum filio, & ecclesia, in qua conditum erat corpus S. Marci, cum pa-
 „ latio igne consumpta, nulla amplius extabat memoria loci, in quo erat
 „ sanctum corpus; eodem vero Divina ope invento, in novo quodam loco
 „ collocatum est secreto, consicis tantum Duce, Primicerio, Procuratore,
 „ & eorum Successoribus, ceteris autem locum prædictum ignorantibus.)

44 „ Se offert septimo loco furtum pariter factum a nauta Veneto cor-
 „ poris S. Athanasii, quod fuit Venetias a civitate Constantinopolitana
 „ delatum, & publico cultui expositum, intercedente auctoritate S. Lau-
 „ rentii Justiniani Patriarchæ Veneti, in ecclesia Monialium sanctæ Cru-
 „ cis. Furti historia ex veteri Italico Manuscripto edita fuit a Bollandia-
 „ nis tom. 1. *Mass pag. 422. ubi num. 422. hæc habentur: Napegius accep-*
 „ *ptum corpus gloriosum immisit in sacrum, quem ferebat; sed minus, quam*
 „ *ipsum, erat longum, ideoque necesse habuit complicare ejus extremitates. Itaque me-*
 „ *liori, ut posuit, modo compositum ad hoc, ut ipsum auferre posset, sub veste*
 „ *sua abdidit.* Delata hujusce facti noticia ad civitatem Venetiarum, san-
 „ ctus Patriarcha accersiri ad se fecit quemdam Magistrum Jacobum, qui
 „ octodecim annis fuerat commoratus in civitate Constantinopolitana,
 „ eodemque interrogato de ecclesia, in qua sacrum corpus erat condi-
 „ tum, de cultu, quem ibi apud Catholicos habebat, uti plene legitur
 „ pag. 253. num. 426. & seqq. Itatim ac navis advenit, idem sanctus Pa-
 „ triarcha nautam interrogare voluit de modo quo sacrum corpus surri-
 „ puerat, de loco a quo abtulerat; hisque peractis, sacras exuvias publicæ
 „ venerationi collocandas decrevit in memorata ecclesia sanctæ Crucis.

45 „ Se offert octavo loco furtum corporis Sancti Rochi: cum ete-
 „ nim ejus vitam Franciscus Diedo Senator Venetus edidisset, tanto de-
 „ votionis æstu Veneti abrepti sunt, ut, peregrinantium morè agmine
 „ facto, plerique ex eis accesserint ad Montem Pessulanum, & corpus sus-
 „ tulerint, illudque Venetias deportaverint, ubi etiam nunc colitur,
 „ juxta ea quæ plene referuntur apud Baillet in *vitis Sanctior. tom. 2. in vi-*
 „ *ta S. Rochi pag. 262. nec ulla umquam de sacri corporis identitate ex-*
 „ *citata fuit controversia; quin immo, ingruente timore pestis, sanct.*
 „ *mem. Urbanus VIII. jussit, ut insignis ex dicto corpore Reliquia in ec-*
 „ *clesia S. Rochi de Urbe collocaretur, & ibi publice coleretur, uti no-*
 „ rum

„ tum est, & fusius enarratur apud Castellinum in tractatu de *dilatione*
 „ *Canonizationis Sanctorum*, in appendice de S. Rocho.

46 „ Se offert nono loco furtum insigniffimæ Reliquiæ Præputii Chri-
 „ sti Domini nostri. Illud aservabatur [quemadmodum supra relatum
 „ est, & iterum nunc refertur, ut integra suffragii series super identitate
 „ corporis S. Joannis de Matha exponatur], in celebri Oratorio Urbis,
 „ quod dicitur *Sancta Sanctorum*: cumque sacrilegus Miles in Urbis di-
 „ reptione, quæ contigit A. 1527. eam rapuisset, & ex Reliquiario cry-
 „ stallino & aureo eam in vili scriniolo sub humo sepelivisset, Romam
 „ reversus, morboque correptus, in xenodochio S. Spiritus morti pro-
 „ ximus rei seriem aperuit, & locum, in quo sacram Reliquiam condi-
 „ derat, nominando videlicet pagum ditionis familiæ Anguillarix. Jus-
 „ su Clementis VII. factæ fuerunt exquisitæ diligentix in locis dictæ sa-
 „ miliæ: sed, cum tunc Reliquia reperiri non potuerit, post lapsum tan-
 „ dem annorum triginta in oppido Calcatæ ad familiam Anguillariam
 „ pertinente scriniolum repertum est, & delatum ad Magdalenam Stroz-
 „ ziam, quæ illud referavit coram nobili matrona Lucretia Ursina, &
 „ Clarice ejusdem filia; inventisque in scriniolo pluribus Reliquiis, cum
 „ in quodam involucrio inscriptum esset nomen JESUS, pie creditum est,
 „ in eo conservari sacrosanctum, Christi Præputium. Ablegatis a Paulo
 „ IV. duobus Canonicis basilicæ Lateranensis, qui illustrium dictarum
 „ seminarum testimonia receperunt, & ulterius testati sunt, inter cete-
 „ ras basilicæ Reliquias fuisse Præputium Dominicum, & illud post Ur-
 „ bis direptionem amplius inventum non esse, Pontificia intercedente
 „ auctoritate, fuit Reliquia collocata in ecclesia oppidi Calcatæ, in qua
 „ etiam hodie colitur, teste Cardinali Toletio in *comment. ad Evang. S. Lu-
 „ cæ cap. 2. annotat.* 31. cum quo concordant Cardinalis Rasponus de *Pa-
 „ triarchio Lateranensi*, & Petrasancta in *centuriis, censur.* 1.

47 „ Se offert decimo loco Responsum summi Pontificis Clementis
 „ VII. apud Raynaldum in *annal. ad A. 1527. num. 44.* Cum enim in su-
 „ pra recensita Urbis direptione navis tum profanis, tum sacris rebus
 „ onusta Sardiniam appulisset, sacrasque Reliquias Archiepiscopus Ca-
 „ lartitanus de raptorum manibus recepisset, & in sua Metropolitana ec-
 „ clesia recondidisset, & humillime Pontifici supplicasset pro earum con-
 „ cessione, Papa sic respondit: *Nisi essemus hac temporum procella ita per-
 „ turbati, ut nihil decernere in tanto motu possimus, non distulissimus hoc deside-
 „ rium Fraternitatis Tue, populi que tibi commissi, quin quod munus Dei volun-
 „ tas ad ista loca detulisset, Nos nostro assensu ratum faceremus. Sumus tamen
 „ eo omnino animo ac voluntate, ut, his rebus, si quando Deo placuerit, compo-
 „ sitæ, vestrae in hoc devotioni, quo plus poterimus, annuamus.*

48 „ Se offert undecimo loco furtum corporis S. Ludovici Caroli Re-
 „ gis Siciliæ filii & Episcopi Tolosani, cujus fit commemoratio in Mar-
 „ tyrologio Romano ad diem 19. Augusti. Corpus ejus a castro Brinçola
 M m m m 2 „ trans-

„ translatum fuit ad civitatem Massiliensem, & honorifice conditum fuit
 „ in ecclesia Fratrum Minorum; magnaue id solemnitate factum est,
 „ cum omnia expleta fuerint coram multis Cardinalibus, & Episcopis,
 „ & coram Roberto Siciliæ Rege fratre S. Ludovici. Permanit sacrum
 „ corpus in eo loco usque ad annum 1423. cumque tunc Alfonso Rex
 „ Aragoniæ & Neapolis Massiliensem civitatem depopulatus esset, inter
 „ cetera spolia secum detulit sacrum corpus, & illud collocari fecit in
 „ Metropolitana Valentina, ubi usque adhuc colitur, in vitis Massiliensibus,
 „ qui sub obtentu, quod Fratres Minores Conventuales opem dicto
 „ furto seu rapinæ præstitissent, eos a sua civitate ejecerunt, nec um-
 „ quam amplius recipere voluerunt, teste Baillet in *vitis Sanctorum*. tom. 2.
 „ in vita hujus S. Ludovici, ad finem.

49 „ Se offert ultimo loco furtum Brachii S. Lucæ Evangelistæ, quod
 „ conservatur in ecclesia S. Joannis Baptistæ Monachorum Cælestinorum
 „ civitatis Bononiæ. Fertur, hujus S. Evangelistæ corpus a civitate Con-
 „ stantinopolitana furtim translatum fuisse ad civitatem Brundulinam
 „ A. 1247. Fertur, eodem anno a civitate Brundulina translatum fuisse
 „ ad monasterium Guleti diocesis Nuscanæ, & post lapsum multorum
 „ annorum, anno videlicet 1506. Cardinalem Oliverium Caralam Com-
 „ mendatarium monasterii Montis Virginis majoris, & sic sibi jus asseren-
 „ tem super aliis monasteriis ab eo dependentibus, & signanter super
 „ monasterio Guleti, in quo ~~Moniales~~ habitabant, tentasse Brachium
 „ S. Lucæ, quod solum in eo monasterio remanserat, alio asportare, sed
 „ Abbatissam nomine Mariam Janimam de Gesualdo noluisse consensum
 „ præbere, sed Brachium consignasse Oliverio Janimo suo consanguineo
 „ Monacho Cælestino, qui illud bona fide dedit Abbati Generali sui Or-
 „ dinis Petro de Theano, qui illud detulit Bononiam A. 1510. Post hæc
 „ supplices preces exhibitæ fuerunt Julio Papæ II. qui, dum in minori-
 „ bus erat, Bononiæ fuerat Episcopus, ut committere dignaretur perio-
 „ næ idoneæ judicium super identitate Brachii: cumque per litteras A-
 „ postolicas expeditas die 13. Maji 1510. negotium fuerit ab eo commis-
 „ sum Cardinali Francisco Alidosio Bononiæ de latere Legato, cum sa-
 „ cultate subdelegandi Simonem Bonadies Episcopum Ariminensem tunc
 „ Bononiæ Vicelegatum, servatis servandis, sumptisque debitis informatio-
 „ nibus de fortiva Brachii translatione, fuit a prædicto Vicelegato
 „ prolata sententia favorabilis identitati Brachii, quæ subiuncte ab eodem
 „ Cardinali Alidosio confirmationis robur obtinuit; solemnique indicta
 „ Processione, sacra Reliquia collocata est in prædicta ecclesia S. Joan-
 „ nis Baptistæ Monachorum Cælestinorum, ubi in præsens etiam religio-
 „ se conservatur, uti desumitur ex authenticis documentis in archivo
 „ monasterii existentibus, & quæ etiam fuerunt typis impressa Bon-
 „ niæ A. 1689.

50 „ Procedunt hæc exempla in terminis furtorum sacrarum Reli-
 „ quiarum

quiarum ; procedunt hæc eadem exempla in terminis identitatis probatæ & admiffæ ex dictis eorundem furantium , etiamfi nonnulli ex illis non devotionis æstu , fed ad lucrum captandum sortum commiserint : cumque exempla fint plura , & ad insigniores etiam Italiæ Reliquias referantur , in tuto positum videtur effe assumptum in superioribus insinuatum , quoad Ecclesiæ praxim & disciplinam admittendi furantium dicta , quando res est de probanda sacrarum Reliquiarum identitate .

51 „ Non obistente replicatione , quod ultra attestations furantium aderant miracula : prætermisiss etenim prodigiis albedinis sacrorum ossium S. Joannis , & aliis quibusdam rebus , de quibus testes in nostro casu deponunt , nec in primo , nec in secundo , nec in tertio , nec in quarto , nec in octavo , nec in decimo , nec in undecimo ex allegatis exemplis ulla , quæ contigerint , referuntur ab Historicis miracula . Quibus omnibus etiam reverenter addendum est , quod , si pro regula statueretur , necessaria esse miracula in judicio identitatis sacrarum Reliquiarum , actum esset de cultu sacrarum Reliquiarum , quæ e Coemeteriis Urbis extrahuntur , & publicæ venerationi exponuntur in ecclesiis , præcedentibus tantummodo signis aut palmæ , aut vasis sanguine tincti . Qua in re utique maximum contineretur inconveniens , ad quod averteendum concludere opus est , quod miracula in hoc judicio profunt , sed quod non sunt necessaria . quodque sola necessitas reducit ad signa probabilia , & ad identitatis probationes , ex quibus certitudo moralis defumatur , quæ sicuti verificatur in corpore S. Joannis de Matha , sic nulla superest hæsitatio pro ejus identitate declaranda .

52 „ Et multo magis , cum hic & nunc non sit quæstio , an in hoc vel potius in alio loco corpus S. Joannis conservetur , uti accidit in corpore S. Benedicti , in corpore S. Scholasticæ , in corpore S. Monicæ , in corpore S. Bartholomæi Apostoli : in hac quippe facti specie oportet , ut contententes existentiam corporis in suo loco nedum probabiles afferant rationes , sed eas afferant talis generis & naturæ ut superent rationes illorum , qui corporis existentiam astruunt in loco diverso . In nostra facti specie nemo est qui dicat , corpus , penes se esse , & non in Conventu Matritensi ; consentiunt omnes , vel corpus esse illud , quod conservatur in Conventu Matritensi , vel in rerum natura non existere corpus S. Joannis de Matha : idque facit , ut eo libentius pronuntiandum sit pro identitate , prout humillime exoramus , ut debitus honor sacris exuviis restituatur , & insigne S. Fundatoris corpus publico suo cultu non fraudetur .

53 Hactenus suffragium , in quo nullum factum est verbum assertæ furtivæ translationis corporum S. Benedicti & S. Scholasticæ , quæ anno 660. contriisse fertur , cum destructo monasterio Cassinensi , Aigioliua qui-

quidam Monachus Floriacensis, & nonnulli Cenomani ad illud clam accedentes fustulisse sacra corpora dicuntur, ita ut corpus S. Benedicti ad Floriacenses, corpus autem S. Scholasticæ ad Cenomanos translatum fuerit, & ea quidem apud ipsos etiamnum existere contendatur. Mabillonius nempe, Saussajus, Hugo Menardus, & Boschius stant pro hac translatione: at eam strenue impugnant Loretus, Angelus de Nuce, & novissime Macchiarellus Monachus Camaldulensis. Admittit porro Angelus de Nuce, aliquam particulam potuisse in Gallias esse translata, & hinc invaluisse opinionem prædictæ translationis, cum etiam parva & exilis pars nomine totius figurate veniat. Nec res profecto aliter se habere potest cum restaurato coenobio Cassinensi, S. Zacharias Papa anno 746. ad illud accesserit, & in sua bulla testatus sit, se sacra pignora Benedicti & Scholasticæ fuisse veneratum; cum anno 1071. testibus Leone Otienensi, & Petro Diacono, eadem sacra corpora fuerint visitata & inventa integerrata, & indiminuta, uti loquitur Alexander II., qui novam ecclesiam consecravit, in sua bulla; cum anno 1486. publicum exaratum fuerit Instrumentum visitationis eorundem corporum auctoritate Joannis de Aragonia Regii filii, & Cardinalis Diaconi S. Hadriani; cumque iterata Inventio A. 1545. fuerit celebrata ab universo Clero & populo Cassinensi, Angelus autem de Nuce doctrina & pietate insignis se eadem corpora inspexisse testatus sit A. 1659. Cassinatibus cunctis, & aliis innumeris ad sacrum spectaculum religiose accurrenribus, & in lætitiæ lacrymas solutis, ut ipse testatur in *Chronico Cassinensi*, ubi addit: *Quod mihi felicissimum ducens, penitissimis ex visceribus cecini: Nunc dimittis, Domine, servum tuum in pace, quia viderunt oculi mei sanctissimum Patriarcham, Italia decus, Gallia desiderium.* At, redeundo ad nostrum institutum, pro complemento quæstionis de identitate corporis S. Joannis de Matha nihil aliud superest, quam ut sacræ Congregationis Decretum ab Innocentio XIII. confirmatum apponamus, quod ita se habet:

Decretum Hispaniarum identitatis Corporis Sancti Joannis de Matha Ordinis Sanctissima Trinitatis Redemptionis Captivorum.

S Oblato anno 1655. ab ecclesia S. Thome de Formis basilica Vaticana subje-
cta & in qua per plura sæcula marmoreo inclusum sepulcro jacuerat, corpo-
re S. Joannis de Matha Ordinis Sanctissima Trinitatis Redemptionis Captivo-
rum Fundatoris, eoque a duobus Fratribus Calceatis ejusdem Ordinis Matritum
delato, confectisque non multo post binis processibus, Romano uno super deficien-
tia sacri corporis, ejusque furivos in Hispanias asportatione, Matritensi aliter
in Tribunali Nyuntiatu super illius identitate; factaque pluries ejusdem a Nun-
tiis tunc temporis Apostolicis clara memoria Camille de Maximis, postea S. R. E.
Cardinali, ac Eminentissimo & Reverendissimo Domino Cardinali Marsicote
recognitione, cum Fratres Trinitarii Excalceati, quibus interim a clara memo-
ria

ria Cardinali Duratio Nuntio etiam Apostolico sacrorum assium custodia concedita fuerat, tam anno 1669. quam 1715. pro declaratione identitatis corporis apud sacr. rituum Congregationem institutis, negativum prodiit Responsum: Noti constare videlicet de identitate. Verum, cum a sancte memoria Clemente PP. XI. indultum fuerit, ut iterum de hac re in eadem sacra Congregatione ageretur, idemque Pontifex in locum clara memoria Cardinalis Casini Relatoris nuper defuncti Eminentissimum & Reverendissimum Dominum Cardinalem Albanum subrogaverit, eo ab Urbe absente, Eminentissimus & Reverendissimus Dominus Cardinalis Paulutius, instante P. F. Michaele a Sancto Iosepho Fratrum Excalceatorum ejusdem Ordinis Procuratore Generali, Dubium praedictum super identitate corporis nomine ejusdem Eminentissimi Cardinalis Albani in sacr. rituum Congregatione proposuit. Sacra vero eadem Congregatio, R. P. D. Prospero de Lambertinis Fidei Promotore tam in scriptis quam in voce audito, juribusque denno deductis exactius ac maturius examinatis atque perpensis, rescribendum censuit: Prævio recessu a decisis, constare ex sufficientibus probationibus, ad effectum, ut corpus Sancti Joannis de Macha publicam venerationi exponi possit: Die 6. Septembris 1721. Factaque deinde per me Secretarium de praedictis Sanctissimis Domino nostro Innocento XIII. relatione, Sanctitas sua benigne annuit, ac sententiam sacra Congregationis approbavit: Die 16. ejusdem mensis & anni 1721.

54 Hucusque adducta procedunt, cum in sacrorum rituum Congregatione disputatio assumitur de identitate alicujus sancti corporis aut Reliquiae. Id autem raro fit: petentibus etenim Postulatoribus facultatem recitandi Officium & Missam celebrandi propter insignem alicujus Sancti Reliquiam, quam habent in sua ecclesia, si petitis annuatur, responderi consuevit, *Pro gratia, citra tamen approbationem Reliquiae*. Quod utique magna cum prudentia fit, ne, si citra debitum examen identitatis Reliquiae gratia indulgeatur absolute & simpliciter, ea, utpote relata ad supplicationem Postulatorum, habeatur tamquam approbata Reliquiam; & ita quidem, ut, exortis difficultatibus super ejus veritate & identitate, lateri opus sit, gratiam concessam fuisse *sine examine*, habita fide expositioni Postulatorum.

55 Exemplum peti potest a sacra Lancea, quæ Christi latus aperuit, & quæ dicitur in Germania asservari, uti pluribus probare conatur Henricus Rebdoff *ad A. 1350.* Fundamentum potissimum constituitur in Indulto Innocentii VI. apud Raynaldum *ad A. 1354. num. 18.* ubi facultatem imperitur celebrandi festum in honorem sacrae Lanceæ in Germania & Bohemia seria sexta post Octavam Paschæ, & Indulgentiam elargitur illis, qui sacram Reliquiam devote visitaverint, quæ in civitate Pragenſi conservatur. Henricus I. Imperator sacram hanc Lanceam dono recepit a Rodolpho Rege Burgundiæ, minis adhibitis, teste Othone Frisingensi *lib. 6. cap. 18.* ubi ait: *Lanceam quoque sacram, quam Reges nostri hactenus habent, ab Arnulpho Lugdunensi Gallie, seu Burgundiorum Rege minis extor-*

fit *Henricus*. An autem hæc sacra Lancea illa sit, quæ latus Christi aperuit, affirmant Germani scriptores, quorum nonnulli etiam autumant, Lanceam, quæ Pragæ asservatur, eam esse, quam Norimbergenfes putant penes se retinere, uti videri potest apud Browerum in *annal. Treviren.* tom. 2. pag. 221. Dubitant autem alii, cum Auctores contemporaneos, aut proximi temporibus Henrici I. scribant, Lanceam illi donatam a Rodulpho, seu Arnulpho fuisse Lanceam Constantini Imperatoris mirandi operis clavis Christi crucifixi consecratam, quorum pars in ea esset inclusa; & hi sunt Abbas Uspergensis in *Chronic.* pag. 153. Sigebertus in *Chronico ad A.* 929. Luitprandus Ticinensis lib. 4. *hystor. cap.* 12. Auctor Vitæ S. Gerardi Abbatis apud Surium tom. 5. die 3. Octobris. Dubitant & alii, qui Lanceam, quæ Christi Domini latus aperuit, asservari dicunt in basilica Vaticana, uti supra visum est, & infra etiam videbitur. At, utcumque hæc sint, nihil interim detrahentes probabilitatis Germanorum opinioni, concessa quidem fuisse fatemur ab Innocentio VI. inlitan-
do Carolo IV. Imperatore, ea quæ superius dicta sunt, in honorem sacre Lanceæ, & insuper indultum fuisse, ut sexta feria post Octavam Dominicæ Resurrectionis speciale in Alemannia & Bohemia recitaretur Officium, per aliquos Præfules Catholicos, & alios paginæ Divinæ peritos ab eodem Principe eligendos ordinandum; sed hinc argumentum inferri non posse dicimus ad Apostolicum iudicium super identitate Lanceæ, quæ Pragæ asservatur, ut eadem videlicet sit, quæ Christi latus aperuit, teste Raynaldo ad *A.* 1354. num. 18. ubi ait: *Quæ de Lancea, qua Christi latus in cruce transverberatum est, retulit Innocentius, hæc ex Caroli Imperatoris relatione repetivit.* Hanc ad rem consuli potest Baronius quoque ad annum 929.

§6 Post primam huius Operis editionem prodierunt Antiquitates Italicæ mediæ ævi editæ a Ludovico Antonio Muratorio, de quibus supra mentio habita est. Porro in earum tom. 5. *differt.* 58. pag. 10. multa referuntur sacrorum corporum & sacrarum Reliquiarum furta, quæ merito ab eo reprobantur, eo etiam obtentu, quod hinc causam habet discordia, quæ inter urbes & oppida viget, unaquaque putante se habere corpus aut caput ejusdem Sancti; altera videlicet probante se illud habuisse, ac proinde adhuc habere; altera asserente, se illud furrupuisse, & apud se retinere. Addit deinde Auctor hæc verba: *Innumera sunt per universi Christiani Imperii fines id genus exempla, cum in tot diversis urbibus, non dicam modica Reliquia, sed capita & corpora ipsa unius ejusdemque Calitis habeantur atque colantur.* Porro liquet, quoties clam & furtivo ex antiquis tumultibus sublata fuerint corpora Sanctorum, id contra Canones actum; cum inconsulto Episcopo, transferre sacras Reliquias minime liceret, qui veritatem rei agnosceret, siquidem faceret tum presentibus tum posteris, nihil erroris aut fraudis intercessisse. Atqui, ubi furto res agebatur, piis illis furibus duntaxat erat habenda fides. Si quis hæc verba putaret adversariis, quæ a Nobis supra dedu-

deducta sunt, dum agebatur de identitate corporis S. Joannis de Matha, aperte deciperetur. Notandum quippe est verbum illud *dumtaxat*, quod alios quoslibet testes excludit, omnesque probationes coercet ad sola furum dicta. Animadversio hæc satis est ad submovendam quamcumque oppositionem; probatio siquidem identitatis corporis S. Joannis de Matha non soli furum dicto, sed præterea multis probationibus innixa est, quemadmodum legenti patebit.

C A P U T XXVI.

De loco, in quo sancta Corpora sacraque Reliquia debent conservari, & de aliis ad Corpora & Reliquias Sanctorum pertinentibus.

H Actenus de translatione, & de sanctorum corporum sacrarumque Reliquiarum identitate actum est ad normam Decretorum Congregationis sacrorum rituum; reliquum nunc est, ut, a Decretis & placitis ejusdem sacre Congregationis nequaquam recedendo, sermo instituat de loco, in quo sacre Reliquiæ debent conservari; de earum offensione; & delatione per Processiones; de indumentorum mutatione, quæ in sanctis corporibus aliquando fieri contingit; & demum de accurata sacrarum Reliquiarum conservatione.

2 Juxta hanc methodum initio ducto a loco, in quo sacre Reliquiæ debent conservari, regula generalis est ut sancta corpora, insignesque Reliquiæ, necnon corporis pars, in qua Martyr passus est, si tamen integra sit, nec collocentur in privatis ædibus, nec apud laicos homines, sed in ecclesia. Ab hac tamen regula excipiuntur magni Principes, & præcipue Ecclesiæ Præsules, cum quibus Sedes Apostolica liberalius agere consuevit; & ab eadem pariter prohibitiōe excipiuntur Reliquiæ minus insignes, quas Fideles in suis privatis ædibus, sed in loco apto & decenti conservare possunt, uti legitur in litteris Apostolicis Clementis Papæ X. infra referendis. Itaque licet in litteris authenticis Cardinalis Vicarii, necnon Sacristæ Palatii Apostolici, quibus concedantur aut sacra corpora, aut insignes Reliquiæ erant à coemeteriis Urbis, legatur, personas illas, quibus conceduntur, penes se eadem retinere posse; id tamen sit intelligendum est, ut non perpetuo retinere possint, sed ad tempus, & usquequo cum debito apparatu in ecclesiis collocentur, teste Marco Antonio Boldetto viro in hisce rebus expertissimo in *observat. ad sacra coemeteria lib. 3. cap. 15.* Cumque modo dictum sit, Sedem Apostolicam se gerere liberalius erga Principes, celeberrimum habetur Romæ exemplum. Dux etenim Joannes Angelus ab Altemps a summo Pontifice Clemente VIII. obtinuit corpus S. Aniceti Papæ & Martyris, quod fuit extractum et coemeterio Callisti, & ipse collocavit in nobili sacello sui palatii, in quo quotannis solemne festum celebratur: *Cum requirerisset*

Tom. IV.

N n n n

ejus

ejus (scilicet Aniceti) corpus in cœmeterio Callisti (verba sunt Joannis Angelii ab Altemps in ejus Vita cap. 14.) pia recordationis Clemens VIII. Pontifex maximus, zelo & pietate motus, curavit exhumari, ut decenti in loco collocaretur, majorique devotione a viris coli posset; & ut pluribus perentibus satisfaceres, fecit, ut diligenter inquireretur in eodem cœmeterio Callisti; & tandem reperta sunt quadraginta quatuor corpora sanctorum Martyrum, quæ quidem exhumata fuere a quodam pictore nuncupato Joanne Angelo, vulgariter nominato Toccacundo: & sciendum, hunc virum in hujusmodi cœmeteria & cryptas descendendi, corporaque illic existentia indagandi fuisse peritissimum. Hac sanctorum Martyrum corpora in palatii Apostolici sacrario delata fuere, & inde distributa pluribus reverenter expotentibus; ac inter ceteros alias ego humiliter petiti Aniceti corpus, quod notum mihi erat inter ea esse; atque eo majus illud habendi desiderium me tenuit, quia in Officio Divino fit de eo commemoratio, ac in Pontificia dignitate se optime gessit. Prædictus vero felix recordat. Clemens VIII. amoris ergo petitionibus meis benigne annuens corpus Sancti Aniceti Papæ & Martyris mihi concessit, quod 28. die Octobris 1604. a Reverendissimo Domino Angelo Rotea Augustiniano Tagastan. Episcopo. ejusdem Sanctissimi Sacris Præfecto mihi allatum in Confessione electis marmoribus contexta, sacculo in meis adibus a fundamentis ad hoc erecto in ibecis argentea, expressa, & plumbea, ac in labrum flavi marmoris olim Alexandri Severi Imperatoris sepulcrum via Appia servis ab Urbe lapide repertum, pie reponi jussi.

3. Hæc quoad ecclesiâ, in qua sacra corpora insignesque Reliquiæ sunt conservandæ: quoad locum vero in quo prædicta sancta corpora insignesque Reliquiæ conservari debent, non possunt ea reponi in arca, quæ super altare exponatur, sed vel sub terra, vel intra altaria, super quæ sacrificium Missæ celebratur; partesque sacri corporis aut Reliquiarum non admodum grandes in Reliquiariis clauduntur, ut in eorundem Sanctorum festis, aliisque solemnitatibus populorum venerationi exhibeantur. Ita nempe responsum fuit nomine sacræ Congregationis rituum a Cardinali Ruitheccio A. 1592. cuidam petitioni, quæ fiebat a Patribus Capuccinis civitatis Neapolitanæ, qui inventa corpora SS. Euphebi, Fortunati, & Maximi Episcoporum civitatis Neapolitanæ exponere cupiebant super altari majori in magna capsâ crystallina: Nullo modo probatur sacra Congregationi, ut sancta corpora reponantur in arca crystallina exponenda super altare, quemadmodum scribitur Patres Capuccinos intendere, cum id a ritu & usu Ecclesiæ alienum sit, quæ solet Sanctorum corpora tenere sub terra, vel intra altaria, supra quæ tremendum Sacrificium offertur. Proinde faciendum erit pulcrum altare marmoreum, intra quod prius rite consecratum sacra corpora reponantur, sic ut illa collocentur distinctim intra tres areolas plumbeas, sin vero aliter videatur intra unam, separatim tamen per intervalla. Ipsa autem involvantur sericis pannis coloris convenientis ordini eorum, puta Confessorum, vel Martyrum: atque intra eandem capsam seu capsas ponatur lamina ænea cum litteris bene scriptis continens Sanctorum nomina & tem-

pns,

pus, quo isthic fuerunt collocati, ac nutritiam loci, ex quo transiit fuerunt. Facienda præterea erit tabula marmorea, vel ænea, & loco ecclesia conspicuo affigenda, per quam constat intra ejusmodi altare esse corpus vel corpora ejusdem Sancti vel Sanctorum, qui illuc transferentur; addito, expresse id factum de licentia Sæe Sanctitatis. Poterunt autem per Patres aliqua Reliquiarum non admodum grandes reservari, ut hierothecis decentibus incluse in eorumdem Sanctorum festis, aliisque solemnitatibus populo supra altare veneranda exponantur.

4 In citata epistola Cardinalis Ruiticucci scripta jussu sacræ Congregationis rituum dictum est, Sanctorum corpora esse intra altaria collocanda, super quæ sacrificium Missæ celebratur: qui ritus sane est antiquissimus. In vita S. Felicis I. Romani Pontificis, qui mortuus dicitur die 29. Decembris anno Domini 274. hæc habentur apud Anastasium Bibliothecarium: *Hic constituit, supra sepulcra Martyrum Missas celebrari.* Postquam Cardinalis Baronius ad A. 389. textum quemdam retulit Eusepii, qui vixit sub Juliano, quique fuit hostis acerrimus & impius Christianæ religionis derisor, ita subjicit num. 82.: *Sed & ille veteris observantiae usus attendendus ex verbis Eusepii, non solum sub altaribus claudi Martyrum Reliquias, sed & foris relinqui præcipua eandem membra certis diebus cum illis perspicua ac adoranda.* Sanctus quoque Ambrosius in epist. 22. tom. 2. op. col. 874. ait corpora Christi Martyrum Gervasii, & Protasii, ante cancellos Sanctorum Felcis & Naboris a se reperta, mox sub altari deposita: & prosequitur §. 13. *Succedant Victimæ triumphales in locum, ubi Christus Hæstia est: sed ille super altare, qui pro omnibus passus est, isti sub altari, qui illius redempti sunt Passionem &c.* Locus iste Martyribus debebatur. Notissimum est illud S. Hieronymi adversus Vigilantium tom. 2. oper. pag. 395.: *Male ergo facit Romanus Episcopus, qui super mortuorum hominum Petri & Pauli secundum nos Ossæ veneranda, secundum te vilem pulvisculum, offert Domino Sacrificia, & tumultus eorum Christi arbitratur altaria: & concordat Aurelius Prudentius, qui floruit ineunte sæculo quinto ubi agit de martyrio S. Hippolyti, & de loco ejus sepulturæ assignato:*

Talibus Hippolyti corpus mandatur operis,

Propter ubi apposita est ara dicata Deo.

Illa Sacramenti donatric mensa, eademque

Custos fida sui Martyris apposita,

Servat ad æterni spem Judicis ossa sepulcro,

Pascit item sanctis Tibricolas dapibus.

Carmina hæc habentur hymno 10. in quo describitur Passio S. Hippolyti pag. 517. tom. 8. Biblioth. Patrum. De corporibus Martyrum sepultis sub altaribus Gregorius Turonensis de gloria Martyrum cap. 50. vol. 780. hæc habet: *Igitur martyrio consummatus gloriosus Photinus Episcopus, qui Lugdunensi præfuit urbi Sacerdos, per certaminis nobilis meritum invecus est calo: Cui & merito & sanctitate condignus Irenæus successit Episcopus, per martyrium & ipse finitus. Hic in crypta basilica Beati Joannis sub altari est sepulcrus, &*

ab uno quidem latere Epipodius, ab altero vero Alexander Martyr est tumultuatus. Quibus quidem coherenter in Cereemoniali Episcoporum lib. 1. cap. 12. §. 16. habentur hæc verba: *Locus, qui in plerisque ecclesiis sub altari majiori esse solet, ubi sanctorum Martyrum corpora requiescunt, qui Martyrium, seu Confessio appellatur. Cumque, occasione concessionis Officii & Missæ in honorem tunc Beati, nunc Sancti Joannis Nepomuceni, petita fuisset a sacrorum rituum Congregatione facultas ejus corpus, quod de pressiori quodam loco fuerat sepultum, elevandi, illudque supra altare collocandi, me tunc Fidei Promotore opponente, juxta antiquam Ecclesiæ praxim, & sacræ Congregationis Decreta, sacra corpora non supra altare, sed intra mensam altaris esse reponenda; sacra Congregatio respondit, corpus Beati Joannis esse elevandum, & collocandum intra mensam altaris, uti apparet ex hoc Decreto:*

P R A G E N.

Concessionis Officii & Missæ, necnon elevationis corporis Beati Joannis Nepomuceni Consuevi Metropolitana Praga.

Confirmata in sac. rituum Congregatione sub die 15. Martii proxime præteriti sententia a Reverendissimo Archiepiscopo Pragen. lata super cultu publico ab immemorabili tempore præstito Beati Joannis Nepomuceni olim ecclesiæ Metropolitana Pragen. Canonico, cum subsequente assensu Sanctissimi Domini nostri Innocentii Pape XIII. ad pias modo enixasque preces Cæsareæ Majestatis Caroli VI. Romanorum electi Imperatoris, totius Augustissimæ Domus Austriae, Serenissimi Regis Poloniae, ac etiam nonnullorum Eminentissimorum & Reverendissimorum S. R. E. Cardinalium, pluriumque Archiepiscoporum, Episcoporum, aliorumque Germaniæ Principum a sanctæ memoriæ Clemente Papa XI. ad sac. rituum Congregationem remissas, quibus supplicatum fuit, ut de Beato Joanne prædicto Officium & Missam de Communi Martyrum sub ritu duplici pro Regno Bohemiæ, Germaniæ, & Statibus hereditariis Augustissimæ Austriae Domus, cum facultate etiam collocandi in altare videm Beato sacro sito in Metropolitana ecclesiæ Pragen. corpus dicti Beati, quod usque adhuc sub humo quirevit, benigne concedere dignaretur, illasque ab Eminentiss. & Reverendiss. Dominis Cardinali ab Altbann relatas, sacra eadem rituum Congregatio, instante Joanne Ludovico Steyer Canonico præfata Metropolitana, hujusmodi Causæ Postulatore, & tam in voce quam in scriptis R. P. D. Prospero de Lambertinis Fidei Promotore prius audito, petitiu Officium & Missam de Communi unius Martyris sub ritu duplici pro Regno Bohemiæ, sub ritu vero semiduplici pro tota Germaniæ & Statibus hereditariis Augustissimæ domus Austriae singulis annis die 16. Maji concedi, prædictumque Beati corpus elevari, & intra altaris mensam arbitrio Reverendissimi Archiepiscopi collocari posse censuit, si Sanctissimus Domino nostro visum fuerit. Die 7. Junii 1721.

Factaque deinde per me Secretarium de predictis Sanctissimo Domino nostro Innocentio PP. XIII. relatione, Sanctitas Sua benigne annuit: Die 25. ejusdem mensis & anni 1721.

§ Sequitur ostensio, & delatio per Processiones. In can. 62. Concilii IV. Lateranensis, quod refertur in *cap. Cum ex eo, de Reliq. & venerari. Sanctor.* sic quoad ostensionem sacrarum Reliquiarum decernitur: *Cum ex eo quod quidam Sanctorum Reliquias exponunt venales, & eas passim ostendant, Christiana religioni detractum sit sapius; ne detrahatur in posterum, praesenti Decreto statuimus, ut antiqua Reliquia amodo extra capsam non ostendantur nec exponantur venales.* Nuda itaque in hoc juris Canonici textu prohibetur sacrarum Reliquiarum ostensio, vel quia, cum ossa nuda ostenduntur, tepescit multorum devotio, & datur detractoribus causa obloquendi; ut ait Abbas ad dictum textum; vel ne detur occasio Reliquias auferendi, & falsas pro veris supponendi, ut ait Fagnanus; vel quia debita sacris pignoribus reverentia operimentum exposcit, quemadmodum prosequitur Gonzal. in *cod. cap. Cum ex eo, de Reliq. & venerari. Sanctor.* Plura alia quoad ritum ostensionis sacrarum Reliquiarum legi possunt in disert. historico-Rituali super hac re exarata a Canonico Petro Moretto diligentissimo utique & accuratissimo viro, & Romae typis impressa anno 1721. ad quam in eo, quod attinet ad ritum ostensionis sacrarum Reliquiarum, lectorem remitto, cum in ea nihil sit; quod non fuerit exactissime discussum, ponderatum, atque ex antiquis, mediis, & recentibus monumentis collectum. Ex verbis Agnelli *part. 1. tom. 2. rer. Italicar. pag. 183. col. 1. in Vita Martini cap. 2.* ostensionis sacrarum Reliquiarum argumentum desumitur: *Et celebravit Romanus Antistes Missam in ecclesia Ursiana, & ostendit sandalias Salvatoris, quas omnis populus vidit.* Hic idem ritus insinuat in Ordine Romana duodecimo §. 46. tom. 2. *musci Italici editi a Mabillon: In exaltatione sanctae Crucis mense Septembris Sanctissimus Dominus Papa cum Cardinalibus intrat basilicam Sancti Laurentii in mane, ubi trahens Reliquias Apostolorum Petri & Pauli, & Lignum sanctae Crucis, & osculans, porrigit eas Cardinalibus deferendas ad ecclesiam Sancti Silvestri, & Dominus Papa cantat: Te Deum laudamus cum Cardinalibus in basilica, & Capellanis; eandemque consuetudinem subsequentibus temporibus fuisse Romae servatam colligitur ex Ciampino, dum viveret, amico nostro, in suo opere de aedificiis Constantini *cap. 4. sect. 4. num. 108.* Praememorati sacelli Ciborum Reliquiis Sanctorum Martyrum, Confessorum, ac Virginum erat refectum, quae feria secunda Paschatis populo in statione affuerant visenda exponebantur in triginta octo tabernaculis seu thebis elegantissimis ac pretiosissimis instructa.*

¶ 6 Hinc porro ut transeamus ad sacrarum Reliquiarum, & corporum sanctorum delationem per Processiones, pro statuenda hujus ritus antiquitate praesto est testimonium S. Augustini de *civit. Dei lib. 22. cap. 8.* ubi mentionem facit delationis Reliquiarum S. Stephani factae a Lucilio Episco-

Episcopo, populo præcedente atque sequente. Liceat hic quoque obiter adnotare, sacras Reliquias per Processiones deferri consuevisse impositas vehiculis & lecticis. Paulinus vitæ Ambrosii Scriptor num. 14. ait: *Sed ubi Sanctorum Martyrum* [Gervasii scilicet, & Protasii] *corpora sunt levata & in lecticis posita, multorum ibi sanata aegritudines perdocentur.* Evagrius referens; S. Ignatii Reliquias fuisse deductas in urbem Antiochenam lib. 1. hist. cap. 16. Henrico Valetio interprete, hæc habet: *Itaque quod olim fuerat delubrum Gentii publici, factum est templum & sacra ades Beati Ignatii, cum sacra ejus Reliquia ingenti pompa curru in urbem inducta & in templo deponere essent.* Alibi quoque dictum est, non posse in Processionibus deferri Reliquias Beatorum, sed solum Canonizatorum, obitanti-
bus Decretis sacre Congregationis; nisi forte a tempore immemorabili facta fuisset delatio Reliquiarum eorundem Beatorum in Processionibus, ut in iisdem Decretis cavetur, præservantibus quippe immemorabilem consuetudinem. Qualibet prima diemensis Augusti solemnis fit Processio ab ecclesia S. Francisci civitatis Assisien-
sis ad ecclesiam S. Mariæ Angelorum sitam extra dictam civitatem; comitantibus Religiosis universi Ordinis S. Francisci Minoribus videlicet Observantibus, Reformatis, Minoribus Conventualibus, & Capuccinis. Nimirum in *Legenda S. Francisci* inter opuscula S. Bonaventuræ habetur, S. Patriarcham proprio charactere Benedictionem conferuisse, ut in ore generet cuidam suo Religioso in monte Alvernæ cella recluso, qui gravi vexabatur tentatione, non carnis, sed spiritus; quem Religiosum fuisse Fratrem Leonem, testantur Pisanus in libro *Conformitatum*, Tossignan-
us in *Vita ejusd. Ven. Leonis*, in *Chronico Ordinis* part. 1. lib. 1. cap. 64. litt. B. & C. pag. 101. Auctor libri non exiguæ auctoritatis, cui titulus, *Fioretti di S. Francesco*, & Waddingus ad A. 1224. num. 7. pag. 314. prima edit. Benedictio itaque hæc scripta manu S. Francisci conservatur in Sacratio magnæ ecclesiæ in ejus honorem dicatæ, eademque Reliquiario inclusa defertur prima die Augusti debito cum honore in processione supra indicata. Anno autem Domini 1720. magna excitata est controversia, contendentibus nonnullis, prohibendam esse dictam Processionem tum propter dissidia, scandala, & alia multa mala, quæ ejus occasione contingebant; tum quia non constabat de identitate Benedictionis, eam videlicet quæ in Processione deferre-
batur, esse illam, quæ scripta fuit charactere Sancti Francisci; tum etiam quia epitola scripta manu alicujus Sancti non erat talis generis Reliquia, ut cultum & delationem per Processionem mereri videretur. Intererat Patrum Minorum Conventualium, ne Processio prohiberetur; cumque Cardinalis Vallemanus tunc Protector dicti Ordinis Minorum Conventualium mihi demandasset, ut jura adducerem prædictis suis Religiosis favorabilia, debitam huic mandato præstiturus obedientiam libellum edidi typis Fulginatibus impressum; & primo quidem antiquitatem Processionis demonstravi, & enixum summorum Pontificum desiderium, ut ea

ea quotannis fieret, quemadmodum colligitur ex Brevi Clementis VII. & ex altero Urbani VIII. quod est *trecentissimum in Bullario tom. 5. infinuari* secundo loco modum, per quem exaggerata mala & scandala tolli possent, salva Processione: tertio loco, congestis probationibus, in aperto posita identitatem Benedictionis: ultimo autem loco, allatis exemplis, comprobavi, in more positum esse, ut etiam epistolis conscriptis manu Sanctorum cultus religiosus exhibeatur. Idcirco sacra Congregatio particularis deputata a sanct. mem. Clemente XI. die 26. Julii 1720. re ad normam juris plene discussa, censuit, nihil esse innovandum; atque ideo in posterum fieri debere Processionem, & in ea deferendam esse Benedictionem scriptam caractere S. Francisci, & Fratri Leoni inscriptam.

7 Scripta multo arctius ad Sanctos pertinent, quam vestes. De vestibus inquit S. Joannes Chrysostomus *homil. 8. ad populum Antiochenum tom. 2. pag. 93. O quanta Sanctorum virtus! Non solum ipsorum verba & corpora, sed & ipsa indumenta creatura omni sunt perpetuo venerabilia &c. Pauli vestimenta languores expulerunt, umbra Petri mortem fugavit.* Quocirca si cultus vestibus non denegatur, multo minus scriptis denegari poterit. Laudantur merito Græci, qui autographam Apocalypsin summo in honore diu habuerunt: & in præclarissima Venetorum urbe Evangelium S. Marci Evangelistæ manu conscriptum summa in veneratione est. Abgarum Regem Edesse per epistolam Christum Dominum nostrum rogasse, ut sibi languenti sanitatem corporis impertiri dignaretur, Salvatorem autem nostrum respondisse, se post suam in cælum ascensionem aliquem ex Discipulis suis esse missurum, qui tum illi, tum ejus populis sanitatem afferret; & Thaddæum quidem anno quadragésimo tertio Edessam Syriæ profectum Abgarum Regem sanitati restituisse, eundemque una cum populo ad Fidem vocasse, multi graves referunt Auctores. Supplicem Abgari ad Christum epistolam ex Edessensæ civitatis tabulario erutam, atque e Syriaco exemplo græce redditam, ut & Christi Rescriptum latine redditum unusquisque legere potest *lib. 1. Eusebii Cæsariensis hystor. Eccles. cap. 13. ex versione Christophorobii: Disputatio tamen est inter Eruditos de harum epistolarum veritate. Stant enim pro illis Cardinalis Baronius ad A. 31. §. 60. & ad A. 43. §. 18. Tillemont. in vita S. Thaddæi, & signanter in septima annotatione, Honoratus a S. Maria ex Religiosa Carmelitarum Familia tom. 2. observat. de regnib. & Usu Critices lib. 4. dissert. 2. Jacobus Gregerus tom. 15. oper. edit. Ratisbonen. A. 1741. in tractatu de Imaginibus non manuscriptoris cap. 2. & §. 3. & inter Heterodoxos Guillelmus Cave in hystor. literar. Scriptor. Ecclesiastic. Ernestus Græbius tom. 1. specieg. Patrum pag. 1. & in annotat. pag. 319. Contra, eas esse apocryphas, probare conantur Natalis Alexander dissert. 3. in hystor. Eccles. sac. 1. & Dupin in nova Biblioth. Auctor. Ecclesiast. Et primæ quidem sententiæ novissime adhæret Antonius Sandinus in hystor. Apostol. pag. 170. & seqq. Præcipuum adversus veritatem epistolæ Christi Domini ad Regem Abgarum argumentum defumitur*

sumitur ex celebri Decreto de libris apocryphis edito a S. Gelasio Papa in Concilio Romano, in quo inter apocrypha prædictam epistolam recenset, uti videri potest apud Casaubonum *exercit. 13. advers. Card. Baronium ad A. 32*: At Gretserus *cit. pag. 3.* optime perpendit, Gelasii temporibus fuisse, qui epistolam Jesu ad Abgarum Canonicis Scripturis æquant, & pari auctoritate præditam existimarent: quorum persuasionem ut corrigeret Gelasius, epistolam hanc apocryphis adscripsisse, ut omnes intelligerent, eam Scripturis sacris longe postponendam esse; sed hoc Decreto noluisse impedire; quin ei, ut traditione humanæ, & historiæ, sua constaret auctoritas. Verum, utcumque sit de ea disputatione, certe qui epistolæ veritatem admiserunt, eam inter sacras Reliquias reposuerunt, & debito cultu venerati sunt, ut habetur ex historia Constantini Porphyrogeniti Imperatoris apud Card. Baronium *ad A. 944.* & ex Niceta Choniæ lib. 3. *de rebus gestis Andronici Comneni Imp.*, ubi describens seditionem adversus Andronicum jam Imperio dejectum Constantinopoli excitatam, & rapinam furentis populi etiam in sacella palatina, subreptionemque ornatum sacrarum imaginum, ait: *Et sacrosanctum illud vasculum furto sublatum, quo, ut a Majoribus accepimus, manibus scripta ad Abgarum litteræ continebantur*: Fertur quoque S. Paulus Apostolus a populo Messanenſi vocatus Passionem Christi annuntiasse, ac de mysterio Incarnationis, & virginitate Mariæ prædicationem instituisse: cumque Messanenſes a Paulo audivissent, Mariam Virginem adhuc vivere, & Hierosolymis degere, Legatos ad eam misisse dicuntur, qui epistolam reportarunt a Virgine hebraice scriptam, & in latinum deinde sermonem conversam, cujus autographum, si fides Flavio Dextro præstanda est, inventum dicitur in tabulario Messanenſi anno 430. Porro Rochus Pyrrhus in *secunda notitia Metropolitana Messanenſis* adversus epistolæ prædictæ veritatem multa congerit argumenta quibus satisficere conatus est Petrus Mendinus Abbas Generalis Ordinis S. Basilii in quodam opusculo Romæ typis impresso A. 1718. Epistolæ sinceritatem pluribus prosequitur Thomas de Angelo Ordinis Prædicatorum in *annal. historico-crit. Ecclesie Siculae* sac. 1. §. 1. Sed meum non est in præsentî de hac questione ferre judicium, de qua etiam infra: meum tantummodo est ostendere, disputari quidem de epistolæ veritate, non autem de eo, utrum, posita epistolæ veritate, cultus ei exhibendus sit, necne: ex quo proinde inferitur, de cultu exhibendo epistolæ scriptis a Sanctis, tamquam eorum Reliquiis, rationabilem moveri non posse controversiam, sive quod ad cultum spectat, sive quod ad delationem per Processiones, & præcipue quidem, quando ab antiquo tempore earum delatio facta est. Exemplum sit in supra citata Christi epistola ad Abgarum. Cedrenus in Imperio Michaëlis Paphlagonis describens Supplicationem institutam pro impetranda pluvia, cum magna siccitas esset, & totis sex mensibus non pluisset, hæc habet: *Supplicatum est a fratribus Imperatoris gestansibus humo sacrum mandylion, sive linteam* (loquitur de linteo, in quo

quo Christi vultus expressus erat) *Magno domestico epistolam Christi ad Abgarum, Protovestriario Georgio sacras cuniarum fascias.* Præterea miracula aliquando non defuerunt, quibus Deus pacificare dignatus est, se cultum prædictum approbare. De scriptis S. Martini ita canit Venantius Fortunatus tom. 8. *Biblioth. Patrum pag. 830.*

Martini meritis, aliis quoque febre crematis,

Sudores restuos pagina sicca dabat.

Unde salutifero medicamine charta fovebat,

Atque graves ignes littera tingit aquis.

Pestis abest cunctis hujus sermone rigatis.

8 Delationem sacrarum Reliquiarum per Processiones via & ratione jam exposita excipit mutatio iadumentorum, de qua pariter aliquando agitur in sacrorum rituum Congregatione ordinaria: si enim corpora Servorum Dei, & Beatorum, necnon etiam Sanctorum sint incorrupta, & vestes antiquæ, quibus ipsa sunt induta, temporis vetustate consumptæ sint, Fideles pia moti devotione novis vestibus illa induere cupiunt.

9 Celebre est quoddam rem præsentem exemplum S. Catharinæ Bononiensis, de cuius vestium mutatione hæc habentur apud Auctores & Bonovius annal. Eccles. tom. 17. pag. 485. *Corpus ejus, quod resussum odorem spiravit, & suavi sudare ex vultu manante fragoravit, adhuc integrum ac tractabile apud Bononienses visitur, ut illud Sanctimoniales vestiant, in cathedra colloquant.* Antonius Bellingher Societatis Jesu in *Calendar. S. Virginia Dei Maria pag. 125. Idem adhuc integrum Bononia visitur & tractabile, ita ut Sanctimoniales illud vestiant & in cathedra collocent: & Silvester Petrasancta in ibidem. vera religionis pag. 42. Ad diem nonam Martii Beata Catharina Virgo Bononiensis, Ea est, qua, licet ante ducentos amplius annos e virgo erepta dici possit, nihilominus adhuc visæ compos: non enim, sicuti mortui solent, si inerti jacet, sed sedet, quasi interfectis rebus humanis. Sanctimoniales Instituti Divæ Claræ, ex quarum familia fuit, tamquam superstiti obsequuntur, capitis populum, vestemque committunt, & ad benevolentiam quandam majestatem componunt.*

10. Confimilia leguntur passim in Actis Servorum Dei, & Beatorum. Corpus tunc Beati, nunc Sancti Jacobi de Marchia sæpius fuit antiqua veste expoliatum, & nova indutum. Corpus S. Mariæ Magdalænæ de Paziis novis indumentis aliquando vestitum fuit; quod etiam contigit in corpore beati Antonii a Stronconio, ut habetur in processibus pro eorum Canonizatione confectis. Tandem in Urbe anno 1697. facta fuit translatio corporis tunc Beati, nunc Sancti Pii V. & hujus translationis occasione corpus ejus fuit antiquis vestibus spoliatum. Mitraque & parva Crux, cum quibus cadaver fuerat tumulatum, dono datæ fuerunt a Patre Gloche Magistro Generali Prædicatore Innocentio XII. & pariter in Urbe anno 1699. cum fieret auctoritate Apostolica processus in specie super virtutibus & miraculis Servæ Dei Sororis Claræ Mariæ a Passione Ordinis Carmelitarum Discalceatarum, Fundatricis Monasterii Monia-

lunæ Regine Cæli, fieretque visitatio interna sepulcri, venerabile corpus fuit novis vestimentis indutum.

Hæc quoad morem exspoliandi, & novis vestibus induendi cadaverum Servorum Dei, vel Beatorum, vel jam Canonizatorum. Quod si simile aliquid fieri velit, & iccirco facultas petatur a sacra Congregatione, illa concedi consuevit, si legitima adfit causa; sed dummodo interveniant aut Episcopus, aut ejus Vicarius Generalis. Præterea adduntur conditiones quædam, videlicet ut vestium mutatio fiat secreto, absque ulla pompa & frequentia populi, & ne a sepulcro seu tumba vel capsa aliquid vel minimum ex devotione auferatur. Si res sit de exspoliando corpore sicutus Servæ Dei, sive Beatæ, aut Sanctæ, spoliatio vestium, saltem interiorum; & novarum impositio sit vel opera nobilium Matronarum, vel Sanctimonialium. Quocirca corpora Sanctarum Mariæ Magdalensæ de Pazzi, & Catharinæ Bononiensis vestiuntur & exspoliantur a Monialibus, & corpus Servæ Dei Claræ Mariæ de Passione fuit exspoliatum a duabus nobilissimis Urbis Matronis; Victoria videlicet, & Maria Magdalena de Falconeriis. Antiquæ demum attritæ vestes, in aliquâ capsâ clauduntur & obsignantur, præcipue vero, si res sit de vestibus, quibus induta fuerunt corpora Beatorum, vel Sanctorum, & traduntur Ordinario, vel retinentur in capsâ separata prope corpus.

Desumptæ hæc omnia ex Decretis sacre Congregationis editis in Causa Beatæ Catharinæ Fisiæ. Adornæ die 12. Maji 1703. & dum munereungebar Fidei Promotoris, die 4. Augusti 1708. Et sane rationabilia sunt, tum quia vestimentis Beatorum & Sanctorum veneratio est etiam exhibenda, juxta paullo adducta, & præterea juxta epistolam Nicolai Pontificis ad Michaelem Imperatorem: *Verantamen, si ad eorum consortium pervenire optamus, profecto hæc omnia, id est tam Reliquias non solum corporum, sed & vestimentorum, seu etiam Imagines vultus eorum in quolibet loco depictas celeberrimo honore venerari debemus: tum quia vestium mutatio pertinet ad honestatem sepulcri, atque ideo curanda est honestas sepulcri, in quo reconditum est corpus Servi Dei, vel Beati, vel Sancti.* juxta celebre Rescriptum Imperatorum Theodosii, & Valentiniani tit. 3. de sepulcris, in Cod. Theodos. Scimus enim, nec vana fides, & solus membrum animas habere sensum, & in originem suam spiritum redire calstem: Hoc dubius veteris sapientia, hoc religionis, quam veneramur & colimus, declaratur arcanis: & licet occasus necessitatem mens Divina non sentiat, amanti tamen anima sedem corporum relictorum, & nescio qua sorte rationis occultæ, sepulcri honore latantur.

13. Superest accurata sacrarum Reliquiarum conservatio. Inter pretiosas Reliquias, quæ ad Fidelium venerationem Romæ expositæ sunt, Scilicet Sanctæ profecto referri debent, quæ Salvatoris nostri, dum mortis appropinquaret, vestigiis pretioso ejus sanguine respersi calcæatæ, & juxta antiquam Patrum traditionem pietatis causa ab Hierosolymis e Prætorio,

torio, ubi Pilatus præfuerat, Romam advectæ apud venerabilem S. Joannem Lateranensem basilicam asservantur. Porro, licet nonnulli hanc Sclarum translationem ausi sint traducere, tamquam Evangelio repugnantem, eo potissimum quod Christus Dominus noster prædicens everisionem civitatis Hierosolymitanæ, quæ postmodum sub Tito Duce contigit, dixerit, lapidem super lapidem, qui non destruitur, non esse relinquendum; communis nihilominus sacrorum Interpretum expositio docet, verba prædicta non esse stricto & litterali sensu accipienda, sed prolata censeri debere ad patefaciendam futuram illam inclytæ civitatis summam vastationem, uti adverterunt & explicarunt Nicolaus Lyranius, & Cornelius a Lapide in cap. 24. *Matthæi*.

14. Ferunt itaque, Scalas sanctas ad Urbem translatas fuisse opera S. Helenæ matris Imperatoris Constantini, teste Megisto Abbate cœnobii S. Gregorii ad Clivum Scauri, qui vivebat anno 844. cujus narratio asservatur in Vaticana bibliotheca: non ita autem, ut transportatio Sclarum miraculo sit adscribenda; humano quippe modo facta dici potest, & iisdem prorsus auxiliis, quibus ab Ægypto pyramides Romam delatæ sunt, quemadmodum, impias Calauboni irrisiones redarguendo, bene animadvertit Cardinalis Peronius in Opere, cui titulus, *Peroniana, & Tiburna*, pag. 341.

15. Sclarum gradus sunt numero viginti & octo; & teste citato Megisto, collocati fuerunt ab Imperatore Constantino in porticu palatii juxta scalam, quæ ducebat ad Patriarchium: cumque temporum injuriâ non essent amplius in scalarum formam dispositi, Sergius Papa II. A. 844. ædificio constructo, ante basilicam Constantinianam ipsos magnifice voluit collocari. Cum Megisto concordat Anastasius, seu quivis alius Auctor in *Sergii vita* pag. 343. Et quamvis ab aliquibus dubitatum fuerit, utrum verba Anastasii, *Es aliud quidem opus ante fores hujus veneranda basilica valde optimum peregit. Quia sacra pridem qua lasebant populi, Limina summo studio omnibus manifesta constituit, cum pulcre decoros ibidem arcus a fundamentis construeret, quos etiam variis picturis nitide decoravit*, explicanda sint, & intelligenda de Porta sancta, an potius de Scalis sanctis, uti videri potest apud Cardinalem Baronium ad A. 844. sub num. 13. cessare nihilominus dicenda est quælibet dubitatio, postquam Paschalis Papa II. in sua bulla edita A. 1099. quæque authentica forma servatur in archivo Lateranensi, clare & dilucide dixit, Sergium Papam II. suum Antecessorem constituisse sacra limina, seu venerabiles gradus sanctarum Sclarum ante ecclesiam Lateranensem: *Cum itaque sacra limina, seu venerabiles gradus, quos Hierosolymis Jesus Christus Dominus noster suis gressibus, & sanguine consecravit, dudum Laterani latentes in sui Pontificatus primordiis ante fores ecclesie Lateranensis sponsa nostra in Scalam vulgo Pilati dictam adaptaverit, arcusque ibidem ab eodem erectos devotis picturis exornaverit &c.*

16. A Sergio II. ad Cælestinum III. nulla quoad locum Sclarum san-

starum facta est mutatio. et hujus Pontificis tempore facta est earum collocatio ante sacrum Patriarchium juxta Porticum Lateranensem, ut sextis potissimum feriis, & hebdomada majori libere possent homines basilicam ingredi Constantinianam, in quam memoratis intrare non poterant diebus propter multitudinem ad Scalas sanctas accedentium, quæ (uti dictum est) sitæ erant ante basilicam; sicuti refert Nicolaus Processi ecclesiam Lateranensem Beneficiarius circa annum 1362. in additione ad relationem Abbatis Megisti: *Tantum legimus fuisse copiam virorum & mulierum ad istos gradus Scale Pilati venerationem genustantium Fidelium, ut ingressus ad basilicam Lateranensem adeo difficilis esset, maxime feriis sextis, & hebdomada majori, ut Cælestinus III. filius Petri Bubonis de Domo Vestina ante sacrum Patriarchium Lateranensem ipsam Scalam Pilati transferret, ibidem, sicut etiam voluit ante.*

17. Inter Cælestinum III. & Sixtum V. summos Pontifices Urbis excidia, direptiones, & alia acciderunt calamitates; & ita quidem, ut Salarum sanctarum status provida translatione, & nova magnifica collocatione indigeret. Quapropter Sixtus nobile illud, quod adhuc extat, construxit aditum; & sanctarum Salarum gradus disposuit ante Capellam toto terrarum orbe celeberrimam, quæ dicitur Sancta Senatorum, uti legitur in bulla 105. ejusdem Sixti in Bullario Romano.

18. Scalas ergo sanctas in loco, in quo nunc sunt auctore Sixto Pontifice, constituit, simulque quasque aliis constructis scalis, binis videlicet ad dexteram, aliisque binis ad sinistram, tum ne quis per eandem Scalas sanctas, nisi orandi tantum causa, & genibus flexis, transiret, tum ne Christifideles ex omnibus mundi partibus concurrentes in ascensu & descensu sese invicem impedirent, & ante omnes memoratas Scalas edificata spectabili porticu ferreis cratibus septa, longævi temporis cursus, & frequentissimi per Scalas sanctas ascensus nedum effecerunt, ut sanctissimi Dominici Cruoris vestigia quæ tempore Sixti extabant, ut ex ejus bulla deprehenditur, Non modo nudis sacrorum pedum plantis, sed eo ipso, quem pro nobis effundebat, inestimabili sanguine aspersit, simulque gloriosos beatorum pedum, & cruoris ex sanctis vulneribus copiose manantis vestigia, quæ adhuc erant, impressas ac notatas reliquit, amplius non extant, sed etiam, ut octavus una cum nono & decimo ex Salarum gradibus sit omnino detritus & fere consumptus; in aliis autem ex impressione genuum, & calcamentorum contactu tales foveæ apertæ sunt, ut difficile admodum sit, illis genua imponere.

19. Delata itaque Præpositura Salarum sanctarum ad Marcum de Giliis, cum hic ad avertendam imminentem graduum ruinam Clementi XI. supplicasset, Pontifex mihi tunc Fidei Promotori mandavit, ut rem mature perpenderem, & animi mei sensum scripto aperirem. Mandatis, uti debebam, parui, cumque negotio adhuc non discusso, Clemens ex hac vita decessisset, tempore ejus Successoribus Innocentio XIII. absolute

tum est in sacra Congregatione Apostolica Vilitationis anno 1723. in qua, utcumque nonnulli ipso futuri miraculi ad servandas Scalas ab imminenti interitu contenderent, rem in eo statu remanere debere, in quo erat; statutum est, quemadmodum ipse in meo suffragio insinuaveram, ut, remanentibus sicuti erant, gradibus singuli eorum ligneo claudentur operculo rimulis quibusdam perforato, ut ascendentes & videre, & osculari sacra Limina possent; attamen ita composito & aptato, ut statis diebus, & ad libitum summi Pontificis auferri posset. Reque hoc modo confecta, servata est ab interitu Scala sancta, quam antiquiores Pontifices tanta veneratione coluerunt, Sergius videlicet I. Stephanus III. Hadrianus I. Leo III. Sergius II. Leo IV. Caelestinus III. Gregorius IX. Honorius III. ut nudis pedibus, & lacrymabundi eam ascenderint, veluti habetur in citatis Operibus Megisti Abbatis, & Nicolai Processi; ut interea silentio prætereatur frequens ad eas accessus virorum sanctitate illustrum, Ignatii videlicet Loyolæ, Francisci Xaverii, Philippi Neri, & Caroli Borromæi.

20 Accurate sacrarum Reliquiarum conservationi coheret diligens custodia ne furto auferantur: cumque in superioribus nonnulla de his facta dicta sint, ne quis ex prædictis in eam abducatur credulitatem, ut permillum censei debeat furem sacrorum corporum seu Reliquiarum, nonnulla ad rem hanc modo addenda sunt. Et interea bina ex sacra antiquitate fas sic asserre monumenta, quibus ponitur in aperto, quæcumque diligentia fuerint a Christianis custodite Sanctorum Reliquiæ, ne furtim auferrentur. Paulinus in *Vita Ambrosii* (n. 33. tom. 2. oper. ejusdem Sancti) sic loquitur: *«Omnino tamen a Custodibus loci illius, quod a parentibus suis illis traditum sit, non discedere de loco illo per omnem generationem & progeniem suarum, eo quod thesauri magni in eodem loco positi essent. Et vere magni thesauri, quos non arago neque timea exterminat, neque fures effodiunt & furantur, quia custos totum Christus est, & locus eorum aula celestis, quibus vivere Christus fuit, & mori laurum»*. Consimilia sunt quæ leguntur in Actis Sanctorum Epipodii, & Alexandri (apud Bollandianos ad diem 22. Aprilis tom. 3. pag. 10.): *«Hos itaque semper concordet & sociis, quia mors diviserat, sepultura conjunxit, dum furantibus Christianis, educta occultis extra urbem corpora absconsa conduntur: Erat enim in colle superposito civitati conereticis densatus stipitibus locus... qui in recessu venerabilia corpora religiosa provisione demersa sunt... Postea vero venerabilem locum Religiosorum cultus servavit, & prodidit reverentia deducta per posteros, & virtutis plurima, quæ Sanctorum potentiam prodiderunt»*.

21 Permissum itaque non est, licet obtentu pietatis, sacra corpora sive Reliquias furari, uti probat Textus in can. *Quisquis*, 17. quasi. 4. Si quis domum Dei violaverit, & aliqua sine licentia illius, cui commissæ esse dignoscitur, inde abstulerit, vel Ecclesiasticis personis injuriam fecerit, donec in conventu admittitur legitime satisfacias, sciat se Communionem privatum: Si vero

ro post secundam & tertiam conventionem coram Episcopo satisfacere detractaverit, sacrilegii periculo ab omnibus obnoxius teneatur, ita ut secundum Apostolum nemini Fidelium misceatur. Quod etiam latius prosequuntur Ferrand. *disquisit. Reliq. lib. 1. cap. 8. art. 2.* & Piringh. *ad tit. Decretal. de Reliq. & venerat. Sanctor. §. 2. sub n. 12.* Hæc tamen regula generalis limitatur in casu, in quo quis ab Infidelibus auferret sacra corpora sive Reliquias. Hic enim furtum non committeret, quia licet Infideles quoad actum subductionis esse possent inviti, essent tamen inviti irrationabiliter: idque facit, ut ipsa subductio nec furtum nec sacrilegium dicenda esset; quemadmodum, congesta undique eruditione, probat Theophilus Raynaudus *oper. tom. 1 §. in libro, cui titulus, Heteroclitia spiritualia, punct. 9. a n. 20. usque ad n. 25.* Nec pariter reprehensione, sed potius commendatione digni essent illi, qui numerata pecunia redimerent Sanctorum corpora aut Reliquias, quas Infideles essent sociaturi: laudatur enim Luitprandus Rex Longobardorum, qui magno pretio solus, corpus S. Augustini a Saracenorum manibus vindicavit, ut ab insula Sardinie, ad quam fuerat a Patribus Africanis tempore eorum exilii collocatum, ad civitatem Papiensem transferret. En verba Ven. Bedæ in *Chronico* (pag. 33. edit. nova Cantabrig.) Luitprandus audiens, quod Saraceni, depopulata Sardinia, etiam loca sociarent illa ubi ossa Sancti Augustini Episcopi propter vastationem Barbarorum olim translata, & honorifice condita fuerunt, misit, & dato magno pretio accepit & transfudit ea in Thomis, ibique cum debito tanto Patri honore recondidit.

22 Qui plura scire cupit de sacrorum corporum seu Reliquiarum furto, consulere potest Auctores, qui passim obvii sunt, & a quibus fufe materia prædicta pertractatur. Quoad praxim autem Sedis Apostolicæ adnotandum est primo, eam se liberalem exhibuisse in largitione earum Reliquiarum, quæ furto quidem sublatae fuerant, sed tamen a manibus furum ad alios devenerant, qui eas reverenter excipientes ab irreverentia subtraherent. In misera Urbis direptione tempore Clementis VII. contigit, ut navis onusta tum profanis tum sacris rebus Sardiniam appelleret: Archiepiscopus Calaritanus sacra ossa, ut effugerent manus impiorum, debito cum honore in sua Metropolitana condidit ecclesia. Cumque idem Archiepiscopus, datis ad summum Pontificem litteris, rem totam aperuisset, & humillime supplicasset, ut Reliquiæ prædictæ suæ concederentur ecclesiæ, Clemens Papa VII. sic respondit: *Nisi essemus hac temporum procella ita perturbati, ut nihil decernere in tanto motu possemus, non distulissimus hoc desiderium Fraternitatis Tuæ, populi que tibi commissi; quin, quod minus Dei voluntas ad ista loca detulisset, Nos nostro assensu ratum faceremus. Sumus tamen eo omnino animo ac voluntate, ut his rebus, si quando Deus placuerit, compositis, vestra in hoc devotioni, quo plus poterimus, amemus. Ita legitur apud Raynaldum in: *anual. ad A. 1527. n. 44.* & supra quoque relatum est.*

23 Secundo, Sedes Apostolica censuit, annuendum esse eorum petitioni, qui pro Reliquiarum sibi ablatarum restitutione si supplicarent, ut apparet ex Apostolicis litteris Clementis VIII. in quibus iussit, ut corpus Sèrvi Dei, nunc Sancti Joannis de Cruce, restitueretur oppido de Ubeda diocesis Giennensis: Anna enim de Pennalosa illud e monasterio Fratrum Carmelitarum extraxerat, & ad civitatem Segobiensem transfulerat.

Venerabili Fratri Episcopo Giennensi, & dilecto Filio Lupo de Molina nostro & Apostolice Sedis Notario, ac Thesaurario Collegiatæ ecclesiæ.

oppidi civitatis nuncupat. de Ubeda Giennensis diocesis.

C L E M E N S P A P A V I I I .

Venerabilis Frater, & dilecte Fili, salutem &c. Expositum Nobis nuper fuit pro parte dilectorum Filiorum Gubernatorum Viginquatuor nuncupat. & Civium oppidi civitatis nuncupat. de Ubeda Gienn. diocesis, quod cum quondam Frater Joannes de la Cruz, Ordinis Fratrum Carmelitarum Discalceatorum, dum vixit, Religiosus Vir, morum ac vite sanctitate & exemplo insignis, & uti talis habitus & reputatus; in monasterio Sancti Michaelis ejusdem Ordinis in eadem oppido sit ab humanis discessisset, & ibi sepultus fuisset, ejusque sepulchrum apud omnes in magna veneratione esset; novissime, dilecta in Christo, Filia Anna de Pennalosa muliere Segobien. precibus & favoribus instigante, ipsius Joannis corpus ex predicto monasterio secreta per Superiores predicti Ordinis extractum, ad civitatem Segobien. in altiori noctis silentio translationem fuit, ibique nunc reperitur, & in magna veneratione habetur. Cum autem, sicut eadem expositio subiungebat, populus dicti oppidi, corpus dicti Fratris Joannis sic ex dicto oppido subraçtum fuisse egre ferat, Nobisque humiliter supplicare fecerit, ut in præmissis opportune providere de benignitate Apostolica dignaremur; Nos jussis eorum petitionibus, ut par est, benigne annuentes, de venerabilium Fratrum nostrorum S. R. E. Cardinalium super negotiis Episcoporum & Regularium Præpositorum consilio vobis per presentes committimus & mandamus, ut venerabilem Fratrem Episcopum Segobiensem, ac dilectas Filias Superiores predicti Ordinis, & quicumque alias, ad quos spectat, vel spectabit, nomine & auctoritate nostris primò requiratis, & memoratis, & si requisitioni & monitioni hujusmodi non paruerint, & de non paritione legitima constiterit, eis in virtute sanctæ obediencie, ac sub indignationis nostræ, & interdicti ingressus ecclesiæ quoad Episcopum, necnon excommunicationis, & aliis censuris & poenis Ecclesiasticis per Nos, & etiam sæpius aggravandis quoad alias Superiores eadem auctoritate nostra mandetis & præcipiatis, ut corpus dicti Fratris Joannis eidem oppido, & predicto monasterio restituerent non prætermittant, & nihilominus corpus predictum ad oppidum & monasterium hujusmodi repor-

346 DE SERVORUM DEI BEATIFICATIONE

reportari, in spulcro ejusdem monasterii, in quo antea situm erat, iterum collocari secreto factis, eisdem Episcopum, & Superiores: ac alios quoscumque contradictores per predictas censuras & poenas, aliaque opportuna juris & facti remedia, appellatione postposita, compescendo, invocato etiam ad hoc si opus fuerit, auxilio brachii secularis: Non obstantibus quibuscumque Constitutionibus & ordinationibus Apostolicis, ac predicti Ordinis, etiam juramento, confirmatione Apostolica, vel quavis firmitate alia roboratis, Statutis & consuetudinibus, ceterisque contrariis quibuscumque. Datum Rome apud Sanctum Marcum &c.

24 Tertio, pariter Sedes Apostolica restituenda esse censuit ea sacra corpora, quæ titulo depositi fuerant ad alium locum translata, uti similiter colligitur ex Apostolicis litteris Clementis VIII. quibus præcepit, ut Archiepiscopo, Decano, & Capitulo Toletanis restitueretur corpus Beati Ildefonsi, quod in generali occupatione Hispaniarum per Saracenos facta fuerat transportatum ad civitatem Zamorensem.

Venerabili Fratri Episcopo Zamoren.

CLEMENS PAPA VIII.

Venerabilis Frater, salutem &c. Quæ ad Sanctorum venerationem augendam, Beatorum præsertim Amisum, pertinere intelligimus, ita libenter ex Pastoralis munere officii nostri partes impertimur, ut Deus in Sanctis suis, in quibus semper est mirabilis, magis collaudetur. Cum itaque, sicuti dilectus Filius noster Gaspar Tituli Sanctæ Balbinæ Presbyter Cardinalis & Archiepiscopus Toletanus, ac dilecti Filii Decanus, Capitulum & Canonici ejusdem ecclesiæ Toletanæ, Nobis nuper exponi fecerunt, quod Beatus Ildefonsus olim Toletanus Antistes in ipsa civitate Toletana nobilissimis parentibus ortus multum suo tempore verbo & exemplo profuerit, ac quamplura miracula ibidem ediderit, ac tandem, quando in Domino obdormivit, etiam in ipsa Beata Leocadia basilica Toleti sepeliri voluerit circa annum Domini DCLXXVII. propter devotionem, qua ipsam Beatam Leocadiam prosequabatur, cujus Ildefonsi corpus in generali a Saracenis Hispaniarum occupatione in civitatem Zamoren. translatum est, & usque in hunc diem in ecclesiâ Beati Petri Zamoren. quiescit; quare idem Archiepiscopus, Decanus, & Capitulum Nobis humiliter supplicari fecerunt ob Cleri & populi Toletani erga eundem Beatum Ildefonsum piam devotionem, quem sibi ipsa Ecclesiâ & Civitas Toletana cum Eugenio & Leocadia in Patronum delegerunt, quatenus ejusdem Beati Ildefonsi corpus eidem Civitati Toletanæ restitui mandare dignemur, sicuti a Prædecessoribus nostris sapius diversorum Beatorum corpora suis sedibus restituta fuere, & prout nuper a sel. record. Pio V. & Gregorio XII. Romanis Pontificibus prædecessoribus nostris ipsorum Eugenii & Leocadiæ BB. Corpora ex ipsa civitate Toletana in Galliam, & Artesiam olim delata ipsi Toletanæ civitati restituta fuere, in qua maxima solemnitate recepta devotissime asseru-

tur:

tur : Nos his exemplis , & aliis iustissimis animum nostrum moventibus causis adducti , ac supplicationibus huiusmodi inclinati , Apostolica auctoritate tenore praesensium Fraternitati tuae committimus & mandamus , quatenus statim , visis & receptis praesentibus , nullo alio a Nobis expectato mandato , seu mentis nostrae attestatione , in virtute sanctae obedientiae , ac indignationis nostrae , necnon interdicti ingressus ecclesiae , & suspensionis a regimine & administratione ipsius Ecclesiae Zamoren. eo ipso incurrens poenis accedas propterea , quo fueris accedendum , & inde corpus ipsum ejusdem Beati Ildefonsi in civitate tua & in ecclesia Parochiali Sancti Petri Zamoren. existens , ea qua decet reverentia extrahas , ac persona seu personis ad hoc munus peragendum idoneis a praedictis Archiepiscopo & Capitulo Toletan. diligendis consignes , ut inde ad ipsam civitatem & ecclesiam Toletanam simili reverentia deferant , & in loco ibidem ad id per eundem Archiepiscopum & Capitulum eligendis collocent . Mandantes propterea dilectis Filiis Reſtori , & , si qui sint , Beneficiatis praedictae Parochialis ecclesiae Sancti Petri civitatis Zamoren. ac Capitulo & Clero , necnon universo populo civitatis & diocesis Zamoren. in virtute ejusdem sanctae obedientiae , necnon indignationis nostrae , atque excommunicationis , aliisque , etiam gravioribus , arbitrio nostro infligendis , ipsiſque Reſtori , Beneficiatis , Capitulo , & Clero & sub privationis quorumcumque obtentorum Beneficiorum , officiorum , Canoniciatum , & Præbendarum , necnon Dignitatum , inhabilitatiſque ad illa , & alia in posterum obtinenda poenis , ut corpus praedictum sine ulla contradictione , ut petitur , transferri permittant , eisdemque ad translationem huiusmodi sic deſectis personis omne auxilium , consilium , & operam praestent , ut translatio huiusmodi sine impedimento , aut dilatione , seu difficultate aliqua fiat & exequatur , omni & quacumque mora , appellatione , reclamazione , & recurſu remotis , invocato etiam ad hoc , si opus fuerit , auxilio brachii ſacularis . In memoriam autem ejusdem Beati Ildefonsi concedimus , ut aliqua ejusdem corporis particula in eadem Parochiali ecclesia pro ipsius populi devotione remaneat . Non obstantibus Constitutionibus & ordinationibus Apostolicis , ac Ecclesiae Zamoren. & Parochialis Sancti Petri , etiam juramento , confirmatione Apostolica , vel quavis firmitate alia roboratis , Statutis & consuetudinibus , ceterisque contrariis quibuscumque . Datum Roma apud Sanctum Marcum &c.

Venerabili Fratri Archiepiscopo , ac dilectis Filiis Decano , Canonicis ,
& Capitulo Ecclesiae Toletanae .

CLEMENS PAPA VIII.

Venerabilis Frater , ac dilecti Filii , salutem &c. Cum Nos hodie per nostras in forma Brevis litteras ex causis in eisdem expressis venerabili Fratri Episcopo Zamoren. mandaverimus , quatenus corpus Beati Ildefonsi in Parochiali ecclesia Sancti Petri Zamoren. existens persona seu personis ad hoc a vobis diligendis ad effectum illud transferendi , & in vestra Toletana ecclesia collocandi consignaret , concedentes , ut aliqua ejusdem corporis particula in eadem Parochiali

ecclesia remaneret, prout in eisdem litteris, quarum tenores presentibus pro expressis haberi volumus, plenius continetur: ut autem dilecti Filii Rector, seu Beneficiarius, si qui sint, ejusdem Parochialis ecclesie Sancti Petri Zamoren, predictam translationem minori cum incommodo sustineant, vobis, ut eidem Parochiali ecclesie aliquam seu aliquas alias Sanctorum Reliquias, etiam auro, argento, & gemmis ornatas, concedere possitis, ipsique Rector, & Beneficiarius illas libere & absque aliquo conscientie scrupulo recipere valeant, Apostolica auctoritate tenore presentium facultatem concedimus & impertimur: Non obstantibus Constitutionibus & ordinationibus Apostolicis, ac dicta Ecclesia Sancti Petri, etiam juramento, confirmatione Apostolica, vel quavis firmitate alia roboratis, Statutis & consuetudinibus, ceterisque contrariis quibuscumque. Datum Roma apud Sanctum Marcum &c.

CAPUT XXVII.

De Sanctis Baptizatis.

1. Antequam de nominis impositione, quæ sit nonnullis corporibus, quæ ex martyrii indicibus credantur fuisse Martyrum corpora, cum eadem in Catacumbis Urbis reperiuntur, eaque proprio carent nomine, sermo instituat, & antequam verba fiant de cultu hujus Sanctis, eorumque Reliquiis religiose debito, necesse est nonnulla præmittere.

2. Primum est, loca, in quibus sanctorum Martyrum, aliorumque Fidelium mortuorum corpora sepulture mandabantur, Cœmeteria a primariis religionis nostræ Patribus appellari consuevisse, ut ex antiquis Martyrologiis, & Patribus late demonstrat Bosius in not. ad *Passionem S. Urbani* num. 19. Catacumba quoque seu Catatumba eadem loca dicta sunt: Tumba quippe sepulcrum denotat, & Cata apud Scriptores inferioris latinitatis usurpatur pro ad; uti videri potest apud Du Cange verb. *Catacumba*, ad quæ alia referuntur pro hujus nominis etymologia a Mortuario in sacris etymologiis, & a Burio in onomastico etymologico verb. *Catacumba*, & ante hos a Cardinali Baronio in not. ad *Martyrol. Rom. ad diem 20. Januarii*, & a Macro in *notitia vocabulorum Ecclesiasticorum* verb. *Cœmeterium*. Hæc eadem loca Arenaria etiam dictæ sunt: unde Julius Cæsar Ballengerus de templis lib. 3. cap. 42. scribit: *Cœmeteria Christiani veteres vocarunt Arenarias, & Cryptas, Catacumbas, seu Catatumbas, & Areas*. Et concordat Bollandus tom. 2. Febr. in *Sancta Sotere* §. 3. pag. 389: *Quæ loca, vulgo Cœmeteria, quasi Dormitoria dicas, interdum Area, Tumba, Catatumba, vel Catacumba, Arenaria, Cryptæ appellabantur*. Loca hæc bene describuntur ab Ambrosio Leone in *descript. urbis Nola* lib. 3. cap. 2. & a Patre Montfalconio in *diar. Ital.* pag. 117. & 154. Si quis inquireret, a quo loca hæc condita fuerint, responderi forte posset, incepta fuisse a Gentilibus eruen-

erouende gratia arenæ: quocirca Cicero in orat. pro Cluentio n. 13. narrans, Asinium proditiōe fuisse occisum, ait: *Asinius autem brevi illo tempore, quasi in hortulis iret, in Arenarias quasdam extra portam Exquilinam perductus occiditur*: & Suetonius in vita Neronis cap. 48. referens, Neronem respondisse Phaonti, qui ipsi consilium præbebat secedendi in subterraneos locos, ex quibus arena effodiebatur; ut mortem evaderet sibi a militibus Galbæ intentatam, ita loquitur: *Ibi hortante eodem Phaonte, ut interim in specum egeste arena concederet, negavit se vivum sub terram iturum*. Hæc ipsa loca a Christianis deinde perfecta fuerunt, & aptata propriis usibus, de quibus infra; prout fuisse ostensum fuit in Opere, cui titulus, *Roma Subterranea*, quod notis illustratum typis Romanis editum est anno 1728. tom. 1. pag. 13. & seqq.

3 Quocirca Cœmeteria hæc, sive Catacumba, sive Crypta, sive Arenaria, suam venerationem revera merentur: quapropter de his scribit S. Hieronymus (in Ezech. cap. 40. pag. 468. tom. 5.): *Dum essem Roma puer, & liberalibus studiis erudirer, solebam cum ceteris ejusdem ætatis & propositi diebus Dominicis sepulcra Apostolorum & Martyrum circumire, crebroque Cryptas ingredi, quæ in terrarum profunda defossa ex utraque parte ingredientium per parietes habent corpora sepulcorum; & ita, obscura sunt omnia, ut propemodum illud Propheticum compleatur Descendant ad infernum viventes, & raro desuper lumen admissum horrorem temperat tenebrarum, ut non eam fenestram, quam foramen dimissi luminis putes & rursusque pedecentim acceditur, & cæca nocte circumdatis illud Virgilianum proponitur:*

Horror ubique animos, simul ipsa silentia terrens,

In his etenim locis multa corpora Sanctorum condita sunt, teste Prudentio peristephe, 3. de S. Laurentio, v. 541.

Vix fama nota est, abditis

Quam plena Sanctis Roma sit,

Quam dives Urbanum solum

Sæcla sepulcris floreat &c.

In his pariter locis Missæ celebrabantur, Sacramenta administrabantur, reliquæ sacræ functiones peragebantur, teste Panvinio de Cœmeteriis cap. 11. In Cœmeteriis Romæ, existentibus Baptismum, & Missas celebrare, vigiliis docantur, Ordinationes; & Stationes, id est omnes sacras ceremonias habere Veteres solitos fuisse, docent antiquissima monumenta; quæ licet ut plurimum facta fuerint tempore persecutionum, aliquando tamen etiam facta fuisse certum est post finem persecutionibus impositum. Quamobrem Anastasius de Joanne III. ait: *Hic amavit, & restauravit cœmeteria sanctorum Martyrum. Hic constituit, ut oblationes, & ampulle, vel luminaria in iisdem cœmeteriis per omnes Dominicas de Lateranis ministrarentur*. Et paulo post: *Et habitavit ibi* (scilicet in cœmeterio SS. Tiburtii, & Valeriani) multum temporis, ut etiam Episcopos consecraret ibidem: Et de Sergio: *Hic tempore Presbyteratus sui impigre per cœmeteria diversa Missarum solemnia celebrabat*. De cœmete-

350 DE SERVORUM DEI BEATIFICATIONE

rio SS. Thraſonis, & Saturnini detecto via Salaria nova prope Urbem A. 1720. legi poteſt Joannes Marangonus in *diſſert. de Actis S. Victorini*, & ſignanter in *append. pag. 61. & ſeqq.* Perſecutionum autem tempore ſummos Pontifices in hiſce cœmeteriis habuiſſe Synodos, celebraſſe Ordinationes, Baptiſmum contuliſſe, & reddita Eccleſiæ pace, conſtructa quœque fuiſſe in eis ſacella & alia ædificia, clare demonſtratur a Caſalio de *Urbis ac Romani Imperii ſplendore cap. 14. pag. 57.*

4 Secundum eſt, innumeros Martyres in illis cœmeteriis ſive catacumbis ſepultos eſſe, quorum nomina ut plurimum ſoli Deo ſunt nota, teſte modo memorato Prudentio perſiſteph. de *S. Hippolyto hymn. xi.*

Innumeros cineres Sanctorum Romula in Urbe
Vidimus, o Chriſti Valeriane ſacer.
Incisus tumulis titulos, & ſingula quaris
Nomina? Difficile eſt, ut replicare queam.
Tantos Juſtorum populos ſicor impius hauſit,
Cum coleret patrios Troia Roma Deos.
Flurima litterulis ſignata ſepulcra loquuntur
Martyris aut nomen, aut epigramma aliquod.
Sunt & muta tamen tacitas claudientia tumbas
Marmora, quæ ſolum ſignificant numerum.
Quantum virorum jacent congeſſis corpora acervis,
Niſſe licet; quorum nomina nulla legas.
Sexaginta illic deſſiſſas mole ſub una
Reliquas memini me didiciſſe hominum,
Quorum ſitus habet comperta vocabula Chriſtus.

5 Ideoque, cum in canone Placuit 26. de Conſecrat. diſt. 1. habeantur hæc verba, Et ideo nulla memoria Martyrum probabiliter [id eſt ſolemniter, ut ibi exponit Gloſſa] accipiat, niſi aut ubi corpus & Reliquia certa ſunt, aut ubi origo alicujus habitationis, vel poſſeſſionis; vel paſſionis fideliffima origine traditur; ſic illa interpretatur Joannes Baptiſta Signius de Reliq. & venerat. Sanctor. cap. 2. pag. 4. Senſus autem eſt, quod nullus recipiatur ſeu pro Martyre ſolemniter, niſi de morte ac origine ipſius authenticè ſciatur; nec Reliquia honorentur, niſi quod ſint alicujus ſancti Martyris, corpus habeat: Dicit aut Ubi origo alicujus habitationis, vel poſſeſſionis; ut Roma in catacumbis, in cœmeteriis, in quibus congeſſantur hiſtoria Fideles viros ac mulieres primitivæ Eccleſiæ &c. maxima cum pietate Sanctorum corpora tumulare conſueviſſe. Dicit vel paſſionis id eſt quod vere ſciverimus, illos pro Fide Chriſti paſſos, eoque loci ſimiliter tumulatos, ubi martyrio fuerunt donati.

6 Porro propriorum nominum in hiſce Martyribus defectus non incuriæ aut negligentie Chriſtianorum, qui alioquin diligentiffimi & accuratiſſimi fuerunt, ſed Gentilium furori eſt adſcribendus. Parentibus etenim eorum perſecutionibus, præſertim ob multitudinem occiſorum, tempus colligendi nomina deſuit, & itaque datum eſt corpora ſepelire cum

notis

notis & signis martyrii. Quocirca eruditus Pater Ruinart in *præfat. ad Acta Martyrum*, hisce ponderatis pag. xvi. ait, mirum non esse, si in tanta Martyrum, & prope innumera multitudine multi sine alia inscriptione fuerint. Et aptius ad rem, de qua nunc agimus, Aringhii *Roma subterr. lib. 3. cap. 22. Quorum* (videlicet Martyrum) *nomina pia Christianorum manus assequi non poterat, eorumdem sepulcra martyrii signis prænotabant, & veneranda eorumdem pignora intra cœmeteriales speluncas, ne merito cultu destituerentur, condita diligenti studio posteris commendabant.*

7. Tertium est, in hisce cœmeteriis, siue catacumbis licet soli Christiani sepelirentur, non omnes tamen, qui ibi sepulti sunt, habendos esse pro Sanctis, seu pro Martyribus. In cœmeteriis autem siue catacumbis sola corpora Christianorum sepulta esse, desumitur ex *epist. 68. S. Cypriani*, in qua exprobrat Martiali Episcopo Hispano, quod filios in eodem loco, in quo sepulti erant Ethnicis, sepeliri curasset. Concordat Lucianus Presbyter Hierosolymitanus in *epistola de revelatione Reliquiarum S. Stephani ex versione Latina Aviti Presbyteri Hispani*, ubi refert, Gamalielē voluisse, ut Abibas filius suus, qui secum Baptismo Christi initiatus fuerat, suo in tumula sepeliretur; filius autem alter, & uxor, qui Fidem Christi suscipere noluerant, sepulcro donarentur in alia villa, qui indigni societate sua visi sunt. Concordat etiam Pater Mabillonius in sua *epistola nomine Eusebii Romani ad Theophilum Gallum*, in qua sic loquitur (pag. 6. notæ editionis): *Nullus porro alius, quam Christianus, in his cœmeteriis humatus fuisse, fidem facit mutuum Fideles inter ac Paganos odium, mutuus horror, quorum neutri, mortuos suos aliis conssepeliri passuri fuissent.* Ante Mabillonium Cardinalis Baronius ad *A. 258. num. 4.* egregiam hanc pronuntiavit sententiam: *Quibus plane significatur, Christianos a Gentilibus sepulcra discreta habere solitos, nefasque fuisse illis post obitum commiscere, a quibus viventes abhorruissent: qua obsequasse volumus ob aliquas leviter nimis dicentes, in Urbis cœmeteriis una cum Christianis Gentiles quoque sepeliri consuevisse; nam immo scelus id, ut vidimus, censebatur.* Et quamvis adversus hæc sacra Urbis cœmeteria Balsagus virus suum evomuerit, asserens, ingentem Gentilium numerum in eis extra Urbem fuisse conditum, idque adstruens ex Gentilium monumentis, quæ in iis reperiuntur, ejus tamen audaciam strenue refellit Dominicus Georgius in sua *dissertatione de Monogrammate Christi Domini cap. 11.* ubi ex Aringhio, ex Fabretto, ex Mabillonio ostendit, Gentilium epigrammata in sacris cœmeteriis inveniri, sed Christianos consuevisse inscripta Gentilium nomina aut obliterare, aut calce obducere, aut ipsum lapidem invertere, & in averfa parte nullis characteribus signata suorum nomina exarare. Et in allato opere de sculpturis & picturis Romæ subterraneæ pag. 3. accuratissime impugnatur error Gronovii, & Burneti, qui ut evincerent, multos Gentiles in eodem loco sepultos fuisse, in quo Christiani fuerant tumulati, aut tumulabantur, confundant puticulos vel culinas, in quæ loca cada-

vera

vera plebejorum & servorum inferebantur, cum arenariis, cryptis, & catacumbis. Legi quoque potest Casalius in tractatu *de splendore Urbis, ac Romani olim Imperii* cap. 14. §. Hac prima institutio pag. 57.

8 Non omnes autem; qui in his coemeteriis, live catacumbis sepulti sunt, haberi debere pro Sanctis, seu Martyribus, patet, quia illa erant communia omnium Fidelium conditoria, & in usu communi fuerunt quinque prioribus Ecclesie sæculis, quibus certum est, non omnes Christianos, qui mortui sunt, Sanctos fuisse, & martyrio coronatos. Probat hoc Panvinus in libello *de coemeteriis* cap. 11. & late prosequitur Scacchus de not. & sign. sanctis. sect. 9. cap. 2. Et quemadmodum nunc in templis, in quibus a Fidelibus Synaxes habentur, mysteria celebrantur, Sacramenta ministrantur, & pensum Horarum Canonicarum persolvitur, non solum sanctorum Martyrum corpora ac Reliquie ad cultum exponuntur, sed etiam Fidelium defunctorum cadauera reconduntur; ita pariter prioribus illis Ecclesie sæculis in cryptis, arenariis, & subterraneis cuniculis (in quibus tempore persecutionum Fideles ad Synaxes, ad Dei verbum audiendum, ad participationem Sacramentorum, & ad alia ministeria Ecclesiastica conveniebant) non Martyrum solum, sed aliorum etiam Fidelium cadavera reponerentur. Post hæc adducit Scacchus, coemeteria non solum ad recondenda Martyrum & aliorum Sanctorum corpora facta fuisse, verum ad sepulturam reliquorum etiam Fidelium, quosque inter Fideles, etiam primitivæ Ecclesie, non omnes vitam omnino a peccatis immunes duxisse, sed nonnullos ex his gravissimis etiam criminibus fuisse commaculatos.

9 Quartum est, licet ex antiquioribus monumentis, & signanter ex epistola Sancti Germani, & ejus Collegæ Legati Apostolici ad Hormisdam Papam sub Consulari Rustici deprehendatur, Romanos Pontifices non consuevisse mittere ad personas quacumque dignitate fulgentes corpora, aut fragmina ossium, vel tenuem rasuram illorum, sed aut Olea tantummodo ex lampadibus ad illa ardentibus sumpta, uti confirmat Baronius in not. ad Martyrol. Rom. ad diem 25. Junii, aut Brandea, seu Pannos, qui corporibus Sanctorum fuerant admoti, uti desumitur ex epistola S. Gregorii Papæ scripta Constantiæ Imperatrici Reliquias S. Pauli petenti; quæ est trigesima lib. 4. col. 709. tum 3. Cognoscat autem tranquillissima Domina, quia Romanis consuetudo non est, quando Sanctorum Reliquias dant, ut quidquam tangere presumant de corpore, sed tantummodo in pyxide brandeum mittunt, atque ad sacratissima corpora Sanctorum ponitur, quod levatum in ecclesia, quæ est dedicanda, debita cum veneratione reconditur; & tanta per hoc eundem virtutes sunt, ac si illius specialiter eorum corpora destruantur. Unde existigit, ut beate recordationis Leonis Papa temporibus, sicut a Majoribus traditur, dum quidam Græci de talibus Reliquiis dubitarent, prædictus Pontifex hoc ipsum Brandeum allatis forficibus incidit, & ex ipsa indurata sanguis effluxit, attamen negari non posse, antiquum esse morem corpora, sacraque Reliquias extrahendi a Romanis coemeteriis, & eas saltem ad re-

motus

motas transferendi Ecclesias, sicuti testatur S. Paulinus Nolanus Antistes in natali x1. S. Felicis edito ab erudito viro Ludovico Antonio Muratorio tom. 1. anecdor. pag. 28. ubi Sanctus ille ita describit translationem sacrarum Reliquiarum in varias orbis partes:

*Inde igitur, suadente Fide, data copia fidis
Tum comitum studiis, quadam ut sibi Pignora vellent
Offibus et sanctis merito decerpere fructu,
Ut, quasi mercedem officii, pretiumque laboris,
Præsidia ad privata domum sibi quisque referret.
Ex illo sacri cineres, quasi semina vite,
Diversis sunt sparsa locis; quaque esse minuto
De modica sacri stipe Corporis exiguus ros
Decidit, ingentes illuc pia gratia fontes,
Et fluvius vite generavit gustu favilla.*

10 Quinimmo nec absolute dici potest, veritum omnino fuisse Sancti Gregorii temporibus Sanctorum Reliquias aliis concedere; sed verè dicendum est, id non ita facile admissum fuisse, quemadmodum est in notis ad epistolam supra citatam S. Gregorii tom. 2. pag. 710. Et rei, de qua nunc agitur, maximopere favent exempla quæ sequuntur: testis enim Ripamontio in hist. Eccles. Mediolan. lib. 8. pag. 522. & 525. Theodinda Langobardorum Regina Gregorius concessit augustissimas Reliquias quas inter visuntur ipsius Baptista: Reliquia, liquidus in ampulla cruor, cineres cremato corpore, & cum dente modicum quid & calvaria. Legitur quoque ex Mario Vipera apud Ughellium Ital. sacr. tom. 8. col. 19. Linianum Beneventanum Episcopum interfuisse solemnem translationem corporis Beatissimi Levitæ Modesti Martyris ex Urbe Roma Beneventum die 3. Julii A. 591. ex concessione Magni Gregorii

11 Corpora Sanctorum esse in sacris Urbis coemeteriis, ab omnibus admittitur; sed nonnulli existimarunt, ea ob frequentem extractionem exhausta jam esse, sreti epistola Gregorii IV. ad Otgarium Archiepiscopum Moguntinum, qui ab ipso sanctum corpus requisiverat: *De corpore vero sancto, quod Nobis humiliter vestra quasvitis prudentia, quod dirigeremus, non habuimus, quoniam cuncta Sanctorum corpora Prædecessores nostri nobiscum communiter detulerunt, & unumquodque eorum ecclesiis noviter dedicatis summa veneratione condidimus. Proinde benevolentiam vestram precamur, ut Nobis spatium inquirendi diligentius prabeatis, quatenus corpus sanctum invenire valeamus ad vestram complendam petitionem; & si inventum fuerit, vestra Nobis credere dignetur industria, statim quod petitis, perficiamus: modo vero illud non misimus, quia inquirentes nequaquam invenire valuimus. At ex hac epistola certe colligi non potest, exhausta tunc fuisse Urbis coemeteria, & ab illis extracta omnia Sanctorum corpora. Primo quidem probabile admodum est, ut Otgarius alicujus Sancti corpus petierit proprii certique nominis; quæ res nihil haberet commune cum corporibus, quæ*

quæ ut plurimum e sacris Urbis cryptis sine proprio nomine extrahuntur. Exemplo sit petitiō relata ab Abbate Telelino in *hifl. Aliphana*. Narrat nempe Rainulphum Comitē Aliphanum, qui Anacleti II. partibus favebat, ab eo humiliter poſtulaſſe, ut ſibi corpus alicujus inſignis Sancti contederetur ad civitatem Aliphanam transferendum; Anacletum autem reſponſiſſe, id fieri non poſſe, quod celebriorum Sanctorum corpora eſſent in propriis ſepulcris recondita, nec ab eis ſine ſcandalo populorum extrahi poſſent. Cum vero tunc corruifſet tectum baſilicæ Vaticanæ, fracto altari, ſub quo erat coſſiditum corpus S. Sixti I. Pontificis Maximi ſub Hadriano Imperatore anno Chriſti centefimo vigeſimo ſexto martyrio coronati, ſancti corporis non inopportune reperti Anacletum memorabilem ſeciſſe conceſſionem Comiti; quod utrum ad civitatem Aliphanam fuerit translatum, an potius remaſerit in civitate Alatrinate, adhuc diſputatur, uti videri poteſt in Opere poſthumo Nicolai Georgii in civitate Neapolitana typis impreſſo A. 1721. Secundo, Gregorius IV. tempore Romæ non omnis ſacra cœmeteria fuerant detecta. Tandem non dixit Gregorius, exhausta eſſe ſacris corporibus cœmeteria, ſed ſolum, ſe ſacrum corpus miſſere ſtatim non poſſe, quia præſto non erant, qui illud inquirerent: *Modo vero illud non miſimus; quia inquirentes nequaquam invenire valimus.*

12 Conſimile etiam eſt illud, quod Clemens Papa IV. ſcripſit Regi Caſtellæ, ut habetur apud Martenē *tom. 2. collect. epiſt. ejus Pontificis*: *Venerion Reliquias, quas petiſti, non habemus nobiſcum, & ideo colligi facimus Excellentia Tue, quam cito poterimus, transmittendas*: Sed ex his inferri nequit, Sanctorum corpora amplius non reperiri in cœmeteriis Urbis, perinde quaſi eſſent exhausta; quemadmodum obſervat Pater Mabillon in ſua *epiſtola ſcripta ſub nomine Eufebii Romani*: *Ex qua epiſtola loquitur de citata epiſtola Gregorii IV. id tantum colligitur, inſigniorum Sanctorum corpora non facile tunc in Romanis cœmeteriis reperiri potuiſſe, utpote a præcedentibus Pontificibus in Urbanas translata eccleſias &c.* Quapropter multa diligentiæ opus erat, ut aliquod inſignioris Sancti corpus, quale ſine dubio expectabatur Orogariuſ, de novo inveniretur. Adde, non omnia Roma ſacra cœmeteria tunc detecta fuiſſe.

13 Sequitur, ut aliqua dicamus de ſignis, quibus in cœmeteriis ſive catacumbis Urbis diſtinguuntur corpora ſanctorum Martyrum ab aliis corporibus Chriſtianorum, quæ in his iſdem locis ſunt tumulata.

14 Primum itaque ſignum eſt, ſi aliquid forte corpus reperiatur cum inſcriptione, dummodo inſcriptio ipſa nullis ambagibus ſubjecta ſit, ſed in ea expreſſa ſint, quæ verum pro Chriſto martyrium præ ſe ferant, & ideo indubitatam ſanctitatem, ut infra dicetur. Notæ ſunt etenim controverſiæ, quæ adhuc inter Eruditos agitantur, utrum ab Ethnicis dicata fuerit Simon Magi in Urbe columna vel ſimulacrum aliquod, necne; multis ſcilicet exiſtimantibus, dedicationem factam fuiſſe, argumento ducto

ex

ex verbis cujusdam inscriptionis in marmore sculptæ, *SIMONI DEO* SACRATO; negantibus autem aliis, & agentibus, in marmore sculptam fuisse, *SEMONI DEO SACRATO*. Porro inter dissertationes Augustini Calmet dissertatio reperitur de *Simone Mago*, in qua legi possunt erudite collecta omnia, quæ ad hanc respiciunt controversiam. Verum satis sit hæc indicasse, ut ostendatur, sanctitatis notam ex inscriptionibus desumendam, non debere esse ambagibus & disputationibus obnoxiam. Ut vero clara sit, & nullis difficultatibus obnoxia, debet exprimere nomen ejus, cujus ossa sub ea sunt sepulta, & titulum Martyris, teste Joanne Mabillon, in sua epistola cit. de cultu Sanctorum ignotorum in nova edit. pag. 43. Secundi generis summi, qui humarum nomina, & inscriptiones habent, magna videntur auctoritatis, immo certa, si Martyris titulum præferant; sed, si hoc titulo destituantur. Illustre est autem hanc in rem S. Feliciis exemplum. Tempore Gregorii XIII. de ejus meritis disceptabatur, & Cardinalis quidam Baronius, stabat contra Felicem, pro Felice vero stabat Cardinalis Sanctorius. Paratæ erant pro, & contra Scripturæ: at, cum anno 1582. pridie ejus diei, quo in Ecclesia recolitur natalis dies ejusdem, in Diaconia Sanctorum Martyrum Cosmæ & Damiani in Foro ad templum Pacis posita inventum fuisset ejusdem S. Felicis corpus una cum lapide laterculo hisce litteris exarato, *Corpus Sancti Felicis Papa, & Martyris, qui damnatus Constantium*, Cardinalis Baronius admiratione percussus stylium modestia Christiana repressit, quem zelo veritatis acuerat inventisque subinde Libetii litteris de inita ad tempus communicatione cum Arianis, summus Pontifex, Gregorius accessit sententiæ Cardinalis Sanctorii, & nomen Felicis in Martyrologio Romano tamquam Martyris descriptum fuit ad diem 29. Julii. Rei series describitur a Cardinali Baronio in annal. ad A. 357. num. 62. & sequentibus. Nec vero de Felicis sanctitate & martyrio ulla amplius superest dubitatio, cum tantum inter Eruditos disputetur, utrum Martyr fuerit, quod gladio necatus sit, an quod multa pro Christo pertulerit, uti videri potest apud Pagi seniores ad A. 357. num. 17. apud Pagi juniorem in vita ejusd. S. Felicis II. num. 2, & in responsione Papebrochii erroribus sibi oppositis a Patre Sebastiano a Sancto Paulo, in responsionibus ad art. 11. §. 16. & fusc apud Hollandianos in Actis Sanctorum Julii tom. 7. ad diem 29. in commentario critico S. Felicis Papa & Martyris. Inscriptio, ut dictum est, debet exprimere titulum Martyris; quia, si titulum duntaxat Sancti exprimeret, cum hic omnibus Christianis communis esset, ad rem, de qua nunc agimus, non sufficeret; quemadmodum observavit peritus atque eruditus vir Canonicus Boldettus de cœmeteriis Urbis lib. 1. cap. 47. pag. 252. *Ne pure si ha per indizio di martirio qualunque sorta di nome si trovisse scolpito nelle lastre di marmo o di terra cotta, che obbidono il sepolcro, quando, espressivamente non parlassero di martirio ec. e nè pure in conto veruno si tiene qualsivoglia Iscrizione, ancorchè in essa fosse registrato alcun titolo di santità, o altro simile attributo; sapendo, n. d.*

molto bene, ebe nella primitiva Chiesa quello di Santo non era distintivo di martirio o di martirio, ma bensì davasi ad ogni Fedele in riguardo della santità della religione, che professava, ed era a tutti comune. Apud Patrem Mabillon. in *Itinere Italico*, & apud Langlet in *methodo studii historici* narratur nonnullos existimasse; se novum quemdam Sanctum invenisse cultu dignum; Sanctum videlicet *Viar*; sed crassum ipsorum errorem ex eo deprehensum fuisse, quod marmorea inscriptio, cui potissimum inanebantur, fuisset erecta *Presbitero Viarum* ita ut littera S, quæ in marmore non integro legabatur, esset ultima littera verbi *Presbiterus*; & verbum *Viar*. decurtatum *Vias* exprimeret. Hinc error detectus est; sed, quatenus eo modo detectus non fuisset, semper petito cultui obstitisset animadversio, ex titulo videlicet Sancti in marmore sculpto probari non posse cultum esse exhibendum.

15. Secundum signum consistit in martyrii Instrumentis, quæ aliquando in sepulcris conspiciuntur. De hoc signo scribit Casalius de *vetustibus sacr. Christianor. ritibus* pag. 267. Sicuti etiam cum corporibus Martyrum recondabant instrumenta eorum martyrii. Et sequitur Riccius, lucubr. *Ecclesiæ* lib. 1. cap. 31. num. 10. Vel per alia instrumenta, quibus Christiana Fidei persequutores ad usum solebant: ejusmodi sunt forcipes, gladii, & alia hujus generis. Addendus Aringhius *Roma subterranea* lib. 1. cap. 1. Mos erat Christianis, ut in monumentis Martyrum ipsa quoque interdum martyriorum instrumenta recondentur: & novissime Abbas Trombelli. Nobis allegatis. de cultu Sanctorum tom. 2. parti 1. differt. 8. cap. 17. num. 3. & 4.

16. Concordant etiam ea, quæ apud Auctores Ecclesiasticos passim leguntur. Sanctus enim Ambrosius in exhortatione ad Virgines, in principio ait, se sumpsisse e sepulcro S. Agricolæ crucem & clavos, quibus ille cruci fuerat affixus: S. Joannes Chrysostomus [in lib. in Sanctum Martyrem *Babylam contra Julianum & Gentiles* oper. pag. 554. tom. 2.] cedi proximus, [inquit], vir beatus cum ferro corpus suum sepeliri mandavit docens ea, quæ ignominiosa videntur, cum propter Christum sumus, honorifica esse & splendida: Cardinalis quoque Baronius in *annal. ad A. 102.* testatur, corpus S. Clementis repertum fuisse una cum anchora, qua ad collum alligata demersus fuit in mare: tandem Petrus de Natalibus lib. 2. cap. 60. narrat, corpus S. Danielis Martyris inventum esse A. 707. una cum iisdem clavis, quibus susceperat martyrium.

17. Quid autem dicendum erit, si hæc instrumenta in tumulis non adsint, sed tantum eorum Imagines in iisdem appareant depictæ? Huic quaesito respondet Aringhius *Roma subterranea* tom. 2. lib. 6. cap. 50. num. 12. dici quidem posse, has similesque Imagines appositas fuisse in sepulcris, ut denotaretur, quo genere martyrii Pugil invictus mortuus sit, & pro Fide coronatus; attamen id esse dubium, cum instrumenta hæc picta artem possint designare, quam vivens quisque manibus exercuerat.

18. Post hæc, ut cetera prosequamur signa, tertium consistit in sym-

bolo

bolo X , quod explicatur pro *Christo*; etenim apud Græcos figura X respondet latino *CH*; & figura *P* respondet *R*; quocirca monogramma X primas tres litteras continet nominis Christi, id est *CHR*. Monogramma hoc fuit ab Imperatore Constantino appositum in cruce vexillo præfixa, teste Eusebio in ejus vita l. 1. c. 25. In ea salutaris appellationis *Servatoris Nota* inscripta, duobus solum expressis elementis, id est duobus primis litteris nominis Christi: (erat enim littera *P* in medio litteræ *X* curiose & subtiliter inserta); qua totum Christi nomen perspicue significavit. A Christianis quoque in parietibus, velis, aliisque rebus sacris, & deinde in diplomatibus & epistolis sculptum, pictum, & delineatum est: Itaque frequentissime etiam in cœmeteriis occurrit, & in sepulcris cœmeteriorum. Legi potest celebre opus Senatoris Philippi Buonarroti in *observat. ad nonnulla fragmenta virorum*, que reperiuntur in cœmeteriis Urbis, in præf. pag. 12. & 13. ubi ostendit usum monogrammati etiam ante tempora Constantini Imperatoris. Legi etiam potest Dominicus Georgius in *differt. de monogrammate Christi Domini* cap. 2. ubi postquam demonstravit, monogramma repertum fuisse in sepulcris Martii Martyris, Alexandri Martyris, Caji Papæ, & aliorum, ita adversus Balsnagium n. 7. scribit: *Ex his evidentiſſime patet, quam gravis sit Balsnagii, eorumque lapsus, qui monogrammati originem a Constantino esse volunt. Quis enim, nisi mente prorsus & venter capus sit, non fassetur multo antiquius Constantino Christi monogramma, cum illud inſpiceret in sepulcris monumentis Martii Martyris Hadriano imperante, Alexandri itidem Martyris sub Antonino Pio, Caji Papæ sub Diocletiano, dein Primitii, Hermetis, & Laurentii inter duras Ecclesiæ persecutiones eorum? De eo autem dubicatur, an denotet, illum ejus corpori appositum est, martyrium subiisse. Affirmando nimirum respondet Ricciol. cit. cap. 31. num. 10. Quinta probatio est, si reperiantur signa concludentia martyrium susceptum pro Christo, quod antiqui Christiani Fidei cultores significare solebant per litteram hoc modo: X aram X ; quæ pro Christo interpretatur. Casalius contra in opere citato de veter. sacr. Christianor. ritibus cap. 66. pag. 297. asserit, signum illud non significare Martyrem, sed Confessorem: Et in hoc differebant sepulcra Martyrum a sepulcris Sanctarum Confessorum, quoniam in istis non palmas effigiebant, sed litteram *X*, quam *P* intersecabat: quod symbolum, cum Christum denotaret; iudicabat etiam, ipsos Confessores eundem Christum in vita imitatos & secutos: quod sequitur Fortun. Licet. de lucernis Antiquorum lib. 6. cap. 48. pag. 850. At verius videtur, symbolum illud, si solum sit nec significare Martyrem, nec Confessorem, sed hominem duntaxat, qui Christianam religionem professus sit, teste Scaccho de not. & ſign. sanctis. cap. 2. pag. 673. Atque in primis character ille nominis Christi X non sanctitatis, neque perfectionis Evangelicæ, sed Christianitatis tantum nota est &c. Insuper ex prædicto characteri colligi nequit, an is, cujus cadaver ibi reconditum reperitur, inter bonos Christianos sit recensendus, an vero peccator, & malus extiterit &c. Quapropter his symbolis ac characteribus solis fidendum non erit, sed certiora in-*

quirenda sanctitatis argumenta. Huc faciunt adducta per Joannem Maran-
gonum in append. ad Acta S. Victorini pag. 69. Adhæret Ludovicus Antonius
Muratorius tom. 5. *Antiquit. Italicar. mediæ ævi* pag. 54. Neque enim refellere
opus est vulgi opinionem putantis, monogramma Christianum martyri fidem face-
re. Et pag. 57. post relatam inscriptionem sepulcralem, quæ est Genuæ
in Metropolitana basilica in honorem cujusdam Sanctuli Subdiaconi mor-
tui sub Consulate Albini, ait, ex monogrammate Christi ibi sculpto nul-
lum martyrii indicium desumi posse, & monogramma prædictum Christi
per plura sæcula occurrere scriptum in antiquis Christianorum sepulcris.

19. Quartum signum consistit in Palmis. Incisæ enim dicuntur ad
denotandum martyrium, juxta illud S. Joannis in Apocalypsi cap. 7. v. 9.
Vidi turbam magnam, quam dinumerare nemo poterat, ex omnibus gentibus &
tribubus & populis & linguis, stantes ante thronum, & in conspectu Agni, amissi
stolis albis, & Palmae in manibus eorum. Concordant SS. Ambrosius, &
Gregorius; hic in hemil. 5. pag. 1362. in Ezechiel. Quid per palmas, nisi
præmia victoriæ designantur? Ipse quoque dari vincentibus solent. Unde de
his, qui in certamine martyrii antiquum hostem vicerant, & jam victores in
patria gaudebant, scriptum est, *Et Palmae in manibus eorum*; ille in serm. XX.
de sanctis Quadragesimæ [in append. oper. S. Ambrosii. col. 417.] ubi sic loqui-
tur: *Præmium enim quoddam est palma martyrii, qua confisenti lingua dulcens*
fructum tribuit, & victoriæ denotat gloriosum prælatæ ornatum. Est plane palma
Martyribus suavis ad cibum, umbrosa ad requiem, honorabilis ad triumphum,
semper virens, semper vestita foliis, semper parata victoriæ; atque ideo non mar-
cescit palma, quia Martyrum victoriæ non marcescit. Hinc scribit Cardinalis
Baronius in not. ad Martyrol. Rom. ad 1. Juniar. Certe his insignibus nobilitatos
Sanctos Martyres vidit Sanctus Joannes in Apocalypsi; ut non mueris, si in Mar-
tyrologis sæpius leges Sanctos Martyres palmam accepisse martyrii: est enim ea di-
cendi phrasîs ex Divinis Scripturis comparata, atque antiquitus usurpata. Hinc,
de coemeteriis Urbis cum sermonem haberet, ait Cornelius a Lapide in
commen. epistol. ad Hebræos 11. Martyres figura palma sepulcro incisæ denotan-
tur: quod confirmat Casalius cit. cap. 66.

20. In Actis SS. Jacobi, Mariani, & Sociorum apud Ruinart hæc habentur
pag. 198. n. 11. *Adveniens nobis obitus puer, quem constabat esse alterum ex*
geminis ante triduum cum matre passis, corona rosea collo circumdatus, & in manu
dextra palmam viridissimam præferens. In Passione SS. Montani, & Sociorum
apud eundem pag. 201. n. 4.: *In coronis nostris ideo præmium est, quia certamen*
ante præcessit; nec datur palma, nisi congressione perfecta. Et in Actis SS. Satur-
nini. *Dativi, & Sociorum apud citatum Ruinart instituto sermone de*
Sancta Virgine & Martyre Victoria pag. 345. n. 16. Hæc ergo ad martyrium
properans, florem pudicitie palmam triumphali dextera præferens. Atque, his
quidem perpenlis, citatus Philippus Buonarroti explicans tabulam XIII.
& ejus figuram II. scribit: *Dalla palma quivvi dipinta si può argomentare, che*
ambidue siano Martiri; la quale, dopo che S. Giovanni, nella sua Apocalisse
figurò

figurò i Martiri con un ramo d'essa in mano, fu presa dai primi Cristiani per un simbolo del martirio; e sarà ciò derivato dai giuochi profani, nei quali era sola, ora con altro premis si dà un ai vincitori ec. e per quella stessa cagione i primi Cristiani costumarono di scolpire una palma nelle lapidi, che coprivano i corpi de' Martiri. Sed de hoc iterum infra.

21 Quintum signum consistit in phialis, seu vasculis sanguinis, quæ in dictis sepulcris reperiuntur. De illis loquitur Auringhius Roma subter. lib. 4. cap. 43. In cœmeterialibus plerisque tumulis vitrea quoque, ac fictilia vasa conspiciuntur, quæ sacrum Martyrum cruorem in eisdem sepulcris hæc reconditum, calce obsegnata, continebant. De antiquo autem Christianorum studio pretiosum Martyrum cruorem colligendi, & in sepulcris conservandi plura legi possunt apud allegatum Auctorem lib. 3. cap. 22. qui etiam de proprio facto reddens testimonium ait: Quamobrem sæpe sæpius contingit, ut in sacris hisce thesauris minus caute perferendis, eruendisque e loco, in quo includebantur, dum ferratopibus ad extrahendum, quod intus latebat, aperitur, vitrea isthac, aut figulina vascula casu incisa liquent protinus cruorem uberrime emiserint; cuius rei quàmplures oculati testes adsum. Item, hæc vascula sanguine tincta esse signum indubitatum martyrii, admittitur a Mabilonio in citat. epistola nomine Eusebii Romani, cui adheret Senator Buonarroti de fragmentis vitrorum in præfat. pag. 11. Concordat Marcus Antonius de Mozzis Canonicus Florentinus in historia SS. Cresci, & Seciorum pag. 79. & subscribit Muratorius in cit. oper. pag. 46. Certissimum censetur Martyrii indicium vas sanguinem continens, aut sanguineo colore infectum in Romanis aliisque Christianorum cœmeteriis antiquissimis eorum tumulis innoxum aut appositum. Nihil enim commune cum Ethnicorum ritibus habet. Verum quidem est, & in Gentilium sepulcris occurrere vasa lacrymatoria, vasa unguentis, aliisque liquoribus olim destinata &c. Attamen vasa aut sanguinem, aut colorem sanguinis illuc olim infusi adhuc retinentia, frustra in Gentilium sepulcris exquiras. Id proprium Christianorum, & quidem Martyrum, quorum etiam sanguinem novimus et cœcis testibus sollicite collectum, ac religiose adseruatum fuisse.

22 Hæc sunt, quæ cursim de huiusmodi signis dici possunt. Interea autem omitti non debet, re: hæc in Congregatione Indulgentiis & sacris Reliquiis præposita plene expensa, duo tantum ex iisdem signis approbata fuisse, palmas scilicet, & vascula sanguine tincta; uti colligitur ex Decreto edito die 10. Aprilis A. 1668. Cum de notis disceptaretur, ex quibus veræ sanctorum Martyrum Reliquia a falsis & dubiis dignosci possint, sacra Congregatio, re diligentiùs examinata, censuit, palmam, & vas illorum sanguine tinctum pro signis certissimis habenda esse; aliorum vero signorum examen in aliud tempus rejecit. De dictis etiam signis loquitur vir eruditus Raphael Fabretti, qui præfuit extrahendis a Catacumbis Reliquiis, in suo Inscriptio-num libro: describens enim sepulcrum ac lapidem, quo locus occludebatur, in cœmeterio beati Calluli, postquam dixit, eulcrum seu falerum late.

laticalem cum Palmæ ramisculo in ea insculpto fuisse instrumentum martyrii, addit hæc : Non inuitus credo, significari etiam martyrium per vasculum appictum, in quo sanguis asseruari solebat; ita ut bodie similes ampulle vitrea sanguinea & purpurea crista obducta frequentissima in sacris comasteriis iuxta Martyrium locules, qua capita recumbunt, reperiuntur, certissimo effusi pro Christo sanguinis argumento. Quo præcipuo, immo & unico usus sum, dum sacrarum Reliquiarum extractioni & custodia præfui. Ibidemque refert experimentum solutæ hujusmodi crustæ per salis ammoniaci mixtionem cum aqua communi; unde patuit, non fuisse crustam a concretionem salium (ut vocant) mineralium profectam, sed a sanguinea massa. Hæc in citato libro Fabretti cap. 8. pag. 555. & seqq. quæ etiam repetuntur in historiis Sanctorum Septem Dormientium ex egyptis musei Victorii Romæ edita. A. 1741. cap. 12. pag. 35.

23. Alias quoque præ manibus habui publicum Instrumentum anni 1675. conditum ab eodem Raphaele Fabretto tunc Cardinalis Vicarii Secretario, dum interesset corporibus Sanctorum Martyrum Ptolemæi & Romani extrahendis per Joannem Vincentium Guicciardum Patavinum Sacerdotem; Reliquiarum in sacris athenis Urbis & extra eam existentibus comasteriis extractorem ac dispensatorem, constitutum ab eodem Cardinali Vicario. Facta nempe est horum sanctorum corporum extractio e comasterio subterraneo prope & extra civitatem Neapolitanam; & in Instrumento quidem habentur hæc verba : *In uno solo, fuisse diligenti perquisitione, circa arcam seu loculum quemdam sepulchralem in topbo indigeno excavatum in medio faciei exterioris dicti loculi adherere invenit, calce conglutinante, parvum quiri frustum longitudinis duorum circiter digitorum, latitudinis vero unius pollicis, excavatum, & in parte concava rubente quodam liquore adhuc conspicuo illinitum; quo ex ejus peritia, ac testium, & aliorum plurimum circumstantiarum affirmatione pro ordinario & recepto signo martyrii, nempe pro sanguine effuso in Christi honorem, & pro ejus Fidei professione habito &c.*

24. Celebris annis præteritis controversia fuit de corpore seu sacris exuviis repertis in Confessione (ut ajunt) S. Petri in Cælo Aureo civitatis Ticinensis, utrum essent videlicet exuvie S. Augustini Hipponensis Episcopi & Ecclesiæ Doctoris, an alius Sancti; quæ controversia deinde fuit sublata per Episcopum Ticinensem anno 1728. qui declaravit, corpus illud esse S. Augustini Ecclesiæ Doctoris & pro tali colendum; idque Episcopale judicium fuit confirmatum a Benedicto XIII. per suas litteras Apostolicas sub titulo & forma Brevis. In examine scilicet controversiæ; non exigua difficultas orta est ex ampullis vitreis in arca argentea ossium repertis: contendebant etenim impugnantes identitatem corporis, eas esse martyrii. signum; atque hinc inferebant, exuvias repertas non esse S. Augustini Confessoris: pugnantes autem pro identitate, id admitti posse dicebant, si ampullæ vitree sanguinis vestigium aliquod haberent, secus vero, quando quidem vacuæ repertæ essent, & qualibet sanguinea

tin-

tinctura carentes; in quo rerum statu dicebant, ampullas fuisse oleo plenas, quod veritate evanuerat, nullamque in eis olearem maculam & colorem nullum reliquerat. Ostendunt porro hæc omnia, vasa sanguine tincta signum esse indubitatum martyrii.

25 Certum hoc est apud omnes: una dubitatio superest, an vas sanguine tinctum ita sit martyrii signum, ut tamen, si sine illo palma inveniat, ea sufficiat ad certum martyrii argumentum. Negant quippe Bollandiani ad diem 20. *Maj*; negat Mabillon. in *epistola prima editionis sub nomine Eusebii Romani ad Theophilum*; putantes, citatum Decretum sacre Congregationis Indulgentiarum ita se habere: *De palma, eisque junctum vas sanguine tinctum haberentur simul pro signis certissimis verarum Reliquiarum. Aliorum vero signorum examen in aliud tempus rejice. Sed revera Decretum ipsum constat est his verbis desumptis ex Regestis sacre Congregationis, uti supra visum est: Censuit, palmam, & vas illorum sanguine tinctum, pro signis certissimis habenda esse; aliorum vero signorum examen in aliud tempus rejecit. Non ergo & palma & vas, sed aut palma, aut vas sanguine tinctum, constituere videntur certum martyrii indicium; prout argumentis ex theoria & praxi desumptis contendit supra laudatus Canonici Boldetti de cimiteriis lib. 1. cap. 45. & plurib. seqq. ad quem nostrum remittimus lectorem.*

26 Post editum opus Canonici Boldetti, & post primam hujus nostri Operis editionem, Muratorius edidit suas dissertationes ad antiquitates Italicas medii ævi, & in earum tom. 5. *supra allato pag. 33. & plurib. seqq.* controversiam examinat, an palmæ signum tumulis Christianis adjectum significet martyrium, ac mortem, quam fortiter pro Christi nomine veteres Christiani Romæ præsertim subiere. Hic [uti supra visum est] habet pro signo indubitato martyrii vas sanguineum, aut sanguine tinctum; minime vero palmam solam. Debita laude prosequitur Boldettum; sed ab eo recedit, & accedit ad Mabillonium, Scacchum, Aringhium, & Fabretum, quorum dicta supra retulimus, quique omnes in ea sunt opinione, ut censent, ex palma sola erui non posse signum indubitatum martyrii. Antiquas præfert Ethnicorum inscriptiones, in quibus palmæ insculptæ sunt, quas Ethnicos effinxisse in sepulcris autumat, tamquam signum perennis memoriæ ac perpetuæ securitatis, cum palma perpetuitatem ac diuturnitatem significet. Verum, quia ex supradictis certum est, Ethnicorum corpora non fuisse in cœmeteriis Christianorum una cum corporibus Christianorum tumulata, alias affert Christianorum inscriptiones in catacumbis repertas, in quibus cum palmæ insculptæ sint, ait, palmam esse Justorum symbolum, uti docent Gregorius Magnus, Cassiodorus, & Beda, & per eas designari victoriam de vitiis reportatam a Justis Christum colentibus. Et quia Boldettus octo inscriptiones exhibet, in quibus & palma visitur, & disertis verbis martyrium exprimitur, subjicit, non ideo palmam evasisse certum indicem martyrii, cum ipsa sit omen vi-

ta aeternæ, cuius fidem tam Martyres, quam Iusti, immo & reliqui Christiani fideles constantissime tenebant, ducto exemplo a verbis in pace, aut in pace quiescit, quæ in titulis Martyrum æque ac ceterorum veterum Christianorum occurrunt. Cetera legi possunt in opere citato satis accurate exposita. Quibus etiam consonat praxis eorum, qui modo præstant eruentis corporibus & catacumbis: a Nobis enim interrogati dixerunt, se scilicet palmam non habere pro sufficiente signo martyrii, sed totum fundamentum a se constitui in vase sanguine tincto.

C A P U T XXVIII

*De extractione, custodia, & distributione sanctorum Corporum
& Reliquiarum, qua extrahuntur ex coemeteriis*

Urbis, & de cultu illis debito

PLura fuerunt a summis Pontificibus statuta, ut corpora & Reliquiæ Sanctorum Baptizatorum & coemeteriis Urbis caute extrahantur, fideliter custodiantur, & prudenter distribuantur; quorum statutorum præcipua capita operæ pretium est in præsentem referre.

1. Primo, omnibus tum viris, tum semipis, & personis quibuscumque etiam Ecclesiasticis, siue Regularibus, siue Secularibus, prohibitum est ad sacra coemeteria accedere, siue in Urbe, siue in ejus territorio, & ab illis quascumque, licet minimas, Reliquias extrahere, aut extrahentibus auxilium & favorem præstare, sub poena trireremium, aut pecuniaria, pro conditione delinquentium, & sub poena excommunicationis latæ sententiæ, a qua, excepto mortis articulo absolvi non possint, præterquam a Romano Pontifice, juxta edictum a Cardinali Gaspare de Carpinis Urbis Vicario jussu Clementis Papæ XI. publicatum die 21. Martii 1713.

2. Secundo, sacra Reliquiæ extrahi non possunt, nisi adit Sacerdos a Cardinali Urbis Vicario designandus, qui diligenter inquirere debet & recognoscere signa, quæ Congregatio Cardinalium, Indulgentiis & sacris Reliquiis præposita, certiora & tutiora judicavit: juxta enim Constitutionem Clementis Papæ IX. editam die 6. Julii 1669. ad Congregationem Indulgentiis & sacris Reliquiis præpositam spectat Reliquias reconditas inventas examinare & recognoscere, cum inter alias illius facultates hæc in eadem Constitutione exprimitur: *Reliquias de novo inventas, quas recondenda memoriæ Innocentius Papa III. Prædecessor noster in generali Concilio Lateranensi publica veneratione colit, nisi prius auctoritate Romani Pontificis approbatas, prohibuit, recognoscendi quoque & examinandi*

3. Tercio, facta corporum & Reliquiarum recognitione, corpora ipsa & Reliquiæ sunt in capis recondendæ, quæ sigillis clausæ deferuntur vel ad Episcopum Præfectum Sacrarii Apostolici, vel ad Sacerdotem a Cardinali Vicario deputatum, ut ab illis custodiantur.

5 Quarto, corpora & Reliquiæ non possunt ad publicam exponi venerationem, nisi prius Cardinalis Vicarius, vel alii, quibus hæc cura de-
mandata est, illas examinauerint, & nisi prius vel ab ipso Romano Pon-
tificæ, vel a Congregatione Indulgentiis & sacris Reliquiis præposita fue-
rint approbatæ.

6 Quinto, cum sacra corpora insignesque Reliquiæ non debeant in
privatis ædibus asseruari, sed in ecclesia sint collocandæ, illarum largitio
heri non potest, nisi asserantur litteræ Ordinarii, ecclesiæ dignitatem te-
stantes, & asserentes, operæ pretium esse ecclesiæ illam donari sacris
corporibus, aut insignibus Reliquiis; dummodo tamen res non sit de ma-
gnis Principibus, vel præcipuis Ecclesiæ Præsulibus, cum quibus libera-
lis agi consuevit; vel dummodo non agatur de Reliquiis minus insigni-
bus, quæ privatis Fidelibus concedi possunt, uti etiam caveatur in edicto
supra memorato, edito anno 1713.

7 Sexto, statutum est, ut liber conficiatur; in quo adnotentur tum
corpora & Reliquiæ e coemeteriis extractæ, tum nomina personarum &
ecclesiarum, quibus concedantur, & in quibus collocantur.

8 Septimo, prohibitum est illis, qui vendunt & ornant capsulas, in
quibus Reliquiæ includuntur, alia nomina his adscribere, quam ea quæ a
Cardinali Vicario eis sunt imposita.

9 Octavo, decretum est ad tollendam omnem occasionem turpis qua-
estus, ut Cardinalis Vicarius solvat illis, quorum utitur ministerio in ef-
fodiendis sacris corporibus; justam mercedem ex pecuniis & elemosy-
nis, quæ piis operibus essent applicandæ.

10 Ultimo, sub poena excommunicationis lætæ sententiæ, in quam
delinquentes ipso facto incurrant, prohibitum fuit, ne vel in tradendis
sacris corporibus, vel pro consecratione litterarum Patentium, earumque
sigillo aliquid vel modicum a sua sponte dantibus accipiantur.

11 Hucusque adducta confirmantur ex litteris summi Pontificis Cle-
mentis X. sub titulo & formâ Brevis, quæ prodierunt, prævio examine
& consilio nonnullorum Romanæ Curie Præsulum, & aliorum Virorum
doctrina, rerum usu, & prudentia præstantium, quasque opportunum
existimavi hic integras referre.

CLEMENS PAPA X.

AD futuram rei memoriam. Ex commissæ Nobis cælitus enra Pastoralis officio
providere volentes, ut sanctorum Martyrum corpora & Reliquiæ pie ac
decenter, & sine turpi questu ex huius alma Urbis nostra, & locorum circum-
vicinorum coemeteriis extrahantur, recondantur, asservantur, ac fideliter pru-
deniterque distribuuntur, de nonnullorum dilectorum Filiorum Romana Curie
Prælatorum, aliorumque doctrina, rerum usu, & prudentia præstantium viro-
rum, qui rem iussu nostro mature discussissent, & quorum sententiæ Nobis a di-
Tom. IV. Rrrrr

lecto Filio nostro Gaspare S. R. E. Presbytero Cardinali Carpinio nuncupato, in Urbe predicta Vicario in spiritualibus generali, ac Predatorio nostro relata fuit, consilio, auctoritate Apostolica tenere presentium precipimus & mandamus, ut nemini ad extrahendas & coemeteriis predictis Reliquias accedat, nisi ejus rei facultatem Scripto, quod memorati Gasparis Cardinalis modernus, seu pro tempore existens in eadem Urbe Vicarii in spiritualibus generalis sigillo munitum, & illius manu subscriptum sit, obtinuerit, nec ossa, vel corpus ullum sub poena excommunicationis lata sententia effodiat, & in aliquo coemeterio hujusmodi extra-
 hat, aliter quam coram Sacerdote per dictum Gasparem Cardinalem modernum, seu pro tempore existens Vicarium ad id designato, qui diligenter inquirat & recognoscat locum, inscriptiones, & quae martyrii signa, quae certiora esse censuit Congregatio venerabilium Fratrum nostrorum ejusdem S. R. E. Cardinalium indulgentiis & sacris Reliquiis praeposita; qua omni recognitione facta, suam singula corpora, & cujuscumque Martyris Reliquias seorsum in capsulis recondat, quas sigillo clausas recta deferri curet ad Urbem in palatio nostro Apostolico asserandas, & a venerabili Fratre Josepho Eufanio Episcopo Helenopolitano moderno, & pro tempore existens Sacrarum Apostolicarum Praefecto, vel ab aliis per predictum Gasparem Cardinalem modernum, seu pro tempore existens Vicarium designando, qui probatis moribus, ac Praebitis ordine insignitis sit, custodiendas. Hac autem Martyrum corpora & Reliquiae ne distrabantur, & publice ad cultum & venerationem exponantur, antequam per dictum Gasparem Cardinalem modernum, seu pro tempore existens Vicarium, vel alios, quibus hac cura commadata est, examinata & examinata, ac Romani Pontificis, vel memorata Cardinalium Congregationis auctoritate approbata, & approbata fuerint. Quoniam vero, eadem sacra corpora, & insignes Reliquiae, videlicet caput, erus, brachium, & eam corporis partem, in qua passus est Martyr, si tamen integra est; nec in privatis aedibus, neque apud laicos homines, sed in ecclesia religioso collocari & asseruari par est; ideo iubemus, ea, & eas nemini in posterum concedi, qui Ordinarii litteras non asserat, quibus ad predictum Gasparem Cardinalem modernum, seu pro tempore existens Vicarium commendetur ecclesia, pro qua petuntur, dignitas, restatutque fiat, opera pretium esse, petitis Sanctorum Reliquiis ecclesiam illam donari, ut in futurum ea, qua decet, religiose custodiatur & celantur. Excipiendos tamen volumus magnos Principes, & praecipuos Ecclesiae Praelatos, cum quibus liberalius agendum erit; & ne ceterorum quoque Fidelium pietas hoc sancto munere omnino privetur, minas insignes Reliquiae illis concedentur. In omnibus autem modum servari iubemus, quoniam praecipua saepe accidit, ne sanctiora quaque minas in pretio habeantur, quod maxime cavendum est. Conscribatur etiam liber, in quo sancta corpora & Reliquiae & coemeteriis predictis extractae annotentur, cum nomina illorum, quibus Reliquiae ipse distribuit, & ecclesiarum, pro quibus impetrata fuerint. Porro qui ornant & vendunt capsulas, thecas, & vasa, quibus Reliquiae Sanctorum includuntur; Reliquiae aliae ne adscribant nomina, nisi quae a dicto Gaspare Cardinali moderno, seu pro tempore existens Vicario impendantur, sub viginti quinque scutorum moneta aliis

aliquis panis ejusdem Vicarii arbitrio insignendis; atque, ut omnis tollatur occasio turpis quaestus, illi, quorum operam & ministerium in effodiendis & extrahendis sacris corporibus idem Gasspar Cardinalis modernus, seu pro tempore existens Vicarius adhibebit, de pecuniis & elemosynis, quae piis operibus applicanda fuerint, de mandato ipsius Vicarii accipiant, quantum aequum fuerit pro expensis omnibus, & iusta eorum mercede. Postremo sub excommunicationis latae sententiae poena per transgressores ipso facto incurrenda, districte prohibemus, ne in tradendis sacris corporibus et Reliquiis, et pro consecratione litterarum patentium desuper expeditis, earumque sigillo aliquid, etiam medicum, ullo umquam prae-textu, etiam a sponte dantibus, accipiantur: Decernentes, easdem praesentes litteras semper firmas, validas et efficaces existere et fore, suosque plenarios et integros effectus sortiri et obtinere, ac ab illis, ad quos spectat, et pro tempore spectabit, in omnibus et per omnia inviolabiliter observari, sicque, et non aliter in praemissis per quoscunque Iudices ordinarios et delegatos, etiam causarum palatii Apostolici Auditores, ac S. R. E. praedictae Cardinales, etiam de laere Legatos, aliosque quoslibet quacunque praereminentia et potestate fungentes, subla- ta eis et eorum cuilibet quavis aliter iudicandi et interpretandi facultate et auctoritate, iudicari et definiendum, ac irritum et inane, si secus super his a quoquam quavis auctoritate scienter vel ignoranter contigerit attentari: Non obstantibus Constitutionibus et ordinationibus Apostolicis, ac, quatenus opus sit, quarumvis Ecclesiarum et Basilicarum, alisque quibuscunque, etiam juramento, confirmatione Apostolica, vel qua vis firmatae alia roboratis, Statutis et consuetudinibus, privilegiis quoque, individualibus, et litteris Apostolicis quibuscunque personis et locis sub quibuscunque verborum tenoribus et formis, ac cum quibuscunque, etiam derogatoriis derogatoriis, alisque efficacioribus, efficacissimis et insolitis clausulis, irritantibusque, et aliis Decretis in genere vel in specie, et alias quomodolibet in contrarium praemissorum concessis, confirmatis et innovatis, quibus omnibus et singulis, etiam si de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio; seu quavis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, et firma in illis tradita observata, exprimerentur et inferrentur; praesentibus pro plene et sufficienter expressis et insertis habentes, illis alias in suo robore permanens, ad praemissorum effectum hac vice duntaxat: specialiter et expresse derogamus, ceterisque contrariis quibuscunque. Volumus autem, ut earundem praesentium litterarum transcriptis seu exemplis, etiam impressis, manu alicujus Notarii publici subscriptis, et sigillo persona in Ecclesiastica dignitate constituta munitis eadem prorsus fides in iudicio et extra illud adhibeatur, quae praesentibus ipsis adhiberetur, si forent exhibita vel ostensa. Datum Roma apud S. Mariam Majorem sub anulo Piscatoris die 13. Januarii 1672. Pontificatus nostri anno secundo.

12 Porro carent ut plurimum nomine sacra corpora, quae a coemeteriis seu catacumbis extrahuntur: quocirca hac etiam de re nonnulla hic sunt exponenda. Primum est, an nomen imponatur sacris illis corporibus

ribus & Reliquiis Sanctorum, quæ e coemeteriis eruuntur, atque adeo an id laudabiliter fiat. Secundum est, an hic mos sit antiquus, & a veteri Ecclesiastica disciplina descendat. Tertium est de nominibus, quæ hisce Sanctis ignotis, sive baptizatis imponuntur. Quartum est, an recte satisfieri possit oppositionibus illorum, qui huic laudabili consuetudini aduersantur.

13. Ducto itaque initio a primo, in quo querendum proponitur, an nomen imponatur sacris corporibus & Reliquiis, quæ e coemeteriis eruuntur, atque adeo an id laudabiliter fiat; facile respondetur, nomen imponi, si ex signis constet, corpus vel Reliquias esse alicujus sancti Martyris, nec ulla adsit noticia nominis, quo Martyr ille fuit appellatus. Imponitur autem hoc nomen a Cardinali Vicario; & id laudabiliter fit, cum Fideles ferventiori affectu serantur erga Reliquias illorum Sanctorum, qui certis nominibus indignantur, quam erga alias, quæ, etiam si sint Reliquiæ Sanctorum, nomine nihilominus carent; uti annotavit Ferrandus *disquisit. Reliqu. lib. 1. cap. 5. art. 1. Minime superfluum est, certa nomina incertis Sanctorum Reliquiis attribuire*, quod experientia usque quotidiano videamus, Fideles multis minori affectu studio, ac pietate affici & ferri erga Divorum illorum exuvias, quorum nomina mortales latent, quam ad versus eas, quæ certis nominibus indignantur; potantius enim nobis nota & certa, quam obscura, ignota, & incerta, solent movere animas, ideoque major Divina gloria, atque Celitus cultus, ac venerationis plerumque accessio fit. Quid, quod huiusmodi certa nomina incertis Sanctorum lipsanis aptandi ratio nec præter Ecclesiæ Catholicæ institutionem, nec contra ejusdem consuetudinem ulla pacto est? Esto, simile nihil a Deo super hac re, Christo Servatore sit institutum; satis est, quod suis in terra Vicariis & Administris id definiendum reliquerit, quod e majori sua gloria, & Amicorum suorum cultu prudenter ac rite judicaverint faciendum.

14. Ad secundum quod attinet, in quo queritur, an hic mos sit antiquus, dicimus, eum esse antiquissimum. Cum enim Christiani initio nascentis Ecclesiæ nomen ignorarent illius Athletæ Christi, qui se co-mitem adjunxit S. Felici in ipso martyrio, Adauctum appellarunt: quare, in Martyrologio Romano ad diem 30. Augusti ita legitur: *Illiusque nomen, ignorantes Christiani, Adauctum eum appellarunt, eo quod Sancto Felici adiutus sit ad coronam*. Consonat Officium ejusdem Martyris, in quo hæc habetur: *Cujus nomen cum ignotum esset Christianis, is Adaucti nomine nobilitatus est, quod sancto Martyri Felici adiutus sit ad coronam*. De quatuor etiam Fratribus Severo, Severiano, Carpophoro, & Victorino martyrii palmam assecutis ait Romanum Martyrologium ad diem 8. Novembris: *Horum autem nomina quæ postea interjectis annis, Domino revelante, ostensa sunt, eum minime reperiri tunc potuissent, statutum fuit, ut anniversaria dies ipsorum non tam illis quinque sub nomine sanctorum Quatuor Coronatorum recoleretur, qui mortem, postquam revelata sunt, in Ecclesia perseverant*. Ostendunt

autem

autem hæc omnia, antiquum esse morem imponendi nomen Sanctis illis, quorum sanctitas est certa; licet incertum sit nomen, uti observat Baldellus tom. 2. *Theolog. moral. lib. 3. disput. 16. num. 16.* Ferrandus *disquisit. Reliq. lib. 1. cap. 5. §.* Hinc factum, & art. 1. §. *Mendacium*, &c. confirmat Joannes Mabillonius in *epistola de cultu Sanctorum ignotorum* novæ editionis pag. 83. Certe recens inventum non est, sanctis Martyribus, quorum nomina ignota essent, adsciticia imponere nomina, modo ut de vero ac legitimo eorum martyrio constaret. Exemplo sit Adauctus, qui cum S. Felice Martyre colitur tertio Calendas Septembris: cui, quod ejus nomen ignoraretur, Adaucti nomen tributum ab Ecclesia est. Ita sanctis Quatuor Coronatis, ita multis aliis, veris ac indubitatis, quos ab antiquo cultu Ecclesia, aliena nomina imposita sunt, ut ab aliis distinguerentur. Non ergo recens inventum est, [tametsi forte id rarius olim fiebat,] quod sanctis anonymis, quales sunt plerique illi, quorum corpora in Romanis cimiteriis eruantur, subditicia imponantur nomina, modo cum Sanctis receptis & authenticis non confundantur, quod Romani vitare student: Eis certe iniquum videretur, innumeros Martyres, qui simul uno in loco, unaque die passi sunt, quales fuere quadraginta quatuor milia in Agypto; qui ex edicto decimi noni anni Diocletiani martyrio coronati sunt; teste Ignatio Patriarcha Antiocheno: iniquum, inquam, videretur, tot Martyres debitis fraudare cultu, eo tantum prætextu, quod nomina eorum ignorata sint.

15 Tertium sequitur; In quo queritur; quænam sint nomina; quæ sacris corporibus & Reliquiis horum Sanctorum ignotorum imponuntur. Dicimus autem, nomina esse appellativa; quæ omnibus Sanctis communia sunt. Colligitur id ex decreto sacræ Congregationis Indulgentiarum & sacrarum Reliquiarum, edito die 23. Junii 1670. in quo hæc habentur: *Actum est de nominibus, quæ sanctorum Martyrum Reliquiis fere imponuntur, cum nullibi apparet, quo nomine appellarentur: & sacra Congregatio dixit: In decretis. Statuerat enim fel. record. Clemens Papa IX. ut sola nomina: adhiberi, quæ omnium Sanctorum communia sunt atque appellativa: omnes enim & Justus, & Candidus, & Deodatus, & Victores vocari merito possunt.* Desumitur id etiam ex opusculo Alexandri Plowjerii de cultu Sanctorum ignotorum in ejus pag. 41. & seqq. appositus est elenchus horum nominum appellativorum, quæ corporibus & Reliquiis Sanctorum ignotorum, quæ ex cœmeteriis Urbis eruantur, juxta ritum & praxim imponi consueverunt. Quocirca ad rem subdit Baldell. cit. *disput. 16. num. 16.* Et hi quoque (loquitur de illis, qui nomina Sanctis ignotis imponunt, Pontifice videlicet & Episcopis) debent cavere a mendacio & a deceptione; neque possunt hanc Reliquiam ver. gr. cujus nomen ignorant, appellare Sanctum Petrum Apostolum, Sanctum Laurentium Martyrem, vel Sanctum Franciscum Confessorem, quæ essent manifesta mendacia & pessima deceptiones Fidelium; sed solum possunt nomine aliquo appellativo appellare Sanctum Felicem, Sanctum Fortunatum, Sanctum Deodatum, Sanctum Theophilum, aut Dei Amicum: & hoc modo certissimi sunt, quod neque mentiuntur neque decipiunt, cum omnes Sancti sint vere felices; &

utre

vere fortunati, & deodati, & theophili, vel Dei amici. Quod pariter monet Ferrand. cit. art. 1. sub 9. Alterum: quibus, & aptantur tradita per Guyet. in *Hiortolog.* lib. 1. cap. 5. quasi. 12. & per Joannem Mabillon. in cit. *epist.* pag. 42. Nomina indi solent a Cardinali Vicario, vel ab Episcopo, qui Capella Pontificia praest; ob idque Sanctos ejusmodi Baptizatos appellant. Quae res magnam Sanctis authenticis confusionem per sepe affert, dum horum nomina novis illis Sanctis tribuuntur. Quod tamen evitare studens, imponendo ea tantum nomina, seu epitheta, quae nominatissimis Sanctis non competunt.

16 His autem positis, cessant ea, quae a nonnullis in contrarium dici consueverunt, & de quibus quarto loco agendum erat. Prima enim oppositio deducitur ex mendacio, quod gravius reputatur, uti pertinens ad materiam religionis, teste D. Augustino lib. de mendacio cap. 17. Secunda deducitur oppositio ex superfluitate, cum supervacaneum videatur dicta nomina imponere. Tertia tandem desumitur oppositio ex confusione; cum enim idem nomen pluribus Sanctis imponatur, hinc fit, ut multae Civitates contendant, se unius & ejusdem Sancti corpus habere; uti de Sancto Felice monet Ferrandus *disquisit. Reliq. lib. 1. cap. 5. art. 2.* Posito siquidem, quod nomina appellativa tantummodo imponantur Sanctis ignotis, & quod Fidelium cultus augeatur propter horum nominum impositionem, nemo est qui non videat, nec mendacium nec superfluitatem ullum sibi locum vindicare posse, atque ideo, utcumque contentio inter Civitates exoritur, ita ut plures putent, se habere corpus & reliquias unius & ejusdem Sancti, pius hic populorum error aut facile tolli potest, aut, quatenus tolli non possit, nullum affert pietati, & religioni detrimentum, teste Guiberto Abbate de pignor. Sanctorum lib. 1. cap. 4. §. 2. *Quartur quoque ab aliquibus, utrum eorum Reliquiae, cum altera pro alteris honorantur, & non sint ejus, cujus esse putantur, aliquid perniciosum colentibus impartire credantur; quod ego non existimo: cum enim Dominus de eis dicat [Joann. 17.] ut sint unum, sicut & nos unum sumus, cum ipsorum universitas sub Christo capite sit quasi quaedam identitas corporis, & unus cum Deo sint spiritus ipsi inhaerentes, inter eorum ossa, qui Sancti sunt, non est error, si alia pro aliis encolantur, qui commembres in sui Authoris corpore dignoscuntur.* Pluribus hoc idem prosequitur Riccius. *lucubrat. Eccles. lib. 1. cap. 11. 12. & 39.* & qui alia desiderat ad materiam, de qua nunc agimus; perterrita, opus supra memoratum Canonici Marci Antonii Boldetti legere potest, in quo omnia latissime explicantur & confirmantur.

17 Superest, ut de cultu corporum & Reliquiarum horum Sanctorum aliqua exponantur, & signanter quoad Officium & Missam, & delevationem per Processiones: cetera enim, quae alibi dicta sunt de collocatione sanctorum corporum sub altaribus, non super altaria, communia sunt corporibus etiam illorum Sanctorum, qui Baptizati dicuntur.

18 Nonnulla adsunt decreta Congregationis sacrorum rituum, in quibus prohibetur Officii recitatio in honorem eorum, quorum nomina

non

non sunt descripta in Martyrologio Romano licet insignes eorundem Reliquiæ in ecclesiis ad publicum cultum exponantur. Primum editum fuit die 3. Junii 1617. *Propositis dubiis, quæ præserto memoriali continentur, & audita relatione Illustrissimi & Reverendissimi Domini Cardinalis Muni, cui hæc Causa commissa fuit, sacra rituum Congregatio respondit, ut infra, videlicet, necessarium esse, ut Reliquia sit insignis ejus Sancti, de quo celebrare possumus Officium, veluti corpus integrum, aut magna pars ejusdem, aut caput, & sit ex Sanctis approbatis & positis in Martyrologio, & tunc in illa ecclesia tantum, ubi est Reliquia insignis, in die ejus festivitatis celebrari poterit Officium, servatis Rubricis Breviarii.*

19 Secundum decretum editum fuit die 6. Aprilis 1658. in quo ita habetur: *Capitulum & Clerus Sanctorum Petri & Pauli Loci Pitici Maseranen. diocesis sacrorum Rituum Congregationi supplicarunt, eis benigne indulgeri, ut Officium sanctorum Martyrum, quorum Reliquia in eorum ecclesia ab anno 1654. asservantur, hætenus sub duplici majori tantum recitari solitum, in posterum cum Octava recitari possit: & sacra Congregatio respondit, nec licuisse, nec licitum esse Oratoribus recitare Officium insuam Reliquiarum de Sanctis, qui non recensentur in Martyrologio Romano.*

20 Tertium decretum editum fuit die 17. Aprilis 1660. Petentibus etenim Priore & Canonicis Collegiæ ecclesiæ S. Angeli civitatis Viterbiensis, ut dies septima Octobris assignaretur pro recitando Officio in honorem SS. Savini & Eugenii, quorum corpora in ipsorum ecclesia asservabantur, sacra Congregatio respondit, eos non posse recitare Officium de Sanctis illis, de quibus nulla habetur mentio in Martyrologio Romano, vel si non constat de identitate corporum sanctorum, de quibus mentio fit in eodem Martyrologio.

21 Quartum decretum editum fuit die 21. Januarii 1662. Instantibus etenim Capitulo & Canonicis Collegiæ ecclesiæ S. Martini Turoren. pro facultate celebrandi sub ritu duplici Officium de Translatione S. Venturini Martyris, cujus corpus fuerat ipsis dono datum ab Episcopo Heliopolita, sacra Congregatio respondit: *Obstare decreta, quia non est de expressis in Martyrologio Romano.*

22 Quintum decretum editum fuit die 3. Junii ejusdem anni 1662. Cum enim petitus fuisset, ut declararetur, an Episcopus statuere posset diem Dominicam pro celebratione festi alicujus sancti Martyris, cujus insignis Reliquia in ecclesia conservatur, sacra Congregatio respondit negando; nec posse dixit de eo celebrari Officium & Missam die martyrii, vel obitus ejusdem, nisi Reliquia sit de Sancto descripto in Martyrologio Romano, & constet de identitate Reliquiæ ejusdem Sancti.

23 Sextum decretum editum fuit die 20. Novembris 1683. Instante etenim Vicario Generali Archiepiscopi Toletani, sacra Congregatio declaravit, non licuisse, nec licere recitare Officia de Sanctis non canonizatis, nec descriptis in Martyrologio Romano, neque ratione insignium

Re-

Reliquiarum, nisi constet de identitate earundem, videlicet eas esse ex corpore illorum Sanctorum, de quibus ea die hic mentio in Martyrologio Romano, non autem aliorum ejusdem nominis; ac ita in civitate & dioecesi Toletana servari mandavit.

24. Ultimum tandem decretum, editum fuit die 11. Augusti 1691. Cum sacrorum rituum Congregationi innoverit, quamplures abusus irrepisse circa recitationem Officii sub pretextu Decreti ab eadem Congregatione divulgati de anno 1630. & in Breviario Romano impressi, in quo permittitur, posse in ecclesia recitari Officia & Missas celebrari de illis Sanctis, quorum corpora aut Reliquia insignes in ea aservantur; E. E. PP. eidem sacra Congregationi propositi ejusdem abusus evellendis precipue intenti, inherendo decretis aliis in similibus editis, declararunt, predicta Officia Sanctorum ratione corporis seu insignis Reliquia recitanda intelligi debere de Sanctis duntaxat in Martyrologio Romano descriptis, & dumtaxat constet de identitate corporis seu Reliquia insignis illiusmodi Sancti, qui reperitur in Martyrologio Romano descriptus. De ceteris autem Sanctis, in predicto Martyrologio non descriptis, aut quibus a Sancta Sede non fuerit specialiter concessum, Officia recitari & Missas celebrari vetuerunt, non obstante, quod ipsorum corpora vel insignes Reliquia in ecclesiis aserventur. Quibus tamen ab Ordinariis locorum probatis debitam Fidelium venerationem (prout hactenus servatum est) habendam esse censuerunt, sed absque Officio & Missa sub penis de non satisfaciendo precepto recitandi Officium, aliisque in Constitutione Pii V. contentis: Die 11. Augusti 1691. Et, facta de predictis Sanctissimis per me Secretarium relatione, Sanctitas Sua hujusmodi decretum approbavit, ac, ut debita executioni mandetur, locorum Ordinariis injungendum esse precepit: Die 19. Octobris ejusdem anni 1691.

25. Si memorata sacra Congregationis rituum decreta eo sensu intelligentur, ut Officium recitari & Missa celebrari non possint, nisi in honorem eorum, quorum nomina sunt in Martyrologio Romano descripta, eadem procul dubio adversantur tum Rubricis Martyrologii Romani, tum consuetudini Sedis Apostolicæ. Enimvero, quod attinet ad Rubricas Martyrologii, cum in ipsis sic legatur, *Festa, de quibus eo die fit Officium, semper primo loco ponuntur: quod etiam servandum erit & in festis multis, que pronuntianda sunt, ut infra dicitur, & in Sanctis propriis particularium Ecclesiarum in hoc Martyrologio non appositis, qui in his tantum ecclesiis & locis, ubi precipue memoria eorum celebris habetur, legi poterunt etiam primo loco, si de illis ibidem agatur Officium; si vero non agatur, post Sanctos in Martyrologio descriptos ordine suo, videlicet Martyres post Martyres, Confessores post Confessores, & Virgines post Virgines; utique ponit hæc Rubrica, in aliqua ecclesia celebrari Officium alicujus Sancti, cujus nomen non sit descriptum in Martyrologio Romano. Quod autem spectat ad consuetudinem sanctæ Sedis, si nomina Beatorum ex supradictis non sunt de jure describenda in Martyrologio Romano, & tamen in honorem Beatorum Beatificatione formali Officium & Missa passim conceditur, ali-*

quan-

quando vero etiam in honorem Beatorum Beatificatione acquiescentis profecto inferitur, juxta Sedis Apostolicæ praxim Officium recitari & Missam celebrari etiam in honorem eorum, quorum nomina non sunt in Martyrologio Romano descripta.

26 Dicendum est itaque, non posse, propter congruentiam inter Martyrologium & Breviarium, Officium recitari & Missam celebrari in Ecclesia universali in honorem eorum, quorum nomina non sunt in Martyrologio Romano descripta; & præterea nec Missam celebrari, nec Officium recitari posse in honorem eorum, quorum corpora & insignes Reliquiæ ad publicam venerationem exponuntur, absque eo quod aut proprium eorumdem Sanctorum nomen, aut Acta reperiantur martyrii, sicuti ut plurimum sunt illa, quæ eruantur e cœmeteriis Urbis, & ad alias ecclesias mittuntur: & hic est sensus decretorum supra relatorum. Cum etenim ad normam antiquioris decreti in Breviario Romano typis impressi, in quo prohibetur festum cum Officio; licet Ordinarii auctoritate institutum, pro tota civitate & diocesi sub titulo corporis, aut insignis Reliquiæ, quæ in aliqua ecclesia asservetur; fieret aliquando concessio recitandi Officium in honorem eorum, quorum corpora aut insignes Reliquiæ e cœmeteriis Urbis, aut aliunde erutæ venerationem & cultum obtinebant; sacra Congregatio statuit, ne in posterum Officia & Missæ celebrarentur, nisi nomina in Martyrologio Romano descripta essent, & constaret de identitate; non quia de eorum sanctitate dubitaverit, cum sanctitas sit certa, nec quia illis cultum subtrahi velleret, cum in decreto anni 1697 debita veneratio illis reservetur; sed quia lectiones propriæ in eorum honorem concedi non possunt, cum Acta martyrii eorumdem ignorentur; quatenus vero fieret concessio lectionum de Comuni, Sanctorum Officia procul dubio in infinitum excrescerent & multiplicarentur, quod non est admittendum. Apud Bollandianos *tom. 7. Julii pag. 3.* historia refertur corporis S. Theodori Martyris eruti ex cœtæcumbis Urbis, & dono dati Collegio Augustæ Vindelicorum Societatis Jesu. Ab hujus Societatis Sacerdote Simone Mayr datæ sunt litteræ ad celebrem Patrem Janningum ejusdem Societatis, in quibus rogatus est, ut transmitteret monumenta, quæ pertinere poterant ad ejus martyrium, eo suo obtentu, quod excitandæ devotionis gratia ea edere animus erat, & fortasse ut in ejus honorem Officium recitari posset cum lectionibus propriis: putabatur enim, corpus seu Reliquia esse S. Theodori, cujus memoria recolitur in Martyrologio Romano *ad diem 29. Julii.* Respondit Janningus, de hoc non constare; & Theodori nomen Martyris corpori fuisse recentè editum. Porro Janningus in hoc erravit; cum Theodori nomen non sit nomen appellativum. Bollandiani autem decepti non sunt, cum in citato loco pluribus ostendant, cultum esse exhibendum corpori S. Theodori Martyris in cryptis Urbis invento, licet Acta martyrii ignorentur: satis enim est ad cultum, ut certum sit ejus martyrium

quavis hoc non sit satis pro concessione Officii & Missæ sed præterea requiratur, ut nomen sit in Martyrologio Romano descriptum, & ut corpus inventum sit ejus, qui in Martyrologio Romano descriptus est. 27 Uno verbo, decreta relata verant concessionem Officii & Missæ ratione insigniæ Reliquiæ, aut integri corporis, nisi corpus & insignis Reliquia sit alicujus Sancti descripti in Martyrologio Romano, & [ut sæpe dictum est] constet de identitate: & ita quidem, ut vi eorundem decretorum exclusa sit concessio Officii & Missæ ex titulo corporis, aut insignis Reliquiæ Sancti sive baptizati, sive non descripti in Martyrologio Romano; sed exclusa dici non possit concessio Officii & Missæ in honorem Beatorum sive Beatificatione formali, sive Beatificatione æquipolenti, de quorum virtutibus, aut martyrio, miraculis, & cultu monumenta supersunt, licet eorum nomina non sint in Martyrologio Romano descripta. Quæ quidem cum a me tamquam Fidei Promotore fuissent adducta in quadam dissertatione super concessione lectionum propriarum in honorem S. Sislegri Abbatis Nonantulani, sacrorum rituum Congregatio, referente Cardinali Fabronio, probanda censuit.

28 Ex particularibus tamen quibusdam circumstantiis in exemplum non ita facile adducendis, aliquando a prædicta regula sacra Congregatio recessit, ut ex hoc decreto colligitur.

Congregationi sacrorum rituum exposuit Eminentissimus & Reverendissimus Dominus Cardinalis Flavius Chylius, inter ceteras insignes Sanctorum Reliquias publicæ venerationi expositas in sacello B. Mariæ Virginis immaculata a sanctæ memoriæ Alexandro VII. Pontifice maximo ejus patris in Metropolitana Senensi ecclesia exstructo, & suo more magnificentissime ornato corpus S. Sergij Martyris sub ara collocatum fuisse, ac inter nonnullas Indulgentias idem sacellum certis quibusdam diebus devote visitantibus elargitas concessam quoque contineri Indulgentiam plenariam die festo ejusdem Martyris. Institit propterea idem Eminentissimus Dominus Cardinalis, eo quod ignoretur dies martyris, depositi, & translationis, certam diem assignari ad hujusmodi festum quotannis celebrandum cum Officio & Missa, quamvis non constet, sacras easdem exordias ejus Martyris esse, de quo fit mentio in Martyrologio Romano. Et sacra Congregatio ob plurimas, adeoque graves causas & circumstantias, quæ in presenti casu concurrunt, in exemplum idcirco de facili nequaquam deducendas [nempe, quod auctoritate summi Pontificis sacrum ejusmodi pignus e cœmeterio S. Callisti eductum, & translatum, ibique repositum fuerit, ac Indulgentia plenaria perpetua semel singulis annis ejus festo idem sacellum visitantibus concessa habebatur, tantisque signis unitatis ejus corporis identitas, utpote Martyris, sciant & comprobetur, præter enim signum Martyrum sarcophagi inscribi consuetum, nomen ejus, appareat, & pars, in qua passus est, memoretur his verbis,

SER-

SERGIVS IN CORDE PASSVS QUIESCIT IN PACB; necnon subnexa: inspicimus imagines in eodem marmore incisæ cordis humani sagitta transverberati, & eolumbarum rostro olivarum ramos ferentium] petitis annuatim assignavit diem ser-tiam Octobris ad recolendum ejusdem Sancti martyrium cum Officio & Missa sub ritu duplici minore de Communi unius Martyris, & Oratione, Præter quæsumus &c. ut, intercedente Beato Sergio &c. cum Officio scilicet per Capitulum & Clerum ejusdem Metropolitane ecclesie recitando eum, lectionibus primæ Nocturni de Feria currenti, secundi, de expositione S. Ambrosii, Principes persecuti sunt, tertii demum de homilia S. Gregorii Papa in Euanghium, Si quis vult post me venire, & cum Missa, Lætabitur iustus, cum Gloria & Credo, etiam a Presbyteris ad eandem Metropolitanam transfusionibus, in eaque celebrantibus non obstantibus quibuscumque, etiam generalibus, Decretis, ulisque in contrarium quomodolibet facientibus, quibus pro hac vice damtaxat, utentis causis, & circumstantiis prædictis, derogavit, alias in suo robore perpetuo permanferis: Die 26. Novembris 1678: Aliud concordat: cum etenim in sacris cœmeteriis Urbis corpus inventum fuisset S. Amantii Martyris cum proprio nomine, illudque dono datum fuisset Abbati & Religiosis Congregationis Lateranensis Canoniorum Regularium Ordinis S. Augustini diocesis Passaviensis a Cardinali Paulutio Urbis Vicario, conditumque in monasterio ecclesia pio religionis cultu ab omnibus Christianidelibus esset honoratum, ad enixas preces Cardinalis Lambergh Passaviensis Episcopi, Nos ipsi per litteras Apostolicas sub titulo & forma Brevis Officium & Missam de Communi unius Martyris concessimus. En Breve ipsum

Dilecto Filio nostro Josepho Dominico Tiruli Sancti Petri in Monte Aureo Presbytero S. R. E. Cardinali Lambergh nuncupato; ex concessione & dispensatione Apostolica Ecclesie Passaviensis Presuli.

BENEDICTVS PAPA XIV.

Dilecte Fili noster salutem &c. Quas dilectorum Filiorum Abbatis & Religiosorum Congregationis Lateranensis Canoniorum Regularium Ordinis S. Augustini istius diocesis tua Passaviensis nomine demissas Nobis porrevisti, preces eo gratiori Apostolica benignitatis studio excepimus, quo ad mirabilem in sanctis Martyribus laudandam omnipotentis Dei gloriam intensiori pietatis ardore subnixas esse videmus. Itaque libenter animis, & Apostolica auctoritate per hæc nostras in forma Brevis litteras, quas ad te damus, concedimus & indulgemus, quotannis Officium & Missam de Communi unius Martyris dumtaxat sub ritu duplicis majoris ab istdem Abbate & Religiosis in monasterio seu Conventu S. Nicolai nuncupato, prope istam civitatem Passaviensem sito, pro tempore, existentibus tantummodo in perpetuum necitati & celebrari eo die, quo per te festum assignanda getur festum S. Amantii Martyris, cujus sacrum corpus in hujus

alme Urbis hoste a sacris coemeteriis cum proprio nomine inventum. & a bona memorie Fabricio Cardinali Paulotto, dum vixit; ejusdem Urbis Vicario, alias dono datum in ipsius monasterii seu Conventus S. Nicolai ecclesia conditum haberi usque; & principis pieque religionis cultu honorari. Fore autem in Domino consideramus: ut hoc Apostolica indulgentia argumentum tibi quidem sit clariori ad propensam in te voluntatem nostram amplius cognoscendam testimonio, illis vero vehementiori ad majores in religiosa vite, & regularis disciplina observantia profectus faciendor incitamentum. Interea Apostolicam benedictionem, quam istdem Abbati & Religiosis per te quoque impetiri volumus; tibi dilecte Fili noster peramanter largimur. Datum Roma &c. die 21. mensis Julii 1741. 104. 67

29 Quid autem dicendum esset, si a tempore immemorabili recitaretur Officium & celebraretur Missa in honorem alicujus Sancti, cujus corpus aut insignis Reliquia extracta fuisset ex Urbis coemeteriis, & in aliqua ecclesia ad publicam expositionem veneracionem, licet ipsum Sancti nomen non sit descriptum in Martyrologio Romano? Posset ne retineri celebratio Missæ & Officii? Affirmando responderem, primo quia in supra citato Decreto anni 1691 in quo prohibentur recitatio Officii & celebratio Missæ, reservatur Apostolica concessio; secundo quia, si in Decreto alibi relatis Urbani Papæ VIII non innuitur cultus publicus erga illud, qui nec fuerunt beatificati nec canonizati a Sede Apostolica, multo minus erga illum debet cultus erga illos, quorum sanctitas est certa, licet incertum sit nomen. Quam remere fugebar. Fidei Promotoris, Episcopus Ripanus sacre Congregationi rituum exposuit, asservari in Parochiali ecclesia castri Sancti Benedicti corpus cujusdam S. Benedicti Mareyis, & in ejus honorem ab immemorabili tempore celebratum fuisse sacrificium Missæ & recitatum Officium de Communi: cumque idem Episcopus quaesivisset, an id in posterum permittere deberet, eo quod obitare videretur Decretum sacre Congregationis supra relatum, & editum die 11. Augusti 1691. typisque impressum in parvo Bullario Innocentii XII. pag. 289. etsi ipse uti Fidei Promotor in meis animadversionibus ostendissem, Sanctum illum fuisse unum ex iis, qui dicuntur Baptizati; cujusque corpus fuerat probabiliter erutum ex coemeteriis Urbis; sacra Congregatio, referente Cardinali de Abdua, censuit, nihil esse innovandum, & ratione immemorabilis temporis permittendam esse recitationem Officii & celebrationem Missæ de Communi unius Martyris.

30 Jam vero veniamus ad delationem horum sanctorum corporum seu Reliquiarum per Processiones. Actum fuit de hac re, licet nihil decretum fuerit, in Congregatione Indulgentiæ sacrisque Reliquiis preposita, cui ipse intereram tanquam Fidei Promotor, & in qua quidem ex officio hæc apposui adversus delationem dictarum Reliquiarum per Processiones. Primum scilicet, quod in litteris testimonialibus Cardinalis Vicarii vel Episcopi Praefecti Sacratio Apostolico, ad quos pertinet in suis Reliquiarum distributio, nullum sit verbum de earum delatione

per

per Processiones, nihilque amplius in iis dicatur, quam dictas Reliquias exponi posse ad publicam venerationem in qualibet ecclesia, Oratorio, vel Capella: Secundum, quod ex Decretis editis ab Alexandro VIII. die 22. Septembris 1659. supra relatis non possint Reliquie Beatorum circumferri per Processiones. Tertium, quod nec Missa nec Officium juxta supra relata concedantur in honorem horum Sanctorum Baptizatorum. Ultimum tandem fuit, quod Missa & Officium concedantur in honorem Beatorum, non concessa delatione per Processiones: maxime autem absurdum foret, si deferri non possent per Processiones Reliquie eorum, in quorum honorem Officium & Missa celebratur, contra vero deferri possent Reliquie illorum, de quibus nec Officium recitatur nec Missa celebratur.

31. Verum eam vero probabilius mihi revera visum est, deferri posse per Processiones Reliquias eorum Sanctorum, quæ e cœmeteriis Urbis eruantur: si enim sanctitas est certa, licet incertum sit nomen, nil videtur obstat delationi Reliquiarum per Processiones.

32. Favet nempe huic rei disciplina tum antiqua, tum recens. Refert etenim Anastasius Bibliothecarius, S. Paulum I. summum Pontificem quendam Sanctorum corpora e cœmeteriis prope Urbem eruisse: & cum hymnis & canticis spiritualibus in Urbem introduxisse; quod etiam narratur a Cardinali Baronio ad A. 761. Apud eundem quoque Anastasium in vita Paschalis I. summi Pontificis dicitur, ab eo multa Sanctorum corpora in cœmeteriis suis pia sollicitudine conquesta & inventa, necnon recondita in ecclesia & Prædicationis Advocatis Episcopis, Presbyteris, & Clericis, qui in horum sanctorum corporum deportatione laudes Divinas cecinerunt; in cujus facti memoriam adhuc extant pictæ Imagines in arcu majori antiquæ ecclesiæ S. Prædixit. Demum cum corpora SS. Dionisii & Mariani una cum aliis, quorum nomina ignorabantur, fuissent a Stephano Quinto Pontifice inventa in cœmeterio vix Salaria, in historia ejus inventionis apud Cardinalem Baronium ad A. 884. & apud Suerbium ad diem 17. Januarii [pag. 284. edit. Colonia.] sic legitur: *Peracto autem opere, eisdem Sanctissimus Papa litaniis indixit, & congregato omnium Clero & populo Romanorum Crucem, discalceatis pedibus, cum lampadibus & Cantibus omnique apparatu Ecclesiastico adveniens, in foribus cum Psalmis & canticis spiritualibus Sanctorum corpora introduxit in Urbem &c. quorum in Lateranensi palatio aliquos apud ecclesiam, quam ipse idem jam ruina proximam a fundamentis renovaverat, quæ ad Apostolos dicitur, alios per diversa cardinalis Tituli condidit digna honorificentia, alios etiam circumquaque per diversa largitus est monasteria.*

33. Antiquam disciplinam recentior disciplina excipit: passim etenim videmus, fieri Processiones in excipiendis sanctis hisce corporibus & insignibus Reliquiis, quæ e cœmeteriis Urbis extractæ ad alias dioceses & urbes mittuntur; quodque notatu dignum est, cum Reliquiis, quæ in

altaribus consecrandis includuntur, ut plurimum sunt ex genere illarum, quæ e cœmeteriis extrahuntur, earum per consequens delatio per Processiones passim fit, cum juxta Pontificale Romanum in cap. de ecclesiæ dedicatione, seu consecratione statuitur, ut Reliquiæ sanctorum Martyrum in altari consecrando includendæ thure, lîminibus, & cætera Hymnorum processionalium post ecclesiâ serantur. Quocirca, si sanctitas est certa, licet incertum sit nomen, & præterea si antiqua & recens disciplina conveniunt de harum Reliquiarum delatione per Processiones, nonum probabilis, sed certa etiam mihi videtur opinio eorum, qui volunt eadem posse deferri.

34. His positis, non obstant ea quæ contra fuerunt allata. Non primum, quod nullum fiat verbum delationis harum Reliquiarum per Processiones in litteris testimonialibus. Cardinalis Vicarii, aut Episcopi Praefecti Sacratio Apostolico: sacultas etenim deferendi aliis immititur fundamenti supra adductis. Non secundum, quod Beatorum Reliquiæ non deferantur per Processiones: non tales etenim æquiparatio Beatorum ad Sanctos Baptizatos, cum in Beatis aliud super sit Ecclesiæ judicium, in Sanctis Baptizatis non item: quod quidem efficit, ut in horum honorem aliquis fieri possint, quæ in illorum honorem non fiunt. Non tertium, quod in honorem Sanctorum Baptizatorum Officium de Missa non concedatur: idem enim non sit concessio Officii de Missæ, qui aut desunt Acta de illorum vita & Passione, aut Officiorum numerus tractu temporis infinitus propemodum evaderet, uti supra dictum est: in quo rerum statu nemo non videt, hæc duo recte posse stare simul, quod scilicet in honorem Sanctorum Baptizatorum nec Missa celebrætur, nec recitetur Officium: quodque eorum Reliquiæ deferantur per Processiones. Non ultimû denique, quod deferri non possint per Processiones Reliquiæ Beatorum, in quorum honorem Missa celebratur & recitatur Officium: effect etenim, hoc argumentum alicujus roboris, si defectus Missæ & Officii in Sanctis Baptizatis non proveniret ex causis supra relatis, sed ex eo, quod Ecclesia crederet, eosdem talem cultum non mereri, uno verbo, si Ecclesia dubitaret de illorum sanctitate: cum vero id nequaquam subsistat, quia (uti sæpe dictum est) sanctitas est certa, licet incertum sit nomen: hinc fit, ut cesset vis argumenti, & probabile tutumque sit, Reliquias Sanctorum Baptizatorum deferri per Processiones posse.



CAPUT XXIX.

De cultu Sanctorum veteris Testamenti.

Nonnulla superius dicta sunt ad cultum Sanctorum veteris Testamenti pertinentia. In primo quippe hujus Operis libro questionem attigimus, quæ sit ab aliquibus, an Sancti veteris Testamenti a Romano Pontifice canonizari possint, & aliqua etiam significavimus de Officio concessio quibusdam particularibus Ecclesiis in honorem Sancti Eliæ. Item, dum in hoc libro ageretur de nomine Sancti Joseph in litanis describendo, diximus Sanctos veteris Testamenti & reeferri in Romano Martyrologio, & in litanis invocari, nec non & Martyres Machabæos cultum habere in universa Ecclesia Occidentali, Nunc autem de his ipsis Sanctis alia quedam dicenda sunt.

Quæres itaque primo, an omnes Sancti, qui mortui sunt ante Christum, dici possint pertinere ad vetus Testamentum: cui questioni negantè respondetur. De Sancto etenim Joanne Baptista Sæctus Thomas in 2. 2. quæst. 179. art. 4. expressè ait, eum pertinere ad novum Testamentum. Id ipsum de S. Josepho asserit Suarez in 3. part. D. Thoma tom. 2. disp. 8. sect. 1. uti supra visum est: De Sanctis Pueris Innocentibus id etiam asseritur a Theophilo Raynaudo tom. 15. in opere, cui titulus, *Heteroclitia spiritualia*, pag. 285. num. 10. Ad novum pariter Testamentum pertinere Zachariam, Elisabeth, Simeonem Senem, Annam Prophetissam, Joachim, & Annam, late probat Guyet de fest. propr. Sanctorum lib. 1. cap. 5. quæst. 8. Licet enim mortui sint ante Christi Passionem, ideoque e vivis excesserint ante conditam Legem gratiæ, ad Evangelii nihilominus statum spectare reputandi sunt, cum commendentur ab ipsomet Evangelista, aut Christum natum viderint, aut Christum ipsum propinquitate, seu carnis æstinitate proximè attigerint, juxta ea, quæ adducta sunt a Matta de Canonizat. Sanctor. part. 4. cap. 3. num. 18. & a Pignatello consil. 39. num. 15. tom. 5.

Quæres secundo, an expediat, in Ecclesia saltem Occidentali, cultum Sanctorum veteris Testamenti æquare cultui Sanctorum novi Testamenti; & ita quidem, ut, sicuti passim in horum honorem festa sunt instituta, Officia recitantur, Missæ celebrantur, dedicantur ecclesiæ, sic equali jure eadem fieri possint erga Sanctos veteris Testamenti. Huic porro questioni affirmando respondere videtur Theophilus Raynaudus oper. tom. 15. in libro, cui titulus, *Heteroclitia spiritualia*, pag. 287. num. 15. ubi ait, sicuti publice in Ecclesia coluntur Martyres Machabæi, sic summum Pontificem, si voluisset, aut vellet, consimilem cultum indulgere posse Abrahæ, & Job, & aliis quibuscumque Sanctis Christo anterioribus. Verum propositio hæc est caute explicanda atque intelligenda; & sicut

prout

prout eam explicavit atque intellexit Theophilus ipse *num. 16.* ut scilicet sibi ad summum vindicaret locum, loquendo de absoluta Pontificis potestate, non vero de potestate ordinaria discipline & consuetudini Ecclesie alligata; intra quos pariter terminos intelligi debet Episcopus Sarnellus in *epist. 35. tom. 5.* ubi, proposita quaestione, cur non celebrentur festa Sanctorum veteris Testamenti, sic ait: *Non essere nella Chiesa Latina, almeno gerieralmente, quest' uso. Del resto, come la stessa Chiesa Latina venera con pubblico culto i Santi sette Maccabei colla loro madre nel primo d' Agosto, così se il sommo Pontefice volesse, potrebbe contribuire il medesimo onore agli altri Santi del vecchio Testamento, come li permette in alcuni luoghi, dove sono le chiese.* Ab Ecclesie quippe initio usque in praesens tum quoad numerum Sanctorum, tum quoad qualitatem celebritatum maxima semper fuit differentia inter Sanctos novi, & veteris Testamenti; quemadmodum colligi poterit ex his, quae infra dicentur, & sicuti fuit adnotatum in censura cujusdam libelli, cui titulus, *De cultu Sanctorum veteris Testamenti*, quae fuit compo- sita a Cardinali Raymundo Capisucchio sacri Palatii Apostolici tunc Magistro, & typis Cameralibus edita anno 1677. cui quidem subscripserunt celeberrimi Urbis Theologi: Illud me movet multo magis, quod totum hoc opusculum extendit unice, ut inducat in animos legentium existimationem per absurdum de convenientia, si non de obligatione ac necessitate, inducenda novitatis in Ecclesia Romana circa publicum & universalem cultum Sanctorum veteris Testamenti, ab alto discrimine, quod ab Ecclesia nascente in hunc usque diem observatum perpetuo est quoad numerum, universalitatem & qualitatem celebritatum de Sanctis veteris & novi Testamenti &c. Censeo igitur, contribilius esse, de permittatur editio huius libri, nescio temerarii quoad innovationem cultus publici & universalis in Ecclesia Catholica, & insuper nec necessarij nec utilis pro revivendo aut promovendo cultu Sanctorum veteris Testamenti, vel privato juxta cujusque devotionem, vel publico, qualis & quantus indulus jam est a Sede Apostolica.

Supra dictum est de visione beatifica post obitum dilata, & de descensu ad Limbum, ob quas causas nonnulli existimant, Sanctos veteris Testamenti non esse colendos in Ecclesia universali, alia autem nunc addenda ratio est, cur non expediat, in Ecclesia saltem Occidentali, cultum Sanctorum veteris Testamenti aequare cultui Sanctorum novi Testamenti. Scilicet, cum de Fide sit, Christum Dominum caelorum portas aperuisse, & neminem, nisi per eum, consecutum fuisse aut consequi beatitudinem, aptissimus modus ad hanc persuadendam veritatem Christianis reputatus est, si universae illorum Sanctorum festa celebrarentur, qui Christum sunt subsequuti: iique anteferebantur Sanctis veteris Testamenti; non quia hi quoque ex Fide in Christum salvi facti non sint, sed quia per cultum universaliorum Sanctorum novi Testamenti id aptius manifestabatur, & manifestatur. Quocirca scribit Nicolaus Serarius *Litanie. 2. quest. 18.* *Invocantur quidem, uti dictum est, a Christianis, qui a primo fudere sunt Sa-*

ti, minus tamen frequenter nominatum, prout etiam festi dies in Latina & Occidentali Ecclesia vix umquam aguntur, quemadmodum notat Casareus &c. Causa vero ea videtur, quod Christiana libentius in Christo jam nato, & passō, & resurgente, & in calos ascendente Patres, & Filios amplectatur Ecclesia.

5 Quæres tertio, cur ex sanctis Martyribus veteris Testamenti soli Machabæi (quorum corpora condita sunt in basilica S. Petri in Vinculis in Urbe, juxta vetera carmina relata a Martinello in Roma ex ethnica sacra, pag. 284.

Pelagius rursus sacravit Papa beatus

Corpora sanctorum condens ibi Machabeorum)

in Ecclesia universali Occidentali colantur præcipuo cultu Officii & Missæ. S. Gregorius Nazianzenus in orat. de Machabeis, in principio sic loquitur: Qui tamesi (videlicet Machabæi) ob eam causam apud paucos honorentur, quod eorum certamen Christi atatem præcesserit, digni tamen sunt, quos omnes honoribus complectantur, quoniam pro legibus, institutisque patriis dolorum acerbicatem sorti animo perulerunt. Qui porro ante Christi supplicia martyrium subierunt, quid tandem erant facturi, si post Christi tempora renati fuissent, ejusque mortem nostra salutis causa susceptam ad imitandum proposuissent? Nam qui, nulli hujusmodi exemplo ob oculos posito, tanta virtutis laude floruerunt, cui dubium esse potest, quin eidem tale exemplar intuentes multo generosius fortiusque sese periculis objicere fuerint? Ac simul arcana hac doctrina est, nec mysterio vacans, mihi quidem, piisque omnibus viris admodum probabilis, neminem videlicet eorum, qui ante Christum natum martyrio perfuncti sunt, id citra Christi fidem esse consecutum: quamquam enim Verbum suum postea tempora libere promulgatum est, puris tamen animis etiam ante innotuit; quemadmodum ex multis, qui ante ipsius natiuitatem honoribus affecti sunt, liquido perspicere potest. Quocirca Machabæi non ideo contemnendi sunt, quia ante Crucem extiterunt; verum quia ad Crucis normam vitam suam rationes exegerunt, ideo laudandi, ac verborum honore celebrandi.

6 Hæc tamen rationum momenta non tam militent pro Machabæis, quam pro aliis Martyribus veteris Testamenti; ideoque prodesse non possunt ad rem & effectum, de quo agimus. De hoc autem argumento agens S. Bernardus epist. 98. quod spectat ad differentiam inter Machabeos, & alios Martyres veteris Testamenti, atque adeo ad rationem, cur illi quidem, ac non isti in Ecclesia universali colantur cultu præcipuo, & signanter Officii & Missæ, ait, id in causa esse, quia martyrium Machabeorum est unicum martyrium veteris Testamenti, quod martyrio Martyrum novi Testamenti assimiletur: Universis nempe tam veteris, quam novi Testamenti Martyribus aequè convenit, pro justitia occubuisse; sed interest, quod isti passi sunt, quia illam tenebant, illi, quia non tenentes reprehendebant; isti, quia eam non deferrent, illi, quia deferentes perituros esse assererent; & sit breviter totum, in quo differunt, proferamus, hos cultus, illos zelus justitia Martyres fecit. Soli ex veteribus Machabæi, quia non solum causam; sed &

formam, ut dixi; novi martyrii tennerunt jure fortasse in Ecclesia cum novis Ecclesia Martyribus eandem consuetæ celebritatis gloriam affectui sunt. Instat quippe Martyrum nostrorum libere & ipsi Diis alienis, patriamque deserere legem, immo mandata Dei transgredi cogebantur, renuebant & moriebantur. Non sic Isajas; non sic Zacharias; non denique vel magnus ille Joannes Baptista ita mortuus est.

7 Sed tanti Patris rationes omnibus non satisfaciunt; vel quia nihil interest ad rationem martyrii, utrum Martyr cædatur, quia reprehendit vitia, an quia iustitiam proficitur: vel quia reprehensio generosa vitii potest esse luculentior actus virtutis, & proinde cultu dignior; vel tandem quia probabile est, inter Martyres veteris Testamenti aliquos esse mortuos, non solum quod reprehenderent peccantes, sed etiam quod male agere ipsi & iustitiam deserere nollent. Sic casum Isajam docet Sanctus Zenot similem martyrii causam Zachariæ patris Baptistæ multi produunt: Abel denique martyrio coronatum nonnulli asserunt, quia profitebatur Numinis providentiam, & animi immortalitatem. Magna quoque animadversione dignum est, utrumque a Christo Domino capite Martyrum præstitum fuisse, cum & reprehenderit peccatores, ex qua reprehensione odium Phariseorum in ipsum derivatum est, & testimonium veritati reddiderit, ut in Joannis Evang. cap. 18: 37. & Pauli 1. ad Timoth. cap. 6. 13.

8 Hæc, & alia fuse legi possunt apud Theophilum Raynaudum oper. tom. 15. in libro cui titulus *Heterocletia spiritualia celestium, & infernorum*, pag. 287. Alia porro verisimilis ratio refertur a Thomassino in tract. *histor. & dogmat. de fidei lib. 1. cap. 9.* quæ in hoc constituitur, quod Martyres Machabæi fuerunt ultimi ex Martyribus Synagogæ, ita ut eorum memoria quodammodo recens esset, quando Ecclesia incepit dilatari. Addit, Machabæorum historiam fuisse diligenter conscriptam, & inter manus Judæorum Hellenistarum repositam: cumque Judæi isti Christo statim nomen dederint, fuerintque recepti in Ecclesiam Orientalem, quemadmodum verisimile est, istorum opera fuisse in Ecclesia Orientali Martyres Machabæos conjunctos Martyribus novi Testamenti, sic etiam verisimile admodum est, ipsorum Machabæorum cultum ab Ecclesia Orientali transiisse ad Occidentalem; & ideo in Occidentali solos reperiri ex Martyribus veteris Testamenti, qui speciali cultu Officii & Missæ colantur. Quæ indicasse satis sit, ut lector rationes omnes ob oculos habere possit, easque amplecti, quas potiores esse existimabit.

9 Quæres quarto, an in Ecclesia Orientali celebrentur festa Sanctorum veteris Testamenti. Superius sæpe mentio facta est Menologii Græcorum editi jussu Basilii Imperatoris. In hoc itaque Menologio ad diem 3. Januarii mentio fit Malachiæ Prophetæ, ad diem 5. Michææ Prophetæ, ad diem 3. Februarii Simeonis Senis, & Annæ Prophetissæ, ad diem 8. Zachariæ Prophetæ, ad diem 1. Maji Jeremiæ Prophetæ, ad diem 6. Job Justii, ad diem 9. Isaiæ Prophetæ, ad diem 6. Junii Amos Prophetæ, ad diem 22. Sep-

tem-

*ptembris Jonæ Prophetæ, ad diem 19. Novembris Abdiæ Prophetæ, ad diem 16. Decembris Aggæi Prophetæ, ad diem 17. Ananiæ, Azariæ, & Misacis, &c. ad eandem diem Danielis Prophetæ. Item in aliis Menologiis, & Synaxariis Ecclesiæ Græcæ ad diem 9. Decembris mentio habetur Abraham, & ad diem 10. ejusdem mensis mentio Lot nepotis Abraham, teste Gravæson in hystor. Eccles. veteris Testamenti tom. 1. pag. 378. & seqq. De sanctitate quippe Abraham nulla videtur esse posse dubitatio. ob eximiam illam fidem, & obedientiam, qua Deo vocanti, abjecta omni cunctatione, obtemperavit, cognationem suam ultro ac generose deseruit, Deum, cælum, atque æternitatem omnibus præposuit, & exemplar perfectorum sese exhibuit virum videlicet Evangelicum ante Evangelia, & Apostolicum ante Apostolos: Lot autem quamvis peccaverit, dum sese vino ingurgitavit, dum fillas vino oppressus constupravit, dum denique easdem filias Sodomitis obtulit ad stuprum; sincera tamen poenitentia hæc omnia ab eo fuisse expiata, & a Deo condonata, colligitur ex *epist. 2. S. Petri cap. 2.* ubi Lot appellat hominem iustum: *Et civitates Sodomorum, & Gomorhaeorum in cinerem redigens (Deus) everfuit, & damnavit: exemplum eorum, qui impij acturi sunt, ponens.* & iustum Lot oppressum a nefandorum injuria ac luxuriosa conversatione eripuit.*

10. Aliorum quoque Sanctorum veteris Testamenti, festa celebrantur in Ecclesia Orientali. Gregorius enim Tauromitanus in *homil. de inductione* refert, Græcos celebrasse festum Josue in initio anni. Officium S. Eliæ non solum in ea Ecclesia celebratur, sed etiam solemne sit festum in ejus honorem, uti colligitur ex Constitutione Emmanuelis Imperatoris apud Theodorum Balsamonem in *nomican. Photii tit. 7. cap. 11.* Duplex quoque festum Sanctorum veteris Testamenti celebratum fuisse in ipsa Ecclesia Orientali, testatur Joannes Nicænus in *epist. de fest. Natalis Domini*, alterum scilicet *Dominica sequente diem 11. Decembris*, quod erat de Majoribus Christi ante Legem, alterum *sequenti Dominica*, quod erat de Christi Majoribus a Matthæo memoratis, Denum apud Wadingum *ad A. 1342. num. 49.* extat Calendarium festorum peculiarium Ecclesiæ Hierosolymitanæ, in quo recensentur plurima festa Sanctorum veteris Testamenti, hoc est, Sophoniæ Prophetæ, Malachiæ, Jeremiæ, Osee, & Aggæi, Joelis, & Efdæ, Samuelis, Zachariæ, Moyfis, & Abraham.

11. Quærit quinto, an in certis aliquibus locis, loquendo de Ecclesia Occidentali, ex concessione Sedis Apostolicæ cultus exhibeatur Sanctis veteris Testamenti. Huic pariter quæsitio affirmando respondemus: non solum enim in aliquibus locis dicatæ reperiuntur ecclesiæ & altaria Sanctis veteris Testamenti, sed etiam ex permissione Sedis Apostolicæ, & Indulto Congregationis sacrorum rituum concessa fuit Officii & Missæ celebratio in ecclesiis, quæ ab antiquo tempore iisdem fuerunt dicatæ, & præterea servatæ sunt antiquissimæ consuetudines nonnullarum Ecclesiarum; ut in ipsis Officia recitentur & Missæ celebrentur in honorem

eorundem Sanctorum Ecclesie quippe in honorem S. Elie erecte & dicatae reperiantur in Insula Cypri, & Zacynthi, in Insula Sardinie, & diocesi Turitani, necnon in Apulia, teste Lezama *confitez. num. 90.* & Cremonae, Venetiis, Bononiae, Ferrariae, Paventiae, Senis, & Pisauri dicatae sunt Ecclesiae & altaria S. Job, eidemque Sancto, permittente sacrorum rituum Congregatione, & instante quodam Regulari S. Spiritus in Saxia, dicatae sunt aedacula in civitate Albani, quae occasione cuiusdam novae fabricae annis elapsis destructa est; ut interea praetercantur exempla ecclesiarum Venetiis dicatarum SS. Zachariae & Danieli Prophetis, & Bononiae S. Ilaie.

12. Duo sunt Lazari, alter, de quo Lucae cap. 16. quem Dives elevans oculos suos vidit in sinu Abrahae, alter Marthae & Mariae frater, quem Christus mortuum suscitavit, de quo Joannis 11. Primus ad vetus Testamentum, alter pertinet ad novum. In superiori lib. 3. cap. 30. num. 4. diximus, factum primi Lazari esse historiam, non parabolam. Hoc ipsum confirmamus, quidquid opinatus sit Calaneo ad cap. 16. Lucae num. 19. Et ad summum dici potest, narrationem praedictam partim esse historiam, partim esse parabolam. Quod enim oculos Dives ille elevavit, quod cum Abraham locutus fuerit, quod guttam aquae, qua linguam suam resrigeraret, postulat, parabolam dici potest sumpta non ex iis quae modo sunt, sed ex iis quae post resurrectionem futurae sunt, & ad nostrum usum accommodata, siquidem Christus membra, quae non erant, & sic parabolam super historiam, quemadmodum advertit Maldonatus ad idem cap. 16. Lucae num. 22. Duobus istis Lazaris Ecclesia exhibet cultum, & dedicat templa. Ex quo non solum evincitur, narrationem Lazari mercedi ad historiam pertinere, uti recte notat Cardinalis Baronius ad A. 33. & Maldonatus ad idem cap. 16. Lucae num. 20. sed etiam cultum exhiberi eidem, etsi ad vetus Testamentum pertineat. Cardinalis Bellarminus lib. 1. de beatis Sanctorum cap. 6. ait, illum coli ut verum sanctum hominem. Ambrosius Catharinus lib. 3. contra Caetanum pag. 170. addit, Lazarum tanquam Domini voce canonizatum ubique terrarum celebrari, & coli, ut Sanctum Dei. Subscribit Theophilus Raynaudus lib. de pietate erga vivos Sanctum punct. 13. num. 26. testatus, variis in locis domino ejus erecta esse templa, & ibi anniversarias de eo celebritates haberi. Joannes Molanus in histor. sanctarum Imaginum lib. 4. cap. 23. querens, an Sanctus Lazarus in leprosis recte pingatur cum scuto, & corona Sanctorum; & an ejus Imagini recte adjiciatur, Sancte Lazare ora pro nobis; affirmando, respondet, Romae, extra portam Angelicam, templum est, & hospitale S. Lazari. Legi denique potest bulla 95. Pii Papae IV. in qua restituit Ordinem S. Lazari, & ex ea plura desumi poterunt ad cultum ejusdem in Ecclesia Occidentali pertinentia.

13. Altarium & templorum dedicationem sequuntur recitationes Officiorum, & celebrationes Missarum. In Caeemoniali quidem Monasterii

Fontif-

Fontisebraldi edito anno 1461. auctoritate Guillelmi Parisiensis Episcopi delegati a Pio Papa II. ad visitandum, corrigendum & reformatum illud Monasterium & Ordinem, Officium reperitur S. Abrahamæ, uti refert Guyex de fest. prop. Sanctus. lib. 3. cap. 16. quæst. 4. Item in Calendario ac Breviario Congregationis Oratorii Domini Jesu editis a Cardinali de Berulle ad diem 10. Maji annotatur Officium cum Missa de S. Job. & ad diem 11. Octobris Officium de S. Abraham, uti colligitur ex libello Officiorum typis impresso Lutetiæ Parisiorum A. 1653. in cujus præfatione dicitur: prædicta omnia facta fuisse a memorato Cardinali, accedente Sedis Apostolicæ auctoritate, & juxta litteras Apostolicas Pauli Papæ V. Ex Rescripto quoque Congregationis sacrorum rituum 9. Octobris 1609. approbantur lectiones recitandæ in festo, & per Octavam S. Danielis a Monialibus S. Danielis Venetiis existentibus: & ex alio Rescripto ejusdem sacre Congregationis edito die 12. Decembris ejusdem anni approbatum fuit Officium S. Zachariæ pro Monialibus S. Zachariæ civitatis Venetiarum. Denique in universo Carmelitarum Ordine recitatur Officium S. Eliæ ex Indultis summorum Pontificum Gregorii XIII. Sixti V. Clementis VIII. & Pauli V. Quamvis enim consuetudo antiquissimam consuetudinem Indultis dictorum Romanorum Pontificum reservatam reprehendere voluerint, sacrorum nihilominus rituum Congregatio statuit, nihil esse innovandum, ideoque Ordinem predictum posse retinere predicti Officii recitationem, juxta ea quæ habentur apud Lezanam consult. 3. num. 132. ubi post relata ea, quæ modo fuerunt expolita, sic concludit: *Quibus recte & diligenter recognitis & expressis, a sacra Congregatione sancitum est, ut prædictum Officium Sancti Eliæ a nostris quotannis more solito celebraretur, impositio veluti perpetuo silentii piis zelatoribus; qui in illud impigerant. Eadem pariter ratione, prævio consilio Congregationis Cardinalium Concilii Tridentini Interpretum, Innocentius XII. in suis litteris Apostolicis in forma Brevis expeditis die 20. Novembris 1698. silentium imposuit controversis magnis animorum motibus agitate super primæ institutione Ordinis Fratrum S. Mariæ Virginis de monte Carmelo, ejusque derivatione a Sanctis Prophetis Eliæ, & Eliseo; protestatus tamen, nullum per hoc addi pondus uni, aut alteri ex oppositis sententiis: Non intendimus tamen, per silentii hujusmodi impositionem, uni seu alteri ex dictis sibi adversantibus sententiis ullum majus pondus adjungere, sed utramque manere volumus in statu & terminis, quibus de præfenti reperitur, donec aliter Nobis, & Sedi Apostolicæ visum fuerit determinare. Porro Gavantus ad Rubricas Breviarii sect. 5. cap. 12. interrogatus, quænam lectiones legi possent in festis Sanctorum Abrahamæ, & Job, quæ in nonnullis locis celebrantur, utrum videlicet primæ lectiones Officii desumendæ essent ex Genesi, & libro Job, quæ leguntur in Dominica Quinquagesimæ, & in prima Dominica Septembris, secundæ autem Nocturni lectiones ex iisdem locis desumendæ essent, & lectiones tertiæ Nocturni ex Evangelio Homo quidam nobilis, cum homilia S. Ambrosii in festo*

S. Lu-

S. Lutorici Regis; aut potius lectiones primi Nocturni desumende essent ex Scriptura occurrente, secundi Nocturni ex Genesi & historia Job, ut in Dominica Quinquagesimæ, & in prima Dominica Septembris, ultima demum ex citato Evangelio; & homilia: respondit, secundum hunc modum magis placere; utpote magis uniformem aliis Sanctorum festis, deinde subiicit *Quatuor dicimus de Sanctis Abraham, & Job, valens etiam in festis Sanctorum Issai, Ieremia, Danielis, Davidis, & similium, ubi eorum festa celebrantur, propriis & Breviario adhibitis eorum sectionibus.*

C A P U T XXX.

De Angelis, & eorum Cultu.

Impensum fuisse Angelis cultum, tamquam Dei ministris; & inter ipsum ac homines intermediis, vota que & preces ad eos fuisse directas, necnon exhibitæ multa grati in ipsos animi & venerationis argumenta; ex veteri Testamento passim desumitur. Sacri Textus auctoritates plene collosæ videri possunt apud Calmei in *differtatione in bonas, malæque Angelos*. Sed, ne forte dicatur, nondum unicum eorum potius consuetum fuisse mediatorum inter Deum & hominem Christum Jesum, afferenda sunt verba Christi Domini, Matthei 18. v. 10. *Videte, ne contemnitis unum ex his pusillis: dico enim vobis, quia Angeli eorum in caelis semper vident faciem Patris mei, qui in caelis est.* Horum quippe verborum sensus & ratio huc pertinent, temperandum videlicet a lædendis parvulis, quia Angeli, quibus curæ sunt, pro custodiæ munere apud Deum iis parrocinantur; quare S. Hilarius col. 699. num. 5. ait: *Angeli pusillorum sunt, Fidelium orationibus præesse. Angelos, absoluta auctoritas est. Salvatorum igitur per Christum orationes Angeli quotidie Deo offerunt. Ergo periculose ille contemnitur, cujus desideria ac postulationes ad æternum & invisibilem Deum ambitiosè Angelorum famulatu ac ministerio perveniunt.* Porro, quamvis in Apocalypsi Angelus Joannem adorare se volentem prohibuerit: *Ne feceris, censeris tuus sum;* S. Augustinus tamen lib. 20. contra Faustum ait, Angelum prohibuisse, se pro Deo adorari; sic etenim apparuerat, ut pro Deo adorari posset; & concordat S. Thomas 2. 2. quæst. 84. art. 1. ubi aliam quoque afferere rationem predictæ prohibitionis, tum ad ostendendam dignitatem hominis, quam adeptus est per Christum, ut Angelis æquetur; unde ibi subditur: „ *Censeris tuus sum, & Fratrum tuorum* „; tum etiam ad excludendam idololatriam occasionem; unde subditur „ *Deum adora* „. Simile est illud, quod habetur in cap. 35. Laodicenæ Synodi (tom. 1. col. 7. Harduin pag. 787.) ubi sic legitur: *Non oportere, Christianos Ecclesiam relinquere, & ita, atque Angelos nominare, & congregationes facere, qua interdicta noscuntur. Si quis igitur incensus fuerit huic occultæ idololatriæ serviens, sit anathema, quia derelinquit Dominum nostrum Jesum Christum Filium Dei, & se idololatriæ tradit.*

Ibi

Ibi siquidem non prohibetur quilibet cultus, aut quælibet invocatio Angelorum, sed ea tantum, quæ pertinebat ad contemptum Domini nostri Jesu Christi; quemadmodum illi faciebant, qui Angelos pro Diis venerabantur Platonico Gentilique more; quamque idcirco Patres Laodiceni tacitam & occultam appellant idololatriam, uti Zonaras & Balsamon interpretantur. Inter antiquiora monumenta pro cultu & invocatione Angelorum recensendum porro est illud Origenis *homil. 1. in Ezechielem (tom. 3. op. edit. Maur. pag. 358.)* in qua Angelos invocat, & eorum opem exposcit pro nuper converso ab errore. En verba: *Omnia Angelis plena sunt. Veni Angele, suscipe sermone conversum ab errore pristino, a doctrina demoniorum, ab iniquitate in altum loquente; & suscipiens eum quasi Medicus bonus, confove atque institue: parvulus est, hodie nascitur senex repuerascens, & suscipe tribuens ei Baptismum secundæ regenerationis, & advoca tibi alios socios ministerii tui, ut cuncti pariter eos, qui aliquando decepti sunt, erudiat ad Fidem.* Homilia hæc ex Græco in Latinum sermonem conversa est a S. Hieronymo, & extat *tom. 5. novæ edit. ejusd. S. Hieronymi pag. 889.* Dalleus, & Bochartus falso opinantur, nec homiliam esse Origenis, nec conversionem in Latinum sermonem esse S. Hieronymi: sed Erasmus & Huetius, Dalleo & Bocharto utique præferendi, docent, homiliam esse Origenis, & versionem esse S. Hieronymi; & quæ in contrarium a Dalleo & Bocharto opposita fuerunt, erudite refelluntur ab Abbate Joanne Chrysostomo Trombelli in opere *de cultu Sanctorum tom. 1. part. 2. dissert. 5. cap. 5. & seqq.* typis Bononiensibus impresso post primam editionem hujus nostri Operis de Canonizatione Sanctorum.

2 Angelorum Ordines novem nominibus in Scriptura vocantur. Primum est nomen Angeli, quod locis innumeris ejusdem Scripturæ habetur. Secundum est nomen Archangeli, quod habetur *1. ad Thessalonic. 4. In suba, & in voce Archangeli; & in epistola Jude: Cum Michael Archangelus &c.* Quatuor nomina Principatum, Potestatum, Virtutum, & Dominationum habentur *ad Ephes. 1.* per illa verba: *Supra omnem Principatum, & Potestatem, & Virtutem, & Dominationem.* Septimum est nomen Throni, quod habetur *ad Coloss. 1. Sive Throni, sive Dominationes.* Octavum est nomen Cherubim, quod habetur *Psalmi 79. Qui sedes super Cherubim.* Nonum est nomen Seraphim, quod habetur *Isaie 6. Seraphim stabant super illud.* Et Patres quidem tum Greci, tum Latini Ordines Angelorum his nominibus recensent, uti videri potest apud Suarez *lib. 1. de Angelis cap. 13. num. 3.*

3 Angelorum vero nomina septem sunt, quæ memorantur a Catholicis Scripturibus, id est, Michael, Gabriel, Raphael, Vriel, Sealtiel, Jehudiel, & Barachiel, ut probat Serarius in *cap. 12. Tobie.* At sola nomina Gabrielis, Michaelis, & Raphaelis in Ecclesiam admittuntur; aliorum autem nomina nulla traditione notata, sed ab Hebræo accepta ad nos pervenerunt. Vrielis mentio est apud Esdram *lib. 4.* sed hic liber non recensetur

fecit inter Canonicos: quo circa in Capitularibus Caroli M. ap. Balzium col. 220. tom. 1. sic legitur: In (Laodicensi) Concilio precipitur, ut ignota Angelorum nomina nec fingantur, nec nominentur, nisi illorum quos habemus in auctoritate: id sunt Michael, Gabriel, Raphael: & in Concilio Romano celebrato sub Zacharia Papa anno 745. (tom. 3. Conc. Harduini col. 1940) damnata fuit oratio cuiusdam Adalberti, in qua octo nomina Angelorum invocabantur: Dum verò hac oratio sacrilega usque in finem perlecta fuisset, Zacharias . . . Papa dixit. *Quid ad hæc Sanctissimi Fratres respondetis? Sanctissimi Episcopi, & Venerabiles presbyteri responderunt: Quid aliud agendum, nisi ut omnia, quæ nobis relecta sunt, igni concrementur etc.?* Non enim nomina Angelorum, præter nomen Michaelis, sed nomina demonum sunt: Non plus, quam trium Angelorum nomina cognoscimus, id est Gabriel, Michael, Raphael. Videri potest Majolus in diebus capitularibus tom. 3. de Angelorum nominibus pag. 168. & seqq. Utque ad recentiora transeamus, cum Antonius Duca pius Sacerdos Siculus collocari curasset in altari majori ecclesiæ S. Mariæ Angelorum de Urbe quamdam picturam, scripto nomine uniuscujusque Angeli in ea depicti, & signanter Vriel, Barachiel, Sealtiel, & Jehudiel, mandatum est, ut ea nomina deleberentur, teste Cardinali Albizio in tractatu de inconflantia in Fide cap. 40. num. 156. Porro apud Jacobum Longueval tom. 4. historia Gallicana l. 6. 11. pag. 311. post enarratam historiam condemnationis orationis Adalberti adnotatur, in quibusdam litaniis, quæ tempore Caroli Magni recitabantur in Gallia, invocari consuevisse, non obstante condemnatione Concilii, tamquam sanctos Angelos. Vriel, Raguel, & Tubuel; tum sapienter advertitur, quanta cum difficultate populares quedam superstitiones de medio tollantur.

4. His præmissis, videamus oportet, qua ratione colendi Angeli sint juxta Ecclesiæ disciplinam. Veneramus Imagines Sanctorum, & incorporateorum Angelorum, qui tamquam homines figura humana Justis apparuerunt: verba sunt septimi Generalis Concilii act. 5. Et quamvis in eodem Concilio, recitato dialogo Joannis Thessalonicensis, Patriarcha Tharrasius subjecerit: *Ostendit Pater etiam Angelos oportere pingi, quoniam circumscripti sunt, & hominum specie multis apparuerunt; ex quibus verbis nonnulli eo devenerunt, ut suspicarentur, Synodum autumasse, Angelos esse corporeos, contra assertionem Concilii Lateranensis quarti cap. 1. ubi dicitur, Creatorem omnium de nihilo condidisse creaturam, spiritalem, & corporalem Anglicam videlicet, & mundanam, ac deinde humanam, quasi communem ex spiritu, & corpore constitutam; attamen perpendunt Theologi, Tharrasium ex dialogo Joannis Thessalonicensis, ceterisque Concilii Patres nihil aliud arripuisse, quam sas esse Angelos pingere, cum circumferibi possint, & in humana specie non semel apparuerint; nec scopum Concilii fuisse definire, utrum Angeli circumscripti sint corpore proprio, an assumpto.*

5. In litaniis quoque invocantur SS. Michael, Gabriel, Raphael, &

mes

omnes sancti Angeli & Archangeli, omnes sancti beatorum Spirituum Ordines; & in benedictione Incensi ad Offertorium dicuntur hæc verba: *Per intercessionem beati Michaelis Archangeli, stantis a dextris altaris Incensi &c. Incensum istud dignetur Dominus benedicere, & in odorem suavitatis accipere.* In antiquo codice Tiliano apud Menardum in not. ad Sacramentar. S. Gregarii pag. 270. non legitur Michaelis, sed Gabrielis: *Per intercessionem Sancti Gabrielis Archangeli stantis a dextris altaris Incensi.* Eodem modo legitur in antiqua Missa Romana edita a Cardinali Bona de reb. liturg. in append. pag. 496. & hoc modo legendum quoque esse docebat Ven. Dei Servus Cardinalis Thomafius in nonnullis suis annotationibus miscellaneis manuscriptis in Missale Romanum. Dicebat enim, recitata verba, *Per intercessionem beati Michaelis Archangeli stantis a dextris altaris Incensi*, non esse desumpta ex cap. 8. Apocalypsis, ubi nulla fit mentio nominis Angeli, nec dexteræ altaris Incensi; sed esse desumpta ex cap. 1. v. 9. Evangelii secundum Lucam, ubi dicitur de Sancto Zacharia patre S. Joannis Baptistæ: *Secundum consuetudinem Sacerdotii forte exiit, ut Incensum poneret. Et omnis multitudo populi erat orans foris hora Incensi. Apparuit autem illi Angelus Domini stans a dextris altaris Incensi: & paulo inferius v. 19. Et respondens Angelus dixit ei: Ego sum Gabriel, qui adisti ante Deum.*

6. Dedicantur ecclesiæ Deo in honorem aut omnium Angelorum, aut Angelorum singulorum, S. Michaelis, S. Gabrielis, S. Raphaelis. Dedicantur quoque Deo ecclesiæ in honorem Angelorum Custodum, aut in memoriam insignis Apparitionis alicujus Angeli, vel acceptæ ejus ope ac ministerio singularis alicujus gratiæ: sed non dedicantur ecclesiæ Deo in honorem omnium Seraphim, aut Cherubim, aut aliorum Ordinum Angelorum. Dictum est, ecclesias dedicari Deo in honorem omnium Angelorum; cum omnibus Angelis etiam dedicatæ dici possint ecclesiæ, quæ nomine S. Michaelis nuncupantur, sicuti recte monet Guyet de fest. propr. Sanctur. lib. 1. cap. 5. quest. 5. §. Jam vero; cumque Romæ templum sive B. Mariæ Angelorum a Pio Papa IV. dicatum; & festum S. Michaelis dici possit festum omnium Angelorum, teste Durando in Ration. Divin. Offic. lib. 7. cap. 12.

7. Dictum est, ecclesias Deo dicari etiam in honorem singulorum, ut S. Michaelis, S. Gabrielis, S. Raphaelis. Theodoretus ad locum Apostoli ad Coloss. 2. *Nemo vos seducat volens in humilitate & religione Angelorum, quæ non vidis ambulans*, ait predicta verba pertinere ad nonnullos, qui assuescenti Judaicis ritibus jactabant, Legem per Angelos traditam esse, ac propterea cultu hos & veneratione dignos reputabant, additque, morbum hunc in Phrygia & Pifidia habuisse longo tempore, cujus gratia Synodus apud Laodiceam Phrygia oppidum habita lege vetuit, Angelos orare, hodieque Oratoria Sancti Michaelis apud illos & eorum finitimos videre licet. Porro Theodoretus ibi memorat crebra Oratoria S. Michaelis, ut probet, populos illos in Angelorum venerationem propensissimos fuisse, sed ab anti-

qua religione defecisse, cum Angelos venerari coepissent, spreto Christo, velut primarios apud Deum intercessores; uti late ostendit Petavius *de Angelis* lib. 2. cap. 10. sub num. 11. Ceterum, Angelorum, & præsertim Michaelis, venerationem Theodoretî ætate percrebuisse, & in illius honorem frequentia Constantinopoli, & per totum Orientem Oratoria instituta fuisse, quæ Michaelis dicta, testatur æqualis Theodoretæ Sozomenus lib. 2. cap. 3.

8. Dictum est præterea, ecclesias Deo dedicari in honorem Angelorum Custodum; quod est intelligendum de Angelis Custodibus omnium hominum, non de Angelo Custode cujuslibet hominis: mortuo enim isto homine singulari, cessaret ecclesiæ titulus Angelo ejusdem hominis Custodi dicatur, uti prosequitur Guyet *loc. cit.* §. *Quod sine Angelis*: ubi etiam advertit, in postrema recognitione Breviarii jussu Urbani VIII. facta, cum antea singulari numero legeretur, *In festo Sancti Angeli Custodis*, subrogata hisce verbis fuisse alia plurali numero, *In festo Sanctorum Angelorum Custodum*; & pro octava Benedictione statutum est dici debere, *Quorum festum colimus* &c. ut scilicet dignosceretur, non Angeli Custodis alicujus hominis, sed Angelorum, qui sunt Custodes hominum, festum celebrari.

9. Dictum est præterea, ecclesias dedicari in memoriam insignis Apparitionis alicujus Angelus, non acceptæ ejus ope ac ministerio singularis alicujus gratiæ, instar videlicet celebris ecclesiæ in monte Gargano constructæ in memoriam Apparitionis S. Michaelis Archangeli, ad quam ecclesiam frequentissima olim erat Christianorum peregrinatio; ita ut, teste Beato Petro Damiani, Otho Imperator Roma ad montem Garganum monitu S. Romualdi nudis pedibus perrexerit, ut crimen paulo ante commissum ea corporis afflictatione expiaret. Contigit ea Apparitio anno Domini 356. ut ex Manuscripto bibliothecæ Vallicellanæ colligit Cardin. Baronius in not. ad Martyrol. Rom. ad diem 8. Maji; & post, anno videlicet 545. testatur Rubeus in *Ravennatum historia*, in ejus honorem templam Ravennæ dicatum fuisse: *Isdem diebus Baveda Juliani Gener. Socero opem ferente, in regione Ravennatis urbis, cui regioni Aphricæ cognomen est, Divo Michaeli Archangelo templum, quod adhuc superest, adificavit*: ut etiam ex eo adnotavit eruditus Ciampinus utriusque Signaturæ Referendarius *Veter. monim.* part. 2. pag. 63. Othonis autem peregrinatio refertur ad annum Christi 1001. quemadmodum colligitur ex monumentis apud Ughellum in *Italia sacra* tom. 7. ultime editionis, dum agit de Ecclesiâ Sipontina. Facile est addere exempla alia templorum, quæ tum in Ecclesiâ Orientali, tum in Occidentali dicata sunt Deo in honorem S. Michaelis Archangeli pro commemoratione Apparitionum ipsius; tum quia, testibus Sozomeno, & Nicephoro, ecclesiâ *Sofrenitum* appellata, fuit prope Byzantium constructa in memoriam Apparitionis ibidem factæ ejusdem S. Michaelis; tum quia, teste Petro in *catalog. lib.* 9. cap. 71. cum

cum in Galliis hujus S. Archangeli Apparitio contigisset anno Domini 709. curante S. Authberto Episcopo, ad similitudinem montis Gargani erecta fuit insignis ecclesia, quod etiam post Sigebertum adnotavit Jacobus Longueval in *hystor. Eccles. Gallie. lib. 11. ad A. 709.* Saracenis quoque devictis atque fugatis intercessione S. Michaelis, prope Vaticanum a Leone Papa IV. in ejus honorem constructa est ecclesia, uti docet verus descriptio in marmore incisa, quæ in eadem ecclesia adhuc aservatur. Quocirca, si in commemorationem Apparitionum S. Michaelis Archangeli dedicate sunt ecclesie, & in acceptorum ejus intercessione beneficiorum templa constructa sunt, nil prohibet, quin similia etiam peragi possint in memoriam insignis Apparitionis alius cujusque Angelus, velia: ceptæ ejus ope ac ministerio singularis alicujus gratiæ, quemadmodum protegitur Guyet *cit. lib. 1. cap. 5. quest. 5. §. Ceterum.* Huc facit exemplum ecclesie in summitate molis Hadriani olim in Urbe a Bonifacio IV. excitatæ in memoriam S. Angeli, qui, ut habet antiqua traditio, visus est supra eam molem gladium exertum in vaginam recondere in signum luis cessantis, juxta ea quæ habentur apud Cardinalem Baronium in *notis ad Martyrol. Rom. ad diem 29. Septembris.*

10 Dictum est tandem, ecclesias non dedicari Deo in honorem Seraphim omnium, aut Cherubim, aut aliorum Angelorum Ordinum, cum hoc non sit usu receptum, teste sæpe citato Guyeto *allegata quest. 5. §. An vero.*

11 A dedicationis autem ecclesiarum ut transeamus ad Officia in honorem Sanctorum Angelorum concessa, in Ecclesia universali celebratur Officium *die 8. Maji* in commemorationem Apparitionis S. Michaelis Archangeli in monte Gargano, & *die 29. Septembris* pro dedicatione templi in eodem loco facta, juxta ea, quæ supra dicta sunt. *die vero 2. Octobris* celebratur Officium Sanctorum Angelorum Custodum, quod, *re-pente Ferdinando Imperatore,* concessum fuit a summo Pontifice Paulo V. uti post Theophilum Raynaudum refert Thomassinus in *tractatu de festis lib. 2. cap. 22. num. 11.* deinde a Clemente X. extensum est, & positum sub precepto pro Ecclesia universali, ut habetur ex Decreto edito die 13. Septembris 1670.

12 In plerisque etiam Ecclesiis Hispaniarum, hoc est in Toletana, Oveten. Oxomen. Caurien. Calceaten. Pacen. & in Ordinibus S. Jacobi, S. Hieronymi, SS. Trinitatis Redemptionis Captivorum, B. Mariæ de Mercede Redemptionis Captivorum, S. Francisci de Paula, & in toto Ordine S. Francisci, necnon in omnibus regionibus Hispaniarum Regi subjectis recitatur Officium S. Gabrielis Archangeli. Gabriel etenim Archangelus fuit missus ad Beatissimam Virginem, ut ei annuntiaret, ipsam Salvatoris nostri matrem esse futuram; quomobrem factum est, ut Officium illud in nonnullis locis recitetur *die 18. Martii*, quæ est dies Octava præcedens Annuntiationem, in aliis recitetur *die 1. Aprilis*, quæ est octava

a dicto festo, uti notat Guyet de fest. propr. Sanctis. lib. 2. cap. 4. quest. 2. ubi hæc habet: Omnes, puto, ex affinitate, quasi habet idem Archangelis eam mysterio Incarnationis; cujus præceps fuit, ac paronymphus, diem ipsi assum præstituerunt. Alia plura apud Bolländianos videri possunt quoad cultum S. Gabrielis Archangeli tom. 3. Martii, & tom. 2. Maji: locis quippe citatis referunt, Officium S. Gabrielis Archangeli pro die 24. Martii iussisse approbatum Viterbii a Leone X. ejus festum insuper celebrari in Ecclesia Græca, templa eisdem esse dicata tum Bononiæ, tum Messanæ, & ejus fieri commemorationem die 6. Maji in Collegio Gregoriano Ordinis S. Benedicti Congregationi de Propaganda Fide confociato.

13. In honorem S. Raphaelis, & signanter in commemorationem ministerii, quod præstitit Tobie, recitatur Officium tum in Ordine B. Mariæ de Mercedo, tum in civitate Venetiæ ab utroque Clero Sæculari & Regulari, juxta Decretum sacræ Congregationis editum die 21. Novembris 1671. tum in omnibus regionibus Hispaniarum Regi subiectis, ut habetur ex Decreto edito die 22. Maji 1683. Sacra quoque Congregatio die 2. Martii 1602. concessit, ut Missa de S. Raphaelē celebraretur in monasterio S. Francisci de Paula civitatis Massiliæ; & apud Bolländianos tom. 2. Maji narratur, Deo in honorem S. Raphaelis dicatum esse templum in Civitate Venetiæ. Si etenim Gabrielis, & Raphaelis, eorumque sanctitatis canonica sacræ Scripturæ testimonia extant, eorumque nomina invocantur in litanis, primum etiam est & laudabile, ut Deo in eorum honorem templa dedicentur; uti observat Guyet de fest. propr. Sanctis. lib. 1. cap. 5. quest. 5. Quod verum Gabrielis, ac Raphaelis nomine non nisi unam, aut alteram commemorare liceat ecclesiam, non ideo putaveris fas non esse his aliquas consecrare; cum de eorum nomine ac sanctitate canonica extant Scripturæ testimonia, parque ex æquum sit, his omnibus, qui in publicis litiis nominantur, ut ipsi quoque dedicari possint ecclesie.

14. In Regno tandem Portugalliæ, aliisque ditionibus Regi subiectis recitatur Officium in honorem Angeli Custodis ejusdem Regni ex concessione Sixti Papæ V. die 5. Februarii 1590. cujus concessionis mentio fit in Decreto sacræ Congregationis edito die 21. Februarii 1604. occurrunt, qua ipsum Officium fuit diligenter examinatum a Cardinali Baronio. Ex concessione quippe sanctæ Sedis consimilia recitari possunt Officia, teste Guyeto in allegata questione 5. §. Quod si de Angelis: non solum etenim Angeli dantur ad custodiam singulorum hominum, sed etiam ad custodiam & præsidium Regnorum & Provinciarum, uti (quidquid dubitare visus sit Augustinus Calmet in cap. 18. Evangelii S. Matthæi, & in dissertatione supra citata in bonis, malosque Angelos, ubi ait, in Ecclesia semper mansisse dogma Fidei de Angelis ad tutelam singulorum hominum destinatis; non autem semper tamquam ex dogmate Fidei creditum fuisse Angelos tutelares singulis gentibus & Regnis esse assignatos); communiter docent Theologi, & signanter S. Bonaventura in

ET BEATOR. CANONIZ. LIB. IV. PAR. II. CAP. XXX. 651

in compendio Theologica veritatis lib. 2. cap. 16. tom. 7. postrema. editionis. S. Thomas in 2. sent. dist. 13. quest. 1. art. 2. ad primum. Gregorius in collat. de Angelis tom. 3. postrema. editionis. Jodocus in comment. librorum de Fide Orthod. S. Joannis Damasceni ad cap. 3. libri secundi. & Seraphinus a Porreta in appendic. ad 1. part. D. Thoma quest. 113. art. 1. ubi post allatos sacre Scripturæ textus ait. Hinc. Ecclesiam Catholicam instructam semper tenuisse, meritis per rationem ostendes, ac docuisse ista duo. scilicet & omnibus Angelis universaliter mandatum fuisse, ut saluti hominum invigilent, idaque circa unum hominem plures Angelos aliquando curam gerere. & multos homines, puta unum Regnum, unam Provinciam, unam magnam Ecclesiam uni tantum Angelo pro custodia esse commissam.

C A P U T XXXI.

*Nonnulla miscellanea in sacrorum rituum Congregatione examinata.
& vel approbata, vel reprobata.*

O Perre pretium esse censuimus in præsentī capite nonnulla exponere, quæ in sacrorum rituum Congregatione Ordinaria pertractata sunt, ut eorum memoria extet, si forte uti saepe contingit, nova pertractandi occasio eboriatur.

*De Officio, & Missa, & Festo in honorem Patris Alerni celebrando
Dominica quinta post Pascha.*

2 Alcuinus magister Caroli Magni, & Ludovici ejusdem filii, rogante S. Bonifacio Archiepiscopo Moguntino, inter alia Ecclesiastica Officia composuit Officium in honorem Sanctissime Trinitatis, antiphonas videlicet, Missam, & cetera. Neque fuit id reprobatum ab Alexandro Papa: in sua quippe Decretali relata in cap. *Quoniam, de feriis*, tantum dixit, Ecclesiam Romanam speciale hoc festum etiam tum non celebrasse, quod singulis diebus *Gloria Patri, & Filio, & Spiritui Sancto*, & cetera similis canerentur ad laudem Sanctissime Trinitatis. De Authore quidem prædictæ Decretalis disputatio est inter Bruditos: nonnulli enim eam editam censent ab Alexandro III. in vulgata quippe Collectione nostra Decretalium Alexander III. ejus auctor inscribitur, ubi Martene, & Pagi locis infra citandis eam Alexandro II. adscribunt. Sed utcumque hæc sint, prædictum festum in Ecclesia Romanam introductum est, & subinde ad universam Ecclesiam extensum sub Joanne XXII. ut adnotarunt Durandus in *Ration. Divin. Offic. lib. 6. cap. 114. Suarez de religione tom. 1. lib. 2. de diebus festis cap. 4. versus finem*, Cardinalis Bellarminus *contro. tom. 1. lib. 3. de cultu Sanctorum cap. 15. prope finem*, Barbosa in cap. *Quoniam in fine, de feriis*, Gavantus in *Rubricis Missalis de festo Trinitatis num. 1.*
Tho.

Thomassinus in *tractatu de festis* lib. 2. cap. 18. per totum Martene de antiqua Ecclesia disciplina in Divin. celebr. Offic. pag. 545. Pagi in breviar. Rom. Pa. ff. tom. 4. in vita Joannis XXII. num. 89.

3. Statuto hac ratione festo Sanctissimæ Trinitatis in Ecclesia Romana, & in universo orbe terrarum, post multorum annorum decursum Innocentio XII. supplices preces exhibitæ fuerunt pro concessione Officii & Missæ propriæ, & consequenter festi in honorem Patris Aeterni celebrandi Dominica quinquagesimæ post Pascha. Nec enim ulla videbatur esse posse difficultas quoad honorem unius ex Divinis Personis seorsum ab aliis, vel per celebrationem festi, vel per erectionem altarium, aut templorum, juxta doctrinam Suarez tom. 2. de religione lib. 1. de oratione in votivum cap. 9. num. 12. Ecclesia etenim sæpius orat solum Patrem, ut in fine Collectarum, & Orationum, ubi Patrem exoramus per Dominum nostrum Jesum; & alix quædam sunt Orationes aut Deo Patri, aut Filio, aut Spiritui Sancto separatim accommodatæ; ita ut nihil reprehendendum sit in cultu speciali primæ Personæ, salva semper unitate Essentiæ communis; & fieri recte possit, ut pie cogitemus de una Persona non cogitando actu de aliis, cum Personæ sint vere distinctæ; quemadmodum prosequitur Raynaudus oper. tom. 1. 5. in heteroclit. spiritual. tract. 2. personarum. r. Non deerant qui assererent, conveniens esse, ut annuereetur petitioni de celebrando predicto Officio, uti videri potest apud a Ponto in Sapient. Salomonis tom. 2. homil. 65. num. 26. & apud Gayet in v. de nat. festi. cap. 6. quest. 5. ubi etiam ad evitandam speciem novitatis, ant. orationem afferunt S. Cyrilli Hierosolymitani *catechesi septima*, in qua ait, antiquitus fuisse Aeterno Patri dicatum Hierosolymis templum. Petitionis tamen examine a summo Pontifice commissio factorum rituum Congregationi; exaratisque de more animadversionibus a Prospero Bottinio Archiepiscopo Myrensi tunc Fidei Promotore, compositisque & typis impressis doctis responsionibus, operæ pretium existimatum fuit, ab instantia recedere, & propter difficultates ab ipso Fidei Promotore excitatas, & Eminentissimis Cardinalibus probatas curare, ne Cardinalis Colloredus Causæ sive Instantiæ Relator de ea verbum faceret in sacra Congregatione, prout effectum est. Animadvertit etenim Fidei Promotor innixus auctoritati Raynaud i loc. cit. *promot. 4.* prudenter ab Ecclesia usque adhuc festum hoc non fuisse institutum, quod non quidquid sancte suscipi potest, suscipiendum sit ab Ecclesia, præsertim verò festo, & publico ritu. Additum fuit, quod, sicuti nonnulli tunc petebant speciale festum in honorem Patris Aeterni, sic alii tractu temporis instare & petere potuissent consimile festum in honorem Filii, non ut carne nostra amicti, sed ut procedentis a Patre per æternam generationem, & etiam festum Spiritationis æternæ, sive Processionis Spiritus Sancti. Præterquamquod distinctio Personarum quoad festa occasionem iudicibus præbere potuisset, ut Essentiæ unitatem negarent, & plures naturas Divinas, quæ singulæ Personis singulis respon-

deant,

deant, admitterent : ad quod periculum avertendum adeo caute Ecclesiam processisse videmus , ut nulla sit Oratio , nullæ ad Patrem , aut ad aliam Divinam Personam preces fundantur , in quibus statim mentio non fiat reliquarum duarum Personarum . Sic in litanis , postquam Divinas Personas singulatim rogavimus , statim succititur, *Sancta Trinitas unus Deus*, Sic in hymnis , qui Filio, aut Spiritui Sancto cantantur, postrema strophe toti Trinitati laudes pangit . Sic demum vix recitari potest Oratio Dominica , quin Filius , qui illam composuit , in mentem subeat ; & , de hac quidem Oratione loquendo , bene ait Suarez *cit. cap. 9. num. 15.* supplicationes ad totam Triadem dirigi , licet solus Pater in ea rogari videatur . Nihil porro urgent exempla aliorum festorum , quæ instituta videntur in honorem unius ex Personis Divinis seorsum ab aliis ; tum quia , licet ad gloriam Spiritus Sancti videatur quotannis celebrari festum *Pentecostes* , observandum nihilominus est , festum hoc , quod primis Ecclesie temporibus fuit introductum , uti colligitur *ex can. In die , de Consecra. dist. 4.* non dirigi proxime ad Spiritum Sanctum , tamquam ad unam ex tribus Divinis Personis , sed solum in eo recolli memoriam adventus Paracleti , quando scilicet post decem dies ab Ascensione Domini , & quinquaginta a Dominica Resurrectione apparuerunt super Apostolos omnes in eodem loco congregatos dispersitæ linguæ , tamquam ignis , seditque super singulos eorum , & repleti sunt omnes Spiritu Sancto , uti legitur *in Actis Apostolorum cap. 2.* tum quia festa omnia , quorum celebritas ad Christi honorem refertur , non diriguntur ad Filium , tamquam ad secundam Sanctissimæ Trinitatis Personam , sed sunt festa Christi , sive Dei facti hominis , representantia singulares gratias & altissima mysteria , quæ Verbum incarnatum operatum est ad humani generis salutem , veluti sunt Incarnatio ipsa , Nativitas , Circumcisio , Præsentatio , Transfiguratio , Passio , Resurrectio , Ascensio , & similia , uti late prosequuntur Thomassius in tractatu de *celebr. festor. lib. 2. cap. 18. vers. 3.* & Raynaudus in *oper. cit. punct. 2. pronunt. 3. num. 14.*

4 Inter manuscripta celeberrimæ bibliothecæ Cardinalis Passionei suffragium reperitur Ven. Viri Josephi Mariz Thomassii , postmodum a Clemente Papa XI. ad Cardinalatum evecti super eadem petitione , cujus lectio nedum jucunda , sed utilis erit unicuique , ad cujus manus & oculos volumen hoc nostrum deveniet : *Inter incerta & lubrica humanarum opinionum , consultius omisit disputationum tricis , recurritur ad Majorum auctoritatem , qui tanto perspicacius videre , qua ad religionem pertinent , quanto propinquius fuere lucerna lucenti in hoc caliginoso loco , hoc est Apostolis Sanctis , eorumque Discipulis , qui omnem nobis transfuderunt doctrinam Christianam scripto & ore . Itaque in presenti questione , an expediat novum festum Sedis Apostolicæ auctoritate institui de Patre Aeterno , animo comprehendendum est , an id conforme sit Patrum mori & instituto , necne . Qua in re potissimum considerandum puto , quas ob causas instituta olim fuerint festa Domini in Ecclesia , festa* (in-

Deus sibi est, nec propter nos est, a quo & per quem & ad quem sumus omnes. Beneficium si quod excogitari potest nobis collatum a Patre Aeterno, recolendumque novo hoc festo, illud plane suis de revelata Paternitate, ut Christus dicebat Pater manifestavi nomen tuum hominibus, hoc est, te Patrem seu Genitorem aeternum coeterni Filii, ut Sanctus Joannes Chrysostomus saepe in homiliis in Joannem exponit. At hoc grande beneficium, quo innititur tota Christiana religio, satis proprio festo recolitur, Sanctissima nempe Trinitatis anniversaria celebritate, ut evidentissima significatione exprimitur in Oratione illius his verbis: Omnipotens sempiternae Deus, qui dedisti famulis tuis in confessione veræ Fidei, æternæ Trinitatis gloriam agnoscere, & in potentia majestatis adorare Unitatem &c. Quæ ergo nova causa, ut revelationis Personæ Patris festum peculiare instituitur, & non aliud quoque de revelato Filio aeterno, & item tertium quoque festum de revelato Spiritu Sancto? Si semel hac nova licentia datur obtinendi, quæ simplex pietas sine scientia Sanctorum expeit, novitatum in Ecclesia nullus terminus dabitur: Exurgent forsas & alii qui nova festa postulabunt de Aeternitate Dei, de Omnipotentia, de Providentia, ceterisque Attributis Divinis, quorum postulata zelum quidem Dei haberent, sed non secundum scientiam Sanctorum, qui Deum colere, & quomodo sit colendus, nos abunde docuerunt. Sufficiant nobis exempla Majorum. Sapimus, si sapientiam Antiquorum exquirimus & sequimur. Novitatem vocum de vitari Apostolus jubet. Et ipsa mutatio consuetudinis (ut pulcre scribit Sanctus Augustinus lib. ad quaestiones Januarii, seu epist. 54. alias 118.) etiam quæ ad servandam utilitatem, novitate perturbat: quapropter quæ utilis non est, perturbatioe instructiosa consequenter noxia est. Hac salvo &c.

De Festo in honorem Nominis JESU.

5. Ex supradictis desumitur, multa celebrari festa in honorem Christi Domini. Ulcimum autem festum cum Officio & Missa illud est, quod annis elapsis universæ Ecclesiæ concessum est in honorem sanctissimi Nominis JESU. Hujus sacratissimi Nominis impositio provenit a Deo per ministerium Angeli: ait enim S. Paulus in epist. ad Philipp. cap. 2. vers. 9. Propter quod & Deus exaltavit illum, & donavit illi Nomen, quod est super omne nomen; & S. Lucas in Evangelio cap. 2. vers. 21. Vocatum est Nomen ejus Jesus, quod vocatum est ab Angelo, priusquam in utero conciperetur. De cultu Larriæ huic sacro Nomini exhibendo ait S. Paulus loc. cit. In Nomine JESU omne genu flectatur caelestium, terrestrium, & infernorum. De hoc Nomine scribit S. Bernardus tom. 3. oper. edit. Maurin. pag. 22. serm. 15. in Cantica explicans illa verba Canticatorum, Oleum effusum Nomen tuum &c. O Nomen benedictum! O oleum usquequaque effusum! Quo usque? De calo in Judæam, & inde in omnem terram excurrit; & de toto orbe clamat Ecclesia: Oleum effusum Nomen tuum. Porro ineunte sæculo xv. cum Ecclesia Catholica diro sehis- mate laboraret, & factioforum hominum turbis Italia misere vexaretur,

Tom. IV.

X x x x

S. Ber-

356 DE SERVORUM DEI BEATIFICATIONE

S. Bernardinus Senensis ex Ordine S. Francisci Italiae oras percurrere coepit, &c, ut ad morum correctionem & poenitentiam populos invitaret, atque ad spem veniæ obtinendæ meritis Salvatoris nostri ac Mediatoris inter Deum & hominem Jesu Christi excitaret, in fine concionis tabellam proponere consuevit sacratissimum Nomen JESU circumductis radiis ornatum præ se ferentem, cui ut populus venerationem impenderet, hortabatur.

6 Actus hic reprehensione dignus a nonnullis habitus est: quare, accusato apud suprema Urbis Tribunalia, summumque Pontificem S. Bernardino uti novi cultus inductore, celeberrima de ea re disputatio inita est anno 1427. in basilica Vaticana. At, egregie causam S. Bernardini tutante alio Instituti Franciscani alumno S. Joanne de Capistrano, nedum S. Bernardinus sicut innocens dimissus est, sed cultus Nominis Jesu ab eo propagatus ope tabellæ supra recensitæ approbationem a Sede Apostolica reportavit, uti plene referunt S. Antoninus 3. part. tit. 22. c. 7. §. Sanctus, Marcus Ulysipponen. 3. part. histor. Francisc. lib. 2. cap. 11. Bzovius in annal. tom. 15. ad A. 1425. pag. 667. in fine, Wadingus in annal. Minor. tom. 5. ad A. 1427. pag. 183. Raynaldus in annal. ad A. 1432. n. 24. Spondanus. in continuat. annal. Baronti ad A. 1439. num. 27. Bollandiani in vita S. Bernardini ad diem 20. Maji, Baillet in vitis Sanctorum, in vita S. Bernardini tom. 2. edit. Paris. anni 1704. pag. 335. n. 6. Ideoque in tertia lectione Officii proprii, quod in Ecclesia universali recitatur die festo ejusdem S. Bernardini, hæc habentur: Bernardinus urbes atque oppida concursans, in nomine Jesu, quem semper in ore & in pectore gerebat, collapsam pietatem moreque verbo & exemplo magna ex parte restituit.

7 Vindicato ritu cultus erga Nomen Jesu, Frater Bernardinus de Bussis celeberrimus Concionator Seraphicæ familiæ omnem operam navavit: ut hujus Nominis cultus particulari Officio in Ecclesia coleretur. Cum itaque Officium Nominis Jesu composuisset, idque obtulisset Sixto IV. & ejus proximo Successori Innocentio VIII. teste Wadingo in opere de Scripturis Ord. Minorum, verb. Bernardinus de Bussis, ubi ait, penes se extare codicem autographum memorati Officii prædicti summis Pontificibus oblatus; etsi tunc quidem res insecta manserit; consecrata tamen est sub Clemente VII. qui ad preces Franciscanæ Religionis per litteras Apostolicas sub titulo & forma Brevis datas die 25. Februarii anno 1530. in ea instituit solemne festum sanctissimi Nominis celebrandum tum per Fratres, tum per Moniales quotannis die 14. Januarii cum recitatione prædicti Officii, quemadmodum videri potest apud Wadingum in annal. ad A. 1530. num. 10. & 11. tom. 8. Ab Ordine Seraphico ejusdem Officii recitatio ad alios postea Religiosos Ordines extensa est: a Monachis quippe Cisterciensibus anno 1643. recitabatur secunda Dominica post Epiphaniam; sicut colligitur ex eorum Breviario, eo anno typis Lugdunensibus edito. Auctoritate quoque Congregationis sacrorum rituum in

Re-

Regnis Hispaniarum, aliisque locis & regionibus idem Officium celebratum est: cumque Carolus VI. Augustissimus Imperator Clementi XI. & deinde Innocentio XIII. enixe supplicasset pro hoc eodem Officio ad universam Ecclesiam extendendo, re bene excussa in sacrorum rituum Congregatione; dum munere fungebat Fidei Promotoris; die tandem 29. Novembris 1721. extensum est Officium ad Ecclesiam universalem pro secunda Dominica post Epiphaniam.

De quibusdam insignibus Reliquiis pertinentibus ad Passionem, & Nativitatem Domini nostri Jesu Christi existentibus in basilicis Urbis, in quibus tamen Officium de eis non recitatur, nec Missa celebratur.

8 In basilica Vaticana Ferrum sacræ Lanceæ, quæ Christi latus vulneravit, magna cum veneratione conservatur. Superius autem narratum est, illud dono fuisse datam Innocentio VIII. a Bajazette Turcarum Tyranno. Sed, cum insigne hoc munus oblatum fuit, excitata est controversia, an Ferrum verè esset illud, quod Christi latus vulneravit, cum sacram Lanceam nonnulli apud Gallos, alii apud Germanos esse contenderent, ut ex Joanne Burchardo sciet Raynaldus ad A. 1492. num. 15. Porro verè Christi Lancea Hierosolymis a S. Helena inventa est, veluti ostendunt Bollandiani ad diem 15. Martii §. 21. pag. 379. & eam quidem in dicta civitate esse testantur Bada, seu alius Auctor in lib. de Locis sanctis c. 2. Gregorius Turonensis lib. 1. de gloria Martyrum c. 7. atque Adamus lib. 1. de Locis sanctis cap. 9. editus a Mabillonio ad sæculum 11. Benedictinum part. 2. pag. 506.

9 Sub finem sæculi sexti, ab urbe Hierosolymitana Lanceæ translatio facta est ad civitatem Constantinopolitanam, teste Auctore contemporaneo in Chronico Alexandrino pag. 882. qui licet loquatur de Lancea, ideoque de tota Lancea intelligi possit, cum nihilominus in sacrarum Reliquiarum materia pars pro toto facile usurpetur, verisimile admodum est, solum Lanceæ ferrum fuisse Constantinopolim delatum, quemadmodum late ostendit Du Cange in not. ad Annam Comnenam pag. 344. & 370.

10 Juxta relata in citato Chronico Alexandrino sacra Reliquia collocata fuit in maximo templo; hoc est in templo S. Sophiæ; a templo autem S. Sophiæ subinde translata est ad aliam ecclesiam ejusdem civitatis, hoc est ad ecclesiam S. Joannis de Petra: & hujus utique insignis Reliquiæ conservatio in civitate Constantinopolitana sæculis undecimo, & duodecimo comprobatur dictis Annæ Comnenæ pluribus in locis ejus historiæ pag. videlicet 242. pag. 415. & pag. 419. & Guillelmi Tyrri in historia lib. 20. cap. 25. & 26. Neque vero hujus sacræ Reliquiæ conservatio meritaquarebat veneratione; cum una pars tum Ferri Lanceæ, tum Spongiæ, & Arundinis, quæ fuerunt Instrumenta Dominicæ Passionis, asservaretur in palatio Imperiali, alia autem pars in ecclesia S. Joannis de Petra, veluti

collectis Antiquorum testimoniis, probat Du Cange ad *Annam Comnenam* pag. 402. & in *historia Constantinopolitana sub Imperatoribus Gallis* pag. 124.

11. Labente saeculo XII. Avarum Imperatorum Gallorum, qui tunc Constantinopoli dominabantur, adeo exhaustum est, ut coacti fuerint Venetis, recepta pecunia, pignori dare Coronam spineam, Arundinem, Spongiam, & Lanceam: quas deinde sacras Reliquias S. Ludovicus Galliarum Rex, previa cessione iurium sibi facta a Balduino II. soluta pecunia, recuperavit, & in sacello sui palatii Parisiensis collocavit. Apud Du Cange in *notis ad Annam Comnenam* pag. 344. exat diploma Balduini, & contemporanei etiam Auctores id referunt, Guillelmus videlicet de Nanges de *Gestis S. Ludovici* tom. 5. Du Chesne pag. 333. Matthæus Paris in *historia Anglicana* ad A. 1241. pag. 373. & Jacobus Philippus Bergomensis in *supplemento Chronici* lib. 13. ad A. 1246. ubi hæc habet: Baldunus, cum agere se ab hostibus tueretur, avarii inopia compulsus Venetis proprium filium ob æs mutuo acceptum pignori dedit, pariterque Lanceam, Spongiamque Christi eadem sub conditione tradidit. Quas postea Ludovicus Francorum Rex, cum ipse Baldunus redimere non posset, ab ipsis Venetis, Balduino permittente, redemit, & in Franciam perduxit.

12. Porro Reliquia Lanceæ, aliæque modo memorata Reliquiæ, quæ ratione prædicta recuperatæ fuerunt a S. Ludovico, hæc sunt, quæ in palatio Imperiali conservabantur, uti refert Bergomensis cit. *op. lib. 13. ad A. 1240.* addit Guillelmus Quorinus in suis *commentariis*, solam cuspidem Ferri Lanceæ Dominicæ a Balduino fuisse ad sanctum Regem Ludovicum missam. Nec aliter profecto res esse potuit, cum Boundelmontius, qui scripsit anno 1422. sicuti videtur Constantinopoli, referat, se vidisse, in monasterio S. Spanis de Petra, religiose asservari Vestimenta Christi, Arundinem, Spongiam, Lanceam; ut ex ejus Opere desumitur edito a Du Cange in *hister. Byzantina* apud Cinnamum pag. 180.

13. Subacta a Mahumete Constantinopoli, non abiecit ipse, sed conservavit omnes Reliquias, sicuti refert Theodorus Spanduginus in *historia Turcica*; & Bajazettes quidem ejus filius Ferrum sacrae Lanceæ donavit Innocentio VIII. cujus cuspis in sacello Regio Parisiensis reperitur; & cultum habet. Ad me itaque missa fuit figura Reliquiæ Lanceæ, quæ est in Regio sacello Parisiensis, fideliter delineata, eamque contuli cum Ferro ejusdem Lanceæ, quod est in basilica Vaticana; & sane ex accurata collatione evincitur, cuspidem Parisiis, reliquam vero Ferri partem in Urbe reperiri; ita ut comprobata ad unguem dici possit assertio Legati Turcarum, qui offerens Ferrum Lanceæ Innocentio VIII. dixit, ejus cuspidem esse apud Regem Gallorum, teste Ineffusa Auctore contemporaneo apud Raynaldum ad A. 1492. num. 16. Videri etiam potest Quaresinus de *Polimitibus Christi* tom. 2. lib. 1. cap. 10. sect. 9. & 10. & qui alia legere cupit, videat animadversiones super Reguli; & us. *Græcæ* Paris Honorati de S. Maria lib. 5. dissert. 5. art. 4.

14 In eadem basilica Vaticana præter Ferrum Lanceæ magna veneratio conservatur Sudarium, quod faciei Domini nostri Jesu Christi sanguine & sudore aspersæ admotum ejusdem Dominici vultus effigiem in se retinuit, & adhuc retinet. Fertur Veronica, pia & religiosa femina, quæ sanctitatis titulo a plebisque decoratur, pium illud opus erga Redemptorem præstitisse; eaque Hierosolymis Romam arcessita a Tiberio Imperatore morbo gravissimo laborante, Sudarium Christi secum deculisse, ad cujus contactum mirabiliter Imperator convaluit. Historia hæc pluribus argumentis & monumentis comprobatur a Bollandianis ad diem 4. *Februarii*. De veritate tamen ejusdem historię, non quidem quod attinet ad Sudarium, sed quod spectat ad piam illam feminam Veronicam, nonnulli dubitare ceperunt; tum quia tota retro antiquitate Veronicæ nomen ignotum est, & primi, qui historiam vulgant sæculo x. i. v. piam ipsam mulierem non Veronicam, sed Venicem, aut Veroniam, aut Beroniam appellant; tum quia, licet Veronicæ, tamquam piæ & sanctæ femine, nomen reperitur in Martyrologio Galesii, non reperitur tamen in Martyrologio Romano correcto & ampliato per Cardinalem Baronium. Bollandiani idcirco & ipsi ab ea, quam comprobare tentaverant, sententia in subsequentiis Scriptis recedendi animum præ se tulerunt, uti videri potest tom. 7. *Maji* pag. 358. num. 26. Cumque ipsum Sudarium *Veronica* nomine fuerit appellatum a Nicolao IV. in suis litteris Apostolicis datis idibus Aprilis 1290. In ea namque basilica sui præfississimi vultus imaginem, quam *Veronicam Fidelium* vox communis appellat, in singulari amoris insignie tribuit venerari; & complures præterea Pontifices, Clementem videlicet VI. VII. VIII. & Gregorium XIII. aliosque sacrosanctum Sudarium appellantes *Veronicam* relerat Jacobus Grimaldus basilicæ Vaticanæ olim Beneficiarius & archivi custos apud Bazovium in *annal. ad A.* 1216. num. 16. & consimili modo loquatur Matthæus Parisiensis in sua historia sub initio Henrici III. Anglorum Regis, ubi postquam narravit Supplicationem seu Processionem ab Innocentio III. institutam, in qua Christi Domini Effigies delata est a basilica S. Petri ad hospitale S. Spiritus, hæc habet de Effigie: *Effigiem vultus Domini, quæ Veronica dicitur*; & rursus in *Consilio Fratrum in honorem ipsius Effigiei, quæ Veronica dicitur*; nec dissimilis sit loquendi modus Benedicti Canonici in *Ordine Romano* apud Mabillon. in *musæo Ital. tom. 2. pag. 122. Postea venit ad Sudarium Christi, quod vocatur Veronica*; ex his nonnulli sibi persuaserunt verisimile admodum esse, ut *Veronica* exigua litterarum transportatione facta sit *Veronica*. Ita Tillemont in not. ad vitam Jesu Christi, not. 33. Papebrochius in *respons. ad exhibitum errorum sibi factorum* a P. Sebastiano a S. Paulo, in *respons. ad art. 1. §. 4.* Thiers in tractatu de *superstitione* tom. 2. cap. 6. num. 2. & legi etiam potest Mabillon. in *Itiner. Italico* tom. 1. pag. 86. At, siue Veronica fuerit pia femina, quæ Sudarium faciei Domini admovit, siue Veronica una & idem sit cum ipso Sudario, certum est, Sudarium ipsum insignissimam esse Reliquiam,

quam, & multis abhinc sæculis cultum in basilica Vaticana obtinisse. Honoratus de Sancta Maria Carmelita Discalceus: in *animadvers. ad regul. & us. Criticæ tom. 2. lib. 4. differt. 8.* pluribus hoc argumentum prosequitur: putat autem, sæculo vii. i. i. Stephanum III. Sudarium ipsum pia supplicatione circumtulisse, juxta ea quæ habentur in libro de *rebus Pontificum Romanorum*, qui Anastasio Bibliothecario tribuitur. Verba nempe Bibliothecarii in *Stephano III. pag. 198.* sunt hæc: *In una vero diebus cum multa humilitate sollicitè procedens in letania cum sacratissima Imagine Domini Dei & Salvatoris nostri Jesu Christi, quæ anthropopeta (nisi forte acheropeta dicenda sit, ut. in nova editione Anastasii, accurate Blanchino) nuncupatur, simulque & cum ea alia diversa sacra ministeria recipiens, proprioque humero ipsam sanctam Imaginem cum reliquis Sacerdotibus idem sanctissimus Pape gestans, nudisque pedibus tam ipsa, quamque universa plebs incandescentes & c. miseris deissimum Dominum nostrum deprecati sunt.* Verum ibi Anastasius non loquitur de Sudario, quod in basilica Vaticana asservatur, sed de Imagine Sanctissimi Salvatoris, quæ Divi Luca Evangelistæ manu primo delineata, mox perfecta dicitur non humana opera, sed Divina virtute, quæque asservatur in Oratorio, ad quod per Scalas sanctas prope basilicam Lateranensem ascenditur, & de qua quidem extant plura collecta a Nicolao Magnacutio Canonico Regulari Lateranensi, qui floruit sæculo xii. & cuius Opus ex archivo, basilicæ Liberianæ, erutum Romæ typis editum est anno 1709. necnon a Josepho Maria Sorefino in opusculo de *Imaginis Sanctissimi Salvatoris*, ab Andrea Victorello additis, ad Ciaccin. ad *vitas Pontificum*, in *Stephano III.* atque a Cardinali Raspono in opere de *basilica & patriarchio Lateranensi lib. 4. cap. 19.* Idem Honoratus, ut cultum statuatur sanctissimi Sudarii sæculo vii. i. i. assertor quod, refert Anastasius (in *vita Leonis III. pag. 274.*) *Sæta, quæ in basilica Beati Petri Apostoli & c. in omnibus noviter restaurata, præsertim Imaginem Salvatoris cum reliquis mirapulcritudinis depictam ad decorem superscripta ecclesia in fastigio sub arcu majori posuit.* At non hæc verba de Sudario intelligi possint, lectorum iudicium cito. De antiquitate itaque cultus hujus sacratissime Reliquiæ consulendum sunt Petrus Mallius in libro de *basilica S. Petri*, Massejus Vegius in alio opere de *basilica S. Petri*, Jacobus Grimaldus in opusculo de *sacrosancto Sudario*, qui omnes libri manuscripti asservantur in archivo Canonico-rum Basilicæ Vaticanæ, quibus etiam Auctoribus addi potest Sædinus in *historia Familie sacre pag. 279. & seqq.* Anno 1741. longe post hujus nostri Operis primam editionem collecta sunt omnia Opera Jacobi Gretseri, inter quæ tomus decimusquintus editus typis Ratisbonensibus continet opus sæpe citatum de Imaginibus non manufactis; in ejus autem cap. 16. & seqq. plura cumulantur de hac sacra Effigie Christi Domini, adversus Casaubonum & Hospinianum, & de cultu eidem a multis sæculis exhibitio. Refert idem, Imaginem hanc etiam Giennæ in Hispaniis asservari, & religiose coli, & ne piam Hispanorum indignationem adversus sua Scripta exci-

excitet, ait, Velum, seu Sudarium illud fuisse duplicatum, immò triplicatum, omnibusque tribus partibus Imaginem vultus Christi prodigiose impressum; & ex his quidem unam translatam fuisse Romam, secundam esse in Hispania, tertiam Hierosolymis. Ante Gretserum fuit hoc ipsum assertum a Salmerono tom. 10. in *historiam Evangelicam* cap. 33. Porro fides sit apud Auctores. Nobis autem expeditius esse videtur & verius respondere, Effigiei exemplaria fuisse ab Autographo Romano desumpta; quæ posteris temporibus, ut fieri contingit, haberi cœperunt pro ipso prototypo.

15 In basilica S. Mariæ Majoris conservatur sanctissimum Præsepe Redemptoris nostri. Fertur nempe id ad Urbem allatum fuisse ante annum etæ Christianæ 352. Sed, cum S. Hieronymus *epist.* 18. tom. 1. Marcellam Romanam matronam hortetur, ut Præsepe, & Cunabula Domini in antro Bethlemitico veneretur, *Quo sermone, qua voce tibi speluncam Salvatoris exponam? Et illud Præsepe, in quo Infantulus vagiit, silentio magis, quam infimo sermone honorandum est; & paulo post: Bethleem, ecce in hoc parvo terra faramine calorū Conditor natus est, hic involutus pannis, hic visus a pastoribus, hic demonstratus a stella, hic adoratus a Magis; & rursus epist. 48. Sabiniano Diacono exprobrans flagitiâ quæ in sanctioribus locis Bethlemitici monasterii patrauerat, sic loquitur: Tu inter ostia quondam Præsepis Domini, nunc altaris, amatorias epistolas fulciebas, quas postea illa miserabilis, quasi flexo adoratura genu, invenires & legeres; & inferias: Totum quidem de te credi potest, sed veneratio Præsepis & Campi non me sinunt plus credere, quam te voluntate & animo corruisse; & paulo post: Jam tibi & scala, per quas deponeres miseram, parabantur, jam iter dispositum, decreta navigia, condita dies, fuga animo pertractata; & ecce Angelus ille cubiculi Mariæ janitor, Cunarum Domini custos, & infantis Christi gerulus, coram quo tanta faciebas, ipse te prodidit; quemadmodum hæc ostendunt Præsepe fuisse in locis Bethlemiticis usque ad iactum sæculi v., quò tempore S. Hieronymus mortuus est, ita translationem ad Urbem ante annum 352. evidentissime excludunt. Sæculo ergo septimo labente, Saracenorum contigit irruptio: cumque jam in more positum esset, ut Antisites Hierosolymitani ab Eudoxiæ sæculo valde liberales essent in sacrarum Reliquiarum largitione, verisimile admodum est, tunc ad Urbem missa fuisse saxa excisa ex antro Bethlemitico, & portiones Cunarum & Cunabulorum, quæ subinde argentea theca inclusæ munificentia Philippi IV. Hispaniarum Regis Catholici, nocte Nativitatis Domini supra aram principem sacelli Sixtini Dominico Præsepi imminentem ad publicam venerationem exponuntur. Blanchinus olim Canonicus basilicæ Liberianæ in *notis ad vitam S. Sixti III. tom. 3. vitarum summorum Pontificum* ab Anastasio, uti fertur, conscriptarum, collectis undique argumentis, ostendit, quinto Christi sæculo custoditas fuisse Hierosolymis supra memoratas Reliquias, & earum translationem ad Urbem referre ad annum 640. Id ipsum alius eruditus ejusdem basi-*

basilicæ Canonicus Joannes Christophorus Battellus Archiepiscopus Ama-
 senus, qui plurimum annorum spatio laudabiliter functus est officio S-cre-
 tarii Apostolicorum Brevium ad Principes sub Clemente XI. clarissime
 demonstravit in *Enarratione sacrorum rituum servatorum in aperiendo & clau-
 dendo Portam sanctam basilicæ Liberianæ S. Mariæ Majoris ab Eminentiſſimo
 Domino Petro Cardinali Orsibono tunc dicta basilica Archipresbytero, & Aposto-
 lico de latera Legato anno 1725. ubi ad rem observat, basilicam S. Mariæ
 Majoris usque ad annum 642. variis nominibus fuisse appellatam, nimi-
 rum S. Mariam, S. Mariam ad Nives, Basilicam Liberii, Basilicam Sixti,
 & Basilicam S. Dei Genitricis, tum sub Theodoro Papa, qui Sedem Ro-
 manam tenuit ab anno Christi 642. usque ad annum 649. vocari coepisse
 Sanctam Mariam ad Præsepe. Demum extat homilia sancti. mem. Cle-
 mentis XI. in Patriarchali Basilica Liberiana solemnem Missam celebra-
 ntis die Nativitatis Dominicæ anno 1704. ubi de Domini Præsepi sic lo-
 quitur: *Gratulemur, dilectissimi, felicitati nostræ: nobis quippe datum est hodie
 in hoc sacratissimo templo, in hac ipsa, ad quam litamus, ara prope intueri ac
 venerari sacra Cribula Salvatoris. Hoc in Præsepi reclinatus Aeterni Patris
 unigenitus Filius, in similitudinem hominum saltus apparuit & habitu inventus
 ut homo. Hic gelidas inter tenebras: brumalis noctis frigore obriguit Parvulus,
 qui natus est nobis, & Filius, qui datus est nobis. Hic reciprocantis spiritus ca-
 lidis vicibus & brutorum pectore animantium elementem animam resstantibus inca-
 luit. Hic pannis involutus a Mauris hic visus a Pastribus; hic demonstratus a
 Stella; hic adoratus a Magis. Hic tenero substrata capiti pungentia gramina aspe-
 rioribus adulam frontem coronaturis vepribus prolusere. Hic nberes effudit lacry-
 mas Divinus Infans, sui olim pro redemptione nostrâ fundendi sanguinis tyroci-
 nia. Hic virginis exceptus ulais tremulus Puer castissima Genitricis amplexibus
 censura lenivis vincula crudelitatis, qua sibi parari noverat ab osculo Proditoris.
 Verum, ut Beatus ait Hieronymus, diuturnus olim dum viveret, Bethlehemici
 specus incolæ, nunc vero prope Bethlehemicum Præsepe in hac basilica conditus:
 Præsepe illud, in quo Infantulus vagitt, silentio magis, quam infimo sermone ho-
 merandum est.**

16 Titulus Hebraicis, Græcis, & Latinis litteris inscriptus, causam
 injultæ mortis inflicte Christo Domino præferens, Romam a Sancta
 Helena delatus est, & collocatus in basilica sanctæ Crucis in Hierusalem
 a Constantino Imperatore fabricata seculo quarto. Cum anno 1492. bas-
 ilica hæc restauraretur, in medio muri Titulus inventus est, qui ante mil-
 le annos a Placidio Valentiniano Imperatore in eo fuerat clausus: cum-
 que fere eodem inventionis die Ferdinandus Catholicus Rex Hispaniarum
 celebrem adversus Mauros, civitate Granatensi expugnata, victoriam re-
 portasset, summus Pontifex Innocentius VIII. una cum sacro Cardina-
 lium Collegio ad memoratam basilicam venerabundus accessit. Tota rei
 series a Nobis exponitur in alio Opere nostro, in Annotationibus videli-
 cet ad Festivitates Domini, & Beatissimæ Virginis. Addimus de eodem

argu-

argumento epistolæ Leonardi Sarzanensis, contemporanei Auctoris, ex codicibus Vaticanis desumptas, quas inter Appendices hujus Operis tom. VII. lector inveniet.

*De Reliquia sanctæ Sindonis quæ asservatur in civitate Taurinensi,
& de Officio & Missa in ejus honorem.*

17 Judaico more sacrum Christi corpus post mortem sindone fuit involutum, & linteis fasciisque a pedibus ad collum usque colligatum, sudario capiti superposito, & faciem ejus velante; & ex more quoque Judaico corpus fuit aromatibus inunctum, myrrha scilicet & aloë. Hujus autem funeris curatores fuerunt non ex plebe viri, sed Joseph Arimatheus dives & nobilis Decurio, qui corpus Jesu a Pilato petierat, & Nicodemus Princeps Judæorum, qui magnam illam aromatum copiam ære suo profudit. In Evangelio quippe S. Matthæi legitur: *Accepto corpore, involvit illud in sindone*; in Evangelio S. Lucæ: *Et depositum involvit sindone*; & in Evangelio S. Marci: *Joseph autem mercatus sindonem, & deponens eum involvit in sindone*. Insignissima hæc sacræ Sindonis Reliquia conservatur in civitate Taurinensi; & eam ipsam esse, qua Christus Dominus involutus fuit, testati sunt summi Pontifices Paulus II. Sixtus IV. Julius II. & Clemens VII. Et quidem Sixtus IV. anno 1480. decrevit facelli honore decorandam; & in quodam Tractatu, quem composuit *de Sanguine Christi*, affirmat, in ea ipsius Christi verum Sanguinem & Imaginem conspici; & Julius II. apud Raynaldum *ad A. 1506. num. 44.* confirmans sui Decessoris sententiam, *Sixtus* (inquit) *Papa IV. Prædecessor noster, voluit Capellam sanctam appellari. . . maxime ob præclarissimam Sindonem, in qua ipse Dominus noster Jesus Christus in monumento positus involutus fuit &c. Quod si sanctam Crucem, in qua ipse Dominus noster Jesus Christus pendit. . . adoramus & veneramur; dignum profecto videtur & debitum ipsam Sindonem, in qua Reliquia Humanitatis Christi, quam Divinitas sibi copulaverat, videlicet ipsius veri Sanguinis, ut præfertur, manifeste conspiciuntur, venerari & adorari debere; & Clemens VII. apud eundem Raynaldum *ad A. 1533. num. 62.* mandat Ludovico S. Cæsarii Presbytero Cardinali Apostolicæ Sedis Legato de latere, ut diligenter curet, sacram Sindonem ab incendio servatam loco congruente & honesto recondi, & cum debita veneratione teneri & custodiri. Translationis ejusdem historiam a civitate Hierosolymitana ad civitatem Taurinensem fusc enarrant Philibertus Pingonius in libro *de Sindone Evangelica*, Franciscus Victon in historia particulari super hoc argumento typis impressa post ejus Tractatum *de Canonizatione*, & Alfonso Palæotum Bononiæ Archiepiscopus, qui comitatus est sanctum Cardinalem Borromæum, & Gabrielem Cardinalem Palæotum primum Bononiæ Archiepiscopum in pio & memorabili itinere, quod inierunt, ut sanctam Sindonis Reliquiam Taurini venerarentur, in *explicatione prædictæ sanctæ Sindonis cap. 2.* Item de Dominicis clavis, qui a Fidelibus variis in locis coluntur, mem-*

Tom. IV.

Y y y y

nit

nit Justus Fontaninus in *differt. de Corona ferrea cap. 13.* ubi notat, licet quatuor tantum clavi Christi membra transfoderint, tot tamen clavos venerationem habere in Ecclesia Catholica, aut quia clavus aliquis, quos Martyr quispiam confixus est, existimatus fuit unus ex ipsis Christi clavis: cum Martyres sint mystica membra Christi, ut etiam scripsit Cardinalis Baronius in *annal. ad A. 326. §. 54.* Nisi forte alicubi accidit, ut clavus aliquis inter sacras Reliquias asseruatus, quo mystica membra Christi, nempe Martyr quispiam crucifixus est, idem unus ex ipsis Christi clavis fuerit existimatus, aut quia particulam aliquam verorum clavorum, licet minimam, ad veteres Christianos delatam, ferro compactam, & in novos & integros clavos cadendam studuerunt, pro certo habentes, virtutem & efficaciam particulæ veri clavi alii ferro admixtæ in novos clavos migrare; aut quia novos clavos omnino per similes veris archetypis sibi fabricandos curarent; ut ex eorum aspectu spiritale solamen haurirent; aut denique quia ex tot clavis nonnulli fortasse Crucem ipsam, aut Titulum, nonnulli Suppedaneum compererunt, prout etiam animadversum fuit a Luca Tudenio, qui claruit anno 1236. lib. 2. *adversus Albigenes cap. 11. tit. 25. pag. 225.* *Biblioth. Patrum:* Omnibus pie deservimus, licet tantum quatuor clavi fixi fuerint in corpore Redemptoris. Potuerunt enim per partes dividi; vel crucis compages in transfodendo ligari & Tituli fuerunt clavis ferreis colligari, qui omnes consecrati sunt, ipso Dei Patre in cruce pendente, & merito a Fidelibus cunctis devotissime adstantur.

18 Porro sacræ hæ Reliquiæ cultu maximo dignæ sunt, etiam Officii & Missæ: quocirca Innocentius VI. de quo supra, concedens Officium lanceæ & clavorum Domini pro Germania & Bohemia apud Raynaldum ad A. 1354. *num. 18.* sic locutus est: *Dignum & conveniens reputamus, si de ipsis Passionis specialibus instrumentis, & præsertim in partibus; in quibus instrumenta ipsa dicuntur haberi, solemne atque speciale festum celebretur & fiat; Nosque illos Christianifideles, qui aliqua ex instrumentis ipsis habere se gaudent, in eorum devotione Divinis Officiis atque muneribus specialiter favoreamus; & consimilia habentur in bulla Martini V. apud Gregerum in *synagoga Reliquiarum Imperial. Ingolstadt.* Ad petitionem utique Caroli Ducis, & Claudie quondam Philippi Ducis Sabaudie relicte Ducisse, & ejusdem Caroli matris, Julius Papa II. benigne concessit, ut in ecclesia Capella sanctæ nuncupata castri Camberiaci Ducatus Sabaudie Gratianopolitane diocesis Missa quædam particularis celebraretur, & Officium particulare recitaretur in honorem Reliquiæ sanctæ Sindonis, quæ tunc in dicta Capella conservabatur; & ipsa quidem bulla Julii II. existit in Opere supra memorato Alfonso Palæoti. Pariter, translata Sindone ad civitatem Taurinensem (quod contigit anno 1578. cum Dux Emmanuel Philibertus sacram Sindonem transferri Tanrinum iussit, ut S. Carolo Borromeo, qui se pedibus ad eam venerandam Camberiacum conferre statuerat, itineris laborem minueret; de quo Joannes Petrus Julianus in *vita S. Caroli lib. 5. cap. 5.*)*

Sicut Papa V. Capitulo & Clero ejus civitatis & diocesis concessit, ut *de 4. Maji* Officium idem de sancta Sindone recitare possent: cumque tempore Clementis VIII. exhibitæ essent sacre Congregationi quædam lectiones infra *Ostavam* festi sanctæ Sindonis recitandæ, fuerunt hæc approbatæ & confirmatæ per litteras Apostolicas ejusdem Clementis datas die 30. Maji 1595. & hymni diligenter examinati atque correcti a Cardinali Bona sacre Congregationis approbationem obtinuerunt die 21. Maji 1673. uti supra visum est. Aliæ factæ sunt ad alias Ecclesias hujus Officii extensiones, ut etiam antea visum est. Officium quoque de Corona spine Domini a sacra Congregatione pluribus locis indultum est, & ultimo quidem loco Clero civitatis Lunen. Sarzanen. & suburbiorum die 21. Januarii 1730. ut & de concessione Officii quinque Plagarum Domini extant ejusdem Congregationis Decreta in *Lamacen.* 10. Junii 1656. *Parisien.* 13. Julii 1658. & 14. Junii 1663., *Mantuana* 2. Octobris 1675., & *Florentinæ* 21. Januarii 1730.

De Officio in honorem Plagarum Christi Domini, & de aliis Officio & Missæ petitis in honorem sanctissimi Cordis Jesu.

19 Apud Joannem legimus, Christum Discipulos foribus clausis adiisse, & Thomæ, qui tunc præsens erat, vulnera tractanda obtulisse, ut nostram Fidem roboraret: Quapropter S. Leo *serm. 61. de Ascensione primæ* tap. 3. scribit: *Ad sananda infidelium cordium vulnera, clavorum & lanceæ erans servata vestigia, ut non dubia fide, sed constantissima scientiâ teneretur, eam naturam in Dei Patris confessorum throno, qua jacerat in sepulcro.* De Officio vero Plagarum Jesu Christi hæc habentur apud Guyet *de fest. propr. Sanctæ.* lib. 1. cap. 6. *quæst. 12. De quinque Plagis* hic etiam ex occasione querendum, in quarum venerationem licet festum solemne in plerisque ecclesiis institutum sit, nullam tamen animadverti hactenus hoc titulo dicatam ecclesiam. Quod si quæ forte sit, non more Reliquiarum id accipiendum, sed mysterii, prout *quæst. 9. explicatum* fuit. Ipsa enim vulnera a corpore Christi separari handquam possumus, sicut potest sanguis relictus, aut pars aliqua carnis; cum nihil sit aliud, quam ipsum corpus certis in locis ex disjunctione carnis apertum. Ab exemplis itaque concessionis hujus Officii Plagarum, & aliorum in honorem instrumentorum Dominicæ Passionis orta est in sacrorum rituum Congregatione anno 1697. petitio institutionis festi cum Missæ propria in honorem sanctissimi Cordis Domini nostri Jesu Christi pro ecclesiis Monialium Visitationis Beatissimæ Virginis, postulante Maria Angliæ Regina de Catholica religione optime merita. Frigidianus Castagnorius in sua scriptura typis impressa multa collegit petitioni favorabilia argumenta, inter quæ præcipuum erat illud, quod Sanctimoniales Visitationis pio sane affectu erga Cor Jesu serebantur, juxta præscripta ab earum Institute S. Francisco Salezio, uti habetur *lib. 4. epist. 64. epist. 71. epist. 101.*

Y y y y 2

lib. 6.

lib. 6. *epist.* 62. lib. 7. *epist.* 6. & *epist.* 61. ejusdem Sancti. Prosper autem Bortinius Archiepiscopus Myrensis tunc Fidei Promotor: opposuit novitatem Festi adversantem Ecclesiasticæ disciplinæ. Quare tunc a sacra Congregatione prodiit hoc Decretum:

G E B E N N E N.

Institutionis Festi cum Missa propria in honorem sacratissimi Cordis Domini nostri Jesu Christi, referente Eminentissimo de Janfon. Concedatur Missa quinque Vulnerum Christi pro Feria sexta immediate post Octavam Corporis Christi. Pro Monialibus totius Ordinis Visitationis die 30. Martii 1697.

Ordinis Monialium Visitationis Beatissime Virginis Galliarum.

Sacra rituum Congregatio ad supplices preces Serenissime Maria Angliæ Reginae Sanctissimo Domino nostro porrectas, eidem sacra rituum Congregationi remissas; & ab Eminentiss. & Reverendiss. Domino Cardinali de Janfon relatas, Monialibus Visitationis Beatissime Virginis sub Instituto S. Francisci Salesii militantiis benigne indulsit atque concessit, ut in eandem ecclesiis quotannis feria sexta immediate post Octavam augustissimi Corporis Christi Sacerdotibus tam infervientibus rite celebratis, quam exteris ad eandem tali die confluentibus liceat Missas quinque Vulnerum Jesu Christi celebrare, si Sanctissimo Domino nostro videbitur: Die 30. Martii 1697. Facta igitur deinde per me Secretarium de predictis Sanctissimo Domino nostro relatione, Sanctitas Sua benigne annuit: Die 3. Aprilis ejusdem anni 1697.

20. Post decursum tamen aliquorum annorum Serenissimus Rex Poloniae, Episcopi Cracoviensis, & Massiliensis, Monialesque ejusdem Ordinis Visitationis B. Mariæ Virginis ferventiores sanctæ Sedi exhibuerunt supplicationes pro concessione Officii & Missæ propriæ in honorem sanctissimi Cordis Jesu. Postulator hujus concessionis fuit Joseph de Galliffet Sacerdos Societatis Jesu, qui typis Romanis anno 1726. librum edidit de cultu sacrosancti Cordis Dei ac Domini nostri Jesu Christi. Scripturæ pariter sacre Congregationi distributæ sunt omnibus numeris absolutæ, & citèter ea tempora, hoc est anno 1739. prodiit typis Parisiensibus *Vita Venerabilis Matris Margaritæ Alacoque Ordinis Visitationis B. Mariæ Virginis mortuæ anno 1690. eleganter scripta ab erudito viro Joanne Joseph Languet Episcopo Sueffionensi*: revelatum quippe dicebatur eidem Venerabili Matri, Divinæ voluntatis esse institutionem festi in honorem Cordis Jesu.

21. Et quidem, ut petitionis vis & ratio clare perciperetur, tum in Opere typis impresso Patris Galliffet, tum in scripturis sacre Congregationi exhibitis expositum fuit, rationem festi hujus, pro quo supplicabatur, non consistere in sacratissimo Corde Jesu, ipso per se nude, ut lo-

quuntur,

quantur, & solitarie sumpto, sed in Corde Jesu Humanitati sacrosanctæ, siue Divino corpori unito, & consequenter uti rem unam cum anima & Divina Persona constituyente, ac uti naturali sede, veroque sensibili *com- principio*, ut vocant, virtutum omnium & affectionum interiorum Christi Domini, & signanter immensi amoris, quo Patrem & homines persecutus est, ac denique uti centro dolorum omnium interiorum amantissimi Redemptoris, præcipuoque loco vulneris lancea inflicti. Una etenim eademque adoratione adoranda est Divinitas Christi & ejus Humanitas, juxta doctrinam D. Thomæ 3. *part. quasi. 25. art. 1.* Quocirca idem sanctus Doctor in Officio, quod compoluit *pre festo sanctissimi Corporis Christi*, ne putaretur cultus dirigi ad Corpus Christi præcise sumptum, his verbis usus est in *Invitatorio*, in quo præsertim proponitur intentio Ecclesiæ: *Christum Regem adremus dominantem gentibus, qui se manducantibus dat spiritus pinguedinem.*

22. Item celebre est nomen istar Evangelicos Concionatores Claudii Colombiæ Societate Jesu. In codice autem, in quem *calestes illustra- tiones* referre solebat sibi a Patre luminum immittas, eo maxime tempore, quo: exercitiis spiritualibus juxta morem Societatis operam dabat, scripta ejus manu incepta sunt hæc verba sibi relata a Venerabili Margaritha, quæ ei, ut scriberentur, demandavit: *Retulit itaque hac Dei Servo, se die quodam infra Octavam Corporis Christi, cum orationi coram sanctissimo Sacramento vacaret, celestibus gratis a Domino supra modum repletam fuisse, & Christum Dominum sibi hæc verba dixisse: A te require, ut feria sexta: quæ post Octavam festi Corporis mei proxima sequitur, Cordi meo colendo peculiariter sit dicenda: quia die ad sacram mensam accedens, injuria cordi meo in altaris mysterio inflicta, eo maxime tempore, quo palam Fidelium generationi expositum sum, violati honoris reparatione sarciantur. Et quidem spondeo, eos omnes, qui hoc honore Cor meum afficiunt, ipsius Divini Cordis influxu celestium gratiarum copia fore cumulandos.*

23. Alia adhuc sibi exposita a Venerabili Sorore recensuit Sacerdos Claudius in sua illa narratione; eam videlicet se peccatricem confessam fuisse; ideoque ineptam, quæ esset adjutrix consiliorum Divinorum; tum Christum respondisse se infirma mundi eligere solitum, ut fortia confunderet, & suæ esse sapientiæ imbecilles homines in consiliis exequendis adhibere, ut nimirum, cum ipsi sibi nihil adscribere possint, potentia sua gloriosius manifestetur. Multa scilicet fuerunt allata pro comprobanda sanctitate vitæ Sororis Margarithæ. Catalogus etiam productus est Regnorum, Provinciarum, Diocesium, Ecclesiarum Sæcularium, Ordinum Religiosorum tum virorum tum mulierum, piarumque Sodalitatum, in quibus cultus Cordis Dei solemniter exhibetur. Denique mirum est, qua diligentia Patrum & Theologorum dicta cultui Cordis Jesu faventia fuerint tum in opere Patris Galliffet, tum in scripturis Postulatorum fideliter enarratas atque ideo, quod attinet ad institutionem festi, maxima vis consistat fuit

fuit in institutione Festi sanctissimi Corporis Christi, quæ originem suam habuisse dicebatur a revelatione facta in civitate Leodiensi Beatæ Julianæ Virginis, cujus festum celebratur die 5. Aprilis, quemadmodum fufe exponunt Bollandiani in *Actis Sanctorum ad dictam diem, in Vita prædictæ Beatæ Julianæ*.

24 Renovata itaque majori conatu instantia concessionis Officii de Missæ sanctissimi Cordis Jesu, dum ipse munereungebar Fidei Promotoris, opposui auctoritatem Sancti Bernardi *epist. 174. ad Canonicos Lugdunenses*, qui festum celebrare inceperant Conceptionis B. Mariæ Virginis: etenim, licet Sanctus id improbet, eo quod novi hujus festi celebratio fieret, inconsulta Sede Apostolica: Nam, si sic videbatur, consulenda erat prius Apostolica Sedis auctoritas, & non ita præcipitauer atque inconsulte paucorum sequenda simplicitas imperisurum; non omittit tamen vim constitutæ in ipsius etiam festi novitate: Numquid Patribus doctiores, aut devotiores sumus? Periculose presumimus, quidquid ipsorum in talibus prudentia præiit. Nec vero id tale est, quod, nisi præserendum fuerit, Patrono quiverit omnino diligentiam præiitisse. Animadverti cum eodem Sancto Bernardo *loc. cit.* in festi institutione sedulo examinandum esse, an ex ea deduci possit consequentia ad aliorum festorum institutionem; admissa quippe consequentia, præiit Ecclesiæ est, ut ab institutione festi abstinereatur: Quid adhuc addendum his potuimus honoribus? Ut honoraretur, inquam, & Conceptus, quod honorandum præiit partum; quoniam, si illa non præcessisset, nec iste esset, quod honoratur. Quid si alius præter eandem causam etiam surripit Parenti ejus flos bonos offerat deferendus? Sed de Actis & Proavis id ipsum posses pro simili causa quilibet flagitare; & sic tenderetur in infinitum, & festum non esset numerus. Patria est, non exilis frequentia hac gaudiorum, & numerositas festivitatum civis decet, non exules. Et profecto, cum ex concessione Officii de Missæ in honorem Cordis Jesu consumiles instantiæ tractu temporis promoveri possent in honorem sacratissimi lateris ipsius, sanctorum oculorum, sanctissimæ lingue, necnon in honorem cordis Beatissimæ Mariæ Virginis &c. abstinendum idcirco a petita festi institutione dixi. Nec ad rem, de qua agimus, satis esse dixi positam revelationem factam Ven. Margaritæ, quemadmodum bene prosequitur S. Bernardus in *epist. cit.* Sed præfertur Scriptum superne, ut ajunt, revelationis. Quasi & quis non queat Scriptum æque producere, in qua Virgo videatur id ipsum mandare & de Parentibus suis, juxta Domini mandatum dicentis: Honora patrem tuum & matrem tuam. Ipse mihi facile persuadeo, Scriptis salibus non moveri, quibus nec ratio suppeditare, nec certa invenitur favere auctoritas. Quia vero a Postulatoribus argumentum defumebatur ex institutione festi in honorem sanctissimi Corporis Christi, subjeci, eam utique institutionem causam suam defumuisse a revelatione facta Beatæ Julianæ de Monte Cornelione; sed revelationem ipsam examinatam fuisse a Roberto Episcopo Leodiensi, & aliis Episcopis, atque Ecclesiasticis Doctoribus: rursus, Urbanum IV.

tunc

tunc Archidiaconum Leothesem, deinde evectum ad summum Pontificatum, noluisse assensum præbere extensioni festi ad universam Ecclesiam, nisi postquam novo miraculo edoctus cognovit, Divinæ id voluntatis esse. Cum etenim Urbanus degeret in civitate Urbeveta, ut impetum Saracenorum evaderet, quos Manfredus Siciliæ Tyrannus in Italiam evocaverat, contigit, ut incredulo Sacerdote Missam celebrante in ecclesia Vulsinii Urbevetae diocesis, Hostia appareret oculis ipsis veræ caro, roseo cruore respersa, ea tantum excepta particula, quæ Sacerdotis digitis tangebatur; vitta autem lintea, quæ ad reverentiam calici erat imposita, ex Sanguinis effusione madefacta est; ita ut Sacerdote stidente cooperire *Corporale*, dextera autem Domini faciente virtutem, singula gutta Sanguinis ex vitta ipsa manantes, & in *Corporale* fluentes, singulas figuras in similitudinem hominis in eo impresserint. Itaque re ad Urbanum IV. delata ab ipso Sacerdote, qui poenitentia ductus suam priorem incredulitatem amare desiebat, decretum est, ut prodigiosum *Corporale* ad ecclesiam Urbevetaam solemniter deferretur, prout sane delatum est, ipso Pontifice cum universo Clero & populo illud excipiente, & in templo majori Urbevetano collocante; in quo etiamnum asservatur, & statitis diebus publice ostenditur; quemadmodum scriptum est ab Onuphrio Panvino, a Joanne Trithemio, a S. Antonino, a Guillelmo Lindano, quorum verba sunt in *disserat. de sacris Processionibus Christiani Lupi tom. 11. notæ editionis de sacris Processionibus pag. 340.* His addi possunt *Doozelinus in historia de solemnitate & festivitate Corporis Christi, Chapévi tom. 2. historiar. Leodiens. pag. 642. Bollandiani tom. 4. Aprilis pag. 437. Bartholomæus Euseb. de origine festivitatis Corporis Christi; Martene de antiqua Ecclesiæ disciplina in Divin. celebr. Offic. cap. 29. num. 1. & duobus sequentibus, & Theophilus Raynaudus operum tom. 11. pag. 347.* Insuper autem, eodem Urbano IV. precipiente, compositum fuit a S. Thoma de Aquino Officium sanctissimi Sacramenti. Quamquam Papebrochius de hac re dubitavit in *Actis Sanctorum Aprilis*; sed perlecta dissertatione Natalis Alexandri super hoc argumento exarata, a dubitatione recessit, ut ipse testatur in *propylos mensis Maji part. 2. pag. 53.* Nec ullus profecto superest debittandi locus post repertam & insertam in novum Bullarium Patrum Dominicanorum *tom. 3. pag. 335.* bullam Sixti IV. in qua habentur hæc verba: *Ac in ejus solemnitatem & venerandam inde memoriam idem Urbanus Prædecessor noster, festum tam gloriosissimi Sacramenti annis singulis & temporibus perpetuis quinq. feriis post Octavam Pentecostes a cunctis Fidelibus ubique solemniter celebrari, propriumque ejusdem solemnitatis Officium per Beatum Thomam de Aquino tunc in ipsa Curia existentem compositum edidit.*

25 Quare ex modo relatis constat, institutionem Festi sanctissimi Corporis Christi suam causam desumpsisse non ex revelatione utcumque habita, nec ex sola revelatione, sed ex revelatione ab Episcopo in Episcoporum & Ecclesiasticorum confessa examinata una cum patratione miraculi,

raculi, quod ob oculos ipsius Romani Pontificis Deus operari dignatus fuit: cumque proinde nec juridicum revelationis Ven. Margaritæ examen, nec ullum miraculum intercessisset, quo institutio novi festi in honorem sacratissimi Cordis Christi commendaretur, credidi, exemplum institutionis Festi Corporis Christi institutioni Festi in honorem Cordis nequaquam suffragari. Addidi ore tenus, statui tamquam certum a Postulatoribus, cor esse, ut vocant, *comprincipium* sensibile omnium virtutum & affectionum, qualique centrum voluptatum & dolorum omnium interiorum; sed id quæstionem philosophicam involvere, cum recentiores Philosophi amore, odium, & reliquas animi affectiones non in corde, tamquam in sede sua, sed in cerebro collocent; ita ut affectus in animæ & spirituum commotione maxime positi, in cerebro formentur, postea ad cor ipsum per nervos diffundantur. Legi potest Ludovicus Antonius Muratorius in *moralibus Philosophiis* post hæc jam scripta typis *Veronensibus A. 1735. edita cap. 2.* Quamobrem, cum nullum adhuc prodierit Ecclesiæ judicium de veritate unius, aut alterius ex his opinionibus, prudenterque ab hujusmodi definiendis sententiis Ecclesia abstineret atque abstinere, reverenter insinuaui, non esse petitioni annuendum innixæ potissimum antiquorum Philosophorum sententiæ, cui recentiores adversantur. Et sane his coherentes, cum in sacrorum rituum Congregatione habita die 12. Julii 1727. actum fuisset de concessione Officii & Missæ propriæ in honorem sacratissimi Cordis Jesu Christi, *rescriptum* fuit: *Non propositis*; qui rescribendi modus aliquando adhibetur, ut Postulatores admonerentur, a petitionibus esse abstinendum, quæ cum multas involvant difficultates, viam aperiunt negativo responso. Cumque, dimisso a me Promotoris officio, novis conatibus iidem Postulatores sacræ Congregationi pro eadem concessione supplicassent, die tandem 30. Julii 1729. responsum fuit: *Negativo*.

De petitione Officii & Missæ Sanctæ Mariæ de Littera.

26 Circumferuntur nonnullæ epistolæ, quæ a Beatissima Virgine, dum in humanis agebat, scriptæ dicuntur; alia scilicet ad Ignatium, alia ad civitatem Messanensem, de qua supra aliquid dictum est, alia ad civitatem Florentinam. Mentio quoque fit apud Bollandianos ad diem 3. Augusti pag. 267. tom. 1. cujusdam epistolæ Christi Domini & Mariæ Virginis ad Sanctum Walthenum Abbatem. En verba epistolæ: *Jesu Christe & Maria mater ejus dilectum filium suum Walthenum Abbatem salutant. Scias, quod exaudita est oratio tua. & inter duas festivitates Sancti Joannis Baptistæ venies ad nos perpetuo victurus. Prepara te. Vale.* Exitus rem patefecit, verumque declaravit. Manrique in *annal. Cisterc. ad A. 1160. cap. 3. num. 5.* loquitur de hac epistola, & ostendit, eam potuisse a Sancto publicari citra jactantiæ notam, non solum propter gloriam Dei & Matris ejus, qui tales

les exhibent hominibus favores, sed ut orationibus cunctorum adjuvus se ad mortem prepararet. Nec de veritate epistolæ dubitant Bollandiani, uti videri potest *cit. tom. 1. Augusti pag. 243. num. 46.* Sed redeamus ad Epistolam, quæ scripta dicitur a Beatissima Virgine civitati Messanenſi, de qua nonnulla dicta sunt *superiori cap. 26. num. 7.* In civitate Messanenſi magna cum celebritate festum colitur Inventionis hujus epistolæ, uti fuse narrat Joseph Renatus a Jesu Maria ex familia Augustiniana Discalceata in suo Opere formis Venetis impresso *pag. 46. & seqq.* post hæc scripta edito; & a Nobis viso; ubi etiam referuntur Indulgentiæ a summis Pontificibus concessæ aut visitantibus Capellam S. Mariæ de Littera existentem in Metropolitana Messanenſi, aut visitantibus ecclesiam S. Mariæ de Constantinopoli nationis Siculæ in Urbe, cum celebratur festum S. Mariæ de Littera. Dum munereungebar Fidei Promotoris, nonnulli pii Siculi sæpe me consuluerunt de modis, quibus cultus Beatissimæ Virginis de Littera augeri posset, potentes an esset spes obtinendi, ut pro civitate Messanenſi sacrorum rituum Congregatio concederet Officium & Missam, simulque illud adderet, ut in secundis lectionibus aliquid diceretur de Epistola scripta a Beatissima Virgine; adhibitis etiam verbis modificantibus, ut fertur, ut pie creditur, de quibus *superiori cap. 10.* Ipsi quippe bene noverant, piam illam traditionem non posse dici ullo modo a Sede Apostolica approbatam, non obstante concessione Indulgentiarum, vel quia in earum Brevisbus caute adhibitum est verbum *nuncupata*, vel quia Rochus Pyrrhus in sua dissertatione de Epistola Deipara, qua ad Messanenſes scripta dicitur, in *Notitia Siciliensium Ecclesiarum* contendit, Effigiem Beatissimæ Virginis sub Tabulato quodam, quod patria lingua *Literio*, vel *Literino* dicitur, receptam nomen assumpsisse Virginis de Littera. Porro requireribus intrepide respondi, suasque ut rem relinquerent in eo statu, in quo erat, neque amplioribus petitionibus urgerent. Et ipsi quidem consilio acquieverunt. Præter enim adducta a Pyrrho *loc. cit.* de veritate Epistolæ, congestis undique argumentis, dubitant celeberrimi Auctores Cardinalis Baronius ad *A. 48. num. 25.* Suarez *tom. 2. in 3. part. D. Thoma disput. 20. sect. 1.* Joannes Maria Bresgellensis Pontificii palatii Magister *tom. 1. Indicis librorum expurgandorum Roma edito anno 1607.* Joannes Mabillon *lib. 1. de re diplomat. cap. 6. §. 6.* Tillemont. in memoriis sex primorum seculorum *tom. 1. pag. 70.* Natalis Alexander in seculo primo histor. Ecclesiast. *cap. 12. num. 161 §.* Dico primus. Dupin in nova Bibliotheca Auct. Ecclesiast. *pag. 6.* Langlet in methodo studii historiarum *cap. 2. §. 3.* Venet. edit. A. 1726. *pag. 14.* Addendum, quod, licet pro Epistolæ sinceritate strenue pugnaverit Pater Melchior Inchoffer e Societate Jesu, & post eum Petrus Mennitus Abbas Generalis Ordinis S. Basilii, notum est nihilominus, prædictum Patrem Melchiorum suum librum inscripſisse, *Epistola Beate Mariæ ad Messanenſes veritas vindicata, ac plurimis gravissimorum Auctorum testimoniis & rationibus illustrata*; tum Romam accessisse, nonnulla mutasse, titulumque libri hæc re-

§72 DE SERVORUM DEI BEATIFICATIONE ---

reformatæ : De *Epistola Beate Mariæ Virginis ad Messanenſes conſectatio plurimis rationibus & verifimilitudinibus locuples*. Quare in indice librorum prohibitorum ſub Clemente XI. Romæ edito A. 1717. pag. 153. ita legitur : *Epistola B. Mariæ Virginis ad Meſſanenſes veritas vindicata*. Permiſſitur vero : *De Epistola B. Mariæ Virginis ad Meſſanenſes conſectatio plurimis rationibus &c.* Auctore Patre Melchiorre Inchoffer Anſtriaco e *Societate Jeſu juxta impreſſionem Viſtæbii factam apud Ludovicum Grignanum anno 1631*. Hæc omnia nimirum mihi ſuadere viſa ſunt , quæcumque in re , de qua nunc agimus , petitionem periculis fore obnoxiam .

De novo quodam Roſario a ſacrorum rituum Congregatione prohibito .

27 Tempore pariter , quo fungebar mnnere Fidei Promotoris , actum fuit de quodam novo Roſario , quod in eccleſia Beatiffimæ Virginis Patrum Ordinis SS. Trinitatis Redemptionis Captivorum Conventus Tolofani recitari coeptum fuerat in honorem SS. Trinitatis . Editus etiam fuerat libellus Gallico ſermone ſcriptus , in quo recitationis methodus tradebatur . Oratio ſcilicet Dominica in hoc Roſario non recitabatur , & in Oratione *Gloria Patri* verba addebantur : *Gloria Patri , & Filio , & Spiritui Sancto uni Deo infinite magno* , ſicut erat in principio ; ut in libello pag. 3. & rurfus pag. 19. *Gloria Patri . & Filio , & Spiritui Sancto uni Deo infinite beato* , ſicut erat in principio ; itemque pag. 24. *Gloria Patri , & Filio , & Spiritui Sancto uni Deo rerum omnium fini ſimpliciter ultimo* .

28 Delata nimirum hujus novi Roſarii , necnon libelli notitia ad Procuratorem Generalem Ordinis S. Dominici , ſupplicatum ab ipſo fuit Clementi XI. pro novi Roſarii & libelli prohibitione . Remiſſo autem examine iſtantix ad ſacrorum rituum Congregationem , mihi tunc Fidei Promotoris *Coadjutori* demandatum fuit , ut meam ſententiam ſcriptis exponerem .

29 Plura itaque in meis animadverſionibus adduxi , ſed ſignanter , novum aliud Roſarium in eadem civitate Tolofana inſtitutum ſub titulo *Seraphici* a Patribus Ordinis Minorum S. Franciſci de Obſervantia prohibitum fuiſſe anno 1664. ab ipſa ſacrorum rituum Congregatione , cujus Reſponſum fuit confirmatum a ſummo Pontifice Alexandro VII. in ſua *Conſtitutione* 149. tom. 6. *Bullarii Romani* : novas preces non ita facile eſſe admittendas , & publica auctoritate recitandas ; introductam jam eſſe , & a ſummis Pontificibus approbatam Roſarii Beatiffimæ Virginis recitationem , in quo debita laus Sanctiſſimæ Trinitati tribuitur ; denique non eſſe tolerandum , ut in precibus Eccleſiæ fiant ad libitum uniuſcujuſque additiones , cum in Salutatione Angelica fuerint quidem addita hæc verba , *nunc & in hora mortis noſtræ* ; ſed acceſſerit approbatio S. Pontificis Pii V. item in Oratione *Salve Regina* fuerint addita illa verba , *O clemens , o pia , o dulcis Virgo Maria* ; ſed compoſita a S. Bernardo ; rurfus autem illa , *Dignare*

gnare me laudare te; sed a S. Ephrem composita, teste Macro in vocabulario Ecclesiastico verb. *Salutatio Angelica*, &c. verb. *Salve Regina*. His enimvero, aliisque rationibus permota sacra Congregatio prohibendum censuit novum illud Rosarium, ejusque Responsum confirmatum fuit in litteris Apostolicis Clementis XI. quæ hic apponuntur.

C L E M E N S P A P A X I.

Ad futuram rei memoriam.

IN supremo militantis Ecclesia folio, meritis licet imparibus, per ineffabilem Divina bonitatis abundantiam constituti, exortas inter Religiosos viros contrarias opportunis rationibus dirimere studemus, sicut in Domino conspicimus salubriter expedire. Itaque dilectum Filium modernum Procuratorem Generalem Ordinis Predicatorum specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequen. harum serie absolventes, & absolutum fore censentes, supplicationibus ejus nomine Nobis super hoc humiliter precectis inclinati, de venerabilium Fratrum nostrorum S. R. E. Cardinalium sacris ritibus prepositorum, qui prius dilectum etiam Filium modernum Procuratorem Generalem Ordinis Sanctissima Trinitatis Redemptionis Captivorum, & successore dilectum pariter Filium Prosperum Lambertinum Aula nostra Consistorialis Advocatum, & venerabilis Fratris Prosperi Archiepiscopi Myren. Promotoris Fidei Coadjutorem tam in scriptis quam in voce audierunt, consilio, novum Rosarium, quod dilecti iidem Filii Fratres secundo dicti Ordinis in eorum ecclesia Beata Maria Virginis Conventus Tolosan. edito liberculo Gallico idiomate impresso, in quo methodus recitationis Rosarii hujusmodi edocetur; in honorem ejusdem Sanctissima Trinitatis recitare introduxerunt, auctoritate Apostolica tenore presentium prohibemus; quo vero ad liberculum, sicut pramittitur, impressum, instantiam primo dicti Procuratoris Generalis ad Congregationem venerabilium Fratrum nostrorum ejusdem S. R. E. Cardinalium Indici librorum prohibitorum & expurgandorum prepositam remittimus: Decernentes, easdem presentes litteras semper firmas validas & efficaces existere & fore, suisque plenarias & integros effectus sortiri & obtinere, ac ab illis, ad quas spectat & pro tempore spectabit, inviolabiliter observari, sicque in premissis per quoscumque Iudices ordinarios & delegatos, etiam causarum palatii Apostolici Auditores, judicari & definiri debere, ac irritum & inane, si secus super his a quoquam quavis auctoritate scienter vel ignoranter contigerit attentari: Non obstantibus Constitutionibus & ordinationibus Apostolicis, ceterisque contrariis quibuscumque. Volumus autem, ut earundem presentium litterarum transumptis seu exemplis, etiam impressis, manu alicujus Notarii publici subscriptis, & sigillo persona in Ecclesiastica dignitate constituta munitis eadem prorsus

Z z z z z 2

fides

*fidei addibatur, qua adhiberetur ipsis presentibus, si forent exhibitæ vel ostensæ.
Datum Roma apud Sanctum Petrum sub annulo Piscatoris die 8. Martii 1712.
Pontificatus nostri anno duodecimo.*

De Officio in honorem Beatissimæ Virginis dictæ de Remedio.

30 Anno 1727. Patres Trinitarii Redemptionis Captivorum obtinuerunt a sacra Congregatione facultatem recitandi Officium Beatissimæ Virginis dictæ de Remedio tamquam Patronæ minus principalis secunda Dominica Octobris, sub obtentu, quod idem Officiū ante reformationem Brevarii factam a S. Pio V. in sua Religione recitaretur: Anno 1728. novæ preces exhibuerunt pro concessione lectionum propriarum secundi Nocturni, in quibus binæ referbantur Apparitiones Beatissimæ Virginis S. Joanni de Matba, cui pecuniam subministrasse dicebatur pro redemptione Captivorum, juxta ea, quæ a nonnullis Scriptoribus narrata fuerant: opposentibus inter ceteros Patribus S. Mariæ de Mercede Redemptionis Captivorum, tum quod prædictæ narrationis originem de fumerent a Lubiano Zappata, de quo alibi actum est: tum quod titulus de Remedio nihil aliud esset, quam titulus de Mercede: juxta ea, quæ fusc adducuntur a Bernardino Gomesio Miedes Archidiacono Siguntino, postea Episcopo Albarracinenſi in *vita Jacobi I. Regis Aragonie* lib. 2. pag. 36. ubi de Religione Beatæ Mariæ de Mercede Redemptionis Captivorum hæc habet: *Mercedis vocata illa fuit, quæ vox Hispanis non præmium, non pretium, aut fructum laboris, sed latine redditus idem, quod donum, sive gratia, significat; quoniam ut postremum malorum est servitus, maximo vero quæ in carcere, aut vinculis fertur, ita neque minus sive beneficium sive donum impendi posse videatur, quam ipsum e vinculis exemptum a servitute in libertatem vindicare.* Itaque cultus ille Beatissimæ Virginis sub titulo de Remedio ad spiritalem quandam emulationem referri posse videbatur. Sacra Congregatio gratiam concessam revocavit, ejusque Responsum fuit a Clemente Papa XII. confirmatum per litteras Apostolicas in forma Brevis, ut ex Instrumento hic inserto.

31 IN NOMINE DOMINI AMEN. Cunctis ubique patet & evidenter sit notum, quod anno a Nativitate Domini nostri Jesu Christi millesimo septingentesimo trigesimo primo, indictione IX. die xi. Maji, Pontificatus attem Sanctissimi in Christo Patris & Domini nostri D. Clementis PP. XII. anno ejus primo. Ego infrascriptus Officialis deputatus vidi, legi, & diligenter inspexi quasdam litteras Apostolicas tenoris sequentis, videlicet.

CLEMENS PP. XII. Ad perpetuam rei memoriam. Alias Nos Decretum a Congregatione venerabilium Fratrum nostrorum S. R. E. Cardinalium sacris ritibus præposita, die xxi. Januarii MDCCXXX. favore Ordinis Fratrum Beatæ Mariæ de Mercede Redemptionis Captivorum editum, per quod revocabatur Indulgentium Fratribus Calceatis Ordinis Sanctissimæ Trinitatis Redemptio-

nis etiam Captivorum ab eadem Congregatione Cardinalium antea concessum recitandi Officium Beatae Mariae Virginis sub titulo de Remedio uti Patronae minus principalis, cum ipsius Decreti approbatione, perpetuique silentii Fratribus dicti Ordinis Sanctissima Trinitatis quoad ejusmodi Officium impositione per se. record. Benedictum PP. XIII. Praedecessorem nostrum subinde factis confirmavimus per nostras in simili forma Brevis litteras tenoris, qui sequitur, videlicet.

Clemens PP. XII. Ad futuram rei memoriam. Emanavit nuper a Congregatione venerabilium Fratrum nostrorum S. R. E. Cardinalium sacris ritibus prepositorum Decretum tenoris, qui sequitur, videlicet:

Ordinis Beatae Mariae de Mercede Redemptionis Captivorum. Cum sub die xii. Julii MDCCXXVII. sacra rituum Congregatio ad instantiam Patrum Calceatorum Sanctissima Trinitatis Redemptionis Captivorum indulserit, ut ab ipsis quatuordecim Dominicis secunda Octobris recitari possit Officium Beatae Mariae Virginis sub titulo de Remedio cum antiphonis & lectionibus, ut in festo Sanctae Mariae ad Nives, sumptis ex Breviario Romano lectionibus secundi Nocturni; cumque tum ratione concessionis praedicti Officii, tum approbationis lectionum propriarum secundi Nocturni, quae a Patribus Trinitariis pretendebatur, varia contentiones & lites exorta fuerint inter ipsos Trinitarios, & Patres Ordinis Beatae Mariae de Mercede Redemptionis Captivorum; habita per Patrem Magistrum Fratrem Alexandrum Illemei praedicti Ordinis de Mercede Procuratorem Generalem ad eandem sacrorum rituum Congregationem recursu, eccedentibus etiam particularibus instantiis Patris Procuratoris Generalis Ordinis Praedicatorum, necnon Patris Procuratoris Generalis Ordinis Carmelitarum, Eminentiissimus & Reverendissimus Dominus Cardinalis Belluga in Ponentem seu Relatorem deputatus infra scriptum Dubium inter Partes concordatum examinandum proposuit, videlicet, An sit revocandum Decretum die xii. Julii MDCCXXVII. concedens Patribus Sanctissima Trinitatis Redemptionis Captivorum Officium B. M. V. sub titulo de Remedio uti Patronae minus principalis in casu &c. Et sacra eadem Congregatio, utraque Parte tam in scriptis, quam in voce informante audita, discussisque juribus hinc inde deductis, variisque circumstantiis consideratis, referendum censuit: Affirmative. Die xxi. Januarii MDCCXXX. Factaque de his per me Secretarium Sanctissimo Domino nostro Benedicto XIII. relatione, Sanctitas Sua Decretum sacra Congregationis approbavit, necnon Patribus Trinitariis quoad praedictum Officium Beatae Mariae Virginis de Remedio perpetuum silentium imposuit: Die xxiii. ejusdem mensis & anni MDCCXXX. N. M. Tedschi Archiepiscopus Apamensis Secretarius. Loco † Signilli.

Cum autem, sicut pro parte dilecti Filii Josephi Mezquia Procuratoris Generalis praedicti Ordinis Beatae Mariae de Mercede Redemptionis Captivorum Nobis subinde expositum fuit, ipse Decretum hujusmodi, quo firmius subsistat, Apostolica confirmationis praedicta patrocinio communiti summpere desideret; Nos specialem ipsi Josepho gratiam facere volentes, & a quibuscumque excommunicatis

nis

nis, suspensionis, & interdicti, aliisque Ecclesiasticis sententiis, censuris, & poenis a jure vel ab homine quavis occasione vel causa latis, si quibus quomolibet innotatus existit, ad effectum presentium dumtaxat consequen. harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinati, Decretum præsens auctoritate Apostolica tenore presentium approbamus & confirmamus, illique inviolabilis Apostolica firmitatis robur adjicimus; salva tamen semper in præmissis auctoritate præfata Congregationis Cardinalium: Decernentes, easdem presentes litteras formas validas & efficaces existere & fore, suosque plenarios & integros effectus sortiri & obtinere, ac illis, ad quos spectat & pro tempore spectabit, in omnibus & per omnia plenissime suffragari, & ab eis respectively inviolabiliter observari; sicque in præmissis per quoscunque Indices ordinarios & delegatos; etiam causarum palatii Apostolici Auditores, judicari & definiri debere; ac irritum & inane, si secus super his a quacunque quavis auctoritate scienter vel ignoranter contigerit attentari: Non obstant. Constitutionibus & ordinationibus Apostolicis, contra easque contrariis quibuscunque. Datum Roma apud Sanctam Mariam Majorem sub Anulo Piscatoris die xxix. Julii MDCCXXX. Pontificatus nostri anno primo. F. Cardinalis Oliverius. Loco t. Anuli Piscatoris.

Cum autem postmodum pro parte eorundem Fratrum Ordinis Sanctissimæ Trinitatis iteratis vicibus coram Nobis institutum fuerit, ut, non obstante impositione silentii prædicti ipsam Congregationem Cardinalium denuo adendum, causamque ibidem rursus discutendam & agendam sibi licentiam impetirentur; verum cum venerabilis Frater Marcellus Archiepiscopus Nazianzenus Auditor noster, eorum instantiam remisseramus, illam, audita in contradictorio judicio utraque Parte, pluries rejecerit: hinc est, quod Nos firmiori præmissorum robori & efficacia consulere, interioribusque litibus & controversiis inter utramque Ordinem præfatum circa recitationem enarrati Officii aditum præcludere volentes, motu proprio ac ex certa scientia & matura deliberatione nostris, deque Apostolica potestate plenitudine Decretum dictæ Congregationis Cardinalium die xxi. Januarii MDCCXXX. emanatum cum illius approbatione ac impositione perpetui silentii a memorato Benedicto Prædecessore factis, ut præfertur, editasque super ejus confirmatione litteras nostras præfatas tenore presentium denuo approbamus & confirmamus, ac inconcussè observari præcipimus & mandamus; perpetuumque desuper eisdem Fratribus Ordinis Sanctissimæ Trinitatis silentium iterato imponimus atque injungimus: Decernentes, ipsas presentes litteras de subreptionis vel obreptionis aut nullitatis vicio, seu intentionis nostra, aut interesse habentium consensus, aliorum quolibet, etiam quantumvis substantiali, defectu notari, impugnari, infringi, retractari, in controversiam vocari, aut ad terminum juris reduci, seu adversus illas quodcumque juris, facti, vel gratia remedium impetrari seu intentari nullo unquam posse, sed easdem presentes litteras semper firmas validas & efficaces existere & fore, suosque plenarios & integros effectus sortiri & obtinere; sicque in præmissis per quoscunque Judices ordinarios & delegatos, etiam causarum palatii Apostolici Auditores, ac dictæ

S. R. E.

S. R. E. Cardinales, etiam de latere Legatos, & Sedis Apostolica Nuntios, aliisque quacumque præminentia & potestate fungentes & functiones, sublata eis & eorum cuilibet quavis aliter iudicandi & interpretandi facultate & auctoritate, iudicari & definiri debere; ac irritum & inane, si secus super his a quocumque quavis auctoritate scienter vel ignoranter contigerit attentari: Non obstantibus quatenus opus sit, nostra, & Cancellaria Apostolica regula de jure quæsito non tollendo, aliisque Constitutionibus & ordinationibus Apostolicis, necnon præfati Ordinis Sanctissima Trinitatis, aliisque quibuscumque, etiam juramento, confirmatione Apostolica, vel quavis firmitate alia roboratis, Statutis & consuetudinibus, privilegiis quoque, Indultis, & litteris Apostolicis, Superioribus & personis sub quibuscumque verborum tenoribus & formis, ac cum quibuscumque, etiam derogatoriis derogatoriis, aliisque efficacioribus, efficacissimis, ac insulitis, clausulis, irritantibusque, & aliis Decretis in genere vel in specie, etiam motu, scientia, & potestatis plenitudine paribus, seu alias quomodolibet in contrarium præmissorum quomodolibet concessis, approbatis, & innovatis; quibus omnibus & singulis, etiam si pro illorum sufficienti derogatione de illis, eorumque totis tenoribus specialis, specifica, expressa & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita observata, exprimerentur & infererentur, præsentibus pro plene & sufficienter expressis & insertis habentes, illis alias in suo robore permansuris, ad præmissorum effectum hac vice dumtaxat specialiter & expresse derogamus, ceterisque contrariis quibuscumque. Datum Roma apud Sanctam Mariam Majorem sub Anulo Piscatoris die xi. Maji MDCCXXI. Pontificatus nostri anno primo. F. Cardinalis Oliverius. Loco † Anuli Piscatoris.

Quas quidem litteras Apostolicas, quia sic sanas inveni, ideo præfens earundem Transumpti instrumentum exinde confeci, ut eisdem litteris stetur, & plenaria fidei adhibeatur. Actum, ut supra, præsentibus ibidem DD. Hieronymo, & Francisco Mangini testibus ad præmissa omnia habitis atque rogatis. Præferta littera Apostolica cum Originali revisa concordant. F. B. Riganti Officialis Deputatus. A. F. Dacarius. Loco † Sigilli. Ita est, Joannes Baptista Montleo Notarius Apostolicus. Loco † Signi

De Cultu erga Deiparam in Sacramento Altaris.

32 Non multis abhinc annis prodiit Liber de cultu erga Deiparam in Sacramento altaris auctore Patre Zephyrino de Someire Recollecto Sancti Francisci, in quo asserbatur, in Sacramento altaris aliquam illius partem adesse, eandem videlicet carnem, quam olim ejus sanctissima anima vivificavit, eundemque illum sanguinem, qui in ejus venis continebatur, & ipsum lac, quo ejus ubera plena erant. Addebatur, nos habere in Sacramento non tantum sanguinem Deiparæ, quatenus in carne

nem

378 DE SERVORUM DEI BEATIFICATIONE

nem & ossa Christi mutatus est, sed etiam partem sanguinis in propria specie; neque solum veram carnem ipsius, sed etiam aliquid singulorum membrorum, quia sanguis & lac, ex quibus formatum & nutritum fuit corpus Christi, missa fuerunt ab omnibus & singulis membris Beatissimæ Virginis. Etiam Christophorus de Vega in volumine satis amplo, quod inscribitur, *THEOLOGIA MARIANA*, Lugduni edito A. 1653. fusius ea omnia persecutus est: sed Theophilus Raynaudus in suis *Diptychis Marianis* tom. 7. pag. 65. ea reprobatur, asseritque hæresim sapere juxta Guidonem Carmelitam in *Summa de hæresibus tract. de hæresi Græcorum* cap. 13. cujus verba sunt hæc: *Tertius decimus error Græcorum est. Dicunt enim, quod reliquæ Panis consecrati sunt reliquæ corporis Beatæ Virginis. Hic error stultitia & amentia plenus est. Nam corpus Christi sub qualibet parte hostiæ consecrata integrum manet. Itaque qualibet pars, a tota consecrata hostiâ divisa & separata, est verum corpus Christi. Hereticum autem est & fatuum dicere, quod corpus Christi sit corpus Virginis matris suæ, sicut hereticum esset dicere, quod Christus esset Beata Virgo; quia distinctorum hominum distincta sunt corpora, nec tantus honor debetur corpori Virginis, quantum debetur corpori Christi: cui ratione Divini Suppositi debetur honor patriæ, non corpori Virginis. Ignitur dicere, reliquias hostiæ consecrata esse reliquias corporis Beatæ Virginis, est hæreticum manifeste. Porro Theologorum Princeps D. Thomas 3. part. quasi 31. art. 5. docet primo. Christi corpus conceptum fuisse ex Beatæ Virginis castissimis & purissimis sanguinibus non quibuscumque, sed perditis ad quandam ampliorem dispositionem per virtutem generationis ipsius, ne essent materia apta ad conceptum, cum Christi conceptio fuerit secundum conditionem naturæ; materiamque aptam, sive purissimum sanguinem in conceptione Christi sola Spiritus Sancti operatione in utero Virginis adunatum, & in prolem formatum fuisse; ita ut vere dicatur corpus Christi ex purissimis & castissimis sanguinibus Beatæ Virginis fuisse formatum. Docet secundo, non potuisse corpus Christi formari de aliqua substantia, videlicet de carne & ossibus Beatissimæ Virginis, cum sint partes integrantes corpus ipsius; ideoque subtrahi non potuissent sine corruptione, & ejus diminutione: illud vero, quod aliquando dicitur, Christum de Beata Virgine carnem sumpsisse, intelligendum esse & explicandum, non quod materia corporis ejus fuerit actu caro, sed sanguis, qui est potentia caro. Docet demum tertio, quomodo subtrahi potuerit ex corpore Adam aliqua ejus pars absque ipsius diminutione, cum Adam institutus ut principium quoddam humanæ naturæ, aliquid habuerit ultra partes sui corporis personales, quod ab eo subtractum est pro formanda Heva, salva ipsius integritate in ratione perfecti corporis humani: quæ locum habere non potuerunt in Beatissima Virgine, quæ ut singularare individuum habuit perfectissimum corpus humanum, & aptissimam materiam ad Christi corpus formandum, quantum est ex parte femine, & ad ejus naturalem generationem. Ex quo fit, ut non potuerit*

rit, salva integritate Beatæ Virginis, aliquid subtrahi, quod dici posset de substantia corporis ipsius. Itaque, cum per hanc doctrinam, Fidei principiis conjunctissimam, directe & expressis verbis improbata remanserint asserta in citato libro Patris Zephyrini, ejus doctrina habita est tamquam *erronea, periculosa, & scandalosa*, reprobatusque fuit cultus, quem ex ea præstandum Beatissimæ Virgini in Sacramento altaris asserbat. Loquendi autem formulæ a nonnullis Patribus adhibitæ, *Caro Maria est caro Christi &c. Nobis carnem Maria manducandam ad salutem dedit*, ita explicandæ sunt, non ut dicamus, in Christo aliquid esse, quod sit Mariæ; sed Christum conceptum esse ex Maria Virgine, materiam ipsa ministrante in similitudinem naturæ & speciei, & ideo filium ejus esse. Sic, quia caro Christi fuit sumpta de David, ut expresse dicitur *ad Romanos 1. Qui factus est ex semine David secundum carnem*, David dicitur Christus, ut notat S. Augustinus enarrat. in *Psal. 144. num. 2. Intelligitur laus ipsi David, laus ipsi Christo. Christus autem secundum carnem David, quia Filius David*. Et infra: *Quia itaque ex ipso Christus secundum carnem, ideo David*. Est item sollemnis Scripturæ usus, loquendo de parentibus, ut caro unius vocitetur caro alterius. Sic Laban *Genes. 29. dixit Jacob: Os meum es, & caro mea*; & Judas, loquendo de fratre suo Joseph, *Genes. 27. ait: Frater enim, & caro nostra est*; & *Levit. 18. legitur: Soror patris tui caro est patris tui, & soror matris tue caro est matris tue*; absque eo quod hinc inferri possit, ut in Jacob fuerit aliqua actualis pars corporis Laban, aut in Joseph pars Judæ, aut in filio pars aliqua patris. Igitur id solum affirmare licet, in Sacramento esse carnem Christi assumptam ex Maria, ut ait Sanctus Ambrosius relatus in canone *Omnia, de Consecrat. distinct. 2. his verbis: Hac caro mea est pro mundi vita, & ut mirabilius loquar, non alia plane, quam qua nata est de Maria, & passa in cruce, & resurrexit de sepulcro; hac, inquam, ipsa est*. Et infra loquens de corpore Christi: *Illud vere, illud sane, quod sumptum est de Virgine, quod passum est, & sepultum*.

De cultu Beatissimæ Virginis sub vulgari titulo Del Lume.

33 Universa facti series ex hoc, quod damus, decreto desumitur; cui tantum addi debet, libros, quorum recognitio a sacrorum rituum Congregatione remissa fuit ad sacram Congregationem Indicis, ab ea fuisse prohibitos.

S I R A C U S A N A.

Nonnulli Religiosi viri pro zelo puritatis Fidei & Ecclesiastica disciplina recursion habuerunt ad hanc sacram Congregationem, referentes in Sicilia, & præcipue in ditione Siracusana, evulgata fuisse tria opuscula typis man-

Tomo IV.

A a a a a

data

data sub annis 1733. 1738. & 1739. sub titulo: La divozione della Madre Santissima del Lume; cujus cultum quidam Novater colore assertarum militaris revelationum promovens, excitat populos ad celebrandum festum Santissimæ Virginis sub peculiari titulo Del Lume, prefixo die Mercurii infra Octavam Ascensionis, addendo in titulis novam hujusmodi invocationem, distributis Imaginibus tum papyro, tum metallo æneo impressis, cum mixtura Infernalis hostis, illasque exponendo publicæ venerationi, aliæque id generis in populum disseminando. Placuit EE. VV. nihil remittere hujusmodi recursum, quem cum proposuimus examinandum sub die 27. Januarii 1742. sacra Congregatio rescripsit per hæc verba: Ad Eminentissimum Penitentem, audito R. P. D. Promotore Fidei, juxta mentem. Mens autem fuit, ut scribatur Episcopo Siracusa, qui præpositas celebrandas circa cultum Santissimæ Virginis noviter introductum sub peculiari titulo Del Lume, aliæque omnia contenta in præmissis relationibus auctoritate quoque sacra Congregationis, ac etiam quoad omnes exemptos, omnino proscribat; & insuper invigilet curetque, ne in posterum aliquid adversus dispositionem hanc quoque modo attentari atque infringi contingat. Quo vero ad libros in plurima volumina distributos sub titulo, La divozione della Madre Santissima del Lume, anonymis Autore typis datos, illos suspendat, donec & quousque a sacra Congregatione Indici fuerint recogniti & examinati, ac de super definitio prodierit. Die 27. Januarii 1742.

34 Si ad remotiora etiam Ecclesiæ monumenta manum admoveamus, exempla profecto non deficient prohibitionis nonnullarum rerum, quæ, et cunctæ a pietate originem habuerint, scandalum vitiominus tractu temporis induxerant: In can. 79. Concilii Trullani prohibetur festum, quod fiebat post festum Nativitatis Christi Domini, festum, inquam, Secundinarum impollutæ Virginis Mariæ. Canon hic innititur opinioni, quæ puerum Jesum negat externis illis naturæ contumeliis & sordibus inspersum ex materno utero prodierisse. Sed, cum Patres, celebrioresque Theologi rectius putent, puerum Jesum naturalem nascentis hominis conditionem fuisse secutum, sordibusque illis naturalibus fuisse obnoxium, quæ illibatam Matris virginitatem, & nati Filii sanctitatem minime ladebant, idcirco Christianus Lupus in notis ad citatum canonem tom. 3. pag. 144. nov. edit. recte monet: Præsens Canon Secundinarum festivitatem, ac nugæ in ipsa fieri consuevas rectissime proscribit, ac illas Domino denegans ab antiqua Ecclesiæ dogmata recedit; Errat, virginalem Partum communibus naturæ regulis non fuisse directum. Quamquam sube ullo sanctissimæ Matris dolore Partum ipsum fuisse, teneodum est; juxta dictum S. Bernardi oper. tom. 2. n. 9. & seq. in illud Apocalypsis Signum magnum apparuit in celo: Nova exultatione novam edidit Prolem, sola inter mulieres a communi maledicto & dolore parturientium aliena. Et paulo post: Sola sine corruptione concepit, sine gravamine tulit; sine dolore Filium parturit: Illud enim Genesis cap. 3. In dolore parietis filius, ad partum respicit mulieris ex commixtione viri, uti scite explicat D. Thomas 3. part. quæst. 35. art. 6. In quibusdam Gallicanis ecclesiis

ET BEATOR. CANONIZ. LIB. IV. PAR. II. CAP. XXXI. § 81

clerici insolitus quidam ritus frequentabatur, quo certis anni celebratissimus nonnulli cum Mitra, Baculo, ac vestibus Pontificalibus more Episcoporum benedicebant, alii autem ut Reges & Duces induti procedebant. *Festum hoc sanctorum vel innocentium, seu puerorum* in quibusdam regionibus nuncupabatur: prohibitum vero fuit ab Odone de Soliaco Episcopo Parisiensi auctoritate Petri S. R. E. Diaconi S. Mariæ in Via Lata Cardinalis in partibus Gallicanis a latere Legati, quæ postea prohibitio innovata fuit a Synodo Basileensi, ut pluribus prosequuntur Martene *de antiq. Eccles. discipl. in Divin. celebr. Offic. cap. 13. sub num. 1. & Pagi in breviar. Rom. Pontif. in vita Eugenii IV. num. 89. & 90.* In Rituali Rothomagensi manuscripto, & relato a Patre Honorato de S. Maria *in animadvers. ad regul. & us. Critica tom. 2. lib. 3. dissert. 2.* habetur, die Nativitatis Domini, cantata *Tertia*, Processionem incepisse, quæ postea itabat in medio ecclesiæ, ubi eam sex Judæi vestibus idoneis ad hanc speciem induti, & ex altera parte Gentiles expectabant. Ibi a Cantoribus Prophetæ unus post alium appellabantur, qui sacræ Scripture auctoritatem de adventu Messie pronuntiabant. Appellabatur etiam Virgilius, quem Cantores sic interrogabant: *Maro, Maro, Vates Gentilium de Christo*; Poeta autem respondebat: *Ecce pulo dimissa est.* Ultimo loco Sibylla appellabatur, quæ his verbis interrogata, *Tu Sibylla vates illa, veste femines induta, & capite corona circumdato* respondebat: *Judicii signum tellus sudare etc.* Quibus completis, initium Missæ solemnī dabatur. Hodie vero hæc amplius in usu non sunt. Sed ut exteris nostra inferamus, in civitate Alatrinatæ festum S. Sixti Papæ I. celebrabatur: Feria quarta intra Octavam Paschæ, & quidem ante fores ecclesiæ Cathedralis, viri cum feminis choreas ducebant, atque adeo profana quamplurima sacræ solemnitati admiscebantur. Ad coercenda hujusmodi tripudia, quæ Bacchi potius orgiis, quam Martyris festo conveniebant, Episcopus edicto prohibuit, ne ante fores ecclesiæ prædictæ ducerentur choreæ. At adversus hoc salutare Episcopi Decretum supplicatum est sacræ Congregationi Episcoporum ac Regularium, Marcellus autem Severolus sacræ Consistorialis aulæ Advocatus, & *Votans* Signaturæ Justitiæ & Gratiæ dissertationem omnigena eruditione, qua pollebat, reserctim pro defensione chorearum exaravit, quæ edita est in Opere Anselmi Dandini *de suspectis de hæresi cap. 2. sect. 7. sectione unica.* Dissertatio tamen ipsa solidissimo Responso consultata fuit a Fatinello de Fatinellis celeberrimo Urbis Advocato, deinde Clerico Cameræ, & *Votante* Signaturæ Gratiæ, uti videri potest in ejus Responso 97. *post tractatum de translatione Pensionsi*, & sacræ Episcoporum ac Regularium Congregatio die 2. Aprilis 1694. edictum Episcopi Alatrinatæ approbavit, laudavit, & servari mandavit.

35 Et coherenter ad hæc, cum post nostram ad summum Pontificatum assumptionem ad aures nostras delatum sit, in nonnullis diocesis adhuc superesse quosdam profanos ludos & inverecundos, qui per dies festos

ros passim fiant, encyclicas litteras dedimus ad Episcopos earum dioce-
sum, ipsos excitantes ad avertendum impurum & profanum ritum, indu-
cendamque idoneam rationem dies festos in honorem Sanctorum cele-
brandi, quas encyclicas litteras damus in Appendicibus Tom. VII.

36 Demum cum petatum fuisset, ut per totum Regnum Neapolita-
num in Missæ & Officii Orationibus, cum S. Januarii nominatur, ad
ipsum titulus *Patris nostri* adjungeretur, hoc super hac petitione judi-
cium prolatum est a memorato Cardinali Thomasio, ut ex ejus suffragio
colligitur, quod est in codice supra allato bibliothecæ Cardinalis Passio-
nei: *Hoc petatum omnino rejiciendum videtur, non solum quia Sanctus Janua-
rius non fuit fundator Ecclesiarum illius Regni, vel saltem earundem Pastor,
cum Beneventanum tantummodo rexit Ecclesiam; sed potissimum quia ex an-
tiquo probæque more ac ritu Ecclesia Romana in omnibus Sacramentariis &
Missalibus nunquam titulus Patris nostri ad nomen Sancti alicujus in Orationibus
adjungitur, ne Apostolorum quidem, vel Principis Apostolorum, qui in toto orbe
fundaverunt Ecclesiam sanguine suo. Et merito sane Ecclesia eo se titulo sem-
per abstinnit in Orationibus, cum uno in loco Christus dixerit Matth. 23. 9.
Patrem nolite vocare vobis super terram; unus est enim Pater vester, qui
in celis est: & in alio Luc. 11. 2. Cum oratis, dicite: Pater, sanctifica-
tur nomen tuum. Unde valde inmemores simus oportet, si eo ipso tempore, quo
cum Deo Patre nostro, qui in celis est, loquimur, alium nobis tunc vocemus
Patrem super terram, præter Domini jussum. Sicut enim (ut recte monuit
Sanctus Augustinus serm. 219. nov. edit.) in lectionibus suis sacra Scriptura
Deus nobis loquitur, sic nos Deo loquimur in precibus nostris. Ceterum in Brevia-
rio monastico Sancti Benedicti jussu Pauli V. edito, in Breviario Pramonstratensi,
& in Officiis Minorum Sancti Francisci, quæ hic habeo, nomina Sanctorum
Fundatorum Benedicti, Norberti, & Francisci titulum Patris nostri in Orationi-
bus non habens. Si qua vero Religio illum in eis haberet, delendum censerem
auctoritate Sanctissimi Domini nostri, ne meliore loco esse videantur Religiosum
Fundatores, quam Apostoli, & Sanctus ipse Petrus, Fundatores Ecclesie per to-
tum terrarum orbem constructæ.*

C A P U T U L T I M U M.

*De examine nonnullorum miraculorum, quod aliquando fit in
sacrorum rituum Congregatione ordinaria.*

I **L**icet examen miraculorum, nedum quod attinet ad Beatifica-
tionem, sed etiam ad Canonizationem, expleatur in Congre-
gationibus sacrorum rituum, quæ dicuntur *Antepreparatoria*.
Preparatoria, & *Generales* coram summo Pontifice, de quibus alibi actum
est; aliquando tamen contingit, ut nonnullorum miraculorum examen
fiat in sacrorum rituum Congregatione ordinaria.

2 Id vero ut plene percipiatur, operæ pretium est in memoriam revocare, ad præscripta Concilii Tridentini posse Ordinarios locorum construere processus, & pronuntiare super miraculis, adhibitis in consilium Theologis aliisque piis & doctis viris, dummodo agatur de miraculis a Deo patratæ intercessione eorum, qui jam in album Sanctorum relati sunt, juxta ea, quæ in secundo libro late adducta fuerunt. In quorum comprobationem addi potest, quod Joseph Archiepiscopus Messanenſis die 11. Novembris 1712. auditis Theologis, & præmissis præmittendis, per sententiam declaravit constare de miraculo nonnullarum lacrymarum, quæ a quadam Imagine Beatissimæ Virginis, & Domini nostri Jesu Christi in civitate Messanenſi fluxisse dicebantur; item, quod Stephanus Abbas Christiani olim Vicarius Generalis Metropolitane Ecclesiæ Bononiensis die 8. Augusti 1718. per sententiam pariter pronuntiavit, confecto processu, adhibitisque in consilium viris doctis, & in Acta relata attestante juramento confirmata Francisci Simonis Doctoris; Physici magni nominis, & insignis Professoris publici in patrio Bononiæ Archigymnasio, constare de prodigiosa sanatione, tamquam de miraculo tertii generis, de prodigiosa, inquam, sanatione nobilis puellæ Dianiræ filix Senatoris Hieronymi de Guastavillanis intercessione Beatæ Mariæ Virginis Septem Dolorum.

3 Si itaque Ordinarii post constructum sua auctoritate processum abſtineant pronuntiando; processu autem ad sacrorum Congregationem misſo, aut ipsi aut alii insistent pro miraculi approbatione, tunc miraculi examen assumitur a sacrorum rituum Congregatione ordinaria, & auditò tum scriptis tum voce Fidei Promotore, profertur declaratio de approbatione aut reprobatione miraculi.

4 Desumitur id ex pluribus ejusdem sacræ Congregationis decretis: & primo quidem ex decreto edito in causa Atrebaten. 4. Aprilis 1626. cum, divulgato rumore, quod Imago quædam Beatissimæ Virginis depicta in pariete viridarii nonnullarum Monialium diocesis Atrebaten. splendorem emisſisset, instante Archiepiscopo, sacrorum rituum Congregatio ordinaria examen asserti miraculi instituit, idque minime approbavit. Secundo, ex decreto in quadam causa Pistorien. 26. Februarii 1628. in quo sacra Congregatio demandavit Episcopo, ut reponi curaret quamdam Imaginem Domini nostri Jesu Christi crucifixi, ex qua quidam testes in processu examinati nonnullas lacrymas fluxisse dixerant, postea statim evanuisse. Tertio, ex alio decreto in quadam causa Spoletina die 10. Septembris 1630. in quo similiter non fuit approbatum assertum miraculum guttarum, quæ dicebantur inventæ in Imagine Salvatoris nostri coronæ spinæ redimiti, super quo eventu constructus fuerat processus, & ad sacram Congregationem misſus. Quarto, ex alio decreto in causa Licien. 9. Julii 1633. in quo fuit demandatum, ut cooperiretur quædam Imago Beatissimæ Virginis, ex qua oleum dicebatur manasse. Quinto, ex decre-

to in causa Adiaena. 22. Novembris 1687. in quo pronuntiatur fuit, non constare de miraculo sanguinis erumpentis ex statua S. Francisci. Sexto denique, ex his, quæ contigerunt in causa Urbeveta Apparitionum. 15. Maji 1694. Scilicet miraculum supra recensitum, quod Deus operari dignatus est in oppido Vulsinii diocesis Urbevetae, incredulo Sacerdote Missam celebrante, contigit in ecclesia dicata Sanctæ Christinæ. Prope autem hanc ædem extat parva crypta, in qua nonnulla sunt saxa. super quibus ceciderunt aliquæ Sanguinis guttæ. Cumque anno 1693. fama increbuisse, in his Sanguinis guttis imagines visas esse Jesu Christi primum forma pueri, deinde sub specie hominis flagellati, spineaque corona redimiti, itemque a Cardinali Millino Episcopo Urbevetano constructus fuisset processus, & ad sacrorum rituum Congregationem missus, de prodigiis istis Apparitionibus actum est, referente Clemente XI. tunc Cardinali, & scribente Prospero Bottinio Archiepiscopo Myrensi tunc Fidei Promotore, nihilque decretum fuit.

5 Probant enimvero exempla hucusque relata, si res sit de miraculis à Deo patris intercessione non Beatorum, nec Beatificandorum, sed Sanctorum; & præterea, si Ordinarii, constructo processu, abstineant a pronuntiatione, posse sacrorum rituum Congregationem ordinariam dictorum miraculorum examen assumere. At ea tamen ita explicanda sunt, ut nulla fraudis, nulla illiciti lucri, nulla affectate sanctitatis in his, qui de miraculo testantur, adsit suspicio; tunc enim asserti miraculi cognitio ad effectum punitionis pertineret ad Tribunal sanctissimæ Inquisitionis, juxta plene firmata per Cardinalem Albitium de *inconstantiâ in fide* cap. 40. num. 195. & seqq. Ideoque in re, de qua nunc agimus, pertinet tantummodo ad sacrorum rituum Congregationem examen eorum miraculorum, in quibus nulla occurrit prædictarum rerum suspicio, & in quibus unice indago limitatur ad probationem, & ad *relevantiam*, ut loquuntur, quarum defectus bene stare potest cum defectu fraudis & suspicionis, uti consideranti patebit, & uti probe colligi potest ab exemplis ipsis supra relatis; in quibus, licet sacrorum rituum Congregatio Ordinaria miracula proposita approbare noluerit, Tribunal nihilominus sanctissimæ Inquisitionis nihil egit contra testes asserta miracula confirmantes, non nisi quia nihil fraudis, nihil simulationis, nihil affectate sanctitatis in eis deprehensum est. Nimirum idcirco sacrorum rituum Congregatio ab approbatione miraculorum abstinuit, quia aut testium dicta non coherebant inter se; aut minus apta habita sunt ad concludendum id quod probari contendebatur; aut tandem quia, etiam admissis testium dictis, res ipsa non est visa talis roboris & momenti, ut naturæ vires excederent.

6 Antequam a summo Pontifice Sixto V. instituta fuisset sacrorum rituum Congregatio, cum in Galliis quoddam miraculum contigisset in Hostia consecrata, Acta autem miraculi fuissent ad summum Pontificem Pium V. delata a quodam Sacerdote, coacta est a sancto Pontifice virorum docto-

doctorem Congregatio, qui totam rem perpenderent; tum, eorum habita relatione, Pontifex iussit, Sacerdotem in Gallias redire, & secum ferre litteras Apostolicas sub forma Brevis Nuntio Apostolico inscriptas, in quibus ipsi mandabatur, ut, negotio communicato cum Episcopo Laudunensi, & Nicolao Espineo Canonico, qui rei gesta interfuisse dicebantur, ageret cum Rege Christianissimo, ut miraculum typis imprimeretur, & ad Dei laudem in lucem omnium prodiret; ut apparet ex ejusdem Pontificis litteris Apostolicis, quas damus.

Venerabili Fratri Fabio Episcopo Cajacen. apud carissimum in Christo Filium
nostrium Carolum Francorum Regem Christianissimum nostro
& Apostolica Sedis Nuntio.

P I U S P P. V.

Venerabilis Frater, salutem &c. Dilectus Filius Joannes Bolafius Presbyter, qui has nostras tibi reddet litteras, flagrans studio Divini honoris amplificandi, ac etiam devotionis erga Nos & sanctam Romanam Ecclesiam, superioribus mensibus ad Nos venit, Atque quodam ingenti volumine comprehensa insignis miraculi in civitate & diocesi Laudunensi, Episcopo ipsi eximia pietate administrante, in persona cujusdam mulieris oppidi Urui ad Hareticorum pravitatem confundendam, & eorum corda illuminanda nuper sacri attulit. Que quidem nonnullis viris integritate, religione, experientia, & doctrina praeclatis, & Nobis probatis diligenter videnda ac mature examinanda dedimus. Quorum relatione Nobis facta, Deo omnipotenti gratias egimus, qui calamitose hoc nostro saeculo ad Divina sua majestatis gloriam, piorum adificationem, & errantium reversionem pro sua ineffabili misericordia in ista provincia tantis haresibus exagitata mirabilium suorum signa operari dignatus est. Quare, cum admirandum hoc, & numquam satis celebratum sacrosancta Eucharistia miraculum eorum innumerablem hominum multitudinem factum fuisse referatur, ita, id ad omnium populorum cognitionem ut perducatur, magnopere studendum est. Ideoque extracta rerum omnium precipuarum & insigniorum, quae ad illius manifestationem pertinere videntur, ad te per eundem Joannem mittimus, volumusque, ut, iis cum Episcopo Laudunensi & Nicolao Espineo Canonico, qui rei gesta interfuisse dicuntur, accurate communicatis, si ipsi, ea ita, ut narrantur, acta esse confirmaverint, mox cum Christianissimo Rege nomine nostro agas atque efficias, ut in ejus Regno miraculum ipsum ad Dei laudem Majestatis sua Christianissima favore imprimi, & in lucem omnium prodire possit. Quod ut fidelius & exactius fiat, eundem Joannem imprimendi curam habere, opera pretium fore existimamus. Datum apud Sanctum Petrum &c. die 8. Octobris 1571. Pontificatus nostri anno sexto.

In ecclesia Domus sanctae Crucis Ordinis Fratrum Praedicatorum de Observantia nuncupat. Jaurien. diocesis in Regno Hungariae conservabatur

batur Hostia sanguine prodigiose aspersa; atque in dies evidentissima miracula fiebant, propter quæ populi multitudo eo consuebat. Itaque summus Pontifex Alexander VI. in Constitutione 97. in *Bullario Fratrum Dominicanorum tom. 4.* Indulgentiam elargitus est Christianidelibus vere poenitentibus & peccata confessis, qui ecclesiam prædictam visitassent in festis Corporis Christi, S. Dominici, Exaltationis S. Crucis, & celebritatis Omnium Sanctorum. In ecclesia S. Mariæ a Vado Ferrariæ monasterii Canonicorum Congregationis Rhenanæ S. Salvatoris anno 1171. contigisse dicitur, ut Parocho Missam celebrante, subitaque tentatione perturbato atque hæsitante, quoniam pacto panis fieri posset vera Christi caro, dum juxta ritum Hostia elevaretur, quotquot aderant, qui multi sane erant, Infantulum aspexerint, atque etiam in Missæ progressu fracta Hostia, tantus sanguis emanarit, ut Capellæ celum totum sanguineis stellis fuerit conspersum. Hujus autem prodigii gratia ecclesiæ fuit bonis temporibus & spiritualibus Indulgentiis locupletata tum a Gerardo, & Joanne Archiepiscopis Ravennæ, tum a summis Pontificibus Eugenio III. Eugenio IV. Paulo III. Paulo IV. Pio V. Gregorio XIII. Clemens autem Papa VIII. Ferraria in suam ditionem vindicata, sacratissimum Sanguinem læpe adoravit, Missamque in ecclesia præfata celebravit, teste Signio, qui tunc vivebat, in suo tractatu *de Reliq. pag. 146. & sequ.*

8 In ecclesia Collegii Complutensis Societatis Jesu conservantur viginti quatuor Hostiæ sive Formæ consecratæ, & ab anno 1597. usque in præsens mirabiliter incorruptæ. Ferunt quippe, impios nonnullos homines ex Maurorum gente eas surripuisse, ut argenteam Pyxidem venderent, adolescentem vero ex Hispanis parentibus, & ab avita origine Christianis, Hostias conservasse, & Patri Joanni Suarez tradidisse; qui, cum, adhibito ad consilium Patre Gabriele Vasquez, eas ob suspicionem veneni an loco humido sed decenti reposuisset, ut humore corruptas in cineres redigeret, & sancte dissiparet, ipsas post aliquod tempus non putrefactas, sed candidas & integras invenit, atque in eodem statu diu eas vidit; licet ad sumendum experimentum alias quasdam Hostias non consecratas in eodem humido loco reposuisset, quas reperit putrefactas, & vermiculis scatentes. Ita res narratur a Joanne Eusebio *de miraculis Naturæ cap. 23.* a Joanne Bonifacio Bagatta *in admirandis Orbis Christiani tom. 2. lib. 3. in append. 2. ad cap. 3. num. 5.* & a Petrasanta *tom. 3. de miraculis perpetuis Ecclesiæ Castiliæ cap. 11:* ubi etiam addit, ab Academia Complutensi, & a Vicario, atque Senatu Ecclesiæ Tolentanæ latum fuisse judicium de eorumdem Hostiarum mirifica conservatione.

9 Concordant authentica documenta ab Hispaniis ad sacrorum rituum Congregationem missa una cum sententia Vicarii Generalis Archiepiscopi Tolentani, qui die 28. Martii anno 1682. post visitatam sacram Custodiam, in qua Formæ conservantur, declaravit, eas esse, quæ Patri Suarez fuerunt traditæ, easque incorruptas per miraculum spatio tot annorum

norum permanſiſſe, & permanere; indulſitque, ut celebraretur ſolemne Feſtum Dominica quarta Quadrageſimæ cum publica Proceſſione.

10 Ad hæc, inſtantibus Rege Catholico, Cardinali Archiepiſcopo Toletano, Abbateque & Capitulo eccleſiæ Sſ. Juſti & Paſtoris civitatis Complutenſis, ſupplicatum eſt pro facultate, ut ab omaibus tum Sæcularibus tum Regularibus, qui Compluti ad Horas canonicas tenentur, Officium cum Miſſa propria recitari poſſet.

11 Sacrorum autem rituum Congregatio, ad quam petitionis examen remiſſum fuit, mandavit Proſpero Bottinio Archiepiſcopo Myrenſi tunc Fidei Promotori, ut ſuas exararet animadverſiones; quod utique ab eo ſtrenue præſtitum eſt; ſed a ſacra ipſa Congregatione die 20. Martii 1683. reſponſum fuit: *Non propoſita*. Difficultates namque, & quidem magni ponderis, conſtitutæ fuerunt in defectu probationis conſecrationis Hoſtiarum, & identitatis earumdem; cum conſecratio non deſumeretur, niſi ex quadam relatione memorati adoleſcentis, hominis proſecto ignoti & unici, qui factum retulerat Patri Suarez; teſtes autem examinati, vel, poſita identitate Hoſtiarum, conſervationem dicerent miraculo adſcribendam, vel de identitate ipſa magis opinando, quam certe aſſerendo loquerentur.

F I N I S.





EXCUDERANT ROMAE
NICOLAUS ET MARCUS PALEARINI
ACADEMIAE CONIMBRICENSIS
BIBLIOPOLAE ET TYPOGRAPHI ROMANI
AD THEATRUM POMPEII
ANNO MD. LXX. CC. XLIX. MENSE APRILIS
SEDENTE
BENEDICTO XIV. PONT. OPT. MAX.
PONTIFICATUS EJUS
ANNO IX.



THE
LIBRARY OF
THE
UNITED STATES
DEPARTMENT OF
THE ARMY
WASHINGTON, D. C.





005645491

